

W



Ex Bibliotheca  
majori Coll. Rom.  
Societ. Jesu

48.2.13.

48 48  
1 5  
13 13







IOANNES WIGGERS  
DIESTENSIS  
IN  
PRIMAM SECVNDAE  
DIVI THOMÆ  
AQVINATIS.



IN  
PRIMAM SECVNDÆ  
**DIVI THOMÆ**  
AQVINATIS  
COMMENTARIA  
IOANNIS WIGGERS  
DIESTENSIS  
S.TH.DOCT.AC PROFESSORIS REGII  
IN SCHOLIS PVBLICIS  
**ACADEMIÆ LOVANIENSIS.**



**LOVANIÆ,**  
Apud IOANNEM OLIVERIVM  
& CORNELIVM COENESTENIVM.  
M. DC. XXIX.



D E O  
OPTIMO MAXIMO  
M A T R I  
ECCLESIAE CATHOLICÆ  
S V B

CHRISTI VICARIO  
PONTIFICE ROMANO  
MILITANTI  
D E V O T I S V N T O

HI QVALESCVNQVE LABORES NOSTRI  
AB ANNIS CIRCITER OCTO

LOVANII

IN SCHOLIS ACADEMICIS  
DISCIPVLORVM CALAMO COMMISSI

N V N C R E V I S I

ET PAVCIS ADDITIS EX MVLTORVM VOTIS  
TYPOGRAPHORVM PRÆLO PERMISSI

SINT ACCEPTI SINT SALVTARES

ITA ORO ITA OPTO

I. W.

## AD LECTOREM

Super Commentariis Eximii Viri Domini D. ac M. N.  
IOANNIS WIGGERS Dieffenſis, S. TH. Doctōris  
ac Profeſſoris Regii, in Primam Secundæ  
D. THOMÆ AQUINATIS.

**Q**uiſquis & ingenii, & clara brevitatis amator,  
Doctrinæque paris quiſquis amator eris:  
Perlege Wiggerium, laude eſt notiſſimus iſtâ,  
Subtiliſque ſuos promit ab arte libros.  
Adde, quod hîc tractet ſcitu pulcherrima: quodque  
Haud dubiam digito monſtret ad aſtra viam.  
Hic liber eſt, ex quo Primum cognoscere Finem;  
Ex quo jam notum velle, fruiſque potes:  
Poſſe per humanos actus oſtendit haberi:  
Actus damniferâ ſi modò labe vacant.  
Poſſe per humanos actus oſtendit amitti:  
Si non arbitrio noxa remota tuo eſt.  
Si tamen aterna nonnunquam jure ſalutis  
Excideris vitiis, criminibusque tuis:  
Poſtquam noxarum poſuit discrimina; tandem  
Crimina purgentur quâ ratione, docet.  
Et quid ad hoc valeat cœleſtis Gratia? quid Lex?  
Regula lex operis, regula tuta tui.  
Eſt liber Angelicis dignus, metroque, lyrâque,  
Altior humanis verſibus iſte liber.  
Vive diu Wiggers, quò plures edere poſſis.  
Omnes ô mecum dicite! Vive diu.

MATTHIAS FROIDEBIZE, in Pædagogio Falconis  
Lovanii Philoſophiæ Profeſſor primarius.



## C E N S U R A.

**P**Rauum cor hominis & inscrutabile, natum tricas ingerere Conscientiæ, tum discernendæ, tum dirigendæ. Sed viuus sermo Dei & efficax, & penetrabilior omni gladio ancipiti, & pertingens vsque ad diuisionem animæ ac spiritus, compagum quoque ac medullarum, & discretor cogitationum & intentionum cordis. Cuius sensa, cum breui, subtili, planâ securaque Scholæ methodo exponant hæc Commentaria E. D. IOANNIS WIGGERS; quo Animarum æterno bono præluceant, meritissimò in lucem dari posse, censeo. Louanij 8. Maij. 1629.

MART. LVNECENIVS Apostolicus  
ac Regius Librorum Censor.

---

### SVMMA PRIVILEGII.

**P**HILIPPVS IV. *Dei Gratiâ totius Hispaniæ, vtriusque Sicilia, Indiarum, &c. Rex Catholicus, Serenissimus Belgarum Princeps, &c. diplomatibus suis sanxit, Ne quis ex parte vel toto IOANNIS WIGGERS Diestensis S. Th. Doctoris ac Professoris Regij in Scholis publicis Academiæ Louaniensis Commentaria in Primam Secundæ D. Thomæ Aquinatis, præter Ioan. Oliuerij Bibliopola Louaniensis voluntatem, vel ullo modo in Belgio intra nouennium imprimat, aut alibi terrarum impressa in has Inferioris Germaniæ ditiones importet, venaliâve habeat. Qui secus faxit, & confiscatione librorum, & alijs grauius penis, mulctabitur: vt latius patet in litteris datis Bruxella 15. & 16. Februarij, Anno M. DC. XXIX.*

Signat.

De Groote.

Et in Concilio Brabanticæ

Steenhuyse.

---

ERRATA vide correctâ in fine operis post Indicem.

IOANNIS WIGGERS,  
 DIESTENSIS,  
 S. Theologiæ Doctoris, ac Professoris Regij  
 IN SCHOLIS PVBLICIS  
 ACADEMIÆ LOVANIENSIS,  
 COMMENTARIA  
 IN  
 PRIMAM SECVNDÆ  
 D. THOMÆ  
 AQUINATIS.

P R Æ F A T I O

Ordinis & Connexionis rationem continens Secundæ Partis  
 cum Primâ: & illius simul exponens argumentum.



**D**OCTRINAM Theologicam vniuersam distribuit & tradidit D. Thomas aptâ methodo & Scholastico modo per tres Partes, quæ Summa totius Theologiæ appellantur; Secundam verò Partem, ob materiæ in eâ tractandæ latitudinem, subdivisit in duas: & vocatur altera communiter Prima Secundæ: altera Secunda Secundæ. Ordinis & Connexionis ratio secundæ partis cum primâ Summæ hæc ab Authore in Proœmio indicatur, quod in Prima parte egerit de exemplari, de Deo, videlicet secundum se, simulq; de his, quæ processerunt ex diuinâ potestate secundum eius voluntatem, vt videlicet liberè & pro beneplacito operantem: quare restare dicit, vt consideremus de eius imagine, id est, de

homine, secundum quod & ipse suorum operum est principium, quasi liberum arbitrium habens & suorum operum potestatem; conducit namque imaginis accurata perceptio ad plenioris exemplaris cognitionem, propter quandam rationis affinitatem & analogiam, quæ inter exemplar & imaginem intercedunt. Tractat autem de homine in hac Parte non quatenus à Deo per creationem emanauit, sub qua ratione, multa de homine in 1. Parte dicitur, quæ speculationem solùm continent: sed agitur hic de homine, quatenus medijs facultatibus, secundum quas ad similitudinem & imaginem Dei factus est, intellectu videlicet & voluntate, in Deum tanquam finem suum regreditur. Quare hæc cōsideratio hominis potissimum practica est: non enim eò solū tendit, vt hominis ratio eiusque vires & actus speculatiuè intelligantur, sed eò magis, vt cognoscamus, quomodo homo debeat actus suos instituere & exercere.

exercere, vt conformiter operetur exemplari suo Deo, à quo omnia secundum exactam virtutis regulam fiunt, & vt conformiter operando, ad eum tanquam finem suum vltimum redeat, à quo tanquam primo principio & exemplari processit. Cur autem de homine potius eiusmodi doctrinam existimauerit auctor tradendam, quàm de Angelo, plures possunt esse rationes: vt quod modus Angelorum tendendi in finem nobis sit occultior, vel quia breuiori tempore completur, quàm vt longam disputationem requirat. Tertio & potissimum, quia scripsit D. Th. in ordine ad praxim, vt habeat homo vtiat certis regulas & præcepta, secundum quæ instituat actiones suas conuenienter ad finem, ad quem adhuc

tendit: Angeli verò, tum quòd ad metam omnes peruenierint, tum quòd per se perspicacioris sint intellectus, non indigent huiusmodi nostrâ instructione. In 1. itaq; 2<sup>a</sup> demonstrato in primis fine vltimo, cuius ademptione verè beatur homo, & in quæ proinde debet omnia sua dirigere, pergit D. Th. tractare de actibus humanis in genere, & de eorum generalibus principiis, internis & externis, quibus vel ad finem illud peruenitur, vel ab eo deuiatur & exciditur. In 2<sup>a</sup> verò 2<sup>a</sup> agit de principiis particularibus & specificis huiusmodi actuum, quæ sunt virtutes tum Theologicæ, tum morales, & habitus vitiosi his oppositi. Hinc faciliè percipitur, quæ sit ordinis inter has Partes ratio.

## COMPENDIOSA

### ET METHODICA EXPLICATIO

corum, quæ ad causam finalem in genere spectant.

#### C A P V T I.

##### De Quidditate Cause finalis & eius diuisione.

**P**riusquam in particulari explicationem doctrinæ, quam D. Thom. quæst. 1. per octo Articulos tradit de fine hominis, aggrediar, operæpretium duxi quædam ex studiis Philosophicis hic de causâ finali repetere, tam pro faciliiori plenioriq; dictæ doctrinæ intelligentiâ, quàm simul pro commoditate legentium, ne memoriæ forsitan renouandæ gratiâ cum animi distractione cogantur ad præterita studia recurrere. Distribuemus autem hunc de finali causâ Tractatum in tria Capita. In primo agetur de quidditate Cause finalis, eiusque diuisionibus. In secundo de eius Causalitate. In tertio de esse, secundum quod causat. Breuitati autem in omnibus studentes, vti nec alibi, ita neque hic euagabimur per varias DD. opiniones (quarum enarratio & prosecutio sæpius plus obscuritatis quam lucis, plus confusionis quàm distinctionis animo Lectoris, præsertim nondum exercitissimi, offundunt & ingenerant:) sed eam dumtaxat, quam veriore existimabimus, à suis fundamentis explicare, & solidioribus paucisque argumentis stabilire conabimur; Respondendo simul ad principaliora capita, quibus alij subnixi, ab hac quam delegerimus sententiâ recedunt, & diuersam sectantur. Vbi tamen vtraque contradictionis pars verisimilitudinis ratione penè pari contendere visa fuerit, explicatis breuiter vtriusque fundamentis, Lectori dijudicandi eligendique relinquemus facultatem.

**F**inis describitur à Philosopho lib. 2<sup>o</sup> Physic. cap. 3. esse id, cuius gratiâ omnia fiunt. Verba conueniunt fini absolutæ acceptione sumpto: quia omnia fiunt propter finem. Descriptio autem accommodabitur fini personaliter accepto, seu inferioribus, si finis dicatur esse id, cuius gratiâ aliquid fit, vel est. Sic ambulandi finis est sanitas: cur enim deambulat, interrogati, inquit Philosophus, quò valeat, respondemus. atque si hoc pacto dixerimus, reddidisse causam arbitramur. Vnde generis loco in definitione rectè statuemus, causam: nec enim de fine agimus in eâ generalitate, quâ vocabulum hoc se ad cuiuscunque rei terminum seu extremitatem extendit; quo pacto punctum dicitur finis lineæ, & vltimum mutatum esse, finis motus: sed de fine, qui inter causas annumeratur. Quod itaque additur, Cuius gratiâ omnia fiunt, subit rationem differentie, quâ finis à reliquis causarum generibus distinguitur, quorum gratiâ non causantur seu fiunt alia, sed ipsa potius causant propter aliud, quod est finis. Porro in definitione per Omnia, seu, vt habetur 2. Metaph. cap. 8. Cætera, non tantum intelliguntur, quæ sunt intermedia inter finem eiusque consecutionem seu possessionem, & inter primam intentionem finis, sed generaliter

## Tract. De Causa finali,

raliter omnis volūtatis actus tum elicitus, tum imperatus, qui ex finis bonitate seu conuenientiā apprehensā & alliciente exercetur, etiam ipsa voluntas seu intentio finis, & ipsa fructio & quietatio voluntatis in possessione finis, quia finis bonitate alliciente & causante hæ quoque actiones fiunt. Vnde quod dicitur cuius gratiā, non idem est finis amore, quasi causalitas finis præsupponeret amorem & affectum finis: sed idem est quod, cuius bonitate mouente ac trahente fiunt cætera, ita ut etiam ipse amor finis sit effectus finis, quia propter suam bonitatem amatur. Quæ in sequentibus ex D. Tho. doctrinā & dilucidiora & magis probata euadent.

### De Diuisione Finis.

**T**ripliciter Finis vītatē diuiditur. 1. in finem Cuius & in finem Cui. Ille est Bonum aliquod, quod voluntatem ad sui propter se desiderium excitat: Hic autem est suppositū, cui desideratur & quæritur finis Cuius, tamquā quoddam bonū ipsius, siue ut primū ipsi producatur, siue ut ab eo teneatur & possideatur. Sic finis Cuius est sanitas, doctrina, opes, quæ quis desiderat respectiue propter ipsorum bonitates & conuenientias. Finis Cui est persona, cui tale bonum voluntas desiderat & procurat. In ratione causæ finalis potior est finis Cuius quam finis Cui: bonū enim propriè est cuius gratiā omnia fiunt: quia tamen bonum importat relationem conuenientiæ ad subiectum seu suppositum cui bonum est (hinc enim semper alicui appetitur) ideo finis Cui, ut ad eum relationis bonitatis terminatur, potest dici simul finaliter causare, ita ut ex utroque intelligi possit constitui vna quasi completa finalis causā, quæ sit Bonum, ut huic supposito conueniens.

Alio modo diuiditur finis, in finem Cuius, ut loquitur D. Thom. hic quæst. 1. art. 8. vel potius in finem Qui, ut loquuntur alij, & in finem Quo. Diuisum huius diuisionis est finis Cuius, ut est membrum diuisionis præcedentis, ut ex dicendis modò perspicui poterit: quare primum membrum huius diuisionis potius nomine finis Qui, quam finis Cuius exprimendum diximus, maioris distinctionis gratiā, ne cum diuiso videatur commune.

Finis Qui, est ipsa res in quā ratio boni inuenitur. Finis Quo est adeptio seu tentio ipsius finis Qui: sicuti inquit D. Tho. si dicamus, quod motus corporis grauis finis est vel locus inferior videlicet tamquam res, vel hoc quod est esse in loco in-

## Cap. 1. De Quiddit. & diu. fin. 3

feriori, ut vsus seu tentio illius loci. Sic quoque avaro finis Qui est pecunia, & homini intemperanti voluptas, tamquam res quas adipisci respectiue cupiunt. Finis autem Quo avari est possessio pecuniæ, & intemperantis est frui re voluptuosa, siue fructio voluptatis, ut habet Diuus Thomas quæst. 3. artic. 1. Alij finem Qui vocant finem obiectiū, & finem Quo vocant finem formalem: quos Diuus Thomas infra quæst. 11. artic. 3. ad 3. rectè aduertit non tam duos esse fines quam vnum: quia neque obiectum attingi potest nisi per actum: neque actus exerceri nisi circa obiectum, & ideo motio ac intentio agentis est ad vtrumque per modum vnius, & sic vtrumque complet vnam causam finalem.

Tertiò diuiditur finis in finem vltimū, & finem non vltimū.

Finis vltimus iterum subdividi potest in finem vltimum simpliciter, qui scilicet nec in eodem genere nec in diuerso refertur ad aliud, sed vltimatè propter se ab operante intenditur; vnde etiam vocari solet finis vltimus operantis & dici positiue vltimus: & in finem vltimum secundum quid, qui scilicet ut sic ad aliud in eodem genere non ordinatur: & hic dici solet finis vltimus operis, aut vltimus negatiue.

Finis non vltimus est, cuius gratiā quidem aliquid fit, sed in ordine & cum intentione ad aliquid vltius, ut v.g. opes quarum gratiā fit negotiatio in ordine ad honestam familiæ sustentationem vel ad magnificentiā aut quid simile. De hoc fine disputatur, vtrum ut sic verè sit finis, verèque exerceat causalitatem finis: quæ disputatio incidit satis cum illa quæstione, vtrum bonum vtile ut vtile possit habere rationē causæ finalis. Omisissis opinionibus Respondetur breuiter, Bonū vtile posse dupliciter considerari, scilicet vel tantum cum ordine ad illud ad quod vtile, vel simul cum ordine ad aliud, quod ad ipsū consequendum est vtile. Quando priori modo consideratum terminat actum voluntatis, tunc purè & propriè exercet rationem vtilis ad aliud, & sic nullo modo habet vel habere potest rationem causæ finalis. Quando autem consideratur 2. modo & sic appetitur, tunc etiam quā vtile est terminat voluntatem, sed illa vtilitas in ordine ad id quod eius gratiā fit, est quodammodo bonum aliquod absolutū & secundum se expetibile, quamvis non vltimatè sed in ordine ad aliud: vnde tunc exercet rationem quidem boni relatiui seu vtilis sed per modum absoluti, quia non est vtile ad id quod eius gratiā fit, vnde respectu huius est

A ij quasi

#### 4 Taët. De Causa finali,

quasi bonum per se: quæ tamen bonitas est simpliciter relatiua, scilicet ad illud ad quod assequendum deferuit: vnde inferre licet, bonum vtile quæ vtile, sed relatum, non præcise ad id, ad quod ipsum vtile, sed ad illud quod ad ipsum est vtile, posse habere rationem non tantum quasi termini acquirendi sine causalitate, vt quidam dicunt, sed etiam ipsam rationem finis ac finalis causationis: quia hæc vtilitas seu commoditas ad bonū aliud, proximè mouet voluntatem ad primum medium adhibendum, quamuis id non præstet nisi vt relatiua ad illud bonum aliud.

Inferitur secundò, etiam finem non vltimum, vt sic esse verè finem, & causalitatem finis exercere, quamuis non tam excellenter & absolute sicuti finis quocumque modo vltimus, quia in hoc est aliqua bonitas absoluta, quæ per se sine ordine ad aliud mouet etiam in actu secundo: In isto autem esse tantum bonitas quæ simpliciter est respectiua, nec mouet nisi vt habens ordinem ad aliud, sed ita vt tamen propter hoc ipsum, quia ad aliud vtile est, eius gratia fiat aliud quippiam antecederet.

### CAPVT II.

#### De causalitate finis.

**I**N causis, præsertim finali & efficiente, quando cum effectu causant, vt distincta considerari possunt hæc tria, scilicet potentia seu virtus vel ratio proxima, quæ causa potens est ad causandū, effectus, & causalitas, quæ apprehenditur quid medium inter causam, vt in actu primo consideratam & inter effectū; diciturque esse illud, quod causæ tribuit actu causare, siue quo constituitur actu causans: vnde nō est relatio causæ sed quid relatione prius. Hæc itaque quo modo in genere causæ finalis locum habeant, & quænam illa possint esse, breuiter hic explicandum erit. Et quidem quod ad primum attinet, Caietanus 2. 2. quæst. 17. art. 5. vbi prædicta tria distinguit, vocat illud, rationem finalizandi, neque aliter explicat quàm quod significetur per litteram cuius gratiæ. Iaellus autem lib. 5. metaph. quæst. 5. vocat causalitatem, aliter hoc nomen accipiens quàm communiter nunc vsurpetur, & dicit similiter iuxta Philosophum designari per esse id cuius gratiæ aliquid fit. Verum quia iterum iam quæri posset, quid sit illud cuius gratiæ, hinc clariùs loquuntur & plenius exponunt rem, qui dicunt formalem rationem quæ aliquid in ratione causæ finalis constituit, dans ei, vt sic loquamur, virtutem finaliter causandi,

#### Cap. 2. De Causalitate finis.

esse bonitatem. Sumi id potest ex Philosopho lib. 2. Physic. c. 3. & lib. 5. metaph. c. 2. quibus locis dicit finem & bonū esse idem; & ex D. Th. 1. p. qu. 5. art. 4. hic qu. 1. art. 1. & lib. 3. contra gentes c. 2. & 3. Vbi ostendit idem esse operari propter finem & operari propter bonum. Probat autem, quia ratio eius causandi consistit in aptitudine & virtute metaphoricè mouendi voluntatē ad opus alliciendū, & in sui desiderium trahendo. Nihil autem voluntatē mouet, & trahit, nisi boni habeat rationem aut speciem. Quæ ex infra dicendis magis constabunt. Neque quod ad rem attinet, videtur de hac formali ratione, quæ constituitur finalis causa quasi in actu primo, esse controuersia: quamuis in modo explicandi, aut loquendi possit esse aliqua diuersitas.

Quod ad secundū attinet, ex dictis cap. præcedente circa definitionem finis, colligere licebit, quinquam causæ finalis sint effectus, nimirū omnes actus humani, quos hic D. Th. q. 1. art. 1. generaliter pronuntiat fieri propter finem. Vnde non tantū actus voluntatis tum eliciti, tum imperati, qui circa media ad finem versantur, vel sunt ipsa media, sed etiam illi qui directè & proximè versantur circa ipsum finem, adnumerandi sunt effectibus finis, idque à primo & simplici eius amore vsque ad ipsum gaudium & quietem, quæ ex fine adepto & possessio nascuntur vtriusque inclusiue: quamuis aliqui id de simplici & quasi inefficaci amore, & alij etiam de ipsa efficaci intentione finis negare videantur. Fundamentum suum accipiunt ex Philosopho, qui dicit finem esse id cuius gratiæ (id est cuius amore, vt ipsi exponunt) cetera fiunt: amor autem finis non fit amore finis, sed tantum amor mediorum dicitur fieri amore finis. Vnde concludit Vasquez quod finis non exerceat munus suum circa amorem sui, sed tantum circa amorem mediorum, & circa opera quæ ex amore finis & mediorum fiunt. Sed ex dictis in expositione definitionis finis poterit huius argumenti solutio facillè peti: & res tota amplius explicabitur in sequentibus, quando magis particulariter de singulari cum D. Tho. suis locis tractabimus.

Quod ad tertium, scilicet causalitatem finis attinet, est hæc obscurior & explicatur difficilior. Caietanus supra finalizationem siue actum secundum finis (quibus nominibus causalitatem de qua agimus designat) dicit esse quid innominatum, sed solum significari per litteram, esse propter quod: videturque existimare non posse amplius vel aliter explicari aut intelligi. Alij tamen eam magis explicare, & vbi ponent

ponenda sit, ostendere conantur. Sed quia diuersi diuersimodè in hac materiâ loquuntur, ad vitandam confusionem, proponam & breuiter explicabo duas opiniones, quæ videri possint probatior, vt ex illis Lector eam, quam indicauerit verior, amplectatur. In vno autem obsequio vtramque, quam referre intendo, opinionem conuenire, saltem quoad modum dicendi, in eo scilicet, quod causalitatem finis dicant sitam in motione metaphoricâ: Sed dissentiant circa explanationem istius motionis, & circa eius subiectum aut quasi subiectum, vtrū sit ponenda in causa, quæ dicitur metaphoricè mouere, an in voluntate, quæ mouetur metaphoricè à fine. Vna itaque opinio ponit eam motionem, quam vult esse causalitatem, in voluntate, dicitque nihil aliud esse quàm ipsam appetitionem finis, vt ab eo voluntas excitata & mota in illum fertur. Ita videtur sensisse D. Tho. lib. 1. contra gentes cap. 75. art. 5. dicit enim causalitatem finis in hoc consistere, quod propter illum alia desideretur. Ex quibus verbis colligit Suarez metaph. disput. 23. sect. 4. n. 8. desiderium ipsum, quo aliquis propter finem desideratur, quatenus est à fine, vocari à D. Tho. causalitatem finis: quod clarius idem Thomas potest dici significasse quæst. 22. de veritate art. 2. in corpore, vbi scribit, sicut influere causæ efficientis est agere, ita influere causæ finalis est appeti seu desiderari. Et sic etiam plures alij loquuntur, vt significant causationem finis esse mouere efficiens ad agendum: illud autem mouere nihil esse aliud, quam ipsum finem ab agente amari, vel aliquid propter ipsum: & proinde causationem finis non esse quid coniunctum aut inexistens fini, sed quid inexistens voluntati, scilicet affectum aut volitionem, quâ vult aut medium exequendum propter finem aut ipsum finem propter se. Principale fundamentum, quod ex ratione habet hæc sententia, sumitur inde, quod non videatur posse aliud assignari à quo habeat finis, quod sit actu finaliter causans: per illam autem voluntatis motionem optimè, vt apparet, intelligatur constitui actu causans: nam illâ posita intelligitur voluntas à fine & in finem moueri, cuiusque actus tam internus, quam externus quem imperat, habere dependentiam à fine vt finis est: ergo hæc motio voluntatis dicenda est eius esse causalitas, quam inquirimus. Altera opinio tenet, quod motio illa metaphorica, quæ causalitas finis dici possit, debeat magis actiue quam passiuè (vt sic loquamur) intelligi, & non esse tam appeti quam cieri & excitare appetitionem; & proinde motionē

eam, quæ est causalitas finis, non debere constitui extra finem, sed necessario esse aliquid se ex parte causæ tenens, quidquid demum illud sit. Quemadmodum Soncinas 5. Metaph. quæst. 4. & lauell. ibidem quæst. 4. etiam sentiunt de causalitate efficientis, quod non sit nec esse possit actio in passo producta.

Probari potest hæc sententia, quia causalitas finis debet esse quid aliud ab effectu & causato à fine: nā causalitas ab omnibus apprehenditur, vt principium vel modus, quo causatur effectus aliquis, non vt quid causatum; atqui motio metaphorica in voluntate excitata est notoriè effectus ipsius finis, sicut etiam actio in passo recepta est effectus causæ efficientis: ergo neutrum respectiue est causalitas suæ causæ. Nec huius opinionis authoribus satisfacit, quod respondent alij, scilicet actiōe propriè & formaliter non esse ipsum effectum productum ab agente (quod proportionabiliter, quamuis cum minori fundamento, etiam applicat ad motionem metaphoricam in voluntate, quam ponunt causalitatem finis) sed esse modum talis effectus ex natura rei ab illo distinctum: quia vt hoc verum sit in plurimis, tamen in primis non tantum id quod vocat effectum, sed etiam ipsa actio, quam dicunt modum effectus, non minus est causata quam ipse effectus: & non apparet minor difficultas in intelligendo, quo mediante à causa exeat ista actio, quam quomodo effectus à causa emanet: Imò hoc videtur omnino dicendum, subire rationem causalitatis; quo posito fit, vt à causa procedat actio quæ in passo recipitur. Nam illud intelligitur se habere per modum principiantis & influentis: hæc autem per modum profluxi, & non tam per modum causæ vel principij, quam per modum tendentiæ ad terminum cum quo realiter identificatur: intelligiturque necessario, vt apparet, posterior causalitate, separando relationes, quas nomina simul ingerunt, & considerando tantum entitatem vtriusque, causalitatis scilicet & actionis, absolutam. Confirmantur hæc & declarantur simul, quia causalitas quæ efficiens causat, (quidquid demum illa sit) debet esse secundum se quid absolutum, vti supponendum videtur, sicut & ipsa virtus seu ratio causandi, cū quod propter connotatum nomen, causalitatis & causantis, non possit illud sine comitante respectu seu relatione ad effectum dici causalitas, prout de illâ nunc loquimur, neq; ab eo causâ denominari causans: atqui hoc posito, quod causalitas secundū se sit entitas absoluta, consequens est, quod possit apprehendi, & preintelligi (separando

A iij respe-

respectum, quæ diximus nomē connotare) antequam intelligatur effectus, vel quodcumque causatum, siue per modum rei productæ, siue per modum motus aut motionis in passo receptæ tendentis ad rem producendam, quia entitas absoluta, quæ quodcumque modo est principium alterius, secludendo respectum conotatum in nomine, potest intelligi ante principiatum: si autem motio metaphorica, seu metaphoricè in voluntate à fine excitata, & actio in passo producta, respectiue sint causalitates finis & causæ efficientis, implicabit concipere aut intelligere aliquam entitatem absolutam, quæ sit principium vel se habeat per modum principij absoluti, quo hæ causæ constituentur actu causantes antè, & non inuoluendo in illo ipso, id quod effectus vel causati habet rationem: quia ista voluntatis motio & actio in passo recepta, quæ dicuntur esse causalitates, sunt quiddam ab ipsis causis causatum & quiddam effectus quamuis imperfecti & inchoati tantum, & quasi tendentes ad perfectionem terminum. Accedit, quod frequenter causa efficiens agat ubi non est, nec sequitur alius effectus productus quàm actio; vt quando vox aut cithara edit sonum, intellectus intelligit, voluntas vult, ubi actio & actus non videntur ex naturâ rei distinguui, & proinde idem erit causatio realis sui ipsius: & quia finis propriè semper pro suo effectu immediato habet actum voluntatis, à quo non distinguitur motio metaphoricè excitata in voluntate, propterea videtur minus appositè responsio data, ad causalitatem finis posse applicari.

Quare iuxta hanc opinionem, imprimis quod ad genus causæ finalis atinet, non videtur eius causalitas quid distinctum in re ab ipso fine per intellectum proposito: hic enim ex parte sua præstat omne officium finis, vt tapperet, quod ipsi assigni potest, neque plus, minùsue secundum se videtur esse in actu secundo causandi ex sua parte, ex hoc quod voluntas, quæ libera est, moueat se vel quod non se moueat. Quemadmodum in genere causæ efficientis equus non minùs trahit in actu secundo, qui trahit currum manentem immotum, imò quod ad rem attinet non minùs mouet efficienter ex sua parte, quàm equus qui trahendo promouet currum: neque enim aliter agit, influit aut concurrit vel mouet ex sua parte, quando alio equo accedente, currus mouetur, quàm prius. Similiter grauitas lapidis sursum detenti æquè in actu secundo agit & actiue mouet atque grauitas lapidis deorsum descendētis. Quin & ignis ex sua parte æquè est in actu secundo, etsi supponatur vndiq; con-

clusus intra terminos incapaces passionis ab igne, quàm si intra corpora capacia; per applicationem enim alterius materiæ nihil additur igni, quod illum per modum principij vel alicuius prioris actus magis, quàm antè erat in actu ad causandum calorem in passo: sed tantum hic ex ignis actiuitate eodem modo prius se habente sequuntur passio & effectus aliquis in hoc subiecto, quæ in alio non sequebantur propter subiecti incapacitatem: effectus autem vel quidquam productum vel causatum non potest actuare in ratione principij causam ad illud ipsum causandum. Non tamen ita facile apprehenditur causa in actu secundo, vel vt actu causans, quando nec effectus propriè dictus nec motus ad effectum siue in causa siue extra causâ producuntur, vt iam diximus, idque propter relationem ad actuale effectum, quæ nomina illa, causa in actu secundo, vel actu causans important, & statim menti ingerunt, quod plurimum nos à dictis capiendis remouet. Nihilominus quantum ad rem attinet, sufficere videtur illa quæ iam indicauimus, vt causa siue efficiens siue finalis dicatur esse in actu secundo, quòd scilicet præbeat omnem actiuitatem vel causationem in ratione principij, quæ ex eius parte requiritur, vt sequatur actio vel motio in passo, sic vt ex parte illius nihil deficiat, esto quod ob defectum aliarum causarum, vel alia impedimenta, nullus effectus, nullus motus sequatur. Quare etiam causæ efficientis causalitas non videtur aliquid distinctum ab ipsa causâ vltimatè dispositâ & ad causandum præbente ex parte suâ actiuitatem requisitam (quod posterius addo propter causam liberam, quæ positis etiam omnibus requisitis sæpius virtutem suam non exerit:) atque adeo dicendum, quod tunc ipsa sit in actu secundo causans, habeatque suam causalitatem, etiamsi nullus effectus sequatur, non minùs quàm si actio in passo vel alius effectus sequeretur: cum enim hæc ipsa sint causata, non possunt dici perficere causam in ratione principij ad causandum, nec eam in ratione causæ talis generis actuare amplius quàm prius esset actiua, nisi quod inde possit intelligi resultare in eâ relatio actualis ad effectum vt terminum, quæ prius erat tantum potentia, & existerat tantum secundum fundamentum suum ob non existentiam termini: & quia hanc relationem nomina causalitatis & causantis consignificant, propterea vt causâ absolutâ locutione dicatur habere causalitatem, & simpliciter denominetur causans, potest dicti requiri aliquis actualis effectus, siue sit actio aut quali

quasi actio in passio recepta, siue res producta. Vnde etiam fit quod appareat quædam repugnantia in terminis, quando dicitur causa esse in actu causandi vel causans, vel influens, absque eo quod simul ponatur effectus vel aliquid causatum: quia ista nomina non tantum significant rem absolutam, quæ est causalitas, sed simul important relationem ad effectum actuale. Hinc quamdiu relatio illa nata non est (quæque nisi sequente aliquo effectu, nasci non potest) videntur pugnantia dici, dum causa dicitur actu causans, & tamen non fuisse aliquod causatum. Hæc veritatis inuestigandæ gratiâ pro utrâque sententia, dicta sint.

### CAPVT III.

#### De Esse secundum quod finis causat.

**D**istingunt Philosophi duplex Esse finis: alterum vocant Esse reale finis, per quod intelligo illud quod vt extrâ per modum obiecti intellectui proponitur, & ab eo apprehenditur, siue sit Esse verum, siue putatiuum: alterum, Esse cognitum aut intentionale, per quod intelligo conceptum ab intellectu de re obiectâ formatum, ipsique inexistente, diciturque Esse cognitum, quia hoc esse formaliter in cognitione consistit. Videntur quidam per Esse cognitum intelligere conceptum mentis obiectiuum: sed cum hic nihil sit aliud quam ipsum Esse reale finis, verum aut putatiuum, vt cognitioni substat, quodque fini actu aut possibiliter existenti siue verè siue putatiue, secundum se (proportionem seruata ad verè aut putatiue posse existere) competit antecedenter ante mentis operationem, hinc obiectiuum illum mentis conceptum existimo magis pertinere ad Esse reale finis, nec aliquid ab eo distinctum, nisi secundum denominationem extrinsecam vel relationem cogniti, quia obiectiuus conceptus nihil supra rem quæ apprehenditur, superaddit, præter denominationem, quâ extrinsecè à cognitione, quæ inest intellectui, dicatur apprehendi, vel cognosci: Totum autem reliquum præsupponitur Esse extrâ & se tenere à parte ipsius obiecti, siue interim verè siue tantum putatiue substat. Quando itaque hic est sermo de Esse reali finis, non accipitur hic reale, sicuti dum ens reale distingui solet contra ens rationis: fieri namque potest, quod ad eum sensum finis non habeat esse reale, sed ipse tantum sit ens rationis. Ipsum quoque Esse cognitum, quod hic reali opponitur, non est ad illum sensum ens rationis, sed reale. Quare hic ac-

cipitur Esse reale rei, prout distinguitur contra Esse repræsentatum, siue quod res habet in imagine, seu repræsentatione. Sicuti si diceremus Imperatorè, habere duplex Esse, scilicet vnum reale, quod est proprium & substantiale Esse eius: & alterum repræsentatum, quod in imagine ac repræsentatione habet. Nunc itaque quaeritur, Vtrum finis moueat secundum Esse suum reale, an secundum Esse cognitum.

Omissis opinionibus, pro materiæ pleniori intellectu, & quæstionis resolutione

Dico primò: Non requiritur quod finis secundum Esse reale extra intellectum existat, vt finaliter causet. Admittitur hoc ab omnibus: Ex quo euidenter fit Esse existentie finis non esse rationem finaliter causandi, nec ipsum finaliter causare.

Dico secundò: Ne quidem requiritur quod finis habeat verum Esse essentie, seu Esse existentie possibile, vt finaliter causet. In quo DD. satis quoque consentiunt. Sufficit enim quod eius Esse sit obiectiue apprehensum, vt ex dicendis magis constabit.

Dico tertio: Quando voluntas tendit in finem, certum est, quod non tendat in illum vt eius Esse cognitum, seu Esse intentionale, quod formaliter est in intellectu, assequatur: sed vt illum assequatur in Esse suo reali, quod obijcitur intellectui. Declaratur, nam quando mouetur voluntas in sanitatem, in diuitias, non appetit sanitatem aut diuitias habere in cognitione intellectus, imò sic illa iam habet. Similiter quando appetit cognitionem aut scientiam alicuius rei, non appetit illum conceptum, qui est de ipsa scientiâ in intellectu, quo scientiæ rationem & amabilitatem apprehendit, sed reale Esse scientiæ, quo veritates rerum contempletur. Confirmatur, quia voluntas tendit in finem, vt assequatur illum secundum illud Esse, secundum quod satiat eius appetitum postquàm eo potitur, & sine quo non quiescit: sed non satiat finis voluntatem, etiamsi habeatur secundum esse cognitum, sed tunc demum quando habetur secundum Esse reale: non enim quiescit animus apprehensione seu cognitione rei in quam tendit, nisi rem ipsam consequatur, & teneat: & absque huius consecutione dicitur agens frustrari suâ intentione, siue effectu, in quem intentio ferebatur. Quare Esse intentionale, seu Esse cognitum, quod formaliter in intellectu est, non est res nec formalis ratio, quæ, vel secundum quam finis mouet, siue causat finaliter, sed tantum conditio quædam necessaria

A iiij est



est per modum approximationis necessariz ad hoc genus cause. Sed res, quæ finaliter causat, est illa, quæ obijcitur intellectui, & ab eo apprehenditur vt bona & conueniens, cuius quædam veluti imago est ipsum Esse cognitum: & illius bonitas & conuenientia in ordine ad suppositum cui appetitur sunt ratio finalizandi, sed in genere finalis causæ mouendi voluntatem, non bonitas vel conuenientia qualiscumque illius Esse, quod habet res in sua representatione per intellectum. Quemadmodum si quis videns Cæsarem in imagine representante illum, vt virum strenuum, & alijs qualitatibus egregijs, moueatur & trahatur desiderio videndi Cæsarem, non causabit Cæsar desiderium illud secundum Esse, quod habet in imagine, sed secundum Esse suum verum & proprium: appetit enim hoc Esse eius visu tenere, non illud quod modò oculis tenet, dum imaginem conspiciat.

Dico quartò: Potest tamen variatio ipsius Esse cogniti suo modo esse causa siue occasio, quod finis aliter & aliter moueat, aut quod moueat vel non moueat finaliter: non quidem quod ipsum Esse cognitum sit ratio motiui, sed quia applicat rationem formalem mouendi, eamque aliam & aliam potest applicare, dum ipsum variatur. Sicut diuersum Esse representatum, quod Cæsar habet in imagine, potest esse causa vel occasio, quod quis moueatur amore illum videndi, vel horrore videndi, quatenus scilicet representat Cæsarem vt formosum, benignum, & alijs virtutibus ornatum, vel vt representatum tamquam monstrosum, cradelem, &c. Vbi Cæsar trahit, & mouet appetitum, vt desideret videre, vel vt refugiat, non secundum Esse quod habet in illa representatione, sed secundum suum proprium & reale Esse, quod representatur vt amabile, vel vt detestabile. Et declaratur à simili, quòd contingit in genere causæ efficientis: quamuis enim is qui applicat Causam efficientem non sit nisi causa per accidens, eiusque applicatio sit tantum quædam conditio sine qua non, tamen si potens sit ad applicandas diuersas causas habentes diuersa principia agendi, poterit ex ea parte esse causa diuersitatis in effectibus, quatenus diuersas formas & virtutes diuersorum effectuum productiuas subiecto vel materiæ applicat. Sic ergò quia vis intellectiua vniuersalis est, potens applicare diuersa obiecta, vel etiam idem sub diuersis rationibus formalibus finaliter causandi, hinc licet ipsa vel actus quo rem apprehendit & proponit, non sit formale, & verum illud Esse quod finaliter causat, potest tamen secundum

diuersum actum esse causa vel occasio, quod mutetur motio vel causalitas finis, quia scilicet per diuersos suos actus applicat diuersos fines, vel eundem sub diuersis rationibus formalibus, scilicet sub alia & alia bonitatis aut conuenientiz ratione, quæ aliter & aliter possunt voluntatem mouere.

Ex dictis licet colligere, quid absolute loquendo sit ad propositam quæstionem respondendum: hoc nimirum, quod finis causat propriè & per se finaliter, secundum Esse suum, quod dicunt reale, modo supra explicato: non secundum Esse cognitum, sed quod hoc tantum sit necessaria conditio quædam sine qua non: quia per illud debet applicari finis vt voluntatem mouere & in sui affectum trahere possit. Sicut enim approximat localis in causa efficiente est conditio requisita ad producendum effectum in passio, ita in causa finali approximat quædam quasi animalis & vitalis, quæ mediante Esse cognito finis fit, est conditio requisita, vt suum possit causare effectum & voluntatem mouere, vt ex dicendis infra quæst. 9. amplius intelligitur.

Sed contrà ab alijs opponitur primò. Illud quod ex parte obiecti distinguit essentialiter potentias appetitiuas, & ipsos actus potentiz appetitiuæ, non occurrit tantum vt quædam conditio sine qua non ad motus appetitus, sed per se & vt formalis ratio motiui appetitus; atque Esse rei apprehensum siue cognitum sic distinguit potentias appetitiuas & actus earum, ergo &c. Maior ex communi doctrina est euident, secundum quam potentiz distinguuntur per obiecta formalia. Minor probatur in primis ex doctrina D. Thomæ qui 1. part. quæst. 80. art. 2. in corpore, ex diuersitate appetibilis apprehensi per sensum, & apprehensi per intellectum docet appetitum intellectiui esse aliam potentiam à sensitiui: & in responsione ad 1. dicit appetibili non accidere esse apprehensum per sensum vel per intellectum, sed per se ei conuenire. Nam appetibile (inquit) non mouet appetitum nisi in quantum apprehensum. Vnde differentiz apprehensi sunt per se differentiz appetibilis, & consequenter insunt: vnde potentiz appetitiuæ distinguuntur secundum differentiam apprehensorum, sicut secundum propria obiecta. Et hac part. quæst. 30. art. 3. similiter ex diuersitate apprehensi delectabilis, distinguit concupiscentias naturales & non naturales: & in responsione ad secundum, dicit illam distinctionem non esse materialem tantum, sed etiam quodammodo formalem, in quantum procedit ex diuersitate obiecti actiui:

Obiectum

Obiectum autem appetitus (inquit) est bonū apprehensum: vnde concludit quod ad diuersitatem appetitus actiui (puto legendum ad diuersitatem obiecti actiui, quod connexio & proximè antecedentia videntur requirere) pertineat diuersitas apprehensionis. Ac rursus quæst. 31. art. 3. distinguit quoque inter delectationem & gaudium, quod gaudium sit de bono adeptō, quod propolium fuit per rationem; delectatio autem de eo quod tantum est apprehensum per sensum: & in responsione ad 1. dicit, quod diuersitas apprehensionis pertineat quodammodo ad diuersitatem obiecti: vnde statuit illas passionēs esse diuersas, etsi vtraque sit hæcenus de eodem obiecto, quia de bono adeptō; ergo iuxta D. Thomam, diuersum Esse apprehensum siue diuersa apprehensio appetibilis distinguit essentialiter potentias appetitiuas, & earum motus siue actus, & per consequens illud Esse debet dici formalis ratio motiua ipsius appetitus, & non tantum conditio sine qua non. Quæ autem est ratio appetibilis, eadem est & ratio finis: ergo &c.

Huc accedit, quod actus virtutis & vitij in voluntate non distinguantur ex obiecto secundum Esse illius reale, sed secundum Esse apprehensum. Declaratur: nam voluntas est mala tendens in obiectum verè bonum, si apprehensum sit vt malum: vt si quis velit pauperi in extrema necessitate constituto succurrere ex bonis alterius dum propria non habet, apprehendens illud malum, quod aliena ipsi donet, voluntas illa mala erit, quamuis obiectum in se & à parte rei sit bonum. Et è contra si quis ex ignorantia inuincibili vellet tollere alienum, vt in necessitate duntaxat communi det pauperi elemosynā, putans hoc licitum & benefactum, erit voluntas illa recta & bona, non vitij sed virtutis actus secundum propriam & veram rationem virtutis: ergo obiectum secundum Esse quod habet in intellectu & non secundum Esse reale, tribuit speciem actibus humanis: alioquin prior ista voluntas, vt apparet, bona foret cum tendat in obiectum quod à parte rei bonum est, & posterior hæc esset mala, cum tendat in obiectum quod secundum Esse quod habet in re sit malum. Denique idem bonum apprehensum absolutè causat amorem; apprehensum vt absens & acquirendum causat desiderium & intentionem; vt præsens verò causat gaudium, qui actus sunt species diuersi & similiter distinguuntur circa malum apprehensum vt præsens vel absens tristitia & timor: ergo &c.

Has ratiocinationes, vnā cum authori-

tate D. Thomæ locis citatis, ita ponderauit Bartholomæus à Medina vir eruditissimus hac part. quæst. 1. art. 1. vt à nostrâ & communi Discipulorum D. Thom. sententia, prout ipse refert, propter illa recesserit, & in eam condescenderit opinionem quod apprehensio & cognitio boni sit ratio obiectiua, & non tantum conditio requisita, vt bonum moueat appetitum.

Sed licet magnæ apparentiæ sint argumenta, non tamen convincere videntur. Vnde ad syllogismum primo loco positum respondetur in forma cum distinctione, si propositio maior intelligatur vniuersaliter, quod omne illud quod ex parte obiecti distinguit siue concurrat quocumque modo formaliter, materialiter, vel applicatiuè ad distinguendum potentias appetitiuas, earumque passionēs vel actus, debeat censeri formalis ratio motiua appetitus, sic manifestè est falsa, & proinde neganda: etiamsi quoque esset quid tale, cuius necessariò requireretur concursus ob aliam habitudinem vel rationem. Si autem intelligatur de illo solo, quod per se distinguit essentialiter potentias appetitiuas, earum motus & actus, siue de illo, ex ordine ad quod tanquam ad formalem rationem obiectiuam distinguuntur potentie prædictæ vel earum actus, sic vera est & admittenda: hoc siquidem verè est ratio motiua ipsius appetitus. Nunc ad minorem procedendum, similiter distinguitur: si enim ad priorem sensum vniuersalem maioris subsumatur, quod scilicet Esse apprehensum siue rei apprehensio concurrat suo quodam modo ad potentias distinguendas & earum actus, puta tanquā applicans obiectum & formalem huius rationem ex ordine ad quam, nascitur per se diuersitas essentialis tam in potentijs quā in actibus, sic vera est, quia sine apprehensione obiecti per sensum vel intellectum non potest appetitus animalis moueri aut tendere in obiectum ob defectum requisitæ approximationis; atque ita sublatà ratione apprehensionis seu apprehendendi obiectum, consequenter quodammodo tolleretur omnis ordo & habitudo, quæ sunt inter obiectum & potentias, earumque motus & actus. Vnde dixit D. Thomas supra non accidere appetibili esse apprehensum per sensum vel intellectum, quia nimirum est aliquid necessariò & per se requisitum, vt appetitus in appetibile moueri possit: sicuti si diceremus visibili non accidere esse illuminatum, quia scilicet lumen est quid per se requisitum & necessarium vt visibile à visu videri queat, quāuis non ideo sit formalis ratio obiecti visibilis: sed ad eum sensum iam diximus maiorem

Maiores esse negandam. Si vero Minor accipiatur secundum posteriorem sensum Maioris, quem diximus verum esse, sic neganda erit ipsa Minor, scilicet quod Esse apprehensum siue apprehensio sit per se ratio formalis distinctiua appetituum, vel motuum appetitus. Nec probant sufficienter, quæ ad eius confirmationem in illo sensu vero adducta. Ad D. Thomam enim quod attinet, constat satis tum ex alijs tum ex ipsis locis citatis, quod ex sententia eius moueatur & feratur appetitus non in Esse apprehensum appetibilis quod habet in anima, siue in appetibilis apprehensionem, sed in Esse aliquid eius quod extra animam habet aut habere putatur: expressè enim 1. part. quæst. 82. art. 3. scribit, & actus vero voluntatis perficitur ex eo quod voluntas inclinatur ad ipsam rem prout in se est; quod & confirmat ex Philosopho, qui dicit, quod bonum & malum, quæ sunt obiecta voluntatis, sint in rebus. Et hæc part. quæst. 30. art. 3. antè citato dicit illud idem, quod appetit appetitu naturali, posse appeti appetitu animali, cū fuerit apprehensum: quare cum appetitu naturali non appetatur aliquid Esse cognitum ipsius appetibilis, consequens est neque appetitu animali iuxta D. Thomam appeti Esse cognitum, quamuis feratur in appetibile apprehensum (alioquin non idem vtroque appetitu appeteretur) sed appeti Esse ipsum reale appetibilis. Et sanè hoc ita apparet sensibili experientiâ notum, vt per exempla antè proposita constat, vt non videatur quis hoc posse negare, nisi sensu communi careat. Vnde non difficulter admittent alij, vt existimo, D. Thomam ita sentire, & illud ipsum verum esse, quod indicat etiam Medina suprâ. Ast dicent, quamuis moueatur appetitus in Esse appetibilis quod extra animam est, illudque appetat, tamen rationem motuiam seu formam, quæ metaphoricè mouet appetitum, esse in animâ seu potentiâ apprehensiua, atque adeo esse ipsam apprehensionem appetibilis. Sed hoc nec consequenter nec rectè dicitur: quia formalis ratio appetitus attractiua ac motiua est bonitas & conuenientia ipsius appetibilis in ordine ad suppositum cui appetitur, quod per se apparet omnino euidens: quilibet namque rogatus, quid eum moueat, quare appetitus eius feratur, exempli causâ in cibum, porum, sanitatem, vel cur ea sibi vel alteri appetat? respondebit, quia bona sunt & sibi ac homini conuenientia; bona (inquam) non quasi per denominationem extrinsecam ab aliqua bonitate quæ extra sit & tantum formaliter est in potentiâ cognitiua, sed per denominationem intrinsecam

aut quasi intrinsecam, à bonitate scilicet quæ ipsi appetibili, in quod fertur, quodque appetit, inest aut inelle putatur. Quare illud Esse appetibilis debet admitti in se rationem motuiam appetitus includere siue interim verè siue putatiè, in quod appetitus tendit, quodque appetitus desiderat: & proinde Esse apprehensum siue apprehensio, quæ formaliter est in intellectu, non potest dici formalis ratio motiua appetitus secundum D. Thomam, vel alios quoscumque, qui admittunt appetitum ferri & moueri in Esse reale appetibilis, non in Esse eius cognitum, si consequenter velint loqui, sed sicuti Esse reale est quod appetitur, ita quoque est seu continet in se formalem rationem appetitus motuiam: ipsa autem apprehensio eius debet censeri tantum conditio sine qua non, vt applicans formam, quæ mouet. Quod amplius confirmatur ex D. Thomâ 1. part. quæst. 80. art. 2. suprâ citato, vbi sic scribit: appetitus intellectiuius, etiam feratur in res quæ sunt extra animam singulares, fertur tamen in eas secundum aliquam rationem vniuersalem, sicut cum appetit aliquid quia est bonum: Hic D. Thomas admittit appetitum ferri in res, quæ sunt extra animam & hoc sub ratione aliqua quæ est in rebus: quando enim ait, sicut cum appetit aliquid quia est bonum, significat bonitatem quæ rei competit aut competere saltem putatur, esse rationem sub qua & propter quam appetibile appetitur, quod autem est ratio sub qua & propter quam appetibile appetitur, haud dubiè est quodque ratio motiua appetitus: & quæstione 82. articulo 3. dicit, bonum appetibile, cuius ratio est in intellectu, esse obiectum voluntatis: non dicit ipsam rationem quæ est in intellectu esse obiectum voluntatis, sed appetibile bonum esse obiectum, quod proinde ratione bonitatis suæ mouet voluntatem, ipsa interim ratione appetibilis, quæ formaliter est in intellectu, concurrente vt conditione & causâ applicante obiectum sub formali suâ ratione qua appetibile est. Quando igitur D. Thomas 1. part. locis citatis docet diuersas admitterendas potentias appetituius ex diuersis apprehensis, siue secundum differentiam apprehensorum sicut secundum propria obiecta (vt loquitur quæst. 80. artic. 2. ad 1.) esse appetitus distinguendos, non agit de diuerso esse cognito, siue de diuersis apprehensionibus, quæ formaliter sunt in potentiâ cognitiua, quia hæc non sunt obiecta propria appetitus, quæ docet quæst. 82. art. 3. citato, esse bona appetibilia quorum rationes sunt in intellectu, vt modò diximus: sed de ipsis diuersis obiectis quæ cognitioni

cognitioni obijciuntur, secundum diuersas formas apprehensibilitatis. Vnde in Corpore sic concludit: quia igitur est alterius generis apprehensum per intellectum & apprehensum per sensum, consequens est, &c. id est, quia alia est ratio apprehensibilis, vt apprehenditur per intellectum, & alia ratio, vt apprehenditur per sensum, ideo illis, tanquam diuersæ rationis principiis actiuis, debent esse accommodatæ diuersæ potentia passiuæ; & proinde consequens est, inquit D. Thomas, quod appetitus intellectiuis sit alia potentia à sensitiuo: appetibile enim habet rationem principij actiui; appetitus autem rationem potentia passiuæ, vt præmittitur ibidem. Quod autem eo sensu dixerit, alterius generis esse apprehensum per intellectum, & apprehensum per sensum, colligitur ex ijs, quæ habet in responsione ad secundum, vbi explicat quomodo appetitus intellectiuis feratur in apprehensum alterius generis quàm sensitiuus, quia licet feratur etiam in eandem rem, tamen fertur sub ratione alia, scilicet vniuersali, quia bonum: item quia fertur in res immateriales, quarum scilicet apprehensibilitas non cadit sub sensum. Vnde differentia apprehensorum, ex qua vt causa per se colligit diuersitatem appetituum, qui in diuersa apprehensa feruntur, se originaliter tenet à parte appetibilium: & propter diuersa Esse realia, siue propter diuersas formas actiuas seu motiuas, quæ appetibilibus competunt, docet D. Thomas constituendas esse diuersas potentias appetitiuas, non propter diuersas apprehensiones, quæ sunt in potentijs apprehensiujs, nisi forsità quatenus indices sunt diuersi Esse, seu formæ actiue, quæ in appetibili inest, aut inesse monstratur.

Ad illa itaque, quæ ex responsione ad primum allegantur, Respondetur, id, quod D. Thomas dicit, appetibili non accidere esse apprehensum per sensum, vel per intellectum, sed per se ei conuenire, posse in primis intelligi dictum sensu iam prius explicato, quo nihil pro alia opinione facit: deinde etiam hoc sensu, & magis ad eius propositum, quod appetibili non accidat apprehendi per sensum, neque accidat apprehendi per intellectum, quia scilicet propriam habet rationem, secundum quam conuenit illi per se, apprehendi per sensum, & propriam habet rationem secundum quam conuenit illi per se, apprehendi per intellectum: vnde consequenter infert, quod differentia apprehensibilium per se differentia appetibilis, quia nimirum diuersæ illæ rationes apprehendendi seu apprehensibilitatis conueniunt per se

appetibili: ideoque debent admitti diuersi appetitus, tanquam diuersæ potentia passiuæ, proportionabiliter diuersæ rationis appetibilibus, tanquam diuersis principiis actiuis correspondentes, vt iam indicauimus, & latius deducit Diuus Thomas in Corpore.

Ad ea autem, quæ adducuntur ex hac P. quæst. 30. art. 3. & quæst. 31. art. etiam 3. Respondetur, D. Thomam priori loco distinguere concupiscentias naturales, & concupiscentias, quas vocant non naturales, ex suis obiectis: quod scilicet illæ versentur circa bonum, conueniens & delectabile animali secundum eius naturam, vt sunt cibus, potus, quæ naturaliter animali conueniunt; vnde animali omni & hominibus & brutis commune est, concupiscere tale bonum: Hæ autem versentur circa bonum, quod animali est conueniens, non secundum animalem naturam, sed secundum apprehensionem rationis; non quod bonitas hæc sit tantum in actu ipso apprehendendi illam, sed quia est illius rationis aut naturæ; vt in ipsa re apprehendi non possit, nec appetitui proponi, nisi per rationem: idque ideo aliquando, quia per rationem & artificium rebus accedit, quod indicat D. Thomas, quando dicit: sed secundæ concupiscentiæ (scilicet non naturales) sunt propria hominum, quorum proprium est excogitare aliquid, vt bonum & conueniens, præter id quod natura requirit: sic concupiscentia non naturali appetunt diuitiæ, appetunt vestes pretiosæ, item delitiæ & condimenta ciborum artificiosa: quorum bonitas, & ratio attractiua appetitus, non est formaliter in potentia apprehensiuâ, sed in ipsis rebus; quæ quia talis est, vt non nisi per apprehensionem rationis percipiatur, hinc merito motus potentia appetitiue, qui in eam fertur, distinguitur à motu, qui fertur in bonum naturæ animalis secundum se conueniens, & ab ipso duce animalis, scilicet sensu perceptibile: diciturque; hic, concupiscentia naturalis, & ille concupiscentia non naturalis, quia animalis natura secundum se considerata ad illam bonitatem non pertingit: atque ideo distinguuntur non tantum materialiter, sed etiam formaliter, vt habet D. Thomas, quia obiecta actiua, bonitates scilicet prædictæ, sunt diuersæ rationis. Pertinet itaque diuersitas apprehensionis ad diuersitatem obiecti actiui, non quod apprehensio sit obiectum aut obiecti ratio, sed quia eius diuersitas redundat in diuersitatem obiecti; nam hoc ipso, quo obiectum apprehenditur vt aliud & aliud, contingit aliud & aliud tanquam foris existens appetitui applicari, in quæ alio &

alio

alio modo feratur : mouet tamen non apprehensio, sed res apprehensa, & ratio boni quæ in re apprehenditur.

Similiter loco posteriori distinguit inter delectationem & gaudium : quod delectatio sit de bono adepti, quod concupiscebatur naturaliter ; & gaudium de bono adepti, quod concupiscebatur non naturaliter, sed secundum apprehensionem rationis, modo iam prius explicato : docetque illa esse diuersa, etiamsi sint de eadem re, quia saltem est diuersitas apprehensionis, quam hic dicit pertinere quodammodo ad diuersitatem obiecti ; quod intellige prout iam explicuimus.

Hinc patet etiã Responso ad illud, quod allegatur de actibus virtutis & vitij in voluntate ; non enim aliud ostendit, quam quod non semper illud Esse reale, quod reuera appetibili inest aut competit, moueat appetitum, vel actum eius specificet, quod verum esse nemo potest negare : nihilominus dicimus, quod non ideo Esse notionale, siue apprehensio quæ in intellectu est, sit quæ per se mouet & specificat actum appetitus ; sed illud Esse, quod proponitur obiectum habere extra intellectum, & in quod voluntas fertur : quod modo quo antè diximus vocamus hic etiam reale ; ita vt apprehensio semper sit tantum conditio sine qua non, & applicans obiectum.

Ad vltimam deniq; rationem Respondetur, D. Thomam hac p. quæst. 30. art. 2. differentiam istarum passionum expressè adscribere non diuersæ apprehensioni, sed diuersitati in rebus ; sic enim ait : Diuersitas ( scilicet obiecti ) quæ est secundum virtutem actiuam, facit formalem differentiam passionum, secundum quã passionum specie differunt : est autem alia ratio virtutis actiuæ ipsius finis vel boni, secundum quod est realiter præsens, & secundum quod est absens : nam secundum quod est præsens, facit in seipso quiescere ; secundum autem quod est absens, facit ad seipsum moueri : vnde, inquit, ipsum delectabile secundum sensum, in quantum appetitum sibi adaptat quodammodo & conformat, causat amorem : in quantum ab-

sens attrahit ad seipsum, causat concupiscentiam : in quantum verò præsens quiescat in seipso, causat delectationem. Ex quibus manifestum euadit, quod sicuti secundum D. Thomæ doctrinam, appetitus mouetur, & tedit in reale Esse finis seu appetibilis, quod extra intellectum res habet aut habere putatur, vt antè ostendimus : ita quoque ex eisdem sententia virtus actiua, & motiua ratio sit in ipso fine seu bono, scilicet verè aut saltem putatiuè, non autem hæc sit ipsa apprehensio boni, quæ est in potentiâ apprehensiua : & proinde non est diuersa apprehensio boni delectabilis, quæ distinguit illas passiones, sed diuersa ratio aut diuersus modus se habendi ipsius delectabilis.

Oponitur secundò principaliter. Illud Esse causa finalis, quod requiritur, ac solum & per se sufficit, vt ipsa causet, non debet dici tantum conditio sine quâ non, ad finaliter causandum, sed propriè dictum & formale principium causandi : atqui Esse cognitum finis, quod formaliter est in intellectu, necessarium est, & videtur per se sufficere ad causandum finaliter, scilicet ad metaphoricâ ratione mouendum appetitum ; ergò debet finis dici secundum hoc Esse causare, non secundum Esse suum reale, quod minime videtur ad causalitatem eius requiri.

Respondetur, negando Minorem præ illâ parte, quâ dicitur Esse cognitum, solum ac per se sufficere : nam licet non requiratur aliud Esse existentie actuale, quâ quod finis in repræsentatione intellectus habet, tamen simpliciter loquendo requiritur aliud Esse ; nam si finis non haberet extra intellectum aliud Esse existentie possibilis, ac futuræ, saltem secundum estimationem, nullo modo apprehensio illius seu Esse eius cognitum, traheret appetitum in finem, vt ad illius consecutionem se moueret. Quare etsi cognitio seu Esse cognitum sit suo modo necessarium, vt finis causet, tamen solum non sufficit ; neque ipsum est, quod per se finaliter causat ac mouet appetitum, sed Esse reale obiecti in cognitione repræsentatum.

De ultimo fine hominis.

ARTICVLVS I.

*Virum homini conueniat agere  
propter finem?*

**C**ONCLVSIO D. Thomæ est:  
*Oportet quòd omnes actiones humana  
propter finem sint.* Vnde euident fit,  
homini conuenire agere propter  
finem. Conclusionem probat ratione, quæ  
sic potest formari: Omnes actiones huma-  
næ procedunt ex voluntate deliberatâ: at-  
qui voluntatis deliberatæ obiectum est fi-  
nis; ergo omnes actiones humane sunt pro-  
pter finem. Circa hunc discursum, tam pro-  
materie quam pro efficacie argumenti de-  
claratione, tria nobis ordine agenda sunt.  
Primò explicanda est ratio actionis huma-  
næ, propter propositionem maiorem. Sec-  
cundo examinanda est veritas & sensus  
propositionis minoris. Tertio fundâda est  
consequentiâ, quia primâ facie non satis  
apparet connexio consequentis cum ante-  
cedente. Post hæc satisfaciendum erit alijs  
quot obiectionibus cõtra conclusionem mo-  
uendis. Quod ad humanâ actionem attinet,  
dicit recte D. Th. non omnes actiones, quæ  
ab homine aguntur, esse actiones humanas;  
sed illas solas, quæ sunt propriæ hominis;  
in quantum est homo. Vbi non illas intel-  
ligit proprias hominis, in quantum homo  
est, quæ proximè à potentijs, naturæ hu-  
manæ proprijs, exeunt, vt quispiam for-  
sitâ apprehendere posset: neq; enim om-  
nes illæ, neque solæ consentur tales. Non  
omnes, quia non risus, fletus, quando con-  
tra voluntatis imperiũ aliquando obori-  
untur. Imò nec motus illi voluntatis aut  
intellectus, quos vocant primo-primos,  
qui omnem rationis aduertentiam præue-  
niunt. Huismodi enim passionibus & motus,  
licet à potentijs naturalibus, homini pro-  
prijs, procedant, tamen secundũ morales  
Philosophos & Theologos, non adnue-  
rantur à rationibus, quæ sunt hominis, in  
quantum homo, neq; actiones humanæ re-  
putantur. Non etiâ solæ illæ, quæ ab eius-  
modi potentijs proximè emanant, habent  
tales, quia se loco mouere, comedere,  
bibere, & similes operationes, quarũ prin-  
cipia proxima sunt homini cum brutis cõ-  
munia, frequentius iuxta eosdẽ & nomen  
& rationem actionis humanæ sortiuntur.  
Quare alio sensu accipit D. Th. actiones  
propriæ hominis, in quantum est homo; vt  
scilicet dicantur tales, non tam à potentia  
naturali, quæ soli homini conueniat, à quâ,

tamquam proprio principio egrediantur,  
eoque nomine illius generis quoad Physi-  
cam entitatẽ in alijs non reperiuntur; quã  
à modo operandi naturæ rationali proprio,  
quo ab homine procedunt: qui consistit in  
eo, quòd actio ab homine, tanquam prin-  
cipio intelligente & suorum actuum domi-  
nium habente, exerceatur. Sunt itaq; illæ  
actiones propriæ hominis, in quantum est  
homo, quas voluntate cũ rationis iudicio  
exercent. Ex dictis facillẽ erit nũc percipere  
rationẽ actionis humanæ, eamq; describe-  
re, quòd scilicet sit illa hominis actio, quæ  
à voluntate deliberatâ, seu iudicio rationis  
directâ à procedit, idque siue vt à principio  
proximè eliciẽte siue vt à principio impe-  
rante. Vnde diximus etiâ externas actio-  
nes, vt progredi, comedere, bibere, quæ cũ  
brutis nobis cõmunes sunt, frequentius esse  
humanas & proprias hominis, vt talis est,  
quando scilicet à rationali voluntate sunt  
imperatæ. Sed de intuitiua Dei visione, &  
amore beatifico hĩc difficultas nascitur, &  
Vtrũ debeat aut possint dici actus huma-  
ni. Ratio dubitandi est, quia non videntur  
subesse dominio beatorum, qui necessitate  
quadã inherant bono incommutabili. Qui-  
dam itaque negant, inter quos est Medi-  
cina, & vt apparet, etiam Cuiet. hĩc: alij  
verdũ aiunt, & horum dicendi modus ma-  
gis placet: nimis enim absolum videtur,  
perfectissimas hominis operationes, & ad  
quas potissimum conditus est, spoliare no-  
mine & dignitate humanæ actionis. Quare  
ad rationem dubitandi, Respondetur in-  
primis: Hoc, quòd operationes illæ non om-  
nimodo subsint dominio beati, non pro-  
uenire ex eo, quòd sint de genere actionũ,  
quas vel natura operatur sine ratione, vel  
quas ratio operatur sine cognitione, aut  
debitâ consideratione, ad quas respiciunt  
Doctores, quidõ negant eas hominis actio-  
nes esse humanas, quarum non habet do-  
minium, intelligendo scilicet ob non coope-  
rantem rationẽ, aut propter imperfectionẽ  
cognitionis vel aduertentię. Vnde cũ illæ  
procedant cũ perfectissimâ cognitione, &  
deliberatissimâ voluntatis approbatione (in  
quibus perfectio humanæ operationis cõ-  
sistit) nõ debet ideo negari actiones huma-  
næ, quãuis nõ omnimodo subsint libertati  
& dominio beatorum. Nam & D. Th. illas  
actiones propriæ humanas pronuntiat, quæ  
ex voluntate deliberatâ procedunt. Dico,  
quamuis non omnimodo subsint; quia  
multis considerationibus potest adhuc ho-  
mo dici earũ habere dominium: vt in pri-  
mis

Visio &  
amor bea-  
tificus sunt  
dicendæ  
actiones  
humanæ.

Non om-  
nes actio-  
nes, quæ  
ab homine  
aguntur,  
sunt huma-  
næ, ne qui  
decem om-  
nes quæ à  
principijs  
hominis  
proprijs  
exeunt, vt  
nec huius  
generis  
solæ.

Quæ actio-  
nes consen-  
tur homi-  
nis in quâ  
ratiõ homo  
est & hu-  
manæ.

B mis

mis, quatenus liberâ voluntate eas studuit obtinere, quas negligere potuisset: deinde quatenus reflexa quadam voluntate liberâ eas possidet, ut quamvis posset ab eis cessare, nullo tamen modo id vellet, sed cupiat perpetuo illas continuare. Denique illa felix necessitas inherens non tam prouenit ob defectum libertatis potentia, quam ob perfectionem & plenitudinem obiecti euidenter propositi, omnimodè satiantis & explentis ipsam potentiam appetitiuam, dum expeditur sibi esse quâ optinere: adeo ut si quid melius huic oppositum proponi per impossibile cogitetur, nihil voluntatè impediret, quod minus in illud ferretur.

Circa Propositionem Minorem queritur, Vtrum voluntatis deliberatæ obiectum adæquatum per se, sit finis? Ratio inquirendi est ex vna parte quia videtur manifestè id non esse verum: voluntas enim deliberata non tantum est circa finem, sed etiam circa media ad finem: nam electio est voluntatis actus, & tam deliberatè eligit voluntas media ad finem quam deliberatè intendit finem, ergo &c. Ex altera autem parte, si hoc verum sit, iam ratio D. Thomæ non videbitur sufficienter probare conclusionem vniuersalem, quam ponit. Pro expeditione clarâ & breui huius difficultatis, obseruandum est, rectè duplex distingui voluntatis obiectum per se; vnum scilicet Primarium, & alterum Secundarium. Primarium dicitur, in quod non tantum per se, sed etiam propter se voluntas fertur, siue quod propter se appetitur à voluntate: Secundarium, in quod quidè per se fertur voluntas, sed propter aliud, siue quod appetitur in ordine ad aliud, videlicet propter obiectum primum. Neque hoc ideo dici debet obiectum per accidens, quia dicitur obiectum per accidens illud, in quod fertur potentia solum, quia accidentariè coheret aut substat obiecto per se, in quod directè & secundum se fertur. Sic album est obiectum per accidens gustus, quia coniunctum dulci; & è contrâ dulce est per accidens obiectum visus, quia accidentariè coniunctum albo, quod est per se obiectum visus. Item corpus est obiectum per accidens visus, gustus, tactus, quia est subiectum coloris, saporis, qualitatibus tangibilis, quæ respectiue sunt obiecta per se visus, gustus, tactus. Voluntas autè expressè & directè tendit in illud secundum se, quod vocamus obiectum secundarium, quatenus scilicet vtile, tantummodò non propter ipsum, sed propter eius ordinem ad aliud. Nec debet quoque dici obiectum materiale tantum, sed etiam habet suam pro-

priam rationem boni, quod est formale obiectum voluntatis: quamvis enim ut sic non consideretur habere rationem boni honesti aut delectabilis, tamen consideratur in eo ratio boni utilis, sub qua formali ratione voluntas illud appetit, per se quidè, ut diximus, sed non propter se, verum propter illud, ad quod vtile est. Omisissis nunc opinionibus, quas apud Gabrielem, Vasquez in hanc Partem tom. 1. Disp. 1. c. 3. & apud alios, videre licet, Respondetur, loquendo de obiecto per se generaliter, finem non esse obiectum adæquatum voluntatis deliberatæ, ut argumentum satis ostendit; nam etiam per se versatur voluntas ut potentia circa media, ut docet infra D. Th. q. 8. art. 2. quamvis ut obiectum dumtaxat secundarium. Quare sensus Minoris est, quod deliberatæ voluntatis obiectum, scilicet per se & primum, ad quod finis sit. Ad rationem D. Th. nihilominus rectè probare conclusionem posuit. Unde superest tertium, ut ostendamus connexionem consequentis cum antecedente, sic explicato & intellecto. Id autè præstat D. Th. in hunc ferè modum: Omnes actiones, quæ ab aliquâ potentia procedunt, causantur ab ea secundum rationem obiecti illius, puta primarij: nam in operando semper potentia respicit, & ordinem quandam habet ad obiectum primum, etiam quando circa secundarium versatur; quod quidem in proposito est euidentissimum, quia quidò voluntas mediū eligit, quod diximus esse secundarium obiectum, attendit maximè ad finem: atqui ea est ratio & cōditio finis, quod sui fruendi gratiā moueat & trahat potentiam, ut scilicet in illum tendat, si non habeatur, aut ut amore & complacentiā illi inhæreat, si iam teneatur; ergò quandoquidem finis sit obiectum per se & primum voluntatis deliberatæ operantis, consequens est, quod omnes eius actiones causentur secundum illius naturam & rationem, & proinde propter ipsum omnes fiant; siue ut acquiratur, si absit; siue ut affectu & cōplacentiā illi inhæreat, si adsit. Contra Conclusionem autem hanc D. Th. sic deductam & probatam, duæ occurrunt obiectiōnes principales. Vna est, de primo & simplici amore finis, & de intentione eius, quæ non videntur esse propter finem, aut fieri finis gratiā, quæ non proficiuntur ex amore & intentione, si enim foret progressus quidam in infinitum in intentionibus. Verum iam antè diximus, quod rectè censentur omnes actiones illæ esse propter finem, aut fieri gratiā finis, quæ bonitate eius mouente & alliciente fiunt, quod etiam in his locum habet: prouocat enim bonitas finis ad sui amorem, & excitat ad sui prosecu-

Finis non est adæquatum obiectum per se voluntatis, quia ad illud pertinet etiam media, etiam primum.

Declaratur ex ratione & conditione finis tanquam obiecti primarij voluntatis, quod omnis actio humana sit propter finem.

Obiectum contra Cond. D. Thomæ.

Solutio, & ostenditur quod, primus amor finis, ac eius intentio sunt etiam propter finem.

Duplex obiectum per se voluntatis scil. primum & secundum.

Secundarium quare non debet dici obiectum per accidens aut materiale tantum.

prosecutionem, vt appetitus feratur, sic actibus elicitis, in ipsum, quorū finis proinde causa est. Accedit quod actibus voluntatis peculiare sit, quod dum deliberant, seipsos sint voliti: sunt enim voluntarij, & non alio actu voluntatis distincto: vnde qui vult bonum, etiam hoc ipso vult volitionem illam boni; & qui amat aut intendit finem, hoc ipso, per quandam reflexionem actus voluntatis supra se, vult illū amorem & intentionem. Vnde & hi actus possunt quoque dici suo modo fieri ex amore aut intentione finis: quatenus, dum finis amatur, etiā amor ille amatur; & dum finis intenditur, etiam intentio illa intenditur per quasdam reflexiones supra se. amatur autem amor ille & intenditur intentio sic reflexe haud dubie propter bonitatem finis; atque ita amor ille & intentio ex respectu ad reflexionem talem, obtinent quodammodo rationem mediorum ad finem, quia nisi finis prius illas excitaret, nulla alia media in ordine ad ipsum adhiberentur: atque ita etiam primus & simplex affectus finis & eius intentio possunt suo modo dici proficisci ex affectu & intentione finis per eiusmodi reflexionē actus, absque progressu tamen in infinitum, vt patet in intentionibus.

Altero obiectio, quā ponit D. Th. loco secundi argumenti, est hæc. In quibusdam actiones sunt finis ultimus: sed illud, quod est finis ultimus, non est propter finem; ergo non omnis humana actio est propter finem. Primam Propositionē probat D. Th. autoritate Philosophi, qui nimirum 1. Ethic. c. 3. dicit Ethices finem esse actionem. Secunda autē videtur per se evidens. Videtur pro solutione argumenti, tum pro materiæ, quæ in eo tangitur, pleniori intelligentiā,

Obseruandum est Primò, hic non esse sermonem de solo fine ultimo, qui simpliciter est ultimus finis hominis: sed de fine ultimo in communi, siue sit absolute ultimus, siue secundum quid, idque tam in argumento, vt colligere est ex probatione allegatâ ex Philosopho, quā etiam in ijs, quæ dicuntur à D. Th. in solutione dicti argumenti: nihil enim est, quod cogit ea intelligere de fine simpliciter ultimo, prout tamen ea esse intelligēda videtur supponere Medina; habetque argumentū eandem apparentiam in fine ultimo secundum quid, quatenus hic supponitur non ordinari ad vltiorem finem, quam habet in fine ultimo simpliciter. Obseruandum Secundò, actionem humanam posse dupliciter intelligi esse finem ultimum, siue simpliciter, siue secundum quid, idque iuxta aliam distinctionem finis. Vno modo, quod actio sit fi-

nis ultimus quo, quia est intentio aut possessio boni desiderati, vel quædam in eo inhabitatio, sic diuini vultu possessio, est finis ultimus avari; sensatio boni delectabilis, finis est hominis intemperantis; visio beatifica, finis est hominis Christiani virtuosus: Alio modo, quod actio non tantum sit finis ultimus quo, sed finis ultimus qui, siue finis ultimus, vt res, quomodo hoc loquuntur Caietanus & Bartholomæus Medina; atque adeo ipsa sit bonum illud, quod tenere ac possidere homo desiderat, non autem tantum comprehensio alterius boni: quod etiam tradit D. Th. 3. contra Gent. c. 2. Sic contemplatio est finis ultimus Mathematices; & actio civilis est finis Ethices, quia Mathematicus & Ethicus in suis studijs respectu ad finem ultimum artis aut scientiæ, intendunt eiusmodi contemplationem & actionem, & in illis tanquam fine contenti quiescunt; non quia aliud bonum per illas formaliter tenent aut possident, sed quia ipse sint perfectio & bonū habentis, quod etiam per se finis aliā actione eius comprehenditur tenetur respectu ad contemplationem aut agentem.

His præmissis, ad obiectionem Respondetur, admittendo primam Propositionē: quod scilicet actio in aliquibus aut aliquādo sit finis ultimus non tantum quo, quod est ordinariū, sed etiam finis qui, seu finis vt res. Verumque ex dictis & allegatis factis constat. Quod itaque ad secundam Propositionē attinet, illa in primis negatur vera esse, de fine ultimo quo: nam actionem, quæ est finis tantū ultimus quo, esse propter finem, per se satis videtur evidens & per exēpla adducta facillè potest declarari: nam avarus vult pecuniarū possessionem, propter ipsas pecunias, quas amat & sibi conuenientes iudicat; intemperans vult sensationem boni delectabilis, propter ipsam delectabilitatem, quam in eo apprehendit; & beatus vult visionem Dei, quia Deum tantū summū bonum desiderat & amat, quem per visionem comprehendit & quasi possidet: atque ita licet aliquæ actiones sint finis ultimus quo, nō tamen arguitur, quod illæ derur humana actio, quæ non sit propter finem.

Sed difficultas est de actione, quæ est finis ultimus qui, seu finis ultimus vt res, de qua potissimum procedit obiectio, & ad quam etiam D. Tho. suam responsionem maxime dirigit: neque enim ita apparet, quomodo hæc dici possit esse propter finem, cum non propter aliud bonū, cuius illa sit comprehensio, sicut in alijs, sed gratiā sui appetatur, & in ea stetur. Nihilominus dicit D. Thomas, quod homo agat propter finem, etiam agendo huiusmodi actionem,

B ij quæ

Actibus voluntatis peculiare est, quod dum deliberant, seipsos sint voliti.

Secunda obiectio contra C. Th. d. 1.

Sermo est tam in obiecto, quam in solutione D. Th. de fine ultimo in communi siue absolute siue secundum quid sit ultimus.

Actio humana potest intelligi effectiui ultimus qui, tum quo.

Finis qui quando est actio, tenetur ac possidetur sine alia actione eius comprehenditur.

Solutio secundæ obiecti.

Actio quæ est finis ultimus qui est propter finem.



Etiā actio quæ est finis ultimus qui, est propter finem.

Actus elicito voluntate non potest esse finis ultimus qui, seu vt res.

quæ sic est finis ultimus: & consequenter subsistere conclusionē, quod omnis humana actio sit propter finem. Vt autem ostendat, quomodo illa, quæ sic est finis ultimus, sit propter finem; præmittit primò, omnē actionem humanam debere esse voluntariā, prout ex dictis constat: deinde duplicis generis esse actiones voluntarias, scilicet alias à voluntate elicitas, alias ab eā imperatas; vt in frā amplius declarabitur.

Quod attinet ad voluntarias à voluntate elicitas, dicit impossibile esse, quod aliqua talis actio sit finis ultimus. Vbi loquitur D. Thomas de fine vltimo in communi, & de fine vltimo qui, siue vt res est, non tantum de fine vltimo simpliciter, neque de fine vltimo quo, siue vt adeptio est, prout iam antè diximus. Quibus positis, sic probatur illud dictum: Voluntatis obiectum est finis, ita vt omnis actus ab eā elicito, vel proximè circa finem versetur, aut ad illum referatur; ergo non potest huiusmodi aliquis actus esse finis ultimus: quia obiectū eius, circa quod proximè versatur, vel in quod refertur, habet semper adhuc rationem finis qui, siue vt res, respectu illius actus. Quod declarat D. Thomas, quia impossibile est, quod primum visibile sit ipsū videre, quia scilicet obiectum visibile debet supponi ante actum visus; ergo etiam impossibile est, quod primum appetibile, sit ipsum velle, quia obiectum appetibile debet supponi ante actum appetitus, sicut obiectum visibile ante actum visus: & proinde impossibile est, quod velle sit finis ultimus. Nam finis ultimus est primū appetibile, & quidem finis ultimus simpliciter, est primū appetibile simpliciter: finis autem ultimus secundum quid siue operis, est etiam primū appetibile secundum quid, scilicet respectu huius vel illius operis aut studij; ergo ipsū velle nec potest esse finis ultimus simpliciter, neque secundum quid, quia proportionabiliter semper aliquod appetibile primum, quod finis rationē habet, debet supponi, tanquā eius obiectum, quod appetitur, vel propter quod appetitur aliud; ergo &c. Atque ex his patent & sensus & veritas huius dicti D. Tho. Ex quibus etiam faciliè erit respondere ad difficultates, quas circa illud mouent Caietanus, Medina, & alij. In actibus itaq; à voluntate elicitis cessat obiectio, vt potè qui finis vltimi rationem habere nequeunt. De Actionib. imperatis autē dicit, quod si aliqua talis detur, quæ sit finis ultimus, tamē hominem, quando illam agit, agere quoq; propter finem. Quod hoc modo videtur ex mente D. Tho. posse explicari, quia actio illa imperata, quandoquidem humana est, in se participat aut claudit simul actū vo-

Actio à voluntate imperata admittitur posse esse finis ultimus qui: & ex-

luntatis, à quo pendet; hic autem actus voluntatis est propter finem: atq; ita, quando agit homo actionem illam imperatam, agit propter finē, ratione scilicet istius velle, ex quo, & actu potentie, cui imperatur, constituitur vna perfectā & integrā humana actio, de qua conclusio D. Tho. est intelligenda: quod rectè Caietanus apprehendit, quando ad hunc articulum scribit, litteram, Omnes, in principali Conclusionē responsiuā, quæ habet, quod omnes humane actiones sint propter finem, non distribuere pro omnibus actionibus seorsim sumptis, sed pro singulis perfectè seu integraliter sumptis, vt ipse loquitur, qualis non est imperata, nisi vt habet adiunctum actum voluntatis imperantis.

Sed contra discrimen, quod D. Thomas obicit statuit inter actiones voluntarias elicitas à voluntate, & inter imperatas, possunt obijci duo. Primum est: Sicuti actio voluntaria imperata, v. g. contemplatio, est finis ultimus modo explicato, ita etiam nihil vetat actionem à voluntate elicitam habere rationē finis vltimi: quia sicut quis potest velle contemplationem, vt bonum quoddam suum, & in eo vt fine studiij sistere, ita etiam potest velle vt. g. amorē Dei propter se, quia ipsū bonum est amare Deum, & in eo quiescere: atqui amor hic est actus voluntarius à voluntate elicitus; ergo &c. Alterum, quod mouet Medina, est: Non tantum actus elicitus voluntatis, sed omnis etiam actus imperatus cuiuscumq; potentie, terminatur ad aliquod obiectū; ergo nō magis actus imperatus poterit esse finis ultimus qui, siue vt res, quā actus elicitus.

Respondetur ad prius, negando Assumptum: ad illud autem, quod per modum confirmationis eius adijcitur, Dicendū est, differentiam esse inter velle cōtemplationem, & inter velle amorem Dei; quod scilicet contemplatio non sit noua voluntas alicuius alterius boni à se, & proinde qui vult contemplationem, possit intelligi in contemplatione, vt in vltimo desiderato, quiescere; quia contemplando non appetit obiectum contemplatum: amor autem est noua voluntas, quā quis sibi vult rem amatam: vnde qui vult amare Deum, quando amat, vult sibi Deum, vt bonum suum, si sit sermo de amore concupiscentiæ; aut vult Deo bonum, si sit sermo de amore amicitie: vt rousis autem modo agatur de amore Dei, efficitur, quod qui vult amorem Dei, non sistant in ipso actu voluntatis, vt in fine, sed tendat, mediante istā nouā voluntate, in obiectum illius voluntatis, tanquam finem, quem sibi vt suum bonum desiderat, vel cui bonum desiderat, ita vt ipse actus voluntatis non sit vltimum desideratum.

Solutio prioris obiectio.

sideratum, sicuti actus intellectus est ultimum desideratum.

Solutio  
posterioris  
obiectionis.

Ad alterū Respondetur, negando Consequentiam: quia ut ex modò dictis constat, fundamentum, quare ipsum velle non possit esse finis ultimus, non est simpliciter, quia verisur circa aliquod obiectum: sed quia obiectum ipsius velle est finis; ita ut omnis actus voluntatis circa finem verisetur, aut circa aliquod propter ipsum. Vnde fit, quòd ipsum velle nunquam possit esse primum appetibile, nec ultimum desideratum vel amatum, in quo operans quiescat, siue simpliciter, siue etiam secundum quid, quoad particulare opus aut studium. Quod verò ad actus imperatos alterius potentie attinet, quamvis terminentur ad aliquod obiectum; non tamen hoc obiectum habet necessariò rationem finis respectu agentis, ut scilicet vel eius bonitas in se, vel utilitas eius ad aliud sit causa alliciens & mouens ad agendū, prout eam rationem necessariò habet omne voluntatis obiectum: sed potest fieri, quòd sola bonitas & perfectio ipsius talis actionis sit totum illud, cuius gratia fit id quod agitur, ut supra satis est demonstratum: & docet D. Thomas de actionibus contemplatiuis, lib. 3. contra Gentes cap. 2.

## ARTICVLVS II.

*Vtrum agere propter finem, sit proprium rationalis nature?*

Responsio D. Thomæ ad hunc Articulum consistit in duabus Conclusionibus. Vna est: Omnia agentia necesse est agere propter finem. Altera est: Proprium est nature rationalis, sed tendat in finem: quasi se agens vel ducens ad finem: Nature verò irrationali conuenit, ut tendat, quasi ab alio acta vel ducta in finem; siue apprehensum, sicut bruta animalia; siue non apprehensum, sicut ea, quæ omnino cognitione carent. Priorem Conclusionē deducit, Primò ex Philosopho, qui lib. 2. Physic. cap. 8. ostendit, non tantum ea, quæ per electionē agunt, sed etiam naturam agere alicuius gratiā, siue propter finem: quod tum in animalibus brutis, tum in plantis ibidem declarat; nam alicuius gratiā hirundo nidulum extruit, aranea telam contextit, formica alimentum congerit; idque adeò evidens esse dicit, ut alij dubitauerint, an non hæc animalia mente aut simili altiori principio operetur: & plantæ etiā frondem tegendorum fructuum gratiā explant, radicemque non sursum sed deorsum emittunt sumendi causa nutriti. Deinde probat D. Th. eandē conclusionem ratione,

Probat  
prior  
conclusionem  
philosophi.

Eadē  
probat  
ratione.

quæ in substantiā talis est. Si subtrahatur finis, cessat omnis actio; ergo signum est quod omne agens tendat necessariò in finem alicuiem. Antecedens probatur, quia agens non potest agere, nisi sit determinatum ad vnum aliquid producendum, aliquem omnes effectus, & cuiusvis generis actiones essent illi indifferentes: quod autem indifferenter se habet ad multa, non magis operatur vnum, quàm aliud; quare actio esse non potest, nisi agens determinetur ad vnum aliquid efficiendū: illud autem vnum, ad quod determinatur agens, est finis; ergo necesse est quod omne agens in finem tendat, & propter finem agat. Sed de hac necessitate amplius constabit ex dicendis Art. 4. huius quæst. Determinationem autem illa agentis dicit in rationali naturā fieri per rationalem appetitum, qui dicitur voluntas: in alijs vero fieri per inclinationem naturalem, quæ dicitur appetitus naturalis. Posteriores Conclusionē in hunc ferè modum probat & explicat. Agens nature rationalis per intellectum cognoscit finem & rationem finis, & per liberatam voluntatis habet dominium suorum actuum, vnde fit quod possit se determinare & operationem dirigere ad vnum aliquid consequendū, & media ad illud ordinare: Natura autem irrationalis non cognoscit rationem finis nec habitudinem eius ad media, nec mediorum ad ipsum, & proinde eius non est se determinare ad finē uti per media ordinata consequendum, sed naturali inclinatione est determinata ad vnum aliquid, in quod fertur necessitate, non libertate: & propterea recte ac merito dicitur nature rationalis esse proprium, quod tendat in finem quasi se agens & ducens ad finē: nature autem irrationali conuenire, quod ab alio acta & ducta in finē feratur. Pro pleniori autē utriusque Conclusionis & materie inibi tactæ elucidatione, explicandum est hic vnum atque alterum dubium.

Quæritur itaq; primò, Vtrum actionū diuinarum detur vera causa finalis? Pro resolutione respondeo &

Primum  
dubium  
vtrum  
actiones,  
diuine  
habeant  
causam  
finalem?

Dico primò: Diuinarum actionum immanentium nulla datur causa finalis; non solum non ut ad intra ad Deū necessariò, sed neque ut ad extra ad creaturas liberè terminantur. Colligitur ex doctrinā D. Th. 1. p. qu. 19. a. 5. & lib. 1. contra Gentes c. 86. & 87. ubi late ostendit nullam dari causam diuinæ voluntatis; quem alij sequuntur. Et probatur, quia in diuino intellectu aut diuinā voluntate non est aliqua vera efficiencia circa actus immanentes, siue ut versantur circa essentiam ut obiectum, siue ut circa Filium aut Spiritum sanctum respectiue ut terminos. Sed neque ut

B iij terminan-

terminantur liberè ad operationes ad extra, habent causam efficientem; ergo nec earum datur siue vnà siue alià consideratione causa finalis. Antecedens breuiter declaratur, quia actus illi vt sic ad intra terminantur secundum se simpliciter, sunt ens per essentiam & omni modo ens independens. Similiter etiam vt liberè terminantur ad creaturam, sunt secundum entitatem suam ens per essentiam & omnino independens; ergo neque vnà neque alterà consideratione possunt dici secundum se & suam entitatem habere causam efficientem propriè & absolūtè dictam: neque etiam vt terminantur liberè ad creaturas, quia vt sic nihil reale superaddunt entitati, quæ est ens per essentiam, & proinde neque vt sic habent realem & veram causam efficientem, quia entis siue respectus rationis, qui potest intelligi quasi superuenire, nō datur efficientia realis. Quod si non habeant veram causam efficientem, consequens est, quod neque habeant veram causam finalem: quia iuxta communem & veram doctrinam non habet locum causalitas finis, vbi non concurrit efficiens: Licet aliter videatur sentire Soneinas 1. 5. Metaph. q. 2. in respons. ad 3. vbi in diuinis actibus docet saluari veram causalitatem finis, quamuis non causalitatem efficientis; sic enim scribit: Intellectus Dei non mouetur ab essentia effectiue, quia inter tale mouens & motum requiritur realis distinctio: Bonitas autem mouet voluntatem metaphoricè, & ideo saluatur ibi (inquit) vera causalitas finis & non causalitas efficientis. Et confirmari potest hæc opinio: nam quod bonitas moueat metaphoricè diuinam voluntatem, probatur in primis, quia Deus amat se propter suam bonitatem, vt omnes faciliè admittunt: atqui per hoc non videtur aliud significari, quàm diuinā bonitatem mouere voluntatem motu quodā metaphorico in amorē suę essentię. Secundò, quia Deus propter suam bonitatem amat etiam creaturas, quod nullus quoque negabit: sed amare vnum propter aliud est ex amore vnius trahi, & moueri metaphoricè ad amorem alterius: ergo Dei bonitas dicenda est metaphoricè mouere ipsius voluntatem. Neque incongruum aut inconueniens est id dicere, vt apparet quandoquidem in Scripturis Sanctis Deus per metaphoram dicatur tactus dolore cordis intrinsecus, & pænituisse quòd fecisset hominē. Quòd si verò bonitas diuinā voluntatem metaphoricè in sui & creaturarum amorem moueat, prout iam ostensum est mouere: consequens omnino apparet, quod amor ille habeat finalem causam, scilicet Dei boni-

tatem. Verum hæc opinio videtur singularis & nullo modo tenenda. quare pro argumentorum solutione notandum est, dupliciter intelligi posse aliquid mouere voluntatem metaphoricè ad amorem aut volitionem. Vno modo sic, vt vera & realis sit dependentia illius amoris aut volitionis, vj effectus in genere causæ finalis, à mouente vt causā: sed tamen dicatur voluntatem mouere metaphoricè tantum, ad distinguendam hanc rationem mouendi à motione in genere causæ efficientis, non ad excludendam illam à tota latitudine causalis motionis, ex parte eius, quod metaphoricè mouere dicitur, & verè ac realis dependentiæ ex parte actus ad quē dicitur voluntatem Metaphoricè mouere. Alio autem modo sic vt quod metaphoricè mouere dicitur voluntatem, significetur tantum esse ratio quædam amandi aut volendi, absq; eo quòd interueniat aliqua vera causalitas & dependentia illius amoris aut volitionis ab eo, quod metaphoricè dicitur voluntatem mouere: quemadmodum docet D. Th. loco suprā cit. diuinę voluntatis posse dari rationem, nullo autem modo causam: & quod sic voluntatem dicitur mouere, omninò & planè metaphoricè tantum mouet, quia nulla vera motio in quouis genere causæ interuenit, neque vlla ratio effectus aut alicuius dependentis accedit vel subsequitur.

His prænotatis, ad obiecta respondetur, non esse inconueniens dicere, quod diuina bonitas metaphoricè voluntatē moueat ad sui ac etiam creaturarum amorem, iuxta posteriorem modum metaphoricè mouendi iam explicatum: quia scilicet bonitas Dei est quædam eminens ratio amandi, tum ipsam essentiam, tum etiam creaturas: quæ sicuti in Deo est absque distinctione actuum, & quarumlibet formarum; ita quoque est absque omni verā & reali causalitate cuiuscumque rationis. Sicuti enim Deus quodam eminentissimo modo se per seipsum amat, sine omni causalitate efficientiæ circa amorem illum qui à nobis concipitur tanquam actus quidam vitalis, & sine causalitate formali circa amantem quatenus à nobis concipitur illo amore constitui amans; ita quoque Deus modo eminentissimo amat se propter se & omnē, creaturam propter bonitatem suā, siue propter amorem suæ bonitatis sine verā & propriè dictā causalitate finali. neque enim interuenit aliqua dependentia huius amoris, siue à Deo vt agente & amante, siue à bonitate vt finaliter motione verā à parte rei mouente voluntatē: sed Deus qui amat, voluntas, amor, & bonitas, sunt omnino vnum & simplicissimum ens, omni

Soneinas  
sentit in  
diuinis ac-  
tibus salu-  
uari verā  
causalitatē  
finis sed  
non causæ  
efficientis.

Responsio  
ad argu-  
menta pro  
opinione  
Soneinæ  
adducta.

omni ex parte ens necessarium & independentens. Quare ex eo, quod concedatur diuina bonitas mouere metaphoricè voluntatem ad amorem modo dicto, non sequitur saluari veram causalitatem finis circa amorem diuinum, cum huiusmodi motio metaphorica non importet amoris dependentiam & rationem effectus in ordine ad bonitatem vt causam. Neque quicquam dixerit Deum amare se propter se tanquam propter finem, vel quod ipse sit finis sui, nisi fortè negatiuè, vt dicatur finis sui, quia non est propter alium finem. quemadmodum aliquando dicitur habere esse à se, quia à nullo alio: sed sicuti hic non intelligitur esse principium efficiens aut productiuum sui, ita nec ibi debet intelligi finis sui per causalitatem finalem. Quod si itaque sermo sit de ratione mouendi Metaphoricè priori modo, negandum erit, diuinam bonitatem sic metaphoricè mouere diuinam voluntatem: hoc enim esset in Deo ponere veram mutationem & ens causatum, quia causa finalis, licet metaphoricè mouere dicatur voluntatem nostram, tamen importat veram voluntatis motionem & veram dependentiam actus à fine, quæ nullo modo in Deo sunt admittenda. Vnde ad ea, quæ allegantur in probationem, dicendum est: ad prius quidem, quod in eo, dum dicitur Deus amare se aut suam essentiam propter suam bonitatem, solum significetur, bonitatem esse ratione amandi essentiam, non autem eam esse causam amoris; & proinde eam posteriori modo metaphoricè mouendi mouere voluntatem, non priori modo. Ideoque non sequi, quodd sit finalis causa amoris, vel quod diuinus amor habeat finale causam. Ad posterius dicendum, verum esse, & rectè dici quod Deus propter suam bonitatem amet creaturas: sed negandum est in eo significari, quod ex amore suæ bonitatis metaphoricè mouetur ad amorem creaturarum, ita vt amor bonitatis suæ habeat rationem veræ causæ qualiscumque, & amor creaturarum rationem effectus; aut aliqua sit realis dependentia amoris erga creaturas ab amore diuinæ bonitatis. Quod euidenter ostenditur, quia nulla est in re distinctio inter amorem, quo Deus amat suam bonitatem, & quo amat creaturas, & proinde non potest intercedere vera causalitas, vt non efficientis, ita neque finalis: quod & D. Augustinus docuit lib. 83. quæstionum quæst. 28. vbi negat esse querendum causam diuinæ voluntatis, ob quam voluit mundum creare: & addit rationem, quia omnis causa, inquit, efficiens est; id est quia ubicumque est vera causalitas, inter-

cedit quoque ibi causa efficiens, quæ circa Deum, eiusque actus immanentes locum habere non potest. Significatur igitur solum, quod diuina bonitas, vt est ratio amandi diuinam essentiam, ita etiam sit ratio terminandi eundem amorē ad creaturas, absque eo quod illa exerceat aliquam causalitatem in amorem diuinum, etiam vt ad creaturas terminatur, quia illa libera determinatio amoris ad creaturas, nihil prorsus reale ponit in Deo aut diuinā voluntate, prout dictum est. Neg; verò omne illud, quod est ratio alicuius, est causa eius: quemadmodum in diuinis attributis vnum dicitur ratio alterius, vt immutabilitas Dei dicitur ratio æternitatis, & immaterialitas ratio immortalitatis, & vnum non est causa alterius. Sic in voluntate creatā, quando ipsa vno actu fertur in finem & media, potest volitio illa vt finis est, dici ratio eiusdem vt est mediorum, non est tamen eius causa, vt per se euidenter est, cum à parte rei sit omnino vnus & idem actus, vt supponitur. Habetur ex D. Thoma infrā quæst. 19. art. 5. adeo vt nisi bonitas finis esset causa huius volitionis, vt est volitio finis, non esset quoque causa volitionis eiusdem, quatenus est mediorum.

Dixi, quod actionum immanentium, etiam vt ad creaturas terminantur, non datur finalis causa propriè dicta, quia non incongruè dicentur habere finem, vt terminum absque ratione causæ, in quem determinatè tendant, scilicet rem illam, quæ iuxta Dei voluntatem & propositum emanat seu producit: etenim vt notat Gabriel in 2. distin. 1. quæst. 5. & alij, finis & causa finalis propriè dicta non omnino sunt idem: finis enim vt sic, dicit tantum terminum, in quem operatio tendit, vel generaliter extremitatem rei: sed vt causa sit actionis, debet in eam influere ita vt sit actionis ab eo dependentia, quod non conuenit creaturæ ad quam liberè terminantur actiones diuine quæ immanentes, respectu istarum actionum.

Dico 2. Omnium effectuum & actionum Dei, quæ extra ipsum sunt, datur finis non solum tamquam terminus aliquis ad quem tendunt, vel in quem ordinantur: sed etiam vt finalis causa propriè dicta, & quidem vltimus est ipsa increata Dei bonitas. Est communis doctrina Theologorum. Ita docet D. Thomas 1. p. quæst. 44. art. 4. quem alij sequuntur. Et probatur ex illo Prouerbiorum capite 6. *Vniuersa propter semetipsum operatus est Dominus*: vbi euidenter præpositio *Propter*, denotat habitudinem finis: neque subest ratio, quare diceretur significare

B iiii tantum

Opera Dei  
ad extra  
habent cau-  
sam fina-  
lem.

tantum habitudinem finis vt termini, non autem vt veræ causæ; cum in similibus locutionibus soleat significare causam, nisi forsitan materia id non admittat, ergo &c. Confirmatur, quia actionibus & effectibus extra Deum, non repugnat dependentia vera & realis à fine vt causâ, quandoquidem sic dependeat ab efficiente. Ipsa quoque ratio finis, vt causæ veræ & propriæ dictæ, nullam involuit imperfectionem, non magis quam ratio causæ efficientis; ergo nullum subest fundamentum negandi, quod operationum Dei ad extra & effectuum eius, detur finis cum propriâ ratione causæ, qui sit eius bonitas. Imò cum causâ finalis sit omnium primâ & quodammodo perfectissima, debet propriè & formaliter & perfectissimo modo ratio eius Deo attribui. Probari potest secundo ratione D. Tho. quâ videtur loco citato, & coincidit cum eâ, quâ probat hic primam conclusionem; quæ tamen in rigore forsitan non plus euincit, quam omnes Dei operationes esse ad finem aliquem tamquam definitum terminum, quia vt actio agentis determinetur ad vnum, videtur satis esse, quod agens certum & determinatum finem vt terminum intendat, quamvis hic causalitatem realem nec in agens nec in actionem exerceat. Dixi quod quidem finis eorum ultimus sit diuina bonitas: nam possunt etiam habere finem aliquem proximum qui sit aliquid creatum: vt finis propinquior incarnationis est nostra redemptio & sanctificatio.

**Obiectio.** Sed contra assertionem positam occurrunt grauior difficultates. In agentibus enim naturæ intellectualis non videtur posse locum habere causalitatis finis circa operationes externas aut imperatas nisi mediâ causalitate finis in ipsam voluntatem: vt v. g. sanitas non potest finaliter causare ambulationem, nisi quatenus per intellectum apprehensa sui desiderio mouet ac trahit voluntatem ad volendam & imperandam ambulationem, & sic in alijs. nec videtur declarari posse, quomodo aliter actio vel opus externum agentis intellectualis ab aliquo vt fine dependeat. Si enim sanitas non prius mouisset voluntatem ad ambulandum, sed aliâ occasione homo ambularet, & sic fieret sanus, certè non posset sanitas dici causâ ambulationis, nec ambulatio quomodo libet à sanitate habuisset dependentiam: atqui certum est, quod nulla sit causâ vt non efficiens, ita neque finalis, quæ exerceat aliquam causalitatem in diuinam voluntatem, quia nulla omnino datur causâ diuinæ voluntatis, vt iam antè ex D. Thomâ & communi Theologorum doctrinâ asse-

ruimus: ergo videtur quod etiam actionû Dei & operum ad extra non detur finis, qui sit causâ propriè, sed tantum qui sit terminus aliquis, ad quem tendunt aut ordinantur.

Respondetur, etsi consequens illud non appareat planè absolum, tamen non esse admittendum: tum quia D. Thomas expressè quæst. 44. supra in responsione ad 4. dicit, quod Deus sit causâ efficiens, exemplaris & finalis omnium rerum, & sic etiam loquuntur communiter alij; tum propter alia argumenta allegata. Vnde ad difficultatem motam dicendum est: ad assumptum quod attinet, admitti illud habere locum in agentibus naturæ intellectualis creatæ: sed vt externæ actiones & effectus à Deo procedentes sint propter aliquid v. g. diuinam bonitatem vt causam finalem, ab eaque dependentes sint, necesse non esse illud veram causalitatem exercere in Deum, siue eius diuinam voluntatem: verum sufficere quod sit ratio diuinæ voluntatis, vt ad tales actiones & effectus terminatur, & sic modo planè metaphorico dicatur voluntatem mouere: atque ita causet illos effectus & operationes, medio quidem agente intellectualis naturæ, cui sit ratio se terminandi ad illos effectus, sed sine verâ causalitate in eius voluntatem aut volitionem. Diferimen autem hoc inde intelligi potest oriri, quod agens intellectuale creatum, vt ab eo voluntaria actio externa aut effectus prodeat, debet ipsum se ad operandum mouere & applicare per realem motionem & propriam causalitatem, vbi sicut opus est efficientiâ, ita etiam causalitate finali: neque enim aliter creata voluntas, quæ non est de se actus, sed potentia, potest attingere & effectuare actiones externas aut imperatas, prout nec actum elicitum & internum habere: sed agens increatum quia essentialiter est actus, sicuti non indiget aliquâ mutatione aut causalitate propriè dictâ, vt seipsum intelligat, vt seipsû amet, ita quoque sine concursu causalitatis realis qualiscumque, quæ circa ipsum, eiusve diuinam voluntatem exerceatur, potest attingere & producere operationes & effectus extra se, quæ vti ab ipso tanquam principio efficiente dependent, ita ab eodem seu eius bonitate tanquam verâ causâ finali dependant, etiam si bonitas nō causauerit illam Dei voluntatem, sed tantum fuerit ratio prout amandi se, ita & quodammodo extendendi & communicandi se extra se siue creaturis: vnde operationes ad extra respiciunt Deum & vt omnipotentem, quatenus eis efficit, & vt summè bonum, quatenus ad illum vt finem ordinant.

Opinio  
antiquo-  
rum Phi-  
losopho-  
rum.

operibus omnia eiusmodi agentia ita se habent & gerunt, prout conuenit & expedit ut singula ad eundem suum præfixum terminum perueniant: quæ omnia sunt manifestissima signa naturam non fortè fortunâ & casualiter operari, & producere effectus suos, sed certo & determinato principio & agendi ratione tendere in aliquem quasi præfixum terminum. Quemadmodum si videremus sagittam ex aliquo secretiori loco prodeuntem, semper eundem ferire scopum, euidentissimum nobis esset iudicium, impetum, & motum eius non per incertum vagari, sed esse directum & determinatum ad tendendum in scopum illum.

Vndè tantum hic superest examinandum, quod ab initio proposuimus, Vtrum scilicet agentium horum actiones, quibus determinatè sic feruntur ad suos præfixitos terminos, possint dici habere causam finalem, quæ in agens aut eius operationes exerceat causalitatem, & proinde vtrum ipsa agentia operentur verè & propriè propter finem ut causam? Quidam negant simpliciter vtrumq;, saltem in ijs, quæ omni cognitione carent; quia nullus apparet modus, quo hæc moueantur à fine: In motione autem consistit causalitas finis, ut antè dictum fuit; & proindè neque apparet quomodo actiones possint dici habere causam finalem. Alij verò putant vtrumq; admittendū esse. Quæstio & differentia hæc videtur magis versari circa modū loquendi, quā circa rem ipsam. Quare pro difficultatis explicatione respondeo, &

Actiones naturalium agentium sunt dicendæ fieri propter finem & esse effectus finis.

Dico primò: Actiones omnium agentium naturalium tam eorum, quæ cognitione omni carent, quam quæ aliquā polent, simpliciter loquendo, sunt dicendæ fieri propter finem & esse effectus finis. Probatu primò, quia Aristoteles absolute loco suprà citato docet agentia naturalia etiam, quæ cognitione carent, agere propter finem: tractat autem ille de fine, ut causa est, & formā docet esse finem naturalis generationis, quam indicat respectu eius habere causam rationem. D. Thomas quoque hic & lib. 3. contra Gentes c. 2. sic loquitur, ut dicat generaliter omne agens propter finem agere, & omnis actionis (quæ scilicet causam habet) primam causam esse finem; ergò simpliciter loquendo oportet dicere, quod actiones istorum agentium sint propter finem, & habeant finem, ut causam.

Probatu secundò ratione, quia istarum actionum seu operationum adæquatum principium, non est ipsum naturale agens solum (nisi fortè secundum quid, scilicet in suo ordine) sed cum eo simul Causa pri-

ma & auctor totius naturæ: idque dupliciter. vno modo, quatenus per se concurrat immediatè, ut causa vniuersalis, ad omnem creatam actionem: alio modo, quatenus indidit naturali agenti formam & virtutem determinatam ad certū genus actionis & effectum: atque ita in principio adæquato talium operationum includitur agens intellectuale. Hoc autem cognoscit & intendit fines, tum particulares & propinquos, tum etiam vniuersalem & ultimum istarum actionum, quas agens naturale producit; & ex finem horum intentione indidit & subministravit singulis causis determinatam inclinationem, virtutem & instrumenta ad producendos tales, & non alios effectus, & simul ut causa vniuersalis cum eis concurrat iuxta causæ exigentiam; ergò omnes illæ operationes dicendæ sunt habere finem, non tantum ut terminum, sed etiam ut causam finalem simpliciter loquendo, quia ut sic ad principium suum adæquatum, à quo exeunt, habent respectum. Confirmatur à simili: quia motus sagittæ directæ in scopum aut in feram, non tantum dicendus est habere terminum, in quem feratur, sed etiam causam finalem, absolute loquendo; idque ideo, quia ille, qui impetum imprimit & sagittam dirigit, cognoscit finem, & ex intentione eius, virtutem motuum transeuntem indit & dirigit motum in scopum quem tangere, vel in feram, quam conficere cupit: quamuis sagitta, sic per impetum impressum directæ in finem, non percipiat aut cognoscat finem. Hinc autem, quia cognitio finis, & directio ac determinatio actionis ad ipsū, non est penes ipsum agens naturale, sed penes Causam primam modo explicatam, fit, quod licet actiones agentium naturalium sint simpliciter dicendæ esse propter finem, & esse effectus finis, ut diximus, tamen agentia naturalia non dicantur tam operari & agere propter finem, quam agi & moueri in finem, aut acta & mota ab alio, agere propter finem, ut docet D. Thomas hic, tum 1. p. quæst. 103. art. 1. ad 1. & libro 3. contra Gentes cap. 2. quibus locis videtur ipse communi exemplo, iam allegato, de sagittâ, quæ mouetur ad scopum, directâ à sagittante, qui cognoscit finem, quem non cognoscit sagitta. Et propter hanc concurrentiam primæ causæ, dirigentis ac determinantis causas naturales ad suos fines, commune dictū obtinuit, opus naturæ esse opus intelligentiæ. Et conformiter Aristot. li. 4. de Generatione animalium cap. 2. scribit, Omnia, quæ naturâ vel arte fiunt, ratione aliquâ esse: quod etiam indicat lib. 2. de Caelo

Cælo c. 4. coniunctim loquens de Deo & naturâ, quod nihil faciant frustra; satis significans, naturam in agendo propter finem subordinari Deo.

Ex dictis intelligi potest, quod merito Aristoteles contrâ veteres Philosophos, quorum iam meminimus, docuerit primâ originem & radicem, quare res naturales habeant tales aut tales dispositiones, quoad figuram, partes vel organa, aut partium vel organorum situm, non esse petendam ex materiæ ratione, sed ex fine: quia si materia nuda secundum se spectetur, deprehenditur illa esse indifferens, & ex suâ ratione non exigere determinatâ quantitatem, aut quantitatis dispositiones quoad raritatem, densitatem, figuram, situm aut similes proprietates: si autem consideretur ut informata, iam dispositiones illæ non materiæ, ut causæ vnde vel propter quam, sed formæ potius sic ascribendæ sunt, cuius gratiâ introductæ sunt, siue ut forma in eâ produceretur, siue ut conseruetur, siue denique ut formæ in suis operationibus deferuiant: operationes autem iterum propter præordinatos fines sunt. Atque ita omnis rerum naturalium dispositio, connexio, & necessitas conaturalis, pendet ex ordine ad finem, non autem ex materiæ necessitate. Aut fortuitâ compositione proveniunt.

Dico secundò: In actionibus naturalium causarum, quæ carent cognitione omni, consideratis præcisè, ut ab his causis egrediuntur, non reperitur respectus aut ratio effectus finalis propriè dictæ, sed tantum habitudo ad certum terminum. Idem dico de actionibus animalium brutorum, consideratis præcisè, ut ipsum brutum tantum tanquam principium respiciunt, non considerando dependentiam & ordinem, quem habent ad causam primam. Satis utramque assertionem respectivè probant argumenta, initio huius Dubij pro ratione quæstionis posita. Sed contrâ instabit aliquis: Animalia bruta cognoscunt obiectum, tanquam conveniens sibi aut disconveniens, atque adeò apprehendunt, & quasi præcisè iudicant illud appetendum & prosequendum, vel repudiandum & fugiendum: idque non tantum circa ea, quæ delectabilia sunt, vel molesta sensibus; sed etiam circa illa, quæ aliâ ratione eis commoda aut incommoda sunt: auis enim apprehendit paleam colligendam, non quia sensum delectet, sed quia utilis est ad nidificandum; & ovis apprehendit lupum fugiendum, non propter indecentiam coloris aut figuræ, sed quia noxam infert suæ speciei, ut docet D. Thomas 1. p. quæst. 78. art. 2. Atqui obiectum à bru-

to sic apprehensum, & quasi iudicatum, ut conveniens & prosequendum, metaphorice movet eius appetitum, & in eâ motionem realem, quæ ab illo ut causâ dependet, excitat; & quidem efficacius, quàm finis movet voluntatem nostram, quia hæc liberè se ad eius prosecutionem determinat: appetitus autem bruti naturaliter & necessariò ab obiecta sic apprehensa quasi rapitur. Non potest autem causalitâs illa, quæ obiectum sic influit & movet appetitum bruti, & secundum quam motus eiusdem ab ipso dependent, ad aliud genus causæ referri, uti apparet, quàm finis; ergò huiusmodi motus & actiones animalium dicenda sunt non tantum habere quandam habitudinem ad finem, ut terminum, sed etiam ut ad causam, atque adeò esse effectû causæ finalis, etiam ut præcisè conferuntur cum animali bruto, à quo exercentur, absque omni consideratione dependentiæ & ordinis ipsorum ad causam primam.

Respondetur, admittendo animalia bruta cognoscere obiectum sibi conveniens, & ab eis apprehendi ut appetendum & prosequendum; & obiectum sic apprehensum dici posse metaphorice trahere & movere appetitum bruti, indeque causari elicitedum actum appetitus, quo in illud feratur & tendat; negando tamen, idcirco motum illum appetitus, & operationes bruti inde subsequentes, causari ab illo obiecto, ut causa finali propriè omnino dictâ. Ratio est, quia, quemadmodum iam antè indicavimus, ut aliquid dicatur habere ratione causæ finalis propriè dictæ, non satis est, quod cognoscatur & appetatur, ut appetenti conveniens & commodum, quodque operatio, necessaria ad eius consecutionem, adhibeatur; sed debet cognosci & appeti sub ratione finis, ac simul cognosci debent actiones, & mediæ, quæ adhibentur, convenientia & proportio ad illius consecutionem: finis enim finaliter propriè causas, apprehenditur ab omnibus, quod ipsum sui gratiâ appetatur, & propter ipsum appetantur & fiant cetera: & proinde debet cognosci in eo ratio finis, quod sit appetibile scilicet & amabile quid propter se; & debent cognosci aliorum, quæ gratiâ eius assequendi adhibentur, ordo & habitudo ad ipsum: alioquin quo modo diceretur appeti ut finis, quod non cognoscitur habere rationem finis? & quomodo dicentur adhiberi ut mediæ ad finem, in quibus non cognoscitur eorum habitudo ad ipsum? Sanè non potest esse propriè dictâ electio alicuius ut mediæ, si non cognoscatur eius proportio ad alterius consecutionem, Similiter ergò, neque intentio alicuius



alicuius ut finis, si in eo non cognoscatur ratio finis, ut antè etià ex D. Thomà ostendimus. Neutrum verò habet locū in brutis: quando enim apprehendunt rem, ut convenientem & appetendam, nō cognoscunt rationem convenientiæ, neq; distinguunt, vtrum sit ipsis conueniens per se, an propter aliud: sed naturali quodam instinctu percipiunt intentiones quasdam de re tanquam commodā & prosequendā, prout loquitur & docet D. Thomas 1. p. quæst. 78. art. 2. vel ut incommodā & fugiendā, absque omni apprehensione vel collatione, quare, vel ad quid. Naturalis autem instinctus ille, ut per occasionem hoc addamus, est actus quidam phantasiæ seu æstimatoriæ, naturaliter & necessario ab eā profluens, specie obiecti talis receptā. Posito autem illo actu, qui est instar iudicii practici, ut sic dicam, quo brutum indicat obiectum illud amplectendum, sequitur naturaliter illius appetitio & prosecutio. Sed de istis infra latius. Quamvis itaque negemus modo dicto animalū brutorum actiones, ut præcisè ab illis considerantur egredi, habere causam finalem propriè & rigide loquendo; tamen admitendum est, quod secundum analogiam quandam participatiuè, & modo minus proprio dici possint habere quasi causam finalem, etiam ut à brutis fieri præcisè considerantur. Hoc enim, argumentum in contrarium adductum satis ostendit: quia appetitio elicitā, & operationes inde subsequentes, causantur ab obiecto, tanquam conueniente & appetendo sic proposito & apprehenso: Illud enim metaphoricè trahit & mouet appetitum: eaq; mouendi & causandi ratio, ut rectè sumitur in argumento, ad nullum genus causæ potest aptius reduci, quam ad genus causæ finalis, propter magnam affinitatem & conuenientiam, quam habet cum modo causandi finis, ut per se apparet euident, licet omnimodam proprietatem causæ finalis non assequatur, propter rationes iam explicatas: quemadmodum D. Thomas infra quæst. 6. art. 2. tum in Corpore tum ad primum, docet, in brutis non inueniri voluntarium secundum rationem perfectam, quia ad hoc requiritur, ut principium actus sit intra eū perfectā cognitione finis, quod brutis non competit; tamen ijs attribui voluntarium, secundum quod trahitur ad ea, in quibus est aliqua participatio talis principij, secundum aliquam conuenientiam ad voluntatem (quam dicit nominari rationalem appetitum) quia scilicet non solo impetu impresso, aut qualitate motiua inditā feruntur, sicut causæ naturales, quæ omni principio cognoscendi carent: sed

secundam quandam conuenientiam participant cum voluntate, quod per aliquam propriam cognitionem moueantur in finem; sed quia neque rationem finis neque proportionem sui motus vel actionis ad finem cognoscunt, ideo ratio voluntarij simpliciter & propriè dicti, ipsis negatur.

### ARTICVLVS III.

#### *Verum actus humani recipiant speciem ex fine?*

**C**onclusio D. Th. est affirmatiua. Deducit illam ex D. Augustino, qui l. 2. c. 13. de moribus Ecclesiæ & Manichæorum scribit: Secundum quod finis est culpabilis vel laudabilis, secundum hoc sunt opera nostra culpabilia vel laudabilia, ergo opera nostra speciem recipiunt ex fine. Consequentia probari potest: quia quod opera nostra (scilicet secundum se) sint vituperabilia vel laudabilia, hoc habent ex specificā ratione sui Esse scilicet moralis, de quo D. Th. hic agit, quodque est, propriè loquendo, *Esse actus humani ut sic*: quandoquidem ergo finis eis tribuat, quod sint culpabilia vel laudabilia in se scilicet, consequens est, quod & tribuat eis speciem Esse sui. Probat eandem ratione, quæ sic potest formari; Motus recipit suam speciem vel à principio vel à termino, prout consideratur actionis aut passionis habere rationem: quando enim consideratur ut actio, specificatur à principio; quando autem ut passio, speciem recipit à termino: quod declarat exemplo motus calefactionis, quæ ut actio est, non est nisi motio procedens à calore; ut autem passio, non est nisi motio ad calorem: vnde intelligitur, quod illa accipiat speciem à principio; hæc autem à termino, quia definitiones indicant specificam rationem. Atqui actus humanus est motus quidam, qui potest etiam considerari tum per modum actionis, tum per modum passionis: diu autem enim quod homo tendat in finem, ut mouens seipsum; hoc ipso autem etiam mouetur à seipso, & sic motus ille in finem tum actionis, tum passionis rationem suo modo habet. Vtriusque autem modo consideretur, consequens est quod speciem suam habeat à fine. Declaratur, quia si consideretur ut actio, sic habet ordinem ad finem tanquam suum principium, quia actus humanus debet procedere à voluntate deliberatā, cuius obiectum est finis, & proinde finis concurrat ad illum, tanquam principij quoddam & quidè primum in ordine ad actus humanos: Si autè consideretur ut passio, sic

habet ordinem ad finem tanquam terminum: nam id, ad quod terminatur actus humanus est id, quod voluntas intendit tanquam finem; ergo dicendum est, quod actus humani speciem recipiant ex fine.

Sed contrā opponitur: Finis est causa extrinseca, quod autem actui dat speciem debet esse quid intrinsecum tanquam forma, vel differentia; ergo, &c. Respon. actus humanos dici speciem recipere à fine, non tanquam ab essentiali formā vel specifica differentia propriē dictā, sed tanquā ab eo, ex ordine & certā habitudine ad quod, ipse actus specificatur, ita vt finis extrinsecē det speciem, sed certa habitudo actus ad finem, sit quasi specifica differentia intrinseca; & quia finis solet esse notior & quasi palpabilior quā ista habitudo, hinc satis communiter dici solet, quod finis sit quod dat formā actui. Verū de ijs, à quibus actus humani speciem accipiant & quomodo eis dent speciem, latius agendū erit infra q. 18. vbi D. Tho. ex professo de his disputat. Illud interim hic notandum est primò, dictū illud D. Thomæ, quod motus vt actio speciem accipiat à principio, quatenus extenditur ad actiones causarū naturalium, debere limitari ad actiones causarū, quas vocant vniuēsas: quia dum Sol indurat, emollit, calefacit, motiones illæ & actiones, non habent speciem à principio, sed potius à termino. Deinde notandum secundò, nomine principij ibidem nū intelligi tantū causam efficientem propriē dictam, sed etiam id, quod est principium per modum obiecti, siue quod potentiam obiectiue mouet, aut obiectiue ad eius actionē concurrat. Imò in principijs huiusmodi proprijsimè dictū illud habere locū, potest colligi ex ijs, quæ scribit D. Th. 1. p. q. 77. a. 3. quia hæc simul etiam habet rationē termini, vt iam de fine est declaratum in ordine ad actum humanū. Nam intentio finis est veluti motus in finē tanquā terminum & formam acquirendam, quo mobile scilicet voluntas morali modo est formaliter pro parte sub termino ad quē qui est finis: quia animus eō transfertur vbi amat, iuxta illud Christi: *Vbi est thesaurus tuus, ibi est cor tuum.* Matth. 6. & ipso amore quasi transformatur metaphorico modo in amatum, iuxta illud Apostoli: *Vino ego iam non ego: vini verò in me Christus.*

#### ARTICVLVS IV.

*Verum sit aliquis vltimus finis humana vite.*

**C**onclusio D. Th. est: Per se loquendo impossibile est in finibus procedere in infinitum ex quacūq; parte. Vbi occa-

sione eius, quod addit, ex quacūque parte, obseruandum est, in fine, eiusdē prosecutione esse considerare duas extremitates, scilicet vnā vnde incipit, & alteram vbi desinit: & iuxta duplicem ordinem, quem in hac materiā distinguunt Philosophi & Scholastici, scilicet Intentionis & Executionis, variatā consideratione, nunc hanc, nunc illam habere rationem primi aut vltimi: considerando enim studium assequendi finis secundum ordinem intentionis, incipit illud ab extremitate, quæ propriē finis rationem habet; quia voluntas primū intendit finem, & desinit in alteram extremitatem, quæ habet mediij primo loco applicandi rationem: considerando autē ordine executionis, sic incipit ab extremitate, quæ mediij primū applicandi rationem habet, & desinit in alterā extremitatem, quæ prosecutionis terminus est. Nam quido quis accingit se actioni ad assequendum finem, primo loco adhibet medium, quod ordine intentionis erat postremū: & cessat actio obtento termino, qui erat primus in intentione, & ideo dici solet; Id quod primum est in intentione, est vltimum in executione & e contrā.

Propter duplicem itaque hanc extremitatem, quæ reperitur in prosecutione finis, dixit D. Thomas quacūque ex parte impossibile est procedere in finibus in infinitum. Probat autē ratione, quæ sic formari potest: Necessē est descendendo ab intentione finis ad electionem & executionem mediorum, quod in aliquo medio tandem fistatur, quod sit primum in executione, quia aliquin nunquam terminaretur consilium super medijs, nec vnumquam inchoaretur operatio in ordine ad finis consecutionem; semper enim haberetur in inquisitione principij, seu primi mediij, vnde inchoanda esset. Quare quā est experientiā manifestum, à nobis finis prosecutionem inchoari ab aliquo primo, secundum executionis ordinem, quod idē est vltimum ordine intentionis, tam est manifestum in progressu ab intentione finis ad media, tandem perueniri ad extremum aliquod, in quo fistatur, & à quo incipiat executoria actio ad finem. Similiter necesse est, quod ab hoc medio, quasi ascendendo & tendendo ad finem, perueniatur quoque ad vnum extremum, neque procedatur semper vltius ad aliud & aliud, quia sic nunquam posset intentio inchoari: quia hæc inchoanda est ab aliquo, quod est primum secundum ordinem intentionis: non poterit autē dari aliquod tale primum, si à medio tendendo ad finem, non perueniatur ad aliquod extremū, sed progressus fiat in infinitū. Decla-

Dno extrema in prosecutione huius.

Ratio quā D. Tho. probatur conclusio.

C

ratur,

quæ non habent ordinem ad inuicem per se, sed per accidens libi coniunguntur, nihil prohibet infinitatem habere; causæ enim per accidens sunt indeterminate & vni possunt infinita accideret, & hoc modo etiam potest contingere, quod in finibus sit per accidens infinitudo siue quædam multitudo absque limitatione vllâ; quia hoc ipso, quo aliqua per accidens coniuncta, non pendet in esse vel causando à se inuicem, nihil ad causandum facit, quantumque sit eorum numerus, etiamsi in infinitum multiplicetur; quia initium secundum ordinem intentionis, tum secundum ordinem executionis, poterit sumi ab vno aliquo independentem ab alio, non sic, si per se sibi sint subordinata & coniuncta; quia tunc deficiente primo mouente vel causante, cætera concidunt.

# ARTICVLVS V.

*Verum vnus hominis possint esse plures vltimi fines?*

**C**onclusio Diui Thomæ est: Impossibile est, quod voluntas vnus hominis simul se habeat ad diuersa, sicut ad vltimos fines. Probat principaliter ex ipsa ratione finis vltimi, ad hunc ferè modum. Quod voluntas appetit tanquam vltimum finem, debet apprehendi tanquam bonum perfectum seu completium, explens & satians omnem eius appetitum, ita vt extra illud nihil relinquatur appetendum; nam in possessione finis vltimi, consistit beatitudo, quæ est status omnium bonorum aggregatione perfectus: unde quod verè est finis noster vltimus, reddit nos verè beatos, quandò possidetur: quod falsò apprehenditur finis vltimus, reddit nos putatiuè, sed fallaciter beatos: atqui impossibile est, quod voluntas ferat in vnum aliquod vt tale apprehensum, sit aliud extraneum & diuersum, quod pro sua perfectione & appetitus expletionis simul desideret: quia hoc desiderium ostendit bonum alterum non esse plenè perfectum & expletium voluntatis; ergò &c. Addit & alias duas rationes, quibus idem declarat, quas apud eum libet citare videre.

Sermo est hic de vltimo fine Cuius, vt ex textu satis est euident, & quidem totali, & de vltimo simpliciter respectu hominis, non de partiali, vel de fine vltimo secundum quid, videlicet respectu operis alicuius, vel etiam collectionis aliquot a-

ctionum in vnâ aliquâ serie particulari. Vnde ad illud, quod opponi poterat ex D. Augustino, qui lib. 19. de Ciuitate Dei cap. 1. scribit nonnullos posuisse vltimum finem in his quatuor, scilicet in voluptate, in quiete, in bonis naturæ, & virtute, respondet Diuus Thomas, quod illa plura accipiebantur in ratione vnus boni perfecti, ex ipsis conslati: neque enim isti ad vnum quodque horum mouebantur, tanquam ad finem vltimum, sed ad ipsum aggregatum ex omnibus illis: ad singula autem tantum, tanquam ad partes finis vltimi & boni beatificantis hominem. Ita si quis opponeret, Articulo præcedente dictum in qualibet actionum & negotiorum serie, quæ per se ad inuicem habent ordinem, necessariò perueniri ad terminum aliquem seu finem vltimum, qui primum sit intentus; & proinde cum voluntas possit simul se habere sic ad diuersa negotia gerenda, consequens esse, quod possit simul se habere quoque ad diuersa, tanquam vltimos fines, similiter respondetur, quod non habeat se ad illos fines, tanquam fines vltimos simpliciter in ordine ad se, sed sicut ad fines vltimos secundum quid, puta istius operis, actionis vel studij, quos vel reputat vt partes boni beatificantis seu finis simpliciter vltimi, vel tales, quos possit ordinare ad vltimum finem, qui contineat plenitudinem bonorum.

Quod dicitur autem in Conclusionem, Impossibile esse voluntatè simul se habere ad diuersa vt vltimos fines, non solum excludit, quod actualiter non possit sic ferri in plura & diuersa simul, sed quod ne quidem virtuali dispositione ita se possit habere ad plura. Merito autem addit, simul, quia successiue potest: qui enim appetebat prius bonum delectabile sensibus, tanquam finem suum vltimum, in cuius fruitione collocabat felicitatis plenitudinem, potest mutari postmodum, & desiderare Deum, vt finem vltimum.

Sed contra Conclusionem obijcit Primo: Qui mortaliter peccat, statuit sibi finem vltimum in creaturâ, quam Deo præponit: amat enim illam pro Deo, vt docet Diuus Augustinus lib. 15. de Ciuitate cap. 22. & confirmari potest ex Scripturis: nam ad Philippenfes capite tertio, de gulosis scribit S. Apostolus expressè, *Quorum Deus venter est*; quia hoc vt Deus colitur, quod præ cæteris diligitur, vt ibidem indicat Glossa interlinealis: & significat Christus, Matthæi 6. dicens, *Nemo potest duobus Dominis seruire, aut enim vnum odio habebit & alterum diliget, aut vnum sustinebit & alterum contemnet.*

Occurritur obiectioni.

Obiectio Prima.

C ij Non

Non potest Deo seruire & Mammona. Et rursum ad Ephesios capite 5. de avaritiâ dicitur, quod sit Idolorum seruitus. Ioannis capite 12. Ex Principibus multi crediderunt in eum, sed propter Phariseos non confitebantur, vt in synagoga non egerentur: dilexerunt enim gloriam hominum magis quam gloriam Dei. Matthæi 10. Qui amat patrem aut matrem plusquam me, non est me dignus. Ieremiæ 2. Duo mala fecit populus meus, me dereliquerunt fontem aqua viva, & sederunt sub cisternis, cisternas dissipatas, &c: atqui contingit eundem hominem simul ad plures & diuersas creaturas se peccando convertere, quia simul potest & ob amorem voluptatis, & ob amorem diuitiarum, præuaricari diuina mandata. Imò in vno peccato plura eiusmodi posse concurrere docet D. August. Enchiridij cap. 25. dicit enim in peccato Adæ fuisse superbiam, sacrilegiû, homicidium, fornicationem spirituales, furtum, & avaritiam; ergo voluntas vnius hominis simul potest se habere ad diuersa, vt vltimos fines.

Solutio  
Adriani  
quæ reij-  
citur.

Adrianus Quodlibeto 7. §. Tertiò inquirendum, disputat ex professo, An in quolibet peccato mortali homo ita aberret à Deo, vt creaturam, tamquam vltimum finem & supra quam Deum diligit: & resoluit quæstionem negatiuè. Vnde ad obiectionem responderet ille, Negando propositionem Maiorem. Sed ista Adriani solutio passim à Doctõribus repudiatur, qui cum D. Thomâ quæst. 7. de malo, art. 1. in Corp. & in Respons. ad 2. §. & 20. item 2. 2. quæst. 24. art. 10. ad 2. & antiquioribus Scholasticis, vt Scoti in 1. dist. 1. quæst. 5. Durando ibidem quæst. 4. aliisque, docent peccantem mortaliter euertere mentis ordinem ad finem vltimum, auerti à fine vltimo, & finem vltimum in creaturis, quas plusquam Deum diligit, constituere. Quæ doctrina omninò fundata est in Scripturis suprà allegatis, & alijs pluribus, vt Ieremiæ cap. 8. cap. 17. Isaiæ cap. 1. cap. 30. Ecclesiastici cap. 46. quæ significant hominem peccando à Deo recedere, Deum derelinquere, auerti à Deo vt summè dilecto, & præferre ac plus diligere creaturam, cuius amore peccat, & ad eam, vt magis dilectam, se convertere: non enim auersiones & conuersiones illæ sunt passibus corporis, sed affectibus mentis. Quid enim aliud significat illud, Dilexerunt enim gloriam hominum magis quam gloriam Dei: item, Qui amat patrem aut matrem plusquam me: rursum, Quisquam Deus, venter est? Conformiter planè loquuntur Sancti Patres, Diuus Chrysostomus Homilia 22. in Matthæum: Ca-

ptius infeliciores putandi sunt auari, qui cum Dominum habeant Deum, ab illo rege mitissimo recedentes, tyranno huic fauissimo se dederunt. Item Homilia 13. in Epistolam ad Philippenses: Vides, inquit, quantum malum sunt diuitiæ? alijs quidem pecuniæ, alijs venter Deus est. Diuus Augustinus lib. 14. de ciuitate cap. 28. Amor hic (scilicet proprius) vsque in contemptum Dei facit ciuitatem terrenam Babylonis. Vbi indicat peccatû mortale inuoluere contemptum Dei, & struere ciuitatem quasi ex aduerso contra ciuitatem Dei, & proinde peccatorem à Dei ciuitate, & ab ipso Deo profugere ad partes aduersas, & cum ipsis tenere, ac illis affectu plusquam Dei ciuitati & Deo inhærere. Diuus Gregorius in illud primi Regum, capite decimoquinto, Quasi scelus idololatriæ, nolle acquiescere: In inobedientiæ suæ oblatione nemo perflisset (inquit) si propositi sui figmentum in corde quali idolum non gestaret. Dum enim agenda in corde concipit, quasi idolum facit, & dum conceptum mentis propositum se acturum deliberat, quasi ad adorandum simulachrum se inclinat. Quæ Diui Gregorij sententia accuratè notanda est, quæ benè explicat, quomodo etiam in peccatis, ad quæ nullius boni extrinseci cupiditate videmur inuitari, tamen non desit fabricatum quasi idolum, quod Dei loco nobis statuamus, & cui magis affectu quam Deo inhæreamus. Vide etiam Diuum Ieronimum in caput 50. Isaiæ.

Quare insistendo receptæ doctrinæ Vera solutio Scholasticorum, ad obiectionem Respon-

detur, admissâ propositione Maiori, conformiter ad sensum Scripturæ & Sanctorum, qui simili ferè modo loquuntur, vt ostensum est, negando Consequentiam. Vt autem negatæ Consequentie ratio melius intelligatur, & res plenius explicetur, obseruandum est, dum dicitur peccatorem constituere finem vltimum in creaturâ, & eam habere pro Deo, per eiusmodi sermonem non significari ex mente Patrum vel Doctõrum, quòd omnis mortaliter peccans, creaturam, cuius amore vel appetitu Dei legem præuaricatur, habeat pro fine simpliciter vltimo, intentione expressâ formali, vel etiam virtuali propriè loquendo; quia is demum in aliquid fertur, vt finem simpliciter vltimum tali modo, qui vult illud propter se, cæteraquæ omnia propter illud, ita vt illius intentio expressâ & formalis, aut saltem virtualis influat in voluntatem omnium, quæ ille homo operatur aut concupiscit: hoc au-

Quo sensu peccator dicitur creaturam habere pro fine vltimo.

tem

tem modo nullus videtur intelligere peccantem mortaliter sibi statuere creaturam, cuius affectu peccat, finem ultimum. Et contrarium satis experientiâ est evidens; tamen enim v. g. avarus pecunias immoderatius appetendo, ipsique amore inhærendo mortaliter peccet; similiter gulosus immoderate confectando voluptates cibi & potus; non tamen est necesse, quod cæteras omnes actiones & affectus suos referant ad pecuniarum, aut voluptatis consecutionem expresse & formaliter, vel ut hæc cæteris omnibus rebus expresse & formaliter anteponant, ut per se nimis apparet evidens: sed neque ut virtualiter referant, & omnibus anteponant, quia certum est, quod non omnia, quæ tales agunt, faciant dependenter à præmissâ cupiditate pecuniarum aut voluptatis, vel propter ordinem ad illa: quandoquidè simul multa velint & faciant, quæ cum illâ nullâ habeant connexionem, & ad quorum volitionem ac operationem planè sit impertinens prædicta cupiditas, nullum habens in ista influxum, adeoque fierent, etiam si illa cupiditas nec esset nec præcessisset. Imò cum illa fiat, quod aliam creaturam illis anteponant: quamvis enim ita his afficiantur, ut propter illa Deum abijciant, tamen fieri potest, ac sæpè fit, quod malint ijs carere, quam vitam propriam vel prolium aut amicorum perdere.

Alio itaque sensu dicunt & intelligunt Patres & Doctores, quod mortaliter peccans finem suum ultimum faciat creaturam, & eam pro Deo habeat: hoc nimirum, quod mento ab omnibus morali quadam de rebus æstimandi ratione, iudicetur finem suum & felicitatem in eâ re constituere, cuius cupiditate negligit ac contemnit Deum, fontem bonorum omnium, qui solus est verum ac perfectum bonum hominis; adeoque plus illam, quam hunc æstimat & amplius amat, dum ut illi inhæreat, eaque fruatur, ab hoc recedit & avertitur. Cum huiusmodi tamen peccatoris actus & affectus, qui talem æstimationem de ipso secum inferunt, consistit, quod hanc creaturam, ob quam Deum offendit & derelinquit, iudicet non continere plenitudinem bonorum pro appetitus sui satietate, sed vel eam reputet tantum esse quasi portionem & partem boni perfecti ac plenius, quod habet pro fine simpliciter ultimo, vel quod illam ipsam creaturam, cuius amore à Deo recedit, referat aliquâ intentione formali, aut virtuali in finem alium ulteriorem: ut quando quis vult furtum in ordine ad adulterium; quamvis tunc propter formalem eiusmodi intentionem non

tam diceretur finem ultimum constituere in creatura, quam eligit ut medium, quàm in eâ, quam intendit ut finem: esto quod etiam medijs electione secundum se considerata mortaliter offendat; eod quod non propter ipsum medium; quod eligit, sed propter id, quod ut finem intendit, principaliter à Deo recedat. Præcisâ tamen seu non attentâ hac operantis expressâ relatione, etiam in eo, quod ut medium vult, censetur sibi finem ultimum constituere, quatenus eius electione ab ultimo fine vero recedit.

Ratio igitur negatæ Consequentie est, quia licet contingat eundem hominem simul ad plures & diversas creaturas mortaliter peccando, se convertere; non tamen idèd ad singulas necesse est se convertere tamquam ad finem ultimum simpliciter & totalem, sed vel ut ad portionem & ad partem aliquam illius boni, cuius aggregatione putat se fore beatum, vel etiam tamquam ad finem operis, cum implicitâ aut generali aliquâ voluntate applicandi eam ad consecutionem alterius boni, quo se totaliter aut partialiter existimat fore beatum: quæ simul consistunt cum eo, quod creaturam, cuius amore peccat, dicatur habere pro Deo, & pro fine ultimo, iuxta modum explicatum, quatenus videlicet mortaliter loquendo & æstimando de rebus, præ cæteris coli censetur, quod plus diligitur; & pro summo bono haberi, quod anteponitur illi, qui omne bonum in se continet.

Sed inferet aliquis, quod iuxta dicta videatur Adrianus rectius locutus, quando negat quemlibet mortaliter peccantem ita aberrare, ut creaturam habeat tamquam finem ultimum, quàm alij, qui id asserunt; cum hoc in proprietate & rigore sermonis non videatur esse verum. Respondeatur, Negando Consequentiam, quia in primis in eiusmodi rebus rectius loquitur is, qui insitit sermonibus Sanctorum & formæ ipsorum loquendi, quàm qui premendo verborum rigorosam significationem, ab illis recedit. Deinde non solum negat omnem mortaliter peccantem habere creaturam pro fine ultimo, quod ad modum loquendi posset diu pertinere; sed etiam negat omnem illum, qui mortaliter peccat, magis appetitativè creaturam diligere quàm Deum, quod nimis aperte videtur aduersari Scripturis & Sanctis Patribus, suprà allegatis. Sed de his infra latius, ubi tractabitur de malitiâ peccati mortalis, ubi argumenta quoque Adriani in contrarium adducemus, & explicabimus.

C iij Objicitur

Obiectio  
secunda.

Obijciatur Secundò: Iustus, qui venialiter peccat, habet & retinet Deum tamquàm finem ultimum, quia charitatem non amittit; & simul videtur etiam ad creaturam se habere, tamquam ad finem ultimum, ad quam peccando conuertitur: non enim potest affectum illum inordinatū ad creaturam, referre in Deum, cum ad illū ordinabilis non sit; ergo habet ille se ad plura & diuersa vt fines ultimos. Respondetur,

Solutio.

Negando iustum, qui venialiter dumtaxat peccat; constituit finem ultimum in creatura. Ita enim docet Diuus Thomas quæst. 7. de malo, loco suprā citato, & hic infra quæst. 88, art. 1. & 2. 2<sup>a</sup>. quæst. 24, art. 10. ad 2. & communiter Doctores omnes. Non enim expresse & formaliter vt supponitur, alioquin non venialiter, sed mortaliter peccaret: nec etiam moralis æstimatione, & interpretatiuè, quia actus ille non adfert auersionem voluntatis ab ultimo fine, neque excludit charitatem quā Deo inhæret, vt bono summè dilecto. Nec refert, quod actus aut affectus ille non sit referibilis aut ordinabilis in Deum, quem habet pro fine ultimo, quia inde nō plus sequitur, quāsi quod creatura sit finis illius operis & ultimus secundum quid: nō autem efficitur, quod habeatur pro fine ultimo simpliciter, de quo nos hic agimus: neque quod ided, quia referibilis non est, mortale sit peccatum; non enim, vt Articulo sequente dicemus & alibi latius, tenetur homo referre omnia sua explicitā, vel etiam virtuali relatione in finem, quē sibi habet præstitutum tamquam ultimum.

Quomodo autē D. Thomas locis citatis dicat quod peccat venialiter inhæreat bono temporalī, nō vt fruens sed vt utens, referens illud in Deum non actu sed habitu, infra quæst. 88. explicabimus.

Obiectio  
tertia.

Obijciatur Tertiò: Possunt esse plures causæ efficientes totales eiusdem effectus, saltem per diuinam potentiam, ergo etiam potest homo simul appetere plures fines ultimos totales siue ob plures simul operari. Confirmatur quia vtriusque videtur eadem ratio, cum vtrique sit causa extrinseca. Respondetur, N. C. quia licet vtraque sit causa extrinseca & in eo conueniant, tamen ex parte vnius assumitur tantum de causā primā in suo genere, puta de fine ultimo: & ex parte alterius assumitur de causā qualibet; vnde non est æqua comparatio. Si autem assumatur de causā primā efficiente, sicut inferitur de fine non quolibet sed ultimo, tunc quemadmodum non possunt dari plures fines ultimi eiusdem operantis ita neque plures causæ scilicet primæ possunt dari eiusdem operationis. Sic multi explicat diuersita-

tis rationem, sed quia magis id prouenit ex eo, quod simpliciter non possint esse plures causæ efficientes primæ quam ex modo operandi ipsius causæ primæ quod scilicet non dentur plures eiusdem effectus, propterea potius videtur petenda diuersitatis ratio ex propria cōditione & modo causandi finis simpliciter ultimi, qui in eo consistit, quod operans debeat illum apprehendere vt bonum perfectum ita vt extra illud nihil iudicet appetendum; fieri autē non potest vt hoc simul iudicet de pluribus diuersis quod singula contineant ita omnem plenitudinem boni vt extra quodlibet seorsim nihil iudicet appetendum.

## ARTICVLVS VI.

*Vtrum homo omnia, quæ vult, velit propter ultimum finem?*

**V**T percipiantur distinctius, quæ ad Articuli huius resolutionem & explicationem spectant, Obseruandum erit Primò, sermonem hic esse de fine simpliciter ultimo. iuxta communem interpretum sensum, quod tum ex Corpore, tum ex responsionibus ad primum & secundum, euidenter patet. Obseruandum secundò, cum Caietano, sermonem esse de fine ultimo formali, siue de ratione finis ultimi, vt D. Thomas loquitur Articulo sequenti, quæ est esse bonum perfectum & hominis completium, cuiusque appetitum omnem plenè explens, vt extra illud non relinquitur quidquam homini appetendum vt idem explicat Articulo quinto precedenti, vbi vel in quibuscumque demum reperitur hæc boni ratio: non autem de fine materiali, cui illa bonitatis ratio siue verè & reipsā, siue pro apprehensione operantis dumtaxat æstimatur competere & inesse: quomodo de fine loquendo alij habent finem ultimum sibi præstitutum verum, alij falsum.

Obseruandum Tertiò, formalem finem ultimum posse dupliciter apprehēdi: Vno modo distinctè, apprehendendo scilicet vnū aliquod bonum certum siue simplex, siue ex pluribus constatū, cuius possessione iudicat se fore perfectum & beatum: Alio modo confusè: vt quando quis non vnum aliquod determinatum bonum simplex vel compositum apprehendit tamquam potens eum plenè consummare, sed confusè quodlibet arridens sibi, putat & apprehendit facere ad feliciter viuere & bene esse ipsius.

Obseruandum Quartò, multis modis posse

Agitur de fine simpliciter ultimo & formali.

Finis formalis dupliciter apprehenditur.

Diversis  
modis ap-  
petitur a-  
liquod ve-  
luti.

posse aliquid vt finem appeti. Primum ex actuali intentione, qua finem volo: vt si velim ire ad ecclesiam, quia habeo actuali intentionem & voluntatem audiendi sacrum. Secundò ex intentione virtuali relicta ex intentione actuali præuiâ, quæ licet actu non sit, tamen durat virtute, ita vt adhuc ex vi illius moueatur operans ad volendum aliquid in ordine ad finem: vt quando manè excitatus volo statim surgere & præparare me ad confessionem, quia pridie vesperti habui intentionem & feci propositum eundi ad sacram communionem, etiam si excitatus non cogitem actu de communionem. Tertiò ex intentione finis habituali quo pacto potest dici is facere aliquid propter finem, vel dici sua referre ad finem aliquem, qui licet de fine aliquo tali non cogitet, nec ad eum attenderit, aut si aliquando attenderit, tamen illa intentio ita euauit, quasi non fuisset, nihilominus est ita dispositus animo, vt si in mentem veniret illius cogitatio, ac necessarius aut conueniens foret, quod actum suum referret ad talem finem, omnino esset ad finem illum relaturus: sed propter huiusmodi merè habituales relationem ad finem non contrahit opus ex fine bonitatem vel malitiam, nec meretur vt ideò opus ad finem dicatur referri. Quartò ex intentione finis interpretatiuâ, quando scilicet ex moralj hominum æstimatione censetur quis in vno aliquo opere intendere aliud quippiam vt finem, etsi de illo alio non cogitet, nec cogitauerit expressè & formaliter.

Vbi aduertendum, quod quamuis ad hoc vt censetur quis interpretatiuè velle vnũ in altero, sufficiat istud necessariò aut vt plurimum saltem spectatis talibus circumstantijs coherere cum hoc altero, præsertim quando illud vitare tenebatur, non tamen hoc satis esse, vt dicatur in altero intendere istud vt finem. Nam v. g. qui vult adulterium censetur interpretatiuè velle Dei indignationem & inimicitiam, non tamen interpretatiuè censetur intendere illam vt finem. Quare vt interpretatiuè in vno intendere censetur aliud vt finem debet in isto appetendo spectare aliquam boni rationem quæ in altero propriè & plenius aut perfectius reperitur. Quandò enim ex intuitu talis boni, istud appetit, tunc homines moraliter æstimando, dicunt eum querere & appetere alterum, vbi illa boni ratio est in sua plenitudine: & quidem si sit medium idoneum, dicunt illum rectè querere, finem alteri, dicunt eum in sua intentione multum aberrare. Etsi verò rectè dicatur eo pacto quis in vno appetere aliud vt finem: non tamen semper rectè

dicetur hoc facere propter aliud vt finem, vt ex infra dicendis constabit.

His prænotatis pro responsione ad Articulum sit prima Conclusio: Loquendo de fine ultimo sub perfectâ & propriâ formalis ratione apprehenso, certum est hominem non omnia, quæ etiam deliberatè vult, velle intentione expressâ actuali, quæ simul habeatur, aut virtuali relicta ex actuali prius habita, propter finem ultimũ sic consideratum & apprehensum. Est Scoti in 1. diff. 1. quæst. 4. & in 4. diff. 49. quæst. 10. ibidem Paludani, Maioris, Capreoli, & plurimorum aliorum, Suarez in Metaph. disput. 24. sect. 2. n. 16. Et colligitur ex doctrina, quam ad hunc Articulum tradit Bartholom. Medina conclusione 4.

Probat, quia alioquin primus actus deliberatus voluntatis in omni homine deberet esse amor & intentio perfectæ beatitudinis seu boni vniuersalis, quòd plenè hominem perficiat, & appetitum omnimodè expleat: atqui huius necessitatis nulla potest assignari sufficiens ratio, imò videtur aduersari evidentissimæ experientie; ergò &c. Maior patet, quia alioquin id, quod homo veller primo actu deliberato, non veller expressâ intentione finis ultimi sic apprehensi: actus enim ille neque esset intentio ipsius, neque eam habuisset præuiam: Minor probatur, quia si aliqua esset ratio talis necessitatis, illa obueniret vel ex parte intellectus, vt proponentis obiectum, vel ex parte voluntatis vt operantis circa obiectum.

Quod autem non ex parte intellectus proponentis obiectum declaratur, quia non cogitat hic necessariò primum omnium de vniuersali bono illo completissimo, quo homo plenè perficiatur, & omnibus desiderabilibus potiatur: sed considerare potest bonum aliquod particulare & apprehendere illud hic & nunc conueniens & appetendum: idque ex naturâ rei, magis natum est fieri, tum propter dependentiam intellectus in suis operationibus à phantasia, tum propter habituales quasi inclinationem ad eiusmodi cogitationes contractam ex assuetudine cogitandi de particularibus bonis ante perfectum rationis vsum.

Similiter declaratur, quod neque ex parte voluntatis, sublit hæc necessitas, quia potest voluntas moueri ab aliquo bono seu fine particulari, & in illud affectu tendere, etsi neque actualis, neque virtualis adsit intentio finis simpliciter ultimi sub perfectâ & propriâ ratione apprehensi, vt pote de quo potuit nulla præcessisse cogitatio; quod Bartholomæus

Conclusio  
prima.

Medina suprà confirmat hoc modo: Nam bonum particulare est verè bonum, & iudicatur tale; ergò potest mouere appetitum. Consequentia probatur, quia obiectum voluntatis est bonum non tantum vniuersè sed etiam particulatim apprehensum; ergò vt voluntas moueatur & velit, satis est quòd v. g. aliquis particularis finis tamquam conueniens & bonus proponatur, & talis iudicetur, etiam non præcedente volitione finis simpliciter vltimi. Confirmatur: quia potest sitiens velle bibere ad extinguendam sitim, antequam intentione aliquà expressa intenderit conservare vitam; ergò &c. Rursum potest quis assentiri huic propositioni, Humanum corpus est maius suo capite, priusquam cogitet de illo principio, Omne totum est maius sua parte, cive præbuerit formalem assensum; & etiam huic principio potest assentiri, antequam de illo vniuersalissimo cogitauerit, Quodlibet est vel non est: ergò etiam potest quis velle finem particularem, antequam voluerit vniuersalem vltimum. Et sic cessant obiectiones, quas aliqui mouent, quòd scilicet impossibile videatur, quòd assentiamur conclusionibus, nisi prius assensu fuerimus principijs, ex quibus conclusiones dependent: Item quòd impossibile sit, quòd media circa fines particulares velimus, nisi prius ipsum finem particularem intenderimus: vtrumque enim falsum est, vt patet euidenter ex allegatis exemplis: quamuis hoc admitendum sit, quòd assensus ille non sit scientificus, neque sit illius propositionis sub propria ratione conclusionis; & similiter volitio ista boni particularis non sit volitio illius, vt medij in ordine ad finem, cuius intentio non præcessit, sed sit volitio eius, vt alicuius finis inferioris, vel vt medij ad finem inferiorem, vt in exemplo de sitiente facillè est videre.

Sermo hic est de necessitate naturali, nō de necessitate præcepti.

Obseruandum est autè, sermonem nobis hic esse de naturali necessitate in modo operandi, non autem de necessitate præcepti. Solim enim hic dicimus, non esse necessarium ex naturà rei quòd primus actus deliberatus voluntatis sit intentio vel amor vltimi finis sub formali & plenà suà ratione considerati, vel quòd sit aliquis actus ex intentione expressa actuali vel virtuali talis finis sic apprehensi. Vtrum verò primus deliberatus actus voluntatis debeat ex præcepto esse amor finis vltimi veri secundum determinatum subiectum scilicet Deum, in quo solo reperitur vera ratio finis nostri vltimi, est alia quæstio, nec huius loci: de qua alibi ex proposito disputabimus.

Conclusio Secunda.

Conclusio Secunda: Intentione tamen

scilicet interpretatiuà ( prout explicuimus vnum interpretatiuè, appeti in altero vt sine) rectè & verè dicitur homo omnia quæ deliberatè vult, velle propter finem vltimum formalem, siue propter formalem rationem finis vltimi. Est D. Thomæ hic, & continet principalem doctrinam huius Articuli, Caietani 1. parte quæst. 81. art. 2. dub. 2. Ferrariensis lib. 3. contra gentes cap. 17. Medinæ hoc loco, Durandi in 2. dist. 38. quæst. 4. Gregorij à Valentia hic quæst. 1. puncto 5. Vasquez disput. 6. cap. 1. Ioannis Malderi hic, & fere communis aliorum contra Scotum suprà: quamuis non tam distinctè loquantur de intentione interpretatiuà, siue non ita distinctè exprimant, quā intentione homo propter rationem finis vltimi velit omnia, quæ vult.

Probat, quia omnis deliberatus voluntatis actus eò refertur, vt homo vel acquirat aliquod bonum, vel vt careat aliquo malo: vtrumque autem vt sic communikat suo modo rationem finis vltimi, vel simpliciter vel vt portio quædam ad principium quoddam illius; quia faciunt ad aliquod bonè esse ipsius habentis, eoque nomine appetuntur; ergò rectè dicitur homo omnia quæ vult, velle interpretatiuà intentione propter finem vltimum formaliter consideratum, siue referre ad felix ac beatum esse & viuere consequendum.

Consequentia patet ex notione intentionis, quā diximus censeri interpretatiuè aliquid appeti aut fieri propter alterum vt finem: semper enim aliquid ipsius finis vltimi est, quòd voluntatem in omni actu mouet, quia in omni actu intendit homo ad aliquod bonum siue aliquam perfectionem; quæ si consummata nō sit, erit tendens ad consummationem, quia omnis inchoatio alicuius ordinatur ad consummationem illius. Quare meritò censetur homo omnia, quæ vult, velle vt consummatam perfectionem & beatitudinem assequatur.

Antecedens pulchrè declarat D. August. in Psal. 118. conc. 1. Beatum esse tam magnum est bonum, inquit, vt hoc & boni velint & mali, nec mirum est quòd boni propterea sint boni: sed illud est mirum, quòd etiam mali propterea sunt mali, vt sint beati: nam quisquis libidinibus deditur, vt luxurià, stuprisque corrumpatur, in hoc malo beatitudinem quærit, & se miserum putat, cum ad suæ concupiscentiæ voluptatem lætitiāque non peruenit, beatum verò nō dubitat se iactare, cum peruenit. Item de Epicureis & Stoicis cap. 4. Nam qui bonus est, idèò bonus est,



est, inquit, ut beatus sit, & qui malus est, malus non esset, nisi inde se beatum esse posse speraret. Quod infra ad propositum nostrum clarius exponit, dum addit: Si separatos malos & à bono discretos interrogare possem & dicere: Vultis beati esse? nemo diceret nolo. v. g. inquit, Pone furem: quæro ab illo: quare furtum facis? ut habeam, dicit, quod non habebam. Quare vis habere, quod non habebas? quia miserum est, non habere: si ergo miserum est, non habere, beatum putat habere; sed in eo impudens est, & errat, quia de malo vult fieri beatus. Hactenus D. Augustinus. Quibus planissime explicat doctrinam Conclusionis, & argumenti ad eius probationem adducti. Cum quo satis convenit prima ratio D. Thomæ, quæ non solum attribuit hominem omnia velle propter ultimum finem, quæcunque vult, sed id ipsum necesse esse, videlicet ut modo quodam interpretatio, iam explicato, dicatur velle omnia propter finem ultimum. Est enim talis. Quidquid homo vult, hoc necessarium vult sub ratione boni: bonum autem illud vel est bonum perfectum plenè perficiens hominem secundum omne desiderabile, vel est bonum imperfectum. Vtrumvis autem ponatur esse, necessarium est, ut dicatur homo illud appetere propter finem ultimum: quia si sit bonum perfectum, quod appetit, hoc ipsum iam appetit, quia est finis ultimus: si autem sit bonum imperfectum, iam habet ordinem ad perfectum, vel quatenus est medium & quasi via ducens ad perfectum, vel quatenus est, aut apprehenditur, ut pars & quasi portio boni perfecti, atque ita cum in imperfecto non sit quies, censetur quicunque illud appetit, appetere propter bonum perfectum, quod est finis ultimus: atque ita necesse est, quod omnia, quæ vult homo, velit propter rationem ultimi finis.

Idem probat D. Thom. hac ratione quia ultimus finis in mouendo appetitu se habet, sicut primum mouens in alijs motionibus: atqui hoc non mouente, reliqua non movent; ergo &c. Sed de hoc argumento infra latius.

Conclusio Tertia.

Conclusio Tertia: Etiam intentione habituali rectè dicitur homo omnia, quæ vult, appetere propter finem ultimum formaliter consideratum. Constat ex discursu Diui Augustini, adiunctâ explicatione intentionis habitualis, antè positâ.

Conclusio Quarta.

Conclusio Quarta: Loquendo de fine ultimo materiali, siue de fine ultimo, ut ad determinatum suppositum vel subiectum contracto, quem aliquis sibi præstituit, non est necesse, quod is, qui sic sibi finem ultimum aliquem proposuit, omnia quæ

vult, aut agit, velit vel agat intentione actuali vel virtuali propter finem illum, tanquam ultimum finem Cui.

Probatur Primò, quia Idololatra, qui idolum habet pro Deo, & sine suo ultimo, non omnia opera sua necessariò formaliter aut virtualiter refert in cultum sui idoli, quia potest opus aliquod facere sine actuali intentione per hoc colendi, aut rem gratam præstandi Idolo, imò sine omni de eo cogitatione: neque etiam necesse est, quod præcesserit propositum aut intentio omnia, quæ facturus est, referendi ad honorem vel cultum idoli. Confirmatur, quia alioquin necessariò omnia opera infidelium essent peccata; quæ sunt reprobata propositio. Quinimò, etiam aliquando fecisset tale propositum, referendi omnes actus suos in idolum, non tamen idèò necessarium est, quod omnia vel virtualiter dicatur facere propter Idolum: quia ad virtutalem intentionem alicuius requiritur, quod actualis quæ præcessit, adhuc vim aliquam habeat & exerceat in operationem, quæ virtualiter dicitur ad aliud tendere: Iam verò, etiam si aliquod propositum præcesserit, potest illud sic elanguisse, perinde ac si non fuisset. Vnde tunc ex illo non dicitur quis virtualiter aliquid intendere: alioquin qui semel in vitâ proposuisset omnia sua in Dei honorem facere, deberet dici virtuali intentione omnia per totam vitam bona & indifferentia referre ad honorem Dei, etiam si nunquam de cætero cogitaret amplius de Deo, quod euident est, conuenienter & cum ratione dici non posse.

Probatur Secundò: quia homo iustus, qui habet Deum pro fine ultimo, & venialiter peccat, non potest dici velle intentione actuali aut virtuali peccatum illud propter Deum, ut finem ultimum Cui, cum cognoscat peccatum non posse gratum esse aut placere Deo. Imò si illud expressâ intentione actualiter aut virtualiter, referret ad Deum ut finem Cui, videretur Deum irridere, & mortaliter peccaret. Quare nequidem debet censi intentione habituali illud velle propter Deum, ut finem ultimum Cui, quia non est iustus sic animo dispositus, ut si rogaretur, utrum peccatum illud veniale committat, aut velit propter Deum, ut eum colat; vel opus acceptum præstet, quod responderet se idèò velle aut committere. Sed nec intentione interpretatiuâ, quia non habet peccatum veniale illum ordinem ad Deum aut communicationem cū Deo, ut cum fundamento possint homines interpretari aut censere iustum, dum venialiter peccat, id facere ad honorandum

dum vel gratificandum Deo, ut per se notum est.

Conclusio  
Quinta.

Conclusio Quinta: Neque etiam necesse est, quod talis, qui finem ultimum materiale certum sibi præstitutum habet, omnia, quæ agit aut vult, agat aut velit expressâ intentione actuali aut virtuali propter illum, ut finem ultimum Cuius, secundum propriam eius rationem, consideratum.

Probatur, quia qui finem ultimum suum constituit in voluptatibus carnis, potest aliquando velle, aut agere aliquid: non intendendo actualiter aut virtualiter in eo aut per illud carnis voluptates: potest enim absq; aliâ reflexione in eo considerare aliquam particularem rationem boni, quæ neque ex se sit ordinata ad consecutionem aut fruitionem voluptatis, nec eam habere communicationem aut afinitatem, ita ut ne quidem possit iudicari interpretatiuâ intentione id agere aut velle propter illecebras carnis. Nihil enim potest assignari, quod impediatur aut repugnet eiusmodi volitioni sic eliciendæ, vel actioni sic perficiendæ. Eadem est ratio de illo, qui in honoribus vel diuitijs finem ultimum dicitur constituisse. Similiter nec is, qui finem ultimum habet Deum, necessariò vult omnia intentione elicitâ actuali aut virtuali propter Deum ut finem Cuius, quem in omnibus sibi proponat per omnes suas actiones assequendû. Patet euidenter in iusto, qui venialiter peccat, quia sicuti non potest ipse ordinare peccatum veniale ad Deum, ut finem Cui, tanquam opus ipsi honorificum aut acceptum, ita neque ad ipsum, ut finem Cuius, quia nõ est proportionatum, ut per illud ad Dei fruitionem & possessionem pertingat: vnde iterum nec habituali intentione nec interpretatiuâ potest censeri illud facere aut velle propter Deum aut ultimum suum finem Cuius, ut ex iam antè dictis satis intelligitur.

Ratio autem à priori reddi potest, quia quamdiu homo nondum est plenè consecutus verum finem suum ultimum, etsi cum ut omnis boni fontem & plenitudinem inquirat, potest tamen, dum in viâ ad illum est, apprehendere aliqua tanquam ad bonè esse suum hic & nunc facientia, quæ nec à fine auertunt, aut impediunt, nec ad eum ducunt: quod multò magis habet locum in ijs, qui ne verum quidem finem agnoscent aut inquirunt, quia etiam dum falso quasi fruuntur, perferunt multa sibi extra illum esse desiderabilia.

Conclusio  
Sexta.

Conclusio Sexta: Prædictis non obstantibus, potest tamen dici, quod homo

in omnibus, quæ vult & operatur, appetat & velit Deum vel expressè, vel modo saltem quodam interpretatiuo & minùs proprio, etiam in ipsis peccatis. Colligitur hæc doctrina ex Diuo Augustino libro 2. Confess. cap. 6. & alijs locis: & tradit D. Thomas 1. p. quæst. 6. art. 1. ad 2. quæst. 44. art. 4. ad 3. & ex professo magis lib. 3. contra Gentes cap. 18. & aliquot frequentibus.

Probatur & simul explicatur, quia homo in omni actione sua semper appetit & intendit ad aliquam perfectionem aut bonum aliquod: omnis autem perfectio & omne bonum vel est Deus ipse in substantiâ, vel est aliqua participatio ratio eius. Quod si intendat ad bonum, quod est Deus, iam clarè appetit, non interpretatiuè aut improprie, sed expressâ & directâ intentione Deum: si autem respiciat ad aliud bonum, cuius ratio sit quædam quasi analogica participatio boni diuini in substantiâ, iam morali æstimatione & interpretatiuè censetur appetere Deum; quia hoc ipso, quo appetit illud sub ratione boni, & boni ratio in plenitudine sua & summâ perfectione relidet in Deo, iudicari merito potest appetere & querere Deum qui est omne bonum; quamvis sæpius modo indebito & peruerso, quo inueniri & ad illum perueniri non potest: quæ deducit eleganter D. Augustinus suprà lib. 2. Confess. ca. 6. citato. ostendens, quomodo passim, etiam in peccatis omnibus, homo affectet quandam diuinam perfectionem aut excellentiam, dum ita discurrit & ad Deum exclamat. Nam & superbia celsitudinem imitatur, cum tu sis vnus super omnia excelsus; & ambitio quid nisi honores querit & gloriam, cû tu sis præ cunctis honorâdus vnus & gloriosus in æternum. Et scauitia potestatem timeri vult: quis autem timendus, nisi vnus Deus? & blanditiæ lasciuientium amari volunt: sed neque blandius est aliquid tuâ charitate, nec quidquam amatur salubrius, quàm illa præ cunctis formosa & luminosa veritas tua. Et curiositas affectare videtur studium scientiæ, cum tu omnia summè noueris. Ignorantia quoque ipsa atque stultitia simplicitatis & innocentie nomine tegitur, quia te simplicius quidquam non reperitur. Quid autem te innocentius, quandoquidem opera tua malis inimica sunt? Et ignauia quasi quietem appetit: quæ verò quies certa præter Dominum? Luxuria satietatem atque obedientiam se cupit vocari: tu tamen es plenitudo & indeficiens copia incorruptibilis suauitatis. Et post multa similia tandem concludit: Peruersè te imitantur omnes, qui longè se à te faciunt,

faciunt, sed etiam sicte imitando, indicant creatorem se esse omnis naturæ, & ideo non esse quò à te omnino recedatur: quia scilicet ad quodcunque creatum bonum se conuertunt, hoc ipsum quatenus boni rationem habet, est aliqua participata perfectio diuini esse tui; Ideoque quatenus illud volunt & querunt, censentur, (licet peruerso modo & ordine) diuinum bonum, adeoque Deum, qui est omnis plenitudo boni, concupiscere & velle. Non tamen idcirco dicendus est peccator omnia quæ vult, etiã peccata ipsa, velle propter Deum, etsi in illis dicatur interpretatiue appetere Deum: quia ad hunc sermonem satis est, quòd in peccatis reperitur & appetitur quædam imperfecta & analogica ratio boni cù bono, quod Deus est perfectissim o modo iuxta dicta: ad illum autem requireretur, quod peccata haberent vel rationem medij ad Deum, vel saltem essent portio aut quasi pars ipsius: sicuti diximus, quod possint omnia dici appeti propter finem vltimum formalem, siue propter formalem rationem finis vltimi seu beatitudinis, quia omnia, appetuntur vel vt media ad illam, aut vt quædam partes & portiones illius, vt ex D. Augustino ostendimus.

Cæterum dicit D. Thomas 1. p. quæst. 44. art. 4. ad 3. suprà citato, non tantum quòd homo in omnibus suis appetat Deū, sed simpliciter, quòd omnia appetant Deum, appetendo quodcunque bonum, siue appetitu intelligibili, siue sensibili, siue naturali, qui est sine cognitione. Quod sic explicat, quia nihil habet rationem boni & appetibilis, nisi secundum quod participat similitudinem Dei. Quæ licet vera sint, & eatenus omnes creaturæ cōueniant in appetendo Deo, prout D. Thomas explicat: tamen in Conclusionem aliquid amplius & quid magis peculiare de homine intendimus significare: quod scilicet in omnibus non tantum appetat Deum in perfectione aut bono communicato, sicut creaturæ irrationales, in quod scilicet proximè & formaliter fertur, sed quod etiam interpretatiue appetat Deum secundum se & proprium eius esse, modo iam prius explicato. Ratio autem discriminis est, quia aliæ creaturæ irrationales non sunt capaces aliter Deum consequi & quasi possidere, quàm in perfectione creatà eis communicatà: Homo autem capax est non tantum deriuati illius boni à diuino Esse, sed etiam ipsius boni increati, & proinde cùm feratur affectu in bonum participatum & imperfectum, & quasi analogicè tantum bonum, iustà ratione æstimatur, dum hoc appetit, magis inquirere &

velle illud in omni suâ plenitudine & perfectione, cùm huius ipse capax sit.

Hoc tamen obseruandum est, ex eo voluntatem non esse laudabilem, quòd eius actus prædicto modo dicatur tendere in Deum, quia hæc tendentia est tantum quasi naturalis consequentiæ, cui voluntas per actus elicitos non se conformat, sed potius repugnat: quia naturali quidem insitã inclinatioe moveri conuincitur in bonum, quod est Deus; id tamen modis & medijs debitis inquirere & insequi non studet, sed magis inhæret alijs, quæ verum bonum hoc impediunt.

Sed occasione secundi argumenti, quod diximus probare D. Thomam, responsionem suam ad Articulum: hic queritur, Vtrum finis simpliciter vltimus semper concurret per se & propriè cum omnibus finibus particularibus, ad finaliter causandum.

Respondeo, & Dico Primo: Non concurret semper finaliter vltimus finis, siue materialis, siue formalis, vniuersum sub plenâ suâ ratione consideratus, cù finibus particularibus, tanquam in eos proximè influens, & causans, vt voluntatem ad sui desiderium moueant aut pettrahant sicuti fines remotè, sed expressè intenti, cum finibus proximis aut cum medijs concurrunt.

Constat satis ex dictis circa primam Conclusionem, itè circa quartam & quintam Conclusionem. Dico vniuersum & sub plenâ ratione finis vltimi cōsideratus, quia partialiter consideratus potest dici semper cum omnibus finibus particularibus concurrere, quia ipsi particulares fines non mouent nisi sub ratione alicuius boni, quod quatenus est veluti pars aliqua plenitudinis boni omnis, eatenus potest finis vltimus dici secundum aliquid sui semper concurrere, vt colligi potest ex dictis circa Conclusionem secundam.

Dico Secundo: Omnes tamen actiones hominis, quæ sunt propter fines particulares, sunt etiam dependens in genere causæ finalis ab vltimo fine vero, qui est Deus: non sic à fine vltimo falso; siue illi, qui operantur, habeant sibi præstitutum finem vltimum verum siue falsum.

Declaratur breuiter: quia omnis actio creaturæ est dependens à Deo, vt causâ primâ efficiente: & quidem vt per se & immediatè concurrente; ergò etiam omnis actio hominis & cuiuslibet creaturæ est dependens à Deo, vt fine vltimo. Confirmatur, quia sicut primum agens Deus in omni concursu ad actionem creaturæ operatur per intellectum & voluntatem, ita etiam operatur semper propter finem, & quidem

Ex hac interpretatiua renditione in Deum non meretur voluntas laudæ.

An finis vltimus simpliciter concurret semper cum omnibus particularibus.

Omnis actio creaturæ est dependens à Deo, vt fine vltimo.

Omnia appetunt Deum, quodcunque bonum appetendo.

Peculiari ratione dicitur homo in omnibus Deum appetere.

quidem propter semetipsum ut finem ultimum, ut constat ex supra dictis Artic. 2. ergo &c.

Neque refert, quod sæpius Deus ordinet unam actionem ad aliam ut finem, & unam rem creatam ad aliam, quia nihilominus necesse est, quod in omni sua operatione propter finem, operetur propter semetipsum ut finem ultimum: tum quia semper operatur propter finem modo perfectissimo, & idèd simplicissimo & eminentissimo actu reducit omnia usque ad supremam causam, & proindè in seipsum ut finem ultimum: tum quia diuina bonitas ita est Deo ratio vniuersalis volendi omnem aliam bonitatem aut finem creatum, ut sine relatione vel habitudine ad illam nihil Deo sit amabile extrinsecus: quia nisi per creaturas repræsentaretur & communicaretur diuina bonitas, non esset cur à Deo amarentur: tamen quia id, quo creatura repræsentat & participat diuinam bonitatem siue perfectionem, est aliquid secundum se amabile respectu appetitus creati, ideo non repugnat, quod simul velit Deus unam creaturam ut finem alterius, & ut aliquid ordinatum ad se ut finem ultimum.

Neque tantum actiones hominis bonæ aut indifferentes, sed etiam illæ, quæ sunt peccaminosæ, dependent modo explicato, secundum entitatem suam à Deo ut fine ultimo: neque magis inconueniens est, quod, in quantum sunt aliquid rei, pendeant secundum suam entitatem ab illo ut fine ultimo, quam ab eo pendeant, ut causa primæ efficiente: quatenus enim ad eiusmodi actiones efficienter concurrat, eatenus quoque potest eas, ut ab ipso sunt, ordinare ad se ut finem. Non pendent tamen ab eo quatenus peccaminosæ sunt, quia ut sic non sunt actiones, sed defectus actionis: ut alibi latius tractabitur.

## ARTICVLVS VII.

*Verum sit vnus ultimus finis omnium hominum?*

**R**espondet D. Tho. cum distinctione, quæ ad substantiam in hunc modum: Loquendo de fine ultimo formali, siue de formali ratione finis ultimi (quæ est status beatitudinis) sic omnes conueniunt in appetitu vnus ultimi finis. Loquendo autem de fine ultimo materiali, siue de eo, in quo putatur inueniri illa ratio finis ultimi, sic non omnes conueniunt in vno & eodem ultimo fine, sed diuersi diuersum apprehendunt, & appetunt.

Prior pars colligitur ex D. Augustino lib. 13. de Trinit. cap. 4. ubi scribit: Capessendæ ac retinendæ beatitudinis vna est omnium voluntas. Quod ibidem & Cicerone tanquam quid indubitatum pronuntiasse in Hortensio dicit, quando sic exorsus est: Beati certè omnes esse volumus. Huc etiam faciunt, quæ præcedente Articulo ad Conclusionem secundam ex eodem Augustino adduximus. Probatùr ratione D. Thomæ: quia omnes appetunt suam perfectionem adimpleri: in adimplitione autem siue consummatione perfectionis consistit ratio finis ultimi, quia cum eà est homini quàm optimè; ergo &c.

Posterior pars euident est, ex varijs veterum Philosophorum eà de re opinionibus, quarum præcipuas cum suis authoribus pulchrè refert Lactantius lib. 3. Diuinarum Institut. cap. 7. ubi sic scribit: Epicurus summum bonum in voluptate animi esse censet: Aristippus in voluptate corporis, quod Diogenes Laërtius & alij nonnulli etiam Epicuro attribuant. Calliphon & Dymachus Cyrenæici honestatè cum voluptate iunxerunt. Diodorus in priuatione doloris summum bonum posuit: Hieronymus (Philosophus) in non dolendo: Peripatetici autem in bono animi & corporis & fortunæ. Herilli summum bonum esse sentia: Zenonis cum naturà congruenter viuere: Quorundam Stoicorum virtutem sequi. Aristoteles in honestate & veritate summum bonum collocauit. Hactenus ille. Et eodem præne modo de illis scribit D. Ambrosius lib. 2. Offic. cap. 2. & ante illos Aristoteles lib. 1. Ethic. cap. 4.

Cæterum monet D. Thomas, illud censendum esse bonum hominis completissimum, quod tanquam finem ultimum appetit, habens affectum bonè dispositum: sicut inter dulcia delectabilia gustui, illud est simpliciter delectabile melius, in quo maximè delectatur, qui habet optimum gustum. Vndè licet erroneè diuersi sectentur diuersa obiecta, in quibus apprehendunt rationem finis ultimi, & boni perfecti: tamen à parte rei est vnus & idem omnibus hominibus præstitutum, quod est Deus ipse, ut in sequentibus magis declarabitur.

## ARTICVLVS VIII.

*Verum in ultimo fine alia creatura conueniant?*

**O**bseruandum est, quod licet Articulo præcedente D. Thomas dixerit, non

Varie veterum opinioniones de ultimo fine ex Lactantio.

Vnum est bonum completissimum, quod vere est finis ultimi.

non omnes conuenire in eodem fine vltimo materiali appetendo: tamen in calce Articuli adijcere, vnum nihilominus oportere esse bonum completissimū; quod scilicet tanquam finem vltimum appetit habens affectum optimē dispositum: atque ita, eo iam præsupposito, inquit hic, Vtrum in illo vno vltimo fine seu bono completissimo aliæ creaturæ conueniant?

Præmissa distinctione finis vltimi, in finem vltimum Qui, siue vt res, & in finem vltimum Quo, siue vt adeptio (quam suprà explicuimus Tract. de fine cap. 1.) Respondet: loquendo de fine vltimo, vt res est, sic in vltimo fine hominis omnia alia conueniunt: loquendo autem de vltimo fine, vt adeptio & possessio est ipsius finis Qui, siue vt res, sic in vltimo fine hominis non communicant creaturæ irrationales.

Prior pars constat ex dictis: & Declaratur breuiter, quia omnium creaturarum finis vltimus est Deus, qui propter semetipsum operatus est vniuersa. Et quidem

duplici modo est finis vltimus omnium creaturarum; scilicet tanquam finis Cui, quia omnes conditæ sunt ad manifestationem bonitatis & perfectionum eius, atque ad laudem & gloriam ipsius: deinde etiam vt finis Cuius, qui sit bonum & perfectio consummata omnium creaturarum: licet diuersimodè, quia irrationalium tantum est per communicationem creatæ bonitatis; rationalium verò etiam est per communicationem Esse sui increati, quatenus vident eum sicuti est, & videndo comprehendunt ac possident, vt infra Quæst. 3. ampliùs explicabitur.

Hinc consequens est posterior pars, quam sic explicat D. Thomas: Nam homo, & aliæ creaturæ rationales, consequuntur vltimum finem cognoscendo & amando Deum: quod non competit alijs creaturis, quæ adipiscuntur vltimum finem, in quantum participant aliquam similitudinem Dei, secundum scilicet, quod sunt, aut viuunt, vel etiam cognoscunt.

Deus dupliciter est finis vltimus creaturarum.

Deus aliter est finis vltimus hominis & creaturæ rationalis & aliter irrationalis.

## QVÆSTIO SECVNDA.

### De his in quibus hominis beatitudo consistit:

#### In octo Articulis distincta.

**Q**Via Articulo septimo Quæstionis præcedentis docuit Diuus Thomas, non omnes homines in fine vltimo conuenire, quantum ad id, in quo eius rationem, scilicet consummatam perfectionem & beatitudinem, existimant reperiri: idè hanc Quæstionem disputat per octo Articulos de subiecto illius; & in particulari de pluribus bonis creatis inquit, An in illis sita sit beatitudo, siue consummata perfectio, quæ est ratio finis vltimi. Et de singulis per singulas rationes demonstrat, non posse in illis, hominis beatitudinem consistere: quæ quia prolixiora sunt, neque difficultatem habent, relinquimus apud Authorem legenda: tantummodò pro breui resolutione & explicatione omnium statuente hanc finalem Conclusionem, quam tradit Diuus Thomas Articulo octauo.

Impossibile est hominis consummatam perfectionem seu beatitudinem inueniri in bono creato: sed ea consistit in bono increato, scilicet Deo ipso. Probat autem hac ratione: quia beatitudo

est bonum perfectum, quod totaliter quærat appetitum hominis; hoc enim ipsa notio nominis indicat: neque haberet rationem finis vltimi, si adhuc restaret aliquid appetendum: atqui nulla res, vel bonum creatum, potest totaliter quietare appetitum nostrum, quia obiectum voluntatis nostræ est bonum vniuersum seu vniuersale, quod non inuenitur in creaturâ, quæ solum habet bonitatem participatam: sed in Deo tantum. Quare hic solus potest satiare & totaliter quietare hominis appetitum.

Confirmatur Primò, ex Scripturis. Ecclesiastes, vt ipse testatur, cap. 2. libri sui, Omnia, quæ desiderauerunt oculi eius, non negauit ei, nec prohibuit cor suum, quin omni voluptate frueretur, & oblectaret se in omnibus desiderabilibus mundi, vt ibidem latè profectur. Et vidit in omnibus vanitatem: ad satietatem verò non peruenit. Vbi autem illa inuenienda sit, demonstrat Psalmes, Psalm. 35. ad Deum clamans: Inebriabuntur ab vberitate domus tue, & torrente voluptatis tue potabis eos: quoniam apud te est fons vite. Hinc Psalm. 41. ad illum suspi-

D. rat, di-

cat, dicens : *Quemadmodum desiderat cervus ad fontes aquarum, ita desiderat anima mea ad te Deus.* Et Psalm. 16. *Satiabor cum apparuerit gloria tua.* Similiter Christus apud Ioannem cap. 17. *Hæc est vita æterna, ut cognoscant te Deum, & quem misisti IESUM Christum.*

Confirmatur Secundò, ex Diuo Augustino, qui conformiter lib. 19. de Ciuit.

cap. 20. scribit : *Quocirca ut vita carnis est anima, ita beata vita hominis, Deus est.* De quo dicunt sacræ litteræ Hæbreorum : *Beatus populus, cuius est Dominus Deus eius : Hic enim est qui in bonis replet desiderium, ut dicitur Psalm. 102. & in proprijs terminis lib. 1. Confess. cap. 1. Quia fecisti nos ad te, & inquietum est cor nostrum, donec requiescat in te ; ergò &c.*

## QVÆSTIO TERTIA.

### Quid sit Beatitudo?

In octo Articulos distincta.

#### ARTICVLVS PRIMVS, & ARTIC. II.

*Vtrum Beatitudo sit aliquid creatum?  
& Vtrum sit operatio?*

Beatitudo  
duplex:  
Obiectiua  
& Formalis.

**N**OTANDVM cum D. Thomà hic Articulo primo, quòd sicuti distinguitur duplex finis vltimus scilicet Qui, & Quo: ita etiam distingui duplicem Beatitudinem: Vnam scilicet, quæ sit res illa, quæ à nobis comprehensa & possessa beatos nos facit, secundum illud Augustini lib. 1. de Doctrinâ Christianâ cap. 3. Illis rebus fruendum est, quæ beatos nos faciunt. Vnde hæc à Scholasticis communiter vocatur Beatitudo Obiectiua, quia est obiectum, cuius adeptione reddimur beati: Alteram verò, quæ sit comprehensio aut fructus ipsius beatitudinis obiectiue; & vocari solet Beatitudo Formalis, quia hæc saltem concipitur & apprehenditur per modum formæ, quæ in beato sit: De priori actum est Quæst. præcedente, & demonstratur, non posse esse aliquid creatum, sed necessariò esse bonum increatum, quod Deus ipse est. De posteriori itaque tractatur hac Quæstione, & Articulo primo de eâ inquit D. Thomas, Vtrum sit aliquid creatum? & secundo, Vtrum sit operatio? Diuersæ aliquando videntur de his quæstionibus fuisse opiniones. Pro resolutione & veritatis explanatione, sit

Conclusio prima: Beatitudo formalis non est Deus intimè illabens ac inexistens quouis modo ipsi essentia animæ, & secundò se eam perficiens. Est contra Henricum à Gandauo, ut plerique volunt, qui eâ de re ita scribit Quodlibet. 12. quæst.

13. Dico igitur, quòd beatitudo principalius perficit essentiam animæ, quàm potentias: quia in illâ principalius habetur Deus, qui est finis & beatitudo, quàm in potentijs, quia illam perficit quodammodo per suam essentiam: potentias autem non nisi per illarum operationes terminatas ad ipsam essentiam sub ratione veri & boni. Vnde videtur ille formalem beatitudinem collocare principaliter in quodam quasi penetratiuo illapsu diuinitatis in ipsam essentiam animæ, ita ut ipsa diuinitas sic habita formaliter sine aliquâ operatione reddat hominem principalius beatum. Sed Conclusio posita est Diui Thomæ, & certa, ac communis aliorum, partim hic, partim in 4. Dist. 49.

Probatnr Primò, ex Scripturis, quæ passim significant & docent beatitudinem nostram consistere in operatione Psalm. 35. *Et in lumine tuo videbimus lumen.* Psalm. 16. *Satiabor, cum apparuerit gloria tua.* Ioannis 14. *Manifestabo ei meipsum.* Ibidem, *Qui videt me, videt & Patrem meum.* Ioannis 17. *Hæc est vita æterna, ut cognoscant te Deum verum:* 1. Ioannis 3. *Cum apparuerit, similes ei erimus, & videbimus eum;* ergò non potest beatitudo dici formaliter consistere in penetratiuâ vnione aliquâ diuinitatis cum essentia animæ nostræ, vbi anima se habet merè passiuè & quasi modo mortuo.

Probatnr Secundò, quia quando Henricus dicit, Deum haberi principalius in essentia animæ, eoque nomine principalius illam perficere: vel intelligit Deū haberi in essentia animæ secundum se, absque interuentu omnis effectus creati, vel mediante aliquo tali. Neutrum verò conuenienter dici potest Non prius, quia non apparet aliquis modus possibilis, quo sine interuentu qualiscumque effectus creati,

creati, Deus dici possit haberi secundum se in essentia animæ, præter illum, quo est in rebus omnibus per essentiam, potentiam & præsentiam: atqui hic modus essendi Dei in essentia animæ non sufficit, vt dicatur illam principaliter perficere, & quasi formaliter beatæ, quia sic principaliter beatitudo formalis deberet dici communis omnibus rebus, etiam Dæmonibus & hominibus damnatis: nam quoad hunc modum æqualiter haberetur Deus in omnibus.

Quod verò non appareat alius modus possibilis. Declaratur: quia alio modo non potest Deus de nouo haberi in essentia animæ absque mutatione vnus saltem extremi: quia quæ prius non vnita existunt, non possunt realiter vniri absque omni mutatione. Vnde nec hypostatica vnio verbi cum naturâ humanâ peracta est sine vnitiuâ passione, receptâ in humanitate, quæ in illâ posuit mutationem, vt docet D. Thomas 3. p. quæst. 2. art. 7. cuius terminus fuit modus substantialis creatus instar formalis nexus, vnienis humanitatem & diuinam personam, vt ibidem tradunt cõmuniter Doctores. Quod si Deus haberi nõ possit in essentia animæ de nouo sine mutatione, ergo opus est aliquo effectu creato: quia Deus in se inprimis non potest mutari. Sed neque potest esse id, quo essentia animæ mutetur; debet ergo aduenire aliquid ipsi essentia, quo mutetur, & incipiat Deum habere in se, quem non eo modo prius habebat, atque ita non habebitur iam Deus in essentia animæ sine omni interuentu effectu creati.

Vnde venit sic ad posterius: quod etiam non debere dici, ostenditur; quia effectus ille vel esset aliquid substantiale, vel aliquid accidentale, siue donum creatum, quod sit accidens. Non potest autem dici quid substantiale, quia homo beatus, naturali modo est essentialiter & substantialiter perfectus & completus: vnde per beatitudinem non additur ei aliqua perfectio aut completio substantialis, sicuti humanitati Christi per vnionem hypostaticam; ergo &c. Non conuenienter quoque dici potest esse donum aliquod accidentarium: quia non apparet, quod vel quale donum possit superaddi immediatè essentia animæ, ratione cuius Deus diceretur magis in eâ haberi, aut residere vel insidere, quàm ratione gratiæ sanctificantis, quæ cum suo comitatu virtutum iustificatis infunditur in hac vitâ. Hæc enim sunt illa maxima & pretiosa promissa nobis donata, per quæ efficiamur diuinæ confortes naturæ. Ipsa est forma filiorum Dei, & amicitia inter Deum & hominem iustum,

cuius ratione dicitur Deus & tota Trinitas ad nos venire, apud nos mansionem facere, nobiscum esse, Spiritus sanctus nobis dari, introire in animam nostram, habitare in nobis, & nos esse templum eius. Vide cap. 1. 2. Epistolæ Petri, cap. 2. 4. Ioannis, cap. 5. ad Rom. cap. 1. & 7. Sapient. 1. ad Cor. cap. 3. & 2. ad Corinth. cap. 6. Quibus nihil amplius videtur dici posse de lapsu Dei in nos, siue in animam, & de eius residentiâ vel insidentiâ aut inhabitatione in nobis, ratione qualiscumque doni accidentarij. Nam quando Deus infundit donum gratiæ sanctificantis, non tantum dona creata dantur, sed ipse Spiritus Sanctus datur, vt D. Thomas 1. p. quæst. 43. art. 3. & alij communiter docent.

Sunt enim gratia sanctificans & virtutes eam comitantes talis ordinis & dignitatis, vt iure quasi sibi connaturali postulent intimam & personalem præsentiam Dei in animâ, per talia dona sanctificatâ, ita vt si per impossibile fingamus Spiritum Sanctum non esse aliâs realiter præsentem intra animam hominis, hoc ipso sanè, quo anima talibus formis & ornamentis innestiretur ac ditaretur, Spiritus Sanctus ipse, imò tota Trinitas ad illam veniret per realem & personalem præsentiam, & mansionem apud eam faceret. Vnde licet ratione immensitatis suæ semper in eâ sit per essentiam & præsentiam, tamen ratione istorum donorum, quasi incipit ibi esse nouo modo, propter nouum titulum, qui eius præsentiam requirit: quamuis Vaquez hic aliter sentiat.

Sed breuiter Declaratur, quia per gratiam sanctificantem & charitatem constituitur quædam perfectissima amicitia inter Deum & hominem: amicitia autem ex se petit vnionem inter amicos, non tantum per conformitatem affectuum, sed etiam per inseparabilem præsentiam, quantum conuenienter fieri potest. Amor enim est veluti pondus quoddam tendens in amatum, quo amans se quasi deserendo mouetur, & vnit se rei amatæ. Vnde Apostolus, *Conuersatio nostra est in cælis*: Et iterum, *Vino ego, iam non ego: vniuit vero in me Christus*. Quare illa amicitia planè diuina & perfectissima, meritò æstimanda est iure suo potius coniunctissimam Dei præsentiam cum animâ talis hominis, quem tam pretiosum & gratum sibi constituit amicum, vt etiam hoc nomine se ibi sisteret, si aliâs intimè præsens non foret. Hinc & D. August. lib. 8. de Trinit. cap. 1. dicit, quod amor sit veluti iunctura, duo aliqua copulans, aut copulare appetens. Quare & effectus charitatis ad amicitia fuit, quod Christus perpetuò voluit Ecclesiæ corporali

Gratia sanctificans cum suo comitatu virtutum quasi iure connaturali postulant præsentiam Dei in anima.

Homo beatus modo naturali est essentialiter & substantialiter perfectus.

D ij taliter

raliter esse præsens in sanctissimo sacramento Eucharistiæ, vt SS. Patres & DD. tradunt. Frustrâ itaque videretur contingi & poni aliud nouum donum, proximè superueniens essentia animæ iustorum, quo mediante Deus principalius in eâ haberetur, eamque principalius beatificè perficeret, cum dictis nihil videatur posse in illo genere perfectius addi. Imò D. Th. loco cit. expressè dicit, quòd nullus alius effectus possit esse ratio, quòd diuina persona sit nouo modo in creaturâ rationali, nisi gratia gratum faciens. Quòd autem formalior beatitudo formalis habeatur à viatoribus in hac vitâ, nemo hætenus dixit; sed illa expectatur, vt præmum, in patriâ: hic autè spe salui facti sumus: Huc accedit, quòd quaecumq; donû vel effectus ponatur, quo mediante Deus sit principalius habeatur in essentiâ animæ, illud tamen dicendum erit se habere per modum formæ aut actûs primi: atqui beatitudo formalis hominis non potest dici consistere in habitu, vt in primis constat ex Scripturis suprà allegatis, & insuper ex Philosopho 2. Ethic. cap. 7. & lib. 10. cap. 6. & 7. qui ibidem ex professio hoc ipsum docet: alioquin etiam dormiens posset esse beatus, quod ipse pro absurdo ducit. Imò videtur contrariû ab ecclesiâ determinatum: nam in Extrauagante, Benedictus, quæ inuenitur apud à Castro hæresi 6. definit Pontifex, quòd animæ, visione & fruitione sint beati. Videtur ista etiam aduertisse Henricus, & propterea implicite requisuisse quoque actum secundum, saltem ad complementum, dum mox subiicit, licet ipsa perceptio huius perfectionis nõ cõueniat essentia animæ, nisi per potentias, vt per intellectû, ipsam cognoscendo, per voluntatè etiam ipsam degustando &c.

**Obiectio.** Sed contrâ Obijciunt: Beatitudo consistit in perfectissimâ vnione hominis cum Deo, sed huiusmodi est illa; in qua vnitur Deus immediatè cum essentiâ animæ, & sub perfectissimâ ratione, videlicet sub ratione Deitatis, non sub ratione bonitatis aut veritatis, quâq; vnitur, non sub ratione obiecti, quòd beatis est extrinsecum, sed per modum intimæ formæ; ergò &c.

Respondetur eiusmodi vnionè immediatam esse impossibilem, vt iam ostendimus: & vt qualiscumque aliqua ponatur esse possibilis, non tamen deberet in eâ consistui beatitudo; quia beatitudo est vita beata, atq; adeò vitalis operatio, vt quoq; ex Scripturis ostensum est: & infrâ latius dicetur. Vnde neque vnio hypostatica quâ intimior & maior esse nequit, est per se formaliter beatificans humanitatem Christi, neq; per eam formaliter est beata, quòd

ex eo satis potest constare, quia etiam natura, quæ non est capax beatitudinis, potest hypostaticè à diuinâ personâ assumi. neque verò Deus vt obiectum vnitur animæ, tamquam quid omnino extrinsecum, quia videtur sine medio, & operatio, quæ vnitur, est animæ intima.

**Conclusio Secunda:** Beatitudo nostra formalis non est quoque actus seu visio Dei increata, communicata & applicata intellectui beatorum. Est contra quosdam Theologos, quos Gregorius Arimintensis refert docuisse Deum ponere visionem suâ increatam in intellectu beatorum, & per eâ beatos videre, & beatificè triui Deo. Sed Conclusio est quoque D. Thomæ, & communis aliorum.

Probatur Primò ex Concilio Viennensi in Clementinâ, Ad nostram, vbi definit Pontifex, beatum non posse videre Deum sine lumine gloriæ; ergò supponit visionè à beato elici, non autem visionem increatam in eius pont intellectu, per quam videat Deum, alioquin certè ad eam frustrâ requireretur lumen gloriæ.

Huc facit, quòd in sexta Synodo act. 17. damnentur illi, qui dicebant diuinam voluntatem & operationem in Christo esse loco humanæ; idque eam ob causam, quòd à veritate alienum Patres iudicarent, naturam creatam velle & operari formaliter, non per propriam, sed per increatam operationem Dei. Et verè si beati dici possint videre, atque adeò videant Deum per ipsius increatam visionem, eorum intellectui communicatam, non apparet magna ratio negandi id ipsum locum habuisse in Christo in hac vitâ, cum fuerit simul apprehensor, & proinde in eo fuisse vnica tantum visionem increatam, per quam Deum videret, & pariter per increatam scientiam, humanitati eius communicatam, cognouisse omnia, non per scientiam creatam: quæ tamen reprobata sunt. Vnde Bartholomæus à Medinâ hic Art. 1. concludit, Hæreticû esse asserere beatos esse beatos, videreque Deum per visionem in Deo existentem: sicuti hæreticum est dicere, quòd sumus iusti formaliter per iustitiam, quæ est in Christo.

Probatur Secundò, quia si beatifica visio, quâ beati formaliter vident Deum, sit ipsa increata visio diuini intellectus; consequens est, omnes in beatitudine esse æquales, vident enim Deum per eandem visionem, quæ nec augeri nec minui potest; imò quod omnes Deum plenè comprehendant, sicuti Deus seipsum comprehendit. Quandoquidem enim illa visio nec in ratione entis, nec in ratione visionis, in illo possit dici dependere à beato, eiusus  
intellectus.



intellectu, consequenter nec ab aliquo limitatur, & proinde etiã in beatis infinita est, & in finitè comprehensua diuinitatis.

Probat<sup>r</sup> Tertiò: quia omnino impossibilis videtur modus ille videndi Deum; quamuis Ioannes de Ripa, vt referunt Capreolus & Caietanus suprà, senserit posse operationem Deitatis incretam nobis communicari, vt per eam videre, diligere, & frui Deo possimus. Sed contrarium Declaratur: quia visio increta est ipsa diuinitas: atqui implicat diuinitatem in homine supplere operationes vitales, vt per eam immediatè viuatur, videatur, intelligatur, velit, fruatur &c. quidquid interim de eo sit, an simpliciter fieri queat operationem vitalem, & vitaliter afficientem, non ab ipsomet viuente elici; de quo mox dicemus aliquid. Confirmatur: quia actus vitalis, à potentia aut supposito distinctus, necessariò habet coniunctam rationem causæ formalis: debet enim actus vitalis vel omnino esse idem cum ipsà quasi potentia & supposito (quod addo propter ipsum diuinum viuere) vel certè ipsam informare; vita enim debet esse in viuente: atqui increta Dei visio non identificatur intellectui beatorum; deberet ergò eum informare, eiusque respectu habere rationem causæ formalis, quæ propter imperfectionem, quam includit, in Deum non cadit. Rursum ab actione nunquam verè aliquid denominatur agens, nisi vel actionem eliciat, aut actionem in se ad minus recipiat, vel vtrumque fiat: atqui beati à visione, in qua consistit beatitudo formalis, denominantur ipsi verè & realiter videntes Deum, & tamen increta Dei visio non potest elici ab ipsis, vt per se evidens est, neque in eis recipi, vt ex modò dictis constat; ergò &c. Ita ferè Caietanus 1. part. quæst. 2. art. 3. Accedit quòd reuera videatur impossibile, operationem vitalem efficere vitaliter suppositum, à quo non producatur, siue interim quoad entitatem per absolutam Dei potentiam possit cõseruari sine influxu ipsius suppositi, siue non: quia absq; influxu suppositi, instar actus primi & speciei impressæ & modo planè mortuo se haberet, ita vt inde non magis posset suppositum dici viuere, quàm ab oculo equi cõseruata in eo visione, diceretur homo videns, si hic oculus equi constitueretur loco oculi hominis, aut quàm si visio equi poneretur in oculo hominis; ergò &c. Quare rectè & valde formaliter loquuntur, qui dicunt actionem esse beatitudinem, non vt qualitas est, quamuis simul sit qualitas, sed vt actio est, & quidem vt vitalis actio est.

Sed contra Obijcitur Primò: Beatitu-

do debet quid esse perfectissimum in beato, quia est summum bonum: sed operatio creata non est quid eiusmodi, est enim accidens quoddam imperfectius substantijs & potentijs. Confirmatur: quia homo dicitur & est ordinatus ad beatitudinem, nõ autem videtur dicendus ordinatus ad operationem aliquam creatam; quia sic dicendus esset ordinatus ad aliquid imperfectius seipso; ergò &c.

Respondetur, Non esse de ratione beatitudinis formalis, vt sit res perfectissima, sed de ratione rei, vt sit perfectissimus adus, ita vt ornet & dires hominem, sic vt non maneat vltèrius in potentia aut egestate: debet autem adus ille esse perfectissimus in modo attingendi & consequendi supremum bonum, siue ens perfectissimum. Et hæc conuenire possunt operationi creatæ, Ad Confirmat. Respondetur, hominem rectè dici ordinatum ad beatitudinẽ, quæ cõsistat in eius operatione: quia ordinatur ipse à Deo ad hoc, vt sit in eo statu, in quo operetur, & per operationem ipse perficiatur. Ad id verò quod inde quasi absurdum inferitur, videlicet futurum, quòd homo ordinetur ad aliquid imperfectius seipso: Respondetur, dupliciter posse considerari operationem: Vno modo simpliciter, vt est accidens quoddam, & sic esse quid imperfectius substantia. Alio quatenus hæc operatio est cõseutiva ac tentio finis vltimi, siue boni optimi, & sic esse quid præstantius substantia: tũ quia est forma actus substantiam; omnis autè actus, & id quod in actu est, est quid melius eo, quod est potentiatum quia applicat subiecto supremũ bonũ, atq; ita quodammodo in obliquo importat maximum bonũ. Accedit non esse inconueniens, perfectius in suo esse ordinari ad aliquid imperfectius secundũ entitatem, modò non ordinetur in gratia illius, vt illud simpliciter sit; sed vt ipsum, quod perfectius est, magis adhuc mediante altero perficiatur.

Obijcitur Secundò: Non repugnat essentia diuinam sic nobis vniri, vt per eam intelligamus, tamquam per speciem intelligibilem; ergò neque vt per illam videamus tamquam per operationem intelligibilem. Confirmatur, quia potest Deus attribuire humanæ naturæ suæ substantiam, eamque sic ei vnire, vt per eam substantiat; nihil ergò videtur ob stare, quòd minùs possit ei etiam tribuere & vnire suam beatitudinem; vt per eam sit formaliter beata. Quod etiam confirmari potest ex D. Augustino lib. 10. de Trinitate cap. vlt. vbi dicit visionem Dei esse summum bonum, propter quod præcipimur agere, quidquid agimus: sed operatio creata non est sum-

Solutio.

Obiectio  
Secunda.

Obiectio.  
Prima.

D iij sum

mun bonū; ergo vult D. August. nos Dei visione, quā Deus ipse videt, fieri beatos.

Solutio.

Respondetur, Negando Consequentiam, quia magna est disparitas rationis: nam species intelligibilis non postulat, vt intellectum informet, neque vt ab eo effectiue procedat, sed solum vt intimè ei sit præsens, ac cooperetur, vt latius in primâ parte explicari solet: visio autem, quā intellectus intelligit, debet ab eo procedere, & ipsum vitaliter informare, vt satis apprehenditur ex ipsâ notatione nominis Visionis, & ex dictis circa primam Conclusionem licet intelligere. Ad Confirmationem Respondetur, Id, in quo aliquid tantum in hypothesi subsistit, similiter non informare naturam, quæ subsistit, neque ab ea effectiue produci: vnde etiam hic non est par ratio. Ad D. Augustinum Respondetur, cum loqui de visione Dei creatâ, quæ à nostro intellectu elicitur: vocare autem eam summum bonum, quia est consecutio summi boni.

Obiectio Tertia.

Obijciunt Tertiò: Maius bonum est amari à Deo, quàm aliquâ operatione creatâ versari circa Deum: sed amatur à Deo actus increatus; ergo in eo est ponenda nostra beatitudo, & per consequens beatitudo formalis erit aliquid increatum, nimirum increatus Dei amor.

Solutio.

Respondetur, si amari à Deo præcisè secundū se consideretur, sic tantummodo est denominatio extrinseca, & nihil ponit in amato; & proinde etiam si amor, quo amatur, sit quid optimum, quia est charitas Dei increata, tamen quia non est nobis intrinsecum bonū, non potest esse nostra formalis beatitudo. Si autem consideretur amor ille, quatenus est efficax & fons omnis boni nostri supernaturalis, vt sic melius est nobis amari, quàm amare: quia in eo quod est amari, comprehenditur omne bonum nostrum supernaturale tum habituale, vt virtutes, tum actuale, vt amare, videre, frui &c. Non tamen dicimus beatitudinem consistere in eo, quod est amari à Deo, quia quamvis secū adducat nobis bona intrinseca, in quibus beatitudo sita est, sonat tamē actū nobis magis extrinsecum, quàm aliquid intrinsecum.

Conclusio Tertia: Beatitudo formalis est aliquod bonum hominis creatum, non actus aliquis primus, vt potentia vel habitus, sed actus secundus, scilicet operatio. Est D. Thomæ, & communis. Constat ex Scripturis & alijs autoritatibus, & argumentis adductis ad primam & secundam Conclusionem. Et breuiter Declaratur, quia formalis beatitudo constituit hominem in vltimâ perfectione, quam pro suâ capacitate potest habere: atqui neque per

potentiam, neque per habitum ponitur in vltimâ perfectione suâ, donec hæc exeant in actum, vtpote ad quem tanquam ad vltiorem perfectionem potentia & habitus ordinantur; ergo &c. Deinde beatitudo nostra est quædam participatio analogicam habens conuenientiā cum beatitudine Dei: atqui Deus est beatus, quatenus seipsū intelligit, amat & fruitur; ergo etiam nostra debet dici consistere in operatione.

Conclusio Quarta: Operatio illa, in quâ beatitudo formalis consistit, debet esse actio effectiue à beato procedens, non transiens aliqua, sed in eo immanens. Prior pars est contra Occam in 1. d. 1. quæst. 2. Gabrielem ibidem, art. 2. Petrum Alliacensem similiter quæst. 2. art. 1. & alios nonnullos, qui docuerunt Deum in beatis sine concursu ipsorum actum beatificum operari. Sed contrarium satis ex antè dictis extat probatum: & Confirmatur breuiter, quia Scripturæ suprà allegatæ ita loquuntur de actu beatifico, vt planè significent esse actionem ipsius beati absque procedentem; quia videre, & cognoscere, quibus actibus ostendunt nos beatos esse, magis sonant vitalem productionem visionis & cognitionis, quàm earundem passiuam receptionem. Hinc & beatitudo nostra sæpius nomine Vitæ (quo solemus vitam secundam seu actionem vitalem intelligere) in Scripturis exprimitur. Psal. 20. *Vitam petijt à te & tribuisti ei; longitudinem dierum in seculum.* Et Ioan. 17. *Hæc est vita æterna, vt cognoscant te Deum verum.* Deinde Concil. Viennense, vt habetur Clementina Ad nostrum, De Hæreticis, damnat erroris eos, qui dicunt, quòd anima non indigeat lumine gloriæ, quo eleuetur ad videndum Deum, eoque feliciter fruendum: atqui si Deus operetur actum beatificum in nobis sine nobis, non apparet ad quid opus erit lumine gloriæ, quo anima vel intellectus eleuetur. Quo argumento inter alia putauimus etiam reiiciendos illos, qui nos beari voluerunt visione Dei increatâ applicatâ intellectui beatorum. Huc etiam principaliter facit argumentum vltimum, pro Conclusionem secundâ antea allegatum.

Sed contra Obijciunt: Sicut est de ratione meriti, vt procedat à merente, sic videtur esse contra rationem præmij, quòd efficiatur ab eo, cui retribuitur: nam videretur sibi ipsi retribuere præmium; ergo &c. Respondetur, Negando aduersari rationi præmij, quòd in actione eius, qui accipit, consistat. Quod familiaribus exemplis potest declarari: quis enim dubitat, Principem præmij loco posse alicui mensam suam offerre, cuius efficiatur parti-

Obiectio.

particeps, proprijs mediantibus actionibus? neque sanè idecirò dicitur ipse sibi retribuere præmium: quia ne hoc dici debeat, sufficit, quòd sine licentiâ & potestate acceptis ab eo, qui præmia distribuit, non possit ipse sibi suis actionibus eiusmodi bona applicare. Quod & Scripturis conforme est: nam præmij loco dicebat Christus Apostolis, Luc. 22. *Dispono vobis, sicut disposui mihi pater meus, ut edatis & bibatis super mensam meam in regno meo.*

Posterior pars est expressè D. Thomæ hic, art. 2. ad 3. estque communis & indubitata, quam etiam docet Aristot. lib. 10. Eth. c. 6. & 7. Probatur, quia actio transiens non tam perficit agens, à quo producit, quàm indicet & præsupponat quâdam eius perfectionem: nam actus aut terminus, qui producit, non recipitur in agente, neque illud informat, sed in patiente, & hoc actuat. v.g. Illuminare non perficit Solem, sed aërem, in quo productio luminis & lumen recipiuntur: præsupponit tamen & inditum est virtutis & perfectionis Solis: effectus enim indicat virtutem & præstantiam causæ. Beatitudo autem formalis debet perficere ipsum hominem, quem reddit beatum. Deinde beatitudo debet esse in operationibus perfectissimis, quales sunt immanentes; quas etiam commemorat Scriptura, quoties de beatitudine & vltima perfectione nostrâ loquitur.

### ARTICVLVS III.

*Verum Beatitudo sit operatio partis sensitiue, an intellectiue tantum?*

Conclusio D. Thomæ est: Operatio sensus non potest essentialiter ad beatitudinem hominis pertinere. Probatur, quia formalis beatitudo consistit in comprehensione & quasi in tentione summi & increati boni, quod est vera beatitudo obiectiua: atqui hoc nec comprehendi nec attingi quidem potest operatione sensus, utpote quæ tantum circa creata, & quidem corporalia versatur, in quibus non posse beatitudinem obiectiuam consistere Quæst. præcedente est demonstratum; ergo illa non potest essentialiter ad beatitudinem pertinere. Possunt tamen operationes sensus pertinere anteceder, inquit D. Thom. ad beatitudinem imperfectam, qualis in præsentī vita haberi potest: nam operatio intellectus præexigit hinc operationem sensus, possunt & consequenter pertinere, quia in statu beatitudinis perfectæ, qualis expectatur

in cælo, ex ipsa beatitudine animæ, vt docet D. Augustinus. Epist. 96. *hæc quædam refluencia in corpus & sensus corporeos, vt in suis operationibus perficiantur. Ad essentialē tamen beatitudinem ista non pertinent.*

### ARTICVLVS IV.

*Verum, si beatitudo est partis intellectiue, sit operatio intellectus an voluntatis?*

Notandum est, beatum habere circa ipsum Deum plures operationes, in ordine supernaturali perfectas: In primis visionem perfectam. 1. Ioannis 3. *Videbitur eum, sicuti est.* secundò amorem, qui duplex est: vnus puræ beneuolentiæ & charitatis, quo beatus vult Deo omnia bona intrinseca & extrinseca propter ipsummet Deum, quasi diceas cum Angelis, stantibus in conspectu throni, Apocalyp. cap. 7. *Benedictio, & claritas, & sapientia, & gratiarum actio, honor, virtus, & fortitudo sit Deo nostro in secula seculorum.* Alius amor est concupiscentiæ, quo beatus amat Deum sibi, vt illo fruatur, tanquam suo summo bono. Tertio gaudium seu delectationem, quæ sequitur ex consecutione boni amati. Vnde & duplex est, sicut & ipse amor: gaudent enim beati de infinita perfectione & omni bono ipsius Dei, quatenus hæc eius bona sunt; & gaudent etiam, quia ipsi possident Deum, tanquam suum supremum bonum.

Notandū Secundò, dupliciter de beatitudine posse hinc esse sermonem: vno modo, quatenus dicit statum perfectum & completum beatorum: alio modo, quatenus dicit actionem, quæ est origo & quasi primus fons, vnde omnes animæ vires consequenter perficiuntur, & replentur omni bono,

Omissis nunc opinionibus DD. qui variè loquuntur: sit Conclusio Prima: Loquendo de beatitudine priori modo accepta, sic necessariò continet omnes illas operationes, quas diximus beatum circa Deum immediatè exercere.

Probatur primò, quia id consentaneum est modo loquendi Scripturæ sacræ & SS. Patrum qui beatitudinem explicant aliquando sub nomine visionis Dei; aliquando sub nomine gaudij, quod amorem inuoluit aut supponit; aliquando sub nomine fruitionis. Ioannis 17. *Hæc est vita æterna, vt cognoscant te Deum verum.* Matth. 23. *Intra in gaudium Domini tui.* Psalm. 35. *Inebriabuntur ab ubertate domus tuæ, & torrente* D. iiii voluptas

Quomodo operatio-  
nes sensus  
possint  
pertinere  
ad beatitudinem.

*voluptatibus tuis potabaris eos, quoniam apud te est fons vitæ, & in lumine tuo videmus lumen: vbi Pfalter breuiter indicat tres prædictas actiones.*

Probatur Secundò ex quadam Extravagante Benedicti xi. suprà allegatâ, vbi inter cætera dicitur, animas Sanctorum, qui ex hac vitâ migrarunt, visione & fruitione Dei esse vere beatas.

Probatur Tertiò ratione: quia plenitudo perfectionis vitæ beatæ non habetur ex vno actu solo, sed ex pluribus simul. Confirmatur: quia omnes & singuli actus suprà nominati, peculiari modo nos Deo vniunt: nam visio quasi sistit Deum homini præsentem; amor concupiscentiæ inclinat animam in Deum, vt præsentem eum teneat nec dimittat; similiter & amor amicitiz, qui est motus animæ in Deū eiusq; bona, tanquā amici charissimi & desideratissimi; gaudiū verò cōcupiscentiæ est vitalis suauitas & quæ, quā Deo tanquā proprio nostro bono iam obtento inhæremus; gaudiū autem amicitiz est vitalis suauitas, quā de bonis Dei, vt ipsius sunt, delectamur.

Probatur Quartò: quia omnes hi actus necessarij sunt, vt excludatur omnis inquietudo & molestia vndequeque proveniens, & appetitus planè satiatur; ergo &c. Confirmatur: quia ad totalem quietem & beatitudinem requiritur non tantum, vt quis bonum habeat præsens, aut possideat, sed vt etiam illud amet, ac de præsentī eo vel obtento gaudeat, iuxta August. lib. 8. de Ciuitate cap. 9. vbi ait: Nemo beatus, qui eo quod amat, non fruatur. Et de Doctrinâ Christiana: Summa merces hæc est, vt Deo fruamur. Neque satis fuerit (si bonum sit suppositum capax amicitiz) quòd ei inhæreamus tantum amore concupiscentiz, sed oportet vt etiam amore beneuolentiæ, & oblectamento amicitiz adhæreamus; quia hic amor & oblectamentum sunt honestate & suauitate cæteris potiora.

Conclusio Secunda: Loquendo de beatitudine secundo modo acceptâ, sic dicendum est, eam consistere in illâ animæ operatione, quæ est summi boni comprehensio, siue apprehensio & possessio. Colligitur ex Scripturis, quæ beatitudinem in comprehensione sitam significant. Ad Philip. 3. Sequor si quo modo comprehendam. Et 1. ad Corinth. 9. Sic currite, vt comprehendatis. Probatur secundò ratione: quia quod maxime optamus, & vnde omnis perfectio sequitur cum satietate, est possidere summum bonum; ergo in ea actione, quæ est consecutio ac tentio siue possessio supremi boni, consistit beatitudo. Confirmatur: quia

beatitudo nostra est id, in quod iter dicit spes nostra; sed terminus spei nostræ est comprehensio & possessio Dei: hinc enim: spe est tenere id, quod speras. Confirmatur secundò ex beatitudine falsâ, quia auarus se ex eo beatum iudicat, non quia aurum amat vel eo vitur, sed quia aurum possidet, & idèò maxime amat possidere.

Conclusio Tertia: Operatio illa, quâ Deum comprehendimus, siue tenemus & possidemus, non potest esse actus voluntatis, vt amor vel gaudium, & proinde non consistit beatitudo originaliter & principaliter in actu voluntatis. Est hæc D. Thomæ ad Articulum.

Probatur Primò: nam in alijs bonis videre est, quod non eadem sit vis animæ, quâ illa appetimus, & quâ eadem apprehendimus & tenemus: nam vis appetitiua non est comprehensio obiecti appetibilis, quia non trahit illud ad se, sed solum fertur in illud tendentiâ quâdam extra se; & idèò appetitui semper coniuncta est alia potentia, cuius sit tenere & apprehendere bonum amatum, vt patet in bonis corporalibus: sensibus enim consequimur, quod appetitus sensitiuus desiderat: qui enim amat pulchritudinem, consequitur & tenet eam visu; qui concentum Musicæ, consequitur eam auditu; qui suauitatem saporum, aut odorem, tenet eam gustu vel odoratu; ergo idem est sentiendum de bonis supernaturalibus.

Probatur Secundò ratione D. Thomæ: Nam operatio appetitus vel antecedit consecutionem summi boni, & est desiderium; vel subsequitur, & est delectatio: Atqui desiderium non potest dici comprehensio boni; quia desiderium est boni absens. Neq; etiam delectatio: primò, quia hæc supponit consecutionem boni, & pro obiecto habet bonum obtentum. Deinde comprehensio summi boni secundum rectam rationem est maxime per se expetenda, non sic delectatio: nam bonitas eius æstimatur ex illa operatione, ex qua consequitur, vt docet D. Thomas infrâ quæst. 1. art. 1. Vnde quòd delectatio beatorum est bona, id idèò est, quia consequitur ex comprehensione Dei, quæ est operatio perfectissima. Hinc & Philosophus docet, delectationem se habere ad operationem, ex quâ sequitur, sicut se habet decor ad iuuentutem, Et D. Thom. dicit operationem esse finem delectationis, non contrâ. Idèò enim author naturæ quibusdam operationibus delectationē peculiarem admiscuit, ne ab animantibus negligenter, cum essent necessaria ad conseruationem indiuidui vel speciei, vt patet in actu manducationis & generationis.

Scd

**Obiectio** Sed opponit Scotus rationem D. Th. esse insufficientem, quia prætermittit amorem, qui esse potest & ante & post consecutionem summi boni. Respondetur, in præfenti proposito eandem esse rationem amoris & desiderij, ideoque rationem validam esse: nam amor vel est desiderium, vel antecedit desiderium, non enim desideramus, nisi quæ amamus: unde si desiderium non sit beatitudo, neque etiam amor.

**Solutio.**

Sed replicabis, non esse eandem rationem, quia desiderium intrinsecè requirit, ut careat bono amato: unde repugnat beatitudini, quæ postulat boni amati præsentiam, amor autem esse potest etiam in præfenti à boni amati; ergo &c. Respondetur quævis amor, ut amor, possit manere bono obtento, ipse tamen non facit bonum esse præfens, & proinde non potest ipse dici comprehensio seu tentio boni: nam in primis amor de se est indifferens ad bonum præfens & abfens; ergo non facit bonum esse obtentum. Deinde comprehensio boni excludit desiderium & tristitiam, ac fatiat habentem; amor autem de se non excludit desiderium & tristitiam, imò sæpius causatur: quod verum est non tantum de amore concupiscentiæ, quo Deum nobis diligimus, sed etiam de amore amicitiae; nam etiam hic est de se indifferens ad præfentiam & abfentiam dilecti, neque sistit formaliter dilectum præfentem neque excludit merorem, sed potius generat, si dilectus abfit.

**Conclusio Quarta:** Operatio illa, quæ summum bonum comprehendimus & tenemus, est actus intellectus, videlicet clarsa Dei visio; & proinde in operatione intellectus consistit beatitudo principalis, atque adeò formalis. Probatur, quia comprehensio summi boni est quædam operatio, ut ipsum nomen satis declarat: atqui non est operatio voluntatis, ut ostensum est; ergo ipsius intellectus: quod si actus est intellectus, non potest effingi operatio alia quàm visio; ergo &c.

Videntur hæc esse contra, Caiet. in frà quæst. 4. art. 3. qui existimat comprehensionem esse quic realiter distinctum à visione, & non esse in intellectu, sed in voluntate; non tamen esse actum voluntatis, sed relationem quandam resultantem in voluntate ex visione intellectus, idque ob verba D. Thomæ, quæ habet ibidem ad 3, ubi ait: Comprehensio non est aliqua operatio præter visionem, sed quædam habitudo ad finem iam habitum. Verum hæc Caiet. opinio est singularis, contra communem sententiam, & præsertim D. Thomæ pluribus locis: qui & ibidem dicit,

comprehensionem esse tentionem obiecti sperati; relatio autem non potest esse tentio, quia solum esse habitudo quædam ad aliud, unde minus in relationem cadere potest ratio comprehensionis, quam in actum voluntatis. Ad verba autem D. Thomæ quod attinet, dicendum est, ea inprimis satis significare comprehensionem esse operationem, quæ est visio. Quod autem additur, Sed quædam habitudo ad finem &c. Non significare comprehensionem nihil aliud esse quàm habitudinem, sed solum eam superaddere quandam habitudinē ipsi visioni simpliciter spectatæ. Quomodo autem per visionē apprehendamus & teneamus summū bonum, explicari potest à simili: quando enim appetimus bona sensibilia, comprehendimus & tenemus ea sensibus: qui amat pecunias, comprehendit manibus; qui amat pulchra, consequitur ea visu, & dum sic sensibus percipiuntur desiderata, satiat appetitus sensitiuus, simili itaque modo quodam quæ afficit appetitus rationalis bona spiritualia extrinseca, potitur illis mediante vi intellectiua, quæ contemplatur ea & contemplando comprehendit, sibi quæ modo quodam vnit; hinc summò bono clare viso satiat appetitus rationalis, quasi iam comprehensio & obtento quod sedebatur.

Est autem hæc doctrina conformis Scripturis & SS. Patribus, qui dum de beatitudine & beatifica satietate tractant, passim eam in summū boni visionem seu eius comprehensionem, quæ per visionem fit, referunt. Sic præter Scripturas antè allegatas dicitur Exod. 33. *Ego ostendam tibi omne bonum.* Psal. 35. *Apud te est fons vitæ, & in lumine tuo videbimus lumen.* Et iterū Psal. 16. *Satiabor cum apparuerit gloria tua.* 1. ad Cor. 13. *Videmus nunc per speculum in enigmate, tunc autem facie ad faciem.* 1. Ioan. 3. *Quando apparuerit similes ei erimus, quoniam videbimus eum* &c. D. Basil. in Constitutionibus Monasticis cap. 19. Summi boni contemplatio & virtutum luculentissima cognitio, Angelorum thesaurus est, Cyrillo lib. 3. contra Iulianum non longe à principio: Nihil verà contemplatione Dei pretiosius, quia non summæ beatitudinis efficit participes. Ibidem quæ probat, in diuinorum contemplatione nostram felicitatem consistere. D. August. de Trinit. lib. 1. cap. 8. tractans verba Apostoli, *Videmus nunc per speculum in enigmate* &c. Hæc contemplatio, inquit, nobis promittitur omnium actionum nostrarum finis & æterna perfectio gaudiorum. Et in frà: Contemplatio quippe merces est fidei, cui mercedi per fidem corda purgantur. Et cap. 10. tradet regnum Deo & Patri, quo perducet credentes ad contemplationem.

Comprehensio beatifica est visio non relatio resultantis in voluntate.

templationem Dei, ubi est finis omnium bonarum actionum & requies sempiterna. Item de spiritu & littera cap. 33. Illa cognitione, illa visione, illa contemplatione satiabitur in bonis animæ desiderium, hoc enim solum ei sat est, ultra non est quod appetat cui inhiet, quod requirat. Vide etiam D. Bernard. Sermone 4. de Assumptione Beatæ Virginis. Verum ut plenius intelligatur, quomodo beatitudo in visione Dei consistat principaliter & formaliter, sit

Conclusio Quinta: Visio Dei non præcisè, quæ visio est, sed quatenus comprehensio est, sortitur perfectam rationem beatitudinis. Vbi Notandū, etli visio summi boni & comprehensio idem sint actus, tamen hæc duo distinguuntur secundum formalitates atque ad eam in illa materia posse visionem & comprehensionem esse actus distinctos: nam visio solum dicit claram rei visæ cognitionem, non autem includit formaliter affectationem & comprehensionem boni desiderati; qui enim amat pecunias, licet eas videat, non tamen idcirco eas tenet & comprehendit; sicuti qui pulchritudine delectatur dicitur eam tenere quando visu eam comprehendit. E contra verò comprehensio in genere non includit visionem, sed tantum obtinere intentum & desideratum; nam avarus licet cæcus comprehendit pecunias, quas lucrat & seponit. Prout itaque diuersæ res natae sunt diuersis modis obtineri & possideri, sic diuersis modis & actionibus dicuntur comprehendi; aliter enim tenentur pecuniæ, aliter voluntates, & obiecta sensuum, aliter honores &c. In præsentem autem materiam utriusque ratio, videlicet visionis & comprehensionis in vno eodēque actu conveniunt, quia summum bonum nostrum spirituale & increatum est de numero earum rerum, quæ a nobis non apprehenduntur & tenentur, nisi cognitione & contemplatione: sicuti concentus musicus non comprehenditur nisi auditione; & colorum suauitas non nisi oculorum visione: in hoc tamen nondum absolutur plena ratio comprehensionis, utpote quæ non dicit solum quomodolibet tentionem alicuius rei, sed tentionem eius rei, quam sumus infectati, & quam desideramus. Sicuti aliquis consequens aliquem, ait D. Thom. infrà quæst. 4. art. 3. ad 1. dicitur eum comprehendere, quando tenet eum. Præterquam igitur quod obiectum debet esse tale, ut eius possessio in cognitione & visione ipsius consistat, debet insuper illud obiectum fuisse in votis, ut eius visio habeat rationem comprehensionis, atque adeo continuò affectari

& amari, ut continuò dicatur comprehendendi rigorose loquendo. Quare clara Dei visio quatenus comprehensio est (sub qua ratione dicimus eam nos facere beatos) præter summam, quam dicit intellectus nostri perfectionem, includit ordinem ad Deum tanquam supremè amatum, & ut id, quod ut finem ultimum homo est sectatus. Et hoc est, quod D. Thom. docet, verbis suprâ citatis, quando dicit comprehensionem non esse aliquam operationem præter visionem, sed quandam habitudinem ad finem iam habitum. Quod alij quidam alijs verbis explicant, dicentes amorem esse de beatitudinis essentia terminatiuè, id est, non quod amor sit pars essentialis operationis illius, quæ est formalis beatitudo, sed tantum quod hæc dicat ordinem quandam ad amorem, quatenus illa operatio est comprehensio; qui ordo complet essentialiam comprehensionis: actus autem voluntatis tantum est terminus illius ordinis. Et sic intellige, quæ scribit D. Thom. infrà quæst. 4. art. 8. ad 3. ubi innuit charitatem beatitudinis esse essentialē: quia videlicet visio non obtinet rationem comprehensionis, nisi cum respectu terminato ad actum charitatis.

Ex his patet Conclusio, videlicet effectum, qui est beare formaliter, non consistere in solâ inhærentie visionis, in intellectu beati quæ visio est; sed in ratione comprehensionis, quæ præter visionem includit ordinem iam explicatū ad amorem: nam is, qui habet pecunias, & eas non amat, neque verè neque putatiue existimat se beatum ex earum possessione. Similiter si quis per absolutam Dei potentiam ponatur Deum clarè videre, & tamē non amare, etiam hic ex tali visione non erit beatus, quia non censetur summum bonum & ultimum finem comprehendere.

Ex dictis colligere licebit, quamvis vtrumque, amor & delectatio, ad beatitudinem suo modo concurrant, amorem tamen magis esse intrinsecum beatitudini, quam delectationem: amor enim antecederet se habet tanquam terminus necessarius illius respectus seu ordinis, sine quo non potest visio obtinere rationem comprehensionis, & proinde nec beatitudinis absolutæ: delectatio autem solum consequenter se habet ad beatitudinem, tanquam quoddam eius complementum; sic tamē ut sine eo tota ratio comprehensionis finis ultimi concipiatur, tametsi necessario quodam fluxu ex illa comprehensione promanet: quando enim ipsa visione satiatur uterque amor, concupiscentiæ, videlicet

delicet & amicitia, exoritur necessario quies & delectatio: fatiatur autem uterque amor, quia anima per visionem comprehendit & tenet Deum præsentem, tantum bonum suum summum proprium, simulque clarè cognoscit dilectum suum, quem præsentem tenet, omnibus bonis affluere, quæ ex amore benevolentia potest eidem exoptare.

Quæret aliquis: An visio, quæ beatus videt se videre Deum, sit de essentia beatitudinis?

**Visio quæ beatus cognoscit se videre Deum, non est de essentia beatitudinis: pertinet tamen ad illam ut complementum.**

Respondetur Negatiue, quia nulla cognitio obiecti creati ut sic, beatificat: est tamen necessaria suo modo hæc reflexio ad complementum beatitudinis; sicut & cognitio, quæ intellectus cognoscit nos amare finem vltimum, requiritur, ut visio sit comprehensio, non tamen tam ex parte obiecti quam subiecti.

Contra Conclusionem Obijciunt Primo: Amor est perfectior visione; licet enim visio sit origine prior, tamen quæ generatione sunt posteriora, solent esse perfectiora. Confirmatur, quia amor est quasi medius inter visionem & Deum, atque adeo viciniùs ad Deum accedit; ergo &c.

Respondetur, Negando Assumptum: visio enim est vltima perfectio hominis: quia visione ipsum Deum consequimur; consecutio autem finis vltimi est vltima perfectio. Ad Confirmationem Respondetur, visionem siue cognitionem claram ad amorem viz sese habere, ut finem ad medium, non contrà: ad amorem verò, qui in patria sequitur, sese habere tanquàm causam ad effectum, non propriè ut medium ad finem, si cum finem consideres, qui absolute dicendus est finis creaturæ rationalis: hic enim est, quo creaturæ formaliter est optimè; melius autè est creaturæ rationali in se perfici lumine gloriæ, infuso à Deo amante, & ad sui conspectum eleuante, adeoque perfici ipsà Dei visione, eiusque apprehensione, quàm motu amoris egredi quasi in Deum: quia melius & felicius est animæ Deum in ipsà facere mansionem & se ipsum ei exhibere possidendum, quàm animam per amorem in Deum formaliter tendere: quamuis enim concedamus amicitia actum esse quodammodo maius bonum Dei, quia omnia in Deum dirigit, hoc tamen nihil ad beatitudinè formalem, quæ ex eo, quod subiectum suum perficiat & quietum reddat, æstimanda est.

Obijciunt Secundo: Beatitudo debet collocari in operatione potentia perfectissimæ: atqui voluntas est potentia perfectior intellectu; ergo &c. Maior videtur ex se manifesta. Probatur Minor: Pri-

mò, quia voluntas est formaliter libera, non intellectus: unde voluntas intellectum applicat ad operationem, non autè ab eo applicatur; ergo &c. Secundo, quia voluntas est appetitus vniuersalis, extendens se ad omnia bona; intellectus verò est appetitus particularis, inclinans solum ad intelligere.

Respondetur, quidquid de Maiori propositione sit, Negando Minorem, cum D. Thom. 1. parte quæst. 82. art. 3. Durando in 4. distinct. 49. quæst. 4. & alijs. Duplici enim de causâ intellectus est præstantior: primò, quia per intellectum anima in se ipsà quasi creat omnia; format enim in se perfectas & quasi viuas omnium rerum species, quibus spiritali modo anima est quodammodo omnia, & veluti nouus quidam spiritalis mundus. Secundo, quia per intellectum omne bonum in nobis recipimus: nam intellectus & potissimum visio facit obiectum animæ præsens, illudque intus tenet: sed per voluntatem solum inclinamur in bonum, ut mediante intellectu vel aliâ facultate, illud comprehendamus. Ad primam Confirmationem Respondetur: etsi voluntas sola sit formaliter libera, intellectus tamen est fons & origo huius libertatis, quæ oritur ex amplitudine & indifferentiâ intellectus; unde fit, quòd varia possit proponere, & eadem sub diuersis rationibus, & cum diuersis conferre. Quare licet voluntas intellectum moueat, applicando videlicet sæpiùs ad exercitium actus; tamen intellectus mouet voluntatem altiori modo, videlicet: illuminando ac dirigendo, cum ex se circa sit. Deinde intellectus non prærequirit essentialiter siue necessariò, ut per voluntatem applicetur, sed multa potest cogitare & intelligere sine præuia voluntatis motione: quinimò beati clarè Deum vident, non ex præuiâ applicatione voluntatis; sed dum lumine gloriæ illustrantur, & Deus præsens illabitur, necessariò ipsum vident. E contra verò voluntas nihil potest, nisi ab intellectu moueatur; nam omnis eius operatio essentialiter à cognitione pendet; ex quibus satis patet voluntatem cæ ex parte non debere dici intellectu præstantiorem. Ad secundam Confirmationem Respondetur, intellectum propriè non esse appetitum, neque particularem, neque vniuersalem; esse verò potentiam non minùs vniuersalem quàm voluntatè; nam sicut voluntas versatur circa omne bonum, illud appetendo, sic intellectus circa omne verum: atque ita utraque potentia attingit omne ens; modus tamen tendendi in obiectum suum, qui intellectui conuenit, perfectior est, quam

quam qui voluntari. Intellectus enim ita in obiectum tendit, ut illud in se formet, & sibi cum sua bonitate uniat; voluntas vero veluti pondus quoddam in obiectum suum inclinat, & quasi extra se egreditur: unde hinc etiam intellectus merito censetur praestantior.

Obiectio  
Tertia.

Obijciunt Tertiò: perfectiores habitus supernaturales arguunt perfectiorem subiecti capacitatem, & proinde perfectiorem potentiam & operationem: aique perfectissimus habitus supernaturalium virtutum est charitas, ut patet ex Apost. 1. ad Corinth. 13. quæ subieciatur in voluntate; non in intellectu; ergo voluntas erit perfectior, & proinde in eius operatione erit beatitudo. Confirmatur: quia supremus Angelorum ordo à charitatis ardore dicitur Seraphin, cum secundus à scientiâ dicatur Cherubin; ergo amor perfectior est, magisque nos beatos reddit, quam visio.

Solutio.

Respondetur: Loquitur Apostolus de virtutibus & perfectionibus viatorum, inter quas docet charitatem tenere principem locum; sed non comparat eam cum perfectionibus, quæ obueniunt sunt nobis in patriâ: unde lumen gloriæ, quo eleuante & cooperante intellectus Deum comprehendit, non immerito potest censeri habitus perfectior. Neque deest ratio, cur in viâ dicatur voluntas fortiri habitum perfectiorem; in patriâ verò intellectus: quia status viæ est status meriti & tendentiæ ad præmium; voluntas autem est principium meriti & inclinationis in finem ac supremum bonum; quare conuenienter hic maximè eleuatur, & perficitur, ut quod sui muneris est, peragat. Sed status patriæ est status præmij & comprehensionis; comprehendere autem intellectui conuenit. Neque verum est, illam potentiam comprehendere bonum, quæ bonum appetit, non magis quàm illam potentiam videre, quæ videre appetit: quare suprema intellectus perfectio rectè isti statui reservatur. Quæ quidem perfectio sicuti status præmij est sublimior statu viæ, ita etiam merito censeri debet maior & nobilior perfectione præcipuâ, quæ reperitur in statu viæ, saltem spectando vtriusque habitus intrinsecam entitatem, ac etiam vtriusque operationes, quatenus intrinsecè subiectum & suppositum perficiunt, eiusque sunt formalis & intrinseca perfectio. Quod addo, quia ut circa solutionem primi argumenti capimus indicare, dupliciter possunt hi actus considerari, sicuti proinde & habitus, unde procedunt. Vno modo, in se secundum entitatem suam, & ut sunt perfectio ho-

minis beati: altero modo, ut sunt quoddam bonum ipsius Dei extrinsecè, quatenus videlicet natura omnis rationalis inter bona sua reputat, quod eius excellentia sit alijs cognita cum veneratione, & ab ijs ametur, ita ut illi eandem & omne bonum exoptent & sibi aggratulentur. Priori itaque modo dicimus visionem superari amorem, & lumen gloriæ habitum charitatis. Si posteriori autem modo considerentur, visio videlicet, quatenus clara Dei cum laude notitia est, & amor, ut omnia bona Deo vult & apprecatur, sic dubitari potest, uter actus praestantior sit; nam alij suam excellentiam cum admiratione cognosci, alij autem eam sibi adamari & optari, forsitan praesere possent: quia tamen posterius rationi magis videtur consonum, & boni principes magis amari, quàm in admiratione aut suspensione haberi, desiderare solent, hinc amor videtur ex hac parte excedere non physicè excellentiâ, sed morali æstimatione. Pro quo etiam facit, quod iuxta multorum Patrum explicacionem Moyses & Paulus ex charitate proximi parati fuerint carere visione Dei, sed non eius amore. Nihilominus tamen quia, ut diximus, beatitudo est intrinseca hominis perfectio, idcirco potius in operatione intellectus, vtpote quæ magis hominem perficit in se, quàm in operatione voluntatis est constituenda. Hinc neque sequitur, beati magis volunt amare Deum, quàm videre; ergo in amore est beatitudo: non enim magis amare volunt, quia hoc eis melius sit; sed quia magis ordinatum est sic velle, quod videlicet Dei bonum & beatitudinem suo bono & beatitudini praferant. Est itaque actus ille charitatis in ratione virtutis & secundum esse morale praestantior, sed non propterea secundum esse naturale, secundum quod intrinsecè bene afficit operantem. Denique etiam si daremus voluntatem, eiusque operationes esse perfectiores intellectu ac intellectatione, non tamen sequeretur in illis esse formalem beatitudinem; quia ad rationem beatitudinis non tantum debet considerari perfectio operationis, sed ratio comprehensionis & possessionis summi boni. Ad Confirmationem Respondet Vasquez, Seraphin sic dictos esse ab amore viæ, quo cæteros Ordines in viâ superarunt; amorem autem in statu viæ praestantissimum esse virtutem, eoque nomine merito primum Ordinem ab amore fuisse denominatum. Alij tamen Respondent duo posse considerari in ardore, à quo Seraphin dicti sunt; videlicet inflammationem & illuminationem: & quia primus Angelorum Ordo immediate à Deo

vttram-



utramque hanc perfectionem accipit, idcirco specialiter ab ardore nomen accepisse.

## ARTICVLVS V.

*Verum Beatitudo sit operatio intellectus speculatiui, an practici?*

Conclusio  
D. Thom.

**C**onclusio D. Thomæ est: Beatitudo magis consistit in operatione speculatiui intellectus, quam practici. Probat: quia consistit in operatione potentie circa præstantissimum eius obiectum: atqui intellectus obiectum præstantissimum est bonum diuinum increatum; quod quidem non est obiectum practici intellectus, sed speculatiui, quare in operatione huius dicenda est magis consistere. Dicit D. Tho. quodd magis consistat, quia beatitudo quædam imperfecta, qualis hic haberi potest, saltem secundario consistit in operatione intellectus practici, ordinantis actiones & passionis humanas, vt in fine Corporis ipse explicat.

Queret aliquis: An igitur beatifica Dei visio sit tantum speculatiua? Respondetur: Dei visio, quatenus essentialiter beatifica, tantummodo est speculatiua: quia quatenus sic beatifica versatur tantum circa bonum increatum, quod sub proxima vel operationem non cadit: sed quatenus eadem visione beati non solum cognoscunt Deum, eiusque increatas perfectiones; verum etiam regulas rerum agendarum, & ea quæ ipsis agenda sunt, vt debere se summè Deum diligere, venerari, obedire &c. sic etiam secundario potest quodammodo dici practica, quamuis non omnino propriè & in rigore; quia licet iste cognitionis actus ad illa practica secundario terminetur, non tamen terminatur antecederet ad proxima, quasi vt sic ad operationes dirigendas ex se ordinaretur, sed consequenter solum se habet ad Dei contemplationem.

Dicit aliquis: Ad completæ beatitudinis statum requiruntur amor & gaudium: atqui ad hæc requiritur cognitio practica, quæ immediatè & ex se versetur circa illas actiones; ergo &c.

Solutio.

Respondetur, Negando Minorè: nam hi actus in patriâ sequuntur ex nudâ cognitione speculatiua, quâ Deus clarè cognoscitur summè bonus in se, & summè bonus nobis, siue summum bonum nostrum; quia ad hanc visionem necessariò sequuntur actus illi, vt potest ad quos natura voluntatis determinatur, hoc ipso quo tale obiectum clarè videtur ac tenetur; cognitio autem practica propriè dicta tunc solum est necessaria, quando voluntas cogniti-

ne obiecti posita non est per se ad eius amorem determinata: tunc enim vt seipsam determinet, debet ipsius actum præcedere cognitio, vt intelligatur, an hic & nunc conueniens sit elicere hunc actum; quæ cognitio propriè est practica, quia per se & proximè circa operationem elicendam aut dirigendam versatur.

## ARTICVLVS VI.

*Verum Beatitudo consistat in consideratione scientiarum speculatarum?*

**C**onclusio D. Thomæ est: Beatitudo perfecta in consideratione scientiarum speculatarum, essentialiter consistere non potest. Vbi nota, quodd D. Thomas per considerationes scientiarum speculatarum hic intelligat actus scientiæ speculatiue, quæ versatur circa res corporeas & sensibiles: quod ex eo colligitur, quia eas distinguit contra cognitionem, quæ habetur de substantiis separatis, de qua inquit idem Artic. sequente. Vnde Conclusioem probat hæc ratio: quia tota consideratio scientiarum speculatarum non potest ultra extendi, quam sensibiliū cognitioni ducere potest, nam prima principia harum scientiarum, in quibus virtutaliter tota scientia continetur, sunt accepta per sensum. In cognitione autem sensibiliū non potest consistere perfecta hominis beatitudo, quæ debet esse vltima eius perfectio: quia non potest homo plenè perfici, & perfectè beari comprehensione bonorum, quæ infra ipsum sunt, vt sunt corporea & sensibilia omnia. Vnde oportet, inquit D. Thom. quodd vltima perfectio hominis sit per cognitionem alicuius rei, quæ sit supra intellectum humanum.

## ARTICVLVS VII.

*Verum Beatitudo consistat in cognitione substantiarum separatarum, scilicet Angelorum.*

**C**onclusio Diui Thomæ est: Neque in cognitione substantiarum separatarum, scilicet Angelorum, potest perfecta hominis beatitudo consistere. Probat, quia perfecta hominis beatitudo consistit necessariò in operatione intellectus, vt versatur circa obiectum, cui ratio obiectiua tum in ordine ad appetitum, tum in ordine ad intellectum conuenit per se & essentialiter; non autem vt versatur circa obiectum,

E cui ra-

eui rationes illæ tantum conueniunt per participationem: atqui substantiæ separatae sicut non habent esse à semetipsis, sed per participationem à Deo, ita etiam non habent essentialiter à se bonitatem & veritatem, sed participatiue; ergo in earum cognitione & comprehensione per intellectum, non potest perfecta hominis beatitudo consistere. Dicit autem D. Tho. in Conclusionem vtriusq; Articuli, quod in illis non possit consistere perfecta beatitudo: quia sicuti objecta illa habent quandam participatam veritatem & bonitatem; ita quoq; in eorum contemplatione potest dici consistere aliqua participatio veræ beatitudinis & imperfecta beatitudo, quæ tamen altior sit in cognitione Angelorum, quam in consideratione scientiarum secularium.

## ARTICVLVS VIII.

*Vtrum Beatitudo hominis sit in visione diuinæ essentia?*

**C**onclusio D. Th. est: Ultima & perfecta hominis beatitudo non potest esse,

nisi in visione diuinæ essentia, probat hoc fere modo, quia homo non est assecutus perfectam beatitudinem, quandiu restat ei aliquid desiderandum & querendum: Sed quandiu non peruenit ad visionem diuinæ essentia, restat semper aliquid inquirendum. Confirmatur, quia omnis contemplatio cuiuscumque entis creati est cognitio eius, quod tanquam effectus dependens est ab essentia diuinâ ut causâ; quæ licet in effectu cognoscatur esse, non tamen in eo intelligitur, quid illa sit: naturaliter autem remanet homini desiderium (inquit) ut quando cognoscit effectum, quem scit habere causam, ut de illâ sciat quoque quid sit: quod est desiderium admirationis, ait, & causat inquisitionem; ergo perfecta beatitudo haberi non potest, nisi in visione diuinæ essentia, quâ quidditas diuini esse omni ex parte independentis cognoscatur, quia hæc est principale & perfectissimum obiectum potentia intellectus; unde ab illâ dependet vltima & plena eius perfectio. Probari potest secundò, per ea quibus supra q. 2. demonstratum est beatitudinem hominis obiectiuam non posse esse bonum creatum, sed necessariò dicendum, quod sit bonum diuinum increatum.

## QVÆSTIO QVARTA.

*De his quæ ad Beatitudinem exiguntur.*

**P**OSTquam explicuit Diuus Thomas duabus quætionibus præcedentibus, ea in quibus essentialiter consistat Beatitudo tum obiectiua, tum formalis; pergit nunc inuestigare ea, quæ requiruntur ad eandem tanquam accessoriarum quædam perfectiones & complementa eiusdem: quia res solis principiis essentialibus non omnimodò absoluuntur & complentur: sed alia multa ad bene esse rei requiri solent; siue ut dispositiones, quæ formam essentialem fouent & conseruant, siue ut potentia, & habitus, quibus mediantibus forma conuenienter pro naturæ exigentiâ operatur; siue ut proprietates, effectus aut operationes, quibus vltimam perfectionem suâ & finem assequitur. Quare hic per octo Articulos, ea, quæ sic ad beatitudinem faciunt, deducit & explicat.

## ARTICVLVS PRIMVS.

*Vtrum delectatio requiratur ad Beatitudinem?*

**E**X dictis supra constare delectationem siue gaudiū pertinere ad integritatem beatitudinis, quando hæc accipitur pro toto statu, omnium bonorum aggregatione perfectò: sed quando accipitur pro eâ actione solâ, quâ vltimum finem & summum bonum comprehendimus & tenemus, sic eius partem non esse, sed effectum & fructum, necessariò ab eâ promanantem; quia causatur ex eo, quod appetitus in bono adepto conquietatur. Unde Conclusio Diui Thomæ est, quod delectatio requiratur ad beatitudinem, sicut quiddam concomitans; sicuti calor, inquit, requiritur ad ignem.

Vbi pro pleniori intelligentiâ obseruari potest, quatuor in progressu beatitudinis designari posse, suo modo proportionata ijs, quæ

ipsa, quæ in motu locali aut circa eum, respectum, v.g. in descensu lapidis primū est gignitur, secundum motus ipse, tertium in motu, quartum quies. In beatitudine autem istarū gravitatis & ponderis est amor inclinans in finem, desiderium cum operibus productis est instar ipsarū motuum, forma beatifica, quam anima consequitur, respondet naturali loco; delectatio autem est luxus consecratione proportionis, est instar quærens, quia voluntas in bonum obiectum quiescit.

Sed hic. Quæritur. An delectatio siue gaudium se extendat immediate sit de Deo, an sit in Deo per viam de visione & de Deo per rationem.

Respondetur, beatius gaudere & delectari in Deo, non tantum ipsa visione, sed in Deo, quæ per se ac prima delectatio est. D. D. partum in 1. Dist. 1. partum in 3. Dist. 49. contra Durandum in 1. dist. 1. quæst. 5.

Probatur Primo, quia non aliquis effectus Dei est in bonum nostrum, sed ipse Deus, ergo per se & immediate delectatur, et in se ipsum. Consequentia est manifestata, licet autem delectatur, quia visio non se habet, tanquam bonum aliquod distinctum a Deo, sicut v.g. calor Solis se habet ad Solem, effectus eius qui frigit, quemadmodum Durandus apprehendit; sed habet se, sicut applicatio obiecti convenientis ad suppositum, cui convenientis est, quia est apprehensio & possessio boni, quod homo amat, & per quod homini bene est: sicut possessio pecunie & pecunia non censentur duo distincta bona, quæ inquirunt auras, sed unum. Vide dicta supra tract. de causis, r. de divisi. 2. finis. Unde licet avarus delectatur immediate pecuniâ possessâ, ita ut pecunia & possessio sint unum bonum unum, sic beatus proximè & principaliter delectatur de ipso Deo visio, ita ut sicut pecunia est obiectum passionis, cuiusque oblectamenti, quum in se possessio; sic quæque Deus sit in bonum nostrum, quod delectatur quum ipsa visio. Quare verum non est, quod Durandus sic pro suo fundamento statuit, quod videlicet quæ supposito sunt a nobis distincta, non possunt per se & immediate esse bona nostra propria: nam contrarium patet in igne, in suppellectile, in pecuniis, quibus gaudemus & delectamur, non tantum ipsâ eorum possessione, quæ nobis simpliciter extrinseca est, non minus quam ipsa bona; aut saltem non potest nisi quandam relationem in nobis, quæ non censetur bonum nostrum, sed res ipsas, quatenus tamen nobis secundum rationem naturæ suæ applicantur, & a no-

bis tenentur; sic ut ista applicatio potius videretur dicenda conditio sine qua non delectetur bonum, quam esse ipsum bonum, quod delectatur. Ab hoc non multum differt, quod alij dicunt; videlicet visionem esse quoque obiectum delectationis, sed obiectum quo, non obiectum quod: quia visione mediante tanquam ipsius boni adceptione & tentione oblectat obiectum quod, videlicet Deus ipse; quia visio ponitur media non tanquam obiectum, de quo sit gaudium, neque ut ratio formalis, propter quam Deus delectetur, sed solum ut tentio & possessio boni; tota enim delectandi ratio est ipsum bonum quod tenetur. Alia tamen ratione posset admitti quædam delectatio de ipsa visione, tanquam de obiecto quod, quatenus videlicet apprehenditur tanquam intrinseca quædam perfectio ipsius intellectus; sed hoc gaudium non est gaudium beatificum, quod oritur solum ex visione, quatenus est comprehensio increati & infiniti boni.

Quod ad exemplum attinet à Durando adductum de Sole, ad rem non facit: quia Sol non iudicatur bonum ipsius frigentis secundum suam substantiam, sed tantum secundum effectum, videlicet calorem, quem in frigente producit. Sed si consideraretur Sol, quatenus ratione pulchritudinis suæ omnibus est amabilis, licet etiam ipse est bonum, quod per se proximè delectatur, quatenus visu comprehenditur: quamadmodum qui delectatur intuitu picture, delectatur immediate ipsâ picture, tanquam obiecto immediate causante oblectationem; neque visio delectatur, nisi quatenus suo modo informatur ipsâ picture.

Probatur Conclusio Secundò: quia idem est obiectum immediatum spei in viâ & fruitionis in patria; nam idem bonum quod sperabatur, delectatur obientum: atqui obiectum spei est Deus, non autem visio Dei, ut aliquod bonum distinctum à Deo; ergo &c.

Dices: Obiectum spei sicut & desiderij est quid futurum; ergo est visio Dei, non Deus ipse.

Respondetur, necessario dicendum esse, quod spei obiectum immediatū sit Deus; quia alioquin non esset virtus Theologica, quæ de re alibi agitur. Ad rationem autem Respondetur, spei sicut & desiderij obiectum esse bonum futurum, vel absens siue nondum habitum: ita ut deus Deus etiam si semper sit, tamen à nobis non tenetur & possidetur: speramus autem eum possidendum, & possessio petitur non propter se, sed ut eâ mediante bonum desideratum efficiatur nostrum.

E ij Dices

Dices Secundò: Damnati summè tristantur non de Deo secundum se, sed de earentiâ visionis diuinæ; ergò etiam beati summè gaudent non de ipso Deo, sed de visione Dei.

Respondetur N. C. Non enim damnati possunt tritari de Deo secundum se, sicut beati de illo gaudere possunt, quia non potest Deus damnatus vniri, & ipsorum effici tanquam proprium malum eorum; sicut potest vniri beatis tanquam secundum se bonum ipsorum, quia cum non sit nisi summa bonitas & suauitas, non potest ipse secundum se esse malum damnatorum.

## ARTICVLVS II.

*Vtrum in beatitudine sit principalis visio quàm delectatio?*

C Onclusio est affirmatiua; & satis ex supradictis videtur. Indicat autem hi. D. Tho. hanc rationem, quia delectatio est tantum quàm accessoria perfectio tanquam ad ipsam Dei visionem; per hanc enim tenetur omne bonum, quod voluntas possit appetere, hoc autem habito sequitur voluntatis quietatio & delectatio. Atq; ita patet visionem potius esse in homine beato, quàm delectationem: illud enim potius est, quod propter se, quàm illud quod propter ipsum queritur vel est; visio autem propter se, quia per illam tenemus vltimum finem, appetitur ad quam voluntatis quietatio tanquam fructus quidam eius consequitur.

## ARTICVLVS III.

*Vtrum ad beatitudinem requiratur comprehensio?*

C Onclusio est affirmatiua. Vide dicta Quæst. præcedente Art. 4. vbi ea, quæ ad hanc rem spectant, satis sunt explicata.

Sed quæ D. D. Scholastici disputant in 4. D. 49. de Dotibus animæ, solè Commentatores in Summam ad hunc Articulū D. Tho. adiungere, quia hic facit mentionem eorū, quæ inter Dotes referri consueuerūt.

Observandum est ergò Dotis nomen, in sua proprietate acceptum, significare dona seu bona illa, quæ confert solent sponse seu nouiter nuptæ ad eius intertentionē, siue à parentibus, vt ordinariè, siue ab ipso sponso, vt aliquando pro magnificentia vel abundantiori eius affectu, aut simili de causa, vt fatetur D. Th. in Supplem. 3. p. q. 95. art. 1. & constat ex Script. Genes. 34. & 1. Reg. 18. præsertim dum sponsa inferioris est conditionis vel indiga: idq; quando in domū sponsi solenniter traducitur. Vnde

Dos proprie locū habet, vbi adest corporale matrimonium, & inueniuntur persone rationem habentes sponni & sponsæ: per Metaphoram verò à Theologis transferri & applicari etiam Beatis in cælo, quorum bona quædam, tum animæ tum corporis, dicunt & vocant Dotes Beatorum. Secundum eorū acceptionem D. Tho. in Supplem. 2. p. q. 95. art. 1. docuit Dotem, quid sit per se, tum animæ tum corporis eternatus, vix sufficiens, in æterna beatitudine iugiter perseverans. Infrà Artic. sexto de dotibus corporis agemus: Hic autem queritur, Vtrum conuenienter à Doctoribus assignentur Dotes animæ beatæ, & quænam illæ sint?

Respondéo, & dico Primo. Appositè admodum, per Metaphoram in Scripturis sanctis fundatam, attribuitur Beatis in cælo Dotes quædam animæ. Declaratur: quia ex Scripturis evidens est, inter animam sanctam & Deum seu Christum Dominum intercedere spirituale matrimonium; vbi anima personæ sponsæ, & Deus seu Christus, personam sponni sustinent. Osee c. 2. *Sponsabo te mihi in iustitiâ & iudicio.* Ibid. *Sponsabo te mihi in fide.* 2. ad Cor. c. 12. *Respondi vos vni viro virginem castam exhibere Christo.* Ad Eph. 5. de matrimonio dicitur: *Sacramentum hoc magnum est: ego autem dico in Christo & in Ecclesia.* Apoc. 21. *Sicut sponsam ornatam viro suo.* Et infrà *Veni & ostendam vobis sponsum uxorem agni.* Et in Cantic. Canticor. specialiter explicatur spirituale illud conubium. Quando autem anima sancta hinc ad cælos migrat, tunc quasi sponsa in domū & ad thalamū sponsi sui cum solemnitate introducit. Quare cum sponsus potentissimus & liberalissimus sit, & sponsæ huius zelotes; quā non 14. annorum impensis seruitijs, sicut Iacob & Rehelem non 100. Philistinorum præputijs, sicut Dauid & Michol. Saulis filiam; sed 30. & amplius annorum labore assiduo, cum multâ tolerantia & patientia, & tandem sanguinis sui pretio sibi acquirit & desponsauit: non dubiū esse potest, quin magnificis & pretiosissimis donis eum ornet & ditet, quando nuptiali thalamo in beatâ illa & caelesti Ierusalem copulatur Domino, de quibus Apost. 1. ad Cor. c. 2. *Oculus non vidit, nec auris audiuit, nec in cor hominis ascendit, quæ preparauit Deus q̄li diligit illum.* Vnde sancta Agnes de hoc amatore & sponso sibi congratulabunda exclamat: *Ostendit mihi thesauros incomparabiles: sanguis eius ornat genas meas: dexterâ meâ & collum meū cinxit lapidibus pretiosis: tradidit auribus meis inzelethabiles margaritas: & circumdedit me vernantibus & coruscantibus gemmâ. Quare Christianè & bene Philosophati dicendi sunt Doctores, quando*

quando Beatos in cælo Dotibus suis ornari ac ditari à sponso Christo docuerunt.

Dico Secundò: Dotes illæ animæ conuenienter assignantur tres numero, videlicet hæ: Visio, Cōprehensio & Delectatio; quæ suo modo correspondeant tribus virtutibus Theologicis, scilicet Fidei Visio, Spei Cōprehensio, & Charitati Delectatio seu Fruitus. Ita pleriq; Scholastici. Et colligitur ex D. Th. hoc loco, vbi specialiter trium trium facit mentionē, & ex eodem clariùs in Supplem. 3. p. q. 95. a. 5. vbi expresse Visionem, Fruitionē & Cōprehensionem ponit dotes animæ. Et docent in terminis Caiet. Medina & Conradus ad hunc articulum, cum pluribus alijs recentioribus: qui tamen in eisdem explicandis non satis cōueniunt. Plures n. sic eas apprehendūt & explicant, vt nō sint aliquid in re distinctum ab operationibus, in quibus formalis beatitudo consistit, sed tantū superaddant respectum aliquē rationis tum ad suppositum, quod sponse rationem habeat, tum ad virtutes Theologicas, vt terminātes & suppleantes harum imperfectionem quādo eis in patriā succedunt. Iuxta illud, quod de Fide scribit Apost. 1. ad Cor. 13. *Nunc videmus per speculum in enigmate, tunc facie ad faciem:* & de Spe ad Philip. c. 3. *Non quod iam acceperim aut perfectus sim; sequor autem, si quomodo comprehendam.* De Charitate autem, D. August. quod appetitus inhiantis sit amor fruentis. Et si verò eadem charitas, quæ est in viā, remaneat in patriā, neq; essentialiter perficiatur; multis tamen modis accidentarijs aut extrinsecis redditur completior & perfectior, vt latius docetur 2. 2. q. 24. a. 8. Alij verò, inter quos est Conradus hic, putāt omnes & singulas dotes esse aliquid distinctum ab ipsis operationibus, quod etiam docuit D. Th. in Supplem. loc. cit. & ratio reddi potest, quia Dos in matrimonio corporali non tantum distinguitur à matrimoniali contractu, sed etiam ab actū & coniunctione coniugali, quibus se sponfus & sponsa amplectuntur: atqui operationes illæ in quibus consistit formaliter beatitudo, sunt veluti coniunctiones eiusmodi coniugales; ergo oportet ponere dotes ab illis distinctas. Hi itaq; nomine Visionis, vt Fidei responderet, quādo pro dote accipitur, volunt significari ipsum habitū luminis gloriæ, vel vt loquitur D. Thom. ipsam gloriæ claritatem, quā anima diuinitus illustratur ad videndum Deum, quæq; est principium beatitudinis seu beatificæ visionis. Nomine autem Cōprehensionis, vt respondet Spei, significatam volunt aut retentionem aliquam habitualem, quā remoueantur, quæ impediebant, ne mens coniungeretur Deo, aut habitum amoris con-

cupiscentiæ in patriā magis perfectū, quom iam securē & sine intermissione anima Deo sibi præsentē tanquā bono obtento & non dimittendo ipsatur. Deniq; Delectationis nomine, vt respōdet Charitati, & pro Dote sumitur, volunt intelligi ipsam Charitatis habitum, quatenus accidentaliter ibi plurimū perficitur & completur, estq; principium oblectamenti de bonis Domini in terra viuendum. Controuersia hæc siue diuersitas magis est de nomine & modo loquendi, quā de re ipsā. Quisque quod conuenientiū dici putauerit, sequatur. Qui priorem explicationem vt faciliorem & magis expeditam probauerit, poterit ad argumētum pro altera allegatum respondere, prædictas operationes non tantum obtinere rationē quasi amplexus coniugalis, sed simul quoq; habere rationem pretiosissimorum donorū, quibus Deus animam beatam condecorare & ditare dignatur; sunt enim operationes immanentes & stabiles, non trāscentes nec temporaneæ; atq; adeo esse quasi vitalem possessionem summi & increati boni quod Deus est. Ceterum ex dictis potest intelligi primò, quare eadē dona, quomodocunq; accipiuntur, quæ in animabus beatis vocantur Dotes, non possint similiter dici Dotes in Angelis; quia videlicet secundum modum loquendi Scripturæ nō dicuntur Angeli habere rationem sponsæ: Dotes autem important quandam respectum ad sponfam, cui donentur. Similiter intelligi potest, Cur neq; Dotes vocari debent, quatenus competunt animæ Christi: quia scilicet Christus ipse est sponfus, qui potius dona dare quā accipere debet. Illud enim sponsi maiestas postulat, sicuti hoc sponsæ indigentia. Intelligi secundò potest, quare bona, quæ animæ conferuntur in baptismo, non vocentur Dotes: vt enim admittatur, tunc matrimonium inter Christum & animam contrahi (sicut non inco-gruē alij tantum sponsalia iniri velint propter fragilitatem coniunctionis huius) tamen non debet Dotes appellari dona, quæ tunc conferuntur, quia dos non consecuit dari, quando matrimonium contrahitur, sed quādo sponsa in domum sponsi deducitur quod non fit in baptismo, sed quādo cæleste regnum ingreditur & beatificatur.

#### ARTICVLVS IV.

*Vtrum ad beatitudinem requiratur  
restituendo voluntati?*

**C**oncl. D. Thomæ est: Restitudo voluntatis requiritur antecedenter ad beatitudinem, ac etiam concomitanter.

E iij Proba-

Probat per primam partem. Primò ex Scripturis. Psal. 7. *Qui saluos facit rectos corde.* Ad Hebr. 12. *Pacem sequimini & sanctimoniam, sine qua nemo videbit Deum.* Apocal. 21. *Non intrabit in eam aliquis inquinatum, &c.* Probat per secundam rationem D. Thomæ, quæ est fortiori potest: quia nihil consequitur finem, nisi quod est debito modo ordinatum ad illum, sicut materia non potest consequi formam, nisi debito modo ad eam sit disposita; finis enim comparatur ad id, quod ordinatur ad ipsum, sicut forma ad materiam: atqui rectitudo voluntatis est necessaria, ut homo sit debite ordinatus ad beatitudinem; ergo hæc antecedenter ad beatitudinem requiritur.

Probat per posteriorem: quia obiectum beatitudinis perfectæ est diuina essentia, quæ est ipsa essentia bonitatis; unde voluntas videns essentiam Dei ex necessitate amat, quicquid amat sub ordine ad Deum, id est, tanquam id sine quo non esset ordinata ad Deum: sicut voluntas eius, qui non videt Dei essentiam, amat necessariò, quicquid amat, sub communi ratione boni, quam nouit: atqui ista voluntas necessariò est recta, quæ ex necessitate amat, quicquid requiritur, ut sit ordinata ad Deum; ergo &c.

Non potest beatus amittere beatitudinem.

Hinc de fide certum est, contra Origenum, non posse beatum peccando amittere suam beatitudinem. Apocalyp. 3. *Qui uicariis, faciam illum columnam in templo meo, & foras non egredietur amplius, id est non excidet, neque ad eum statum redibit, in quo excidere poterit.* 1. Pet. 1. *In hereditatem incorruptibilem, & incontaminatam, & immarcescibilem conseruatam in cæli in uobis.* Sap. 3. *Non tanger illos tormentum mortui.* Ioan. 16. *Gaudium uestrum nemo tollet à uobis.* Apoc. 21. *Et mors ultra non erit.* Estq; definitiuè cap. Firmiter De summa Trinitate. Et confirmatur hac ratione: si enim beatus aliquando beatitudinem suam amittere per peccatū potest; vel id ignorat, & sic ipsa sua ignorantia miser est; vel nouit, & sic animi quoque trepidatione, miser erit. Vide D. August. Enchir. c. 105.

Sed contra potest obijci illud Iob cap. 4. *Ecce qui seruimus ei, non sunt stabiles, & in Angelis suis reperit prauitatem;* ergo &c. Respondetur Primò, rectissime Scripturam illam intelligi de Angelis adhuc in uia existentibus, qui per lapsum facti sunt Demones. Secundò, si de bonis accipere quis uelit, tunc dicitur reperisse in eis prauitatem, id est, uanitatem & defectum naturalem, vel propter nescientiam, quoad intellectum purgandum diuinâ illustratione, vel propter peccabilitatem naturalem, quoad uoluntatem. Neque enim naturaliter impeccabiles sunt: quod ex eorum, qui

cecidissent, lapsu factis est manifestum. Vel denique dicitur Deus in ijs reperisse prauitatem, propter substantiam eorum caducitatem; quatenus enim de nihilo creati sunt, sic Deo comparati non sunt stabiles, cum rursus in nihilum redigi possint.

Quæritur hic autem, Unde pronentat, quod beati peccare non poterunt? Scotus in 4. Dist. 49. quæst. 6. Gabriel in 2. D. 7. q. unica art. 1. & ibidem Greg. Arimin. q. 2. negant id prouenire ab intrinseco seu ex vi diuinæ uisionis aut beatitudinis; sed ab extrinseco, per peculiarem aliquam Dei protectionem: ut quia vel negat omnem concursum ad actum malū, vel quia præbet speciale auxilium, quo beatus confirmetur in bono, sic ut eo tamen sublato, cadere possint. Sed uerior est sententia Diui Thomæ, quam hic indicat & docet lib. 3. contra Gentes cap. 62. & lib. 4. c. 92. quæ communiter ab alijs quoque tenetur, uidelicet illam impeccabilitatem non tantum esse beatis debitam, utpote sine qua non possit securitas, & proinde nec absoluta beatitudo consistere, ideoq; extrinsecè à Deo procurari; sed etiam per se ac necessariò ex vi beatitudinis nasci, neq; tantummodo per peculiare Dei protectionē obtingere.

Probat: quia uident beati Deum necessariò, ita ut non possint se ab illâ uisione diuertere. Confirmatur: quia obiecto sic applicato potentie cognitivæ, quemadmodum Deus se uinit intellectui beatorum, non potest intellectus non intelligere stante tali applicatione, etiam si ponere-mus uoluntatem nolle intellectum intelligere; sicuti dum obiectum uisibile debito modo applicatur oculo non impedito, necessariò uidet, etiam si uoluntas nolit uidere. Cum igitur hæc ratio & coniunctio Dei cum intellectu beati non sit dependens à uoluntate eius, consequens est beatum uidere necessariò clarè Deum, ita ut uisionem illam suspendere aut ab eâ cessare non possit. Ex hac autem clarâ Dei uisione, sequitur necessariò actualis amor Dei. Quod ita probat D. Thom. supra lib. 3. contra Gentes; quia nullus potest uelle discedere à bono, quo fruitur, id est à fruitione ipsius boni, nisi propter aliquod malum, quod in eius fruitione apprehendit; aut quia in eâ apprehendit aliquod impedimentum maioris boni; nam sicut nihil desiderat uoluntas, nisi sub ratione boni, sic etiam nihil fugit, nisi sub ratione mali: in fruitione autem Dei clarè uisi, nihil mali potest apparere beato, neque impedimentum alicuius boni, cum eâ sit optimum ad quod humana natura potest peruenire; ergo &c. Confirmatur: quia tanta est vis huius uisionis, ut in ipso Deo clarè

Impeccabilitas in Beatis ex vi beatitudinis necessariò nascitur.

clare ostendat rationem summi boni, atque adeo plenitudinem omnis boni, & ita suauem faciat affectum diligendi, vt nulla possit apparere ratio tædij & fastidij in ipso exercitio, aut in ijs, quæ hunc affectum comitantur; nec aliquid melius possit apparere. Vnde fit, quodd præcludatur omnis ratio volutatis quæ possit à tali exercitio velle cessare. Cum hoc autem amore actuali amicitie & charitatis, nullum posse simul consistere peccatum communis & certa est omnium doctrina: & quidem quod non mortale, quod charitatem extinguat, per se, euident est. Quod autem nec peccatum veniale consistere cum eâ dilectione possit, quæ ex beatificâ visione nascitur, sic DD. ostendunt: quamuis enim hoc non pugnet generaliter cum actu dilectionis Dei super omnia, siue cum actu charitatis, tamē quando dilectio tantæ perfectionis est, & efficacia, vt si memorie occurreret vel peccatū veniale, mox faceret hominem illud detestari, quia auersatur omne, quod difficile quomodolibet oculis dilecti sui; tunc eiusmodi charitatis affectus pugnat etiam cum veniali peccato. Quandoquidem igitur dilectio charitatis, quæ ex clarâ Dei visione sequitur, tantæ sit virtutis, vt omne peccatum generaliter tam veniale quàm mortale detestetur, quia nihil quod dilectio displicet, placere ei potest, efficitur vt nemo Deum videns, possit vel venialiter delinquere.

Petet aliquis, Quomodo voluntas, quæ ex natura suâ indeterminata est, necessariò operetur, nullo sibi principio intrinsecè addito vel dempto?

Respondetur: Sicut non obstante voluntatis libertate intrinsecâ, tamen determinatur & quasi necessitatur à ratione boni in cōmuni quoad specificationē actus, quamuis bonum in cōmuni sit ei extrinsecum, vt etiam Scotus admittit: ita posse quoque determinari ab increato & vniuersali bono clarè sibi proposito, non solum quoad specificationem, sed etiâ quoad exercitiū actus, quamuis sit ei extrinsecum, propter rationes iam allegatas; quia ratio necessitandi actum voluntatis non tantum oriri potest à causâ efficiente, quæ intrinsecam voluntatis mutationem operetur, per influxum aut qualitatem superadditam, sed etiam ex materiali & finali seu obiecto, vt docet D. Thom. suprà & in 4. Dist. 49. Quod autem ratio boni in cōmuni, non determinat voluntatem ad exercitiū actus, ex eo videtur provenire, quod non teneatur illud bonum cum fruitione; in ipsoque amoris actu, voluntati possit apparere ratio, cur sit hic impedimentum maioris boni, siue eius, quo ipsi

supposito melius esse possit: puta quia actus ille adfert molestiam vel tædiū aut impedit fruitionem alicuius quo magis oblectatur homo.

## ARTICVLVS V.

### Vtrum ad beatitudinem hominis requiratur corpus?

Conclusio D. Thomæ est: Ad beatitudinem imperfectam, quæ est huius vitæ, requiritur corpus; non autem ad beatitudinem perfectam, quæ est vitæ futuræ. Rationem diuersitatis indicat, quia in hac vitâ non potest esse operatio intellectus sine phantasmate, quod non est nisi in organo corporeo; sed in futurâ vitâ nõ depēdebit operatio intellectus à phantasmate. Quod vel maximè euident est de visione Dei in quâ consistit perfectâ beatitudo, nam hoc ipso quod est clara rei merè intelligibilis visio, prout in se est, & non prout res tales indirectè & similitudinariè per sensibiles formas siue species representantur, fit quod ad eam nihil possint attingere aut facere phantasmata.

Occasione autem huius q. de corpore, Vtrum ad beatitudinem requiratur, disputant hic Commentatores, Vtrum animę iustorum ante corporum resurrectionem diuinâ visione fruuntur, sicutque verè beatæ? Non desuerunt veteres, qui existimauerunt animas non recipere beatitudinem, siue ad claram Dei visionem non admittit, ante corporum resurrectionem: sed eas interim detineri in abditis quibusdam receptaculis siue promptuarijs. Ita docuit Tertull. lib. 4. contra Marcionem cap. 34. non longè à fine: & lib. de Anima cap. 7. 56. & vltimo. Lactantius l. 7. Diuinarum Institutionum cap. 21. Euthym. in cap. 23. Lucæ. Quam opinionem quidam etiam attribuunt Irenæo, & Iustino: sed de illis infra. Ex hæreticis idem tenuerunt Vigilantius apud D. Hieron. lib. contra Vigilant. Item Armeni, & nunc Anabaptistæ, vt videre est apud Alphonsum à Castro de Hæresibus, verbo Beatitudo, Hæresi 6. Lutherus & Caluinus vt refert Bellarm. l. 1. De Ecclesia Triumph. c. 1.

Pro veritate sit hæc Conclusio: Animę iustorum corporibus exutæ, simul atque fuerint perfectè expiatæ & mundatæ, recipiunt essentialē beatitudinem, ac Dei visione fruuntur. Est fide tenenda, definita in Concil. Florent. Sess. vlt. vbi Græci videntur ab isto suo errore recessissē. Definimus, inquit Conciliū, istorum animas, qui post baptismum susceptum nullam

E iiii omnia

Increatū bonum. clarè visum determinat voluntatem etiam ad exercitiū actus.

omnino maculam incurrit; illas etiam, quæ post contractam peccati maculam, vel in suis corporibus, vel ipsæ ex utroque corporibus, purgatæ fuerint, in cælum innox recipi, & intueri clarè ipsum Deum Trinum & Vnum sicuti est; pro merito tamen diuersitate alium alio clariùs seu perfectiùs. Et Trid. Sess. 15. in Decreto de veneratione Sanctorum, docet Sanctos, quorum reliquie sunt in terrâ, cum Christo regnare, & æternâ felicitate frui in cælo. Idem definiuit Benedictus x 11. in Extravag. Benedictus Deus, quâ ad verbum refert Alphonfus loco citat. & Innoc. 11. cap. Apostolicam, De Presbytero non baptizato.

Probatur autem Primò Scripturis: 2. ad Corint. 5. *Scimus quoniam si terrestri domus nostra huius habitationis dissoluatur, quod ædificationem ex Deo habeamus, domum non manu factam, æternam in cælo. Quasi diceret Apostolus, Non conturbet neque deiciat vos, quod per tribulationes corpus istud, tantquam quædam terrestis animæ domus, dissoluatur, quia alia nobis non deerit: habemus enim aliam paratam in cælis, æternam &c.* Vbi per domum non manu factam, æternam, intelligitur cælestis gloria, in quam tanquam domum splendidissimam ingrediemur: vti ex eo satis intelligitur, quod eandem vocauerit ante æternum gloriæ pondus. Vult igitur Apostolus post corporis dissolutionem animas statim ad æternam gloriam recipi. Et infert: *Scientes quoniam dum sumus in corpore, peregrinamur à Domino, per fidem enim ambulamus & non per speciem: audemus autem & bonâ voluntatem habemus magis peregrinari à corpore & præsentem esse ad Dominum.* Quasi diceret: Quia scimus quod, quamdiu sumus in hoc mortali corpore, tamdiu sumus peregrini à Domino, tantum per fidem eum cognoscimus, non dum eius intuitus specie; ideo desideramus potius esse peregrini à corpore, & præsentem esse ad Dominum. Quibus manifestè significatur animam, mox ut corpus deserit, Domino sibi præsentem, & non amplius per fidem ambulare, sed specie intueri. Luc. 16. *Facite vobis amicos de mammonâ iniquitatis, ut vbi defeceritis, recipiant vos in æterna tabernacula.* Vbi significatur, statim postquam defecerint seu hinc migraverint animæ, recipi ad æterna tabernacula in cælis. Luc. 23. *Hodie cum eritis in paradiso, id est, in gloriâ & contemplatione diuinitatis; ut exponunt Augustin. Epist. 27. Chrysost. Homil. 1. de Cruce Domini & latrone, Ambros. Theophilactus, Beda, & alij in hunc locum.* Et declaratur, quia paradysus non potest ibi significare locum corporalem, quia Chri-

stus secundum animam mox descendit ad inferos, non ad paradysum. Deinde latro petebat, ut Dominus sui meminisset, quâdo veniret in regnum suum: Dominus vero plus ei præstat, ut ait D. Ambrosius, quia non solum meminit eius in futurum, sed etiam eodem die regnum promittit. Vtetur autem potius nomine Paradisi quam Regni, ut significaret nobis per mortem suâ restitui, quod per Adam amiseramus. Denique quia promittit Dominus latroni perpetuam secum mansionem: parum enim hoc satis fecisset voto eius esse die vno aut altero cum Christo. Quare dicendum est semper ex eo tempore cum Christo fuisse, & proinde etiam cum Christo in cælum ascendisse. Ad Philipp. 1. *Cupio dissolui, & esse cum Christo.* Vbi Apostolus aperte significat Sanctos mox à dissolutione corporis esse cum Christo. Ad Ephes. 4. *Ascendens Christus in altum captiuam duxit captiuitatem.* id est, adduxit secum in cælum animas iustorum, quas ex lybno liberauerat, ut communiter exponunt SS. Patres. Actor. 7. ait Stephanus: *Ece video celos apertos, & Iesum stantem à dextera virtutis Dei.* quibus significat cælum sibi patere, & se mox in illud cum Christo recipiendum. Vnde addit: *Domine Iesu v accipe spiritum meum.* Et confirmatur, quia per Christi mortem nobis apertum est regnum cælorum, quod ad illud vsq; tempus fuerat clausum. Potest hoc imprimis ex illis Scripturæ locis colligi, vbi in aduentu Christi dicitur pluries appropinquasse regnum cælorum. Item ex cap. 9. ad Hebr. vbi significatur viam in Sancta Sanctorum non fuisse prolatam, nisi quando Christus per proprium sanguinem in ea introiuit. Quod etiam significabatur per veli scissionem in mortè Domini, quod pendebat ante Sancta Sanctorum, quæ figuratè significabant Cælum, ut Apostolus loco citato satis expresse docet. Itaque scissio veli significabat apertionem cælorum per mortem Christi, ut communiter Interpretes exponunt. Ad Hebr. 12. dicimus accessisse ad Ecclesiam primitiuorum, qui conscripti sunt in cælis, & spiritus iustorum ac multorum millium Angelorum. Vbi vult Apostolus congregationem primitiuorum, quales erant sancti Patriarchæ & Prophetæ, & spiritus iustorum perfectorum, quales erant Apostoli & Martyres esse cum frequentia multorum millium Angelorum, & proinde in cælis, vbi Angeli semper vident faciem Patris.

Probatur Secundo ex Concilijs suprà allegatis. Quibus addi potest testimonium Ecclesiæ in quadam Collectâ: Deus qui animæ famuli tui Gregorij æternæ beatitudinis



endimis gloriam contulisti. Huc etiam facit quòd Ecclesia colat & oret Sanctos tanquam dilectos Dei amicos, cum eo in cælis regnantes.

Probatur Tertiò ex SS. Patribus, tum Græcis tum Latinis. Clarissima testimonia habentur apud Athanasium in vitâ S. Antonij, Basilium in Homilia 4. Martyrum, apud Nazianz. Orat. in Basilium, apud Greg. Nissenum Orat. in S. Ephrem: item apud Cyprianum lib. 4. Epist. 2. & lib. de exhortatione Martyrij cap. ult. & apud Hieron. lib. contra Vigilantium. Sed quia multi obsecrati aliquando hac de re sunt loquuti, idcirco eorum clariora testimonia sunt alleganda, vt ex his, quæ alibi minùs clarè ab his dicta reperiuntur, possint intelligi & explicari. D. Chrysost. Homil. 3. in Epist. ad Philippenfes, Peccatores, inquit, vbi cumq; fuerint procul à Rege sunt: iusti verò siue hic, siue in futuro sæculo fuerint, cum Rege sunt, ibi tamen magis ac propius, non per ingressum ac fidem, sed facie ad faciem. vbi significat eos diuinâ præsentia frui. Idem repetit Homil. 69. ad Populum & Homil. 4. in eandem Epist. ad Philip. exponens illud, *Verum eligam* *ignora*: Quid dicit Paulus, inquit, cum hinc alius in cælum migraturus es, atque cum Christo futurus? Ignoras quid eligere debeas? Vide eundem lib. 6. de Sacerdotio, vbi dicit eos, qui purè communicant corpori Domini, in vltimâ horâ deduci ab Angelis in cælum.

Dices, Homil. 39. in 1. Epist. ad Corint. scribit: Quamuis decies millies anima sit immortalis, tamen sine carne admirandis illis bonis non fruetur, Et Homil. 28. 1<sup>a</sup> Epist. ad Hebr. loquens de Sanctis veteris Testamenti; Ne aliquid (inquit) præ nobis habere viderentur, si primi ante nos coronarentur, vnum definiuit tempus omnium coronarum; ergo &c.

Respondetur: D. Chrysost. priori loco tale instituire argumentum ad probandam corporum resurrectionem: nimirum quòd anima sola non debeat frui admirandis illis bonis sine consortio corporis, scilicet nunquam accessuro; quia cum vtræque pars hominis laborauerit, certè vtræque pars debet accipere præmium, vel neutra dicenda est accipere. Quandoquidem igitur anima, quæ immortalis est, non possit negari frui præmijs suis, consequenter negari non potest, quòd corpus aliquando resurget, & simul cum animâ bonis æternis fruetur. Colligitur iste sensus Chrysostomi ex probatione, quam adiungit, & ex Theophylacto, qui verba Chrysost. clariùs proponit: Sed fortasse (inquit) dixerit quispiam, quòd anima sola

fruetur bonis, sed quomodo hoc fiat, cum ipsa sola non laborauerit, sed corpus etiam e. m. adiuuerit. Posteriori autem loco dicimus Chrysostomum agere de coronâ omninò cõluminatâ & vltimâ, sitâ in corporis glorificatione, quæ publicè omnibus in communi resurrectione dabitur, de quâ & agit ibidem Apostolus: non enim dicit, Ne sine nobis remuncarentur, sed, Ne sine nobis consummarentur, id est, perfectione n. vltimâ, quæ in corporis gloriâ & dotibus consistit, acceperunt.

Theodoretus lib. 8. De curandis Græcorum affectionibus: Si cælum sedes eorum est, qui piè vixerunt, hunc profectò finem sui cursus & Martyres iam consecuti. Et infra dicit, Martyres sunt æternis esse insignitos coronis. Vnde quando in caput 11. ad Hebr. sub finem dicit Sanctos nondum accepisse coronas, sed expectare aliorum certamina intelligendus est agere quoque de vltima corona corporis, de qua diximus Chrysostomum & Apostolum agere. Theophylactus in caput 23. Lucæ. Dicendum est (inquit) idem esse paradisu & regnum cælorum; nam latro est in paradiso ac regno: alioquin non frueretur perfectâ bonorum participatione. Vnde quod etiam habet in caput 11. ad Hebr. intelligendû similiter est de consecutione gloriæ corporis seu de consummatione beatitudinis, vt ibidem loquitur; siue de plenâ beatitudine, vt loquitur in Caput 23. Lucæ; cuius promissionem Sancti nondum sunt assecuti. Quando igitur in Caput 16. Lucæ dicit, narrationem de Diuitie Epulone & de Lazaro esse parabolam, non historiam, quia nondum facta sit diuisio præmiorum, & pœnarum, loquitur de pœnis & præmijs, quæ ad corpus pertinent. Quando autem dicit parabola esse, attendit ad linguam, digitum, guttam aquæ, quæ non possunt in proprietate sermonis intelligi quia animæ nondum resumpserant corpora, vt hæc in proprietate ijs possint conuenire. Oecumenius in Caput 9. ad Hebr. dicit Christum quando cælum ingressus est, duxisse genus humanum. Euthymius verò, & Arcas, qui Scholia quædam conscripsit, vix ab hoc errore possunt excusari, quamuis aliqui eos excusare velint. Hilarius in Psal. 60. dicit Sanctos esse Reges, & perpetuò cum Deo habitare; vult igitur eos esse in cælo & Deum videre. Et in Psal. 64. Beati quidem sunt, qui iam à Deo ad habitandum in Tabernaculis eius electi sunt; sed festinare nos in beatitudinis huius consortium congruum est, operationibus id atq; orationibus expectantes: Vbi paulò ante tabernacula illa vocauit cælestes mansiones,

nes. Quare quod in Psalm. 138. scribit, Hæc humanæ lex est necessitatis, ut sepulchris corporibus, animæ ad inferos descendant. intelligendus est dicere pro tempore veteris Testamenti, quando cælum adhuc erat clausum, neque per Christum nobis patefactum. Prudentius in Carmine de sanctâ Agnete: O virgo felix, noua gloriâ celestis arcis nobilis incola &c. Et alibi passim habet similia. Vnde quæ habet in Carmine de exequiis defunctorum, ubi dicit animas sanctas deduci in sinum Abraham & ad paradysum, intelligenda sunt figuratè & poetice dicta; quia sinus Abraham & paradysus typi fuerunt regni cælorum: quare per ista significat deduci animas sanctas ad regnum cælorum. D. Ambrosii. lib. 7. Epist. 59. de sancto Acholio sic scribit: Cognoui in celestibus iam requiescere Acholium, quem in terrâ requirebamus. Et infra: Acholius superiorum incola, possessor ciuitatis æternæ illius Hierusalem, quæ in cælo est, videt illic vrbis illius mensuram immensam, lumen sine sole perpetuum, & hæc omnia dudum sibi comperta, sed nunc facie ad faciem. Et lib. 10. Epist. vlt. de inuentione corporum Gervasii & Protasii: Quorum animæ (inquit) in cælo sunt, corpus autem in terrâ. Quod itaq; lib. 2. de Cain cap. 2. dicit animas ambiguo adhuc iudicio suspendi, intelligendum est, non quod sint ambiguarum de sua salute, sed quod sint ambiguarum de tempore iudicii, cuius horam nesciunt. Similiter accipienda sunt, quæ habet de bono mortis Cap. 10. ut ex eodem cap. & sequenti, facile potest colligi. D. August. lib. 20. de Ciuit. cap. 13. apertè scribit animas Martyrum regnare cum Christo. Animæ victrices (inquit) gloriosorum Martyrum, omnibus doloribus ac laboribus superatis, atque finitis, posteaquam mortalia membra posuerunt, cum Christo vtique regnauerunt, & regnant, donec finiatur mille anni, ut postea receptis etiâ corporibus iam immortalibus regnent. In Psalm. 116. ad illa verba, *Item mihi quia incolatus meus prolongatus*, ita scribit: Ibi omnes iusti & sancti, qui fruuntur Verbo Dei sine lectione, sine literis: quod enim nobis per paginam scriptum est, per faciem Dei illi cernunt. Vide eundem lib. 12. in Genesim c. 34. ubi primum dicit animas sanctorum esse in paradiso, siue in tertio cælo, quod Paulus fuit raptus. Deinde explicans quidnam sit hoc tertium cælum, sic ait: Tertium est cælum, quod mente conspicitur ita secretè & remotè, & omninò abreptè à sensibus carnis, atque mundatè, ut ea, quæ in illo cælo sunt, & ipsam Dei substantiam, ver-

bumque Dei, per quod facta sunt omnia in charitate Spiritus Sancti, ineffabiliter valeat videre & audire. Ad ista itaq; loca, quæ videntur contrarium innuere, Respondetur. D. Augustinus aliquando dubitasse de loco, ubi sint animæ, quatenus non dubitaret de visione leuiticâ, quâ perfruuntur. Paret hoc manifestè ex lib. 9. Confess. cap. 3. ubi ambigit de loco, ubi sit Nibridius, non tamen dubitat de visione & fruitione. Postea tamen reuelius consideratè asseruit secretum illud receptaculum animarum esse in cælo, ut patet lib. 2. qq. Evangelicæ. cap. 38. D. Bernardus Sermone de obitu S. Vmberi: Ecce coram te est fons puritatis, inquit; ecce immersus es in illam diuinitatis abyssum. Et in Epist. ad Fratres de Hiberniâ, dicit S. Malachiam non amplius ambulare in fide, sed regnare in specie, ad fontem claritatis æternæ procumbere & pleno ore haurire. Et Sermone de S. Malachia: Pari (inquit) cum Angelis gloriâ & felicitate lætatur. Similia habet Epist. 206. ad Sugerium Abbatem. Quod igitur Sermone 3. de Sanctis scribit, quod in illam beatissimam Dei domum animæ nec sine nobis intrabunt, nec sine corporibus suis, intelligendū est de domo seu habitatione beatitudinis consummatæ, quæ scilicet corporis habet consortium & gloriam; præmittit enim de Sanctis: Aduertitis, ni fallor, tres esse animarum sanctarum status; primum videlicet in corpore corruptibili, secundum sine corpore, tertium in beatitudine consummatâ: primum in tabernaculis, secundum in atrijs, tertium in domo Dei. Vbi secundum vult esse in atrijs, quia status ille ob defectum corporis nondum est beatitudinis consummatæ: tertium autem esse in domo Dei, quia accedite corporis gloriâ, completa erit beatitudo per omnia. Quæ in sequentibus magis explicat; subiungit enim: Acceperunt iam singulas stolas sed non vestiuntur duplicibus, donec vestiamur & nos; stola enim prima ipsa est felicitas & requies animarum, secunda verò immortalitas & gloria corporum. Vbi videt ex mente D. Bernardi nihil in resurrectione addi per se, nisi corporis gloriam. Dico per se, quia iuxta Bernardum addetur consecutiue etiam quædam gloria animæ; quatenus videlicet eadem visio perfectior, ex eo quod anima nihil amplius desiderans, tota feretur in Deum, ut infra in sequentibus declarat: quod an verum sit, paulò post examinabimus.

Probatur denique Conclusio ratione: Primum, Quia anima exuta corpore capax est beatitudinis; hæc non consistit in operationi-

rationibus omnino spiritualibus, videlicet visione, dilectione, & fruitione: atqui Deus non differt reddere mercedem laborum Sanctis suis sine causa (monet enim ipse vt non maneat apud nos opus mercenarij vsque mane) præsertim cum per Christi Passionem ablata sint generalia impedimenta ingressus in regnum cælorum, & pretium nostræ redemptionis de facto solum sit; ergo &c. Secundò, Quia Angeli sancti statim acceperunt beatitudinem consummato statu meritorum: atqui hominum merita in morte consummantur; ergo &c. Terziò, Nam animæ impiorum statim recipiunt supplicium pro demeritis. Iob 19. *In puncto ad inferna descendunt.* Et Lucæ 16. *Diues sepultus est in inferno;* ergo animæ Sanctorum mox quoque recipiunt præmium pro meritis.

Obiectio Prima.

Sed contrà Obijciunt Primò: Esdræ l. 4. c. 4. dicitur animas iustorum interrogasse in promptuarijs suis dicentes, *Vsq̃uequo ero sic?* & responsum eis fuisse, *Quando impletus fuerit numerus & mensura Sanctorum.* Quod etiam indicari videtur Apocalips. 6. vbi D. Ioannes videt eas sub altari. Et confirmatur Primò, quia ad Hebr. 11. *Sancti non acceperunt repromissionem vt nō consummarentur sint nobis.* Vnde Matt. 11. *Omnes mercenarij accipiunt simul mercedem, idq; ad vesp̃erum, id est, in fine sæculi.* Secundò, quia Scriptura sæpius indicare videtur coronā iustorum reservari in diem iudicij. 2. ad Timoth. c. 1. *Certum sum, quia potens est depositum meum servare in illum diem.* Et cap. 4. *Reposita est mihi corona iustitiæ quam reddet &c.* Et Ioan. 3. *Cum apparuerit, similes ei erimus;* ergo &c.

Solutio.

Respondetur, Librum illum Esdræ nō esse Canonicum; potest tamen locus illè intelligi de Patribus veteris testam̃ti, qui vsq; ad Christi mortem in promptuarijs cæcis, siue in lybo fuerunt decenti: pro illo enim tempore liber ille scriptus fuit. Ad locum Apocalyps. Respondetur, ex eo posse magis nostram Conclusionem confirmari; nam ibidem dicitur, singulis esse claras stolas singulas, quæ significant gloriam animæ, vt patet ex ijs, quæ suprà ex D. Bernardo allegauimus: sed alteram, quæ corporis gloriam significat, accepturi sunt in resurrectione. Vide D. August. Serm. 4. de Innocentibus, & D. Gregor. in Psal. 4. Pænitentialem. Et sic ferè intelligunt omnes Interpretes: & confirmari potest ex cap. 7. vbi de his dicitur, quod qui amici sunt stolis albis, sint ante thronum Dei, & seruiant ei die ac nocte in templo eius. Vnde manifestè patet eos nunc esse in cælo & Deum videre; hoc enim est esse ante thronū Dei. Quare con-

sequens est, altare, sub quo dicuntur visæ, non esse extra cælum, sed esse in cælo: est autem altare Christus Dominus, sub quo esse dicuntur, non quia Christus sit ipsis quasi paries adumbrans aut impediens, quò minus Deum videant, sed quia illo inferiores sunt loco & dignitate, atq; ad eò omnia sua merita & opera boni illi accepta ferunt, & quasi sub eius sacrificio respondent. Ad locum Matthæi 20. Respondetur 1. non requiri in parabolis, vt singula aliquid significant; sed spectandum tantum esse scopum totum: non tendit autem hæc parabola eò, vt explicetur tempus, quo merces percipienda sit; sed vt explicetur non ex diuturnitate temporis, neque ex primo accessu in labores pendere præmij acceptionem & magnitudinem. Deinde etiam potest dici ad vesp̃eram, id est in fine mundi omnibus dandum denarium diurnum; quia tunc publicè confertur præmium integrum & completum. Ad locum Pauli ad Hebr. Resp. illum intelligi de Patribus veteris Testam̃ti, qui dicuntur non accepisse repromissionem consummatā, quæ simul corporis gloriam includit, quam in generali resurrectione vnā nobiscum percipient vt communiter Patres exponunt. Ad alia loca, quibus dicitur corona reservari in diem iudicij, quidam dicunt intelligi de iudicio particulari; sed possunt etiam intelligi de vniuersali iudicio, non quò animæ prius Dei visione non fruuntur, sed quò tunc publicè & coram toto mundo dabitur Corona, prout publicè solet dari victoribus præmium.

Obijciunt Secundò: Ioan. xxi. docuit animas ante diem iudicij non visuras Deū. Et ne dicatur Pontificem vt particularem Doctorem tantummodò sic sensisse, contrà opponitur, quòd Adrianus in 4. de Confirmatione scribat, cum non tantum ita docuisse, sed & mandasse, vt ita ab omnibus teneatur; ac induxisse scholam Parisiensem, vt nemo in ea ad gradum Theologiæ admitteretur, qui non se sic docturum iurasset. Respondetur nunquam Pontifici auctoritate hunc errorem à Ioanne fuisse Ecclesiæ propositum sub aliqua ratione definitionis. Neque verisimile est, quòd Adrianus referat: quia non solent eiusmodi Apostolica mandata fieri ante controuersæ decisionem; sed bene quidem cum inter DD. illius temporis multum controuerteretur hæc de re, parauit se Pontifex ad eius controuersæ decisionē, & Cardinalibus ac Doctoribus præcepit, vt singuli requisiti deliberatè suam sententiam dicerent, prout testatur Benedictus xii. successor Ioannis xxi. apud Ioannē Villanum

Obiectio Secunda.

Solutio.

Villanum historicū, qui etiā narrat Pontificem pridie mortis suæ, hoc ita declarasse; imo retractasse opinionē suam & saluo Ecclesiæ iudicio, oppositam tanquā probabiliore amplexū esse. Accedit, licet ita esset, quod Pontifex mandasset sic doceri, non tamen idcirco consequens est, ita definitivē; sed ad summum quod ad definitionem illius partis esse inclinatio, quodq; ad eam sine schismate vel oppositione amplectendam, velle DD. præparare ac disponere.

Obiectio  
Tertia.

Obijcitur Tertio Iustinus qu. 60. inter illas, quas Christianis Gentes opponunt: docet animas non videre Deum ante generalem resurrectionem; nec enim ante resurrectionem (inquit) cuiquam eorum, quæ gestit, præmium redditur. Similiter Irenæus lib. 9. ita scribit: Cum Dominus in medio vmbæ mortis abierit, ubi animæ mortuorū erant, post deinde corporaliter resurrexerit, & post resurrectionē assumptus sit; manifestū est, quia & discipulorum eius, propter quos & hæc operatus est Dominus, animæ abibunt in inuisibilem locum, definitum eis à Deo, & ibi usque ad resurrectionem commorabuntur, post recipientes corpora & perfectè resurgentes, hoc est corporaliter, & sic venient ad conspectum Dei; ergo &c.

Solutio.

Respondetur, Opus illud quæst. non videri ipsius Iustini, sed alterius recentioris, ut notat Bellarm. lib. 1. De Sanctorum beatitudine c. 4. Citat enim Origenem, quem constat posteriorem esse Iustino: ideoque parum æstimanda est illius incerti Scriptoris autoritas. quamvis Bellarm. etiam explicet authorem hunc loqui de completā & consummatā præmij retributione: cuius expositionis probabile fundamentum sumit ex ijs, quæ scribit idem Author qu. 76. Quod ad Irenæum attinet, existimant multi, eū vix ab illo errore posse excusari: nihilominus potest dici, verba Irenæi non plus importare, quam animam nō esse statim à morte cum corpore beatam: sicut nec anima Christi erat, quæ descendit ad inferos, manente corpore in sepulchro, ne servus videatur maior domino suo; sed sicut anima Christi fuit beata ante corpus, ita non negat animas Sanctorum esse beatas, siue Deum videre ante corporis reformationem. Addit quidem esse in abditis receptaculis; sed in illis ipsis non negat videre Deum, sicut Angelis, qui in terris sunt, semper vident faciem Patris cælestis. Accedit per abdita receptacula posse intelligi cælum, quod D. August. vocat secretum patris. Quod autem Christus descendit ad inferos, non fuit ex infirmitate aut necessitate, sed ut

tanquam Victor captivos inde liberaret. Dicit autem, quod perfectè resurgentes sic venient ad conspectum Dei, non quod prius Deum non viderent, sed quia corpore ex terrâ reassumpto de nouo ad conspectum Dei sint quali prodituri. Hæc autem eò veritilimius sic explicantur, quia lib. 1. cap. 2. satis expressè videtur docere, animas ante corporum resurrectionem esse beatas: Iustus & æquis (inquit) & præcepta eius seruantibus, & in dilectione eius perseverantibus, quibusdam quidem ab initio (puta qui perfectè mundati hinc migrant) quibusdam ex penitentiâ (puta qui non fuerunt perfectè expurgati) vitam donans, incorruptelam loco muneris confert, & claritatem æternam circumdat.

Obijcitur Quarto: Totus homo meretur, non sola anima: corpus enim cooperatur animæ ad meritum; ergo non debet anima accipere præmium ante corpus.

Obiectio  
Quarta.

Respondetur N. Conseq. Nam quamdiu totus homo non potest recipere præmium, satis est vni saltem eius partem animam scilicet beatitudine frui, quam utramque partem præmio carere. Neque enim eadem est ratio corporis: Primò, quia destitutum animā non est capax præmij, sicuti anima separata à corpore. Deinde anima est principalior causa meriti; corpus autem quasi instrumentum: vnde iniquum non est, animam quoque ante corpus præmio gaudere.

Solutio.

Sed Quæritur hic, Vtrum animæ post corporum resurrectionem clarius sint visuræ Deum. Affirmatiuam partem tenent Magister l. 4. dist. 49. D. Bonavent. ibidem art. 1. quæst. 1. & alij nonnulli: atque ita videtur sensisse D. Bernardus loco sup. citato, ubi sic ait: Animæ sanctæ, quas propriâ Deus insigniuit imagine, te (loquitur ad corpus) desiderant; ipsarū sine te gloria compleri, consummari beatitudo non potest: adeò siquidem viget in eis desiderium hoc naturale, ut necdum tota earum affectio liberè pergat in Deum, sed contrahatur quodammodo & rugam faciat, dum inclinantur desiderio tui. Idem sensisse videtur D. August. lib. 12. de Gen. ad litteram cap. 35. ubi dicit animam sine corpore non sic posse videre Deum, sicut Angeli; quia existimauit animam propter desiderium ad corpus non ita quierē & sine remora, Deo frui, uti quietissimè Angeli.

Opposita tamen pars est serè communis, & habetur quasi certa. Ita tenent D. Thom. hic ad 5. Durand. in 4. dist. 49. qu. 7. Palud. ibidem, qu. 6. Maior quæst. 12. Gabriel in Supplem. 41. qu. 5. art. 2. Caiet. Medina, Malderus hic, & passim recentiores,



**Quæstio 4. De his quæ ad Beatitudinem exiguntur. Articulus 6. 61**

centiores. Probat *Primo*, quia visio est præmium essentialis; ergo non augetur nisi aucto merito: atqui meritum non augetur amplius post mortem; ergo &c. *Secundo*, Visio beatifica non proportionatur perfectioni intellectus naturalis, ut doceri solet 1. *Parte* qu. 12. sed perfectioni luminis gloriæ, quod supernaturale est: atqui accessu corporis, tantum potest adiungi aliqua perfectio naturalis; ergo nihil additur, quo possit augeri visio. *Tertio*, Anima adhibet semper attentionem in videndo Deo adæquatam luminis gloriæ; ergo ex visione corporis nihil accedit, quo quantum ad hoc mutetur, cum lumen gloriæ idem maneat. Confirmatur: nam in ijs, in quibus anima non depêdet a corpore, æquæ perfectè operatur separata atque coniuncta: sed in hac visione non dependet; ergo &c. Naq; impeditur perfectio visionis per desiderium ad corpus; nam si sermo sit de appetitu, prout significat naturale pondus animæ suæ naturalem inclinationem ad corpus, sic nihil impedire potest, quia non est actus elicitus, quo possit à visione distrahi: si verò loquamur de aliquo voluntatis desiderio elicitio, neque hoc impedit, quia in beatis omnis talis actus est secundum rationem temperatus, & omnino diuinæ voluntati subiectus; unde est sine vehementiâ & molestiâ, ac proinde alijs actibus impediendum non ponit.

**ARTICVLVS VI.**

*Utrum ad Beatitudinem requiratur aliqua perfectio corporis?*

**C**onclusio Prima: Ad beatitudinem, qualis in hac vitâ haberi potest, requiritur omnino bona corporis dispositio. Ita *D. Th.* ratio est, quia in operatione virtutis perfectæ cōsistit hæc beatitudo; homo autem in omni operatione virtutis impeditur hic malâ corporis dispositione ubi animæ functiones a corpore depêdunt; ergo &c.

**Conclusio Secunda:** Ad beatitudinem, omnibus modis perfectâ, requiritur quoque perfectio corporis dispositio, tum antecedente, tum consequente. Est etiâ *D. Th.* Quod requiratur antecedente, sic ostenditur: quia beatitudo habet rationem præmij, ut colligitur ex illo *Ioan. 13. Beati eritis, si feceritis ea*: atqui Sanctis pro præmio non tantum reposituntur bona animæ, ut visio & fruitio, sed etiâ bona corporis dispositio, iuxta illud *Isaiæ ult. Videbitis, & gaudebit cor vestrum, & ossa vestra quasi herba germinabunt*; ergo antecedente ad beatitudinem requiritur bona corporis dispositio, tãquam videlicet quædâ pars & portio beatitudinis omnibus modis perfectæ. Ita enim ferè ratiocinatur *D. Thomas* in argumento,

sed *Contrâ*. In Corpore autem probatur idem aliâ ratione: quia corpus corruptibile, quod aggrauat animam, videtur distrahere & impedire mentem à visione, iuxta *D. August. lib. 12. in Genes. c. 35. Verum hæc ratio non apparet ita solida*: cum satis certum esse videatur, malam aut incommodam corporis dispositionem non posse mentem distrahere à clarâ visione & fruitione, quando cætera necessaria adsunt, ut *D. D. communiter* tradunt. Et demonstrari potest ab exemplo Christi Domini, qui in beatificâ visione, & diuinitatis fruitione nullatenus fuit impeditus per omnes cruciatus & tormenta, quæ tempore Passionis suæ in corpore sustinuit. Vnde etiam in Conclusionem non dixit *D. Tho.* bonam corporis dispositionem requiri ad perfectam visionem sed ad beatitudinem omnibus modis perfectâ. Quod itaque ad *D. August.* attinet, ille videtur in ea fuisse opinione, quod anima per solum desiderium ad corpus pateretur aliquid imperfectionis in visione, ut diximus; unde potuit hoc idem sensisse de incommoda corporis dispositione. Et certè quamuis non videatur absolutissimè necessaria bona dispositio, tamen vt congruè ad naturam rerum, anima sit visionis & fruitione beata, merito dicitur etiam hæc requiri, quia oppositum videatur præter ordinem & quasi violentum. Ideoque dicit *D. Th.* eam quoque consequenter pertinere ad hanc beatitudinem, quia ex illâ redundat quasi naturaliter.

Porrò hic Quæritur, In quibus cōsistat hæc corporis bona dispositio. Respondetur in quatuor potissimum corporis perfectionibus; quas rectè Theologi Corporis Dotes vocant, ex iisdem fundamentis, & per eandem metaphoram, unde supra diximus appositè constitui & assignari certas dotes animæ gloriolæ. Sunt autem hæ; *Incorruptibilitas* siue *Impassibilitas*; *Claritas*, *Agilitas*, & *Subtilitas*. Ita cōmuniter *DD.* in 4. dist. 49. cum Magistro & colliguntur, ex *Apost. 1. ad Cor. 15. vbi* dicit *primò de Corpore: Seminatur in corruptione, surget in incorruptione*. Vbi primam dotem indicat scilicet *Impassibilitatem*: qua de re videre licet *D. August. lib. 11. de Ciuit. cap. 10. lib. 14. c. 3. & 1. 20. c. 21. Dicit* secundo *Apost. Seminatur in ignobilitate, surget in gloria*. Vbi insinuat dotem *Claritatis*, quâ & alijs diuersis locis Scriptura significat. *Daniel 12. Fulgebunt quasi splendor firmamenti. Matth. 13. Tunc fulgebunt iusti, sicut sol in regno patrum eorum*. Et ad *Philipp. 3. Reformabit corpus humilitatis nostræ, configuratum corpori claritatis suæ*. Vide *D. August. lib. 22. de Ciuit. cap. 19. & Anselmum de Similitudinibus cap. 5. vbi* dicit beatos futuros pulchrios.

F pulchrios.

pulchriores & splendidiore sole. Tertio addit Apostolus: *Seminatur in infirmitate, surgit in virtute.*

Vbi innuitur dos Agilitatis, quæ non videtur aliud esse, quam virtus animæ ad mouendum corpus sine grauiamine, quocumque voluerit, & prout voluerit; & significatur in alijs Scripturæ locis. Sap. 3. *Tamquam scintilla in arundinetis discurrent. Itaque Assument pennas tanquam aquilæ, current & non laborabunt, ambulabunt & non deficient.* Vnde August. lib. 13. de Ciuit. cap. 18. Si Angeli sine labore possint rapere corpora animalium & constituere, vbi voluerint; cur Sanctorum spiritus sine vlla difficultate posse ferre, quod voluerint, & sistere, vbi voluerint, corpora sua non credamus? Et lib. 22. cap. vlt. Certè vbi volet spiritus, ibi protinus erit corpus. Et Ansel. de Similitudinibus cap. 51. Ipsi angelis Dei, æquè celeres erimus, qui de cælo in terras & è conuerso, dicto citius elabuntur. Addit quartò Apost. *Seminatur corpus animale, surgit corpus spirituale.* Quod licet intelligi possit generaliter, videlicet quòd corpus particeps erit proprietatù spiritus, tamen specialiter hinc DD. colligunt dotem Subtilitatis: quamuis enim diuersis modis verba illa explicentur, tamen conuenientissimè intelliguntur significare quandam facultatem corporis, quæ valeat in modum spiritus penetrare alia corpora sine mutatione figuræ suæ, aut vlla læsione. Potest autem hæc dos amplius confirmari quia omnes admittunt corpus beatorum simile futurum glorioso corpori Christi; vt expressè etiam Apost. ad Philipp. 3. scribit: *Reformabit, inquit, corpus humilitatù nostræ, configuratum corpori claritatù suæ &c.* atqui corpus Christi habuit eam virtutem: nam ianuus clausis post resurrectionem ingressus est Christus ad discipulos, & clauso sepulchro resurrexit; ergò &c. Idem docuit D. Ambros. in Lucam, & ad hoc declarandū adducit citata verba Apost. 1. ad Cor. 15. Accedit, quòd hac ratione illud conuenientissimè dicitur spirituale, licet retineat corporalem substantiam & figuram: nam proprium est spirituum sic posse quæuis corpora peruadere.

Cur autem hæc dotes corporibus gloriosis attribuantur, rationes sunt: Impassibilitas quidem eis attribuitur, tum vt omne malum excludatur, tum etiam vt consummata beatitudo possit esse perpetua. Agilitas verò & Subtilitas tribuitur, vt anima pro suo arbitratu possit ad omne actionem vti corpore suo, potissimum tamen ad motum localem absque omni impedimento. Claritas denique ad pulchritudinē & corporis ornatum. Deriuatur autem hæc

dotes ex animæ beatitudine per quandam redundantiam vt hic habet D. Th. de perfectione corporis gloriosi. Verum quia multa & varia de Dotibus corporis gloriosi controuertuntur apud Scholasticos, vitandæ confusionis gratiâ Disputationem de his in Dubia aliquot distribuemus.

#### D V B I V M I.

*Vtrum Dotes corporis physica dimanatione profluant ab anima beatâ?*

S VAREZ Tomo 2. in 3. Partem ad Articulum 2. Quæst. 45. id de claritate corporis negat: & Disput. 48. similiter de alijs. Ratio eius est, quia lumen gloriæ nihil videtur posse in corpore efficere; quia ex natura sua habitus quidam est per se tantum ordinatus ad propriam functionem, videlicet visionem Dei. Ipsa quoque Dei visio non videtur habere vllam vim ad efficiendum aliquid in corpore, quia est actus vitalis immanens. Accedit, quòd visio beatifica non habeat commercium cum corpore, vt patet in Angelis; ergò ex ipsa nihil deriuatur in corpus physica dimanatione. Vult itaque Dotes illas emanare ex gloria animæ tantum modo quodam morali: quia existens anima in statu tantæ gloriæ postulat corpus ita perfectum, vt ipsius animæ perfectioni commensuretur: ideoque hanc gloriam & perfectionem Deum corpori conferre. Quemadmodum dici solent perfectiones animæ Christi dimanare ex vnione hypostatica. Et hæc quidem probabiliter dicuntur.

Affirmatiua tamen pars videtur verior, quam tenent Richardus in 4. Dist. 49. art. 4. quæst. 2. Paludanus ibidem Dist. 44. quæst. 2. Capreolus eadem Dist. quæst. 2. art. 3. & vt apparet D. Thomas in Supplemento, quæst. 84. art. 1. Vbi dicit in corpore glorioso futuram aliquam perfectionem, effluentem ab animâ glorificatâ in corpus, per quam reddatur habile, vt per omnia sit subiectum & accommodum animæ glorificatæ: quæ quidem perfectio, inquit, Dos glorificati corporis dicitur. Et Probatur Primò ex verbis D. Augustini hic à D. Thoma allegatis, quæ planè sonant physicum influxum, seu redundantiam beatitudinis animæ in corpus: Tam potenti naturâ fecit Deus animam, inquit, vt ex eius plenissima beatitudine redundet in inferiorem naturam incorruptionis vigor. Vbi notanda sunt illa verba, Tam potenti naturâ fecit animam; quæ virtutem physicam, siue ad physicè influendum omnino indicant.

Probatur

Probat *Secundo* ratione: quia hæc ratio causandi illas perfectiones in corpore magis facit ad dignitatem & præstantiam animæ gloriose: imò & magis congruit naturali dependentiæ corporis ab animâ, tanquam materiæ à formâ, à quâ Physicè emanant dispositiones, & congruæ qualitates ad bene esse cõpositi, & ad operationes eius. Quandoquidem ergò in illâ causandi ratione non possit ostendi repugnantia, imò videantur etiam naturaliter effectus quidam similes saltem secundum analogiam, causari ab anima in corpore corruptibili, non apparet sufficiens argumentum, quare illa Physica emanatio istarum perfectionum ab animâ glorificatâ debeat negari. Confirmatur Subsumptû: quia anima in suis naturalibus constituta, quamvis altioris ordinis quàm corpus, utpote spiritualis & immortalis, tamen Physicè causat varios effectus in ipso corpore, atque aded tales, qui quandâ affinitatē cum istis dotibus habent. Causat enim in primis quandam incorruptionem, licet non perpetuam; nam corpus, quod sine anima intra tres quatuordecim dies, necessariò corrumpitur, conseruat ipsa à corruptione ad plurimos annos. Causat etiam mobilitatem & agilitatem; quæ in quibusdam animalibus brutis plurimum elucet. In oculis quoque producit quandam claritatem & perspicuitatem. Item causat calorem, leuitatem & similes qualitates. Non videtur ergò negandum, quin ab animâ gloriosâ, & supernaturalibus donis & virtutibus vestita, possint etiam verâ & Physicâ dimanatione deriuari eiusmodi perfectiones in corpus, quales sunt, quas Doctores vocamus. Nihil enim impedit, quò minus spirituales aliæque perfectiones animæ cõmunicentur tales, quæ aliquâ causalitatem in corpore exercere valeant, proportionatæ videlicet ipsi animæ, cuius est informare & perficere corpus, licet ipsa immaterialis sit. Neque obstat, quòd modum causandi, & particulares virtutes, quibus mediantibus ista fiant, non ita habeamus euidenter perspecta; quia ne quidem modos, quibus anima naturales effectus & qualitates in corpore parit, euidenter intelligimus; sed omnes penè vires eius & modos causandi à posteriori per effectus colligimus, & explicare solemus. Quod in his dotibus similiter & cum quadam proportionē ad effectus naturales fieri potest. Vnde patet, quid ad rationes positas dicendum sit: quod amplius constabit ex ijs, quæ dicentur de singulis in particulari.

DVBIVM II.

*Quidnam sit claritas corporis gloriofi?*

**O** Missis varijs opinionibus, Respondeo & dico Primò: Claritas illa est qualitas lucida, corporibus beatorum inherens ab anima glorificatâ promanans. Ita communiter sentiunt DD. in 4. partium Dist. 44. & partim Dist. 49. quamvis Scotus ibid. Dist. 44. q. 15. & Duran. Dist. 44. q. 8. de eo dubitare videatur. Sed docet D. Tho. satis apertè in Supplement. qu. 8. art. 1. Melius est, inquit, vt dicatur, quòd claritas illa causabitur ex redundantia gloriæ animæ in corpus. Quia verò quod recipitur in aliquo, nõ recipitur per modum influentis, sed per modum recipientis (id est, quia quod produktionē causatur, & recipitur in aliquo, non tam conformatur naturæ & rationi principij influentis ac producentis, quàm naturæ subiecti) ideo, inquit, claritas, quæ est in anima spirituali, recipitur in corpore vt corporalis. Quare secundû D. Tho. est qualitas materialis, inherens corpori, quæ ab anima & perfectione eius spirituali mediante causatur. Et Probat, quia alioquin non posset intelligi corpus esse intrinsecè lucidum & fulgens; quod tamen significant Scripturæ suprâ citatæ, & Sancti Patres. D. Gregor. lib. 18. Moral. cap. 27. ad illa verba Iob, *Non adequabitur ei aurum vel vitrum*: Quid aliud in auro vel vitro, inquit, accipimus, nisi illam supernam patriam, illam beatorum ciuium societatem, quorum corda sibi inuicem & claritate fulgent, & puritate translucent? Similia plura habet D. August. lib. 22. de Cit. cap. vlt. Omnia membra & viscera incorruptibilis corporis proficient in laudibus Dei, inquit. Cuius reddit rationem, quia omnes qui nunc latent harmoniæ corporalis numeri, tunc non latebunt, intrinsecus & extrinsecus per corporis cuncta dispositi, & cum cæteris rebus, quæ ibi magnæ & mirabiles videbuntur, rationales mentes in tanti artificis laudem rationalis pulchritudinis delectatione succendent.

Dico Secundo: Lucida hæc qualitas corporis gloriofi erit diuersæ rationis & speciei à connaturali luce tam Solis quàm ignis. Ita cõmuniter tenent DD. Richard. in 4. Dist. 49. ar. 4. q. 6. Suarez in 3. p. tom. 2. Disp. 48. lect. 2. cum D. Tho. in 3. Dist. 16. qu. 2. art. 1. Neque existimandus est docuisse contrarium in 4. Dist. 49. & in Supplemento quæst. 85. art. 2. ad 1. quibus locis docet, quòd gloriæ claritas erit altioris generis quàm claritas naturæ quoad causam, sed non quantum ad speciem; vt quidam arbitrati sunt: Quia ibi per

F ij speciem

speciem non intelligit infirmam speciem in ratione qualitatibus, sed vult non esse alterius generis, quantum ad speciem in ratione visibilitatis: quia scilicet claritas corporis gloriosi, & claritas corpori lucido connaturalis, quatenus obiecta visum potentie, conveniunt in vna quasi specifica ratione movendi visum corporalem. Hoc enim allegat solum, ut declaret claritatem hanc corporis gloriosi videri posse sine miraculo ab oculo non glorificato; ad quod sufficit quod dicatur claritas illa quantum ad speciem non differre à claritate naturæ modo nunc explicato: ne existimetur scilicet claritas corporis gloriosi omnino æquivoce dici claritas & esse extra obiectum visus corporis, sicuti lumen gloriæ dicitur claritas: non autem ad id requiritur, quod sint qualitates eiusdem speciei infirmæ, nam & lux ignis, & lux Solis ab oculo videntur, neque sunt qualitates eiusdem speciei in ratione qualitatibus.

Vnde probatur responsio Primò, quia Scripturæ hanc vocant claritatem Dei, & opponunt claritati Solis & Lunæ, Apoc. 2. Deinde, quia hæc claritas est supra conditionem rerum inferiorum, neque ulli inferiori corpori est connaturalis. Tertiò, hæc claritas reddit corpora beatorum non tantum lucida, sed etiam transparentia, ut colligitur ex supra citatis verbis D. Gregorij & D. Augusti, & docet D. Thom. in Supplementi. quæst. cit. art. 4. ad 2. Denique, quia hæc claritas non auferet proprium & nativum colorem corporum, ut patet ex Christo Domino post resurrectionem, cuius proprium colorem & speciem viderunt Apostoli. Quod similiter citato loco ad 3. tradit D. Thomas: Color, inquit, qui debet corpori, ex natura suarum partium remanebit; sed superaddetur claritas ex gloria animæ: sicut videmus, ait, corpora colorata ex natura sua, Solis splendore relucere, vel ex aliqua alia causâ extrinsecâ seu intrinsecâ; quod in gemmis observare est.

Vtrum autem verum sit, quod docet D. Thomas, videlicet claritatem hanc sine miraculo videri ab oculo non glorificato, controuertitur. Quidam existimant oculum corporeum solâ virtute naturali non posse illam claritatem videre, nisi speciali auxilio iuuetur; & proinde non sine miraculo. Vnde Apostoli post resurrectionem non viderunt Christi claritatem, ut indicat D. Aug. lib. 22. de Ciuitate. 19. Vbi dicit humanum & infirmum aspectum non posse ferre illam claritatem. Nihilominus tamē, Dico Tertiò: Per se loquendo non videtur negandum, quin sine miraculo videri possit etiam ab oculo non glorificato.

Probat: quia alioquin omnino æquiuocè diceretur claritas siue lux, nec quicquid de eius ratione per eiusmodi nomenclaturam nobis notificaretur; uti urget D. Th. Dixi, per se loquendo, quia ex accidente forsitan commodè videri nequit ab oculo corruptibili, propter alterationem materiam, quæ cum actione illius lucis in oculo corruptibili ex natura rei coniuncta est; & hoc solum videtur significare D. August. Si autem hæc actio suspendatur & præcisè fiat immutatio propria lucis, videri etiā omnino poterit: quia lux quantumvis excellens & intensâ, per se non offendit visum, sed potius perhincit & delectat. D. Th. verò significat corpus gloriosum ratione sui status nunquam agere actione materiali & corruptiua, sed tantum intentionali & perfectiua, & proinde sine miraculo ac sine omni extraordinariâ suspensione possit videri ab oculo non glorificato, quando beatus se exhibere voluerit: vult enim huiusmodi visionem subiacere voluntati beati. Ceterum licet hæc claritas in omnibus sanctorum corporibus sit futura eiusdem speciei, tamen pro diuersitate meritorum erit inæqualis intensiois & perfectionis: quod indicat Apost. 1. ad Cor. 13. *Alia claritas Solis, inquit, alia claritas Lune, & alia claritas stellarum: stella enim à stella differt in claritate: sic & resurrectio mortuorum.*

Quæri autem hic potest, Vtrum corpus gloriosum occultet aliud corpus retro se positum. Respondetur, Si alterum non sit gloriosum, occultare aut non occultare pro arbitrio beati, idque sine mutatione corporis gloriosi. Claritatis enim dos perfectissime subest voluntati animæ gloriöse respectu oculi non glorificati. Quomodo autem id fiat, sic explicari potest ex D. Tho. loco cit. art. 3. ad 2. quia corpus aut color corporis gloriosi non impedit peruenientiam ipsius ratione opacitatis, sed solum color, in quantum immutat visum, qui non potest immutari simul duobus coloribus, ut scilicet vnum mediante altero videat, & vtrumque perfectè inspicat. Iam verò in potestate animæ gloriöse est, quod color ille immutet oculum alterius, aut non immutet, suspendendo scilicet emissionem specierum: neque ex eo quod agit vel non agit in extrinsecum, contingit ipsum mutari: quare eo modo sine mutatione sui corpus gloriosum occultabit ab oculo non glorificato vel non occultabit pro voluntate ipsius, aliud corpus retro se positum: quemadmodum & in arbitrio eius est, ut claritas illius videatur, aut non videatur, utpote quam sic etiam abscondere potest: quemadmodum Christus, quando post resurrectionem apparuit, fecit, iuxta illud D. August.



D. Augustini loco suprà cit. Quæ claritas in corpore Christi cum resurrexit, ab oculis discipulorum potius abscondita fuisse quam defuisse credenda est. Et paulò infra dicit expressè eam adfuisse, sed non visam. Potest etiam beatus efficere, vt exteriorius tantum luceat, interiora autem non videantur, quia potest species visibiles suorum interiorum continere seu impedire, ne ad oculum deriuentur, sicut potest se ipsum occultare.

DVBIVM III.

In quibus consistant Dotes Agilitatis & Subtilitatis?

**D**E his etiam Dotibus varij variè sentiunt. Omissis autè opinionibus respondeo & dico Primò: Agilitas rectissime dicitur consistere in qualitate motiua à animà gloriosà in corpus dimanante, quæ celeritè & sine grauamine possunt se beati cum corpore ad omnem locum quocumque vulerint transferre, iuxta quascumque differentias positionum. Colligitur ex D. Tho. in Suppl. q. 84. a. 1. & ita habet communior sententia DD. in 4. d. 44. & 49. quamvis Scotus & Durandus aliter explicant. Esse qualitatem corpori superadditam indicat Scriptura, quando dicit quod corpus surget in virtute. Quod Patres & Interpretes communiter ratione huius Dotis dictum intelligunt. Neque mirum debet videri, quod per hanc qualitatem dicamus beatum posse se mouere ad omnem situm, siue ad omnem differentiam positionum; tum quòd etiam per potentiam progressiuam homo naturaliter se moueat in omnem partem, & animalia quædam bruta motu quodammodo simplici ac saltu quodam se moueant ad omnem situm; quo phantasia ea traxerit: tum quod qualitas hæc sit superioris ordinis ad hoc collata, vt totus homo ad instar animæ separata ac spiritus mouere se queat, ne anima patiatur à corpore aliquid impedimentum. Vnde D. August. lib. 13. de Ciuit. c. 18. scribit Deum animis perfectissimè beatissimè præstare, vt corpora sua, vbi volunt, ponant situ motuque facillimo.

Dices: In corporibus beatorum remanet grauitas, quia hæc sequitur naturalem constitutionem humani corporis; ergò hæc resistet istiusmodi motui.

Respondetur: Quidam non improbabiler opinantur hanc grauitatem, vt pote quæ ad imperfectionem pertinere videtur, diuinâ virtute à corporibus gloriosis auferram; quibus videtur fauere D. August. supra c. 11. Alij verò, qui naturalem constitutionem plus tribuunt, respondent

tantam fore huius dotis vim, vt sine difficultate vincat omne pondus grauitatis, quod remanere poterit, ac sine defatigatione illud superet: quemadmodum Angelus sine molestia & defatigatione potest transferre corpora grauià. Non incongruè etià dici poterit, quòd grauitas, vt pote proprietas naturalis corporis humani, maneat in actu primo, sed actus secundus, qui est grauitatio, per suspensionem concursus causæ primæ impediatur.

Dico Secundo: Dos subtilitatis non debet dici consistere in eo, quod corpus beati mutetur in spiritum, & sic penetret omnia: quod olim docuerunt quidam hæretici, contra quos agit D. August. lib. 13. de Ciuit. c. 22. & 25. & postea Eutychius Episc. Constantinopolitanus idè tenuit, vt refert D. Greg. lib. 14. Moral. c. 31. vbi hunc errorem refutat ex illis verbis Iob 19. *De terra surrecturus sum, & in carne meâ videbo Deum* &c. Vide D. Th. in Suppl. q. 83. a. 1. vbi rationibus etiam hunc errorem refutat.

Dico Tertio: Non consistit etiam Dos subtilitatis in aliqua qualitate superaddita. Probat: quia qualitas non videtur posse tollere intrinsecam repugnantiam, quæ est inter quantitates duorum corporum respectu eiusdem loci: vnde quòd Christus ad discipulos intrauerit ostijs clausis, referunt SS. Patres ad diuinam virtutem, non ad aliquam qualitatem. Vide D. Hieronym. lib. 1. contra Iovinianum, August. Epist. 5. quæ est ad Volusianum, & Greg. Homil. 26. in Euangel.

Dico Quarto: Dos hæc subtilitatis in eo optimè collocatur, quòd quidam modus quantitatis ab eâ auferatur, idque vel permanenter, vel saltem quando corpus actu aliud penetrat. Pro quo ex Metaphys. repetendum est, non esse de ratione quanti, vt non possit simul penetratiuè existere cum alio quanto: nã qualitates corporales, vt lux, calor, color, & similes secundum se extensæ sunt, & in suâ extensione conservari à Deo possunt extra omne subiectum; & tamen penetrant totam substantiam molem. Vnde quòd quantitas corporis non possit simul esse cum quantitate alterius corporis, prouenit ex modo quodam intrinseco talis quantitatis: quo fit, quòd ita locum repleat, vt non admittat aliud corpus secum. Sed cum hic modus non sit de essentia quantitatis, potest diuinâ virtute tolli, ipsa quantitate, figurâ, & alijs qualitibus manentibus integris: & tunc corpus potest se transfundere per alia corpora sine illâ sui & alterius læsione; sicut lumen se transfundit per vitrum: quod exemplum esset omnino simile, si lumen esset substantia quedâ, vt Platonici existimârunt.

F iij Dupli-

Dupliciter itaq; potest hæc subtilitas corporibus gloriofis conferri; Primò, vt modus iste plenitudinis seu crassitie auferatur, tunc solum diuinâ virtute adistente, quando iam actu aliud debent peruadere. Secundò, vt perpetuè maneat illa imperfectio ab istis corporibus sublata; & ita fieri, apparet probabilis, quia hoc per se perfectius est; & Dòs quoque videtur dicere continuam corporis perfectionem, etique semper inhærentem; quamuis D. Thom. suprà videatur concipere priori modo dotem hanc corporibus gloriofis competere. Facit etiam hæc subtilitas plurimum ad promouendam agilitatem; dum enim corpora Sanctorum sese per omnia sine diuisione aut motione aliorum corporum, transfundere valent, contingit vt celeritè & quasi in ictu oculi, vtpote absq; omni resistentia, ad quamuis distantiam sese transferre valeant.

## D V B I V M IV.

*In quo consistat impassibilitas corporum gloriofi?*

**M**ulti existimarunt corpora gloriofa tantum extrinseco modo esse impassibilia, quia Deus impediatur omne agens extrinsecum, ne aliquam noxam eis inferat. Ita Scotus in 4. Dist. 49. quæst. 15. Durand. Dist. 44. quæst. 4. & alij. Sed modus iste impassibilitatis est imperfectior, quam vt mereatur statui beatorum tribui; quoniam & primus homo in statu innocentie eo modo fuit impassibilis. Quare rectius alij communiter dicunt corpora illa futura intrinsecè impassibilia, adeò vt sublata etiam extrinsecà Dei protectione, pati nequeant: quod indicat D. August. Epist. 56. ita vt licet in igne infernali constituerentur, nihil tamen doloris aut detrimenti inde acciperent. Verum difficultas est in assignandâ ratione huius impassibilitatis. Vbi obseruandum est corpus nostrum dupliciter posse pati. Vno modo per concussionem, aut contusionem factam instrumento aliquo corporeo, vt baculo, ferro &c. Secundò per aliquam actionem primarum qualitatum, vt caloris, frigoris, quæ ad corruptionem disponat aut tendat. His præmissis,

Respondet & dico Primò: Contra passionem posterioris generis rectè dicitur corpus impassibile reddi per qualitatem inhærentem, à Deo superadditâ, siue immediatè, siue mediante emanatione ab anima gloriofa: quæ altioris sit ordinis, quam alie qualitates corporibus connaturales in naturali statu; ita vt huius officium sit, qualitates primas contueri & cõ-

seruare, vt à nullo agente extrinseco neq; mutuâ actione possint à suo statu deduci. Probat: Neque enim eiusmodi qualitas est impossibilis; & sic facilius impassibilitas explicatur, facitq; ad intrinsecam & maiorem corporis perfectionem; ergò &c. Ita sentiunt Capreolus & Richard. in 4. Dist. 49. ar. 4. q. 2. & cõ inclinat Paludanus Dist. 44. & docet Suarez sect. 3. suprà.

Dices: Nò videtur posse intelligi, quòd vna & eadem qualitas resistat qualitatibus contrarijs, calori scilicet & frigori, potissimum cum ipsa sit futura in corpore simul cum calore & frigore: quare igitur impedit, ne ab extrinseco nouus calor aut frigus imprimantur? Si dixerit aliquis, posse esse cum illis in tali gradu, qui est homini connaturalis, sed non in maiori: Contrà opponitur, quòd non sit idem gradus primarum qualitatum in omnibus membris humani corporis, & proinde debet posse consistere nunc cum maiori nunc cum minori intentione dictarum qualitatum. Denique cum hæc qualitas habenda sit superioris ordinis, cur cum quibuscumq; alijs qualitatibus, quæ in materiam recipi possunt, repugnet?

Respondetur in primis, necessarium non esse dicere, quòd vnica sit inuariata qualitas, quæ hæc præstet: nam si ad resistendum omnibus contrarijs non sufficiat vna qualitas, sufficiant autem plures, poterit Deus eas superaddere corpori.

Deinde potest quoque intelligi in eis varia perfectio & intensio, sic vt in vno gradu admittant secum tale temperamentum primarum qualitatum, & non aliud, in aliò autem gradu aliud admittant: atque ita fiet, vt eadem qualitas non sit in omnibus membris corporis humani in eodem gradu ac perfectione, sed vnicuique accommodetur, prout ad conseruandum vniuscuiusque temperamentum fuerit necessarium. Neque refert, quòd sit altioris ordinis, quia cum ipsum corpus afficiat, nihil impedit quò minus talis naturæ sit, vt alie qualitates corruptiue corporis secum non admittat: cum & in naturalibus obseruari sit, quædam corpora non admittere secum alia qualitatibus venenatis infecta; atque adeò taliter corpus intrinsecè disponi vt licet eandem suam materiâ & connaturale temperamentum primarum qualitatum retineat, tamen non sit in propinqua capacitate seu potentia ad aliquam passionem corruptiuam.

D. Thomas verò hanc impassibilitatem videtur adscribere perfectiori informationi, quæ corpus ab anima gloriofa informabitur. Vnde Scotus vult ex D. Thom. sententia eam oriri ex nouo quodam modo

ynionis

unionis animæ cum ipso corpore, abque reali qualitate corpori superadditâ: nihil enim videtur repugnare, quò minus anima cum corpore & temperamētum cum materiâ possint supernaturali & penitus inseparabili modo vniri, atque ita ratione huiusmodi unionis ipsum corpus reddi incapax cuiusvis qualitatē, quæ ad eius dissolutionem possit dissonare.

Dico Secundo: Contra passionem prioris generis rectè dici potest, corpus fieri impassibile per dotem subtilitatis, quia videlicet: instar spiritus penetrabit omnia dura & sibi resistentia: quemadmodum si quis gladio vitreo verberet radium Solaris, non diuidit eum, sed sine eius læsione gladius penetrat. Ita videtur explicare Damasc. lib. 4. de Fide cap. ult. ubi impassibilitatem refert in conditionem spirituale corporis.

Sed dicit aliquis: Beatus tamen si possit ex dote subtilitatis nō resistere alteri corpori sed penetrari, tamen etiam potest non vti hac dote, & expellere aliud à suo loco; ergo tunc poterit pati. Respondet Suarez. Supr. Sect. 3. idcirco addendum esse, fortassis ex vi prædictæ qualitatē & internæ dispositionis ita conseruari & quasi consolidari corpus beati, vt quantitas eius diuidi non possit ab extrinseco agente, sicut calis quantitas, licet eiusdem sit rationis cum quantitate elementorum, tamen ratione subtilitatis vel dispositionum ita conseruatur, vt diuidi non possit.

## ARTICVLVS VII.

*Vtrum ad Beatitudinem requirantur aliqua exteriora bona?*

**R**espondetur breuiter: Ad beatitudinem imperfectam, qualis in hac vitâ haberi potest, requiruntur bona exteriora; non quasi de essentiâ eius, sed quasi instrumentaliter deferuentia beatitudini, quæ in operatione virtutis consistit. Indiget n. homo necessarijs corporis sustentationi, tam ad operationē virtutis contemplatiuæ siue intellectus quàm etiam ad operationem virtutis actiuæ seu voluntatis. Ad beatitudinem autem perfectam, quæ in clarâ Dei visione consistit, nullo modo eiusmodi bona requiruntur. Ratio est, quia omnia huiusmodi requiruntur tantum vel ad sustentationē animalis corporis, vel ad aliquas operationes humanæ vitæ conuenientes, quas in corpore animali exercemus: Beatitudo autē illa perfecta vel erit in animâ sine corpore, vel certè vitâ corpori non animali, sed spirituali, & dotibus, de quibus nunc egimus,

ornato, & eleuato, quod bonis illis neque ad sui sustentationem, neque ad operationes sibi conuenientes, indigebit.

## ARTICVLVS VIII.

*Vtrum ad Beatitudinem requiratur societas amicorum?*

**R**espondetur similiter: Ad beatitudinem vitæ præsentis requiritur amicorum societas: non quidem, vt docet Philosophus 10. Ethic. c. 6. 9. & 11. propter vtilitatem, cum felix sibi sit sufficiens, nec propter delectationem, quam habet in seipso perfectam in operatione virtutis: sed propter bonam operationem, tum vt eis beneficiat, tum etiam vt in bene operando ab illis iuuetur: quia tam in operibus vitæ contemplatiuæ, quam actiuæ indigemus hic amicorum operâ & auxilio. Ad beatitudinem verò perfectâ, quâ fruemur in patriâ, non est necessaria amicorum societas, quia beatus ibi habet totam plenitudinem perfectionis in Deo: adeo vt si esset vna sola anima fruens Deo, beata esset, vt ait D. Thom. ad 3. Nihilominus tamen addit D. Thomas quod faciat ad bene esse beatitudinis, quia conducit ad gaudium aliquod accidentarium. Quod pulchrè docet D. August. lib. 8. in Genesi. c. 25. Creatura spiritualis (inquit) ad hoc quod sit beata, non nisi intrinsecus adiuuatur Æternitate, Veritate, Charitate creatoris: extrinsecus verò si adiuuari dicendum est, fortassè hoc solo adiuuatur, quod se inuicem vident, & de suâ societate gaudent. Vnum hic obseruandum est, quando D. Thom. resp. ad 3. dicit, perfectionem Charitatis esse essentialem beatitudini, quantum ad dilectionem Dei, id accipiendum esse in sensu quasi causali, quia scilicet illa perfectio consequitur necessariò essentiam beatitudinis, non autem quòd illa formaliter spectet ad essentialem eius rationem; nam contrarium ante docuit. Sic quoque in respons. ad 1. dicit, quòd gloria, quæ est essentialis beatitudini, sit quam habet homo, non apud hominem, sed apud Deum. Sensus enim est, quod gloria, id est, (clara quæ de beato habetur notitia) apud Deum sit essentialis beatitudini, hoc est, sequatur necessariò ad essentialem beatitudinem, vt aduertit ibidem Caiet. non sic illa gloria, quæ de eo habetur apud homines, sicuti nec perfectio Charitatis, quantum ad dilectionem proximi, vt habet D. Th. quia posset beatitudo esse, tamen si nullus esset homo cui gloria beati innotesceret, & nullus esset, proximus què beatus charitate diligeret.

F iiiij QVÆSTIO

# QVÆSTIO QVINTA.

## De adeptione Beatitudinis.

in octo Articulos distincta.

### ARTICVLVS PRIMVS.

*Vtrum homo possit consequi beatitudinem?*

**C**ONCLUSIO D. Thomæ est, Homo potest adipisci beatitudinem. Probatur quia illa consistit in comprehensione boni perfecti & completi: atqui homo est capax illius boni. Confirmatur: quia vniuersale & perfectum bonum sibi propositum potest per voluntatem appetere, & per intellectum potest illud comprehendere, & quasi tenere; ergo, &c. Probatur Secundò: quia homo capax est visionis diuinæ essentie, vt ex professo docetur in 1. p. q. 12. atqui in eâ consistit perfecta beatitudo.

### ARTICVLVS II.

*Vtrum vnus homo possit esse beator altero?*

**C**ONCLUSIO D. Thomæ est: Non potest vnus homo esse beator altero ex parte obiecti; potest tamen esse beator ex parte adeptionis seu comprehensionis obiecti. Sermo est de beatitudine verâ & perfectâ; & eo sensu probatur prior pars: quia obiectum veræ & perfectæ beatitudinis non est nisi vñ summum bonum, quod est Deus, quo beatificantur quotquot beati sunt; ergo ex parte obiecti vnus non est alio beator. Probatur pars posterior: quia contingit vnum perfectiùs altero comprehendere idem illud bonum, ac perfectiùs illo frui, prout vires vnius sunt meliùs dispositæ & magis eleuatae ad eiusmodi operationes; ergo &c. Declaratur à simili: vt si duo aliqui ponantur collocare suam felicitatem in intuitu & contemplatione vnius alicuius rei artificiosissimè elaboratæ, & vnus habeat oculum meliùs dispositum & visum acutiorem quàm alter, dicetur rectè de illis, quod vnus non sit altero felicior ex parte obiecti, si vtrique fiat facultas rem illam contemplandi; sed benè, quod sit felicior ex parte contemplationis & comprehensionis obiecti, quia qui habet oculum meliùs dispositum, perfectiùs

contemplabitur, & comprehendet artificium & pulchritudinem illius, quàm alter.

### ARTICVLVS III.

*Vtrum aliquis in hac vita possit esse beatus?*

**C**ONCLUSIO D. Thomæ est: In hac vitâ non potest haberi perfecta & vera beatitudo; potest tamen haberi aliqualis beatitudinis participatio: quam D. Thomas passim vocat beatitudinem imperfectam. Prior pars probatur Primò: nam beatitudo absoluta, cum sit perfectum & sufficiens bonum, omne malum excludit, & omne implet desiderium; in hac autem vitâ non potest omne malum excludi: multis enim malis præsens vita subiaceret, quæ vitari non possunt; puta ignorantia ex parte intellectus; & inordinatis affectionibus ex parte appetitus; & multiplicibus penalitatibus ex parte corporis, vt accuratè prosequitur D. August. l. 19. de Ciuit. cap. 6. 7. & 8. de quibus malis infra latius, quando agemus de vulneribus inflictiis naturæ per peccatum primi parentis. Similiter non potest hic satiari hominis desiderium, quod vel ex eo euadit manifestum, quia naturaliter desiderat homo stabilitatem & continuationem boni, quo putat sibi benè & feliciter esse: bona autem præsentis vitæ transitoria sunt, cum & ipsa vita transeat; ergo &c. Probatur Secundò: quia perfecta beatitudo consistit in clara visione diuinæ essentie, quæ in hac mortali vitâ haberi non potest. Hec tamen intellige secundum legem Dei ordinariam: quid autem extraordinariè siue per absolutam Dei potentiam possit fieri aut factum fuerit, alijs locis solet explicari. Posterior pars constat ex Scripturis, quæ frequenter beatitudinem aliquam hominibus etiam in hac vitâ attribuant. Psal. 1. *Beatus vir, qui non abiit in consilio impiorum, & in viâ peccatorum non stetit, sed in lege Domini meditabitur.* Ps. 111. *Beatus vir, qui timet Dominum.* Psal. 118. *Beati immaculati in viâ, qui ambulant in lege Domini: Beati qui scrutantur testimonia eius.* Psal. 143. *Beatus populus, cuius Dominus Deus eius.* Psal. 147.

Beati

*Beati omnes, qui timent Dominum Ecclesiast. 31. Beatus vir, qui inuentus est sine macula. Matth. 5. Beati pauperes spiritu, Beati mundo corde, Beati qui esuriunt & sitiunt iustitiam: Beati pacifici, quoniam filij Dei vocabuntur: Beati qui persecutionem patiuntur propter iustitiam, quoniam ipsorum est regnum celorum. Iacobi 1. Beatus vir, qui sustinet tentationem, quoniam cum probatus fuerit, accipiet coronam vitæ. Quibus locis omnibus & alijs plurimis propriè sermo est de beatitudine huius vitæ: de qua etiam frequenter loquuntur Sancti Patres.*

Porro duplex ratio huius beatitudinis infinuat nobis in Scripturis allegatis. Una, secundum quam consistit in bonis hic habitis & possessis; quæ sunt vita immaculata, cor mundum, participatio diuinæ naturæ, & adoptio in filium Dei, quod ille nobis fit in patrem, & nos illi in filios: per gratiam sanctificantem cum suo comitatu virtutum, assidua meditatio in lege & in præceptis Domini lucidis, quæ illuminant oculos, & exercitatio in testimonijs & iustitijs eius rectis, lætificantibus cor hominis. Sunt enim hæc præstantissima humanæ vitæ bona, supra conditionem ipsius naturæ, homini à Deo præparata & concessa, quibus nihil maius aut melius potest hic obuenire, quæ vero iudicio incomparabiliter excedunt omnia bona mundana qualiæcumque. Hinc D. Ambros. rectè lib. 2. offic. c. 2. contra antiquos Philosophos: Scriptura autem diuina (inquit) vitam beatam in cognitione posuit diuinitatis & fructu bonæ operationis. Altera, secundum quam consistit in spe bonorum futurorum fundatâ in iure quodam ad eadem suo tempore obtinenda. Nam gratia adoptionis & filiationis ius tribuit ad hæreditatem iuxta illud Apostoli ad Rom. 8. *Si autem filij & hæredes.* Et hanc rationem specialiter considerant Scripturæ, quæ dicunt beatos illos, qui lugent, qui sufferunt tentationem, qui patiuntur persecutionem propter iustitiam, quoniam consolabuntur, quoniam accipient coronam vitæ, quoniam ipsorum (inquiunt) est regnum Cælorum. Quomodo & humanitatis loquendo dicuntur felices aut beati, non tantum qui actu mundana bona, ut amplas hæreditates, honores, regna possident, ipsique fruuntur: sed & filij, qui illa expectant, & quibus iure hæreditario debentur. Vnde solet hæc vocari beatitudo spei, iuxta illud Apostoli loco citato: *Sed & nos ipsi primitiis Spiritus habentes, & ipsi intra nos gemimus, ad optionem filiorum Dei expectantes: Spe enim salui facti sumus.* Verum quia utraque iam explicata beatitudinis ratio huius vitæ est quasi relatiua ordinata scilicet ac tendens

ad perfectiorem statum, in ordine ad quem plus valent operationes voluntatis quam intellectus (vnde Charitas quo ad præstantiam præfertur fidei) hinc bonâ ratione plures docent beatitudinem vitæ huius supernaturalem consistere potiùs in perfectione & operationibus voluntatis, quam intellectus. Vide dicta sup. qu. 2. art. 4. Conclus. 5. ad 3. Obiectionem.

Sed cum dicta hætenus procedant tantum de huius vitæ beatitudine supernaturalis ordinis, Quæritur, an sit agnoscenda etiam aliqua naturalis beatitudo huius vitæ? Vázquez hic Disp. 12. c. 3. docet nihil esse posse siue in Angelis, siue in hominibus, quod nomen beatitudinis naturalis mereatur; & proinde nullam in eis beatitudinem naturalem admittit. Verum modus hic loquendi (sic dico, quia differentia magis in nomine versatur quam in re) est singularis, neque ita vrgentibus suffultus rationibus, vt ideo recedendum sit à sententiâ & loquendi modo communium Philosophorum tum Theologorum: qui satis concorditer admittunt aliquam beatitudinem naturalem in hac vitâ. Hoc enim Aristoteles, & veteres Philosophi omnes supponunt, quando de obiecto & ratione beatitudinis tam operose disputant. Similiter & D. Thomas hic Art. 5. sequente, quando sic scribit: Beatitudo imperfecta, quæ in hac vita haberi potest, potest ab homine acquiri per sua naturalia, eo modo, quo & virtus, in cuius operatione consistit. Vbi manifestè loquitur de beatitudine naturali, quia etiam imperfecta supernaturalis non potest ab homine acquiri per sua naturalia. Ita quoque loquuntur Caietan. Medina, Conradus, Mald. à Valentia, & passim recentiores. Et fundamentum huius doctrinæ sumi potest ex D. Thoma sup. q. 3. art. 2. ad 4. quia beatitudo, generaliter loquendo, dicitur quandam perfectionem versari: vnde secundum quoddam diuersæ res beatitudinis capaces, ad diuersos gradus perfectionis pertingere possunt, secundum hoc (inquit) necesse est, quoddam diuersimodè beatitudo dicatur. Quare etiam vltima perfectio, quæ homini secundum rationem naturæ suæ potest naturaliter obuenire, rectè dicitur quædam eius naturalis felicitas & beatitudo, saltem cum hoc addito, Imperfecta: quia verè non habetur in hac vitâ naturaliter bonum aliquod, quod mereatur nomen beatitudinis simpliciter dictæ: quod & Philosophus 1. Ethic. c. 10. agnouit, vbi post multa de beatitudine, tandem concludit: Beatos autem dicimus vt homines; quo indicat huius vitæ beatitudinis imperfectionem, vt notat D. Thom. loco

loc. cit. & hac q. a. 4. Et hinc patet respõsio ad mortua Vasquez: quorũ vnũ est, quia in hac vitã nulla operatio possit esse cõtinaua nec diuturna, prout debet esse beatitudo. Conuincit enim solũ, hic nõ haberi beatitudinẽ perfectãam v: ostendit q. 3. a. 2. ad 4. cit. D. Tho. vbi id latius explicat & simul declarat, quo modo tamen homo ab actu subinde cesset, tamen non idẽ illa felicitate sit dicendus omninõ priuatus; tum scilicet quia in promptu eam habet, cũ semper possit operari; tum etiam, quia ipsam cessationem, puta somni vel occupationis alicuius naturalis, ad operationẽ prædictãam ordinat: vnde, inquit, videtur operatio continua esse. Sic alterum, in eo fundatum, quia scilicet quidquid in hominibus vel Angelis est sine dono gratiæ, potest esse cum summã miseriã peccati mortalis, non amplius demonstrat, quã beatitudinem naturalem valde esse imperfectã: interim namque eo non obstante, consequi potest tum Angelus, tum homo aliquam perfectionem quasi vltimam secundum conditionem naturæ, illi congruã & conuenientem; quæ originaliter videtur collocanda in cognitione & contemplatione Causæ primæ siue Authoris naturæ, qui Deus est, & rerum creaturarum, vt ad huius perfectionem notitiam ordinantur & seruiunt. Deinde cõsequenter in amore, & honorifico affectu erga Authorem naturæ, qui ad eius notitiam & contemplationem perfectionum ipsius, natus est per se sequi, nisi corruptela naturæ obssisteret, ac simul in actionibus rectæ rationi consentaneis. Ita ferẽ D. Thodias suprà qu. 3. art. 5. in Corpore, vbi scribit beatitudinem imperfectã, qualis hic haberi potest, primò quidem & principaliter consistere in contemplatione; secundariò verò in operatione practici intellectus, ordinantis actiones & passionis humanas, vt dicitur in decimo Ethicorum, ait. Vnde intelligitur cum loqui de naturali beatitudine huius vitæ, de qua Philosophi inquisierant, non de supernaturali, quam modò diximus potissimũ consistere in bonis & operatione voluntatis. Ratio autem diuersitatis assignari potest, quòd huius vitæ beatitudo supernaturalis sit ex sua ratione ordinata & tendens ad perfectiorem statum: vnde in illis maxime censetur meritò consistere, quæ potissimũ ducunt & profunt ad illum statum perfectiorem. Naturalis verò consideratur vt absoluta sine ordine ad alium statum. Sic autem considerando hominem, eiusq; perfectionem, superant & potiores sunt operationes intellectus, actibus volũtatis; tum quia præstantioris sunt potentie, vt osten-

dimus suprà, & docet D. Th. per diuersa argumenta loco cit. tum etiam quia intra limites naturæ consistendo, eliciuntur ab homine perfectiores actus intellectus in suo genere, quã voluntatis, præsertim in statu naturæ corruptæ, vt colligi potest ex illo Apostoli ad Rom. c. 1. *Quia cum cognouissent Deum, non sunt Deum glorificauerunt, aut gratias egerunt, sed euenerunt in cogitationibus suis &c.* Plus enim adhuc valet natura ad intelligendas veritates naturales, quã ad rectè operandum moraliter, vt infrà q. 109 docet D. Th. tum denique quia magis deletatur homo speculatione naturalium rerum, quã exercitio virtutum moralium: quod experientiã notissimum est, quia magis repugnat deprauatis affectibus exercitatio virtutis, quã scientiarum contemplatio.

## ARTICVLVS IIII.

*Virum beatitudo habitã possit amitti?*

**C**onclusio D. Thomæ est: Imperfecta beatitudo, qualis in hac vitã potest haberi, amitti potest: Beatitudo autem perfecta, qualis post hanc vitam expectatur, semel habita, amitti non potest. Constant hæc satis ex ante dictis.

## ARTICVLVS V. VI. VII.

*Virum homo per sua naturalia possit acquirere beatitudinem? An per actionem alicuius superioris creaturæ? Vtrum requirantur aliqua bona opera?*

**C**onclusio Prima: Non potest homo, sicut nec alia creatura rationalis, consequi perfectã beatitudinem, quæ in clara Dei visione & fruitione consistit, per sua naturalia. Est D. Thomæ Artic. 5. & certa de fide, definita in Concilio Viennensi, vt habetur Clement. Ad nostrum, de Hæreticis, Et probari potest ex diuersis Scripturæ locis. Imperfectã tamen, quæ in hac vitã potest haberi, dicit D. Thomas posse ab homine acquiri per sua naturalia: quod intellige, de imperfectã naturali, quia supernaturalis etiam huius vitæ non potest ab homine comparari per solas naturæ vires, vt infrà ex professo docebitur.

Conclusio Secunda: Non potest quoq; per actionem alicuius superioris creaturæ, tanquam agentis scilicet principalis, homini conferri beatitudo perfecta, sed ea à Deo solo potest præstari. Est D. Thomæ

art. 6.

per dicitur  
in quia intra  
hinc dicitur ab  
relektus in  
elevatione in  
gi poteit ex  
am agn  
ipiam  
in agn  
let natura  
ales, quam  
, vt infra  
aque quia  
one natu  
virtutum  
tiffimum  
artis affe  
ficientia

I.

mitti?

perfe  
ca por  
to am  
er  
otelli

II.

de

10.

V.

12.

13.

14.

15.

16.

17.

18.

19.

20.

21.

22.

23.

## Quæst. 5.

## De adeptione Beatitudinis.

## Articulus 8. 71

art. 6. & certa ac communis. Pro eâ adducit D. Thom. illud Psalmi 83. *Gratiam & gloriam dabit Dominus*. Hinc etiam D. Ambrosii lib. 2. Offic. cap. 1. Vitam æternam, inquit, præstare non potest nisi author æternitatis. Rationem reddit D. Thomas: quia hæc beatitudo, seu clara Dei visio excedit omnem creatam naturam; quæ autem excedunt, non possunt fieri viribus creaturæ, cuius virtus & actio omnis est limitata. Vnde sicuti alia, quæ naturâ omnino superant, vt fuscitatio mortui, inquit, & illuminatio cæci, si fiant, fieri debent immediate à Deo: ita etiam non nisi Deo agente homo beatus fit. Sed ea, quæ ad pleniorum tum huius, tum præcedentis Conclusionis explicationem spectant, accuratius tradi solent, 1. par. qu. 12. Hoc vnum tamen obseruandum est, D. Thomam hic dicere hominem beatum fieri solo Deo agente, non quod visionem velit à Deo solo produci, & poni in beato, cuius contrarium supra ostendimus cum ipso D. Thoma, sed tum quia à Deo solo est lumen gloriæ, quo eleuatur & fit potens intellectus ad videndum Deum, tum quia Deus per se concurrat, & supplet rationē speciei intelligibilis, ita vt iuxta D. Thom. 1. p. qu. 12. art. 2. per speciem creatam non possit diuina essentia videri.

Conclusio Tertia: Diuinæ sapientiæ ordine postulante ita à Deo constitutum est, vt ad beatitudinem homines non perueniant sine bonis actibus & meritis. Est D. Thom. art. 7. & constat pssim ex Scripturis. Et conuenienter quidem; nam & Philosophus beatitudinem dixit premium virtuosarum operationum. Videtur autem D. Thomas id etiam Resp. ad 2. extendere ad pueros saluandos per baptismum, quatenus eis subuenit meritum Christi ad beatitudinem consequendam. In Christo autem, qui simul Deus erat & homo, dicit hoc fuisse singulare, quod statim à principio suæ conceptionis, absque aliqua operatione meritoria præcedente, anima eius fuerit beata, & quidem conuenienter, quia licet dignius sit ad gloriam peruenire meritis suis, quam titulo planè gratuito, tamen utroque præstantius est iure sibi connaturaliter debito obtinere: & hoc titulo anima Christi qui erat naturalis filius Dei possedit beatitudinem. Verum de necessitate bonorum operum & meritorum in ordine ad consequendam salutem infra quæst. 114. ex proposito agendum erit.

## ARTICVLVS VIII.

*Vtrum omnis homo appetat beatitudinem?*

**C**onclusio Prima: Omnis homo naturaliter & necessariò vult beatitudinem, sub formali ratione in communi consideratam. Est D. Thomæ hic: tum in Corp. tum expressius in Resp. ad secundum, Caiet. à Medina, & aliorum. Colligitur ex D. Augustino diuersis locis: vt lib. 13. de Trinitat. cap. 3. vbi referens facetias cuiusdam Mimi, qui pollicitus erat omnibus explicare quid in animo haberent, & vellent, dicit: Si ille dixisset, Omnes beati esse vultis, & miseri esse non vultis, dixisset aliquid, quod nullus in suâ non recognoscere: voluntate. Et lib. 10. Confess. c. 21. si quæretur à duobus, Vtrum militare vellent, fieri posset, vt alter velle se, alter non, responderet: si verò ab eis quæretur, Vtrum beati esse vellent, vterque statim sine vllâ dubitatione diceret, se id optare: neque ob aliud ille, velle militare, ille nolle, nisi vt beati sint. Ratio est, quia sic appetere beatitudinem non est aliud quàm appetere bonum, quod voluntati satisfacit, eiusq; appetitum satiat. Hoc autem secundum talem rationem nullus potest respuere. Imò voluntas est quasi naturale pondus hominis in tale bonum. Vnde Conclusio vera est tam de appetitu innato quàm de elicto quod specificatione scilicet actus, non autem quoad exercitium, vt rectè hic Medina; quod & D. Thomas infra qu. 10. art. 2. docet, vbi ita scribit: Quantum ad exercitium actus, voluntas à nullo obiecto, ex necessitate mouetur, scilicet in hac vitâ. Et rationem addit: potest enim aliquis de quorumque obiecto non cogitare, & per consequens neque actu velle illud. Imò etiam si de eâ cogitetur actu, non tamen mouebitur voluntas ex necessitate ad exercitiū actus quo eam velit; quia licet in beatitudine sic apprehensi, nihil inueniatur disconueniens, propter quod respiciatur, tamen in ipso exercitio actus potest considerari aliquid, quare homo sibi commodum hic & nunc iudicat non esse illud exercere, puta quia iudicat sibi melius hic & nunc vacare alijs.

Conclusio Secunda: Beatitudo perfecta materialiter & sub particulari sua ratione considerata, vt consistit in clara Dei visione & fruitione, neq; necessariò, neq; ab omnibus appetitur. Est etiam D. Tho. & quidē de appetitu elicto absolute loquendo, satis per

tis per se evidens, quia multi planè ignorant hanc beatitudinis rationem, qui proinde nullo elicto actu eam appetunt, ut argumetur D. Thomas.

Oportet autem duplex hic difficultas. Prior est, Vtrum homo appetitu naturali innato appetat beatitudinem perfectam sic sub particulari sua ratione consideratam? Scotus in 1. q. 1. Prologi & in 4. d. 49. q. 9. ibidem Durand. q. 8. Dominicus Soto q. 2. art. 1. & alij nonnulli affirmant. Sed fundata magis videtur opinio Negantium, qui dicunt neque per modum potentie actiue, neque per modum potentie passiue, homini inesse appetitum naturaliter innatū ad illam beatitudinis rationem, ut sic. Ita tenent Caiet. 1. p. q. 82. art. 1. Maldesius hic disp. 25. Suarez in 1. p. l. 2. c. 8. Vasquez hic, disp. 22. c. 2. & indicat Medina hic in Resp. ad 1. argumentum Scoti. Probatur, quia naturalis appetitus innatus, non potest dici aliud esse quam potentia naturaliter capax alius cuius perfectionis aut boni quod naturæ seu naturalis agentis viribus ei potest obtingere: quia in hoc distinguitur appetitus innatus ab elicto, quod ille se habeat per modum inclinationis in actu primo; hic autem sit actus secundus: atqui in homine non est potentia naturaliter capax & comprehensua diuinæ essentiae, ut in se est, quia naturæ viribus possit eam comprehendere & quasi tenere. Confirmatur: quia illa comprehensio consistit in clara visione Dei seu diuinæ essentiae; visio enim seu intellectio est actio propria, quæ res intelligibiles comprehendere & tenere possunt: Sed homo nec suis nec alterius naturalis agentis viribus potest elicere istā visionem ut ante dictum est, & latius docetur 1. p. q. 12. art. 4. & 5. ergo in homine non est potentia naturaliter comprehensua diuinæ essentiae, ut in se est, & per consequens neque naturalis appetitus innatus ad comprehensionem illius.

Dices: Etsi non sit potentia actiua naturalis in homine ad visionem hanc elicendam, tamen videtur esse naturalis inclinatio & potentia ad eam recipiendam; ergo &c. Respondetur, Ne quidem in homine agnoscendam potentiam naturalem ad susceptionem beatificæ visionis simpliciter & absolute loquendo. Declaratur: quia cuiuslibet potentie naturaliter susceptive perfectionis alicuius debet correspondere agens naturale, quod valeat efficere & communicare illam perfectionē tali potentie; semper enim oportet dari causā & media naturalia, ut potentia naturalis assequatur formam naturaliter sibi convenientem; alioquin videretur natura im-

perfecta & deficiente in ordine suo: atqui in toto ordine creaturarū, nihil est quod possit naturaliter ponere visionem beatificam in homine, ut ex multis ante dictis constat; ergo. Confirmatur amplius: quia à ratione alienum est, dicere, quod potentia aliqua naturaliter sit capax & desideret formā, quam non potest assequi nisi actione in substantia supernaturali, naturalis enim capacitas & appetitus semper actione proportionatā scilicet naturali quoque perficienda & explenda sunt: atqui nulla hominis potentia potest consequi beatitudinē hanc in particulari, quæ consistit in clara Dei visione & fruitione, nisi per actionem in substantia supernaturalem; imò est ipsa actio supernaturalis in substantia, ut alibi plenius explicatur.

Verum opponet aliquis: Animæ beatæ est innatum naturale desiderium ad corpus: Similiter in cæco est naturale desiderium innatum ad visum, & tamen nullum agens naturale potest corpus vitaliter vnire animæ, neque restituere cæco visum; ergo non videntur argumenta adducta aliquid concludere. Respondetur N. C. quia simpliciter loquendo est in rerum naturā agens naturale, quod naturaliter dicitur generare hominem, & proinde etiam causare vñionem corporis cum animā: vnde fit quod rectè dicatur anima naturaliter appetere corpus, quia ex ipsa institutione naturæ, illa est ut sit forma corporis, & per actionem ordini naturæ consentaneā & debitam ab initio vnitur corpori: Similiter etiā visus naturaliter in homine producit in ipsius generatione. Hæc autem locum non habet in animā, siue in intellectu aut voluntate, in ordine ad visionem & fruitionem beatificam. Quod verò animā iam separata, aut visus amissus non possint per causam naturalem vniri vel restitui, sed tantum per virtutem supernaturalem, idque non nisi actione supernaturali in modo, est quasi per accedens in ordine ad habitudinem animæ ad corpus, aut visus ad hominem: quod non impedit, quod minis simpliciter dicatur anima posse, naturaliter vniri corpori, & visus naturaliter produci in homine.

Sed contrā argumentatur Scotus: Est innatus quidam appetitus naturalis in homine ad suam perfectionem & beatitudinem, ut omnes admittunt: atqui hic appetitus hoc ipso quo naturalis & innatus est, non sequitur abstractam apprehensionem, quæ per intellectum fit, sed naturam, & proinde non versatur circa beatitudinem in communi, aut sub vniuersali ratione, sed circa aliquam in particulari & determinatam; non vtique falsam, quia

error



error ille in autore naturæ deriuaretur, sed veram: talis autem nulla est, nisi visio clara & fructio diuinæ essentiae; ergo admittendus est in homine appetitus naturalis innatus ad visionem claram & fruitionem Dei.

Respondetur, vt admittatur in homine esse appetitum naturalem innatum ad suā perfectionem & beatitudinem in particulari, & quidem veram non sequitur tamen esse ad supernaturalem in particulari, sed dici poterit esse ad naturalem, quæ in contemplatione primæ causæ quatenus naturaliter cognoscibilis est, ac simul in debita cōpositione affectus erga illam secundū rectæ rationis exigentiā, consistit. Ad reliqua eius argumēta facile fuerit ex dictis respondere.

Posterior difficultas est: Vtrum posita cognitione beatitudinis perfectæ sub suā particulari ratione, appetatur tunc appetitu elicto naturalis? Ratio dubitandi potest esse, quia D. Thomas 1. p. quæst. 12. art. 1. probat intellectum creatum posse videre Dei essentiam, contra quosdam id negantes: quia si intellectus creaturæ rationalis non posset pertingere ad primam causam rerum (videlicet per claram eius visionem, de qua manifestè loquitur, & quo scopus eius omnino tendit) remanebit inane desiderium naturæ (inquit) quia homini inest naturale desiderium cognoscendi causam (vt præmittit) cum inuenitur effectum. Et similia habet lib. 3. contra Gentes cap. 50. & 51. Porro quia homini dicit illud desiderium inesse, quando inuenitur effectum, patet quod loquatur de appetitu elicto; hic enim sequitur cognitionem: non de innato, qui naturam sequitur. Apparet igitur iuxta D. Thomam, dicendum esse, quod posita cognitione beatitudinis, quæ in visione clarâ consistit, homo naturali appetitu elicto in eam feratur. Diuersi diuersimodè hac de re loquuntur. Oritur autem ipsa varietas pro magnâ parte ex diuersâ apprehensione nominis desiderij siue appetitus naturalis. Quare pro resolutione & explicatione difficultatis, Respondeo &

Dico Primò: Esti homo per humanam credulitatem aut etiam per fidem supernaturalem apprehendat aut cognoscat in clarâ visione siue comprehensione diuinæ essentiae tamquam summi boni nostri, consistere supremam & perfectam suam beatitudinem, non tamen in eam feretur absoluto & efficaci appetitu aliquo naturali, qui solis scilicet naturæ viribus cum concursu naturæ debito eliciatur. Colligitur ex Caietano 1. p. quæst. 12. art. 1. Conrado ibidem, Maldero suprâ, cum alijs. Probatur: quia Deus, vt clarâ visione com-

prehendendus, tanquā supremum nostrum bonum, quo beatificemur, est obiectum Theologicæ virtutis Spei, vt docet D. Thomas 2. 2. quæst. 17. art. 2. & proinde vt sic est omnino supernaturale bonum: quemadmodum idem, quatenus vt author gratiæ in se summè est amabilis, est obiectum charitatis; ergo non potest homo naturali appetitu perfectò & efficaci in eū vt sic comprehendendum ferri, non magis quàm possit naturali amore perfectò & efficaci amare Deum vt fontem gratiæ, & donorum supernaturalium. Confirmatur primò: quia vtraque tendentia in Deum respectiue sub rationibus explicatis est in substantiâ supernaturalis: cum vtraq; illa obiecti ratio sit maximè supernaturalis; substantialis autem supernaturalitas actiui in primis sumatur ex supernaturalitate obiecti formalis, à quo actus sumunt speciem. Confirmatur secundò: ideo enim dantur habitus Spei & Charitatis, quia rationes illæ obiecti excedunt naturam hominis, eiusq; vires; ergo dicendum non est, quod actu seu appetitu naturali perfectò homo feratur in claram Dei visionem, etiam si ponatur aliquam de illâ habere cognitionem. Imò ne quidem in hoc statu naturæ lapsæ ferri potest homo appetitu naturali absoluto & efficaci in Deum, vt summum bonū suum naturale, quatenus in eius contemplatione & naturali comprehensione consistit beatitudo ordinis naturalis; sic vt præ affectu illius negligat omne aliud bonum, quod huius consecutioni aduersatur: quemadmodum neque naturali dilectione absolutâ & efficaci diligere potest Deum summè tanquam authorem naturæ & donorum naturalium, vt amplius ostendetur infrâ Quæst. 109. ergo &c.

Contra dicta tamē sentire videtur Vassquez hic Disp. 22. c. 4. Vnde negat in primis, quod amor concupiscentiæ erga Deū, que ipsum vt bonum nostrum nobis diligimus, etiam si Deus consideretur videndus vt trinus, & secundum alia prædicata lumine solū fidei in hac vitâ nota, sit supernaturalis ordinis secundum substantiâ suam: quare vult hunc amorem esse naturalem, seu naturalis ordinis, quamuis nihilominus doceat non posse exerceri sine auxilio, quod concedatur ex meritis Christi, sed ordinis naturalis quoad substantiâ; & consequenter eo nomine dicendum existimathominē appetitu naturali elicto desiderare clarâ visionem Dei. Sed immeritò ita de isto amore sentit: cum manifestè verferetur circa obiectū & bonū ordinis supernaturalis, prout ipse illud idē explicat. Neque verum est ad illum amorem non dari habitum supernaturalem, quod pro

suo fundamento assumit. Imò hic amor rectè ponitur primus actus virtutis Spei, quæ versatur circa bonum hoc ita amandum, vt præ illius desiderio, omnibus alijs postpositis, toto animi conatu ad eius cōsecutionem contendamus, quamvis propter eminentiam illius non nostris viribus, sed diuinæ gratiæ auxilij confidamus ad illud pertingere: prout latius ostendimus 2. 2.<sup>æ</sup> quæst. 17. art. 2. Quod tamen possit dari aliqua imperfecta appetitio naturalis quoad substantiam circa visionem Dei claram, vt docet Bannesius in 1. part. quæst. 12. artic. 1. & alij nonnulli, non improbabiler dicitur, quemadmodum etiam 2. 2.<sup>æ</sup> quæst. 1. diximus de assensu fidei circa mysteria supernaturalia.

Deinde assignat Vasquez cap. 5. & aliū sensum, quo dicit hominem appetitu naturali elicitò appetere videre Deum, scilicet eo modo, quo multi voluntatis affectus elicitī dicuntur naturales, quatenus aliquo modo necessarij sunt, non quidem quoad exercitium actus, sed quoad specificationem; vt sunt affectus, quibus appetimus vitam, sensum, scientiam, vt habet D. Thomas infrā quæst. 10. artic. 1. Quatenus enim voluntas in his est quasi ad vnā partem determinata, quam non potest auerfari, operatur per modum naturæ, quando eam appetit, & sic quodammodo naturaliter appetere dicitur. Sic ergò, quia voluntas appetit ita necessariò visionem Dei, vt non possit eam odio habere, aut velle oppositum (in quo eam comparat cum beatitudine sub formali ratione in communi consideratā) iure optimo (inquit) talis appetitus debet appellari naturalis, hoc est, ait, per modum naturæ tendentis in rem concupitam. Sed non est æqua omninò comparatio, quam facit inter beatitudinem in communi consideratam, & inter beatitudinē in visione & fruitione Dei consistentem: nullā enim ratione potest quis respuere aut abijcere beatitudinem in communi, vt omninò nolit esse beatus: vt suprà ostensum est: potest quis tamen ex certis considerationibus nolle hanc beatitudinem, quæ in visione Dei consistit, puta ratione laborum & difficultatum, quibus dicitur promerenda, aut propter moram & dilationem, vel simili de causā. Quare nec istā ratio-

ne dicitur rectè homo elicitò appetitu naturali, simpliciter & absolute loquendo, appetere claram Dei visionem & fruitionem. Quia tamen hæc in se præcisè spectata, remotis extrinsecis incommodis, habitū eorum aliquali cognitione, non possunt haberi odio aut respui, atque ita dici possint cum addito vt sic considerata appeti necessariò quoad specificationem actus, hinc

Dico Secundo, quòd homo possit dici aliquo saltem modo naturaliter appetere visionem Dei, quando eius habet aliquam notitiam, scilicet modo & ratione iam explicatis: Non autem simpliciter, quia neque appetitur actu perfectò naturali, vt distinguitur contra supernaturalem, vt dictum est: neque actu quocumque absolute necessario, ne quidem quoad specificationem, vt modò quoque ostensum est. Quando igitur D. Thom. locis citatis dicit nos & substantias separatas naturaliter desiderare videre essentiam Dei, potest rectè exponi de illo desiderio aliquo modo & quasi secundum quid naturali, aut potius de desiderio, quòd connaturale est creature intellectuali, vt per fidem & gratiam sanctificantem eleuata & ordinata est ad claram Dei visionem: Istæ enim perfectiones supernaturales, quæ sunt quasi vna natura altior supra naturam, inclinant connaturaliter sibi, nos ad tale desiderium, vnde habitū per fidem cognitione de illā beatitudinis ratione, modo ipsi connaturali per se exoritur; vt D. Thomam explicat ibidem 1. p. qu. 12. art. 1. Caietanus: & appositè ad propositum D. Thomæ, quia ex eo quòd homini vt eleuato ad ordinem supernaturalem sit connaturale desiderium tale videndi Deum, præsertim propter effectus gratiæ quos percipit, optimè colligitur non esse omnimò impossibile, quòd homo videat diuinam essentiam; alioquin desiderium illud, quod perfectionibus illis est connaturale & ex illis nascitur, omninò esset inane quod inconuenienter diceretur.

Reliqua quæ ad materias in articulis huius quæstionis propofitas spectant, partim in antecedentibus explicata sunt, partim alibi, vt infrā de gratia & meritis & 1. p. qu. 12. vbi locus magis est proprius, solent ex professo latius explicari.

## QVÆSTIO SEXTA.

### De Voluntario & Inuoluntario.

In octo Articulos diuisa.

#### ARTICVLVS I.

*Verum in humanis actibus inueniatur voluntarium?*

#### ARTICVLVS II.

*Verum voluntarium inueniatur in animalibus brutis?*

**D**EMONSTRATO hominis fine ultimo, pergit D. Thomas disputare de Actibus humanis, quibus ad eum peruenitur, aut ab eo deuiatur. Quinam autem Actus humani censendi sunt, & quomodo non idem sint, quod Actus hominis generaliter loquendo, explicuimus supra quæst. 1. art. 1. satis latè. Solent & actus illi vocari Actus morales, & vt hi sunt hominis, videntur materialiter esse conuertibiles ac iidè: nisi quis forsitan vellet dicere actus, quibus homo ex deliberata voluntate facit opus seruens naturæ absque respectu ad rationem, esse actum humanum, non tamen moralem, quia ad mores non videtur pertinere. Verum hoc ipso, quo operatur homo deliberatè, & non attendit ad rationem, deuiat à modo operandi secundum conditionem naturæ suæ, & sic malè moratus est, & moraliter operari dicitur, sed defectuosè. Dico vt sunt hominis, esse conuertibiles, quia alioquin etiam Angeli operantur actus morales, qui non possunt dici humani, quia humani dicuntur habitudinem ad hominem tanquam principium à quo procedant. Dico etiam quod materialiter videantur iidem: quia Actus moralis vt sic, si omnino formaliter consideretur, videtur importare ordinem aliquem ad legem vel regulam, cui conformetur, aut à quâ recedat cum eidem conformari deberet: vnde & morem gerere dicitur is, qui obedit & accommodat se præcepto aut præscripto superioris. Quare minus propriè, nec satis conuenienter, vt mihi apparet, Deo attribuuntur mores; quamuis alij aliter hæc considerent & explicent.

Pro faciliiori autem intelligentia eorum, quæ deinceps de his actibus dicenda erunt, operæpretium est pauca quædam de di-

uerfis hominis potentijs naturalibus ex libris de Animâ in memoriam reuocare.

Obseruandum itaque in primis, triplicis generis potissimum in homine reperiri potentias naturales, iuxta triplex genus animæ, quod eminenter anima rationalis continet: Vegetatiuam scilicet, Sensitiuam, & Rationalem: quamuis ab alijs distingui soleant quinque genera; Addit enim Appetitiuam & Loco motiuam seu progressiuam: sed Appetitiuam nos hic sub Sensitiua comprehendimus, vt mox explicabimus: & loco motiuam ad eandem volumus reductam, quia consideratio distinctionis hic ad propositum non facit.

Vegetatiua diuiditur in Nutritiuam, Augmentatiuam, Generatiuam sui similis, & alias his subseruientes, de quibus, quia earum operationes parum ad præsens institutum faciunt, vt potè quæ voluntati non subiacent, non est opus hic plura dicere. Licet de illis videre D. Thom. 1. p. quæst. 78. art. 2.

Potètia Sensitiua, vt hic eam accipimus, diuiditur in Apprehensiuam, & Appetitiuam. Apprehensiuam dicitur, quia anima res sensibiles percipit seu cognoscit; & percipiendo quodammodo intra se apprehendit. Subdiuiditur in sensum exteriorem & sensum interiorem. Exteriores sensus noti sunt quinque: Interiores autem sunt, Sensus communis, Imaginatiua seu Phantasia, & Memoria, quibus additur à nonnullis Æstimatiua: de quibus videre licet D. Thom. supra art. 4. vbi satis accuratè de illis, eorumque vlibus pertractat. Appetitiua dicitur vis animæ inclinans eam ad bonum sensibile, & à malo sensibili auocans: & vocatur communiter Appetitus, aliquando etiam Sensualitas & Concupiscentia; quæ tamen nomina sæpè accipiuntur pro ipsâ eius operatione, & ferè in malam partem: non quod ipsa naturalis potentia sit mala, vel etiam ipsius operatio ex genere suo; cum ab Authore naturæ sit hæc vis indita homini, haud dubiè etiam ad operandum; sed ideo quòd postquàm se homo spoliavit originali iustitiâ, cõtingat frequētissime huius potètiæ actus erumpere ante vel etiã contra potètiæ rationalis dictamè & imperiũ: quod vitiosum est in homine, quia iuxta rectũ ordinẽ operandi debet

G ij illa vt

illa ut inferior à ratione regi ac huic subferuire. Alio nomine satis cõmuni operationes huius potentie appellantur passionnes, eò quòd nò soleant terè sine corporis passione seu immutatione quadam fieri. Greg. Nyssen. vocat eas, instrumenta virtutum & vitiõrum, quia in bonum vel in malum potest homo illis vt; plurimumque virtutem iuuant, si ad eius officium adhibeantur, quatenus voluntatem rationalem quasi succedunt & multum in sua operatione corroborant: similiter & ad vitia plurimum adferunt momenti, quando ijs habent laxantur. Subdiuiditur autem Sensitiuus appetitus in Concupiscibilem & Irascibilem: ille versatur circa bonum vel malum sensibile in genere, & actus eius sunt amor, desiderium, fuga, delectatio seu gaudium, & tristitia seu dolor; hic versatur circa bonum vel malum sensibile arduum, & actus eius sunt spes, desperatio, audacia, timor & ira. De ipsis potentijs agit D. Thom. 1. p. q. 87. De operationibus autem seu passionibus infrà q. 22. & sequentibus vsque ad 49.

2. Obseruandum nunc secundò, quia sensitiua potentia radicaliter est in eadem animà cum potentia rationali in homine, hinc fieri, quod vtraque potentia possit mouere alteram, modo tamen diuerso: Sensitiua enim mouet rationalem, sed tantum indirectè, videlicet ex parte obiecti, quatenus per compositionem & affectionem appetitus sensitiui efficitur, vt obiectum iudicetur conueniens aut disconueniens ab intellectu hominis passione iam commoti, & sic voluntati tanquam expetendum aut reiiciendum, proponatur: quod tale extra passionem non iudicaretur; quisque enim vt affectus est, facilè de rebus solet censere. Huc etiam facit, quod propter quandam sympathiam, quam inter se habent potentie in eadem animà residentes, contingat inclinatione & pondus potentie sensitiue mouere quoque & quasi trahere rationalem voluntatem in bonum sensibus gratum, quamuis per se non efficaciter. Potentia verò rationalis mouet appetitum directè ipsi imperando: quod imperium tamen non est omnino perfectum, neque dominium, quod vocant, despoticum absque omni renitentia; quia imperat potissimum quatenus præcipere potest phantasie ad hoc vel illud imaginandum, vel ab huius aut illius imaginatione abstinendum, ad cuius operationem moueri solet appetitus sensitiuus: Contingit autem phantasiam non semper obtemperare præcepto rationis, ita vt licet ratio velit eam auertere ab imaginatione huius obiecti, & ad alterius specula-

tionem transferre, non semper obediat. Quod accidit aliquando ex corporis aut humorum constitutione vel alteratione; aliquando ex præsentia obiecti voluptuositatem aut dolorem generantis; aliquando à causa extrinseca, vt ab angelo bono vel malo. Et hinc quoque euenit ipsum appetitum sensitiuum non omnino subditi imperio rationis, neque eius motus posse semper per ratione statim tolli aut impediri. Vnde Apost. ad Rom. 7. scribit: *Non enim quod volo, hoc ago, sed quod odi, illud facio.* Et Aristot. lib. 1. Politic. cap. 3. Ratio (inquit) præest appetitui concupiscibili & irascibili, non principatu despotico, qui est domini ad seruum, qui in nullo habet potestatem contradicendi: sed politico aut regali, qui est ad liberos, qui non totaliter subduntur imperio. Perfectiori autem modo imperat ratio corpori, & potentijs externis, vt habet D. Thom. 1. p. q. 81. art. 3. ad 2. Et per experientiam satis constat: progredimur enim, sistimus gressum, caput, manus leuamus & inclinamus, dum volumus; tantummodo est motus membrorum genitalium, vt ait D. Thom. infrà quæst. 17. art. 9. qui rationi non obtemperat, quod docet D. Augustin. lib. 14. de Ciuit. cap. 16. provenire ex pœnâ peccati, vt scilicet anima suæ inobedientie ad Deum in illo præcipue mæbro pœnam patiatur, per quod peccatum originale ad posteros traducitur.

3. Potentia rationalis denique, quæ nobilior est inter omnes, duplex quoque est, videlicet Apprehensiva siue Intellectiva, & Appetitiva. Apprehensiva dicitur intellectus, estque vis naturalis, quæ etiam illa, quæ sub sensum non cadunt, cognoscimus & percipimus. Diuiditur autem in intellectum speculatiuum & practicum, qui tamen ratione solum distinguuntur. Speculatiuus dicitur, quatenus res contemplatur tantum, vt eas cognoscat, qui tamen eius sit cognitio. Practicus autem dicitur, quatenus res contemplatur in ordine ad operationem, vt iuxta illas cognitatas homo operetur. Appetitiva vis vocatur voluntas rationalis, estque ea potentia, quæ cognita per intellectum tanquam bona appetimus, vel tanquam mala auersamur. De vtraque latè agit D. Thom. 1. p. q. 79. & 82. Plures autem sunt vtriusque huius potentie operationes, de quibus in sequentibus latius.

Quia verò ad actus præmio dignos in primis requiritur, vt volutariè fiant, hinc D. Thomas primo loco de voluntario & inuoluntario tractat, & inquit, Vtrum in actibus humanis voluntarium inueniatur? Similiter, an in animalibus brutis?

Conclu-

Conclusio vtriusque Articuli est affirmatiua. Cuius intellectus & veritas constabunt ex definitione Voluntarij, eiusque diuisione.

4 Quæritur itaque Primò, Quid Voluntarium sit? Respondetur: Voluntarium rectè definitur esse, quod procedit à principio intrinseco, cum cognitione finis. Colligitur ex D. Damasc. lib. 2. de fide c. 24. & 25. ubi latè hanc materiam tractat; & ex Greg. Nysseno lib. 5. sue Philosophiæ c. 3. quod tamen opus putatur esse Nemesij. Per hoc quòd dicitur, à principio intrinseco, excluditur à ratione voluntarij, motus seu passio, quam sustinet quis inuitus ab altero; licet alter ex cognitione finis eam inferat. Per illud verò quod additur, ex cognitione finis, excluditur motus inanimatorum, qui à qualitatibus & formis intrinsecis tanquam principijs proprijs in eis causantur. Actus igitur seu motus voluntarij sunt, qui à voluntate vel appetitu sensitiuo procedunt, sicut naturalis motus est, qui ab appetitu nature causari dicitur.

Duplex autem est Voluntarium, Perfectum & Imperfectum. Perfectum est, quod procedit à voluntate cum perfectà cognitione finis, & aduertentiâ rationis. Eiusmodi sunt operationes in Angelis sanctis, & hominibus beatis, siue necessariæ sint, siue liberæ: item bona opera iustorum & mala impiorum. Voluntarium Imperfectum dicitur, quod procedit cum imperfectâ cognitione finis; quod locum habet non tantum quando imperfectè apprehenditur res, quæ est finis, sed etiam quando non cognoscitur aut percipitur proportio actionis, tanquam medij, ad alterum, tanquam ad finem: vnde motus omnes animalium brutorum tantummodo habent rationem voluntarij imperfecti. Similiter & motus appetitus sensitui in nobis, quòd præueniunt aduertentiâ rationis. Quin & motus primi voluntatis rationalis siue boni siue mali fuerint, quando ratio non perfectè considerat & aduertit. Obseruandum autem est, vnum eundemque motum posse habere rationem voluntarij imperfecti & inuoluntarij perfecti; possunt enim in appetitu sensitiuo nasci variæ affectiones, quæ simpliciter inuoluntariæ sint respectu appetitus superioris, cui displicet, & qui inuitus eas sustinet, & tamen secundum quid habeant rationem voluntarij imperfecti, quatenus ex inclinatione inferioris appetitus cum aliqua cognitione finis procedunt.

5 Quæritur Secundò, An idem sint Voluntarium & Liberum? Respondetur Negatiue: multum enim differunt actus vo-

luntarius & actus liber. Quod patet imprimis, quia actus voluntarij imperfecti non sunt liberi; quamuis enim pueri & bruta dicantur voluntariè operari, nemo tamen dixerit ea liberè agere. Rationem reddit Damasc. lib. 2. de fide cap. 27. quia ducuntur magis à naturâ quam ducant: quapropter non contradicunt resistuntque appetitui, sed simul atque quidquam appetierunt impetu feruntur ad prosecutionem.

Dices: Videmus aliquando bruta coèrceri à prosecutione rei delectabilis, & appetitui ipsorum còuenientis, nullo extrinseco prohibente; ergò apparet in eis reperiiri quandam libertatè. Resp. N. Consequ. quia nò fit hoc ex iudicio aut ex indifferenti appetitu ad operandum omnibus eodem modo se habètibz, sed appetitu ex aliqua vehementiori passione determinato: vt si canis offam appetat in conspectu positam, memor tamè sit verberum prius acceptorum, abstinet tunc non liberè, sed timore ipsum determinatè ad abstinendū. Quocirque itaq; vehementiori affectio traxerit, eò animalia bruta necessariò impetu feruntur.

Secundò patet idem, quia etiam actus voluntarij perfecti non omnes sunt liberi. v.g. visio & amor beatificus; sunt enim hi actus summe voluntarij cum perfectò iudicio rationis, nò tamen liberi simpliciter; quia ad actum liberum non satis est, quòd spontaneè & libetè eum faciamus, sed requiritur insuper, vt cum quadam potentie indifferentiâ in operando exerceatur; sic vt omnibus, quæ antecederet se ad actum habent, eodem modo positis, possit cum potentia non exercere.

6 Vnde quæritur Tertiò, Vtrum in humanis actibus non tantum voluntarium, sed etiam liberum reperiatur? Hæretici huius temporis, vt Caluinus, Lutherus & alij, non agnoscunt in nobis libertatem vllam, quæ opponatur necessitati in operando, sed tantummodò quæ opponatur coactioni; volunt enim actiones nostras ex necessitate à nobis fieri, quamuis non coactè: quia sine voluntatis nostre repugnantiâ scilicet spontaneè sunt, sed ex præuiâ determinatione, cui nò potest resistere voluntas.

Sed contra hos certà fide tenendū est, in homine etiam post lapsum superesse naturalem facultatem liberam, dictam Liberum arbitriū: nec tantummodò esse eiusmodi potentiam, sed etiam liberum illius potentie vsum, qui consistit non tantum in potestate operandi voluntariè, spontaneè aut libetè, etiamli quoque id fiat cū perfectà cognitione & aduertentiâ rationis; sed præterea requirit in potentia quādam indifferentiā ad agendum & non agendum, positis iam omnibus ad actio-

nem prærequisitis. Vnde hi articuli à duobus Penincibus sunt reprobati: Quod voluntariè fit, etiam si necessitate fiat, liberè tamen fit. Item: Sola violentia repugnat libertati hominis naturali.

Probat autem Primò ex Scripturis, quæ diversis locis significant huiusmodi hominis libertatem. Iosue 24. *Optio vobis datur, elige bodiè quod placet, cui servieris potissimum debeatis, virum Dñs, quibus servierunt Patres vestri in Mesopotamia, an Dñi Amorrhæorum, in quorum terra habitatu &c.* Eccles. 15. *Deus constituit hominem ab initio, & reliquit eum in manu consilij sui.* Et infra: *Apposui tibi aquam & ignem, ad quod volueris porrigere manum tuam.* Et cap. 34. *Qui potest transgredi, & non est transgressus, & facere mala, & non fecit.* Deuter. 30. *Testes inuoco cælum & terram, quod proposuerim vobis vitam & mortem, benedictionem & maledictionem: Elige ergo ut vivas.*

Probat Secundo ex Concil. Trident. Sess. 6. Can. 4. qui sic habet: Si quis dixerit liberum hominis arbitrium à Deo motum & excitatum nihil cooperari assentiendo excitanti atque vocanti, quo ad obtinendam iustificationis gratiam se disponat atque præparet, neque posse dissentire, si velit &c. anathema sit. Et clariùs Can. 5. Si quis dixerit liberum hominis arbitrium post Adæ peccatum amissum & extinctum esse, aut rem esse de solo titulo, imò titulum sine re, signum denique à Sathana inuectum in Ecclesiam, anathema sit.

Apud antiquos Ecclesiæ Patres tam est vtitata hæc doctrina, ut ipse Caluinus lib. 2. Institut. c. 2. scribat, semper apud Latinos liberi arbitrij nomen extitisse: Græcos autem & arrogantius usurpatè vocabulum. Et quidem D. Hieronym. in præfatione Dialogi contra Pelagianos pro ipsdem videtur habere, tollere naturam humanam, & tollere liberum arbitrium: Manichæorum (qui scilicet libertatè voluntatis negabant) est hominum inquit, damnare naturam, & liberum auferre arbitrium. Sed quia testimonia PP. quasi innumera sunt, nec propriè huius loci sit disputare de libertate operũ, ideo breuitatè causã, ea hic prætermittimus. Licebit autem illa videre apud Bellarminum lib. 5. de grat. & lib. arbitr. c. 25. & 26.

Porro libertas hæc radicaliter est in intellectu, quatenus dicitur quandam indifferentiam, ut explicat D. Thom. infra qu. 13. art. 6. oritur enim, ex eo, quòd scilicet intellectus potest apprehendere tanquam bonum, non tantum ipsum velle aut operari, sed etiam ipsum non velle & non agere: item quia potest in bonis particu-

laribus considerare rationem boni, & rationem defectus, qui habet rationem mali. Vbi verò illa indifferentia intellectus non concurret, siue ubi locum habere non potest, ibi etiam libertas absoluta cessat, ut circa summum bonum increatum clarè exhibitum, quod voluntas necessariò amat & vult videre, non tantum quoad specificationem actus, sed etiam quoad exercitium, quia intellectus nec potest iudicare ipsum non videre, aut non amare esse bonum, neque potest in ipso videre, & amare considerare aliquam rationem mali. Formaliter verò libertas est in voluntate rationali; vnde liberum arbitrium propriè & formaliter est rationalis voluntas cum quodã respectu & ordine ad intellectum valentem indifferenter iudicare, in modo dicto, ut docet D. Th. 1. p. q. 83. art. 3. Libertas autem actus siue operationis est tantum denominatio quædam extrinseca, desumpta ab indifferentia voluntatis in agendo, à qua propinquè aut remotè procedit, prout plures loquuntur: vel ut magis Metaphysicè loquamur, est ordo siue habitudo actus ad potentiam liberam, à qua ut tali procedit, quæ habitudo est fundamentum denominationis.

### ARTICVLVS III.

*Virum voluntarium possit esse absque omni actu?*

Notandum cum Diuo Thoma duobus modis aliquid dici Voluntarium, videlicet directè, puta quando aliquid in se expresso actu est volitum; & indirectè quando vel in alio, vel aliter ex certis circumstantijs aut occasionibus aliquid moraliter iudicatur volitum, quamuis in illud secundum se non feratur voluntas aliquo actu. Vnde hoc dupliciter potest contingere: Primò sic, ut censetur volitum in alio actu, quamuis ratio hoc in particulari non consideret expressè, neque voluntas expressè intendat. Sic qui projicit lapides in plateam hominibus frequentatam & aliquem occidit, nihil de homine occidendo cogitans, censetur indirectè seu interpretatiuè voluisse hominem occidere. Secundò, quando quis omittit aliquid aduertenter, quamuis actum non eliciat, quo velit omittere, tunc eiusmodi omisso censetur voluntaria & frequenter etiam effectus inde sequutus, quamuis nõ semper. His præmissis sit

Conclusio vnica: Numquam datur voluntarium directè absque omni actu; potest autè dari voluntarium indirectè sine omni

omni actu voluntatis. Est doctrina D. Th. & communis. Prior pars patet ex ipsa definitione voluntarij directæ. Posterior probatur: quia tamen indirectè voluntarium primo modo non sit sine omni actu voluntatis, tamè potest dari eiusmodi secundo modo absque omni voluntatis actu. Confirmatur: quia non tantum agere, sed etiam non agere, atque adè non velle potest esse voluntarium. Neque ad hoc requiritur, quod voluntas elicto actu velit non agere, aut non velle, sed sufficit quod hæc simul concurrant videlicet hominem posse & aduertere opus, & tamen non facere. Quandoquidem enim non agere seu omittere sit effectus priuatiuus, non postulat necessarij positium cõcursum voluntatis, vt ab ea dicatur causari, & proinde neque vt ab ea denominetur voluntarium. Quare prædicta simul concurrentia omnino sufficiunt, vt omisso sit voluntaria. Neq; insuper requiritur, vt id quod omittitur sit in præcepto, quemadmodum sentire videtur Almainus & Caiet. Probatur Primò: quia omisso rei non præceptæ potest esse directè voluntaria, vt si die non ieiunij velim non ieiunare; ergò etiam indirectè potest esse voluntaria, tunc videlicet quando voluntas ita se gerit, ac si directè vellet omittere: vt cum quis aduertit celebrari sacrum & sine vllo actu interiori vel exteriori omittit audire sacrum eo die, quo non tenetur audire. Confirmatur: quia voluntas non agens, dum potest, est per se causa omissionis: nam causa per se effectus priuatiui potest esse causa priuatiua. Neq; apparet fundamentum, ex quo dicatur præceptum necessarium ad hoc vt omisso iudicetur voluntaria. Probatur Secundò: quia sicut voluntas liberè potest velle audire sacrum, ac liberè actu positiuo nolle, ita etiam potest omnem actum & motum suspendere; hæc autem suspensio erit omnino libera, ergò & voluntaria, & proinde etiam omisso exterior eam consequens libera & voluntaria erit.

9 Sed quod ad effectum attinet, qui ex omissione sequitur, is non semper censetur voluntarius, quodcumque omisso est voluntaria, sed tunc solum, quando quis tenetur effectum illum euitare; alioquin dicitur tantum permittus. Docet id D. Thom. dum ait: Id quod sequitur defectum actionis, non semper reducitur sicut in causam in agens eò quod non agit; sed tunc solum, quando potest & debet agere. Declaratur exemplis: vt ex eo, quod Deus non impediatur malas hominum voluntates, sequuntur peccata, & tamè hæc non sunt Deo voluntaria, nec directè nec

indirectè; ipsa tamen omisso impediendi est ei voluntaria, quia voluntarie nõ impedit. Similiter si duo pugnent, & possim eos separare, non tamè sine periculo vite meæ: si dum ego propter meum periculum omitto illos separare, contingat eos se interficere, mors illorum non erit mihi voluntaria, quia non tenebar eam impedire cum tanto meo periculo, omisso tamen separandi voluntaria erat.

Sed Quæret aliquis: Quare effectus ex omissione sequutus magis censetur voluntarius, quando tenemur illum euitare, quam dum non tenemur cum omissione dicatur voluntaria etiam si non teneamur illum euitare? Responderetur: diuersitas rationis sumenda est ex differentiâ, quæ est inter actum voluntatis & omissionem eius vnâ ex parte, & inter effectum, qui ex omissione sequitur alterâ ex parte: nam voluntas est causa per se & positiuâ actus sui, cum vi suâ efficiendo: omissionis quoque causa est, licet priuatiua, liberè videlicet suspendendo influxum suum; vnde vtriusque est causa quasi physica. Quare hæc duo, actus videlicet & omisso actus ex respectu ad solam voluntatem liberè agentem, vel non agentem, voluntaria sunt: sed effectus, qui per accidens sequitur ex omissione, non est voluntas causa physica, & proinde necessum est, vt aliquid concurrat, ratione cuius possit censeri eius causa moralis, quod non euenit, quando illum euitare non tenemur: sed quando adest præceptum quo teneor impedire, etiam si voluntas physicè eodem modo se habeat, quæ se habet, quando non est præceptum, tamen moraliter illi imputatur tanquam volenti, quia per præceptum obligabatur ad illum euitandum seu impediendum; vnde si non impediatur, censetur causa illius. Quare Magistratus, qui in republica est obligatus ad impedienda mala, si non impediatur quando potest, censetur esse voluntaria causa malorum, quæ committuntur.

Obseruandum denique est, D. Thom. hic ad 3. indicare quod detur voluntarij non tantum absq; omni actu voluntatis, sed etiâ intellectus: quod sic intellige, videlicet non requiri actum cognitionis necessarij omnino pro illo tempore, quo censetur incurri ipsa omisso, sed sufficere deliberationem & aduertentiam, quæ præcesserunt, sic tamè vt virtute adhuc remaneant, quando omisso est.

## ARTICVLVS IV.

*Utrum voluntati violentia possit inferri?*

10 **V**olentum definitur à Philosopho Ethic. lib. 3. c. 1. Esse id, cuius principium est extra, cum id, cui vis adfertur, nihil conferat. Et sic illud explicant etiam Gregorius Nyssen. lib. 5. Philosophie cap. 1. & Damascen. lib. 2. de fide, c. 24. Vbi quod dicitur negatiue, nihil conferat, communiter exponitur positiue, ut ideum sit quod contra nitatur: non enim censetur violentiam pati, absolute & proprie loquendo, qui non resistit & auertit passionem, dum potest, quamuis ad eam aliquando nihil conferat.

Obseruandum autem est Violentum differre à Coactus, quod coactus dicat ordinem ad appetitum elicitum repugnatem; violentum vero generaliter tam ad contrariam inclinationem naturæ, quam ad appetitum elicitum: quia lapis violentiam patitur, dum mittitur sursum, non autem cogi dicitur. His vero utrisque latius patet Necessarium, quia potest hoc etiam procedere à principio intrinseco, ut patet in motu lapidis deorsum. His positis sit

11 **Conclusio Prima:** Voluntas in suis motibus non tantum imperatis sed etiam eliciendis potest impediri. v. g. ne amet vel odio habeat. Probatur: quia potest Deus in primis distrahare intellectum, mentemque auocare, ne cogitet ijs de rebus: tunc autem non potest Voluntas velle eas aut nolle. Secundò potest Deus non præbere cooperationem suam voluntati & tunc licet intellectus proponat res siue ut appetendas siue ut fugiendas, non poterit tamen voluntas prosecutionem aut fugam earum rerum elicere: sicut ignis fornacis Babylonice non poterat vrere tres pueros, subtrahente Deo suum concursum. Hic tamen non potest voluntas dici proprie cogi, quia coactus fit contra actuale appetitum voluntatis, quamuis Durand. in 2. dist. 25. quæst. 4. admittat quandam voluntatis coactionem in hac non actione, quæ posteriori modo fit.

**Conclusio Secunda:** Voluntas potest pati necessitatem in proprijs suis actibus; idque dupliciter: in primis ab ipso obiecto, quando illud est bonum infinitum & clarè propositum, ut diximus supra de amore beatifico. Deinde etiam ab extrinseca causa efficiente. verbi gratia, à Deo, ut fit in multis motibus præuenientibus omnem aduertentiam aut deliberationem, quibus accendimur ad bonum, quos pati

vel non pati in nostra non est potestate. Similiter posset Deus voluntatem nostram efficaciter mouere, ut præuia etiam rationis plenà aduertentià in opus consentiat, ita ut non consentire non possit: tunc autem voluntas in eo consensu necessitatem pateretur; non tamen sic in nobis operari Deus consuevit.

**Conclusio Tertia:** Potest voluntas non tantum necessitatem, sed violentiam & coactionem pati in actibus imperatis. Est D. Thomæ hic. Durand. sup. & ferè communis. Probatur: quia motus, qui à voluntate imperari solent, non pendent necessariò ab ipsà voluntate, sed ab alijs potentij, à quibus exercentur; quæ aliquando possunt applicari ab extrinseco agente ipsà voluntate repugnanter. v. g. reluctante homine possunt aperiri oculi & ijs obijci videnda, quæ homo videre nolit: similiter potest virgini reluctanti vis inferri; item phantasiæ multa occurrunt siue occasione obiecti extrinseci, siue ex demonis suggestionem, quæ voluntas non vult in phantasià fieri. Multò autem clariùs est voluntatē ab eiusmodi actibus posse violentē impediri, v. g. ab ambulatione, comestione & similibus, quando vult ambulare, comedere, aut simile quid agere.

**Conclusio Quarta:** Non potest homo in proprijs actionibus voluntatis absolute pati coactionem aut violentiam. Est D. Th. Caietani, Medinæ hic, & communis ferè DD. in 2. dist. 25. & in 4. dist. 29. contra Gregor. Ariminensem, & quosdam alios. Probatur: quia omnis motus voluntatis, siue sit volitio siue nolitio, est à principio intrinseco; motus autem coactus ab extrinseco esse debet voluntate absolute resistente: atqui voluntas in suo actu non resistit. Confirmatur: nam impossibile est, ut his amet & nolit amare, quia volendo amat: similiter quod oderit, & tamen nolit odire.

**Sed Obijcitur:** Potest Deus in voluntate producere actum aliquem, illà nihil cooperante, & simul fieri potest, ut voluntas absolute nolit illum actum: ut si Deus alicui immitat amorem sui, & ille nolit amare, talis amor erit coactus, quia à principio extrinseco procedit, renitente voluntate.

**Respondetur,** Non posse Deum in voluntate producere motum voluntatis, ut amorem vel odium, ipsà nihil cooperante: quia sunt actus vitales, qui non possunt fieri nisi promanando à vitâ intrinseca. Deinde ut admitteremus aliquam passionem in voluntate fieri posse ipsà renitente, & sic violentiam quandam pati, non tamen aduersaretur Conclusioni posite: quia



quia per proprios actus aut motus voluntatis intelliguntur, qui eliciuntur à voluntate, & vitaliter voluntatem afficiunt (sic enim D. Thom. in principio Corporis explicat) non autem qui tantum sunt in eâ modo mortuo, vt illæ passiones forent. Vnde D. D. communiter docent habitum per modum actus primi in voluntate posse poni, ipsâ per actum elicitum repugnante; quod non sine aliquâ passione fit. Et ratio est, quia actus primus naturâ suâ non necessario pendet ab ipso principio intrinseco, vt patet in habitibus infusis; sicuti pendet actus secundi & operationes seu motus vitales voluntatis. Dices: Ergo hic nihil peculiari attribuitur voluntati, quod non conuenit alijs potentijs, vt apparet, quia in actibus vitaliter ab eis procedentibus non possunt similiter pati violentiam. Respondetur D. Thomam non ponere hic differentiam inter voluntatem & alias potentias, quoad actus respectiue singulis proprios, vt ab illis procedunt: sed ponere differentiam tantum in voluntate in ordine ad actus, qui immediate sunt ipsius, tanquam ab ipsâ elicitis; & in ordine ad eos, qui sunt ipsius remotè, tanquam quos imperare solet: & docet quod in his possit pati violentiam vt diximus in Conclusionem tertiâ, non autem istis. Dixi in Conclusionem non posse voluntatem pati absolute vim siue coactionem in actibus elicitis; quia aliquo modo & secundum quid potest aliquando dici cogi: fieri enim potest, vt cum absoluta voluntate alicuius rei sit coniuncta quædam nolitio eiusdè, & sic quodammodo coactè velit, quia volet aliquo tamen modo repugnans: sicut accidit dum quis metu naufragij vult abijcere merces, vbi tamen non est absoluta coactio, quia multo magis homo vult quâ nolit, vt effectus satis declarat.

## ARTICVLVS V.

### *Utrum violentia causas inuoluntarium?*

13 **O**bseruandum est duplex distingui Inuoluntarium, aliud simpliciter & aliud secundum quid. Inuoluntarium simpliciter dicitur, quod omnibus consideratis voluntas absolute non vult. Secundum quid verò dicitur, quod voluntas quidem, si certæ remouerentur circumstantiæ, non vellet, sed illis positis ipsum vult. Sit nunc

Conclusio vnica: Violentia causat inuoluntarium simpliciter. Est D. Tho. hic & communis aliorum. Patet ex ipsâ ratio-

ne violentiæ, quæ requirit, vt voluntas absolute nolit actum illum, qui vi extorquetur: si namque à voluntate non recusetur, sed appetatur vel permittatur, sicuti tunc non est inuoluntarius, ita neque violentus in rigore loquendo, quia, vt habet D. Th. hic ad 2. talis licet non conferat agendo, confert tamen volendo pati: vnde non potest (inquit) dici inuoluntarium. Quare passiones Christi Domini & Martyrum non fuerunt coactæ, aut propriè violentæ, sed voluntariæ; suâ enim voluntate approbante, & cõsentiente eas sustinuerunt. Possunt tamen dici aliquo modo violentæ, quatenus à causa extrinsecâ fuerunt illatæ contra naturalem inclinationem naturæ, quâ res qualibet naturaliter refugit ea, quæ faciunt ad ipsius destructionem: non autem absolute, quia non contrâ inclinationem seu motum voluntatis rationalis, vt voluntas est, sub qua consideratione inclinatur in ea, quæ honesta & rectæ rationi consentanea sunt. Quando itaque voluntas non repugnat, tunc vis externa non tollit rationem meriti in bonis, nec demeriti in malis actibus; quia non tollit voluntarium. Imò cõtingere potest, vt voluntas physicè repugnet, & tamen censeatur moraliter cõsentire actui, què videtur violentè pati: vnde tunc tanquam voluntarius ei imputatur. V. G. si quis patiatur commotiones in phantasiâ vel corpore & voluntate repugnet, non tamen tollat occasiones, quas potest & debet tollere, censebuntur motus illi moraliter voluntarij.

## ARTICVLVS VI.

### *Utrum metus causas inuoluntarium simpliciter?*

**M**etus definitur esse mentis trepidatio, instantis vel futuri periculi causâ. Ita habetur l. 1. ff. De eo quod metus causâ gestum est. Diuiditur in metum grauem seu iustum, siue cadentem in constantem virum, & metum leuem; de quibus latè diximus in 3. p. Tractatu de Matrimonio cap. 3. Dub. 4. His præmissis sit

Conclusio vnica: Metus non causat inuoluntarium simpliciter, causat tamen inuoluntarium secundum quid. Est D. Thomæ, & communis Theologorum. Neque hic vllum inducit discrimen, quod metus sit grauis, id est, natus ex instante malo grandi, & certò aut verisimiliter valde obuenturo, vel quod sit leuis, id est, natus ex consideratione leuioris mali, vel maioris quidem, sed cuius nullum vel exiguum reuerâ

reuerà subest periculum: quia tantus potest esse renus animi in illo, qui facit aliquid ex metu leui, quàm qui ex metu graui: non enim dicitur grauis vel leuis ab intensiōe aut remissiōe actus, sed ex ratione obiectionis, cum aliquo respectu ad Personam.

Probatùr nunc prior pars Conclusionis: quia quod metu fit, omnibus consideratis est absolutè volitum. Confirmatur: quia ex vi propriæ voluntatis solet se homo applicare ad opus externum, vt dum metu mortis in tempestate abiicit quis merces in mare, illa abiectio est simpliciter voluntaria; quia considerato periculo vult absolutè homo abicere, & ex virtute illius voluntatis mouentur exteriores potèntiæ ad executionem. Item quando virgo opprimitur, & metu mortis non clamat, ipsum non clamare est illi simpliciter voluntarium: non tamen idcirco effectus inde sequutus censetur illi voluntarius, v. g. violatio. Quod bene obseruandum est. Ratio autem in eo fundatur, quia quod ex ommissione voluntaria sequitur, non censetur voluntarium, nisi id, quod omittitur, poterat & debebat ab eo fieri; iam verò non tenebatur virgo cum periculo mortis clamare, modò periculum consensus in actum vel oblectationem abiit. Sed si sine periculo clamare poterat cum spe subsidij, & non clamauerit, tunc etiam effectus sequutus reputabitur voluntarius, quia omisit, quod tenebatur præstare ad eum impediendum: neq; censetur passa violentiam, quia censetur voluisse pati & sic aliquid iuxta dicta ex D. Th. contulisse.

Posterior pars probatur: quia qui metu facit aliquid, solet habere huiusmodi voluntatis actum coniunctum, Nollem hoc facere, nisi tale malum impenderet: quia scilicet res secundum se considerata non continet rationem aliquam boni vel commodi, propter quam voluntas eam amplecteretur; ergò opus illud est inuoluntarium secundum quid: non tamen inuoluntarium simpliciter, quia vnumquodq; simpliciter esse dicitur, secundum quod est in actu: secundum autem quod est in sola apprehensione, non est simpliciter, sed secundum quid. Quod autem metu fit, est in actu volitum, prout hîc & nunc se habet, & tantum non volitum secundum quod est in apprehensione, puta quatenus consideratur secundum se, & instante malo sublato, & proinde inuoluntarium secundum quid tantum sed simpliciter voluntarium.

15 Obseruandum verò hîc est, non omnia, quæ communi modo loquendi dicuntur metu fieri, semper esse eo modo inuolun-

taria secundum quid, habereque eiusmodi affectum coniunctum actualiter aut virtualiter, Nollem facere, nisi malum hoc timerem; quod patet in salutari poenitentia & odio peccatorum conceptis ex metu gehennæ: nam qui sic commouentur ad odium peccatorum & poenitentiam salutarem, non habent tales imperfectos actus voluntatis, Nollem odisse peccata, Nollem de illis punire, nisi timeret poenas gehennæ: Imò tunc actus poenitentiae & odij peccati infructuosi essent. Quare ad illa discernenda, assignat nonnulli hanc quasi regulam; puta quòd dñ illud quod metu fit, est medium necessarium per se ad euadendum malum, quod timeatur, tunc ordinariè nõ adesse inuoluntarium secundum quid coniunctum: & hinc poenitentiam peccatoris, quæ est medium necessarium per se ad euadendam gehennam, non solere coniunctam habere displicentiam illam, quæ tam peccator nollet, nisi timeret gehennam; sed sicut omni ex parte vult fugere istud malum, ita etiam omni ex parte censetur velle medium per se necessarium: Quando autem quod metu hîc & nunc fit, est tantum per accidens necessarium ad vitandum malum, quod timeatur, tunc communiter adesse eiusmodi inuoluntarium: Sicuti quia abiectio mercium est tantum per accidens necessaria ad salvandam vitam, propter subortas tempestates, aut propter nauem non satis firmam, ideo hæc & similia solent habere coniunctam quandam repugnantiam affectus. Posset etiam non minus rectè statui hæc regula, quæ penitiùs videtur fundamentalem rationem attingere, scilicet tum esse inuoluntarium secundum quid, quod metu fit, quando hoc nullam habet rationem boni, quæ voluntati probetur præter euasione[m] mali, quod metuitur, vt in abiectio[n]e mercium videre est in periculo naufragij: Quando autè simul habet aliam rationem boni siue honesti siue vtilis, etiam si simul aliquid molestiæ contineat, tunc ordinariè non adesse eiusmodi inuoluntarium; vt v. g. quia obseruantia mandatorum Dei, poenitentia peccatoris, non tantum illam habent rationem boni, quod conducant ad euadendas poenas inferni, sed etiam quod sint consentanea rectæ rationi, & iustitiæ, ideo licet ex metu quidam illa præstent, non tamen solent censeri inuoluntaria secundum quid, nisi formarent elicitum actum repugnantem, quod nollent illa, nisi poenas timerent. Ratio reddi potest, quia tunc, licet metus occasionem det, tamen concurrat aliud motuum potius, quod etiam, non concurrente periculo mali, obtinet suum locum & vigorem,

vigorem, quod proinde tollit aut impedit illam imperfectam repugnantiam voluntatis, quæ quali per se tunc nascitur, quando tota ratio boni est tantum fuga & euasio mali.

Quod itaque ad posteriorem partem Conclusionis attinet, illa vel particulariter exponenda est, quod scilicet metus causet inuoluntarium secundum quid, non semper neque perpetuo, sed aliquando: vel si quis eam vniuersaliter velit exponere, prout doctrinales propositiones absolute possunt, solent intelligi, quodque modo loquendi D. Thomæ hic, D. Gregorii Nyss. & D. Damasceni, atque Aristotelis supra magis est conforme, tunc oportebit eam accipere hoc sensu, quod metus causet inuoluntarium secundum quid, vbi scilicet opus simpliciter & tantum ex metu vt totali motui sit, non autem de eo, vbi forsitan metus aliquod dedit initium tantum vel occasionem operi, quod alioquin continet aliam rationem boni per se gratam & acceptabilem à voluntate: & secundum eum sensum procedit etiam probatio eiusdem partis supra adducta.

Obseruandum secundum, quando Articulo precedente diximus violentiam causare inuoluntariū simpliciter, & hic dicimus metum causare inuoluntariū secundum quid non sic illa esse intelligenda quasi vis aut metus sint causa illius actus voluntatis, quo voluntas vel absolute vel aliquo modo imperfecto repugnat, à quo effectus dicitur inuoluntarius simpliciter vel secundum quid, sed quia violentia aut metus est causa illius actionis aut passionis, quam voluntas vel absolute recusat, vel ad quam est aliquo modo inuita, vt dum metu agit.

16 Sed contra primam partem Conclusionis Obijciatur: Si id quod metu sit, semper sit voluntarium simpliciter, ergo nunquam aliquid metu quamuis graui factum, erit immune à culpa, quod citra periculum & metum, esset culpabile. Respondetur, Negando Consequent. non quidem quod ex eo desinat esse culpabile, quia desit illi sufficiens ratio voluntarij, sed ex eo, quod quædam leges non obligent in casu tanti mali, quale est, quod timetur: eiusmodi sunt passim leges humanæ nisi metus forsitan incurtiatur ad contemptum legitimæ potestatis, vel coniungeretur periculum scandalis infirmorum, aut rursum immineret ex transgressionem legis graue damnum Reipublicæ: sic miles non potest metu mortis deserere stationem. Item leges diuine merè positiuæ communiter non obligant cum periculo mortis: sic Dauid in necessitate comedit panes Propositionis, quibus

non licebat vesci, nisi Sacerdotibus: Apostoli vellicabant spicas die Sabbathi: nec etiam leges suscipiendorum Sacramentorum cum illo periculo non obligant, nisi ex aliâ parte concurreret periculum æternæ damnationis vel in casu cederet in contemptum religionis aut scandalum infirmorum. Vnde idcirco Machabæi elegerunt potius mori, quam comedere porcinas carnes, de quibus non comedendis exstabat tamen lex tantum positiua diuina: sed tyrannus in religionis contemptum adigebat Iudeos ad eiusmodi carnibus vescendum, alioquin si in necessitate constituti fuissent, vbi alij cibi non suppetere, desisset lex obligare, & vesci carnibus illis licuisset. Quis autem metus quos contractus irriter, aut irritationi faciendæ reddat obnoxios, & quo iure an naturali an positiuo: explicabimus 2. 2x. de Iure & Iustitiâ Tract. 5. Cap. 1. Dub. 4.

## ARTICVLVS VII.

*Verum concupiscentia causet inuoluntarium?*

17 **C**onclusio Prima: Non causat concupiscentia inuoluntarium, sed potius augeat. Ita D. Thom. & communiter D. D. Sensus est, quod actus voluntatis rationalis, ex concupiscentia sequens, non est inuoluntarius, sed potius magis intensè voluntarius. Per concupiscentiam hic intellige quemuis motum appetitus sensitui, excepto metu, de quo iam in particulari D. Thom. pertractauit. Probatur Conclusio: quia concupiscentia blandè allicit, & alliciendo fortiter inclinat rationalem voluntatem ad illud idem volendum, in quod ipsa fertur, efficitque vt illud maiori conatu appetat. Patet in ijs, qui concupiscentijs victi vehementissimè feruntur in vltionem inimicorum vel oblectamenta carnis. Quomodo autem appetitus inferior possit mouere & inclinare potentiam superiorem, explicauimus sup. circa art. 1. & 2. huius Quaest.

Conclusio Secunda: Concupiscentia tametsi augeat voluntarium, tamen minuit liberum. Probatur: quia libertas consistit in quadam ipsius potentie indifferentiâ ad agendum & non agendum: concupiscentia verò siue passio inclinat & trahit voluntatem ad vnâ partem, & sic minuit indifferentiam. Deinde concupiscentia offundit tenebras rationi, ita vt neque prudens consilium capere, neque sanum iudicium ferre commodè possit, ex quibus tamen pendet libertas; imò aliquando totam

tam rationem perturbat, vt in ijs, qui ex amore vel irâ ad insaniam rediguntur, & tunc omnem tollit libertatem.

Vbi Primò Notandum, ipsam eo quoq; modo diminueri aut tollere ratione perfecti voluntarij, quod præsupponit perfectam finis cognitionem, & mediorum ad finem proportionem, vt antè diximus; non tamè rationem voluntarij in genere: Quatenus itaque minuit liberum, eatenus minuit culpam: & hoc est quod docet D. Th. infra quæst. 77. art. 6. & 7. vbi dicit concupiscentiam minuire peccatum, quia minuit voluntarium, intelligens liberum siue voluntarium perfectum, quando dicit minuire voluntarium.

18 Notandum Secundò, distingui à D. Th. q. iam cit. art. 6. duplicem concupiscentiam, videlicet antecedentem & consequentem. Antecedens dicitur, quæ voluntatem mouet ad aliquid appetendum eo modo, quo suprâ diximus inferiorem appetitum posse voluntatem mouere. Consequens dicitur, quam voluntas ipsa excitat: vt dum quis voluntariè in se excitat motus iræ aut alterius passionis. Quæ itaque modò diximus, intelligenda sunt de concupiscentiâ antecedente: nam consequens non augeat neque minuit voluntarium, cum non sit causa cur velimus, sed effectus, atque adeò signum intensæ voluntatis. Contingit tamen aliquando eam iam à voluntate excitatam, postea fouere & magis accendere ipsam voluntatem: sed tunc hac ratione erit antecedens respectu eiusmodi continuatæ aut magis accessæ voluntatis, poteritque augere vehementiam voluntarij & minuire eiusdem actus libertatem.

Quod de concupiscentiâ antecedente diximus, idem dici potest de habitibus, siue bonis siue malis, quod videlicet per se augeant voluntarium, & minuant liberum, quia efficiunt vt voluntas in vnam partem magis sit inclinata, in eamque cum maiori conatu moueatur; consuetudo enim quodammodo est altera natura, & instar naturæ ad vnâ partem quodammodo determinat. Deinde habitus, sicut & affectiones appetitus, mouent ipsum intellectum ad vnam partem speciosius proponendam, vt sic voluntas ad eam amplectendam magis prouocetur: habitus enim prauus facit bonum delectabile apparere magis delectabile, eiusque malitiam quasi occultat: è contra habitus bonus causat vt honestas illustrior appareat, & sic magis voluntas ad eam amplectendam moueatur.

Obseruandum tamen est, eiusmodi habitus in æstimatione morali sæpius non minuerent libertatem, & proinde nec ratio-

nem meriti aut demeriti actum, qui ex illis causantur, vt colligere est ex D. August. lib. 12. De Ciuit. cap. 3. quando nimirum per actus liberos quis sibi habitum comparauit, & in eodem sibi perseueranter complacet; secus autem se rem habere, si quis iam pœnitentiâ ductus de malâ consuetudine doleat, eamque studeat imutare & euertere: tunc enim actus ex illa suborientes censentur magis aut minus voluntarij ac liberi, prout voluntas cum nouâ rationis aduertentiâ in illos feratur maiori aut minori conatu.

## ARTICVLVS VIII.

*Virum ignorantia causas inuoluntarium?*

**V**Ariz à Doctõribus passim assignantur Ignorantiæ diuisiones.

Prima sit: alia est Ignorantia Vincibilis, alia Inuincibilis. Vincibilis dicitur, quam is qui ignorat, potest deponere, faciendo quod tenetur præstare, & tamen non deponit: & solet hæc etiam vocari Ignorantia Voluntaria, item Culpabilis, quando est de rebus scitu necessarijs; de cuiusmodi hic solum agimus, quia aliarum rerum ignorantia ad materiam moralem per se non spectat.

Subdiuiditur autem Vincibilis in Affectatam, in Crassam seu Supinam, & Vincibilem strictè acceptam. Affectata dicitur quando quis directè vult ignorare quippiam, vt opus aliquando liberius faciat. Tali ignorantia laborarunt, qui apud Iob cap. 21. dixerunt Deo: *Recede à nobis, scientiam viarum tuarum nolumus*: Et de quo dicitur apud Psalmistâ, *Noluit intelligere, vt bene ageret*: Item & illi qui dubitant de opere aliquo, an sit peccatum, & nolunt inquirere veritatem, vt minorem habeant conscientie remorsum in exercitio operis, vel vt minus quasi peccent prætendèdo ignorantiam. Crassa dicitur, quando quis non quidem directè vult ignorare, sed tamen facili negotio posset rem cognoscere, si operam aliquam adhiberet. Huiusmodi ignorantia communiter laborant fideles, qui ignorant articulos fidei & peccata manifestè repugnantia Decalogo. Vincibilis strictè accepta dicitur, quando quis adhibuit aliquam operam ad cognitionem acquirendam, sed non tantam quantam adhibere debebat.

Ignorantia verò Inuincibilis dicitur, quam quis superare non potest, adhibitis omnibus, quæ adhibere potest & debet ad eam depellendam: & alio nomine dicitur **Inuolun-**

Inuoluntaria, item Inculpabilis: apud Iureconfultos autem dicitur Iusta & Probabilis. Talis inprimis est ignorantia, quando quis nullo modo aduertit se tale quid ignorare, quia illius rei cogitatio nunquam directè vel indirectè in mentè eius inciderit; hæc enim humano more depelli non potest: sic mysteria Christianæ religionis inuincibiliter ignorantur ab ijs, qui nunquam de Christo, aut quicquam de eius Euangelio audiuerunt: vnde illa ignorantia non est ijs nouum peccatum; nec tamen ideo saluabuntur, quia cognitio Mediatoris Christi eiusque fides est medium necessarium ad salutem. Deinde inuincibilis ignorantia quoque laborare censetur, qui dum sciunt vel dubitant se ignorare, siue non satis de rei veritate informatos, adhibent illud studium & operam ad discendum siue intelligendū quid fieri debeat, quale studium spectatis circumstantijs personæ ac rei & alijs, possit iudicari humano more sufficiens ad cognitionem competentem acquirendam. Tunc enim si remaneat adhuc ignorantia censetur vinci non potuisse.

Pro cuius rei maiori explicatione obseruandum Primò, Tria assignari posse generalia media, quibus pellatur ignorantia & cognitio comparetur. Primum est veritatis indagatio proprio Marte siue proprio ingenio facta, quæ quis per se res examinando, veritatem inquit. Secundū est recursus ad viros intelligentes & bonos, ac potissimum ad pastores & superiores eos, quorum est custodire scientiam talium rerum, circa quas hæsitamus. Tertium est recursus ad Deum, vt ipse nos illuminet, instruat & dirigat.

Obseruandum Secundò, In quibuscumque dubijs, etiam quæ sunt iuris diuini aut fidei Christianæ, non licere humana media à Deo ordinata & instituta prætermittere, quando ea suppetunt, & à Deo solo per inspirationem vel per aliam extraordinariam viam petere & expectare veritatis manifestationem aut instructionem debitam, vt bene docet Adrianus Quodlib. 4. non longè ante medium, §. Ex opposito, & communiter Scholastici omnes, contra quosdam Hereticos: nam cui humanitus consilium vel auxilium suppetere potest, si salutem suam spiritualem vel corporalem soli Deo committat, omisso seu neglecto humano subsidio, Deum tentare conuincitur, vt habet Adrianus sup. ex D. August.

Obseruandum Tertiò, satis etiam conuenire inter D.D. quoad ignorantias & dubia, quæ circa ius humanum occurrunt, sufficere post proprium examen, consu-

luisse desuper viros in eà materia intelligentes & probos, ita vt si error vel ignorantia remaneat, habeatur illa inuincibilis. Pro rei tamen grauitate & difficultate maiori vel minori, est quoque maior vel minor adhibenda sollicitudo, ita vt aliquando vnum sufficiat consuluisse, aliquando necessum sit plures consulere, vt censeatur non temerè vel leuiter quis egisse; de qua re prudentes iudicabunt: sicut in leui morbo non plures medici, vel de longinquo vocantur sicut in morbo graui. Addidi, & probos, quia iuxta Sapientem Ecclesiast. 37. *Anima viri sancti enunciat aliquando vera, quam septem circumspectores sedentes in excelso ad speculandum.* Similiter in ijs, quæ facti sunt, satis concorditer tenetur, sufficere quod quis per se vel per alios adhibuerit diligentiam eam, quæ in similibus negotijs adhiberi solet. Sic ab omnibus excusatur Iacob, qui accessit ignoranter ad Liam quia communi modo accessit, sicut viri ad vxores accedere solent: neque tenebatur maiorem diligentiam adhibere, quando illius fraudis non præsererat indicia. Similiter si mulier simplex dubitet an possit nubere, dum putat maritum mortuum, quia per annos aliquot absuit, & de eo nihil audiuit, atque idcirco consulat pastorem, qui habeatur vir bonus & doctus, & respondeat licere, erit mulieri ignorantia inuincibilis, si quæ remaneat & nubat.

Obseruandum Quartò, difficultate esse de tertio medio, quando ignorantia vel dubiū occurrit circa ea, quæ sunt iuris diuini. Adrianus enim in 4. quæ. de Restitutione §. Circa hæc occurrit, & Quodlibeto supra citato cum quibuldā antiquis Scholasticis, ab eo ibidem allegatis, existimat vt ignorantia in ijs quæ iuris diuini sunt, habeatur inuincibilis, oportere ad Deū recurrere per orationes & conscientie emundationē, ab eoque efflagitasse instructionem & directionem. Sed id vniuersaliter & perpetuò verū esse communis hoc tempore negat opinio: Franc. à Victoria Relectione de Indis cōcl. 1. Vega l. 6. de Iustificatione, c. 18. Pet. de Zoto Tract. de ratione medendi peccatis, lect. 2. Vasquez hic tom. 1. disp. 120. c. 5. Mald. disp. 38. §. De Inuincibili ignorantia, & alij. Nam inprimis quando nulla occurrit homini dubitatio vel dubitationis occasio de tali vel tali lege diuina, v. g. de lege baptismi apud eos, qui nihil vniuersum de Christo audiuerunt, nulla videtur esse ratio aut fundamentum, vnde eiusmodi ignorantia possit dici tali culpabilis, vel directè aut indirectè voluntaria, etiam si per penitentiam aut orationem non requiserit eius cognitionem, cum nullum

II habuer-

habuerit principium, ex quo potuisset cepisse inquirere talis legis cognitionem: deinde ut enam occurreret cogitatio aut dubitatio circa ius aliquod diuinum, poterit tamen etiam remanere ignorantia inuincibilis absque tertio illo medio adhibito, verbi gratia: si simplex aliquis fidelis dubitet, an debeat fide credere hanc vel illam veritatem, & desuper interroget pastorem suum, qui est vir doctus & probus ac cum Ecclesiâ communicat, si tunc error remaneat, erit fideli illi inuincibilis. In casu tamen potest esse verum, quod Adrianus docet, verbi gratia: quando est necessarium aut valde vtile aliquid scire, quod viâ aliqua communi & ordinariâ sciri non potest, nisi peculiari Dei illuminatione, tunc opus erit adhibere orationes, conscientiæ emundationem, & alia opportuna media, quibus à Deo possit instructio impetrari. Quod in primis locum habere potest in superioribus Ecclesiæ, quando agitur de alicuius iuris diuini intellectu & interpretatione, ut quando nondum definitum erat, utrum per uxoris adulterium solui posset matrimonium quoad vinculum. Item quando de decisione quæstionum fidei agitur, quamuis enim Christus suam assistentiam Ecclesiæ promiserit, vult tamen eandem quoque orationibus, ieiunijs & alijs conuenientibus modis implorari. Idem quoque locum potest habere in priuatis, quibus primum fides annuntiatur, qui necdum Ecclesiæ auctoritatem agnouerunt; debent enim illi merito tunc se à peccatis expurgare, aut saltem ab ijs abstinere, & quantum possunt de præteritis dolere, ac orare, ut Deus ipsis cor aperiat ad veritatem percipiendam, nec permittat à falsis Prophetis circumueniri & decipi: frequenter enim peccatis hominum Deus offensus permittit aut falsa suaderi per subdolos, iuxta illud Ezechielis capite 14. *Iuxta iniquitatem interrogantis sic iniquitas Propheta erit*; aut si veri Prophetæ siue prædicatores vera annuntient, permittit in peccatorum poenam, ut vel omnino non intelligant, vel malè apprehendant, iuxta illud Isaïæ 29. cap. *Erit vobis visio omnium sicut verba libri signati*. Et Psalm. 68. *Obscurentur oculi eorum, ne videant*. Denique potest etiam accidere in fidelibus priuatis aliquando, ut si quis versetur in dubio de statu eligendo, possit quidem viros spirituales consulere, sed simul oportet quoque negotium Deo per preces commendare, ut dignetur siue aliorum consilio siue internâ motione sic hominem dirigere, ut amplectatur statum, qui futurus sit maxime salutaris.

Secunda diuisio Ignorantiæ est, iuxta quam alia statuitur esse Iuris, alia esse Facti. Verbi gratia: si ignorem prohibitionem esse communicationem cum nominatim excommunicato, est ignorantia iuris: si autem ignorem Petrum esse nominatim excommunicatum, est ignorantia facti. Vtraque autem aliquando potest esse vincibilis, aliquando inuincibilis, quod iuxta modo dicta venit diiudicandum. Nominis Iuris, intelligit tam ius naturale quam positium, tam diuinum quam humanum: Nominis Facti autem intelligitur opus ipsum, tum circumstantias operis. Vnde quando Iacob accedebat ad Liam, licet sciret se accedere ad mulierem, laborabat tamen ignorantia facti, quia ignorabat circumstantiam mulieris, videlicet eam non esse suam, quam putabat esse suam.

Tertia diuisio: Ignorantia aliquando est absoluta, ut nequidem in habitu cognoscamus, aliquando est tantum quasi inaduertentia, & obliuio: & hæc potest quoque esse inculpabilis, quando videlicet quis eo tempore, quo omittit id quod erat faciendum, vel facit id quod erat omittendum, nihil planè cogitat de re quæ omittit vel de prohibitionis eius quam facit, nec de alia, quæ possit facillè illum deducere in cogitationem illius, neque; antea se voluntariè exposuit periculo talis incogitantia. Aliàs censetur voluntaria, saltem indirectè, & sic culpabilis; ut si quis se inebriet, vnde sequitur omisso horarum vel Missæ in Festo.

Quarta diuisio: Ignorantia in ordine ad opus, quædam est Antecedens, & quædam Concomitans. Antecedens dicitur, quæ est quodammodo causa operis, id est, quæ si abesset & haberetur rei cognitio, non fieret ipsum opus: ut si quis putans occidere inimicum, occidat parentem; & tum dicitur operari ex ignorantia. Concomitans autem dicitur, quæ coniuncta est cum opere, sed tamen nullo modo est operis causa; quin & opus factum fuisset licet abfuisset ignorantia: ut si quis putans occidere feram, occidit inimicum, quem voluisset occidere, etiam si sciuisset ibi inimicum esse.

Quinta diuisio: Ignorantia in ordine ad voluntatem quædam est Antecedens, quædam Consequens. Dicitur antecedens ad voluntatem, quæ nullo modo est voluntaria. vnde videtur coincidere cum ignorantia inuincibilis. Consequens dicitur, quæ directè vel indirectè vel interpretatiuè est voluntaria. His præmissis sit

Conclusio Prima: Ignorantia, quæ est antecedens, tam in ordine ad voluntatem, quam

quàm in ordine ad actum, causat simpliciter inuoluntarium negatiuè, quamuis nò positiuè, id est, efficit, vt actus sequens nullo modo sit volutus, quamuis non efficiat, vt sit actu positiuo nolitus. Declaratur: quia actus sequens neque est volutus in se, cum non sit cognitus in se, imò si fuisset cognitus, voluntas noluisset; neque etiam est volutus in suâ causâ, cum & ipsa ignorantia sit omnino inuoluntaria: ergò opus sequens nec directè nec indirectè nec villo modo est volutum, & consequenter excusatur à culpâ.

Conclusio Secunda: Similiter ignorantia antecedens in ordine ad voluntatem, & concomitans in ordine ad opus, causat quoque simpliciter inuoluntarium negatiuè. Probatur eadem ratione, quâ Conclusio præcedens. Vnde si quis in emissione sagittæ adhibuerit debitam & sufficientem diligentiam, ne aliquem lædat, & interim occidat inimicum casu superuenientem, quem si præsciuisset venturum, voluisset occidere, censetur tamen illa occisio inimici absolute non voluntaria, & proinde inculpabilis: quia ad purgandum actum à culpâ non requiritur quòd sit positiuè nolitus, sed satis est quod neque directè nec indirectè neque interpretatiuè possit dici volutus, quod hic accidit. Quando tamen postea illi complacet inimici occisio, ubi eam cognouit, tunc voluntate committit peccatum homicidij.

Conclusio Tertia: Ignorantia tam antecedens quàm còcomitans in ordine ad opus, quæ tamen est consequens in ordine ad voluntatem, (id est, quæ directè vel indirectè est volutaria, siue quæ vincibilis est) facit vt actus sequens non sit directè voli-

tus; sed non sufficit vt absolute sit non voluntarius, quin potius talis actus censetur simpliciter volutarius. Probatur prior pars: quia ignorantia tam antecedens quàm concomitans in ordine ad opus, occultat ipsum obiectum, vnde voluntas non potest expresso actu in illud ferri secundum quod ignoratur. Probatur posterior: quia qui vult antecedens, vnde malum sequi natum est, censetur etiam velle ipsum consequens malum; ergò qui vult directè vel indirectè ignorantiam, etiam vult id quod inde sequitur. Vnde dum quis incautè emittendo sagittam, non adhibita debita diligentia occiderit hominem, siue amicum siue inimicum, censetur voluisse occidere hominem saltem indirectè; dum voluit incautè sagittam emittere. Prout tamen negligentia in præuidendo malo fuerit maior aut minor, etiam maior aut minor erit culpa: quantò enim ignorantia minus est voluntaria, tantò plus diminiuit de culpâ operis sequuti. Hinc ignorantia affectata, sicuti secundum estimationem moralem non minuit voluntariū, quia ipsa est totaliter voluntaria, ita neque minuit culpam. Crassa quoque parum de grauitate culpæ tollit. Vincibilis autem strictè accepta, quemadmodum longè minus est voluntaria quàm istæ aliz, ita etiam reddit opus multò minus culpabile: imò si aliquando tantum ex negligentia veniali remaneat, poterit ita minuire voluntarium operis sequuti ex ea, iuxta quosdam D D. vt culpam venialem non excedat, licet fieret contra præceptum de re graui. Vide Siluestrum verbo Ignorantia num. 10.

## QVÆSTIO SEPTIMA.

### De circumstantijs actuum humanorum.

#### In quatuor Articulos diuisa.

##### ARTICVLVS I.

*Verum circumstantia sit accedens actus humani?*

**C**ONCLUSIO Diui Thomæ est affirmatiua. Et probatur quia particulares conditiones actus, quæ sunt extra eius substantiam, & tamen eam aliquo modo attingunt, vocantur circum-

stantiæ: atqui omne illud, quod attingit aliquo modo rem, & est extra eius substantiam, rectè potest dici accedens eius; ergò circumstantiæ benè dicuntur accidentia actus humani.

Sed notandum hic est, actum humanum duobus modis posse considerari. Primo secundum Esse naturale, quatenus est actio quædam, quæ naturalibus potentijs circa certum obiectum exercetur. Iuxta quam considerationem non differt v. g.

H ij Esse

Esse actus fornicarij ab Esse actus coniugal-  
is: neque homicidij ab Esse actus iusti-  
tiæ. Secundo modo potest considerari se-  
cundum Esse morale: quatenus videlicet  
est actio libera & consentanea vel dissen-  
tanea rationi & legibus: quo pacto dum  
consideratur fornicatio primùm differt ab  
actu coniugij.

Hinc iam controuertitur, Vtrum actus  
humanus habeat circumstantias secundū  
Esse morale an verò tantum secundum  
Esse naturale. Posterius vult Durandus  
in 4. distinct. 16. quæst. 3. Ratio eius est,  
quia illæ conditiones, quæ videntur esse  
circumstantiæ, sunt de natura actus mor-  
alis, quatenus moralis est. Declaratur:  
nam de ratione actus temperantiæ est, vt  
fiat debito modo, loco, tempore, & vt  
versetur in debita quantitate & qualitate  
cibi, & sic in alijs. Quidam verò distin-  
guunt actum interiorem ab exteriori: &  
exteriorem dicunt habere circumstantias;  
Interiorem verò habere negant. Ita Caietan-  
us infra quæst. 18. artic. 3. Ratio eius  
est, quia omnes circumstantiæ compara-  
tæ ad actum interiorem se habent veluti  
partes obiecti ipsius secundum Esse mor-  
ale, & proinde dant simul speciem ac-  
tus interioris, vnde non manent circum-  
stantiæ.

2      His tamen non obstantibus, Respon-  
deo & dico Primò: Actus humanus non  
tantum secundum Esse naturale, sed et-  
iam secundum morale habet veras cir-  
cumstantias. Probatur: quia in actu mo-  
rali vt tali, considerare est conditiones  
aliquas, quæ possunt adesse & abesse, ma-  
nente eadem specie morali actus, quæ ta-  
men actui in specie moris, id est, in boni-  
tate vel malitiâ multum conferunt; ergo  
actus moralis quatenus talis est, habet  
circumstantias. Probatur: nam, verbi gra-  
tiâ, intensio vel remissio actus potest ad-  
esse & abesse, manente eadem specie, &  
tamen multum confert; quo enim actus  
est intensior, eo est melior, si sit actus  
virtutis, & peior, si est actus vitij; serua-  
tâ tamen eadem specie. Item quantitas  
rei ablatæ in furto multum auget crimen,  
tamen in eadem specie. Similiter locus,  
vt quoddam furtum fiat in Ecclesia. Vnde pa-  
ter propositionem veram esse non tantum  
in circumstantijs, quæ aliquid conferunt  
intra eandem speciem, sed etiam de ijs,  
quæ nouam speciem addunt, sicut cir-  
cumstantiæ loci sacri addunt furto sacri-  
legij speciem. Negandum tamen non est  
quoddam dari circumstantias ipsius actus  
secundum esse naturale, quæ non censetur  
nec reputantur eius circumstantiæ se-  
cundum esse morale, verbi gratiâ, dare

eleemosynam manu dextrâ vel sinistrâ,  
per se aut per famulum, quia licet aliquo  
modo afficiant esse physicum illius actio-  
nis, nihil tamen mutant vel addunt aut  
conferunt ad esse eius morale.

Dico Secundò: Non tantum actus hu-  
manus exterior, sed etiam interior actus  
voluntatis potest habere veras circum-  
stantias secundum esse moris. Est contra  
Caiet. loco sup. cit. & contra Azorij l. 2. c. 4.  
vt habet Malder. hic disp. 39. dubit. 1. vbi  
dicit rectius illos loqui, qui exterioris ac-  
tus circumstantias dicunt esse circumstân-  
tias etiâ interioris: potest n. actus interior,  
imò solet ita considerari (inquit) vt prima-  
riò quiddē terminetur circa obiectum vnde  
primam speciem moralem accipit: secun-  
dario autem circa accidentia illius obiecti.  
Sed pro pleniori intellectu obser-  
uandum est, in exteriori actu, qui est ob-  
iectum interioris actus voluntatis, con-  
currere quasdam conditiones, quæ sunt  
omnino necessariæ, vt ipse habeat ratio-  
nem obiecti honesti, vel turpis, in tali vel  
tali specie. Verbi gratiâ: In concubitu  
cum muliere, nisi consideretur vt sit cum  
suâ vel non suâ, non habet rationem ob-  
iecti honesti vel turpis: vnde quando in-  
telligitur addi huic actui hæc conditio,  
quodd sit cum suâ, vel illa, quodd sit cum  
non suâ, tunc non additur ei circumstan-  
tia, sed ponitur actus in esse morali: si-  
militer in exemplo suprâ allegato de tem-  
peratâ comestione; vt enim comestio ex-  
terior sit obiectum interioris actus tem-  
perantiæ, oportet illam exteriorem actio-  
nem consistere in medio, atque adeò fieri  
conuenienti tempore, loco, quantitate,  
modo & fine. Quare licet huiusmodi con-  
ditiones collatæ ad externam actionem  
secundum esse naturæ, dici possint cir-  
cumstantiæ, tamen comparatæ ad ean-  
dem, vt est obiectum honestum, & virtu-  
tis temperantiæ, sic non sunt circumstan-  
tiæ eius, sed veluti quædam perfectiones,  
quæ integrum obiectum virtutis & bo-  
num perfectum in ratione moris consti-  
tuunt. Vnde actus interior virtutis ten-  
dit in actionem illam externam, omnibus  
istis conditionibus vestitam, per modum  
vnius, & sub vna ratione boni, quæ ex  
omnibus illis confurgunt, à quâ speciem  
suam moralem primam desumit; & si ali-  
qua illarum conditionum deesset, non su-  
meret actus interior eandem speciem mor-  
is, quia non maneret in obiecto eadem  
ratio boni. Aliæ verò sunt conditiones,  
actus exterioris, quæ totam rationem mo-  
ralem tam in actu interno, quàm externo  
præsupponūt, & possunt adesse vel abesse,  
eadem illâ morali ratione permanente, &  
tamen



tamen aliquid conferunt etiã actui interiori, quod ad genus moris pertineat: & istæ sunt veræ circumstantiæ, non tantum exterioris actus, qui habet rationem obiecti honesti vel turpis, sed etiam ipsius actus interioris, vt ex definitione ipsius circumstantiæ satis potest ostendi. Sic v. g. ad concubitum cum non sua, vbi iam constitutum est obiectum morale inhonestum, potest accedere quod non sua sit virgo: rursum quoddam concubitus ille fiat ipsa renitente. Similiter ad concubitum cum sua potest accedere, quod fiat ad reddendum debitum petenti, vel ad præcauendum incontinentiæ periculum in se vel in coniuge. Ita quoque dum vult quis dare elemosynam, potest accedere, vt faciat eo fine, vt Deo placeat: & sic in alijs.

Hinc patet Responsio ad rationem Durandi: Quamuis enim contingat conditiones aliquas, quæ sunt circumstantiæ respectu actus exterioris iuxta eius esse naturale, transire in rationem & quasi substantiam eiusdem secundum esse eius morale, non tamen omnes eius conditiones, quæ ei accidunt aut circumstant, sunt tales, vt ita sese habeant ad eius esse morale, prout ex iam allegatis exemplis satis constat, & proinde nihil obstat quò minus dentur veræ circumstantiæ actus humani etiam secundum esse moris.

Ad rationem verò Caiet. Respondetur, Non omne illud, quod quomodolibet censetur volitum, transire in obiectum volitionis interioris, sed debere esse volitum eã volitione, in cuius dicatur transire obiectum, tanquam partem eius, quod primo eam volitionem constituit in specie moris; alioquin si tantum volitum sit illa volitione quasi accessorie, ita vt eo præciso, nihilominus ipsa volitio retineat suã speciem actus moralis, non reputabitur illud ingredi rationem seu substantiam obiecti talis voluntatis, sed tantummodò habere rationem accidentis, seu circumstantiæ ipsius obiecti, & consequenter quoque respectu actus, qui circa obiectum versatur. Si tamen quis consideraret eam volitionem non tantum vt est voluntas huius obiecti moralis, quod est vnum per se in genere moris, sed vt simul est vestitum omnibus circumstantijs siue accidentibus, v. g. si quis consideret voluntatem fornicandi hic & nunc, non tantum vt voluntas fornicandi est, sed simul vt est voluntas fornicandi cum virgine, sic quoque conditiones illæ accidentariæ, vt hæc circumstantia virginittis, transeunt quasi in partem obiecti, & sit veluti obiectum accidentaliter compositum in genere moris;

& consequenter sunt quasi de substantiã illius complexæ seu compositæ voluntatis, quã quis expressè vult obiectum & circumstantias: sunt (inquam) de substantiã illius voluntatis seu volitionis, eo modo, quo obiectum dicitur constituere speciem actus, propter ordinem videlicet actus ad obiectum: Quare in exemplo iam allegato, dum sic res consideratur, quod mulier non sua & vt virgo expectatur, non erit iam virginittas, circumstantia, sed partiale obiectum; sicuti doctrina licet sit accidens hominis, tamen pertinet ad plenam & quasi essentialem rationem hominis docti.

## ARTICVLVS II.

*Vtrum circumstantia humanorum actuum sint consideranda à Theologo?*

Conclusio est affirmatiua. Rationes D. Thomæ sunt: quia circumstantiæ faciunt ad augmentum meriti aut demeriti: similiter ad rationem virtutis & vitij. Idem probari potest ex Concil. Trident. Sess. 14. cap. 5. vbi dicitur, peccata sine illis nec integrè explicari, nec eorum grauitatem satis posse sine illis sacerdoti innotescere. Quare circumstantiarum cognitio inprimis necessaria est pastoribus & confessorijs, vt possint conuenienter iudicium in foro penitentiarum exercere.

## ARTICVLVS III.

*Vtrum conuenienter enumerentur circumstantiæ à Philosopho lib. tertio Ethicorum?*

Conclusio est affirmatiua, rectè scilicet enumerari circumstantias septè, quæ continentur hoc versiculo:

Quis, Quid, Vbi, Quibus auxilijs, Cur, Quomodo, Quando.

Quibus rectè additur octaua, videlicet Circa quid: quamuis nonnulli velint eam comprehendere sub circumstantiã Quid. Hunc circumstantiarum numerum ad eum ferè modum colligit D. Thomas. Quæ circumstant actiones, vel se tenent ex parte ipsius actionis, vel ex parte causæ, vel ex parte effectus: hæc ex parte actionis sunt, vel se habent instar qualitatis & modi actionis, vel se habent per modum mensuræ actionis: cum autem duplex sit mensura, videlicet locus & tempus,

H iij nascuntur

nascuntur ex parte actionis tres circumstantiæ, videlicet modus quo fit, tempus, & locus: ex parte causæ similiter tres aliæ se tenent, videlicet finis, efficiens causa principalis & instrumentaria, quibus adiungi potest quarta scilicet causa materialis siue Circa quid: ex parte denique effectus est vnica videlicet Quid.

Vbi obseruandum est, per circumstantias modo prædicto expressas non significari eas conditiones, quæ per se necessariae sunt ad humanum actum efficiendū, & constituendum, licet nomina prædicta illas quoque significant: sed eas dumtaxat, quæ accidentaliter coniunguntur causis necessarijs ad actum. V. G. circumstantia *Quis* non hic significat simpliciter personam operantem, v. g. hominem, sed conditionem eius aliquam, per accidens illi confundam, quæ aliquid conferat ad bonitatem vel malitiam operis, vt esse personam publicam, esse sacerdotem &c. Sic *Quid* non significat primarium effectum, sicuti nec Circa quid primarium obiectum ipsius actus, sed effectum aliquem, qui per accidens sequitur ad primarium, vt si sequatur magnum damnum vel magnum commodū; sicut Circa quid, significat conditionem obiecti, vt quod res ablata esset sacra.

Circumstantia *Quomodo* multa continet, vt quo conatu, an liberè an coactè, vtrum scienter an ignoranter, an ex aliqua infirmitate, an ex malitiâ. Cur significat finem extrinsecum; vt si quis det elemosynam propter vanam gloriam, vel propter autorem Dei.

Vbi & hoc notandum venit, duplicem posse considerari finem operis. Vnus est, qui actioni est proprius, & ad quem ipsa habet intrinsecum & quasi essentialem ordinem, & hic non habet rationem circumstantiæ. Alter est actioni extrinsecus, & quasi ab ea extraneus. Sed quem operans sibi in tali actione proponit, & ad quem dirigit eandem. v. g. furti finis vnus est, vt quis habeat rem alterius & hic illi intrinsecus est. Alter autem aliquis potest acce-

dere quem fur sibi proponit & intendit, v. g. vt mediante re furtiua obtineat consensum puellæ ad fornicationem; & hic censetur extrinsecus ac habere rationem circumstantiæ. De quo tamen mouetur difficultas, quomodo sit circumstantia, cum videatur esse formalis ratio, quæ moueat voluntatem. Respondetur, id non obstarè, quò minus maneat circumstantia furti ac voluntatis furandi, quatenus voluntas furti est: quia actus humani essentiam sumunt à proprijs obiectis, non à fine operantis, quamuis sit ratio applicationis ad actum, indeque possit quasi noua species bonitatis aut malitiæ accedere. Quare sicuti moralis consideratio finis intrinseci boni vel mali, quem homo in ipsâ operatione respicit, relinquit actionem in specie naturæ, sic etiam consideratio alterius finis extrinseci (esto quòd noua species moralis inde exurgat) relinquit nihilominus priorem speciem in suâ substantia.

Circumstantiæ Vbi & Quando non significant simpliciter tempus & locum, sed aliquas conditiones accidentarias loci & temporis, quæ aliquid ad bonitatem vel malitiam conferant, vt quòd tempore missæ, quòd die Festo, quod in templo &c. aliquid fiat, vel omittatur.

#### ARTICVLVS IV.

*Verum sint principales circumstantiæ  
Propter quid & Quid?*

**R**esponsio D. Thomæ est inter circumstantias, finem seu Propter quid obtinere primum locum: quia actus dicuntur humani potissimum quatenus voluntarij sunt, circumstantia autè Propter quid, est quæ principaliter mouet voluntatem. Secundum verbò locum tenere *Quid* siue effectum sequutum ex ipso opere; quia post finem maximè iudicamus actum ex effectibus sequutis commodis videlicet vel incommodis:

## QVÆSTIO OCTAUA.

*De voluntate, quorum sit vt volitorum.*

*In tres Articulos diuisa.*

**D**ECEM Quæstionibus sequentibus versatur D. Thomas in explicandis actibus voluntatis tum elicitis tum imperatis, quibus homo à primo

affectu seu amore erga bonū aliquod, suæ aliquem finem progreditur vsq; ad ipsius consequutionem. Tribus autem proximè sequentibus Quæstionibus agit de Volitione,

tionem, & quidem hæc obiecta de eius obiecto: non de causâ voluntatis motiua: decima de modo quo mouetur. De fruitione agit Quæst. 11. & de Intentione Quæst. 12. Deinde agit de quinque actionibus, quæ versantur circa media, cum tres iam enumeratæ versentur circa finem; actiones verò istæ sunt electio, consilium, consensus, usus, & actus externi imperari.

## ARTICVLVS I.

### *Vtrum voluntas sit tantum boni?*

**S**ensus Articuli est, ut D. Thom. satis explicat, Vtrum voluntas prosequendo nihil velit siue appetat, nisi quod aliquo modo bonum est.

Conclusio est affirmatiua: & tenetur communiri a Scholasticis Caiet. & Medina hic, Bonauent. in 2. d. 34. ar. 1. q. 3. Gabriele ibidem q. 1. ar. 3. & alij, contra Ockam in 3. quæst. 13. Ioannem Maiorem in 2. d. 43. qu. 2. & alios quosdam Nominales. Probatur Primò authoritate SS. Patrum. D. Dionys. de Diuinis nominibus cap. 4. dicit neminem spectare malum in opere suo. D. August. 1. 2. Confess. cap. 4. docet omne peccatum committi appetitu alicuius boni, quamuis infimi. Et cap. 5. ostendit omne peccatum tendere in aliquid habens speciem boni, quod in Deo est verum bonum, ut ex eodem supra q. 1. a. 6. concl. 6. retulimus. Idem docet Damas. 1. 2. de Fide c. 22. & per se satis videtur euident. Probatur tamen Secundò ratione D. Thomæ: quia naturale pondus voluntatis inclinatur in id, quod homini aliquo modo est conueniens, sicut cuiusque rei inclinatio naturalis est in id quod ei bonum est: atqui appetitio elicitâ à voluntate est aliquo modo conformis inclinationi naturali eius, nam est operatio & exequutio ipsius; ergo non tendit quoque nisi in id, quod est conueniens aut bonum, nõ quidem quod debeat absolute esse bonum, sed saltem apprehendi esse aliquo modo bonum siue honestum, siue vtile, siue delectabile.

**C**ontrâ tamen obijciuntur varia argumenta. Atq; in primis videtur posse appeti purum malum sub ratione mali propter vim libertatis. Quod declaratur primò, Quia quidam appetunt non esse, aut in nihilum redigi, in quo nihil est boni. Secundò, Qui odit inimicum, vult ei malè, idque tantummodò, ut illi malè sit: hoc enim differt odium ab irâ, quod odium vult malum sub ratione mali, siue ut proximo malè sit; irâ autem vult malum sub ratione vindictæ, ut docet D. Thom. qu.

12. de malo, Artic. 4. Tertiò, Dæmones volunt peccatū, quatenus est offensa Dei; ergo quatenus purum malum. Quartò, Potest quis nolle beatitudinem ad ostendam libertatem; ergo potest velle purum malum. Quintò, Propositis duobus bonis potest voluntas eligere, quod intellectus iudicauerit minus bonum; ergo etiam propositis duobus, quorum vnum est bonum & alterum malum, poterit voluntas eligere malum.

Respondetur ad primum argumentum: Qui appetunt non esse, non appetunt hoc sub ratione puri mali, sed ut quodammodo bonum, videlicet tanquam liberationem ab omnibus miserijs; carere enim miserijs quoddam bonum est: sicut enim dolor, & tristitia sunt quædam positiua mala naturæ, ita carentia eorundem est quoddam veluti priuatiuum bonum, ad quod assequendum appetunt non esse, tanquam conueniens medium ad illud.

Ad secundum Respondetur: Qui odit inimicum, vult quidem illi malum, ut ipsi malè sit, sed hoc tamen vult, ut inde sibi bonè sit; nam malum alterius apprehendit sub ratione proprii boni, quo ipse delectetur.

Ad tertium similiter dicendum est, Dæmones appetere peccatum quidem, ut est Dei offensa, non ibi sistendo, sed ut sic quodammodo sese vlciscantur de Deo: quàm vltionem apprehendunt sub ratione boni sui. Ex quibus patet posse quidem appeti aliquod malum sub ratione, quia alteri malum est, sed simul concurrere, & in considerationem venire, quod hoc ipsum sit bonum, aut medium vtile ad bonum, quod appetens sibi proponit.

Ad quartum Respondetur, Fieri non posse, ut quis nolit beatitudinem in comuni ut supra dictum fuit: potest tamen quis nolle beatitudinem hanc in particulari v. g. quæ in Dei visione consistit, propter difficultates subeundas in eius consecutione, ut constat in quibusdam mundanis & voluptuosis hominibus, qui velint hic semper manere, si suâ miserâ felicitate semper hic frui possent. Accedit quoddam est qui ita nollent beatitudinem ad ostensionem suæ libertatis, non appeteret tamen illam carentiam ut purum malum, sed tanquam quid vtile ad ostensionem libertatis.

Ad quintum Respondetur, Ex duobus bonis posse voluntatem velle quod simpliciter minus bonum est, repudiato maiori bono, uti satis experientia constat: In eo tamen casu eligi minus bonum tantummodò materialiter, non formaliter autem sub ratione minoris boni, quod esset eligere sub

gere sub ratione mali; nam illa formalitas minoris boni quædam priuatio boni est, & proinde rationem mali obtinet. Quare vel tunc necessariò concurret consideratio cuiusdam alterius, propter quod intellectus minus illud bonum iudicat hic & nunc esse magis conueniens & appetibile, quàm id quod simpliciter est maius bonum, v. g. quòd minus bonum sit minus laboriosum aut minus molestum, aut hic & nunc magis delectabile, vel quid simile: vel certe non habita ratione comparationis, eligeretur minus bonum sub ratione propriæ suæ bonitatis absolutæ. Quod an fieri possit, stante ipsâ comparatione in animo, dubitari potest. Azorius & quidam alij negare videntur, eò quòd tunc bonitas ista sit ita depressa & obfusca maiori illo bono, cum quo comparatur, vt eius respectu amittat rationem bonitatis. Sed non apparet, quòd comparatio ista necessariò tollat in animo comparantis, & ea inter se conferentis, omnem æstimationem boni ab eo, quod minus bonum iudicat: vnde videtur posse id appetere sub ratione propriæ bonitatis, absque alio respectu, etiam stante comparatione, quamuis id minus natum sit fieri, & ordinari non sic fiat. Neque inde sequitur, quòd similiter voluntas poterit velle purum malum, relicto bono, quia in illo non reperitur formalis ratio obiecti voluntatis, sicut in eo, quod est minus bonum, vt ex dictis iam constat.

## ARTICVLVS. II.

*Vtrum voluntas sit tantum finis, an etiam eorum, quæ sunt ad finem?*

**R**espondet S. Thomas cum distinctione; vnde Conclusio eius est: Si loquamur de voluntate, vt nominat potentiam, sic extendit se ad finem, & ad media, quæ sunt ad finem: Si autem loquamur de voluntate secundum quod nominat actum, sic propriè loquendo, est finis tantum. Probatur prior pars, quia ad ea omnia sese extendit vnaquæque potentia, in quibus quocumque modo inueniri potest ratio ipsius obiecti, sicuti visus se extendit ad omnia, quæ quocumque modo participant colorem: atqui ratio boni, quod est obiectum potentie voluntatis, non tantum inuenitur in fine, sed etiam in his quæ sunt ad finem; ergò &c.

Occasione huius quæritur, Vtrum omnis actus voluntatis vt potentie versetur circa finem, vel circa media. Scotus enim in 1. dist. 1. quæst. 3. & cum eo Maior, &

Occam sentire videntur, posse dari actum neutrum, qui neque sit volitio finis, neque mediorum: qui voluntas potest aliquid diligere non considerato eo, vtrum sit diligendum propter se, an propter aliud; ergò illud vult neque vt finem, neque vt mediū. Nihilominus tamen communis DD. sententia habet, non dari eiusmodi actum neutrum. Ita tenet Caiet. Medina, Vasquez, Malderus, hoc loco, & Scholastici passim in 1. dist. 1. Probatur: quia velle aliquid propter se & propter aliud, vt accipiuntur hic, contradictoriè opponuntur; ergò non habet medium. Declaratur primò: nam velle aliquid propter se, non est ordinare illud ad se, sed est velle illud non ordinando ad aliud; vnde Deus se diligit propter se, tamen non se ordinat ad se; atqui velle aliquid propter aliud, & non propter aliud habent se contradictoriè; ergò &c. Deinde quidquid voluntas vult apprehenditur vt bonum: non potest autem intellectus iudicare aliquid bonum, nisi apprehendat vt bonum absolutum & sine ordine ad aliud, & proinde vt appetibile secundum se, vel vt bonum ad aliud & proinde vt appetibile propter aliud. Quare præuenit illa, quam Scotus imaginatur, non seruit ad statuendum actum neutrum: & sic patet responsio ad eius rationem.

Secundò potest hic quæri, Vtrum voluntas etiam per se versetur circa ea, quæ sunt ad finem, an tantum per se circa finem: sed supra quæst. 1. Artic. 1. ostendimus quomodo media sint etiam obiectum per se voluntatis, quamuis secundarium: quia primò voluntas versatur circa finem, alique solus est volitus propter se; circa media autem versatur secundariò, & appetuntur propter aliud, ratione tamen boni vtilis, quod ipsis inest in ordine ad finem.

Pro explicatione autè secundæ partis Conclusionis, obseruandum est, nomen voluntatis vt dicit actum, significare propriè quandam motum voluntatis, qui est veluti prima inclinatio eius in bonum propositum tanquam per se amabile, qui motus dicitur simplex quidam actus voluntatis, quia nullum alium præsupponit nec expressè nec virtute: est quæ veluti complacentia & prima affectio circa bonum per se. Sicuti cum quis concipiens sanitatem, afficitur illi propter intrinsecam suam conuenientiam, quam habet cum natura, ibi sistendo, aut alteri cuius bono creato vel increato, quod apprehendit, non intendendo eius adhuc consecutionem, neque ex alterius desiderio illud appetendo, sed nudè propter se amando illud, sive ei inherendo.

Hinc

Hinc iam probari potest posterior pars Conclusionis: Primò, quia finis solus apprehenditur, ut bonus & amabilis propter se absque relatione ad aliud; ergò voluntas, ut nominat actum, est tantum finis. Deinde quia omnis motus voluntatis principium est finis: atqui iste motus est primus voluntatis motus non habens ortum ex alio eius motu priori; ergò tantum potest esse finis. Tertiò, quia, ut habet D. Thomas, omnis actus denominatus à potentia nominat simplicem actum illius potentie, (id est, quando vocabulum potentie nominat quoque actum, tunc nominat actum simplicem illius potentie;) simplex autem actus potentie est in id, quod est secundum se obiectum potentie & non solum propter aliud; atqui id quod secundum se est obiectum voluntatis est finis, quia hic in se & sine respectu ad aliud bonus est & volutus; ergò actus voluntatis, qui nominatur voluntas, est tantum finis.

9. Observandum autè hic est, actum hunc non esse motum distinctum ab amore: nam ratio amoris est affici bono, siue illud sit absens, siue præsens: est enim amor prima boni complacentia; Hoc tamè aduertendū est nomen Amoris generalius capi quam nomen Voluntatis pro actu, quia nomen Amoris extenditur ad quamvis affectionem voluntatis siue circa media, siue circa finem: quemadmodum quis dicitur amare non tantum Deum, sed etiam proximum propter Deum. Loquendo autem tantum de amore finis seu boni propter se, nulla apparet distinctio. Ab intentione verò distinguitur actus prædictus, quia licet uterque iste motus versetur circa finem (intendere enim est voluntate tendere in finem siue velle finem consequi, ut infra latius explicabitur) tamen in fine possunt duæ rationes considerari: Prima est, quòd finis sit bonum quoddam per se amabile, & sic circa illud versatur voluntas, ut actum significat: Altera est, quòd sit bonum quoddam per media comparabile, & hoc modo circa finem versatur intentio, ut ipsum nomen satis importat; intendere enim est in aliud tendere. Tunc autem proprie tendimus in finem, quando per media volumus finem consequi. Quare intentio finis non est nisi sine absente; ideoque Deus & beati non dicuntur intendere suam beatitudinem, quia eam actualiter tenent; volunt tamen & amant eam: unde voluntas & amor manere possunt cessante intentione. Distinguitur etiam hæc voluntas à fruitione, quæ circa finem quoque versatur; quia fruitio requirit finis seu boni præsentiam, quam

non requirit voluntas, quia indifferentet afficimur bono tum absenti tum præsent.

### ARTICVLVS III.

*Verum voluntas eodem actu mouetur in finem, & in id quod est ad finem?*

11. Notandum hic Primò, Bonum, quod est finis, dupliciter posse considerari & amari, ut ex iam dictis potest intelligi: primò absolute quatenus in se bonum est, siue honestum siue delectabile absque cogitatione & intentione illud per media aliqua acquirendi nobis vel alteri: secundò quatenus subest medijs, quibus possumus & intendimus illud acquirere.

Notandum Secundò, media quoque eà ratione, quæ media sunt, habere in se suam bonitatem distinctam à bonitate finis; quæ in eo sita est, quòd sint vitia ad finem, ideoque nobis convenientia & bona quatenus ad finem vitia: unde eorum bonitas ut sic non est absoluta, sed respectiva, ratione cuius tamen bonitatis sunt appetibilia per se, quamvis non gratia sui siue in ordine ad se ut supra. His præmissis sit

12. Conclusio Prima: Quando voluntas mouetur in finem priori modo consideratum, videlicet simplici affectu amoris tanquam in rem in se & sui ratione amabile, absque acquirendi intentione, tunc actu illo non mouetur simul in id, quod est ad finem siue in media. Ita D. Thom. hic & infra quæst. 12. artic. 4. & communiter Scholastici tum hic, tum in 1. d. 1. & in 2. d. 38. Patet: quia stante tali voluntatis actu potest homo simul velle nunquam adhibere media ad rem illà comparandam, ut experientià manifestum est; potest enim quis in alio amare statum religionis ob eius honestatem & virtutem, & tamè nunquam velle adhibere media ad eum consequendum vel amplectendum.

13. Conclusio Secunda: Ne tunc quidem quando voluntas mouetur in finem secundo modo consideratum, videlicet actu intentionis tanquam per media comparandum, est motus ille, formalis motus in medium, ita ut medium sit eius obiectum vel pars obiecti; tendit tamen simul virtualiter in media saltem in comuni. Probatur prior pars: quia appetitio finis est causa volitionis formalis mediorum; ergò motus ad finem non est idem re cum motu formali in media: non enim potest idè esse vera causa sui ipsius. Secundò: quia qui assentitur principijs, non hoc ipso assensu assentitur formaliter & in proprijs terminis,

terminis, conclusioni, sed tantum in habitu siue virtualiter, quia per discursum demum assentitur formaliter conclusioni. Vnde assensus principiorum præcedit formale assensum conclusionis: atqui quemadmodum se habet assensus principiorum ad assensum conclusionis, ita appetitio finis ad volitionem mediorum; ergo finis appetitio non est formalis volitio ipsorum mediorum.

Hinc etiam patet secunda pars Conclusionis: quia qui principiis assentitur, iam in habitu assentitur conclusioni; ergo similiter qui efficaci voluntate intendit finem, virtualiter vult media saltem in communi: vt si velim efficaciter esse Romæ, virtualiter etiam volo conficere iter medium. Dico, media saltem in communi, quia intentio finis potest se non extendere ad aliquod medium particulare; nam intentio præcedit consilium, volitio autem huius vel illius medij sequitur consilium: quod adeo verum est, vt licet deprehenderetur esse vnicum tantum medium, per quod finis obtineri queat, ne ad illud quidem intentio finis etiam absoluta se extendat ante consilium initium; quia fieri potest, vt dum cognoscitur illud vnicum esse medium quod minus placet, mutetur voluntas & desinat velle finem.

14 Notandum autem hic est, quando appetitio finis dicitur esse causa volitionis mediorum, id non sic intelligendum esse, quasi ipsa appetitio secundum se verè & realiter influat in ipsam volitionem mediorum; sed quod finis eam causet mediante sui appetitione, tanquam conditione sine qua non, siue vt causâ proximè applicante finem ad voluntatem, vt eam moueat ad electionem mediorum: vnde appetitio finis hic se quodammodo habet ad causandam volitionem mediorum, sicuti se habet cognitio siue apprehensio finis ad causandam volitionem siue intentionem finis. Quare & causalitas hæc, quâ volitio mediorum dicitur causari ab appetitione finis non pertinet ad genus causæ efficientis, sed causæ finalis, quia appetitio finis subleuit tantum fini, vt causet electionem mediorum. Vt verò finis intentus voluntatem moueat ad media eligenda, non est necesse quòd appetitio finis semper actu simul sit, sed sufficit quod vel actu vel saltem virtute supersit.

15 Conclusio Tertia: Similiter quando voluntas mouetur in media quatenus talia sunt, non est quoque motus ille, motus formalis in finem, ita vt finis eius sit obiectum totale aut parziale: sed tamen consequenter tendit quoque in finem. Probatur prior pars: quia illius motus obiectum

proprium & formale est medium tanquam bonum vtile: atqui ibi non includitur formaliter & in recto ipse finis; ergo finis non est obiectum nec obiecti pars istius volitionis: & per consequens volitio illa non est formalis & in recto volitio ipsius finis. Probatur Secundò ex D. August. lib. 11. de Trinit. c. 6. vbi docet, has voluntates esse distinctas, videlicet voluntatem videndi fenestram & voluntatem videndi transeuntes: atqui voluntas videndi fenestram in ordine ad voluntatem videndi transeuntes est voluntas medij ad finem; ergo voluntas medij non est formalis voluntas finis. Verba D. Aug. videre licet inf. q. 12. 24. apud D. Tho. quæ similiter confirmant priorem partem Conclusionis præcedentis. Probatur Tertiò: quia assensus conclusionis etiam vt talis, non est formalis assensus principiorum, sed hunc præsupponit, atque adeo etiam à posteriori infert: atqui electio mediorum se habet ad intentionem finis, sicut assensus conclusionis ad assensum principiorum; ergo &c.

Probatur pars posterior: quia ad mediorum adhibitionem solet sequi finis, saltem quantum est ex parte adhibentis media; ergo volitio, quâ quis vult medium vt tale, tendit consequentiè etiam in finem. Accedit quòd propria & formalis ratio medij, quæ mouet ad electionem, dicat ordinem ad finem; ergo finis indirectè siue in obliquo, vt loquitur Vasquez, hac volitione medij etiam appetitur.

16 Sed contra primam partem Conclusionis obijciatur: Finis est ratio volendi medium vt medium est: atqui ratio obiecti cadit formaliter & in recto sub eundem actum cum obiecto; ergo idem actus, qui tendit in id quod est ad finem vt sic, etiam tendit formaliter & in recto in ipsum finem, tanquam rationem ob quam medium appetitur. Respondetur ad Minorem: Obiecti rationem quæ formaliter, & intrinsecè constituit rem in ratione obiecti talis potentia, vt actionem illius terminare possit, (quemadmodum v. g. color tribuit parieti esse coloratum, quo fit visibilis) cadere sub eundem actum cum ipso obiecto formaliter & in recto, atque ita vtilitas medij, quæ constituit medium in ratione obiecti respectu electionis, cadit sub eundem actum: Non autem sic aliam quamlibet causam motiuam, quæ se habet extrinsecè ad obiectum, nec formaliter constituit obiectum in ratione obiecti talis actus, prout finis est. causa motiua ad eligenda media. Vnde & ponitur iater circumstantias volitionis mediorum, quia non est formalis intrinsecè ratio electionis

tionis mediorum. Ita quoque assensus conclusionis licet sit propter principia tanquam rationem assentiendi, non est tamen formalis assensus principiorum, quia principia non sunt formalis ratio intrinseca obiecti scientiæ.

Contra partem posteriorem opponi potest, Quod non recte videatur dici volitionem mediorum consequutiue tendere in finem, quandoquidem supra dictum sit, volitionem mediorum esse instar assensus conclusionis, quem præcedit non autem consequitur assensus principiorum; ergo volitio mediorum potius præsupponit voluntatem finis, quam consequutiue tendat in finem. Respondetur, finem ordine intentionis esse primum, & sic etiam primò appeti, & præsupponi eius appetitionem ante electionem mediorum; sed ordine

exequutionis esse vltimum, & mediorum applicationem præcedere finis consequutionem; atque ita iuxta hunc ordinem, qui vult media, tendit consequutiue in finem, quatenus per mediorum adhibitionem quis expectat obtentionem finis.

Ex dictis poterit conciliari sententia Gregorij Ariminensis in 1. dist. 1. quæst. 1. art. 2. & quorundam aliorum, qui negant eodem actu voluntatem moueri in finem, quo mouetur in medium propter finem, cum doctrinâ D. Thomæ & communis Scholasticæ. partim hic & infra qu. 12. art. 4. partim in 1. d. 1. & in 2. dist. 38. quæ hoc ipsum affirmat, quòd videlicet moueatur eodem actu simul in finem, sed modo aliquo, prout nimirum iam explicatum est; & non moueatur scilicet formaliter & in recto.

17

## QVÆSTIO NONA.

### De motiuo voluntatis.

#### In sex Articulos diuisa.

##### ARTICVLVS I.

##### *Virum voluntas moueatur ab intellectu?*

**P**RO pleniori huius Articuli intelligentiâ, Notandum est Primò, dupliciter aliquid dici mouere: Vno modo per modum causæ finalis; sic enim dicitur finis mouere causam efficientem: Alio modo per modum agentis, sicut alterans mouet alteratum, & impellens mouet impulsum. Notandum Secundò: quemadmodum vis animæ dupliciter est in potentiâ; vno modo quantum ad agere & non agere; alio modo quantum ad agere hoc vel illud, siue ad agere actionem huius vel illius speciei: sic eam indigere mouente quantum ad duo, scilicet quantum ad exercitium vel vsum actus, & quantum ad determinationem actus ad certam speciem. Notandum Tertiò, illud mouere potentiam quoad specificationem actus, quod præcisè causa est, cur actus ille, qui quantum est ex parte potentiae vnde procedit, indifferens est, ad varias species, sit potius huius speciei quàm illius. Ad exercitium verò actus mouere dicitur, quod per intrinsecam applicationem potentiae ex parte subiecti est causa, cur hic

& nunc agat magis, quàm aliàs. His positis sit

Conclusio Prima: Voluntas mouetur ab intellectu quo ad specificationem actus; non autem quo ad actus exercitium. Est D. Thomæ. Probatur prior pars: quia intellectus mouet voluntatem ratione obiecti, quod proponit: atqui obiectum mouet determinando actum ad modum principij formalis, à quo in rebus naturalibus actio specificatur, verbi gratiâ, calefactio à calore; ergò &c. Confirmatur: quia motus voluntatis accipit speciem suam ex ordine ad obiectum, in quod mouetur. Probatur pars posterior: quia vt dicit D. August. in Psalm. 118. *Concupiuit anima mea desiderare iustificationes tuas.* &c. præuolat intellectus, sequitur tardus aut nullus effectus; quod ipsum experimentiâ constat; ergò intellectus non mouet voluntatem ad exercitium actus. Probatur Consequentia: quia illa causa dicitur propriè mouere potentiam ad exercitium actus, quæ suâ virtute & operatione ac quasi nutu præstat, quòd mox ponatur actus ipsius potentiae: sed ad operationem intellectus non sequitur efficaciter statim actus voluntatis; ergò intellectus non mouet voluntatem ad exercitium actus. Negandum tamen non est, quin intellectus proponens alliciat & suo modo inclinet voluntatem

luntatem ad etiam hic & nunc operandū, sed quia ad intellectus propositionem non sequitur efficaciter operatio voluntatis, hinc non dicitur absolute & simpliciter mouere ad exercitium actus.

- 3 Conclusio Secunda: Voluntas mouet cæteras animæ vires ad exercitium actus. Ita etiam D. Thomas dicit. Probatur: quia in omnibus potentijs actiuis ordinatis, illa potentia, quæ respicit finem vniuersalem, mouet potentias, quæ respiciunt fines particulares. Quod ostendit D. Thom. 1. p. quæst. 82. art. 4. apparere tam in naturalibus quam politicis: cælum enim, quod agit ad vniuersalem conseruationem generabilium & corruptibilium, mouet omnia inferiora corpora, quorum vnumquodque agit ad propriæ speciei vel indiuidui conseruationem: Rex etiam, quia intendit bonum commune totius regni, mouet per suum imperium singulos præpositos ciuitatum: atqui voluntas versatur circa bonum & finem in comuni, quælibet autem alia potentia comparatur ad aliquod bonum particulare sibi conueniens; ergo voluntas est, quæ per modum agentis mouet omnes animæ potentias ad suos actus; præter vires tamen naturales partis vegetatiuæ, inquit, quæ nostro arbitrio non subduntur. Mouet autem voluntas cæteras animæ vires per naturalem connexionem & subordinationem, quatenus à Deo auctore naturæ ita sunt institutæ, vt vna alteri obediât: volente enim voluntate intellectus attendit, memoria recordatur, sensus excitantur, & vis motiua accingit se ad exequendum opus; quia de re licet videre D. August. lib. 1. de libero arbitrio cap. 12. & seqq. Qui modus mouendi reduci potest ad genus causæ efficientis, quamuis non sit efficientia omnino propriè dicta, Vide Vasquez Tomo 1. in 1. partem disp. 34. cap. 3.

- 4 Sed hic quæritur, & disputatur Primò: Quomodo intellectus moueat voluntatem, an effectiue, an alio modo? Diuersi diuersimodè hac de re loquuntur, Sed, omiffis opinioibus, Respondetur, voluntatem non moueri effectiue ab intellectu, neque in actibus liberis neque in necessarijs, neque quoad exercitium actus, neque quoad specificationem actus; sed concursum intellectus ad motionem voluntatis tenere se ex parte obiecti & finis. Est communior doctrina Scholasticorum & expressè D. Thomæ 1. p. loco suprâ citato: vbi cum dixisset, quædam mouere per modum finis, statim subdit, & hoc modo intellectus mouet voluntatem. Idem docet quæst. 22. de Veritate, artic. 11. ad 5. & artic. 12. Probatur: quia intellectus non mouet, nec

influit, aut afficit voluntatem in ordine ad volitionem, nisi proponendo obiectum appetibile; ergo motio, quâ intellectus dicitur mouere voluntatem, pertinet ad idem genus causæ, ad quod spectat motio, quâ ipsum obiectum appetibile mouet voluntatem, quia non mouet intellectus nisi ratione obiecti propositi: atqui obiectum non mouet effectiue voluntatem, sed per modum finis, sicut habet D. Thom. suprâ; ergo &c. Confirmatur: quia obiectum appetibile siue finis frequentius nõ est, quando voluntatem mouet; ergo non mouet effectiue: quod enim efficienter mouet, debet existere, dum mouet. Neque refert, si quis forsitan opponat, operationem intellectus, siue apprehensionem & propositionem obiecti verè existere, tunc quando voluntas mouetur, licet obiectum non existat, & proinde illam posse efficienter mouere: quia ex quo intellectus non moueat voluntatem, vt diximus, nisi quatenus bonum quod proponit, mouet, non potest ipse magis dici efficienter influere in actum voluntatis, quam ipsum obiectum; quia applicans causam, eod; nomine dumtaxat causans, non magis potest dici efficere motum, quam ipsa causa, quam applicat.

Sed opponit hic Medina, quod Verbum in Diuinis verè & non tantum metaphoricè, sed quasi efficienter producat amorem; ergo intellectus noster etiam efficienter concurret ad actum nostræ voluntatis. Deinde non apparet, vnde voluntas effectiue mouebitur, cum idem non possit esse mouens & motum respectu eiusdem. Respondetur ad primum N. C. Est enim longè dispar ratio; quia Verbum in Diuinis est persona per se subsistens, quæ habet voluntatem; vnde mirum non est, quod producat amorem, quia per voluntatem eum producit: non ita se res habet in nobis. Ad alterum Respondetur, voluntatem effectiue mouere seipsam, neque inconueniens esse, quod idem sit mouens & motum secundum diuerfam rationem.

Replicabis: Omne mouens in quantum huiusmodi est in actu, quod autem mouetur est in potentia ad actum: atqui non potest idem esse actu & potentia; ergo videtur non posse fieri, quod voluntas moueat seipsam. D. Thomas infrâ artic. 3. Respondet, voluntatem non secundum idem mouere & moueri, & proinde nec secundum idem esse in actu & potentia: quod sic explicat: quia in quantum actu vult finem, reducit se de potentia in actum respectu mediorum, quæ sunt ad finem, vt scilicet actu ea velit. Sed voluntas non tantum effectiue se mouet in electione mediorum, sed etiam efficienter causat motio-



motionem finis; unde responsio ista non videtur omnino plena. Deinde non requiritur intentio formalis finis in actu, ut voluntas velit media; sed sufficit eam præcelsisse, & virtualiter remanere. V. G. ut velim me accingere itineri, non requiritur necessarium, quod actu cogitem & velim esse in termino, sed sufficit, quod prius constituerim adesse in tali vel tali ciuitate aut loco.

- 6 Quare plenius responderi poterit, distinguendo Assumptum. Si intelligatur, quod omne mouens in quantum huiusmodi sit in actu formali eodem, quem causat in moto seu mobili, ita negandum est: facile enim contrarium est declarare per exempla; nam sol mouet omnia generabilia & corruptibilia, & tamen non habet actu & formaliter omnes formas, ad quas mouet, siquidem calefacit terram, & non est formaliter calidus: sic piper quoque producit calorem, quæ actu formaliter non habet. Si autem intelligatur quod omne mouens, in quantum huiusmodi sit in actu videlicet secundum aliquid esse aut secundum aliquam formam, quæ vel sunt formaliter similia actui, quæ in mobili efficit, vel certe secundum aliquid esse vel formam, quæ eminenter aut virtualiter continent actum, ad quem mobile est in potentia, sic verum est: sed cum eo dicimus bene consistere idem esse mouens & mobile seu motum respectu eiusdem actus qui producitur: quia fieri potest quippiam habere in se formam, quæ ipsum est in actu, quæ eminenter aut virtualiter contineat aliam formam vel actum, cuius idem subiectum capax est, quæ proinde in seipso potest hoc idem producere virtute illius formæ, quæ est in actu. V. G. aqua calida potest se reducere ad frigus virtute formæ substantialis, quæ est in actu, & sic quatenus est in actu, mouet seipsam ad frigus formale, ad quod erat in potentia. Sic etiam calx, accedente aqua, mouet seipsam ad calorem per formam suam, quæ est in actu, sed non quæ formaliter est calida, sed quæ virtualiter. Ita quoque voluntas nostra est secundum se forma quædam & virtus continens potentiam actus proprios, quia est suorum actuum domina, & in ipsa est velle & non velle, ut habet D. Thom. infra artic. 3. Quos quidem actus in sua ratione non includit formaliter, sed continet virtualiter; atque ita per seipsam est eatenus in actu, quia ipsa est quidam actus & forma, & quia hæc forma seu vis animæ simul est susceptiva actuum, quos virtualiter continet, hinc eadem secundum diuersam considerationem est mouens & mota respectu istorum actuum, estque in potentia non ad formam, quæ est in actu, sed ad actus, quos formaliter in se recipit per sui ipsius motionem.

Neque obstat, quod Philosophus lib. 3. de anima dicat voluntatem esse mouens motum, quia non vult esse mouens motum ab alio efficienter, sed obiectiue & finaliter, videlicet ab appetibili intellecto, seu apprehenso: quod ex D. Thom. supra ostendimus mouere per modum finis; dicit enim ibidem Philosophus, quod appetibile intellectum sit mouens non motum, quia dum finis metaphorico tractu voluntatem excitat & mouet, manet ipsum appetibile omnino immotum.

Quæritur hic Secundò, Verum ad voluntatis actum requiratur necessarium intellectus cognitio & consideratio. Resp. &

Dico Primò: Ad inchoandum aliquem voluntatis actum, v. g. ut incipiam amare vel odisse aliquid, necessarium requiritur aliqua illius rei cognitio. Ita habet communis fere sententia quæ præsupponit D. Thom. & tradunt Caiet. Conrad. & Medina hic, Dionys. Carthusian. ad librum D. Dionysij de Theologia mystica art. 9. & alibi. Henricus Quodlib. 1. q. 15. Azorius tom. 1. lib. 1. c. 20. q. 7. Vasq. hic disp. 35. c. 2. & passim recentiores contra Gerlon. Tract. de mystica Theol. & Bonauentur. in simili Tract. & alios quosdam; qui docent, quod sicuti in celesti Hierarchia prior est ordo Seraphin, quam Cherubin, ita amor Dei extrinsecus præueniat cognitionem, quia hominem mysticæ Theologiæ dedit, operetur à phantasmatibus liberum esse, ut tradit D. Dion. c. 1. de mystica Theol. sine phantasmatibus autem non cõtingit intelligere iuxta Philosophum. Attamen S. P. P. in celesti sapientiâ & superno amore optimè versati & exercitati, ut D. Aug. in Psal. 67. ad illa verba, *Ibi Benjamin adolescentulus*: Chrysost. Hom. 22. in c. 10. Act. Ansel. & sic quatenus est in illud 2. ad Cor. c. 5. *Sine mente excedimus Deo, siue sobrii sumus vobis*, & alij, licet in extra si admittant alienationem mentis à sensibus corporis, tamen non ideo cognitionem volunt sublatam, imò extasin, contemplationem iucundam vocant, ut Ansel. & Beda.

Quare assert. nostra probatur primò, ex communi Philosophorum & omnium penè sensu. Sunt enim hæc trita quasi axiomata: *Ignori nulla cupido: Nihil est volitum, nisi cognitum*; quæ & experientiâ habentur nota. Quomodo enim amabimus, aut desiderabimus ea, de quibus nunquam incidit cogitatio? Unde D. Aug. l. 8. de Trin. c. 4. Sed quis diligit quod ignorat? Sciri enim aliquid & non diligi potest. Diligi autem quod nescitur, quæro utrum possit? vbi tanquam omnino euidens supponit, id fieri non posse. Quod idem latius docet l. 10. de Trin. c. 1. vbi etiam ostendit, quomodo, dum videri possimus amare incognitum, amemus tamen

tamen semper aliquid cognitur; ut cum virum bonum amamus (inquit) cuius faciem non vidimus, ex notitiâ virtutû amamus, quas nouimus in ipsa veritate; quod & alijs pluribus demonstrat. Probatur Secundo ratione: quia sicut appetitus naturæ sequitur ex forma naturali, ita appetitus animæ elicitus sequitur ex forma apprehensâ, adeo ut sicut appetitus naturæ non sequitur nisi ex forma naturali actû existente, ita neque appetitio animæ nisi ex forma actû apprehensâ, & obiectum referente: Inde enim prouenit, quod voluntas magis amet vel appetat, dum homo vigilat quam quando dormit. Confirmatur: quia voluntas in actû suo essentialiter pendet à causalitate finali: non enim se potest mouere, nisi à suo obiecto moueatur & excitetur: causa autem finalis, ut voluntatem moueat debet esse per apprehensionem applicata. Neq; n. potest aliter concipi finis, nisi apprehensus mouere metaphoricè, ut constât ex suprà dictis de causalitate finis.

8 Dico Secundo: Ut voluntas in amore perseveret, similiter requiritur actualis perseverantia cognitionis. Negabunt hoc multo magis qui contra præcedentem assertionem sentiunt. Sed probatur nostrum dictum, quia sicut appetitus naturæ non potest continuari, nisi perseverante formâ naturæ vnde promanat, ita neque appetitus elicitus potest perseverare in actû cessante formâ apprehensâ siue cognitione: nō enim min⁹ appetitus hic depēdet à forma apprehensâ, quam appetitus naturæ à forma naturali. Deinde non potest actio voluntatis conseruari, nisi ad sit obiectū conuenienter applicatū, atqui obiectum voluntatis non applicatur conuenienter nisi per ipsius cognitionem; ergo hac cessante etiā cessat actio voluntatis. Vnde plures docent, ne quidem per absolutam Dei potentiam fieri posse, ut deficiente intellectu in cognoscendo, voluntas continuetur operationem circa obiectum, quod homo actû non intelligit.

9 Obijciunt primò: Voluntas applicat intellectum ad exercitium actus sui, ad cogitandum aut intelligendum: atqui hoc facit voluntas aliquo suo actû; ergo necessariū est, voluntatem habere aliquod velle, quod præcedat omnem intellectiōem. Confirm. quia oportet dari aliquod primum intelligere; non n. potest esse progressus in infinitum; quodcumq; autem fuerit primum assignatum, dabitur actus voluntatis prior, quo videlicet intellectus fuit applicatus ad exercendum illud intelligere; ergo &c. Resp. Voluntatem quidē solere applicare intellectum ad exercitiū sui actus, sed tamen intellectum non in omni actû depen-

dere necessariò à voluntatis applicatione, ad primas enim cogitationes aliunde posse applicari, aliquando ab authore naturæ, qui sæpius immittit cogitationes de his vel illis rebus, potissimum quæ ad ordinem supernaturalē pertinent: aliquando à rebus externis, quæ sensibus occurrunt vel à phantasiâ apprehenduntur: quæ per sympathiâ quādam facili intellectu excitant ad operandum, priusquam voluntas mandet. Est autem in potestate voluntatis quando intellectus se super actû suo reflectit, efficere ut intellectus continuetur vel ab eo cesset. Quando autē voluntas per se applicat intellectū ad cogitandū de re aliqua, semper præcedit aliqua eius cognitio confusa siue imperfecta, quā applicat voluntas intellectum ad vltteriùs inquirendū & cogitandū.

Obijciunt Secundo: Qui ex contemplatione diuinari perfectionum in Dei amorem rapti sunt, videntur postmodum continuare affectum illum amoris intellectu nihil amplius operante: nihil n. omninò de Deo cogitant, & tamē vehementi amore suauiter ardent, quod viri in spiritualibus eleuationes vidētur experiētiâ planē habere compertum: imò & sine omni intellectu operatione præuiā sic aliquando dicuntur amore suauissimo in Deum ferri, & illi inhære ut diximus, ex D. Dion. quodam velle stabilire. Resp. N. Aff. Ad id verò, quod in confirmationē adducitur, dico contingere quidē eos, qui sic rapiuntur, nō semper aduertere suā de Deo cogitationē: quia ut quis aduertat se cōtemplari seu intellectu versari circa aliquid, opus est actû reflexo, quem min⁹ illi habent, qui toto impetu directē in Deū tendunt: idq; magis accidere solet in progressu quā in principio; quia ab initio ut quis amorem in se excitet, præsertim qui non est exercitissimus, opus est, ut attēti⁹ & studiosi⁹ singulares aliquas diuinas perfectiones, aut Dei dona nobis collata considerare & cōtemplari satagat: ideoq; intellectus etiam magis reflectitur super operationes suas ad voluntati satisfaciendū; sed quando ex corū contemplatione, accensa iam est voluntas, facili⁹ distrahitur intellectus ab illâ reflexione, sicut & à consideratione particularium perfectionum aut donorū, continuando solū cōtemplationem circa diuinam perfectionē & bonitatē in communi, eamq; tunc nō ita recogitat & aduertit. Porro quod quibūdā accidit in progressu contemplationis, quod sine cognitione videantur amare & re amata frui, hoc Viris summē spiritualibus & perfectis, qui Dei præsentia assiduâ exercitatione & assuetudine, quasi continuò cōtemplantur absq; voluntatis conatu & expresso imperio, cōtingit

tingit etiam, quod ex illa diuinitatis contemplatione, in qua sine intellectus reflexione & sine voluntatis studio versantur, inaduerter & quasi sine cognitione inardescat dulcissimo amoris affectu erga Deum, eiq; quasi adhærescant; non quod Deum cuius amor inhaerent, non apprehendant aut intelligant, sed quia supra ipsam apprehensionem sese non reflectant. Docet n. expressè D. Aug. l. 8. de Trin. quod nemo Deum possit amare, nisi oculis mentis, saltè per fidem, eum percipiat. Quod ad D. Diony. attinet, dicendum est, quod velit virum Mystice Theologiæ deditum debere ab irruentium & pugnantiu phantasma quin turbam liberum esse, & ab exteriorum sensuum occupatione: non autem cognitione omni vacuum, siue in ea subserviat phantasia, siue diuinam supplantante virtute fiat, quod sine conuersione ad phantasmata intelligat, vt de D. Paulo docet D. Th. 2. 2. q. 171. a. 3. Ceterum simplex sic aliqua & sine discursu & conatu suauis consideratio rei non est impedimento voluntati in amando aut fruendo: nam licet virtus animæ finita sit, & quod circa plura occupatur, eò minor dicatur circa singula sensus, tamen cum hæ operationes intellectus & voluntatis suapte naturâ coordinatæ sint & connexæ, sit quod operatio intellectus non obstat operationi voluntatis, quin & mirabiliter iuuat, ita vt quod perfectior sit obiecti cognitio, eò etiam perfectior & flagrantior oriatur dilectio.

Obijciunt Tertio: Potest Deus supplere munus illud intellectus, quo se præbet veluti ducem voluntati per cognitionem: igitur Deo supplente cognitionem in intellectu, poterit voluntas in actu existere sine actu concursu ipsius intellectus. Resp. 1. Saltè etiâ in illo casu non deesse actualè cognitionè obiecti. Addo, & resp. 2. Est quod Deus possit se solo in intellectu nostro cognitionè ponere, non concurrente effectiue intellectu, atq; adeo quod id faciat, dico tamen illam cognitionem non fore sufficientem, vt eâ mediante voluntas possit ferri in obiectum illius cognitionis, quia homo per cognitionem illam non intelligit, eò quod vitaliter ab eo non procedat; non enim intelligit homo principaliter recipiendo intellectionem, sed producendo. Vnde erit illa cognitio ibi mortuo modo instar speciei intelligibilis, non per modum vitæ secundæ: quemadmodum si oculus meus visus ac virtute animæ meæ videns constitueretur in caduere mortuo, non tamen per oculum illum, eiusus visionem videret ipsum cadaver. Idem dicemus in simili casu de actu voluntatis: nam vt etiam Azorius notat, & sicut iam de intelligere diximus, etiam velle potius consistit in agen-

do, quam in recipiendo.

Quæritur Tertio, Qualis intellectus cognitio sit necessaria, utrum requiratur iudicativa, an verò apprehensiva sola possit sufficere, vt voluntas moueatur? Resp. &

Dico Primò: Non sufficere cognitionem sensus ne quidem interioris seu phantasie. Ita cõmuniter DD. Ratio est, quia voluntas rationalis habet propriam suam regulam, & proprium ducem, atq; adeo lumen proprium sibi commensuratum, à quo habet dirigi & illuminari. Neq; conueniebat, vt potentia superior & spiritualis sequeretur directionem formæ inferioris & materialis.

Dico Secundò: Probabilis videtur posse voluntatem moueri in obiectum apprehensum sine compositione vel diuisione. Ita Vasquez hic disp. 44. c. 2. cum plerisque alijs. Probatur Primò, quia sola apprehensio boni conuenientis aut disconuenientis, quæ sit per sensum, sufficit in brutis, vt appetitus prosequatur aut fugiat id, quod proponitur, sicut & in nobis, vt appetitus sensituius moueatur, vt per se manifestum est; ergo potest etiam sufficere apprehensio obiecti per intellectum absq; compositione vel diuisione, vt voluntas illud amet aut odio habeat: neq; enim minus potens debet censi obiectum intelligibile simpliciter actu apprehensum per intellectum, vt alliciat voluntatem, quam obiectum sensibile, vt per simplicem apprehensionem sensus attrahat appetitum. Nec obstat, quod in intellectu in eo superet sensum, quod possit de obiecto intelligibili iudicare in componendo & diuidendo: id enim non impedit, quod minus ante compositionem ad simplicem apprehensionem, voluntas possit in obiectum cognitum ferri: nam operatio perfectior, quæ potest superuenire, non tollit alteri minus perfectæ, quæ præcedit, vim suam & efficaciam. Probatur Secundò: quia Angelorum voluntas mouetur ad obiecti cognitionem sine compositione & diuisione, ergo &c.

Dices: Quamuis voluntas Angelica moueatur absq; compositione & diuisione intellectu, tamen non mouetur sine præiudicio intellectus, quod ipsi exercere possunt sine compositione & diuisione: noster autem intellectus sicut intelligit componendo & diuidendo, sic quoque sine compositione & diuisione non iudicat; ergo &c. Respondetur Primò, Angelicam voluntatem moueri etiam posse positâ apprehensione simplici, quæ est sine iudicio formali & perfecto iuxta Scotum sup. ad 3. vbi habet, quod simplex intellectus possit apprehendere æqualitatem Dei sine errore, quodq; sufficiat sola simplex apprehensio, ad hoc vt appetitus illud apprehensum appetat.

I ij Respon-

Respondeo Secundò, nos solum asserere voluntatem nostram moueri posse ad eam obiecti apprehensionem, quæ est sine compositione & diuisione intellectus, non autem quoddam absque omni omnino iudicio.

13

Pro quo Notandum, etiam si intellectus noster non sit æqualis Angelico, ut promissum est omnia sine compositione & diuisione intelligat, quæ naturaliter intelligere potest, sicuti Angelus: tamen etiam quædam posse sic intelligere ac de illis consequenter sic quoque posse iudicare: nam ratio quare Angeli sic intelligant & iudicent, est quod statim in apprehensione quidditatis subiecti cognoscant omnia, quæ possunt attribui subiecto, vel ab eo remoueri, ut docet D. Th. 1. p. q. 5. a. 4. aded ut dicatur intellectus noster statim in apprehensione quidditatis subiecti, haberet notitiam de omnibus, quæ possunt attribui subiecto, vel remoueri ab eo, nunquid intelligeret componendo vel diuidendo: atqui fieri potest, quod intellectus noster mox in apprehensione quidditatis subiecti aliquid, simul habeat claram notitiam de eius conuenientiâ aut disconuenientiâ, & proinde non indigeat compositione aut diuisione. Quare in eiusmodi casu dicimus voluntatem posse moueri affectibus prosecutionis aut fugæ, siue amoris & odij (qui facile & citò excitari solent) etiâ absq; compositione aut diuisione intellectus, & quidem non tantum motibus indeliberatis, sed etiam qui elicantur cum plenâ rationis aduertentiâ: nam ad simplicem claram Dei visionem sequuntur amor & delectatio, cû pleno rationis iudicio siue aduertentiâ, ut docet Vasquez suprà, & plures alij; quauis id forsitan rariùs in hac vitâ accadat, eò quod intellectus noster affectus hîc per compositionem & diuisionem intelligere & iudicare, solet ad usitatum suum operandi modum se conuertere, quando perfectè rebus intendit. Non itaq; sufficit qualiscumq; simplex apprehensio obiecti, sed quâ apprehenditur secundum rationem conuenientis aut disconuenientis, siue cum ratione commodi aut incommodi. Hinc fit, ut qui apprehendit lupum, quem videt in tabulâ depictum, seu eius figuram, non moueatur affectu fugæ aut timoris; sicut qui apprehendit lupum, quia videt viuum occurrentem, quia illa non est apprehensio lupi, ut rei noxiæ futuræ, sicuti hæc. Quauis ergò ut voluntas moueatur, non sit necessarium formale & explicitum iudiciu, quod consistit in enuntiatione iudicatiua, est tamen necessaria quædâ æstimatione rei sub ratione conuenientis aut disconuenientis.

14

Ex dictis potest colligi responsio ad aliam quæstionem, quæ multum disputari solet, Vtrum ad actum voluntatis sit necessarium

imperiu ex parte intellectus, quo dicat, fac hoc, fuge illud; amate, odi te &c. Assertum autem partem videtur tenere Medina circa hunc Artic. Sed dicendū est, quamuis illa dictio seu imperium sit admodum conducent & vtile, quādo agitur de rebus arduis prosequendis, vel de rebus inhonestis, quæ multum delectabiles sunt sensui, fugiendis: non tamen esse absolutè necessarium saltem formale & explicitum; sed sufficere propositionem & iudiciū intellectus, quibus rem proponat & iudicet, ut hîc & nunc amplectendam aut fugiendam, prout ex resolutione antè dictæ difficultatis facile est videre.

Sed iterum Scholastici hîc disputant, Vtrum ad tale iudiciū intellectus voluntas moueatur necessariò, potissimum quando simul imperium intellectus accedit. Assertum Medina in hunc Artic. sed contra cum facit, quod ex eius principiis sequi videatur, voluntatem non esse potentiam intrinsecè & formaliter liberam; ad huius enim rationem requiritur, quod positus omnibus ad agendum prærequiritis possit agere & non agere: atqui iuxta Medinæ doctrinam, prærequiritur intellectus imperium ante actionem voluntatis; ergo si illud imperium rapiat necessariò secum voluntatē, consequens est, quod voluntas non sit intrinsecè & formaliter libera, imò ne libera quidem.

Dices, Stante quidem illo iudicio non potest dissentire voluntas, liberè tamen consentit, quia potest tollere illud imperium. Sed contra, etiam si ponatur quod voluntas possit hoc tollere, non poterit tamen id præstare, nisi præiū alio simili iudicio, quod ad omne voluntatis actionē ipse requirit; & sic de illo actu voluntatis, quo tolleretur, redit eadē quæstio; vnde vel sequitur progressus in infinitū in istis iudicijs præiij, vel certè si ponatur aliquid primum, & voluntas ex necessitate illud sequatur, consequens est voluntatem non liberè operari. Quare alij id rectius negant, quos sequitur Suarez in sua Metaphysicâ disp. 19. sect. 6. & disp. 23. sect. 7.

Contra autem opponit Medina: Si voluntas, stante tali iudicio de aliquo appetibili, possit illud respuere, sequitur eam posse ferri in incognitum: non enim cognoscit hîc & nunc illud esse inconueniens, sed sibi conueniens, quod intellectus dicat & imperet hîc & nunc tanquam conueniens amplectendum. Respondetur: Quando intellectus iudicat de aliquo bono particulari amplectendo, non ita iudicat, quin simul aliquo modo videat & iudicet saltem virtualiter tale bonum deficere à plenitudine omnis boni, vel non esse necessariò connexum cum ultimo fine seu cum

15

seu cum beato esse: & inde fit, quod voluntas sequi possit alterutrum, vel dictamen de hoc tanquam conuenienti appetendo, vel iudicium saltem implicitum de eiusdem appetibilis defectu, ac non necessitate eius ad bonum vniuersale siue beatitudinem simpliciter & absolutè. Vnde fit etiam & constat quod voluntas non in incognitum moueatur, quando contra iudicium & imperium intellectus amplectitur oppositum, quod inferebat Mediana.

## ARTICVLVS II.

*Verum voluntas moueatur ab appetitu sensitiuo?*

16

**C**onclusio D. Thomæ est: Secundum quandam modum, ex parte scilicet obiecti, mouet appetitus sensituius voluntatem. Vide modum hunc explicatum supra Quæst. 6. circa Art. 1. & 2.

Hoc tamen cum D. Thoma hic expressius obseruandum, nō solum ex conditione intrinsecā obiecti ipsius, quod proponitur, nasci, vt aliquid appareat bonū & conueniens, sed etiam ex constitutione ipsius suppositi, cui proponitur: bonum enim & conueniens dicitur relatiuè, vnde ex utroque extremorum dependet conuenientia ratio. Quo fit, vt propter variam hominis constitutionem, idem nō omni tempore eisdem videatur sibi simile, sed quod aliquando conueniens & bonum visum fuit, hoc homini iam aliter constituto appareat malū & disconueniens, aut è contra: atque ita quia appetitus sensituius & in seipso alteratur, & etiam corporis causat alterationem, consequenter facit obiectum aliter & aliter apparere, & apprehendi, & secundum hoc, voluntatē dicitur ex parte obiecti indirectè moueri, siue ad prosecutionem, siue ad fugā. Imò & sola corporis alteratio, qualis cum passione appetitus sensituiui solet esse coniuncta, vt v.g. commotio bilis, feruor sanguinis, exuberantia melancholicæ, possunt simili ratione mouere voluntatem, etiam si in sensu nulla existat apprehensio alicuius obiecti concitantis passionem: quia secundū illas corporis dispositiones diuersimodè apparet & apprehenditur obiectū supposito conueniens aut disconueniens: Fundamentum autem diuersitatis huius omnis est sympathia vel antipathia, quæ intercedunt inter obiectum & hanc vel illam corporis dispositionem, vel appetitus affectionem siue passionem.

17

Quæri autem hic solet, Vtrum appetitus sensituius moueat aliquando voluntatem absq; interueniente operatione intellectus: Sed iam Art. 1. huius Quæst. du-

bio 2. ostendimus, ad motum voluntatis planè requiri obiecti cognitionem intellectuiam, neque sensituiam sufficere. Medina quidem in hunc Artic. præter modum, quo appetitus inferior mouet ex parte obiecti voluntatē, quatenus efficit, quod res, in quam ipse propendet, apprehendatur & iudicetur conueniens supposito, secundū eam constitutionem, quatenus tali, vel tali passione sic aut sic alteratum est, ponit & alium, videlicet ex parte subiecti: quatenus nimirum appetitus per se trahit voluntatem ratione colligationis vtriusque appetitus in eadem animā, tanquam subiecto & principio motuum vtriusque: talis enim videtur esse connexio appetitus inferioris cum superiori, vt vis vtriusque recluditur in alterum. Et probat hunc modū mouendi diuersis argumentis: Primò, quia mox vt appetitus sensituius erga rem aliquam afficitur, solet statim sequi quædam inclinatio voluntatis ad eandem. Deinde, quod fortius vrget, etiāsi homo per rationem iudicet non esse appetendum, neque conueniens id, quod vehemens passio suggerit, tamen sentit difficultatē in voluntate, & dato quod operetur contra passionē, tamen non operatur promptè & delectabiliter; ergo &c. Deniq; idem videtur significare Script. sacra diuersis locis: apud Sapientem dicitur: *Corpus quod corrumpitur, aggrauat animam, & deprimit sensum multa cogitantem.* Apud D. Iacobum c. 1. *Vnusquisq; tentatur a concupiscentia abstractus & idēctus.* Et ad Rōm. 7. *Videō aliam legem in membris meis, repugnantem legi mentis meæ, & captiuam me in lege peccati &c.* Et infra: *Insuper ego homo, qui me liberabit de corpore mortui huius?* Quibus & alijs similib. plane innui videtur interiorē appetitum corruptū exercere vires quasdam in voluntatē rationālē. Propter hæc itaq; & similia argumenta, non videtur modus iste tanquam tantū imaginarius reiiciendus, vt à nonnullis reiicitur, sed potius tanquam Script. sanctæ, imò & experientia satis conformis recipiendus, prout & sup. q. 6. ad a. 1. & 2. indicauimus. Neq; tamen idcirco admittendum erit, quod appetitus voluntatē moueat sine interuentu intellectus, quod nec Medina affirmat, quamuis id alijs potissimū inducat ad eius doctrinam hæc in parte reiiciendam: non n. omne id quod voluntatem mouet, operā intellectus interueniente, debet dici tantū mouere obiectiue & non alio modo; nam v.g. auxilia gratia, quibus voluntas eleuatur, & potens redditur ad opera supernaturalia, non mouent eam nisi mediante intellectus illustratione & cognitione, & tamen non obiectiue tantum, sed omniō effectiue cōcurrunt ad voluntatis motionē:

I iij quod

quod eò magis constat, quia plurimi existimant Deum ne per absolutam potentiam posse mouere voluntatem absq; omni cognitione, & tamen dubium non est, quin Deus mouere voluntatem possit effectiue, & non tantummodò ex parte obiecti. Similiter ergò dici potest, quòd appetitus inferior motionem illam suam non exerceat in voluntatem, nisi mediante intellectus cognitione, eò quòd quemadmodum sine hac non potest voluntas aliquem suum actum elicere, ita neque capax sit sine illà alicuius impressionis, quæ eius motionem causet.

- 18 Dices: D. Thomæ non videtur tamen agnoscere alium modum, quo voluntas moueatur ab appetitu, quàm ex parte obiecti; ergò &c. Responderetur: Quamuis D. Thom. hoc loco faciat tantummodo mentionem istius modi, tamen alibi etiam alterum indicat, vt 1. parte quæst. 101. artic. 2. ubi ita scribit: Voluntas mouetur ab interiori à solo Deo, ab extrinseco mouetur ab Angelo, per hoc, quòd potest esse causa, quod aliquid apprehendatur ab intellectu. Et deinde subdit: Sed præter hunc modum voluntas etiam mouetur ab extrinseco, scilicet ex passione existente in appetitu sensitui; sicut ex concupiscentia vel irâ inclinatur ad aliquid volendum: sic Angeli possunt etiam mouere voluntatem, concitando similes passiones. Vbi distinguit duos illqs modos, quibus Angeli nostram possunt mouere voluntatem, videlicet efficiendo, vt aliquid apprehendatur à nostro intellectu, & concitando passiones, & per illas mouendo voluntatem; quate passiones debent etiam alio modo voluntatem mouere, quàm ex parte intellectus, alioquin duo isti modi non videretur ex parte Angelorum rectè poni tanquam distincti.

### ARTICVLVS III.

#### *Verum voluntas moueat seipsam?*

- 19 Conclusio D. Thomæ est: Voluntas per hoc quòd vult finem, mouet seipsam ad volendum ea, quæ sunt ad finem. Probatur à simili: quia intellectus per hoc, quod cognoscit principium, reducit seipsum ad actum, quantum ad cognitionem conclusionum, & sic mouet seipsum: atqui finis se habet in appetibilibus, sicut principium in intelligibilibus; ergò sicut mediante actu cognitionis principiorum intellectus se mouet ad intelligendam conclusionem, ita etiam voluntas mediante intentione finis potest se ipsam mouere ad electionem mediorum. Vide plura, quæ

ad hanc rem spectant, suprâ Artic. 1. huius Quæst. dub. 1. & plura quoque infrâ dicenda erunt.

### ARTICVLVS IV.

#### *Vtrum voluntas moueatur ab aliquo exteriori principio?*

20 Conclusio D. Thomæ est: Voluntas mouetur ab aliquo exteriori principio, & non tantum ab obiecto quo ad specificationem actus, quod satis manifestum est, sed etiâ necesse est ab alio aliquo principio extrinseco moueri quoad actus exercitiu.

Pro huius Conclus. & totius materiæ, quæ hic & Art. 6. infrâ tractatur intelligentiâ. Notandum Primò, Non loqui D. Thom. vniuersaliter de omni motu voluntatis: non enim de electione mediorum, quæ ex finis intentione causatur, quia Art. præcedente expressè docuit, voluntatem simpliciter mouere seipsam ad volendum ea, quæ sunt ad finem: quod etiam hic in Corpore repetit, & per anthitesim satis indicat, se non requirere principium externum, à quo voluntas ad electionem mouetur. Loquitur itaque solum de primo motu voluntatis; nam & in fine Corporis ita cum restrictione concludit: vnde necesse est ponere quod in primum motum voluntatis, voluntas prodeat ex instinctu alicuius exterioris mouentis. Ex quibus patet, motionem hanc principij exterioris, quam D. Thom. requirit, non esse concursum vniuersalem primæ causæ; quia hic nō minùs requiritur ad actum voluntatis, quo fertur in media, quàm quo in primum suum motum exit: iste enim est necessarius ad omnem motum causæ secundæ: neque est propriè influxus in ipsam causam, sed in effectum simul cum causa secunda. Quare ratione illius non tam propriè dicitur mouere causam secundam, quàm simul cum eâ operari. Notandum Secundò, Primum motum voluntatis hic intelligi non tantum illum, qui primus est absolutè ab exordio, quo incipit homo voluntate sua vt; sed qui in omni occasione primus est, ita videlicet vt non oriatur ex vi prioris alicuius volitionis, quod satis hic ex Corpore constat. Notandum Tertiò, D. Thomam non negare, quin voluntas quoque simul moueat seipsam in illo motu, quo dicit eam ab exteriori principio moueri: nam hoc expressè satis significat ad primum, & similiter ad tertium; Vbi respondet, quòd voluntas quantum ad aliquid, sufficienter se moueat, & in suo ordine, scilicet inquit, sicut

sicut agens proximum: & ratio id ipsum conuincit, quia primus motus voluntatis, v.g. amor cuiuscumque finis est actus vitalis, ergo effectiue à voluntate & animâ procedit tanquam à principio intrinseco: hoc enim est de ratione vitæ secundæ. Deinde est actus spontaneus & voluntarius, de cuius ratione similiter est quod procedat à principio interno. Quare dubitari nō potest, istam voluntatis motionem procedere quoq; physicè ab ipsamet voluntate.

22 Negant tamen nonnulli, quia inquirunt, vt quis moueat seipsum, debet operari ex intentione finis, quia intentio finis est principium omnis motionis, quâ quis se mouet: atqui primum motum in finem v. g. amorem huius vel illius rei, in quam propter ipsam quis inclinatur, non præcedit aliqua intentio finis, vnde se moueat ad istum amorem; ergo non mouet ipse se in illum; siue non efficit illum: Confirmatur ex D. Th. hic in Corpore, vbi ita scribit: Sed quia non semper sanitatem actu voluit (scilicet volūtas) necesse est quod inciperet velle sanari ab aliquo mouente, & siquidem ipsa moueret seipsam ad volendum, oportuisset quod mediante consilio hoc ageret ex aliqua voluntate præsupposita. Vbi videtur D. Thomas velle, quod voluntas non sit principium v. causa illius volitionis, quâ incipit velle sanari.

Responderet Primò, Possè simpliciter negari Assumptum, si intelligatur quod omnis talis motus, quo se quis mouet, debet procedere ex intentione finis, quæ sit distincta ab ipso actu, quo se moueat aliquis ad volendum aliquid: potest enim sufficere, quod cognitio finis præcedat, vnde voluntas excitat in se illius amorem & desiderium, non ex intentione præuiâ alterius finis, sed ad nudam intellectus propositionem, quâ obijcit rem hanc tanquam convenientem.

23 Sed pro maiori claritate, obseruandum est D. D. hic variare in modo loquendi. Quidam enim volunt non satis esse, vt aliquid dicatur mouere seipsum, quod concurrat ad motus in seipso productionem, sed requirunt, vt id fiat mediante alio aliquo actu secundo præuiò; quando autem motus causatur immediatè à forma aliqua supposito innatâ sine actu elicitò præuiò, tunc dicunt non formam illam aut suppositum mouere seipsum, sed moueri ab eo, quod actum istum primum seu formam causauit, iuxta modum scilicet quo Philosophus 8. Physic. dicit grauiâ & leuiâ moueri secundum locum à generante; Quemadmodum & D. Thom. dicit intellectum moueri ab extrinseco, videlicet Authore suo ad intelligenda principia, & mediante

cognitione principiorum mouere seipsum ad cognoscendas conclusiones.

Alij autem id minimè putant necessarium, sed sufficere motum causari ab intrinsecâ forma vt suppositum vel potentia dicatur seipsam mouere: etiam si abique alio actu secundo interueniente ab eâ producat motus: Hinc nunc ad euitandas disputationes de nomine & modo loquendi, Respondeo secundo, cum distinctione assumpti, si enim intelligatur quod vt quis moueat seipsum, id est, vt dicatur & absolute denominetur quis mouere seipsum, quod debeat præcedere intentio finis siue alius actus secundus, sic possè illud admitteri iuxta eos, qui seclantur priorem loquendi modum; cui satis videtur insistere D. Thomás. Vnde licet fateatur voluntatem esse principium intrinsecum proximè primi illius motus, de quo est quæstio, tamen non vult voluntatem denominari siue de eâ dici, quod moueat seipsam; quia non mediante alio voluntatis actu producit illum motum: & hoc solum docet verbis suprâ allegatis, vnde ad ea patet iam responsio: sed vult voluntatem dici ab extrinseco principio moueri, quod videlicet ipsam cum suâ inclinatione in bonum conueniens, produxit; id quæ significat verbis subsequētib; dum addit: vnde necesse est ponere quod in primum voluntatis motum voluntas prodeat ex instinctu alius exterioris mouentis.

24 Assumpto autem argumenti oppositi sic intellecto & admissio, non aliud inde sequitur, quam quod voluntas iuxta illam loquendi formam, non debeat simpliciter & absolute dici & denominari se mouere ad primos illos suos actus, sed potius dici moueri ab eo, à quo inclinationem in finem accepit, siue à quo ipsa tanquam pondus quoddam in bonum est condita, & homini indita; non autem sequitur quod à parte rei, ipsa non concurrat & producat illam in se motionem; atque ita tantum remanet differentia in modo loquendi. Si verò intelligatur Assumptum, quod necessum sit actum intentionis finis præcedere in voluntate, antequam voluntas sese in aliquem actum vel motum possit educere, sic iuxta responsionem primam antè positam, negandum erit ob rationes ibi allegatas. Quod autem ad illos diuersos loquendi modos attinet, videtur prior desumptus ex Philosopho suprâ citato: sed quamuis ita loquatur, vt dicat grauiâ & leuiâ secundum locum moueri à generante, non tamen negabit terram naturaliter & à natura moueri deorsum, & ignem sursum, cum ipse definiat naturam esse principium & causam, vt id moueatur atque  
I iij quiescat,

quiescat, in quo per se & non per accidens inest. Quare licet eiusmodi motus rectè dicantur causari à principio, à quo inclinationes sunt inditæ, non tamen idcirco rejiciendus est sermo, nequidem secundum loquutionem Philosophi, vt ex definitione naturæ patet, quia affirmatur forma producere in se vel suo supposito eiusmodi actus, siue ad eos se mouere: licet interim euidentius appareat, quod ipsa se moueat ad actum, quando illum mediante alio actu elicit; vt quando intellectus mediante principiorum cognitione cognoscit conclusionem; & voluntas mediante intentione alicuius finis pergit eligere media opportuna ad illum.

35

Principali autem ratione quadam de voluntate potius quam de quacumq; aliâ potentia vel forma admittendum est, quòd etiam in primis suis motibus moueat seipsam: quia ipsa suorum motuum etiam in finem domina est; atque in suâ habet potestatem velle ac nolle quemcumque finem particularem in hac vitâ: nam pondus & inclinatio in bonum, quæ in actu primò sunt indita voluntati ab Authore suo, sunt sub illius potestate quoad actum secundum, eò quòd voluntas rationalis teneat in manu consilij sui omne illud pondus suum vt exeat in actum secundum vel non exeat; & si exeat vt tunc hoc vel illo modo exeat, non secus quam homo tenens manu lapidem, in potestate habet vt lapis moueatur deorsum vel non moueatur: & rursum vt iuxta eius directionem vel rectè vel obliquè deorsum tendat; aut non minus quam si affingeremus ipsi lapidi intellectum vel sensum, quo mediante ipsum pondus eius posset seipsum sistere, vel rectè vel obliquè deorsum se dirigere. Vnde hinc etiâ ulterius colligitur, quòd voluntas non tantum physicè causet motus suos in finem, sed etiam moraliter, quando saltem cū plenâ rationis aduertentiâ in illos mouetur. Quod confirmatur Primò, quia nullum bonum in hac vitâ amat ex necessitate, sed ita cuius adhæret, vt dum amat, possit non amare, atque ad eò seipsam determinat ad exercitium amoris cuiuscumque finis: hoc autè est seipsam mouere non tantum physicè sed etiam moraliter quatenus ita liberè & cum tali indifferentiâ ex parte potentie. Cuius etiam euidentissimum signum est, quòd amor finis reputatur homini ad laudem & meritum, si bonus sit & honestus, & e contra ad vituperium & demeritum, si malus & inhonestus. Accedit & alia ratio quia motus quidam voluntatis in finem, prauis sunt & culpabiles, vt quibus intendit quis voluptates, ambit honores &c. atqui tales mo-

tus non possunt referri in Deum tanquam causam, quæ ad eos determinatè moueat; ergò in voluntatem tanquam causam, quæ ad eos se determinat. Vnde D. Th. infrâ artic. 6. ad 3. expressè dicit, quòd Deus mouet voluntatem hominis, sicut vniuersalis motor ad vniuersale obiectum voluntatis, quod est bonum: sed homo per rationem, inquit determinat se ad volendum hoc vel illud.

Dixi voluntatem etiam moraliter motus suos operari, saltem quando cum plenâ rationis aduertentiâ agit, quia motus qui vocantur à D. D. primo primi, & præueniunt rationis iudicium, admittimus voluntatem non operari moraliter siue liberè; physicè tamen dicimus eos quoque à voluntate procedere.

Sed dicit aliquis: Ratio à D. Tho. hic in Corpore assignata videtur probare voluntatè absolute non posse se mouere in primo suo motu; quia inquit, omne quod quòdque est agens in actu & quandoque in potentia indiget moueri ab aliquo agente: manifestum autem est quòd voluntas incipit velle aliquid cum hoc prius non vellet; ergò &c. Resp. N. Assumptum: sed ad summum probat ratio illa, quòd voluntas nostra non sit, nec esse possit in illo motu primò mouens absolute, sed necessum sit admittere aliud principium: hoc autem non aduersatur illis, quæ diximus. Quodnam verò illud principium sit, & quomodo hic voluntatem moueat, ex dictis facile est intelligere: videlicet quòd principium illud sit author voluntatis, qui instinctu quodam, vt loquitur D. Th. siue inclinatione & impressione voluntati inditâ, mouet eam in bonu vniuersale; sicut generans propter inclinationem, quâ imprimit, dicitur mouere grauiâ & leuiâ secundum locum, cum illâ tamen distinctione suprâ explicatâ, quòd voluntas impressionem istam habeat in manu consilij sui, non sic grauiâ & leuiâ impressionem quam accipiunt à gerente.

26

## ARTICVLVS V.

*Virum voluntas moueatur à corporibus celestibus?*

Si Conclusio vnica: Non potest voluntas directè moueri à corporibus celestibus, quali quæ imprimant immediatè aliquid ipsi voluntati, indirectè tamè eam ab illis moueri cōtingit. Est communis & certa. Prior pars probatur ratione D. Tho. quia voluntas est potentia immaterialis: manifestum est autem quòd nullū corpus agere

27



agere valeat in rem incorporeā. Probatur Secundo, quia ne quidem Angeli siue boni siue mali possunt directe voluntatem nostram mouere, sed solum indirecte per modum consulentis aut suadentis, proponendo obiecta, vel concitando motus appetitus sensitui, vt supra Artic. 2. ostendimus ex D. Thoma; ergo multo minus id possunt corpora cælestia. Vide D. August. lib. 2. de Gen. ad literam cap. 16. & 17. D. Greg. Homil. 10. in caput 2. Matthæi & D. Thom. 1. parte qu. 115. & 116. Posterior pars declaratur, quia corpora cælestia possunt in humano corpore varias causare alterationes humorum, & sic commouere & concitare diuersas passiones in appetitu sensitui: atqui eiusmodi humorum alterationes & passiones appetitus indirecte mouent suis modis voluntatem, vt ante Artic. 2. explicuimus; ergo & cælestia corpora indirecte eam mouent: quod enim est causa causæ, etiam causati est causa.

## ARTICVLVS VI.

*Verum voluntas moueatur à solo Deo, sicut ab exteriori principio?*

18 **N**Otandum hic Primò, Voluntatem ab exteriori principio dupliciter posse moueri: directe videlicet, & indirecte. Ab eo directe moueri censetur, quod influit effectiue in ipsam voluntatis motionem per se vel per aliquem actum, aut virtutem effectiuam, quam intrinsece ingenerat aut imprimit ipsi voluntati. Indirecte verò mouetur ab illo, quod nec motionem ipsam effectiue producit, neque aliquid in ipsa voluntate intrinsece ponit, quod motionem efficiat, sed dat tantum materiam vel occasionem, quod voluntas moueat seipsam.

Notandum Secundo, Hic quæstionem esse de voluntatis motione, quæ directe mouetur: nam posse indirecte moueri à corporibus cælestibus iam Artic. præcedente ostendit & explicuit D. Thom. sicut & in 1. parte, quod ita ab Angelis moueri possit.

Notandum Tertiò, Tribus potissimum modis voluntatem dici à Deo moueri, & quidem omnibus istis directe; nam & alijs modis indirecte quoque eam mouere potest. Primò quidem, Deus dicitur mouere voluntatem, sicut & alias omnes potentias operatiuas, quatenus concursu vniuersali influit in actum voluntatis & in omnem actionem creaturæ: sicut enim omnia in suo esse dependent à Deo, ita & in suo

operari, sic vt nullam actionem exercere valeant, inquam Deus immediate non influat. Secundo, mouet Deus voluntatem, operando singulari influxu in eā affectiones honestas, & præcipue supernaturales & sanctas, ad quas sæpius ita mouet voluntatem, vt licet ipsa simul effectiue eas physice producat, non tamen liberè eas operetur: sed contingit, & eò ordinantur à Deo, quod illis mediantibus tanquam impetu quodam & virtute diuinitus voluntati impressis, voluntas excitetur & corroboretur ad actus virtutis liberè eliciendos, vel quod accedente plenâ rationis aduertentiâ in ipsam sibi complacat, liberèque continuat. Neque enim ad pia & sancta opera mouet Deus hominem tantummodo per bonas inspirationes, quibus intellectum illustret, quomodo non attingeret effectiue voluntatē eius operationes; sed prius quidem bonam cogitationē immittit: nam sine cognitione, vt supra dictum est, non mouetur voluntas; attamen præterea necessum est, vt quoque ipsam voluntatem effectiue exciter, commoueat, eique vires addat; quia non valet voluntas sequi intellectum supernaturaliter illuminatum, nisi & ipsa per gratiam adiuuetur, vt infra docebitur. Vnde & hic modus mouendi voluntatem est modus mouendi eam directe, non indirecte tantum.

Est autem differentia inter hunc modum & præcedentem; quod iuxta hunc Deus non tantum influat in ipsam actum, seu effectum voluntatis, (sicuti supra Artic. 4. diximus, eum solummodo influere, quatenus concurrat concursu tantum vniuersali) sed quod etiā moueat & afficiat ipsam voluntatem non solum quatenus passiuè recipit in se actum suum verum, sed etiam quatenus ipsa effectiue concurrat & operatur suum actum, quia voluntatem eleuat & altiore virtute imprimit, quâ mediantē operetur. Tertiò, mouet Deus voluntatē directe, quatenus author est voluntatis imprimens illi cum ipsius productione pondus & inclinationem, quibus perpetuo in bonum in communi propendit, prout iam ex D. Th. art. 4. diximus, quod generans moueat leuia & grauiā per impressionem, quam illis ingenerat, quā vnumquodque elementum ad locum suum naturalem tendit. His præmissis sit

Conclusio vnica: Non potest humana voluntas, nisi à solo Deo tanquam ab exteriori principio moueri. Est D. Th. hic & cõmunis Scholast. Probatur: quia eo modo pendet motus voluntarius à voluntate, sicut motus naturalis à naturâ: atqui nulum principium extrinsecum potest causare motum naturalem corporis præter autorem

authorem vel principium naturæ; nam licet homo possit mouere lapidem sursum vel lateraliter, tamē motus illi nō erunt ei naturales: imō etiā quis mittat deorsum, illa quoque intensio motus erit illi præternaturalis; ergō similiter licet benē cōtingat hominem habentem voluntatē, moueri ab aliquo, qui non est hominis causa, tamen motum eius voluntarium, seu voluntatis eius, esse ab aliquo principio extrinseco, quod non sit causa voluntatis, fieri nō poterit: atqui nihil potest esse causa voluntatis præter Deum; ergō non potest ab alio extrinseco moueri quā a solo Deo. Subsumptum probatur dupliciter: Primò, quia voluntas est potentia animæ rationalis, quæ a solo Deo creatur, vt docet D. Th. latius 1. p. quæst. 90. Secundò quia voluntas habet ordinem ad vniuersale bonum, vnde non nisi is, qui est aut includit bonū vniuersale, potest causare voluntatem: Deus autem solus est talis, quælibet verò particularis causa sicuti non potest esse nisi bonum quoddam particulare participatum, sic quoque non potest dare nisi inclinationem particularem non vniuersalem quia non potest excedere virtutem quam formaliter, aut eminenter continet. Vnde, inquit D. Thom. nec materia, quæ est in potentia ad omnes formas, potest causari ab aliquo particulari agente.

31 Obijciat aliquis: Est quoddam corpus naturale non moueatur motu naturali ab alio extrinseco quā a causa vel principio naturæ, absolute tamen mouetur ab alio extrinseco, & quidem directē, siue interim præter vel contra naturam, ergō etiam voluntas poterit simpliciter moueri ab alio extrinseco, quamuis non motu sibi conaturali. Resp. N. C. Et ratio diuersitatis est, quodd voluntas non possit pati, sicuti corpus, violentiam præsertim a causa creatā, vt suprā quæst. 6. artic. 3. ostensum est.

Sed Quæres, An D. Thomas hic remoueat omnes tres modos ab omni alio externo principio, quibus dictum est a Deo voluntatem moueri directē? Respondeatur D. Tho. potissimum hic respicere ad tertium modū, quo videlicet mouet Deus voluntatem per impressam ipsi inclinationem naturalem. Quod declaratur primò: quia confert hunc modum mouendi voluntatem cum modo, quo generans mouet grauiā & leuiā secundum locum qui correspondet dicto tertio modo. Deindē in responsione ad 3. dicit, quodd Deus mouet voluntatem hominis, sicut vniuersalis motor ad vniuersale obiectum voluntatis, quod est bonum: hoc autem præstat concedendo voluntatem cum inclinatione in

bonum in communi. Neque hoc ita propriè illi conuenit ratione concursus vniuersalis, quia per illum non mouet in primis voluntatem, sed conuenit ad eius actionem: & vt dicatur etiam ratione illius voluntatem mouere, tamen non mouet ad vniuersale obiectum, sed cooperatur ad particularem actionem, licet concursus ex se indifferens esse ponatur. Deniq; suprā docuit, specialiter voluntatem moueri ab extrinseco principio videlicet Deo in primis motibus, quibus mouetur in finem, sed à seipsa vt iam volente finem, moueri ad electionem mediorum: atqui hoc conuenit specialiter voluntati iuxta tertium modum, videlicet dici ab extrinseco moueri in intentione finis magis, quā in electione mediorum; ergō &c.

Dices: Etiam in eligendis medijs videtur voluntas sequi inclinationem in bonū a Deo sibi insitā & ab eā moueri: vnde apparet subsumptum illud non subsistere. Respondetur: Etsi id, quod hic assumitur, possit aliquo modo admitti: Negando tamen Conseq. quia specialis nihilominus est ratio quare a Deo dicatur potius moueri voluntas in primis motibus, quibus tendit in finem, quā in electione mediorum: quia scilicet nullus actus secundus intermedius est inter illum instinctum, quo ab authore suo inclinatur in bonum, & inter actuale intentionem finis, ideoque, vt suprā significauimus, specialiter dicitur voluntas in intentione finis moueri a principio extrinseco, non à seipsa, iuxta modum loquendi D. Thomæ: sed quando eligit mediū, tunc præcedit alius actus secundus, videlicet intentio finis, quæ excitat & inclinat voluntatem in electionem medij; ac huic intentioni magis adscribitur ista electio quā inclinationi naturali insitæ ad bonum, quia hæc per se mouet in bonum amabile propter se, & excitatā iam motione in finem siue bonum amabile propter se, mouet se voluntas vltteriūs ad eligēda media. Cæterum quamuis D. Thomas hic principaliter respiciat ad tertium modum & in eo declare, qualiter non nisi a solo Deo tanquam externo principio possit moueri voluntas; tamen verum quoque est, quodd nec primo nec secundo modo possit ab illā omnino creaturā extrinsecus directē moueri; vt D. Th. latius docet in 1. Parte, qui etiam hic in responsione ad 3. mentionem facit secundū modi, quo videlicet Deus interdum mouet aliquos ad aliquid determinatē volendum.

Sed contra dictā Obijciat aliquis: Si Deus dicatur directē mouere voluntatem, tum ratione concursus vniuersalis, tum etiam

32

33

eriam ratione inclinationis in bonum in communi, quàm voluntati indidit; ergò debet quoq; dici directè mouere ad intentionem prauī finis. Confirmatur: quia, quantum ad illos mouendi modos, videtur Deus eodem modo sese habere ac mouere, quando voluntas appetit bonum verum, & quando appetit apparens tantum: atqui illud absurdum est; ergò &c. Resp. Negando illam hypotheticam, absoluto sermone loquendo: quia vt Deus simpliciter dicatur mouere voluntatem ad aliquam determinatam speciem actionis, nō sufficit quoddā verā & reali efficiētiā in voluntatem vel actionem illam influxat (quo ex capite suprā declarauimus Deum dici directè mouere voluntatem ratione inclinationis inditæ & concursus vniuersalis, in genere scilicet loquendo, vbi directè mouere excludit mouere tantum per modum obiecti aut proponēdis obiectum) sed insuper requiritur, vt ex eius intentione vel ex determinato eius influxu fiat, quoddā productur hæc actionis species. Iam verò quoddā voluntas mouetur in prauum finem, vel appetat bonum apparens tantum, non fit neque ex intentione Dei,

neq; ex determinato eius influxu ad eam volitionis speciem; sed indidit Deus voluntati inclinationem in bonum in communi, vt ipse homo mediante tali inclinatione moueat se in bonum conueniens rationali naturæ, & honestum: si autem aliter se moueat, hoc non est adscribendum Deo vt auctori, quia non sequitur ista motio ex inclinatione inditā vt subest Dei intentioni & directioni, sed vt ab eis declinat: quamuis vt consideratur tendere in communem boni rationem, sic etiam ab illā inclinatione à Deo insitā efficiatur: non tamen idcirco absolute & simpliciter potest Deo tribui propter rationem iam dictam. Quemadmodum dum quis vtiitur gladio non ad sui defensionem, ad quem effectum est fabricatus, sed ad latrocinium, non censetur eius artifex esse causa latrocinij. Similiter quoq; præbet Deus concursus vniuersalem nō ex intentione, vt prauæ actiones fiant, neq; ad eas voluntatem per concursus illū determinat, sed quantum ex se est præbet indeterminatū, vt voluntas modo sibi connaturali operari possit: si autem ab honestate declinet, hoc ex ipsius vitio & determinatione prouenit.

## QVÆSTIO DECIMA.

### De modo, quo voluntas mouetur.

#### In quatuor Articulos diuisa.

##### ARTICVLVS I.

*Verum voluntas ad aliquid naturaliter moueatur?*

**C**ONCLUSIO D. Thomæ est affirmatiua, Conuenire videlicet voluntati ferri in aliquid naturaliter. Declarat id in primis, quia mouetur naturaliter in bonū in communi. Quod sic videtur ostendere; quia in omnibus, quæ alicui conueniunt, hoc ei est naturale, quod est primum principium, & causa, ob quam cætera conueniunt vel ad quam cætera reducuntur, quæ insunt aut conueniunt: atqui bonitas in communi est formale & primum principium obiectiuè mouens, & trahens voluntatem; ergò motus voluntatis in illam est naturalis. Secundò, quia naturaliter mouetur in finem vltimū, siue beatitudinem, finis enim se habet ad voluntatem, sicut prima principia ad intellectū: sed prima principia naturaliter ab intellectu cognoscuntur; ergò etiā na-

turaliter finis vltimus à voluntate amatur. Tertio, quia naturaliter mouetur in omnia, quæ conueniunt volenti secundum suam naturam, vt in cognitionem veri, quæ conuenit intellectui, & esse, & viuere, ac huiusmodi alia: quia volūtas est homini data tanquā inclinatio vniuersalis in omne bonum suppositi sui, vt eā mediante omnibus potentijs & partibus de sibi necessarijs ac conuenientibus prouideatur, vt sic singulæ potentie & partes suum fortiantur proprium finem; ergò naturaliter fertur in omnia illa, vt toti supposito bene sit.

Sed difficultatem habet, Quidnam sit moueri voluntatem naturaliter hoc loco ex mente D. Thomæ. Caietanus hic, & plures cum eo, existimant idem esse quod moueri necessariò; sic tamen vt non agatur de motione quoad exercitium actus, sed tantum quoad eius specificationem: vt sensus doctrinæ huius Articuli sit, Voluntatem moueri necessariò circa quædā obiecta, quoad actus specificationem, ita videlicet, vt circa eadem non possit elicere actum

actum contrarium : v. g. quòd non possit nolle bonum in communi, non possit nolle finem vltimum, nempe sub generali ratione beatitudinis; atque ita in talia moueri per modum naturæ, quia eatenus ad vnum est determinata, vt non possit circa idem exercere actum oppositum, quamuis non sit determinata ad exercitium actus. Sed magis placet sententia Suarez, qui disput. 19. suæ Metaphys. sect. 8. nu. 18. negat vocem illam, naturaliter, apud D. Thom. hoc loco significare idem quòd, necessariò; sed dicit, naturaliter moueri, idem esse, quòd moueri ex naturali propensione, siue interim illa motio eliciatur necessariò siue liberè: quia in primis D. Thom. artic. sequenti inquit, vtrum voluntas necessariò moueatur ab obiecto, ibidemq; explicat moueri necessariò quoad specificationem actus à bono in communi, & à fine vltimo; ergò non debet censeri id docuisse hoc loco, quando dicit voluntatem in illa naturaliter moueri, sed potius gradatim processisse, vt postquam offendit voluntatem ad aliqua moueri naturaliter, inquirat, an etiam moueatur necessariò. Deinde in responsione ad 1. admittit simpliciter, aliud esse modum operandi voluntatis, quæ est actus sui domina, & aliud esse modum operandi naturæ, quæ est determinata ad vnum; sed quia voluntas fundatur, inquit, in aliqua natura, habetq; aliquod esse quasi naturæ, quatenus scilicet natura dicitur aliquando quælibet substantia vel quodlibet ens, vt distinguit in Corpore articuli, idcirco debet modus naturæ, ait, quantum ad aliquid participari à voluntate. Istam autem participationem non videtur aliter intelligere; quam quòd ex suo esse siue ex ratione suâ propendeat in vnum, & proinde quando in illud se mouet (tenet enim illam propensionem in manu consilij sui) tunc censetur moueri naturaliter. Denique, docet hic D. Thomas voluntatem moueri naturaliter in omnia, quæ conueniunt volenti secundum naturam, eaque sicut quædam particularia bona comprehendendi sub obiecto voluntatis: & artic. sequenti in Corpore dicit, quòd voluntas non possit non velle bonum perfectum, quòd est beatitudo; alia autem (inquit) quælibet particularia bona possunt à voluntate repudiari: vnde Consequens est illum non pro ipsdem habere, voluntatem moueri in aliquid naturaliter, & moueri in illud necessariò.

Sed contra hoc argumentum opponet aliquis, quòd D. Thomas artic. seq. ad 3. non velittantum finem vltimum ex necessitate à voluntate appeti, sed etiam illa,

quæ ordinantur ad illum finem, suntque talia, vt sine illis finis ille haberi non possit, vt sunt, inquit, Esse & viuere; ergò non procedit collectio facta. Respondetur, N. Conseq. Primò, quia D. Thomas hoc artic. non tantummodò de Esse & viuere, quæ necessariò præsupponuntur, vt quis sit beatus, docet quòd voluntas ad ea moueatur naturaliter, sed id docet vniuersaliter de omnibus, quæ conueniunt volenti secundum naturam; hæc autem omnia non sunt talia, vt sine illis non possit haberi finis vltimus, v. g. comedere, bibere, dormire &c. Deinde non tantum vult voluntatem ferri naturaliter in ea, quæ singulis potentijs conueniunt, considerata vt sunt necessaria quasi media, sine quibus beatitudo haberi non potest, sed simpliciter, quatenus sunt quædam perfectiones potentiarum, & suppositi, sub quâ ratione possunt repudiari à voluntate, quatenus vel simul acquiri & haberi, vel cum alijs bonis, quibus afficitur, consistere non possunt. Non est igitur idem hic apud D. Thom. voluntatem moueri in aliquid naturaliter, & moueri necessariò. Vnde neque voluntas debet censeri tantummodò quantum ad specificationem actus, moueri naturaliter ad aliquid, sed etiam quoad exercitium actus, quòd liberè facit; vt quando mouetur in bonum conueniens volenti secundum naturam, sicut erat notus Christi, quomouebat à se transferri calicem, si ita Patri Cœlesti placuisset; & tunc dicitur voluntas operari vt natura: sed quod ex iudicio rationis mouetur ad ea, quæ sunt naturæ disconuenientia seu contraria; tunc non mouetur naturaliter, neque vt natura, sed vt rationalis voluntas, quæ vt sic non sequitur naturæ conuenientia, sed magis attendit & sectatur, quæ sunt conuenientia rationi & virtuti; & sic voluntas Christi non naturaliter, sed secundum rationem mouebatur ad calicem acceptandum, & sese morti obijciendum.

Obseruandum verò hic est, quòd licet voluntas ex naturali propensione siue naturaliter mouetur in communem boni rationem, vt habet D. Thom. quæ in omni eius obiecto reperitur, non tamen inde sequi, eam moueri naturaliter in omne obiectum; quòd appetit, quia quamuis communis ratio boni sit naturaliter appetibilis, tamen vt in hoc vel illo particulari obiecto est vestita multis sæpè naturæ suppositi disconuenientibus, non moueretur in illam voluntas quatenus natura est, nisi succurreret ratio, quæ iudicat plus virtuti quam commoditati naturæ esse tribuendū.

Ex dictis colligere est, Quod sit voluntatem mouere se, vt natura est, & quid eam mouere

mouere se, vt voluntas est: neque sufficenter sic distingui, quòd tunc solum voluntas mouetur vt natura, quando ex necessitate mouetur ad specificationem actus; & tunc vt voluntas, quando mouetur liberè ad exercitium actus: quia tam vt natura quàm vt voluntas potest se mouere ad exercitium actus, & quidè liberè; sed tunc propriè mouetur vt natura, quando in ea, quæ naturæ suppositi sunt conuenientia fertur (diximus n. iam antè, quòd voluntas sit còmunis inclinatio, vt eà mediante provideatur toti supposito) tunc autem mouetur vt voluntas, quando mouet se ad ea, quæ sunt consentanea rationi & virtuti, non habità ratione commoditatis naturæ.

## ARTICVLVS II.

### *Vtrum voluntas moueatur de necessitate à suo obiecto.*

**C**onclusio Prima: Voluntas à nullo obiecto mouetur ex necessitate quantum ad exercitium actus. Ita D. Thomas hic. Probatur Primò: quia potest quis cogitationem à quocumque obiecto diuertere & auocare, & per consequens potest abstinere ab eius volitione; quia, vt suprà dictum est, sine intellectus cognitione non potest vel inchoari vel còtinuari actus voluntatis. Probatur Secundò: quia proposito quocumque obiecto, ac stante etiam eius cognitione, potest voluntas suspendere actum; quia vel non proponitur vt bonum vniuersale, vnde simul virtualiter saltem videt intellectus eius deficientiam, vt suprà quoque ostensum est; vel certè non ita proponitur, vt eius amor iudicetur hic & nunc necessariùs ad beatitudinem, vnde voluntas potest hic & nunc cessare à motu in tale obiectum.

Sed contra Conclusionem sic vniuersaliter à D. Thoma positam, occurrit duplex difficultas. Vna est, quòd voluntas moueatur necessariò à Deo clarè viso. Altera est, quòd in motibus primò primis, vt DD. loquuntur, agat necessitate quãdam, sic vt eos excludere seu præcauere non possit.

Ad primam difficultatem Respondet hic Caiet. Aliud esse voluntatem moueri necessariò ab obiecto, aliud verò voluntatem tali modo disposità necessariò moueri ad exercitium actus: nam prius vult importare, quòd obiectum efficienter operetur motionem voluntatis. Et hoc dicit esse, quod D. Thom. hic vniuersaliter negat, quia etiam Deus clarè visus, quatenus obiectum, non operatur efficienter neces-

sarium illum sui amore; sed voluntas in tali dispositione elicit necessariò amorem illum. Verùm ista distinctio ad rem hic non facit: quando enim D. Thomas quærit, An voluntas de necessitate moueatur ab obiecto. non inquit, An obiectum efficienter causet motum voluntatis; sed An voluntas necessariò feratur in obiectum, quomodocumque dicatur concurrere obiectum: Iam enim quæst. præcedenti explicuerat, quòd voluntas sit principium actus quoad exercitium, & obiectum quoad specificationem. Hic itaque institutum D. Thomæ est explicare, Vtrum voluntati iniiciatur necessitas operandi ab obiecto, non faciendo vim in eo, an obiectum efficienter, an alio modo concurrat: nam expressè admittit colorem, si proponatur visum ex necessitate mouere visum, nisi quis visum auertat; & tamen color non causat efficienter visionem, sed concurrat obiectiue. Quare magis probanda est Responsio Capreoli in 1. dist. 1. qu. 3. ar. 1. concl. 3. & Conradi circa hunc Artic. videlicet D. Thomam loqui de statu huius vitæ: vt sensus eius sit, in hac vitâ, voluntatem in nullum obiectum moueri ex necessitate; quem sensum etiam requirit ratio, quam adiungit, quod videlicet possit quis de quocumque obiecto non cogitare; quod locum non habet in patria, vbi non potest beatus cogitationem à Deo clarè viso diuertere, vt suprà Quæst. 4. dictum est.

Ad alteram difficultatē Respondetur D. Thom. hic agere de motibus voluntatis deliberatis, cum præuia perfectâ cognitione obiecti, & plenâ rationis aduertentiâ: sic enim non fertur necessitate in aliquod obiectum, quin si homo præmeditetur, possit non ferri; & si non præmeditatè voluntas rapta sit, antequâ videlicet aliquam obiecti disconuenientiâ intellectus valuit proponere, possit motum sistere, aut cohibere, accedente pleniori intellectu consideratione.

Conclusio Secunda: Quantum ad specificationem actus, mouetur voluntas ex necessitate ab aliquo obiecto, sed non à quolibet. Ratio diuersificatis est: quod aliquod obiectum omni ex parte & omnibus modis sit appetibile, vt est illud, quod est vniuersaliter & secundum omnem considerationem bonum, quale est beatitudo: in eiusmodi enim obiecto non est inuenire motuum actus contrarij, quia nihil odisse possumus nisi sub ratione mali vel disconuenientis: quãdam verò obiecta non sunt omni ex parte appetibilia, quia non continent omne bonum vniuersaliter; quare cum defectus alieuius boni habeant rationem mali,

K hinc

hinc secundum unam considerationem quæ bona, possunt à voluntate acceptari; & è contra secundum aliam considerationem, quæ deficient à ratione boni, ab eadem voluntate repudiari.

## ARTICVLVS III.

*Vtrum voluntas moueatur de necessitate ab inferiori appetitu.*

9 **C**onclusio Prima: Quando à vehementia passionis vel ob aliquam perturbationem corporalem totaliter absorbetur vsus rationis in aliquo, tum de illo eadem est ratio, quæ de animalibus brutis, quæ ex necessitate sequuntur impetum passionis. Est D. Thomæ, quam probat hoc modo: quia in talibus, qui v. g. propter vehementem iram vel concupiscentiam furiosi fiunt aut amentes, non est aliquis rationis motus, & per consequens (inquit) nec voluntatis; ergo ex necessitate sequitur impetum passionis, sicut bruta.

Vnde oritur dubitatio, vtrum ergo in amentibus (& eadem potest esse ratio de pueris & somniantibus) non sit operatio intellectus, & voluntatis rationalis? Id enim videtur D. Th. hic pro argumento sue Conclusionis assumere. Dicendū nihilominus est, omnino in illis quoque operationes intellectus & voluntatis rationalis locū habere: hoc enim D. Th. diuersis locis satis aperte agnoscit, vt r. p. q. 84. a. 8. ad 2. In 4. d. 9. q. 1. a. 4. ad 3. & 4. 2. 2. q. 154. a. 5. ad 2. & 3. & clarissime De veritate q. 28. quæ est de iustificatione Impij art. 3. ad 6. vbi expressè docet intellectum in dormiendo non impediri, quin aliquid percipiat siue ex prius cognitis, siue ex illustratione alicuius substantiæ superioris: & motum quoque voluntatis admittit, quia de illo sic scribit: Et ideo vsus liberi arbitrij, per quem voluntas in Deum conuertitur in dormiendo, sufficiens esse non potest (scilicet ad iustitiam obtinendam) quia etsi sit aliquis motus voluntatis, inquit, magis sequitur phantasiam quàm iudiciū completum rationis. Non itaque sensus verborum D. Th. hoc loco est, quod nulli omnino sit operatio intellectus, aut voluntatis quatenus sunt quæ à potentia naturalis in amente, sed quod nullus sit motus rationis, id est nullus motus rationalis, qui scilicet cum iudicio elicitur, & sic quoque quod non sit aliquis motus voluntatis, nempe vt rationalis est, qui rationis iudiciū sequatur, & proinde qui dici possit liberè exerceri. Quod euidenter colligitur ex q. 28. De veritate loco citato. Vbi ra-

metri dicat intellectum in dormiendo posse aliqua percipere, tamen addit, quod in dormiendo non possit esse iudiciū perfectum intellectus: & quod motus voluntatis sequatur phantasiam magis quàm completum iudiciū rationis, quod tunc haberi scilicet non potest. Vnde fit, quod homo tam voluntate quàm appetitu sensitivo instat bruti feratur necessitate in obiectum tanquam hic & nunc conueniens apprehensum: quod D. Thomas docere & probare hic intendit.

10 **C**onclusio Secunda: Quando rationis iudiciū non totaliter à passione absorbetur, tunc licet appetitus & eius affectio inclinent in aliquod obiectum, non tamen ex necessitate in illud tendit voluntas. Probatur Primò ex Scriptura, Genes. cap. 4. *Saber te erit appetitus tuus, & tu dominaberis illius*; non trahit igitur inferior appetitus de necessitate appetitum superiorem. Probatur Secundò: quia licet obiectum propositum tanquam conueniens supposito propter appetitum inferioris eiusmodi dispositionem, prouocet voluntatem, tamen superest vis rationis diiudicatiua, quæ æstimans & conferens res non secundum commoditates naturæ tantum, multoque minùs tantummodò secundum deprauatas affectiones appetitus inferioris, sed secundum regulas honestatis & virtutis, valet corrigere eiusmodi propositionem obiecti, & dicere ac dictare, verè non esse supposito rationali bonum & conueniens.

Sed contrà Obijcitur: Apostolus ad Rom. cap. 7. dicit *Non quod volo bonum, hoc ago, sed quod odi malum hoc facio*: atqui hoc dicit propter concupiscentiā, quæ est passio appetitus inferioris; ergo videtur quod ab eā voluntas moueatur ex necessitate. Respondetur, N. C. quia licet voluntas non possit impedire, quin motus concupiscentiæ infurgat, de quo Apostolus dicit, *Quod odi malum hoc ago*: tamen potest voluntas non velle concupiscere, nec ipsi concupiscentiæ consentire; atque ita non mouetur voluntas ex necessitate ab appetitu, quamvis aliquando patiatu motus concupiscentiæ in ipso appetitu sensitivo, quos impedire aut sedare ad arbitrium non potest.

Notandum verò hic est, Quando D. Thomas Responsione ad 3. scribit, voluntatem non solū moueri à bono vniuersali apprehenso per rationem, sed etiam à particulari apprehenso per sensum, id non sic esse intelligendum, quasi cognitio sensus sola sine intellectus cognitione sufficiat ad mouendam voluntatem: contrariū enim iam suprà quæst. præcedenti ostendimus:

dimus: sed sensum esse, quod voluntas non tantummodo mouetur à bono vniuersali, quod sola ratione percipitur; sed etiam à particulari ac singulari, quod sensu apprehenditur, ita tamen vt mediante sensus apprehensione etiam ab intellectu percipitur, vt circa hunc Artic. rectè obseruauit Caiet.

# ARTICVLVS IV.

*Vtrum voluntas moueatur de necessitate ab exteriori motiuo, quod est Deus.*

12 **D** Ocuit D. Thomas Quæst. præced. Artic. 6. voluntatem à Deo tanquã ab exteriori principio moueri: vnde hic inquit de modo, quo moueatur à Deo, vtrum necessariò, an contingenter siue liberè. Quæstio itaque est de motione voluntatis, quam causat Deus, vt principium externum efficiens, non tanquam obiectiue mouens. Deinde, quemadmodum suprà loco iam citato potissimum explicat, voluntatem à Deo moueri tanquam principio extrinseco ratione inclinationis, & quasi impetus eidem impressi, quo ex se propendet in bonum in communi (quamuis etiam aliam mouendi rationem attingat ibidem in Responsione ad 3.) ita etiã meritò intelligendus est D. Thom. hic præcipue inuestigare, An secundum eam rationem, quã mouetur voluntas à Deo vt auctore suo, moueatur de necessitate, sicuti grauiã & leuiã mouentur necessitate quadam à generante; licet interim eius responsio etiã in alijs modis, quibus Deus voluntatem efficienter mouet, habeat locum. His præmissis sic

13 **C**onclusio vnica: Deus sic voluntatem mouet vt non ex necessitate eam ad vnum determinet; sed remaneat motus eius contingens, & non necessarius. Est expressè D. Thom. hic. Probatur Primò ex Scriptura: Ecclesiastici 15. *Deus ab initio constituit hominem, & reliquit eum in manu consilij sui*; ergò non determinauit illum ex necessitate ad vnum per motionem, quã voluntas ab ipso mouetur. Probatur Secundò ratione D. Thomæ: quia ad diuinam providentiam pertinet non corrumpere siue inuertere naturas rerum, sed eas conseruare: atqui voluntas est actiuum principium ex natura suã se habens indifferenter ad multa; ergò non conuenit, quodd Deus motione suã determinet illam ex necessitate ad vnum: hoc enim naturæ eius non conuenit, sed vt eam accommodat ad naturam ipsius moueat, ita videli-

cet vt effectus contingenter siue liberè ab illà procedat: quod hac ratione fit, quando inclinationem ei inditam (quæ quantum ex se est, semper quali protrudit voluntatem in finem suum siue bonum) posuit in manu consilij ipsius hominis; non secus quàm relicta est in potestate hominis tenentis lapidem in aëre, motio ipsius deorsum, quam pondus & inclinatio lapidis, quantum ex se est, semper causat dum est extra locum naturalem: ita vt quemadmodum quando tenenti placet, mouetur lapis à pondere cum effectũ; ita etiam quando supposito rationali placet, inclinatio & pondus voluntatis moueant cum effectũ in bonum hoc vel illud prout consilium eius fert; & quando non placet, sistantur. Et hoc sensu optimè videntur intelligi, quæ habet D. Thomas in Responsione ad 1. quando dicit, quod voluntas diuina non solum se extendit, vt aliquid fiat per rem, quam mouet; sed etiam, vt eo modo fiat, quo congruit naturæ ipsius. Hoc enim præstat, quando motionem suam modo admirabili sic nouit voluntati attemperare, & in manu consilij nostri constituere, sicut iam explicatum est, vt efficienter in omni actũ voluntas ab eã moueatur, & tamen liberè simul seipsam moueat. Quod tamen intellige de actibus voluntatis deliberatis cum perfectò rationis iudicio: nam mouetur voluntas sæpius ex necessitate in primis affectionibus pijs & supernaturalibus, quas Deus in illà excitat & operatur, quamuis non sine vitali concursu voluntatis. Sic quoque capitur aliquando necessitate quadam in obiecta siue bona siue mala, naturali quasi pondere suo (quamuis non in mala sub ratione mali, sed sub ratione aliquis boni) priusquam ratio possit sufficenter aduertere: quæ motiones quando in obiectum indebitum tendunt, non veniunt Deo adscribendum, licet suo modo causentur ab inclinatione diuinitus inditã videlicet vt ab Authore naturæ; quia illa inclinatio est in bonum in communi & ex intentione authoris, vt per rationem voluntas determinetur ad bonum ipsi rationi consentaneum. Vnde quando in aliud voluntas fertur, tunc illa motio, vtpote quæ fit contra intentionem Authoris, non debet Deo adscribi, sed ipsi voluntati. Verum de modis, quibus voluntas à Deo moueatur, infra Quæst. 79. latius, vbi disputabitur, An Deus sit causa peccati: item postmodum in Tract. de Gratia.

# QVÆSTIO VNDECIMA.

## De Fruitione.

### In quatuor Articulos diuisa.

#### ARTICVLVS I.

##### *Vtrum Frui sit actus appetitiue potentia?*

**C**ONCLVSIO D. Thomæ est affirmatiua. Veritas autem illius ex ipsa ratione fruitionis plenius constabit. Porro tria ad fruitionem necessariò concurrunt, videlicet Amor, Possessio rei amata, & Delectatio seu gaudium ex re possessa. Declaratur: quia si bonum ames, & non teneas, nondum frueris, sed frui desideras; si verò habeas, & non delesteris, neque tum frui censeberis, quamuis id habere desideraueris: neque enim dicitur ægrotus frui potionibus, à quibus sumendis abhorret, licet eas desideret & sumat.

De his igitur tribus inter Scholasticos controuertitur, quodnam ex illis sit formaliter fructio. Scotus in 1. dist. 1. quæst. 3. existimat esse Amorem, cui videtur fauere D. August. lib. 1. de Doctrinâ Christiana cap. 4. vbi Frui dicit esse amore alicui rei inhærere propter se ipsam. Dominicus Soto autem in 4. dist. 49. qu. 1. art. 4. vult fruitionem potius formaliter esse vitalem possessionem rei desideratæ; cuiusmodi est possessio rei pulchræ, quæ habetur per vñsum; & cibi potusque suauis, quæ habetur per gustum: pro quo videtur facere, quod scribit D. August. lib. de moribus Ecclesiæ cap. 3. Quid est aliud inquit, quod dicimus frui, quam præstò habere, quod diligis? Sed verior est sententia eorum, qui dixerunt fruitionem formaliter esse delectationem siue gaudium ex re amata & possessa natum. Ita sentit D. Tho. hic in respons. ad 3. & clariùs infra artic. 3. & communiter alij DD. Probari potest ex D. August. lib. 1. de Doctrinâ Christiana cap. 33. vbi dicit, quòd cum delectatione vti, viciniùs dicatur frui, id est quòd vsus rei cum delectatione, proximè accedat ad rationem fruitionis: ita vt ibidem in eo tantum distinguatilla duo, quòd vsus rei cum delectatione tunc sit, quando rem illam ad aliud vterius refert, sed si inhæseris atque permaueris; finem ponens in eà letitiæ tuæ, tunc vera sit frui-

tio. Quibus satis indicat formale & præcipuum fruitionis esse delectationem, sed quæ nascatur de re, quæ per modum finis possidetur. Et lib. 83. quæst. quæst. 50. frui dicimur, inquit, eà re, de qua capimus voluptatem. Probat Secundo ratione: quia possumus amare rem v. g. absentem, quā non fruimur; possumus & possidere rem etiam desideratam, nec tamen frui, vt antè declaratum est; sed non possumus de bono obtento gaudere, quin aliquo modo fruamur, quamuis tunc solum propriè, quando bonum illud aliò non refertur.

Quòd verò attinet ad verba D. August. pro prima sententia adducta, Respondetur, illa potius pro nobis facere: non enim dicit Frui idem esse quod Amare, sed quod amore inhærere; iam verò amor dicit motum quendam, inhæsiò autem aliquā quietem. Quare significat D. August. vt notat Bonauent. fruitionem esse motum quendam cum quiete; quæ quies siue inhæsiò, est gaudium & delectatio, ita vt quies perficiat formaliter fruitionem, cui motus amoris supponitur. Ad locum verò pro sententia Dominici Soto adductum, Resp. Frui esse habere præstò quod diligis in sensu causali; quia illud habere causat fruitionem. Ex dictis itaque manifestum euadit, Frui esse potentia appetitiuæ iuxta conclusionem supra positam, cum Delectatio, Tristitia & similes affectiones ad voluntatem pertineant.

Sed contra dicta obijcit Scotus, Frui esse actum quendam, Delectari autem esse tantummodò passionem causatam ab obiecto, & proinde non posse dici Fruitionem formaliter esse gaudium vel delectationem. Resp. V. Subsumptum. Docet enim D. Th. infra quæst. 22. a. 3. ad 3. Communiter alij DD. Gaudium, Tristitiam & similes affectiones in appetitu rationali esse actus quosdam: quia sunt vitæ secunda animæ, quæ necessariò debet effectiue ab anima eiusque potentijs procedere. Quare non consistunt in purâ passione, sed in actione vitali, quā appetitus obiecto inhæret, vel ab eo refugit: Sicuti dum arbor quis amplectens, sese in aëre detinet, non est illa detentio, pura passio, sed vitalis operatio, quā arbori adhæret.

• Dices



Dices: Omnis actus voluntatis est in eius potestate; atqui delectatio & tristitia non videntur esse in potestate eius; ergo non sunt eius actus, sed meræ passionēs. Resp. Neg. Assumpt. generaliter loquendo: Imò actus voluntatis dupliciter potest necessarius esse, ita vt non sit in eius potestate illum deponere; primò quidem absolute, sicuti amor Dei clarè visi: secundò ex aliquà suppositione, quæ suppositio sit in voluntatis arbitrio; & hoc modo dicimus eiusmodi affectiones esse actus quosdam necessarios, videlicet ex suppositione amoris boni iam consequuti.

## ARTICVLVS II.

*Verum conueniat tantum rationali creature, an etiam animalibus brutis frui?*

**C**onclusio Prima: In his, quæ cognitione carent, non inuenitur Fructio, quamuis finem aliquem habeant, eumque assequantur. Est D. Thomæ. Probatur ex D. August. l. 10. de Trinit. c. 10. vbi sic ait: Fruimur cognitis, in quibus ipsius voluntas propter se ipsa delectata conquiescit. Probatur secundò ratione: quia frui non est actus potentia peruenientis ad finem, tanquam exequentis, sed potentia imperantis exequutionem: atqui in illis, quæ cognitione carent, non est potentia imperans exequutionem; ergo &c.

Conclusio Secunda: Fructio inuenitur in his omnibus, quæ habent cognitionem. Est D. Thomæ. Probatur: quia in his omnibus reperitur potentia imperans exequutionem: atqui tali potentia conuenit frui, quando videlicet finem, quem appetit, & ad quem obtinendum media imperauit, est assequuta, eique cum voluptate inhæret; ergo &c. Vnde D. August. l. 83. quæst. qu. 30. ita scribit: Frui quidem cibo & qualibet corporis voluptate; non absurdè existimantur & bestiæ.

Sed Notandum est, sicuti finis cognitio est duplex; videlicet perfecta, qualis reperitur in natura intellectuali, & imperfecta, qualis competit animantibus brutis, prout supra quæst. 1. latius est explicatū; ita quoque duplicem esse fructiōnem, perfectam scilicet & imperfectam: illa autem conuenit tantummodò ijs, quæ perfectam habent finis cognitionem, de qua agit D. Aug. l. 1. de Doctr. Christiana c. 3. vbi solis hominibus tribuit vti & frui, non sic alijs amantibus, quibus tamen imperfecta quædam fructio non est omnino neganda, vt etiam patet ex Aug. iam supra citato.

## ARTICVLVS III.

*Verum Fructio sit tantum vltimi finis?*

**C**onclusio Prima: Fructio simpliciter dicta est tantum finis vltimi, id est eius boni, quod ita delectat, vt post illud non expectetur aliud. Est D. Thomæ. Probatur: quia fructio simpliciter dicta significat quietem voluntatis in bono delectabili: atqui voluntas in nullo bono absolute & totaliter quiescit, nisi in vltimo, post quod non sperat aliud: quādiu enim aliud expectat, non est omnino quieta, donec quod habetur aut iudicatur ab eā vltimum & perfectissimum, obtinuerit; ergo &c.

Conclusio Secunda: Eius rei tamen, quæ non habetur, vt bonum vltimum, potest esse aliqualis imperfecta fructio. Declaratur: quia potest eiusmodi res amari propter aliquam intrinsecam bonitatem, quā & delectare potest, quando habetur præsens, & sic motum voluntatis aliquotusque sedare, quamuis non omnino & totaliter in eā quiescat, tanquam in vltimo termino totius cursus Suppositi, sed saltem tanquam in termino alicuius presentis negotij vel intentionis: iuxta quod supra ex August. diximus, Frui esse amore inhære re rei alicui propter seipsam, esto quod simul etiam expressè vel implicite tam res illa, quā eius amor aliò referantur. Sic dicimur frui bonorum consortio, frui cælestis contemplationis dulcedine, lectione Scripturarū sacrarum &c. Non est tamen hæc proprijsimè dicta fructio, quia vt sup. ex D. Aug. diximus, vti cum delectatione et si vicinissimè, accedat ad frui, non est tamen proprijsimè frui. Obseruandum autem est talem esse fructiōnem quoad rationē honesti vel inhonesti, quale est bonū, quod fruimur: si bonum est honestum, etiam delectatio & fructio est honesta, & e contra, si illud turpe, etiam hæc turpis erit.

Sed dices: Delectatio est tantū de bono delectabili: atqui bonū delectabile distinguitur contra honestū; ergo nulla delectatio est honesta, saltem per se & intrinsecè. Respond. Omne honestū esse quoque delectabile, quia est amabile: cum autem adest, quod diligitur, inquit D. Aug. l. 1. de Doctrinā Christianā, etiam delectationem secū ferat necesse est. Quæ verò oritur delectatio de bono honesto habito, illa quoque est per se & intrinsecè honesta: quādo autem bonū diuiditur in vtile, delectabile & honestum, tunc si quis membra velit distinguere realiter, erunt priora accipienda cū exclusionē posteriorum; vt sensus sit,

K iij quod

quod aliud sit utile tantum, ita ut nec delectabile nec honestum ex se; aliud delectabile tantum, ut non honestum ex se; aliud denique honestum, quod tamen nec utilitate nec delectabilitate excludat: vel dicendum erit, quod membra diuisionis solum ratione distinguantur,

#### ARTICVLVS IV.

*Vtrum Fruitio sit solum finis habitus?*

**C**onclusio est, Quod Fruitio perfecta non sit nisi finis iam habitus & obtentus, sed possit esse quædam imperfecta frui-  
tio finis, nondum in re sed in intentione

& spe obtentus. Est D. Thomas. Declaratur prior pars; quia non est perfecta quies animi in bono operato & non possessio; frui-  
tio autem perfecta requirit plenam voluntatis quietem. Declaratur pars posterior: quia ex intentione finis, quando est cum quadam bonâ fiducia eius obtinendi, nascitur in animo gaudium quoddam ac quædam quies, licet non omnino perfecta & absoluta, quæ omni motum voluntatis excludat; tendit enim animus semper ad boni eius, quod sperat, consequutionem: est tamen talis, quæ molestam anxietatem remoueat, & aliquam voluntati dulcedinem adducat.

### QVÆSTIO DVODECIMA.

#### De Intentione.

In quinque Articulos diuisa.

#### ARTICVLVS I.

*Vtrum Intentio sit actus intellectus vel voluntatis?*

**C**onclusio D. Thomæ est: Intentio proprie est actus voluntatis. Probatur Primo: quia intendere proprie est tendere in aliud: atqui tendere in aliud est proprie actio mouentis in finem; nam licet motus mobilis etiam in aliquid tendat, hoc tamen ab actione mouentis procedit: iam verò voluntas est quæ mouet omnes alias potentias in finem; ergo intendere proprie est actio voluntatis. Probatur Secundo: quia intentio pro obiecto habet bonum & finem: atqui actus, cuius obiectum est finis siue bonum, est actus voluntatis, quia bonum est huius potentie proprium obiectum; ergo &c.

Sed contra obijciunt Matthæi 6. & Lucæ 11. iuxta interpretationem D. Augustini lib. 2. de Sermone Domini in monte cap. 21. & alijs locis, & D. Gregorii 1. Dialogorum cap. 9. vocatur intentio, oculus, lumen, lucerna; atqui hæc in proprietate sumpta pertinent ad potentiam visiuam corporalem; ergo intentio, quæ per illa significatur metaphoricè, erit actus intellectus, qui est oculus mentis. Resp. N. Consequenter. Neque metaphora id omnino necessario exigit, sed ad eam satis est, quod intentio sit quidam voluntatis actus respiciens ordinationem intellectus, non quo-

modolibet; sicuti quæcumque volitio præsupponit aliquam obiecti cognitionem; sed ita respiciens, ut sequatur, & ex illâ intellectus ordinatione moueat & dirigat cætera appositè ad finem. Vnde propter hanc analogiam, intentio dicitur oculus, lunien, lucerna; quia quemadmodum hæc dirigunt gressus corporales, ita intentio, quatenus ab ordinatione intellectus mouetur, dirigit omnes vires & actiones hominis, tum animæ, tum corporis; & quando hæc bona & prudens est, tunc totum actionum nostrarum corpus quoque bonum est: quando autem est maligna vel imprudens & cæca, tunc etiam totum quod inde sequitur, vitiosum est.

Quæri autem hic solet: Quomodo ab Intentione differant Spes & Desiderium? Respondetur: Conueniunt in primis tria hæc in eo, quod versentur circa bonum futurum siue absens; sed pater latius Desiderium, quam Spes vel Intentio: quia Desiderium est quoue illius rei, quam nobis impossibilem adeptu existimamus; non sic Spes aut Intentio, quæ sunt quoddam desiderium absolutum & efficax. Deinde etiam ex alio capite latius patet quæ Spes, quæ Spes tantum versatur circa bonum arduum, & dependens aliquo modo à voluntate alterius; Desiderium autem circa quodcumque bonum. Similiter quoque ex alio capite latius patet quam Intentio, quod videlicet Intentio versetur tantummodo circa finem, sed Desiderium etiam circa mediâ; Intentio autem & Spes in eo

in eo conueniunt, quod ambo sint desiderium efficax, ut indicauimus: sed tamen se mutuo excedunt; nam Intentio est tantummodo circa finem, Spes autem potest quoque esse de medijs: deinde Spes est tantummodo boni ardui, Intentio, verò potest versari quoque circa bonum non arduum.

## ARTICVLVS II.

*Verum Intentio tantum sit ultimi finis?*

- 3 **C**onclusio est: Intentio etsi semper sit finis, non tamen oportet, quod semper sit ultimi finis. Declaratur: quia intentio respicit finem, ut est terminus motus: atqui sunt quidam termini, ubi motus voluntatis aliquo modo sistit, quamuis non ultimatè, sive tanquam in termino ultimo, ut ex dictis Quaest. præced. facile est colligere. Quod & familiaribus exemplis motus localis potest explicari; contingit enim quod quis velit ultimatè esse in aliquo certo loco v. g. Coloniz ad amicum visendum, & ex occasione illa simul vult intrare aliam ciuitatem in via sitam, & ibi visere alium amicum in itinere commorantem: qui itaque ex tali occasione iter aggredditur, potest rectè dici intendere visitationem amici commoratis in via, quamuis hæc visitatio non sit ultimus terminus istius professionis.

## ARTICVLVS III.

*Verum aliquis possit simul duos intendere?*

- 4 **C**onclusio Prima: Potest quis simul intendere plures fines subordinatos. Paret ex dictis Artic. præcedente. Supposito enim, quod Intentio versetur quoque circa finem non ultimum, nihil apparet repugnans, quod minus eadem simul attingat finem ulteriorem, cui non ultimus subordinatur.

Conclusio Secunda: Potest etiam quis simul intendere plures fines non subordinatos inter sese. Probat D. Thom. quia homo eligit vnum præ altero tanquam melius, ex eo, quod vnum conducit ad plures fines, quam alterum; ergo signum est, quod plures illos fines simul intendat. Sic potest quis eligere hoc officium præ illo, quia hoc seruiet ei, & ad honorificam familiaritatem sustentationem, & simul ad promouendos amicos suos, ubi alterum non ad

utrumque illum finem, sed ad vnum tantum esset opportunum. Sed Notandum hic est, plures fines non subordinatos inter sese posse duobus modis intendi. Vno modo sub consideratione, qua tanquam partes quædam constituunt vnum integrum finem, & sic possunt vnico actu intendi. Alio modo, quatenus singuli seorsim considerantur, tanquam sufficiens & totalis ratio motiua voluntatis absq; respectu ad vnum aliquid, quod constituit, vel in quo conueniunt: & sic vnico actu simul, intendi non possunt; quia sicut vnus motus non possunt esse plures termini non subordinati, ita neque vnus actus plura obiecta, nisi ut aliquo modo quid vnum secundum rem constituunt, vel ut secundum rationem in aliquo communi conueniunt, quemadmodum docet D. Thom. hic ad 2. Declaratur exemplo supra posito: V. G. Si quis consideret familiaritatem honorificam sustentationem, & amicorum promotionem, tanquam quæ simul totius Generis sui exaltationem constituent, sic vno actu potest illa simul intendere: si autem singula absque ordine ad vnum tertium consideret, non vno actu illa intendet; poterit tamen vno quasi tempore moraliter loquendo simul intendere sic diuersos fines non subordinatos, & singulos tanquam motuum sufficiens voluntatis, sed tamen diuersis actibus, ita vt idem medium possit adhibere ad consequutionem plurimum. V. G. potest sacerdos velle ire ad Ecclesiam, ut Deum colat, tanquam ob finem sufficientem, & simul ut gaudeat distributionibus, tanquam ob alium finem, similiter per se sufficienter mouentem voluntatem.

## ARTICVLVS IV.

*Verum Intentio sit idem actus cum voluntate eius quod est ad finem?*

**V**ide materiam huius Articuli explicatam supra, Quaest. 8. Artic. tertio: Hoc tantum nota, id quod D. Thom. hic dicit, Quando voluntas fertur in id, quod est ad finem propter finem, tunc vnum & eundem subiecto motum esse tendentem ad finem, & in id quod est ad finem, habere eundem sensum cum posteriori parte tertiæ Conclusionis loco cit. quod videlicet quado voluntas fertur in media, quatenus talia, consequutiue etiam tendat in finem. Et hoc potest admitti probare ratio quam D. Th. hic allegat; quam tamen ostendimus supra non demonstrare, quod motus in media ut talis sit motus formalis in finem.

## ARTICVLVS V.

*Vtrum Intentio conueniat animalibus brutis.*

**C**onclusio Prima: Intentio propriè dicta non conuenit brutis. Est D. Thomæ & communis. Probat: quia intentio propriè dicta est actio mouentis ad finem sub ratione finis, tanquam per media scilicet conuenientia & proportionata comparabilem: eiusmodi autem motio præsupponit necessariò in mouente notitiam finis, non tantum sub ratione boni seu conuenientis, sed sub ratione finis simul cum

cognitione proportionis mediorum ad illud, quatenus per hæc vel illa media potest acquiri: talis verò cognitio finis non reperitur in brutis, sed tantum in supposito intellectuali; ergo &c. Vide dicta sup. Quæst. 1. Artic. 2.

Conclusio Secunda: Conuenit tamen brutis quædam intentio generaliter dicta, & quasi passiva, puta quatenus ab alio mota & directâ, scilicet ab Authore naturæ, tendunt in fines suos per modos conuenientes, cum cognitione proportionis eorum ad finem; sed quæ cognitio conueniat dirigenti non ipsis brutis. Est quoque D. Thomæ & communis: & constat ex dictis suprâ loco citato.

## QVÆSTIO XIII.

## De electione eorum, quæ sunt ad finem.

In sex Articulos diuisa.

## ARTICVLVS I.

*Vtrum electio sit actus voluntatis, vel rationis?*

**C**ONCLUSIO D. Thomæ est: Electio substantialiter non est actus rationis, sed voluntatis. Probari potest Primò ex Philosopho, qui 3. Ethicorum cap. 2. & 3. docet electionem esse consultiuam appetitionem. Item ex Damasc. 2. de Fide cap. 22. ubi ait, Nihil aliud electio est, quam è duabus rebus propositis, alterius præ altera susceptio: atqui susceptio seu acceptatio est actus voluntatis; ergo &c. Probat Secundo ex communi hominum apprehensione, quoad notionem illius vocabuli: nam licet quis iudicet vnum esse altero melius, aut conuenientius; vel vnum aliquod esse opportunum ad hunc vel illum finem, non dum tamen dicitur aut censetur elegisse, nisi vnum præ altero velit; ergo &c.

Obseruandum tamen est, Electionem esse sic actum voluntatis, vt tamen includat essentialem ordinem ad actum intellectus, ex quo suam accipit speciem, vt latè docet D. Tho. in Corpore: quia quemadmodum, vt volitio potentie appetitiue habeat rationem intentionis, debet ferri in bonum siue finem ab intellectu propositum, tanquam per media congrua acquirendum; ita etiam vt fortiatur rationem electionis, necessum est, quòd feratur in

obiectum, vt propositum tanquam conueniens & proportionatum ad finem, quem voluntas intendit consequi, præmissa videlicet consultatione formaliter aut virtualiter vel eminenter, vt contingit aliquando ob medijs proportionati euidentiâ: & idè vocatur à Philosopho suprâ consultiuâ appetitio: & lib. 6. Ethicor. c. 2. dicit idem electionem esse vel appetitum intellectiuum, vel intellectum appetituum. Similiter & Gregor. Nyssenus vel vt alij volunt, Nemescius l. 5. Philosophiæ cap. 4. vult esse compositum ex consilio & appetitu; non quod consultatio vel iudicium siue sententia, quæ est veluti conclusio consultationis, sit de substantia actus electionis, sed quia ordo ad illam sit de essentiali eius ratione, vt explicatum est.

Obseruandum Secundo, quòd licet intentio importet quoque ordinem ad actum intellectus, non solet tamen ab ijs, qui de actibus moralibus scribunt, vt ab Aristot. Nemescio, Damasc. & alijs antiquioribus sic definiri per ordinem ad rationem, sicuti electio; tum quòd videantur potissimum considerasse primum voluntatis actum, tantummodò vt voluntas est, non vt intentio: neque enim vtuntur nomine intentionis, sed nomine Affectus, nomine Voluntatis, & aliquando Propositi, tum etiâ quòd electio prærequirit operosiores & magis perceptibiles actus intellectus; quia debent finis & media inter se conferri & considerari, cù proportionem horum ad illud, & ubi plura media occurrunt, ibi indagatur quodnam

quodnā sit opportunius, & ad finem consequendum certius: Intentio autem prærequirit tantum propositionem obiecti conuenientis & possibilis.

## ARTICVLVS II.

### *Verum electio conueniat brutis animalibus.*

3 **C**onclusio est negatiua. Est communis. Probat D. Thom. quia electio est respectu plurium, quæ eligi possunt, ita videlicet vt contra electionis rationem sit, quod potentia ex se determinata sit ad vnum: atqui vis appetitiua in brutis est naturaliter ad vnum determinata, sic vt etiam vbi videntur quasi cum discretione vnum præ alio accipere (v.g. quando ouis vnam herbam comedit & aliam reiecit) id non faciant cum discretionis iudicio, sed necessitate quadā naturæ, ita vt statim quando per sensum vel imaginationem representatur illis aliquid, ad quod naturaliter inclinatur appetitus, mox absque electione necessariō ferantur in illud, sicuti absque electione ignis mouetur sursum & non deorsum, inquit D. Th. hic ad 2. quia scilicet appetitus ad hoc in particulari per talem sensus & imaginationis apprehensionem determinatur. Probatur Secundō: quia electio præsupponit cognitionem proportionis medijs ad finem, & collationem medijs, tum inter se tum ad finem, quæ brutis non competunt. Vnde licet multa agant, quæ aptissima & ordinatissima sunt ad finem, ita vt singularem sagacitatem & industriam, immō & prouidentiam præ se ferant, vt videre est in araneis, apibus, formicis, & similibus, nihil tamen istorum operantur per electionem aut ex propriē dictā intentione finis, quæ neque cognoscunt finem sub ratione, neque proportionem istorum medijs ad talem finem; sed omnia faciunt necessitate quadā naturæ, motū & directā ab eo, qui naturam condidit. Quare in illis cum veneratione, admiranda est conditoris infinita sapientia, quæ etiam in minimis animalculis tam stupenda operatur, vt nulla ars vel humanum ingenium possit ea assequi.

4 **O**bseruandum autem hic est, Quamuis electio secundum vim nominis importet, quod fiat inter multa, ex quibus vnum assumatur; tamen morales Philosophos aliquantulum latius eam accipere, apud quos omnis volitio efficiat alicuius medijs particularis collati ad finem dicitur electio: nā licet per accidensprehendatur vni-

cum esse medium, quo possit ad finem perueniri, & voluntas illud acceptet, obtinebit ista volitio electionis rationem: nō enim id fit, quia potentia electiua ex se determinata sit ad vnum, sed quia per accidens aut quocumque modo id fiat, reperitur vnum tantum medium idoneum ad finem consequendum.

5 **Q**uæri hic potest, Vtrum pueris ante usum rationis & amentibus conueniat electio? Respondetur breuiter. In quibusdam saltem materijs videri eis electionem competere, vt quæ ad aliquam delectationem, ac corporis commoditatem spectant: circa eiusmodi enim consultant & distinguunt inter minus & magis delectabile, & inter magis & minus naturæ conueniens, ac rationem nouerunt reddere, cur hoc præ illo velint, simulque discernere, vtrum è duobus sit vtilius ad consequendum, quod appetunt: nihil ergo videtur deesse, quo minus possint dici in similibus agere per electionem. Hinc tamen non sequitur, quod possint peccare, quia ad hoc non sufficit qualiscumque libertas, sed etiam requiritur notitia honesti ac inhonesti, liciti & illiciti, quam non habent, quia non valent pendere intellectu, vtrum aliquid sit consentaneum vel repugnans dictamini rectæ rationis & virtuti.

## ARTICVLVS III.

### *Verum Electio sit solum eorum, quæ sunt ad finem, vel etiam quandoque ipsius finis?*

6 **C**onclusio est: Electio tantum est medijs, nunquam finis vt finis. Probatur ratione D. Thomæ: quia electio sequitur sententiam siue iudicium ex consultatione caprum, quod se habet tanquam conclusio syllogismi practici, in illudque solum tanquam materiam cadit electio: finis autem se habet in operabilibus, sicut principia in speculabilibus, vt docet Philosophus 2. Physicorum: vnde finis, in quantum huiusmodi est, nō potest sub electionem cadere, sed eius voluntas præsupponitur electioni; est enim principium vnde tota consultatio pendet.

**D**ixi, Non esse finis vt finis; quia sicuti in scientijs subalternis accidit, vt id, quod est principij vnius, sit conclusio alterius, sic quoque fieri potest, vt id, quod in vna operatione est finis, sit ordinabile ad aliquid vltius tanquam ad finem & quando consideratur tanquam quid vtile ad aliū finem, tunc potest esse materia electionis.

Sic

Sic medicus corporis non consultat, an sanitas sit procuranda, quia hæc est finis artis eius, sed de medijs, quibus possit procurari; vnde nec dicitur eligere curationem ægroti, sed intendere, & eligere media, hoc scilicet vel illud medicamentum: sed medicus animæ, qui considerat sanitatem, non ut finem suæ professionis, sed tanquam medium aliquod ad animæ salutem & vitam æternam, etiam de sanitate consultare potest, vtrum corporis infirmitas, an integra sanitas magis huic vel illi ad finem salutis conducatur; atque ita apud medicum animæ cadit corporis sanitas sub electionem.

7 Sed obijciunt: Propositis pluribus finibus, etiam vltimis delibetur homo, quis ex illis sit inquirendus seu prosequendus; & post deliberationem, eligit aliquem ex illis, v. g. alius voluptates, alius honores, alius Deum; ergo electio versatur etiã circa finem; nam finis vltimus non potest habere rationem medijs, sicuti primum omnino principium non potest habere rationem conclusionis in aliqua scientia. Resp. N. C. quia talis electio inter illos multos fines non est adhuc absolutè inter fines vltimos, quia procedit ex intentione finis alicuius, v. g. beatitudinis sub ratione sua communis siue status illius, in quo sit homini quàm optimè: & hoc modo electio ista, & præuia deliberatio sunt quodammodo de medijs. Declaratur: quia omnis motus procedit ex intentione alicuius termini; consultatio autem & electio sunt motus quidam; vnde ex intentione alicuius finis procedere debent: ut si quis secum deliberet, vtrum ex duobus bonis honestis, quæ per se appetibilia sunt, velit amplecti, v. g. an vitam contemplatiuam, an actiuam, necesse est, ut si antea sit affectus circa honestatem in communi, ex cuius amore & intentione incipiat deliberare de eligendo hoc vel illo bono honesto. Similiter quoque dum quis deliberat, ut olim Philosophi, de vltimo fine, in quo eum debeat constituere, & quem materialè in particulari eligere, & prosequi, necesse est in eo supponi intentionem finis vltimi sub formali ratione, & in genere, quã scilicet intendat, consequi ut sit ei omnimodò quàm optimè, alioquin de hoc vel illo fine, seu de eo, in quo finis constitui, & quid pro fine prosequi debeat, non consultabit.

## ARTICVLVS IV.

*Vtrum Electio sit tantum eorum, quæ per nos aguntur?*

8 **C**onclusio D. Thomæ est affirmatiua. Quam sic intellige quòd videlicet ea tantum eligantur, quæ aliquo modo à nobis pendent, ut fiant vel non fiant. Probatur: quia omne id, quod eligitur, est quædam nostra actio, vel certè interueniente actione nostrâ, res aliqua, quæ sit actionis terminus, & medium ad finem, vel aliquid quod ad finem consequendū applicamus; ergo &c. Confirmatur ex Philosopho 3. Ethic. cap. 2. ubi habet quòd nullus eligit nisi quod existimat fieri per ipsum, id est aliquo modo saltem dependenter ab ipso, vel quoad esse vel quoad applicationem & vsum; sic ut semper omnis electio ad nostrum opus tandem aliquo modo reducatur.

## ARTICVLVS V.

*Vtrum Electio sit tantum possibilem?*

9 **C**onclusio D. Thomæ est: Id quod est impossibile, sub electionem non cadit. Probatur Primò: quia electio est tantum eorum, quæ sunt nostræ actionis, iuxta modum iam explicatum: atqui ea non sunt impossibilia; ergo &c. Probatur Secundò, quia nihil eligimus, nisi quod ad finem ducit: atqui illud quod est impossibile, non ducit ad finem; ergo &c. Denique electio se habet ad intentionem, sicut conclusio ad principium: atqui ex principio possibili non sequitur conclusio impossibilis, intentio autem est tantum rei possibilis: nemo enim finem intendit, quæ iudicat sibi impossibilem; ergo neque ad finem eligit medium, quod existimat impossibile. Vnde fit, ut si consultatione habita, deueniamus ad medium necessarium, quod tamen iudicamus nobis impossibile, tunc cessemus à prosecutione illius finis, quem intendebamus.

10 Sed Disputari hic solet, Vtrum quis possit saltem velle, quod est & nouit impossibile. Omisissis varijs Scholasticis opinionibus, Respondeo &

Dico Primò: nullum impossibile siue tale sit ex natura rei, siue ex suppositione præterita seu ex accidente, potest appeti volitione efficaci ab eo, qui cognoscit esse impossibile. Ita D. Thom. hic ad 1. & satis communiter alij DD. Probatur: quia efficaci volitione appetere est sic appetere, ut quis

quis moueatur & procedat ad exequutionem: atqui procedere ad exequutionem eius, quod iudicatur omnino impossibile, nullo modo potest apprehendi, vt conueniens vel bonum: eiusmodi enim conatus vt per se vanus, ita & inutilis omnino est; ergo &c.

Dico Secundo: Potest tamen eius, quod scitur impossibile, esse aliqua voluntas inefficax & imperfecta, siue illud impossibile sit tale ex accidente tantum, siue ex natura rei. Colligitur ex D. Thoma hic ad 1. vbi simpliciter dicit quod quidem voluntas completa non est, nisi de possibili, sed voluntas incompleta sit de impossibili, quæ secundum quosdam velleitas dicitur. Neque distinguit inter impossibile ex natura rei, & inter impossibile ex accidente: & merito quia in ordine ad appetitum apparet vtriusque eadem ratio, quia neutrum vt tale cognitum potest apprehendi cum ordine ad esse aliquando quomodolibet futurum. Quare sine fundamento videtur Caiet. 1. p. q. 63. a. 3. distinctionem illam vrgere, & inde alias differentias deducere quoad posse appeti, aut non posse appeti. Probat nunc assertio Primò ex Philoſ. qui lib. 3. Ethic. c. 2. distinguit inter voluntatem & electionem, quod electio tantum sit possibile, sed voluntas sit possibile & impossibile: quia videlicet electio dicitur volitionem efficacem, volitio autem in genere non includit, quod sit efficax, moueatque ad exequutionem. Probat Secundo experientia: nam imprimis satis persentimus, quod penitentes optemus non commississe id, cuius nunc penitet, & tamen illud non commississe iam ex suppositione est impossibile. Similiter experimus nos delectari aliquando de eo quod est impossibile simpliciter, vt nos mutari in Angelos, vel in aues conuerti; quæ res cogitata detinet hominis animum subinde cum quadam complacentia & voluptate ob aliquam commoditatem in ea considerata. Sic iuxta Scorum, Gabrielē, & alios quosdam peccatum Angelorum fuit, quod appetierint esse æquales Deo secundum substantiam. Rursum impij quidam optant aliquando Deum non esse; ergo &c.

Porro hic notandum est, Voluntatem hanc de re impossibili dici inefficacem, aut incompletam vt loquitur D. Th. non quia sit in se conditionata tantum, vt quidam videntur existimare, neque etiam quia fertur tantum in obiectum quasi sub conditione, si esset acquisibile, aut si esset possibile (est enim omnis actus voluntatis præſentem existentem absolutum in se) & fertur in obiectum absolute secundum aliquam rationem, quæ in eo apprehenditur, sicuti vi-

sio, quæ de præſenti est in oculo, non potest esse conditionata, neque terminari ad obiectum sub conditione, si illi ratio hæc vel illa visibilitatis competeret) sed ideo vocari inefficacem, & incompletam, quia efficacia & perfectio actus voluntatis attenditur secundum ordinem ad operationem, per quam aliquis tendit ad consecutionem rei, vt docet hic D. Th. nam motus voluntatis, inquit, est ab animâ ad rem: iam verò voluntas de re impossibili non habet ordinem ad operationem, per quam quis tendat ad consecutionem illius (hoc ipso enim quo scitur impossibilis, sistitur omnis ad eam conatus) & ideo actus hic est inefficax, quia operationem non parit: & imperfectus, quia non solum non assequitur rem, sed neque producit studium ad rem assequendam, cum tamen perfectio actus attendatur secundum ordinem ad operationem, quæ tendat ad consecutionem rei, vt modo ex D. Thoma diximus. Est nihilominus actus hic voluntatis absolutus in se, licet tantum simplex quidam affectus in rem, aut quædam simplex complacentia, quæ non moueat ad operationem. Vnde rectius explicatur per verbum Placeat, aut Delectat, quam per verbum Volo. Vbi tamen hoc quoque obseruandum est, quod simplex affectus erga rem, quando talis est, vt ad operationem moueret, nisi obſtaret impossibilitas, contineretur quasi virtute voluntatē efficacem, nõ quæ actu sit, sed quæ foret, si adesset conditio, puta quod res esset possibilis, tunc enim nasceretur voluntas efficax: & hoc videtur aliquos induxisse, vt existimarent voluntatem de re impossibili esse tantum conditionatam, cum recura illa quæ est, sit absoluta in se, sed virtute includat voluntatem aliam nimirum efficacem, quasi sub conditione. Vnde per verbum Vellem quando dicitur Vellem nisi esset tale impedimentum aut obſtaculum, propriè loquendo non videtur significari imperfecta illa voluntas, quæ actu de præſenti elicitur, sed alia perfecta, quæ elicienda foret, si impedimentum esset sublatum, quamuis simul indicetur actus imperfectus voluntatis præſens tanquam videlicet fundamentalis causa quasi parturiens futuram voluntatem efficacem & perfectam, si conditio esset posita, ideoque etiam à multis apprehendatur tanquam significaret actum voluntatis imperfectum. Quemadmodum quando quis dicit in aliquo loco constitutus: Viderem hinc Antuerpiam, nisi obſtarent montes, Verbum Viderem, non significat visionem, quæ de præſenti fit, sed quæ esset si impedimentum tolleretur, quamuis simul indicetur esse aliquam

quam visionem, quæ quasi virtute continet eam, quæ terminaretur ad Antuerpiam, si poneretur conditio, quod tale impedimentum esset sublatum. Quando tamen quis sine addito dicit vellem hoc, aut illud, tum rectè dicitur significare actum voluntatis imperfectum præsentem: sic enim prolatum ingenerat idem animis audientium ac si diceretur: placet, siue animus afficitur huic vel illi, ita tamen ut simul indicetur non esse voluntatem efficaciter illud prosequendi.

11 Sed contra assertionem obijcitur Primo: Id quod scitur esse impossibile non potest apprehendi tamquam bonum, saltem quando absolute & ex natura rei est impossibile; ergo nullo modo potest appeti, quia nihil appeti potest, nisi sub ratione boni. Antecedens probatur: quia quod scitur impossibile, non potest iudicari existere actu vel potentiâ; ergo neque apprehendi potest ut ens & proinde neque ut bonum.

Pro huius solutione Notandum est, Hæc duo distingui, aliquid apprehendi ad modum possibili, ad modum entis, & boni; & aliquid cognosci esse possibile, esse ens, esse bonum; prius enim potest consistere cum eo, quod idem homo iudicet illud esse impossibile, & omnino non ens, quod apprehendit ad modum entis; non autem sic posterius. Ratio diuersitatis est, quia prius fit per simplicem apprehensionem, absque enuntiatione, quâ affirmetur esse possibile, vel esse ens: sicuti quando de Chymera disputatur, apprehenditur ad modum entis, & tamen non asseritur esse ens actu vel potentiâ: posterius autem importat enuntiationem contradictoriam eius, quâ cognoscitur illud esse impossibile. His præmissis Respondetur ad argumentum, Negando Antecedens: & ad eius probationem, N. C. Et ratio est quia licet non possit iudicari esse ens aut bonum, potest tamen apprehendi ad modum entis & boni simplici videlicet apprehensione, quod etiam sufficit ut volitione quadam imperfectâ & inefficaci illud appetamus, illiusque tamquam rei nobis conuenientis apprehensione delectemur.

12 Obijcitur Secundò: Nemo id potest appetere, ex quo ipsi nihil commodi potest obuenire etiam si fieret quod cupit: atqui si homo fieret Angelus per essentiam, vel Angelus fieret Deus per essentiam, nihil inde homo iste vel angelus iste reportaret commodi, nam ipsi desinerent esse, & sit non iste homo esset Angelus, nec iste Angelus esset Deus, sed aliud omnino suppositum; ergo non possunt fieri ap-

petitiones supra positæ, quibus assertio declarabatur. Confirmatur: quia nemo potest appetere sui interitum ut habet Anselm. lib. de Casu diaboli: quod vel maxime videtur fieri non posse eo sine, ut aliquid boni positiui sic consequatur, quandoquidem post interitum non sit boni positiui capax; ergo &c. Resp. Negando in primis Maiorem generaliter intellectam: quia dubium non est quin possimus velle bona amicis & proximis, etiam si nos inde in nostra personâ non percipiamus commoda. Sed plus difficultatis suboritur, si assumatur quod nullus possit appetere sibi id ex quo nihil commodi potest ei obuenire, prout res sese habere videtur in exemplis adductis. Ad hoc autem respondetur Suppositum rationale posse se considerare, vel ut indiuiduum huius speciei nature, quæ includit conditiones repugnantes cum attributo altero; vel ut indiuiduum genericum entis, quod ab eiusmodi conditionibus ut sic abstrahit: iam verò etsi fieri non possit quod appetat ea sibi priori modo considerato, non tamè repugnare, quod quis simplici & inefficaci volitione appetat sibi ea, quæ ei conuenire possunt, seruando rationem entis, vel suppositi in communi, quamuis non secundum eandem rationem specificam suppositi; quia licet iste homo in natura humana nihil commodi perciperet, tamen in quantum considerat se secundum rationem indiuidui entis in communi, perciperet quodammodo idem, in natura angelicâ bonum aliquod, si fieret voti compos. Idem dicendum de Angelo, qui appetit diuinam naturam; licet enim à parte rei essent alij & alij, tamen secundum considerationem quandam speculatiuam apprehendit & æstimat quodammodo se eisdem; quemadmodum parentes æstimant se percipere quodammodo bona, quæ obueniunt filiis, in quos substantia eorum deriuatur, & in quos quodammodo transeunt. Hinc itaque sumendum est fundamentum quare fieri possit, ut quis appetat id quod non potest sine interitu suo secundum specificam rationem obtinere; quia scilicet non est apprehendere ut bonum suum, quod saltem in communi ratione entis existens, possit quid melius esse; quia nimirum per modum vnius & eiusdem se sub ratione vtriusque nature apprehendit modo iam explicato. Quod itaque D. Thomas r. p. quæst. 63. dicit Angelum non potuisse appetere similitudinem Dei per equalitatem, accipiendum est de voluntate efficaci quod verum omnino est iuxta dicta in prima assertionem.

ARTICV-



ARTICVLVS VI.

*Vtrum homo ex necessitate eligat,  
vel liberè?*

15 **C**onclusio D. Th. est: Homo non ex necessitate eligat. Probat, Quia quod possibile est non esse, non necesse est esse: atqui possibile est non eligere; ergo &c. Probat Minor: quia potest homo velle & non velle; agere & non agere: item potest velle hoc aut illud. Confirmatur prior pars: quia potest intellectus non tantum velle & agere tanquam bonum proponere, sed etiam non velle & non agere. Similiter pars posterior confirmatur: quia in omnibus particularibus bonis potest intellectus considerare rationem boni alicuius, & defectum alicuius boni, qui rationem mali habet; electio autem cum non sit de fine, sed de his, quæ sunt ad finem, est proinde particularium bonorum, non boni perfecti vel beatitudinis, & sic potest ratio vnumquodque eorum apprehendere ut eligibile vel ut fugibile. Per priorem partem significatur libertas electionis quoad exercitium; per posteriorem verò indicatur libertas quoad actus specificationem. In quo autem libertatis ratio tum actus tum potentie consistat, & quomodo radicaliter à ratione dependeat, quæ hic à nonnullis disputantur, vide explicata suprà Quæst. 6. Artic. 3. Dubio 3. Similiter quod tangit hic D. Thomas ad 3. vtrum quia possit eligere aut velle equaliter aut minus bonum, vide suprà Quæst. 8. Artic. 1.

16 **S**ed vna hic restat expedienda difficultas, Vtrum supposita efficaci intentione finis, homo ex necessitate eligat medium, quod vnicum est & necessarium ad illum finem. Quidam negant: sed verior videtur assertantium opinio, quam satis indicat D. Thomas hic ad 1. & 2. parte quæst. 82. artic. 2. ubi eam probat ex illo Ioannis 14. *Qui diligit me, mandata mea servabit.* Quibus insinuat Christus mandatorum oblationem, quæ electionis est, necessarium coniungi cum efficaci Dei dilectione, quæ se habet per modum finis. Ratio est, quia voluntas efficax si potest, operatur; si autem possit & non operetur, signum est eam non esse absolutam & efficacem. Idem probat Vasquez Disp. 43. cap. 4. hac ratione fundamentali: Quoties enim iudicat intellectus in obiecto esse omnem rationem boni, nec in exercitio apparere possit ratio mali, tunc necessario quoad exercitium fertur volun-

tas in obiectum: atqui supposita intentione efficaci finis, contingunt ista in medio apto quod vnicum esse supponitur, & in electione eius; ergo electio talis medij ex necessitate sequitur ad eiusmodi intentionem finis. Probat Minor: quia licet medium illud absolute consideratum aliàs sit difficile & incommodum, ac in executione illius actus possit absolute considerari ratio mali, tamen in eo tanquam in medio relato ad finem, vel in desiderio illius, non potest esse aut apparere ratio mali, præsupposita absoluta & efficaci intentione finis: quia vnicum illud medium ad talem finem habet omnem rationem vtilis, hoc ipso quo vnicum est. Et esto, quoddam actio vel res sit difficilis, hoc tamen malum non est medij, quatenus medium est, neque enim est malum insufficientiæ aut inidoneitatis ad finem: omnis autem alia difficultas siue incommoditas, perseverante efficaci voluntate finis, superari necessario debet aut cessandum ab intentione finis.

**S**ed contrà obijciunt Primò: videtur 17 experientiâ satis constare, quod ægrotus, licet efficacissimè appetat sanitatem, nihilominus si ei proponatur abscissio membri alicuius tamquàm vnicum medium necessarium, non velit illud admittere, & tamen perseueret velle sanitatem; ergo &c. Resp. Negando Assumptum: si enim ægrotus convinctus sit, sibi quæ persuadeat nullum ei superesse medium sanitatis obtinendæ, nisi per membri abscissionem, dico talem vel necessariò admittere eam, vel necessariò cessare ab efficaci intentione sanitatis prosequendæ, licet remanere possit desiderium eius quoddam inefficax, & absoluta quædam eius complacentia. Quod autem non obstante medicorum iudicio de istius medij necessitate permaneat efficax voluntas ægroti, quamvis medium istud admittere nolit, id sit ideò, quoddam ægrotus non omnino credat medicis, sed speret per aliud se posse sanitatem consequi.

**O**bjicitur Secundò: voluntas solum 18 potest pati necessitatem à summo bono clarè viso quo ad exercitium actus; ergo non potest dici necessitate trahi in casu proposito ad eligendum medium aliquod vnicum, quoad ad finem, quem intendit, est necessarium.

**R**espondetur, Ex dictis circa probationem responsionis constare, quomodo illud medium trahat necessariò; quia videlicet secundum quid habet rationem omnis boni, & in quo nihil mali sit, non quidem absolute, sed in ordine ad hunc finem, qui efficaciter intenditur: unde quoque non absolute necessitate trahit voluntatem, sed

L. ex sup-

ex suppositione tantum hac, quod voluntas hunc finem efficaciter velit. Quod itaque communiter dicitur, nullum bonum creatum, sed tantum summum & increatum clarè visum mouere voluntatem ex necessitate, id intelligitur absolute videlicet & simpliciter, non tantum ex aliqua suppositione alterius volitionis efficacia, quam voluntas potest deponere.

Obijcitur Tercio: Si voluntas in illo

casu eligat necessariò, ergò ista electio non poterit habere rationem noui meriti, quod videtur inconueniens; ergò &c. Resp. N. C. quia electio ista non est simpliciter necessaria, sed tantum ex suppositione, quæ pendet ab arbitrio ipsius hominis, vnde libera est in radice, quæ in potestate hominis posita est; quæ libertas ad meriti rationem potest sufficere.

## QVÆSTIO XIV.

### De Consilio quod electionem præcedit.

In sex Articulos diuisa.

#### ARTICVLVS I.

*Vtrum Consilium sit inquisitio?*

**C**ONCLUSIO D. Thomæ est affirmatiua. Declaratur: quia dum quis finem intendit, priusquam ad executionem procedat, cogitat & inuestigat, per quæ possit finem intentum consequi; & si plures viæ occurrant, seu plura media, inuestigat quæ sint magis oportuna & commoda: atqui sic querere & inuestigare est consultare; ergò consilium est inquisitio. Hinc manifestum est esse actum rationis, cui dat occasionem voluntatis actus, qui est intentio.

Sed disputatur, Vtrum Consilium sit nuda inquisitio, an verò includat etiam sententiam seu iudicium de rebus agendis? Caietanus hic vult inquisitionem absque iudicio non esse consilium nisi inchoatiuè, quem sequitur à Valentia. Verum alij communiter docent Consilium non includere sententiam siue iudicium tanquam partem sui, sed iudicium eius esse effectum. Indicat D. Thom. hic in Corpore, quando dicit necessariam esse inquisitionem rationis ante iudicium, & hanc inquisitionem consilium vocari: vnde vera consultatio censetur habita, quantumvis necdum sententia & resolutio capta sit, modò rationes aliquid faciendi non faciendiusque propositæ & examinatæ sint. Hinc Cicero definit Consilium esse faciendi non faciendiusque aliquid rationem. Vide Nemes. lib. 3. Philosoph. cap. 4. Damasc. lib. 2. cap. 22. & Aristot. lib. 6. Ethicorum cap. 9. Non tamen negandum

est, quin consilium per tropum, quo causa ponitur pro effectu, usurpetur aliquando pro sententia siue iudicio ex consultatione, aut quasi consultatione sequuto: quo pacto subinde Deo attribuitur, non quòd inquirat aut consulat formaliter (hoc enim imperfectionis & ignorantie cuiusdam est) sed quia ex infinita sapientia statuit & iudicat longe perfectius, quàm quicumque alij ex præuia consultatione statuere & iudicare possint.

Sed obijcitur: Philosophus 3. Ethic. cap. 3. dicit eum, qui consulat, videri querere & resolvere; ergò resolutio est pars consilij. Respond. Negando Consequentiam; Primò, quia ad veritatem illius dicti satis est, quòd resolutio coniungatur consultationi tanquam finis & effectus eius. Secundò, quia resolvere eo loco apud Philosophum non videtur idem esse, quòd sententiam & iudicium dicere, sed ordine resolutorio in ipsa questione seu inquisitione procedere, prout illud intelligit D. Thomas infra artic. 5. argumento, sed contra.

#### ARTICVLVS II.

*Vtrum Consilium sit de fine, an solum de his, quæ sunt ad finem?*

**C**ONCL. D. Thom. est: Consiliū tantummodò est de his, quæ sunt ad finem, non autem de fine vt tali. Et ita docent Philosophus lib. 3. Ethic. cap. 3: & Nemesius lib. 5. Philosophiæ cap. 5. Probat: quia in omni deliberatione rerum agendarum, debet supponi finis aliquis tanquam

tanquam principium, unde consultatio tota depēdeat, sicuti in inquisitione scientiæ debent supponi principia demonstrationis; ergo finis sub quæstionem & deliberationem non cadit. Difficultates autem quæ hic opponi possent, ut quod aliquando plures fines occurrant, etiā qui videntur esse ultimi, de quibus dubitamus, & proinde super quibus consultare debemus, faciliè poterunt resolui ex dictis Quæst. præcedēte Art. 3. ubi similes motæ sunt contra Conclusionem, quā electio statuitur esse tantum mediorum; eadem enim quoad hoc ratio est consultationis, quæ electionis.

### ARTICVLVS III.

*Utrum Consilium sit solum de his, quæ à nobis aguntur?*

- 4 **C**onclusio D. Thomæ est: Consilium propriè est de ijs, quæ aguntur à nobis. Vbi nota etiam illa hic haberi inter ea, quæ à nobis aguntur, quæ ex nostro imperio, vel ex nostra directione geruntur: unde dominus consultat de his, quæ vult per seruum fieri, & Iureconsultus de illis, quæ per Clientes sunt facienda pro iuris ipsorum defensione: nemo autem consultat de ijs, quæ nullo modo ex eius ratione pendent, ut sic vel aliter fiant, unde non consultat quis de necessariis euenturis, neque de impossibilibus.

### ARTICVLVS IV.

*Utrum Consilium sit de omnibus, quæ à nobis aguntur?*

- 5 **C**onclusio est negatiua: Non enim consultamus de rebus minimis, de quibus nihil aut parum interest in ordine ad finem, utrum fiant vel non fiant: neque etiam consultare solemus de rebus determinatis, sicuti contingit in artibus, quæ habent certas vias operandi: non enim deliberat scriptor quomodo debeat trahere litteras, inquit D. Thom. hoc enim per artem determinatum est. Notat tamen ex Gregor. Nysseno, seu Nemescio, id non habere locum in omnibus artibus, quia sunt quædam coniecturales, sicuti medicinalis & negotiatiua: unde medicus & negotiator de suis operationibus in ordine ad finem consultant.

### ARTICVLVS V.

*Utrum Consilium procedat ordine resolutorio?*

**C**onclusio D. Thomæ est affirmatiua: & communiter tenetur. Pro explicatione autem eius & intellectu

Notandum est Primò, Resolutionem & compositionem propriè habere locum in toto & in partibus, siue essentialibus siue integralibus, quia ex solis partibus propriè est compositio, & in eas propriè fit resolutio; & quidem quando procedimus à partibus ad totum, dicimur procedere viâ compositionis, quia ex partibus tanquam prioribus & simplicioribus componitur & constituitur totum in suo esse; quando autem à toto progredimur ad partes, procedere dicimur viâ resolutionis, quia quod magis compositum est, & posterius secundum essendi consequentiam, resoluitur in simpliciora & anteriora.

Notandum Secundò, Hos ordines procedendi per quamdam analogiam transferri & accommodari etiam alijs, quæ se nõ ita habent vt partes & totum propriè; sed in quibus est inuenire quod vnum sit posterius, & plura requirant, vt in esse ponatur, & quod alia sint priora, & quasi simpliciora, quatenus non tam multa vt existant requirunt; vt v.g. medijs & finis, quatenus videlicet medijs priora sunt secundum existentiam, ac ipsius finis causa in genere efficientis: è contrà verò finis secundum existentiam posterior est, & à medijs dependens. Unde finis habet ad media quodammodo sicut totum ad partes, quoad illa, quæ hic in considerationem veniunt. Quare cum consilium procedat à fine tanquam principio à quo incipiat, & progrediatur ad media, manifestum euadit, ipsum procedere ordine resolutorio; quia ab eo quod est postremum secundum existentiam, & ad cuius esse plura requiruntur, fit processus ad illius causas secundum existentiam priores, ac etiam suo modo simpliciores, quia quæcumque ad esse mediorum concurrunt, etiam consequenter concurrunt ad esse finis, ad quod esse finis etiam aliquid amplius concurrit, videlicet ipsa media. Exequutio verò consilij procedit viâ compositionis, quia à primis medijs adhibendis incipit, & progreditur vsque ad finis positionem.

Sed dicit aliquis: Finis est causa quoque mediorum, & proinde etiam illis prior; ergo non est ratio, cur potius consilium dicatur procedere viâ resolutionis

L ij quàm

quàm compositionis. Resp. N. C. quia non qualiscumque causæ & effectus habetudo sufficit ad fundandam illam analogiam cum partibus & toto, ex quibus ordines illi procedendi desumuntur; sed requiritur, quod tales sint causæ & effectus, ut ipsa causa sit nata esse prior secundum existendi consequentiam, ut in Corpore facti: indicat D. Thom. quia in compositione seu compositionis ordine hoc maxime attenditur, quod fiat ex aliquibus præexistentibus, & quod ab illis procedatur ad id, quod ex illis exurgit; non autem simpliciter & nudè, quod partes sint aliquo modo causæ ipsius totius: finis autem etiã consideratur ut causa non est secundum existentiam prior medijs, sed intentione tantum: unde quoque non nisi motu quodam metaphorico causat media, & propterea ordo, quo proceditur ab illo ad media, nullatenus compositionis dici debet, quamvis nonnulli id videantur secundum diversam considerationem, prout obiectio habet, admittere, sed non satis attendunt, fundamentum analogiæ, unde ordines illi compositionis & resolutionis accommodantur causæ & effectibus, non statim nasci ex qualibet ratione causæ & effectus, ut iam explicatum est.

## ARTICVLVS VI.

*Vtrum Consilium procedat in infinitum?*

**C**onclusio Prima: Omnis consultatio est finita in actu, ex duabus partibus. Est D. Thomæ. Declaratur: quia est finita ex parte principij & ex parte termini: ex parte principij quidem, quia in omni consultatione supponitur intentio alicuius certi finis, qui est principium consultationis, de quo nulla sit quæstio; ex parte termini verò, quia in omni consultatione deuenitur ad aliquod vltimum medium secundum ordinem intentionis, quod videlicet est primum iuxta ordinem executionis, unde operatio ad finem tendens incipit; ergo &c.

Conclusio Secunda: Nihil tamen vetat consilium potentia infinitum esse: Est quoque D. Th. & Declaratur: quia consilium est inquisitio de particularibus, in quibus versatur operatio; possunt autem in infinitum occurrere particularia consilio examinanda, quamvis ad illa non progrediat inquisitio, quia inuentis aliquibus commodis & opportunis ad finem, cessare solet intellectus ab inquisitione.

## Q V Æ S T I O X V.

## De Consensu.

In quatuor Articulos diuisa.

## ARTICVLVS I.

*Vtrum Consensus sit actus appetitiue vel apprehensiuæ virtutis?*

**O**BERVANDVM est, nomen Consensus pluribus modis sumi: aliquando enim accipitur pro iudiciorum conformitate, ut Consentire idem sit, quod duos vel plures idem sentire seu iudicare: aliquando autem capitur pro voluntatum concordia, quæ ex conformitate iudiciorum solet sequi. Sic dicuntur consentire, qui idem volunt & nolunt; & iuxta has acceptiones, Consensus non dicit actum simplicem vnius hominis, sed plures actus sibi conformes in duobus vel pluribus hominibus in ordine ad idem obiectum. Tertio, Consentire accipitur, ut sit idem quod obsequi & acce-

ptare, quod proponitur faciendum; & sic de illo iuxta hanc acceptionem mouetur hoc loco quæstio.

Conclusio itaq; D. Th. est, Quod Consensus sit actus potentia appetitiue: hæc enim est, quæ obsequitur iudicio intellectus, acceptando quod intellectus proponit acceptabile, & sic quasi idem sentit cū intellectu, quia illud acceptare seu velle est veluti quoddam sentire ipsius voluntatis.

## ARTICVLVS II.

*Vtrum Consensus conueniat brutis?*

**C**onclusio est: Consensus propriè loquendo non est in brutis animalibus. Rationem reddit D. Th. quia Consensus propriè importat actum, quo voluntas se applicat

applicat ad aliquid agendum; iam verò appetitus in brutis nō applicat se ad agendū, sed à natura est applicatus & determinatus ad id quod sensus vel imaginatio appetendum proponit, sicut suprà fuit explicatū.

## ARTICVLVS III.

*Vtrum Consensus sit de fine vel de his, quæ sunt ad finem?*

3 **C**onclusio D. Thomæ est: Consensus propriè est tantū de his, quæ sunt ad finem. Probatur: quia consensus propriè videtur esse appetitus quidam ex appetitu alio, atqui appetitus finis vt talis est, non est ex appetitu, sed est principium in appetitibus; ergò &c.

Obseruandum nihilominus est, Consensum quantū est ex vi nominis, posse generaliter dici omnem illam voluntatis acceptionem, quā liberè tam quo ad specificationem actus, quā quo ad exercitium, acceptat aliquod bonum ab intellectu propositum, siue illud propter se, siue propter aliud appetat. Vnde præter voluntatem finis vltimi sub ratione boni vniuersalis siue beatitudinis formalis (quæ quo ad specificationem actus, libera nō est) videtur om-

nis volitio posse vocari consensus. Et ratio quoq; D. Th. solū ostendit voluntatem finis vltimi non esse consensum; quia in illum appetitus tendit naturaliter. Vnde ad illum appetendum sub tali ratione non videtur voluntas tam se applicare, quā à conditoe suo esse applicata.

4 **P**etes, Quomodo Consensus distinguatur ab Electioe? Respondetur, Inprimis in hoc, quòd Electio dicat voluntatem efficacem, non sic Consensus, quia potest esse consensus, vbi non sequatur exequutio. Deinde Electio saltem secundum vim nominis, requirit vt plura sint proposita, ex quibus voluntas vnum acceptat, quod non requirit Consensus. Tertio, quòd Consensus generaliter loquendo sit etiam de fine saltem non vltimo. Electio autem tantū sit mediorum.

## ARTICVLVS IV.

*Vtrum Consensus in actum pertineat solum ad superiorem animæ partem?*

**C**onclusio D. Thomæ est affirmatiua: sed de hac materia latius infra Quæst. 74. Artic. 7. agemus.

## QVÆSTIO XVI.

## De Vsu.

In quatuor Articulos diuisa.

## ARTICVLVS I.

*Vtrum Vti sit actus voluntatis?*

1 **C**onclusio D. Thomæ est: Vti propriè est actus voluntatis. Probatur: quia Vti dicit applicationem rei ad suam functionem, vel quasi functionem: atqui voluntatis est applicare quamcūq; rem nobis subiectam ad suam operationem vel quasi operationem; ergò &c. Maior ex ipsa nominis notione cōstat. Minor confirmatur: quia siue spectemus principia agendi, quæ in nobis sunt, vt vires quascūq; animæ, & organa corporis & membra; siue res externas, quæ sub nostra sunt potestate, videmus quòd vo-

luntate applicetur vnumquodque ad suam functionem, vel quasi functionem: applicat enim voluntas oculum ad videndum, manum ad percutiendum, calamum ad scribendum; ergò pater voluntatis esse applicare rem quamlibet ad suam functionem.

2 **O**bseruandum verò est Duplicem posse distingui Vsum, videlicet Actiuum & Passiuum; nos autem hīc loqui de Vsu actiuo, quem dicimus esse actum propriū voluntatis, cui passiuus reliquarū potentiarum ac membrorum, quæ voluntas ad operationē applicat, correspondet, sicuti actioni passio; estq; passiuus vsus in ipsis potentijs & medijs, quibus vti dicimur, sicuti passio est in mobili, in quod agens exercet actionem; cum hac tamē differentiā, quòd vsus passiuus non sit simpliciter passio,

L iij 126

imò sapius absolut est actio, sed vocamus passivum, quia est actio imperata à priori principio; eo enim nomine potentia exequutiva vel instrumentum, quatenus ita per imperium superioris virtutis mouetur, quamvis effectivè ad motum suum concurrant, reputantur tamen in ipsa sua actione potius pati quam agere, & propterea eiusmodi operatio dicitur vsus passivus, non activus.

Quæret aliquis, Vtrum potentia exequutiva non possit ergò dici vti instrumentis siue coniunctis, siue separatis, v. g. an visus non possit dici vti oculo, aut perspicillis? Resp. Negativè, propriè loquendo: & ratio est, quia ad vsum actuum non sufficit habere instrumentum aliquod subserviens ad operationem suam, sed requiritur quòd sit movens principale, seseque applicans ad operationem; non autem applicetur tantum ex determinatione superioris facultatis: iam verò potentia exequutiva non est movens principale, neque enim instrumenta applicat, nisi vti mota & determinata per voluntatem.

## ARTICVLVS II.

### *Vtrum Vti conveniat brutis?*

**C**onclusio est negativa. Ratio est, quia vsus est actus potentie appetitivæ includens ordinem ad actum rationis, quo diiudicetur æt ordinetur quò referenda sit res illa vel operatio rei, quæ quis vti dicitur. Vnde D. Aug. lib. 83. Quæst. q. 30. negat quemquam posse vti re, quam nescit quò referenda sit. Quamvis igitur bruta per appetitum moveant membra ad operationem, tamen non possunt dici illis vti, eo quod non cognoscant aptitudinè & ordinem istorum membrorum ad operationes suas, sed instinctu naturæ movet & agunt: imò propriè loquendo non tamen ipsa debent dici applicare membra ad operationem, quàm naturæ author, à quo habent appetitum determinatum ad unum secundum quod à sensu vel imaginatione, obiectum proponitur. Ceterum quando agens intelligit, quo res debent referri, & tamen refert aliò, tunc dicitur illà re abuti; vt docet D. August. loco citato: quare sicuti brutis non competit vsus, ita neque abusus quia tam abusus quàm vsus, præsupponunt cognitionem ordinis, quem res habet ad finem, quò refertur.

## ARTICVLVS III.

### *Vtrum Vsus possit esse etiam ultimi finis?*

**R**espondetur; Vti aliquando sumitur generaliter, vt nihil aliud sit quàm assumere aliquid in facultatem voluntatis, cum sine delectationis, secundum quod dicit D. August. lib. 10. de Trinit. cap. 11. quod omnis qui fruitur, vtiatur; & sic loquendo de vsu, manifestum est, quod etiam circa finem ultimum versetur: nam voluntas per intellectum comprehendit, & quasi in suam facultatem assumit Deum, non vt aliunde per ipsum, sed vt ex ipso Deo delectationem & gaudium capiat. Aliquando verò sumitur specialiter & propriè, videlicet pro eo solo actu, quo quid à voluntate assumitur propter aliud, quo frui & in quo delectari intendit; & sic loquendo de vsu certum est, quod tantum sit mediorum, nullo autem modo finis ultimi. Iuxta hanc nominis proprietatem dixit D. August. lib. supra citato cap. 10. Fruimur cognitis, in quibus voluntas propter seipsa, delectata conquiescit; vtiatur verò illis, quæ ad illud referimus, quo fruendum est. Hinc lib. 83. Quæst. qu. 30 dicit, omnem humanam perversionem esse quod & vitium dicitur, Vti fruendis & frui vtiendis: quod clariùs intelligitur, ex eo quod scribit lib. 15. de Civit. cap. 7. vbi dicit, Bonos ad hoc vti mundo, vt fruatur Deo, malos autem contra, vt fruantur Deo, vellet vti Deo.

Notandum tamen est, Etiam in illà generali acceptione huius nominis, aliquosque servari significationes proprietatem, quatenus videlicet res quælibet etiam illa, quæ est finis ultimus, v. g. Deus, appetitur & assumitur in facultatem voluntatis propter aliud, videlicet propter ipsius rei possessionem & fruitionem; & sic quodammodo refertur ad aliquid, in quo servatur aliquosque proprietates nominis vsus. Neque huiusmodi vsus finis ultimi, abusus est, quia non assumitur ad conquestionem alterius rei, in qua velit voluptas delectari & conquiescere, sed ipsum quærit in se, vt in eo delectetur & conquiescat; quod ordinatum & rationi consentaneum est: quia voluntas humana ad hoc creata est, vt in Deum tendat, ipsi per amorem inhaereat, & in eo delectetur & quiescat. Vnde patet sic appetere Deum non esse eo abuti, quia hoc ipsum Deo honorificum est, quod habeatur summa honoritas & summè amabilis & desiderabilis: quemadmodum quoque abusus non est velle contem-

contemplari diuini beneficia & diuinas perfectiones ad excitandum affectum & amorem in Deum, quia non refectimus Deum eiusque virtutes ad alium finem ab ipso, sed in ipsum Deum, vt mediantibus illis, quæ magis sub sensum nostrum cadunt, assurgamus in amorem ipsius Deitatis, quam secundum propriam notionem minus aliòquin apprehendimus, minusque nos afficere aliàs percipimus.

#### ARTICVLVS. IV.

*Virum Vsus præcedat electionem?*

**C**onclusio Prima: Vsus alicuius medij sequitur electionem eiusdem; v. g. huius pharmaci vsus sequitur electionem eiusdem. Est D. Thomæ. Probatur: quia non vtimur medio, nisi quod iam elegimus: contingit autem nos eligere medium, antequam eo vtirur; possumus enim eligere nunc medium aliquod, sed applicandum ad opus & vsum post horam, post diem, post mensem. Pater igitur quomodo electio medij alicuius sit naturâ prior vsu; atque aded etiam sæpiùs tempore præcedere possit.

Conclusio Secunda: In communi tamen loquendo, videtur quodd vsus aliquis præcedat omnem electionem, scilicet formalem & propriè dictâ. Est etiam D. Th. quâ sic declarat, quia voluntas vtitur etiâ

intellectu ad consultandû, consultatio autem præcedit electionem; ergo in communi loquendo, aliquis vsus videtur antecedere omnem electionem. Addidi formalem scilicet & propriè dictam: nam etiam antequam voluntas applicet intellectum ad consultandum, præcedit quædam virtualis electio de adhibenda deliberatione, vt habeatur determinatum iudiciû de rebus agendis; quæ electio procedit ex illo iudicio rationis, quo homo quasi naturaliter statuit in rebus dubijs esse deliberandum, vt cognoscatur quid de seiminatione vtiliter agendum sit.

Quæret aliquis, An semper distinguatur, Electio & Vsus? Respondetur non semper distinguí realiter; distinguí tamen semper formaliter; quia potest vnus idemque materialis actus voluntatis esse electio & vsus, diuersa tamen ratione, prout contingit quando simul ex vi volitionis alicuius medij, eodem tempore sequitur exequutio: actus enim iste tunc est electio, quatenus homo affectu acceptat aliquod medium determinatum; & est vsus quatenus voluntas illâ ipsâ acceptatione sine alio suo actu intercedente, simul eodem tempore, applicat potentias exequutiuas ad opus scilicet ad medium illud ponendum; sed actus sunt realiter distincti, quando tempore prius elegimus certum medium postea adhibendum, & tum de post accedit noua voluntas, quæ mouet & applicat potentias exequutiuas ad operationem.

### QVÆSTIO XVII.

#### De actibus imperatis à voluntate.

In nouem Articulos diuisa.

#### ARTICVLVS I.

*Vtrum Imperare sit actus rationis vel voluntatis?*

**N**OTANDUM est, Quæstionem moueri hic de Imperio, quo quis sibi ipsi imperet, de quo S. Aug. lib. 8. Confess. cap. 9. scribit: Sibi imperat animus, vt velit, qui non imperaret, nisi vellet: de imperio enim, quo quis alijs imperat, agendum est infra in Tractu de Legibus.

Conclusio D. Thomæ est: Imperare est actus rationis, præsupposito tamen actu

voluntatis. Sequuntur Doctores ferè communiter, Caiet. Conrad. Medina, Mald. hic: Vasquez disp. 49. cap. 2. & plerique recentiores contra Henricum Quolibet 9. q. 6. Bonauent. in 3. d. 17. q. 1. a. 1. ad 3. Almainum Tract. 3. Moral. cap. 2. & alios quosdam.

Pro declaratione veritatis Conclusio- nis sciendum est, Tria circa Imperium concurrere, videlicet motione seu inclinationem, ordinationem seu ordinis præscriptionem, & rei agendæ intimationem apud eum, cui imperatur. Ex tribus itaque istis statuit D. Thomas, & plerique DD. cum illo, consistere imperium substantialiter, in illâ intimatione seu insinuatione rei a-

L. iiii. gendæ,

gendæ, sic tamen ut imperij rationem perficiat ordo ad actum voluntatis præuium, quo voluntas inclinatur & vult fieri, quod insinuat & intimatur faciendum. Quare sic potest probari Conclusio: quod in inferiori est orare & quod circa parè est suadere, hoc est in superiori imperare: atqui dubiū non est, quin orare & suadere, quatenus sunt interiores actus animæ, esse substantialiter actus intellectus, non voluntatis; ergo similiter imperare. Maior per se apparet manifesta. Minor probatur: quia quantumcumque quis desideret, ut alius siue potentior siue equalis faciat hoc vel illud, non censetur tamen orare vel suadere, nisi illud suum desiderium insinuet ac denuntiet; ergo orare & suadere non sunt illi affectus voluntatis, sed denuntiationes seu intimationes affectuum. Quandoquidem ergo similiter quantumcumque Superior in animo velit, ut inferior, & qui ei subest, hoc vel illud agat, non censetur adhuc imperare, nisi significet & denunciet ei id faciendum, consequens est imperiū non esse illam voluntatis inclinationem, sed eius insinuationem ac intimationem de re agendā; ita tamen ut motio voluntatis essentialiter presupponatur; quia ordo huius interioris loquutionis ad illam, dat actui intellectus formalem imperij rationem, quatenus ab illa accipit quandā mouendi efficaciam. Quare sicut electio est actus voluntatis cum ordine ad actum rationis, cuius virtus quodammodo reperitur in actu voluntatis, quatenus videlicet voluntas secundum rationis iudiciū acceptat non indifferenter quamlibet rem ad finis consequutionem, sed medium certum & opportunum: sic è contra, imperium est substantialiter actus rationis cum habitudine ad actū voluntatis, cuius virtus suo modo persecuerat in illo rationis actu, quo alicui indicatur voluntatis affectus, quatenus videlicet illa intimatio mouet ad actionem: hoc enim intellectus præstat virtute voluntatis, quæ est motrix aliarum animæ virium, non suā propriā; quia secundum mouens non mouet nisi virtute primi mouentis, ut hic habet D. Thomas. Quare Conclusio non obstat, quod idem Thomas infra quæst. 71. artic. 6. ad 2. scribat voluntatem imperare omnes actus voluntarios, quia imperare aliquando voluntati tribuitur ratione motionis, quam diximus necessario circa imperiū concurrere. Vnde & D. Ansel. de Conceptu Virginis cap. 4. scribit: voluntas dicitur regina & imperatrix reliquarū potentiarum. Sed quia imperare non est quocumque modo mouere, sed cum quadam denunciatiuā inti-

matione, quod rationis est, idcirco simpliciter loquendo, imperium ponitur actus rationis.

Sed contrā obijcitur Primò: Eius est imperare, qui potest compellere: atqui voluntas potest cōpellere intellectū, non contrā; ergo voluntas imperat, non intellectus. Respondetur, Non esse de ratione imperij, ut si qui imperat compellat ad executionem efficaciter mouendo, sed bene quidem, si iustum est imperium quod inducat obligationem, quæ etiam quædam compulsiō est: hoc autem competit intellectui, qui potest suo iudicio & dictamine obligare voluntatem. Accedit quod intellectus saltem in virtute actus voluntatis, quem diximus essentialiter ad imperij rationem præsupponi, etiam compellat aut saltem moueat per suum dictamen & ipsam voluntatem, & alias potentias.

Obijcitur Secundò: Nullus videtur dari actus intellectus, qui non sit vel simplex apprehensio, vel compositio aut diuisio, vel discursus: atqui imperiū nihil est istorum; ergo non potest esse actus intellectus. Resp. Primò cum D. Thoma 2. 2. quæst. 83. artic. 1. (ubi hoc argumentum mouet contra orationem, quam ibidem statuit esse actum intellectus) tres illos actus pertinere ad rationem speculatiuam, sed vltiū ad rationem practicam, quæ operatiua est, pertinere, causare aliquid per modum imperij aut petitionis. Secundò responderi potest, omnem actum intellectus pertinere ad vnum ex istis membris formaliter & directè, aut saltem virtualiter & reductiue; iam verò imperium & petitio, siue oratio, quamuis non sint formaliter compositio aut diuisio, & proinde directè omnino sub illis non continentur, tamen virtualiter sunt, quatenus continent quandam expressionem affectus voluntatis æquivalentem huiusmodi enuntiationi, Hoc tibi est faciendum: Hoc à te opto fieri.

Queritur etiam hic, Vtrum eiusmodi imperium semper præcedat ante omnem actionem liberam? Respondetur breuiter, Non requiri necessariò formale imperium quod explicetur per verbum, Fac hoc aut illud, quo videlicet sibi homo imperet, siue sub certo idiomate, siue absque vllis conceptis verbis; eiusmodi tamen rationis impulsus in rebus arduis plurimum momenti adferre ad rei executionem, quod quisque satis in seipso per experientiam potest addiscere: nam iteratæ illæ propositiones & intimationes voluntatem infirmam & imperfectam excitant, & succedunt ac corroborant, ita ut plerumq; fiat, quod ex istis incipiat voluntas efficaciter & con-



& constanter velle, quod prius tantum imperfecto modo & per quandam velleitatem optabat. Vnde immerito quidā dixerunt illud imperium nullius efficaciz vel utilitatis esse, nisi quando vnus homo alteri imperat, contra quos videre licet D. August. lib. 8. Confess. cap. 9. Vide etiā dicta suprà Quæst. 9. artic. 7.

## ARTICVLVS II.

*Vtrum Imperare pertineat ad animalia bruta?*

- 5 **C**onclusio est negatiua: Constat satis ex iam dictis. Quæ autem hic possent moueri difficultates ex parte potentiz appetitiuæ, vel imaginatiuæ, quibus mouetur corpus animalis, facile poterunt solui ex dictis de Vsu Quæst. præced. Artic. 2.

## ARTICVLVS III.

*Vtrum Vsus precedat Imperium?*

- 6 **C**onclusio D. Th. est, Vsus quo voluntas applicat intellectum ad inquirendum medium, est prior imperio, videlicet expresso & formali; sed vsus, quo voluntas vitur medijs inuentis, est imperio posterior. Vide dicta Quæst. præcedente Artic. 4. vbi similis mouetur quæstio de vsu & electione. Eodem autem modo censetur imperium se habere ad vsum, quo ad eum se habet electio quantum ad prioritatem & posterioritatem.

## ARTICVLVS IV.

*Vtrum Imperium & Actus imperatus sint vnus actus an diuersi?*

- 7 **N**otandum est, In actibus hominis, qui eius subiacent libertati posse duplicem spectari vnitatem & diuersitatem videlicet in ratione naturæ siue entitatis physicz, & in genere moris; deinde imperium posse cadere & in actum aliquem voluntatis, & in actus aliarum potentiarum. Nunc sit

Concl. 1. Imperium & actus imperatus, spectando entitatē physicam sunt actus diuersi, siue imperiū cadat in actum voluntatis, siue in actus aliarū potentiarū. Constat hoc in primis, spectando actus imperatos quoscumque, qui non sunt intellectus vel voluntatis; quia sicuti illi subiectis distinguuntur ab imperio, quod est subiectiue in intellectu cū ordine ad volun-

tatem; ita quoque necessariō quo ad physicam suam entitatem ab eodē sunt diuersi. Declaratur autem, quod similiter etiā imperium & actus imperatus siue voluntatis siue intellectus, sint actus physice distincti, saltem secundum rationem partis à parte, & sæpius secundum diuersas qualitates; quia dū ex motione voluntatis homo per intellectum sibi imperat, vt aliquid velit, quantumuis etiam idem quod iam vult, tamen hoc imperium tendit ad continuationem actus vel ad maiorem eius intensiōem cum continuatione: ista autem continuatio actus distinguitur secundum rem non tantum ab actu intellectus imperantis, sed etiam à motione voluntatis præuiā, sicuti sicuti partes vnus continui inter se sunt diuersæ. Sic quoque imperium illud erit actus physice distinctus ab actu, quo homo imperat sibi, vt intellectus de hac vel illā re cogitet aut consulat vel contempletur.

Sed contra obijcitur: imperiū & actus imperatus habent se sicut actio & passio; atqui actio & passio non sunt actus realiter distincti; ergo &c. Respondetur Imperium & actum imperatum habere quandam similitudinem cum actione & passionē, quatenus videlicet potentia, cui imperatur, suo modo habet se passiuē respectu potentiz imperantis; non tamen actū imperatum esse meram passionem, vt pote qui elicitor ab ipsā potentia, cui imperari dicitur & non merē producitur ab ipsā potentia imperante; sed hæc producit in se ipsa actum, qui dicitur imperium, quo mediante reliquæ potentiz applicant se ad operationem, ideoque imperium & actus imperatus nō habent se simpliciter vt actio & passio, quæ sint vnus motus, sed sunt motus & actus diuersi: quod idē locum habet in vsu actiuo & vsu passiuo, de quibus supra egimus.

Concl. 2. Actus imperatus, qui est voluntatis, nō tantum secundum physicam entitatem, sed etiā in genere moris potest esse diuersus ab imperio. Declaratur: nam v.g. actus charitatis, potest imperare actū spei, obedientiz, religionis, qui non solum physice, sed etiam secundum esse morale sunt diuersi ab actu charitatis, vt pote à quo specie distinguuntur, etiam in genere moris; nam alia est bonitas moralis charitatis, quæ imperat, & alia spei, quæ imperatur: quamuis enim actus spei, tunc etiam participet bonitatem charitatis quando ad eam ordinatur, habet tamen quoque suam propriam. Ratio itaque Conclusionis est: quia motus ille voluntatis in imperio inclinans, & actus imperatus voluntatis possunt singuli habere suum proprium formam.

formale obiectum, vnde distinctam honestatem vel turpitudinem accipiant, vt patet in exemplis adductis, & singuli sunt per se formaliter & intrinsecè liberi; nam stante imperio, quo animus sibi imperat, vt hoc vel illud velit, potest tamen non velle, de quo pulchrè ita D. August. lib. 8. Confess. cap. 9. Vnde hoc monitum, & quare istud imperat animus corpori, & pareatur statim? imperat animus sibi & resistitur; imperat animus, vt moueatur manus, & tanta est facilitas, vt vix à seruitio discernatur imperium, & animus animus est, manus autem corpus est; imperat animus, vt velit animus, nec alter est, nec facit tamen; imperat, inquam, vt velit, cui non imperaret, nisi vellet, & non fit quod imperat, sed non ex toto vult, non ergo ex toto imperat; non igitur monitum est partim velle, partim nolle, sed ægritudo animi est. Hæcenus Augustinus.

- 10 Conclusio Tertia: Actus imperatus, qui est alterius potentie quam voluntatis, est vnus actus cum imperio in genere moris, licet non secundum esse naturæ. Est Conclusio D. Thomæ super hoc Art. Ratio est, quia actus imperati potentialium inferiorum, siue membrorum corporis procedunt ex eadem cognitione, & ab eadem voluntatis liberà motione, ex quibus ipsum imperium, nec habent per se obiectum honestum vel inhonestum, sed illi ipsi actus possunt esse obiectiue honesti vel turpes: non habent igitur per se formalem aliquam rationem in genere moris, distinctam ab ipso imperio; sed sicut in rebus naturalibus ex materia & forma, item ex pluribus partibus integralibus, vnum resultat compositum, ita ex imperio subeunte hic vices formæ, quatenus scilicet est actus potentie superioris & dominantis, & ex actu imperato sese per modum materiæ habente conflatur vnus actus moralis, adeo vt etiam intentio, consilium, electio, imperium & opus externum, quando morali quâdam continuatione fiunt, censeantur actus vnus moralis: vt dum quis hostem intendit occidere, de medijs consulat, eligit, imperat, & vitur medijs inuentis, & occidit, omnia illa vnum constituunt actum morale, videlicet actum homicidij.
- 11 Obseruandum autem hic est. Quando contingit actum aliquem imperatum exerceri, non ab eodem, qui imperat, sed ab alio; v. g. Dominus imperat seruo, qui opus exequitur: tunc actum imperatum, sicuti habet respectum ad duplicem voluntatem liberam, videlicet imperantis & exequentis, ita quoque posse habere duplicem speciem in genere moris, licet vnus sit in esse naturæ, adeoque posse esse actum vir-

tutis, vt respicit vnum, v. g. iustitiæ, quâdo seruus v. g. iustitiæ minister bonâ fide & intentione occidit eum, qui iudicatus est reus; & simul homicidij, si Prætor & Scabini iniuste & scienter eum mortis condemnauerint, quatenus ad hos, à quibus imperatur, habet verum respectum.

## ARTICVLVS V.

### *Vtrum actus voluntatis imperetur.*

Conclusio est: Actus voluntatis imperari potest. Probat: quia actus voluntatis est in nostrâ potestate; quod autem in nostrâ est potestate, possumus imperare; ergo &c. Sic potest homo per rationem & voluntatem sibi imperare, vt Deum amet, odio, habeat peccatum, de peccato commissio doleat.

Sed Notandum hic Primò, Non omnem actum voluntatis posse hoc modo esse imperatum: quia non omnis actus voluntatis præsupponit alium actum voluntatis, à quo mediante ordinatione & dictamine intellectus procedit; vt patet in intentione finis, quæ per se amamus, hæc enim non procedit ex aliâ voluntate priori, sed ipsa est prima voluntas: vnde imperari propriè conuenit illi actui voluntatis, qui habet rationem electionis, & versatur circa medium, quod ad finem refertur.

Notandum Secundò, Actus imperatos communiter tamen strictius sumi, videlicet pro illis tantum, qui procedunt à potentijs alijs à voluntate, quæ quidem liberè à voluntate applicantur, sed ex quâdam necessitate eidem obtemperant. Vnde solent distinguere communiter actus imperati & actus elicti voluntatis, quod illi sint tantum per denominationem extrinsecam liberi propter respectum ad voluntatem, quæ potentias, vnde egrediuntur, liberè ad operationem applicat; Hi autem sint formaliter & intrinsecè liberi, qui à voluntate tanquam actus immanentes eliciuntur.

## ARTICVLVS VI.

### *Vtrum actus rationis imperetur.*

Conclusio Prima: Actus rationis hæcenus non subiacet imperio, vt intellectus ex imperio apprehendat veritatem aut falsitatem obiecti. Ita D. Thomas hic; Ratio est, quia neque ex nostrâ voluntate vel intellectus ordinatione pendet, vt ipse intellectus veritatem videat, aut cognoscat: hoc enim contingit per virtutem alicuius lumi-

luminis, siue naturalis siue supernaturalis.

Conclusio Secunda: Non subiacet quoque imperio nostro actus intellectus, quo ad suam speciem, videlicet quantum ad assensum vel dissentium. Ita etiam D. Thomas hic; quod tamen intellige non subiacere vniuersaliter, & semper. Probatur: quia multa sunt talia, ut illis propositis intellectus naturaliter & necessario assentiatur; qualia sunt prima principia: alia verò sunt talia, quibus assentiri non possit, ut sunt quæ manifestam implicant contradictionem. In huiusmodi itaque non potest homo sibi imperare, ut intellectus dissentiat vel assentiatur, sed intellectus necessitate quadam istis assentiatur, & his dissentiat.

14 Conclusio Tertia: In quibusdam tamen subiacet imperio nostro actus intellectus quo ad assensum vel dissentium. Probatur: quia quædam obijciuntur intellectui, quæ non sic eum conuincant, quin possit pro voluntatis placito assentiri vel dissentire, spectando habitudinem terminorum quatenus ipse eam agnoscit; in talibus autem assensus vel dissentius in nostra est potestate; ergo potest imperari ibi actus rationis, etiam quo ad speciem assensum vel dissentium. Patet id in omnibus penè, quæ fide tenemus; nam in illis voluntas cum distamine intellectus facit, quod potius assentiatur quàm dissentiamus: item in opinionibus Philosophicis & Theologicis, quas sæpius amplectimur propter auctoritatem huius vel illius Doctoris, cui plus deferimus, & pro arbitrio facile mutamus, dum veritatem alteri parti potius quam huic siue ob nouam aliquam auctoritatem, siue propter præcedentes quas plus ponderamus, inesse apprehendimus. Nunquam autem potest intellectus assentiri propositioni, quam apprehendit falsam; nec dissentire illi quam apprehendit veram: immò quamdiu iuxta iudicium intellectus sunt rationes omnino æquales pro vtraque contradictionis parte, tamdiu neutri potest assentiri; quia neutri adiudicat veritatem, vt docet Philosoph. 1. Topicorum cap. 9. Ex affectu tamen voluntatis multum pendet, ut intellectus pluris incipiat facere rationes vel auctoritates pro vna parte quàm pro alterâ, & sic incipiat magis adherere vni quam alteri.

15 Conclusio Quarta: Actus rationis subiaceret imperio quo ad ipsius exercitium, ut hoc vel illo tempore exercetur. Pater, quia imperat sibi homo, ut nunc consulet de his rebus, nunc oret, nunc meditetur &c.

Notandum tamen est, non omnes & sin-

gulos actus rationis imperari quo ad exercitium, quia multæ cogitationes homini incedunt ante omnem actum voluntatis, & antequam de illis eliciendis ordinauerit intellectus. Vnde dixit D. August. lib. 3. de libero arbitrio cap. vlt. non esse nostræ potestatis, quibus viliis tangamur: est tamen sub hominis imperio continuatio cogitationis, ut perseueret, vel intermittatur, licet citra imperium exorta sit; quamuis subinde admodum difficile sit, quasdam apprehensiones seponere, quando nimirum commotiones appetitus, & phantasie sunt valde vehementes, quas voluntas pro placito non potest omnino sopire: tunc enim hæc quasi impetu quodam per naturalem quandam sympathiam secum rapiunt intellectum, ita ut voluntas non nisi summo & continuo conatu in contrarium possit intellectum ab istis cogitationibus abstrahere.

Quæritur autem hic, Vtrum actus rationis solum sub imperium cadat, quatenus imperium est aliquid voluntatis, an verò etiam ut substantialiter est ratio? Quidam existimant actum intellectus tantum subesse motioni voluntatis absque aliqua intimatione rationis: sed melius cum D. Thomæ hic dicitur, imperium etiam quatenus rationis est, reflecti supra actus rationis: quod satis per experientiam possumus addiscere: nam qui sibi imperat orationem, aut meditationem, etiam sibi hoc intimat, esse orandum, esse meditandum, præcipue quando se tardiorum ad eiusmodi sentit, imò alioquin illa motio voluntatis non erit imperium, sed merus vsus actiuus.

## ARTICVLVS VII.

*Verum actus appetitus sensitui imperetur?*

16 Conclusio Prima: Motus appetitus sensitui non semper possunt tolli imperio voluntatis, saltem ad statim. Patet hoc experientia: prouenit verò inde, quod non sit in potestate nostra tollere statim imaginationem, ex qua motus illi oriuntur; sicuti quando obiectum doloris, aut voluptatis est præsens & sensu percipitur; item quando imaginatio prouenit ex alteratione humorum: corporis enim alteratio actum imaginationis sibi conuenientem excitat, eumque firmiorem efficit. Denique quando ab aliqua causa extrinsecâ imaginatio excitatur, ut à Deo, vel ab Angelo; vnde in eiusmodi casibus non potest voluntas omnino tollere motum appetitus sensitui, qui necessitate quadam ex ima-

ex imaginatione sequitur; nam sicuti voluntas non mouet appetitum inferiorem, nisi excitando imaginationem, ita nec eius motum tollit, nisi diuertendo imaginationem.

18 **Conclusio Secunda:** Semper tamen est in potestate voluntatis, saltem adiutæ per gratiam, vt motus isti sint inefficaces, & nullus ex istis sequatur actus exterior. Constat per experientiam, quia quantumvis irâ quis accensus, inuidiâ liuidus, concupiscentiâ carnis pulsatus fuerit, non tamen manus, lingua, vel pedes se mouebunt ad vindictam, ad detractationem, ad concubium (quamdiu passionibus non totaliter rationem turbauerint) nisi voluntate mandante aut permitteente; licet interim hoc contingat quoddammodo quasi importunitate motus isti quandoque, quasi extorqueant quodammodo consensum aut conuentionem voluntatis in opus, nisi diuinum auxilium imploretur, & contrarijs conatibus frangantur ac mitigentur; quod potissimum fit ab illis siue ab obiectis eorum diuertendo imaginationem ad obiecta opposita, ac simul per intellectum recogitando, quàm sint contra rationem, contra charitatem, contra iustitiam, & legem Dei & quantum contineant turpitudinem, & simul quibus pœnis reddant obnoxios eos, qui talia operantur aut talibus cōsentiunt: Denique per voluntatem fortiter affectu inherendo obiectis contrarijs; quia sicuti corporis constitutio, & alteratio excitant actum imaginationis sibi quodammodo conformem & imaginatio appetitum, sic quoque ratio contraria proponens, & voluntas in contrarium fortiter tendens, per naturalem sympathiam afficiunt inferiores potentias & quodammodo etiam ipsum corpus, ac sibi ea conformant quodammodo & accommodant; vnde dicebat P'saltes, *Cor & caro mea exultauerunt in Deum vinum*: & hinc motus illi paulatim sic etiam sedari possunt ac frangi. Ratio Concl. est, quia conueniens ordo potentiarum in eodem supposito, requirit omnino vt appetitus inferior quando in eodem plures appetitus concurrunt, nō valeat corpus & membra mouere ad opus externum, nisi superiori præcipiente aut permitteente; alioquin in eodem homine schisma futurum est intolerabile, & nimia confusio: immo hoc ipsum ex vitio est, quod appetitus inferior non totaliter ratione regatur.

19 **Conclusio Tertia:** Possunt actus sensitiui appetitus excitari imperio voluntatis. Probatur: quia voluntate absolute volente solet sequi in phantasia apprehensio quædam æstimatiua, quâ apprehenditur res tanquam conueniens vel repugnans: ex

quâ phantasiæ apprehensione sequitur motus in appetitu sensitiuo. Sic excitamus in nobis tristitiam, iram, & similia: quandoquidem enim inferior appetitus nō sit sup'apte natura liber, ideo necessitate quadam sequitur eiusmodi propositiones factas per phantasiam.

20 Dicit aliquis: Quando de peccatis volumus dolere, experimur nos non posse semper in parte sensitiua excitare dolorem, alioquin sequerentur aliqua signa exteriora; ergo actus appetitus sensitiui non subiaceret nostro imperio. Respondetur, Id quidem aliquando posse contingere, quando appetitus contrarijs actibus vehementer est commotus, quos iam suprà diximus non posse ad arbitrium voluntatis nos tollere aut sopire; sed quando non est alijs motibus præpeditus, tunc semper in eo nasci aliquem actum, quem voluntas iubet quando salte voluntas est absoluta & perdurans; etsi quando voluntas non est valde vehemens, sæpius actus appetitus sensitiui sit admodum remissus, vnde fit vt vix aut ne vix percipiat, præsertim quia alteratio corporis, ratione cuius hic motus sentiri solet, nō ita facile excitatur, neque per se subiaceret imperio rationis, sed tantummodò, quatenus per rationem aliquando excitantur vehementiores passionnes in appetitu, quibus contingat etiam corpus alterari.

## ARTICVLVS VIII.

### *Vtrum actus animæ vegetabilis imperetur?*

21 **C**onclusio est negatiua: patet experientia: Nō enim pro rationis imperio fit digestio cibi, nutritio, accretio & similes actus. Et ratio est, quia hi actus non sequuntur apprehensionem vel æstimatiōem siue intellectus siue imaginationis, sed pendunt à certis qualitatibus & dispositionibus corporis, quæ non possunt aut tolluntur rationis & voluntatis imperio. Obseruandum tamen est, quauis ipsi actus animæ vegetabilis non subsint secundum se rationis imperio, tamen ei subesse habentur quod ab eo dependeat, vt actiua passiuis applicentur, sine qua applicatione non sunt operationes, v. g. quod nutrimentum exhibeatur & applicetur stomacho, atque ita ipsos actus saltem remotè posse aliquâ ratione dici imperio nostro subiectos.

## ARTIC.

ARTICVLVS IX.

*Utrum actus exteriorum membrorum imperentur?*

22 **C**onclusio D. Thomæ est: Motus membrorum, quæ mouentur à potentij sensitui, subduntur imperio rationis: motus autem membrorum, qui consequuntur vires naturales, non subduntur imperio rationis. Probatur prior pars: quia dū ipsæ potentie sensitivæ in suis actibus subiacent imperio rationis, ut dictum est Artic. 7. fit ut etiam motus membrorum dependentes ab actibus illis submittantur rationi; quod & experientiâ notissimum est, & pulchrè à D. Augustino explicatur verbis Artic. 5. suprà ex lib. 8. Confessionum adductis. Probatur pars posterior: quia quæ sunt naturæ, sunt priora ijs, quæ sunt rationis & voluntatis; motus igitur membrorum qui sequuntur vires naturales, siue naturales qualitates corporis, non subduntur imperio rationis. Eiusmodi autem motus in homine sunt pulsus cordis, de quo scribit Nysenus lib. 4. suæ Philosophiæ cap. 15. quoddam sicut generativum & nutritivum non obediunt rationi, ita nec pulsativum, quod est vitale: Item motus membrorum genitalium, quia scilicet motus isti sequuntur quasdam alterationes aut affectiones corporis secundum qualitates caliditatis vel frigiditatis, quæ non subiacent imperio rationis neque secundum se, ut adsint vel absint, nec quoad suas operationes, quæ naturales sunt. Vnde lib. 14. de Civit. Dei cap. 16. non multum à fine scribit D. August. quod motus membrorum genitalium aliquando importunus est nullo poscente, aliquando autem destituit inhiantem, & cum in animo concupiscenti ferueat, friget in corpore. Rationem autem, quare id specialiter accidat in duobus istis membris, hanc quasi naturalem reddit D. Thom. quia utrumque est quasi animal quoddam separatum: Cor, in quantum est principium vite; principium enim est virtute totum; membrum

autem genitale, ut ex illo virtus exit seminalis, quæ virtute est totum animal.

23 Dicit aliquis: Videntur etiam genitalia membra à potentij sensitivis moveri, nam imaginatio obiecti veneret & concupiscentia plurimum solent ista membra concitare; ergo &c. Respondetur, illa non moveri à potentij sensitivis per se & proximè, sicut alia membra, licet remotè & per accideus ab eis dici possint moveri, quatenus scilicet ad vehementiores commotiones appetitus contingit sequi alterationes corporis secundum calorem aut frigiditatem, à quibus motus istorum membrorum concitantur. Quando autem corporis alteratio non sequitur, quantumcumque imaginatio operetur, & appetitus consideret, non tamen membra illa se movent, ut ex D. Augustino iam diximus. Cæterum in statu Innocentiæ sine dubio etiam genitalium motus fuisset rationis imperio ex dono iustitiæ originalis subiectus. Vnde D. August. loco citato dat aliam rationem, scilicet moralem inobedientiæ horum membrorum, quod scilicet ex pœna peccati proveniat, ut anima suæ inobedientiæ ad Deum, in illo precipue membro patriatur rebellionis pœnam, per quod, peccatum originale ad posterum traducitur.

Sed quæritur, Quare in reliquis potentia exterior executiva, ita ad nutum sine resistentiâ vlla obtemperet voluntati, & tamen appetitus, qui est perfectior & ad voluntatem magis accedit, tardius se accommodet, vel etiam suo modo reluctetur. Respondetur, quia membra non habent proprium ducem aut regulam directricem, nec ab obiecto excitantur ad operandum; sed solum à potentia superiori tanquam ipsius instrumenta applicantur, & diriguntur; appetitus vero sensitivus habet directricem suam propriam, videlicet imaginationem, & idcirco eam insequendo contingit, quod tardius rationi auscultet, & voluntati obtemperet. Quoadusque videlicet illa ipsa immutetur, quæ etiam difficilius aliquando se rationali voluntati accommodat ex causis suprà explicatis.

## Q V Æ S T I O XVIII.

De bonitate &amp; malitiâ actuum humanorum in generali.

In vndecim Articulos diuisa.

## ARTICVLVS I.

*Vtrum omnis humana actio sit bona  
vel aliqua mala?*

**D**IXIMVS breuiter supr. Quæst. 7. art. 1. n. 1. in actione hominis distingui duplex Esse, videlicet Esse naturale, & Esse morale: Superest vt explicemus, in quo vnumquodque horum consistat.

Esse naturale actionis hominis, siue ea sit elicitâ à voluntate, siue imperata, est entitas ipsius, vt habens ordinem ad potentiâ, à quâ immediatè procedere nata est, & ad obiectum formale, in quod tendit: ex habitudine enim ad ista duo sumit actus vitalis totam suam entitatem, & speciem naturalem. Ex ordine ad potentiâ accipit quasi rationem genericam, quia omnes actus vnus potentiæ habent hunc ordinem communem, qui tamen frequenter specie differunt; vt omnes intellectiones hoc habent commune, quod procedere natè sint ab intellectu, & volitiones quod à voluntate. Ex ordine autem ad obiectum formale, in quod actus tendit, sumit quasi specificam differentiâ; vnde intellectio siue assensus propositionis primò veræ, & assensus conclusionis licet in genericâ ratione intellectio- nis conueniant, tamen differunt ratione specificâ, quæ oritur ex diuersis obiectis, circa quæ versantur: similiter volitiones dandi stipem pauperi, & instruendi ignorantem, licet in generali ratione volitionis conueniant, tamè ex particularibus obiectis differunt. Esse morale est eadè actionis entitas, vt habens ordinem ad potentiâ, à quâ liberè procedat, & simul ad dictamen rectæ rationis, quatenus ad illud conformiter vel difformiter exercetur. Ad Esse enim morale actus requiritur primò, vt liberè fiat, quia Esse morale inuoluit habitudinē aliquam ad legem vel regulam, cui laudabiliter suppositū intellectuale se conformat, & à quâ vitiosè dissentit, vt Quæst. 6. ar. 1. suprâ indicauimus; non est autem operatio, laudabilis, neque vituperabilis, nisi liberè exercetur. Vnde quādo aliter homo operatur, tunc magis dicitur operari vt natura siue agens naturale, quàm vt suppositū intellectuale, & actiones illæ potius ad naturam, quàm ad mores spectant. Requiritur

hinc etiā secundò ad Esse morale, vt actus ordinem aliquem habeat ad dictamen rationis, quia hæc est regula, cui se conformando laudabiliter homo operatur, & à quâ recedendo operatur vitiosè; atque adeò ab hoc ordine actus morales diuersas fortiuntur rationes in genere moris. Vnde licet actus homicidij, & actus iustitiæ, dū quis morte plectitur, sint eiusdem speciei secundum Esse naturale, tamen specie differunt secundum Esse morale, quia diuersum habet ordinem ad dictamen rationis, cum prior rectæ rationi sit difformis & repugnans, posterior autè omnino conformis. Idem dicendum est de actu fornicationis, & de actu matrimonij, & de similibus.

Ex dictis itaque intelligitur primò, hoc Esse actus humani dici morale à moribus, quia ratione actionū nostrarum, quatenus hoc esse participat, dicimur bene vel malè morati, bonis aut malis moribus præditi. Intelligitur secundò esse liberū, quamuis sit quid accidentarium respectu actus hominis secundum Esse naturale considerati (eadem enim actio secundum Esse naturale potest successiue esse libera & nō libera, vt dū sine iudicio rationis aliquid primò appetitur, & deinde eadem appetitio cū aduertentia rationis cōtinuatur) nihilominus esse aliquid quasi essentialiter respectu actus hominis iuxta Esse morale considerati. Intelligitur tertio, quare Esse morale primò competere dicatur actibus à voluntate elicitis; quia scilicet hæc proximè à principio formaliter & intrinsecè libero procedunt; secundariò autem actibus imperatis aliarū potentiarum tribuatur, quia hi nimirum à potentijs proximè exercentur, quæ ex necessitate obediunt alijs, sed tamè potentijs eiusdè suppositi formaliter liberis. Ad hoc itaque; Esse morale actus sequitur bonitas aut malitia moralis eiusdem. Vbi proinde notandum bonitatem moralem esse quandam actus humani perfectionem, talem, vt secundum iudicium rectæ rationis nihil ei desit, & proinde actū dici moraliter bonū, qui sic à voluntate procedit, vt secundum dictamen rectæ rationis sit perfectus; malitiam verò moralem esse quandam imperfectionem eiusdè, quatenus deficit à regulâ rectæ rationis, & proinde actum dici moraliter malum, qui sic à voluntate procedit, vt secundum dictamen rectæ rationis non sit per-

fectus, siue qui difformis est iudicio rectæ rationis. His præmissis sit

5 **Concl. Prima:** Omnis humana actio secundū Esse suū reale & naturale est quoddam bonum; patet quia ens & bonum conuertuntur. Sed quia de Esse naturali, eiusue proprietatibus nobis hic non est sermo, sit

**Concl. Secunda:** Non omnis actio humana est secundū esse moris bona, sed dantur multæ malæ. Patet inprimis ex Scriptura. Genes. c. 4. *Nonne si bene egeris recipies, sin autem malè, statim in foribus aderit peccatum:* & ad Rom. 2. *Tribulatio & angustia in omnē animam hominu operanti malū.* Probatur secundò ratione, quia multę sunt actiones humanæ, quibus deest aliquid de perfectiōe ipsi debita iuxta dictamen rectæ rationis; ergò multę sunt moraliter malæ. Antecedens patet, quia multæ sunt actiones circa indebitū obiectū aut modo indebito, aut tempore vel loco indebitis; ergò &c.

6 **Concl. Tertia:** Non omnis hominis actio est mala siue labe peccati infecta, ne quidē post peccatum originale introductum. Est contra Lutherum, qui docuit hominem etiam in omni opere bono peccare, ut patet ex eius articulis à Leone X. damnatis: addebat tamen peccatum non imputari ijs, qui haberent fidem Christi, sed tantū in fidelibus. Sed probatur **Concl. Primò** ex Scripturis. Matth. 5. *Sic luceat lux vestra corā hominibz, ut videant opera vestra bona:* 1. ad Cor. 15. *Evigilate iusti & nolite peccare:* 2. Pet. 1. *Hæc facientes nō peccabitū aliquando:* 1. Ioan. 2. *Hæc scribo vobis, ut non peccetis.* Quibus locis, sicut & alijs pluribus, Scriptura planè supponit hominem posse operari bona sine peccato; ergò falsum est, hominem in omni suo opere peccare, & tantummodo propter fidem non imputari tanquam peccatum. Confirmatur: quia alibi Scriptura laudat eos, qui bene operantur & præmiū pollicetur. Vide cap. 25. Matthæ. cap. 7. 1. ad Cor. cap. 4. 6. & 22. Genes. cap. 1. Iob. *In his omnibus non peccavit Iob &c.* Probatur **Secundò** ex Concilijs: Concil. Constantiense Sess. 15. *Dannat hunc articulum Ioan. Hus, Si homo est vitiosus, & agit quicquā, vitiosè agit; vnde multò magis damnaret omnem hominem etiam iusti actionem fieri vitiosè.* Concil. Trid. Sess. 6. Can. 7. de iustificatione dicit *Anathema ijs, qui asserūt omnia opera, quæ ante iustificationē fiunt, esse verè peccata; quare multò magis damnare censetur eos, qui idem asserūt de operibus post iustificationem factis.* Probatur **Tertiò** ex SS. PP. qui passim in suis scriptis ubiq; agnoscunt opera verè bona, & verè sancta. Probatur **Quartò** ratione: quia nihil est, quod hominē necessitet, ut omne opus suum inficiat aliquā labe peccati, siue malā

circumstantiam apponēdo, siue aliquid ad operis perfectionē requiritum omitteudo; non enim ad hoc compellit concupiscentia, quia homo libè operatur nullā concupiscentiā motus, & ut moveatur non tamen consentit necessariò. Deinde neq; diabolus cogit; quia non potest hic vim adferre libero arbitrio, neque illud pro suo arbitratu inflectere. Deniq; neq; Deus in hoc inducit, quia ille intentator malorum est, & neminem tentat, adducendo videlicet ad malum culpæ seu peccatum, cū oderit impium & impietatem eius; ergò nihil hic cōcurrit, quod de necessitate impediatur, quominus homo saltem Dei gratiā adiutus faciat omne id, quod ad alicuius operis bonitatem requiritur. Confirmatur, quia aliàs dicendum foret gratiā & merita Christi non satis efficacia esse ad destructionem peccati, quod impium est.

Obijcitur contrā **Primò:** Isa. c. 4. dicitur, *Quasi pannus mensuratus universa iustitia nostræ;* ergò omnia nostra opera, etiam quę videntur bona & iusta, sunt verè contaminata. Resp. N. C. quia loquitur Propheta tantū de iustitijs siue operibus legalibus, ut de neomenijs, sabbathis, sacrificijs legis veteris, & similibus, iuxta D. Hieron. in eundem locū: quæ quia exercebantur à Iudæis sine fide plerūq; & gratiā Christi, ideo à Propheta reputantur tanquam immunda corā Deo; nō quod in se verè essent peccata, sed quia inutilia ad veram iustitiam, de quibus tamen operibus plurimū gloriabantur, tanquam ipsi præ gentibus omnibus operaretur iustitiam & Deo grata obsequia præstarent. Vnde & c. 1. Isa. eos redarguit Deus: *Quo mihi multitudo victimarum vestrarum &c.* Eo enim modo exercita, prout à plerisque exercebantur, sine conuenienti fide, & cum alijs multis peccatis adiunctis, non placebant Deo, nec cum placebant.

Obijcitur **Secundò:** Psal. 142. dicitur: *Non intres in iudicium cum seruo tuo, quia non iustificabitur in conspectu tuo omnis vivens:* Iob c. 7. *Nō iustificabitur homo compositus Deo:* Genes. c. 6. dicitur cuncta hominis cogitatio intēta ad malum; ergò &c. Respōd. iuxta D. August. Ambr. & alios nonnullos, sensum Davidis esse, Neminem in extremo iudicio iustificandum seu iustum iudicandū, eā videlicet iustitiæ perfectionē, quā æquetur Angelis Dei: quia non erit in nobis illa iustitiæ plenitudo, quæ in Angelis; quamvis interim veræ iustitiæ ratio nobis defutura non sit. Cum his consentiunt magisquę explicant, qui dicunt neminem tunc iudicandum iustum absolutā iustitiæ perfectionē, spectando videlicet totius vitæ decursum, propter multa iustitiæ opera prætermissa, & propter multa delicta venialia commissa.

M ij fa. Iuxta

fa. Iuxta D. Greg. verò loquitur Psalter de illo iudicio, de quo est sermo apud Esai. c. 43. vbi Dom. ait: *Reduc me in memoriam & iudicemur simul; narra si quid habes vt iustificeris; pater tuus primus peccauit, & interpretes tui in me præuicati sunt* &c. Huiusmodi igitur iudicium, in quo de meritis iustificatione, omnemque gratiam præcedentibus disputeretur, declinat David pœnitens, & dicit: *Ne intres in iudicium* &c. quali diceret; Non opus est hic rem illam tanquam ambigua discutere, satis exploratum habeo, quod ex proprijs operibus & meritis nullus iustificationis gratiâ in conspectu tuo assequetur; ac proinde quod sic in conspectu tuo non iustificabitur omnis viuens, iuxta illud Apost. ad Rom. c. 4. *si Abraham ex operibus iustificatus est, gloriam habet, sed non apud Deum*; aut per gratiam mediatoris venturi Christi credo & exopto iustificari corâ te.

Ad locum Iob Respondetur, Ibi significari iustitiam, quâ Deus iustus est, aded esse perfectam, vt hominis iustitia ad eam comparata vix iustitiæ nomen mereatur; sicuti humana sapientia ad diuinâ comparata, vix sapientiæ nomen obtinere potest: idq; tum propter multa venialia peccata; quibus vitam sæpius contaminamus, tum etiam quod iustitia increata vtpote infinita sine proportionem excedat omnem perfectionem creatam.

Ad locum Genes. Respondetur, Sensum esse, quod plerique hominum cogitationes sint ad malum intentæ. Frequens namque est tum in familiari sermone, tum in Scriptura sacra, vt toti corpori tribuatur quod longè maior pars facit: sic Apost. ad Philipp. 2. *Omnes quæ suæ sunt querunt*; & tamen ipse ac alij Apost. haud dubiè quærebant, quæ erant Iesu Christi: & Genes 6 *Omni caro corrupta erat viâ suam*, & tamen Noë & Enoch laudantur, tanquam qui ambularent coram Deo.

10 Obijciunt Tertio: Matth. 7. dicitur: *Arbor mala non potest bonos fructus facere*: atqui homo per peccatum originale vitiatu est, & malus effectus; ergo non potest bona opera facere. Resp. N. C. quia iuxta D. Aug. per arborem malam non intelligitur simpliciter homo malus, sed mala voluntas imbuta sinistris intentione & proposito, quæ quamdiu sic manet affecta, & ex illis operatur, non potest bene operari: qualè voluntatem habebant hypocritæ illi, ad quos Dominus sermonem illum dirigit. Accedit, quod licet in primo parente tota natura humana lapsa sit, & deterior effecta, tamen rursus per Christum reparata est; quare nihil saltem obest, quominus homo per Christum iustificatus bonos fructus facere possit: & proinde verba allega-

ta saltè vniuersaliter convincere non possunt, nulla omnino dari bona opera.

Obijciunt Quarto: D. Greg. l. 9. Mor. c. 2. scribit: *Omne meritum virtutis nostræ vitium esse conspiciunt, si ab interno arbitrio distinctè iudicetur*. Cui cōformiter scribit D. Aug. l. 9. Confess. c. 13. *Væ vitæ hominum etiâ laudabili, si sine misericordiâ iudicetur*; ergo videtur quod omnis humana actio sit vitiosa & labe aliqua infecta. Resp. N. C. quia sensus doctrinæ illorum Patrum est, quod totum meritum nostrum simul aggregatum sit, quibusdam maculis conspersum, sicuti pannus candidus multis nœuis inficitur: quia nemo est, qui vitam suam etiâ laudabilè ac cumulum bonorum operû suorum non sæpius quotidianis peccatis inficiat & quasi cōtaminet. Loquitur autem D. Greg. in abstracto, meritū vocans vitium, iustitiâ in iustitiâ ad nostrâ humiliationem; dum tota opera, quæ bene fecimus, postea contaminamus; nullo autem modo vult vnumquodque opus bonum in particulari esse vitium aut iniustitiâ. Vnde & D. August. eodem loco mox agnoscit multos actus bonos matris suæ; pro quibus Deo gratias cum gaudio agit, sed pro delictis, quibus laudabilem vitam suâ aliquando fortassis consperserat, Deum deprecatur.

## ARTICVLVS II.

*Verum actio humana habeat bonitatem vel malitiâ ex obiecto?*

12 C Oncl. D. Th. est: Actus moralis tum bonitatem suam primam, tum malitiâ sumere natus est ex obiecto. Probatur de bonitate, quia in naturalibus sumit res primâ suam bonitatē à formâ, à qua habet suâ speciem; ergo similiter in moralibus: atqui actus moralis bonus habet suam speciem ex ordine ad obiectū rectæ rationi conformem; ergo etiam inde suam primam bonitatem moralē accipit. Probatur similiter de malitiâ, quia in rebus naturalibus primū malum quoque est, si res producta non sit assequuta specificam formam generantis; vt si ex ouis, quibus incumbit anser, non excludantur anseres, sed corrumpantur: item si non generetur homo, inquit D. Th. sed aliquid loco hominis; ergo primum malum in actionibus moralibus erit quoque ex obiecto, vnde habent & speciem. Declaratur vtrumque; exemplis: vt ideo velle dare elemosinam bonum est, quia dare elemosinam est bonum & rationi consonum, ideo velle occidere innocentem, malum est, quia occidere talem hominem, malum est & rectæ rationi contrarium.

Sed



Sed quæritur, Vtrum hoc commune sit tam actibus externis quam internis, quod bonitatem vel malitiam sumunt ab obiectis? apparet enim id non posse competere actibus externis, quia non videntur habere obiecta rationi conformia aut disformia, sed ipsi soli videntur esse eiusmodi obiecta in ordine ad voluntatem. Nihilominus respondetur, & sic

13 Conclusio Secunda: Omnino commune est utrisque actibus tum externis, tum internis accipere bonitatem vel malitiam ex obiectis. Colligitur in primis ex D. Tho. qui in genere hic loquens de actibus humanis, hoc eis tribuit: & infra quæst. 20. artic. 1. distinguit in acta exteriori duplicem bonitatem, vnam videlicet quam habet secundum se propter debitam materiam inquit, & deitas circumstantias, & alteram, quam habet ex eo quod per voluntatem referatur ad aliquem bonum finem extrinsecum; vnde igitur D. Th. etiam actum exteriorum ex materia siue obiecto conuenienti accipere bonitatem, quidam circa illud cum debitis circumstantiis versatur. Et probatur, quia etiam quidam actus externi dicuntur ex genere suo boni, quidam mali, quidam indifferentes; quod aliunde non habent; quam quod quidam versentur circa debitum & conueniens obiectum, quidam circa indebitum. & alij circa indifferens. Deinde actiones externæ etiam ex genere suo dicuntur meliores & excellentiores, quod versantur circa materiam excellentiorem, & e contra deteriores & peiores, quod versantur circa obiecta deteriora & magis à ratione aliena; ergo habent bonitatem aut malitiam ex obiectis. Hoc autem ut melius percipiatur, obseruandum est, quod nomine obiecti comprehendenda hi: veniant tum persona ipsa, cui aliquid fit, tum materia, quæ contractatur.

14 Censetur autem hoc obiectum conueniens Supposito rationali libere operanti, quatenus videlicet conuenit ac docet ut per talem suam actionem circa tale obiectum versetur & operetur; ac e contra disconueniens quatenus rationi repugnat quod eiusmodi actionem circa tale obiectum exerceat. Minus quidem manifestè hæc in talibus apparent, eo quod remotius conueniat obiectis actuum exteriorum habere ordinem conuenientis vel disconuenientis ad dictamen rectæ rationis: Sed declaratur Cōclusio exemplis; ac prius in actibus externis bonis, v. g. largitionis elemosynæ secundum iam dicta, obiectum est pecunia vel panis qui datur, & pauper cui datur, quod dicitur esse rationi conforme, & bonum: quia ratio iudicat conuenienter dationem nostram circa illam ma-

teriam in ordine ad talem personam versari; sic externi sacrificij obiectum secundum rationem conueniens est legitima victimam, & Deus verus; quia ratio iudicat victimam conuenienter Deo offerri; & quidem hæc oblatio est actus excellentior ex genere suo, quā donatio elemosynæ, quia circa materiam præstantiorem hæc, quam illa versatur. Similiter declaratur in actibus malis: nam homicidij obiectum est vita humana, & proximus; facti res aliena, & homo à quo aufertur: Adulterij Coniunx alterius. Hæc autem obiecta sunt materia disconueniens secundum rationem, ut actiones illæ externæ in eis exercentur; non enim vita proximi est materia secundum dictamen rationis conueniens, ut actio vitæ priuatiua absque superiori potestate versetur circa illam; neque res aliena ut ei nobis appropriemus; nec vxor alterius, ut cum ea concubitus exerceatur: sed habent conditionem repugnantem actionibus humanis, quatenus hæc secundum regulam rationis reguntur.

15 Obijciunt: Actus exteriores dicuntur habere bonitatem moralem ab interiori; ergo interiores non habent ab exterioribus, qui sunt obiecta circa quæ versantur, neque exteriores ab obiectis, sed ab interioribus, ut communiter dici solet. Resp. N. C. quia cum duo requirantur ad actum moralem siue bonum siue malum; videlicet libertas, & conformitas ad dictamen rectæ rationis aut ab eo disformitas, sic ut actus exterior dicatur habere bonitatem aut malitiam ab interiori, quia ab illo participat libertatem, vnde dependenter ab illo moralis est; sed interior ab exteriori tanquam suo obiecto habet, quod sit conformis rectæ rationi aut disformis, atque ita uterque ex ordine ad alterum certo quodam modo dicitur moraliter bonus aut malus. Sic ergo licet actus exterior bonitatem habeat ab interiori, quatenus ab eo accipit esse liberum, tamen ex suo obiecto habet quandam conformitatem aut disformitatem ad rectam rationem, vt iam declaratum fuit.

16 Conclusio Tertia: Ut actus ab obiecto accipiat bonitatem moralem, non sufficit illud esse bonum quocumque bonitatis genere, sed debet esse bonum honestum. Ratio est, quia bonitas moralis est bonitas hominis ut homo est, quæ sumitur secundum regulam rectæ rationis: ea autem est bonitas honestatis. Bonum itaque nature per se non sufficit, ut reddat voluntatem moraliter bonam; nullus enim ex eo æstimatur bonus, quod corporis valetudinem aut robur appetat, neque exinde laude vel præmio dignus habetur:

M iij hæc

hæc enim, licet sint bona naturæ, tamen in genere moris, in iustitiam sunt. Dixi per se, si enim appeterentur, quia conducunt ad finem honestum. iam quidem volitio illa moraliter bona est, verum non propter illa in se, sed propter relationem ad talem finem.

17 Conclusio Quarta: Neque ut actus sit moraliter bonus ex obiecto, satis est obiectum esse honestum, sed oportet ut appetatur quia honestum: ut autem ex obiecto malus sit, non requiritur ut obiectum inhonestum appetatur, quia turpe est, sed sufficit liberè & scilicet ipsum appeti prior pars colligitur ex D. Tho. quæst. sequenti, art. 7. ubi dicit, ut voluntas sit bona debet esse boni sub ratione boni: Idem probatur ex Philosopho quilibet. 2. Ethic. cap. 4. dicit a tam virtutis debere esse a sciente & diligente propter ipsum virtutem, & lib. 6. cap. 12. dicit eos, qui iusta faciunt non esse iustos, nisi iustitiam causâ faciant.

Posterior pars est communis; & ratio diversitatis adest: quod bonum debeat constare ex integra causa, malum verò oriatu ex singulari defectibus; qui autem appetit obiectum turpe non obstat eius malitiâ, quam odisse & fugere debet, censetur eam interpretatiuè velle, quatenus permittit seu patitur eam operi suo coniunctam; idque sufficit ut inde voluntas ab ea inficiatur: sed ad bonitatem requiritur causa integra, ut nihil deesse possit; & hinc satis non est quod obiectum honestum quomodolibet appetatur, sed requiritur quod honestas eius sit motiva voluntatis ut in obiectum feratur.

18 Notandum tamen est non esse necessarium, ut semper explicitè & quasi actu signato moueatur voluntas in obiectum sub communi ratione honesti, quasi deberet intellectus semper expresse prædictare: Hoc est honestum, sed sufficere quod implicitè sub ea ratione appetat obiectum honestum: uti contingit imprimis, quando homo ex quo li habitu & inclinatione virtutis exercet certa opera, quorum honestatem sæpius consideravit, & propter quæ exercere illa solet. Deinde quando adhibet rectam rationem tanquam regulam suarum actionum, & ex dictamine rationis operatur aliquod particulare opus virtutis propter speciem eius rationem, non cogitando expresse actum; volo illud quia honestum. Scius quando non adhibet rectam rationem tamquam regulam cui actiones suas conformet, sed ex alijs motibus operatur, v. g. qui dat elemosinam ex solâ naturali cõpassione inferioris appetitus, vel comedit aut bibit ad sustentandum corpus duntaxat. Sed si ex molestiâ corporis,

aut compassione naturali excitaretur ad considerandum hoc esse rectè rationi consentaneum ut tali defectui siue proprio siue proximi occurratur, & ex eo motivo velit occurrere tunc voluntas illa erit bona & honesta.

Conclusio Quinta: Obiectum honestum, quando appetitur quia honestum, per se sufficit ut actum interiori tribuat moralem bonitatem, etiam si non referatur in aliquem alium finem extrinsecum, neque accedat alia circumstantia à quâ bonitatem accipiat. Colligitur ex D. Tho. infra quæst. 19. artic. 2. ubi docet voluntatem habere bonitatem ex vno aliquo solo, scilicet obiecto. Et ratio reddi potest, quia obiecti honestas est veluti formalis causa actus, eum suo modo informans; unde sufficit, ut eum honestum constituat non accedente aliâ circumstantia bonæ. Hanc autem bonitatem & malitiam, quæ ex obiecto desumitur, vocat D. Tho. bonitatem & malitiâ actus ex genere, non quod sit tantummodo generalis & quasi genericâ bonitas aut malitia, sed quia sumitur ex natura actionis, quæ ex obiecto dependet: unde per hoc significat quod illa non sit accidentaria siue ex accidente adueniens, sed quasi essentialis, aut substantialis ipsius actus. Unde sit

20 Conclusio Sexta: Actus voluntatis desumit non tantum genericam, sed etiam specificam rationem bonitatis ab obiecto. Probatur, quia actus immanentes generaliter accipiunt ab obiectis suis speciem cum differentiam, unde autem res accipit speciem, inde & bonitatem si quoniam habet.

Sed obiicitur: Si quis proponat rectè aut malè vivere, habebit actus ille bonitatem aut malitiam ab obiecto, nec tamen specificam, cum obiectum nõ sit certæ & determinatæ speciei; ergo nõ habet actio humana saltem vniuersaliter specificam bonitatem aut malitiam ab obiecto, sed aliquando genericam tantum. Respondetur, etiam actus illos habere quandam peculiarem speciem bonitatis ex obiecto illo communi; quam vis enim ut sic exprimitur, dicat tantum rationem genericam sui esse in se, potest tamen esse quid quasi specificum in genere obiecti: quemadmodum Ens est communissimum secundum se in genere rerum, tamen in ratione obiecti scibilis, est quasi quid specificum & dat scientiæ metaphysicæ determinatam speciem.

Et confirmatur, quia nõ obstante illâ generalitate obiecti, nihilominus propositum siue voluntas rectè vel malè viuendi potest esse actus indiuiduus, ergo debet habere certam speciem, tum physicâ tum moralem. Replicabit aliquis: si amor virtutis siue voluntas bene viuendi sit actus determinatæ speciei,

cici, ergo oportebit esse specialē aliquā virtutem seu habitum qui inclinet ad eiusmodi actum. Responderi potest in primis N. Con. Secundum quosdam, qui dicunt eiusmodi actibus nullum respondere habitum virtutis, præter habitus aliarum virtutum particularium: nam neque D. Tho. neque Philosophus vsquam meminerunt eiusmodi habitus, qui tamen accuratè de habitibus morum tractarunt: accedit quod habitus constituuntur propter difficultatem operandi: atqui difficultas, quæ posset esse in proposito bene viuendi, oritur tantum ex respectu ad aliquam particularem materiam, cui difficultati satis succurritur per virtutem particularem, quæ circa illā materiam specificam versatur. Alij tamen admittunt aliquem habitum virtutis correspondere eiusmodi actibus, quem quidem dicunt esse vel iustitiam legalem, vel synderesim innatam; sed illa minus conuenienter dicuntur, nam iustitia legalis formaliter respicit ad publicum bonum, propositum autem illud non tendit specialiter in bonum publicum; synderesis verò ad intellectum pertinet, hic autem inquirimus de virtute morali, quæ sit in voluntate. Vnde alij quidā melius dicunt esse quandam habitum acquisitum proprio nomine carentem, quatenus illud propositum tendit ad rectè viuendum moraliter; neque enim apparet ratio, si actus moralis sit determinatæ speciei, quare non, si sæpius repetatur, relinquat in voluntate conformem quandam inclinationem seu habitum ad similes actus de cætero facilius & promptius exercendos; si autem voluntas illa tendat ad rectè viuendum iuxta vi seu christianæ directionem, tunc volunt ei correspondere habitum quandam infusum: Sicut & alij moralibus acquisitis correspondent infusi in homine iustificato.

### ARTICVLVS III.

*Vtrum actio hominis sit bona vel mala ex circumstantijs?*

23 **S**upponit hic D. Thomas actionem hominis aliquas habere circumstantias: quod sup. quæst. 7. artic. 1. ostendimus verum esse contra Durandum, non tantum de actione hominis secundum esse physicum ut ille volebat, sed etiam secundum esse morale.

• Conclusio itaque D. Thomæ est affirmatiua: quam declarat ex quadam analogiâ actus humani cum rebus naturalibus: nam res naturalis præter formam substantialem habet etiam formas aliquas acci-

dentarias, & non accipit omnem suam perfectionem à solâ forma substantiali; sed etiam complementum aliquod perfectionis habet ex suis accidentibus; ergo similiter actus humanus præter bonitatem, quam habet ex obiecto tanquam formali & specificâ ratione, capiet aliquam perfectionem quoque & bonitatem ex circumstantijs tanquam formis accidentarijs, actum ipsum complementibus & perficientibus.

Sed quæritur hic 1. Vtrum sicuti nulla est res naturalis, quæ non habeat aliquam accidentariam perfectionem, ita quoque nullus detur actus humanus, qui non habeat aliquam bonitatem aut malitiâ ex circumstantijs, præter eam, quâ habet ex genere suo? Respondetur nihil omnino videri ob stare, quo minus detur actus aliquis qui ex solo obiecto habeat bonitatem, sic ut aliunde aliâ non accipiat. Dicit aliquis: actus omnis habet circumstantiam modī, v.g. durationis aut intentionis, quæ videtur etiam ad bonitatem conducere, ergo &c. Respondetur, inprimis actum instantaneum, qualis posset esse actus voluntatis nullam habere durationem: Deinde si actus talis sit, qui essentialiter durationē requirat, non erit tunc illa duratio circumstantia, utpote quæ debet accidentaliter se habere ad actum, nisi quatenus fortassis protraheretur ultra, quam morali modo censetur illa debere tali actui: Non est autem necesse omnem actum diutius & ultra moralem moram continuari. Quare tunc duratio non censetur circumstantia aliquid addens ad bonitatem vel malitiam, supra quam habet ex genere suo. Idem dicendum est de intentione actus, quo non sit circumstantia propriè, nisi quando præter solitum est vehementior.

Potest hic 2. quæri, Vtrum omnis circumstantia sit bona vel mala an aliqua indifferens? Respondetur, nullam videri indifferentem respectu actus moralis propriè loquendo: nam quæ nihil bonitatis aut malitiæ addere possunt, non sunt circumstantiæ actus in quantum moralis est, sed solum quatenus consideratur secundum esse naturæ. Declaratur, quia v.g. quod electus solus fiat manu dextrâ vel sinistrâ, fiat hora matutinâ aut pomeridianâ, licet dici possint conditiones quædam indifferentes respectu actus moralis, nemo tamen dixerit circumstantias morales illius actus.

Quæritur 3. Vtrum omnis circumstantia bona, quæ actui coniungitur sit semper actui debita? Respondetur negatiuè. Potest enim aliqui conditio conuenienter actui coniungi, vnde bonitatem aliquam acci-

M iij piant,

pian, quæ tamen sic se habeat ad actum, ut etiam illa absente, remaneat actus absolute bonus; v. g. ad eleemosynæ donationem possum adiungere conditionem boni finis extrinseci, v. g. ut infidelem pertraham ad fidem, & tamen etiam si illum finem non intenderem, sed simpliciter eleemosynam darem, quia hoc opus honestum est, non carebit eleemosynæ donatio bonitate sua.

#### ARTICVLVS IV.

*Utrum actio humana sit bona vel mala ex fine?*

26 **D**ifficultas hic in primis mouetur, quare D. Thom. hanc questionem de fine proponat, cum videatur sub art. 2. vel 3. contineri: nam vel loquitur de fine, quem ipse alibi vocat aliquando finem operis, aliquando finem proximum, & hic idem est quod obiectum, & sic pertinet ad artic. 2. vel loquitur de fine, quem alibi vocat, aliquando finem operantis, aliquando finem reinerotum, & hic est quædam circumstantia operis, ut patet ex quæst. 7. art. 3. supra. Diuersi diuersas hic reddunt rationes: Breuiter responderi potest D. Thom. art. præcedente egisse solum de cæteris circumstantiis à fine distinctis; voluisse autem hic specialiter agere de fine, scilicet operantis; quia finis non tantum est circumstantia & quidem primaria, sed etiam causa, atque adeo simul quasi principale obiectum voluntatis; etiam si non per se sit finis talis operis, sed tantum ex relatione operantis.

Conclusio autem D. Thom. est affirmatiua. Probatur, quia omnia quæ dependent ab aliquo efficiente, etiam dependent ex fine; quæ autem ex fine dependent, ab eo accipiunt bonitatem vel malitiam, tum quod finis sit primum mouens obiectiue scilicet voluntatis, tum quod sit instar formæ, quia terminat actionem quando habetur, sicuti forma materiam: ita quod actiones quæ propter finem fiunt, possint quodammodo dici ipse finis in fieri; sicuti calefactio est calor in fieri. Quin & conclusio per se manifesta satis est; cuiusdem enim melius operatur, qui dat eleemosynam non tantum quia subuenire indigenti bonum est, sed etiam ex amore Christiani, ut in proximo Christiano pascatur, quam qui eam præstat ex solo affectu misericordie erga pauperem.

27 Notandum Primum cum D. Bonaudent. in 2. dist. 38. quod ut finis operantis communicet operi bonitatem, non satis sit ipsum

finem in se bonum esse, sed debere bonum esse secundum rationem finiendi, id est talem esse ad quem conuenienter talis actus referatur; unde licet in se bona sit humana amicitia, tamen si quis vellet fidem Christianam amplecti ad eum finem, ut alicuius hominis amicitia fruatur, non capiet inde ista voluntas bonitatem; quia amicitia illa non est bona secundum rationem finiendi hunc actum, est enim quedam inuersio ordinis finium quod fides diuina referatur in humanam amicitiam tanquam finem; eadem de causa quando finis operantis est tantum bonum naturale, vel quid indifferens in genere moris, vitiatur quoque actus, cuius obiectum alioquin de se honestum est; v. g. si quis velit euangelizare tantummodo ad eum finem ut habeat victum & sustentationem.

Notandum Secundò: Quando actus ex obiecto malus est, non accipere bonitatem etiam si ab operante in bonum finem referatur; v. g. furari non ex hoc bonum est, quia quis furatur ut det eleemosynam; potest id colligi ex scriptura: Eccl. 34. *Qui offert sacrificium ex substantia pauperum quasi qui victimat filium in conspectu patris.* Et ad Rom. 3. *Non sunt facienda mala ut eueniant bona.* Bonus namque finis non valet abstinere malitiam actus mali, nec illum reddere bonum, quia ut bonus sit requiruntur omnes conditiones boni quod ex integra causa consistere debet, ut sup. dictum est.

28 Sed dicit aliquis dum fit aliquid intentione boni finis, tunc intentio bona est; atqui intentio est veluti forma operis; ergo & ipsum opus bonum erit, iuxta illud Matth. 6. *Si oculus tuus simplex fuerit, totum corpus lucidum erit.* Respondetur, quando quis sic intendit aliquid bonum, ut sit paratus uti quouis medio siue honesto siue turpi, tunc intentio illa honesta non est: ut si quis vellet dare eleemosynam pauperi, siue habeat de proprio siue de alieno: tunc enim id vult non quia rationi consonum est, sed quia quodam naturalis compassio; vel alius appetitus eò impellit: nam intentio honesta non inducit ad medium inhonestum eligendum, sicut ex principiis veris non impellimur ad assentiendum conclusioni falsæ.

29 Replicabis: fieri potest quod quis ignoret medium esse inhonestum aut esse in se turpe, aut si nouerit quod tamen existimet esse licitum illud adhibere ob aliquod magnum bonum promouendum, vel malum impediendum. Respondetur, si ignoret inuincibiliter, siue ignorantia inculpabili, fieri potest quod tum ex honestà intentione illud velit, & consequenter tunc erit opus bonum non habens prauitatem, quam alioquin

quin ex obiecto traxisset, & ex ipso fine bono induet bonitatem; si verò ignorantia sit culpabilis, tunc opus bonitatem ab intentione boni finis non accipiet, tū quia electio eius est imprudens, nemo enim aliquid prudenter eligit, nisi moraliter & practice certus sit esse licitum, tum etiam quia intentio non potest esse honesta, quā quis ita vult aliquod bonum, ut sit paratus adhibere medium, cuius honestas non est ei satis perspecta. Idem dicendū est de eo, qui existimat licitum esse adhibere mediū aliquod alioquin illicitum, nisi propter magni boni promotionem vel magni mali impeditionem; si enim illa ignorantia inculpabilis sit, poterit opus esse bonum, ut si virgo se interimeret suffocatione aut præcipitatione ad tuendam pudicitiam, laborans inuincibili quadam ignorantia quā putat id licitum; si verò ignorantia culpabilis sit, opus malum erit.

## ARTICVLVS V.

*Verum aliqua actio humana sit bona vel mala in sua specie?*

30 **C**onclusio D. Thom. est affirmatiua, & tenetur communiter. Norandum autem est D. Thomam art. præcedente in actione hominis quadruplicem distinguere bonitatem. Primam vocat bonitatem secundum genus, quæ videlicet ei competit simpliciter in quantum actio est; quæ est bonitas entis omni enti communis. Secundam vocat bonitatem secundum speciem, quam dicit desumi secundum obiectum conueniens. Tertiam vocat secundum circumstantias. Quartam denique vocat bonitatem secundum finem, quia secundum habitudinem ad bonitatis causam quatenus finis & voluntatem mouet & quodammodo actum eius informat, ut articulo præcedente explicuimus; hic autē agitur de bonitate secundæ generis, quæ est secundum speciem.

31 Probat itaque Diuus Thomas conclusionem hoc ferè modo: bonum & malum sunt differentie per se respectu principij actus, quod ipse habet quatenus actus moralis est. Confirmatur, quia illud principium est voluntas, quatenus ratio est eius regula; atqui voluntatis sic consideratæ ut per rationem habet dirigi, differentie per se sunt bonum & malum morale; ergo actus voluntatis ut hæc eorū tale principium est, sunt in sua specie boni vel mali. Neq; refert quoddam verbi gratia, carnalis copula in matrimonio, & extra matrimonium videatur eiusdem speciei, cum ta-

men vna sit moraliter bona, & altera moraliter mala, & proinde bonū & malū videri possint esse tantū accidentia actus; quia id solummodò verum est, quatenus actus illi considerantur secundum Esse naturale, & procedunt à potentia generatiua, vnde suam accipiunt speciem naturalem; cum ordinē ad naturā terminū ipsorum; iam verò quæ per accidens se habent respectu vniū principij, inquit D. Tho. possunt esse per se respectu alterius principij; & sic bonum & malum se habent per se ad voluntatem, ut ratione dirigibilis est, & dant speciem actui, quamuis non quatenus respiciunt actum tanquam procedentem à potentij exequutiui.

32 Sed hæc queritur: vtrum sicut bonum & malum sunt differentie per accidens respectu actuum aliarum potentialium, quando illi actus considerantur solum secundum Esse naturæ: ita etiam dici possint aliquā consideratione differentie per accidens respectu actuum voluntatis? Quidam sentire videntur bonum & malum respectu actuum interiorum voluntatis etiam secundum entitatem physicam considerandum esse differentias essentielles, ita ut in illis non distinguant Esse naturæ, siue speciem naturæ & speciem moris; inter quos recentetur Conradus in hunc art. Et probari potest, quia iuxta D. Thomam hoc loco, & Quæstione sequenti, art. 1. Bonum & malum sunt differentie per se actus voluntatis; ergo &c. Sententiam verò oppositam tenent Caietanus hoc loco & quæst. 19. art. 1. Medina ibidem, Durand. in 2. dist. 40. quæst. 2. & 3.

33 Pro quā dico 1. Bonum & malum morale respectu actuum exteriorum, quatenus hi secundum esse naturæ considerantur, sunt merè accidentia, siue denominationes extrinsecæ. Est sententia cōmunis & certa; & facile exemplis declaratur: quia occidere hominem autoritate Iudicis, & occidere hominem sine legitima autoritate, in ratione entis sunt eiusdem speciei actus, quorum alteri accidit, quod sit moraliter bonus, & alteri, quod sit moraliter malus.

Dico 2. Quod ad internos actus voluntatis attinet, numquam inprimis malum morale respectu eorum, quatenus secundum Esse naturæ considerantur, potest esse aut dici differentia essentialis, sed tantummodo accidens quoddam ipsorum. Probat. Primò: Quia in eodem actu voluntatis potest esse duplex species mali moralis, ut patet in voluntate furandi rem sacram, in voluntate fornicandi cum consanguineā; quia in illā reperitur malitia furti, & malitia sacrilegij; quæ specie differunt, & in hac malitia fornicationis & malitia

malitiâ incestus; atqui nulla res naturalis potest habere duas differentias essentialis, proximè eam constituentes in diuersis speciebus naturæ; ergo &c. Secundò: Idem actus qui prius non habebat malitiam moralem potest incipere eam habere; vt motus primo primi, quibus voluntas fertur in aliquod obiectum malum, antequam ratio aduertat, non sunt moraliter mali, & si postquam ratio aduerterit, continentur, iam redduntur mali manentes eiusdem rationis & speciei secundum Esse naturale, ergo malitiâ moralis non potest dici essentialis differentia istorum actuum voluntatis. Tertiò: Omnis volitio habet speciem suam naturalem ab obiecto formali, quod est per se ratio volendi, atqui malitiâ moralis non potest esse ratio volendi, nemo enim intendens ad malum operatur, ergo non potest dare actui speciem secundum Esse naturæ. Deniq; ratio volendi est semper aliquod bonum delectabile vel naturæ conueniens vel honestū, atqui ratio volendi tribuit actui voluntatis speciem, ergo omnis volitio mala habet speciem naturalem ab aliquo bono delectabili vel naturæ conuenienti, quia ab honesto habere non potest, atqui accidentarium est respectu talis boni, quod sit contra rationem; nam eadem delectatio, quæ in vno actu est contra rationem propter aliquas circumstantias, in alio eiusdē speciei secundum Esse naturæ, potest esse secundum rationem mutatis circumstantijs, vt patet in delectatione fornicationis & in delectatione actus matrimonialis, itē in delectatione cibi, qui sumitur tempore ieiunij & qui sumitur tempore libero; ergo &c.

34 Dico Tertiò: etū bonitas moralis habere videatur connexionem maiorem cum naturali specie actus interni, quā ipsa malitiâ, tamen reuera non est quoque essentialis differentia illius constituens actum in specie Esse naturalis, sed habet se instar accidentis ad illam speciem. Probatur: quia actus internus potest amittere bonitatem moralem nullā factā variatione circa reale Esse ipsius, ergo bonitas moralis non est differentia essentialiter illum constituens secundum Esse naturæ. Confirmatur, quia actus voluntatis, qui primum liberè exercebatur, potest incipere necessitate quādam fieri, atqui amittendo Esse liberum amittit Esse morale & consequenter bonitatem moralem; sic & e contra, actus voluntatis qui bonitatem moralem non habet, potest eam acquirere sine mutatione sui Esse naturalis; ergo &c. Declaratur, quia dum quis diuinitus excitatus mouetur amore in Deum, priusquam ratio aduertat, tunc amor ille nondum habet bo-

nitatem moralem, sicuti nec rationem meriti; sed si homo illum continet cum rationis aduertentiā iam efficitur moraliter bonus & meritorius, quia ex obiecto bonus est, & liberè exercetur. Probatur 2. quia ita se habent bonum & malum morale circa actum voluntatis, sicut verū & falsum ad assensum intellectus: sed verum & falsum non sunt differentię essentialis assensus secundum Esse naturale ipsius; ergo &c. Probatur minor, quia idem assensus ex verò potest fieri falsus, & contra nullā factā mutatione circa ipsum assensum, sed tantummodo factā variatione in obiecto, circa quod versatur, vt docet Aristoteles in *Categorijs* in c. de substantiâ. Quare in omni actu interno voluntatis moraliter bono vel malo, reperitur duplex species videlicet naturalis & moralis. Specifica ratio actus boni vel mali secundum Esse physicum consistit in quadam habitudine ad formale obiectum, siue ad formale obiecti rationem quæ est bonitas delectabilis vel naturæ conueniens, vel bonitas honestatis, & hæc species est penitus essentialis entitati actus, & proinde inuariabilis, neque includit Esse liberum: sic motus amoris in Deum ante rationis aduertentiam, & motus liber cum rationis aduertentiâ in Deum sunt eiusdem speciei secundum Esse naturæ; sic quoque sunt motus concupiscentiæ præueniens rationem, & motus qui cum rationis aduertentiâ excitatur aut admittitur: moralis verò species solet esse huic annexa, & consistit species actus boni in tendentiâ liberā in honestatem huius vel illius obiecti; species autem actus mali consistit in tendentiâ liberā in obiectum turpe, siue interim turpitudō illa directè siue indirectè vel interpretatiuè tantum volita sit.

35 Ad autoritatem itaq; D. Thom. quam Conradus allegat pro suâ opinione: Respondetur bonum & malum dici differentias per se actus voluntatis, quia bonum & malum morale conueniunt actibus voluntatis proximè non mediante alio scilicet actu, à quo bonitatem aut malitiâ formalem accipiant, quemadmodum conueniunt mediâte actibus aliarum potentiarum imperatis à voluntate, qui non sunt proximè in se formaliter boni aut mali moraliter, sed tantum mediante actu voluntatis, à quo sicuti accipiunt Esse liberum ita & Esse morale, ac consequenter bonitatem aut malitiam moralem, si quā habeant. Eodem sensu dicit idem quæst. sequenti artic. 1. quod actus rationis per se distinguantur differentiâ veri & falsi, quia illis proximè competit & inheret veritas aut falsitas, quæ tamen non constituunt differentiam

rentiam essentialē in reali Esse ipsius assensus, ut iam sup. dictum est. Ob eandem rationem dici solet, actus voluntatis per se spectare ad genus moris, quod etiam Conradus vrget, non quod essentia actus voluntatis secundum suam entitatem physicam sit quid morale (tatis enim iam contrarium est ostensum) sed quia absque alio actu medio competit illis immediatē Esse morale; sicut ē contra actus imperati, quia remotē eis conuenit, dicuntur per aliud & quali per accidens ad genus moris pertinere.

37 Sed contra obiicitur Primò: quod per se & directē volitum est, tribuit speciem actui secundum Esse naturæ, atqui malitia potest directē & per se esse volita ut patet in odio Dei, quo appetitur non esse Dei, In affectu peccati, ut est Dei offensio: ergo malitia moralis constituet actum voluntatis in specie naturali secundum Esse physicum.

Respondetur Neg. Minorem: Quamuis enim malitia possit sic dici directē volita, non tamen est per se siue propter se volita; quia illa non est ratio motiua voluntatis, seu ratio volendi, sed habet aliud adiunctum aut concomitans, quod est ratio illam volendi: istud autem est bonum delectabile vel naturæ conueniens; aut certē quod molestiam aut disconuenientiam cum natura tollit; qui enim odit Deū, vult Deum non esse, non quod hoc per se illi placeat, sed quia placet carentia pænæ, quam Deus minatur, & licentia viuendi, quam prohibet: sic qui vult peccatum, quia offenditur Deus (quod diaboli proprium est) non amat illam offensionem per se, sed quia per illam se quodammodo de Deo vindicat, quod apprehendit ut bonum sibi delectabile.

38 Obijcitur Secundò: virtutes inclinant ad actus moraliter bonos, & vitia ad actus malos: atqui non inclinant nisi ad speciem naturalem actus; ergo naturalis non distinguitur à morali.

Respondetur Neg. etiam Minorem: Et quidem quod ad habitus virtutum attinet, inclinant hi per se in bonum honestum, cuius volitioni annexa est per se bonitas moralis, si volitio ista libera sit, atque ita inclinant non per accidens tantum, sed etiam per se in speciem moralem, saltem secundo modo per se, quatenus hæc tanquam proprietates quædam est adhærens isti speciei actus talis secundum Esse naturæ, supposito quod libere actus exercetur; & hoc ad virtutis rationem sufficit, quod sic in bonum morale inclinet: Imò & dici potest habitum virtutis inclinare non tantum in bonum honestum, sed etiam in illud ut li-

bera voluntate amandum, iuxta statum & conditionem Suppositi, & sic etiam primo modo per se inclinare ad speciem morale actus. Habitus autem vitiosi inclinant primariò quidem ad speciem naturale actus, quatenus videlicet est volitio boni delectabilis vel naturæ conuenientis; tamen secundariò inclinant etiam ad malitiam moralem quatenus hæc tali actui ratione aliquius præcepti vel circumstantiæ est adiuncta. Cæterum, quia bonum delectabile vel naturæ conueniens non est ita obiectū per se difforme & repugnans rationi, sicut bonum honestum est per se obiectum conforme & conueniens rationi, idcirco habitus vitiosus inclinat magis per accidens in malitiam moralem, quam virtuosus in bonitatem, neque enim malitia moralis obiectiua potest esse ratio formalis per se mouens voluntatem, sicuti honestas seu bonitas moralis obiectiua potest mouere voluntatem: Dictis denique hoc addo, Si quis per moralem bonitatem intelligat tantum, Conformitatem actus ad rationem, & abstrahat à ratione meriti quæ censatur laude vel præmio dignus, non incongruum dici posse, moralem bonitatem actus coincidere cum specifico Esse naturæ ipsius Actus.

## ARTICVLVS VI.

### *Vtrum actus habeat speciem boni vel mali ex fine?*

39 **D**ocuit D. Thomas Artic. 4. sup. actionem humanam esse bonam vel malam ex fine: hic iam inquit, Vtrum ista bonitas vel malitia ex fine det actui speciem moralem? Responso autem eius est, Quod internus actus voluntatis accipiat speciem à fine tanquam obiecto proprio, actus autem exterior accipiat speciem ab obiecto circa quod versatur: sed quia actus exterior quatenus moralis quodammodo informatur ab interiori, hinc addit D. Th. quod illa species actus exterioris, quam habet à materia, circa quam versatur, v. g. Furtum externum à re alienâ, sacrilegium à re sacrâ, sit quasi materiale actus; illa autem quæ sumitur secundum finem, & per se proximè inuenitur in actu volutatis interno, à quo quasi dimanat in actum exteriorem, sit instar formalis ad id, quod est ex parte exterioris actus.

40 Sed mouetur questio, Quando voluntas eligit aliquod opus externum per se bonum, tanquam medium ad alium finem bonum, quem intendit, Vtrum actus ille electionis habeat duplicem speciem moralem

Estq; contra Ockam, Gabrielem, Vasquez & alios multos. Et quia hi pro se allegant D. Thom. Hinc probatur assertio; Primò ex diuersis locis D. Th. 2. 2. quæst. 32. artic. 1. ad 2. vbi docet actum eleemosynæ, destinatum ad satisfaciendum Deo pro peccatis, esse simul actum charitatis & iustitiæ, quando miseratio, quæ subleuat defectum pauperis, ordinatur ad satisfactionem Deo exhibendam. Eâdem parte q. 124. 2. 2. ad 1. docet expressè actum martyrii habere duplicem rationem virtutis, vñ charitatis imperantis, alteram fortitudinis elicientis. Neq; ad mentem D. Th. est, quòd adhuc loca respondet Vasquez videlicet D. Th. ex dicere, non quòd actus ille dationis eleemosynæ ad satisfaciendum Deo, vel tolerantiz mortis pro Christo, verè procedant in eo casu ex habitu seu virtute misericordiz aut fortitudinis, sed idcirco solum ita loqui, quia actus illi secundum obiectum suum nati sunt elici ab istis virtutibus, quamuis in præsentì proposito & de facto nò procedant ab illis, sed à charitate tantum; hoc inquit non cerè dicitur, quia nihil omnino facit ad propositum D. Tho. quod est offendere ipsum martyrium pro Christo esse verè actum fortitudinis, non obstante quòd charitas ad martyriū subeundum inclinet, & quòd ipsa in eo eluceat, quodq; passio martyris ab illa merèdi vim accipiat; ergò amplius vult D. Tho. quam quòd martyrium sit materia fortitudinis, quamuis de facto, dum pro Christo subitur, non sit fortitudinis actus, vt vult Vasquez. Quod ex eo vltèriùs cõfirmatur, quia expresse dicit in Corpore, quòd fortitudo sit, quæ in martyrio confirmat hominem in bono virtutis, dum fidè & iustitiam non deserit propter imminenti pericula mortis; ergò vult eundem actum verè & de facto esse vtriusq; virtutis atq; adeo etiam fortitudinis. Similiter ex adiunctis satis patet eundè esse sensum D. Th. quando dicit eleemosynam esse actum charitatis & iustitiæ; expresse enim ibidè addit, nihil prohibere, actum qui est propriè vnus virtutis elicitur; attribuit alteri sicut ordinari & imperanti ad suum finem. Item in Quæstionibus disputatis, qu. de spiritualibus creaturis a. 3. in corpore, ita scribit: Manifestum est autem quòd actus omnium aliarum virtutum ordinatur ad finem proprium charitatis, quod est eius obiectum, scilicet summum bonum. Vnde vltèriùs infert manifestum esse, quòd in actibus omnium virtutum, formale sit id, quod est ex parte charitatis: & tamen ibidem ad nonum dicit, quòd à proprio fine & proprio obiecto habeat quilibet virtus formam specialem, per quam est hæc virtus, id est huius speciei, distinctæ scilicet ab alijs; sed à charitate

habere quidam formam communem: & ad 2. dicit, quòd plures formæ in eodem subiecto esse possint secundum quendam ordinem, vt vna sit formalis respectu alterius; sicut color respectu superficiei; ergò non vult D. Th. actum voluntatis tolli suam speciem propriam virtutis, eiusus bonitatem, ex hoc quòd propter alium finem & non propter obiectum proprium solum exerceatur, sed vult vtramq; speciem virtutis simul in eodem actu reperiri, sic tamè quòd species ex fine sit quali forma speciei ex proprio obiecto. Neque responderi potest, vt quidam tum ad hunc locum, tum ad præcedentia respondent, videlicet D. Th. loqui tantum de actibus externis, de quibus concedunt, quòd duplicem habeant speciem (in quo tamen non loquuntur conformiter, vt mox ostendemus) non potest, inquam, hoc responderi, quia circa initium in Corpore, a Tūm it ad probationem suam conclusionis, quod in omnibus actibus voluntarijs, id quod est ex parte finis sit formale; non ergò agit de externis tantum, sed etià de internis, cū hi sint maxime & propriissimè voluntarij. Deinde dicit martyriū elici à virtute fortitudinis: atqui elici ab habitu virtutis propriissimè dicitur de actu interno. Præterea q. seq. a. 2. satis indicat D. Th. aliquando bonitatem voluntatis, quæ est ex fine, differre à bonitate, quæ est ex obiecto, quando videlicet finis dependet ex fine, & voluntas ex voluntate, vt loquitur; hoc autem contingit, quando voluntas eligit medium per se bonum, quod natum est proinde vt sit finis voluntatis illius, & tamen ordinatur ad alium finem, quia tunc voluntas scilicet electionis pendet ex voluntate scilicet intentionis, & opus, quod aptum est vt sit finis, pendet ex huc, ad quod eligitur, & sic finis ex fine. Vbi quoq; notandū est D. Th. non tantum dicere esse diuersam bonitatè obiecti & finis, vt videtur Vasquez explicare, sed omniū innuere actum ipsum voluntatis tunc differre quoad bonitatem, quam habet ex obiecto, & quo ad eam quam habet ex fine, ac proinde illud actum habere duas bonitates. Denique q. 20. 2. 2. ad 1. expresse dicit, quòd voluntas habeat bonitatem & ex actu volito, & ex fine intentio; non est autem eadem bonitas quæ sumitur ex illo & ex hoc, cū sint obiecta sæpius diuersæ rationis.

Probatur idè ratione; Primò quia actus virtutis externus ordinatus ad alium bonum finem, habet duplicem bonitatem; vti alij etiam admittunt, v. g. concedunt actum externum eleemosynæ, quæ sit ad satisfaciendum Deo pro peccatis habere speciem & misericordiz & iustitiæ; ergò

N

habe-



habet illam quoque actus voluntatis, quo volumus eleemosynâ ad illum finem, quia exterior debet ab interiori informari; non enim potest esse species aut bonitas formalis quo ad genus moris in actu exteriori, nisi mediante actu interiori. Secundò, quia ex alterâ opinione sequitur si duo charitate pares æquali charitatis affectu eligant diuersa media ad vitam beatam consequendam, vt sic in æternum possint Deum, prout dignus est, laudare & glorificare: quorum mediolorum vnum ex proprio obiecto sit longè præstantius, & alterum multò minùs præstans, quòd duo isti æquè operentur bonè & virtuosè, & æqualiter mereantur, v. g. vnus eligat statum religionis ad eum finem, & alter statum matrimonij ad eundem, & quisque omnes actiones status sui eodèdè referat; quia electio seu volitio mediij non habet quicquid boni moralis, nisi ex fine, vt ipsi volunt: atqui ponitur hic idè finis vtriusque electio- nis, & quod pari intentione in eum vterq; tendat, quamvis per media diuersa.

47 Respondebunt id non sequi, quia ad e-  
qualem præstantiam electionis & par-  
meritum non satis est, quod idem sit finis, &  
pari conatu in eum tendatur, sed insuper  
etiâ requiri, vt assumatur media æquè ido-  
nea ad illum finem consequendum, id au-  
tem non habere locum in casu proposito.  
Sed contra illam responsionem replicatur  
primò: vel ista idoneitas sumitur absolutè  
ex ratione mediij per se considerati, vel su-  
mitur relatiuè & cum respectu ad perso-  
nam eligentem, ac operantè, attendendo  
videlicet quoddam inedium magis sit cò-  
ueniens, vt hæc persona finem, quem in-  
tendit, certius & securius assequatur. Si  
dicant Primum, iam maior idoneitas me-  
diij ad finem non erit, nisi maior bonitas &  
præstantia mediij ex suo proprio obiecto,  
aut explicent, quid aliud sit: atqui actui  
electionis non communicatur iuxta illos  
species vel bonitas mediij ex proprio ob-  
iecto; ergò neque ex illâ maiori idoneitate  
mediij absolutè considerati aliquid ampli-  
us bonitatis aut meriti habet. Si verò  
dicant secundum, iam contingit diuersa  
illa media, vnum ex suo obiecto præstan-  
tius & alterâ minùs præstans, posse in ra-  
tione mediij esse æquè idonea ad finem il-  
lum consequendû, quatenus vnumquodq;  
comparatur ad diuersam personam, quæ  
hoc vel illud eligit, immò quod ex se præ-  
stantius est, esse minùs conueniens ad finem  
consequendum huic, qui illud eligit,  
quam minùs præstans sit còueniens & ido-  
neum alteri ad eundem finem; ergò non  
erit assignare rationem, cur voluntas eius,  
qui præstantius medium ex obiecto eligit,

48 melior sit quàm eius qui eligit minùs præ-  
stans, quando vniciq; suum iuxta regu-  
las prudentiæ æquè conueniens & ido-  
neum est ad eundem sibi propositum finem  
assequendum. Deinde iterum replicari  
potest quod diuersa eiusmodi media pos-  
sint esse ad aliquem particularem finem  
bonum æquè ex se idonea, vt si ad domân-  
dam carnè eiusque concupiscentias vnus ex  
voto vel obedientiâ religiosâ assumat ieiun-  
nium aliquot dierum, & alter ad eundè fi-  
nem assumat ieiunium totidèdè dierum sine  
voto vel obedientiâ; ergò tunc voluntas  
istorum duorum ieiunandi ad eum finem  
erit æquè bona ac meritoria: quod tamen  
est contra communè omninò doctrinam.  
Confirmatur: quia votum vel obedientia  
per se nihil conferre videtur ad illâ carnis  
dominationem, quæ per ieiuniû intenditur.

49 Probatur tertio ratione per subuersio-  
nè fundamenti opinionis contrariæ, quod  
totum in eo, consistit, quòd obiectum  
honestum, vt actui voluntatis tribuat boni-  
tatem, debeat appeti quia honestum, &  
propter suam bonitatem, in quo differt ab  
obiecto turpi, quod turpitudinè commu-  
nicat voluntati, etiâ non propter turpi-  
tudinè appetatur, vt suprâ dictum est. Sub  
hoc autè subsumunt: atqui quando volun-  
tas eligit opus bonum, propter firmiter aliud  
bonum, non vult illud, quia honestum, sed  
tantummodò quia vtile ad finem intentû;  
ergò ab eo non accipit bonitatem. Sed è  
contra dicimus, quòd qui sic eligit opus  
honestum, simul velit illud, quia honestû  
ac honestatem eius. Quod sic declaratur,  
quia eiusmodi medium est vtile ad finem  
propter suam bonitatem ex obiecto: quare  
eligi nequit tanquàm vtile ad talem finem,  
nisi etiam intendatur eius honestas & bo-  
nitas quodammodo vt finis subordinatus:  
donatio enim eleemosynæ est vtilis ad  
placendum Deo, quatenus ipsa rationi cò-  
sentanea est, & opus misericordiæ; qui ergò  
eam vult ob talem finem, vult quoque boni-  
tatem eius, quatenus est actus misericordiæ.

50 Huc denique accedit quod interdum  
contingat, dum medium volumus & exe-  
quimur, virtute tunc solùm nos inten-  
dere finem: v. g. destinavit quis dare  
eleemosynam, vt peccata redimat, & quan-  
do pro opportunitate vel occasione eam e-  
largitur, non cogitat de peccatorum re-  
demptione, sed tantùm de eleemosynâ quâ  
vult hic & nunc facere, licet ex virtute præ-  
cedentis intentionis ad talem finem ve-  
lit: atqui parum rationi consonum vide-  
tur dicere talem volitionem sic capere  
speciem ab eo fine, qui virtute iam solùm  
intenditur, vt nullam omninò accipiat spe-  
ciem aut bonitatem ab eo obiecto, quod  
actu

actu cogitat & vult præstare; ergo &c. Negandum tamen non erit, si assumeretur medium ex se honestum, & referretur ad alium finem bonum, quod mediū sub aliqua aliā ratione, præterquam quā honestum est, vtile esset ad finem intentum, ipseque qui eligit seu assumit nullo modo afficeretur eius honestati, nec ad eam attenderetur, sed solum ad alteram rationē, quā vtile est, v. g. quatenus sanitati conueniens, & mediante sanitare seruens ad finem honestum, quod in eo casu ista electio, v. g. temperatæ comestionis, non acciperet speciem aut bonitatem moralem ex illo suo obiecto proprio, sed tantummodo ex fine.

51 Sed contra Conclusionem obijcitur ex D. Thoma quod ipse hic in Corpore doceat actus humani speciem formaliter considerari secundum finem, materialiter autem secundum exterioris actus obiectū, atque adeo id quod est ex parte voluntatis se habere vt formale ad id, quod est ex parte actus exterioris; ergo actus interior, ab exteriori nullam accipit speciem vel formam, quia materia non dat esse rei. Resp. N. C. quia in primis D. Thom. loco supra citato de spiritualibus creaturis, expressè docet in vno eodemque posse reperiri duas formas & species, licet tamen quoddam vna species sit quasi forma respectu alterius, & altera se habeat instar materie; quare ex hoc, quoddam velut id, quod est ex parte voluntatis esse quasi formale ad id, quod est ex parte actus exterioris, non sequitur eum velle id, quod est ex parte actus exterioris, non tribuere quicquid actui interiori, cum expressè doceat & a fine & ab obiecto speciem accipere; sed solum sequitur id, quod est ex parte finis, se habere tanquam formam & speciem principaliorē respectu actus interioris. Deinde Artic. sequenti similiter expressè docet ad 3. differentiam comparari ad genus, vt formam ad materiam, & nihilominus genus quoque considerari posse, vt formalis specie, in quantum facit absolutius & minus contractum, inquit, & secundum hoc (addit) genus esse causam formalem speciei. Ex quibus satis constat D. Thom. non habere illa vt pugnantia in moralibus, id quod est ex parte voluntatis se habere vt formale ad id, quod est ex parte actus exterioris, & nihilominus id, quod est ex parte actus exterioris, tribuere quoque actui speciem, quæ videlicet quasi modificatur ex fine, in quæ actus interior principaliter tendit: si enim hæc in opere externo simul consistunt, quod apertissimè D. Thom. docet, nec ipsi negant, cur non etiam in actu interno? Quod verò dicitur materia non dat esse rei, id propriè

intelligitur de materia prima in naturalibus, quoddam non det substantiale & vltimum esse; alioquin materia secunda & materia in artificialibus, sicut & in moralibus, quemadmodum habet quasdam formas siue accidentarias siue substantiales, ita quoque tribuit aliquod esse compositum, quamuis non vltimum, sed tale quod iuxta genus compositionis, quam ingreditur, sit adhuc determinabile: v. g. ligna dant ædificio esse ligneum, lapides esse lapideū, sed vtrumque est determinabile per formam artificij: sic quoque in moralibus, quoddam satis explicat D. Thom. loco citato de spiritualibus creaturis. De actibus autem externis bonis & relictis ad alium finem boni, hic laborandum non est, tum quod ea, quæ ostendunt actum internum electionis habere eo casu duplicem bonitatem, satis quoque ostendant idem de opere externo, tum quoddam etiam illi, qui duplicem bonitatem actui interno negant, facile tamen eam actibus externis concedant. Et docet expressè D. Thom. infra qu. 20. Art. 2. & 3. & lib. 3. contra Gentes cap. 138. vbi postquam dixisset, contingere vnum actum duorum vitiōrum esse, addit: Eodem autem modo & in virtutibus contingit, quoddam actus vnus virtutis ad aliam virtutem ordinetur: sicut dum quis dat sua, vt cum altero amicitiam habeat charitatis, actus quidem ex sua specie est liberalitatis, inquit, ex fine autem charitatis. Quare hic solum notandum est, obtinere quoque discrimen in his locum, quoddam videlicet sicuti actus interioris prauis species principalior sumitur ex fine, & secundaria ex obiecto proprio, è contra autè actus exterioris species principalis sumitur ex obiecto & secundaria ex fine extrinseco, ad quem refertur, quod ita quoque dicendum sit, quantum ad principaliorē speciem actus interni boni & actus boni externi, quod istius ex fine, huius ex obiecto attendatur, ob rationem supra allegatam.

54 Sed mouetur hic alia à nonnullis difficultas præcedenti satis affinis, Vtrum videlicet, quando quis assumit & ordinat aliquem actum internum voluntatis bonum vel malum ad alium finem bonum vel malum, actus iste internus habeat quoque duplicem speciem bonitatis vel malitiæ, sicuti opus externum ita ordinatum & factum ad alium finem. V. G. vult quis indulgere affectibus superbix aut inuidiæ ad Dei contemptum, aut vult quis amare Deum, in amore ipso cum veneretur & colat, quæritur: vtrum affectus illi superbix aut inuidiæ habeant malitiam ex fine illo malo: & an amor iste charitatis accipiat bonitatem ex virtute religionis, ad quam ordinatur?

N ij Suppono

Suppono hic iam voluntatem illam, quæ vult quis superbire, vt Deum afficiat contemptu, habere duplicem malitiam: Similiter illam, quæ vult amare Deum, vt ipso amore eum colat & veneretur, habere duplicem bonitatem; quia hoc in antecedente disputatione fuit resolutum. Verum nunc questio mouetur de ipso actu interno, quem voluntas assumit ad talem finem. Quidam negant actus eiusmodi internos ex fine sortiri bonitatem aut malitiam; & ratio illorum est, quia actus illi habent Esse morale ex se, absq; eo quodd informetur alio actu interno, quo ordinantur ad illum finem, quia in seipsis liberi sunt, & habent obiectum honestum aut turpe; ergo nequeunt ab alio actu accipere Esse morale; & consequenter neq; bonitatem aut malitiam ex fine, ad quem assumuntur. Oppositum tamen cum Caietano hic omnino tenendum est, qui rectè docet eandem esse rationem actus interioris & exterioris, quando ad finem aliquem extrinsecum ordinantur; & satis indicat D. Tho. Quæst. seq. Artic. 2. ad 1. vbi admittit in actu etiam voluntatis bonitatem ex obiecto aliquando differre à bonitate, quæ est ex fine, quando nimirum finis dependet ex fine, & voluntas ex voluntate, quorum verborum sensum explicuimus modò supra nu. 5. Probat autem Primò, quia electio medij habet bonitatem ex fine, vt omnes fatentur, si bonus sit; sicuti & malitiam, si malus: idque quia virtute intentionis finis, ordinatur electio ad finem; ergo multò magis actus ille voluntatis, qui expressè mediante alio actu voluntatis imperatur, & elicitur in ordine ad aliquem finem. Quod enim virtualis & implicita relatio ad finem præstare potest actui, quare non id præstabit illi formalis & expressa eius ordinatio ad finem?

Dicer fortè aliquis: Electio medij per se tendit ad finem, & non tantum ex alio actu voluntatis, cuius virtute assumatur ad talem finem. Sed contrà, licet electio medij vt sic dicat per se ordinem aliquem ad finem, hoc ipsum tamen non habet aliunde, quam quodd præsupponat essentialiter intentionem finis, vnde pendet, atque ita habet ordinem illum ad finem ab alio actu voluntatis, & tamen accipit speciem ex fine. Accedit, quodd electio medij ad finem aliquem, ad quem tale medium non est per se ordinatum, non possit habere respectum ad hunc finem in particulari ex ratione electionis talis medij; ergo ab alio actu voluntatis, quo hic finis in particulari appetitur, & actus electionis expressè vel implicitè imperatur.

Probatut Secundò: Possunt plures actus

externi, qui singuli distinctà electione in ordine ad eundem finem assumuntur, accipere bonitatem aut malitiam ex illo fine, non obstante, quodd habeant singuli suum Esse morale & speciem moralem seorsim, videlicet ex libertate cuiusque electionis particularis & ex proprio suo obiecto; ergo similiter idem potest habere locum in internis, qui ad aliquem finem extrinsecum exercentur & assumuntur. Deniq; exequutio imperij accipit bonitatem vel malitiam ex fine, ad quem ordinatur per imperantem, etiamsi non ex necessitate ad imperium, sed distinctà quadam libertate procedat: v. g. opus famuli, vt suo modo procedens à voluntate domini, habet speciem aliquam ex fine, quæ intendit dominus, etiamsi habeat suum Esse morale & bonitatem vel malitiam ex libertate voluntatis & intentione famuli; ergo &c.

Ex his facilè erit respondere ad aliorum rationem: neganda enim est Consequentia; nihil enim repugnat, quodd vnus actui habenti Esse morale quasi primum & substantiale addatur alia species bonitatis vel malitiae accidentaria: neque requiritur, vt idcirco libertas eius sit dependens ab altero, sed satis esse potest, quodd suo modo dependeat, v. g. sicut actus imperatus ab imperante, etiamsi imperatus non ex necessitate ad imperium sequatur, sed propria quadam libertate procedat, vt per exemplum iam demonstrauiamus.

## ARTICVLVS VII.

*Vtrius species, quæ est ex fine, contineatur sub specie, quæ est ex obiecto, sicut sub genere, vel è conuerso?*

Pro intelligentiâ doctrinæ huius Articuli. Notandum est, quodd virtutes quædam sunt quasi particulares, ad quarum fines non ordinantur per se obiecta aliarum virtutum, nisi aliquando solum per accidens ex arbitrio hominum; vt si quis velit parcere & temperate comedere, quod est temperantiæ, vt habeat vnde soluat creditoribus quod est iustitiæ: ex natura enim suâ non est moderata comestio destinata ad solutionem debitorum. In hoc itaq; casu docet D. Thom. eiusmodi actum constitui in duabus speciebus disparatis, quarum vna oritur ex obiecto, & altera ex fine, neque vnâ sub alterâ contineri. Quædam verò virtutes sunt tales, vt ad earum fines referantur obiecta aliarum virtutum quasi ex natura: vt est charitas, cuius obiectum est Deus, ad quæ referuntur seu ordinantur omnia officia virtutis: talis quoq; dici potest obedientia, quæ

quæ versatur circa præceptum; omnia enim referuntur suo modo ad præceptorum impletionem. Quando itaque actum virtutis particularis referimus ad finem virtutis quasi communis, ad quem particularis virtus naturâ suâ quodammodo ordinata est, tunc dicit D. Thom. eiusmodi actum esse in duabus speciebus, quarum altera continetur sub alterâ, sicut species sub genere; nam forma actus, quæ sumitur ex proprio obiecto, continetur sub eâ, quæ sumitur ex fine, quia ista particularior est, hæc vniuersaliior, vtpote, quæ nata est informare actus omnes particularium virtutum, quæ ex se ad finem illum vltimatè ordinantur. Obseruandum tamen est D. Th. 2. 2. Qu. 11. ar. 1. ad 2. aliquantulum generalius loqui de continentia vnius sub altero per modum speciei & generis in hac eadem materia: nam ibi generatim dicit viciâ habere speciem ex suo obiecto, genus autem ex fine. quod declarat hoc exemplo, vt quando quis machinatur vt furetur, tunc, inquit, ibi quidem species mœchiæ est ex proprio fine & obiecto, sed ex fine vltimo ostenditur quodd mœchia ex furto oritur & sub eo contineatur, sicut effectus sub causa vel species sub genere; sic vt omne illud videatur eo loco vocare genus, quod quocumque modo vniuersalius est, siue in prædicando siue in causando & quasi informando, ac speciem id omne, quod istis modis strictius & particularius est: vocat enim formam ex fine vltimo desumptam genus, quia ex illo fine vltimo istius hominis, non tantum mœchia, sed etiam plures aliæ eiusdem hominis actiones natæ sunt accipere formam, quas videlicet ad eundem finem ordinabit, sicut ipsam mœchiam ordinat; hæc verò quia vt medium particulare assumitur, in quantû sic non tribuit formam vel speciem alijs actionibus, quæ eò referuntur.

## ARTICVLVS VIII.

*Verum actus aliquis sit indifferens secundum suam speciem?*

60 **C**onclusio D. Thomæ est: Quemadmodum dantur actus boni & mali ex suâ specie, quorum videlicet obiectum proximum est honestû vel turpe, ita etiam dantur actus ex specie suâ indifferentes. Est communis sententia, quamuis Scotus in 2. dist. 7. videatur oppositum dicere; sed magis in modo loquendi, quam in re ipsa apparet dissentire. Probatur Conclusio: quia quædam sunt opera, quæ ex obiecto suo neque turpia neque honesta sunt: possunt enim bene vel malè fieri, si bonis vel malis circumstantiis vestiuntur, quia

secundû se præcisè considerata non includunt aliqui pertingens ad ordinem rationis, vt habet D. Th. sicuti festuca leuare de terrâ, ire ad campum &c. Huiusmodi enim neq; includunt aliquid conueniens ordini rationis, neq; aliquid ordini rationis repugnans; ergo voluntas, quæ hæc appetit, non contrahit ex ipsis secundum se consideratis bonitatem moralem aut malitiam, & proinde actus ille est indifferens secundum suam speciem. Idem probatur ex D. Hier. epist. ad Aug. quæ est 11. inter epist. Aug. vbi ita scribit: Bonum est continentia, malû est luxuria, inter vtrumq; indifferens ambulare &c. Vide etiâ D. Aug. lib. 2. de serm. Dom. in monte c. 18. & epist. 19. cap. 2. quibus locis hanc doctrinâ plane indicat.

Sed obijciatur: Voluntas omnis tendens in obiectum sub ratione boni quod non sit bonum honestû, videtur hoc ipso mala esse; ergo non datur actus ex specie suâ indifferens. Resp. Neg. Antec. quia potest esse aliqua ratio boni, quæ nec sit honesta, nec formaliter repugnet rationi, vt est ratio boni, quæ consistit in quadâ conuenientiâ naturæ. Ex ordine itaq; ad hanc rationem boni, voluntas neq; sortitur rationem boni moralis aut; rationem moralis mali.

Queritur autè hic Primò, Vtrum præter hæc tria membra actuum humanorum videlicet eorû, qui ex specie suâ boni sunt, & qui ex specie mali, & qui ex specie indifferentes, detur aliqua quarta species actuum. D. Th. enim Quodlibeto 9. Ar. 15. addit quandam speciem actuum, quos vocat malè sonantes, vt sunt occidere hominem, habere plures præbendas. Resp. Non esse necessarium admittere hæc 4. membra, quia actus illi malè sonantes, vel comprehenduntur sub actibus malis secundum quosdâ, quia secundum se, seculis, quibuscumq; alijs, mali sunt, quamuis per certas circumstantias possint boni fieri; vel certè cõprehenduntur sub actibus indifferentibus, vt alij volunt, quia ex obiecto nihil formaliter includunt conueniens rationi, neque aliquid repugnans; dicuntur tamen malè sonantes: quia vt plurimum sic sunt, vt mali sint; multa enim requiruntur, vt actus illi secundum ordinem rationis conuenienter fiant, quamuis sic in genere concepti nihil includant, ratione cuius non possint esse capaces ordinis rationis.

Queritur Secundo, Quomodo actus dicatur indifferens, an per negationem solâ bonitatis & malitiæ, an per differentiationem aliquam positiuâ? Resp. Denominatione indifferentiæ sumi propriè ex carentiâ siue absentia bonitatis & malitiæ, licet interim negandû non sit, quin habeat aliquam speciem positiuam in genere actionis naturalis.

## ARTICVLVS IX.

*Verum aliquis actus sit indifferens secundum indiuiduum?*

63 **N**otandum est Primò, Quæstionem hic tantum esse de actibus à ratione deliberatiuâ siue ex iudicio rationis procedentibus, non autem de illis, qui ex solâ phantasiæ apprehensione seu imaginatione sine rationis aduertentiâ procedunt, vt fricare frontem aut barbam, vel manû mouere; eiusmodi enim esse actus indifferentes, difficultatem non habet, sed sunt extra genus actuum moralium, vt habet hic D. Thomas.

Notandum Secundò, Duas in hac quæstione esse sententias; vna tenet multos dari actus indifferentes in indiuiduo. Ita D. Bonauent. in 2. dist. 41. Scotus ibidem, Ockam in 3. dist. 13. & alij nonnulli: Ratio horum est, quia datur actus indifferens secundum speciem; ergo si hic actus ita fiat de facto, vt species eius exigit, erit actus indifferens in indiuiduo. Altera sententia è contrariò negat dari actum aliquem à ratione deliberatiuâ procedentem in indiuiduo, qui neque bonus sit neque malus. Ita D. Thomas hoc loco cum suis sectatoribus, Durandus in 2 dist. 40. Greg. Ariminensis dist. 38. & alij plures.

64 **P**ro explicatione autem aduertendum est, de quatuor actuum generibus dubitari posse, vtrum in indiuiduo non possint esse indifferentes. Primum est eorum, quibus aliquid volumus aut repudiamus, tantummodò quia ita placet: secundum est eorum, quibus aliquid volumus omittere, solum quia non tenemur: tertium eorum, quibus aliquid volumus, solum quia est delectabile, vel nolumus solum, quia non est delectabile, nihil aliud spectando, sic tamè vt ei non sit coniuncta turpitudine contra rationem; vt v. g. volumus comedere aut bibere tantummodò quia oblectat, nihil aliud considerantes: quartum denique genus est istorum, quibus aliquid v. g. sanitatē appetimus solum, quia naturæ conueniens est, vel nolumus v. g. morbum, quia naturæ disconueniens, nihil aliud præter conuenientiam aut disconuenientiam cum naturâ, considerantes.

65 **A**duertendum Secundò, sermonem hic esse de indifferentiâ inter bonum & malum in genere moris, siue inter virtutem & vitium iuxta philosophiam moralem: non autem de indifferentiâ inter bonum & malum in ratione entis, de quibus hic non disputamus; sed neque etiam de indiffe-

rentiâ inter bonum & malum secundum rationem meriti vitæ æternæ aut demeriti. Certum enim est plures posse dari actus in indiuiduo, qui non sint meritorij vitæ æternæ, qui tamen peccata aut demerita non sunt: vt v. g. actus peccatorum, quibus præparatur & disponitur ad iustificationem, item opera gentilium moraliter bona secundum naturalem dictamen rationis facta.

Aduertendū Tertio, non omnes Scholasticos eodem modo videri accipere actum moralem bonum, sed quosdam strictius, quosdam verò latius de eo loqui. Vnde opinionum diuersitas potissimum videtur nata: quidam enim ita loquuntur, vt velint eum solum actum esse bonum in genere moris, qui formaliter est talis; puta qui fit non tantum ex affectu alicuius commoditatis naturæ, sed ex motiui honestatis. Alij verò videntur generalius de actu virtutis loqui, ita vt comprehendant etiam illud, qui saltem materialiter honestus est; puta qui fit cum cognitione obiecti & circumstantiarum, quorum nihil est recte rationi repugnans, habetque aliquem conuenientem finem, saltem in ordine ad naturam, quamuis non fiat, quia honestus est, aut cum dictamine rationis congruit, vel propter alium finem alicuius virtutis: v. g. comedit aliquis tempore, loco, modo, & mensurâ debitis, non quia hoc totum est honestum, sed vt pellat molestiam famis, vel vt naturâ conuenientem modo reficiat, nihil aliud actu vel virtute intendens in illo opere. His præmissis sit

67 **C**onclusio Prima: Velle aut nolle aliquid tantummodò, quia placet, aut quia non tenemur, vel precisè ob delectationem solum, quamuis non turpem, non sunt actus moraliter indifferentes, sed mali. Probatur, quia sunt actus otiosi. Confirmatur, quia carent debito fine: neque enim sunt occasione iustæ alicuius necessitatis, aut vtilitatis, neque intentione piæ voluntatis; ergo sunt otiosi, vt patet ex D. Gregor. 7. Moral. c. 25. vbi sic verbum otiosum describit: Si otiosi, ergo vitiosi.

Dices: Delectatio est quoddam naturæ bonum, ergo illa ipsa videtur posse obtinere rationem debiti alicuius finis. Respondetur, Si aliquid fiat propter delectationem, quatenus hæc est recreatio quædam seu reparatio naturæ, vt quando quis ambulat ad recreationem, quia recreatio naturam reficit, sic actus ille spectat ad quartum genus actuum, de quo mox agemus, non ad tertium, de quo in Conclusionē loquimur; vbi agimus de eo, qui purè & merè aliquid vult, quia delectat, non quia honestum est, vel quia naturæ commodum, & sic non habet finem debitum, ne quidem repara-

reparationis naturæ: ipsa verò delectatio secundum se non potest debiti finis obtinere rationem, quia non est instituta propter se, sed propter operationem, cui coniungitur, ut operatio non negligatur tempore & loco debitis: quemadmodum neque nostrum beneplacitum, vel non obligatio potest esse conueniens finis alicuius nostræ operationis.

63 Conclusio Secunda: Loquendo de actu morali bono iuxta generaliore[m] eius acceptionem secundo loco explicatam, sic nullus datur actus indifferens in individuo, nequidem in quarto genere actionum, quæ sunt ad naturæ commoditatem, sed omnis actus deliberatus est bonus aut malus. In hoc sensu omnino vera est sententia D. Thomæ, eamque sic etiam ipse videtur intellexisse, ut colligitur ex ijs, quæ scripta sunt in 2. dist. 42. art. 5. ubi inter cætera, habet: Non est accipere aliquid, in quod ordinatur humanus actus, quod vel secundum virtutem politicam rectum non sit, vel rectitudini aduersum. Quia non potest esse aliquis actus procedens ab aliquo deliberante (inquit) sine intentione finis, ut 2. Metaphys. dicitur; finis autem ille est bonus conueniens homini, vel secundum animam vel secundum corpus, vel etiam secundum res exteriores, quæ ad utrumque ordinantur: & hoc quidem bonum, nisi sit contrarium illi bono, quod est hominis secundum rationem, rectitudinem ciuilibus virtutis habet; quia virtus ciuilis dirigit in omnibus, quæ sunt corporis, & quæ propter corpus queruntur. Unde si his aliquis mediocriter vitur, erit vsus rectus; si autem secundum abundantiam aut defectum, erit vsus vitiosus virtuti oppositus. Idem significat in 4. dist. 26. quæst. 1. art. 4. Quare iuxta D. Thomam etiam actus ille erit virtuosus, quo bonum naturæ, v. g. sanitas, vel quod seruit bono naturæ, ut victus & amictus appetuntur, modo cum ea rationis consideratione appetantur, per nulla ad sit circumstantia vitiosa aut prohibita.

69 Eodem modo videtur intellexisse Bartholomæus Medina seكتور D. Thomæ: dicit enim, Ire ad agros ob salutem corporis esse actum bonum ex obiecto: quod tamen verum non est, si sermo sit de formali honestate, quia salus corporis non est sufficiens morium, ut faciat actum formaliter honestum & laudabilem, quamuis possit esse competens finis talis actionis, ut neque censetur otiosa, neque aliam malitiam inde contrahat, modo cauatur quod omnis mala circumstantia ab sit.

70 Probatur itaque dicta Conclusio: In primis argumento D. Thomæ iam ex 2.

Sententiarum adducto. Deinde ratione, quam habet hic in Corpore, quæ sic potest formari: Omnis actus à ratione deliberatiua procedens in individuo, debet esse ordinatus ad aliquem finem, vel ipse esse finis: nemo enim ex iudicio rationis operatur sine intentione finis; ergo vel ipse est finis debitus, vel ordinatur ad finem debitum, qui conuenit cum ordine rationis, & sic accipit inde rationem boni saltem ex circumstantia finis, quamuis ex obiecto & specie sua sit indifferens; vel non ordinatur ad finem debitum, neque ipse talis est, qui possit esse finis debitus, & hoc ipso repugnat rationi, cuius est ordinare omnia ad debitum finem, atque ita inde ex illa carentia accipit rationem mali; ergo &c. Confirmatur: quia inde verbum otiosum contrahit reatum culpæ, ita ut de eo in diiudicii ratio reddenda sit, quia videlicet caret fine iusto nece sitatis aut pietatis utilitatis, ut D. Gregor. suprà, & Homil. 6. in Euangel. Hieron. in caput 12. Mathæi, & D. Bernardus de triplici Custodia docet: ubi per verbum otiosum intelligit, quod nullam habet rationabilem causam; ergo nisi actui indifferenti ex obiecto apponatur circumstantia honesta, aut debitus & utilis finis, contrahet ex illius defectu malitiam: si verò apponatur, iam ex circumstantia saltem erit bonus, atque ita nullus in individuo erit actus indifferens. Hinc patet solutio argumenti suprà positi pro opinione eorum, qui simpliciter affirmant dari actus multos indifferentes, quatenus aduersatur Conclusioni iam explicatæ.

71 Conclusio Tertia: Loquendo strictius de actu bono iuxta primam acceptionem, vel is videlicet solus habebatur bonus, qui formaliter honestus est & laudabilis, sic inter actum bonum & malum dantur plures actus etiam indifferentes in individuo in quarto genere actionum, quas suprà enumerauimus. In hoc sensu itaque vera est sententia D. Bonauent. qui sic etiam videtur intellexisse: docet enim actiones, quæ nec actu nec virtute in Deum referuntur, esse in triplici genere; quædam enim (ait) non referuntur propter immediatam conuersionem ad creaturam, quæ videlicet malæ sunt malitiâ commissionis; aliæ non referuntur in Deum propter operantis negligentiam, quæ malæ sunt malitiâ omissionis; aliæ denique non ordinantur in Deum propter operantis infirmitatem & miseriam; qualis est, inquit, quando quis operatur neque inordinatè creaturis affectus, neque in Deum opus suum destinans, sed respiciens aliquem finem pertinentem ad subleuandam naturæ indigentiam, v. g. ambulando ut recreetur, comedendo ut



nem enim dicere, naturam sic esse reficiendam & sustentandam, ideoque pertinere ad virtutem, quæ statuit mediocritatē in curâ circa ista corporis bona. Quod satis probabiliter dici & sustineri potest de actionibus illis ad naturæ commoditatem pertinentibus, quæ tanti sunt momenti, ut circa illas earumque circumstantias ratio merito deliberet aut attendat, sicut sunt comedere, bibere &c. quia etiam iuxta cōmune hominum apprehensionem videntur iudicari secundum rationē agere, qui ista cum tali cautela faciunt ut omnis mala circumstantia ab sit. Nihilominus tamen non excludetur adhuc omnis actus in individuo differens liberē exercitus: sunt enim quidam actus, qui naturæ officiis seruiunt, sed tam exigui momenti, ut de illis, earumque circumstantiis non nisi superflue videretur institui deliberatio, ut sunt, quos D. Hieron. allegat; quare ex illis, etiam si liberē & cum rationis aduertentiā fiant, nullus censetur secundum virtutē vel contra eam operari: vnde eiusmodi actus saltem erunt indifferentes inter actum formaliter virtuosum & inter actum viciosum. Alij tamen, non tantum huiusmodi actus minimos, sed etiam alios maioris momenti, qui ad naturæ commoditatem appetuntur, volunt esse indifferentes. Vnde hi ad objectionem respondebunt, ad formale honestatem alium actionum non sufficere quod nulla circumstantia mala adsit, sed requiri ut inuestiantur aliqua positiua circumstantiâ honestâ ut relatione ad finem honestum, dum ex suo obiecto nullam honestatem habeant: Quidquid denique teneatur, hoc interim certum est, suppositâ probabilitate sententiæ D. Bonauent. quod is, qui iuxta eam formabit conscientiam, de facto operaturus sit sapiens actus in individuo indifferentes, quia etiam si a parte rei essent boni vel mali, id tamen vel non æstimaretur aut quasi abstergeretur per conscientiam probabiliter doctrinâ fundatam.

Sed contrâ obijcitur: 1. ad Corint: ro. vult Apostolus omnia ad gloriam Dei nos facere; ergo omnis actio à deliberatâ ratione procedens, quæ ad Dei gloriam non dirigitur, est mala. Resp. N. C. quia tantummodò est consilium & exhortatio Apostoli non præceptum: quia hortatur Apostolus ut non solum opera in se bona & honesta faciamus, sed ut etiam illa ipsa, sicut & quæcumque alia ad naturam necessaria, referamus præsentī & actuali affectu semper in Dei gloriam, ad nostræ erga illum charitatis ostensionem & exercitium. Quod sine dubio præstantissimum est, sed tamen nullus censet eiusmodi præsentem

& actualem relationem omnium nostrorū operum, dum sunt, esse in præcepto.

## ARTICVLVS X.

*Verum aliqua circumstantia constituat actum morale in specie boni vel mali?*

Sensus Articuli est, An bonitas vel malitia, quam Articulo tertio diximus actum humanū ex circumstantiis posse accipere, ut actui substantialis siue essentialis ita quod det ei speciem.

Conclusio D. Thom. est: Circumstantia, quæ respicit specialem ordinem rationis vel pro vel contra, illa dat actui morali speciem siue bonitatis siue malitiæ. Censetur autē circumstantia tunc respicere specialem ordinem rationis, quando actus ab eâ habet peculiariē conformitatem, vel difformitatem cum dictamine rationis. Quomodo autem circumstantia aliquando cōstituatur actum in primâ specie moralitatis, suæ quoad honestatem vel turpitudinem, & quomodo aliquando quasi superueniat actui iam constituto in aliquo Esse virtutis aut vitij, cuius nouam honestatē vel turpitudinem superaddat; rursus quomodo in priori casu, tantummodò circumstantiæ rationem habeat respectu Esse naturalis actus, & rationis speciei differentia simpliciter & absolutē respectu Esse moralis; hęc quomodo in posteriori casu possit considerari nunc ut circumstantia actus moralis, nunc etiam ut differentia quasi specificâ, vide omnia hæc latius explicata supra Quæst. 7. Artic. 1.

Sed ex D. Thom. hic obseruandum est discrimen inter specificas differentias rerum naturalium & actuum moralium: ex quo enim natura est ad vnum determinata, hinc in re qualibet naturali necesse est peruenire ad aliquam vltimam formam, ex qua sonatur differentia specifica, postquam alia differentia specifica in eadem re constitui non potest: & ideo quod est accidens in rebus naturalibus, non potest sumi ut differentia constituens speciem rei naturalis. Verum quia processus rationis, vnde species actuum moralium pendent, non est determinatus ad aliquod vnum, sed quolibet dato potest ratio vltius procedere, idcirco fit, ut quod in actu vno accipitur tanquam circumstantia superaddita obiecto, iuxta suam rationem determinans speciem actus, possit iterum accipi à ratione ordinante, ut conditio principalis obiecti illius, ita ut iam secundum hanc conditionem seu formam determinet speciem actus qui circa illud versatur; atque ita fit, quod illud

ei conueniat; & hoc modo quidem constituunt actum in specie mali, quia habent repugnantiam ad rationem: sed eo modo non sunt circumstantiæ talis actus, sed spectant ad formalem rationem obiecti, quatenus tribuit actui primam moralitatis suæ speciem. Secundò sumuntur quasi absolute, ut idem sint quod magna vel parua quantitas, & sic non constituunt speciem boni vel mali: nam fieri potest, ut quis multum comedens, tamen temperatè co-

medat, & è contra, quòd quis minorem quantitatem comedens, intemperatè comedat: quia videlicet ista quantitas est alteri proportionata secundum rationem, eò quòd sustentatio naturæ eius plus requirat, hæc autem minor quantitas sit excessiua respectu huius, quia natura minus requirit; & hoc modo absolute accepta solent esse circumstantiæ, et si præsupponant malitiam aut bonitatem in obiecto, eam augent vel minuunt.

## Q V Æ S T I O XIX.

### De bonitate & malitia actus interioris voluntatis.

In decem Articulos diuisa.

#### ARTICVLVS I.

*An bonitas voluntatis dependeat ab obiecto?*

**C**onclusio D. Thomæ est: Bonum & malum in actibus voluntatis propriè attenditur secundum obiecta. Vide dicta Quæst. præced.

Articulo 2. & 3.

Notandum autem hic est, quando ex obiecto dicitur sumi bonitas voluntatis tunc nomine obiecti accipiendum esse obiectum totale, constans materiali & formali, scilicet re volita & ratione volendi; nam si obiectum materiale sit bonum & ratio volendi mala, obiectum totale erit malum, & proinde etiam voluntas erit mala, ut dare eleemosynam ad vanam gloriam. Similiter si obiectum materiale sit malum, licet ratio volendi bona sit, tamen obiectum integrum siue totale erit malum, & proinde etiam voluntas mala erit, ut furari ad faciendam eleemosynam.

#### ARTICVLVS II.

*Utrum bonitas voluntatis pendeat ex solo obiecto?*

**C**onclusio D. Thomæ est affirmatiua: Probat, quia quod est primū in quouis genere, debet consistere in aliquo vno: sed actus voluntatis est principiū bonitatis aut malitiæ moralis, nam ille actus est, qui

primò & secundum se afficitur formali bonitate aut malitiâ; ergò bonitas eius debet consistere in aliquo vno: atqui illud vnū non potest assignari aliud, quàm obiectum; ergò ex illo solo pendet bonitas voluntatis. Probatur Secundò ratione, quam indicat D. Th. in verbis, Sed contra: quia videlicet ex circumstantiis in quantum huiusmodi sunt, non habet actus speciem; ut enim dent speciem, debent transire in principalem conditione & quasi formalem rationem obiecti, atque ita ut sic, non manent circumstantiæ: atqui bonitas & malitia sunt differentiæ specificæ actus voluntatis videlicet in quantum moralis est; ergò circumstantiæ non sunt, quæ tribuunt actui voluntatis bonitatem vel malitiam, sed obiectum solum.

Ex hoc argumento obseruare licet, quòd D. Thom. hic agat tantum de specie ipsa bonitatis, quam vult ex solo obiecto pendere; non autem de quocumque incremento bonitatis, quod ex circumstantiis posse accedere intra eandem speciem ad bonitatem voluntatis non videretur negandum; quamuis etiam omnis talis circumstantia augens bonitatem posset considerari per modum partialis obiecti respectu actus voluntatis quatenus videlicet etiam secundum suam ampliorem conformitatem cum rectâ ratione debet esse volita, ut bonitatem augeat, atque ita subire etiam aliquo modo partem obiecti respectu actus talis voluntatis.

Obseruandum præterea D. Thom. ad 1. 3 habere, quòd l bonitas actus voluntatis, quæ est ex obiecto, non differat à bonitate, quæ est ex fine, id autè sic intelligendum



nempe hoc sensu, quia illud dictamen rationis est rectum, cui si appetitus conformetur, sit rectus. Ex quo patet, quod appetitus rectitudo non sit causa rectitudinis rationis, sed è contra rectitudo rationis sit causa rectitudinis voluntatis, quamvis hæc possit esse iudicium rectitudinis illius.

7 Sed difficultas hic mouetur. Vnde ergo desumenda sit rectitudo rationis, siue quæ ratio recta censenda sit, cui voluntas conformari debeat, vt bona sit & honesta? Respondetur breuiter, omisiss diuersis explicandi modis, rationem propriè dici rectam ex ordine ad obiectum conueniens naturæ rationali quatenus rationalis est; sic vt illa ratio sit recta, quâ obiectum, quod conuenit naturæ rationali, eamq; vt talem decet, iudicatur aut apprehenditur tanquâ illi conueniens, & proinde ab eâ amplectendum; & contrâ quâ quod inhonestum est, ipsamq; naturam rationalem dedecet, similiter iudicatur seu apprehenditur vt tale, & proinde proponitur tanquâ fugiendum. Probatur Primum: quia origo & radix veritatis in actu intellectus est ex obiecto: veritas enim in actu intellectus non est aliud quàm conformitas cum obiecto; ergo etiam fundamentum totius rectitudinis in actu intellectus, ratione cuius est regula humanarum actionum debet esse ex obiecto: hæc enim rectitudo rationis nihil est aliud, quàm veritas quædâ, videlicet conformitas intellectus cum conuenientiâ aut disconuenientiâ obiecti operabilis in ordine ad naturam rationalem. Probatur Secundò: quia primū fundamentum, quare actio interior sit bona, est quia tendit in obiectum honestum, vt patet ex Ar. 1. huius Quæst. cõformitas enim cum ratione recta est quasi causa secundaria, ideo enim est conformis rectæ rationi, quia tendit in obiectum, quod naturæ rationali est conueniens, eamq; decet, & quod vt tale per intellectum proponitur. Rectitudo igitur rationis consistit in habitudine ad obiectum, quatenus ratio illud proponit, eo modo quo naturâ rationalem decet. Nihilominus quamvis sic obiectum sit fundamentum & origo bonitatis aut malitiæ nostrarum actionum, quatenus illud naturæ rationali consentaneum est vel dissentaneum, tam ratio est regula proxima earundem, prout ipsa illud tanquam tale proponit, eoque nomine amplectendum aut fugiendum dicitur.

8 Sed contrâ obijciatur: Iudiciū quod sibi formabat Iacob, ex quo accedebat ad Lyā, non erat conforme obiecto honesto, & tamen fuit rectū, quia erat conforme voluntati rectæ; ergo rectitudo rationis non est desumenda ex conformitate intellectus cū obiecto honesto, sed ex conformitate cum rectâ voluntate. Respõdetur, negando iu-

dicium illud non fuisse conforme obiecto honesto: iudicabat enim Iacob conueniens esse secundum rationem, se ad hanc hie & nunc accedere, quod iudiciū verum erat; posito enim illo errore intellectus inculpabili, quo putabat hanc esse vxorē suam, accessus iste respectu ipsius erat reuera honestus, decens videlicet hominem qui tali errore inculpabili laborans cum libero rationis iudicio operatur; quia potest aliquid esse honestum respectu alicuius positis in illo certis circumstantiis, quod simpliciter sine illis non est honestum.

9 Obijciatur Secundò: Obiectū dicitur honestū, quod est cõforme rationi rectæ tanquam suæ mensuræ, ergo ratio nō dicitur recta, quia sit conformis obiecto honesto: Probatur cõsequentiā: quia sic videtur committi circulus in reddendis causis rectitudinis rationis, & honestatis obiecti; deinde nihil potest tribuere rationem formalem illi, vnde formale rationē accipit; sic enim foret seipso prius & posterius; ergo &c. Respondetur, Honestatē obiecti loquendo à priori, non consistere in conformitate cū ratione rectâ, sed in conuenientiâ cum naturâ rationali; honestū enim est, quod decet suppositum naturæ rationalis, quatenus cum ratione operatur; decet, inquam, vel tanquam operatio vel tanquâ obiectum circa quod operatio eius versetur: sicut enim aliarum operationes conuenientes sunt homini vt homo est, aliarum autem brutis; ita etiā alia obiecta sunt conuenientia, in quibus versetur operatio hominis, & alia, in quibus versetur operatio bruti: sed quia nobis notior est recta ratio siue iudicium rectum, quàm conuenientia aut disconuenientia cuiusq; obiecti à parte rei cū natura rationali, propterea obiecti honestatē solemus magis explicare per conformitatem ad rationem rectam, quàm ad naturam rationalem. Rectitudo enim rationis est varijs notis quasi extrinsecis nobis innotescit, vt quia dictamen eius cõforme est legibus aut mandatis diuinis, vel humanis, Sapientū iudicio, bonorum communi æstimationi: hæc enim & similia notiora sunt, quàm natura ipsa verū, & demonstrant rationis rectitudinē; imò quando ratio diligenter expleuit officium suum debitum, & non deprehendit nisi decentiam & congruitatem obiecti cum naturâ rationali, tunc ipsum obiectum, quamvis nudè & simpliciter secundum se conueniens non sit, tamen cum ista circumstantia respectu talis personæ induit honestatem, sicuti suprà diximus de accessu Iacob ad Lyam. Et enim quia non potest humana mens ubique sine errore assequi, quid reuera sit naturæ rationali consentaneum, quid dis-

O senta-

sentaneum, quantumvis diligentiam debitam adhibeat, sit quòd illud omne censeatur consentaneum, quod post diligens examen tanquam tale per rationem proponitur: voluit enim Deus bonitatem derivari ad voluntatis actum proximè per propositionem intellectus, ut secundum facultatem intellectum teneatur suppositum rationale quidem diligenter inquirere de obiecti convenientiâ vel disconvenientiâ cum natura rationali, & de quacunque lege dirigente & obligante, & secundum potestiam appetitivam teneatur simpliciter se conformare iudicio, quo post diligens examen intellectus dicat hoc vel illud esse faciendum aut omittendum. Itaque recta ratio potest etiam suo modo dici mensura vel regula obiecti honesti, non tamen à priori, quasi ratio absolutè faciat obiectum honestum, sed à posteriori & respectu nostri, quatenus demonstrat & proponit nobis obiectum honestum, atque aliquando addit circumstantiam diligentis præmissi examinis & erroris inculpati, unde sit quod cohonestetur respectu talis personæ, sicuti iam explicuimus; alioquin à priori honestas & convenientia obiecti cum supposito rationali est mensura & regula rationis rectæ, ad quam proinde debet ratio attendere, quando voluntati proponit aliquid amplectendum aut fugiendum. Quare hæc duo non videntur distingui, rationem rectam esse regulam bonæ voluntatis, & rationem rectam proponere voluntati obiectum honestum: non enim dirigitur voluntas nec regulatur aliter à ratione, nisi quatenus intellectus voluntati, quæ ex se est cæca, proponit obiectum honestum tanquam amplectendum.

## ARTICVLVS IV.

*Verum bonitas voluntatis pendeat ex lege æternâ?*

12 **C**oncl. D. Th. est, quòd multò magis bonitas voluntatis nostræ dependeat à lege æternâ, quàm ab humana ratione, adeoque; ubi ratio humana deficit, oportere recurrere ad legem æternam. Vbi notandum, per legem æternâ hic intelligi dictamen æterni diuinæ mentis, quo Deus iudicat supposito naturæ rationalis esse hoc vel illud conveniens, & tanquam tale ab eo prosequendum, vel non esse conveniens, & proinde fugiendum; neque enim necessarium est, ut omne opus sit conforme alicui legi propriè dictæ, siue præcepto, ad hoc ut bonum sit, nam opera supererogationis sunt optima, & tamè non sunt in præcepto.

Probatur autem Concl. Primò: quia lex

æterna habet se per modum causæ primæ; ratio autem humana per modum causæ secundæ; & bonitas nostri actus per modum effectus: atqui certum est à causa primâ magis dependere effectum, quàm à secundâ; quia non operatur causa secunda, nisi in virtute primæ, sicuti non adurit ferrum, nisi virtute ignis. Probatur Secundò: quia lex æterna se habet per modum exemplaris respectu humanæ actionis: sicuti enim homo est ad imaginem Dei, ita etiam humana ratio, quæ recta est, habet se tanquam quædam similitudinem & imago legis ac rationis æternæ omnia dirigentis ac mouentis ad debitum finem: atqui manifestum est, si quippiam non possit esse rectum, nisi sit conforme imagini, illud etiâ non posse rectum esse, nisi sit conforme exemplari istius imaginis, imò magis spectari eius rectitudinē ex conformitate ad exemplar, quàm ad imaginem; ergo &c. Probatur Tertiò: quia bonitas eius, qui legi obtemperat, potius habet pro regula illam legem, quàm vocem præconis, qui eam publicat: atqui ratio humana solum est instar præconis legis æternæ, iuxta illud P sal. 4. *Multi dicunt, qui offendit nobis bona; signatus est super nos lumen vultus tui Domine, &c.*

14 Sed obijciatur: Etiam si nulla foret lex æterna, tamen malum esset meatiri, machari: & bonum, diligere proximum, dare eleemosynam, honorare parentes; ergo bonitas actionis non depēdet à lege æternâ. Probatur antecesser: quia proximum diligere, dare eleemosynam, parentes honorare, & similia non sunt bona, quia præcepta, sed potius præcepta tempore & loco quia bona; neque mentiri, machari, & similia sunt mala, quia prohibita, sed quia mala, ideo sunt prohibita. Respondetur Neg. Antec. Ad probationem autem dico, quamvis hæc non sint mala, quia prohibita, sed è contra prohibita, quia mala; & ista sint bona non quia præcepta, sed è contra: nihilominus priora esse mala, quia dissentanea legi æternæ, non autem dissentanea loquendo à priori, quia mala; & posteriora esse bona, quia consentanea legi æternæ non è contra loquendo ut dixi de causa à priori; neque eadem sunt, esse cōsentaneum legi æternæ & esse præceptum; diximus enim per legem æternâ non hic intelligi præceptum seu legem propriè dictam, sed æternum dictamen diuinæ mentis, quo ostenditur quales esse debeant actus suppositi rationalis; quod dictamen non imponit semper legē eos faciendi; præscribit tamè modum quo creatura rationalis operari debeat, quando operatur. In hoc itaque lex æterna tãquam 1. causa & 1. exemplar omnis naturæ rationalis creatæ, omnique actionis

actionis huic ut rationali convenientis, superat rationem intellectualem creatam, quod videlicet ratio creata regulatur proximè ex ordine ad obiectum convenientem cum naturâ rationali; non autem obiectum per se loquendo regulatur siue cohonestatur vel honesti rationem accipit ab ipsâ ratione si- cuti supra dictum fuit, sed legis æternæ mensura aut regula non est obiectum aliquod creatum, ipsiusque obiecti aliqua qualitas aut perfectio, sed ipsa lex est regula & mensura omnis perfectionis ipsius obiecti. quod sic declarari potest; quia ordo & convenientia alicuius obiecti cum natura rationali (in quâ consistit obiecti bonitas seu honestas) oritur ex conformitate ipsius ad legem æternam, sicuti disconvenientia ex obiecti difformitate ad illam: quemadmodum perfectio rei naturalis non est mensura Idææ in diuinâ mente existentis, sed è contra, Idææ est mensura ipsius rei naturalis, eiusque perfectionis, ut in tantum res naturalis sit perfecta & vera in quantum assimilatur Idææ, & imperfecta in quantum illi difformis est.

16 Quare sublata lege æternâ tanquam i. mensura & exemplari ex respectu ad quod exemplar omnis rationalis actio creata est perfecta aut imperfecta, tollitur consequenter omnis eius moralis perfectio, aut imperfectio; quia sublato fundamento & causâ convenientiæ aut disconvenientiæ, tolluntur necessarii ipsæ rationales convenientiæ aut disconvenientiæ; quemadmodum omnis perfectio & imperfectio effectus artis tolluntur, si ponamus nullum existere exemplar effectus, adeo ut quæ modo est statua: vel imago perfectissima & artificiosissima, si nullum eius ponatur esse exemplar, quod sit artis mensura (non dico exemplar quod sit certum aut determinatum individuum, sed saltem talis speciei quod in ea proportionem & figurâ habetur perfectum in ratione rerum naturalium aut conceptuum artificialium) necessarium omnino est quod intercidat & pereat illius statuae vel imaginis perfectio omnis artificialis, quæ consistit in assimilatione ad aliquod exemplar tanquam artis mensuram.

## ARTICVLVS V.

*Utrum voluntas discordans à ratione errante sit mala?*

17 **C**onclusio D. Th. est: Omnis voluntas discordans à ratione siue rectâ siue errante est mala. Vbi nomine rationis errantis intelligit eam, quæ indicat & proponit vel quod bonum aut indifferens est esse malum & fugiendum, vel quod non est

præceptum esse præceptum & amplectendum: alij enim errores ad præsens institutum non faciunt, nisi quatenus forsan ex illis sequitur istiusmodi error. Probatur autem conclusio, quia actus voluntatis accipit speciem ab obiecto non præcise semper secundum eam formam, quæ est à parte rei in seipso, sed secundum eam formam, quæ est in nostra apprehensione, ergo si obiectum in se bonum apprehendatur per rationem errantem tanquam malum & fugiendum & tamen voluntas acceptet, contrahet speciem mali, & si id quod in se malum est apprehendatur tanquam bonum & ut hic & nunc præceptum, & voluntas non acceptet, contrahet similiter malitiam omissionis.

## ARTICVLVS VI.

*Utrum voluntas concordans rationem erranti sit bona?*

**R**espondet D. Tho. duabus conclusionibus: prior est si ratio erret errore voluntario siue directè siue indirectè volito, eiusmodi ratio errans non excusat, quominus voluntas eiusmodi rationi concordans sit mala; ut si quis exercere velit usuram, quasi iudicat sibi licitas, talis voluntas licet rationi ita iudicanti in tali homine concordet, est nihilominus mala.

Concl. posterior est: voluntas concordans rationi erranti errore inculpabili non est mala. Fundamentum diuersitatis est, quod ignorantia, quæ aliquo modo est volita non causet inuoluntarium sed relinquit simpliciter voluntarium, verum ignorantia omnino inculpa, siue nullo modo volita causat inuoluntarium; & ideo hæc excusat, non illa. Quia verò D. Tho. dicit articulum præcedentem coincidere cum questione istâ, utrum conscientia errans obliget? & hunc articulum coincidere cum hac, utrum conscientia erronea excuset, hinc solent DD. multa disputare hoc loco de conscientia eiusque effectibus; quas sub dubijs aliquot promagiori claritate & ad vitandam confusionem ordine proponemus.

## DVBIVM I.

*Quid Conscientia sit?*

**H**enricus à Gandavo Quodlib. 1. q. 8. existimat Conscientiam pertinere ad voluntatem; & esse ipsius inclinationem ad bonum. Durandus in 2. distict. 39. q. 4. O ij

dicit Conscientiam includere duos habitus, vnum intellectus, & alterum voluntatis, qui seorsum carent nomine, sed utrumque simul vocetur Conscientia. Sed communis & vera sententia est, Conscientiam simpliciter ad intellectum pertinere. Ita docet D. Tho. hic art. 3. & 1. p. q. 79. ar. 12: & 13. Caiet. ibidem, Conradus, Medina, Malderus hic q. 19. a. 4. & 6. Bonavent. in 2. d. 39. Richardus ibidem & alij. Cæterum vt distinctius intelligatur quidnam sit, obseruandum est.

19 Nomen Conscientiæ non semper eodem modo accipi; aliquando enim sumitur pro Synderesi, quæ iuxta D. Thomam 1. p. q. 79. a. 12. est habitus quidam quo cognoscuntur principia operabilium naturaliter nota: quemadmodum intellectus est habitus quo cognoscuntur principia speculabilia per se nota. Ita nomine conscientiæ utitur D. Ieronimus in caput 1. Ezechielis, & D. Basilus in Cōment. in proverb. circa initium, quando conscientiam vocat naturale iudicatorium, item Damascenus, quando eam dicit esse lucem nostri intellectus. Similiter & Origenes in epistolam ad Rom. quando conscientiam definit, quod sit Spiritus corrector & pædagogus animæ sociatus, quo separatur a malis, & adheret bonis. Conueniunt autem conscientiæ in ea significatione propriissimè actus & proprietates, quæ à Sanctis Patribus & Scripturis solent conscientiæ attribui; cuiusmodi actus plures enumerat Gerson in Compendio Theologiæ. vt sunt accusare, remordere, reprehendere, excusare, instigare, testificari & similia. Proprietates autem quæ attribuantur, sunt huiusmodi: esse perturbata: Sapientiæ 17. *Semper præsumpsit sua, perturbata conscientia*; esse inquinatam, ad Titum c. 1. *Inquinata sunt eorum & mens & conscientia*; esse cauteriatam, 1. ad Tim. cap. 4. *Cauteriatam habentium suam conscientiam*, perturbatur enim synderesis, quando nimio affectu vitiorum, homo rapitur in omnis generis inhonestatem contra naturale lumen, quo cognoscit eiusmodi non esse committenda: coinquinatur, quando ex similibus affectibus quodammodo obscuratur; denique efficitur cauteriata, quando veluti extinguitur, vt amplius remordere aut obmurmurare nesciat; vnde docet D. Hier. sup. quod licet conscientiæ scintilla illa, quæ ad synderesim pertinet, nunquam totaliter extinguatur, tamen à nonnullis eam præcipitari, & locum suum amittere, apud illos videlicet qui cum in profundum venerint, contemunt & adeo frontem meretricis induunt vt nesciant erubescere.

20 Alio modo accipitur nomen Conscientiæ pro actu intellectus, & definiti potest esse iudicium actuale mentis, quo iudicamus opus aliquod nostrum esse bonum vel malum; præceptum aut non præceptum, prohibitum aut non prohibitum. Sic accipit D. Tho. hic a. 4. quando dicit Conscientiam esse quodammodo dictamen rationis, & 1. parte quæst. 79. artic. 13. quando dicit conscientiam esse, quandam applicationem scientiæ ad opus. Vnde actus ille est veluti conclusio syllogismi practici, cuius propositionem maiorem statuit synderesis, ex parte cuius non erratur: sed si in conclusione error sit, nascitur ex subsumptione. In hac autem significatione accipitur communiter à Scholasticis, quando de conscientia disputant, vtrum erronea liget vel excuset?

## DVBIVM II.

*Quidnā sit agere contra conscientiam, sine quid ad hoc requiratur?*

21 Respondetur vt quis contra conscientiam dicatur agere, non satis est iudicium aliquod habituale, quo videlicet habitualiter existimat opus aliquod esse sibi præceptum aut prohibitum, sed debet adesse iudicium actuale. Probatur, quia scientia non est conscientia nisi scientia sit applicata ad opus vt colligitur ex D. Thom. suprà: scientia autem habitualis non applicatur ad opus, nisi per actum, vt per se euident est; quia necessarium est actuale iudicium, quando habituale ad actum applicatur. Confirmatur, quia non apprehendimus nos contra conscientiam agere, nisi quando iudicamus nobis id non licere, quod agimus: non itaque ponit conscientia actui legem, nisi de præsentī iudicet hoc faciendum vel hoc omittendum; non peccatur autem, neque agitur contra conscientiam, nisi quando legem actui ponit, quod faciendus sit vel omittendus: quare vt contra conscientiam agere dicamur, non satis est, quod homo habitualiter ita dispositus sit, vt si rem cum maiori aduertentiâ inspiceret, esset iudicaturus eam esse omittendam, quam facit, vel esse faciendam, quam omittit.

22 Obseruandum tamen est, quod videatur hic posse sufficere præsentiam talis iudicii virtutalem, ita vt quamvis physicè præterierit, tamè moraliter sit & habeatur præsens, quia videlicet ex eo sic præterito, sed virtualiter præsentī voluntas adhuc moueri potest ad agendum vel omittendum,

dum, quod agendum vel omittendum est, neque enim est necesse, ad hoc ut quis ex dictamine conscientiæ agat, quoddam perpetuo & continuo actu dicat intellectus, hoc tibi faciendum est, vel hoc omittendum est. Quando igitur dictamen illud actu iam fuit, ita ut voluntas adhuc quasi resentiat illud dictamen, & tamen agit contra illud, tunc etiam contra conscientiam agere dicendus erit, ut recte docet Medina in hunc articulum. Neque verum est (ut quidam de eo videntur existimare) quod docuerit absolute & simpliciter quodcumque habituale iudicium sufficere, sed tantum agit de iudicio virtuali, cuius energia adhuc perseverat, unde moraliter præsens dici potest ipsa conscientia.

### DVBIVM III.

*Quæ sit peccatum agere contra conscientiam?*

23 **O**bservandum hic est vulgariter conscientiam dividi in duo membra, in bonam scilicet & in malam: sed à Scholasticis ut accuratius & distinctius rem explicent, dividi in plura membra, videlicet in conscientiam rectam, in erroneam, in dubiam, in probabilem & in scrupulosam.

Recta Conscientia est conclusio siue iudicium practicum sanum & verum de re moraliter operabili collectum seu formatum ex aliquo principio practico, & subsumpto vero. Ut quando ex hoc principio: Abstinendum est ab omni eo, quod lege naturali & divina est prohibitum, & ex illo subsumpto: atqui lege naturali & divina est prohibita blasphemia, quis colligit & format hoc iudicium, quod à blasphemia sibi sit abstinendum, erit iudicium hoc conscientia recta. Erronea vero est conclusio siue iudicium falsum circa rem moraliter operabilem ex aliquo principio practico & subsumpto falso, aut per vitiosam consequentiam, collectum & formatum.

Dubia est quædo ex principio practico & dubio aut suspensio subsumpto præmittit quis iudiciū de actione, aut saltem iudicat actionem esse dubij moris. Probabilis autem est iudicium de rei agendæ bonitate vel malitiâ nitens rationibus probabilibus cum formidine de opposito.

Denique scrupulosa erit, quando iudicium de re agendâ præpeditur aut infestatur dubio aliquo ex ore ex levi argumento, quod virum prudentem præpedire non debet in suis iudicijs circa res agendas vel omittendas. Differt itaque à probabili, quod in conscientia probabili, formido de

opposito solum afficiat iudicium quasi speculativum: v. g. vult quis inire contractum, qui probabiliter est licitus, tamen formido est speculativè loquendo, quoddam non sit licitus, & desuper ad contrahendum progreditur non formidando tamen quoddam sibi hic & nunc sit illicitus: nam securitatem, quod hic & nunc sibi licitus sit, parit sententia probabilis, quæ habet ipsum esse licitum, unde non dubitat, an hic actus sit sibi licitus, sed de eo certus est, qui ex conscientia probabili operatur: scrupulus autem infestat ultimum iudiciū, quod quis iudicat sibi hic & nunc illud licere. Quare & hoc bene notandum est, quando dicitur aliquod iudicium esse speculativè falsum vel dubium, & practicè verum aut certum, tunc fieri necessariò comparationē ad diversa obiecta: significatur enim iudiciū, quod speculativè falsum est, posse ratione suæ probabilitatis esse fundamentum alterius iudicii, quod practicum est & verum. v. g. Existimabat Iacob Liam esse Rachelem uxorem suam, iudicium illud speculativè falsum erat, practicè tamen dicitur fuisse verum, quasi in sensu casuali, quia erat fundamentum alterius iudicii practici veri, puta huius: Conueniens est me ad hanc mulierem accedere; quod iudiciū de illo obiecto cum istis circumstantijs considerato, speculativè quoque verum erat, quamvis alio sensu dicatur etiam speculativè falsum, quia semotà circumstantiâ bonæ fidei, quâ Iacob ex errore inculpabili existimabat hanc mulierem esse uxorem suam, falsum est hoc iudicium, Conuenit Iacob accedere ad hanc mulierem. Unde quia scientia speculativa per se non attendit ad circumstantias, quæ facti sunt, sicuti practica, hinc solet eiusmodi iudicium potius dici practicè verum quam speculativè, quia practica scientia considerat obiectum cum circumstantiâ, quam speculativa præterit, & per se non attendit: atque ita iudicia illa, quæ dicuntur speculativè falsa aut dubia, & practicè vera aut certa, semper habent diversa obiecta, aut si aliquo modo idem, saltem consideratum secundum diversa circumstantias.

His præmissis Respondeo & Dico Primo: Peccatum, quod fit contra conscientiam vel animi dubitationem, non contrahit ex eo peculiarem malitiam diversæ speciei, nisi fiat ad hoc ut conscientia vincatur & quasi extinguatur. Prior pars videtur esse contra Adrianum in 4. de confess. quæst. 4. ubi sic scribit: Circumstantia contra conscientiam aut contra dubium conscientie facit transgressionem distinctæ prohibitionis; unde insert semper exprimendâ esse in confessione, nisi Sacerdos per se

Q. iij. satis

satis eam aduerfat. Sed Conclusio nostra colligitur ex D. Thoma hic artic. 5. ad 3. ubi manifestè eam insinuat; & docetur ex professo à Nauarro cap. Considerat. de pœnitentia dist. 5. & sequitur Henriquez lib. 3. & plures alij.

Probatur itaque: quia est quædam generalis conditio communis omni peccato, quæ expressè vel implicite semper adheret, quemadmodum est agere contra præceptum & obedientiâ. Confirmatur: quia vt quis peccet, debet nosse legem, in quam peccet; requiritur ergo vt sciat, aut scire possit & debeat, illud sibi esse faciendum, quod omittit, vel omittendum, quod facit: vnde inferre alicui iniuriâ contra conscientiam, aut furari contra conscientiam, non est aliud quàm scienter admittere peccatum iniuriæ vel furti; igitur contra conscientiam agere est conditio generalis cuiusvis peccati, quæ inest aut inesse præsumitur, quia legis scientiam habere debebat, alioquin non peccaret; non constituit ergo distinctam malitiâ, sicuti agere contra obedientiam siue præceptum, quatenus hoc omni peccato commune est, non constituit distinctum peccatum siue culpam distinctam, & sicuti agere contra legis promulgationem (quæ in nostro casu per dictamen rationis fit) non est distinctum peccatum ab eo, quod fit contra legem.

Probatur pars posterior: quia tunc non solum agitur, quod conscientia dictat non agendum, sed est velle suffocare ipsum dictamen rectum & sese lumine rationis rectæ priuare, in quo est malitiâ specialis, quemadmodum & in eo, quod quis peccet contra præceptum, vt præceptum ac ipsum legislatorem contemnat, quia hoc est specialiter contra obedientiam & obseruantiam superioribus debitam.

26 Dico Secundò: Agere tamen contra expressum dictamen rationis rectæ est circumstantia aggravans; sicuti ignorantia est circumstantia minuens, & quemadmodum ignorantia inuincibilis efficit, vt omnino nullum sit peccatum, quod alioquin peccatum futurum erat, ita interdum conscientia erronea facit, vt sit peccatum, quod non erat futurum peccatum, vt si quis rem indifferentem faciat, quam tamen iudicet esse illicitam & peccatum.

Dico Tertiò: Peccatum commissum contra conscientiam habet speciem ex materia particulari, in quâ versatur aut versari existimatur vel ordine ad particulare præceptum, cui aduersatur aut aduersari putatur. V. G. Si quis existimet rem, quam aufert, non esse suam, cum tamen reuera ipsius sit, erit peccatum furti, quia putatur

in materia furti versari. Similiter si existimet esse contra obligationem voti id quod agit, erit peccatum sacrilegij; & sic in alijs. Ratio est, quia peccata accipiunt speciem ex obiecto siue actionis externæ siue voluntatis, secundum quod obiectum voluntati ab intellectu proponitur, quia secundum eam rationem voluntas in illud fertur: vnde non refert sitne hoc obiectum reuera malum, an verò vt malum apprehensum & propositum. Idè colligitur ex D. Th. hic art. 5. ad 3. ubi habet, quod dum aliquid apprehenditur vt malum, semper apprehendatur sub aliquâ ratione mali, puta, inquit, quia contrariatur diuino præcepto, vel quia est scandalum, vel propter aliquid huiusmodi, & tunc, ait, ad talem speciem malitiæ reducitur talis mala voluntas.

27 Sed contrà dicit aliquis: Fieri potest, vt quis aliquid velit contra conscientiam nec tamen apprehendat aliquam specialem rationem mali, vt si quis proponat malè agere in communi; ergò non videtur verum, quod affirmat D. Thomas, & consequenter non videtur quoque subsistere Conclusio. Respondetur D. Thomæ loqui de eo, qui aliquid exterius contra conscientiam agit: quamuis enim quis possit velle malum in genere, non tamen potest malum in genere operari; vnde operatione suam apprehendit sub aliqua particulari ratione mali, quando contra conscientiam operatur. Deinde etiam negatur posterior consequentia, quia talis volitio mali in genere, habebit quoque suam malitiâ ex obiecto in genere considerato, & non quidem genericam tantum, sed specificam, etiam si non pertineat ad aliquid nominatum vitium certæ speciei: sicuti suprâ diximus de affectu & voluntate erga honestum in genere, quod videlicet ab eo accipiant etiam specificam bonitatem, quemadmodum & Metaphysica ab ente abstractim considerato tanquam obiecto accipit certam speciem scientiæ.

28 Dicit aliquis Secundò: Peccamus interdum contra conscientiam, quæ dictat id quod agimus esse peccatum, sic tamen quod non cogitemus, an sit peccatū mortale, an veniale, sed tantum in genere esse peccatū. Respondetur in primis si quis dubitet actu, vtrum sit veniale an mortale id quod facit, & tamen faciat, erit peccatum mortale, quia si operans voluntariè, se exponit periculo peccati mortalis. Deinde si non occurrat talis dubitatio, sed tantum in genere putet quis esse malū quod agit, tunc vel conscientia errat vel non errat: si non erret, eò quod reuera opus sit malū, tunc iudicandum erit ex materia vel præcepto.

cepto, quale sit peccatum: si enim materia sit grauis, erit peccatum mortale; si autem materia sit leuis, erit veniale: si autem conscientia dictans esse peccatum, erret in eo, tunc videntur quidam vniuersaliter existimare tantum committi peccatum veniale. Ratio horum est, quia conscientia non proponit illud, nisi vñ malum in genere; ergo voluntas acceptans non contrahet nisi malitiam eam, quæ satis sit ad generalem rationem peccati; ergo solum peccati venialis, quia hæc sufficit ad rationem peccati; ex ipsâ verò materiâ, cum non sit mala nihil contrahet malitiâ. Quibus tamen non obstantibus videtur etiam illo modo posse peccari mortaliter, ut si materia sit grauis, in qua versatur actio, ita ut si prohibita foret, prout saltem in genere apprehenditur, hoc ipso quo apprehenditur ut mala in genere, foret sufficiens ad constituendum peccatum mortale: ut si quis apprehendat in genere se malè agere quando sumit ientaculum, quia in communi apprehendit tanquam nunc vitium, & tamen non sit ieiunium, poterit in eo committi peccatum mortale. Accedit quod ex modo sic operandi in materia grauiori exponant se periculo peccati mortalis.

#### DVBIVM IV.

*Verum voluntas concordans conscientia errantis aliquando sit bona.*

29

**R**espondetur: Si error conscientie sit culpabilis, voluntas concordans non potest esse bona; si autem error sit omnino inculpabilis, voluntas consentiens non erit mala. Vide dicta supra circa Artic. 6. ubi hæc D. Thom. expressè docet. Quibus addo, si error sit omnino inculpabilis, quod voluntas concordans non tantum non sit mala, sed etiam possit esse bona & laudabilis. Est Almaini Tract. 1. Moralium cap. 4. Azorij lib. 2. cap. 8. & aliorum. Probatur Primò: quia res quæque censetur bona aut mala homini prout bona aut mala remonstratur & proponitur per lumen rationis post debitum & diligens examen. Quando igitur inuincibiliter quis ignorat rei malitiam, eamque tanquam bonam proponit intellectus, voluntas sequens ductum huius prædicatoris sui bona erit, & consentanea quidem legi æternæ, quæ habet voluntati quo ad bonitatem vel malitiam & quo ad electionem vel fugam ita esse proponendum obiectum, sicuti post diligens & debitum examen ratio illud apprehendit se habere, ipsamque voluntatem, utpote ex se cæcam, debere

rationis directionem tanquam suam regulam sequi.

Dicit aliquis: Etiam qui ex errore culpabili existimat aliquid honestum, quod turpe est, & ex illâ opinione operatur, fertur in opus sub ratione honesti; ergo etiam huius voluntas mala non erit, sed bona esse poterit, sicuti eius qui operatur ex errore inculpabili. Responderetur, apparenter quidem talem, qui sic operatur, ferri in opus sub ratione honesti, sed reuera & prudenti æstimatione (quæ omnes humani actus metiens sunt) non censeri eum operari ex motu honesto, quia nemo prudens iudicabit actum illum cum eiusmodi circumstantiis esse honestum, æquidem respectu ipsius sic operantis: quare cum prudenter opus illud honestum iudicare non possit, licet hic imprudenter illud honestum apprehendat, consequitur quod non tam honestate operis, quam inordinato quodam appetitu, qui intellectum caligare facit, aut veritatem persequi non permittit, excitetur & moueatur ad sic operandum: secus res se habet, quando error est inuincibilis, quia quiuis cum tali errore prudenter iudicabit illud esse honestum, redditur enim tale respectu huius personæ propter circumstantiam eiusmodi erroris, ut ex supra dictis colligere est.

#### DVBIVM V.

*Verum conscientia erronea obliget.*

**V**ariis opinionibus & loquendi modis prætermisiss, Respondeo & dico, Primò: Conscientia erronea quidam dicat esse aliquid præceptum, etiam illud, quod est naturæ suæ malum, aut dicat aliquid esse prohibitum, etiam si naturæ suæ bonum sit, obligat hominem hæcenus ut contra eam facere non liceat, quamdiu illa perseuerat. Est communis doctrina: & quidem D. Thom. hic Artic. 5. dicit contrariam opinionem esse irrationabilem, & Adrianus amplius affirmat Quodlibeto 2. puncto 3. & dicit esse hæreticam. Probatur itaque Conclusio ex Scripturis: ad Rom. 14. *Scio & confido in Domino IESU quia nihil commune per ipsum nisi ei, qui existimat quid commune esse, illi commune est*, id est, sed tantum illi, qui existimat erroneam scilicet conscientiam quid commune esse, id est cibum aliquem immundum & prohibitum esse ex antiquo more, illi commune est, ita videlicet ut illi sit illicitum, perinde ac si à parte rei esset commune & immundum, ut exponit D. Th. in illum locum. Et infra: *Qui autem discernit, videlicet cibum à cibo tanquam immundum, si manducauerit damnatus est*.  
O iiiij videlicet

32

videlicet propter conscientiam erroneam, contra quam agit. Ita Interpretes passim omnes. Probat verò illud subiunctis verbis Apostolus, *Quia non ex fide, omne autem quod non est ex fide peccatum est*, inquit: ubi iuxta communionem Interpretum sensum, Origenes scilicet, Ambrosij, Oecumenij, Ansel. Chrysostomi, & aliorum per fidem intelligitur iudiciū seu persuasio conscientiz, & sic accipiendo fidem, astruit Apostolus in proprijs pænè terminis nostrā Conclusionem: D. August. autem & Prosper intelligunt sæpius locum illum de fide Christiana, vt inde doceant sine gratiâ Christi nihil hominem posse vtiliter operari ad æternam salutem: sed tamen applicando hic ad propositū Apostoli, sic explicare solent qui August. sequuntur, *Quia non ex fide*, id est quia non iuxta directionē fidei Christianæ, quæ docet omnem ciborum differentiam per Christum esse sublatam, sed erroneā conscientiā adhuc arbitantes cibos aliquos esse communes & prohibitos, nihilominus contra iudiciū suum manducant, *Omne autem quod non est ex fide peccatum est*, id est, peccatum esse ordinariè putandum est, quia scilicet absq; fide dirigente & adiuuante vix fieri solet opus ita omnibus numeris absolutū vt nulla adhzreat vitiosa circumstantia, atque ita iuxta hanc interpretationē, probatio Apostoli procedit quali à communiter accidentibus generaliter loquendo. In subiecta tamen materiā poterit dici efficax, quia postquā constaret iuxta legem Dei antiquis Patribus traditam, aliquos cibos esse immundos & prohibitos, non poterant illi prudenter formare contrarium iudiciū nisi ex fide Christianā, quæ docet nullum esse cibum communem, sed per Christum esse differentiam ciborum sublatam; ex quibus patet quod quocumque modo fides ibi accipitur, nihilominus ex tota illa doctrina & contextu Apostoli sufficienter & aperte conclusionem nostram probari. Pro qua etiam facit Capitulum Litteras, de restitutione spoliatorum, ubi Innocent. 3. generatim dicit, quidquid contra conscientiam sit, edificare ad gehennam & Capitulum, per tuas, de Simoniā, ubi Pontifex aperte indicat non licere contra conscientiam erroneam, antequam error deponatur, operari. Vide etiam Capitulum Inquisitioni de sententia excommunicationis & Capitulum omnes causa 28. quæst. 1.

33 Dico 2. conscientia vincibiliter errans non obligat hominem positivè ad hoc faciendum quod dicat esse præceptum, sed obligatur homo ad deponendum errorem & si res illicita sit, obligatur ad eam nō committendam: conscientia verò invincibiliter

errans obligat etiam positivè, id est vt teneatur quis facere quod ipsa dicat esse faciendum. Priorem partem indicat hic D. Thom. artic. 5. quando solum docet nos teneri non agere contra conscientiā, & clarius D. Bonavent. in 2. dist. 38. artic. 1. quæst. 3. Durandus ibidem quæst 5. & Conradus in hunc locum. Probatur ratione quia nullus obligari potest quocumque casu ad peccandum, atqui agere secundū conscientiam erroneam quando res est illicita & error culpabilis, est peccare, ergo non obligatur quis tunc ad sequendā eiusmodi conscientiam erroneam.

Sed contra obijcitur: Qui obligatur ne faciat contra conscientiam, videtur obligari vt faciat iuxta illam, & sic inutilis appareret illa distinctio obligationis positivæ & negativæ, v. g. si is, qui ex ignorantia vincibili iudicat sibi furandū esse, vt elemosynam det pauperi, non possit agere contra istam conscientiam, tenebitur consequenter facere secundum illam: non enim apparet medium aliud euadendi peccatum contra dicentem conscientiam, quā adimplendo quod dicat esse præceptum: deinde non videtur apprehensibile, quod quis peccet omittendo id quod dicat faciendū, nisi obligetur facere quod dicat.

34 Resp. Neg. Ass. & ratio est quia non simpliciter tenetur quis non facere contra id quod conscientia dicat, sed solum quamdiu conscientia talis perseverat: iam verò dicimus eum obligari vt conscientia illam deponat: vnde manifestum est quod nō teneatur simpliciter & absolute secundūeam operari cum ipso quo obligatur nō facere contra eam: quandoquidē enim duo sint modi euadendi, ne quis operetur contra conscientiam, quia quis v. g. errore culpabili iudicat sibi esse furandū, vnus videlicet si de facto furetur prout conscientia dicat illi esse faciendum, alter si conscientiam illam prout potest, deponat, dicimus quod non teneatur non facere contra conscientiam priori modo. videlicet adimplendo quod dicat, sed tantum modo posteriori videlicet illā deponēdo. Ex quibus etiā licet intelligere quomodo quis possit peccare omittendo quod conscientia dicat esse faciendum, quamvis non obligetur ad illud faciendum, imo obligetur non facere: vt enim peccet, satis est quod iudicet se obligari, cui iudicio sic stanti contraveniendo delinquit sicuti & obsequendo; quare vt peccatum euadat, necessarium est quod tale iudiciū vincibiliter erroneum deponat, neque enim vt omittendo peccet requiritur præter dictam conscientiam, præceptum affirmatiuum verè obligans, sed satis est quod ipse existimet esse



esse præceptum, quo obligetur, quia si tunc omittat, contemnit implicitè præceptum quo putat se ligari, vt colligi potest ex Apost. ad Gal. 5. *Testis est omni homini circumcisi*, quod deutor est vniuersæ legis faciendæ, non quidem ex re ipsa, sed ratione suæ opinionis, quia reputando circumcisiōē sibi necessariam, profitebatur se legis obligationem adhuc agnoscere & acceptare.

35 Petet aliquis vtrum etiam obligatio negatiua, quâ quis obligari dicitur vt non faciat contra conscientiam vincibiliter errantē proveniat solum ex præcepto, quod putatur obligare & tamen reuera non sit? Respondetur Negat. quia absolutum præceptum est quo iubemur non agere contra dictamen conscientiæ, quod etiam in illo casu verè obligat: ratio est quia voluntatis regula proxima est dictamen rationis, per quam omnis alia regula & qualitas obiecti ei proponitur & applicatur, quare ab eâ stante non potest voluntas recedere vt cōtra eam agat, alioquin cūm ex se sit cœca, indifferenter exponeret se homo periculis quorumcumque malorū, atque adeo manifestè condemnaret seipsum, dum amplectitur quod iudicat malū, vel omittit quod iudicat esse in præcepto.

Posterior pars conclusionis satis colligitur ex dictis Dub. præced. vbi ostendimus voluntatem concordantē cum ratione inuincibiliter errantē posse esse bonā & laudabilem quāvis aliās opus in se foret illicitum. quod si itaq; hic error abstergere possit operis malitiam respectu sic errantis, nullum restat impedimentum quo minus voluntas teneatur in operis executione se conformare isti conscientiæ quæ dicitur opus hoc esse in præcepto.

Sed contra obijci potest, obligatio non potest esse ad quid illicitum, atqui contingit quod conscientia inuincibiliter errans dicteret esse faciendum quod est secundum se illicitū, ergo non obligat positivè. Respondetur neminem obligari ad id quod formaliter illicitum est, posse tamen aliquem obligari ad id quod quidem absolute loquendo & secundum se illicitum est, sed non respectu huius personæ, quia videlicet huius respectu ob certas circumstantias licitum & honestum redditur, quamdiu illæ perseverant, & in potestate operantis non sit eas removere, cuiusmodi hic est error iste inuincibilis, quo iudicat se teneri ad hoc opus faciendum: vt supra dictum fuit.

36 Petet aliquis 1. vtrum tanta sit obligatio conscientiæ erroneæ vt etiam obliget non obstante in contrarium præcepto Prælati aut superioris.

Respondetur absolute & simpliciter

nunquam fieri potest vt contra propriam conscientiam non depoliam, quantumvis etiam vincibiliter erroneam operetur quis sine peccato, etiam si præceptum Prælati sit in contrarium. ita D. Thom. quæst. 17. de veritate artic. 5. & cōmuniter ab alijs tenetur; probatur autem quia implicat actionem aliquam esse contra præceptum siue verum & à parte rei, siue secundum existimationem agentis, quod voluntati debite est applicatum, & tamen eam non esse malam, cum igitur dictamen conscientiæ sufficienter applicet præceptū aliquod, ita vt qui contra dictamen agit, faciat contra præceptum verum aut secundum existimationem agentis, consequenter implicat aliquid fieri contra conscientiam & tamen esse actionem bonam. Dices potest fieri quod quis existimet se magis obligari præcepto superioris quam dictamine propriæ conscientiæ, quæ suggerit esse illicitum quod superior mandat, ergo qui tunc cōtra dictamen conscientiæ adimpleret mandatum superioris non peccabit.

Respondetur hoc ipso quo talis sic iudicat magis sibi obtemperandum superiori quam sequendum dictamē propriæ conscientiæ, iam practicè deponit conscientiam, quæ existimat hoc opus esse illicitum sibi, & sic non agit contra propriam conscientiam: quāvis enim materiam speculatiuè spectando iudicet eam illicitā, tamen practicè prout hic & nunc operatur iudicat eam sibi licitā propter superioris præceptum accedens: vltius addo quando conscientia inuincibiliter erronea nec deponitur, neque redditur vincibiliter erronea, tunc obligat subditum etiam positivè, vt videlicet iuxta eam operari teneatur contra præceptum Prælati cui ex eâ parte derogat; fundamentum idem est quod 2. partis conclusionis, v.g. si quis errore inuincibili iudicet esse euidens diuino mandato repugnare id quod Prælati mandat, tenebitur se conformare illi dictamini, non autem mandato superioris.

38 Sed obseruandum est, sæpius contingere quod superioris præcepto in contrariū accedente error inculpabilis efficiatur vincibilis & culpabilis; declaratur, quia fieri potest quod subditus errore inculpabili existimet quippiam esse illicitum ob diuersas rationes hoc ei persuadentes, quas inefficaces esse non potuit ipse advertere: nihilominus quando audit præceptum sui superioris, qui est vir bonus & intelligens, ipse tunc merito captiuare debeat intellectum sub autoritate Prælati & credere debeat non esse illicitum quod tale existimabat, quamuis rationes in contrarium non valeat dilucidè dissoluere nisi omnino foret

foret manifestum & notorium illud diuinis legibus contrariari, quod mandatur, scit enim aut scire debet religiosus licitum esse obedire Prelato in eo quod est certum non displicere Deo, vt docet S. Bernardus de præcepto & dispensatione: in illo itaq; casu non potest quidem agere contra conscientiam, sed tenetur eam, iuxta iam supra dicta, deponere.

39 Peret aliquis 2. vtrum sit peccatum grauius, an operari contra conscientiam vincibiliter erroneam, an eam sequi? Respond. neutrum vniuersaliter & perpetuo determinatè esse grauius altero, sed pro diuersitate materiæ & præcepti, quæ putantur interuenire aut interueniunt, modò vnũ, modò alterũ posse esse grauius peccatũ, potest n. contingere quod conscientia vincibili errore dicat omissionẽ alicuius operis esse graue malum & peccatũ mortale, ipsum verò opus sit peccatum sed veniale tantũ, quo in casu grauius peccabit, qui contra conscientiam erroneam omittit præstare opus, quã qui ipsum opus facit; ẽ contra verò potest contingere quod conscientia erronea dicat aliquid esse peccatum veniale cuius contrarium est peccatum graue & mortale, & eo casu minus peccabit qui secundum conscientiam illud opus exequitur, quam qui contra conscientiam operatur, v. g. si quis existimaret esse peccatum veniale non furari vt det huic pauperi elemosynam, peccabit grauius operando secundum conscientiã videlicet furando, quam peccaret omittendo furtum contra conscientiam. E contra si quis errore vincibili existimaret se lege charitatis obligari ad mendacium officiosum dicendum vt eo mediante saluet vitã proximi, quæ in certo periculo versatur, hic si contra conscientiam omittat dicere mendacium, peccabit grauius (quia contra charitatẽ in extremã necessitate proximi) quàm si iuxta erroneam conscientiam mentietur officiose. Vide Durand. in 2. dist. 39. q. 5.

40 Dices, qui ex errore culpabili iuxta conscientiam malè operatur, is agit contra legem aliquam vniuersalem & communem, qui verò malè agit quia operatur contra conscientiam propriam vincibiliter erroneam, is tantũ agit contra legem particularem & priuatam videlicet contra proprium dictamen conscientiæ, atqui grauius est præuicari eiusmodi legem vniuersalem & communem, quàm non sequi particularem & priuatam, ergò semper grauius est malè operari sequendo conscientiam vincibiliter erroneam, quàm contra eam agendo.

Respondetur, eum qui contra con-

scientiam operatur non tantũ præuicari particularem istam legem dictaminis conscientiæ sed etiam legem communem & vniuersalem, quæ licet à parte rei non sublit, tamen in operantis æstimatione & iudicio est, & sic non minus afficit ipsum operantem, quam si à parte rei esset, censeturque sic operans non minus negligere legem siue diuinã siue humanam, quàm si à parte rei eiusmodi lex esset, estque dictamen propriæ conscientiæ, non tam lex aliqua quam applicatio alicuius legis, quã existimat se obligari, qui ex conscientia erronea iudicat sibi prohibitum, quod fortassis à parte rei est illi præceptum.

## DVBIVM VI.

*Vtrum in operando possimus sequi opinionem probabilem relicta siue probabiliori siue etiam tutiori opposita?*

41 Notandum hic 1. non idem semper esse sequi opinionem tutiorem, & sequi opinionem probabiliorem, neque hæc semper se comitari: potest enim opinio probabilior esse minus tuta, vt v. g. potest opinio, quæ tenet talem, vel talem contractum, aut aliud opus esse licitum, esse magis probabilis, quam altera opposita, quæ docet esse illicitum: vbi tamen certum est, tutius fore in praxi agere iuxta sententiam minus probabilem & à tali contractu vel opere abstinere, in cuius omissione nihil periculi est: tunc igitur probabilior opinio simul est tutior, quando hæc tenet aliquid esse prohibitum aut illicitum, quia tunc erit tutius in actionibus sese illi conformare.

Notandum 2. quæstionem hic esse de actionibus moralibus, non autem de merè naturalibus aut physicis vel artificialibus, cum quibus moralitas non concurrat; & pròinde sermonem esse de opinionibus, quibus aliquid iudicatur honestũ vel turpe, licitum vel illicitum, præceptum vel non præceptum, prohibitum vel non prohibitum. Omissis autem sententiis DD. qui variè in hac materia loquuntur

42 Respondeo & dico 1. nullus in operando potest sequi opinionem, quam putat improbabilem, vel de cuius probabilitate dubitat, quando opposita docet contrarium esse præceptum aut prohibitum. Ita communiter tradunt DD. & probatur, quia qui iudicat aliquam opinionem nequidem probabilem esse, ipse iudicat eam falsam & carere veri similitudine, ac omni ratione & autoritate, ob quæ prudenter quis eam possit amplecti, & sequi; similiter qui dubitat de probabilitate, non tantũ dubitat

dubitat de veritate, sed etiam de omni ratione & autoritate sufficienti, ad hoc ut quis possit prudenter illi adhærere, ergo non potest iuxta eam prudenter operationes morales dirigere.

Addidi, quando opposita docet contrarium esse præceptum aut prohibitum; quia alioquin si tantum doceret contrarium simpliciter esse licitum, non verò præceptum vel prohibitum non peccaret, qui iuxta sententiam etiam improbabilem, quæ teneret non esse licitum, ab eo abstinere, quia in illo casu in cessatione ab opere nullum est peccatum; si tamen aliqua operandi occasio occurreret, non expe-leret tunc ex respectu ad sententiam improbabilem abstinere propter periculum incidendi in conscientiam scrupulosam, immo si cessatio vergeret in damnum incommodum proximi, quod querere teneatur, debet officium præstare.

43 Dico Secundò: Quando ex utrâque parte sunt opiniones probabiles, quarum altera sit probabilior, & altera minus probabilis sed tutior, possum sequi in actionibus meis probabiliorem minus tutam, reliquâ sententiâ minus probabili tutiori. Vbi nota eam vocari hic tutiorem, in qua nullum est periculum peccati, id est materialis operis peccati, quod culpæ rationem haberet, nisi aliunde excusaretur, vel si in utraque subsistat periculum, in qua saltem est periculum mali minoris, quam in alterâ. Conclusionem hanc docet Corduba l. 2. q. 3. ubi habet quod, quando opinio est probabilior quæ dicit aliquid non esse peccatum, quamvis opposita tutior sit, posse nos amplecti probabiliorē opinionem etiam minus tutam: Idem posteriori ratione tenent, qui citabuntur infra pro conclusi. 4. & indicat Nauarr. in Capitulū Si quis, de penitentia dist. 7. nu. 5. §. 1. & §. 2. quando docet eum peccare, qui leui ratione nec mixturæ considerat amplectitur partem minus tutam, idque propter leuitatem & temeritatem: non igitur peccabit iuxta Nauarr. si eam amplectatur ex grauioribus rationibus & bene perpenfis, ob quas ea pars iudicetur probabilior quam opposita. Et probatur, quia alioquin ut habet Corduba nisi id cōcedamus, nunquam poterit homo excusari propter ignorantiam aliquam prouenientem ex aliqua opinione probabili, nisi pars minus tuta sit absolute certa & citra controuersiam, quod videtur inconueniens & humanæ infirmitati, & obscuritati intellectus in rebus gerendis nimis onerosum: Confirmatur, quia in plerisque actionibus hærebit homo perplexus, cum passim in omni conuersatione occurrant plurima peragenda, quæ quidem iuxta probabilis-

simam aut probabiliorem sententiam sunt licita, ubi tamen aliqua possunt esse rationes vel autoritates, quæ contrarium etiam reddunt probabile: Si igitur non liceret sequi etiam probabiliorem sententiam, quando minus probabilis in contrarium esset tutior, ferè semper ab actionibus valde oportunis foret abstinendum.

Dico Tertiò: Si opiniones utrimque sint æquæ probabiles, potest quis sequi utramlibet: probatur, quia rationes subsunt & autoritates, ut prudenter quis possit utrius parti assentiri, & proinde etiam ut in operatione possit prudenter utramvis sequi, qui enim facit, quod secundum prudens iudicium est ipsi licitum facere, vel omittit, quod prudenti iudicio existimat licitum omittere, non est reprehensibilis & proinde in eo non delinquit.

Dico Quartò: Quando ex utraque parte sunt opiniones probabiles, quarum vna est probabilior & altera minus probabilis, possum in actionibus moralibus sequi minus probabilem modò verè & absolute probabilem sit, reliquâ probabiliori, non tantum quando minus probabilis tutior est, vel quando ab operante habetur uti probabilior; sed etiam quando est minus tuta & habetur ab operante tanquam minus probabilis. Ita docet hic art. 6. Medina contra Cordubam sup. & cum eo Francis. à Victoria in summa de Sacramentis, Nauarr. sup. & c. 27. in manuali n. 286. & 288. Azorius Tomo 1. l. 2. c. 12. & c. 16. Sanches Tom. 1. de matrimonio l. 2. disput. 4. t. n. 9. Vasquez disp. 62. cap. 4. & alij plures: Cuius tamen posteriorem partem sic intellige, quod videlicet possit quis sequi minus probabilem recentē opinionem propriâ de parte oppositâ tanquam probabiliori, propter principia quasi intrinseca, id est per causas vel effectus, aut absurda & incommoda, ad quæ videntur deducti, qui aliud sentiunt, ita tamen ut saltem ob principia extrinseca, videlicet propter auctoritatem eorum, qui contrarium sustinent, & habentur viri boni & docti, iudicet illam partem quoque esse verè probabilem & sic formet sibi conscientiam, quâ iudicet sibi licitum esse sic operari.

Probitur nunc conclusio: quia sicuti hoc ipso, quo opinio aliqua est verè probabilis, potest quis absque notâ aliquâ ei assentiri, eamque sustinere & defendere, sic quoque si moralis practica sit circa honestatem actum versans, potest bona conscientia iuxta eam sese in actionibus moralibus dirigere & operari; quem admodum enim circa præcedentem concl. diximus, non est arguendus, qui facit quod prudenti ratione iudicat honestum & licitum;

tum; atqui ex opinione verè & absolute probabili potest formari eiusmodi prudens iudicium, ergò &c. Confirmatur, quia si quid obstarèt, vel esset quoddam talis non sequatur probabilissimum quod nouit, vel quoddam non sequatur tutissimum, aut tutiorè agendi modum, vel quoddam non sequatur opinionem propriam, ex eaque non formet conscientiam, aut denique quod possit videri contra propriam conscientiam operari; atqui nihil horum obstat: non primum, quia necessarium non est semper sequi probabilissimum; sicuti neque necessarium est semper facere optima quæque: denique falsa sæpe sunt probabiliora veris, & quod vnus habet vt probabilius, alter iudicat minus probabile: item contingit quod opinio probabilior sit falsa, & minus probabilis vera, quare rationi consonum non fuit, quoddam homo obligaretur semper sequi quod probabilius apparet, sed ad prudentiam sufficit, quod in operationibus suis sequatur sententiam verè probabilem.

46 Non obstat quoque secundum, quia possumus bene sequi opinionem probabiliorè omisâ viâ tutiori, vel etiâ certâ, vt Corduba quoque docet: quando enim probabilior sententia tenet aliquid esse licitum, possumus illud iuxta Cordubam facere, quâuis minus probabilis sententia teneret esse illicitum, cui proinde tutius inhæreamus in nostris operationibus, ergò similiter possumus sequi opinionem verè probabilem omisâ tutiori & probabiliori: est enim vtriusque eadem ratio. Declaratur, quia si hic aliquid diuersitatis occurreret, id foret, quia in nostro casu videremur temerè nos exponere periculo, quando possumus illud omnino euitare; atqui non agimus temerè, quia non potest argui temeritatis, qui ex rationibus verè probabilibus procedit; nisi fortassis idèò dicant temerè, quia non securissimo modo se gerit quis quod potest, atqui ad hoc non tenetur vt euitet temeritatem: nam alioqui non liceret quoque operari iuxta probabiliorè aut probabilissimam sententiam, quando minus probabilis esset tutior, cuius tamen contrarium etiâ alij docent, vt dictum est.

47 Non impedit etiâ tertium, quia necessarium non est, neque semper expedit in rebus gerendis sequi magis iudicium proprium, quam aliorum: id enim sæpius temeritatis est, aut præsumptionis. vnde monet Sapiens Prou. 3. *Ne imitaris prudentia tua & ne sis sapiens apud te ipsum.* Nec denique obstat quartum, quia vt circa conclusionis expositionem indicauimus, necessarium non est, vt qui oppositam partem iudicat probabiliorè, id idcirco con-

tra distamen propriæ conscientie opereatur, qui in actionibus suis sequitur partem minus probabilem: potest enim per principia extrinseca, & propter aliorum auctoritatem non obstante propriâ opinione de maiori probabilitate alterius partis, habere fixum & determinatum iudicium conscientie, quo censeat illam partem esse etiâ verè probabilem, & proinde sibi licitum esse in actionibus eam sequi, tunc itaque operabitur secundum propriam conscientiam, quamuis eam non formet ex propriâ scientiâ, quam habet ex rerum quæsi principijs sed ex scientiâ & auctoritate aliorum.

Probatur Secundò: quia certum est si Prælatus mander aliquid subdito, quod iuxta sententiam probabilem est licitum, quamuis opinio probabilior, cui subditus assentitur, teneat contrarium videlicet illicitum esse, posse tamen subditum illi obtemperare, vt etiâ alij ad conclusionem nostrâ aduersantur, admittunt, imò debere obtemperare, ergò licet deponere conscientiam, quam quis formauit aut formaret ex propriâ scientiâ speculatiuâ, & formare sibi conscientiam ex sententiâ aliorum, quam ob eorum auctoritatem & rationes habet etiâ verè probabilem, & iuxta eam iudicare sibi licitum esse hoc vel illo modo operari. Si autem id facere possit in casu mandati Superioris, cur non etiâ ob aliorum auctoritatem, nam solum præceptum non potest facere hoc subdito licitum, sed probabilis opinio, quæ pro Superioris mandato stat.

48 Dico 5. Interdum contingit, quod in operando teneamur sequi sententiam probabilem prætermisâ probabiliori aut æquè probabili, quamuis etiâ hæc per se loquendo esset tutior semotis omnibus extrinsecis. Ratio est, quia potest contingere, quod aliunde aliud simul urgeat præceptum, cui tenemur satisfacere, quantum sine peccato possumus; quando igitur sequendo sententiâ probabilem omisâ probabiliori possumus ei satisfacere, tenemur id præstare, & sententiam probabilem sequi; quia vt suprâ dictum fuit, possumus licitè & sine peccato eam sequi, quamuis ex se etiâ minus tuta esset. Declaratur exemplis, ac imprimis in casu suprâ posito, quando prælatus mandat suo religioso, id quod secundum sententiam probabilem est licitum, quamuis iuxta probabiliorè non sit licitum. Alterum exemplum allegatur: v. g. probabile est eum qui ostendit signa contritionis in extremis posse absolui & capacem esse Sacramenti: contrarium est etiâ probabile, & secundum aliquos probabilius; tenebitur tamen quis in praxi sequi priorem opinionem,

nionem, quamvis speculatiue teneat potestriorem; quia hic concurrunt lex charitatis, quâ quisque tenetur succurrere proximo in tali necessitate, quantum in ipso est, & sine peccato potest; cum ergo possit sine peccato ei impendere absolutionem, quæ verisimiliter est efficax, obligatur id præstare.

Aliud exemplum ponitur: Audiuit Sacerdos confessionem alicuius, qui non vult omittere v.g. aliquod genus contractuum, quod ex probabilis sententia tenet esse licitum, quamvis oppositum sit probabilius, cui parti sacerdos adhæret, in eo tamen casu non solum potest, sed etiam tenetur eum absolueré. Ratio est, quia hic poenitens non habet impedimentum absolutionis, cum sine peccato possit illud genus contractuum frequentare inhærendo sententiæ probabilis, quæ dicit esse licitum: quando autem quis audiuit confessionem, tunc ex officio obligatur poenitentem non impeditum absolueré. Quare ne sacerdos contra officium suum peccet, cuius obligatio hic concurrat, tenetur conscientiam formare iuxta sententiam poenitentis, & iudicare illum non impeditum, & sic absolueré. Quod si tamen confessionem non audiuiſſet, & sciret poenitentem sequi aliam sententiam, nec velle ab eâ recedere, posset tunc ad parochum remittere; parochus verò quia ex iustitiâ tenetur audire, non potest eum reijcere, etiamsi nolit sententiam parochi sequi, modò eius sententia probabilis sit, quod de parcho omnes passim admittunt, quamvis de alio sacerdote, etiamsi confessionem audierit, negent ipsum ad hoc obligari, de quo videre licet Dominicum Soto in 4. dist. 18. quæst. 2. artic. 5. ad 5. Sed contra dicta, ac potissimum contra Conclusionem quartam

49 Obijciunt: Iuxta Regulam Iuris, In dubijs pars tutior est eligenda: quando igitur utrimque sunt sententiæ probabiles, non licebit sequi partem minus probabilem, saltem quando hæc minus est tuta. Confirmatur Primò, quia certum est, Sacerdotem non posse in Sacramentorum administratione sequi sententiam probabilem de valore siue integritate aut effectu eorum, imò nequidem probabiliorem aut probabilissimam, relicto medijs certis, ut omnes passim fatentur, nisi in necessitate, quando certa haberi aut adhiberi non possunt. Confirmatur Secundò, quia similiter certum est, non posse Doctorem medicum adhibere medicamentum, quod iuxta probabilem sententiam conducit infirmo, quando habet, quod certò aut multò probabilius curabit. Tertiò, quia Iu-

dex quoque in dicendo ius, non potest sententiam ferre pro eo, cuius ius est minus probabile, contra eum, cuius ius est magis probabile. Quartò, quia qui interfuit homicidio, & dubitatur, an ipse vulnerabile infixisset, quamvis probabiliter existimet se non infixisse, tamen debet se pro irregulari gerere, ut colligitur ex Cap. Ad audientiam. De homicidio, item ex Cap. Significasti 1. & 2. Quintò, Coniunx, qui dubitat de firmitate matrimonij sui, quamdiu sublatum dubium eius non est, quamvis poeniti debitum reddere, tamen exigere non potest, ut patet ex Cap. Dominis, De secundis nuptijs & Cap. Inquisitioni, De sententiâ excommunicationis; ergo &c.

Respondetur, Regulâ illam Iuris cum certo moderamine esse intelligendam; ac imprimis locum suum habere in dubijs, ubi pro altera parte non sunt rationes sufficientes, vel authoritates, quibus efficiatur verè probabilis, ita ut iuxta eam possit formari prudens iudicium, quo existimetur licere sic agere. Neque enim sufficit ad rectè operandum, quòd nesciatur actio esse illicita, sed oportet scire saltem probabiliter esse licitam, cuiusmodi scientiam in Conclusionem præsupponimus. Deinde etiam habere locum, quando malum, quod subesse timetur ex alterâ parte, est tale, ut ipsum per probabilitatem sententiæ, quæ sustinet non subesse, non tollatur vel abstergatur; non item, quando ipsa probabilitas partis, quæ minus tuta dicitur, facit eam partem securam, atque adeò malum, quod possit subesse, abstergit aut tollit, ita ut si quod remaneat, illud non sit malum formale, sed materiale tantum, ut contingit in opinionibus, quæ versantur circa honestatem aut turpitudinem operis, anlicitum sit vel illicitum: quia quod prudenti iudicio ab intellectu proponitur tanquam honestum & licitum, etiamsi à parte rei & secundum speculatiuum veritatem tale non esset, tamen licitè potest voluntas illud amplecti: talisque voluntas, bona & honesta; non mala vel turpis habetur: De huiusmodi autem opinionibus, quæ proximè versantur circa rem vel actionem, de quâ quaeritur, an sit licita vel illicita, præcepta vel non præcepta, prohibita vel non prohibita, loquitur Conclusio suprà posita, ut ab initio prænotauimus, in quibus ipsa probabilitas facit partem securam, & defectum abstergit, si quis aliàs subesset, ut ex antedictis in præcedentibus quæstionibus manifestius euadit.

P Adil.

51 Ad illud igitur, quod primo loco adducitur in confirmationem, Respondetur, id non aduerfari Conclusioni nostræ, quia non ponitur versari in opinionibus, vtrum extra casum necessitatis in sacramentorum administratione licitum sit vti materiâ aut formâ, quæ probabiliter sufficiunt, siue probabiliter veræ materiæ aut formæ rationem habent, ita tamen vt de illis non certò constet: conformiter enim ab omnibus docetur id non licere extra casum necessitatis; neque oppositum habetur probabile, sed tantum ponitur versari in opinionibus, vtrum per eiusmodi materiam aut formam, Sacramentum validè conficiatur: vbi non licet idcirco in praxi tentare sacramenti administrationem secundum opinionem, quæ probabiliter sustinet validum sacramentum confici, quia illa opinionis probabilitas non potest supplere defectum materiæ vel formæ, si aliquis à parte rei subesset: non enim penderet à prudenti æstimatione validitas sacramenti, sicuti ab eâ pendere potest actionis moralis honestas; sed validitas penderet à causæ veritate, sicuti aliæ res physicæ vel artificiales à suis materijs & formis. Ideoque quando certa materia & certa forma haberi & adhiberi possunt, omnes iudicant & docent non licere tunc adhibere materiam aut formam probabilem tantum, quia sine necessitate & iusta causâ exponeres proximum periculo, quod sacramento eiusque effectibus & fructibus frustraretur.

52 Dicit aliquis: Attritio cognita à penitente vt talis, & non existimata contritio; est materia tantum probabiliter sufficiens ad sacramentum penitentiae, vbi tamen contritio est materia certa, & nihilominus boni etiam sacerdotes sine difficultate & scrupulo super eiusmodi attritione impendere solent formam absolutionis; ergo &c. Respondetur in primis, hoc non facere contra præsentem nostram Conclusionem; sed cõtra doctrinam communem, quæ habet, non licere dubijs materiâ vel formâ vti in sacramentis, quâdò certa haberi possunt; quæ disputatio non est huius loci. Addo tamen iam post Concilium Tridentinum videri plusquam probabile, quod eiusmodi attritio sufficiat. Sed vt oppositum etiam sit probabile, Responderi potest idcirco potuisse ac posse sacerdotes super tali attritione absoluerè penitentem, quia ipse penitens, qui sacramentum petit & suscipit, est qui materiam huius sacramenti debet subministrare; & proinde cum ex parte eius accidat, quod materia adhibeatur probabilis tantum & non certissima, non est sacer-

dos, qui faciat ei præiudicium, vel exponat eum periculo carendi sacramento eiusque effectu, sed ipse sibi causat, si aliquid periculi subit, præsertim cum non sit in potestate sacerdotis materiam certiore adhibere, quandoquidem ipse non possit affectus penitentis pro sua voluntate immutare. Vnde etiam confirmari potest, quod ratio, quare non liceat in sacramentis vti materiâ probabilis tantum, quando certa haberi potest, non sit ex parte sacerdotis tam periculum irreuerentiæ in sacramentum (quæ videtur abstergi, quando prudenter existimatur esse materia conueniens) quàm periculum & damnum proximi. Vide Vasquez hic tomo 1. disp. 63. cap. 3. Vnde neque penitens, inquit, hic peccat, qui cum attritione solâ cognita tali petit sacramentum penitentiae, quia prudenter potest iudicare esse sufficientem & idoneam materiam iuxta probabilissimam sententiam; eo potissimum accedente quod contritio sit actus valde arduus, neque ab hominibus imperfectis ita facillè haberi & elici queat, quare & humana infirmitas simul excusat. Merito tamen debet de eo tristari, quod non perfectius doleat; & adniti maxime in periculo mortis ad contritionem perfectam, eoque debet quoque sacerdos penitentem cohortari & iuuare; nam alioqui, quando æquè facillè materia certa adhiberi posset ac probabilis tantum, non existimarem extra culpam esse, qui vel in tali casu suscipere vellet, vel administrare in materia probabilis, relicta certâ, quamvis id fieret de consensu suscipientis; non enim videtur quomodo actus ille ab aliquo contemptu aut vilipendio sacramenti excusari posset.

54 Ex his facillè erit Respondere ad id, quod secundo loco adducitur, quia licet in scientia medicâ probabile sit eiusmodi medicamentum posse curare infirmum vel non nociturum infirmo, non tamen probabile est licere medico vti eiusmodi medicamento, quando aliud nouit, quod certò & sine periculo noxæ curabit. fundamentum huius ex dictis potest colligi, quia illa probabilitas opinionis apud medicos non supplet inefficaciam medicamenti, aut si timeatur roxa, non aufert nocendi periculum, sicuti opinio probabilis, quâ iudicatur de honestate actionis, potest eam addere & culpam abstergere, si quæ fortassis alioquin subesset.

55 Similiter Respondetur ad id, quod tertio loco allegatur, videlicet quod si versaretur difficultas & opinionum probabilitatis varietas in hoc, vtrum Iudex in hac causa possit

possit iudicare licitè hoc vel illo modo, tunc posset sequi etiam opinionem probabilem, quæ sustineret licitum esse Iudici in tali casu ita iudicare; sed quando diuersitas opinionum est circa ius litigantium, non potest tunc adiudicare illi, cuius ius habetur probabile quidem, sed minus probabile, quàm ius alterius; quia non est probabilis opinio quòd in tali casu possit Iudex ita iudicare, sed communis sententiâ habet, quod teneatur Iudex ei adiudicare, cuius ius iuxta eius opinionem est probabilius: Ratio est, quia cum sit Iudex constitutus, hoc ipso committitur eius iudicio causarum definitio, prout illi magis videtur legibus & rationi consentaneum. Non tamen negatur, quin prudens Iudex possit, imò aliquando debeat pro causæ gravitate, quam fortassis non satis penetrat, consulere alios peritos, ita tamen ut illis auditis & ab ijs instructione acceptâ, definiat pro illo, cuius ius omnibus pensatis æstimat probabilius: nisi forsitan ipse in eo haberet opinionem singularem, quæ aduersaretur sententiæ communiter apud DD. & in praxi receptæ, tunc enim videtur quòd possit, imò quòd securius iudicabit, si iudicet iuxta communem & receptam sententiâ in illis causis, quàm si sequatur propriam opinionem singularem, etiam si illam apprehendat tanquam probabilior, potissimum si Iudex sit subalternus, quia iuxta suam opinionem iudicando non multum proderit parti, pro quâ iudicat, nam per appellationem quasi certo reformabitur, si ius alterius ex communi & receptâ sententiâ in praxi sit melius & probabilius. Quando autem ius vtriusq; litigantium videtur Iudici æquè probabile, tunc poterit sequi vtramlibet opinionem, nec erit apertum scelus ait Dominicus Soto lib. 3. de Iustitiâ & Iure quæst. 6. artic. 5. ad 4. modò vnâ modò alteram sic amplecti, quod tamen ait vix posse canere scandalo. Debebit tamen in eiusmodi casu Iudex quoque attendere ad alias regulas Iuris, quæ disponunt, quòd in dubijs melior sit conditio possidentis, & in dubio sit fauendum reo; quæ maximè locum habent, quando cætera omnia sunt paria, & potissimum posterior, quâdo agitur de condemnatione, quâ quis multandus sit vitâ, membris, patriâ, vel bonis fortune. Sed de his alibi ex professo disputari solet.

Ad id, quod quarto loco allegatur, Respondetur in illo & similibus esse obseruandam regulam traditam à Nauarro in Cap. Si quis autem, De pœnitentiâ Dist. 7. nu. 40. & 41. videlicet quod tutior pars sit amplectenda in casibus, quibus id fa-

ciendum esse iura specialiter disponunt. Quare cum Canones constituerint, quòd in tali dubio debeat quis se pro irregulari gerere, omnino faciendum est secundum iuris dispositionem. Merito autem Ecclesia prohibere potuit ijs, quorum habilitas est dubia, præsertim ratione delicti, ne ad ordines vel ad ordinum exercitium sese ingerant, propter reuerentiam, quæ sacramentis & sacris ministerijs debetur.

Dicit aliquis: Pontifices Capitulis citatis non videntur aliquod nouum Ius posituum condere, sed tantum declarare Ius quasi naturale, quod in talibus occurrentijs est obseruandum; quia pro ratione sui responsi allegant, quod in dubijs semitam debeamus eligere tutiorem. Respondetur, Pontifices quidem propriè non condere nouum Ius, saltem ex intentione, sed ad casus propositos dare responsa, quæ dici possint obtinere rationem cuiusdam ordinationis positivæ; non autem declarare tantum, quid per se & ex iuribus positus quasi naturali ratione fieri debeat. Quod ex eo colligi potest, quod in Cap. Ad audientiam, dicat Pontifex conuenire, ut iniungatur tali presbytero, ut in sacris Ordinibus non ministret: Neq; tamen impediatur aut impeditus declaratur ministrare in minoribus. Similiter quòd in Cap. Significasti 1. mandet quatenus ad cautelam iniungatur pœnitentia competens, quodq; eâ peractâ non debeat impediri, quòd minus in susceptis Ordinibus ministret, & ad maiores valeat promoueri. Illud ergò motiuum potest dici ab eis allegari non tanquam generale præceptum, sed vt generale consilium, quodq; contineat rationem congruentiæ, quare respondeant, & ordinent in eiusmodi casibus, illos sic debere se gerere: quia per illud ostenditur æquum & congruum esse ita fieri. Vnde Pontifices sic faciendū esse meritò resoluerunt; non autem quia per se absolutè sit necessariū, quod semper in dubijs vtrinq; probabilibus quis sequatur partem tutiorem: quando enim sententia probabilior tenet aliquid esse licitum, quamuis non sit omnino extra omnē disputationē probabilem, tunc saltem ut omnes pœnè fatentur, iuxta eam operari licet.

Ad id, quod quinto loco allegatur, dici potest similiter illis casibus, esse seruandam regulam Nauarri: quandoquidē enim sic Pontifices expresse resoluunt, quòd dū non ex scrupulo tantum, qui ad sententiam pastoris possit deponi, sed ex probabili opinione quis dubitat de veritate matrimonij sui, nō debeat tūc debitū postulare, sed reddere tantum, hoc ita in praxi iuxta Pontific. responsum videtur esse seruandū. Si n.

P. ij aliquis

aliquis vel aliqua de morte prioris coniugis adhuc existimat dubitandum, habet Cap. Dominus (videlicet dubitatione seu credulitate probabili & discretâ, vt dicitur Cap. Inquisitioni tuæ) ei, quæ sibi nuplit, debitum non denegat postulanti: quod à se tamen nonerit nullatenus exigendum. Car autem stante illo dubio Pontifex potius dicat esse reddendum, quàm permittat postulari, cum in redditione non minus subfit periculû fornicationis quàm in exactione, diuersi diuersas assignant rationes: quibus solidior videtur hæc, quia scilicet potest abstinere à petitione sine cuiusquam iniuriâ, sed in negatione quando alter in bona fide versatur, subest periculum iniustitiæ, quod grauius est quàm periculum fornicationis. Indicat illud Pontifex Cap. citato, Inquisitioni tuæ, quando huius partis rationem dat, Ne contra legem coniugij committat offensam. Inter duo autem mala, quando vtrumque vitari non potest, tunc eligendum est minus, vt docet D. Gregorius lib. 32. Moral. cap. 20. & Concilium Tolet. Cap. Relatum, Dist. 13. vbi sic habetur: Duo mala licet sint omnino tuitissimè præcauenda, tamen si periculi metus ex his vnum perperare cōpulerit, id debemus resoluerè, quod minori nexu noscitur obligare. Vbi tamen Notandum est, quando de duobus agitur & certò cognoscitur vtrumque esse peccatum, tunc nullo metu alterutrum esse faciendum, si vtrumque possit cauere: sed quando dubitatur tam de opere, quàm de operis omissione, an sit peccatum, tunc esse eligendum minus: quia medium nullum datur.

59 Et quidem iam dicta sufficiunt pro explicatione vtriusque Capituli, quatenus facere possunt contra Conclusiones suprà positas, præsertim cum Pontifices in illis non allegent pro fundamento vel motiuo, quod in dubijs pars tutior sit eligenda. Esto, quod interim disputetur inter Scholasticos, Vtrum reuera ille, qui post diligens examen manet speculatiuè dubius de validitate matrimonij sui, habens vtrumque argumenta probabilia, non possit quoque debitum petere, formando scilicet iudicium practicum, sibi licitum esse petere debitum à tali personâ tanquam suâ, quam argumenta verè probabilia arguunt eius esse coniugem & cum quâ fide bonâ contraxit, licet alia argumenta probabilia militent in contrarium, accedente eo quod melior sit conditio possidentis. In quâ disputatione pars Negatiua tenetur passim à pluribus, propter Capit. allegata, vbi Pontifices clarè videntur ita respondere. Nihilominus D. Soto in 4. Dist. 27. quæst. 1.

art. 3. Item lib. 4. de Iure & Iustitiâ quæst. 5. art. 4. in fine, Menriquez lib. 12. c. 6. n. 7. Malder. hic disp. 87. & Sanchez lib. 2. disp. 41. cum alijs, quos citat, defendunt partem affirmatiuam, quam etiam Sanchez dicit esse probabiliorè. Respondet autem Soto ad Capitula, sic ea esse moderanda, vt quamdiu coniux est prudenter dubius de matrimonio, sed examen nondum fecit, reddat quidem debitum propter ius, quod alter habet in ipsum; non tamen petat, quouque explorandæ veritati diligentiam adhibeat, si tamen illâ satis adhibita dubietatem sibi non potest abstergere, crediderim (inquit) sub peritorum censurâ, quòd non interdicitur quò minus etiam petat, postquam possessionem habet. Quam responsionem probat Sanchez, & addit: Quamuis ius non distinguat, ratio tamen distinguere cogit, ne bonæ fidei possessor cogatur ob dubium inuincibile ab usu rei suæ in perpetuū abstinere. Quæ tamen responsio nõ omnibus satisfacit, præsertim cum Cap. Inquisitioni tuæ, agatur de dubio, quod ad consilium Pastoris deponi non potuit, & vbi conscientia ex credulitate probabili & discretâ animum pulsat: quæ indicant Pontificem loqui etiam de casu dubij, quod remanet post diligentem inquisitionem adhibitam. Quare qui parti affirmatiuæ vellet adhærere, posset forsitan magis ad rem, & plenius ad dicta Capitula respondere: Ad primum quidem, quod ibi sermo fit de ijs, qui antequam certū essent de morte coniugis, contraxerant nouum matrimonium, quodq; talibus Pontifex inhiibere ne debitum petant, quamdiu de morte prioris certi non fuerint, idq; meritò quasi in poenam propter ipsorum temeritatem, qui bonæ fidei non videntur fuisse possessores: quod proinde alios non concernit, vbi dubiū superuenit matrimonio bonâ fide, & sine dubitatione alicuius impediementi contracto. Ad alterū verò, quòd Pontifex ibi respondeat illum, qui de veritate matrimonij dubitat, debitum petere non posse, propter scilicet suppositionem quâ facit Pontifex, quod nimirum talis dubiâ conscientia debitum peteret: Sublatâ autem illâ suppositione, non videtur quod Pontifex illud inhiiberet. Declarari hoc potest ex ratione, quam reddit suæ responsionis: Ne in alterutro (inquit) vel contra legem coniugij (si videlicet debitū petenti negaret) vel cōtra iudiciū conscientie committat offensam. quâdo igitur tollitur illa suppositio, & stante dubio speculatiuo de veritate matrimonij, format modo dicto iudiciū cōscientie, quòd sibi liceat ab hac personâ tanquam suâ debitum petere, apparet quod tum sine præiu.



præiudicio resolutionis Pontificiæ, id poterit licitè facere.

- 61 Sed de his & alijs similibus casibus, quomodo in diversis materijs dubijs debeat quis sese gerere, solet exactius & latius tractari suis locis, vbi singulæ materiæ ex professo explicantur. Addo tamen deniq; quia Pontificis aliquoties pro fundamento suarum resolutionum assumunt & allegant, modo & sensu saltem iam explicatis, quòd in dubijs sit pars tutior sequenda, idè cõsultissimum omninò esse, ordinariè in omnibus actionibus similiter sese gerere, possitissimum dum pars tutior simul est probabilior, quando saltè iusta aliqua siue grauis causa nõ premit quare partem minus probabilem minusq; tutam quis sequatur, relicta tutiori. Quemadmodum enim suprà diximus, non esse expediens ob sententiam aliquam improbabilem abstinere ab eo, quod omnes docent & tenent licitum esse, quamuis in abstinendo nullum sit peccati periculum, idcirco scilicet ne quis in conscientia incidat scrupulosam; ita quoq; nõ expedit sine vrgenti aliqua ratione relinquere sententiam probabiliorem & tutiorem, & sectari oppositam, probabilem quidem, sed minus probabilem, minusq; tutam: idq; ne quis assuescat nimis libertati & sibi formet conscientiam nimis laxam, quibus statim quodlibet iudicet sibi licitum idq; paulatim ex fundamentis etiam parum solidis. Ad quæ accedit, quod nõ videatur omnino posse talis exculari ab aliquo quasi cõtemptu peccati tanquam minus de peccato sollicitus, qui sine aliqua necessitate vel iusta ratione sequitur opinionem vbi plus periculi est actionis malæ, quando sine incommodo aliter agere potest.

## DVBIVM VII.

*Vtrum voluntas operans conscientiam dubia sit mala?*

- 62 Sensus quæstionis est, An quemadmodum semper peccat, qui aliquid facit conscientia dictante non esse sibi licitum id facere, ita etiam semper peccet, qui aliquid de quo dubium ipsi suboritur, facit priusquam conscientia diiudicet sine licitum an illicitum facere, puta quia vel neutram in partem habet rationes, vel in vtramque quasi æquales, ita vt collidentibus se rationibus pro neutra parte iudicium ferat, sed quasi hæreat in æquilibrio.

Respondetur: Qui dubitat, an opus suum prout hic & nunc illud facit, sit peccatum, omninò peccat, & secundum speciem admittit tale peccatum, quale dubitat esse, V. G. init aliquis contractum,

& dubitat, vtrum contrahendo hoc modo non committat vsuram, & manente illo dubio de suo facto in particulari, cum hisce circumstantijs progreditur & perficit contractum, is reus est peccati vsuræ. Idque locum habet tam quando oritur dubium ex ratione iuris, quam dum oritur ratione facti. Fundamentum Conclusionis est, quia qui operatur ante resolutionem, & sententiam intellectus, quæ est regula proxima operationis rectæ, exponit se evidenti periculo à recto tramite deviandi; iam verò non tantum oportet malum exploratum vitare, sed etiam fugere indiscrctum peccandi periculum: qui enim periculum amat, peribit in illo; talis enim interpretatiuè censetur velle malum, cuius periculo sese absque discretionem & prudentiam exponit. Confirmatur ex Cap. Dominus: De secundis nuptijs; vbi non magis conceditur quòd dubitans de vitæ primæ vxoris ducat secundam, quàm quòd qui certò nouit primam viuere, ducat alteram; quamuis enim hic grauius peccaret, tamen vterque mortaliter peccaret attendendo secundas nuptias.

Addidi, Siue dubium oriatur ex ratione iuris, siue ex facto, propter nonnullos, qui hic inter ista dubia videntur ponere distinctionem, quasi magis liceret cum dubio iuris, quàm cum dubio facti operari. Sed confirmatur nostrum dictum: quia est eadem vtriusque ratio; non enim minus se exponit periculo peccandi, qui de honestate actionis suæ, vt hic fit, dubitat ex ratione iuris, quàm qui dubitat ex ratione aut circumstantijs facti: neque minus operatur absque regulâ suâ vnus quam alter. Et probatur ex illo Apost. ad Rom. 14. *Qui autem discernis* (id est qui ambigit, vt plures exponunt) *Si manducaueris damnatum est*; quia videlicet cum dubitatione conscientie manducat: vbi agitur de dubio iuris seu legis. Item ex eo quod sequitur: *Omne quod non est ex fide peccatum est*, iuxta interpretationem communiter receptam.

Sed opponunt alij: Quando est dubium iuris, videntur tunc posse habere locum huiusmodi Regulæ iuris. In dubio melior est conditio possidentis; item, In dubio potius reo quàm actori fauendū est: quæ non ita videntur hic locum habere posse, quando est dubium facti: Declaratur, quia in dubio iuris considerantur partes (inquirunt) inter quas dubium vertitur, Legislator ex vnâ & subditus ex alterâ; in dubio autem facti non occurrit sic alia persona consideranda, quæ tanquam pars opponatur operanti; cum igitur operans sustineat partes tum rei tum possessoris, contra Legislatoris poterit

poterit sibi formare in dubio iuris conscientiam, quod hic & nunc sibi operari liceat, eo ipso quo non constat esse prohibitum. Respondetur hoc nihil esse ad propositum, nec contra Conclusionem facere: quia nos dicimus eum peccare, qui dubiâ & fluctuante conscientia ex parte iuris ac nullo sibi formato iudicio, quod determinatè resoluit sibi hic & nunc licitum esse, pergit operari: obiectio autem ponit, quod dubitans de iure vel lege, formet sibi determinatam conscientiam, quâ iudicet sibi licitum esse hic & nunc sic agere ex allegatis regulis iuris, quia existimat se sustinere partes possidentis aut rei: An verò conscientia in dubio iuris ex dictis regulis sic formata sit prudens & sufficiens ad actus honestatem, alia quæstio est. Vbi hoc in primis pro certo habendum, quod ante debitum examen, an lex sit vel non, nunquâ liceat in dubio contra eam agere, quia manifestè se exponeret quis peccandi periculo temerè & sine prudentiâ agendo: sed si per diligens examen nihil determinati in alteram partem possit haberi, videtur tunc prudenter posse credere non esse legem, quia iura & leges debent esse talia, quod per debitum & diligens examen possint determinatè sciri & cognosci, & proinde posse iuxta hoc formare conscientia, quod non teneatur. Colligitur ex Soto lib. 7. de Iustitiâ & Iure quæst. 3. artic. 2. Si tamen quis sciens legem fuisse, dubitet vtrum adhuc sit in vigore ac obliget, an verò sit abrogata, tenetur sequi legem, etiamsi post debitam inquisitionem maneat dubius, quia quando lex fuit & viguit, præsumitur non esse abrogata, nisi de contrario moraliter certò constet id est, ita iudicetur & habeatur abrogata: vt nequidem probabile sit, quod adhuc obliget.

65 Quærit aliquis: Quomodo generaliter loquendo possit conscientia dubia vel erronea deponi: Respondetur, id duobus potissimum modis fieri. Primò, quod muet quis iudicium quasi speculatiuū, quod in communi habet de aliquo actionis genere, quo putat istud esse illicitum, & è contra incipiat iudicare esse licitum, id quæ vel ex proprijs talium actionum principijs, quæ iam melius perpenderit & intellexit, vel ex alijs rationibus, quas modò & non antea obseruauerat, vel certè ob aliorum autoritatem, quibus incipit plus tribuere quàm sibi ipsi, existimando eos doctiores & magis penetrare veritatè rei, quàm ipse eam penetrat: vnde sic format determinatum iudicium, quod sibi liceat hanc actionem talis generis operari. Secundò, potest id fieri sic, vt idem maneat iudicium speculatiuū, quo in genere iudi-

cat saltè probabilius esse, quod tales actiones non sint licitæ, sed tamen practicè mutet aut determinet iudicium, quo definitè iudicet sibi licitum esse hic & nunc eiusmodi actionem facere ex principijs alijs practicis, vel ob aliquas circumstantias, quæ hic in casu suo concurrunt & vniuersaliter non solent toti speciei actionis adherere: sic v. g. licet quis speculatiuè iudicet probabilius esse, quod hic contractus sit illicitus, tamen potest assumere aliud principium, videlicet quod inter sententias probabiles, liceat sequi sententiam etiam minùs probabilem, potissimum quando iusta aliqua ratio subest, & sic formare sibi determinatam conscientiam, quod liceat ei hunc contractum celebrare, quia alij probabiliter sustinent illam contractum non esse illicitum. Vt itaq; eiusmodi iudicium prudenter & sine peccato formetur, necessarium est semper aliquid principium ex quo, non obstante iudicio speculatiuo contrario, possit rectè inferri tale opus licitè hic & nunc à me posse fieri.

Vnde verum non est quod docet Caiet. videlicet solo affectu & absque omni argumento, quo quis moueatur, vt credat conscientiam suam esse erroneam, vel dubiam quâ laborat, non esse fundatam, deponi posse dubiam vel erroneam conscientiam, quâ iudicat aliquid in genere esse illicitum vel de eo dubitat. Quod explicat huiusmodi exemplo, v. g. Audiuit mulier in concione esse peccatum mortale vti capillitio alieno, quod verum non esse supponitur; & tamen ipsa credens concionatori format sibi conscientiam erroneam, quâ credit in genere illud esse peccatum mortale: vult Caietanus, quod mulier hæc possit deponere conscientiam illam sine aliquo argumento vel particulari circumstantiâ, sed tantum ex affectu iudicando sibi licere, vel sibi non esse peccatum mortale, vti eiusmodi capillitio: hoc inquam verum non est; nam in primis eiusmodi iudicia non possunt simul consistere, vt docet Aristot. lib. 2. Posteriorum. Deinde vt supponamus fieri posse, quando saltem ratio actualiter non format eiusmodi iudicium vniuersale, sed tantum quasi habitum illud tenet, non poterit tamè eiusmodi depositio conscientie fieri sine peccato, quia qui sic deponit, sese manifestè periculo peccati mortalis exponit, dū sine examine & absque ratione & citra omnè specialem circumstantiam facit, quod generatim credit esse peccatum mortale, secus autem se res habebit, si illa quæ prius concionatori credebat, nunc incipiat non credere, considerans magis defectum doctrinæ, vel quod rationes eius non sint efficaces, & sic incipiat

DVBIVM VIII.

Quomodo quis possit, aut debeat se gerere  
qui agitur scrupulis?

69

**O**bservandum primò, ad scrupulum concurrere hæc tria; videlicet leue aliquod argumentum, suspicionem inde ortam de aliqua obligatione, quâ quis apprehendit se teneri ad aliquid agendum vel ad aliquid omittendum, & denique metum ac animi anxietatem, quâ timet peccare aut se peccasse. Vnde, Scrupulus est quædam anxia & molesta suspicio, quâ quis arbitratur se non posse hoc vel illud agere aut aliquid omittere sine peccato, orta ex leuibz & insufficientibus argumentis.

Observandum secundò, varias à DD. allegari scrupuli causas, quarum cognitio iuvat vt inter scrupulum, & inter bonâ ac prudẽtem conscientiam certius possit discerni, & simul scrupulose cõscientiæ facilius obliuisci. Inprimis itaque tradunt quorundam naturalem complexionem quodammodo disponere & inclinare ad scrupulositatem; quatenus videlicet nonnulli ex suâ complexione sunt magis suspiciosi & timidi, quales dicuntur qui sunt humidæ & melancholicæ complexionis, quia certis vitijs certæ complexionis magis quali fauent & subseruiunt, nisi ratio vigilantius obstitat, vt docet D. Greg. 3. parte Pastoralis Admonitione 4. Secunda causa potest esse quædam naturalis iudicij imbecillitas & inconstantia mentis, quæ nõ inhereat rebus semel determinatis: inde enim fit vt homines facillimè turbentur; quibus addi potest ignorantia, quâ nesciat quæ diligentia in rebus agendis sufficiat. Tertia assignari solet occulta superbia alieno iudicio nunquam plenè acquiescens & proprio nimium tribuens. Quarta demonis tentatio & importunitas scrupulis continuò suggerentis & exaggerantis. Quinta nimis timor peccandi rationem perturbans, vt discernere inter licitum & illicitum minus possit. Sexta conuersatio cum scrupulosis, potissimum quando quis timidioris quoque conscientiæ est, neque prudentissimus ad discernendum inter licita & non licita. Septima simul aliquando præcedentia peccata, in quorum poenâ aut vindictâ Deus permittit hominem eiusmodi molestijs & conscientie difficultatibus agitari. Vnde qui ex laxiori & criminosa vitâ ad meliorem conuersationem conuertuntur, solent ab initio sæpius diuersis scrupulis diuexari Deo sic permittente in præcedentium delictorum poenâ & expurgationem. His præmissis

P. iiii Respons.

incipiat existimare se sine peccato mortali posse id facere, alioquin sine ratione & argumento ex solo affectu in opus, procedere ad actionem, non est tam conscientiam deponere, quàm contra eam peccare, aut temeritate quadam velle eam extinguere.

67 Vbi & hoc observandum est, quod non qualiscumque etiam ratio sufficiat, vt prudenter & sine peccato deponatur dubia vel erronea conscientia; qui enim citò credit, vt habet Sapiens, *levis est corde*; vnde qui formatam conscientiam ex argumentis magni ponderis deponit ex leuibz coniecturis, quæ non habeant pondus argumenti saltem probabilis, se periculo peccati exponit, atque ideo peccat: si quis verò ex leuiori aliquo argumento conscientiam sibi formauerit, poterit quoque ex leuiori ratione deponere, quin & poterit quispiam aliquando conscientiam ex probabiliori argumento formatam deponere sine peccato per argumentum minus probabile modò tamen absolute probabile sit: quamvis enim hoc non sufficiat ad mutandum assensum speculatiuum circa veritatem propositionis in genere, poterit tamè sufficere ad mutandũ iudiciũ particulare practicũ, quo existimabat sibi illicitũ esse hanc actionem facere ex iudicio speculatiuo quo in genere iudicat probabilius, quod eiusmodi actiones sint illicitæ, poterit inquam sufficere argumentum minus probabile ad illud mutandum, quatenus simul assumitur aliud principiũ practicũ, puta quod inter duas sententias probabiles, possit quis tutè sequi etiam minus probabilem, quando saltem necessitas vel aliqua grauis causa urget, quominus possit probabiliorẽ & tutiorem commodè sequi.

68 Observandum hic insuper, quandoquidem huiusmodi iudiciũ particulare practicũ possit consistere cum dubio speculatiuo, idcirco non excludere semper omnem formidinem suborientem: quia ex dubio speculatiuo solet ferè suggeri assidue aliqua ratio dubitandi, quæ metum aliquem aut scrupulum parit (nisi quis fortitan sit iudicio firmissimo, & rationes ac principia ob quæ censet sibi hîc & nunc licitum esse, constanter consideret) sed non ideo propter formidinem illam suborientem consequens esse quod quis dubiam conscientiam non deposuerit, vel dubiam conscientiam adhuc operetur; vt enim hæc censetur deposita, satis est, quod deliberato & determinato iudicio omnibus perpensis existimet aliquis se licitè sic posse operari, quamvis inadiuertenter aut præter hominis voluntatem aliqua formido sese ingerat.

Quæst. 19. De bonitate & malitiâ actus interioris voluntatis. Art. 6.

Respondeo & dico Primò : Non potest quis licitè agere contra scrupulū nisi iam iudicet esse scrupulum, id est, suspicionem peccati & metum absque iusta & sufficienti ratione aut fundamento, ideoque se posse illū negligere. Probat, quia alioquin operaretur contra conscientiam aut cum conscientia practice dubiā, quod ex sup. dictis constat semper esse peccatū, etiamsi ipsa conscientia erronea sit, neque à parte rei in sit operi peccatum.

Dico Secundò : Quando iudicat quis scrupulum esse, potest imò expedit contra illum facere, potissimū quando quis scrupulis infestari solet. Vbi notandum scrupulum non esse aliquid boni, quia est suspicio & metus peccati vbi non subest sufficiens fundamentum talis suspicionis & metus, & proinde est actus sine debita prudentiā. Et hinc itaque desumendū est fundamentum conclusionis, quod non teneatur quis scrupulis obtemperare & actiones suas iuxta illos dirigere, sed rejicere possit, imò expedit iam facere, vt sic vincantur & ab eis homo liberetur; nam actione in contrarium frequentatā solent inanis timor & imaginatio superari, neque enim per se bonum est scrupulis agitari, quamvis subinde sit alicuius boni, puta tenioris conscientie signum, quomodo intelligit Gerson illud D. Gregorij: Bonarum mentium est illic culpam agnoscere, vbi culpa non est, vt agnoscere idem sit quod formidare, sicuti Job cap. 9. culpam agnoscebat dum diceret: *Verēbar omnia opera mea, sciens quod non parceres delinquenti.*

71 Sed differt scrupulosus ab eiusmodi prudenter timorato, quod hic ad omnia opera sua attendat, quantum ratio prudentiæ postulat; scrupulosus autem prudentiæ metas transgrediatur, & proinde quamvis illa teneritudo conscientie bona sit, tamen deficit scrupulosus, quod non prudenter eā vtatur. Quare simpliciter non oportet scrupulis indulgere, nam & solent inde plurium incommodorum suboriri pericula: illa enim continua conscientie inquietudo & anxietas, quæ potissimū sese exerunt quando quis bonis vult intendere operibus, nata sunt causare tarditatem quandam ad omne opus bonum ac illius tædium, quia auferunt vel impediunt omnem gustum & suauitatem boni operis, v. g. orationum, meditationum, aliorumque similium, cum tamen humana infirmitas non nihil iuari ac sustentari debeat sapore aliquo & dulcedine, quibus aliquando in sanctis operibus afficiatur & recreetur: vnde quando ex illis nihil percipit nisi ariditatem, imò anxietatem, & quasi perpetuam conscientie torturam, subo-

riuntur. alienationes & horrores à bonis operibus, & motus aliquando desperationis de illis bene & debito modo exercendis, vnde tandem aliquando nascitur omnium bonorum contemptus; ad hæc enim & similia intendit dæmon humani generis hostis sensim infirmum hominem deducere, etiamsi ab initio sub specie pietatis & timoris Domini incipiat eiusmodi inquietudines suggerere per varias phantasiæ commotiones, ita vt intendat tandem per illa media hominem à Deo, tanquam nimis duro exattore, abstrahere & alienare.

72 Cæterum à D. D. diuersa traduntur contra scrupulos remedia; Inter quæ à Caiet. in Summā verbo Scrupulosorum medicina, primo loco ponitur diuina assistentia nos exteriori interiorisque custodiens, quam dicit proprijs & alienis orationibus, ieiunijs & elemosynis esse querendam cum humilitate & bonā fiducia de diuina largitate & misericordiā. Secundum & præstans remedium est, quod qui scrupulis infestatur, deligat sibi bonum & sapientem Confessarium, & ipsi suas explicet difficultates, eiusque resolutionibus, consilijs & directioni totaliter sese accomodet & acquiescat, omniaque, quæ contra eius resolutiones aut consilia occurrunt, tanquam scrupulos & importunas vexas à dæmone suggestas rejiciat; & licet rationes aliquæ in contrarium sese offerant, non tamen idcirco moueatur, sed cogitet etiam illas fuisse à suo Directore ponderatas: & quia ipse in hoc statu minùs est idoneus, vt de illis diiudicet, propterea statuat se velle & sibi licitū esse per omnia dirigere actiones suas ex iudicio illius boni & sapientis viri: neque frequentius propter eodē scrupulos aut alios planè similes ad Confessariū recurrat, sed resoluat per se scrupulos esse, fortiterque in illo determinato iudicio persistat quantumuis aliquam inquietudinem perferat. Si autem nouus aliquis casus dubietatis occurrat, nec aliud possit consilium commodè accipere, tunc per se consideret quantum potest; & nisi iudicet certum & euident teneri se ad hoc vel illud agendum siue omnitemdum, resoluat secum non obligari se ad illud, potissimū si absque incommodo aut molestia facere non queat: quamvis enim vniuersaliter eiusmodi resolutio, vt supra diximus, prudens non esset, tamen ab eo, qui scrupulis agitur, potest prudenter eiusmodi resolutio capi; eò quod etiam illa, quæ exiguum habent probabilitatem quod sint illicita, mox foleant à scrupulosis tanquam certò & euidenter illicita apprehendi, vnde presumere possunt nul-

lum in-

lum inesse peccatum aut peccati periculū, quando hoc non apprehendunt vt euidens & certum. Tertium remedium est quando quis scrupulis molestatur circa faciendum officiū suū, vt circa horas Canonicas vel alias preces recitandas, in quibus multi nunquam sibi satis fecisse videntur, quod talis sentiat de Domino in bonitate vt monet Sapiēs c. x. Sap. & sibi certō persuadeat Deū respicere bonam voluntatem & affectum, neq; instar duri exactoris in culpam computare, si quis vel non omnes syllabas pleno & rotundo ore pronuntiet vel ex humana fragilitate subinde aliquid diuagationis mentis inuicis patiat, modō neglectus & contemptus in animo absint, & ab initio componat quis se, vt debito & perfecto modo orationes Deo persoluat, & adlaboret animum collectum continere, & vbi sentit distracta reuocare absque tamen præcedentium reiteratione. Similiter dicit Caiet. loco citato, quod medicina sit singularis contra præteritorum peccatorum reconfessionem, quod videlicet dum quis opinatur se ista peccata fuisse confessum, teneat istam suam opinionem seu credulitatem pro certitudine, ita vt non amplius constetur: Et in hoc, inquit, acquiescant cōsilio meo scrupulosi timorem Dei habentes, qui confessionem suam diligenter perfecērūt. Nec hoc dico voluntariē (addit) sed rationabiliter, quia quæ apud istos est credulitas, apud ipsosmet, si non essent imediti, haberetur pro certitudine; quæ ratio coincidit cum eā, quam allegauimus ad finem secundi remedij, quare scrupulosus possit prudenter iudicare sibi licitum, quod non apprehendit tanquam euidenter illicitum.

74 Quantum remedium vniuersale & utile est, quod quis acceptet illas animi molestias & contorsiones cum magnā humilitate & patientiā de manu Domini, reputetque se propter præterita delicta & neglectum diuinæ gratiæ, quā sæpius fuerit præuentus nec bene vsus, indignum illā conscientiz serenitate & animi voluptatibus, quibus sancti Dei famuli perfundi ac perfrui solent, meritoque ita se affligi, & illas suas miseras in præteritorum delictorum satis factionem Deo similiter offerat, & cū bonā fiduciā securæ aliquando serenitatis dicat cum Dauide: *Cibabis nos pane lacrymarum, & potum dabis nobis in lacrymis in mensurā*: sic enim fiet, vt & dæmon minus acriter tentationibus & vexis insistet, dum videt suas machinationes, quas adhibet, vt infirmum hominem ad impatientiam, desperationem, aut neglectum bonorum operum inducat, contemni & per Dei gratiam conuerti in materiam vir-

tutis & patientiæ ac in præcedentium delictorum expiationem & purgationem, & quod impletā mēsurā panis lacrymarum aliquando restituatur conscientiz plena quies & serenitas à Domino, qui non patitur nos tentari vltra mēsuram & quāmpossimus sustinere.

## ARTICVLVS VII.

*Vtrum voluntatis bonitas in his, quæ sunt ad finem, pendeat ex intentione finis?*

R Espondet D. Thom. Quodd intentio 75 aliquando causaliter præcedat voluntatem, quando videlicet aliquid volumus propter intentionem alicuius finis, & tunc bonitas voluntatis illius, quæ habet rationem electionis, pendet ex intentione finis; quia ordo ad finem consideratur, vt quædam ratio bonitatis istius voliti propter finem: sicuti dum quis propter Deū vult ieiunare, habet ieiunium rationem boni, inquit D. Thom. ex hoc ipso, quod fit propter Deum: aliquando autem intentio finis est consequens, quando accidit voluntati præexistēti, vt si quis simpliciter decreuerit facere elemosynam, & postea accedat, quod velit propter Deū facere, & tunc inquit primæ voluntatis bonitas non pendet ex illā intentione sequenti nisi quatenus actus voluntatis reiteratur cum sequenti intentione. Plura, quæ ad hanc materiam pertinent, vide explicata suprā qu. 8. art. 3. & amplius q. 18. art. 4. & 6.

## ARTICVLVS VIII.

*Vtrum quantitas bonitatis vel malitiæ in voluntate sequatur quantitatem boni vel mali in intentione?*

P RO resolutione huius Quæstionis 76 notandum est, tam in actu electionis, quā etiam in actu intentionis finis, posse considerari duplicem quantitatem bonitatis aut malitiæ: vnā enim habet ex parte obiecti, v. g. Intendit vnus aliquis alere multos pauperes, & alter paucos, istius intentio habet quantitatem maiorem ex obiecto, quā intentio huius. Similiter & electio ex obiecto quantitatem habet, vt si vnus velit dare magnam pecuniæ summam ad alendos pauperes, & alter parvam, electio-

electiones illæ ex obiecto disparem habent quantitatem: alteram habent actus isti quantitatem ex parte modi, quo fiunt; vt si vnus vehemētis & intensio voluntatis actū velit subuenire pauperibus, & alter actū remisso sunt actus illi diuersæ quantitatis; similiter si quis intentio & vehemētis actū statuat ad eam rem pecunias erogare, & alter actū remisso, actus illi electionis erunt diuersæ quantitatis. His præmissis

77 *Resp. & Dico Primò:* Si ratione obiecti spectetur bonitatis quantitas sæpè contingere potest, vt non tanta sit bonitas in voluntate seu electione, vel etiã in externo opere, quanta est in intentione. Declaratur, quia potest quis intendere optimum & maximi momenti finem & tamen velle adhibere media, quæ non sunt omnino proportionata ad efficaciter finem illum consequendum; quo casu ista voluntas & mediæ eiusmodi applicatio non habent tantam bonitatem quanta est in ipsa intentione: v. g. intendit quis alere viginti pauperes, & de omnibus necessarijs providere, & tamen vult singulis in singulos annos dare tantum quindæcim aut viginti florenos, non erit hæc voluntas & donatio tantæ bonitatis quantæ erat intentio in se absolute loquendo: quod sic potest ostendi, nam si quis alius cum cæteris iisdem circumstantijs ex eadem intentione veller singulis dare 100. florenos, haud dubiè ista voluntas & donatio essent longè maioris præstantiæ, & tamen non excederent bonitatem intentionis prædictæ; ergo voluntas & donatio prioris non erant tantæ bonitatis quantæ erat ipsa intentio.

98 *Obseruandum tamen est, si quis efficacii voluntate eligat medium fini commensuratum, & ex parte voluntatis adhibeatur omne illud, quod adhiberi debet, si extrinsecus tunc incidat impedimentum, non idcirco eius meritum esse minus, sed illud esse tãtum quantum meritum intentionis: vt si quis mittat elemosynã sufficientem ad iuandos decem pauperes & in itinere pro mediâ parte aut in totum pereat, merebitur tantum ac si integra perlata fuisset, ipsum tamen externum opus obiectiue minus bonum est quàm intentio seu finis intentus, quia plus bonitatis obiectiue est in actū externo, quo pauperes totaliter subleuantur, quàm in eo, quo pro parte tantum.*

*Dico Secundò:* Bonitas intentionis ex parte obiecti quamuis non semper tota transeat, tamen semper aliquo modo redundat in electionem magis aut minùs cū quadam proportionem secundum quod voluntas eligit & applicat media plus aut mi-

nùs commensurata ad talem finem. Probatur, quia cæteris paribus electio est melior, quæ sequitur intentionem melioris finis, sicuti & peior, quæ sequitur intentionem finis peioris: nam cum electio accipiat speciem ex ordine ad finem intentum, sit vt quod finis est melior, hoc quoque ipsa electio sit melior. Intellige tamen ita Conclusionem, quod intentionis bonitas redundet in electione & opus, si opus quod eligitur capax sit bonitatis, quamuis enim malitia intentionis sufficiat ad malitiam electionis & operis, tamen bonitas intentionis non sufficit ad bonitatem electionis & operis, sed requiritur, vt opus quod eligitur saltem malum non sit, alioquin intentionis bonitas non potest ei communicari, vt suprà latius fuit explicatum.

79 *Dico Tertiò:* Similiter intentionis quantitas, quæ sumitur ex modo quo fit non semper est æqualis in electione aut opere, tamen semper aliquo modo redundat in actum electionis. Declaratur, quia imprimis fieri potest, quòd electio voluntatis non sit actus tam intensus, quàm voluntas finis, vt ostendi potest in affectibus, qui circa bonum naturæ versantur; contingit enim quòd quis vehemētissimo affectu feratur in sanitatē, eamque intendat magno conatu, & tamen actū remisso velit fumere portiones. Similiter quoque in moralibus contingit; v. g. desiderat quis maximo & intensissimo affectu totalem subiectionem carnis ad spiritum, & totius hominis cum Deo tranquillã coniunctionem, & interim actibus remissioribus vult media, quæ ad istorum confectionem seruiunt, v. g. carnis castigationem per ieiunia, vigilias, item orationes & similia, ita vt vel non adhibeat vel certè non sufficiat media, quæ ad finem illum consequendum sunt necessaria aut valde opportuna, atque tum non tanta bonitas est in voluntate, quanta est in intentione ex parte modi, quo vtriusque actus illi exercentur. Huc etiam pertinet, quòd cum intentio nostra versatur circa aliquos actus nostros internos, non semper tanta insit bonitas huic intentioni & desiderio, quàm ipsis actibus, quos desideramus & intendimus: vt si quispiam intendat & desideret intensissimum actum amoris Dei, qualem vnquam beata Virgo habuit, vel tantum dolorem contritionis, quantum habuit D. Petrus, non mox in illo desiderio vel intentione est ea bonitatis quantitas, quæ est in ipsis actibus intentis: quia eiusmodi desiderium aut propositum, non est mediū sufficienter quoad efficaciam proportionatum ad re ipsa eiusmodi actus efficiendos & consequendos: quia tamen habet aliquam proportionem princi-

principij inchoati, quamvis nondū plenē & efficaciter instructi ad tales effectus, hinc sit, quod quantitas illa intentionis & finis intēti redundet aliquo modo in electiōnem & eiusmodi propositum; nam cæteris paribus electio & opus eō sunt meliora, quod vehementiori affectu bonitas finis appetitur, & quidem eō magis aut minū redundat, quō ipsa electio & opus assumptū plus aut minus habet efficaciz ad intentionis complementum consequendum.

## ARTICVLVS IX.

*Vtrum bonitas voluntatis dependeat ex conformitate ad voluntatem diuinam?*

80 **C**onclusio D. Thom. est: Ad hoc vt voluntas hominis sit bona, requiritur quodd cōformetur voluntati Diuinæ. Probat rationē quæ sic potest formari; bonitas voluntatis pendet ex recto ordine ad summum bonum, quod est primarium eius obiectum: atqui rectus hic ordo ad summum bonum primò & principaliter inuenitur in voluntate diuina; ergo huic voluntati, tanquam primo exemplari ac mensuræ rectitudinis cuiusvis voluntatis in ordine ad summum bonum, debet omnis alia voluntas conformari, vt quemadmodum illa per essentia se habet ad summum bonum, ita aliæ voluntates per imitationem sese ad illud componant; quia id quod primum est in quouis genere, est mensura & exemplar reliquorum, ad quod cætera debent efformari, nam quodlibet inferius siue secundarium in tantum bonū & rectum est, in quantum attingit ad primum exemplar & mensuram.

## ARTICVLVS X.

*Vtrum necessarium sit voluntatē humanam cōformari voluntati diuinæ in volito ad hoc quod sit bona?*

81 **S**ic prima Conclusio: Voluntas humana tenetur conformari diuinæ voluntati in volito formaliter, sed non materialiter. Est D. Th. in proprijs terminis. Sensus autē est: non tenetur humana voluntas semper idem obiectum materiale velle, quod Deus vult, sed potest velle oppositū: quādo tamen hoc contingit, tunc nihilominus debet illa hominis voluntas esse conformis

diuinæ in volito formaliter, vt videlicet homo ex eodem motiuo aut fine saltē vltimō velit illud materiale in quod tendit, ex quo motiuo aut fine Deus vult oppositum obiectum materiale. Probat prior pars: quia idem obiectū sub diuersis considerationibus, prout modò sub hac rationē, modò sub illā proponitur, est appetibile & refugibile; quia habet rationem boni vno modo consideratum, & rationem mali alio modo consideratum, atque adeò secundum diuersas conditiones & munia diuersarum personarum, laudabiliter ab vno attenditur ratio mali, & secundum eā repudiatur, & ab alio laudabiliter attenditur ratio boni, & secundum eam appetitur. Vnde D. Thom. hic expressē dicit, quodd diuersæ voluntates diuersorum hominum possunt circa opposita esse bonæ, prout sub diuersis rationibus particularibus vnus vult hoc esse, & alter vult non esse. Declaratur: v. g. mors huius latronis potest considerari & proponi tamquam iusta & seruens publicæ tranquillitati & sic appetibilis est; eadem verò potest considerari vt malum quoddam naturæ hominis, item tanquam malū præiudiciale vxori & prolibus, & sic est aliquid refugibile; & iuxta diuersitatem personarum contingit, quodd vnus aliquis meritò & laudabiliter attendat ad istam rationem boni, eoque nomine velit mortem huius latronis, v. g. Iudex qui est in officio publico, cui incumbit malefactorum punire & tranquillitatem reipublicæ procurare, cui etiam cæteri, quos opposita ratio mali non afficit, possunt voluntatem suam conformare: è contra verò latro ipse potest attendere in morte suā rationem mali, quatenus naturæ aduersatur, & sic meritò refugere mortem: Similiter vxor & liberi possunt nolle mortem coniugis aut parentis quatenus quoddam malum est familiæ.

Sic itaq; fieri etiam potest, quodd Deus, 82 tanquam vniuersalis prouisor & gubernator totius vniuersi ex aliquo motiuo, quodd considerare ipsi ex suā ratione conuenit, velit aliquod particulare obiectum, quodd tamen sub aliquā inferiori consideratione habeat rationem alicuius mali, & proinde rationem obiecti refugibilis, ad quam potest homo ex conditione & statu suo sine reprehensione attendere, & consequenter illud refugere & oppositum appetere. Quēadmodum è contrario contingere potest quodd homo idem velit, quodd Deus vult, sed sub aliā ratione & alio fine, sic vt in eo appetendo voluntas eius mala sit, in quo volendo diuina voluntas bona est. Quæ pulchrè docet & explicat D. August. Enchyrid. cap. 101. Aliquando, inquit, bonā volun-

voluntate homo vult aliquid, quod Deus non vult etiam ipse bonâ multò amplius multoque certius voluntate, tanquam si bonus filius patrem vellet viuere, quem Deus bonâ voluntate vult mori: & rursus fieri potest, vt hoc homo velit voluntate malâ, quod Deus vult bonâ, veluti si malus filius velit mori patrem & velit hoc etiam Deus, nempe, iste vult, quod non vult Deus, iste verò id vult, quod vult & Deus, & tamen bonæ voluntati Dei, pietas istius potius consonat, quamuis aliud volentis, quàm huius idem volentis impietas: tantum interest quid velle homini, quid Deo congruat; cùm enim Deus author sit & gubernator vniuersi, cõgruit illi vt procuret, quæ faciūt ad bonum vniuersi iuxta modum, mensuram, & ordinem ab eius sapientia intentum, & proinde vnamquamque rem & rei dispositionem velit, quatenus ad hunc ordinem spectat, etiam si alijs inde aliquod particulare malum, aut incommodum obueniat. Quemadmodum Rex, cui incumbit cura regni, omnia ad hoc vult, quatenus bono communi seruiunt, etiam si particulares aliqui aliquando damnum inde ferant: homini autem priuato, cui tantum gubernatio sui & suæ familiæ commissâ est, congruit vt ea velit, quæ sibi & suis commoda sunt, & refugiat, quæ sunt incommoda. Sic igitur Deus vult parentem alicuius mori, quia congruit ordini rerum à se instituto, id videlicet iam postulante cursu naturæ vel ordine suæ providentiæ: filius autem dolet, & optat eius vitam, quia vel pietas naturalis, vel commodum eius hoc postulat. Et locum hæc habent, non tantum, quando diuinam voluntatem planè ignoramus, sed etiam quando diuina voluntas est nobis manifestata: quod ostendi potest exemplis sacrarum litterarum. Indicauerat Dominus Abraham, quod vellet subuertere Sodomâ, & vrbes finitimas, & tamen optabat Abraham contrarium, & conabatur auertere subuersionem. Sic David sciebat, quòd Deus vellet mori filium ex adulterio natum, & nihilominus vehementer de eo dolebat, & optabat viuere. Sciebat etiâ Apostolus Deum velle deferere gentem Iudæorum, de quo tamen ita dolebat, vt optaret fieri anathema pro fratribus. Sic quoque Christus Dominus sciebat ex diuina voluntate euertendam Hierosolymâ, & tamen fleuit super illam.

84 Sed obijciat aliquis: Qui contrarium vult eius, quod Deus vult, & optat id fieri, non autem illud, quod Deus vult, videtur optare implicitè, quòd diuina voluntas frustreretur suo effectu intento: atqui hoc est impium, quia melius esset

omnem creaturam petire, quàm Dei voluntatem in minimo impediri, sic vt effectu absolutè intento frustreretur; ergò &c. Respondetur, quod talis nullo modo optet diuinam voluntatem non assequi effectu suum; non enim optat vt diuina voluntas, postquam aliquid absolutè decreuit, frustreretur effectu intento, quod verè impium foret, sed optat eiusmodi decretum à Deo factum non fuisse, aut malitiam humanam non dedisse ei occasionem, aut certè licet dederit, quòd nihilominus suâ misericordiâ benignus Deus aliter disposuisset de rebus nostris vel proximi; quod sine iniuriâ in Deum, imò ex magnâ charitate optari potest, vt patet ex Apostolo ad Rom. 9. vbi grauiter dolet de illo diuinæ voluntatis decreto, quo voluit Deus gentem Iudaicam deferere. Imò quamdiu non constat de absolutâ Dei voluntate, quod velit aliquod malum nostrum vel proximorum, tamdiu non tantum possumus optare contrarium, sed etiam omni modo conari ad illud auertendum tum medijs naturalibus, tum precibus & sanctis operibus, cò quod nobis persuadere possimus, quòd diuina voluntas vel permissiue solum ad illud se habeat, vel sub conditione tantum nobis minetur, si comminatio facta sit; & interim ipse benè velit non poni per nos conditionem, sed potius impediri aut tolli, vt sic eius ira à nobis auertatur. Posterior pars Conclusionis probatur in hunc ferè modum à D. Thoma: quia non est recta voluntas alicuius hominis volentis aliquod bonum particulare, nisi referat hoc in bonum commune tanquam in finem (quod intellige explicitè aut saltem implicitè) cùm etiam naturalis appetitus cuiuslibet partis in commune bonum totius ordinetur: vt igitur voluntas illa hominis recta sit, quâ pro ratione conditionis suæ & status aliquod particulare obiectum vult ex certâ consideratione boni, quam conuenit eum attendere, licet Deus oppositum velit, nihilominus debebit etiam illud obiectum referre in bonum commune & diuinum tanquam in finem: ex fine autem sumitur quasi ratio formalis volendi, atque ita patet quòd humana voluntas debeat saltem in voluto formali diuinæ voluntati conformari, vt bona sit & recta.

86 Notandum tamen hic est, plures posse distinguì rationes, propter quas Deus aliquid velit, quarum aliæ sint propinquiores & magis particulares, aliæ verò remotiores & magis vniuersales: vt vult Latronem supplicio affici, quia hoc consentaneum est iustitiæ vindictiue, item quia hoc conuenit bono reipublicæ, rursum quia



quia conforme est legi æternæ, & quia facit ad gloriam & honorem nominis sui.

Notandum Secundò, dupliciter iuxta Scholasticos voluntatem nostram dici cõformem diuinæ in ratione volendi: Primò negatiuè, id est quòd non repugnet rationi volendi, propter quam Deus vult, & hoc modo semper debet esse conformis diuinæ voluntati in omni eius ratione volendi, quia sub quacumq; ratione Deus aliquid vult, non potest id nobis sub eâ ratione displicere, quamuis ex aliqua aliâ consideratione, quam nos meritò attendimus, possimus desiderare oppositum. Fundamentum huius est, quia omnis ratio, ob quam Deus aliquid vult, semper est bona & laudabilis, ac ordinata ad commune bonum vniuersi & diuinæ maiestatis honorem & gloriam, quæ proinde secundum se non potest nobis esse causa displicentiz absque graui peccato, hoc enim esset odisse illud bonum, quod Deus intendit. Secundò dicitur voluntas esse conformis positiuè, & hoc modo non debet necessario voluntas nostra esse diuinæ conformis in omni ratione volendi, quam Deus attendit, sed sufficit quòd positiuè conformetur in aliquâ saltem generali vel vltimâ volendi ratione; vt quando filius vult patrem viuere, quem Deus vult mori, non est necesse quòd filius ex eodem motiuo proximo velit vitam patris, ex quo proximè vult Deum eius mortem. V. G. attendit Deus quòd naturæ cursus postulet, vel quòd culpa parentis mortè mereatur, non est necesse, quòd filius in illâ ratione volendi positiuè conueniat, cum nec sit ratio conueniens volendi vitam, sed potius volendi mortem; verùm potest habere aliam proximam rationem huius suæ voluntatis; v. g. quia pietas filij in patrem id exigit, vel quia pater ipsi vtilis est ad sustentationem & virtutes, ita tamen vt vltimò id velit ad generale bonum & Dei gloriam.

87 Conclusio Secunda: Quando voluntas humana licitè dissentit in obiecto aliquo materiali à voluntate diuina modo supra dicto, tunc simul eidem nihilominus conformis est, non tantum in aliquo voluto formali, sicuti explicuimus, sed insuper conformatur ei secundum rationem causæ efficientis, vt hic habet D. Thomas. Declaratur: quia quando voluntas nostra in aliquo particulari obiecto licitè dissentit, hoc habet à Dei voluntate quatenus vel particularem & propriam inclinationem, quæ naturam consequitur, indidit, vel per præceptum aut aliud indicium significauit se velle quòd homo tale quid velit, quamuis idem non velit ipse,

Sic quando latro vult viuere, quem Deus vult mori, voluntas illa latronis conformis est diuinæ secundum rationem causæ efficientis, quia huiusmodi appetitus, vt hic latronis, est à Dei voluntate tanquam causa efficiente vnicuique inditus ad sui ipsius conseruationem. Similiter quando filius vult patrem viuere, quem Deus vult mori, est illa voluntas filij conformis diuinæ, quâ vult nos honorare parentes: quod indicat S. August. quando suprâ ita scribit, & tamen bonæ voluntati Dei pietas illius, (videlicet filij, qui vult patrem viuere) potius consonat quamuis aliud volentis, quam huius (videlicet filij, qui patrem vult mori) idem volentis impietatis. Ita quoque Abraham quando volebat occidere filium suum Isaac, quem Deus non volebat occidi, habebat voluntatem eam conformem voluntati diuinæ, quâ Deus demandauerat, vt Abraham id veller & faceret. Vnde cõmuniter (inquit D. Thomas) consuevit dici, quod cõformatur voluntas hominis diuinæ quantum ad hoc, quod vult hoc, quòd Deus vult illud velle. Addit D. Th. & alium modum, quo voluntas nostra, dum in voluto materiali licitè dissentit, debeat meritò conformari diuinæ, vt scilicet ex charitate velit homo id quod vult, sicuti & ipse Deus vult: quam conformatem docet reducibilem ad formalem, de qua ante.

88 Sed hic potest queri primò, Vtrum voluntas nostra semper debeat esse conformis diuinæ voluntati signi? Notandum est quadruplicem in Deo posse considerari voluntatem signi. Prima est, per modum præcepti, quando aliquid mandat aut prohibet. Secunda est, per modum consilij, quando aliquod bonum maius suadet, & ad illud allicit. Tertia, per modum alicuius absoluti decreti, quo prædefinit opus aliquod, quod accedente nostrâ voluntate statuit efficere, quando eiusmodi decretum nobis innotescit. Quarta est, per modum permissionis; vbi tamen hoc obseruandum est, quòd permissio non semper sit signum, quòd Deus velit ipsum opus (non enim vult peccata, quæ permittit) sed quòd non velit illud impedire.

His positis Respondetur: Si voluntas signi tantum sit consulens, non obligatur ex necessitate voluntas nostra, vt sese illi conformet. Ratio est, quia sic Deus consulit, vt totum relinquat in arbitrio nostro: vnde licet statum virginitalis Christus consulat, non tamen tenetur voluntas hominis eum amplecti: Si autem voluntas sit præcipientis aliquid, tenetur voluntas nostra se conformare positiuè volendo, & faciendo, tempore videlicet & loco, pro quibus præcipitur; si prohibens

bens sit, debemus ei voluntatem conformare negativè, id est non volendo nec faciendi id quod prohibetur.

89 Si denique sit prædefinienti aliquid, & mihi innotescat divinum decretum, disputatur inter Scholasticos, utrùm quis obligetur se illi decreto conformare, eliciendo actum prædefinitum? Medina existimat non teneri, nisi præceptum interueniat; sed communior opinio habet, si quis sciat temporis momentum, quo Deus vult aliquem eius consensum vel opus, ipsum obligari spontè consentire, & opus præstare. Ita Ockam & Gabr. in 2. dist. ult. & plures recetiores. Probatur: quia in primis si quis tunc vellet contrà niti aut ab opere abstinere, hoc esset velle irritū reddere divinum decretum, atqui hoc illicitum est; ergo obligatur velle præstare. Deinde si amicus aliquid efficaciter vellet, quod non posset perficere, nisi me cooperante, postularer amicitia, ut illi cooperarer; ergo multò magis quando est absoluta Dei voluntas, quòd aliquid faciam, & de illa mihi constat, teneor illud præstare. Tertiò, Divina voluntas dum vult nos velle, obligat, etiam si non absolute & efficaciter opus velit, ut patet in præceptis eius; ergo multò magis censetur nos obligare, si absolute velit fieri, & hanc suam voluntatem nobis significet.

90 Quæritur Secundo, Utrùm licitum sit & laudabile in omnibus idem velle, quod Deus vult? Iam autè diximus non esse necessarium, quod voluntas nostra semper in omni obiecto materiali sit diuinæ voluntati conformis: nunc autem quæstio movetur, An saltem licitè & laudabiliter possimus semper eam in omni obiecto materiali diuinæ conformare? Quidam existimant aliquando fore peccatum mortale, si quis idem materiale obiectum vellet, quod Deus vult; inter quos est Toftatus in Caput 2. Iosue quæst. 38. & in c. 3. Iudic. q. 3. & indicant D. Bonau. in 1. d. 48. a. 1. q. 2. & Gabr. in Canon. lect. 68. Et potest probari Primò ab incommotis, quæ videntur sequi: nam vult Deus ut tu exiis in peccato mortali careas divina gratia, quia hæc te priuat: item ut parens tuus, quem scis in peccatis moriturum, damnetur; quæ tamen tu velle non potes. Deinde qui videt vrbes incendi, homines occidi, & similia fieri, videt esse diuinam voluntatem quòd hæc fiant, quæ tamen tibi placere non possunt: hoc enim repugnat Charitati. Tertiò, D. August. suprâ istam filij voluntatem vocat impietatem quâ filius vult patrem mori, quem etiam Deus vult mori; ergo non licet in omnibus idem velle, quod Deus

vult. His tamen non obstantibus

91 Respondeo & Dico Primò, licitè nos velle posse illud omne, quod Deus vult fieri, siue id velit voluntate antecedente, quæ ex ipso dumtaxat ortum habet, siue consequente, quæ occasionem accipit ex nobis; sic tamen ut in eadem formali ratione tunc nos quoq; conformemus illud volendo, siue ita ut secundum eandem rationem illud velimus, quâ à Deo volitum est. v. g. mala pœnæ nobis vel alteri à Deo inflicta, quatenus diuinæ iustitiæ consentanea sunt & ad illius manifestationem servantur. Colligitur ex D. Th. hic in Corp. & in resp. ad 1. & docet Vasquez disp. 62. c. 5. Malder. disp. 94. & alij recetiores. Dico omne illud quod Deus vult fieri, non autem omne id, quod Deus vult permittere fieri: quia vult etiam permittere peccata, quæ nullo modo aut consideratione possumus velle, sicuti nec Deus illa vult.

Probatur autem Conclusio; Primò ex Scripturis 1. Machabæorum cap. 3. *Sicuti fuerit voluntas in celo, sic fiet*: vbi Iudas Machabæus euentum belli, & proinde etiam casum & interuentionem gentis suæ ad diuinam reijcit voluntatem, ut si illa fuerit talis, ipse quoque eam acceptet, nihil omittens interim eorum, quæ ad suorum conseruationem, facerent: quia de voluntate diuina non constabat. 1. Reg. cap. 16. *Vsq̃uequò tu luges Saul eam ego proiecerim eum, ne regnet super Israël?* vbi indicatur, quòd Samuel etiâ poterat in illâ reiectione conformare voluntatem suam voluntati Dei. Lucæ 22. cum Dominus precatus esset, ut à se transfret calix, subiecit, *Veruntamen non mea, sed tua voluntas fiat.* Probatur Secundo ratione: quia in omnibus quæ Deus vult, habet ipse decentissimas & iustissimas rationes, quare ita velit; ergo secundum illas & propter easdem possumus & nos affectu complacentiæ hoc idè probare & velle. Probatur Consequentia: quia complacentia honesti, quâ honestum, est laudabilis. Deinde beati in celo in omnibus idem volunt, quod Deus vult, ut docet D. Anselm. lib. de Similitudinibus c. 63. & post eum D. Tho. hic in resp. ad primum, ubi dicit, quòd in statu gloriæ omnes non solum formaliter sed materialiter in omnibus suam voluntatem Deo conformabunt; ergo & viatores idem possunt secundum eandem rationem velle.

92 Dices: Beati nouerunt causas in particulari, cur Deus singula velit, & ideo ipsi placere posse; nobis autem non posse, quia rationes ignoramus. Respondetur: Etsi non semper illas cognoscamus in particulari,

92 ticulari, tamen in genere scimus Deum habere iustas & laudabiles rationes suæ voluntatis, quod satis est, vt possimus nos conformare isti voluntati secundum easdem scilicet rationes, quas Deus habet & nouit. Adde nec beatos semper scire causas in particulari, quare Deus velit, quia neque semper sciunt, quidquid Deus in particulari circa homines velit.

Dico Secundò: Sicuti Deus multa vult voluntate consequente, quæ non antecedente, ita quoque debemus affectu quodam quasi antecedente sæpius optare oppositum, quamuis iam supposita Dei voluntate consequente nos eius voluntatem & opus tanquam iustum approbemus.

93 Ad Primum itaq; argumentum in contrarium adductum, Respondetur: Quamuis debeam affectu antecedente dolere, quod Deus priuet me suâ gratiâ, & multò magis sub eâ ratione, quâ ego per peccatum sum causa istius priuationis, tamen quatenus actus ille Dei iustus est, possum eum tanquam iustum approbare, & dicere: Dominus est; quod bonum est in oculis suis faciat: Interim verò, quia Deus non vult mortem peccatoris, sed magis vt conuertatur & viuât, mox laborare oportet, vt quod Deus iustè aufert, misericorditer restituat. Similiter de casu parentis in peccato mortali mortui, dicendum est, quòd pietas requirat, vt antecedente quasi voluntate optemus eum non damnari, sed suppositis eius demeritis, & iustâ iudicis sententiâ desuper sequutâ, requirit ratio, & nostra subiectio postulat, vt eam non improbemus, neq; refragemur; verùm voluntatem nostram diuinæ voluntati submittamus: peccatorem enim priuare diuinâ gratiâ, & morientem

in peccato mortali damnare est iustum, & legibus æternis consentaneum, atque ad eò actus Deo dignus. Itaque sub hac ratione, potest mihi & omni affectui bene ordinato placere, licet quatenus est malum hominis, de eo doleam, multoq; magis de peccatis, quæ causa sunt illius mali.

Ad Secundum Respondetur, Non omnia, quæ videmus fieri in mundo, esse volita à Deo, vt fiant: sed multa tantum esse permilla. Vnde nō est laudabile aut licitum velle omnia, quæ videmus fieri; nam in primis videmus fieri peccata, quæ à Deo non sunt volita. Deinde multa mala & incommoda inferunt homines sibi mutuo, quæ etiam quatenus sunt passionis eorum qui sustinent, illorumq; miseriarum, non debemus existimare illa semper à Deo volita & procurata, sed permilla sæpius: vnde nec licet nobis ista velle, nisi aliunde constet Deum vel in peccatorum vindictam vel in iustorum exercitium particulari voluntate immittere.

Quòd ad D. August. attinet, loquitur ipse in casu, non quo filius attendit ad voluntatē Dei, submittendo suam voluntatē diuinæ ijs modis, quibus iam explicuimus; sed simpliciter, quo filius ex cupiditate hereditatis aut odio vel alio simili motiuo optat patris mortem: quod sine dubio improbum est, etiam si Deus velit patrem mori, atque adeò etiam si pater ex Dei voluntate moriatur: debet enim lege pietatis filius affectu antecedente optare vitam patris; quamuis in casu, quo ei innotesceret voluntas Dei, qui vellet eum mori, posset se submittere, & Domino dicere. Fiat voluntas tua. Vnde D. August. ibidem addit: tantum interest, ad quem finem suam quisque referat voluntatem.

Q ij

QVÆSTIO

## QVÆSTIO XX.

## De bonitate &amp; malitiâ exteriorum actuum humanorum.

*In sex Articulos diuisa.*

## ARTICVLVS I.

*Utrum bonitas vel malitiâ per prius sit in actu voluntatis, vel in actu exteriori.*

1 **S**UPPONITVR à D. Thoma, quòd in istis actibus sit quædam bonitas aut malitia cum quodam inter se ordine & dependentiâ; & hinc quærit, in vtro actu inueniatur bonitas aut malitia prius.

Pro explicatione præmittit duplicem bonitatem & malitiam in actibus humanis externis posse reperiri. Vna est; quam habent secundum genus suum & secundum circumstantiâs in ipsâs consideratas: Altera est, quæ sumitur ex fine videlicet extrinseco, ad quem operans refert actum suum. Priori modo, bonum est dare elemosynam, seruatis debitis circumstantijs: posteriori modo bonum est proficisci Romam religionis gratiâ ad visitanda limina Apostolorum. His positâs sit

2 **Conclusio Prima:** Ratio boni vel mali, quam habet actus exterior ex ordine ad finem, prior est in actu voluntatis, & ex eo deriuatur ad actum exteriorem. Est D. Thomæ. Probatur: quia cum finis propriè & immediatè sit obiectum voluntatis, non potest deriuari bonitas, quæ ex fine habetur, ab actu externo ad internum, sed necessariò deriuatur modo opposito, videlicet ab interno ad externum. Declaratur: quia actus externus non habet ex se determinatum ordinem & respectum ad talem finem, sed ex se indifferens est, & determinatur per voluntatem ad talem finem: sicuti professio ad urbem indifferens est, & per voluntatem determinatur, quòd suscipiatur religionis causâ; ergò quicquid bonitatis ex illo fine habetur, id prius est in actu voluntatis, & ab eo deriuatur ad actum externum.

Sed dices: Etiam opus, quod sic ex fine bonum est, potest considerari tanquam obiectum voluntatis, verbi gratia,

potest considerari professio ad Urbem religionis causâ tanquam obiectum voluntatis, quæ vult professionem ex tali fine; ergò videtur quòd bonitas ex fine possit esse prior in actu exteriori, quàm in interiori, non minus quàm bonitas ex materia & circumstantijs. Respondetur, etiam si possit aliquo modo haberi eiusmodi consideratio, negando tamen consequentiam: quia ista professio non censetur, neque etiam est determinata ad illum finem, nisi ut subiaceat meæ voluntati, per quam determinatur ad eiusmodi finem, & idcirco quemadmodum determinatus ordo ad hunc finem accedit professioni per meam voluntatem, sic etiam necessariò non nisi per voluntatem accedit illi bonitas ista ex fine, atque ita prior est in ipsâ voluntate.

3 **Conclusio Secunda:** Bonitas autem quam habet actus exterior secundum se propter convenientem materiam & debitas circumstantias, quemadmodum & malitia, quam habet propter indebitam materiam vel circumstantias, non deriuatur à voluntate, sed magis à ratione: quare si consideretur hæc bonitas aut malitia exterioris actus, secundum quod ipse est in ordinatione & apprehensione rationis, prior est illa, quàm sit bonitas aut malitia actus voluntatis; sed si consideretur secundum quod est in executione operis, sic sequitur bonitas: aut malitiam voluntatis, quæ est eius principium. Est D. Thomæ hic. Explicatur quia v.g. dare cum debitis circumstantijs elemosynam, secundum quod est in ordinatione & apprehensione rationis, bonum est etiam antequam volitum; idque ex eo, quòd sit actus rationali naturæ secundum legem æternâ conueniens; vnde huius generis bonitas non deriuatur per prius à voluntate, sed à ratione, estque prius in actu externo, quàm in actu voluntatis. Idem locum habet in malitiâ; nam tollere rem alienam inuito Domino, apprehenditur malum non quia volitum, sed quia est actus incōgruus & disconueniens naturæ rationali secundum

secundum legem æternam, cui debet illa conformiter operari. Quandoquidem enim actus isti, ut sunt obiecta voluntatis, sunt priores ipsis actibus voluntatis, habentque etiam ut sic suam conformitatem aut difformitatem cum natura rationali, hinc in illis quædam reperitur bonitas aut malitia quam non à voluntate, sed aliunde habent, unde & ipsa bonitas vel malitia voluntatis decederet, secundum quod in eos fertur, ut docet expressè D. Tho. Art. sequenti: quatenus tamen idem actus in executione pendent à voluntate, sicuti effectus à causâ, eatenus quædammodum eorum esse à voluntate dependet, ita quoque eorum bonitas aut malitia. Pro pleniori autem horum intelligentia.

Notandum est primò, Duplicem posse distinguere bonitatem tum malitiam moralem, sic ut una sit bonitas aut malitia formalis, alia sit tantum quali materialis, quæ etiam obiectiva dici solet. Hæc primò, inuenitur in rebus vel actibus externis, quia in his reperitur quædam conformitas aut difformitas in ordine ad naturam rationalem. Et loquendo de huiusmodi morali bonitate vel malitiâ, bene dici potest, quod Scotus docet Quodlibeto 18. artic. 3. videlicet etiam actum exteriorem habere aliquam propriam bonitatem aut malitiam moralem aliam ab illâ, quam habet actus interior voluntatis elicited. Quod sic ostendit: quia bonitas moralis est integritas eorum, quæ secundum rectam rationem debent convenire actui, sed alia est integritas eorum quæ debent convenire actui interiori, & alia eorum, quæ actui exteriori convenire debent; ergo &c. Sed huiusmodi bonitas aut malitia moralis non solet, nisi cum aliqua particula quasi diminutive vocari bonitas aut malitia moralis, videlicet cum hac aut simili, quod sit materialis vel obiectiva bonitas aut malitia, quia res illæ & actus hætenus quidem ad mores spectant quatenus sunt obiecta, circa quæ convenienter aut inconvenienter versetur natura rationalis secundum dictam legem æternam, sed tamen moralem bonitatem aut malitiam simpliciter & absolute dictam non sortiuntur, nisi quatenus à natura rationali liberè appetuntur aut exerceantur; quod videtur contra Scotum esse. Unde formalis bonitas aut malitia semper prius reperitur in actibus internis, quam in externis; quia sicuti liber egressus à suâ causa primò & proximè inuenitur in actu voluntatis, & mediante illo communicatur suo modo actibus externis, sic quoque bonitas vel malitia formalis primò & proximè est in actu interno,

& per eum communicatur externo, ita ut bonitas aut malitia materialis, quam dicimus esse in actibus externis prius, quàm in internis, fortitur rationem bonitatis aut malitiæ formalis mediante actu interno; quia formalis hæc bonitas aut malitia includit essentialiter respectum ad principium liberè operans, qui respectus non convenit actui externo, nisi quatenus per actum internum illi suo modo communicatur. Consistit autem ista formalitas bonitatis aut malitiæ in hoc, quòd actus aliquis, ut à suo principio egreditur, sit dignus laude vel vituperio; præmio aut supplicio.

Notandum Secundò, Quòd in præmissâ conclusione D. Thomas videatur loqui generaliter de bonitate, ut analogicè abstrahit à formali & obiectivâ: formalis enim bonitas non est prior in actu externo quàm in interno, quocunque modo actus externus consideretur, quia hæc presupponit esse liberum, unde hæc ut talis nullo modo potest dici ab actu externo derivari ad actum voluntatis; sed in actu externo est bonitas obiectiva pendens ex ipsius congruentiâ cum natura rationali, non autem ex ipsa voluntate: verum quando voluntas actu libero vult exercere eiusmodi actum externum, accipit ab eo similem congruentiam cum ratione & lege æternâ: habet autem ex se esse liberum, atque ita perfectâ & formalis bonitas in genere moris simpliciter prior est in actu interno, & ab eo derivatur ad exteriorem, quod indicare videtur D. Thomas, dum addit: Si consideretur (videlicet actus externus) secundum quod est in executione operis, sequitur bonitatem voluntatis, quæ est eius principium.

## ARTICVLVS II.

*Utrum tota bonitas & malitia exterioris actus dependeat ex bonitate voluntatis?*

Conclusio prior D. Thomæ est: Bonitas vel malitia, quæ est secundum ordinem ad finem, tota dependet ex voluntate. Patet hæc Conclusio satis ex dictis Artic. præced. circa Conclusionem primam.

Posterior est: Bonitas vel malitia, quæ oritur ex debita materiâ & circumstantiis, dependet ex ratione, & ex hac dependet bonitas voluntatis, secundum quod in ipsam fertur. Constat quoque ex dictis Artic. præcedenti.

Q. iij

Sed

Sed quæret aliquis, Quomodo actus externi bonitas ex materia & circumstantiis potius dicatur dependere ex ratione, quàm eiusdem actus externi bonitas ex fine, cum omnis omninò moralis bonitas dependeat ex conformitate ad rectam rationem? Respondetur D. Thomam sic loqui, vt dicat vnam bonitatem actus externi pendere potius ex ratione, quàm alteram, quia ille actus externus secundum materiam & circumstantiâ bonus est, qui habet ea omnia, quæ recta ratio præscribit, vt conuenienter à supposito rationali exerceatur, etiam antequam sit volutus, vt scilicet tantummodo adhuc est in ordinatione & apprehensione rationis: bonitas autem eius quam ex fine accipit, dependet quidè etiam ex ratione, vt est in voluntate, sed in opere externo non dependet ita proximè à ratione, sed mediante voluntate, quæ opus externum in finem illud bonum referat, vt Artic. præced. ostendimus, & propterea dicitur hæc tota dependere à voluntate, quia operi externo nullo modo conuenit, nisi per actum voluntatis; ista autem à ratione, quia actus externus proximè secundum se habet quandam conformitatem cum ratione.

## ARTICVLVS III

*Vtrum bonitas & malitia sit eadem exterioris & interioris actus?*

**R**espondet hic quoq; D. Thomas cum distinctione. Et prior eius Conclusio est: Quando actus exterior solùm est bonus vel malus ex fine, tunc est omninò eadem bonitas & malitia actus voluntatis & actus exterioris. Ratio est, quia actus exterior, non habet alium determinatum ordinem ad hunc finem, quam per intentionem & applicationem voluntatis. Vnde bonitas aut malitia, quam ex fine habet, non potest esse alia à bonitate vel malitiâ voluntatis, quæ per se respicit finem, & quâ mediante actus exterior ad eum finem est ordinatus.

Conclusio Secunda: Quando autem actus exterior habet bonitatem vel malitiam secundum se, puta videlicet ratione materię suæ & circumstantiarum, tunc bonitas actus exterioris siue malitia est vna, & bonitas siue malitia voluntatis, quæ est ex fine, est alia, ita tamen quòd bonitas finis ex voluntate redundet in exteriorem actum, & bonitas materię & circumstantiarum redundet in actum voluntatis. De-

claratur: Vt si quis det eleemosynam pauperi propter Deum, duplex ibi reperitur bonitas: ex parte namq; finis reperitur in voluntate præstantia charitatis, & in actu externo, ratione materię cum debitis circumstantiis, inest bonitas misericordiæ erga proximum, quæ sunt distinctæ rationes bonitatis. Redundat autem bonitas finis ab actu interiori in actum externum, ita vt hic quoq; quatenus à tali voluntate cum ordine ad eum finem procedit, obtineat excellentiam charitatis, & è contrâ bonitas materię, quæ primò est in actu externo, redundat etiam in actum voluntatis, qui inde quoq; accipit, quòd sit voluntas misericordiæ erga proximum. Neutra tamen bonitas vel malitia, siue ex fine siue ex materia & circumstantiis, duplicatur quoad esse formale bonitatis moralis, vt sit aliud meritum laudis vel vituperij in actu interiori, & aliud distinctum in actu externo; quamuis tamen nò videatur negandù, quin possint dici esse duo actus boni vel duo actus mali: in primis eiuſdem id erit spectando bonitatem obiectiuam vtriusq; Deinde etiam suo modo spectando bonitatem formalem, sed ita vt ab vnâ & eadem formali bonitate per quandam subordinationem sic denominentur, vt colligitur ex D. Tho. hic ad 3. sicuti si superficies & paries denominentur duo alba ab eadem albedine, quæ subordinatè illis inest.

Pro pleniori autem explicatione obseruare licet Primò, loquendo de morali bonitate obiectiuâ, quæ oritur ex materia & debitis circumstantiis, quòd sic quidem quemadmodum actus externus & actus internus sunt actus Physicè distincti, & singuli habent suam integritatem, aut integritatis deflectionem, ita quoque singuli habeant bonitatem aliquam aut malitiam obiectiuam siue materialem distinctam & sibi intrinsecam.

Obseruandum Secundò, quòd cum ista bonitate materiali actus interioris, sicuti & cum simili malitiâ semper coniuncta sit bonitas aut malitia formalis, quia ipse actus voluntatis ex propriij & proximi principij ratione liber est: sed cum bonitate istâ vel malitiâ materiali actus exterioris, non ita necessariò coniungitur formalis bonitas vel malitia, quia actus externus, qui materialiter bonus est, & habet omnes circumstantias actui exteriori secundum se debitas potest vitari per relationem voluntatis ad malum finem, sic quòd carebit formali bonitate: similiter externus actus obiectiuè malus potest excusari à malitiâ formali quia non fit liberè vt ab homine dormiente aut furioso.

Dices:

11 Dices: Sic etiam actus internus obiectiue siue materialiter bonus videtur posse vitari per relationem ad malum finem, ergo vtriusque eadem est ratio. Resp. Neg. Assumptio, quia ad integritatem actui interno debitam, vt sit videlicet obiectiue bonus, possitque licite voluntatis siue directæ siue indirectæ in eum ferri aut consentire, requiritur quod non sit relatus ad malum finem, quia debitum voluntatis obiectiue est bonus finis, sed potentie exteriores per se non respiciunt finem moraliter bonum; vnde ista relatio non pertinet ad integritatem actus exterioris secundum se, sicuti pertinet ad integritatem actus interioris.

Obseruandum Tertio, Quod bonitas ex fine habeat quoque coniunctam semper bonitatem formalem. Ratio est, quia hæc bonitas proximè inest actui voluntatis; actus autè voluntatis hominis cum ratione operantis habet coniunctam libertatem: & quia non est alia in actu exteriori, neque competere huic potest, nisi mediante actu voluntatis, propterea censetur quoque actus externus bonus formaliter ab eâ; non tamen quod huic illa bonitas sit intrinseca, sed competat per extrinsecam denominationem, quia per voluntatis relationem ordinatur actus externus ad hunc vel illi finem, quod nihil intrinsecum ponit in ipso actu, sicuti ponit bonitas materialis siue obiectiua exurgens ex materia & circumstantiis, quæ inest singulis sua propria, vt ex dictis patet: formale tamen Esse bonitatis moralis in vtroque vnicum est, quia respiciunt vnum principium liberè operans sub vnicâ ratione fundandi, videlicet sub vno effluxu, quo vterque actus internus & externus liberè exit à voluntate, & ideo non sunt duæ culpæ aut duo demerita vel merita, sed vna culpa & vnum meritorium, quia vnica imputabilitas eis competit, ad laudem vel vituperium, ad præmium vel poenam.

12 Sed contra hæc obijcit Scotus Quodlibet 18. artic. 3. Prohibetur in Decalogo actus exterior distincto præcepto, ab eo, quo prohibetur interior; dicitur enim, Non moechaberis, & Non concupisces uxorem proximi; atqui id operæ pretium non fuisset, sic prohibere distinctis præceptis, nisi actus internus & externus haberet distinctas malitias; ergo &c. Huc faciunt diuersa loca Scripturæ: vt quod dicitur Matthæi 15. *Quæ autem procedunt de ore, de corde exeunt, & ea cōtaminant hominem, de corde enim exeunt cogitationes malæ, homicidia, adulteria &c.* Item quod primi Reg. cap. 25. David dicit ad Abigail: *Benedicta tu, quæ prohibuisti me hodie ne irem ad sanguinem.* Et

quod Genes. cap. 20. dicit Deus ad Abimelech: *Custodius te, vt non peccares in me, & non dimisi, vt tangeres eam.* Quod etiam facit, quod scribit D. August. 13. de Trinit. cap. 5. Mala voluntate vel sola miser quisque erigitur, sed inferiori potestate, quâ malæ voluntatis desiderium impletur. Denique Respublica videtur punire actum externum, etiam separatim ab interiori, quod non faceret, nisi haberet propriam malitiam.

Respondetur ad primum: Tamen si vno præcepto prohibeatur actus internus etiam seiuinctus ab externo, tamen altero non prohibetur externus solus, sed externus cum interno, siue vt ab interno procedens; vnde non est consequens duas esse formales malitias seu culpas horum actuum, sed potius esse vnam: ideo enim non prohibetur externus sine interno, quia sine eo non habet culpam; internus autem seorsim per se sub prohibitionem cadit, quia per se est subiectus malitiæ formalis seu culpæ. Facta verò fuit distincta prohibitio actus interni separatim à prohibitionem actus externi, ne à rudi populo existimaretur voluntatem internam esse sine culpâ, quâdiu opus externum re ipsâ non adiungatur. Ad locum Matthæi quod attinet, Respondetur, illum satis manifestè pronuntia sententia facere: non enim dicuntur illa, quæ de ore procedunt, cōtaminare hominem, nisi quatenus illa eadem de corde procedunt, quod ibidem adiungitur.

Ad D. August. Resp. Quod miserius quis efficiatur potestate adimplendi malam voluntatem, quia hætenus recedit longius à beatitudine, quatenus quidam veluti accessus est seu relictus ad beatitudinem, habere corripientem aut impediētem aliquem in peccato suo. Accedit simul, quod opus externum sepius augere aut confirmare peccatum voluntatem solet, quod ad maiorem miseriam facit. Solent præterea multa alia incommoda ex opere externo sequi, quæ non ita sunt coniuncta cum solo actu interno voluntatis, vt Artic. sequent amplius declarabitur.

Hinc patet, quid dicendum sit ad alia Scripturæ loca allegata: quia propter huiusmodi malæ voluntatis multiplicationem & continuationem, & propter alia incommoda, meritò accepit David pro beneficio, quod impeditus fuerit, ne iret ad sanguinem, quamuis ipsum opus externum in se nudè consideratum non habeat distinctam malitiam ab internâ voluntate: & similiter Dominus tanquam gratiam factam Abimelech refert, quod non permisit vt tangeret uxorem Abraham, ne inferretur malum hoc coniugi alterius.

Q. iiii ARTI.

*animi voluntatis, ita sit & perficiendi ex eo quod habetur. Si voluntas prompta est secundum id quod habet, accepta est Deo, non secundum id quod non habet.* Significatur hic enim, quod Deo æquè sit grata voluntas prompta ad dandum destituta facultatibus, eoque nomine minus donans, ac altera facultatibus pollens & plus tribuens. Neq; n. desinit esse minus accepta, ex eo quod desit facultas plus dandi, ut communiter Interpretes illum locum exponunt Oecumenius, Theodoretus, Theophyl. & D. Cyr. lib. 3. ad Quirinum c. 2. Marci 12. laudatur præcæris vidua, quæ obtulit duo minuta, quia non minori affectu dedit quam alij, qui plus offerebant, sed etiam maiori.

17 Probatur Secundò ex Patribus. D. August. lib. 1. de lib. arbit. cap. 3. Ut intelligas (inquit) libidinem in adulterio malam esse, si cui etiam non contingit facultas concubendi cum alienâ coniuge, planû sit tamen eum id aliquo modo cupere, & si potestas daretur facturum esse, non minus reus est, quam si in ipso facto deprehenderetur. Et Epistola 49. Quæst. 4. exponens illud Matth. 7. In quâ mensura mensueritis &c. docet affectum voluntatis esse mensuram factorum, id est meritum aut demeritum. D. Chrisost. Homil. 26. in Matthæum docet voluntatem solam remunerari pro bono aut condemnari pro malo, opera verò externa esse huius voluntatis tantum signa. Et D. Bernardus Epist. 7. Quid planius, inquit, quàm quod voluntas pro facto reputetur, ubi factum excludit necessitas.

Probatur Tertiò ratione: quia supra ostensum est, non competere actui externo formalem bonitatem aut malitiam, distinctam ab ea, quæ est actus interioris, quod D. Thomas Artic. Tertiò in resp. ad Tertiū declarat hoc simili exemplo: Sicuti non alia est sanitas medicinæ & vring, quàm sanitas animalis, unde sana dicuntur; ergò per se non addit aliquam novam. Confirmatur Primò: quia actus exterior est effectus necessarius consequens ad absolutam voluntatem absque noua intentione aut tendentiâ liberâ in bonum honestum; ergò non addit aliquid culpæ aut meriti. Deinde qui vult dare eleemosynam, & dat ministro ut distribuatur, iam habet meritum totum illius eleemosynæ, quod non augetur nec minuitur si famulus re ipsâ distribuatur siue non. Similiter si quis fureretur ab alio rem propriam, existimans esse alienam, æquè peccat ac si res esset aliena, & tamen opus externum non est acceptio rei alienæ; ergò signum est quoddam malitia tota seu culpa sit in voluntate.

Sed contrà obijcitur Primò: Qui potest facere externū opus, non habet actum interiore voluntatis perfectum, nisi illud re ipsâ præsterit; qui verò non habet facultatem operis externi, non potest etiam habere perfectam voluntatem talis operis, quia non potest elicere absolutum actum, qui exprimitur per, Volo, sed tantum illum, qui exprimitur per, Vellem; ergò nunquam contingit, quod actus interiores sint æquales in bonitate aut malitiâ; & vni coniungatur opus externum, & alteri non. Resp. primò: Siue contingat, quoddammodi actus interiores dentur, qui sint omnino æquales, quorum alteri opus externum est coniunctum, & alteri non, siue id non contingat; verum tamen manet actum exteriorem non addere bonitatem, aut malitiam supra interiore, quia tunc differentia est in ipsis actibus internis, qui ponuntur non esse pares in suo esse. Respondeo secundò, posse contingere solum actum interiore in eo, qui non habet facultatem operis esse æquè perfectum ac æquè bonum, quàm in illo, qui habet facultatem operis: differentia enim illa, quæ est inter, Volo, &, Vellem, quamvis Physicè semper actus faciat diuersos, ac sæpè etiam moraliter, tamen si reuera illud, Vellem, procedat ex tanto affectu volentis, ut nihil extrinsecum impedimentum obstat, exiret in opus externum, non est minoris perfectionis moraliter loquendo, quam absolutum, Volo, alterius. Huc accedit, fieri posse, ut quis ignoret sibi deesse facultatem operis externi, & tunc poterit habere absolutam voluntatem operis, & tamen non legetur opus: sicuti dum quis existimans se habere pecunias vult dare eleemosynâ pauperi, & dum pecunias erogare vult, non eas inuenit, potuit is habuisse perfectam voluntatem dandi eleemosynam, & quasi dixisse, volo: quamvis opus non coniungatur; non minus quàm alter, qui pecunias apud se inuenit, & eleemosynam elargitur.

Obijcitur Secundò: Si quis ex hac vitâ discedens haberet perfectam voluntatem per opera penitentis satisfaciendi pro omnibus suis peccatis, seu pro toto reatu peccatorum, quibus obstrictus teneretur, casu quo superuivere, non propterea ab omni purgatorij penâ liberaretur, perinde ac si opera penitentis expleuisset; ergò externa opera addunt aliquid supra bonitatem actus interioris. Resp. Nos hic loqui de morali bonitate formali, quam diximus consistere in eo, quoddam actus sit laude vel vituperio dignus. Dicimus itaq; quamvis ista voluntas hominis sic decedentis ex hac vitâ sit parâ laudis & meriti, per-



ti, perinde ac si actus externi essent sequuti, non tamen idcirco debet esse paris satisfactionis, quia ad satisfactionis rationē etiam conferit penalitas non tantum contritionis in corde, sed etiam doloris & afflictionis in corpore: & idcirco per solum actum voluntatis nō sic exsoluuntur pœnæ debitæ, sicuti quando opera pœnalia externa accedunt. Deinde opera satisfactoria debent esse voluntaria, vnde non perficiuntur nisi actibus voluntatis continuatis aut repetitis, in quibus multo plus laboris est, præsertim corporis afflictione accedente quā in vno simplici actu voluntatis semel elicitō. Quare mirum non est, si non ita liberetur à pœnis purgatorij, sicuti liberaretur, si opera pœnitentiæ de facto expleuisset.

20 Obijcitur Tertiō: Ex hac doctrinā sequitur, cum, qui habet voluntatem, v. g. occidendi mille homines æquē grauiter peccare ac si reuera illos occideret: Similiter si quis haberet voluntatem alendi mille pauperes, quod æquē mereretur, quā si de facto mille pauperes aleret: atqui hæc videntur esse inconuenientia; ergo &c. Respondetur, Voluntas illas habere tantam bonitatem aut malitiā quā habent cum quouis actu exteriori, qui ex illis præcisè sumptis efficaciter sequeretur, si nullum externum impedimentum obstarēt. Vnde inconueniens non est admittere, quod iste tantum peccet, quā si illā voluntate eodem modo se habente nec villo modo immutata sequeretur occisio mille hominum: Similiter dicendum quoque est, de alterius voluntate alendi mille pauperes. Verū aduertendum est, quod in istis & similibus casibus, non sufficiat ordinariē ad tanta opera externa vnicus simplex actus voluntatis, sed quod vt de facto perficiantur, debeant actus voluntatis sæpius multiplicari & cōtra remoras & difficultates, quæ in executione operis sentiuntur, debeant intendi, & ipsa voluntas roborari & accendi; vnde vix fit, quod vnicus actus interior voluntatis sic habeat omnem illam bonitatem vel malitiā, quam voluntas habet dum eiusmodi opera ardua de facto exercentur.

21 Obijcitur Quartō: Si quis haberet voluntatem peccandi tantum in opere externo, quantum peccauit Lucifer, non tamen idcirco committeret tantum peccatum, quantum Lucifer commisit: Similiter si quis vellet tantum mereri, quantum S. Petrus, non tamen eā voluntate tantum mereretur, nisi æquales effectus sequeretur; ergo externum opus siue effectus aliquid addit ad culpam vel meritum. Resp. Neg.

Consequentiam: quia comparamus hic actum voluntatis cum effectu externo, qui non sit elicitus actus ipsius voluntatis; hunc enim dicimus nihil superaddere volitioni internæ: secus autem se res habet, si actus volutus sit alius actus voluntatis: hic enim propriam & formalem bonitatem aut malitiā in se habet. Vnde mirum non est, si eam dicatur priori actui addere; vt fit in exemplis allegatis. Velle enim mereri est velle actum voluntatis, aut aliquid quod ex illo pendet immediate & proximē.

Deinde agimus de actu, qui natus est sequi ex vi alieius internæ volitionis: atqui sanctitas & meritum S. Petri non sunt nata sequi ex vnā tali volitione, sed ex multis internis actibus præstantissimarum virtutum. Similiter si quis optaret conuertere totum mundum, non tamen idcirco mereretur, tantum, quā qui conuerteret: quia opus illud non est natum sequi ex vi vnus talis affectus, sed necessarii essent plurimarum virtutum varij & diuersi actus ad eiusmodi finem consequendum: multo quē minūs sequitur eum habere infinitum meritum, qui optat alere infinitos pauperes, quia huius voluntatis effectus non tantum est impossibilis quasi per accidens propter aliquem defectum, v. g. sufficientium facultatum, sed etiam per se ex propria ratione obiecti, quia non possunt dari infiniti pauperes; vnde velleitas hæc neque physice neque moraliter potest dici æquialere voluntati absolute. Accedit quod opus nullo modo natum sit sequi ex vi illius voluntatis, quia effectus simpliciter infinitus non potest causari ab actu finito.

Obijcitur denique: Si actus exterior non addat aliquam culpam ad actum interiorē; ergo non debet in confessione exprimi, sed sufficit dicere, quod quis habuerit absolutam & perfectam voluntatem faciendi eiusmodi actum exteriorē, subterfundo an fecerit vel non fecerit. Resp. Neg. Conseq. Et ratio est in primis, quia actus exterior & actus interior per modum materiæ & formæ constituunt vnum peccatum cempietum: debet autem peccatum totum exprimi. Deinde opus externum habet suam malitiā obiectiuā, quæ suo modo in actum interiorē deriuatur: vnde licet non efficiat maiorem malitiā formalem actus interioris, explicari tamen debet, quia in eo peccatum cordis consummatur, & ab eo tanquam à fonte malitiā accipit. Quare cum omnino propter ista conueniens fuerit, vt explicaretur simul actus externus, hinc ita à Christo institutum esse dubium non

non est; præsertim cum id simul faciat ad peccatoris humiliationem, & quandam ipsius peccati conuenientem quasi vindictâ. Vide Vázquez disp. 76. c. 3. Accedit quodd ex occasione actus externi aliquando poenitens incurrit pœnas ecclesiasticas, vel obligationem restitutionis siue famę siue rerum fortunę, de quibus non poterit sacerdos prudenter iudicare, nisi actus externus simul explicetur.

cognitum & non sit vitatum, quando vitari debebat.

## ARTICVLVS VI.

*Vtrum idē actus exterior possit esse bonus & malus.*

24

Notandum verò est, eis quæ diximus hætenus, non repugnare, quod habet D. Thomas in fine Corporis, scilicet quodd actus exterior ex materia & circumstantijs bonus addat actui interno aliquam perfectionem, videlicet finis, quia omnis morus vel inclinatio in hoc perficitur, quodd consequatur finem vel attingat terminum; hoc enim magis pertinet ad complementum & perfectionem voluntatis, quatenus actus eius est veluti operatio naturalis, quàm ad eius perfectionem in genere moris, modò alioquin actus voluntatis sit ita absolutus, vt opus efficeretur sequeretur, nisi obstatet extrinsecum impedimentum.

## ARTICVLVS V.

*Vtrum euentus sequens aliquid addat de bonitate vel malitia ad exteriorem actum?*

25

PER euentum intelligit hic D. Thomas aliquod accessorium commodum, vel incommodum, quodd ad ipsum externum opus primò & principaliter volitum sequitur. Responso autem eius habet, quodd euentus præcogitatus addat aliquid ad bonitatem vel malitiam operis; similiter & qui expresse præcogitatus non est, modò natura suâ siue per se extali opere natus sit sequi: sed euentus, qui per accidens & rarò sequitur, & non est hic & nunc præcogitatus, non addit ad bonitatem vel malitiam.

Circa quæ notandum est quodd vt euentus addat aliquid ad malitiam operis, sufficit fuisse præuisum aut præuideri potuisse & debuisse; sed vt addat aliquid ad bonitatem, debere fuisse etiam intentum, vt simul in voluntate influat obiectiuè mouendo sub eâ ratione, quâ ipse honestus est: quia bonum constare debet ex integrâ causâ; ad cuius integritatem requiritur, vt honestas obiecti non tantum sit cognita, sed etiam ipsa sit, quæ voluntatem moueat; malum verò nascitur ex singulis defectibus, vnde sufficit, quodd fuerit præ-

26

Conclusio Prima: Loquendo de bonitate actus in genere moris impossibile est, vnum & eundem actum simul esse bonum & malum. Est D. Thomæ hic. Patet, quia bonum & malum tanquam differentię oppositę distinguunt actum in genere moris; ergò non possunt simul conuenire eidem actui, qui sit vnus in ratione moris.

Conclusio Secunda: Actus externus vnus vnitate naturę siue secundum Esse naturę, potest aliquâ parte suę durationis esse bonus, & aliâ parte esse malus. Ita quoque D. Thomas & alij communiter. Declaratur, quia potest quis inchoare aliquē actum seu opus externum propter finem aliquem honestum, v. g. ire ad templum ad orandum, & in ipso itinere continuato mutare intentionem finis, & præ oculis habere finem malum.

Concl. Tertia: Potest quoque opus externum secundum Esse naturę idem simul esse bonum & malum, quatenus habet respectum ad diuersas diuersorum hominum voluntates. Colligitur ex D. Thomæ hic ad 3. & Declaratur, quia quando dominus dat eleemosynam pauperi rectâ intentione per ministrum suum, quam minister porrigat malo fine & sinistra intentione, illa externa datio eleemosynę est opus bonum, quatenus respectum habet ad voluntatem & intentionem Domini, vt ab eâ procedit; & est malum quatenus procedit ab intentione ministri, & ad eam respectum habet.

27

Dices: Ista datio eleemosynę non videtur esse opus morale respectu Domini, quia non proximè videtur esse in eius potestate, sed in voluntate ministri; ergò non habet bonitatem moralem ex ordine ad voluntatem Domini. Resp. Negando assumptum: & contrarium patet ex eo, quodd eiusmodi actus, quos quis per alium facit, in vtroque foro soleant mandanti imputari; vt si quis per alium occidat suum inimicum, punitur tanquâ homicidij causa, quia per mandatum mouet & quasi impetum imprimit ad externum effectum sequendum; vnde moraliter censetur eius opus, non minus quàm si immediatè id fecisset.

Conclusio Quarta: Probabilius est, non posse

28

indivisibilis, potest successivè esse verus & falsus; ut cum aliquis credit Socratem sedere, dum reipsâ sedet, & in eadè actuali credulitate perseverat Socrate surgente: quia eiusmodi actus recipiunt opposita non per successionem sui, sed per successionem oppositorum: sicut & corpus quod est ens permanens, & habens totum suum esse simul, est successivè calidum & frigidum per successionem frigoris post calorem. Ita ferè Durandus loco citato. Declaratur, quòd neque ex posteriori parte, quam maximè urget Conradus: quia formalis bonitas moralis & malitiâ reuera sunt tantùm differentiæ accidentales actus interioris considerati secundum suum Esse naturæ, non essentielles & specificæ, ut suprâ quæst. 18. artic. 5. nu. 32. & sequentibus ostendimus latè contra Conradum; ergò &c. Quomodo autem D. Thomas dicat quæst. 19. artic. 1. quòd bonum & malum sint per se differentiæ actus voluntatis, ibidem explicuimus, quia scilicet quamvis accidentariè, tamen non per alios actus, sed proximè voluntatis actibus conveniunt.

32 Dices: Addit D. Thomas ibidem, quòd voluntas bona & mala sint actus differentes secundum speciem; ergò loquitur de differentiis per se, id est essentialiter constitutivis speciei. Respondetur, insistendo explanationi datæ, D. Thom. velle tantùm, quòd voluntas bona & mala sint actus differentes secundum speciem in genere moris. Sed tamen quia eiusmodi differentiæ (quamvis respectu Esse naturalis actus sint accidentariæ) conveniunt actibus voluntatis per se, ita ut non per alios actus, hinc benè deducit, quòd eas accipiunt ab objectis: supponendo tamen ex parte actus quod liberè fiat secundum naturam voluntatis quod est principium.

33 Possunt verba D. Thomæ & alio sensu explicari, sic ut intelligatur loqui de differentiis essentialiter divisiis actuum voluntatis secundum Esse naturæ, eorundemque constitutivis in specie Esse naturalis: tunc autem per bonum & malum non intelligenda venient moralis bonitas formalis, & moralis malitiâ formalis, sed quædam moralis bonitas materialiter & objectivè sumpta, & similis quædam malitiâ, quæ actui voluntatis respectivè competunt præcisè, quatenus fertur in obiectum, ut tale vel tale propositum, & directè volitum, à quo substantialis & realis differentia actus interni secundum Esse naturæ desumitur.

34 Censebitur itaque actus voluntatis secundum Esse naturæ differentia substantialis esse bonitas eiusmodi, quando tendit in obiectum propositum sub ratione honesti, & sic volitum, siue interim actus liberè & cum aduertentia rationis, siue necessariò aut sine consideratione eliciatur: rursum siue ex prudenti rationis iudicio, siue ex imprudenti & ignorantia culpabili procedat: quare actus omnes illi, qui in illud obiectum sic propositum & sub eâ ratione tendunt, erunt eiusdem speciei secundum Esse naturæ, quovis modo eliciantur. Est autem hæc specifica ratio quasi primum fundamentum & substratum status virtutis & moralis bonitatis formalis, quæ accedit, quando voluntas liberè & secundum prudens iudicium rationis suo actu tendit in obiectum sic propositum. Censebitur autem moralis malitiâ materialiter & objectivè sumpta esse substantialis differentia actus, quando tendit in obiectum aliquod sub quacumque ratione boni habens coniunctam turpitudinem prout ab intellectu proponitur, siue ex sua ratione intrinsecâ, siue ex lege positivâ, siue ex circumstantiâ, quæ simul cognoscitur, & cum quâ obiectum appetitur: nam hæc etiam in partem & rationem obiecti transit, ut notat Azorius Tomo 1. lib. 2. cap. 5. quæst. 1. ab obiecto autem ut cognito & volito sumitur naturalis species actus voluntatis, non ab eo quod ignoratur etiam culpabiliter.

35 Et ad hunc cnsusum etiam commodè accipientur, quæ scribit D. Thomas in 2. Dist. 40. artic. 1. ubi dicit: Interiores actus voluntatis specie diuiduntur per bonum & malum, sicuti per differentias essentielles: quem locum alioquin scribit Vasquez hic Disput. 55. cap. 4. sibi adeo difficilem, ut prorsus nesciat eum aliquo modo explicare: quare non mirum (inquit) quòd Conrado præbuerit occasionem oppositæ opinionis. Quandoquidem igitur, stante illa morali bonitate materialiter & objectivè sumptâ, quam dicimus specificam differentiam actus interni secundum suum Esse naturæ, possit actus esse primò moraliter & formaliter bonus, & postea moraliter & formaliter malus, ut si accedat prohibitio, vel aliqua circumstantia, quæ culpabiliter non aduertitur, & è contrâ, sit quòd sine repugnantia doctriinæ D. Thomæ rectè dici queat, actum internum voluntatis secundum Esse naturæ manentè eundem numero posse successivè esse bonum & malum formaliter.

## Q V Æ S T I O X X I.

De consequentibus actus humanos in  
bonitate vel malitiâ.

**A** GIT hac Quæst. D. Thomas de quibusdam, quæ proprietatum instar consequuntur actum humanum, quatenus est bonus vel malus. Ponit autem tria, quæ sic conueniunt actui bono; & similiter tria, quasi opposita, quæ actui malo. Docet itaque actui bono competere esse rectum, esse laudabilem, & esse meritorium; actui autem malo è contra, esse peccatum, esse culpabilem, & esse demeritorium. Quamuis autè in genere loquendo distinguantur malum & peccatum, sic ut malum latius pateat (quia quælibet carentia boni etiam non debiti est quoddam malum, nõ tamè quælibet est peccatum) nihilominus quia actus humanus dicitur malus per hoc quod recedat ab ordine rationis & legis æternæ, hinc omnis actus humanus malus est quoque peccatum, quia habet adiunctam carentiam boni debiti inesse. Similiter licet bonum & rectum etiam distinguantur, ita ut bonum generaliter loquendo magis commune sit, tamen omnis actus humanus bonus est quoque rectus, quia actus bonus hominis includit ordinem ad regulam seu mensuram, cui sit conformis, ex quo ordine aliquid denominatur rectum.

Ita quoque licet peccatum in genere latius pateat, quàm culpabile; & rectum latius quàm laudabile (rectitudo enim seu debita dispositio naturæ, & peccatum, ut vocant, naturæ v. g. monstrositas, non sunt per se laudabilia vel culpabilia) tamè omnis actus humanus rectus ex hoc quòd sit voluntarius & liber, habet quòd sit laudabilis, & è contra omnis actus humanus peccaminosus habet, quòd sit culpabilis; quia esse laudabile vel culpabile ex eo dicitur, quòd bonitas vel malitia agèti possit imputari: potest autè imputari ex eo, quòd sit in agètis libertate. Deniq; actus humani etiam habent, quòd sint meritorij aut demeritorij, quatenus videlicet sunt proficui vel nociui tertio, siue personæ priuatæ, siue communitati aut collegio, ad quorum commodum vel incommodum ordinantur: vnde eis debetur retributio respectiue, siue à priuatis siue à communitate. Sunt etiam meritorij aut demeritorij apud Deum; meritorij quidem si ad Dei honorè & gloriam referantur, sintque tales, qui apti sint, ut referantur: si verò sint tales, qui referri non possint aut si sint, tamen alio detorqueantur, demeritorij sunt. Sed de his infra latius.

*Transitus à Quæstione 21. vsque ad Quæst. 71.*

**T**RACtat D. Thomas à Quæst. 22. vsque ad 49. exclusiue: De Animæ passionibus in genere & in particulari, ac de earum effectibus. A Quæstione autem 49. vsque ad 68. disputat De Virtutibus tum Intellectualibus tum Moralibus: Deinceps verò vsque ad Quæst. 71. agit de Donis Spiritus Sancti, De Beatitudinibus & de fructibus Spiritus Sancti. Quia verò hæc pro maximâ parte philosophica sunt, quæ ad Philosophiam moralem propriè spectant, & à D. Thoma prolixè & satis dilucidè explicantur; cætera autem, quæ magis Theologica sunt, & difficultatem aliquam habent, alijs locis oportunis solent pertractari: hinc, prætermisiss Quæstionibus istis, cum alijs plerisque Commentatoriibus ad Quæstionem septuagesimam primam progredimur.

# Q V Æ S T I O L X X I.

## De vitijis & peccatis secundum se.

### In sex Articulos diuisa.

#### ARTICVLVS I.

#### *Vitium vitium contrarietur virtuti?*

**A**NTE responsionem præmittit D. Thomas, duo circa Virtutē posse considerari, ipsam scilicet essentiam Virtutis, & id, ad quod est Virtus. In Essentia autem Virtutis dicit aliquid considerari posse directē, & aliquid ex consequenti: Directē quidem, importat dispositionem quandam alicuius conuenienter se habentis secundum modū suæ naturæ; Ex consequenti autem sequitur (inquit) quod virtus sit bonitas: in hoc enim consistit vniuersiūque rei bonitas, quod conuenienter se habeat secundum modum naturæ suæ. Entitas itaque Virtutis est bonitas quædam, sed formalis & directus eius conceptus importat, quod sit dispositio alicuius conuenienter se habentis secundum naturæ suæ rationem. Vnde Philosophus lib. 7. physic. c. 3. dicit, quod Virtus sit dispositio perfectæ ad optatum. Perfectum autem hic explicat D. Thomas, quod est dispositum secundum naturam. Porro id, ad quod est virtus, est illud optimum, de quo Philosophus in allegata definitione loquitur, scilicet actus bonus seu operatio recta, in qua consistit plenitudo perfectionis suppositi: vnde propter operationem rectam siue conuenientem est virtus generaliter, non tantum vt dicit habitum & bonam qualitatem mentis prout de eâ hic tantum agit D. Tho. sed vt etiam comprehendit potentias & facultates naturales, quas nomine virtutis in communi aliquando significari constat ex eodem D. Thoma supra q. 55. art. 1.

His positis Respondet, Virtuti secundū id ad quod ordinatur siue actui eius opponi peccatum: nam peccatum est actus inordinatus deuians à suâ regulâ; actus autem virtutis est actus ordinatus & conformis regulæ suæ. Secundum verò rationem bonitatis dicit ei opponi malitiam; sed secundum id quod directē est de ratione virtutis inquit, opponitur virtuti vitium: quia cuiusque rei vitium est, quod

non sit disposita secundum quod conuenit naturæ ipsius vt docet Diuus Augustinus libro 3. de Libero Arbitrio capite 14. Quod perfecti omni naturæ decile perspexeris, id voca vitium inquit.

Sed difficultas mouetur, quo oppositionis genere vitium virtuti sic consideratæ opponatur an contrariè an priuariuè?

Notandum hic est, in vitio posse duo considerari: videlicet speciem realem & positiuam, ratione cuius vitiosus habitus inclinatur in aliquod bonum vtile vel delectabile: à quâ boni ratione sumitur species, ex quâ præcisè consideratâ non habet, quod sit malus: nulla enim res ex suo Esse naturali positiuo, mala est, sed sicut contingit bono vili aut delectabili coniunctam esse deformitatem contrariam rationi & honestati, ita quoque sit, quod habitus inclinans ad tale bonum, etiam secundariò saltem inclinatur in illam deformitatem, & turpitudinem; quæ deformitas, cum quædam priuatio sit, addit etiam habitui suam speciem, quæ priuatiua est & moralis, & inde habitus vitiosus est, vt patet in habitu intemperantiæ, inuititæ & in similibus.

Respondetur itaque, si in vitio consideremus rationem priuariuam, sic non opponi virtuti per contrarietatem, quia hæc debet esse inter duas formas positiuas; sed si consideremus vitium secundum suam speciem positiuam, sic oppositionem eius cum virtute, reduciue saltem pertinere ad contrarietatem: quia habitus vitij sic de eo loquendo, & habitus virtutis sunt formæ positiuæ expellentes se ab eodem subiecto, cui vicissim inesse possunt, & ad idem genus qualitatis pertinent. Dixi saltem reduciue eo pertinere, quia non videntur esse contraria propriissimè dicta: vitium enim ex specificâ suâ differentiâ, quam accipit à ratione obiecti videlicet boni vtilis aut delectabilis, si præcisè consideretur, non sortitur oppositionem cum virtute, quia ratio boni vtilis aut delectabilis, & ratio honesti per se non opponuntur: sed sunt quædam rationes disparatæ, quæ tamen possunt simul esse in eodem subiecto

R ij & actu

& actu, sicuti albedo & dulcedo sunt disparata, quæ tamen in eodem subiecto reperiuntur.

3 Opponitur itaque vitium virtuti solum ratione turpitudinis, quæ obiecto ipsius adheret & quamvis non includit in obiectum ratione turpitudinis, nec in turpitudinem, physice spectando eius operationem (quia turpido expressè & formaliter sub suâ propriâ ratione non appetitur) tamen moraliter loquendo censetur idem habitus mouere & inclinare etiam ad deformitatem & turpitudinem obiecti: Quemadmodum qui vult tale obiectum delectabile vel utile non obstante eius turpitudine, censetur moraliter & interpretatiuè velle ipsam turpitudinem. Hinc ergo, quia vitium licet positius habitus sit, tamen præcipuam repugnantiam cum virtute habet ratione eius, quod respiciat quoque turpitudinem obiecti quæ in priuatione consistit, propterea dicimus oppositionem illam potius reduci ad contrarietatem, quam propriissimè dictam contrarietatem esse. Sed contra Obijciuntur: habitus v. g. intemperantiæ potest remanere in homine iustificato, cui tamen inditur infusus habitus temperantiæ: cum charitate enim infunduntur omnes virtutes morales, vt docet D. Thom. sup. q. 64. a. 3. ergo vitium nullo modo contrariatur virtuti, cum cõtraria non possint eidem simul inesse. Pro horum explicatione

4 Notandum est Primò, habitum alicuius virtutis moralis acquisitum, & habitum similis virtutis infusum specie distingui, vt docet D. Thom. sup. quæst. 63. artic. 4. quia licet circa idem materiale obiectum, occupentur, tamen versantur circa illud sub diuersâ ratione honestatis motiuâ: duplex enim honestas in eodem obiecto considerari potest, videl. vna ordinis naturalis & altera supernaturalis. Notandum hinc Secundò, iuxta Aristot. lib. 3. Politic. c. 3. eam esse diuersas virtutes Ciuium, quatenus ad diuersas politias seu politicos ordines pertinent & referuntur. Quia itaq; potest quoq; duplici respectu homo considerari: vno tanquam ciuis & pars communitatis hominum simpliciter & præcisè secundum quod homines sunt, & quatenus secundum rationem merè naturalem eis viuere & conuersari conuenit: altero, vt est ciuis societatis sanctorum & domesticus Dei, quatenus videlicet est capax & ordinatus ad æternam vitam & salutem; hinc iuxta duplicem illius considerationem possumus in materia cuiuslibet virtutis, attendere diuersas rationes honestatis; multo potius quam propter diuersum respectum ciuis, quo pertinet ad varios ordines po-

liticos; vnam quæ decet hominem quatenus simpliciter homo est habens ordinem ad humanam societatem; alterâ quæ decet hominem vt habet ordinem ad societatem sanctorum & ciuitatem celestem, ac æternam beatitudinem. Quia verò posterior hæc ratio honestatis diuinâ reuelatione tantummodo nobis innotuit, & conjunctionem cum Deo per gratiam respicit, hinc meritò supernaturalis ordinis esse dicitur, & similiter habitus ei correspondens.

5 Possunt autem hæc declarari per singulas materias virtutum moralium v. g. temperantiæ materia est moderatio passionum & delectationum gustus & tactus ad debitam proportionem & mediocritatem: potest autem quis in eâ considerare, quatenus prædicta mediocritas conuenit homini, vt rectum vsum rationis & corporis valetudinem in ordine ad functiones hominæ dignas tueatur, eisque non officiat, & sic circa eam versatur habitus temperantiæ acquisitus: Potest præterea eadem mediocritas considerari, quatenus corpus castigat, & in obsequium & seruitutem spiritus redigit, prout D. Thom. sup. explicat, vt videbimus seruiat vitæ supernaturali, ad quam à Deo ordinati sumus; & sic versatur circa eam habitus temperantiæ infusus. Similiter fortitudo versatur circa pericula & mala superanda vel toleranda quando & quomodo oportet. Porro circa hæc versatur fortitudo acquisita, quatenus id homini secundum ciuilem rationem in ordine ad humanum conuiuium & patriæ bonum conuenit. Fortitudo autem infusa versatur circa eadem, quatenus secundum directionem fidei & gratiæ continet ista sic agere & tolerare aut superare in ordine ad societatem sanctorum & ciuitatem supernam.

6 His præmissis ad argumentum respondetur, Negando Consequentiam, loquendo de vitio & habitu virtutis acquisitis & eiusdem ordinis, prout hic loquimur: Comparatio enim debet fieri in vniuoco, & proinde inter naturas vel formas eiusdem ordinis: quamvis ergo vitium per frequentatos actus acquisitum simul possit consistere cum virtute oppositâ infusâ (non enim mox ad iustitiæ infusionem tollitur omnis praua inclinatio ex præcedentibus actibus relicta) non tamen potest consistere cum virtute acquisitâ, cui dicimus vitiosum istum habitum per se contrariari; sed dum virtus per actus comparatur, expellitur habitus vitiosus, nec sese in gradu intenso simul admittunt in eodem.

7 Ceterum sicuti virtus in eadem materiâ duplex

duplex est iuxta modò dicta, sic quoque duplex ratio vitij ostendi potest: ita vt virtuti acquisitæ opponatur propriè habitus vitiosus, quatenus reddit hominem dispositum inconuenienter naturæ suæ secundum quod illa iuxta naturalem rationem moueri deberat moralè honestatè, sed virtuti infusæ opponatur propriè, quatenus habet adiunctam maculam in qua consistit ratio culpæ habitualis, quæ distinguitur iuxta diuersam rationem virtutis cui opponitur, & reddit hominem ind dispositum secundum naturam suam, quatenus hæc gubernari debet iuxta rationem fide illuminatam, & quatenus homo ordinatus est ad ciuitatem sanctorum, sub quâ ratione non remanet vitium, quando in iustificatione infunduntur virtutes: quia per donum supernaturale quod infunditur, deletur & tollitur macula ac redditur homo bene dispositus secundum eam rationem, quâ ciuis sanctorum est & domesticus Dei in omni materia virtutis. Quamuis autem habitus vitiosus acquisitus & virtus infusa per se & formaliter non contrariantur, multum tamen sese mutuo in suis actibus impediunt, difficultatemque faciunt: quia dum vitium ad delectabilia vel commoda contra rationem etiam merè naturalem inclinat, contingit quod voluntas quamuis supernaturaliter benè disposita ad omnem honestatem ordinis supernaturalis, difficultius tamen sese in eandem exercat; & è contra quoque, quia voluntas ita disposita est, sit quòd multum sese reuocet vt non ita in delectabiliū appetitionem ruat, vt docet D. Thom. sup. artic. 3. ad 2. quia verò macula illa absque habitu positiuo & reali potest superuenire ex vno aliquo actu, hinc virtus infusa vt talis est, non videtur habere per se & propriè oppositum aliquod contrarium, sed potius priuatiuum, quamuis si priuatio sit cum habitu prauo ex pluribus actibus acquisito coniuncta, tunc illud aggregatū possit etiam dici generaliter contrariè opponi virtuti infusæ.

## ARTICVLVS II.

### *Vtrum vitium sit contra naturam hominis?*

8 **C**onclusio est affirmatiua, quòd videlicet omnia vitia sint contra hominis naturam: Probatur Primò ex D. August. 12. de ciuit. Dei cap. 1. omne vitium, inquit, naturæ nocet & per hoc contra naturam est: idem docet lib. 3. de libero ar-

bitrio cap. 13. & Probatur Secundo, quia vitium opponitur virtuti; virtus autem vniuersaliusque rei in eo consistit quod res benè sit disposita secundum conuenientiam naturæ suæ, vt articulo præcedente dictum est: quare oportet, quòd vitium rei dicatur ex hoc, quòd res sit disposita contra id quod conuenit ipsius naturæ: hominis autem natura sicut & aliarum rerum potissimè est forma, quæ in homine est anima rationalis, & ideo id quod est contra ordinem rationis, hoc propriè est contra hominis naturam in quantum homo est; quemadmodum quod est secundum rationem est quoque secundum naturam hominis; quare cum vitium malè disponat hominem in respectu ad ordinem rationis sequendum, manifestum sit vitium esse contra hominis naturam.

Sed Obijciunt Primò, Sapientie 12. dicitur, Non ignorans quoniam nequam est natio eorum & naturalis malitia ipsorum, ergò vitium non erit contra naturam. Respond. N. Consequentiam: quia iuxta D. August. lib. 2. de nuptijs & concupiscentijs cap. 8. dicitur, malitia istorum naturalis propter peccatum originale, quod à natiuitate inest: sicut Apostolus ad Ephes. 2. dicit, *Erasmus naturæ filij ira*; non quod ex naturæ institutione aut ratione essentiales tales, sed quia ex naturæ corruptione, quæ modò natiuitatem comitatur. Acedit quod eorum de quibus apud Sapientem est sermo, malitia etiam peculiari quodam modo potuit dici naturalis, quia non tantum peccatum originale cum natiuitate contraxerant, sed etiam prauos mores à parentibus quasi cum materno succo hauserant, quibus toti hærebant inuoluti & immerfi. Vide D. Thomam 1. parte quæst. 63. artic. 4. & parte 3. quæst. 2. artic. 12.

Obijciunt Secundo: homo naturaliter est pronus ad delectabilia corporis & sensus, quæ tamen sectari est vitiosum, ergò non videtur vitium naturæ hominis esse contrarium. Respondetur: hominem considerando secundum se totum, siue secundum utramque partem tum sensitiuam tum rationalem, esse quidem ex parte appetitus sensitui naturaliter procliuem ad delectabilia sensus, sed secundum moderationem rationis in quantum hæc iudicat esse prosequenda delectabilia ista in ordine ad actiones quæ necessariæ sunt ad conseruationem naturæ, tum in specie tum in indiuiduo: ex quo enim appetitus ille sensituius radicitur in eadem animâ cum voluntate rationali, inde quoque naturaliter habet quod secundum moderationem rationis in obiecta ferri natus sit.

R. iij Non

Non potest itaque vitium dici homini naturale, ne quidem sicuti mors aut similis detectibilitas, Quamvis autem inclinatio quædam ad sensibile bonum possit sic dici naturalis (sicuti enim mors nata est sequi naturaliter ad humani corporis constitutionem, quatenus ex contrarijs elementis constat, ita quoq; ad sensitiuum appetitum sequitur quædam propensio ad bonum delectabile) non tamen ideo vitium est dicendum esse naturale quia hæc propensio simpliciter vitium non est. Quidquid autem inordinationis modò reperitur in illo appetitu, id ex peccato originè accepit, per quod homo secundum corpus & animam in deterius est mutatus iuxta Conc. Trid. in Decreto de peccato origin.

10 Obijciunt Tertiò: sunt quædam peccata contra virtutes supernaturales v.g. peccata infidelitatis, quæ non videntur contra naturam hominis, quandoquidem virtutes oppositæ sint supra naturam. Respondetur N. Consequentiã: quia vt docet D. August. de ciuit. Dei sup. loco cit. conuenit rationali creaturæ vt in omnibus Deo adhæreat, adeoque etiam in supernaturalibus, quando ei tanquam vera & diuino testimonio probata sunt sufficienter propofita: quamuis enim naturali rationi non sint euidens veritates supernaturales, tamen illi euidens est Deum non posse mentiri & diuinas perfectiones superare intellectus nostri capacitatem, & proinde Deo reuelanti quæ comprehendere nequimus, nos credere debere ac in omnibus tum intellectum tum voluntatem nostram illi subiicere.

Notandum nihilominus hæc est, quædam peccata peculiariter dici peccata contra naturam quæ videlicet non tantum repugnant homini vt homo est, vel moderamini appetitus inferioris vt à ratione regi & dirigi debet, sed etiam ordini eius quatenus appetitus ille in brutis animalibus naturaliter est institutus & ordinatus: de quibus Apostolus ad Rom. cap. 1. *Femine eorum immutantur naturalem usum in eum qui est contra naturam*, &c.

11 Sed quæret aliquis si vitium generaliter sit contra naturam & virtus secundum naturam, quare igitur plures sint dediti vitijs, quam virtutibus, cum ea quæ sunt secundum naturam soleant habere locum in pluribus.

Respondetur Primò cum D. Thom. hic. ad 3. pro parte id prouenire inde, quod plures attingere soleant principium rei, quam peruenire ad consummationem & finem; iam verò incipit homo operationes suas per sensum & sensibilia, vt sic deducatur ad actus rationis, vnde fit quod

plures inhæreant sensibilibus qui ad intelligibilia, & quæ secundum rationem appetendæ sunt, non sepe promoueat, eoque minùs quod pulchritudo & suauitas virtutis non cadat sub sensum & sic minùs homines afficiat, quibus magis sunt obuia, quæ sensibus percipiuntur. Huc accedit naturæ nostræ corruptio per peccatum primi parentis introducta. quæ de re infra latius tractandum erit.

### ARTICVLVS. III.

*Utrum vitium sit peius quam actus vitiosus?*

12 **C**onclusio D. Thom. est: potior est actus in bonitate vel malitia quàm habitus. Probatur, quia habitus medio modo se habet inter actum & potentiam; manifestum est autem quod actus in bono & malo superet potentiam. vt docet Philosophus 9. Metaphys. melius enim est bene agere quàm posse bene agere, & vituperabilius est male agere, quàm posse male agere; igitur & habitus in bonitate & malitiâ medium gradum obtinebit inter potentiam & actum, sicuti medium quasi naturam obtinet, vt videlicet in illis præemineat potentia, & sit inferior actui. quod etiam ex eo patet, quod habitus dicatur bonus vel malus, quatenus inclinat in bonos aut malos actus. Et ita quidem communiter omnes sentiunt loquendo de malitiâ & bonitate morali. Sed disputatur an de Esse Physico loquendo, habitus sit perfectior an actus? quæstio hæc ad Philosophiam magis, quàm ad Theologiam spectat; breuiter interm. responderi probabiliorem esse eorum sententiam. qui dicunt operationem etiam secundum Esse Physicum, perfectiorem esse habitu siue de acquisito siue de infuso sit sermo. Probatur 1. ratione sup. allegatâ, quæ hîc optimè potest applicari. Secundò, quia operatio est vita quædâ; habitus autem est veluti res mortua, vnde suprema perfectio & prima entitas vt est diuina, consistit in actu non in habitu.

13 Obijciunt autem contra: Bonum diuturnius iuxta Philosophum in Topicis est melius transitorio, atqui habitus est diuturnior actu suo, ergo &c. Resp. in primis maiorem intelligendum esse, quod bonum diuturnius sit melius cæteris paribus: iam verò multum interest inter actum & habitum, vt ex modò dictis patet. Deinde per accidens est quod actus nō sit tam diuturnus quam habitus, vt docet hic D. Thom. in Resp. ad 1. videlicet ratione naturæ ipsius



ipſius ſuppoſiti, quæ fatigabilis eſt aut im-  
pedibilis : alioquin inuenitur actus, qui  
per ſe meſuratur æternitate adeoq; om-  
nem habitum dignitate meſuræ in dura-  
tione excellit. Nec reſert, quod habitus ſit  
quoddam principium actus: Primò, quia in  
genere loquendo, actus ſimpliciter eſt  
prior habitu, cuiusque cauſa: quia omnis  
habitus à Deo eſt, ſi bonus ſit, quin & ab  
actibus ſui generis cauſantur ſi acquiſiti  
ſunt habitus: Deinde licet habitus in ge-  
nere cauſæ efficientis concurrat ad aliquos  
actus, tamen eſt contra actus ſunt ſinis, ad  
quem habitus ordinantur; ſinis autem no-  
bilior & præſtantior eſt medijs, per quæ  
cauſatur vel acquiritur.

#### ARTICVLVS IV.

*Vtrum peccatū ſimul poſſit eſſe  
cum virtute?*

4 **N**Otandum hic eſt, dupliciter poſſe  
haberi ſermonem de virtute: vno  
modo, quatenus habet ſtatum virtutis, vt  
Scholaſtici loquuntur: tunc autem dicitur  
habere ſtatum virtutis quando diſponit  
hominem quam optimè ad vltimum  
finem, ita vt actus eius ſint apud Deum  
accepti tanquam digni vitæ æternæ: quem  
ſtatum non obtinent virtutes niſi quando  
cum charitate ſunt coniunctæ: alio autem  
modo de virtute ſimpliciter poteſt eſſe  
ſermo, vt eſt quidam habitus bonus, quā-  
vis illum perfectionis ſtatum non habeat.  
His præmiſſis ſit

15 **Concluſio Prima**, Peccatum mortale  
non poteſt conſiſtere cum vllâ virtute ha-  
bente ſtatum perfectæ virtutis. Colligi-  
tur ex D. Thoma hic & Probatur, quia  
quodlibet peccatum mortale aduerſatur  
Charitati ſic vt eam excludat: ſublata au-  
tē charitate omnes habitus amittunt præ-  
dictum virtutis ſtatum. Hoc autem do-  
cere intelligendi ſunt antiquiores Patres  
quando ſcribunt ſine charitate, aut fide  
Chriſti nullam eſſe veram virtutem.

**Concluſio Secunda**, Peccatum mortale  
poteſt eſſe ſimul cum virtutibus morali-  
bus acquiſitis quo ad ſubſtantiam habitū.  
Eſt D. Tho. hic & communis aliorum.  
Pater, quia virtus acquiſita non expellitur  
niſi per actus vitioſos ſibi oppoſitos, cum  
ergo vnus ſpeciei actus vitioſus non con-  
trarietur omnibus virtutibus, ſed vni, con-  
ſequens eſt cum actu vnus vitij poſſe plu-  
res alias virtutes acquiſitas conſiſtere, imo  
quandoquidem vno actu peccati ordinariè  
non acquiratur mox habitus vitioſus, ſe-  
quitur nec ipſum habitum virtutis oppo-

ſitum tali vitio expelli aut amitti vno actu  
peccati, quod etiam hic tradit D. Thom.

**Concluſio Tertia**, Poteſt quoque pec-  
catum mortale ſimul conſiſtere cum qui-  
buſdam virtutibus inſuſis quo ad ſubſtan-  
tiam habituum, ſed cum pluribus non po-  
teſt. Indicat hic D. Thomas. Probatur  
prior pars, quia fides & ſpes non amit-  
tuntur per quodlibet peccatum mortale,  
vt alibi docebitur ex profeſſo. Probatur  
pars poſterior: quia peccatum mortale nō  
poteſt conſiſtere cum charitate neque cum  
alijs virtutibus ab eâ dependentibus. Ra-  
tio autem diuerſitatis eſt, quod fides &  
ſpes quaſi naturā antecedit charitatem  
tanquam quædam diſpoſitiones ad eam,  
vnde non neceſſariò intereū, etiamſi cha-  
ritas perdat; ſed cæteræ virtutes tan-  
quam quædam proprietates comitantur  
aut ſequuntur charitatem: vnde eâ ſublata  
ipſæ quoque tolluntur: quodlibet autem  
peccatum mortale contrariatur charitati,  
& proinde ad eius præſentiam charitas  
deſtruitur, & conſequenter virtutes ab illâ  
dependentes. Sed de his alibi latius.

16 **Quæret aliquis**: Quare igitur D. Tho-  
mas ſimpliciter dicat, peccatum mortale  
non poſſe conſiſtere cum virtutibus inſu-  
ſis, poſſe autem conſiſtere cum acquiſitis,  
quandoquidem cum neutris poſſit conſi-  
ſtere, vt habent ſtatum virtutis, cum veriſ-  
ſime autem ſaltem quo ad aliquas poſſit  
conſiſtere quoad ſubſtantiam habituum?  
Reſpondetur, Itius diuerſi modi loquendi  
de acquiſitis & de inſuſis hanc inprimis  
poſſe dari rationem, quod videlicet acqui-  
ſitæ etiam ſine charitate diſponent bonè  
ſubiectum iuxta eam rationem, ſecundum  
quam ipſæ natæ ſunt ſubiectum bonè diſ-  
ponere, videlicet vt bonè ſe habeat mora-  
liter & politicè, tum in ordine ad ſe & fa-  
miliam, tum in ordine ad Rem publicam;  
atque ita retinent ſtatum ſuæ naturæ de-  
bitum: ſed virtutes inſuſæ dantur vt homi-  
nem bonè diſponent, & quam optimè in  
ordine ad Deum tanquam finem ſuper-  
naturalem, faciantque eum diuinâ amicitia  
& ſocietate Sanctorum dignum, quod  
non præſtant etiamſi aliqui habitus inſuſi,  
cum peccato mortali remaneant; & ideo  
ſimpliciter dicit peccatum mortale non  
poſſe conſiſtere cum inſuſis, quia videli-  
cet mox amittunt ſtatum ſuæ naturæ con-  
gruum & principatiori ſine priuantur.  
Deinde dici poteſt ſic loqui D. Thomam,  
quia diſcrimen quod ponit, conſtituit in  
contradiſtione, quod ſcilicet cum pecca-  
to mortali poſſint conſiſtere virtutes om-  
nes acquiſitæ, etiam illa contra quam pec-  
catur; quia actus peccati non poteſt eam  
corrumpere, ſi ſit vnus tantū, vt expreſſo

R. iijj dicit

dicat in Corpore, non autem possint infusæ omnes continere cum peccato mortali, etiam si vnus tantum sit actus mortalis peccati, quia quodlibet peccatum mortale contrariatur charitati, eamque excludit cum alijs infusis ab illa dependentibus.

17 **Conclusio Quarta:** Peccatum veniale potest consistere cum virtutibus tum acquisitis, tum infusis, non tantum quo ad substantiam habituum, sed etiam cum ipsis retinentibus statum perfectæ virtutis. Patet, quia peccatum veniale non excludit charitatem, nec impedit quo minus virtutum opera sint vitæ æternæ meritoria.

Obseruandum tamen est, habitus acquisitos posse peccatis venialibus minui, v. g. habitum temperantiæ actibus intemperantiæ, quamuis non fiat excessus vsque ad peccatum mortale, imò & quosdam posse omnino deperdi, puta qui versantur circa materiam leuiorem, sic quod actus contrarii non soleant habere malitiam mortalem propter materiæ paruitatem cuiusmodi habitus acquisiti possunt esse habitus vrbauitatis aut assabilitatis.

## ARTICVLVS V.

*Vtrum in quolibet peccato sit aliquis actus?*

18 **Q**uæstio hæc principaliter mouetur propter peccatum omissionis, de quo diuerse sunt opinioniones: nam peccatum Commissionis non posse absque omni actu incurri satis ipsa nominis ratio significat.

**Conclusio D. Thomæ** est: Verius dici potest quod aliquod peccatum (videlicet omissionis) possit esse absque omni actu. Probatur: quia si aliquis actus ad peccatum omissionis esset necessarius, is requireretur vel ad eius esse quasi physicum, vel ad eius esse morale: atqui ad neutrum requiritur actus aliquis simul cum peccato omissionis; ergo &c.

Probatur subsumptum: non enim requiritur ad eius esse quasi physicum, quia illud est tantum negatio siue priuatio actus debiti: vt negatio autem sit suo modo, non requiritur actus vel causa positua: neque etiam requiritur ad esse morale, quia, vt supra Quæst. 6. Artic. 3. n. 8. ostendimus, potest ommissio esse voluntaria absque omni actu, ex hoc autem quod ommissio sit voluntaria & libera, pendet esse morale peccati omissionis; ergo ad illud non requiritur per se aliquis actus posituus. Dico per se, nam iuxta D. Tho. per accidens quodammodo requiritur aliquis eiusmodi actus, qui saltem sit occasio o-

missionis, quia, inquit, quoddam aliquis declinet ad non faciendum id quod valet facere & non facere, non est nisi ex aliqua causa vel occasione coniuncta vel præcedente, v. g. quia quis vult ludere, quando sacrum est audiendum, vel quia quis de sero vigilat, vnde fit quoddam omittat horas matutinas.

19 Sed quamuis id quidem ordinariè ita sese habeat, quoddam aliquis actus posituus sit occasio & quasi per accidens causa omissionis, potest tamen absolute esse peccatum omissionis, etiam absque eiusmodi actu per accidens concurrente. Ita docent Adrianus in 4. quæst. 3. de Eucharistia, Almainus tract. 3. Moralium cap. 25. Durandus in 2. dist. 35. quæst. 2. à Valentia disput. 6. quæst. 1. punct. 4. Medina hic & alij plures. Ratio est quia solâ cessatione ab actu potest voluntariè sese sistere voluntas à volendo, etiam quando præceptum affirmatiuum pro illo temporis puncto obligat ad volendum, & ita peccat non incumbendo vili alteri operi: ista autem non-volitio non est actus posituus, neque vt sit voluntaria requiritur quoddam posituum actum voluntatis sit volita, sed per seipsam est volutaria hoc ipso quo intellectus aduertit aut aduertere potest opus illud esse faciendum, & tamen voluntas non elicit actum volitionis talis operis: quemadmodum & volitio alicuius obiecti est per seipsam voluntaria absque aliquo alio actu voluntatis, quo velit istam volitionem. Vide dicta supra Quæst. 6. Artic. 3. n. 8. & 9.

20 Obseruandum tamen est, Ad omissionis peccatum bene requiri concomitanter aut saltem antecedenter aliquem actum intellectus, quia necessum est quoddam homo aduertat opus, quod omittit, ex præcepto sibi faciendum esse aut saltem illud aduertere possit, idque vel ex præsentis cogitatione vel ex præteritis quæ adhuc quasi virtualiter durant, atque ita semper supponitur aliquis actus intellectus, alioquin ommissio rationem peccati non haberet, sed D. Thomas hic agit tantum de actu interno elicitio voluntatis, & de actu externo imperato à voluntate, & absque his vtrisque dicit posse esse peccatum omissionis, ita vt neuter necessariò per se requiratur ad illud.

## ARTICVLVS VI.

*Vtrum conuenienter definietur peccatum esse dictum vel factum*

*factum vel concupitum contra legem aeternam?*

21 **O**bservandum hic est, Quamvis Peccatum, generaliter de eo loquendo, patet latius quam Culpa vel Demeritum, tamen hoc loco ita sumi, ut à Culpa non distinguatur. Solum enim agimus de peccato quatenus est vitiosa actio in genere moris, non autem quatenus etiam significat & comprehendit defectuosam actionem naturæ, prout monstrum seu monstri generatio solet etiam dici peccatum naturæ.

Observandum Secundò. Nomen peccati diuersimodè etiam in Scripturis accipitur; aliquando & quidem frequentissime omninò propriè, videlicet pro culpa; aliquando improprie, videlicet vel pro effectù peccati, sicuti concupiscentia ad Rom. 7. & 8. dicitur peccatum, quia videlicet ex peccato orta est; vel pro causa peccati, quomodo etiam concupiscentia ab Apostolo dicitur peccatum, quia videlicet ad peccatum trahit. Vtroque enim modo concupiscentiam appellatam fuisse ab Apostolo peccatum docet Conc. Trident. Sess. 5. in Decreto de peccato originali, sub finè. Item tertio improprie sumitur pro hostia, quæ offertur pro peccato: quomodo accipitur apud Apostolum 2. ad Corinth. c. 5. quando dicit quòd *Deum eum fecerit* (scilicet filium suum) *peccatum*, id est hostiam pro peccato, qui peccatum non nouerat, & apud Hoseam Prophetam c. 4. quando dicit sacerdotes comedere peccata populi.

Notandum Tertio, In peccato propriè dicto reperiri hæc duo, vnum videlicet quòd se habeat per modum materiæ ac subiecti, & alterum quòd se habeat per modum formæ: materiale autem est aliqua vera actio aut debite actionis omissio: Formale est quædam istius materialis deuiatio à regulâ secundum quam dirigi & regulari debent actiones creaturæ rationalis, earumve omissiones, quando cum iudicio rationis & liberè operatur: & alio nomine dicitur malitia & deformitas peccati: His præmissis

22 **R**esponsio D. Thomæ est affirmatiua: & probatur autoritate D. Augusti. qui sic peccatum definit lib. 22. contra Faustum cap. 27. Definitur autem hic tantum peccatum actuale, quia habituale non est ipsum dictum, factum aut concupitum. quæ transeunt, sed est quiddam ex his per modum habitus in anima remanens. Explicatur autem hæc definitione tam materiale quam formale peccati: materiale dum dicitur esse dictum, factum, vel concupitum, quæ significant hic actiones: per dictum

enim intelligitur ipsa loquutio, per factum externa operatio, & similiter per concupitum interna appetitio seu volitio, non autem res concupita, quæ propriè peccatum dici non potest. Sub prædictis verò actionibus etiam intelliguntur, debitum actionum omissiones, quatenus huiusmodi singulis istarum respectuè correspondent: quia affirmatio & negatio reducuntur ad idem genus. Formale autè innuitur, quando additur contra legem æternam, ut hic notat D. Thomas, quod significat deuiationem ac difformitatem dictarum actionum à regulâ suâ, quâ sup. q. 19. a 4. ostendimus principalè esse legem æternam. Accipitur autè esse contra legem æternam hic generaliter, ut etiam sese extendat ad id, quod secundum aliquos est præter legem, & sic continebitur quoque peccatum veniale, quod D. Thomas mauius dici esse præter legem, quam contra legem; quia videlicet fini legis, qui est Charitas, non absolutè contrariatur: alioquin in rigore videtur etiam contra legem esse, sed quia in materia leui versatur, vel imperfecto modo propter inaduerentiam fit, hinc non importat legislatoris contemptum qui amicitiam violet.

Definitur verò peccatum à D. August. 23 potius in ordine ad legem æternam, quam in ordine ad rectam rationem, tum quia lex æterna est prima & principalior regula, tum etiam vt significet peccatum maximè à nobis considerandum esse, quatenus est offensa Dei, eoque nomine inprimis esse vitandum.

Dicit aliquis: Non videtur hic contineri transgressio legis humanæ, saltem in materia, quæ aliâ lege diuinâ prohibita non est; ergò non est sufficiens definitio. Resp. Negando Antecedens: nam licet lex æterna non contineat absolutè & antecedenter ad legem humanâ, eiusmodi actionem necessariò faciendam, vel omittendam, quæ ab homine præcipitur aut prohibetur, tamen supposita iam lege humanâ, etiam dicat lex æterna eam faciendam necessariò aut omittendam, quatenus dicat omnem animam superiori potestati subditam esse, ac obedire debere in omnibus, quæ secundum rectam rationem pro tempore & loco iubet: atque ita etiam illa transgressio legis humanæ est cõtra legem æternam, si non ratione materiæ abstractim consideratæ, tamen ratione humanæ legis accedentis, quâ iam quodammodo informatur.

24 **O**bservandum autem hic est, cum Lex æterna dupliciter accipi possit, vno modo pro diuino iudicio & imperio, quo Deus prohibet peccatum; alio modo pro regulâ practicâ

prædictæ æternæ & necessariæ veritatis, v. g. quâ Diuina mens dicit & dicitur furtû, adulterium & alia peccata tanquam pugnantia cum conditione naturæ rationalis esse fugienda: in definitione conuenientius sumi posteriori modo, quàm priori, licet alioquin nihil absolutè vetet vtrovis modo accipi. Ratio autem est, quia idcirco aliquid originaliter peccatum est, quia ab illa regulâ deuiat, & quia ab illâ deuiat, idè à Deo prohibetur: atque ita esse contra legem Dei æternam priori modo acceptam, est quid posterius & consequens rationem peccati: esse autem contra legem æternam posteriori modo sumptam, est quid suo modo prius & formaliter peccatum constituens.

25 Ex dicta definitione colligitur triplex peccatorum genus: vnum merè interno- rum, quæ videlicet solo corde & animi interno affectu committuntur: alterum ab-

solutè externorum, quæ externâ actione corporali perficiuntur: & tertium quasi medium inter illa duo, quæ videlicet in loquutione consistunt, prout tria sunt humanæ actionis genera, quæ tribus hæc potissimum instrumentis, videlicet corde, linguâ, & manu exercentur.

Notandum denique est, tametsi interna desideria seorsim absque lingua vel manus actione possint esse, imò sæpius sint peccata, nunquam tamen actiones linguæ vel manus absq; interno actu voluntatis, peccati ratione habere: vnde ad hoc vt definitionis membra inter se distinguantur, oportet intelligere tertium cum exclusione secundi & primi; non autem primum vel secundum cum exclusione tertij, nisi quatenus tertium sic intelligitur restrictû, vt illud solûm hîc dicatur concupitû, quod ita est concupitum, vt nec dictionem nec aliam externâ actionem habeat coniunctâ.

## Q V Æ S T I O LXXII.

### De peccatorum distinctione.

#### *In nouem Articulos diuisa.*

#### ARTICVLVS I.

#### *Vtrum peccata differant specie secundum obiecta?*

1 **C**ONCLUSIO D. Thomæ est affirmatiua: quæ explicatione magis indiget, quàm probatione.

Notandum itaque cum D. Thomas, duo posse considerari in peccato, videlicet ipsum actum, & inordinationem seu disconuenientiam actus cum suâ regulâ: Prius, inquit D. Thomas, est per se volitum; posterius autem tantûm per accidens & consequutiue, quia priori adhæret; non per se, quia nullus intendens ad malum operatur, iuxta Dionys. cap. 4. de diuinis Nominibus. Hinc itaque concludit peccatorum distinctionem esse constituendam secundum distinctionem actuum volitorum, non secundum ipsas inordinationes; quia cum peccatum ista duo includat, potius debet distingui secundum id, quod est in eo per se intentum, quàm secundum id, quod est per accidens: actus autem est per se intentus; vnde cum actus tum boni tum mali speciem sumant ab ob-

iectis vt dictum fuit sup. Quæst. 18. Art. 2. n. 12. & seq. & Quæst. 19. similiter Art. 2. n. 2. consequens est, quòd peccata dicenda sint specie differre secundum obiecta: sic itaque homicidium, furtum, adulterium sunt peccata specie distincta ratione obiectorum.

2 Notandû Secundò, Hæc tamen quæ cû D. Tho. nunc dicimus, non pugnare cum eo, quod peccata dicantur specie differre secundum diuersas rationes repugnantiz cum regulâ humanarum actionum, siue etiam secundum diuersas honestates debitas, quarum includunt priuationes; quia hæc diuersitas consequitur ex diuersitate obiectorum circa quæ actus versantur, supposito quod sint dissentanei & disconuenientes supposito rationali secundum legem æternam: quod etiam indicat D. Th. hic ad 2. dum ita scribit: quamuis etiam si distinguatur secundum oppositas virtutes in idem rediret, virtutes enim distinguuntur specie secundum obiecta, vt suprà dictum est. Merito itaque dicit D. Th. peccata specie differre secundum obiecta, quia hæc notiora sunt, quàm distincta ratio repugnantiz cum regulâ, & hæc ab illis quodammodo specificatur.

A R T I -

ARTICVLVS II.

*Utrum cōuenienter distinguantur peccata spiritualia à carnalibus?*

3 **C**onclusio est affirmatiua: Constat ex Scripturis quæ clarissimè eiusmodi distinctionem tradunt, Eccles. 11. *Aufer iram à corde tuo & malitiam à carne tua.* 2. ad Cor. 7. *Mundemus nos ab omni inquinamēto carnis & spiritus,* id est ab omni peccato. His conformitèr scribit D. Greg. lib. 31. Moral. cap. 31. Ex septem vitij capitalibus duo esse peccata carnalia, videlicet luxuriam & gulam, reliqua autem esse spiritualia, atqui ad capitalia ista reducuntur cætera. Idem docet D. Hier. in cap. 2. ad Ephes. Vt autem dicta distinctio melius intelligatur, notandum est peccata carnalia hic dici ea, quæ in carne perficiuntur, siue quorum obiectum est aliqua delectatio carnalis pertinet ad sensum tactus aut gustus, qualia sunt luxuria & gula: reliqua verò dici spiritualia, quæ scilicet pro suo obiecto habent delectationem, vel aliquam rationem boni magis eleuatam, quæ non consistat in tam corporali & materiali oblectamento. Vnde nihil obstat etiam, quædam hic sub spiritualibus comprehensa pertinere ad appetitum sensitiuum, vt est auaritia, quæ delectatur pecunijs; & ira, quæ delectatur vindictâ: sed non quia gustui aut tactui sunt iucunda, sed quia conueniunt appetitui honoris aut cupiditatis.

4 **D**icit aliquis: Ad Galat. cap. 5. dicuntur omnia peccata esse opera carnis, & ad Rom 8. significat Apostolus omnem peccatorem viuere secundum carnem; ergo omnia peccata sunt carnalia. Resp. Neg. Conseq. prout hic de carnalibus loquimur. Pro quo notandum est, nomen carnis aliquando in Scripturis accipi pro toto homine considerato secundum humanam naturam simpliciter & absolutè, vt Ioannis c. 1. *Verbum Caro factum est:* subinde autem pro homine secundum naturam corruptam, vt ad Rom 8. vbi dicuntur viuere secundum carnem, qui desiderijs corruptæ naturæ obsequuntur: & similiter ad Galat. 5. cap. citato accipitur, vt docet D. August. lib. 14. de Ciuit. cap. 2. & aliquot sequentibus: nam inter opera carnis recensentur etiâ hæreses & sectæ, quæ propriè sunt spiritualia peccata; sed tamen dicuntur opera carnis, quia sunt opera naturæ corruptæ. Tertiò accipitur pro alterâ parte hominis videlicet pro corpore, vt sup. 2. ad Cor. 7. & sic nō omnia peccata

sunt carnalia: quia non omnia in corpore, seu corporis oblectamento perficiuntur.

ARTICVLVS III.

*Utrum peccata distinguantur specie secundum causas?*

5 **C**onclusio D. Thom. est: Peccata specie distinguuntur secundum diuersitatem causæ finalis; non autem secundum alia causarum genera. Probatur: quia causa materialis & formalis propriè tantum respiciunt substantiam, quæ propterea secundum materiam & formam dicitur specie aut genere distingui: sed in ordine ad motum aut actionem vt sunt peccata, propriè tantum habent locum causa efficiens & finalis; ab efficiente autem non potest sumi specifica peccatorum distinctio, quia licet actiones, quæ naturaliter à causa efficiente procedunt, possint aliquo modo distingui ex parte principij productiui, vt frigefactio & calefactio ex parte calidi & frigidi producentis, tamen actiones quæ liberè ab aliquo efficiente producuntur, nullatenus ex parte principij effectiui possunt dici specificam sortiri distinctionem; quia hoc principium non est ad vnum determinatum, sed ab eodem possunt procedere diuersa specie peccata; v. g. ex voluntate malè inflammata furtum, homicidium, adulterium; & ex principijs quodammodo contrarijs possunt procedere peccata eiusdem speciei, v. g. ex timore malè humiliante, & ex amore malè inflammante (ex quibus duobus principijs iuxta D. August. in Psal. 79. omne peccatum habet originem) potest committi adulterium; vt quando mulier ex timore consentit tyranno, qui ex amore malè inflammante ad adulterium compellit.

6 **D**icit aliquis: Peccata distinguuntur specie secundum obiecta, atqui obiectum est materia ergo &c. Resp. Obiectum non esse materiam ex quâ, de quâ hic agimus, sed materiam circa quam, quæ quidem respectu actus interioris obtinet rationem finis & respectu exterioris habet rationem termini, atque ita reducitur ad genus causæ finalis, secundum quam diximus peccata distingui specie. Vide dicta supr. qu. 18. art. 4. & art. 6.

ARTICVLVS IV.

*Utrum peccatū cōuenienter distinguatur in peccatū in Deū, in seipsum, & in proximum?*

Conclu-

7 **C**onclusio est affirmatiua: & colligitur ex diuersis Scripturæ locis. Matthæi 11. & Lucæ 10. fit mentio peccati in Spiritum Sanctum: Matthæi 18. peccati in proximum: & 1. ad Corinth. cap. 6. peccati in seipsum. Obseruandum autem est, omnia quidem peccata generali quadam ratione esse contra Deum, tum quia sunt contra legem Dei, tum quia repugnant charitati, & auertunt ab ultimo fine; similiter etiam omnia suo modo esse contra ipsum peccantem, quia aduersantur naturæ rationali, & præcitant hominem in exitium: sed tamen quædam peculiari ratione dicuntur esse contra Deum, quædam contra peccantem, & quædam contra proximum, videlicet secundum obiecta & virtutes, quibus opponuntur: sunt enim quædam virtutes, quæ propriè habent Deum pro obiecto, vt sunt virtutes Theologicæ, & etiam suo modo religio; aliæ autè versantur circa proximum, vt sunt iustitia & misericordia; aliæ verò benè componunt hominem in ordine ad seipsum, vt temperantia, fortitudo. Peccata itaq; quatenus diuersa opponuntur diuersis istis generibus virtutū, diuiduntur in tria prædicta membra.

8 Vnde bene notauit ex D. Tho. hic Azor. hanc distinctionem esse specificam aut potius genericam, quia includit suorū membrorū distinctos respectus ad diuersa species, imò & genere obiecta. Insinauit autem Apostolus prædictam distinctionem per oppositas virtutes, ad Titum cap. 2. dum scribit: *Sobriè, iuste, & piè viuamus in hoc sæculo*: sobriè quo ad nos, iuste quo ad proximum, & piè in ordine ad Deum.

#### ARTICVLVS V.

*Utrum peccatorum diuisio, quæ est secundum reatum, diuersificet speciem?*

9 **N**otandum est D. Thomam hic loqui de reatu pœnæ, & præsertim de reatu pœnæ temporalis & æternæ, vt ex toto discursu, quem facit in corpore, euidenter constat. Sit itaque

Conclusio Prima: Reatus per se simpliciter non tribuit peccato speciem. v. g. quòd quis efficiatur reus talis vel talis pœnæ, non inducit specificam distinctionem delictorum. Probatur Primò, quia reatus ille est sæpius ab extrinseco, videlicet ex arbitrio legislatoris, præsertim si consideretur vt est obligatio ad certam & constitutam pœnam. Secundò, quia reatus est

quidam effectus peccatorum: ideo enim obligatur quis ad pœnam, quia peccauit; ergò præsupponit & non constituit peccati speciem. Tertiò, quia peccata specie diuersa possunt habere reatum eiusdem pœnæ tum in hoc mundo, tum in futuro sæculo; ergò &c.

Conclusio Secūda: Reatus pœnæ æternæ, & reatus pœnæ temporalis non constituunt quoq; per se diuersas species peccatorum quamuis sæpius consequantur species diuersas. Vnde peccatum mortale, & veniale non semper specie differunt: si enim considerentur secundum malitiam, quam habent ex nudo obiecto, possunt esse eiusdem speciei; puta quando versantur circa idem obiectum, sed vnum modo completiori quàm alterum, vt patet in furto magno & paruo; item in concupiscentia vxoris alienæ cum deliberatione perfectâ & in eadem cum imperfectâ deliberatione & aduertentiâ, sic vt habeatur tantum motus secundo primus. Sed de his infra latius, vbi ex proposito de peccato mortali & veniali tractandum erit.

#### ARTICVLVS VI.

*Utrum peccatum commissionis & omissionis differant specie.*

11 **S**upponit hic D. Thomas aliud esse peccatum commissionis, & aliud omissionis; quòd sic potest declarari: quia omne peccatum est quædam transgressio legis siue deuiatio à regulâ rationis; contingit autem hanc deuiationem fieri aliquando quidem faciundo, quod ratio dicit non esse faciendum, ipsaq; lex prohibet; aliquando autem omitendo facere, quod ratio dicit faciendum, ipsaq; lex facere mandat. Si priori modo accidat deuiatio, erit peccatum commissionis; si autem modo posteriori, erit peccatum omissionis. Vnde hoc est contra præceptum affirmatiuum, propriè loquendo, vt docet D. Th. quæst. præced. artic. 5. ad 3. illud verò contra præceptum negatiuum. Neq; probandus est loquendi modus Gabrielis in 2. dist. 41. quando dicit omissionem esse contra præceptum negatiuum, quo videlicet quis tenetur non emittere, & commissionem esse contra præceptum affirmatiuum, quo videlicet quis tenetur cauere & abstinere à tali opere: nam in eo, quòd dicitur non omittere, includitur duplex negatio, & æquiualeat ei quod est facere; neque prohibetur omisso, nisi vt fiat opus: atque ita per omissionem peccatur propriè in præceptum affirmatiuum.

Similiter

similiter cauere aut abstinere ab opere importat simplicem negationem, vt quis non faciat opus, neque mandatur abstinere, nisi vt opus non fiat, & prouide commissio debet proprie & simpliciter dici esse contra præceptum negatiuum.

12 Obseruandum tamen est, in peccato omissionis aliquo modo virtute semper contineri peccatum commissionis: qui enim culpabiliter omittit, is directe vel interpretatiue vult omittere, qui actus volitionis est contra præceptum negatiuum; quod tamen oritur ex affirmatiuo, quo tenemur opus facere. Omne autem peccatum continetur sub alterutro dictorum membrorum, quod est contra quosdam apud Almainum lib. 3. Moral. cap. 11. atque ita est plena peccati diuisio. Patet, quia nõ apparet alius modus transgrediendi legem, quam faciendo vel non faciendo. Confirmatur, quia cum hæc sint contradictoria, non potest inter illa assignari medium.

Dices: Quidam peccant conando aliquid facere, quod tamen non faciunt: hi autem videntur peccare neque faciendo neque omittere; ergo &c. Resp. eos peccare faciendo seu committendo, quia conatus ille ad minus est actus voluntatis, quo quis desiderat facere, atque ita est quedam commissio, quia per committere aut facere non intelligimus tantum opus externum, sed omnem actum positium siue internum siue externum. His positis sit

13 Conclusio Prima: Si spectetur Esse naturale commissionis, & omissionis, sic differunt specie, loquendo de naturali Esse & specie eo modo, quo hæc negationi seu priuationi (eiusmodi est ommissio) cõpetere possunt. Est D. Th. hic: & patet, quia actus & negatio actus non possunt esse eiusdem speciei quo ad Esse naturæ, sicuti videre & non videre, visus & cæcitas non sunt eiusdem naturæ & rationis, licet bene dicantur ad idem genus reduci: commissio autem & ommissio habet se sicuti actus & priuatio aut negatio actus; ergo &c.

Concl. Secunda: Commissio & ommissio sæpius quidem differunt etiã specie morali, sic vñ habeant distinctæ speciei malitiã, ista tamẽ distinctio nõ procedit ex formali ratione commissionis & omissionis, sed aliunde; vt quia diuersis virtutibus aduersantur; quare simpliciter & formaliter loquendo, dicendum est quod peccatũ commissionis & omissionis non differant specie, videlicet ex proprijs commissionis & omissionis rationibus. Ita ferè D. Th. Et declaratur prior pars, quia v. g. occidere innocentem, & non audire sacrum, sunt peccata specie distincta, & sic in alijs pluribus, sed non præcisè ex eo, quod vñ sit actus

commissionis & alterũ omissionis; verũ quia vñ versatur circa proximũ contra regulam rectæ rationis & contra iustitiã, & alterũ circa Deum contra virtutem religionis & præceptum Ecclesiæ.

Confirmatur, quia dari possunt commissio & ommissio eiusdem speciei in genere moris; ergo non præcisè ex ratione commissionis & omissionis nascitur specifica distinctio malitiæ, v. g. turpis accumulatio pecuniæ ex auaritiã, & non largitio eiusdem tempore & loco debitis ex eodẽ motiuo, eiusdem sunt speciei peccata; similiter furari & non restituere alienum. Et sic patet secunda Conclusio pars. Contingit autẽ hoc, quando actus aliquis & ommissio alicuius actus versantur circa eadẽ materiam sub eadem formali ratione, siue ex eodem motiuo vt hic loquitur D. Th. quod addo, quia etiã versarentur circa eandẽ materiam sed ex alio & alio motiuo, siue ob diuersum finem, non forent commissio & ommissio eiusdem speciei secundum malitiã: vt v. g. nimia profusio prodigi, & ommissio largitionis debet in avaro sunt distinctæ speciei, quia videlicet non ex eodẽ motiuo procedunt, alioquin si idẽ qui modo prodigit pecunias, alio tempore omittat largiri vbi & quãdo oporteret ex illo motiuo vt postea vel alibi indebitè profundat, etiã ommissio hæc largitionis & pecuniæ profusio eiusdem erunt speciei in ratione vitiij.

Solet autem hic quæri 1. quonã ommissio sit peccatum? Resp. breuiter. Ea quæ est operis præcepti & simul volutaria; quã de re satis multa diximus sup. q. 6. a. 3.

Quæritur Secundò, de tempore quo incurritur peccatum omissionis: pro cuius explicatione: Resp. & Dico 1. Incurritur reatus seu culpa omissionis eo tempore, quo quis siue actu expresso voluntatis, siue modo interpretatiuo vult omittere aliquid pro tunc quando tenetur & potest illud facere, etiã si tempus nondum aduenit quo facere teneatur; atq; ita tunc omissionis peccatum internã voluntate committit. Est Adr. in 4. q. 3. De Euch. in solut. 7. Maior. in 4. d. 9. q. 2. Vsq; hic D. 94. c. 2. & aliorũ. Patet à simili: quia incurrit quis culpam homicidij quando animo decernit & vult occidere, etiã si nondum externo opere occidat, ergo similiter in omissione; & quidem si quis impotentẽ se efficiat voluntariè ad explenda postmodũ ea ad quæ tenetur, hoc ipso incurrit culpã omissionis omniũ eorũ quæ pro illo tempore poterat, & debebat aduertere sibi ex præcepto esse faciendã, & quod ex illo opere fieret ad eadẽ præstanda impotens, vt sunt quæ satis propinquè: & nõ ita per accidens veniunt faciendã, sic vt morali modo iudicaret eorũ

voluisse

voluisse impedimentum: non sic autem quo ad ea quæ per accidens fortassis occurrunt aut remotius distat quam vt quis teneatur ad illa prospexisse. Vnde si quis per voluntarium excessum causet sibi morbum ex quo impeditur ad ieiunio tunc imminente, vel ab auditione sacri die festo, contrahit is culpam non seruati ieiunij & non audici sacri dum facit excessum, si aduerterit aut aduertere facile potuerit quod excessus iste causeret morbum & impedimentum ieiunij & sacri, quorum præceptum instabat; secus autem quo ad illa, quæ post longiora tempora veniunt faciendi.

16 Dico Secundo: Externum tamen omissionis peccatum fit proprie tunc demum, quando tempus adest, quo opus præceptum est faciendum & tamen non fit. Est D. Th. sup. q. 71. a. 5. ad 3. & 2. q. 79. a. 3 ad 3. vbi ita scribit: præcepta affirmatiua non obligant ad semper, sed ad tempus determinatum & pro illo tempore peccatum omissionis incipit esse. Declaratur, quia non potest peccatum omissionis poni aut dici externum, nisi quatenus est priuatio operis externi debiti (priuationes enim & negationes rationem suam sumunt secundum actus, quorum sunt priuationes aut negationes) atqui non est priuatio externi operis debiti, quamdiu nondum aduenit tempus quo debeat opus præstari: ergo &c. & sequantur Medina q. 71. a. 5. à Valentia disp. 6. q. 1. puncto 4. & alij plures: Ex dictis colligitur Primò, quod si quis iam disposuit non audire sacrum die festo, aut certè circa tempus sacri voluntariè se inebriauit aut somno dedit, ita vt scienter & volenter exponat se periculo non audiendi sacrum, talem incurrisse culpam omissionis sacri, etiam si postmodum voluntatem mutet aut casualiter excitetur, & sacro intersit. Vbi interim notandum, si rationis cõpos sit ipso tempore sacri & tamen non audiat, quod vel grauius peccabit voluntatem continuando, vel de nouo peccabit iteradò voluntatem omissionis. Colligitur Secundo, Si tamen annexa esset excommunicatio latæ sententiæ in eum, qui sacrum non audiret, quod censura illa non incurreretur ab eo, qui ita decreuisset non audire sacrum, vel ita se cõposuisset, vt moraliter conferetur nolle audire sacrum, modò illis non obstantibus, quando tempus aduenit, sacro interesset. Ratio est, quia censuræ imponuntur externo peccato, quod hic commissum non fuit.

17 Quæritur Tertiò, utrùm si quis posuerit sibi tale impedimentum operis præcepti, vt illud auferre non sit in eius potestate quãdo opus debet fieri, an tunc ommissio illa externa sit peccatum? videtur enim non

esse, quia nemo obligatur ad impossibile.

Resp. & Dico Primò: Si talis de posito impedimento & impossibilitate sibi iniectâ doleat ante vel dum tempus operis venit, non cõsebitur etiam ommissio voluntaria, & proinde neque erit formaliter peccatum. Ita Medina sup. Et Probatur, quia successa & ablata est ratio vnde voluntaria cõferri posset, hæc enim non poterat esse alia, quàm quia voluntariè posuisset causâ, atqui iam de positione illâ dolet & ipsi quasi inuoluntaria effecta est per poenitentiam, ita vt voluntas quâ fuit causâ posita non censetur moraliter iam iussuere in illâ omissionem; sed ea censetur iam totaliter causari à præsentis impotentiâ. Cõfirmatur, quia alioquin contingeret, quod qui per poenitentiam esset iustificatus, postea amitteret iusticiam abique omni nouo actu libero voluntatis tam implicito siue interpretatiuo, quam explicito: ponimus enim, quod opter omnino opus præstare si valeret.

18 An verò per talem omissionem incurreretur censura, si quæ fortassis latæ sententiæ esset imposita omissioni operis, dubitari potest? probabile est incurri saltem in foro fori; quia non tantum incurritur in illo foro propter actum, qui peccatum mortale est, tunc quando fit, sed etiam propter illum qui per se quidem culpabilis est ex genere suo & originem habet ex malâ voluntate, quamuis per accidens contingat cum non esse formaliter peccatum. Hoc enim Ecclesiæ disciplina & finis censurarum videtur exigere. Quare exterius se pro excommunicato debet gerere, donec absolutionem saltem ad cautelam obtinuerit; in foro tamè conscientie non videtur talis in censuram incidisse, quia ommissio, vt tunc fit, verè non est peccatum mortale neque culpabilis, nec habet adiunctam contumaciam.

Dico Secundo: Si cum impotentiâ maneat coniuncta voluntas talis, vt etiam si posset facere opus, nolle tamè facere, haud dubiè illa voluntas, rea est omissionis, atque adeo ab istâ liberâ & reflexâ volũtate videtur etiam ommissio exterior culpâ contrahere & non tantum à voluntate, quâ impotentia posita est: quia complacentia ista omissionis voluntaria & libera est.

19 Dico Tertiò: Si quis ita factus impotens ad opus, cum vltimo tamen rationis, & neque doleat de impotentia, neque sibi in omissione complacet; sed neutro modo sese habeat, erit externa operis ommissio verè culpabilis & peccatum. Colligitur ex D. Thoma, q. præcedente a. 5. in Corpore, vbi supponit, si quis voluerit diu vigilare de serò, ex quo sequitur, quod non vadat hora matutinali ad Ecclesiã, scilicet somno præ-



no prædictus, quod illa non-itisio siue omis-  
sio sit peccatum tunc quando ire oportet,  
quia assignat hunc casum pro exemplo,  
ubi peccatum omissionis habet actum ali-  
quem præcedentem; quod & clarius docet  
2. 2. q. 79. a. 3. ad 3. vt mox ostendemus:  
quod in hoc ita se habeat in eo, qui pro illo  
tempore sensum & usum rationis habet li-  
gatum, multo magis locum habebit in illo,  
qui ratione vituit, nec de causa datâ dolet.  
Ratio autem est, quia quando omittens ita  
se habet vt sciens, & aduertens non caret  
voluntatem, censetur moraliter illa omis-  
sio magis esse effectus præcedentis liberæ vol-  
untatis, quâ voluit omittere, & causam  
omissionis posuit; quâ est effectus præ-  
sistentis impotentiae: vnde ab isto præceden-  
ti libero actû voluntatis culpam contrahit,  
quarentes in eo censetur voluntaria. De-  
claratur à simili, vt si quis mandauerit fa-  
mulum quatenus proficisceretur ad distan-  
tiorum locum & occiderit inimicum, illa  
occisio erit peccatum externum etiam re-  
spectu domini, quamvis iam fortè ab horis  
aliquot vel etiam diebus aliquot dominus  
non potuisset mandatum famulo datum  
reuocare, & proinde nec propter longiorē  
distantiam impedire, modò saltem domi-  
nus interea voluntatem continuauit aut  
saltem non mutauerit. Vnde illa impoten-  
tia per accidens sese habere censetur, & opus  
moraliter iudicatur efficiere ex 1. voluntate,  
quando homo adhuc poterat impedire;

20

Dico Quartò: Idem probabiliter dici  
potest de illa externa operis omissione que  
fit, dum quis volenter & scienter fecit se  
impotentem ad opus per impeditum ratio-  
nis usum, quod scilicet etiam hæc sit  
culpabilis & peccatum, vt. v. g. aduertit  
quis instare tempus audiendi sacri, & ta-  
men eo non obstante componit se ad som-  
num à quo non putet se tempestinè exci-  
tandum, vel inebriat se, vnde videt, aut  
videre potest sequituram auditionis sacri  
omissionem, dicimus, quod etiâ illa omis-  
sio tempore somni vel ebrietatis sit peccatum.  
Ita clarissimè docet D. Thomas 2. 2. q. 79.  
artic. cit. ubi ponit casum quod aliquis de  
sero se inebriauit, vnde fit quod non possit  
surgere ad matutinas vti debet: & de illo  
resoluit dicendum, quod omis-  
sio incipit ei imputari ad culpam, quando fuit tempus  
operandi, idq; tamè propter causam præce-  
dentem, ex quâ omis-  
sio sequens redditur voluntaria: Vide eund. q. 2. de Malo, a. 1. ad 11. & in 2. d. 25. a. 3. Idem tenent  
Antisiod. l. 2. tract. 29. c. 2. q. 3. Medina  
hic q. 71. a. 5. dub. 2. Conclus. 4. & alij.  
Probat. Primò, autoritate Philosophi  
qui 2. polit. c. 10. dicit eum qui in ebrie-  
tate occidit hominem, duplicè promereri

penam, vnam quoniam occidit hominē  
alteram quia se inebriauit: ubi manifestè  
supponit homicidium non carere culpa,  
quia in ebrietate commissum, ergò nec om-  
missio operis debiti carebit culpa, quando  
in somno, vel in ebrietate est opus omis-  
sionis, modò illa præiudici potuerit ac debuerit.  
Probat. Secundò, respondendo ad argu-  
mentum ab initio adductum in contrariū,  
ob quod potissimum videri possit illa omis-  
sio excusanda à culpa. Dicimus enim ne-  
minē quidem obligari ad impossibile: Sed  
hanc omissionem esse peccatū non ex or-  
dine ad voluntatem, cui opus iam est im-  
possibile, sed ex ordine ad voluntatem cui  
opus erat possibile, & que tenebatur hanc  
omissionem vitare sicuti vitare poterat &  
debebat: Gabriel tamen in 2. dist. 22. q. 2.  
artic. 2. Adrianus in 4. de Eucharistia in  
quæst. de impedimento corporalis immu-  
ditatē contrarium tenent, sicut & plures  
alij: videlicet eiusmodi omissiones quando  
opus nunc est impossibile, non esse forma-  
liter peccata. Quidquid autem eâ de re sit  
non ita multum ad reatum hominis refert,  
quia siue vno siue alio modo dicatur, hoc  
interim verum est per eiusmodi omissiones  
non contrahi nouam malitiam ab eâ que  
contracta fuit in causa, quando non acce-  
dit noua voluntas.

Quæritur Quartò, Verum actus ille, quo  
occupatur homo eo tempore, quo opus  
præceptum fieri debet, sit peccatum, & an  
distinctum ab omissione? Resp. & dico Pri-  
mò, Quàdo opus aut quali opus quo occu-  
patur quis est verè causa omissionis pec-  
caminosæ, tunc opus est peccatum. Ita docet  
Barth. Medina sup. q. 71. a. 5. contra Du-  
rand. vt refert Capreolus in 2. d. 25. q.  
vnicæ, Greg. à Valentia disp. 6. q. 1. puncto  
4. Vázquez hic. D. 93. c. 2. & videtur pæne  
còmunis. Colligitur ex D. T. q. 2. de Malo  
a. 1. ad 7. in arg. sed contra: ubi apertè  
dicit: laudare Deū, quādo teneor alia opera  
facere, est peccatum. Et ratio reddi potest,  
quia omnis actio libera que moraliter lo-  
quēdo est verè causa operis, quod quis vi-  
tare tenebatur, vel omissionis operis quod  
facere obligabatur, est peccatum: Confir-  
ma. quia actio illa est quasi consensus quidā in  
prauum opus, vel in prauam omissionem  
operis, cui dat causam, atqui non tantum  
qui malè agunt, sed & qui cōsentunt malè  
operantibus, sunt rei culpæ, ad Rom. c. 1.  
ergò &c. hinc igitur lusus, aut studiū qui-  
bus aliquis tam inordinato affectu incum-  
bit, vt propter illa omittat audire Sacrum  
quando illud audire tenebatur, sunt pec-  
cata, imò & somnus, cui inordinatâ cupi-  
ditate sic indulget vt pro illo quasi fruē-  
do velit negligere auditionem Sacri.

S ij Dico

22 Dico Secundò: Opus tamen illud & ommissio operis, non sunt peccata specie distincta, quamvis enim dici possint duo peccata materialia, tamen unica tantum subest malitia formalis. Vnde nec in confessione opus illud erit explicandum. Ita Medina, à Valentia, Vasquez sup. Azorius Tomo 1. l. 4. c. 2. q. 5. & alij plures contra Gabrielem in 2. d. 41. q. 1. a. 3. dub. 3. Zumel hic q. 71. a. 5. & quosdam alios. Probatur, quia opus illud ex sua materia vel circumstantijs non est malum, nisi ut est causa malæ huius electionis, quatenus propter ipsum quis eligit omittere quod facere tenebatur, ergo non habet malitiam distinctam à malitia omissionis. Confirmatur: quia actus internus qui est causa actus externi mali, quem pro suo obiecto respicit, non habet diversam malitiam ab actu externo, ut docet D. Th. sup. q. 20. a. 3. ergò etiam hoc opus, quatenus est causa omissionis non habet distinctam malitiã à malitia omissionis. Vnde verum non est grauius peccare illum, qui omittit audire missam propter inordinatũ amorem litterarũ, ut quidam videntur velle, quam qui omittit, quia lubet: quos meritiò dicit Medina, loqui contra omnem sensum & euentiam: nam studium se habet per modum finis respectu omissionis: at verò finis ex se bonus, etsi non auferat malitiam electionis prauæ, tamen certum est, quod eam non augeat, imò ex communi doctrinã minuit: cui consentit D. August. lib. contra Mendacium c. 8. Quis enim dubitat leuius peccare qui furatur ad alendum parentem, quam qui furatur ex sola furandi libidine?

23 Dico Tertiò: Quando opus ex se bonũ, cui quis incumbit, dum aliud facere tenebatur, non est causa omissionis, sed quasi concomitanter tantum se ad illam habet, tunc ipsum non est, peccatũ, nec ab omissione inficitur. Ita docet Medina, Vasquez, Azorius, Zumel supra cum pluribus alijs. Sola enim concomitantia cum omissione praua quando non alia concurrat illius operis habitudo ad omissionem talem, non potest ipsum inficere: Sic ergò, si quis iam animo firmiter statuisset hoc die festo non ire ad Ecclesiam ad sacrum audiendũ, quia non lubet propter malam auram vel similem occasionem egredi à domo longius. tum si domi studeat, vel proles in Cathedris doctrinæ instruat, non erit studium illud, vel illa instructio peccatum, quia ex se bona sunt, & nullam est assignare habitudinem ad non auditionem Sacri ex qua possint dici contrahere malitiam. Neque verum est, quod à Valentia sup. docet scilicet actum omnẽ impossibilem cum alio actu esse causam omissionis illius: quia potest plena & tota

causa omissionis esse posita, ex quã efficaciter sequatur ommissio, etiam si nec ille nec alius actus incõpossibilis exerceatur, ut ex eo patet, quia q. præced. a. 5. n. 19. ostendimus posse absolute loquendo dari peccatũ omissi, absque omni actu qui sit eius causa vel occasio: quare potest actus etiam incõpossibilis se habere nudẽ concomitanter, & non causaliter ad omissionem.

24 Quando itaque D. Th. q. 2. de Malo loco cit. dicit, Laudare Deum, quando teneor alia opera facere esse peccatum, intelligit, quando propter ipsum laudare Deum omitto, plus debito indulgens meo affectui: ut Medina, & alij rectè explicat. Dicit aliquis: Videtur illud opus infici ex circumstantia temporis indebiti, quia fit quando aliud facere debebat operans: ergò &c. R. N. A. quia neq; ex natura rei, neq; ex præcepto tempus illud in se consideratum est incongruum aut disconueniens tali operi: nisi quatenus forsitan est causa omissionis alterius operis quod eo tempore facere debebat: quando igitur non est causa omissionis, non fit malum opus ex qualitate vel conditione temporis.

Dico Quartò: Si quis tamen durante tempore pro quo adhuc præceptum obligat, sibi adimat potestatem illud implendi, illa ademptio siue sublatio potestatis erit culpabilis, & peccatum nouum, etiam si antea statuisset toto tempore non implere præceptum quod facere teneatur, quia est quidam veluti obfirmatio voluntatis ad omittendũ, quæ sine dubio afficitur ab ipsa malitiã omissionis: ut si quis statuisset non legere Horas toto tempore quo esset futurus in mari, & post existens in mari abieceret Breuiarium, ista abiectio foret peccatũ & inficeretur malitiã omissionis Horarum, tũ quia est quasi noua voluntas omittendi, tũ quia reddit impletionẽ præcepti impossibilem, etiam si forsitan voluntas mutaretur.

27 Queritur denique: Vnde peccati omissionis grauitas estimanda sit? Resp. in primis ex bonitate actus, cuius est ommissio. Deinde ex strictiori obligatione, quã opus est in præcepto: quia quò actus iste est melior & magis strictè demandatus, eò est ommissio grauior; Tertiò ex causa vnde ommissio contingit: quo enim causa ista minus probabilis est & minoris momenti eò minor est omissionis excusatio, & proinde culpa maior: sic grauius peccat qui omittit sacrum propter lulum, quam qui propter aliquod serium studium. Nunquam tamen bonitas operis quod eo tempore exerceatur tollit omnem malitiã omissionis; ut docet D. Th. q. 2. de Malo, a. 1. ad 7. quia semper opus recipit aliquam inflectionem ex omissione cuius est causa, nisi forsitan si- mul

mul concurreret maior istius operis necessitas & obligatio quam huius : unde contingeret præceptum de hoc opere faciendo hic & nunc cessare : Denique quia omisso vt sit peccatum debet expressè aut interpretatiue esse voluntaria, hinc etiam eius malitia potest esse maior aut minor secundum quod magis aut minus ipsa omisso voluntaria est, sicuti etiam in peccatis commissionis accidit : Ita ferè Medina sup. cū Almaino tract. 3. moral. c. 26.

## ARTICVLVS VII.

26 *Utrum conuenienter diuidatur peccatum in peccatum cordis, oris, & operis ?*

**C**onclusio D. Thom. est affirmatiua : Vide articulum 6. q. præcedentis : vbi ex definitione peccati diximus colligi posse eius diuisionem in peccatum merè internum, in absolute externum, & in peccatum inter ista quasi medium, cum quâ diuisione hæc satis coincidit.

Notandum autem est Primò, peccatum diuidi in tria illa membra, non sicuti per diuersas species completas, sed tanquã per diuersos gradus, quæ ad totalem completionem vnius peccati concurrunt. Primus enim peccati gradus est in corde ; 2. in ore ; & 3. qui vltimate complet est in operis consummatione, sic quod omnes tres gradus ad vnum specie & numero peccatum sæpius concurrant : quamuis autem in corde frequenter sit peccatum, sic vt non in ore vel opere, nunquã tamen è contra est peccatum in ore vel opere, nisi etiam sit in corde.

Notandum Secundò, in peccato cordis à D. Augustino, etiam distingui triplicem gradum ; 1. ponit illecebram aliquam, quam sensus carnalis suggerit, cui videlicet non præbetur plenus consensus ; 2. ponit voluntariam & deliberatam ex operis cogitatione delectationem, absque tamen intentione exequendi opus ; 3. denique ponit quando quis animo in opus consensit ac etiam perficere & exequi intendit.

## ARTICVLVS VIII.

*Utrum superabundantia & defectus diuersificent species peccatorum ?*

**C**onclusio D. Thomæ est affirmatiua : 27 Distingui videlicet illa peccata specie, quorum vnum recedit à medio virtutis per excessum, & alterum per defectum. Probat, quia eiusmodi peccata procedunt ex diuersis motibus, & habent fines oppositos, à quibus actus sumunt speciem : ergo &c. sic profusa largitio prodigi, & illiberalis donatio auari specie differunt.

Sed dicit aliquis : supra articulo 6. huius qu. docuit D. Thom. peccatum commissionis & peccatum omissionis non differre specie ex suis proprijs rationibus, atqui peccatum commissionis ex propria ratione semper est per excessum & omissionis per defectum, ergo non rectè hic dicit superabundantiam & defectum diuersificare species.

Resp. N. Subsumpt. Imò dicimus omissionem posse spectare ad peccatum per excessum : ita enim diximus non donationem prodigi ex motiui, vt alibi prodigat spectare ad peccatum prodigalitatis, & proinde per excessum recedere à medio virtutis ; & è contra turpe lucrum auari esse peccatum auaritiæ & sic pertinere ad vitium per defectum, atque adeo eiusdem rationis cum omissione donationis ex auaritia vbi & quando dare oportebat, atque ita doctrina D. Thomæ quo ad vtrumque articulum simul consistit, quod commissio & omisso ex proprijs rationibus non inducant diuersitatem specificam &c., superabundantia & defectus inducant, quando videlicet ex oppositis istis motibus receditur à medio virtutis : non tamen hic docet D. Thom. in omni virtute contingere quod sic oppositis modis recedatur.

## ARTICVLVS IX.

*Utrum peccata diuersificentur specie secundum diuersas circumstantias ?*

**R**esponsio D. Thom. habet ; quod 28 peccati circumstantiæ non distinguant peccata secundum speciem nisi ex diuersis motibus proueniant, cui adde vel nisi considerentur tanquam quædam principales conditiones obiecti habentes specialem cum rectæ rationis ordine repugnantiam. Vide plura dicta huc pertinentia q. 18. artic. 10. & q. 7. artic. 1.

## QVÆSTIO LXXIII.

## De comparatione peccatorum ad inuicem.

## In decem Articulos diuisa.

## ARTICVLVS I.

*Vtrum omnia peccata sint  
connexa?*

**C**ONCLUSIO Diui Thomæ est negatiua: quam probat ratione, quæ sic potest formari; quia intentio peccantis non tendit in vnum aliquid, sicuti intentio secundum virtutem operantis, qui in omni actu virtutis eo respicit & intentionem suam dirigit vt regulam rationis sequatur ( vnde virtutes connexionem quãdam habent in rectâ ratione agibilium, quæ est prudentia, vt docet D. Thom. sup. q. 65. artic. 1. ) sed intentio peccantium tendit in aliquod bonum contra ordinem rationis, ita tamen vt bonum intendat, non autem recessum ab ordine rationis: ab eiusmodi autem bonis, quæ varia sunt, & non ita inter se connexa, vt si quis vnũ intendat necessariò intendat cætera, accipiunt actus peccaminosi suas species vt sup. dictum fuit, ergo nec species peccatorum inter se connexæ erunt. Accedit quod quædam peccata sibi contrariantur vnde nec possunt simul esse in eodem: ergo &c.

Sed contra obijcitur illud Iacobi 2. capite: *quicumque autem totam legem obserauerit, offendit autem in vno, factus est omnium reus*; ergo videtur quod peccata omnia sint connexa. R. N. C. quod verò ad verba D. Iacobi attinet, habent quidem difficultatem ita vt desuper etiam D. August. consuluerit Hieronymum, vt patet ex epistola eius 29. vnde à diuersis diuersimodè explicantur: omnium tamen orthodoxorum interpretationes eò tendunt, vt excludant istam stoicam peccatorum connexionem & æqualitatem. Plenior autem & textui magis conformis videtur hæc esse, quod D. Iacobus dixerit eum, qui in vno offendit ( quod de offensione graui seu mortali intelligi patet ex mox subsequenibus ) factum esse omnium reum, non quasi omniũ & singulorum præceptorum distributiue transgressionem operatus sit, aut fecerit ( hoc enim repugnat cum eo quod ibidem

supponatur ille obseruasse totam legem, vno puncto excepto ) sed omnium quodammodo collectiue factum reum: quia videlicet legis, quæ omnium præceptorũ collectio est, non totaliter seruata est reus, & sic pœnæ, quæ transgressoribus legis est constituta obnoxius, id est, æternæ maledictioni.

Hunc sensum indicat quod sequitur: *Qui enim dixit: Non inueheris; dixit, Et non occides. Quod si non inueheris, occides autem, factus es transgressor legis.* Dicitur itaque factus talis omnium reus, perinde ac si diceretur: talis simpliciter est transgressor legis, & tanquam talis punietur, ita vt reliqua obseruatio sit ei inutilis in ordine ad præmium, quod obseruatoribus legis constitutum est: idque videtur Iacobus inculcasse contra quosdam, qui existimarent ad iustitiam, eiusque præmium sufficere mandatorum obseruationem, saltem pro maiori parte, quamuis non omnium, vt hic doceat D. Iacobus quod post Moysen docuit D. Paulus ad Gal. 3. *Maledictus omni qui non permanferit in omnibus quæ scripta sunt in libro legis, vt faciat ea.* Ab hoc sensu non multum recedunt quæ scribit Diuus August. Epist. citatâ, videlicet eum, qui in vno offendit esse omnium reum, quia contra charitatem facit, ex qua tota lex pendet & prophetæ: nam, inquit, merito sit omnium reus, qui contra illam facit, in quâ pendet omnia.

## ARTICVLVS II.

*Vtrum omnia peccata sint paria?*

**C**ONCLUSIO est negatiua contra Stoicos, vt patet apud Ciceronem paradoxo 3. estque fidei contra hæresim Iouiniani, & quorundam aliorum, de quâ D. August. l. de hæresibus cap. 82. agit.

Probatur Primò ex Scripturis: Mat. 5. ponit Christus tres peccatorũ gradus, quorum primo efficitur quis reus iudicii; Secundò autem consilij; & Tertio constituitur reus gehennæ ignis: quibus manifestè significat non equaliter in omni peccato delinqui: sed in vno grauius quam in altero,

terò, vt intellexerunt D. August. l. 1. de sermone Domini in monte. D. Chrysost. homil. 17. in Matth. & alij Interpretes communiter in hunc locum. Ioannis 19. *Qui me tradidit tibi maius peccatū habet*: Lucæ 12. *Omnis, qui dicit verbum in filium hominis remittetur ei, ei autem qui in Spiritum Sanctum blasphemauerit non remittetur*, & cap. 20. dicit Christus de Scribis: *Hi accipient damnationem maiorem*. Huc etiam pertinent parabolæ & similitudines in quibus fit mentio festucæ & trabis: debiti 100. denariorum, & decem millium talentorum Matth. 18. Item ligni, feni, & stipulæ 1. ad Corinth. 3. & iterum Lucæ 12. *Ille autem seruum qui cognouit voluntatem Domini sui, & non se preparauit, & non fecit secundum voluntatem eius, vapulabit multo; qui autem non cognouit, & fecit digna plagu, vapulabit paucū: quem locum exponens Beat. Basiliius in regulis breuioribus, notat non significari differentiam temporis sed intensiōis & grauitatis supplicij.*

Probatur Secundo ratione, quia peccatum est quidā recessus à rectæ rationis ordine, nō autem totalis extinctio ordinis rationis: nam si malum esset omnino integrū destrueret seipsum vti habet philosoph. 4. Ethic. c. 5. non enim posset remanere substantia actus vel affectio agentis nisi aliquid remaneret de ordine rationis. Vnde peccatū comparatur ægritudini animalis, quæ est recessus quidam à debitā constitutione & commensuratione humorum, ita tamen quod aliquid eius remaneat, alioquin non remaneret animal viuū; atqui recessus potest esse maior aut minor, & ex eo nascitur quædam inæqualitas peccati, sicuti & ægritudinis: ergo &c.

Dicit aliquis: In quibusdam peccatis nihil videtur de ordine rationis posse reperiri, v. g. In odio Dei, aut in peccatis omissionis, ergo non videtur verum quod D. Tho. hic supponit & in quo se fundat. Resp. Neg. Assumptum: quia omne peccatū procedit vel ex amore boni alicuius, aut ex fugā mali; qui affectus secundum se conueniunt cum ordine rationis, & sine illis non esset substantia actus aut affectio agentis, vt habet D. Thomas: atque ita semper aliquid de ordine rationis remanet, quamuis illud vitiatur per defectus ab ordine rationis coniunctos: ita vt etiam aliquid de illo ordine, quāuis iam vitiatū reperiat in ipso odio Dei, vt ex his potest declarari. Ex dictis patet responsio ad Stoicorum fundamentum, quod erat tale; quod omne peccatum sit quædam priuatio ordinis rectæ rationis, priuatio autē non suscipiat magis aut minus: dicendum enim est, peccatum quidem esse quandam

priuationem, sed talem, quæ aliquid de habitu opposito secum admittat: cuiusmodi autem priuationes etiam suo modo suscipere magis & minus, prout plus aut minus de habitu tollunt, vt declarat D. Tho. exemplis ægritudinis, & turpitudinis.

Obijciatur Secundo: omnis peccati saltem mortalis grauitas est infinita, atqui infinitum non est infinito maius; ergo vnū peccatum non est maius altero: Resp. grauitatem, seu malitiam peccati mortalis non esse infinitam præcisè ex ea parte, quā priuat ordine rationis aut bono virtutis oppositæ; non enim priuat infinītè illo ordine, quia non ita totaliter tollit rationis ordinem, quin aliquid remaneat, & hæc ex parte ponimus peccatorum inæqualitatem prout plus vel minus ab illo ordine recedunt: similiter bonum virtutis oppositæ non est quoque infinitum, sed datur maius & minus, & secundū hæc, priuatio deterior est aut minus mala: sed peccati malitia est infinita quatenus neglectus rectæ rationis & legis æternæ redundat in vilipendium & contemptum personæ infinitæ videlicet Dei, & hæc ex parte eatenus est quædam partitas, quod omne scilicet peccatum mortale sit quidam contemptus personæ equalis seu eiusdem & non vnum alicuius personæ maioris, & alterum minoris; nihilominus tamen quia personæ huic non quolibet peccato tantum contemptus irrogatur, quantum eidem irrogari potest, hinc etiam in ordine ad ipsam eandem personam, vnum peccatum est maius quam alterum, ex illā videlicet parte, quā contemptus ille crescere potest, quia magis à lege ipsius aut in materia grauiori receditur.

### ARTICVLVS III.

*Vtrum grauitas peccatorū varietur secundum obiecta?*

Conclusio est affirmatiua. Patet quia secundum obiecta mutantur species & deformitates peccatorum; secundum diuersitatem autem deformitatis nascitur quoque varietas in peccatorum grauitate: quod declarat D. Thom. à simili, quoniam ægritudo grauior est, quo in priori ac nobiliori principio humanæ vitæ tollit debitam humorum commensurationem, vnde ægritudo cordis grauior est, quam alterius partis, quia cor est primū vitæ principium; ergo similiter peccatum grauius erit, quo circa principium & obiectum dignius turbat rationis ordinem: Quare secundum se grauiora sunt peccata

S. iiii. contra

contrà præcepta Primæ Tabulæ, & quæ  
immediatè in Deum committuntur, quam  
quæ contra præcepta Secundæ Tabulæ.

## ARTICVLVS IV.

*Vtrum peccatorū grauitas dif-  
ferat secundum dignitatem  
virtutū quibus opponuntur?*

- 9 **C**onclusio est quoque affirmatiua: quod  
scilicet peccatum ex genere suo sit  
eò grauius, quò per se & directè, opponi-  
tur digniori virtuti. Probatur, quia quò  
peccatum opponitur virtuti digniori, eò  
versatur circa materiam præstantiorem.  
Confirmatur, quia virtus & peccatum ipsi  
oppositum, versantur circa idem subie-  
ctum, atqui virtus dignior versatur circa  
subiectum seu materiam digniorem, inde  
enim nascitur maior eius præstantia, ergò  
peccatum ei contrarium simpliciter ad-  
uersabitur rationi in materia digniori; at-  
qui iam articulo præced. dictum est pec-  
cati grauitatem mutari secundum mate-  
riam in quâ versatur: ergò &c. Dixi, quò  
peccatum per se & directè opponitur vir-  
tuti digniori, quia non sumitur grauitas  
peccati ex ordine ad virtutem, cui tantum  
per accidens & remotè aduersatur, puta  
quia disponit aliquo modo aut inducit ad  
aliud peccatum, quod formaliter & directè  
contrariatur virtuti præstantiori: quia  
uis enim virtus præstantior soleat etiam  
magis elongare & cohibere hominem ab  
omnibus illis, quæ etiam indirectè aut re-  
motè ei contrariantur, tamen hæc non ver-  
santur in eadem materiâ cum illâ virtute,  
& hinc grauitas ipsorum non attenditur  
secundum præstantiam illius virtutis. In-  
telligenda autem est doctrina tum huius  
articuli tum præcedentis, eo sensu, quod  
videlicet peccatum illud quod summum  
est in materia præstantiori, & oppositum  
virtuti digniori, sit grauius alio peccato  
similiter summo in suo genere in materia  
inferiori, quodque opponitur minori vir-  
tuti, ita quod omnia accipienda sint paria;  
quia alioquin potest aliquod peccatum cō-  
tra charitatem Dei vel proximi esse mi-  
nus graue quàm peccatum aliquod contra  
iustitiam aut temperantiam, quando hoc  
acciperetur aliquod maximum in genere  
suo, & alterum acciperetur leuius aliquod  
in suo genere.

## ARTICVLVS V.

*Vtrum peccata carnalia sint  
minoris culpe quàm spiritualia?*

**C**onclusio D. Thom. est: Cæteris pa-  
ribus peccata carnalia minoris sunt  
culpe quam spiritualia. Probatur Primò,  
quia spiritualia turbant ordinem ratio-  
nis in materia sublimiori, ut circa Deum  
& res spirituales, quæ merè ad ani-  
mam eiulque perfectionem spectant; car-  
nalia verò circa res inferiores, & quæ cor-  
pori adherent; ergò &c. Probatur Secun-  
dò, quia quo impulsiuum ad peccandum  
est vehementius, eò minus homo peccat:  
atqui peccata carnalia habent impulsiuum  
fortius & importunius, scilicet ipsam concu-  
piscenciam carnis nobis innatam: ergò  
&c. Benè tamen notat D. Thom. peccata  
carnis esse tenaciora, & maioris ad hæsi-  
onis; quia plus de conuersione ad bonum  
delectabile habent, vnde fit, quod qui se-  
mel istis vitijs sese dederint, difficilius cor-  
rigantur; quare periculosa admodum sunt,  
& cautè ac fortiter proinde omnia initia  
præscindenda & vitanda sunt.

## ARTICVLVS VI.

*Vtrum grauitas peccatorū at-  
tendatur secundum causam  
peccati?*

**D**istinguit D. Tho. Causam peccati in  
causam per se, quam dicit esse volun-  
tatem, sicuti arbor est causa fructus: eamque  
docet augere peccatum: quia quò hæc  
maior & vehementior est, eò peccatum  
gravius quoque est: & in causam per ac-  
cidens, quam subdistinguit, videlicet in  
eam, quæ nata est inducere voluntatem  
secundum ipsius naturam, siue secundum  
ordinariam eius operandi rationē ad pec-  
candum, quo pacto finis est causa peccati,  
& ab huiusmodi causâ dicit quoque pec-  
catum augeri, quia quò finis peccati peior  
est, eò peccatum est maius: & in causam  
per accidens, quæ præter naturam & ordi-  
nem voluntatis est ei occasio peccandi, si-  
cuti ignorantia, metus & similia, quæ di-  
minuunt rationem libertatis, & huiusmo-  
di causas dicit minuere peccatum, quia  
minuunt voluntarium. Vide plura huc  
pertinentia dicta sup. q. 6. per diuersos  
articulos.

## ARTIC.

ARTICVLVS VII.

*Utrum circumstantia augeat peccatum?*

- 12 **C**onclusio est: Peccatum natum est aggravari per circumstantiam. Docet autem D. Thom. id fieri 1. transferendo peccatum ad aliud genus; vt si quis carnaliter cognoscat non suam; quæ sit vxor alterius, transfertur illud peccatum luxurie etiam ad genus iniustitiæ. Deinde multiplicando vel augendo deformitatem peccati in eadem specie, vt si quis intemperatè comedat, & simul nec locum nec tempus comestioni seruet; item si quis auferat rem alienam inuito Domino & quidem valdè magni pretij. Vide dicta sup. q. 18. artic. 10. & 11.

ARTICVLVS VIII.

*An grauitas peccati augeatur secundum maius nocumentum?*

- 13 **R**esponso D. Thom. est: Inprimis si nocumentum sit præuisum & intentum, augeat directè peccati grauitatem: quia illud tunc verè est simul obiectum voluntatis malæ, similiter si præuisum solum, quamuis non intentum, tamen aggravat saltem indirectè peccatum: quia hoc ipso quo præuisum est, & tamen non vitatur, censetur voluntarium, supposito videlicet quod quis illud vitare tenebatur. Tertiò, etiam augeat licet neque intentum, neque præuisum sit, modo sit tale, quod per se natum est sequi ex tali peccato: tunc enim virtute & implicitè voluntarium est, quia in ipso actu peccati censetur volitum hoc ipso quo per se aut ordinariè ad talem actum sequitur, ipsa autem non præuisio prouenit ex ignorantia culpabili. Denique quando nocumentum neque præuisum est, neque per se ad peccati actum sequitur, sed fortuito & per accidens consequitur, tunc non aggravat peccatum, quia nullo modo censetur voluntarium, nec in se nec in sua causâ. Vide dicta sup. q. 20. artic. 5.

- 14 **O**bseruandum autem hic est, duas allegari causas à D. Thom. ad 3. quare is, qui inducit mulierem ad fornicandum secum, & sic est causa mortis animæ illius non peccet grauius quam homicida occidens tantummodo corpus; Primò inquit, quia homicida ex directâ intentione occidit corpus; alter verò non intendit occidere animam, sed tantummodo frui delectatio-

ne. Secundò, quia homicida est plena & sufficiens causa mortis alterius, sed fornicator non est per se causa sufficiens mortis animæ, sed debet accedere consensus proprius ipsius mulieris, quo per se anima moritur, quo ad vitam gratiæ. An verò peccaret talis grauius quam homicida, si directè eo tunc ad fornicandum sollicitaret, vt animam eius perdat, disputari potest: negat Medina cum alijs quibuscumque; sed è contra Caiet. hic affirmat & cum eo Azor. & alij, quod videtur esse verius; quia finis eius quæ ex proposito & directè intendit & quantum in se est, assequi conatur, est peior quam finis alterius homicidæ: à fine autem directè intento, quando ille peior est, sumitur principaliter malitia actus, vt poce qui est principale obiectum voluntatis.

ARTICVLVS IX.

*Utrum peccatum aggravetur secundum conditionem persone in quam peccatur?*

- 15 **C**onclusio est affirmatiua: Probatur ratione D. Thomæ: quia suprà articulo 3. dictum est, peccati grauitatem variari secundum obiecta: persona autem in quam peccatur est quodammodo obiectum peccati: ergò &c. Hinc sequitur grauius esse peccatum, quod in Deum committitur, quàm quod in hominem. Item quod quis committit in se ipsum, cæteris paribus, grauius, quàm quod in proximum: quo ad illa verò, quæ in proximum committuntur, colligitur ea esse grauiora quibus peccatur in personas magis Deo coniunctas siue ratione virtutis, siue ratione consecrationis aut officij. Vnde dicitur Zachariæ c. 1. *Qui vos tetigerit, tanget pupillam oculi mei:* & in Psal. 114. *Nolite tangere Christos meos:* & Exod. 22. *Dis non detrahes, & Principi populi tui non maledices.* Deinde grauiora sunt, quæ committuntur in personam ipsi peccanti magis coniunctam, siue ratione naturalis necessitudinis, siue ratione benefactorum vel ex alijs titulis: potissimum enim hic consideratur conditio personæ in quam peccatur ex coniunctione, quam habet cum Deo, vel cum ipso peccante. Sed de his latius in 2. 2. q. 26, vbi agitur de ordine charitatis.

ARTIC.

## ARVICVLVS X.

*Vtrum magnitudo personæ peccantis aggrauet peccatum?*

<sup>16</sup> **D**istinguit D. Thomas duplex peccatum: Vnum ex subreptione proueniens, & alterum ex deliberatione procedens. Responsio itaque eius est: peccatum ex subreptione esse minus in eo, qui virtute maior est: sed ex deliberatione procedens esse maius in eo, qui maior est. Ratio prioris partis hæc est; quia qui in virtute est maior solet esse vigilantior circa defectus quoscumque reprimendos, & minorem negligentiam admittit: vnde peccata illa ex subreptione obuenientia, quæ non potest ob humanæ naturæ infirmitatem, per omnia totaliter homo præcauere & excludere, minus sunt in eo voluntaria, & sic minora. Posterioris partis variæ sunt rationes: vna est, quia maiores possunt

facilius peccatis resistere, vtpote, qui scientia & virtute magis sunt instructi: quo pertinet illud Lucæ 12. *Seruus sciens voluntatem Domini sui & non faciens plagas vapulabit multis &c.*

<sup>17</sup> Altera est propter maiorem ingratitude- nem, quia quod quis plura beneficia à Deo accepit, eo deliberatè peccando exhibet se magis ingratum. Tertia, quia peccata in personâ maiori sæpius continent specialem aliquam repugnantiam cum ratione, quam non habent in minori; sic incontinentia Sacerdotis, qui castitatem vouit, habet specialem turpitudinem, quam non habet in quocumque altero: Item violare iustitiam habet specialem turpitudinem in Principe, quam non habet in inferioribus: quia Principi incumbit cura conseruandæ iustitiæ, in omnibus & circa omnes; Denique, quia peccata magnatum magis sunt scandalosa: vnde D. Greg. in pastoralis, parte 1. cap. 2. ita scribit: In exemplum culpa valde extenditur, quando pro reuerentiâ gradus peccator honoratur.

## QVÆSTIO LXXIV.

## De Subiecto peccatorum.

*In decem Articulos diuisa.*

## ARTICVLVS I. &amp; II.

*Vtrum voluntas sit subiectum peccati? & An ea sola sit subiectum?*

**C**ONCLUSIO Prima, Voluntas est peccati subiectum. Probatur, quia peccatum est actus voluntarius habens voluntatem pro suo principio: vt ex antè dictis constat: atqui voluntas est tale principium vt actus eius elicit nō transeat in externam materiam, sed in ipso maneat: ergo voluntas est subiectum peccati.

Conclusio Secunda: Non voluntas sola potest esse subiectum peccati, sed etiam omnes illæ potentia, quæ possunt moueri ad suos actus, vel ab eis cohiberi per voluntatem. Probatur, quia omnis illa potentia quæ est principium actus voluntarij in ipsa manentis potest esse subiectum peccati; atqui potest alia potentia præter voluntatem esse principium actus voluntarij, sic vt in ipso principio maneat actus; ergo

&c. Confirmatur, quia actus voluntarius non tantum dicitur qui elicitur à voluntate, sed etiam qui ab eâ imperatur; atqui talis potest esse in intellectu, in appetitu sensitivo, in potentia imaginatiua, &c. ergo potest peccatum esse in aliâ potentia vt subiecto, præterquam quàm in voluntate.

## ARTICVLVS III.

*Vtrum in sensualitate possit esse peccatum?*

## ARTICVLVS IV.

*Vtrum in sensualitate possit esse peccatum mortale?*

**O**bseruandum est D. Thomam hic & alibi per sensualitatē intelligere appetitum sensitivum secundum se, non includendo corruptionem eius, vt in primis hic constat ex Corpore 2. 3. vbi ait: Manifestum est autē, quod actus sensualitatis potest



potest esse voluntarius, in quantum sensualitas (id est, inquit, appetitus sensitivus) nata est à voluntate moveri: & 3. parte q. 18. artic. 2. Et ideo oportet dicere, inquit, quod in Christo fuerit sensualis appetitus siue sensualitas: similiter loquitur 1. parte q. 81. artic. 1. Quare minus rectè existimandum quidam per sensualitatem non intelligi appetitum sensitivum simpliciter, sed tantum ut in homine iam corruptum, quavis enim nomen illud à D. August. Epistola 151. & alibi sic vsurpetur, & sæpè etiam ab alijs sic capi solet, tamè D. Tho. non ita accipit ut ex allegatis constet. Nec obstat quod q. 25. de veritate artic. 3. disputet, an sensualitas maneat in animà separata, quia illa quæstio non inde procedit, quòd sensualitas corruptionè importet, sed quia videtur esse potètia coniuncti siue còpositi totius, non autè solius animæ, sicut sunt intellectus & voluntas: negandum tamen non est, quin motus eius citrà, aut ex imperfectà rationis deliberatione possit peculiari modo dici actus sensualitatis siue cecit appetitus sensitivus. Nunc sit

3 Conclusio Prima: Nullo modo dicendum est, in appetitu sensitivo esse formale & propriè dictum peccatum independentè omnino à voluntate rationali, quatenus videlicet appetitus prævenit omnino rationem, ab eà nullo modo impediri potest. Est communis ferè DD. in 2. dist. 24. contra Caiet. ut apparet, qui attribuit huic appetitui quandam imperfectam libertatem ei formaliter & per se competentem, quæ saltem ad peccatum veniale possit sufficere, quamvis non ad mortale. Sed patet inprimis conclusionem nostram esse D. Thom. hic ex artic. 3. ubi probat non alià ratione posse in sensualitate esse peccatum, quàm quia actus eius potest esse voluntarius, utpote, inquit, quæ nata sit moveri à voluntate; non autem dicit, utpote, quæ habeat propriam & intrinsecam libertatem; & in respons. ad 2. ostendit motus sensualitatis posse esse peccata non obstante eius corruptione, quia potest homo rationabili voluntate reprimere singulos motus inordinatos, si præsentiar; puta, inquit, diuertendo cogitationem ad alia, quamvis non possit omnes vitare; similiter q. 7. de Malo, artic. 6. ad 2. Ex hoc, inquit, motus sensualitatis est peccatum veniale, quia voluntas potest illum impedire; similia habet ibidem ad 3. & Quodlibeto 4. artic. 21.

4 Ex quibus manifestè constat D. Thomam non agnoscere rationis formalis peccati in appetitu sensitivo nisi ex aliquà dependentià aut respectu ad voluntatem rationalem. Probatur autem conclusio: quia

nullus actus vel motus hominis potest esse verum & propriè dictum peccatum, cuius ipse nõ est principium in quantum est homo, cuiusve ipse nullum habeat dominium ut fiat aut non fiat; atqui omnes actus & motus sensualitatis, qui totaliter & per omnia independentè ab ipsà voluntate exurgunt, sunt tales, quod homo non operetur illos in quantum homo; neque sint sub eius dominio, ita ut omnem eorum ortum impedire valeat; ergò nullus actus vel motus sensualitatis, qui omnino independentè à rationali voluntate siue operante, siue dissimulante aut negligente exurgit, potest esse verum & propriè dictum peccatum. Maior est per se evidens, quia illud est de ratione formalis & veri nominis peccati actualis, quod sit actus vel ommissio actus voluntaria & libera. Hinc D. August. 1. 1. Retract. cap. 9. docet, voluntatem esse quæ peccatur, & bene vivitur: & 1. 3. de liber. arbit. cap. 17. & 18. docet, Voluntarium adeo esse de ratione peccati, ut si voluntarium non sit, peccatum esse non possit.

Vnde etiam communiter dicunt DD. 5. sine voluntate non peccari, id est eà non operante aut permittente vel negligente: atqui nullus actus vel motus potest esse aut dici voluntarius absque aliquo respectu ad voluntatem rationalem, quatenus ab eà vel eliciatur aut imperetur aut saltè permittatur & toleretur: ergò &c. Minor quoque manifestà est, quia hoc ipso, quo supponuntur tales actus aut motus fieri independentè ab ipsà rationali voluntate quoad omnes habitudines iam dictas, constat quod homo non sit eorum principium quatenus operatur ut homo, videlicet per liberam voluntatem & rationis iudicium, quod declarat Apostolus ad Rom. 7. ubi postquam dixisset: *Quod enim operor non intelligo, non enim quod volo bonum, hoc ago: sed quod odi malum, hoc facio*: & paulò post subiungit & infert; *Nunc autem iam non ego operor illud, sed quod habet in me peccatum*; id est, concupiscentia ex peccato orta operatur illud videlicet sine me in quantum ut homo ex iudicio & voluntate operor; ergò actus illi & motus non sunt actus hominis operantis ut homo est, & proinde non possunt esse veri nominis peccata. Quod verò attinet ad illud, quod Caiet. ponit, videlicet libertatem quandam per se inesse appetitui sensitivo in homine imperfectam, quæ tamè ad veniale peccatum sufficiat, sicuti id sine autoritate & rationibus astruitur, ita ex autoritatibus sup. allegatis, & ex ipsis principijs ad libertatem requisitis, quæ appetitui sensitivo minimè conveniunt, negatur & rejicitur.

Conclusio

6 Conclusio Secunda: Possunt tamen motus sensualitatis siue appetitus sensitui esse peccata tum venialia, tum etiam mortalia pro ratione materiæ & perfectioris aut minus perfectæ rationis aduertentiæ, quatenus per voluntatem rationalem insperari aut excitari queunt, vel etiâ ut iam per se excitati tolerantur voluntariè & cum complacentia. Probatur, quia motus illius appetitus sepius sunt inordinati, & disconueniunt supposito naturæ rationalis, ut quando appetitus fertur in delectabile obiectum disforme dictamini rectæ rationis, ut quando mouetur in concubitus, v.g. extra matrimonium, quando ex imaginatione concubitus illiciti delectatur, quando in personâ priuatâ mouetur ad vindictam, cui non conuenit vindictam sumere; ergo huiusmodi motus quando à voluntate rationali procurantur, vel ab eo voluntariè permittuntur dum eos cohibere potest, vel in illis sibi complacet, sortiuntur plenam rationem peccati, sicuti homicidium quod cum rationis iudicio & liberâ voluntate committitur.

7 Sed obijci potest; proprium obiectum appetitus sensitui est bonum delectabile absque ordine aut collatione illius obiecti ad rationem, vtrum eius dictamini conueniat vel non conueniat, quia appetitus sensituius pro duce suo habet sensum, & imaginationem, quibus non incumbit discernere inter delectabilia, quæ rationi conueniunt aut quæ non; quia eiusmodi creationem facere non valent; ergo omnes eiusmodi motus appetitus sensitui non possunt dici inordinati, vitiosi, aut contra rationem, & per consequens neque vitiosum aut peccatum erit tales motus procurare, multoque minus eos tantummodò permittere vel de ijs gaudere aut in illis sibi complacere.

8 Respondetur appetitum sensitiuum dupliciter posse considerari: vno modo simpliciter & absolute secundum se; alio modo quatenus est in eodem supposito cum voluntate intellectuali radicans in eodem principio videlicet animâ rationali: loquendo itaque de appetitu sensitui simpliciter in communi secundum se; vel ut non est in eodem supposito cum voluntate rationali, sic verum est, quod proprium eius obiectum sit generaliter bonum sensibus delectabile sine ordine aut collatione illius ad rationem; verum quatenus est in supposito rationali radicans in eodem principio cum voluntate, sic obiectum eius non est generaliter omne bonum sensibus delectabile, sed illud solum, quod secundum rationem conuenire potest supposito rationali: quia hoc ipso, quo in eo-

dem supposito est ratio superior & voluntas prædominans, conuenit quod actus eius & motus sint moderati secundum exigentiam naturæ suppositi rationalis; atque ita licet, quantum est ex parte appetitus sensitui in genere & abstractim considerati, respiciat bonum delectabile vniuersaliter, tamen in hominè ex parte suppositi limitatur eius obiectum, sic ut ex eo capite non debeat ferri nec motus eius admitti in quocumque bonum delectabile.

9 Non tamen ipsi appetitui proximè data lex est, siue limes positus, cum sicuti rationis per se ita & præcepti sit incapax; sed supposito ipsi & voluntati rationali ut eum cohibeat quantum in se est, nec permittat ut feratur in delectabilia, ijsuein hæreat quæ rationali naturæ disconueniunt; atq; ita licet motus illi possint esse naturales appetitui secundum quod simpliciter & abstractim consideratur in ratione appetitus sensitui, tamen inordinati sunt, quatenus in tali supposito sunt: ideoque ratio eos reprimere & cohibere tenetur, & si id non faciat quantum potest, iam voluntarij censentur & peccata. Si verò reluctantè voluntate exurgant, tunc imperfectiones naturæ sunt spectando eam quasi esset in statu naturæ nudæ, sed spectando ut cecidit à statu innocentie, sic vitiosi sunt, quamuis non peccata propriè dicta, eò quod non omnino sint in potestate & dominio voluntatis & rationis: nihilominus tamen vitiosi habentur, quia cum naturæ Conditor & gratiæ largitor imperfectionem eiusmodi per sua dona ab homine abstulisset, ita ut vires inferiores essent omnino subditæ voluntati superiori, nec se mouerent nisi ex imperio & iudicio rationis, tamen culpâ suâ hunc ordinem homo turbauit, & hinc motus illi contra rationis imperium exurgentes vitiosi sunt, quia ex peccato sunt & ad peccatum inclinant, ac insuper quia sunt defectus quidam cōtra conuenientem ordinem ab initio in homine institutum, quamuis ob rationis & libertatis carentiam propriè dicta peccata non sint.

10 Conclusio Tertia: Dictis duabus concl. non obstantibus dicimus tamen verò nec incongruo sensu traditam esse à D. Th. doctrinam artic. 3. Quod in sensualitate possit esse peccatum veniale: & artic. 4. quod in sensualitate non possit esse peccatum mortale. Varij varias allegant huius diuersi loquendi modi D. Th. rationes, cum iuxta dicta videatur debuissè eodem modo loqui de peccato veniali & mortali in ordine ad appetitum sensitiuum tanquam subiectum.

Appositissimè autem poterit hæc diuersitatis

fitatis ratio reddi, quæ videtur esse huiusmodi ad mentem D. Th. videlicet, vt idcirco peccatum veniale specialiter dicatur posse esse in appetitu sensitiuo & non ita mortale, quia nimirum voluntate nihil operante sed tantummodo non satis aduigilante ratione, potest motus aliquis sensualitatis subrepre, qui sit peccatum veniale siue propter leuitatem materiæ, siue propter imperfectam aduertentiam rationis, qui motus moraliter loquendo solet attribui & adscribi simpliciter sensualitati, quia licet propter aliquam voluntatis negligentiam habeat culpæ rationem, tamen quia voluntas non cooperatur & actus fuit talis materiæ aut non illius perfectionis, quodd ratio perfectè debuerit & potuerit aduertisse & totaliter exclusisse, ideo magis sensualitati quâ rationi tribuitur: sed quando materia grauis est & nō ita furtiuè subrepat appetitus, quin ratio plenè aduertat aut plenè aduertisse potuerit (est quod voluntas quoque ad motum illum positiuè cooperata non fuerit, sed voluntariè tolerauit) tunc certè propter materiæ grauitatem & cæteras circumstantias, adscribitur eiusmodi actus & culpa simpliciter rationi & voluntati, vtpote quæ debebant extremas adhibere vires ad impediendū aut non voluntariè admittendū actum illum, eousq; vt mens à Deo & incommutabili bono auerteretur per adhesionem sensualitatis ad delectabiliā carnis: quia illius rei cura specialiter ad rationem spectat vt homo Deo inhæreat amore & charitate: sed subreptione, quia non potest voluntas omnes excludere potius referuntur ad appetitum sensitium, qui quasi furtiuè eas suā potestate exercet, licet interim nisi voluntas aliquo modo saltem per negligentiam aliquā concurrerit, nullo modo peccati propriè dicti habent rationem.

Ex dictis præsertim circa primam conclusionem manifestum euadit, falsissimum esse omnes concupiscentiæ motus etiam præuenientes rationis aduertentiam, & quos inuiti patimur esse peccata mortifera, quod docuerunt nostri temporis hæretici Lutherus, Caluinus, & alij eorum sectatores, quorum doctrina ab Ecclesia tanquam hæretica est reiecta & damnata, ac imprimis à Leone X. cum cæteris Lutheri erroribus; deinde à Concil. Trid. ss. 5. in decreto de peccato originali, vbi dicitur, Manere autem in baptisatis concupiscentiæ vel fomitem, hæc sancta Synodus fatetur & sentit, quæ cum ad agonem relicta sit, nocere non consentientibus & viriliter per Christi gratiam repugnantibus non valet; & infrâ hanc concupiscentiam, quam aliquando Apostolus peccatū appellat, Sancta Synodus declarat Ecclesiam catholi-

cam nunquam intellexisse peccatum appellari, quod verè & propriè in renatis peccatum sit, sed quia ex peccato est & ad peccatum inclinat; si quis autem contrarium senserit (inquit) anathema sit.

Vbi nota, per concupiscentiam non intelligi tantum habitualem corruptionē seu concupiscentiā habitualem, sed etiā motus eius, quia his propriè dicimur non consentire & viriliter repugnare, ac luctari cum illis; non autem cum habitu corruptionis nisi tanquam principio, vnde motus excitantur & exurgunt. Quia verò hæretici ex Apostolo & D. Aug. multa allegare solent pro hoc suo errore astruendo, hinc operæ pretium fuerit ex eorundem auctoritatibus aliquantulum latius dictum errorem refutare: & in primis ex Apost. contrarium declaratur, qui c. 7. ad Rom. facit huiusmodi discursum & deductionem: *Si quod nolo malum, illud facis, iam non ego operor illud, imo dum illud nolo, id est, repudio & odi, consentio legi quia bona est*: id est, secundum rationem approbo legem vt bonam & iustā ac condelector ei secundum interiorē hominem, & quamuis videam aliā legem in membris repugnantem legi mentis meæ, mente tamen seruiō legi Dei; ex quibus statim initio capitis sequentis inferit; *Nihil ergo nunc damnationis est ijs, qui sunt in Christo Iesu, qui non secundum carnem ambulant*; ergo euident est, quod iuxta Apost. eiusmodi motus carnis quos homo non vult, quos repudiat & odit, & contra quos adheret legi mentis & mente seruit legi Dei, non reddant hominem dignū damnatione, & per consequens non sunt peccata mortifera.

Sed opponunt Hæretici, Apost. dicere: *Nihil dānationis est ijs, qui sunt in Christo Iesu, non quod nulla sit in ijs culpa digna dānatione, sed quia Deus non imputet illis in dānationē. Sed contra facit, quod paulo infrâ Apostolus manifestè significet iustificationem legis impleri in nobis, qui non secundum carnem ambulamur, sed secundum Spiritū, Et de peccato damnauit peccatum, inquit, vt iustificatio legi impleteretur in nobis, qui non secundum carnem ambulamur sed secundum Spiritum*; at qui secundum Spiritum & non secundum carnem ambulant, *Qui Spiritu sancto carni mortificantur*, vt patet ex eodem Apostolo infrâ: tales autem sunt qui nolunt sed oderunt malū concupiscentiæ, quod inuiti patiuntur; ergo hi adimplent iustificationē legis; qui autem iustificationem legis implent non sunt dānationi obnoxij, non tantum quod culpa vel peccatū eis non imputetur, sed quia reuera culpam dānatione dignā non committant, vtpote qui legis iustificationē adimpleuerunt.

Confirmatur ex Apost. Iacobo c. 1. *in iustis quisque*

quisque, inquit, tentatur à concupiscentiâ suâ abstractum & illicitum: deinde concupiscentia cum conceperit, parit peccatum. Ad quæ verba D. Aug. lib. 6. cōtra Iulian. c. 9. circa medium, ita scribit: profectō in his verbis partus à pariente discernitur, pariens enim est concupiscentia, partus peccatum; sed concupiscentia non parit nisi conceperit, non concipit, nisi illeixerit, hoc est (inquit) nisi ad malum perpetrandū obinuerit voluntatis assensum: ergo D. Aug. non agnoscit in concupiscentiâ peccatum veri nominis, ante omnem voluntatis consensum, id quæ vult in doctrina Apostoli Iacobi esse omnino fundatum. Idem docet diversis locis alijs, vt lib. 2. de Gen. contra Manichæ. c. 14. aliquando (inquit) ratio viriliter etiam commotam cupiditatem refrænat atque compefcit; quod dum fit non labimur in peccatū, sed cum aliquantū luctatione coronamur; & lib. 1. de Civit. c. 25. quod si illa concupiscentialis inobedientia, quæ adhuc in membris moribundis habitat, præter nostræ voluntatis legem quasi lege suâ moueatur, quantō magis absq; culpâ est in corpore non consentientis, si absque culpa est in corpore dormientis? similia habet lib. 2. contra Iulian. c. 9. & alibi. D. Prosper quoque de vitâ contemplatiua lib. 3. c. 4. Peccatū perpetrare non possum, inquit, nisi malæ delectationi consentiā. Idem docent alijs PP. Vide D. Chrys. homil. 13. in epist. ad Rom. & D. Ambros. lib. 1. Officiorum cap. 21.

16 Sed contra obijciunt Hæretici Primò: ex c. 7. ad Rom. illud Apost. *Concupiscentiam nesciebam* (videlicet esse peccatum) nisi lex diceret non concupisces: hic (inquit Lutherus) Etiam renatorum suamq; ipsius concupiscentiam peccati accusat, vt quæ sit ex nativitate carnis post regenerationē superstes; Item ex eodem c. vrgent quod concupiscentia nomine peccati & nomine mali designetur; Item quod lex membrorum dicatur repugnare legi mentis & captivare hominem in lege peccati; rursum quod sit spiritalis quedam miseria secundū Apost. quādo dicit: *Insuper ego homo, quia me liberabit de corpore mortui huius*, ergo motus concupiscentiæ etiā contra assensum voluntatis sunt veri nominis peccata & per se digni morte.

17 Respondetur ex contextu & deductione Apost. satis constare, nō velle eum docere cōcupiscentiæ motus quibus voluntas repugnat esse veri nominis peccata; quin imo ipsum plane contrarium docere, sicut iam paulō ante ostendimus. Quod itaq; ad singula attinet, quæ ab adversâ parte vrgentur, dicendum est; ad primum istud *Concupiscentiam nesciebam, nisi lex diceret, non concupisces*; non habere illum sensum, quod

Apostolus per legē didicerit concupiscentiam inuoluntariam habere rationē culpæ lethalis; sed quod didicerit, non licere cōcupiscere voluntate id quod nō licet opere explere, atque adeo non tantū opus externum, sed etiam malam voluntatē esse prohibitam; quod quæ illis concupiscentiæ motibus quos complere non licet, sit quodque illicitum voluntate adhærere & illis consentire ac oblectari; quæ homines sine lege id dictante nō ita cognoscebāt, sed arbitrabantur in pravis desiderijs voluntatis, sine opere externo non inesse culpam: quā ignorantia videntur etiam multi ludæorum laborasse tempore Christi.

Neque verba præcepti (*Non concupisces*) aliud important; quia datur præceptū homini quo ad actiones quas facit vt homo; ergo quatenus cum iudicio rationis & liberâ voluntate operatur, & consequenter præcipi censetur, vt per rationē & voluntatem non concupiscat, non autē quod sensualitas non se moueat, cum hic motus quatenus rationem præuenit nō sit operatio hominis vt homo est sicuti sup. latius demonstrauimus: prohibitiones autē sunt de actibus hominis, quos in suâ habet potestate, quosq; vt homo operatur; hinc neque tales motus sunt verē inobedientiæ legis, vt quidam malè dixerunt: vnde Scriptura alibi sic tradit hoc præceptum: *Post concupiscentias tuas non eas*, id est voluntate non adhæreas neque expleas.

Dices: D. Aug. de Spiritu & littera 19 34. siue vltimo, & lib. 1. de nuptijs & concupiscentijs c. 23. planè significat illum solum non concupiscere ad sensum huius legis (*Non concupisces*) qui nullo concupiscentiæ motus perferit: vnde vult ad vitâ immortalem pertinere, Illud (*Non concupisces*) & ad hanc vitam, *Post concupiscentiam tuam non eas*: ergo motus concupiscentiæ videntur absolutè & formaliter aduersari istī præcepto (*Non concupisces*) & proinde apparet, quod sint verē inobedientiæ legis & vera peccata. Confirmatur, quia serm. 5. de verbis Apostoli c. 6. expressè declarat ipsam concupiscentiam vetari hoc præcepto, (*Non concupisces*) nec tantū prohiberi ne post concupiscentias quis eat: si autem concupiscentis quidem, inquit, quod lex vetat cum dicit, *Non concupisces*, seruas tamen aliud quod item lex iubet (*Post concupiscentias tuas non eas*) mente spiritalis es; carne carnalis: aliud est enim, non concupiscere, aliud post concupiscentias suas non ire: ergo &c.

Respondeo & Dico Primò: D. Aug. iisdem locis expressè docet, Motus concupiscentiæ si voluntatis cōsensus non accedat, peccata non esse; ita enim de nuptijs & concu-

& concupiscentijs loco cit. scribit; Nā ipsa quidem concupiscentia iam nō est peccatum in regeneratis quando illi ad illicita opera non consentiunt, atq; vt ea perpetret à reginā mente, membra non dantur, vt si non fit quod scripsum est, *Non concupiscas*, fiat saltem quod alibi legitur: *Post concupiscentias tuas non eas*. Ex quibus manifestum est, nō velle D. Aug. concupiscentiæ motū esse verē & formaliter peccatū seu culpam sine voluntatis rationalis assensu. Vnde

21 Dico Secundō: sicut in plerisque alijs præceptis duo considerari possunt præcipi, aut prohiberi; videlicet voluntas interior tanquam actio humana in quā propriē & formaliter cadit lex, & externū opus tanquam obiectum internæ volitionis, sic etiā in præcepto, *Non concupiscas*, possunt intelligi ita duo prohibita, vt scilicet prohiberi intelligatur & voluntas concupiscendi, & simul quōque indebiti motus sensualitatis, tanquam obiectum & veluti opus externū respectu rationalis voluntatis: & hāc cōsideratione docet D. Aug. illo præcepto vetari quoque ipsum concupiscere, videlicet per modū externi operis & obiecti, quod non ita includitur in illo præcepto, *Post concupiscentias tuas non eas*.

22 Et ideo inter duo illa præcepta agnoscat quādam differentiam, siue distinctionē; sed quemadmodū circa alia præcepta non fit formalis transgressio, neque contra illa committitur formalis culpa, etiam si externum opus prohibitum fiat absq; interiori voluntate & iudicio rationis; v. g. si quis in furia, siue amentia, vel casu fortuito per ignorantiam inuincibilem occidat hominem, non præiurabitur formaliter præceptum, *Non occides*; sic quoque ipsum concupiscere sine assensu interioris voluntatis nō est formalis transgressio illius præcepti *Non concupiscas*, sed materialis tantum, quæ peccati specialiter & propriē dicti seu culpæ rationem nō habet. Hinc quoq; D. Aug. talem qui inuitus concupiscit seu concupiscentiæ motus patitur, vocat spiritalem mentē, & tantummodo carne carnalem, quod non est simpliciter esse carnalem; quia tamen imperfectionis cuiusdam est subiaccere istis motibus, à quā imperfectione speramus in vitā futurā plenē liberari, ideo dicit, *non concupiscas*, pertinere ad vitam immortalē: Interim verō semper laborandū esse, vt in perfectione, videlicet in diminutione concupiscentiæ proficiamus, quamvis plenitudinem illius perfectionis nunquam hīc totaliter assequi valeamus.

23 Nunc verō quod sensu Apostolus concupiscentiam compellat nomine peccati, diximus suprā ex Concil. Trid. quia videlicet ex peccato orta est & ad peccatum

inclinat; non quod sit propriē dictum & veri nominis peccatum. Eādem & quidem potiori ratione compellatur nomine mali, quod latius adhuc patet, quam peccatū, vt q. 21. ostendimus: Deinde malum quoq; dici potest, quia ipsa est obiectum tale, vt voluntas in illud consentire sine peccato non possit. Dicitur etiam repugnare legi mentis, quia allicit & trahit ad faciēda ea, quæ sunt contra legem mentis; non quod motus eius secundū se ante rationis aduertentiam sit formalis repugnantia seu transgressio legis mentis, sed quia mentem inducit, quantum in se est, vt legē suā transgrediat. Hinc quoque est quædam spiritualis miseria & infelicitas, quia ab intus subiaccere continuæ quasi sollicitationi ad malum, & istā sollicitatione non sine peccati periculo etiam inter spiritualia opera mentis distrahī & inquietari. haud dubiē imperfectionis est & miseriæ. Vnde vnusquisque merito ab illis cum Apostolo desiderat liberari exclamando, *Infelix ego homo: qui meliorabit de corpore mortis huius*? Dicitur denique lex membrorum, quæ repugnat legi mentis, Et quoq; captiuare nos in lege peccati, quia in membris ex necessitate hīc patitur motus illius, sic vt in hac vitā non sit in nostrā potestare, illos omnino non persentire, iijve non commoueri; vade & quodammodo ab illā lege captiuamur & in seruitutē redigimur. Vocatur verō lex peccati, quia ex peccato sumpsit originē, & ad peccatū ducere conatur.

24 Obijciat Secundō: D. Aug. lib. 5. cont. Iul. c. 3. ita scribit: Concupiscentia carnis aduersus quā bonus concupiscit Spiritus, peccatum est, quia inest illi inobedientia contra dominatū mentis, & pœna peccati, quia reddita est meritis inobedientis, & causa peccati est defectio consentientis, vel contagione nascentis: & tractat. 41. in Ioannem ita loquitur: Quamdiu viuus, peccatum necesse est esse in membris tuis, saltem regnum illi auferatur, nō fiat quod iubet, ergo D. Aug. voluit cōcupiscentiam esse formale & propriē dictum peccatum, quia priori loco rationem peccati condiscit contra illas rationes secundum quas est pœna vel causa peccati.

25 Respondetur, Nomen peccati in generali suā acceptione (quæ etiam propria est, quamvis apud scriptores ecclesiasticos non ita communiter vīrata) significare quemlibet defectum seu vitii agentis, siue sit in genere moris, siue in genere naturæ, siue in genere artis, & sic latius patere quā nomen culpæ, v. pote quod tantum significat defectum in actionibus moralibus. Dicendum itaque est, D. August. priori loco accipere nomen peccati secundū generalio-

neraliorem eius significationem, & dicere concupiscentiam esse peccatum, quia defectus quidam & vitium in eo est, quod contra primænam hominis conditionem sensualitas sese moueat contra donatum mentis, cui iuxta primam hominis institutionem per omnia erat subiecta, ita ut sine illius imperio non moueretur. Vnde quod aliter moueatur, inordinatum & defectuosum habendum est, etiam si quoque motus ille non tenderet in obiectum illicitum, siue supposito rationali disconueniens.

25 Sed quamuis defectus quidam ibi sit & generaliter loquendo peccatum, sicut monstrum est peccatum naturæ, non tamē culpa est, quā solam nomine peccati intelligimus, quando negamus concupiscentiam esse peccatum proprie dictum.

Ad alterum locum Resp. D. August. ibi nomine peccati appellare concupiscentiam, sicut Apost. ad Rom. 7. quando scribit, *Iam non ego operor illud, sed quod habitat in me peccatum*: quæ verba cum sibi D. August. lib. 1. Retract. cap. 15. opposuisset contra doctrinam quā assererat verissimum esse, peccatum sine voluntate esse non posse: Respondet, ideo concupiscentiam vocari peccatum, quia peccato facta est, & peccati poena est; non autem rationem peccati proprie dicti in illā agnoscit. Vnde & eodem tract. 41. in Ioannem sic scribit; Nunquid quia, deleta est tota iniquitas, nulla remansit infirmitas? vult itaq; concupiscentiam esse infirmitatem, non iniquitatem, & consequenter neque peccatum proprie & strictè dictum, cum omne peccatum iniquitas sit iuxta illud 1. Ioannis 3. *Omni qui facit peccatum, & iniquitatem facit.*

## ARTICVLVS V.

*Utrum peccatum possit esse in ratione?*

26 **C**onclusio D. Th. est affirmatiua; quā in hunc modum declarat: Duplex est genus actuum intellectus iuxta duplicem functionem ei competentem: vnus enim eius actus versatur circa obiectum suum præcisè, estq; cognitio alicuius veri; alius autem eius actus est directius aliarum virium seu potentiarum: in vtroque autem genere potest esse defectus, & consequenter in ratione poterit esse peccatum. In primo quidē, quia potest ratio nescire vel errare circa illud, quod potest & debet scire; iste autem defectus est in ratione & imputatur ei in peccatum, inquit, D. Th. In secundo potest etiam esse defectus, quia potest ratio inordinatos actus inferiorum virium imperare, vel vbi eos excitatos aduertit,

non cohibere: ergo &c.

Notandū tamen est, hunc defectum intellectus tunc demum esse culpabilem & in peccatum imputari, quando est voluntarius expressè aut saltem interpretatiuè; vnde non est peccatum in ratione sine respectu ad voluntatē, iuxta id quod artic. præced. n. 25. ex D. Aug. lib. 1. Retract. c. 15. diximus, videlicet non nisi voluntate peccari.

Notandum Secundò: Quemadmodum ad voluntatem, ita etiam modo quodam omne peccatum pertinere ad rationem: quia omne peccatum est actus aut quasi actus liber; omnis autem actus liber pendet suo modo à ratione, quia voluntas liberè operari non potest, vbi lumen rationis non præcedit aut accedit.

Notandum Tertiò, hoc discriminis esse inter nescire & errare (quos duos defectus ponit hic D. Th. in ratione, ut circa proprium obiectum versatur) puta, quod aliquando possit quis voluntariè velle quēdā nescire, idq; sine culpā, imo & cum merito: dicit enim D. Aug. c. 17. Enc. hyr. Sunt quēdam quæ nescire, quā scire sit melius, v. g. quæ scita vel inanis bonū impediunt vel præbent occasionē mali; sed nemo rectè cupit errare: quia vt notat Caier. error est naturæ hominis contrarius, ideōq; etiā in rebus minoribus cauendus est, ut loco cit. monet Aug. Nihilominus tamen sicuti mala poenæ iuuant interdum ad bonū institutiæ, propter quod etiam appetuntur, ut castigationes corporis in satisfactionē pro peccatis, ita error aliquis (in viā pedū non in viā morum, inquit Aug.) interdum per accidens potest optari, quatenus per eum vitatur aliquod malum grādius ipsius hominis: sicuti si quis aberrando à viā euadat mortē, quod sibi accidisse narrat Aug. sup. potius optandus erit ille error quā mors; non quod error bonus sit, sed quia mors peior est; per se tamē loquendo magis esset optanda scientia seu cognitio periculi vt quis prudenter præcaueret, quā quod errore laboret & errando euadat fortuito malū.

## ARTICVLVS VI.

*Utrum peccatum morosa delectationis sit in ratione?*

28 **C**onclusio D. Thom. est affirmatiua: Probatur, quia sicuti artic. præced. dictum est, tunc peccatum est in ratione, quando inordinatos motus inferiorum virium ipsa imperat, vel non cohibet; atqui morosa delectatio est quidam inordinatus motus inferiorum virium, quem ratio aduertit aut faciliè aduertere potest, quemq; proinde quantum in se est, cohibere debet & tamen

debet & tamen non cohibet, nec cohibere allaborat; ergo peccatum morose delectationis est in ratione, quia videlicet ratio delectationi immoratur & non repellit prout debet, unde peccatum ei imputatur. Dicitur itaque delectatio illa morosa non à tractu temporis quo durat, sed à morâ tolerantie, vel conuentione rationis, quando ipsa aduertit & non prohibet aut renititur. Unde potest etiam breuissimâ tempore & quasi in momento peccatum morose delectationis incurrere, ut quando plenè aduertitur & ratio in eam consentit aut repudiare negligit. Potest etiam contingere, quod aliqua delectatio insit viribus inferioribus tempore notabili & longo, nec tamen incurrat peccatum saltem mortale, eò quòd deliberatio siue aduertentia, vel nulla fuerit, aut saltem non fuerit plena & perfecta explicitè vel implicitè.

# ARTICVLVS VII.

## Utrum peccatum consensus in actum sit in ratione superiori?

29 **O**bseruandum hic est, eò muniter distinguuntur rationem superiorem & inferiorem; eam tamen unicam esse animæ facultatem intellectuâ quo ad rem ipsam, sed secundum diuersas considerationes vocari nunc rationem superiorem, nunc inferiorem. Superior dicitur quatenus æternis conspiciendis & consulendis intendit; Inferior autem, quatenus intendit rebus temporalibus iuxta regulas humanas & naturæ, ut colligitur ex D. August. lib. 12. de Ciuit. cap. 7. & lib. 12. de Trinit. cap. 12. quæ latius explicat D. Tho. 1. parte quæst. 79. artic. 9. Iudicat itaque ratio inferior aliquid amplectendum, quia delectabile, quia honorificum, quia naturæ commodum & ex similibus motiuis: Ratio autem superior iudicat aliquid amplectendum, quia diuinæ legi, quia rectæ rationi, quia honestati consentaneum est.

30 **N**otandum Secundò, consensum nihil aliud esse propriè loquendo, quàm ex parte voluntatis acceptationem conclusionis consilij, quâ videlicet voluntas amplectitur, quod ratio proponit tanquam bonum & prosequendum siue ex rationibus æternis siue ex humanis & temporalibus, ut dictum fuit sup. qu. 15. a. 1. n. 1. Hic itaque queritur, utrum quodcumque voluntas ita se habet, ut non tantum in delectationem ex cogitatione rei illicitæ exortam consentiat, sed etiam consentiat in opus externum, an peccatû huiusmodi consensussemper attribuendum sit voluntati pro-

ut dirigitur aut dirigi debet à ratione superiori? & proinde tunc semper defectus in ratione superiori collocandus sit?

Conclusio D. Thom. est: Consensus in actum pertinet propriè ad rationem superiorem, sed consensus in delectatione absque voluntate operis, de quo actum est articulo præcedente, spectat ad rationem inferiorem. Delumpta est huius vtriusque articuli doctrina ex D. August. lib. 12. de Trinit. cap. 12. ubi in cuiusque hominis mente constituit quoddam rationale coniugium, ut ipse loquitur, ad iusser coniugij Adæ & Eue, cuius personas sustinent ratio inferior & ratio superior: Inferiorem dicit subire partes femininæ, & superiorem partes viri: unde addit quod dum carnalis vel animalis sensus ingerit illicebrem fruendi se intentioni mentis, quæ in rebus temporalibus & corporalibus versatur (id est rationi inferiori, tunc, inquit, velut serpens alloquitur feminam) huic autem consentire, de ligno prohibito manducare est: sed si ite consensus solâ cogitationis delectatione contentus est, sic eum habendum (ait) existimò veluti si cibum vitium mulier sola comederit; si autem in consensione malè vtendi rebus, quæ per sensum corporis sentiuntur, ita decernitur quodcumque peccatû, ut si potestas sit, etiam corpore completur, intelligenda est illa mulier etiam dedisse viro suo secum simul edendum illicitum cibum: quibus & alijs ibidem adiunctis D. Augustinus consensum in solam delectationem absque voluntate operis complendi attribuit rationi inferiori, quæ se habet instar mulieris, & consensum in opus attribuit rationi superiori, quam comparat viro.

Sed difficultas est, quomodo illud discrimen rectè ita ponatur, cum etiâ consensus in delectationem solâ ut peccati mortalis culpam contrahat, debeat præsupponere superioris rationis aduertentiam expressam aut interpretatam. Similiter è contra, consensus in ipsum opus externum possit procedere ex consilio capto per rationes inferiores, puta per temporales & naturæ commodas aut gratas, v. g. quia honorificum coram hominibus, quia sanitati conueniens, & ex similibus: ergo nō videtur subesse aliquod fundamentum statuendi talis discriminis inter peccatum consensus in solam delectationem, & consensus in actum seu opus externum.

Omissis varijs explicationibus, Resp. cum Caiet. prædictam D. August. doctrinam, & quam ex eo suauit D. Thom. esse secundum quandam accommodationem & quasi appropriationem accipiendam;

T iij

quemad-

quemadmodum quædam attributa in diuinis licet communia sint, tamen specialiter appropriantur huic vel illi personæ; quamuis enim circa peccatum consensus in solam delectationem, concurrat quoque ratio superior saltem interpretatiuo modo, quia iuxta legem Dei aut virtutis non prohibet quando potest & debet, adeo vt si hæc non aduerterit aut aduertere potuerit illius malitiam, non possit actus ille delectationis peccati rationem obtinere: & è contra licet etiam ratio inferior versari possit circa consensum in ipsum opus, vt satis est demonstratum, tamen speciali quâdam ratione examen & directio prioris dicuntur pertinere ad rationem inferiorem, & posterioris ad superiorem: Considerantur enim duæ illæ rationes, tanquam duo iudices in aliqua communitate subalterni, vel tanquam vir & mulier in vnâ familiâ; iam verò res primum obuiæ excutuntur & examinantur prius in tribunali inferiori, & habet mulier in familiâ curam similitum, sed res grauiores & quæ in progressu causæ indigent maiori indagine, & quâdo de vltimâ resolutione agitur, specialiter ad tribunal superius in communitate, & ad virum in familiâ referri solent.

34

Sic itaque, quia carnalis sensus primò obijcit illecebram aliquam, vt eâ fruatur appetitus, occurrit primum tribunal rationis inferioris, ad quod idcirco specialiter spectare videtur eius examen; si tamen hoc tribunal non sufficiat, vel non iudicet vti conueniebat, debet tunc etiam ratio superior aduigilare & prohibere; nihilominus tamen ex causa iam dictâ peccatum illud adhesionis ad illam illecebrâ dicitur peculiariter esse in ratione inferiori: è contra autem quando agitur de ipso opere patrando, tunc tanquam de re grauiori, & de summâ rei agatur, vtpote vbi additur vltima completio, tunc, inquam, ad supremum tribunal omnino est recurrendum; & sic ex hoc capite decisio illius consensus in opus speciali modo dicitur pertinere ad rationem superiorem: quemadmodum licet mulier aliquando possit quædam suggerere viro circa ea, quæ propriè spectant ad officium viri, & licet vir ex autoritate possit se immiscere ijs, quæ specialiter ad curam mulieris pertinent, nihilominus in communi modo loquendi dicuntur ista esse curæ mulieris, vt specialiter illi imputetur, si non bene fiant; & hæc esse officij viri, sic vt horum defectus specialiter viro adscribatur, quamuis & vir delinquere possit non superintendendo actionibus mulieris, & mulier possit delinquere seducendo virum in ijs, quæ sunt eius officij.

## ARTICVLVS VIII.

*Vtrum consensus in delectationem sit peccatum mortale?*

**P**RO pleniori huius articuli explicatione & intelligentiâ. Notandum est Primò, non hîc disputari de consensu in opus externum peccati; quia apud omnes indubitatum est non tantum externos actus, sed etiam omnem deliberatam voluntatem peccandi materialiter esse peccatum mortale, etsi opus non sequatur, siue id contingat, quia deest facultas aut opportunitas operis explendi, siue quia timeretur infamia vel aliud incommodum ex actu exteriori sequuturum. Patet ex illo Matthæi cap. 5. *Qui viderit mulierem ad concupiscendam eam, iam merchatus est eam in corde suo*: eadem est ratio de consensu in alia peccata.

Dixi voluntatem deliberatam, quia si tantum sit aliquod desiderium imperfectum, vt sunt motus primò primi, id est, affectiones appetitus, quæ præueniunt omnem considerationem intellectus, sic vt in potestate hominis non sit impedire, ne eas patiatur, nõ erit illa voluntas peccatum, multo minus mortale. Similiter si tantum sit motus secundò primus, vt loquuntur Scholastici, id est affectio, quæ præueniat perfectam considerationem intellectus, sic vt aliquo modo sed imperfecta è aut confuse obseruetur, peccatum quoque mortale non erit propter imperfectam aduertentiam, & consequenter imperfectam libertatem, sed veniale: duntaxat: hic itaque quæstio non est de voluntate quâ opus ipsum appetitur, sed de eâ, quâ quis vult delectari in opere cogitato, quamuis illud de facto explere nolit.

Notandum Secundò, in qualibet rei apprehensione, siue per sensum, siue per intellectum posse duo considerari; videlicet ipsam apprehensionem, quæ est actus vitalis, & quædam actualis rei notitia; & ipsum opus siue quodcumque obiectum illius, scilicet apprehensionis. Vnde fit quod rem aliquam apprehendendo possit duobus modis nasci delectatio: Primò ex ipsâ cognitione quatenus cognitio est veritatis, aut rei admirandæ raræ vel nouæ; talis enim cognitio delectat & magni apud homines æstimatur, quantumuis etiam sit earum rerum in quarum vfu vel exercitio nihil sit voluptatis, vnde curritur ad videnda spectacula rerum etiam tristissimarum: Secundò ex ipsâ re seu obiecto circa quod apprehensio versatur.

Inter



38 Inter hos autem modos illud est discriminis, ut hic notat D. Thomas quod dum priori modo ex consideratione concipitur delectatio, quod tunc delectationis illius immediatum obiectum sit ipsa notitia rei, hæc enim sola tunc apprehenditur tanquam bonum delectabile, quia voluptuosum est audire, videre, aut intelligere ipsam rem, etiam si rem aut rei executionem detestemur, ut quando recensemus cum voluptate præteritos dolores aut miseras: Quando autem posteriori modo ex rei apprehensione nascitur delectatio, tunc huius delectationis immediatum obiectum est ipsa res per phantasmam vel intellectum apprehensa, hæc enim tunc causat delectationem, & eius cognitio siue apprehensio habet se tantum per modum causæ proponentis & applicantis obiectum delectabile: nulla enim res potest delectationem parere, nisi per sensum vel intellectum fuerit apprehensa & appetitus applicata.

39 Vnde ulterius fit, quod hæc delectatio sit similis illi, quæ ex ipsa rei præsentia & reali fruitione percipitur, ipsaque sequatur omnino ex affectu & amore erga ipsam rem: dupliciter enim potest nobis aliquid fieri præsens; vno modo simpliciter & reipsa: alio tantum virtute phantasie per imaginationem; utque modus aut delectationem eiusdem rationis parit, ut constat ex ijs, quæ in somnis accidere solent, dum videmur nobis comedere, bibere, agere cum amicis: quod etiam docet D. August. lib. 12. de Ciuit. cap. 9. ratio est, quia phantasia habet vim sensuum exteriorum, unde sicut res quando à parte rei est præsens sensibus, videlicet exterius, percepta causat delectationem, ita etiam quando vi imaginatiua apprehenditur ut præsens, parit similem delectationem, quamuis à parte rei præsens non existat: Altera verò delectatio cuius obiectum est ipsa cognitio, longè alterius est rationis à delectatione ex opere; est enim magis spiritualis & nascitur ex affectu non ad ipsam rem (quia non minus sequitur ex cognitione aut recordatione rei quam detestamur, quam ex cognitione rei nobis gratæ & dilectæ) sed ex affectu ad ipsam notitiam vel rei commemorationem. His præmissis fit

40 Conclusio Prima: Si percipiatur delectatio tantum priori modo ex cogitatione alicuius operis illiciti, consensus in eiusmodi delectationem non erit peccatum mortale, etsi opus ipsum esset peccatum mortale. Est D. Thomæ hic & communis DD. Ratio est, quia delectatio sequitur conditionem operis, vel obiecti unde nascitur, talis enim delectatio est, quale est opus ex

quo oritur, iuxta Arist. 1. Eth. c. 4. est enim quid quasi naturaliter ex operatione nobis congruè resultans; atqui opus seu obiectum, ex quo nascitur prædicta delectatio non est quid per se malum, sed bonum vel indifferens, videlicet cognitio veritatis siue apprehensio rei alicuius nouæ aut admirandæ; ergo delectatio inde proveniens non est per se mala.

Hoc modo delectatur homines lectione aut narratione præliorum, laprociniarum, vel intellectu operum, quæ ad generationem siue prolis formationem concurrunt, item recordatione præteritorum malorum quæ sustinuerunt, absque tamen omni affectu ad res ipsas & absque complacentia in ipsis rebus.

41 Obseruandum tamen est, quamuis eiusmodi delectatio & in eam consensus non sit secundum se peccatum; tamen aliquando ratione curiositatis posse esse peccatum, saltem veniale, & aliquando etiam ratione periculi de ulteriori complacentia in ipsis rebus, posse esse peccatum mortale.

Conclusio Secunda: Si delectatio nascatur ex ipsa re seu opere cogitato vel apprehenso, consensus in eiusmodi delectationem erit peccatum pro ratione operis, mortale quidem si opus sit ex se peccatum mortale, veniale autem si opus sit tantum veniale. Est D. Tho. hic, Caiet. Conradi, Medinæ ibidem, Magistri in 2. dist. 24. quem Scholastici ibi communiter sequuntur, Bonauent. 2. p. distinct. 24. a. 2. q. 2. Richardi ar. 4. q. 4. Scotus §. Insuper ad illud, Gabr. in 4. d. 15. q. 13. a. 3. dub. 3. Nauarr. c. 16. nu. 9. Et colligitur ex D. August. lib. 12. de Trinit. cap. 12.

42 Dices: Imò D. August. ibi indicat eiusmodi delectationes esse tantum peccata venialia, dum ita scribit: Nec sanè cum solà cogitatione mens oblectatur illicitis, negandum est esse peccatum, sed longè minus quam si & opere statuatur implendum, & ideo de talibus quoque cogitationibus venia petenda est, peccatusque percutiendum, atque dicendum *dimitte nobis debita nostra*, &c.

Resp. Neg. Assumpt. quia in sequentibus manifestè docet hominem ob eiusmodi peccata damnum esse, nisi per Mediatoris gratiam obtinuerit eorum remissionem; Hæc itaque vna persona est, inquit, vnus homo est (qui videlicet ex ratione inferiori & ratione superiori constituitur) totusque; dānabitur, nisi hæc, quæ sine voluntate operandi sed tantum cum voluntate animi talibus oblectandi, solius cogitationis sentiuntur esse peccata per Mediatoris gratiam remittantur: neque; re-

T. iij. fert

fert quod pro huiusmodi peccatorū veniā obtinenda velit etiam Orationē dominicā dici; non enim tantummodo ibi precamur nobis dimitti venialia, sed etiam mortalia, si illis sinus obnoxij; quamvis horum remissio non fiat, nisi simul adiuncto Sacramento penitentiae, aut eius voto cum perfectā contritione: Idem significat D. Greg. de Cura pastoralī, parte 1. cap. 11. & lib. 21. Moral. c. 3. D. Chrysost. Hom. 17. in Matth. Hylarius in c. 5. Matthæi, & alij. Rationem reddit D. Thomas, quia quod aliquis cogitans de fornicatione vel de alio peccato mortali, delectetur de ipso actu cogitato, hoc cōtingit ideo, quia affectio eius inclinata est in hunc actum; unde quod aliquis consentiat in talem delectationem, hoc nihil est aliud, quā quod ipse consentiat in hoc quod affectus suus sit conformis tali obiecto, & inde in illud inclinatus, v. g. in fornicationē, vel alium actum illicitum, ex quo cogitato nascitur delectatio: nullus enim delectatur nisi in eo quod est conforme appetitui suo, nascitur enim delectatio ex quādam sympathiā inter appetitum & obiectum; quod verō aliquis ex deliberatione eligat affectum suum conformari his quæ secundum se sunt peccata mortifera, hoc est peccatum mortale, ergo consensus in eiusmodi delectationem, quando opus est peccatum mortiferum, secundum se erit peccatum mortale. Confirmatur, quia opera per se mala non tantum sunt illicita & vetita, sic ut non liceat illa exequi aut velle exequi, sed etiam ita ut nequidem debeant nobis complacere, nostre affectus eis possit conformari, sed potius ab illis debeat esse alienus, & tanquam sibi dissimilia & inimica repudiare, ut in nobis locum habeat illud beati Iudæ in suā epistola: *Odientes & eam, quæ carnalis est, maculatam tunicam*; id est omnem carnalem & inordinatam concupiscentiam: item ut oculi nostri mundi sint, ne videant iniquitatem, videlicet collaudando, in cāve sibi complacendo & delectationem capiendo; ergo &c.

43 Benè tamen observat Caiet. in summā V. Delectatio, contingere quod aliquando gaudium siue delectatio nascatur ex ipso opere cogitato, aliquando autem non ex opere, sed ex aliquo modo operis simul cogitato: v. g. occurrit cogitatio de aliquo furto, & simul occurrit cogitatio de ingenioso modo, quo illud commissum est: potest autem quis tunc delectari vel probando furtum ipsum, vel non ex furto quod detestatur, sed de ingenioso modo quo factum fuit; iam verò etiam si delectatio de opere mortali cogitato sit peccatū mortale, non tamen illa est per se pecca-

tum mortale, quæ tantummodo est de aliis quibus circumstantijs, vel modis adiunctis, quæ secundum se sunt res indifferentes & delectabiles, quatenus artificiosæ aut industriæ sunt. Neq; ex hoc quod aliquis delectetur de modo tali operis, sequitur eū approbare opus aut affectū habere, conformem operi vi de ipso delectari censetur: nam potest contingere quod recogitemus etiam cum quādam voluptate industriam furis, qui nobis res nostras abstulit vel amicorum, etiam si de ipsā ablatione plurimum doleamus.

44 Unde nec refert, quod modus ille forsitan de quo delectamur non sit distinctus realiter ab opere, quia satis est quod ratio aut modaliter distinguatur, & secundum se apprehendatur, atque sic delectet ratione sui præcisè considerati, non ratione operis, ita ut delectatio turpis nulla habeatur, quod per se loquendo fieri posse, iam exemplo ostendimus: & amplius sic potest declarari: quia licet modus hic in individuo non possit seorsim existere ab hoc opere, tamen similis in specie potest inveniri in alio opere licito, ut quæ vnus adhibuit in occasione alterius in duello illicito, potest alius adhibere simili arte & industria in occasione iustæ hostis in bello, & quæ vnus adhibet ut rapiat aliena, potest alius adhibere ad recuperanda sua; ergo nihil vetat quò minus possit quis delectari de aliquibus modis operis illiciti, sic ut non gaudeat de ipso opere.

45 Unde quāvis non liceat efficaciter velle hunc modum in individuo, quia qui cum vellet convinceretur simul velle ipsum opus illicitum (quamvis enim per se considerari & apprehendi possit, non tamen potest poni in suo esse sine opere) nihilominus poterit quis velle efficaciter simile in materiā licitā. Approbat hanc Caietani doctrinam tanquam verissimam Vasquez hic Disput. 111. cap. 2. sed fundamentum eius impugnatur, & rejicere conatur. Verum ratio & explicatio Caiet. videtur solida, & ex iam dictis faciliè erit ad argumenta ipsius Vasquez in contrarium, quæ apud ipsum videri licebit, respondere. Similiter statuendum videtur de delectatione quæ oritur ex opere cogitato, quod per se quidem licitum est, sed tantum malum, quia alicui vetitum est, quod videlicet illa peccatum mortale non sit, quando est absque voluntate operis. Ita docent Gabriel in 4. d. 15. q. 13. artic. 3. dub. 3. Ledesma 1. p. q. 21. artic. 7. qui citat etiam Adrian. Corduba lib. 2. q. 30. dub. 1. Vasquez Disput. 110. cap. 2. & alij. Diversi diuersas assignant rationes. Videtur autem præ alijs hæc solidior, & magis funda-

fundamentalis: quia ex quo opus secundum se turpe non est, sed tantummodò quatenus lege prohibuitur est, hinc fit quod quoque affectus illi conformis non sit turpis, nisi ei conformetur quatenus vetitum est, ita ut delectatio oriatur de opere non tantum secundum se cogitato sed de cogitato & considerato quatenus est contra prohibitionem vel legem.

46 Vnde D. Thomas valde expressè dicit; Quod autem aliquis ex deliberatione eligat quod affectus suus conformetur his, quæ secundum se sunt peccata mortifera, est peccatum mortale &c. Quæ verba bene sunt obseruanda. Voluntas tam operis est peccatum, quia non potest quis velle opus nisi velit agere contra legem; non enim aliter opus fieri potest, sed bene aliter considerari abstrahendo à prohibitione legis, & sic cogitatum oblectare animum absque voluntate illud exequendi. Quare non peccat qui oblectatur cogitato iudo vetito, si non habeat voluntatem illo utendi: sic quoque communiter DD. tenent, Carthulianum non peccare mortaliter, etiam si ex esu carnum recogitato delectationem capiat. Dixi non esse mortale per se loquendo; nam inprimis quatenus est actus otiosus erit peccatum veniale; Deinde ratione periculi ne quis vltius appetat ipsum opus, ac in illud consentiat, poterit esse peccatum grauius. Sic etiam quod aliquis tristetur aut tædium aliquod capiat de aliquo modo vel conditione operis virtutis, v. g. de ieiunio vel oratione, quatenus naturæ adferunt aliquam molestiam, vel incommoditatem, non erit quoque peccatum mortale, quemadmodum si caperet tristitiam de opere quatenus est opus virtutis aut religionis. Quod tamen intellige modò quis non finat in tantum excescere illam tristitiam vel tædium, ut causet periculum omissionis operis debiti.

47 Sed hic quæritur primò de delectatione suboriente ex opere præterito recogitato quod licitum fuit dum exerceretur, sed modò eidem personæ illicitum est, vtrum possit in eiusmodi delectationem consentire? v. g. vidua recogitat actum matrimoniale præteritum, vtrum ex illo possit voluntariè delectari iam in statu viduitatis?

48 Respondeo & dico Primò: potest vidua approbare actum præteritum, & etiam de illo secundum rationem & rationalem voluntatem gaudere, quatenus fuit medium generandæ prolis, vel quatenus fuit actus iustitiæ, videlicet redditionis debiti respectu mariti; imò neque peccatum mortale erit, si per rationem approbet & gaudeat de perceptâ tunc delectatione: Ita Caiet. in summâ V. Delectatio, & Nauarrus

cap. 16. n. 9. & 10. Probat, quia de opere virtutis secundum rationem licet gaudere, & quandoquidem dum opus exerceretur licitum fuit consentire in delectationem operi adiunctam, non erit peccatum mortale per rationem approbare voluptatem tunc perceptam, & secundum appetitum rationalem de eâ perceptâ gaudere; hæc enim approbatio & rationis cōplacencia in actu præterito non ponit nisi affectum rationalem conformem ad opus quatenus honestum & licitum prout à ratione proponitur, non autem ad opus cum his circumstantiis cum quibus turpitudinem includit. Vnde non peccaret vidua, quæ diceret: gaudeo me aliquando habuisse maritum, & expertam actum matrimoniale; similiter sponsus posset dicere quòd gaudeat se habere sponsam & de eo quòd actum coniugalem experietur.

Dico Secundò: non potest tamen vidua admittere delectationē carnalem, quæ nascitur in appetitu sensitiuo cū corporis commotione ex recogitato actu matrimoniali; similiter nec sponsus aut sponsa ex actu futuro cogitato. Est Caiet. & Nauarr. sup. & communis aliorum; ratio est, quia eiusmodi carnalis delectatio est verus & realis actus libidiniosus, omnis autem libidiniosus actus in præterito, & exinde nascentes delectatio sunt modò viduæ illicita; similiter & sponso quamdiu nondum de facto matrimonium contraxit: Quare in talia sine peccato consentire non possunt, multoq; minùs poterunt imaginari actum matrimonij quasi præsentem & sic in eius imaginatione delectari.

Quæritur Secundò: vtrum coniugi in absentia alterius coniugis liceat voluntariè admittere eiusmodi carnalem delectationē nascentem ex cogitato actu matrimonij præterito vel futuro? Plures respondent affirmatiuè, modò tamen caueatur periculum vltioris luxuriæ, nimirum pollutionis. Fundamentū horum est, quia talis persona in eo est statu, in quo delectationes carnales illi permixtæ sunt, sic ut absque peccato possit eas percipere cum coniuge quando præsens est. Verum tutior & vt apparet verior est opposita sententia id negans, quæ est Siluestri V. Delectatio, Nauarr. cap. 16. n. 10. Azorij & aliorum: & ratio est, quia non quocumque modo licitum est coniugatis frui delectationibus carnis, sed tantū quatenus actum matrimonialem comitantur, aut quatenus tanquā quedam præambula & dispositio nes corporis ad actum exinde cōsummandum præcedunt; vnde non licet eis per tactus impudicos solitariè eiusmodi delectationes concitare, imò neque per cogitatum

tatum actum matrimoniale tanquam præsentē, ut etiam alij sentiunt; inter quos Emanuel Sa V. Luxuria; ergo similiter non licebit eis quoque per cogitationem copulæ præteritæ aut futuræ in absentia coniugis eiusmodi carnales delectationes commovere, accis indulgere: hoc enim indifferens omnino hic videtur siue per tactum vel per imagin. tionem copulæ præsentis, siue per cogitationem actus præteriti aut futuri corpus commoveatur & delectatio existeret, quandoquidē nec vno nec alio modo actus matrimonialis exerceatur, neque ad eum siue in ordine ad illum exercendum huiusmodi delectatio & commotio concitetur ut supponimus.

52 Vnde hoc addo, quod si fortassis coniux sentiret se alieniorē ab altero coniuge & à redditione debiti quod si tum ex cogitatione futuræ copulæ aliquam delectationem admitteret ut sese excitaret ad affectum in coniugem & ad redditionem debiti promptius præstandam, quando alter aduenturus esset quod in eo non videatur peccaturus, quia tunc illa delectatio & corporis cōmotio admittitur tantum tanquam præambulum & preparatio ad copulam matrimoniale realiter & licitē futuram, sic ut moraliter ad eundem actū consensatur pertinere.

53 Quæritur Tertiò: quid si voluntas aliquis quasi negativē se se habeat, quando intellectus advertit delectationē ex opere illicito cogitatio exurgentem, ita ut neque consentiat in illam neque positivē dissentiat aut rejiciat? Respondet Caiet. V. Delectatio, si postquam homo plenē advertit, negligat ut delectetur de illo malo opere, quod tum committat formaliter peccatū morosæ delectationis; si autem negligit quidem, non tamen ut delectetur de illo malo opere cogitato, sed ex aliquā tepiditate vel aliqua occasione huiusmodi, quod non incurrat tunc formaliter culpam delectationis morosæ & per hoc non peccet mortaliter. Verum plerisque Doctōribus nostri temporis non videtur hæc Caietani opinio probabilis, ut refert Vasquez Disp. 108. c. 2. quibus facile assentior si capiatur generaliter ut sonat: Quare tenendum est, hominem absolute, quando plenē advertit eiusmodi delectationes, obligari sub mortali ad positivē dissentendum, seu displicentiam capiendam, & ad allaborandum ut cessent & extinguantur: Ita D. Bonavent. in 2. dist. 24. D. Antoninus parte 2. titulo 8. Marfilus in 2. q. 14. 2. 1. Vasquez loco cit. cum alijs: & colligitur ex D. Thoma hic art. seq. in Corp. ubi dicit, Peccatum esse in ratione quando hæc deficit in dirigendo, quod autem etiam

tunc deficit, quando non reprimat illicitum passionis motum: & in Resp. ad 3. ubi agens de eiusmodi delectationibus & moribus docet ex August. quod illæ statim ut attigerunt animum, respu debuerunt. Ratio est, quia alioquin censetur interpretatiōe consentire in libidinosas cōmotiones illas & voluptates: unde etiam Caiet. addit loco cit. nisi exorbitatio fuerit tanta, ut quasi ideo neglexerit ut delectetur: quod videtur semper locum habere, quando plenē quis advertit & nihil in contrarium agit, nec cogitationem aliō diuertit aut divertere saltem studet. Si tamen subesseret iusta causa insistendi alicui operi vel cogitationi, unde nobis inuitis & præter voluntatem illa delectatio nasceretur, tunc ut ab eā liberemur, non tenebimur ab opere desistere, sed sufficit animo eam delectari, modō quis prudenter possit confidere, quod voluntate rationali non consentiat.

55 Quare tali casu videtur aliquo modo posse locum habere doctrina Caietani, videlicet: quod non esset peccatum mortale, si tunc quasi ex non-estimatione & despectu eius delectationis contingat hominem non positivē delectari, nec conari eam repellere, præsertim si existimet quod non poterit omnino sese ab eā liberare, & mentē interim debeat versari circa illa, unde delectatio suboritur, sicuti in confessionibus audiendis, vel in alijs studijs necessarijs circa materias peccati carnalis ad casus resoluendos, vel alios docendū. Quod verò quidam dicere videntur posse aliquē negligere eiusmodi passionem comprimere causa pugne seu luctæ, ut cum eis voluntas pugnet & vincat non consentiendo, nullo modo est probandum, tum quod illecebræ illæ facili inualecant & negligentibus periculum consensus creent, unde Sancti PP. docent vitium luxuriæ, fugiendo eius materiam potissimum superari debere, tum etiam, quia pugna cum hoc vitio debet quoque tendere, ut quantum in nobis est, non habeant in corpore nostro locum concupiscentiæ motus; quare illos tolerare sub prætextu pugne cum ipsis, quando eos possemus excludere, non est tam cum ipsis luctari, quam ipsis cedere, & locum in nobis dare.

56 Quæritur hic denique Vtrum quandoque opus habet duplicem malitiam, etiam delectatio morosa circa illud contrahat utramque malitiam quamvis circa illud sub vñ tantum ratione versetur, nec adsit voluntas operis patrandi? v. g. si quis voluntariē delectetur carnaliter cogitatione coniugis alterius absque voluntate tamen eam se ipsā cognoscendi, an talis delecta-

delectatio habet deformitatem non tantum contra castitatem, sed etiam contra iustitiam, sicuti opus adulterij? Respondetur, in primis quando adest consensus in ipsum opus, licet abut facultas patrandi, tum delectationem contrahere duplicem istam malitiâ operis, ut communiter DD. tenent: ratio est, quia ipsi non tantum complacet tunc una deformitas, sed interpretatiue utraque dum vult opus cui utraque inseparabiliter est annexa: similiter quoque si delectatio versetur circa opus sub ratione utriusque malitiæ, quamvis in opus externum non consentiret, ut si quis delectetur imaginatione coniugis alterius modo libidinose, non tantum quia pulchra mulier est, sed etiam quia vxor alterius, ita ut etiam oblectetur de cogitata iniuriâ & illusione mariti.

57 Dico ulterius: Communior sententia habere videtur etiam delectationem eiusmodi contrahere utramque malitiam operis, quamvis sub una tantum ratione circa ipsum versetur, nec adit in ipsum externum opus consensus, quatenus videlicet plerique docent simpliciter omnia peccata tam propositi efficacis alicuius actus venerei, quam simplicis delectationis esse eiusdem speciei cum ipso opere. Antonin. 2. p. tit. 5. c. 1. §. 6. Tabien. V. Luxuriosus; Nauar. c. 6. n. 8. & c. 16. n. 9. & alij. Vnde & conditio personæ nostræ cogitationi obiectæ in confessione erit explicanda, verbi gratia an coniugata, an consanguinea, an religiosa, idque eò magis, quia qui eiusmodi delectationibus dediti sunt, solent etiam ordinariè desiderare opus, & ferè abstinere solum propter infamiâ, vel quia oportunitatè non inveniunt, aut propter alia incommoda.

58 Opposita tamen sententia, quæ tenet unam tantum contrahi malitiam quando delectatio sub una tantum ratione circa opus versatur, nec vilo modo adest voluntas operis, non videtur mihi probabilis, pro quâ etiam resoluit Vasquez disp. 112. c. 2. & in pluribus exemplis demonstrat.

### ARTICVLVS IX.

*Vtrum in superiori ratione possit esse peccatū veniale secundum quod est directiua inferiorum virium?*

59 Conclusio D. Thom. est affirmatiua: Probat, quia ratio superior dum consulit legem æternam circa obiectum & actum virium inferiorum, deprehendit

aliquando actum illū non per omnia conformem esse rationibus æternis, sed tamen non ita aduersari ut ab ultimo fine auertat: atqui si eo casu ratio superior consentiat in eiusmodi actum erit consensus ille peccatum veniale, ergo in ratione superiori ut dirigit vires inferiores, poterit esse veniale peccatum. Neq; verum est, eum qui scienter & deliberatè in peccatum veniale consentit, peccare mortaliter, ut quidam existimasse videntur; quia consensus etiam deliberatus sequitur conditionem actus in quem fertur, nec debet talis censeri incurere particulare peccatum contemptum legis Dei, ut bene responder D. Tho. ad 3. tum quod peccatum veniale, ut ipse notat, non tam contrarietur legi æternæ; quam sit præter eam; tum etiam quia licet deliberatè consentiat, non tamen id facit in contemptum legis ex intentione, sed pro aliquâ propriâ commoditate, vel ex aliquâ humanâ fragilitate.

### ARTICVLVS X.

*Vtrum in ratione superiori possit esse peccatū veniale secundum se ipsam?*

60 Conclusio D. Tho. est: Circa obiectum suum proprium etiam si sit ex genere suo peccatum mortale, potest ratio superior peccare venialiter, videlicet in subitis motibus: in his autem quæ pertinent ad vires inferiores, si ex genere suo sint mortalia (nisi ob paruitatem materiæ excusaretur) non peccat ratio superior nisi mortaliter. Ratione huius diuersitatis hæc indicat, quod videlicet ratio superior non versetur circa obiecta inferiora, nisi quatenus super illis consulit rationes æternas, & sic deliberatè per modum consilij sententiam dicit: nam prima eorum cognitio quæ subitanea & imperfecta esse potest, per se spectat ad rationem inferiorem; atqui eiusmodi deliberatus cōsensus in illud quod ex sua ratione est mortiferum, est quoque peccatum mortale. Sed quia circa obiecta propria, puta circa res diuinas & spirituales, ipsa versatur per se prius, ita ut etiam prima cognitio, quæ tanquam vera aut falsa, vel ut amplectenda aut fugienda apprehenduntur, ad illam pertineat, idcirco contingit quod in his etiam ubi materia est mortalis, peccet venialiter propter motus subitaneos & imperfectè deliberatos.

Sic potest menti occurrere impossibile esse, quod Deus sit trinus & vnus ex aliquo argumento naturali, antequam ratio superior

superior plenè aduertat & conferat cū legibus & rationibus fidei, puta quod Deus, qui mentiri non potest id reuelauerit & quod multa in diuinā essentia, sicut & in eius potentia lateant, quæ humanam mentem & naturales eius regulas cognoscendi excedunt. Poterit itaq; in subitis eiusmodi apprehensionibus esse peccatum veniale propter imperfectionem actus, etiam si materia sit grauis, imo aliquando nullum, quando sunt tantum motus omnino primò primi: vt notat Azorius lib. 4. cap. 5. q. 4.

62 Petes, Vtrum in ratione superiori secundum se, non possit esse aliud peccatum

veniale, quam quod tale est propter actus imperfectionem? Respondetur etiam aliud esse posse, quod videlicet ob materiæ paruitatem sit eiusmodi, v.g. mendacium pertinet ad rationem superiorem, & est veniale si non sit perniciosum: sic quoque regulæ & statuta religionis possunt ad varia officia, quæ ad rationem superiorem spectant, vt ad præces, ad studia obligare tantum sub peccato veniali: quæ proinde si quis deliberatè præuaricetur, erit in ratione superiori peccatum veniale, etiam citra imperfectionem actus.

## Q V Æ S T I O L X X V.

### De causis peccatorum in generali.

*In quatuor articulos diuisa.*

#### ARTICVLVS I.

*Utrum peccatum habeat causam?*

**D**E causâ peccati in genere efficientis quæstio hic mouetur. Pro explicatione autem notandum est, peccatum dicere duo, vnum per modum materiæ, quod est actus aliquis, vel etiam negatio siue omissio actus; & alterum quasi per modum formæ, quod est inordinatio istius actus aut omissionis, quatenus non habet se conformiter ad rationem & legem. Nunc sit

Conclusio Prima: Peccatum ex parte actus habet causam per se, ex parte verò inordinationis habet causam per accidens: idq; eo scilicet modo quo negatio vel priuatio habere potest causam. Est D. Th. & aliorum. Prior pars satis per se constat; eadem enim est ratio de hoc & de alio quolibet actu. Pro pleniori autem intelligentiâ partis posterioris obseruandum est cum D. Thoma dupliciter posse assignari causam negationis aut priuationis; Primo potest assignari absentia siue defectus causæ positivæ, quæ apta est ponere formam vel actum: sicuti absentia ignis potest assignari tanquā causa non caloris, & absentia Solis tanquam causa tenebrarum: Secundo potest assignari causa aliqua affirmatiua, quæ videlicet producendo per se formam contrariam causat priuationem formæ oppositæ: sicuti ignis potest assignari causa negationis frigoris.

Priori modo assignatur omnis negationis causa, videlicet defectus causæ quæ illam tollat, siue quæ actum oppositum ponat: non autem datur omnis negationis causa modo posteriori; sed illa cuius datur eo modo per accidens causa, potest semper reduci in aliquam causam per se, non sic verò illa, cuius tantum datur causa priori modo. Porro quia inordinationis peccati assignare est causam affirmatiuam per accidens, hinc potest reduci in aliquam causam per se non ipsius inordinationis, sed alterius effectus, videlicet in causam ipsius actus, quæ dū per se intendit ipsum actum, simul per accidens & præter intentionem physicè loquendo, causat ipsam inordinationem coniunctam. Dico physicè loquendo, quia moraliter censetur etiam velle ipsam inordinationem. Idem suo modo locum habet in inordinatione peccati omissionis, quia ipsius omissionis est assignare aliquem actum tanquam causam, si non semper actum expressum & formalem, tamen saltem implicitū & interpretatiuum, quatenus omissio quæ peccatum est, debet esse expressè vel interpretatiuè volita: atque hinc patet posterior conclusio pars, quod videlicet, & quomodo ex parte inordinationis peccatum habeat causam.

Conclusio Secunda: Causa hæc per se ipsius actus peccati, & consequenter per accidens ipsius inordinationis, est voluntas carens directione regulæ rationis & legis diuinæ intendens aliquod bonum commutabile. Est quoque D. Thomæ hoc loco, & art. seq. Probatur ex D. Aug. lib. 12. de Ciuit.

de Ciuit. cap. 6. vbi ita scribit. Quid enim est quod facit voluntate malam, cum ipsa faciat opus malum, ac per hoc, inquit, mala voluntas efficiens est operis mali: quomodo autem faciat, explicat dum addit: Quando enim se voluntas reliquit superiori ad inferiora conuertit, efficitur mala: ergo est causa peccati, quatenus bonum inferius, & commutabile intendens operatur declinando à sua regula & contra eam agendo, dum scilicet superiora deferendo seclatut inferiora: vnde subdit August. Non quia malum est, quod se conuertit, sed quia peruersa est ipsa conuersio; quod sic latius explicat cap. 8. Deficit enim, non ad mala sed malè, inquit, non ad malas naturas, sed idè malè, quia contra ordinem naturarum ab eo qui summè est, ad id quod minus est: neque enim auri vitium est auaritia, sed hominis peruersè amantis aurum iustitià derelictà, quæ incomparabiliter debuit auro anteponi; nec luxuria vitium est pulchrorum suauumque corporum, sed animæ peruersè amantis corporeas voluptates neglectà temperantià, quæ rebus spiritualiter pulchrioribus, & incorruptibiliter suauioribus coaptamur: Nec superbia vitium est dantis potestatem, vel ipsius potestatis, sed animæ peruersè amantis potestatem suam, potentioris iustiore contemptà: & sic de alijs.

Quando autem D. Thomas hic dicit, quod inordinationis causa sit voluntas carens directione regulæ, &c. non significat, quod necessariò in intellectu præcedat error aliquis: aut ignorantia, vt voluntas peccet, quia contrarium satis colligitur ex illo D. Iacobi 4. *Scienti bonum, & non facienti, peccatum est illi*: ex quo loco sicuti & ab experimento docet D. Thomas infra quæst. 77. artic. 2. dari peccatum ex certà scientià & malitià, & multos agere contra ea quorum habent scientiam: quare solum hic docere intendit, quod voluntas in actu suo non sequens regulam, & sic eà carens sit peccati causa.

Dices, qui vult committere actum peccati, iudicat illum esse eligendum præ eius omissionè; hoc autem iudicium esse falsum, ergo &c. Respondetur non esse necessarium quod præcedat tale iudicium, vt voluntas eligat, sed potest sufficere huiusmodi aliquod iudicium, quo intellectus apprehendit hunc actum esse carni aut carnali appetitui magis commodum, aut delectabilem, etiam si non iudicet esse simpliciter aut secundum rectà rationis meliorem, aut potius eligendum: Istud autem iudicium potest carere errore siue falsitate. Dicitur tamen aliquando omnis peccans errare, quia videlicet non operatur secun-

dum prudentiam moralem, & ipsum peccatum dicitur error, quia actus non est conformis regulæ rationis. Vnde opus est quidam error facti, quatenus deficit à sua regula & mensurà, sed cum hoc genere erroris simul consistit, quod peccans sciat se non operari secundum rectam rationem, nec sequi dictamen prudentiæ moralis; & hinc talis error non est falsitas, vel ignorantia intellectus, sed defectus voluntatis à sua regula etiam cognitâ. Non tamen negandum est, quin sæpius error aliquis vel ignorantia intellectus antecedit aut comitetur, sed tantum dicimus non esse id absolutè necessarium ad hoc, vt voluntas peccet & deficiat.

Si queratur vnde voluntas deficere & peccare possit: Respondetur breuiter, ex eo proximè quod sit potentia rationalis libera, quæ non est sua regula, nec suæ regulæ necessariò coniuncta in suis operationibus: Ista enim pura negatio est prima radix & primum principium peccati: vnde peccatum non habet pro causâ aliquod malum nec aliquam substantiam malam, sed voluntatem in se bonam cum carentiâ seu negatione alterius boni, vt docet hic Medina: & colligitur ex Diuo Thomâ tum hoc loco in Corpore sub fine, & in responsione ad 3. tum etiam ex articulo sequenti, & traditur cõmuniter ab alijs in 2. dist. 37. Hinc Deo naturale est non posse peccare, quia ipse essentialiter est prima regula omnis rectæ actionis, & seipsum negare siue à seipso deficere non potest, beatis verò ex Dei munere conuenit, quia ita se illis manifestat, vt in eius amorem voluntas necessariò rapiatur, & sic regulæ suæ necessariò inhereant.

Si autem queratur, vtrum potentia peccandi à Deo sit, Resp. quod potentia illa includat duo, vnum videlicet quod sit potentia naturalis operandi cum indifferentiâ ad opposita, alterum quod ea non sit sua regula, neque necessariò suæ regulæ inherens: quo ad prius, est ipsa efficienter à Deo, non quo ad posterius, quia cum secundum hoc sit tantum negatio, non requirit aliquam causam efficientem, sed contrahitur ex eo quod liberum arbitrium sit ex nihilo, vt latè docet Diuus Augustinus libro 12. de Ciuitate Dei capite 7. & libro 2. de Nuptijs & concupiscentiâ capite 28. & alijs locis. Vnde nulla creatura rationalis potest naturaliter esse impecabilis aut indefectibilis, quandoquidem omnis ex nihilo sit producta; defectiones tamen ipsius non possunt in Creatorè referri, tum quod defectibilitatè ipse non fecerit sed ad creaturæ rationis conse-

V. quatuor

quatur, tum quod defectiones siue peccata non motu naturali siue necessario ab istâ defectione prominent, sed ex libero actu rationis & voluntatis deficere volentium.

## ARTICVLVS II.

*Utrum peccatū habeat causam interiorem?*

8 **R**esponso D. Th. est, quod peccatum ex parte actus habeat causam interiorem per se, & quidem duplicem, videlicet mediatam siue remotam, & immediatam siue proximam, posterior est, ratio & voluntas secundum quam (inquit D. Th.) homo est liber arbitrio, prout artic. præced. iam latius est explicatum: prior autem est apprehensio sensitiuæ partis, eiusque appetitus, quatenus videlicet ex apprehensione obiecti per sensum mouetur appetitus sensitiuus, ad cuius motionem suo modo inclinatur & trahuntur etiâ ratio & voluntas, vt sup. q. 9. art. 2. amplius fuit explicatum, atq; ita remotè ista concurrunt ad peccatum, cuius perfectio & completio ad voluntatē pertinent. Non tamen ista semper concurrunt necessariò ad omne peccatum: nihil enim repugnat aliquando peccatū committi contra inclinationem appetitus sensitiui, vt si quis seipsum occidat aut mutilet sub prætextu alicuius virtutis: quando autem ad sunt, tunc hoc ordine solent cōcurrere, primò in sensum vel imaginationē incurrit bonum delectabile & appetitui gratum destitutum honestate obiectiua: deinde ex apprehenso eiusmodi bono mouetur appetitus sensitiuus. 3. Pulsat hic appetitus rationem vt sibi consentiat & idem appetendum iudicat. 4. Proponit ratio voluntati ac denique voluntas ipsa consentit & amplectitur, & sic perficitur peccatum.

## ARTICVLVS III.

*Utrum peccatū habeat causam externam?*

9 **R**espondet D. Thom. quod quatenus externa quædam possunt mouere aliquam ex dictis causis interioribus, eatenus possit dari aliqua causa exterior peccati. Sic ergò, quia dæmō & homo possunt suis persuationibus mouere rationē, vt aliquid iudicet appetendum, quod tamen malum est, hinc possunt isti esse causa extrinseca peccati, si videlicet illud rationi persuadeant. Item res sensibiles quatenus obiectum

actiue mouent phantasiam & appetitum ac sic conuenienter rationem & voluntatem, vt ante dictum est, eatenus quoque peccati causa extrinseca dici possunt.

10 Nullum tamen extrinsecum est causa sufficienter ad peccandum inducens, vt loquitur D. Th. id est, ad peccandum necessitans, quia hominis vel dæmonis suggestionem seu suasionē non sequuntur ratio & voluntas ex necessitate, quemadmodum nec ipsius inferioris appetitus tractionē & allectionē. Vnde nec res sensibiles ad peccatū cum necessitate mouere possunt. Addit D. Tho. quod neque res exterius propositæ ex necessitate moueant appetitum sensitiuum, nisi forte aliquo modo dispositum; quia videlicet requiritur quod per quandam sympathiam sint proportionatæ ipsi appetitui, alioquin non apprehenduntur nec proponuntur ad phantasiam tanquam appetitui conuenientes: vnde etiam fit, quod quæ vnum mouent non moueant alterum, sed quando contingit quod ita sint proportionatæ tunc mouent & quidē necessariò, quare illud forte debet coniungi non cum verbo, *Mouent*, sed cum nomine *Dispositum*, vt sensus sit nisi quando fortè seu casualiter appetitus ita est dispositus, vt res exterius propositæ modo dicto ipsi congruant; tunc autem mouent non fortè, sed ita vt necessariò appetitus moueatur.

## ARTICVLVS IV.

*Utrum peccatum sit causa peccati?*

2 **C**onclusio D. Thomæ est; Vnum peccatum est causa alterius peccati, sicut vnus actus humanus est causa alterius. Probari potest ex D. Greg. lib. 23. Moral. c. 13. & Homil. 11. in Ezech. vbi docet Peccatum quod per poenitentiam non celerius deletur, quasi pondere suo ad aliud trahere. Declaratur autem id contingere secundum quatuor causarum genera, accipimus in genere causæ efficientis vñ potest esse causa alterius, tum per accidens tum per se: per accidens est causa sicuti remouens prohibens, v.g. quia vnum peccatum mortale tollit gratiam & charitatem aut verecundiam, quibus retrahebatur quis ad peccando: potest etiam esse causa efficiens per se, quia per vnum peccatum accipimus dispositionem, quā inclinamur ad alterum præsertim eiusdem speciei, vel quod saltem cum eo affinitatem & dependentiam quandā habet, sic per vnum actū libidinis vel etiam per excessum gulæ, redditur



redditur homo proclivior ad alios luxuriam, & intemperantiæ actus: Secundò idè ostenditur in genere causæ materialis, quia vnum peccatum præparat alteri materiam, sic avaritia quæ congregat divitias, subministrat materiam litigijs, quæ communiter circa divitias versantur: Tertio in genere causæ finalis est res manifestata, frequenter enim vnum peccatum committitur in ordine ad alterum tanquam ad finem: sic committuntur furta, homicidia in ordine ad

luxuriam, rapinæ in ordine ad commestationes & ebrietates &c. Denique quia in moralibus à fine sumitur species & forma actus, hinc etiam fit, quod vñ peccatum sit formalis ratio alterius; vnde in furto commissio propter adulterium est actus furti quodammodo materia & affectus adulterij instar formæ, vnde iuxta Philosophum, qui furatur vt adulteretur magis adulter quam fur dicendus est.

## Q V Æ S T I O L X X V I.

### De causis peccati in speciali.

#### In quatuor articulos divisa.

#### ARTICVLVS I.

*Vtrū ignorantia possit esse causa peccati?*

**C**ONCLUSIO D. Thomæ est affirmativa: & constat ex Scripturis: Numerorum c. 5. *Si anima nesciens peccaverit offeret &c.* Isaïæ 5. *Captivum duxit est populum meum quia non habuit scientiam.* Act. 3. *Et nunc fratres scio quia per ignorantiam fecistis,* similia habentur 1. ad Cor. 2. ad Ephes. c. 4. & 1. ad Timoth. 1. Rectè autem explicat & docet D. Th. Ignorantiam esse causam peccati veluti per accidens, quatenus remouet prohibens, id est, quatenus tollit scientiam, quæ si adesset impediret peccatū: potest autem illa ignorantia esse tum Iuris tum Facti. Notat verò D. Th. si homo ita esset dispositus vt quātūvis sciret ea quæ iuris & facti sunt, nihilominus esset facturus quæ facit, tunc ignorantiam non esse dicendam peccati causam, sed concomitantem se habere, neq; eiusmodi hominē ex ignorantia peccare, quāvis ignorās peccet. Cæterū hīc supponendum est, quod ignorantia vincibilis sit & culpabilis, alioquin posset quidem esse causa materialis actus peccati, sed non causa formalis peccati, quia propter ignorantiam inculpabilis actus excusaretur à culpa.

#### ARTICVLVS II.

*Vtrum ignorantia sit peccatū?*

**C**oncl. vnica: Ignorantia eorum, quæ potest & debet quis scire, est peccatū, non item eorum quæ quis, vel non potest,

vel nō debet scire: Ita D. Th. hic & colligiātur ex script. 1. ad Cor. c. 14. *Si quis ignorat, ignorabitur.* ad Hæbr. c. 9. *Non sine sanguine quæ offert pro sua & populi ignorantia.* 1. sal. 24. *Ignorantiam meam ne meminerit.* Vide dicta suprà q. 74. vbi ostensum est quomodo in ratione possit esse peccatum. Occasione autem eius quod D. Th. hic docet ignorantiam esse peccatum ratione negligentia, quā quis prætermittit discere quæ potest & debet scire, intelligitur facile eā quatenus peccatum, est non propriè opponi scientiæ sed potius virtuti studiositatis, quæ disponit & inclinat hominem ad discenda ea, quæ scire tenetur.

Quamvis enim istorū ignorantia per se proxime vitium quoddā sit & defectus in intellectu, tamen culpæ rationem non haberet, nisi per virtutē studiositatis expelli debuisset: quemadmodum ipsa scientia per se non est virtus moralis sed intellectualis. Cæterū quando est ignorantia particularis facti vel circumstantiæ non videtur culpa distincta ab ipso facto aut facti periculo cuius est causa, quia non erat illius notitia necessaria nisi ad factum hoc particulare vitandū; sed quando est ignorantia Iuris, quod quis scire tenetur, tunc dicenda est culpa distincta ab ipsis factis, quæ inde nascuntur. Vnde etiam quis non peccasset ex ignorantia, tamē si laborasset tali ignorantia per negligentiam, foret reus culpæ cuius grauitas ex necessitate & debito cognoscendi siue propter se, vt est debitū cognoscendi misterij sanctissimæ Trinitatis, Incarnationis &c. siue propter operationē, vt est debitum sciendi decalogi &c. venit æstimanda: vbi plurimū simul est attendendum ad pericula & incommoda, quæ inde nasci poterunt.

V ij

ARTIC.

ARTICVLVS III & IV.

*Vtrum ignorantia ex toto excuset à peccato?*

*Vtrum ignorantia diminuat*

**D**ifficultates quæ in his articulis tangantur, examinauimus supra quæst. 6. art. 8. vbi etiam plura diximus spectantia ad articulos duos præcedentes, quare eò lectorem quo ad materiã hanc de ignorantia, remittimus.

QVÆSTIO LXXVII.

De causa peccati ex parte appetitus sensitiui.

*In octo articulos diuisa.*

ARTICVLVS I.

*Vtrum voluntas moneatur à passione appetitus sensitiui?*

**C**ONCLUSIO est affirmatiua, videlicet voluntatẽ indirectẽ à passione moueri; quam vide explicatam sup. q. 9. art. 2.

ARTICVLVS II.

*Vtrum ratio possit superari à passione contra suam scientiam?*

**S**ensus quæst. est: Vtrum passio possit causare, quod stante notitiã quã intellectus cognoscat illud esse peccatum, ad quod appetitus inclinatur, nihilominus ratio pertrahatur ad id amplectendum.

Conclusio Prima: Fieri potest vt passio pertrahat rationẽ in illud quod in vniuersali nouit esse peccatũ, modò ignoret illud in particulari, v. g. etiãsi nouerit quis omne illud esse peccatum quod est contra legem Dei vel Ecclesiæ, poterit tamen ratio iudicare hunc actum esse exercendũ, v. g. hoc die quo ieiuniũ est, esse carnes comedendas, si ignoret esse diem ieiunij.

Conclusio Secũda: Similiter idem fieri poterit, etiãsi ratio in particulari quoq; cognoscat, sed habitu, ita vt non cognoscat in actu, verbi gratia in exemplo allegato idem poterit contingere, etiãsi ille in habitu quidem sciret hunc esse diem ieiunij, sed actu id non apprehenderet aut super eo se non reflecteret. Vtraque conclu-

sio est D. Tho. hoc loco, & certa, & communis aliorum, nec aliquid specialis difficultatis habet.

Conclusio Tertia: Potest quoque appetitus trahere rationẽ in assensum eius in quod passio inclinatur, etiãsi nulla sit ignorantia, nec in vniuersali, nec in particulari, neque vlla vera inaduertentia, quæ scilicet antecederet sese habeat ad assensum & consensum rationis & voluntatis. Est Adriani Quodlib. 4. q. 1. Almaini tract. 3. Moral. c. 4. Ockam in 3. q. 12. artic. 4. concl. 4. Scoti in 3. d. 36. q. vnica, Malderi hic & plurium aliorum. Probari potest primò ex illo Lucæ 12. *Seruus qui cognouit voluntatem Domini sui, & non fecit secundum voluntatem eius, vapulabit multu; item ex illo Iacobic. 4. Scienti bonum & non facienti &c.* vbi Scripturæ satis indicant aliquos omnino scienter & volenter cū plenã cognitione mali peccare, sic vt nulla ignorantia, vel inaduertentia possit dici causa illius. Secũdò probatur ratione, quia potest voluntas diuertere intellectum à consideratione malitiæ; ergò non requiritur antecederet vera inaduertentia mali, sed posita etiam aduertentiã potest voluntas deficere & peccare, declinando saltem intellectus considerationẽ à malitiã. Deinde etiam non diuerteret considerationem illam, modò tamen simul intellectus proponat illud obiectum tanquam appetitui hic & nunc conueniens & delectabile, poterit hoc ipso voluntas pro sua libertate in illud ferri. Vide dicta sup. q. 9. artic. 1.

Verũ tamen est, quod non solet actualis consideratio malitiæ haberi, quando voluntas peccat; quia etiam qui sciens peccat solet postponere considerationem mali, & reflectere se super obiectum quatenus ipsi, eiusue appetitui & passionibus conueniens

conueniens est; & hinc videtur esse, quod D. Thomas tum hoc loco, tum 1. parte q. 63. art. 1. ad 4. indicet non peccari, nisi vel ex ignorantia aut errore, vel saltem non nisi cum absentia considerationis eorum, quæ consideranda erant: illa tamen absentia considerationis non est necessario inaduerterentia antecedens, sed potest esse consequens, ut ex modo dictis satis intelligitur. Quomodo autem Prou. 14. Omnes illi dicantur errare, qui operantur malum, sup. explicatum est. Vsq. autem hic Disp. 128. c. 5. multis docet ex Philof. nemine peccare sine defectu aliquo in intellectu, quem in eo videtur ponere, quod dum quis peccat, intellectus semper ita se habeat, ut rationem delectabilis in peccato efficacius & penitius consideret: rationes autem retrahentes à peccato, leuius cogitet & expendat. Ut autem admittatur talis defectus concurrere, non est tamen hic dicendus ignorantia vel inaduerterentia, sed remissio huius flacciditas in actu considerationis, quæq; se habet cōcomitanter magis quam antecedenter ad voluntatem volentem peccare.

### ARTICVLVS III.

*Utrum peccatum quod est ex passione debeat dici ex infirmitate?*

**R**esponso D. Thomæ est affirmatiua: quæ sic declaratur, quia passio propria dicta est quædam inferioris appetitus concitatio citra rationis imperium, unde quædā est animi ægrotudo, quia est contra debitā subordinationē partiū animæ, sicuti morbus est quædam indispositio contra debitam temperiem humorum, ergo quando ex passione peccatur, tunc ex infirmitate peccatur. Intelligenda tamen hæc sunt de passione antecedente non de consequente: quia si quis excitaret in se passionem, ut liberiùs & vehementius agat, non ex infirmitate, sed potius ex malitiā peccare censetur, passio enim non est causa prauæ voluntatis, sed praua voluntas est causa passionis.

### ARTICVLVS IV.

*Utrum amor sui sit principium omnis peccati?*

**C**onclusio est affirmatiua: quod videlicet inordinatus amor sui sit causa omnis peccati. Pater, quia cōuersio ad bo-

nū commutabile est causa omnis peccati; bonum autem illud ad quod peccator cōuertitur, hoc sibi vult, sibi autē velle bonū nō est aliud quam se amare; ergo ex amore sui committitur omne peccatum: Neq; obstat quod possit quis peccare procurando alteri bonū commutabile, nam & ibi locū habet inordinatus amor sui, nō enim alteri procuraret nisi quod alteri bene sit, hoc suum bonum quodammodo æstimet.

### ARTICVLVS V.

*Utrum conuenienter ponantur causa peccatorum concupiscentia carnis, concupiscentia oculorum, & superbia vitæ?*

**R**esponderetur, Omne peccatum ad vñ <sup>7</sup> ex istis reuocari posse tanquam ad sui principium. Hoc significat D. Ioannes 1. epistolæ. cap. 2. dum scribit, *Omne quod in mundo est, aut esse concupiscentiā carnis, aut concupiscentiam oculorum, aut superbiam vitæ*, vbi per, Omne quod in mundo est, intelligitur omnis actus & studium mundanorum hominum & Peccatorum in quantum tales sunt. Sub concupiscentia carnis comprehenditur omnis inordinatus appetitus ex parte gustus & tactus, unde eō referuntur vitia gulæ & luxuriæ: sub concupiscentiā oculorum, significatur omnis inordinatus appetitus externarū rerum, iuxta illud Ecclesiastici 14. *Insatiabilis oculus cupidi*, & apud Eccl. c. 4. *Non satiantur oculi eius diuitijs*: huc itaque pertinent peccata auaritiæ & curiositatis: superbia autem vitæ continet omnem inordinatam affectionē pręminentiæ: quidquid autem inordinatus amor sui, (à quo diximus initium esse omnis peccati) suggerit aut affectat, ad aliquod ex istis tribus referri potest.

### ARTICVLVS VI. VII. VIII.

*Utrum peccatū alienietur propter passionem?*

*Utrum passio totaliter excuset à peccato?*

*Utrum peccatū quod est ex passione possit esse mortale?*

**R**esponso D. Thom. ad artic. 6. est talis: Quod passio antecedens diminuat peccatum quatenus scilicet minuit liberū: passio autem consequens, quia ipsa liberè assumitur & excitatur nō minuit peccatū. 8

V iij Ad So-

9 Ad Septimū Respondetur: quod passio, quæ omnino tollit aut omnino impedit vsum rationis, excuset etiam totaliter à peccato, quando autem non omnino rationem turbat & impedit, tunc non excusat totaliter à peccato. Obseruandum tamen hic est, quod si illa rationis perturbatio fuerit intenta aut præuisa cum malis effectibus inde sequuturis, tunc sicuti in suâ causâ eiusmodi effectus sunt voluntarij, ita & culpabiles. Quâ de re vide dicta sup. q. 73. art. 8. n. 13.

10 Ad Octauum Respondetur, etiam peccatū ex passione posse esse mortale, quando videlicet passio non est tam vehemens quin ratio sufficienter aduertat, aut aduertere possit malitiam mortalem operis in quod passio trahit, & nihilominus ipsa deliberatè consentit. v. g. si quis irâ vel concupiscentiâ concitetur ad homicidium, vel

adulterium, absque tamen perturbatione vsus rationis, & deliberatè consentiat in homicidium vel adulterium, peccabit talis mortaliter.

Deliberatus autem consensus adesse ordinariè censetur, quando passio ad opus externum progreditur, vt hic indicat D. Thomas: quia non potest appetitus inferior mouere membra renitente ratione: Dico ordinariè, quia nihil repugnat quominus aliquando sine perfectâ deliberatione & consensu moueatur manus vel lingua subitaneo aliquo motu & celeritèr transeunte; sed quando actus externus cū aliquibus præambulis, vel diuturnâ morâ absoluitur, hoc non videtur vnquam fieri nisi cum deliberato consensu rationis. Vide plura quæ ad horum 3. articulorum intelligentiam faciunt, dicta sup. quæst. 6. artic. 7.

## QVÆSTIO LXXVIII.

### De causa peccati quæ est malitia.

#### In quatuor articulos diuisa.

#### ARTICVLVS I.

*Vtrum aliquis peccet ex certâ malitiâ?*

1 **N**OTANDVM est peccatum ex certâ malitiâ, seu de industria dici, quod quis nullâ ignorantia deceptus vel speciali passione appetitus sensitiui pulsatus sciens & volens committit: vt colligitur ex D. Thom. hic in Corpore. Vnde sicuti peccatum ex ignorantia habet originem suam ex defectu intellectus, & peccatum ex passione ex defectu appetitus sensitiui, ita peccatum ex certâ malitiâ habet initium fundamentaliter ex ipsâ rationali voluntate, eiusque defectu. Conclusio autem est affirmatiua: quam satis apertè docent sacre littere: Iob cap. 34. *Quasi de industria recesserunt ab eo, & omnes vias eius intelligere noluerunt: & alibi, Recede à nobis, scientiam viarum tuarum nolumus. Prouerb. cap. 2. Latantur cum malè fecerint, & exultant in rebus pessimis. Psal. 51. Quid gloriaris in malitiâ, qui potens es in iniquitate. Lucæ 12. Seruum qui cognouit voluntatem Domini sui & non fecit &c.* Idem docet S. PP. D. August. lib. 83. quæst. 26. & D. Greg. lib. 25. Moral. cap. 16. & Scholast. in 2.

dist 43. & per experientiam nimis manifestè constat.

#### ARTICVLVS II.

*Vtrum quicumq; peccat ex habitu, peccet ex certâ malitiâ?*

2 **R**esponso D. Thom. est affirmatiua: & probatur ratione, quia qui ex habitu peccat, conuertit se ad bonum commutabile relicto spirituali & diuino non ex ignorantia, neque ex passione inferioris appetitus, vt supponitur; ergo tantum ex defectu voluntatis rationalis. Neque obstat quod habitus inducat quandam propensionem quasi naturalem, sicuti consuetudo dicitur altera natura; quia recipitur habitus in animâ ad modum recipientis, ita vt sicut ipsa rationalis voluntas in quâ proximè subiectatur libera est secundum naturam suam, ita habitus in eâ existentis inclinatio plenè subit eius arbitrio; vt mur enim habitibus quando volumus. Accedit quod ista inclinatio habitus non censetur antecedens moraliter, sed consequens ad voluntatem, quamdiu saltem habitus non displicet, nec ad eum extirpandum laboratur; vnde licet etiâ aliquo modo

Ut hic  
bet D. Th.

modo minuat libertatem, tamen non minuit malitiam: ut dictum fuit sup. q. 6. art. 7. quando autem displiceret habitus, & tamen ex præviâ consuetudine quis vehementius traheretur ad peccandum, si ex tali occasione deficeret & peccaret, videretur tunc peccatum illud posse reuocari ad peccatum ex passione & infirmitate.

vel ex desperatione fieri etiam solet quod sine habitu quis ex malitiâ delinquat. Soller idem subinde quoque contingere ad complacendum socijs, quia pudet non male agere cum malis, cum quibus habetur conuersatio, & pudet enim illis non esse impudentem, ut declarat D. August. in suis Confessionibus lib. 2. c. 8. n. 9.

### ARTICVLVS III.

*Vtrum quicumq; peccat ex certâ malitiâ, peccet ex habitu?*

**C**onclusio est negatiua: Nô quicumq; scilicet peccat ex certâ malitiâ, peccat semper ex habitu. Probat, quia nihil repugnat aliquem scienter & volenter rationali voluntate appetere & amplecti obiectum malum & committere peccatum, in quod ante nunquam prolapsus fuerit, & proinde cuius vitioso habitu non sit imbutus; ergo &c. Idque potest contingere, ut indicat D. Tho. In primis, quia obiectum speciali aliquo modo naturæ illius hominis corruptæ secundum Sympathiæ quandam congruentiam conueniens est & quasi conforme propter certas affectiones aut dispositiones corporis. Deinde etiam, quia defunt repagula, quibus solet animus à passione liber contineri & restringi ab electione mali, quod tale nouit; ut sunt spes vitæ æternæ & metus gehennæ: unde ex nimia præsumptione,

### ARTICVLVS IV.

*Vtrum ille qui peccat ex certâ malitiâ, grauius peccet quam qui ex passione?*

**C**oncl. est affirmatiua: & ratio est quia voluntas magis liberè mouetur in malum, & totus motus est voluntati rationali magis proprius, quando ex malitiâ eligit, quam dum ex passione, quia passione & vehementi appetitus sensitui, quasi pondere quodam aliis inclinatur & trahitur ipsa anima & consequenter etiam suo modo voluntas in vnâ partem, & sic non tantum ex seipsa sed ab alio principio mouetur in peccatum: non ita quando ex certâ malitiâ peccat. Vnde etiam hic est maior legislatoris ac legis contemptus, quam dum ex infirmitate vel ignorantia peccatur. Accedit quod peccatum ex malitiâ solet esse diuturnius, quia quando passio transijt tunc solet sequi penititudo; non ita citò quando ex malitiâ peccatum committitur.

## Q V Æ S T I O L X X I X.

### De causis exterioribus peccati.

*In quatuor articulos diuisa.*

#### ARTICVLVS I. & II.

*Vtrum Deus sit causa peccati?  
Vtrum actus peccati sit à Deo?*

**A**RTICULO Primo inquitur de toto peccato: Vtrum Deus sit causa eius tam quo ad formale, quam quo ad materiale, id est, an sit causa actus & inordinationis actus?

Articulo autem Secundo queritur de actu solo: An ille sit à Deo efficienter concurrens; pro resolutione & explicatione utriusque articuli sit

Conclusio Prima: Non potest Deus ita esse aut dici author vel causa peccati, ut ipse quoque peccet. Est certa omnino de fide; in qua etiam Hæretici nostri temporis nobiscum loquuntur. Patet ex Scripturis Deut. 32. *Fidelis Deus & absque vlla iniquitate.* Psal. 144. *Sandus in omnibus operibus suis:* ad Rom. 3. *Nunquid iniquus est Deus? absit: & ad Rom. 9. Nunquid iniquitas est apud Deum? absit: & 1. Ioannis cap. 3. Es peccatum in eo non est.* Vnde nec Deus potest esse causa inordinationis, quæ est in actu peccati, quia ille propriè peccat cui tanquam causæ & authori venit adscribenda inordinatio, quæ est in actu peccati. Quod probat

V iij D. Tho.

D. Tho. art. 1. etiam ratione quæ est talis: quia omnis inordinatio peccati est quidam recessus ab ordine, qui est in Deum tanquam in finem; Deus autem omnia inclinat & conuertit in seipsum, sicut in ultimum finem, ut docet D. Dionys. de diuinis nominibus cap. 1. quare impossibile est, quod possit esse causa inordinationis peccati, sicut impossibile est quod sibi vel alijs possit esse causa discedendi ab ordine qui est in ipsum.

- 2 Conclusio Secunda: Peccatum non est sic à Deo, ut ipse necessitet vel impellat, aut ex intentione moueat voluntatē creaturæ ad actum peccati, neque ut ipse ex seipso ab æterno decreuerit vel præordinauerit mala opera siue peccata, hominūque voluntates in tempore ad ea inclinet & determinet. Est hæc quoad omnes suas partes contra Caluinum eiusque sectatores, ut Swinglium, Bezam & alios, qui diuersis locis ista & similia non sine graui blasphemia Deo attribuant. Caluinus in primis lib. 2. Institut. cap. 4. §. 3. tacite redarguit veteres, quod religiosus (inquit) simplicem veritatis confessionem in hac parte reformidet: quia videlicet in Dei operationem, excitationem, decretum, siue ordinationem, & agendi eius efficaciam non referunt hominum peccata. Vnde addit, ne August. quidem illā superstitione interdum solutus est; quemadmodum ubi dicit, Indurationem & excecationem non ad operationem Dei sed præscientiam spectare: nos autem (ait) duplici ratione respondemus id fieri: & paulo post addit idem.
- 3 Secunda ratio quæ multo propius accedit ad verborum proprietatem est, quod ad exequenda sua iudicia per ministrum iræ sitæ Sathanam, & consilia eorum (videlicet reproborum), destinat, quod visum est, & voluntates excitat, & conatus firmat &c. & §. 4. an indurauit non emolliendo? id quidem, sed plus aliquid fecit, quod obstinatione peccus obscurandum Sathanæ mandauit: & infra: ad hæc quoties in populi transgressionibus vindicare illi placuit, quomodo opus suum in reprobis adimpleuit? ut videas efficaciam agendi penes ipsum fuisse, illos ministerium duntaxat præbuisse: quibus verbis manifestè facit Deum principalem causam iniquitatum reproborum, quibus electi castigantur aut exercentur; ipsos verò reprobos tantummodò instrumentales & ministeriales causas earundem sub Deo: & lib. 3. cap. 23. §. 4. Fateor sanè (inquit) in hanc quā nunc illigati sunt conditionis miseriam Dei voluntate decidisse omnes filios Adā, & §. 7. Decretum quidem horribile fateor, inficiari tamen nemo potest, quin

præsciuerit Deus, quem exitum esset habiturus homo antequam ipsum conderet, & ideo, inquit, præsciuerit quia decreto suo sic ordinauerat: & §. 8. Cadit igitur homo Dei prouidentia sic ordinatē, & §. 9. sic pergit. Excusabiles peccato haberi volunt reprobi, quia euadere nequeunt peccandi necessitatem, præsertim (addit) eum Dei ordinatione sibi iniiciatur huiusmodi necessitas: nos verò (inquit) inde negamus ritè excusari, quandoquidem Dei ordinationi qua se exito destinatos conueruntur, sua constet æquitas: similia habet plura eodem cap. & lib. 1. cap. 18. & alibi. Conformiter scribunt Swinglius & Beza diuersis locis. Ex quibus evidens est iuxta Caluini doctrinam, Adam omnēque eius filios Dei voluntate decidisse à iustitiā, idque Deo sic suo decreto & suā prouidentia ordinante, item Deum consilio nutuque suo ordinasse, ut inter homines nascerentur ab vtero certæ morti deuoti, qui suo exitio ipsius nomen glorificent, ut loquitur lib. 3. cap. 22. cit. §. 6. Rursum homines euadere nequire peccandi necessitatem, & quidem Dei ordinatione illis iniici huiusmodi necessitatem, ac denique Deum destinare impiorum consilia, & voluntates excitare, & iniquos conatus firmare, ac efficaciam agendi penes ipsum esse ita ut illi ministerium duntaxat præbeant.

Verū contra tales blasphemias, PROBATUR concl. primo principaliter ex Scripturis ac in primis ex his quæ dicunt Deū non velle peccata, non nosse seu non probare peccata, non ascendere in cor eius; sed Deū odisse peccatum & omnes qui operantur peccatum. Pl. 5. *Non Deum volens iniquitatem tuam*: Ezech. 18. *Nunquid voluntas mea est mors impij* dicit Dominus: & 2. Petri c. 3. *Dominus nolens aliquos perire*: si autem mors, si perditio non sit voluntatis Dei, multo minus impietas & peccatum, quæ illius sunt causa. Abacuc cap. 1. *Mundi sunt oculi tui ne videant iniquitatem*, scilicet visionē approbationis. Ierem. 19. *Edificauerunt excelsa Babilon quæ non præcepi, nec loquutus sum, nec ascenderunt in cor meum*: Sapientia 14. *Odio est Deo impius & impietas eius*, & Psal. 72. *Odissi omnes qui fornicantur abs te*. Ex quibus manifestum euadit, quod Deus ex seipso non præordinet peccata, non decernat, non impellat, nō ex intentione ad illa moueat, nisi ipse secum pugnare credatur. Deinde probatur ex Scripturis illis, quæ doceant Deum neminem tentare, aut supplantare, imò nec sinere tentari vltra quod possumus. Iacobi 1. *Nemo cum tentatur, dicat, quoniam à Deo tentatur, Deus enim intentator malorum est*: ipse autem neminem tentat: Eccl. 15. *Nemini mandauit impiè agere*: & ibidem,

Non

Non dixeris per Deum abesse: quæ enim odit ne feceris: non dicas, ille me implanauit (id est errare fecit) non enim necessarij sunt ei homines impij.

6 Quæ postèriora verba admodum notanda sunt, contra illud Caluini, quo dicit, Deum consilio nutuque suo ita ordinasse, vt inter homines nascantur ab vtero certæ morti deuoti, qui suo exitio ipsius nomen glorificent: & contra Bezam qui in responsione ad Sebastianum Castalionem de æternâ Dei prædestinatione, ita scribit: Viriosi autem hinc oportet, tum quorum constituit misereri, tum etiam quos iustè decreuit gloriæ suæ causa damnare: & paulò post: oportuit ergo Deum quoque hanc vnicam viam sibi aperire (id est inquit) Adm lapsum ordinare, sed ad eum quem dixi finem, ait: vnde iuxta horum doctrinam Deo necessarij sunt homines impij, contrà quos prouidet Spiritus S. in scripturis sacris contrarium asseruit. Probatur præterea ex scripturis, quæ docent peccata & perditionem nostram non ex Deo sed ex nobis aut diabolo esse: omnia autem, quæ à Deo sunt, bona esse. Osæ 13. *Perditio tua ex te Israël, tantummodo in me auxilium tuum*, quali diceret; tu exitij tui solus causa es, non ego, sed nõ aliunde tibi auxilium quam ex me. Ioannis 8. *Cum loquitur mendacium* (videlicet diabolus) *ex proprio loquitur, quia mendax est.* 1. Ioannis 3. *Qui facit peccatum ex diabolo est.* Genes. cap. 3. *Vidit Deus cuncta quæ fecerat, & erant valde bona.* Sapientia cap. 11. *Nihil odisti eorum, quæ fecisti:* ergo Deus non facit peccata, quæ odit, vt Scriptura testatur, non fecit (inquam) sic vt ea velit, ad ea moueat, aut excitet, multoque minùs vt absoluto decreto ea ex seipso præordinauerit, prout hæretici volunt.

7 Vt tamen non videantur directè contra scripturas pugnare, respondent eas, quæ dicunt Deum non velle peccata, sed ea auerfari & odisse aut aliquid simile, esse intelligendas, de illâ voluntate, quæ nobis in scripturis declarata est; quam Theologi voluntatem signi nominare solènt; interim verò aliâ quâdam volutate omnino Deum velle vt homines peccent, quia alioquin non assequeretur finem sibi propositum declarandæ gloriæ iustitiæ suæ in cõdempnatione & punitione peccatorum. Sed contrà facit, quod hæc responsio in Deo ponat voluntates omnino contrarias, puta vnâ, quâ absolutè & simpliciter vult peccata, quâ illa approbet, quâ procuret; & alteram, quâ absolutè eadem non vult, quâ illa reprobet, auerfetur, & odit, quæ simul non cõsistunt, nisi dicere velint quod scripturæ allegatæ non explicant aliquam ve-

ram voluntatem, quæ in Deo sit, sed tantummodò significant talem in eo esse voluntatè; qualis tamen reuera in eo non est; & eâ ratione appellant voluntatem signi: Verùm hoc nihil est aliud, quàm facere Deum in sacris scripturis mendacem, qui dicat in illis se non velle iniquitatem, se non probare, sed odisse iniquitatem, cum tamen quàm maximè eam velit, sic vt & ipse eam procuret iuxta hæreticorum eorundem doctrinam.

8 Neque hic locum habet, quod Scholastici DD. tradunt de voluntate signi; quia hanc ponunt in præceptis, prohibitionibus, exhortationibus & similibus, quæ non dicunt earum rerum voluntatem absolutam in Deo esse; sed nos ex istis tanquam signis colligimus talem voluntatem Dei, quamuis interim possit aliquid mandare, vt nostræ voluntatis probet obedientiam, etiam si ipsum opus non velit: neque enim præceptum importat in Deo absolutam esse voluntatem operis, quod mandat sicuti iam diximus: Scripturæ autem allegatæ significant & affirmant in Deo simpliciter voluntatem quâ nolit peccatum, quâ auerfatur peccatum & quâ illud odit. Nihilominus tamen, quia ordinariè quæ Deus mandat aut ad quæ hortatur, etiam voluntate suâ quantum ex se vult & desiderat illa, & quæ prohibet non vult, idcirco ex illis tanquam signis nos colligimus Dei voluntatem, non quidem illam absolutam, de quâ dicitur Quæcumque voluit fecit, sed voluntatem quâ antecedentem, quam quodammodo nostræ libertati & operationi ipsæ submitit. Sic quoque Dei permissio numerari solet inter voluntates signi, non quidem tanquam signum voluntatis, quâ approbet aut procuret ex intentione, quæcumque permittit, sed voluntatis, quâ eiusmodi impedire noluit, aut permittere decreuit; hanc enim voluntatem tantummodo ex diuinâ permissione colligere possumus.

9 Ad locum verò vbi Deum neminem tentare dicitur (reicctâ D. Augustini distinctione qui lib. 2. de Consensu Euangelistarum cap. 30. ponit duplex genus tentationis, videlicet ad seducendum, & ad probandum, prout cap. 22. Genes. legitur Dominus tentasse Abraham) respondet Petrus Martyr, Deum non tentare sic internis suggestionibus vt homo sit excusabilis à culpâ, eò quod in homine inueniat materiam, & quasi seminarium malorum videlicet innatam concupiscentiam: Sed contrà; si idcirco Scriptura rectè dicat Deum neminem tentare, poterit similiter verè dici, quod nec Diabolus quemquam tentet, cum non ita tentet vt homo idcirco sit excusabilis, &

bilis, & ipse quoque inueniat eandem materiam & quali seminarium malorum, videlicet concupiscentiam: Similiter Caluinus & idem Petrus nomine-tenus Martyr, respondent idcirco Scripturam dicere perditionem nostram ex nobis esse, & non ex Deo, propter corruptionem nostræ naturæ.

- 10 Sed contrā facit, quod ipsi doceant ipsā corruptionem naturæ ex Dei ordinatione processisse, ac oportuisse Deum sibi patefacere illam viam ad gloriæ suæ ostensionem, vt Adæ lapsum præordinaret, eiusque providentiā sic ordinante, homo caderet. Quare si naturæ corruptio ex Deo, eiusque intentione sit, profectō etiam perditio inde consequens ex ipso erit. Accedit quod doceant etiam Deum excitare & commouere corruptas hominum voluntates ad mala opera, & sic quodammodo suscitare ipsam corruptionem; ergo non obstante quod in homine præexistat naturæ corruptio, tamen corrupta operatio & inde proveniens perditio propriissimè ex Deo erunt, & quidem magis quam ex ipso homine, vt ex istis euidenter consequitur. Deinde probatur, conclusio ex Scripturis quæ testantur Deum prohibere peccata, ne tantum prohibere; sed eadem quoque seuerissimè punire: prohibitiones habentur per totam sacram Scripturam, similiter & comminationes, punitiones & vindictæ: Psal. 7. *Nisi conuersi fueritis, gladium suum vibrabit, arcum suum tendit, & parauit illum, & in eo parauit vasa mortis*: Psal. 10. *Qui autem diligit iniquitatem, odit animam suam: pluit super peccatores laqueos: ignis, & sulphur, & spiritus procellarum.* & Psal. 33. *Vultus Domini super facientes mala, vt perdat de terra memoriam eorum.* Matthæi c. 3. *Progenies viperarum quæ demonstrauit vobis fugere à venturâ irâ? Omnis arbor quæ non facit fructum bonum excidetur & in ignem mittetur.* Matthæi 25. *Discedite à me maledicti in ignem æternum.* Atqui Deus non est author eius, cuius ipse est vltor, vt benè dixit D. Fulg. & docet D. August. lib. 3. de Libero arbitrio c. 16. ergo nullo modo dici potest, quod peccata ita sint à Deo, vt ipse ea velit, ad ea ex intentione moueat, ea præordinet, & faciendi necessitatem iniiciat.

- 11 PROBATUR Conclusio Secundò, principaliter ex Concilijs: Arausicanum secundum Can. 25. dicit Anathema ijs, qui dicunt aliquos diuinā potestate prædestinatos ad malum. In Concil. Lateran. sub Alexandro III. damnatur error Albigensium, inter quos vnus fuit; Quod Deus esset author peccati, vt refert D. Antoninus parte 4. titulo 1. c. 7. Concil. Trid. Sess. 6. Can. 6. si quis dixerit non esse in homi-

nis potestate vias suas malas facere, sed mala opera vt bona Deum operari non solum permissuè, sed etiam propriè & perse, adeo vt sit proprium eius opus non minus perditio Iudæ, quam vocatio Pauli, Anathema sit.

PROBATUR Tertiò, principaliter ex S. P. P. D. Dion. Iust. de Diuinis nomin. c. 4. non igitur Deus author est mali, inquit. Greg. Nicænus lib. 7. Philosoph. cap. 1. Non enim Deo fas est adscribere (ait) turpes actiones & iniustas. Greg. Nazian. oratione in Iulianum ante medium differens de consilijs diuinæ providentiæ; à quibus (inquit) consilijs, non ille quidem (scilicet peccator) exciatus est Deus enim nullo modo causa est mali, quippe naturā bonus, vitiumque eius est qui eligit: haud tamen ab impetu suo animique proposito repressus est. Chrysost. homil. 3. in Genes. propter hoc creaturam hanc omnem produxit & nos formauit, non vt pereamus, neque vt supplicij nos torqueat, sed vt saluet: & homil. de interdictione arboris ad Adam, quæ habetur post homilias in Genes. Manifestum est (inquit) Deum noluisse Adam peccare, qui voluit eum ante delictum præinstruere: potuit Adam Deo parere, quod noluit, qui consentire diabolo maluit: quæ Chrysostomi doctrina ex diametro pugnat cum illis quæ Caluinus & eius adherentes tradunt. D. Basil. integram orationē de hoc scripsit, quod Deus non sit author malorū; similiter Damasc. lib. 4. de Fide cap. 20. in eo totus est, vt offendat Deum non esse autorem mali. Tertul. in lib. de Trinit. Nec enim fieri potest (inquit) vt sit initiator aut artifex vilis mali operis, qui nomen filij perfecti vindicat parentis & iudicis. Ambros. lib. Hexameron cap. 8. Eradicari hanc (scilicet culpam) Deus vult de animis singulorum, quomodo ipse eam generaret, cum clamer Propheta & præcipue Dauid: *Desine à malo & fac bonum*, quomodo ergo ei initiū à Domino damus, sed hæc opinio feralis eorum, qui perturbandam Ecclesiam putarunt. D. Hier. in 1. cap. ad Ephes. ad illa verba, *Qui vniuersa operatur secundum consilium voluntatis suæ*: Non, inquit, quo omnia, quæ in mundo fiant, Dei voluntate & consilio peragantur, alioquin & mala Deo poterunt imputari, sed quo vniuersa quæ facit, consilio facit & voluntate. D. Greg. lib. 29. moral. cap. 21. Dominus (inquit) author est naturæ non culpæ: & homil. 9. in Ezechiel: Sed sciendum est, quia mala nostra solummodo nostra sunt, bona autem nostra & omnipotentis Dei sunt, & nostra. D. Leo homil. 16. de passione Domini: Nunquid iniquitas persequuntur Christum ex Dei est

orta



orte consilio & illud facinus, quod omni-  
maius est crimine, manus diuinæ præpara-  
tionis armatus? non hoc planè de summa  
iustitia sentiendum est. Vide plura testi-  
monia P. P. Apud Bellar. Tom. 4. lib. 2.  
cap. 9.

13 Verum quia hæretici hac in parte sæ-  
pius abutuntur Diui Augustini authorita-  
te, ideo ex ipso, eiusque discipulis, ali-  
quantulum latius conclusio nostra erit  
probanda: lib. itaque 13. de Trinit. c. 12.  
ita scribit: modus quo traditus est homo  
in diaboli potestatem non ita debet, intel-  
ligi tanquam hoc Deus fecerit, aut fieri ius-  
serit, sed quod tantum permiserit: l. 5. de Ciui.  
c. 8. A Deo sunt omnes potestates, quauis  
ab illa non sint omnium voluntates, &  
cap. 9. sicut omnium naturarum Creator  
est, ita omnium potestatum dator, non vol-  
untatum: malæ quippe voluntates ab illo  
non sunt, quoniam contra naturam sunt  
quæ ab illo est: & lib. de Spiritu & Littera  
cap. 31. nusquam (inquit) legimus, non  
est voluntas nisi à Domino, & rectè scrip-  
tum non est, quia verum non est; alioquin  
etiam peccatorum, quod absit, author est  
Deus, si non est voluntas nisi ab illo; quo-  
niam mala voluntas iam sola peccatum est  
etiam si desit effectus; & lib. 2. de pecca-  
torum meritis & remissione cap. 18. malam  
voluntatem ad Authorem Deum esse refe-  
rendam nefas est dicere, lib. 12. Confess.  
cap. 11. hoc solum à te non est, quod non  
est, motusque voluntatis à te quies, ad id  
quod minus est, quia talis motus (inquit)  
delictum arque peccatum est.

14 In quibus omnibus usque adeo remouet  
peccata à Deo vt quidam videantur existi-  
mare D. Augustinum sensisse, quod Deus  
nequidem villo modo immediatè ad mate-  
rialem actum peccati concurrat. Vide Vas-  
quez hic Disp. 129. sect. 3. vbi scribit nos  
ex Augustino nihil habere contra senten-  
tiam Durandi id docentis, sed cum po-  
tius illi fauere. Rursus lib. 3. de libero  
arbitrio cap. 16. omnino non inuenio (in-  
quit) nec inueniri posse, nec prorsus esse  
confermo, quomodo tribuantur peccata  
nostra, Creatori nostro Deo, quando &  
in ipsis cum laudabilem inuenio non so-  
lum quod ea punit, sed etiam quod tunc  
sunt, cum ab eius veritate receditur; quasi  
diceret; non potest Deus esse author illo-  
rum, quibus ab illo receditur, & quæ ipse  
laudabiliter punit. Denique lib. 1. de Or-  
dine cap. 1. vbi postquam dixisset, diffi-  
cillimum esse consequi vniuersitatis or-  
dinem, quo mundus hic regitur, & ta-  
men optima quæque ingenia id audissimè  
expetere, vt discant quomodo fiat &c.  
addit: quàm ob rem illud quasi necessa-

rium ijs quibus talia sunt curæ, creden-  
dum dimittitur; aut diuinā prouidentiam  
non usque in hæc vltima & ima protendi,  
aut certè mala omnia Dei voluntate com-  
mitti: puta quia alterutrum horum vide-  
tur eis suo ingenio omnia mentientibus  
necessariò admittendum, dum aliter ordi-  
nem apprehendere non valent. Sed adiun-  
git Diuus Augustinus vtrumque esse im-  
pium, & quidem magis posterius, quo ni-  
hil contra Caluini doctrinam dici potuit  
clarius.

D. Prosper ad Capitula Gallorum cap. 13  
12. voluntas Dei nunquam vult nisi bona,  
prescientia autem & bona noscit & mala:  
sed bona, quæ aut ipse faciat aut etiam vt  
nos faciamus imperat, mala autem, quæ  
omnino ipse non facit nec fieri iussit aut  
impulit: & cap. 14. Infidelitas non cre-  
dentium Euangelio nequaquam ex Dei  
predestinatione generatur: bonorum enim  
Deus Author est, non malorum. Similia  
multa habet ad obiectiones Vincentia-  
nas, cap. 5. 7. & aliorum sequentibus. D.  
Fulgent. lib. 1. ad Monimū totus versatur  
in hoc vt ostendat Deum non prædestina-  
nisse impios ad opera mala, & proinde  
ista ex Dei decreto & impulsu non fieri:  
cap. autem 13. ita scribit, Potuit sicut vo-  
luit prædestinare quosdam ad gloriam,  
quosdam ad pœnam, sed quos prædestina-  
uit ad gloriam, prædestinauit ad iustitiam,  
quos autem prædestinauit ad pœnam, non  
prædestinauit ad culpam. Vbi vult author  
culpam esse præsuppositam & quidem ex  
homine non ex Deo commissam ante de-  
stinationem ipsius ad pœnam. Deinde ad-  
dit: posset enim peccatum aliquod ex præ-  
destinatione Dei esse, si posset aliquis ho-  
minū iuste peccare, nullus autem hominū  
iuste peccat, quamuis eum Deus peccato  
iuste permittat: & infra, In sanctis coro-  
nat Deus iustitiam quam eis ipse gratis tri-  
buit, gratis seruauit; iniquis autem con-  
demnabit pro impietate vel iniustitiâ, quā  
in eis ipse non fecit; in illis enim opera sua  
glorificat, in istis autè opera non sua con-  
demnat.

PROBATVR 4. Principaliter ratione: 1. fit  
quia si peccatum ita sit à Deo vt ipse illud  
ex se decrenerit, ex se ad illud moueat, ad  
committendum imponat necessitatem, ad  
illud impellat, vt hæretici volunt (homo  
iuste Dei impulsu agit, inquit Caluinus  
lib. 1. Institut. cap. 18. quod sibi non licet)  
manifestè sequitur quod Deus sit princi-  
palis causa & author peccatorum dicen-  
dus, quod tamen expressè & in terminis  
admittere nolunt, vel certe ne blasphemix  
ab omnibus arguantur, non audent, sed  
consequentia euidens est; neque enim sin-  
gi potest

gi potest modus concurrendi ad peccatum ratione cuius potiori iure quis debeat dici Author illius, quam quod ipse illud ex se decreuerit, præordinauerit, ad illud ex intentione moueat, immo agendi necessitatem imponat atque adeo altera concausa tanquam instrumentali & ministeriali utatur, quæ illius ordinationi & motioni resistere non valeat; atqui omnibus istis modis volunt ipsi Deum causare & concurrere ad peccatum: ergo simpliciter & absolute ipse dicendus est peccati Author.

*Refutatio responsionum Hæreticorum ad rationem allegatam, qua multum eos premit.*

17 Respondent itaq; Hæretici: licet Deus talibus modis in homine & cum homine operetur peccata, non tamen Deum esse eorundem Authorem, idcirco quia actiones illæ non sunt peccata vt à Deo procedunt, sed quatenus fiunt à malâ impiorum voluntate, qui proinde soli suorum scelus sunt Authores dicendi: cur verò opera illa sint mala, vt ab homine sunt, nō autem vt à Deo, diuersas effingunt rationes, quarum vna est, quia natura humana vitio priui hominis tota est corrupta, à quâ proinde actiones hominis inficiantur. Sed contra quia inde sequeretur, quod omnia opera hominis deberent esse peccata, cum tamen Scriptura sæpius hortetur ad opera iustitiæ & sanctitatis, & vt sobriè, piè & iustè viuamus in hoc sæculo, ergo non præcisè ex eo capite actiones hominis sunt peccata, quia natura humana in primo parente fuit corrupta. Deinde non potuit ratio illa locum habere in primo peccato Adæ, quod etiam Deum decreuisse, eiusque nutu & arbitrio commissum docent.

18 Alteram rationem assignant huiusmodi; quia Deus quando ad flagitium excitat, mouet, & impellit, aut per impios tanquā sua instrumenta illud procurat, habet sibi bonū finem propositum: vult enim homines peccare, vt habeat, quos iustè damnet, & quorum liberaliter misereatur, vt sic iustitiæ eius & misericordiæ gloria manifestetur; homines verò in illo ipso opere quod Deo ordinante, mouente & impellente faciunt, malum finem spectant, videlicet vt suam libidinem aut malam passionem expleant, nō vt gloriæ Dei seruiant. Ita Calvinus lib. 1. Instit. cap. 17. §. 9. & Swinglius in sermone de Providen-

tiâ cap. 6. Sed huic responsioni aduersatur inprimis doctrina Apostoli ad Rom. 3. Quod non sunt facienda mala, vt euentiant bona: ergo propter bonam illam Dei intentionem & finem ei propositum non desinunt illa opera esse mala, etiam quatenus à Deo sunt volita & procurata, si in se legi æternæ sint cōtraria, & intrinsecè mala: nemo enim excusabit eum, qui proximum occidit & spoliatur vt Ecclesiam ædificet, vel pauperi elemosynam elargiatur. Sufficit quidem mala intentio vt bonum opus vitiet; non sufficit autem bona, vt opus malum sanctificet, vt supra ostensum fuit.

Deinde necessum est, vt concedant 19 Deum non tantum esse causam mouentē ad opus malum, sed etiam ad prauam intentionem, vnde opus culpæ & peccati rationem secundum eos sortitur; quandoquidem enim Deus procuret inuenire materiam puniendi & miserendi iuxta illos, quæ non est in opere, nisi quatenus est culpa, oportet quod ipse intendat hominem mouere, vt malâ intentione operetur talia: quomodo igitur Deus non erit author peccati, qui ex intentione procurat in homine prauam intentionem, vnde opus malitiam habet, & propriè peccatum constituitur? Tertio inde sequitur, quod si quis doctrinā ipsorum imbutus excitet & inducat alterum ad peccandum, v. g. ad adulterium vel homicidium, eo fine vt Dei iustitia vel eius misericordia in illo homine glorificetur, quod talis non peccabit, imo nec ille, qui eadem committet, vt in se Deus glorificetur, misericordia quidem ipsius si condonet, aut iustitia illius si eum condemnat; quandoquidem illi eadem intentione & eodem fine operabuntur, quibus Deus ad ista mouet & impellit, quæ sunt absurdissima & inaudita.

20 Tertiam denique causam diuersitatis assignat Swinglius, quod videlicet Deo lex posita non sit, homini autem lex sit posita. Sed hanc videtur reprobare Calvinus lib. 3. Institut. cap. 4. §. 2. vbi cum dixisset opus esse iustum hoc ipso quo Deus vult, addit; non tamen commentum ingerimus absolute potentie, quod sicuti propheta ita meritò detestabile nobis esse debet; non fingimus Deum ex legem, qui sibi ipsi lex est, &c. Quod autem nihil ad rem ratio ista faciat, declaratur: inprimis quia licet alicui sit lex posita, si tamen legislator supremus velit & mandet, quod quis faciat opus contra legem, hoc ipso liberat illum à lege istâ, & imponit aliam legem particularem, atque ita etiam homines non faciunt contra legem, vel certè dicendū erit, quod Deus repugnantes omnino habeat voluntas.

voluntates, videl. quòd non velit & quòd velit hominē facere tale opus. Deinde etiā si Deo propriē non sit lex posita, tamen ipsemet est lex æterna; quare sicut seipsum negare non potest, ita nec sibi ipsi repugnare, nec velle quod sibi repugnat, hoc enim est sibi repugnare: vnde eiusmodi Dei voluntas non potest esse ordinata: quare si ipse vellet & impelleret ad ea, quæ legi æternæ aduersantur, sibi ipsi repugnaret: voluntas autem Dei, quæ sibi, siue rationi & sapientiæ eius repugnaret non minus erit mala, quam hominis, quæ aduersatur legi à Deo latæ & positæ.

21 Secunda ratio qua conclusio probatur est: quia ex aduersariorū doctrina non tantum sequitur Deum esse peccati Authorē, sed etiā ipsum verē & propriē peccare. Declaratur, quia vt quis verē & propriē peccet non requiritur, vt per se & directe ipsā turpitudinem actionis intendat (neq; enim mali dum peccant, ad malitiam vel inordinationem actus respicere solent, verum ad bonum aliquod, vt lucrum, voluptatē, honores, &c.) sed sufficit quod cū cognitione & libertate velit opus habens annexā turpitudinē, ita vt ex parte illius agentis proueniat hoc opus determinatum, vel hunc actum aut motum inordinatum in tali esse aut specie constitui ac fieri; atqui omnia ista in Deum conuenient si ipse peccatum præordinet, & ad illud efficaciter moueat ac necessitet; ergo &c. Deinde qui alteri est Author peccati, inducendo vel imperando, is quoque verē peccat: vnde in Republicā bene ordinatā tam puniuntur, qui homicidium imperarunt, quā qui executi sunt; atque iuxta illos Deus est hominibus Author & causa peccandi, inducendo, impellendo, atque ad eū necessitando; ergo &c. Neque ad hæc aliquid particulare respondent, præter ea, quæ circa primam rationem iam refutata sunt.

22 Imo ex illā doctrina sequitur nō homines, sed Deum solum peccare; quomodo enim culpabiles esse possunt in ijs quorū necessitatem tam suo decreto, quā motu suo & impulsu Deus imponit? si enim iuxta D. Aug. de Corrupt. & Gratia c. 11. tum Angelus, tum primus homo non suā culpā cecidissent, si defuisset eis adiutoriū illud sine quo in iustitiā stare non possent, etiā si vellēt; quantò magis ab omni culpā erunt liberi, si non tantum eis adiutoriū hoc defuerit, sed insuper Dei ordinatione & agendi eius efficaciam in transgressionem diuini mandati sint propulsi? nec illi tantum, sed & omnes posterī Adæ pariter inculpabiles in suis transgressionibus dicendi erunt propter similem necessitatem eis iniectā, potissimum quādo ex eadē causā nec Adā suā

culpā cecidisse. Neq; satis est ad rationem culpæ, vt Hæretici prætendunt, quòd spontaneè, vel etiam cum voluptate opus malū fiat, quando deest possibilitas nō faciendi, vt ex D. Aug. doctrinā iā allegatā satis colligitur; & manifestè declaratur in pueris ante vsum rationis, & amentibus; qui etiā spontaneè & cum voluptate ea faciāt, quæ legibus contrariantur, non tamen peccant eò quòd non liberè ista operentur.

23 Tertia ratio conclusionis potest ex D. Fulg. lib. 11. ad Moni. c. 21. 22. & 23. sic formari: Nihil est in Dei operibus, quod non sit plenum sapientiæ & rationis: nulla autem potest assignari conueniens ratio, cur Deus efficaciter moueat hominem ad peccandum: nam quæ ratio reddi potest, quare Deus ex iusto velit facere iniustum? cū in eo opere nec misericordia nec iustitia locum habeant, sed potius sauitia & iniquitas: & quæ ratio cur à se vellet auertere quem ad se condidit?

24 Sed dicent, etiam in isto opere per se non cernatur misericordia vel iustitia, tamen ordinatur hoc opus à Deo ad finē in quo misericordia vel iustitia reliceat, ac proinde reddi poterit ratio, quare Deus ordinet aliquos ad peccatū, eiq; à iustitiā in iniustitiā decidere faciat; vt videlicet sint, quorum liberaliter misereri, & quos iuste punire possit: quam rationem prætendunt Caluin. & Beza, vt indicant suprā allegata.

25 Verum contra facit, quod illa misericordia esset inimicioris, quæ faceret hominem impiū, vt eum ab impietate postea liberaret; quis enim illius cōmenderet misericordiam, qui proximū vulneraret vt ei medicinam adhibere posset? qui vel illius alicui omnia bona diriperet, vt illi iā pauperi elemosynam largiatur? hinc bene D. Aug. lib. 3. confess. c. 2. dicit, Maleuolam beneuolentiā omnino futuram, si quis miserum aliquem esse velit, vt ei misereatur. Imo, hoc ipso quo maleuola, iā vera beneuolentia non est; atque ita frustrā ad suæ misericordiæ ostensionem adigeret Deus hominē ad culpam, cum miseratione inde cōsequutura nec nomen nec rationē misericordiæ mereretur. Similiter vt docet Fulg. lib. cit. c. 22. iustitia iusta nō erit, si puniendum reū non inuenisse, sed fecisse dicatur; quin potius maior erit iniustitia, si lapsus Deus tribuat pœnam, quem stantem prædestinasse dicitur ad culpā. Quo enim iure, vel ratione imputabit Deus illa in pœnam vel culpam, quorum necessitatem suo decreto ab æterno imposuit, & ad quæ operationis suæ efficaciam hominem in tempore mouet, impellit ac necessitat, ita vt non facere omnino non possit? quænam erit illa Dei iustitia deuouere creaturā suam eter-

X no exitio,

no exitio, priusquàm vlla fuerit offensio pro-  
uocatus & eam in peccatum & culpâ pro-  
trudere, vt decretum suum cum specie ius-  
titia possit mandare executioni? quare  
hoc rursum nihil ad iustitiâ Dei ostensionem  
conducat; quandoquidem in eo nulla ap-  
pareat vera iustitia, sed potius quædâ cru-  
delitas & tyrannica agendi ratio.

26 Dū hæc & similia sibi mouet Calvinus  
lib. 3. Instit. c. 4. dicit quosdam hic recur-  
rere ad distinctionem voluntatis & permis-  
sionis Dei: ac docere permittente non au-  
tē volente Deo perire impios: sed (inquit)  
nullo modo probabile est solâ Dei permis-  
sione, nullâ ordinatione hominem sibi ac-  
ceruisse interitum, quod pluribus eodem  
cap. inculcat: Respondet itaque ille, adeo  
summam esse iustitiâ regulam Dei volun-  
tatem, vt quicquid vult, eo ipso quo vult,  
iustum habendum sit, ac consequenter nō  
ritē posse excusari homines, idcirco quod  
peccandi necessitate euadere nequeant,  
licet Dei ordinatione & prouidentia hæc  
illis sit iniecta, ed quod Dei ordinationi sua  
conferat æquitas: & quidem in antecedenti-  
bus, ne videatur docere Deū omnia agere  
pro plenitudine potestatis tantum sine rati-  
one aut lege (quod ipse verbis negat) adi-  
iungit hanc illius æternæ ordinationis &  
voluntatis iustitiâ rationem, quod quia  
peccato vitati sumus omnes, nō possimus  
non omnes esse Deo odiosi, idq; non tyrā-  
nicâ seditiâ, sed æquissimâ iustitiâ ratione;  
quod si iudicio mortis (inquit) obnoxij sunt  
omnes naturali conditione, quos ad mor-  
tem Dominus prædestinat de quâ obsecro  
eius iniquitate erga se cōqueratur? Sic ille.

27 Sed contra opponitur, quod ad hanc  
ipsam corruptionem, quam pro iustâ dam-  
nationis causâ & mortis decreto ipse hic  
obten dit, iuxta eundem, Dei ordinatione  
ante prædestinati homines fuerant, vt sæ-  
pius repetit: vnde sequitur damnationem  
& damnationis causam miserorū damnan-  
dorum, originaliter in Dei decretū & ef-  
ficacem voluntatem, quæ omnem causam  
ex parte ipsorum datam aut præcognitam  
antedecāt, esse referendā: quod & ipse tan-  
dem fatetur, ac redeundum ita deniq; esse  
admittit ad solū diuinę volūtatē arbitriū,  
vt loquitur. Sed quis eo in opere iustitiam  
intelligat ac glorificet, & nō potius appre-  
hendat summam seditiâ, & iniquitatem?  
talibus intricatus Calvinus non aliud ad rē  
respondet, quàm Deū non subiacere eius-  
modi obreſtationi; neq; enim posse eum  
iniquitatem admittere, qui iudex est or-  
bis, & qui naturaliter iustitiam amat &  
in iustitiam auersatur. Verū hic non nisi  
principium petit; nam hoc queritur, quo-  
modo iniquitatem non admittat si ipse ini-

quitatem velit, & vt alij eam committant,  
ordinet & procuret? nos quidem similiter  
dicimus Deum iniquitatem admittere non  
posse, sed idcirco excludimus & remoue-  
mus eiusmodi decreta & voluntates, ac o-  
perationes, in quibus neque misericordia  
neq; iustitia ostendi possunt, Imō quæ sē-  
uitiâ & iniquitate vindicari nō possunt, pro-  
ut nec ipse ostendit aut vindicat, & tamen  
nō sine horrēdâ blasphemā Deo adscribit.

Ultima ratio sit quæ vitur D. Aug. lib.  
83. q. 21. quia ille ad quem non esse non  
pertinet, nō est causa deficiendi, id est ten-  
dendi ad non esse, quia essendi causa est;  
boni igitur tantummodo causa est, & pro-  
pterea ipse summum bonum est; quocirca  
mali author non est, qui omniū quæ sunt,  
author est; quia in quantū sunt, in tantum  
bona sunt: ita Aug. Similiter plures S. PP.  
ex eo quod Deus naturā bonus est & sum-  
mum purumq; bonum, colligunt fieri nō  
posse vt ab eo sit origo mali.

### *Obiectiones Hæreticorum.*

29 Sed contra conclusionem multas mouent  
hæretici obiectiones; ac in primis addu-  
cunt Scripturās, quibus significari videtur  
Deum ab æterno decreuisse & ordinasse  
opera mala & peccata: vt illud Patriarchæ  
Ioseph Genes. 45. *Non vestro consilio sed Dei  
voluntate hic missus sum, & c. 50. Nolite timere  
num Dei possumus resistere voluntati? Itē Acto-  
rū c. 2. Hunc definito consilio & præscientiâ Dei  
traditum per manus iniquorum assigentes intere-  
missi: item Act. 4. Conueruerunt verē in ciuitate  
ista aduersus Sanctum Puerum IESVM quem vn-  
xisit, Herodes & Pontius Pilatus cum gentibus &  
populo Israël, facere quæ manus tua & consilium  
tuum decreuerunt fieri.* Respondetur N. ali-  
quam ex istis Scripturis dicere aut signifi-  
care, quod Deus decreuerit aut procura-  
uerit aliquod opus malum, siue malā actio-  
nem, aut peccatum: dicit quidem Ioseph  
se Dei voluntate venisse seu missum esse  
in Ægyptum, in quo per se malum nullum  
est, sed non dicit vos Dei voluntate volu-  
istis me occidere, aut perdere: potuit enim  
Deus ordinare & decernere, quod Ioseph  
in Ægyptum transferretur, vt eum ibi ex-  
altaret, & per eum saluos faceret populos  
multos vt habetur c. 50. absq; præordinan-  
do malas fratrum eius voluntates de per-  
dendo Ioseph; potuisset enim sine ipsis,  
decretum suum executioni mandare abs-  
que vllō actu malo interueniente.

30 Sed vt præuidit fratrum malignitatem  
quæ vellent eum perdere: voluit ipse eam  
permittere & bene vti, ac sic dirigere, vt  
mediante consilio Ruben de ponendo  
illo in cisternā veteri, ac simul oblato mer-  
catorū Madianitarum illac transitu, potius  
vende-

venderent eum quàm interficerent, aut in cisternâ suffocarent; vt his medijs Deus illum prout decreuerat, exaltaret: non autē Deus fratres ad odiū Ioseph, aut eius perditionem concitauit aut commouit. In istā autem permissione & modificatione non magis Deus author est mali, vel peccati, illudue voluisse magis dicens est, quàm si quis inter latrones qui vellent vna viā ducere innocentem ad mortem, dirigeret eos ad aliam, per quam sciret fore quod innocens esset à morte liberandus, & ad magnam peruenturus felicitatem, dicendus foret causa malæ voluntatis istorum latronum. Dei itaque consilio Ioseph in Ægyptum missus est, sed non Dei consilio fratres eum perdere voluerunt. De illā itaque Dei voluntate quā voluit Ioseph in Ægyptum transferri & ibi exaltare, intelligendum quoque est; quod dicitur cap. 5. *Num Dei possumus resistere voluntati?* quā videlicet voluit me exaltare, quamuis vos velletis me perdere, adeo vt etiam vestro maligno studio quod ex vobis erat, ipse vsus sit ad consequationem sui finis.

31 Ex quibus relucet potentia diuinæ voluntatis simul cum Sapientiā, & huc facit quod sequitur immediate: *Vos cogitastis de me malum: sed Deus vertit illud in bonum, vt exaltaret me, & saluos faceret multos populos.*

Dicit aliquis: videtur Ioseph ista dicere, vt excuset factum suorum fratrum: atqui eo sensu nihil facient ad excusationem facti; ergo &c.

Respondetur istam replicam non minus facere contra hæreticos, quàm contra nos, quia ipsi docent homines non esse excusabiles etiam si opera mala faciant ex Dei decreto, impulsu, aut coactione; quare si Ioseph inde vellet factum fratrum excusare, iam directē damnauit istam hæreticorum doctrinam.

32 Dico itaque Secundò: Ioseph ista allegare, non ad excusandum factum à culpā, sed ad aliquod fratrum solatium, quos videbat plurimum contristatos & extremo timore consternatos, vt significat D. Chrysost. Homil. 64. in Genl. nam si quis alteri iniuriam fecerit, & facti poeniteat, aliquid accipiet solatii si Dominus illam iniuriam in maius bonum alterius conuertat, præsertim quando læsus id ipsum recognoscit apud iniurantem, qui etiā tunc facilius timorem vindictæ deponet etiam si iam sit sub læsi potestate. Quidam autem tem explicant illa verba, *Num Dei possumus resistere voluntati?* ita vt sensus sit, an ego possim non obtemperare Dei voluntati & mandato, quibus vult vt ignoscamus fratribus. Cui expositioni dicunt fauere he-

braicam lectionem, sed videtur prior contextui & præsentati lectioni vulgaræ aptior & accommodatior.

33 Similiter Act. cap. 2. dicitur definitio Dei consilio & præscientiā Christum traditus, quia videlicet sic Deus dilexit mundum, vt daret filium vnigenitum, & quia ipse oblati est quia voluit; verum in illā patris traditione & spontaneā Christi oblatione nulla fuit iniquitas, sed iniquitas fuit in illatione suppliciorū & mortis, & actiua occisione innocentis, quam Deus non ordinauit aut voluit quod illi facerent, sed vt præuidit eorum inuidiam & malignam voluntatem, voluit permittere, vt certis loco & tempore Christus per eos moreretur: sic itaque Herodes & Pontius Pilatus cum reliquis conuenerint facere, quæ manus & consilium Dei decreuerunt fieri, quia decreuerat Deus quod Christus sustineret mortē pro genere humano, non autem ante Iudgorum ac reliquorum præuisam malitiam ordinauit, quod ipsi eum iniquē occiderent, sed præuisis malis illorum voluntatibus voluit Deus, eis permittere vt ipsi Christo mortem inferre possent ac inferrent, idque cum varijs modificationibus, quas suo consilio Deus direxit: in quibus per se consideratis, malum non inerat, interim seruiebant mysterijs.

34 Vnde scribit D. Aug. epistola 120. Qui cum voluit, mortuus est, conuenientissimū enim erat, vt Christus per Spiritum suum, quæ pateretur disponderet: decebat enim eius sapientiam vt nullum in se dedecus admitteret, quod non ille sapientiā sua dispositione imposito mysterio honestaret, vt qui in oculis insipientiū non erat aspectus, sed despectus, & nouissimus virorum, ille in oculis proborum per contumeliarum, opprobriorum, & suppliciorum suorum mysterium appareret *Speciosus forma præ filijs hominum*, & D. Hier. in cap. 27. Matthæi: Sicut ergo Caiphas dixit, Oportet vnum hominem mori pro populo, nesciens quid diceret, sic & illi qui Christo supplicia inflixerunt, licet id aliā fecerint mente, nobis tamē qui credimus, sacramenta tribuerunt, nam chlamide coccineā Christum opera gentium cruenta sustentat, in coronā spineā maledictum soluit antiquū &c. Spiritu S. disponente, vt dū Iudæi ex se essent parati ad quæuis supplicia & probra inferenda promiscuē cohiberētur ab his & permitterēt inferre illa, quæ Dei proposito & mysterijs sacratiū cōuenirent. Nec hoc tantum sed Spiritu S. etiā dirigente factū, vt inuidiam & malevolentiam suam, quam ex se conceperant & effectuare volebant, potiùs tamen his verbis, quàm illis, & his potiùs instrumentis, quàm istis exprimerent

X ij & ad

& ad effectum deducerent, in hac enim modificatione externæ actionis & verborum, nihil malitiæ inuenitur.

35 Et ita factum fuisse apertissimè testatur Scriptura Ioannis 11. quando Caiphas ini-  
quissimum consilium ex mente suâ de oc-  
cidendo Christo dixit: *Vos nescitis quidquid,  
nec cogitatis quia expedit vobis, ut vnus homo  
moriatur pro populo;* de quibus verbis dicit  
Scriptura, quod, *Hoc à semetipso non dixerit,  
sed cū esset Pontifex anni illius propter: ait,* quia  
videlicet Spiritus S. ita temperauit & di-  
rexerit sermonem Caiphæ, ut licet malignā  
mentem suam veller exprimere, tamen si-  
mul contineret in signum prophetiam. Sic  
itaq; impij conuenerunt facere, quæ Deus  
decreuerat fieri, sed tamen non fieri per  
iplos, nisi præuisâ illorum malâ voluntate,  
quæ Deus bene vltus est ad sui decreti exe-  
cutionem; alioquin absolutè potuisset  
Deus absque alicuius interueniente pecca-  
to Christum morti pro nobis offerre, sicuti  
mandauit Isaac immolari per patrem suum  
Abraham, qui id potuisset exequi sine pec-  
cato, si Deus mandatum non immutasset;  
sed præuisâ malitiâ Iudeorum maluit illo-  
rum malignam voluntatem ad bonū vltum  
conuertere & illis tanquam instrumentis  
vri, seu permittere, vt eius decretum ad-  
implerent.

36 Obijciuntur Secundò Scripturæ loca,  
quæ videntur significare, quod Deus creet  
& formet homines ad interitum & pecca-  
ta, vt Prouerb. cap. 16. *Omnia propter semetipsum  
operatus est Dominus, impium quoque ad  
diem malum.* Item ad Rom. 9. *Au non habet  
potestatem figulus facere aliud vas in honorem, &  
aliud in contumeliam.* & Exod. 9. *Idcirco autem  
posui te, vt ostendam in te fortitudinem meam, &  
narraretur nomen meum in omni terra:* vel vt re-  
fert Apostolus ad Rom. 9. *In hoc ipsum exci-  
taui te, vt ostendam in te virtutem meam &c.*

37 Respondetur, Deum ex se neminè crea-  
re ad supplicium, vel ad contumeliam,  
nec illud in Scripturis allegatis significari,  
sed sensum verborum Sapientis esse, quod  
Deus omnia propter semetipsum operatus  
est, etiam impium ad diem malum, non  
quod ipse causauerit impietatem, vel in eâ  
induxerit hominem; (mox enim sequitur,  
*Abominatio Domini est omni arrogans:* Deus  
autem nihil eorum, quæ fecit abominatur  
seu odit: quomodo ergo arrogantiam aut  
impietate dicitur operatus?) sed quia etiâ  
hominem, quæ præuidebat fore ex proprio  
arbitrio impium, voluit eo non obstante  
formare, idq; propter semetipsum, quia  
suâ sapientiâ nouerat etiam homine impio  
& eius impietate bene vti, quatenus pro  
meritis eum puniendo, faceret in eo elu-  
cescere suam iustitiam: alioquin potuisset

quis interrogare, quare Deus fecerit ho-  
mines quos præuidebat fore impios? re-  
ponderet itaque Sapiens, *Quod propter semetipsum,* quia vt docet D. Aug. cap. 27. En-  
chiridij. Melius iudicauit de malis bene fa-  
cere, quàm mala nulla esse permittere.

38 Apostolus verò verbis citatis facit vir-  
tute huiusmodi argumentum: *figulus ex  
eâdem massâ luti potest facere vas vnum  
in honorem, & aliud in contumeliam,* cur  
etiam ex eadē massâ humani generis pec-  
cato coinquinatâ, & quouis luto iam vilio-  
ri effectâ (quod Apostolus supponit) dixe-  
rat enim ante omnes in Adamo peccasse  
& esse naturâ filios iræ) non licebit Deo  
suâ bonitate & potentia, facere aliquos va-  
sa in honorem, alios autem in contumeliâ?  
id est quare non licebit illis aliquos, quorū  
specialiter misereri voluerit, ab omnibus  
inquinamentis mundare, & finaliter eos  
dignos efficere, quibus æterni honores  
reddantur, alijs verò nolle par misericor-  
diæ beneficium præstare, sed eos, prout  
meriti sunt, & amplius forsitan merebun-  
tur, iusto iudicio æternis contumelijs re-  
linquere & referuare? quis conqueri po-  
terit, si ita cum massâ damnatâ agat Deus?

39 Vnde rectè D. Aug. lib. 3. contra Iuli.  
Bonus est Deus, iustus est Deus, potest ali-  
quos sine bonis meritis liberare, quia bo-  
nus est; non potest quemquam sine malis  
meritis damnare, quia iustus est: hinc epi-  
stolâ 106. ita scribit, *Hæc massa si esset ita  
media, vt quemadmodum nihil boni, ita  
nec mali aliquid mereretur, non frustra  
videretur iniquitas apud Deum, vt ex eâ  
fierent vasa in contumeliam.*

Bene itaque hic notandum est, quod fa-  
cere vasa in contumeliam non idem sit,  
quod indere eis formam dignam contum-  
elia, sed idem quod vasa iam contumeliâ  
digna ratione massæ damnatæ ex quâ nas-  
cuntur, non finaliter mundare; sed iusto  
iudicio ad æternas contumelias relinque-  
re, & referuare: vt obseruauit Tolerus cir-  
ca cit. verba Apostoli, & indicat D. Aug.  
epistolâ 105. sic scribens: *In iisdem iræ  
vasis propter meritum massæ in contum-  
eliam factis (id est inquit) in hominibus,  
propter bonum naturæ creatis, sed propter  
vitia supplicio deputatis, iniquitatem,  
quam rectissima veritas improbat, dānare  
nouit ipse, non facere; similia habet lib.  
1. ad Simplic. q. 2.*

40 Ad locum Exodi Respondetur sensum  
esse, pronouit ad regnum, & in multâ  
patientiâ sustinuit te, non obstante scilicet  
quod nouissem, quod benignitas mea ad  
penitentiam te non adduceret, sed quod  
secundum impetentis cor tuum thesaurizares tibi  
iram in die iræ, sed non inaniter & frustra  
sustinui

sustinui te, quia Sapientiâ mea videlicet scio & possum etiam omnibus malis behe vti: itaq; idcirco ad regnum te venire permisi, quamvis scirem te fore ingratum & impedire potuerim, tamen toleravi, quia videbam hunc bonum vsum, quod tua obstinatio in malo daret mihi occasionem manifestandi potentiâ meam circa te in omnibus mirabilibus, quibus punirem te, & populum tuum, & sic nomē meum in vniuersâ terrâ fieret tremendū & gloriosum.

42

Obijciuntur Tertiò diuersæ Scripturæ quæ significare videntur, quod Deus commoueat, excitet, inclinet, conuertat homines ad id, quod peccatum est: item quod præcipiat peccatum, quod seducat & immittat spiritum erroris 2. Reg. c. 24. *Addis irasci furor Domini contra Israël, commouitque Dauid in eū dicentem: Vade, numera Israël.* In quo factō Dauid grauiter deliquit, *Isaïæ 13. Ecce ego suscitabo super eos Medos, qui argentum non quarant, nec aurum velint: sed sagittis paruulos interficient, & lactantibus vteru non miserebuntur, & super filios non parces oculum eorū.* Psal. 118. *Inclina cor meum in testimonia tua, & non in auaritiâ.* & Psal. 140. *Non declines cor meum in verba malitiæ.* item Psal. 104. *Conuersis cor eorum vt odirent populum eius.* 2. Reg. cap. 16. Dominus præcepit Semei, vt malediceret Dauid 3. Reg. 22. dicit Dominus spiritui malo Decipies, & praualebi, egredere & fac ita; ergo peccatum ita à Deo est, vt ipse propriissime & per se illud velit, & ad illud hominem commoueat & impellat:

43

Respondetur N. C. Quando enim in Scriptura sacrâ Dominus dicitur cōmouere, inclinare aut conuerti ad aliquid, quod peccatū est, vel illud præcipere, aut Prophetas decipere, omnia illa intelligenda sunt, permissiue tantum à Deo fieri: vt docet D. Damasc. lib. 4. de Fide Orthodoxâ Hæc enim omnia, inquit, non vt Deo agente accipienda sunt, sed vt permitte. Item permissionem eius, inquit, vt operationem & actionem dicere consuetū est Scripturæ sacræ: eodē modo exponunt Theodor. Ascl. Theophil. & Commentarius D. Ambrosio Inscriptus illud ad Rom. 1. *Tradidit illos Deus in reprobū sensum*, vbi Ambros. ita habet, Tradere est permittere, non incitare vel immittere. Hinc bene D. Aug. lib. 2. ad Simplicianum q. 2. tractans historiam Iob. notat, Sathanam per se habuisse malam voluntatem nocendi Iob, & à Deo non petiuisse, nisi permissionē exequendi, quod iam conceperat, quando dixit Domino, *Extende paululum manum tuam, & tange cuncta quæ possidet, nisi in faciem benedixeris tibi:* quod etiam significat Dominus, quando ad Sathanam dicit, *Tu autem com-*

*monisti me vt affligerem eum frustra*, id est, frustra veniam & potestatem à me desiderasti, vt posses eum affligere, quia nihil ad finem tuum profecisti. Idem significat tract. 53. in Ioannē sic scribens: fecerunt peccatum Iudæi, quod eos non compulsi facere, cui peccatū non placet, sed facturos esse præuidit, quem nihil laret: neque insolens aut absōnus videri debet iste loquendi modus Scripturæ sacræ, vel eandem ita interpretandi, quandoquidē enim Deus suâ potetiâ sic contingat, tum hominum malignorū, tum dæmonū voluntates & vires vt quantumuis in malum sint propensi, tamen in nullum queant exire actum, nisi ipse manum potentiæ suæ relaxet; nec in minimo quidē possint aliter, alio loco aut tempore, vel in aliam personā exercere malignitatem suam, quam Deus voluerit permittere per eos fieri, hinc talis relaxatio & permissio quibus maleuoli suam exercere sinuntur malevolentiam, modo quodam loquendi etiam nobis non inusitato exprimuntur in Scripturis ad formam actionis aut motionis, præsertim quando istæ permissiones peculiari aliquâ Dei prouidentia temperantur, & ad certum finem ordinantur: vt ad malorum iustam castigationem, vel ad proborum exercitium. Sicuti si quis furiosum canem teneat cathenis illigatum, & dum contingit Petrum transire, dissoluat, quia vult permittere ex aliquo motiuo quod inuadat Petrum, dicitur talis modo satis vñtato immisisse furiosum canem in Petrum, quamuis canem non commouerit, nec furorem eius excitarit, sed tantū relaxarit & permisit vt inuaderet. Quod bene explicat Hugo de S. Victore lib. de Sacramentis parte 5. c. 29. Accedit insuper aliud fundamentum, ista sic attribuendi Deo, quia videlicet præter eiusmodi permissionē certis rationibus & modis diuinæ sapientiæ temperatam etiam sepius aliqua positiuē ipse operatur siue circa ipsos malitiosos siue circa alios, in se quidem bona & iusta sunt, vnde tamen Dominus nouit malos ex suo vitio accepturos occasionem iniquē agendi, vel se in suis iniquitatibus obfirmandi, ex quibus nihilominus debuissent potius meliores fieri: sic aliqui capiunt occasionem inuidendi & calumniandi alijs, vel eos opprimendi iniquē, quia suis benedictionibus, siue temporalibus siue spiritualibus, hos præ illis affectit & auxit, alij autem assumunt occasionem ex flagellis diuinitus immisfis, alij ex longâ Dei patientiâ, quia vindicta eos non cōprehendit mox à peccatis: Alij ex alijs; quæ tamen omnia debent eis ad bonū seruire. De hoc modo videre licet D. Thom. in cap. 9. ad Rom.

44

45

45

Dicitur itaque in Scriptura Dominus cōmouisse Dauidem, vt numeraret Israël, quia permisit Sathan vt immitteret eiusmodi cogitationem in cor Dauidis, & sic ad elationem animi eum tentaret, quamvis Dominus sciret, quòd Dauid tērationi esset succubiturus, sed voluit tamen permittere, idque ordinauit ad eum finem, vt hac occasione populum iam sæpius id promeritum condignè puniret: quod colligitur ex cap. 21. lib. primi Paralipp. vbi ita hæc res describitur, *Surrexit autem Sathan contra Israël, & inclinuit Dauid vt numeraret Israël.* Eodem planè sensu dicitur Dominus suscitasse Medos contra Israël: & alibi, Spiritum eorum excitasse, quia ex certā prouidentia permisit, quod contra Israël insurgerent, neq; occasiones abstulit aut impediuit: quando autem P'saltes orat, vt Deus inclinet cor eius in bonum, & non in malum, rogat quatenus Deus suo auxilio & virtute eum firmet in bono, & non sinat in peccata prolabi, sicuti & in Oratione dominicā rogamus, quando dicimus *Et ne nos inducas in tentationem*; dicitur verò Deus conuertisse cor Ægyptiorum, vt odirent populum eius: tum quòd permiserit Ægyptios exercere omnem duritiem in populum Israëliticum, tum quòd multiplicauerit populum suum valde nimis, eundemque maximè ditauerit: vnde Ægyptij acceperunt occasionem inuidiæ & odij contra illum populum, sic quòd omnibus modis laborarent ad eum minuendum & supprimendum, & hoc sensu intelligendum est quod scribit D. August. videlicet Deum non solum per patientiam, sed etiam per potentiam indurare, quia videlicet non ex solā permissione & tolerantia Dei efficiuntur homines peiores & duriores, sed etiam aliquando ex beneficijs sibi vel alijs impensis, ex flagellis vel alijs mirabilibus, quæ Deus potenter operatur, vt patet in Pharaone.

46

Sic ergo explicandæ quoque sunt Scripturæ illæ, vbi Deus dicitur obdurare, indurare, & excæcare homines, quia in pœnam præcedentium delictorum subtrahit gratiæ suæ auxilia, & permittit eis obueneri, vel etiam ipse operatur ea, vnde ipsi suā malitiā accipiunt occasionem pertinacis obfirmandi animum in suā iniquitate, sic Exod. 8. *Videns Pharaon quod data esset requies, quia ad preces Moysis cessabat plaga. Ingrauauit cor suum & non audiuit eos*, quod & Deus dicitur obdurasse propter modos agendi iam explicatos: non alio etiam sensu scribitur Deus præcepisse, aut, vt legit D. August. dixisse Semei vt malediceret Dauidi, quā quia ex speciali prouidentia permiserit malignum & amarum animum

Semei effundi in Dauidem, ita scilicet dirigendo gressus Dauidis, vt in occursum Semei veniret, & eam maledictionem, quam iste animo conceperat, hic ad patientiæ exercitium exciperet. Vnde D. August. lib. de Gratia & Libero arbitrio c. 20. ita scribit, Quomodo dixerit Dominus Semei maledicere Dauid, quis sapiens & intelliget? non enim iubendo dixit, vbi obedientia laudaretur? sed quòd eius voluntatem proprio vitio suo malam, in hoc peccatum iudicio suo iusto & occulto inclinauit, ideo dictum est, dixit ei Dominus: quomodo autem inclinauerit explicat paulò post idem August. adiungens, Nec causa tacita est cur ei Dominus isto modo dixerat maledicere Dauid, hoc est, inquit, cor eius malum miserit vel dimiserit, id est permiserit & sic iter Dauidis direxerit, vt Semei occasione habuerit, hanc malitiam in Dauidem effundendi.

47

Sic quoque dicitur Deus seducere & immittere Spiritum erroris: item miscere Spiritu vertiginis, & facere homines errare de vijs suis, Isaïæ 36. quia eos suā directione & auxilijs gratiæ destitutos, relinquit & permittit, vt demonum illusionibus secundum merita sua exponantur, ac denique, quia suā prouidentia sæpius multa disponit bono ordine & ad bonum finem, quæ tamen sunt malis occasio erroris aut deceptionis, & quia huiusmodi permissiones non sine Dei prouidentia & respectu ad certū finem fiunt, hinc etiam tanquam imperia malignis spiritibus aut hominibus data, in Scripturis sacris exprimuntur, idque vt intelligamus omnia diuinæ prouidentie subiacere & nihil eorum quæ mali faciunt, fieri absque Dei permissu ex certis rationibus & iustis iudicijs & ad congruum finem, qui gloriæ ipsius deferuiat; neque tamen idcirco debet aut potest Deus dici velle malignas illas voluntates, earumque haberi causā vt ei adscribi possint, quia ipse non tenetur eas impedire, quin potius ad eum tanquam vniuersalem prouisorum pertineat, sinere causas secundas pro conditione naturæ suæ agere, quamuis à particulari lege & fine abeherent, potissimum quando ipse suā infinitā sapientiā & potentia illos particulares errores nouit ad bonum & decorem vniuersi, ac simul ad pleniorum omnium suorum virtutum & totius gloriæ suæ manifestationem reducere & conuertere.

48

Obijciuntur insuper & alię plures Scripturæ; sed ex dictis non erit difficile singulas explicare, quia omnes illi loquendi modi, fundati sunt partim in diuinā permissione factā ex certo iudicio & cum speciali aliquā prouidentia, quia non ad libi-

tum ma-



tum maligni faciunt omne malum; sed cum certis temperamentis & modificationibus, partim autem in quibusdam Dei operationibus iustis & bonis, ex quibus alij occasionem accipiunt malitiæ vel erroris.

Obijciuntur Quartò, varia loca ex D. August. ac imprimis ex cap. 100. Enchirid. vbi sic scribit, Propterea namque magna opera Domini, exquisita in omnes voluntates eius, ut miro & ineffabili modo non fiat præter eius voluntatem, quod etiam contra eius sit voluntatem. quia non fieret, si non sineret, neque vtiq; nolens finit, sed volens, neque lineret bonus fieri mala, nisi omnipotens etiam de malo facere posset bene. Vnde ipsi sic argumentantur primò: Mala seu peccata non fiunt præter Dei voluntatem, ergò vult Deus, ut fiant. Secundò: Si Deus finit mala non inuitus nec otiosè spectans, sed volens, ergo inanis est Catholicorum distinctio, qui dicant mala fieri, non Deo volente, sed Deo permittente: quasi permissio non includeret voluntatem.

49 Respondetur ad vtrumq; argumentum N.C. Nam ad prius quod attinet, peccata dicuntur non fieri præter Dei voluntatem quasi Deus vel illa ignoraret futura vel impedire non posset si ea impedire absolute vellet quin imò ea præuidet & cum impedire posset tamen permittere vult; ex eo tamen non sequitur, quod ipse velit ut illa fiant; possum enim velle permittere fieri ab alio, quod tamen ipse non facit ex mea voluntate, imò quod facit contra meam voluntatem & mandatum, ut si non teneat vel non lubeat tali vel tali modo impedire, quamuis possem, atque ita potius permittit quod est contra meam voluntatem, quam quòd illud impediam.

Quod ad posterius attinet, non sequitur etiam distinctionem illam esse inanè, quia Deus quidem permittit non inuitus, sed voleas permittit quod mala fiant, sed licet permissionem suam velit, non tamen sequitur, quòd actum ipsum aliterius quem permittit ipse velit: ut ex iam dictis constat, sed ita se habet ad illum, ut neque positiuè eum velit, neque positiuè nolit, loquendo de voluntate absoluta contra quā nihil fit (quamuis bene absolute eiusmodi actum detesteretur & inhibeat) sed negatiuè non velit iuxta illud Psal. *Non Deus volens iniquitatem tuam.*

50 Atq; ita subsistit adhuc distinctio, quòd non volente Deo (id est, non habente positivam volitionem seu approbationem) sed permittente tantum peccata fiant, quamuis volens & non inuitus permittat. Nec tamen dicimus quòd Deus idcirco quasi otiosè tantum spectet mala, sed dicimus,

quod etiā permittendo exerceat sua iudicia, tam temperando malignas voluntates, ut non semper vbiq; & in omnes pro sua quali libidine possint exercere perversitates suas, tum etiam malas actiones suo modo dirigendo, non quidem instigando vel promouendo, sed modificando quod ad locum, tempus, & personas in quas eas exerant, & quo ad similes circumstantias ex se quidem indifferentes quoad malitiam, sed tamè differentes in ordine ad finem, cuius gratiā Deus eiusmodi mala permittit; tum denique suam etiam iustitiam in peccatorum punitione demonstrando & propterea dicit D. August. ista non fieri præter Dei voluntatem, & quod hoc ipso quod contra Dei voluntatem fecerunt, de ipsis est facta voluntas Dei, non qua Deus voluit illos peccare, sed quā voluit ipsorum peccata applicare ad aliquem congruum vsum, & ad suæ iustitiæ demonstrationem illa ipsa fieri.

Sed dices, D. August. ibidem expressè dicit, nihil posse fieri, nisi Deus velit fieri, ergò Deus vult etiam peccata fieri. Respondetur D. August. per adiuncta satis explicat, quo sensu hoc dicat, addit enim, aut sinendo ut fiat, aut ipse faciendo: nihil ergo fit ita quod Deus sit positiuè nolens illud fieri, sed vel positiuè volens aut saltem permissiue se habens, & sic volens permittit. Allégant Secundò ex cap. 20. lib. de Gratia & Libero arbitrio, vbi sic scribit August. quæ scriptura diuina si diligenter inspiciatur, ostendit non solum bonas hominū voluntates, quas ipse facit ex malis, verum etiam illas, quæ conferuant sæculi creaturam, ita esse in Dei potestate ut eas quo voluerit, quando voluerit, faciat inclinati, vel ad beneficia quibusdam præstanda, vel ad pœnas quibusdam ingerendas sicut ipse iudicat occultissimo quidem iudicio sed sine dubitatione iustissimo: Itē ex cap. 21. his & talibus testimonijs diuinorum eloquiorum satis quantū existimo manifestatur operari Deum in cordibus hominum ad inclinandas eorum voluntates quocumque voluerit, siue ad bona pro suā misericordiā, siue ad mala pro meritis eorum, iudicio vtiq; suo aliquando aperto, aliquando occulto, semper autem iusto, ergò &c.

Respondetur quamuis D. August. generaliter dicat Deum facere inclinari hominum voluntates & operari in cordibus hominum ad inclinandas eorum voluntates, quocumque voluerit, siue ad bona pro suā misericordiā, siue ad mala pro ipsorum meritis, tamen in illis ipsis verbis citatis satis significare non eodem modo Deum inclinare voluntates in malū sicuti in bonū, X iij quia

quia de bonis dicit, quod ipse eas ex malis faciat bonas, non autem quod ex bonis ipse faciat malas: dicitur itaque facere inclinari voluntates ad mala, vel ad pœnas quibusdam inferendas, non malitiam inferendo, aut animos ad bonum inclinatos pervertendo, sed eos iam malitiæ deditos relaxando, cum aliquin sine Dei permisso nulli nocere valeant, ac simul quædam operando, vnde ipsi occasionem malitiæ accipiunt, atq; ita Deus non tanquã causa propriè dicta, sed solum tanquam causa occasionalis est intelligendus operari in cordibus hominum ad inclinandas eorum voluntates ad mala pro ipsorum meritis.

53 Huc simul accedit, quod Deus certis modis & circumstantiis temperet ac modifiet malorum voluntates, quemadmodum iam aliquoties explicuimus, & colligitur iste sensus Augustini ex eodem cap. 20. vbi cum prius dixisset, Deum voluntatem Semei vitio proprio malã inclinasse in hoc peccatum, vt malediceretur Dauidi, exponit illud, inclinare, vt sit permittere, vel dimittere siue laxare manum, vt Semei posset sic maledicere, ac simul præsentando occasionem, quando direxit iter Dauidis in eius occursum: permittit verò Deus, & operatur vnde maligni occasionem accipiunt peccandi modis dictis, iudicio occulto, sed iusto: non vt quispiam peccet, sed vt puniantur mali, probentur boni, detur meritis locus, & tandem remuneretur patientia & virtus.

54 Adducunt Tertio ex lib. de Corrupt. & Gratia cap. 7. Illos ergò eligit ad obtinendum regnum suum: illum (scilicet Iudã) ad effundendum sanguinem suum; ergò &c. Respondetur N. C. Quia non elegit Iudam ad effundendum sanguinem nisi prævisã eius malitiã, illã autem præcognitã decreuit Deus vt ad complendũ opus Redemptionis nostræ, & admittere quòd illo mediante Filius hominis traderetur in manus peccatorum. Constat hic sensus ex antecedentibus: Ab illo quippe electus est, inquit, qui nouit bene vt etiam malis, vt per eius opus damnable, illud propter quod ipse venerat opus venerabile compleretur. Vbi D. Aug. manifestè supponit Deum præcognouisse Iudæ malitiam, quã tunc voluit bene vt ad finem conuenientem.

55 Hic etiam obijci potest quod habet D. Aug. lib. 9. Confess. cap. 8. vbi de S. Monica matre suã, quæ in pueritia per conuiuium famulæ curata erat à violentia cui dedita esse cœperat, tractans ita scribit, Quid egisti Deus meus, vnde curasti, vnde sanasti? nonne protulisti durum & acutum ex altera anima conuiuium tanquam

medicinale ferrum ex occultis prouisionibus & vno ictu putredinem illam præcidi? ergò secundum D. August. commouit Deus volutatem ancillæ illius, & quasi ex illã expressit conuiuiũ illud, per quod Monica à vitio violentiæ ex Dei prouidentia & gratiã fuit curata.

Respondetur N. C. Quia aliam omnino fuisse mentem D. August. constat ex verbis eius sub finem capitis, vbi ita loquitur, Tu Domine rector cœlitum & terrenorum, ad vsus tuos contorquens profunda torrentis, fluxum sæculorum ordinans turbulentum etiam de alterius animæ infantiã sanasti alteram, ne quisquam cum hoc aduerit, potentię suæ tribuat si verbo eius corrigatur, quem vult corrigi. Ex quibus satis intelligitur, quod D. August. non velit Deum excitasse aut commouisse simulam ad conuiuium; sed de eius infantiã iam animo concepta permisisse egredi conuiuium, illudque ordinasse ad finem bonum, vt videlicet eo mediante, sanaret infirmitatem & vitium Monicæ, cui iam dedita esse cœperat, quemadmodum ipse non excitat fluxum sæculorum turbulentum, sed excitatum ipse congruè disponit & ordinat ad conuenientes fines.

Obijciuntur & alia plura ex D. August. sed quæ vel ex dictis faciliè exponi possunt, vel circa alias materias solent explicari.

Obijciuntur denique ex ratione: si Deus 56 non decreuerit vt Adam cum totã posteritate in peccatum laberetur, consequens esset, Deum ambiguo sine condidisse nobilissimam creaturam, non enim condidit vt staret, ergo vt caderet, & sic aperiretur via misericordiæ & iustitiæ aut certè in finem ambiguum & incertum, vt ex euentu penderet id quod postea Deus facturus esset, quod absurdum apparet. Respondetur Deum ex parte suã condidisse hominem ad determinatum finem, videlicet ad beatitudinem, sed tamen constituisse bonum & malum, vitam & mortem ante illum vt ad quodcumque vellet, manum extenderet, vt Scripturæ docent, idque illius primitus commississe arbitrio.

Nam vt docet D. Aug. de Correctione 57 & Gratia c. 10. Deus sic creauit hominem vt primum in eo ostenderet, quid posset liberum arbitrium; deinde, quid posset suę gratiæ beneficium. Id enim & naturæ eius, quatenus erat rationalis & liberæ voluntatis, optimè congruebat, & simul ad Dei bonitatem & iustitiam manifestandam in remuneratione si bene ageret, & in punitione si malè, maximè erat accommodum. Neque tamen idcirco pendeat Deus quasi incertus ab euentu incerto, quid de homine

mine facturus esset dum eum conderet, siue condere decerneret: quia iam scientiâ simpliciter intelligentiæ prænuocerat hominem lapsurum si conderetur qualis conditus est, & tamen voluit condere talem, quia sciebat se posse tale remedium eius peccato adhibere, vt inde sua iustitia & misericordia simul mirificè patefierent & commendarentur, quatenus per mysteriū Incarnationis Filij sui ordinaret hominem redimere & reparare; & ideo, vt docet August. censuit ipse melius esse de malis benefacere, quam nulla mala esse permittere.

58 Conclusio Tertia: Deus tamen tanquā causa prima & vniuersalis per se & immediatè concurrat ad omnem operationem creaturæ, atque adeo etiam ad realem & materialem actum cuiusvis peccati. Est contra Durand. in 2. dist. 1. q. 5. & dist. 37. q. 1. vbi docet Deum per se & proximè non concurrere ad actiones causarum secundarum, & proinde ad actiones liberi arbitrij malas non plus conferre, quàm quodd ipsam naturalem potentiam siue liberam voluntatem creatam produxerit. Sed conclusio est communis & ita certa, vt opinio Durandi ab omnibus passim habeatur ad minus erronea, & ab aliquibus existimetur hæretica siue contra fidem.

PROBATVR Primò ex Scripturis: Iob c. 10. tota humani corporis efformatio Deo tribuitur; *Manus tua fecerunt me, & plasmaverunt me, pelle & carnibus vestisti me, ossibus & nervis compegisti &c.* Ioannis c. 5. *Pater meus vsque modo operatur & ego operor:* quæ verba, inquit D. Aug. lib. 4. de Genes. ad Litteram cap. 12. continuationem quandam operis eius, quā vniuersam creaturam continet atque administrat, ostendunt. Act. c. 17. *In ipso vivimus, mouemur & sumus:* ad quæ verba D. August. loco cit. Hæc liquide (inquit) adiuvat hanc sententiam quā credimus & dicimus Deum in ijs, quæ creauit, indefinenter operari. Sapient. cap. 7. & 8. *Omnibus mobilibus mobilis est sapientia; attingit autem à fine vsque ad finem fortiter, & disponit omnia suauiter:* Satis apparet (inquit idem August. loco cit.) rectè inuentibus, hunc ipsum incomparabilem motum & ineffabilem, & si possit intelligi, stabilem motum suum, rebus eum præbere suauiter disponendis, quo vtique substracto si ab hac operatione cessauerit eas, continuò perituras.

59 PROBATVR Secundò ex PP. & quidem D. Aug. loco alleg. ex professo id docet, vt ex dictis constat: vnde ibid. addit: Neque tamen sicut structuram ædium cum fabricauerit quis, abscedit, atque illo cessante atque abscedente stat opus eius, ita Mun-

dus vel icu oculi stare poterit, si ei Deus regimen suum subtraxerit: & clariùs cap. 20. lib. 5. Sunt (inquit) qui arbitrantur tantummodo Mundum ipsum factum à Deo, cætera iam fieri ab ipso Mundo sicut ille ordinauit & iussit, contra quos profertur illa sententia Domini, *Pater meus vsque modo operatur, & ego operor.* Deinde addit ex Apostolo 1. ad Cor. cap. 15. *Et quod seminatus non corpus quod futurum est seminatus, sed nudum granum &c.* Deus autem dat illi corpus sicut vult &c. sic ergò credamus vel si possumus etiam intelligamus vsq; nunc operari Deum &c. Idem docet D. Cyrill. lib. 2. in Ioannein cap. 135. & D. Chrysof. Homil. 5. in Gen. & 37. in Ioannem, qui in huius rei confirmationem adducit etiam Scripturas, quæ dicunt Deum facere oriri solem super bonos & malos, pluuere super iustos & iniustos: item vestire fœnū agri, & pascere volatilia cœli: Anselm. de Casu diaboli cap. 19. Cur mirum (inquit) si dicimus Deum facere singulas actiones, quæ sūt malā voluntate, cum fateamur eum facere singulas substantias, quæ sunt iniustā voluntate & inhonestā actione? vt v. g. proles, quæ nascuntur ex adulterio. Similiter Prosp. lib. Sententiarum cap. 277. ex D. Aug. docet nullum fore motum creaturæ, si Deus suam operationem rebus creatis subtraheret: idem quoq; docet D. Greg. lib. 16. Moral. cap. 18.

PROBATVR denique ratione; Quia res 60 omnis creata pendet immediatè à Deo in fieri & in esse; ergo & in operari. Antecedens ab omnibus tanquam dogma fidei tenetur. Neque videtur Durand. illud negare; Probatur autem consequentia, Primò, quia non est res perfectior & absolutior, aut magis independens in suo operari, quā in suo esse aut fieri: deinde ipsius operari seu agere non est quid re distinctū ab ipso fieri termini actionis siue effectus eius, atqui ipse terminus in suo fieri immediatè pendet non tantum à causa secunda; sed etiam à causa prima, quia omnis creatura in suo fieri immediatè pendet à Deo, ergo etiam ipsum agere seu operari causæ similiter pendet, quandoquidem realiter identificetur cum isto fieri.

Conclusio Quarta: Nihilominus neque 61 debent, nec possunt actus mali quo ad suam specificationem vel exercitium reduci in Deum tanquam simpliciter authorem eorundem. Probatur, quia in eum debet actus tanquam authorem propriè reduci, tum quo ad specificationem, tum quo ad exercitium, qui est causa determinationis omnium simul concurrentium ad effectum quare potius huius speciei actus quam alterius ab illis exeat. Item ex quo pendet

pendet quod potius actus producat quæ quod non producat, vel ab eo cesset. declaratur, quia licet Sol effectiue concurrat tum ad generationem hominis, tum ad generationem bouis, tamen specificatio actus non tribuitur soli, sed causæ particulari videlicet homini generanti, vel boui generanti: quia quod ex concursu istarum causarum hic generetur homo, ibi verò bos non causa est illius determinationis quoad speciem causæ vniuersalis Sol, sed causæ particularis homo aut bos: atqui huiusmodi determinationes ad speciem actus mali non proueniunt ex parte Dei sed ex parte causæ secundæ siue humanæ voluntatis; nõ enim Deus ex sua voluntate determinat concursum voluntatis hominis ad speciem odij, aut inuidiæ, vel adulteriij, sed humana voluntas suo modo determinat cõcursum Dei siue occasio est quare talis determinatus concursus simul influat. Similiter quoque Deus non est causa quare hic & nunc voluntas malè operetur, sed voluntas creata, causa est quod Deus simul concurrat.

62 Probatur ex Scripturâ: Ecclesiastici 15. vbi Deus dicitur reliquisse hominem in manu consilij sui, apposuisse aquam & ignem, vt porrigat manum ad quod voluerit. Vnde & D. Thom. in 4. q. 80. artic. 1. ad 3. ita scribit: Dicendum est quod Deus est vniuersale principium omnis interioris motus humani, sed quod determinetur ad malum consilium voluntas humana, hoc quidem directè est ex voluntate humana &c. & sup. q. 9. art. 6. ad 3. dicit, Quod Deus moueat voluntatem hominis sicut vniuersalis motor ad vniuersale obiectum voluntatis, quod est bonum; sed homo per rationem determinet se ad volendum hoc vel illud, quod est verè bonum vel apparens bonum: & lib. 3. contra Gentes c. 66. scribit causas secundas esse particulares & determinantes actionem primi agentis; ergo &c. Hinc autem sumere oportet fundamentum quare Deus, licet tamquam prima & vniuersalis causa per se proximè influat in omnes actiones, etiam in eas quæ malæ sunt, ipse tamen non peccet, imo neque peccati simpliciter debeat aut possit dici author vel causa, quia defectus & inordinatio adhærent actionis speciei cū suis circumstantijs, non autem actioni in comuni: quod autem actio producat huius vel illius speciei prauæ, imò quod actio mala hic & nunc fiat non prouenit ex parte, quæ dependet à Deo tamquam prima causâ & vniuersali; quamuis enim sine eo esse non posset tamen ipse non vult absolutà voluntate beneplaciti eam esse vt sup. explicuimus) sed quod fiat & talis speciei sit, prouenit ex parte causæ secundæ siue huma-

næ voluntatis, quæ contra suam regulam operatur; Deus verò neq; determinat, neq; agitat voluntatem ad ita cõtra suam regulam operandum; sed ipse sequens suum ordinem & regulam suæ æternæ sapientiæ, quæ constituit vnique causæ, creatæ, siue naturaliter, siue liberè operanti, exhibendam esse ex sua parte assistentiam siue cooperationem necessariam, vt conformiter viribus suis ac naturæ quæ operari, præbet concursum suum tempore & loco, & occasione datâ consentaneum, secundum quod virtus, & actiuitas causæ secundæ requirunt ac postulant; & quidem eo modo, vt quantum est ex parte ipsius tanquam causæ vniuersalis concurrentis, tam sit in potestate causæ secundæ facere actionem alterius speciei, quam huius; & tam ab opere abstinere quam facere: quia indifferenter offert & paratum exhibet qualemcumque concursum vniuersalem, qui fuerit necessarius causæ secundæ ad quancumq; actionem ipsius virtuti proportionatam.

Vnde licet Deus tanquam causa vniuersalis physicè influat in actiones malas, tamen moraliter loquendo censetur quasi tantummodò permissiue se ad illas habere: quia ipse secundum officium primæ causæ & vniuersalis prouisoris offert assistentiam & concursum omni causæ secundæ ex intentione quidē suâ, vt voluntas cõformiter ad suam regulam operetur, sic tamen vt non velit ponere obstaculum libertati eius, & modo eius operandi liberè; & propterea non denegat concursum etiam si nouerit, quod voluntas malè eo vtetur. Dicitur itaque determinationes malæ actionis tã quo ad exercitium quam quoad specificationem prouenire ex parte causæ secundæ nõ quidē ita quod causa 2. determinet Dei voluntatem ad hic & nunc præstandum talem concursum (sic enim solus Deus se voluntariè determinat) sed quia illa est veluti obiectiua ratio postulans hic & nunc tale cõcursum: vnde neq; causaliter cõueniunt concursus causæ secundæ & concursus causæ primæ, sed per se & ex Dei ordinatione quatenus secundum suam præscientiam & prouidentiam voluit causæ secundæ suum concursum seu specialiter esse paratum, quando dispositio eius & actio requirerent.

*Cõtra dicta opponuntur varia, quæ instar principiorum vel axiomatum partim apud Philosophos, partim apud antiquiores Scholasticos haberi solent:*

Primum

64 Primum est, Quod causæ secundæ communiter dicantur non agere nisi motæ à causâ primâ, ex quo Philof. 7. Physic. cap. 1. & lib. 8. c. 5. collegisse videtur deueniendum esse ad vnum primum agens, quod non indigeat alterius motione. Secundum sit, Quod causa secunda dicatur à primâ causâ applicari ad agendum, quod indicat D. Thom. 1. parte, q. 105. artic. 5. in Corpore, ubi dicit: Primum agens mouere secunda ad agendum, & secundū hoc (inquit) omnia agunt in virtute ipsius Dei: & in solutione ad 3. declarat hoc ideo esse, quia Deus non solum dat & conseruat virtutem agendi, sed etiam applicat ad agendum. Et ratio assignari potest, quia ad Agens quod respicit finē vniuersalem, pertinet applicare inferiori ordine quodam ad suum finem: Deus autem est supremum agens, & respicit finem vniuersalem ergo ad eum pertinet applicare inferiores causas, vt accommodatē agunt ad illum finem: vnde consequens videtur quodd determinatio, tam quoad specificationem cuiuscumq; actus etiam mali, quàm quoad exercitium Deo sit ad scribenda, non causæ secundæ. Tertium est, Quod causa primâ etiam dicatur excitare causam secundam ad opus. Quartum est, Quod causæ secundæ essentialiter dicantur subordinatæ causæ primæ, tanquam instrumenti artificij, prout frequenter loquuntur graues authores, & nominatim D. Thom. suprâ q. 6. artic. 1. ad 3. & lib. 2. contra Gentes cap. 21. & alibi: hæc autem subordinatio non videtur posse intelligi, nisi causa primâ præmoneat secundâ, & actio secundæ pendeat ex motione illâ primæ; alioquin non videbitur subordinatio, sed quædam concomitantia duorum agentium.

65 Huc denique accedit quod D. Thom. 1. par. q. 105. doceat hoc ipsum quod causæ secundæ determinentur ad effectus, esse illis à Deo; cuius rei etiam duplex potest assignari ratio: vna est, quia virtus cuiuscumque causæ secundæ est indifferens & indeterminata ad plura indiuidua, nec potest sese determinare ad hoc indiuiduū potius quàm ad illud. Nec videtur hic posse excogitari sufficiens aliud huius determinationis principium præter causam primam; ista autem determinatio non videtur fieri nisi addendo aliquid ipsi causæ secundæ. Altera ratio est propria voluntati liberæ creatæ, quæ de se est indeterminata non tantum ad indiuidua sed etiam ad diuersas species actionis, atque adeo ad actus contrarios, vnde necessariò indigere videtur aliquo principio prædeterminante, quia à causa indifferenti, non potest effectus determinatus exire; ergo

omnis determinatio tum specificationis, tum exercitij cuiuscumque actionis simpliciter & absolutè in causam primam tanquam eam inducentem referenda est.

### Responsiones ad obiecta.

Admis allegatis suo sensu tanquam principij N. Conseq. Pro pleniori autem huius materiæ explicatione, ac faciliiori intellectu mentis & sensus D. Tho. circa modum concurrendi causæ primæ cum causâ secundâ, quædam hic sunt obseruanda: ac in primis dupliciter posse considerari siue apprehendi concursum Dei ad operationem causæ secundæ; vno modo per modum principij quod est in Deo, quatenus videlicet per suam voluntatem Deus concurrit cum creaturâ ad actionē ipsius: quia actus voluntatis Dei est suo modo principium omnis actionis ad extrâ, atque ita ista Dei volitio quatenus ab eâ est actio creaturæ dependens, habet quandam rationem concursus ad eiuſmodi actionem, & ab aliquibus vocatur concursus Dei ad intrâ: alio modo potest considerari per modum alicuius actionis vel motionis ad extrâ, procedentis ab istâ voluntate Dei.

67 Notandum Secundò, Concurſum illum Dei ad extrâ, vt sic loquamur, iterum dupliciter posse explicari: vno modo, vt constitutur sese intrinsecè habere ex parte causæ secundæ; & alio modo, vt dicatur sese habere extrinsecè ad secundam causam (quando saltem eius operatio non est immanens) & quod intrinsecè habeat se ad subiectum vel materiam in quâ recipitur actio vel motio.

Notandum Tertiò hoc ipsum, quod ab aliquibus ponitur concursus Dei seu eius cooperatio se habere intrinsecè ad ipsam causam secundam, ex duplici fundamento posse asseri, vel ex eo scilicet quia existimatur quod omnis actio semper sit in ipso agente, quamuis passio & effectus transcant in subiectam materiam, & proinde quia concursus Dei identificatur reipsâ cū actione causæ secundæ, idcirco necessum esse vt sicut illa actio constituitur in ipso agente, sic etiam constitui ipsum concursum intrinsecè in causâ secundâ; vel ex alio capite, quia videlicet etiamſi actio agentis supponatur esse non in agente, sed in patiente, nihilominus existimetur motio causæ primæ collocanda in causa secunda, quia ipsa debeat proximè & per prius afficere causam secundam per modū principij antecedenter se habentis, quàm ipsa causa secunda possit exire in actionē.

68 Notandum Quartò, claram videri sententiam D. Thomæ, siue ex hoc, siue ex illo capite, saltem necessariam esse primæ causæ

causæ motionem, quæ intrinsecè se habeat ad causam secundam, eamque afficiat, quod pluribus locis satis apertè docet: q. 3. de Potentia art. 7. ita scribit, Sciendum quòd actionis alicuius rei res alia potest dici causa multipliciter: vno modo quòd tribuit ei virtutem operandi, item quia illam conseruat, & tunc addit; sed quia nulla res per seipsam mouet vel agit nisi sit mouens non motum: hinc tertio modo dicitur vna esse causa actionis alterius, in quantum mouet eam ad agendum, in quo (inquit) non intelligitur collatio aut conseruatio virtutis actiue, sed applicatio virtutis ad actionem; sicut homo causa est incisionis cultelli ex hoc ipso, quod applicat acumen cultelli ad incidendum mouendo ipsum: & tandem in fine concludit: sic ergò Deus est causa actionis cuiuslibet, in quantum dat virtutem agendi, & in quantum conseruat eam, & in quantum applicat actioni, & in quantum eius virtute omnis alia virtus agit; quem pòstremum modum explicat in eo consistere, quòd sicut v. g. instrumentum artificis non posset nuda forma suà attingere effectum artis, v. g. statuæ, nisi quatenus per motum artificis quodammodo participat formam aut virtutem artis, sic quoque causa secunda non posset per suam formam attingere effectum causæ primæ, nisi per motum quem accipit à prima causa quodammodo participaret virtutem primæ causæ: similia penè habet 1. parte q. 109. artic. 5. & 1. 2. q. 9. artic. 4. ad 2. non sufficit ad rationem violenti (inquit) quod principium sit extra, sed oportet addere, quòd nullam conferat vim patiens, quòd non contingit dum voluntas ab exteriori mouetur: nam ipsa est quæ vult ab alio tamen mota; & q. 109. art. 1. in Corpore ita scribit: quantumcumque natura aliqua corporalis vel spiritalis ponatur perfecta non potest in actum suum procedere, nisi moueatur à Deo, quæ quidem motio est secundum suæ prouidentie rationem, non secundum necessitatem naturæ (inquit) sicut motio corporis celestis: & paulò infrà: sic igitur actio intellectus & cuiuscumque entis creati dependet à Deo, quantum ad duo: vno modo in quantum ab ipso habet perfectionem siue formam per quam agit, alio modo in quantum mouetur ab ipso ad agendum. Eiusmodi possunt innumera alia testimonia ex eodem adduci, quæ omnia non sine violentià videntur posse detorqueri & explicari tantum de concursu, quo simultaneous influit Deus in eundem effectum, seu actionem existentē extra ipsum agens absque eo quòd afficiat agens ipsum secundum.

Vnde non tantum D. Thomæ sectatores ita sentiunt, sed etiam schola Conimbriensis in 2. physic. q. 13. artic. 1. Molina disput. 26. iux Concordiæ, & Bellarm. tomo. 4. lib. 2. de Amissione gratiæ & statu peccati, cap. vlt. admittunt istum fuisse sensum D. Thomæ. Ita enim Bellar. scribit; Neque hic multum refert, vtrum dicamus cum D. Tho. Deum concurrere ad actiones causatam secundarum mouendo ipsas causas; an verò cum alijs sentiamus Deum concurrere operando immediatè in ipsum effectum, modò illud teneamus concursum Dei esse generale & à concursu causæ secundæ limitari.

Fundamentum porrò sententiæ D. Th. ab aliquibus assignatur, quòd virtus causæ secundæ hoc ipso quòd creata est, non possit esse còpleta ad agendum aliquo stabili ac permanente, & quali habituali complemento. sed indigeat semper aliquo actuali complemento, quòd à Deo recipiat: Illudque explicatur se habere instar cuiusdam qualitatis fluentis vel intentionalis, vt quidam loquuntur, cui potius tribuitur completio causæ secundæ, quia est magis actualis eò quòd sit quidā actus secundus, cum omnis virtus seu potentia stabilis & permanens sit tantum actus primus: Ita satis expressè docet Ferrar. 2. contra Gentes cap. 70. vbi distinguit in agentibus creatis duplicem vim agendi, vnam permanentem & firmam, quæ est propria & naturalis potentia; aliam vocat intentionem diuine virtutis habentem Esse incompletum, quam vult conuenire rebus, quando actualiter operantur tanquam diuinæ virtutis instrumenta; & sine dubio videtur omnino necessariò admitti debere esse aliqua motio aut influxus primæ causæ, qui se teneat intrinsecè in ipsa causa secunda, ab ijs qui sustinent actionē creaturæ esse aliquid intrinsecū in ipso agente, superadditum siue superueniens ipsi potentie actiue, quia hoc qualecumque ens sit, non magis potest à solā causā secundā poni in suo esse, quam secundum alios potest ipsa eius actio poni in subiecto seu passo sine simili motione aut concursu primæ causæ: est enim vtriusque hic par ratio.

D. Thom. autem omnino videtur sensisse actionem esse in ipso agente tanquam subiecto, nam 2. contra Gentes cap. 9. ita scribit: Actio quæ non est substantia agentis, inest ei sicut accidens subiecto, & ideo inter nouem prædicamenta computatur, & q. 7. de Potentiā artic. 9. ad 7. Actio vt actio (inquit) consideratur vt ab agente, in quantum verò est accidens consideratur vt in subiecto agente: & fauet Philosophus, qui

quæ 3. Phys. c. 2. docet, actionem esse formam & actum & perfectionem agentis, licet ex alijs locis plerique oppositum colligant: Caiet. verò 1. p. q. 25. id ex professo docet, & tenet alij plures, quare licet multum illam motionē ex parte causæ primæ requisitam à D. Th. accipiant tanquā necessarium principium per se & propriè dictum respectu actionis causæ sec. & quidem tale, vt ad illud positum necessariò moueat & agat causa sec. magis tamen probanda est sententia principium illam motionē non tanquam principium per se actionis causæ sec. sed tanquā conditionē requisitam, quæ hactenus rectè ponitur necessaria, quatenus ad omne id quod fit aut est, siue per modū effectus stabilis & permanentis, siue per modū actionis aut tendentiæ ad effectū, requiritur necessariò immediatus influxus causæ primæ, puta in quātum omne creatū necessariò est dependens immediatè à causa primā, quam proinde dependentiā habet actio causæ sec. ratione istius motionis causatæ à primā, quā iuxta D. Tho. dicitur causa sec. moueri vt agat, non quidē moueri tempore antecedenter, neq; motu aliquo distincto ab ipsā actione causæ sec. sed quodam primæ causæ influxu, qui ipsi actioni causæ sec. identificetur, & sine quo nō possit actio egredi à secunda causa, siue actio ponatur subiectiue in patiente, siue in agente, vt videtur posuisse D. Tho. quod proinde existimamus ei fuisse fundamentū ita virgendi motionem causæ primæ, quā ascribitur sec. causæ, quæq; in ea recipiatur.

72 Vnde 1. p. q. 105. a. 5. cum sibi obieisset contra operationem causæ primæ quā illa dicitur operari in sec. agente, & ratione cuius primum agens dicitur mouere secundū ad agendum, quod vna operatio nō possit esse simul à duobus operantibus, non responder aliam esse operationem seu motionem causæ primæ, & aliam esse operationē causæ sec. sed admittendo esse vnā eandemq; operationem, dicit quod vna & eadē actio non procedat à duobus agentibus eiusdem ordinis, nihil autē prohibere, quin vna & eadē actio procedat à primo & sec. agente. Quod autem ibi loquatur non de externo effectū ad quem per suas actiones causa prima & sec. concurrunt, sed de ipsā actione, quā diximus ex mētē D. Th. esse in agēte, colligitur ex Corpore vbi distinguit in actionē & effectum actionis, ponens effectum actionis in materia tanquam in subiecto, non sic actionem; Ergo

73 Dicimus, communia ista dicta, cōmodè esse intelligenda: & quidem primū ac sec. habere eundē sensum: nihil; aliud significari quando causa sec. dicitur nō mouere nisi mota à primā & nisi à primā applicata,

quā quod ad omnem actionē causæ sec. debeat concurrere causa prima, vnde quia ista actio est quidam effectus ipsius causæ primæ à voluntate Dei dependens & receptus in causa secunda; supposito quod actio causæ sec. sit in agente; hinc eā ipsa dicitur sec. causa moueri à primā, sed quatenus ipsa causa sec. eandem actionem producit, eatenus dicitur per eam agens, seu agere. Aristotelis autem ratiocinatio etiā hoc sensu bene procedit, nam ex eo quod per experientiam quodammodo obseruatur vnumquodq; agens secundū dependere semper in sua actione ab alio simul mouente seu agente, possumus colligere deueniendum tandē esse ad aliquod primum agens, cuius actio, vt actio, nō sit dependēs ab alio mouente, quia alioquin esset admittendus progressus in infinitum, vt ibi ait Philosophus.

74 Similiter quoq; ob eandē rationē dicitur primū agens applicare secundū quia licet motus primi agentis nō sit tempore prior, tamē naturā & secundum nostrum apprehendendi modum concipitur prior, in primis, quia vniuersalior est, ipse enim loquendo in genere, potest esse sine actione causæ sec. non potest autem actio causæ sec. esse sine illo. Deinde quia semper in actū primo adest paratus, vt sic quodammodo tanquam semper præsens habeatur; atque ita apprehenditur causa prima tanquam prius causans & applicans secundā, idq; eō cum maiori fundamentū, quia motionē illā præbet secundum diuinæ suæ providentiæ rationem & modum; præstat enim illam in ordine ad commune bonū vniuersi prout iuxta sapientiam suam disposuit de toto temporū seculariū decursu, nempe ordinando vel ipse facere, vel saltē sinere vt fiant (vt ait Aug.) quæcūq; fiunt; atq; ita tanquā vniuersale agens dicitur applicare causas sec. ad agendū: & quia virtus creata nō potest esse tam perfecta, vt absq; cōcurrentiā illa & motione causæ primæ ab eā possit exire actio, hinc etiā rectè dicitur causa sec. agere in virtute causæ primæ, quāuis D. Th. velit hoc solum habere locum, quatenus causa secunda attingit ipsum Esse effectus, quod vult specialiter pertinere ad ipsam causam primam: sicuti securis non dicitur specialiter agere in virtute artis, quatenus attingit formā lecticę vel domus, sed quodammodo suā virtute quatenus nudè attingit incisionem ligni, quod D. Tho. indicat q. 3. de Potentia a. 7. & clarè explicat 3. contra Gentes c. 66. in fine, vbi sic scribit: Igitur Esse, est proprius effectus primi agentis, secunda autem agentia, quæ sunt quasi particularantes & determinantes actionē primi agentis, agunt sicut proprios effectus, alias perfectiones, quæ determināt Esse: &

Y infra

infra, Esse igitur cuiuslibet existentis est proprius effectus eius (videl. Dei) ita quod omne quod producit aliquid in esse, hoc facit in quāto agit in virtute Dei. Ob eadē rationes iā explicate potest intelligi dici, quod causa prima excitet secundā ad agēdum, licet sermo hic non ita frequens sit.

75 Potest tamen & speciali ratione hoc attribui primæ causæ, sicuti & ipsū applicare; quia scilicet prima causa indidit omni creature naturalem appetitū ad consequutionem sui finis, ex quo appetitū originem trahit omnis operatio cuiuslibet agentis, siue naturaliter siue liberē operetur; nam & natura nō agit nisi propter finem, nec voluntas nostra se mouet nisi ex appetitū & inclinatione ad bonum, atque adeo si hanc inclinationē tollas, quam solus Deus tum volūtatī tū alijs agentibus tribuit, cessabit omnis actio; quia appetitus est qui excitat & applicat virtutes ad suas operationes: quemadmodū dicitur excitare vel ad mouere aliquē ad opus non tantum qui vim adfert, sed etiam qui affectum aliquē ingenerat, cuius instar est naturalis inclinatio cuiusq; rei, quæ videtur sese habere ad modum magis cuiusdā actualis motionis, quā habitualis tantum, vt sit quasi motus quidem stabilis, si possit hic intelligi, vt ait Aug. l. 4. de Gen. ad Lit. c. 12. ita tamē quod effectus eius in agētibus naturalibus impediri possit ab extrinseco, & in liberis ab intrinseco siue ab ipsā voluntate cui est impressa, licet inclinatio ipsa nō possit extinguī. Quando tamē omnis operatio intellectus cessat, tunc quodammodo est sopita: vnde nec operatio voluntatis tunc esse potest. Vide dicta sup. q. 9. a. 6. & q. 10. a. vlt. Quod verō D. Th. & alij nonnulli cōparēt motionem illam causæ primæ, quā dicitur applicare causam secundā cum applicatione quā artifex applicat instrumenta artis ad opus, sine dubio comparatio eiusmodi est commodē intelligenda, ita vt non per omnia intelligatur constare, quod nullus saltem Catholicus negare potest loquendo de actibus voluntatis siue bonis siue malis formaliter; quia licet instrumentū ab artifice liberē applicetur, nullus tamen dicit quod liberē scindat, contundat, vel aliquid simile efficiat, & tamen secundum fidē, certū est, quod ista applicatio ex parte causæ primæ sic debeat intelligi fieri, vt nihilo minus voluntas hominis moueat sese liberē, siue ad bonū siue ad malū. Vnde iuxta sensum quo diximus communia illa dicta esse intelligenda, etiam hæc cōparatio accipienda est, neque vltērius extendenda, quantū videlicet est ex parte generalis & vniuersalis motionis primi motoris, quā dicitur ad omnes actiones mouere vel ap-

plicare causas secundas: quod addo, quia loquendo tantum de actionibus bonis & potissimū de supernaturalibus, dicendus est Deus pluribus alijs particularibus modis excitare, mouere, & applicare hominis voluntatem ad opera sancta. Verū de istis modis in Tractatu de Gratia agemus.

Ad authoritatem deniq; D. Th. quæ allegatur ex 1. p. q. 105. a. 1. & verbotenus ita sonat: Hoc ipsum quod causæ secundæ ordinātur ad determinatos effectus est illis à Deo, Respondetur eam nihil ad rem facere, quia tantum agit ibi D. Th. de naturalibus agentibus quæ naturaliter produciunt effectus determinatos sibi similes in specie: contra hoc enim quod docebat Deū posse immediatē per se mouere materiam ad formam, siue formam aliquā in materia producer, obiecerat sibi determinatū esse dependere à determinatis causis particularibus, vnde apparebat quod proprię rerum formæ non possint immediatē à Deo produci line causis particularibus: Ad quod proinde R. N. C. & pro ratione assignat, quod non sic dependeat à particularibus causis, quin etiā Deus per se id possit; quod ex eo declarat, quia ipse est qui instituit & ordinatū particulares causas singulas ad suos effectus particulares & determinatos: quod si ipse id sic instituit & ordinauit, nō oportet illi negare. quin possit etiam illos particulares effectus per se immediatē producere non minū, quā cum ipsis causis particularibus. D. Th. itaq; quando dicit, Hoc esse causis sec. à Deo quod ordinentur ad effectus determinatos, non loquitur in primis de determinatione causæ sec. quoad exercitiū actus, vt euidentissimū ex textu euadit; deinde non vult etiā hoc esse ita esse à Deo quāsi in singulis actionibus per singulas præuenientes motiones determinet causas sec. ad talem vel talem speciem actus, sed solum quod in totius vniuersi creatione instituerit & ordinauerit causas sec. particulares & determinatas, quæ sibi conformes effectus particulares & determinatos producerent, quibus proinde causis sec. adscribenda est determinatio suarū actionum, quotiescumq; agunt, quoad specificationem & alias particularitates, quod tanquā certissimū D. Th. ibi supponit, licet simul necessaria sit motio causæ primæ, cui principaliter attribuit ipsum Esse effectus, sicuti causæ sec. tanquam effectus proprios attribuit alias perfectiones & particularitates determinatas ipsū Esse; vt patet lo. cit. 3. cōtra Gēt. c. 66. similiter 1. 2. q. 9. a. 6. expressē dicit, quod Deus vt Motor vniuersalis moueat volūtatē ad vniuersale obiectū volūtatē, quod est bonū, sed quod homo se determinet per rationē ad volendum hoc



dum hoc vel illud bonum quod est verè bonum vel apparens bonum.

79 Vnde evidentissimum est ex mente D. Th. determinationē actionis causę secundę quoad specificationē pendere ab ipsa causā secundā, non ex motione causę primę, vt motoris vniuersalis, quam videtur ponere concurrere quodam communi & indifferenti influxu, quē Bellar. sup. explicat exemplo solis; quemadmodū enim, inquit, ad productionem hominis concurrat sol cum homine, sed non ideo qui nascitur est homo, quia producit a sole, sed quia producit ab homine, potuisset enim per eundem solis concursum produci bos, aut equus, si talis fuisset causa secundā; & si fortē defectus reperitur in homine recēs nato, nemo refert causam defectus illius in solem sed in hominem generantem, quia per solis concursum potuisset generari homo perfectus si nullus fuisset defectus in causā particulari, ita quoque habet se cōcurfus causę primę ad actiones & effectus causarum secundarum.

80 ● Ad rationes verò subiunctas auctoritati D. Tho. Respondetur ad primā quod secundum doctrinā D. Thomę accidentia in quorum numero reponit actiones, determinentur ad Esse indiuiduum per indiuiduum subiectum in quo recipiuntur, sicuti & aliarum rerum materialium principium indiuiduationis posuit materiam, atque ita determinationem actionis quoad indiuiduationem iuxta D. Th. non esse referendam in causam primam. Quidam tamen existimant nō posse sufficienter in causis secundis fundari principium indiuiduationis, qui proinde admittunt determinationem actionum quoad Esse indiuiduū attribuendam esse causę primę; quod Suarez disp. 22. suę Metaphysicę, Sect. 4. n. 3. dicit docuisse probabiliter Greg. in 1. dist. 17. q. 4. a. 2. ad 7. Sed quidquid de principio indiuiduationis sit (quam disputationem philosophis relinquimus) satis nobis est, quod determinatio actionis quę mala est, neque quoad specificationem, neque quoad exercitium, adscribatur primę causę, quia exinde pendet omnis culpa & omne malum, quod quis determinet voluntatem ad speciem male actionis, & ad ipsius exercitiū: quod autem exeat hoc indiuiduum potius quā istud, quando vtrumque est eiusdem rationis per omnia, non habet particulare malitiā. Vnde si ista determinatio, vt quidā volunt, à prima causā pendeat, non poterit tamen idcirco haberi auctor vel causa peccati, potissimum, quia sicuti ipsum vniuersalem concursum ad omnem actionē ex officio subministrat, vt causę secundę iuxta naturam & ordinem suum agere

valeant, sic quoque illam determinationem indiuiduationis exhibeat, quia causę secundę infirmę & impotentes sunt ad actus suos indiuiduandos, sicuti sine cōcurrentia causę primę sunt insufficientes ad agendū.

Ad alteram rationē, quę specialiter procedit contra causam liberam, respondet D. Tho. 1. parte q. 105. a. 1. ad 2. vbi eandē sibi obijcit contra id quod dixerat Deum per se proximē mouere posse materiam ad aliquam formam, respondet inquam, quod ratio ista procederet, si Deus ageret ex necessitate naturę; sed quia agit per voluntatem & intellectum qui cognoscit rationes proprias omnium formarum & non solum vniuersales, inde est (inquit) quod potest determinare hanc vel illam formā imprimere; quandoquidem igitur homo etiam agit per voluntatem & intellectū qui cognoscit diuersas species actionis, & contrarios actus voluntatis, inde etiā fit, quod licet ex se, non sit ad vnum determinatus, possit tamen ipse sese determinare ad vnum, & determinatē huius vel illius rationis actum elicere, quatenus in singulis videt rationē boni (siue veri, siue apparentis) in quā in communi inclinat voluntatē creatā causa primā: ipsa autē voluntas per rationē sese ad hanc vel illam determinat, vt loquitur D. Thom. sup. Neque multum differt hæc responsio ab eo quod Suarez respondet ad eandem difficultatem sup. sect. 2. n. 34. quin eius potius fundamentum continere videtur: dicit enim ille quod dicta ratio locum non habet quando potentia est indifferens per completam virtutem ad vtrumque; oppositorum, & per dominium in suum actum, prout est voluntas cum intellectu: quod evidentissimē patet ex diuinā voluntate, quę est indifferens ad plura obiecta & effectus creatos, ipsaq; sese determinat ad eos ad quos voluerit; quia voluntas & intellectus sunt sufficiens principium & virtus ad vtrumque; oppositorum, & sese determinandi, tū ad hoc, tum ad illud: cuius efficacię & dominij quandā participationem acceperit voluntas creatā, tum nostra, tum angelica: tunc igitur obtinet ratio obiecta locum, quando potentia ita est per se indifferens, vt sit incōpleta & insufficientis ad aliquem determinatum actū. Ceterum quamuis dicamus determinationem actionis quoad specificationem esse à causā secundā, non tamen idcirco negamus totam actionē secundum omnes suos gradus reales esse quoque à Deo, sed dicimus limitationem actionis quoad speciem non provenire ex modo quo concurrat Deus, sed limitationem provenire ex ipsa causā secundā, vt supra ex Bellar. explicatum est per exemplum solis & hominis.

Y ij Ex di-

83

Ex dictis facile etiam erit saluare & declarare subordinationē causæ secundæ ad primam etiam si actionis determinatio quo ad speciem attribuitur causæ secundæ, & in causis liberis etiam quoad exercitiū actus; in primis, quia causa secunda omnem suam virtutem habet à primā: deinde quia virtus illa nō potest exire in aliquem actum, nisi dependenter à prima causa simul agente: denique quia non potest agere absq; inclinatione & appetitu naturali, quē à causa prima recipit & quo quasi continuō excitatur ad actionem, & quodammodo applicatur, sicuti suprà id explicuimus.

84

Obijcitur Secundò: qui præbet, v.g. alteri gladium quo scit illum malè vsurum, is peccat, atque adeo malefactum illi describitur, etiam si non determinet alterum ad malum vsū; ergo videtur quod etiam Deus peccet, aut saltem illi adscribendæ sint malæ hominum actiones, hoc ipso quo præbet eis suum concursum vniuersalem sine quo malè agere non poterant; R. N. C. ratio diuersitatis est, quia tenetur vnusquisque habere curam de proximo, prout vnicuique; demandauit Deus, & proinde tenetur auertere iniuriā à proximo, qui lædendus est, quantum potest, & simul etiā impedire peccatum alterius qui lædere intendit; & idcirco peccat qui præbet ensē illi, quem nouit eo malè vsurum. Nihilominus tamen posset subesse talis ratio, vt etiam non peccaret præbendo, v.g. si absq; vitæ suæ periculo, vel absq; reip: pernitiæ recusare non posset; Deus verò quia est vniuersalis prouisor vniuersi, primā habet curam generalis gubernationis, vnde non tenetur particularium causarum singulos defectus impedire cum perturbatione ordinis à se sapienter instituti, subtrahendo scilicet auxilium naturæ creatæ ad suā operationem necessarium & quasi debitum; idque eò minus, quia illis ipsis defectibus suā sapientiā & potentiā nouerit bene vti, & inde multa bona elicere, quæ ad finem totius cōditæ creaturæ, scilicet ad ipsius Cōditoris gloriificationē, habeant plurimū momenti, ita vt licet sint quædam turpitudines & deformitates particulares, tamen spectando eas in toto decursu rerum secundum diuinam prouidentiam disposito & ordinato, non deformant ordinem vniuersalem, sed etiam ex ipsis seu ex ipsorum occasione quodammodo perfectior & illustrior ipse euadat & appareat: vt pulchrè docet D. Aug. lib. 1. de Ordine. Hinc itaq; fit, quòd sicuti sup. diximus, licet Deus physicè concurret ad actiones, quæ malæ sunt, tamen loquendo moraliter, censetur tantum permissiue ad eas se habere, tū quia voluntas creata est causa determinationis

quo ad specificationem & exercitiū, tum quia præbet illum concursum ex debito quasi officio, quod prætermittere non debet, etiam si alter sit eo malè vsurus, quia commune bonū non debet omitti propter alicuius priuati malitiæ: quemadmodum quando Pastor præbet Sacramentum Eucharistiæ occulto peccatori publicè petenti, licet aliquid physicè conferat ad illā summptionem, tamen moraliter loquendo tantum permissiue iudicatur sese habere ad indignam illam summptionem, neque censetur crimini alterius cooperari, quia ex officio, & secundum legem Christi non debet ei recusare.

85

Obijcitur Tertiò: quidquid est causa causæ, est etiam causati causa; ergo quandoquidem Deus est causa voluntatis quæ est causa malæ actionis, nec tantum sit causa potentie, sed etiā causa materialis actionis cui adheret deformitas, erit etiam simpliciter & absolute causa peccati, atq; adeo ipsius deformitatis. R. N. C. ac in primis id non sequitur ex eo quòd Deus est causa voluntatis siue liberi arbitrij, quia illud axioma per se locum non habet, quando descenditur à causa physicā, vt tali, ad causam moralem vt talem: quod multis exemplis potest declarari: sic pater est causa filij, & tamen non idcirco habetur moralis causa malarum actionum, quos filius suo tempore exercet, quia vt moralis causa earum habeatur, non satis est quòd quouis modo aliquid ad earum esse, vel ad esse causæ ipsarum contulerit, sed quod vel ex illā intentione id fecerit, vel certè id contulerit quod conferre prohibebatur, quorū neutrum obtinet in eo, quòd pater generet filium: similiter nec in eo quòd Deus exhibeat concursum generalem, vel quòd producat voluntatem creatam. Deinde etiam nō sequitur ex eo quòd Deus concurrat ad ipsam actionem, cui malitia est annexa, idque propter hæc duo; Primò, quia Deus non prohibetur concursum suum præstare, quia quod sui muneris est exequitur, quando illi præbet: Secundò, quia deformitas vel malitia nō adheret actioni ex ea parte, quā pendet à Deo, quia ex illo nō habet quod sit determinata ad hanc vel illam speciem vnde malitia nascitur, sed hoc prouenit ex causa secunda: quare non debet, nec potest ista deformitas Deo tanquā causæ adscribi; sicuti si duo simul ducerent nauem in altum mare, & vnus malè dirigeret vnde submergeretur, quamuis vterq; duxisset nauem, tamen vnus solus diceretur submersisse nauem, quia submersio nō accidit quatenus ductio naui ab isto pederat, sed tantū quatenus ab hoc, qui imperitè & contra regulas artis ducebat.

Obijcitur

86 Obijcitur denique: si Deus non debeat nec possit dici causa malæ actionis siue peccati non poterit etiam dici causa actionis bonæ: quod est absurdum, ergo &c. R. N. C. inprimis, quia concurrit multis particularibus modis ad actiones bonas, quibus non concurrit ad malas, ratione quorum potest meritò dici, atq; adeo simpliciter quoq; est causa & author actionū bonarum. Deinde etiā persistendo in solo concursu generali, neganda quoq; est consequentia: & ratio est, quia Deus ex proposito & ad eum finem cōfert suum influxum, vt benè operemur, sicuti & ad bene operandum nos creauit. Vnde præter eius est voluntatem & intentionem, quod concursu eius mediante peccemus; quare in eo abutimur bonitate & dono Dei, vt docet D. Aug. lib. 3. de Libero arbit. c. 1. & 6. Huc accedit, quod Deus hortetur ad actiones bonas & eas præcipiat; è contra verò deterreat à malis & prohibeat, quia igitur eius concursu vtimur iuxta intentionem ipsius & mandatum, quando bene operamur, meritò censetur ipse quoque illius operis author; non autè operis istius in quo contra eius mandatum & voluntatem, abutimur ipsius largitate.

### ARTICVLVS III.

*Utrum Deus sit causa excœcationis & obdurationis?*

87 **R**espondet D. Thomas excœcationē & indurationē importare duo, quorum vnum (inquit) est motus animi humani inhærentis malo, & auersi à diuino lumine: alterum verò est substractio gratiæ, vnde sequitur quod mens non illuminetur diuinitus, neque cor emolliatur ad bene viuendū. quantum ad prius, Deus non est causa excœcationis vel obdurationis, quemadmodum neque author est peccati, quia motus ille peccatum est; quantum verò ad posterius ipse est causa excœcationis & obdurationis; quia iuxta iudicio lumen & auxilium gratiæ conueniens non elargitur. Dicitur itaq; in Scripturis sacris Deus indurare, & excœcare corda, non quidem impertiendo malitiā, sed non impertiendo misericordiam, & quædam aliquando potenter operando, vnde homines suo vitio occasionem obdurationis accipiunt, vt articulo præc. fuit explicatum, & docet D. Aug. diuersis locis, vt Tract. 53. in Ioannem, lib. 5. contra

Iul. c. 3. lib. 1. ad Simpl. q. 2. & epistolā 105. sicuti & alij PP.

88 Obseruandum tamen est, non propter qualemcumque denegationem misericordiæ, siue non propter qualemcumq; gratiæ aut diuini luminis substractionem, Deum dici indurare vel excœcare; sed tunc demum propriè & secundum modū loquendi Scripturæ sacræ, quando id facit certo iudicio propter demerita & peccata præcedentia; nam sicuti v. g. Sol non propriè diceretur obscurare locum, quia non immittit radios ad locum vbi fenestriæ non sunt apertæ, ita quoque nec Deus diceretur propriè excœcare, si purè & merè haberet sese negatiue in non præbendo lumine absque aliquo iudicio: vnde aliquid amplius hic debet accedere, nempe quod diximus, vt simul aliquid Dei iudicium concurrat, & ex certis respectibus ad demerita prætermittat lumen & auxilium gratiæ præstare.

### ARTICVLVS IV.

*Utrum excœcatio & obduratō semper ordinentur ad salutē eius qui excœcatur & obduratur?*

89 **C**onclusio D. Thomæ est: Excœcatio ex sua natura, ordinatur ad damnationem, sed aliquando excœcatio, quæ ad tempus est, ordinatur ex diuinā misericordiā medicinaliter ad salutem eius, qui excœcatur. Prior pars declaratur, quia ad diuini luminis substractionem sequuntur mentis tenebræ, ad tenebras autem illas per se natæ sunt sequi ruinæ & lapsus in peccata, ad peccata autem nata est sequi damnatio; atque ita excœcatio quantum est ex eius ratione & naturā tendit ad damnationem illius, qui excœcatur. Declaratur pars posterior, quia vt docet D. Aug. lib. de Natura & Gratiæ cap. 22. & 35. permittit aliquando Deus quosdam cadere, vt peccatum suum recognoscentes humilientur & conuertantur: quod tamen diuinæ misericordiæ est adscribendum nō ipsi peccato: nam Deus est, qui facit omnia cooperari electis in bonum, quando eis dat, vt peccata & peccatorū turpitudinem recognoscant, & recognoscendo eorum occasione sese humilient, illa detestentur, de illis doleant & de cætero cum timore & tremore salutem operentur.

## Q V Æ S T I O L X X X.

## De causa peccati ex parte Diaboli.

*In quatuor articulos diuisa.*

## ARTICVLVS I.

*Utrum diabolus sit homini directe causa peccandi?*

**C**ONCLUSIO D. Thomæ est: Diabolus non est causa peccati directe, vel sufficienter, sed solum per modum persuadentis, vel proponentis appetibile. Sensus est, quod Diabolus per se & immediate non moueat voluntatem ad peccatum, sed tantum habeat proponere obiectum appetibile, & proponendo allicere & suadere, sic tamen ut non sit causa sufficiens, id est, non sit talis causa, ad quam necessarium sequatur peccatum. Constant hæc ex discursu, quem facit D. Thomas in Corpore.

## ARTICVLVS II.

*Utrum Diabolus possit inducere ad peccatum, interius instigando?*

**C**ONCLUSIO D. Thomæ est affirmatiua: non quidem proxime mouendo rationalem voluntatem vel intellectum; sed operando circa phantasiam, vel appetitum sensitivum: circa istam efficiendo quod variæ formæ imaginationi represententur, circa hunc verò, quod diuersis concitetur passionibus: qualia operari & curare potest mediante humorum locali motione, ut docet D. Tho. hic, & 1. parte q. 100. Inde autem contingere solet, quod intellectus tanquam boni & amplectendum apprehendat & proponat, quod malum est, & fugiendum, ac similiter quod voluntas idem prosequatur & amplectatur.

## ARTICVLVS III.

*Utrum Diabolus possit necessitatem inferre ad peccandum?*

**C**ONCLUSIO est negatiua: ratio est, quia non potest inferre vim voluntati, nec per se illam immediate mouere. Vnde rectè Beda ad illud Diaboli apud Matthæum cap. 4. *Mitte te deorsum*, ita scribit: Hic ostenditur, quod Diabolus qui omnes vult cadere, persuadere possit, sed præcipitare non possit: & D. Hieronymus in cap. 19. Matthæi: Diabolus adiutor esse & incensor malorum cogitationum potest, auctor esse non potest. Similiter Prosper ad 1. obiectionem Vincentianam: Et si Diabolus (inquit) delectatus est furore peccantium, probaret tamen se non intulisse vim criminum. Sed quæ ad materiam huius articuli pertinent, iam supra diuersis locis explicata sunt & præfetim q. 9. & q. 75.

## ARTICVLVS IV.

*Utrum omnia peccata hominum sint ex suggestione Diaboli?*

**C**ONCLUSIO D. Thomæ est: Quod Diabolus non sit causa omnium peccatorum, ita ut ipse singula persuadeat, vel ad singula adducat; sed quod homines multa committant propria infirmitate. Probat ratione desumpta ex Origene, quia (inquit) etiam si Diabolus non esset, tamen homines haberent appetitum ciborum & venereorum & aliorum similium, qui posset esse inordinatus, nisi ratione ordinaretur; hoc autem penderet à libero arbitrio, quod sicuti nec modò ita necum semperungeretur rectè munere suo. Notat tamè D. Thom. Diabolum aliquo modo, nimirum occasionaliter dici posse omnium peccatorum causam, quatenus videlicet est causa lapsus primi hominis, per quem tota posteritas procliuis facta est ad peccandum: quemadmodum, ait, qui ligna exsiccat, diceretur eorum combustiois causa, propter videlicet dispositionem propinquam, quam inducit ad ignem concipiendum. Vnde & in Scripturis peccatum absolute & quasi vniuersaliter Diabolo adscribitur: 1. Ioannis 3. *Qui facit peccatum ex Diabolo est.*

Q V Æ S T.

# Q V Æ S T I O L X X X I.

## De causa peccati ex parte hominis per originem.

*In quinque articulos diuisa.*

### ARTICVLVS I.

*Utrum primum peccatum primi Parentis traducatur per originem in posteros?*

**S**IT conclusio vnica: Primum peccatum primi hominis originaliter transit in posteros, non tantum ratione punarum quatenus ob illud nascimur mortales, & multis miserijs obnoxij, neque solum titulo imitationis quatenus ad primi Parentis exemplum contingit nos quoque Dei legem transgredi & peccare; sed transfusione veri nominis peccati seu culpæ. Est dogma Fidei Christianæ, & quidem vnum ex fundamentalibus: nam vt docet D. August. lib. de Peccato orig. cap. 24. In causa duorum hominum, per quorum vnum venundati sumus sub peccato, & per quorum alterum redimimur à peccatis, propriè fides Christiana consistit: & lib. 1. contra Iul. cap. 6. ita scribit, Quisquis in Christianâ fide vult labefactare quod scriptum est, *Per hominem mors; & per hominem resurrectio mortuorum, & sicut in Adam omnes moriuntur ita & in Christo omnes viuificantur*, totum quod in Christum credimus auferre molitur.

Primus autem fuit Pelagius qui hanc doctrinam impugnare cepit, vt testatur Aug. l. de Peccato orig. per aliquot prima capita: vnde & idem Aug. alios complures libros pro defensione huius dogmatis fidei contra Pelagium conscripsit, nempe duos qui inscribuntur, de Nuptijs & Concupiscentijs Peccatorum meritis & remissionibus: quatuor ad Bonifacium contra duas epistolas Pelagianorum, & sex contra Iulianum: & ab initio quidem debebat Pelagius Adami peccatum ipsi soli nocuisse non posteritati, nos verò nasci sine virtute & vitio, mortem autem & omnes infirmitates ex naturali conditione hominis sequi, quibus etiam Adamum volebat futurum obnoxium, quamuis non peccasset, vt scribit Aug. lib. de Hæresibus c. 83. sed postmodum discipuli eius argumentis Catholicorum conuicti de eo, quod primus ho-

mo non fuisset moriturus si non peccasset, quodque per peccatum factus mortalis generauerit morti obnoxios filios, ceperunt docere mortem corporis trahi per generationem ex Adam, & sic ipsum nobis nocuisse; non autem trahi peccatum quod est mors animæ, vt refert idem Aug. lib. 4. ad Bonifacium cap. 2. & 4. Sequuntur autem Pelagium hoc tempore Anabaptistæ, vt refert Bellar. lib. 4. de Statu peccati cap. 2. Pelagij verò discipulos sequuntur Swinglius, Iacobus Faber & plures alij nostri temporis hæretici. Sed contra eos omnes

Probatur conclusio, Primò ex Scripturis: Iob cap. 14. *Nemo mundus à sorde nec infans cuius est vniuersa vita super terram: quem locum sic allegare solent D. Aug. & Alij PP. ex versione Septuaginta Interpretum; vel vt vulgata Lectio habet; Quia potest fieri mundus de immundo conceptum semine: nonne tu qui solus es breues dies hominis sunt &c.* vtrovis autem modo legatur, ducitur inde firmiter argumentum pro peccato originali, & quidem iuxta Vulgatam, quia hæc in primis manifestè significat & supponit hominem omnem de immundo semine conceptum esse immundum; atque adeo semen omne immundum esse: quod autem illa immunditia, de qua ibi sermo est, non sit corporalis, sed spiritalis, satis ostendit Scriptura, quando dicit: quòd Deus solus possit ab illâ mundare, cum alioquin homines ab immunditiâ corporali possint sese mundare. Accedit quòd solet etiam alibi sumi immundities pro peccato: Isaïæ 64. *Facti sumus vt immundus omnes nos, & quasi panis menstruatus vniuersa infirmitas nostra.* Iuxta versionem autem Septuag. argumentum est longè clarius, vt ex verbis ipsis per se constat: Psal. 50. *Ecce in iniquitatibus conceptus sum, & in peccatis concepit me mater mea: neque eneruatur vis argumenti ex hoc loco, quia dicitur pluraliter, in iniquitatibus & in peccatis, cum peccatum originale sit vnum in singulari, non multa: primò quia in hæbreo est numerus singularis; vnde D. Hier. & alij plures in singulari reddiderunt in peccato, & in iniquitate: secundò, quia sæpius ponitur numerus pro numero,*

tum apud sacros tum apud prophanos Scriptores, vt notat occasione huius materiæ D. Aug. Enchirid. c. 44. Accedit præterea, quod in peccato illo primo Adami, à quo causatur originalis culpa, multæ fuerint iniquitates, vt superbia, infidelitas, inobedientia &c. & hinc fit, quod peccatum nostrum originis non incommode sic exprimitur in numero plurali ad significandam pluralitatem iniquitatum, quæ concurrerunt in peccato actuali, à quo habet ortum, vt docet idem Aug. Enchirid. c. 45.

4 Neque subest fundamentum detorque- di hæc verba Prophetæ ad peccata suorum parentum, quæ ipsi commiserunt in actu generationis, tum quod constat Dauidem non ex adulterio aut fornicatione, sed ex legitimo coniugio natum, vnde non habuit occasionem quare præsumat & confiteatur peccatum parentum commissum in suâ ipsius generatione, tum etiam quod conceptio distinguatur ab ipso actu concubitus, peccatum verò si quod concurrat in generatione, illud adhærere solet actui concubitus, non conceptioni & formationi foetus: dicit autem Dauid se conceptum in peccatis, quam differentiam etiam manifestius importat vox Hebraica, vt notat Bellar. sup. cap. 4. Ioannis cap. 1. Ecce Agnus Dei, ecce qui tollis peccata mundi, vbi in Græco legitur in singulari, Ecce qui tollis peccatum illud mundi, quo non designatur aliud quam peccatum hoc commune, quod per vnum hominem in hunc mundum intravit: 2. ad Cor. 5. Si vnus pro omnibus mortuus est, ergo omnes mortui sunt: & pro omnibus mortuus est Christus; quod si verò omnes mortui sunt, vt hic vult Apostolus, igitur necesse est agnoscere aliquod peccatum, quo etiam paruuli recenter nati mortui sunt: nam etiam pro his mortuus est Christus, quod non potest esse aliud quam quod per originem ex primo Parente trahunt: constat enim quod hi proprio actuali peccato mortui non sint, cum nullum rationalis voluntatis actum habere potuerint. Vnde & idem Apostolus ad Eph. cap. 2. scribit, *ERAMUS NATURA FILII IRÆ*, id est, à natiuitate propter culpam scilicet quam ex Adamo per generationem trahimus.

9 Pelagius ad subterfugiendum argumentum huius loci volebat interpretari nomē Græcum quod noster Interpres vertit, *Naturā*, per aduerbium *Prorsus*, quasi vox Græca esset ambigua, contra quem ita scribit Aug. lib. 6. contra Iul. cap. 4. Quod autem dicis, vbi ait Apostolus *Naturā filij iræ* posse intelligi, *Prorsus filij iræ*, nonne hinc admoneri debuisti antiquā contra vos defendi fidem, quia non ferè inuenitur Latinus Codex, si non à vobis nunc incipiat

emendari, vel potius in mendum mutari, vbi non, *naturā*, sit scriptum, quod vtiq̃ue cauere debuit Interpretum antiquitas, nisi etiam fidei hæc esset antiquitas, cui cepit vestra nouitas resistere: qui locus August. bene notandus est cōtra omnes passim hereticos, qui vt nouitatem doctrinæ suæ stabiliant, solent semper recurrere ad nostras versiones siue interpretationes: rectè autem tem D. August. ex eo quod lectio talis sit antiqua, colligit illam fidem esse quoque antiquam, quia alioquin iam dudum debuisset mutari & mutata fuisse. Vnde Tract. 44. in Ioannem antiquæ versionis inhærendo ita verba Apostoli explicat, *ERAMUS NATURA FILII IRÆ*, quomodo, inquit, *naturā*, nisi quia peccante primo homine vitium pro natura inoleuit? Ioannis 3. *Qui incredulus est filio, non videbit vitam, sed ira Dei manet super eum*: circa quem locum notat D. Aug. lib. 6. contra Iulianum cap. 12. & lib. 1. de Peccatorum meritis cap. 20. non esse dictum, *Ira Dei venit super eum*, quia iam antea erat, & manet in omnibus filiis Adæ, inquit, nisi per Christum tollatur: Lucæ cap. 19. *Venit filius hominis querere & saluum facere quod perierat*, quo loco vtuntur PP. Concilij Carthag. in epistola ad Innocent. Papam de actis contra Pelagium, quæ est 90. inter epistolas August. Ad Galat. 3. *Conclusit Scriptura omnia sub peccato, vt promissio ex fide IESU CHRISTI daretur credentibus*, id est, Scriptura demonstrat omnes homines esse subiectos peccato, nec posse ad veniam & remissionem peruenire nisi per Christum. Similiter ad Rom. 3. dicitur, *Omnes peccauerunt & egent gloria Dei*: à quibus sententijs nec paruuli excipiuntur, qui & ipsi egent gratiā Dei, quæ per Christum confertur.

6 Deniq; probatur euidentissimè hæc fidei veritas ex cap. 5. ad Rom. Propterea, inquit Apostolus, *Sicut per vnum hominem peccatum in hunc mundum intravit, & per peccatū mors, & ita in omnes homines mors pertransiit, in quo omnes peccauerunt &c.* & infra, *Si enim vnus delicto multi mortui sunt, ac rursus, Per inobedientiam vnus hominis peccatores constituti sunt multi*, hic enim manifestè testatur Apostolus omnes in vno peccasse & sic per vnum intrasse peccatum in mundū quod omnes tenet reos, & reddit condemnationi ac morti obnoxios, vnde ibidem additur, *Nam iudicium quidem ex vno in condemnationem*. Ad subterfugiendā autem vim huius loci excogitata sunt varæ euasiones ab hæreticis: prima est, quod dum dicitur, peccatum intrasse per vnum hominem in mundum, tunc sermo sit tantū de actuali peccato Adæ, quod per vnum hominem dicitur introisse in mundum, quia primum tunc

tunc cœpit aliquod peccatum esse in mundo, quando fuit in Adamo. Hanc explicationem indicat Swinglius lib. de Baptismo in digressionem de peccato orig. Sed contra eam facit inprimis, quod eo sensu loquendo deberet dici potius per vñ spiritū suū per diabolum intrasse peccatū, quia diabolus peccauit ante hominem: deinde quia additur, *Et ita mors in omnes homines pertransiit in quo omnes peccauerunt*, quibus satis declarat Apostolus se velle hoc commune esse omnibus peccasse, sicut & commune est omnibus mori, & proinde intrasse peccatum in mundum; non quia fuit in Adamo solo, sed quia intrauit in totum humanum genus, quod ex Adamo propagatur: quod etiam manifestius significat ista verba, *Per inobedientiam vñus peccatores constituti sunt multi*, id est omnes, qui ex illo nascuntur.

7 Altera euasio est, quod dicant Apostolum non propriè ibi accipere nomen peccati, sed per metonimiam posuisse causam pro effectu, ut dicatur idcirco per vñum hominem intrasse peccatum in mundum, quia humanum genus occupauit infirmitas quædam & pronitas ad peccandum, itē mortalitas & aliæ corporis miserie, quæ sunt pœnæ & quidam effectus descendentes ex primo peccato primi parentis & appellantur idcirco nomine peccati; sed contra facit, quod Apostolus expressè hic distinguat, inter peccatum, quod ponit ut causam, & inter mortem, quæ est eius effectus, dum dicit, *Et per peccatum mors*; ergo per peccatum non intelligit effectum peccati, scilicet mortem: neque etiam dici potest quod intelligat alterum effectum, scilicet pronitatem ad peccandum, quia pronitas per se non est causa mortis, & tamen dicit Apostolus quod per peccatum mors intrauit; ergo accipit peccatum hic omnino propriè, prout peccatum propriè dictum est vera causa mortis: præterea addit Apostolus, *In quo omnes peccauerunt*, & *per inobedientiam vñus constituti sunt peccatores multi*, quamuis autem aliquando peccatum alibi inueniatur positum pro effectu, ut quando concupiscentia dicitur peccatum, tamen non inuenitur quod aliquis dicatur peccare vel constitui peccator ex hoc solo quod sustineat in se effectum aut pœnam peccati alterius. Tertia euasio est, quod dicant peccatum intrasse in mundum & quidem etiam infectisse mundum, sed non propagatione peccati, sed imitatione: ita hunc locum explicauerunt Pelagiani; contra quorum expositionem agit D. Aug. lib. 1. de Peccatorum meritis & Remiss. cap. 9. & sequentibus; item in epistola 89. ad Hilar. q. 3.

8 Et refellitur inprimis, quia eo sensu accipiendo fuisset iterum potius dicendum, quod peccatum per diabolum intrauerit, quàm quod per vñum hominem: nam de diabolo scriptum est Sap. cap. 2. *Imitantur illū qui sunt ex parte illius*; idque eò magis, quod etiam primi homines eius insulationibus & superbiz imitatione peccauerint. Deinde ex eo quod additur, *In quo omnes peccauerunt*: nam licet aliquis de communitate peccatum commiserit, & alij eius exemplo similiter peccent (esto quod possit aliquo modo minus proprio dici peccatum per eum intrare in communitatem) non tamen dicitur idcirco, quod omnes in eo peccauerint, & per eum, seu eius peccatum constituti sint peccatores, potissimum quando agitur, non tantū de præteritis aut præsentibus cōmunitatis mēbris; sed etiam de adhuc futuris; & quidem etiā de talibus, quorum plurimi, nihil de illo exemplo vnquam audierint, & proinde nec imitari propriè possint; imo quorum multi nunquam actualiter peccabunt, prout in præsentī materia sese res habet: nam loquitur Apostolus, non tantū de hominibus natis, sed etiā de nascituris ex Adamo, quos dicit omnes peccasse in illo, quorum etiā plurimi fuerunt & sunt, qui nihil de Adamo aut eius peccato vnquā audierunt, & multi absque actuali peccato ad eius imitationem commissi moriantur; ergo non potest sic exponi Apostolus, ut quod dicit: *Per vñum hominem peccatum intrauit in mundum* & in quo omnes peccauerunt, accipiat dictum propter exemplum tantū & imitationem; sed agnoscendum est, quod iuxta mentem Apostoli in ipso Adamo omnes verè & propriè peccauerint, & quod reatus ille in singulos per generationem traducatur.

9 Præterea ponit Apostolus peccatū esse causam mortis, quæ in omnes pertransiit; non potest autem dici peccatū illud, quod eius imitatione committitur, esse causam mortis omnī: quia ut iam diximus, multi moriuntur, qui nullum peccatum actu personali proprio commiserunt, ut patet in paruulis, qui moriuntur ante usum rationis. Huc denique adduci possunt etiam alia Scripturæ loca, ut quod dicitur Ecclesiastici cap. 40. *Iugum graue super filios Adam, à die exitus de ventre matris eorum. Sapient. 12. Semen erat maledictum ab initio; & Ezech. 16. Quando nata es in die ortus tui, non est præcisus umbilicus tuus &c.* Ex quibus omnibus manifestum euadit, meritò D. Aug. lib. 3. de Peccatorum meritis & Remiss. scripsisse adeo apertam esse in Scripturis doctrinam de Peccato originali, ut etiam aduersariorum argumenta solui non possent, nihilominus

hilominus ei firmissimè esset inhzendum.

- 10 PROBATUR concl. Secundò ex Concilijs, & SS. Pontificibus antiquioribus. Fuit autem inprimis damnata hæresis opposita in Concilio Palæstino, vbi etiam Pelagius compulsus fuit suum errorem reuocare; sed dolose reuocauit, vt postea apud suos se explicabat & excusabat. Huius Concilij meminit D. August. lib. 1. contra Iul. cap. 5. & epist. 106. Concil. Mileuit. Can. 2. ita statuit: Placuit, vt quicumq; paruulos recentes ab vteris matrum baptizandos negat, aut dicit in remissionem peccatorum eos quidem baptizari, sed nihil ex Adamo trahere originalis peccati, quod lauacro regenerationis expietur, anathema sit. Concil. Arausic. 2. ita decernit: Si quis soli Adæ suam præguationem, & non eius propagini asserit nouisse, aut certè mortem tantum corporis, quæ pœna est peccati, non autem & peccatum, quod est mors animæ per vnum hominem in omne genus humanum intrasse testatur, iniustitiâ Deo dabitur tradicens Apostolo dicenti, *Per vnum hominem peccatum in hunc mundum intrauit, & per peccatum mors* &c. Idem docuerunt Concil. Carthag. cui interfuerunt ducenti septemdecim Episcopi, & confirmatum est à Sosimo Pontifice. Concil. Tolet. 11. Can. 1. & Moguntinum Can. 5. Concil. Florent. in Litteris vnionis, vbi dicit illorum animas, qui in actuali mortali peccato, vel solo originali decedunt, mox in infernum descendere, pœnis tamen disparibus puniendis. Et nouissimè Concil. Trident. Sess. 5. In Decreto de peccato originali, vbi repetit & renouat definitiones Cōcil. Mileuit. & Arausic. Similiter idem declararunt plures antiqui Pontifices, Innocēt. primus, vt testatur August. lib. 1. contra Iul. cap. 4. cuius etiam epistola exstat ad Concil. Mileuit. in quâ confirmat decreta illius Synodi Sosimus Papa, cuius verba recitat August. epistola 157. ad Opratum, & deinde subiungit sententiam bene notandam pro autoritate Romani Pontificis: In his verbis Apostolicæ Sedis (inquit) tñm antiqua, tam fundata, certa & clara est Catholica fides, vt nefas sit de illa dubitare Christiano. Leo epist. 86. & D. Greg. lib. 7. epist. 53. idem docent.

- 11 PROBATUR Tertio ex alijs SS. PP. D. Dionys. de Ecclesiasticâ Hierarchia c. 3. ita scribit: Oberrans itaque (natura scilicet humana) & à recto itinere ad eum, qui veraciter Deus est tendente, auersâ & perditis atque maleficis turmis subiecta minime aduertit se pro Dis atque amicis, infestis hostibus fuisse obsequutam: quod au-

tem ibi de auersione & seruitute contrahis ex lapsu Adæ loquatur, omnino manifestum est ex ijs, quæ ibidem præmittuntur. S. Ignatius in epistola ad Tralianos: Imitatores estote passionum Christi, & dilectionis eius, quâ dilexit nos, dans semetipsum pro nobis, vt nos sanguine suo mundaret ab antiquâ impietate. Vbi per antiquam impietatem manifestè significat peccatū antiquitūs in Adamo commissum. Iustinus Martyr in Dialogo cum Tryphone: Sed humani generis causa (scilicet venit Christus) quod per Adam in mortem & fraudem, seductionemq; serpentis considerat, vt interim (inquit) propriam pro se malignè agentis cuiusque culpam taceat; quibus apertè docet Christum venisse tum propter peccatum commune toti generi, quod dicit seductum per serpentem, tum propter propria ab vnoquoque personaliter commissa. Iræneus lib. 5. cap. 17. Deleuit chyrographum, debita nostra, affigens illud cruci, vt quomodo per lignum facti sumus debitores Deo, sic per lignum accipiamus debiti remissionem. Tertull. in lib. de Anima cap. 40. Omnis anima conusque in Adam censetur, donec in Christo recensatur; tamdiu immunda quamdiu recensatur: peccatrix autem quia immunda. Greg. Nazianz. Oratione 3. de Pace: Totus lapsus sum atque ex primigeni hominis inobedientiâ, & diaboli fraude condemnatus sum. Chrysost. in Homil. ad Neophytos: Venit semel Christus, inuenit nostrum chyrographum paternū quod scripsit Adam, ille initium induxit debiti, nos sœuus auxilium posterioribus peccatis: circâ quæ verba notat D. Aug. lib. 1. contra Iul. cap. 6. non fuisse contentum Chrysostomum dicere, quod Christus inuenerit paternum chyrographum, sed etiam addiderit nostrum. Similiter notandum est, quod dicat nos auxisse illud debitum, cuius initium induxit Adam: inde enim patet, quod velit illud primum debitum esse quoque nostrum, quia alioquin nos illud non augeremus, non enim augemus debitum Adæ quatenus illud est personale ipsius Adæ. Idem ceteri docent quorum plures citat D. August. lib. 1. contra Iul. cap. 3. & sequentibus iuxta editionem Louaniensem, quam in citationibus sequimur.

12 PROBATUR Quarto rationibus du-  
ctis ex principijs fidei & religionis Christianæ: Primò, quia infantes statim sunt baptizandi, quando eis imminet periculum moriendi, idque ex Apostolicâ Traditione, vt docent D. Dionys. de Ecclesiasticâ Hierarch. cap. vlt. Origenes Homil. 8. in Leuiticum, Cyprianus lib. 3. epistola 8.

Hieron.



Hier. lib. 3. aduersus Pelagianos. Aug. lib. 4. de Baptismo contra Donatistas cap. 24. Vnde in Ecclesiâ semper fuit hæc sollicitudo fidelium, vt diligentissimè provide-  
rent ne quis etiam paruulus absq; Baptismo discederet: hoc autem eo fine & re-  
spectu, vt à peccato munderentur & in Chri-  
sto regenerentur: non debent autem re-  
nasci per gratiam, quorum generatio non  
fuit corrupta per peccatū, & hinc dicimur  
iuxta Scripturam sacram per baptismum  
mori peccatis ad Rom. 6. per baptismum  
mundari ad Ephes. 5. Item peccata dicun-  
tur ablui Act. cap. 22. quod totum etiam  
significat & præferunt forma & materia  
huius Sacramenti, scilicet verbum Baptis-  
mi & ipsa ablutio in aquâ.

Secunda ratio sumitur ex antiquissimis  
Ecclesiæ ceremonijs circa baptizandos ad-  
hiberi solitis, scilicet ab exorcismo & in-  
sufflatione, quibus à baptizandis etiam in-  
fantibus spiritus immundus abigitur, quod  
manifestum indicium est, Ecclesiam semper  
intellexisse paruulos quoque sub dia-  
boli detineri seruitute per peccatum: vnde  
sepius hoc argumento vtitur D. Aug.  
vt lib. 1. de Peccatorum meritis cap. 34.  
De nuptijs & concupis. lib. 1. cap. 20. &  
lib. 6. in Iulianum, cap. 2. vbi ita scribit: Id  
tu commemorare timuisti, tanquam ipse à  
toto orbe exsufflandus esses, si huic exsuf-  
flationi, quâ Princeps mundi à paruulis  
ejicitur foras, contradicere voluisses. Ter-  
tia sumitur ex prænâ peccati, scilicet morte,  
cui omnes subiiciuntur; ergo omnes sunt  
peccato obnoxij: nam vt ex supradictis  
constat iuxta Apostoli doctrinam, mors  
per peccatum in mundum (id est in huma-  
num genus) intrauit. Vnde 1. ad Cor. cap.  
15. peccatū dicitur aculeus mortis. Quar-  
ta ex eo ducitur, quod masculi non circū-  
cisi in lege antiquâ perirent de populo  
Dei: quâ vtitur Aug. de Peccato Originis  
c. 30. Quinta, quia Christus pro peccato &  
peccatoribus mortuus est: Isaia 53. *Si pos-  
uerit pro peccato animam suam* &c. & 1. Petri  
3. *Christus semel pro peccato nostrū mortuus est,  
iustus pro iniustis*, atqui ipse mortuus est pro  
omnibus, vt docet Apostolus 2. ad Cor. 5.  
ergo omnes, etiam paruuli sunt aut fuerunt  
peccatores. Sexta ducitur ex eo, quod ho-  
mo nascatur multis miseris & infirmita-  
tibus obnoxius præ cæteris animantibus.  
Quod considerantes gentiles philosophi  
& causam ignorantes dixerunt naturā fu-  
isse nouercam erga hominem magis quàm  
erga cætera animalia.

Ultima sumi potest ex peccati fomite,  
& inordinatis motibus partis sensitivæ cō-  
tra rationem, quibus homo etiam inuitus  
subiacet, nec potest sic dirigere & impe-

rare vt non nisi secundum rationis iudiciū  
& conuenientē naturæ humanæ ordinem  
exurgant: quod indicium est, humanam  
naturam non in eo esse statū, in quo pri-  
mitus ab auctore suo fuit condita, sed per  
culpam inde decidisse. Quo argumento  
vtitur D. Aug. passim in suis libris con-  
tra Iulian. & quamuis absolutè potuisset  
Deus hominem condere in puris naturali-  
bus talem (peccato excepto) qualis modò  
est, tamen hoc condendo non videretur tri-  
buisset ea omnia, quæ secundum naturæ  
exigentiam illi saltē de conuenienti essent  
debita; quandoquidē enim constat duabus  
substantijs intellectuali & sensibili, incum-  
batq; superiori vt inferiorem moderetur &  
gubernet, certè hoc ipso apprehenditur ei  
suo modo debita illa virtus, ac diuinæ pro-  
uidentię ratio & assistentia (naturalis ta-  
men ordinis) quibus portio principalis va-  
leat cohibere vires inferiores, vt contra-  
eius imperium & contra conuenientē natu-  
ræ ordinem non sese mouerent, sed ad  
illius directionem suas operationes & mu-  
nia obirent: quæ quidem omnia modo lon-  
gè sublimiori & perfectiori præstabat in  
statu innocentie iustitia originalis, quàm  
naturaliter essent præstanda: sed quia per  
peccatum, homo se istâ priuauit, hinc et-  
iam auxilia, quæ secundum naturæ exigen-  
tiam de conuenienti saltē, essent debita,  
merito non tribuuntur. Quare ex dissolu-  
tione harmoniæ virium vtriusque partis  
hominis, argumento admodum probabili  
& rationi consentaneo possumus collige-  
re, in homine fuisse culpam, ex quâ sit  
illa inordinatio profecta.

### Obiectiones contra peccatū ori- ginale, cum suis solutionibus.

Contra Concl. obijcitur Primò illud  
Ezechiel 18. *Filius non portabit iniquitatem  
patris*, ergo non traducitur peccatum Adæ  
in posteros. R. N. C. quia quando tradu-  
citur illud peccatum, non portat filius ini-  
quitatem patris, sed suam: nam ipse in  
primo parente cum quo vnus erat in com-  
muni massa humanæ naturæ quæ tota  
illius regebatur voluntate in ordine ad  
diuinum præceptum toti naturæ in illo  
positum, peccauit; & sic filius sui peccati  
portat reatum seu culpam, quando cum  
peccato originali nascitur; imo quando  
ponitur non peccasse nec habere culpam,  
vt Pelagius volebat, tunc potius locum hîc  
haberet, quod filius portet iniquitatē pa-  
tris; quia subiaceret cōdemnationi & pœ-  
nis interminatis primo parenti, si diui-  
num mandatum præuicicaretur, videlicet  
morti & alijs miseris, absque suâ tamen  
culpâ.

culpâ. D. August. verò, lib. 6. contra Iul. cap. 12. & 25. accipit verba Ezech. per modum prophetiæ, & dicit præsignificari, quod tempore noui testamenti filius non portabit iniquitatem patris, quia videlicet non manebit perpetuò subiectus iniquitati, quam in Adam contraxit, quia per nouâ regenerationem in Christo ab eâ liberabitur: quod clariùs prædicitur apud Ierem. cap. 31.

16 Obijcitur Secundo, Illud ad Rom. 5. *Sicut per vnius hominis inobedientiam peccatores constituti sunt multi:* vnde sic aduersarij argumentantur, si non imitatione tantum, sed propagatione homines constituerentur peccatores per Adæ inobedientiam, non diceret Apostolus quod peccatores constituti sint multi, sed quod omnes; ergo &c. R. N. Assumptum nam ex textu satis est evidens, quod per multos intelligat omnes; nam immediatè ante iam dixerat: *Igitur sicut per vnius delictum in omnes homines, in condemnationem &c.* & paulò suprâ: *In quo omnes peccauerunt:* dicit tamen hic potius multos, quàm omnes, tum vt ostendat hos omnes esse valdè magnum numerum, possunt enim aliquando dici omnes, qui non sunt multi, vt quatuor Euangelistæ sunt omnes, & de illis tamè non diceretur quod sint multi; tum maximè vt possit seruare eandem vocem in vtraque parte comparationis, quam facit, dum addit, *Ita & per vnius obeditionem, iusti constituentur multi:* & licet etiam iusti ex obeditione vnius habeant suam vniuersalitatem (dixerat enim & Apostolus antè, *Sicut per vnius delictum in omnes homines in condemnationem:* sic & per vnius iustitiam in omnes homines in iustificatione vitæ, in omnes homines scilicet qui ex Christo renascuntur, sicut delictum in omnes, qui ex Adam nascuntur) tamen non voluit hic iterum dicere, quod per obeditionem vnius, iusti constituerentur omnes, ne forsitan ex continuâ repetitione istius vniuersalitatis existimaretur quod absolutè omnes homines etiam absque fide & regeneratione iustificentur per Christum. Huc accedit, quod etiam alibi Scriptura vtatur nomine multorù quando de omnibus agit, vt Danielis 12. *Multi de his qui dormiunt in terra pulvere euigilabunt;* quem locum D. Aug. lib. 12. de Cuit. cap. 23. conferens cum illis verbis Christi, Ioannis cap. 5. *Nolite mirari hoc quia venit hora, in qua omnes qui in monumentis sunt, audient vocem filij Dei & procedent qui bona fecerunt in resurrectionem vitæ,* &c. non putetur (inquit) diuersum quod, cum ibi positum sit *Omnes* qui sunt in monumentis, hic autem non dicat Propheta. *Omnes*, sed *Multi*: ponit enim aliquando Scriptura multos pro omnibus,

quod etiam circa illum locum Danielis obseruauit Theodoretus: *Multi* (inquit) pro *Omnes* dixit, etenim beatus quoque Apostolus multi pro omnes posuit, cum dixit, *Si enim vnius delicto multi mortui sunt &c.*

17 Obijcitur Tertiò, ex 2. ad Cor. 5. *Omnes nos manifestari oportet ante Tribunal Christi, vt referat vnusquisque propria corporis, prout gessit, sine bonù sine malum:* ergò nullus damnabitur propter peccatum, quod personali voluntate in proprio corpore non admisit. R. N. C. quia loquitur ibi Apostolus de adultis non de paruulis; præcedit enim; *Et ideo contendimus sine absentes sine presentes placere illi, scilicet Domino;* tunc autem subditur, *Omnes enim nos manifestari oportet &c.* contendere autem & laborare ad placendum Deo, adutorum est. Deinde si quis velit illam sententiam ad paruulos etiam extendi, debet ille necessariò admittere quod *propria corporis prout gessit* extenduntur quoque ad ea, quæ gesta sunt circa illos voluntate alienâ: nam paruuli siue bonum siue malum dicantur referre, non referent illud, quod propriâ personali actione gesserunt & promeriti sunt; sed si bonum referant, id referent propter iustitiam Christi, cuius per baptismum facti sunt participes, si autem malum, id referent ex peccato, quod per generationem ex Adam contraxerunt: vt bene notauit D. Aug. lib. 6. contra Iul. cap. 4.

18 Obijcitur Quartò illud ad Rom. 4. cap. *Vbi enim non est lex, nec præuaricatio;* paruulis autem non est lex posita, vt pote qui nondum præcepti sunt capaces ob defectum vsus rationis: ergò nec præuaricati sunt, neque peccatum habent. Responderetur etiam si lex non sit posita paruulis, quamdiu rationis vsu carent, in quantum sunt supposito distincti à primo parente, & ipsius non censentur agere voluntate, tamen fuit ipsis & omnibus lex posita in ipso primo parente, quatenus totum humanum genus in eo tanquam seminali principio continebatur; eratque instar vnius suppositi, cuius vna & communis voluntas erat voluntas ipsius primi parentis in ordine ad obseruationem vel transgressionem diuini mandati, de non comedendo ex ligno vetito: quod mandatum non fuit datum Adamo vt particulari personæ tantum, sed tanquam principio totius generis, & sic in ipso toti naturæ: vnde eius peccatum non fuit tantum peccatum personæ, sed naturæ; atque ita sicut in primo parente habuerunt præceptum, ita & in ipso præuaricati sunt & peccauerunt, illiusque peccati reatum per generationem secundâ seminalem rationem contrahunt, & Deo nascuntur odibiles,

odibiles, iuxta illud ad Ephes. 2. *Etiam naturæ filij iræ.*

19

Hinc etiam facile respondetur ad simile argumentum, quod sumit Swinglius ex illo ad Rom. 7. *Sine lege peccatum mortuum erat: ego autem vivebam sine lege aliquando:* scilicet inquit ille, quando Apostolus puer adhuc esset & ætate tener: ergo tunc peccatum non habebat: Iam enim explicatum est, quomodo etiam paruuli habuerint legem & quomodo illam legem sint transgressi. Deinde communis Sanctorum Patrum expositio illius loci est, quod Apostolus ibidem loquitur, non in personam propriam, sed in personam naturæ humanæ, qualis erat ante legem Moysis, ut sensus sit, quod peccatum sine lege erat mortuum, id est, non agnoscebatur nec reputabatur tanquam malum & offensum Dei reatum mortis adducens: vivebant autem homines aliquando sine lege, scilicet Moysis, de qua ibi est sermo. Quod verò sine lege peccatum non fuit mortuum, quasi nullum tunc fuerit peccatum, satis testatur poena generalis diluvii, idque quia *omnis caro corrupta est viam suam.* Cū lege itaque dicitur reuixisse peccatū, tū quia per illam cœpit agnosci, tum quia ex agnitionis occasione cœpit magis extimulare homines ad sui appetitionem; quatenus ex naturæ corruptione vehementius cupimus negata.

20

Obijcit Quinto, illud ad Rom. 5. cap. *Regnavit mors ab Adam vsque ad Moysen etiam in eos, qui non peccauerunt in similitudinem prævaricationis Adæ:* ergo mors quidem tanquam effectus peccati Adæ pertransit in omnes, sed non ipsum peccatum. Respondetur Neg. Conseq. pro cuius explanatione notandum est, quod ibidem Apostolus, postquam dixerat, quod omnes in Adamo peccauerunt, statim subiungat; *Vsque ad legem enim peccatum erat in mundo: peccatum autem non imputabatur cum lex non esset,* idque ad occurrendum obiectioni, quā potuisset quis mouere & dicere: quomodo tu asseris per vnum hominem peccatum intrasse in mundum & in eo omnes peccasse, cum ante legem datam non videretur fuisse peccatum. Ad quam responderet, imo peccatum etiam vsque ad legem in mundo fuisse, quamvis non imputaretur dum lex non esset, id est, quamvis non ab hominibus reputaretur peccatum, donec lex prohibendo apertè illud manifestaret. Probat autem, quod etiam tum fuerit peccatum in mundo ab ipsa morte, quæ est poena peccati, & regnavit ab Adam vsque ad Moysen, etiam in illos, qui non peccauerunt, non quidem qui simpliciter nullo modo peccauerunt (si

hoc enim intelligatur dicere Apostolus, iam non probabit intentum, & verbis illis suis ante præmissis: *Et per peccatum mors: & ita in omnes homines mors pertransiit, in quo omnes peccauerunt,* repugnabit) sed qui non peccauerunt in similitudinem prævaricationis Adæ, id est, qui non peccarunt actione personali contra legem sibi manifestè cognitam, sicuti Adam peccavit: quod signum est, eos aliunde fuisse culpæ obnoxios, ob quā mors in eos regnavit. Vnde tantum abest, quod hæc verba faciant contra peccatum originale, quin Apostolus per ea probare illud intendat.

21

Obijcit Sexto: Diuus Chrysostomus diuersis locis videtur peccatum originale excludere: Homil. enim 10. in epistolam ad Rom. sic scribit: videtur quæstionem non parum habere quod dictum est, videlicet multos ob inobedientiam vnius peccatores existisse, illo enim peccante ac mortali effecto, & qui ex eo orti sunt, eos tales esse (scilicet mortales effectos) nihil absurdum: at ex illius inobedientia alterum peccatorem existisse, quam obsecro congruentiam & consequentiam habeat? quid igitur (inquit) hoc loco verbum hoc, Peccatores significat? mihi videtur tantundem significare, (ait) quantum illud, supplicio obnoxii, ac mortis rei. Homil. 17. in priorem epistolam ad Corinth. Quid igitur faciam inquis? propter illum (scilicet Adamum) perierunt minime propter illum: neque enim tu sine peccato permansisti; quod si non idem, tamen aliud commisisti: & Homil. 39. in eandem epistolam; Quid igitur: dic mihi, num omnes in Adam morte peccati mortui sunt, quomodo ergo Noë vir iustus sæculo suo, quomodo Abraham, quomodo Iob, quomodo multi denique alij, & quomodo dic mihi, omnes viuificabuntur in Christo? & hi præsertim, qui in Gehennam adducendi sunt: Itaque si hoc de corpore dictum esse velimus, constabit ratio; si autem de iustitia & peccato, nequaquam, & etiam Homilia vigesima-quarta in epistolam ad Ephesios sic scribit, Corruptibile nobis est corpus, sed incorruptibilis anima; ne igitur & ipsam corrumpamus: hoc (scilicet corpus corruptibile) illud primum primi hominis peccatum fecit; quod autem post laucrum sit (scilicet peccatum) etiam animam corrumpere potest. Denique ad Noëphytos: Vides quot sunt baptismatis largitates: sed multis videtur, baptismi gratiam in peccatorum remissione consistere, nos autem baptismi honores computauimus iam decem, hæc de causâ & infantulus baptisamus,

Z

quamuis

quamvis non sint inquinati peccato, ut eis datur vel addatur sanctitas, iustitia, adoptio, hæreditas & fraternitas Christi.

- 22 Ad hæc D. Augustinus lib. 1. contra Iulianum cap. 6. iuxta editionem Louanientem, responderet & ita eundem Iulianum huiusmodi opponentem redarguit: Itane verba S. Ioannis Episcopi audes tanquam è contrario tot taliumque sententijs collegarum eius opponere, eumque ab illorum concordissima societate seiangere & eis aduersarium constituere? Absit, absit hoc malum de tanto viro credere aut dicere; absit, inquam, ut Const. in synodo Iulianus Ioannes tot ac tanti coëpiscopis suis, maximeque Romano Innocentio, Carthaginensi Cypriano, Cappadoci Basilio, Nazianzeno Gregorio, Gallo Hilario, Mediolanensi resistat Ambrosio. Deinde adducit August. alia loca in quibus satis aperte Chrysost. peccatum originale agnoscit, quibus hæc possunt addi; Homil. 39. in priorem epistolam ad Cor. quando docet illud Apostoli, *Novissima autem inimica destruetur mors*, esse intelligendum de morte corporis, quæ totaliter abolebitur in generali resurrectione, nec posse intelligi de morte animæ, pro ratione addit; quia hæc in vnoquoque baptizato perfecte aboletur (inquit) & sic non nouissimè, sed potius primo destruitur, ubi clarè mortem animæ in vnoquoque baptizato agnoscit aut supponit præcessisse.

- 23 Et bene obseruandum, quod non dicat in vnoquoque vestrum baptizato, vel in vobis baptizatis, ne quis dicat id pertinere tantum ad adultos, qui proprijs peccatis mortui fuerint, sed simpliciter & absolute, quod in vnoquoque baptizato aboleatur: quare manifestum est eum vellem mortem animæ esse vniuersalem omnium, etiam paruulorum qui baptizantur; & Homil. 40. in eadem epistolam ita scribit: Deus in regenerationis lauacro mentem gratiâ tangit, radicale peccatum euellit &c. ubi per radicale peccatum non potest aliud intelligi nisi originale, quod à radice, id est, ab Adamo trahimus. quodque per baptismum tum in paruulis tum in adultis eluitur.

- 24 Sed superest vt quæ obiecta sunt loca explicemus. Ad illud itaque ex Homil. 10. ad Rom. Responderetur illam interrogationem: ex illius inobedientiâ alterum peccatorem existitisse: &c. non per modum negationis, sed per modum obiectionis quæ opponi poterat, accipiendam esse; addit enim proximè; Inuenietur enim sic ne pœnas quidem debere, qui talis fuerit, siquidem non ex se ipso peccator extiterit &c. quibus auget difficultatem pro-

positam; quod tamen non potest vllò modo accipi tanquam assertiuè ab eo dictum, quia circa initium hominæ expressè dicit, vno non obediens Adam, vniuersum orbem condemnatum esse; & hic etiam proximè adiungit in ipsâ suâ responsione, tales debere pœnas, quando dicit: mihi videtur tantundem significare verbum peccatores, quantum illud, supplicio obnoxij, ac mortis rei: quo responso non negat istud verbum peccatores importare reatum culpæ, sed potius hoc asserit, cum nullus possit iuste esse obnoxius supplicio, qui non sit reus culpæ; declinat tamen nomen peccati, quia hoc videtur magis sonare actum proprium aut offensam proprio actu commissam, & quia hæc notio siue significatio in nomine peccati magis occurrit, ideo nullam videtur habere congruentiam aut cōsequentiam quod ex vnius inobedientiâ alter existat peccator, vt opponit Chrysostomus. Quando igitur circa initium eiusdem Homil. ita scribit: Quid porro sibi vult, quatenus omnes peccarunt; & subiungit, Illo lapsò & illi item, qui de ligno non comederunt, effecti sunt ex illo tempore omnes mortales, explicat per effectum, & pœnam, quid illud sit In quo omnes peccauerunt; causam verò scilicet reatum culpæ contractæ etiam non exprimat, tamen insinuat.

Ad locum ex Homil. 17. Responderetur D. Chrysostomum ibi loqui de perditione immortalitatis, siue de incurrà necessitate moriendi, non de morte animæ, vt ex adiunctis est manifestum. Quod verò propter peccatum Adæ homo subiacet necessitati moriendi, docet ibidem & alijs plurimis locis; & tamen reprehendit, quod homines sese excusent & causâ suorum malorum & miserationum in alium rejiciant, quasi ipsi essent omnino insonites. Quando itaque dicit, minimè propter illum, sensus est: non tu te omnino innocentem existimare debes, nam & tu multa satis peccata fecisti, quibus mortem quoque es meritis; quæ tamen allegando & dicendo, non intendit Chrysost. negare mortalitatem corporis ex peccato Adæ profluxisse: quod ibidem & alibi clarè docet, vt diximus, sed tantum retundere hominum superbiam quæ vix vnquam vult propriam agnoscere culpam.

Ad locum ex Homil. 39. Responderetur ibi Chrysostomum examinare illa verba D. Pauli. 1. ad Cor. 15. *Et sicut in Adam omnes moriuntur, ita & in Christo omnes viuificabuntur*, utrū sint eo loco de morte corporis an verò animæ intelligenda, & docet sermonem esse de morte corporis, quod verissimum

Quest. 81. De causa peccati ex parte hom. per orig. Art. 1. 267

verissimum est; quia agit ibi Apostolus ex proposito de resurrectione carnis: probat itaque Chrysost. duobus argumentis non debere accipi de morte animæ. Primum, quia multi fuerunt iusti, ergo non omnes in Adam moriuntur morte animæ, videlicet perpetuā, quā absolute anima pereat in æternum: hoc enim solum conuincit argumentum, nec amplius probare intendit, ut satis liquet ex adiunctis, & merito, quia aliter quoque verum non est. Vnde ne quis ulterius opponat, quod possint nihilominus dici omnes in Adamo morte animæ, quia omnes nascuntur peccatores, quamvis per baptismum, mors illa aboleatur, ut alibi docet idem Chrysost. hinc adiunxit secundum argumentum, quo efficacius demonstrat ista verba esse accipienda hoc loco de morte corporis, ex eo scilicet quod additur, *Ita & in Christo omnes viuificabuntur*, quod non potest intelligi de vitæ animæ, quæ in iustificante gratiâ consistit: nam plurimi, ut qui detrudendi sunt in infernum, vitæ gratiæ non viuificabuntur; & tamen manifestum est, quod Apostolus ibi loquatur generaliter de omnibus tam bonis quàm malis, ergo id accipiendum est de vitæ corporis, quatenus omnes in carne resurgent; quare etiam quod dicitur, *Et sicut in Adam omnes moriuntur*, accipiendum erit hoc loco de morte corporis, ut comparatio non fiat in æquiuoco, quamvis non cum exclusionem mortis animæ per amissionem iustitiæ.

27 Ad illud quod allegatur ex Homil. 24. ad Ephes. Respondetur sensum esse, nobis esse corpus corruptibile, id est, quod ex necessitate subiaceat corruptioni, sed esse nobis animam incorruptibilem, id est, quæ non subiaceat ex necessitate corruptioni, videlicet illi, quā dicitur anima per peccatum corrupti; vnde subditur, ne igitur & ipsam corruptamus (videlicet corruptione iam dictâ) nam absolutâ corruptione ad interitum non est in nostrâ potestate, eam corrumpere siue delere, hoc (scilicet quod nobis corpus sit ex necessitate corruptioni obnoxium) fecit primum peccatum primi parentis; quod verò post lauacrum regenerationis fit peccatum, etiam animam potest corrumpere videlicet corruptione vitæ spiritualis & mortis æternæ; quibus omnibus non negat peccatum originale, sed hortatur fideles, ut licet corruptionem corporis euadere non possint, tamen diligenter caueant à peccatis, ne animam modo dicto corruptant & perdant, quam iam baptizati incorruptam seruire possunt.

28 Ad locum denique ex Homil. ad Neo-

phytos annotauit D. Augustinus sup. quod Græcè non habeatur, quamvis peccato non sint coinquinati, sed, quamvis peccatum non habentes: quod intelligit ipse dictum de peccato proprio seu personali, quo ipsi carent infantes. Sed dices, videtur Chrysost. velle excludere omne peccatum, quia ex eo quod infantes baptizantur, intendit probare baptismum non adhiberi tantum ad peccatorum remissionem, quæ videlicet in nudâ extrinsecâ denominatione consistat absque internis donis & animæ ornamentis superadditis, sicuti inter homines remittuntur iniuriæ & offensæ; vnde debet supponere infantes absolute nullum habere peccatum, alioquin dici poterit etiam illos baptizari in peccatorum remissionem.

Respondetur D. Chrysostomum excludere omnia peccata à paruulis secundum illam notionem peccati, quâ communiter apprehenditur significare actum offensiuum vel offensam quam quis in alterum commisit, non autem absolute omne peccatum ut comprehendit etiam maculam animæ contra actum absque respectu ad aliquem proprium personalem actum, quo hic Deum offendit, cuiusmodi est peccatum originale in paruulis, vnde non dicuntur absolute, sed in Adamo vel in primo parente offendisse fide peccasse: sic autem intelligendo procedit aliquotusque argumentum ad persuadendum propositum; ex quo enim peccatum originale apprehenditur tanquam macula quædam, ideo magis dicitur mundari & elui, quod fit per iustitiæ & sanctitatis infusionem, quam condonari vel remitti, qui infantes non ita apprehenduntur tanquam personæ offensiue quæ offenderint, quamvis interrim fatendum sit peccatum illud eis quoque remitti, sed satis est, ut argumentum aliquam saltem vim habeat ad persuadendum quod magis cōcipiatur & apprehendatur per mundationem & iustitiæ infusionem deleri quam per remissionem sub formali eiusmodi conceptu.

29 Quare obseruandum est in ijs, qui concionatorio modo scribunt, prout ad populum dixerunt, quod eorum verba, sententiæ, & argumenta non sint semper pensanda secundum dialecticum rigorem, sed congruo quodam modo accipienda & interpretanda, quâ ratione inuenientur & veritatem habere & energiam quandam ad persuadendum, quæ si quis velit omnia examinare ad exactissimas dialecticorum regulas, apparebunt aut falsa, aut sine connexionem & efficaciam, ut ex locis D. Chrysost. iam explicatis facile est aduertere.

Sed quæret aliquis quare D. Chrysost. in re tanti momenti fuerit loquutus tam obscurè. Respondetur cum D. August. sup. nonnisi quia disputans in Catholica Ecclesiâ, non se aliter intelligi arbitrabatur, quàm scilicet communis Ecclesiæ sensus haberet, & quia talibus quæstionibus nullus pulsabatur, hinc nondum hæreticis litigantibus securius loquebatur.

30 Obijciuntur etiam quædam ex Theodoro, vt quod scribit in cap. 5. ad Rom. Ad omnes, inquit, mors perualit, quatenus omnes peccarunt: non enim propter primi hominis peccatum; sed propter suum vnusquisque mortis decretum accipit: quod quidam intelligunt, quati loqueretur de suo actuali vniuscuiusque, sed falluntur, quia manifestum est Theodoretum sentire omnes esse obnoxios decreto mortis ante peccata propria personalia; quare quod dicit, sed propter suum vnusquisque &c. accipiendum est, propter suum originale, quod vnicuique inest: idque manifestius patet ex cap. 12. in Epitome diuinorum decretorum, vbi sic scribit, Iustitiæ decretum cum vnus peccasset, vniuersum genus morti tradidit, diuinâ autè misericordiâ cum omnes essent sub maledictio, & peccati laqueis essent implicati, per vnus iustitiam dedit omnibus salutem: similia plura eodem cap. scribit. Vnde licet verba illa D. Pauli, *sicut per vnus inobedientiam peccatores constituti sunt multi*, explicauerit de peccatis personalibus, quæ occasione peccati Adæ intrarunt in mundum (quamuis minus rectè) non tamen idcirco conuincitur negasse peccatum originale: neque de hoc Authore ita sentiendum est.

31 Obijciunt tandem ex rationibus, quod omne peccatum debeat esse voluntarium, atqui paruuli nec voluerunt nec potuerunt voluntariè peccare; ergo &c. Rursum si paruuli nascantur peccatores, ergo malum videbitur esse coniugium, quod erit peccati causa. Respondetur ad minorem, paruulum non voluisse nec potuisse voluntate propriâ personali peccare, sed voluisse & potuisse voluntate primi parentis quæ fuit communis voluntas totius naturæ humanæ quæ per seminalem rationem ex ipso ad posteros deriuatur. Vnde vitium quod naturâ in ipso contraxit, hoc simul cum natura in proles deriuatur: vt docet D. August. lib. 1. de Nuptijs & Concupiscentijs cap. 18. & lib. 1. Retract. cap. 13. & 15. quibus locis ostendit Adamum in primo peccato gessisse personam totius humani generis, & præceptum de non comedendo ex arbore vetitâ, in ipso toti naturæ siue omnibus, qui

in eius lumbis continebantur, pariter datum, vt quemadmodum gratia ipsi collata ad omnes posteros pertineret, si mandatum custodiuisset, ita etiam eius transgressio ad omnes pertineret; atque ita originalis macula est etiam cuilibet propria, quamuis non voluntate propriâ personali, sed communi, quæ erat omnium contracta: vt docet August. 6. contra Iul. cap. 10. quatenus igitur ratio peccati importat ordinem necessarium ad voluntatem, vt principium elicitium, sic originale respicit voluntatem primi parentis, tanquam communem totius generis respectu istius præcepti de non comedendo ex isto fructu, quia ab illius actu est voluntarium: quatenus verò habet ordinem ad voluntatem tanquam principium receptiuum & subiectum culpæ, sic inest originale peccatum voluntati particulari & propriæ vniuscuiusque, quæ actu illo communi hanc trahit maculam siue habitalem culpam, vt patet ex doctrina Concil. Trid. in decreto de peccato originali.

32 Neque his obstat, quod anima rationalis non sit ex traduce, siue non deriuatur ex anima patris per alicuius quasi partis de se decissionem, sicut corpus ex corpore propagatur, sed à Deo immediatè creetur & corpori infundatur, quæ hæc macula consistit in priuatione iustitiæ debiti inesse; potest autem Deus animâ creare priuatam iustitiâ: neque enim illa priuatio culpabilis est, vt habet ordinem ad Deum creatorem & infundentem animam; sed vt habet ordinem ad peccatum Adæ, quo præceptum Dei transgressus est in se sustinens personam totius generis respectu illius præcepti, atque ita totam naturâ debito suo ornatu per illam transgressionem spoliavit, & sic simul naturam fecit abominabilem & dignam odio Dei in quocumque sic nudata per seminalem rationem ex Adamo reperitur deriuata.

33 Ex his intelligi potest, quomodo accipiendum sit, quod scribit D. Aug. lib. 5. contra Iul. cap. 3. in hæc verba; profectò aut vtrumque (scilicet corpus & anima) vitiatum ex homine trahitur (iuxta eorum scilicet opinionem, qui tunc temporis adhuc propaginem animarum defendebat, & à quâ idem Aug. non erat alienus, potissimum quia exultimabat conducere ad explicationem originalis peccati) aut alterum in altero tanquam in vase vitiato corrumpitur, scilicet anima in corpore, secundum sententiam illorum nempe, qui animas à Deo creati & solum corpus ex corpore propagati censuebant ( prout

nunc

nunc omnes indubitanter tenent : non enim siue vno siue altero modo peccatum originis dicitur contrahi , hæc ita sunt accipienda , quasi vel anima & corpus ipsius parentis sint aliqua reali qualitate vel labe formalis & proprie dicti peccati infecta , quæ simul cum decisione particulæ alicuius , tum ex corpore tum ex anima simul deriuetur ad prolem , vel quasi anima per aliquam physicam actionem ab ipsâ carne iniciatur labe peccati , dum à Deo creata corpori infunditur : inprimis , quia caro per se capax nõ est formalis peccati , ipsa autè anima patris generantis potest ab omni vero & formali peccato esse purgata , quando infans peccatum contrahit. Deinde , quia nõ potest corpus in animam utpote spirituale substantiâ agere , illique qualitate inficientè imprimere. Accedit quoddam formale peccatum non sit realis aliqua & positiva qualitas.

34 Alio itaq; sensu illud Augustini dictum accipiendum est , videlicet quod vel vtrūque vitium iuxta priorem opinionem ex homine trahatur , quia videlicet si vtrumque ex parente per generationem decidatur & deriuetur , tunc vtrumque ex respectu ad Adamum tanquam principium efficiens ac simul materiale vnde deciditur , dicendum erit fortiori suum vitium ; caro quidem membrorum rebellionem , & anima peccati formalis labem : vel quod alterum in altero corruptatur , videlicet secundum posteriorem & veram sententiam , ita videlicet vt anima non iniciatur nec culpam trahat ex respectu & ordine ad suum principium producens , quod est Deus ; sed ex eo quod sit compars corporis , cum quo simul constituit hominem filium Adæ , qui suo modo totus in Adam lumbis continebatur quando ille legem sibi pro omnibus datam præuaricabatur sustinens omnium personam. Continebatur (inquam) suo modo totus , quatenus videlicet conuenientissimè ad naturas rerum , à Deo ordinatum erat , vt quandoque per hominis operationem materia foret ad animæ receptionem disposita , non defuturus esset naturæ Author , quin formam & animam rationalem infunderet.

35 Significatur itaq; istis Augustini verbis , animâ non pollui peccato , in quantum à Deo est tanquam principio , sed vt per coniunctionem cum carne ex Adamo tractâ secundum seminalem rationem , pars hominis efficitur , idque modo & ratione

iam explicatis. Addit verò ibidem Augustinus , occultam iustitiam diuinæ legis in eo includi ; iustè enim Deus hoc ordinauit & decreuit , quod voluntas primi parentis in ordine ad obseruationem illius præcepti , & ad consequentia inde bona , ac vicissim quoque in ordine ad præuicationem & ad inde consequentia mala haberetur loco voluntatis omnium , sic vt transgressionis culpa etiâ esset singulorum. Non tamen ita euidentiissimè nobis elucet illius iustitiæ ratio , & propterea dicit August. occultam includi diuinæ legis iustitiam ; quæ nihilominus huiusmodi rationibus solet demonstrari ; puta inprimis , quod nos ipsi possumus voluntatem nostram in arbitrio alterius etiam omnino extranei sic collocare , vt eius agere habeatur nostrum ; vnde magis idem potuit Deus qui magis est nostræ voluntatis Dominus , quàm nos ipsi : & quidem in voluntate illius in quo eramus omnes , sic vt natura tota quodammodo illâ voluntate esset informata . Deinde quia decretum illud per se erat valde fauorabile toti generi : præceptum enim erat obseruatum facile primo parenti , & ex eius obseruatione bona maxima promittebantur toti naturæ , siue posteris , qui omnes in iustitiâ originali fuissent nascituri ; & è contra , ex parte præuicationis quoad posteros , potissimum agebatur de amissione tantum bonorum , quæ gratuito & supra naturæ debitum erant collata aut conferenda , quod scilicet per culpam in tali præuicatione contractam huiusmodi bonis tanquam indigni spoliarentur.

Ad alterum argumentum ante motum 36 respondet Aug. duobus libris de Nuptijs & Concupiscentijs : summa autem solutio- nis est , non per se provenire ex coniugio , quod proles nascatur cum peccato , sed per accidens : non enim ideo nascitur peccator quia ex coniunctione viri & femina generatur , quod est principium coniugij , nam etiâ in statu innocentie fuisset proles nata ex viri & femina coniunctione & tamen proles non fuisset peccato obnoxia ; sed quia accidit naturæ , quæ per coniugium propagatur , quod in Adamo fuerit vitiosa & corrupta. Vnde scribit Anselmus rectè de Conceptu virginis cap. 32. spoliavit personam naturam bono iustitiæ in Adam , & natura egea facta omnes personas , quas de se procreat , eadem egestate peccatrices & iniustas edit.

## ARTICVLVS II.

*Utrum etiam alia peccata primi parentis vel proximorum parentum traducantur in posterios?*

37 **D** August. Enchr. cap. 46. putat, non improbabiliter posse dici paruulos etiam obligari peccatis parentum, non tantum primorum, sed etiam proximorum de quibus nascuntur. Similiter loquitur D. Leo epist. 86. vbi hoc caput D. Augustini verbotenus penè transcribit, & fauet D. Greg. 5. Moral. cap. 22. Sed nunc pliusquam improbabile id habetur, neque D. Augustinus ita omnino sensisse videtur, licet probabiliter dici posse existimari, quia cap. 44. expressè docet numerum pluralem poni pro singulari, quando paruuli dicuntur in peccatorum remissionem baptizari: quare vnum tantum peccatum in singulis agnouisse existimandus est.

38 Hinc conclusio D. Thomæ similiter est negatiua. Et probatur Primò ex illo ad Rom. cap. 5. *iudicium ex vno in condemnationem: gratia ex multis delictis in iustificacionem*: vbi manifestè significat Apostolus tantum ex vno delicto Adæ processisse causam condemnationis omnium, hoc enim antithesis quam facit apertè requirit: & sic ibidem Apostolus semper loquitur de peccato illo, ex quo reatum culpæ & pænæ trahimus in singulari, nunc appellans peccatum, nunc delictum, nunc inobedientiam vnius. Deinde quia Apostolus tantummodo præuaricationem Adæ comparat cum obedientiâ Christi, neque cæterorum parentum aliquando facit mentionem respectu iræ, cui nascimur obnoxij. Probatur Secundò, quia similiter Concilia, & SS. PP. loquuntur passim de vno peccato Adæ, & de vnâ eius transgressione diuini mandati, quâ constituti simus omnes peccatores, neque de alijs peccatis, siue Adg, siue proximorum parentum agunt, quasi illis teneamur obstricti, quando nascimur, vt patet ex testimonijs suprà citatis.

39 Ratio autem diuersitatis hæc est, quia vnicum illud præceptum de non comedendo ex arbore scientiæ boni & mali fuit Adamo positum in qualitate principij totius generis, tam pro se, quam pro omnibus posteris, sic vt eius voluntas respectu illius in ordine ad meritum per obseruationem, vel ad demeritum per transgressionem esset voluntas totius naturæ in ipso secundum seminalem rationem contentæ.

Vnde sicut donum iustitiæ originalis erat donum collatum toti naturæ in Adamo, quod cum naturâ fuisset traductum si diuinum mandatum custodisset, ita iam è contra, eius priuatio & peccati reatus, quia præceptum non obseruauit, in omnes simul cum naturâ deriuantur: cætera autem peccata, siue Adæ, siue aliorum parentum sunt merè personalia, & ideo posteros non inficiunt: quemadmodum, quæ sunt naturales proprietates naturæ transeunt ad omnia indiuidua, non autem quæ sunt tantum accidentia singularis alicuius personæ, prout hic bene explicat D. Thomas.

Obseruandum verò est, nonnullos existimare quodcumque primum peccatum Adæ, quo iustitiam amisisset deriuandum fore in posteros, atque ita tenendo esset dicendum eum generaliter gessisse personam totius generis respectu obligationis ad conseruandam iustitiam, ita vt quicumque actus quo illam perderet, conferretur actus totius naturæ & sic omnium: sed videtur hoc minus probabiliter dici, Primò, quia specialiter isti præcepto de non comedendo ex arbore veritâ, legitur adiuncta comminatio mortis seu mortalitatis, quàm constat esse effectum peccati originalis, & pertinere ad omnes. Secundò quia Apostolus ad Rom. 5. peculiariter semper verget inobedientiam primi hominis, vbi manifestè respicit ad transgressionem prædicti præcepti positiui, quod videlicet per illam præuaricationem siue inobedientiam simus constituti peccatores, & rei mortis: si verò quodcumque eius primum peccatum fuerit in nos deriuandum, potius per superbiam Adami essemus constituti peccatores, quàm per illam inobedientiam, quia primum Adg peccatum fuit superbia: vt docet August. lib. 14. de Ciuit. c. 16. & alij communiter. Deinde appareret etiam durior posterorum conditio, quod omnium mors & vita sic dependissent à quocumque actu inordinato primi sui parentis. Neque his obstat quod frequenter sic loquantur PP. & DD. vt dicant primum Adæ peccatum perdidisse humanum genus, quia agunt de primo eius peccato quod foris apparuit, & quod in Scripturâ commemoratur & legitur punitum.

Sed queritur hæc primò, si Adam non peccasset an omnes eius posterii fuissent nascituri confirmati in iustitiâ originali? Respondetur quæ quidam opinantur, sed id communiter tanquàm improbabile ab alijs reijcitur: & contrarium planè significat August. lib. 14. de Ciuit. cap. 10. ita scribens, quàm felices erant primi homines tam felix esset vniuersa societas humana, si nec illi malum quod etiam in posteros transie-



traicerent, nec quisquam ex eorum stirpe iniquitatem committeret: quibus satis declaratur etiam posteros futuros fuisse tales: qui iniquitatem possent committere; & ratio fuit, quia non plus debebatur membris & quasi ramis, quam capiti ac radici seu principio totius generis.

42 Quæritur itaque secundò: si Cain peccasset Adamo manente in sua innocentia, utrum filij Cain post peccatum patris nati, contraxissent peccatum originale? Respondetur negatiuè: D. Thomas quidem contrarium videtur sentire, q. de malo ar. 4. sed hæc est communior opinio, neque enim apparet quod Deus aliquem alium præter Adamum constituerit caput & qui personam in suis actibus sustineret omnium ex ipso descenditum. Et sanè grauis admodum fuisset conditio eorum, qui posterioribus temporibus fuissent nascituri, si dependissent à singulorum antecessorum malà voluntate. Similiter si Adam fuisset demum lapsus, postquam genuisset Cain, tum filij ipsius Cain, quamuis nascerentur post peccatum Adæ, non contraxissent tamen originalem culpam, quia non fuissent in lumbis Adami dum ipse peccaret, atque ita non subiaccuissent motioni & actioni voluntatis ipsius. nam per natiuitatem patris iam extra Adamum fuissent constituti. An verò nati fuissent in iustitià originali eo casu dubitatur. Alij aiunt, Alij negant: affirmatiua pars videtur verior, quandoquidè non fuissent obnoxij Adæ peccato, nec verisimile sit quod postquam Deus hominem ad finem supernaturalè ordinauerat, aliqui fuissent nascituri in puris naturalibus sine peccato & sine iustitià.

### ARTICVLVS III.

*Utrum peccatum primi parentis per originem transeat in omnes homines?*

43 Quæstio mouetur de hominibus, qui per carnalem generationem siue secundum seminalem rationem ex Adamo descendunt: apud omnes enim indubitatum est, quod Christus Dominus, qui non ex semine viri, sed Spiritus S. virtute in utero virginis conceptus est, omnino fuerit ab originali peccato immunis, atque adeo etiam ab omni necessitate illud contrahendi liber, utpote qui nec in Adamo quidem peccauerit, quia secundum seminalem rationem in eo non continebatur. Sed inter Catholicos imprimis diuersæ sunt

opiniones de Deiparâ virgine an in peccato fuerit concepta? Verum quia ex causis Sanctissimus Dominus noster Paulus V. relicta quidem facultate utriusque modo liberè sentiendi, vetuerit tamen, ne quis affirmatiuam partem publicè in scholis vel suggestu doceat, defendat, vel prædicet, hunc ab examine istius difficultatis abstinemus; hoc tantummodo dicimus D. Virginem hoc ipso quo fuit filia Adæ ab eo per carnalem generationè descendens, fuisse quoque obnoxiam necessitati contrahendi originalem culpam ac indiguissè Christi Saluatoris gratiâ & redemptione, ut saltem priuilegio singulari præferueretur, ne vnquam de facto eiusmodi maculâ foret co inquinata, sed ut simul cum actuali Esse naturæ susciperet quoque Esse iustitiæ & gratiæ.

44 Altera hic est controuersia cum hæreticis huius temporis de prolis fidelium, quas illi volunt nasci omnes Sanctas, & sine peccato. Sed omnino fide tenendum est, omnes omnino tam fidelium quam infidelium proles nasci peccato originali obnoxias, quod satis constat ex testimonijs tum Scripturæ sacræ, tum Conciliorum & PP. sup. allegatis, inter quæ tamen specialiter hic feruiunt, illud Davidis, *Eccce ego in iniquitatibus conceptus sum* &c. vbi etiâ de seipso loquitur Propheta, & dubitari tamen non potest quin David fuerit filius hominis fidelis; item illud Apostoli ad Ephes. 2. *Eramus naturâ filij iræ sicut & ceteri*, vbi manifestè loquitur de Iudæis filijs fidelis Abraham, qualis erat Apostolus, qui ad Gal. cap. 2. dicit se naturâ, id est, à natiuitate, Iudæum non ex gentibus peccatorem. Denique circuncisio ex Dei mandato Gen. 17. filijs fidelium adhibenda erat, & tamē per illam peccatum originale tollebatur, aut saltem tollendum significabatur, ut veteres omnes docent. Hinc bene D. Hier. in epistola ad Olamat; Christiani, inquit, nō nascuntur, sed fiunt: & conformiter D. Aug. lib. 2. de Peccato originali cap. 40. regeneratus (inquit) non regenerat filios carnis, sed generat, ac per hoc in eos non quod regeneratus, sed quod generatus est, traiecit; sic igitur siue reus infidelis, siue absolutus fidelis non generat absolutos vterque sed reos; quomodo non solum oleastri, sed etiam oleæ semina non oleas generant, sed oleastros.

45 Huc accedit Ecclesiæ totius antiquissima sollicitudo quæ semper maximè præcauit, ne etiam fidelium infantes sine baptismo decederent. Item consuetudo exsufflandi & exorcisandi paruulos fidelium iam baptizandos, ex quâ clarè intelligitur Ecclesiâ semper sensisse etiam illos spiritui immundo

mundo esse subditos, donec Spiritu S. in eos superueniente munderentur, de quo videre licet D. August. lib. 6. contra Iul. cap. 2. ubi hanc Ecclesiæ consuetudinē etiam expressē quoad filios fidelium, contra Pelagianos vrget.

46 Sed cōtra obijcitur Primò illud Genes. 17. *Ero Deus tuus & semini tui post te*, in quo seclē maximē Hæretici fundant; quamvis enim, iniquiunt, hoc soli Abrahæ Dominus dixerit, tamen intelligitur ad omnes eius posterōs pertinere, vt indicant adiuncta, *Statuam*, inquit Dominus, *pactum meum inter me & te & inter semen tuum post te in generationibus suis, fœdere sempiterno &c.* fideles autem Christiani sunt Abrahæ filij iuxta Apostolum ad Rom. 9. quare vnicuique fidelium id dictum esse existimandum est; ergo &c. Respondetur omnino verū esse, promissionem illam quatenus spiritualis erat, & ad vitam æternam pertinebat, factam esse semini Abrahæ secundum carnem sed secundum Spiritum: non enim omnes qui ex Israël ij sunt Israëlitz, neque qui semen sunt Abrahæ, omnes filij; sed in Isaac vocabitur tibi semen, id est, non qui filij carnis (inquit Apostolus) hi filij Dei, ac proinde dicimus filios fidelium non hoc ipso, quo sunt filij fidelium secundum carnem, esse filios Dei, sed tunc demum in semen Abrahæ secundum spiritum deputari & sub fœdere contineri, quando initiantur fidei parentum, eamque imitantur, quod faciunt vel credendo, vel Sacramentum fidei suscipiendo, quod ipsi suscipere est quoddam credere, vt explicat Aug. lib. 1. de peccator. meritis & remiss. cap. 27. ubi etiam expressē refellit quod hæretici affirmant, scilicet fidelium filios ante baptismum ad oues Christi pertinere; quemadmodum inquit, de ouibus eius non incipiunt esse paruuli, nisi per baptismum; profeclō si hoc non accipiunt (addit) peribunt.

47 Obijcitur Secundò, ex c. 11. ad Rom. *Quod si delibatio sancta est, & massa: & si radix sancta, & rami*; ergo proles fidelium saltem iustorum nascuntur sanctæ, eò namque videntur illæ similitudines Apostoli tendere, R. N. C. neque enim sensus Apostoli est, quod si delibatio sancta est, quod idcirco & massa sit necessariò sancta actu & de facto; & si radix sancta, quod similiter de facto sint sancti rami; nam seminis Oleæ etiam si sit semen veræ oleæ, fructus tamen non est olea sed oleaster; verum sensus est, quod saltem aptitudine & capacitate etiam massa sit sancta & rami sancti; & hoc sufficit proposito Apostoli, quia non intendit probare Iudæos tanquam filios Abrahæ secundum carnem, esse de

facto sanctos, imo contrarium deplorat, sed solum dicit quod ipse in gentibus ministerium suum honorificet, vt si quo modo Iudæos ad æmulationem prouocet, vt scilicet & ipsi fidem Christi amplectantur, & sic saluos faciat aliquos ex illis, idque bonā spē se facere ostendit, quandoquidem delibatio & radix scilicet Patriarchæ illorum parentes fuerint fideles & sancti, ac proinde non sint hi omnino alieni & incapaces salutis, vt de illis saluis faciendis saltem quoad aliquos oporteat planē desperare, quod in sequentibus latius deducit Apostolus.

## ARTICVLVS IV.

*Utrum si aliquis ex humanā carne formaretur miraculose contraheret originale peccatū?*

48 Conclusio est negatiua & certa. Ratio ex dictis facillē potest colligi, quia nō contrahit quis peccatum originale ex eo quod accipiat carnem aut materiam ex Adamo, sed quia descendit ab eo viā comuni generationis, isti enim soli qui sic descendunt continebantur in Adamo tanquam in stirpe & radice, sic vt eos suā actiua virtute, puta generationis, posset attingere & mouere, pro quibus solis etiam accepit diuinum mandatum, sic quod eorum sustineret omnium personam in illius obseruatione aut transgressione, non pro alijs hominibus, si qui forte alio modo formentur à Deo, etiam si quoque materia ex Adamo aut eius posteris sumatur. Principalis itaque ratio diuersitatis est diuinum decretum & ordinatio; sed congruentiæ potest assignari hæc, quia magis est naturis rerum consentaneum, vt illi submittantur voluntati & actioni alterius, qui in eius tanquam radicis & actiui principij continentur virtute, sic vt etiam motionem vsque in illos possit extendere, quàm quod hi in quos nihil actionis aut virtutis actiue habeat, quod innuit D. Tho. hic quando dicit, si aliquis formaretur ex humanā carne diuinā virtute, manifestum est quod vis actiua non deriuaretur ab Adamo, vnde non contraheret peccatum originale: sicuti, inquit, nec actus manus pertineret ad peccatum humanum, si manus non moueretur à voluntate hominis, sed ab aliquo extrinsece mouento.

## ARTIC.

ARTICVLVS V.

*Utrum si Adam non peccasset, Euâ peccante filij originale peccatum contraherent?*

49 **C**onclusio D. Tho. est negatiua, Probatur ex Scripturis, quæ dicunt per vnum hominem intrasse peccatû in mundum, & per vnus inobedientiam constitutos peccatores multos, vbi Apostolus de Adam, non de Euâ loquitur, vt ex totius capituli deductione manifestè constat, & docet Aug. lib. 1. contra Iulian. cap. 3. ex D. Ambrosii super Lucam, cuius hæc sunt verba, omnes in Adam morimur, quia per vnum hominē peccatum intrauit in mundum, & iterum: fuit Adam & in illo fuimus omnes, perijt Adam, & in illo omnes perierunt. Deinde 1. ad Cor. cap. 15. expressè dicit Apostolus: *Sicut in Adam omnes moriuntur* &c. quo satis significat Adæ peccatum causam esse nostræ mortis; quod si verò ex Euâ quoque dependissent vita nostra & mors, dixisset potius Apostolus, sicut in Euâ omnes moriuntur, quandoquidem enim ipsa ante virum peccauerit, iam in illa fuisset mortui priusquam Adam peccaret, atque ita non in Adam omnes moreretur. Principalis huius quoque conclusionis ratio est Dei voluntas & ordinatio, quâ omnes nos subiecit volūtatī Adæ potius quā Euæ; ratio autem conuenientię & quasi aliquod fundamentum talis ordinationis, potest assignari, quia pater actiui principium est in generatione, vt hic D. Thom. habet, atque ita posterius eius motiue virtuti suo modo subiacent, ideoque magis congruè etiam submittitur tota natura illius voluntati, vtpote, qui totam suo modo potest mouere: materiam vero subministrat mater habetque partes principij passiuī: vnde & in patrem tantquam principium dignius, merito fuit cōferenda illa communis potestas seu voluntas. Vtrum verò mater tantummodo subministrat materiam in generatione & nullo modo concurrat actiue, relinquimus physicis examinandum; hoc interim certum est, semen viri obtinere partes principales in actiuitate, & materiam, quam mulier suppediat, virtute virilis seminis in fœtum formari, quæ sufficiunt, vt congruentia locum suum habeat.

50 Sed contra conclus. obijcitur Primò illud Ecclesiastici cap. 25. *A muliere initium factum est peccati, & per illam omnes morimur*, ergo etiam illa solâ peccante futuri erā-

mus obnoxij peccato & mortī. Confirmatur ex D. Basilio Homil. 1. de Ieiunio, Si Euâ, inquit, ieiunasset à ligno, non hoc nunc ieiunio opus haberemus. Accedit quod Commentarius D. Ambrosii adscriptus in epist. ad Rom. intelligat per vnum hominem cap. 5. ipsam Euam. R. N. C. dicit enim Sapiens, à muliere esse initium peccati & per eam omnes mori, non quidem propterea quia ipsa comederit de fructu vetito, sed quia ipsa quoque fructum veritum viro comedendum obtulerit & ad comedendum induxerit: allegat enim illud Sapiens ad declarandum quā viro prudenti sit cauendum à mulieribus, earumque nequitia. Eodem sensu omnino intelligendum est quod scribit D. Basil. quia videlicet Euâ comedendo de fructu facta est viro in masculinam & occasionem ruinæ, quâ & nos simul omnes ruimus. Quod verò ad Commentarium allegatum attinet, non est ille D. Ambrosij, neque alterius magnæ authoritatis viri, nec conuenit illa expositio cum textu, tum quod in masculino genere loquatur de vno homine, tum etiam, quia manifestum est, Christum ab Apostolo comparari cum Adamo & non cum Euâ. D. Ansel. quidem lib. de Partu Virginis cap. 9. videtur Euam æquiparare cum Adamo in transmissione peccati originalis, quando enim Apostolus dicit per vnum hominē intrasse peccatum, vult ibi in vno homine etiam Euam includi, quatenus vt ipse loquitur, illa copula duorum tota intelligitur in principali parte, quia totum frequenter per partem significatur: sed tamen etiam hinc non sequitur quod Euâ solâ peccante contraherent proles originale peccatum: deinde non omnino asseuerantur ita locum illum intelligendum esse docuit, quia postea aliam adiungit rationem, quare Apostolus peccatū illud Adamo potius quā Euæ adscripserit, scilicet quia si non Adam sed Euâ sola peccasset, non necesse erat totum perire, vbi nobiscum consentit.

Obijcitur Secundò: maledictio in Euâ prolata continet in maledictionem partus, ad quam videtur pertinere originale peccatum, *Multiplicabo, inquit Dominus, arummas tuas & conceptus tuos; in dolore paries filios* &c. Respondetur originale peccatum non cōprehendi sub illâ maledictione propriè loquendo, posset enim formina cum istis doloribus & ærumnis parere, & tamen proles carere peccato originali: sed potius illud significatur in maledictione Adę potissimum in parte illâ postremâ, *Puluis es & in puluerem reuerteris*, vt notat Isid. lib. 1. de Summo bono cap. 11. hic, inquit, homo propter peccatum traditus est diabolo,

dictum

dictum est enim diabolo, terram manducabis. Vnde Propheta ait, serpenti pulvis panis eius: quia igitur homo in pulverem redigendus dicitur, significatur quod diaboli cibus & sub eius futurus sit potesta-

te, siquidem hoc videtur edictum illius sententiæ, quæ Dominus prius fuerat comminatus utramque mortem & animæ & corporis, si Adam violaret divinum præceptum sibi immèdiatè datum.

## QVÆSTIO LXXXII.

### De peccato originali, quantum ad suam essentiam.

*In quatuor articulos diuisa.*

#### ARTICVLVS I.

*Utrum originale peccatum sit habitus?*

#### ARTICVLVS III.

*Utrum originale peccatum sit concupiscentia?*

**P**ROPTER materiæ coherentiā simul explicabimus tertium articulum cum primo ne eadem sæpius sint repetenda. De articulo autem secundo post agemus.

1. Obseruandum hic in primis est, peccatum illud omnibus Adæ posteris commune vocari originale, quia ab origine, siue à conceptione inest, sicuti Adæ iustitia dicebatur originalis, quia in sui creatione simul cum natura eam acceperat: vnde iuxta hanc nominis rationem non habuit Adam peccatum originale, quia nullum ab origine suâ traxit, posset tamen eius primum peccatum dici originale secundū alias nominis rationes, vel quia exiit Adamum iustitiā originali, eisdemque habuit in eo effectus cum maiori tamen reatu culpæ; quos in nobis peccatum originale, vel quia illud cauauit in omnibus posteris peccatum quod dicimus originale. Appellatur autem & alijs nominibus à veteribus, aliquando peccatum parentale, aliquando peccatum radicale, peccatum naturæ, antiqua impietas, inquinamentum naturæ, & similibus. Nunc sit

2. Conclusio Prima: Peccatum originale non est aliqua substantialis natura siue substantia. Est contra Illiricum nostri sæculi hæreticum. Probat Primò authoritate D. August. in Psal. 68. Iniquitas ipsa, inquit,

non est substantia: & Probatur secundò ratione eiusdem, non enim iniquitas est natura quam formauerat Deus (prout videlicet est omnis substantia) sed iniquitas est peruersitas, quam fecit homo, & lib. 6. in Iul. cap. 7. docet in particulari de originali peccato illud non esse corpus neque substantiam. Sed contra obijcitur illud ad Rom. 6. *Vetus homo noster simul crucifixus est, vt destruat corpus peccati*; ergò videtur peccatum esse quædam substantia & corpus, potissimum peccatum originale, de quo ibi videtur esse sermo.

Respondetur N. C. quia per corpus peccati non aliud ibi significat Apostolus quam cumulum & congeriem peccatorum & prauarum cupiditatum: quando enim homo cum laboribus & molestijs reluctatur & renuntiat prauis concupiscentijs tunc vetus homo noster crucifigitur, & dum ita crucifigitur, tunc corpus peccati, id est, ipsa massa & congeries peccatorum destruitur, sicuti quando vlcus ferro aperitur, dissipatur colluies putredinis & puris, nihil itaque minus intendit significare Apostolus quam peccata esse corpora quædam aut substantias.

3. Conclusio Secunda: Formale peccatum originale non est realis & positius aliquis habitus, neque realis & positius qualitas. Est contra Greg. Ariminens. in 2. dist. 31. & alios quosdam, vt apparet: sed probatur, quia necesse est quod formale peccatum originale sit in anima, atque adeo in rationali voluntate, hæc enim sedes prima est omnis boni & mali moralis, atqui non potest assignari efficiens causa, quæ in anima infantis quando creatur & corpori vnitur habitum illum siue realem qualitatem producat & imprimat; non enim Deus, qui per se formale peccatum facere non potest; cuncta enim eius opera erant & sunt valde bona: non diabolus, qui

qui non potest immediatè in hominis voluntatem agere, sed tantum in corpus & sensus corporales applicando actiua passivis per motum localem, sicuti supra dictum fuit. Vnde & multò minùs potest eiusmodi qualitas dici causari in animâ siue à serpente siue à fructu ligni vitici, quæ præterquam quod in animam non habeant actionem, vtpote res corporeæ, insuper nunc à tanto tempore esse desierunt. Non etiam parens siue primus siue iam proximus dici potest illam qualitatem animæ proliis imprimere, tum quod non habeant immediatam actionem in animam proliis, tum quod iam Adam in cælo beatus & parens sæpius iustificatus non possint physica actione producere formale peccatum in altero, quia hoc esset iam peccare. Sed neq; per seminis transfusionem eiusmodi qualitatem positivam & realem dicere possunt causari in anima proliis, nam & semen ipsum cum corporeum sit non potest in animam agere, neque qualitatem spiritualement in eâ producere, cuiusmodi sunt qualitates omnes proximè inherentes rationali voluntati, sicuti offendimus sup. quæst. præced. artic. 1. ad obiectionem ultimam, vbi simul explicuimus quo sensu ab Augustino sit, alterum scilicet animam, in altero scilicet corpore tanquam vase vitiatum corrupti. Denique nec ipsè infans in seipso qualitatem illam realem causare dicendus est, quandoquidem nullum elicere potuerit actum, quo mediante habitum positivum realem Deo formaliter inuisum, & sibi culpabilem causaret, quia eiusmodi habitus siue qualitas si dari fingatur, includet necessariò ordinem & respectum ad voluntatem & usum rationis, quo infans caret.

3 Conclusio Tertia: Non est quoque peccatum originale formaliter concupiscentia, neque actualis aliqua, neque etiam habitualis. Probatur prior pars Primò, quia infantes antequam actu concupiscant, sunt obnoxij peccato originali, ergò non est actualis concupiscentia siue concupiscentiæ motus: Probatur Secundò, quia supra ostensum est, quod motus concupiscentiæ, si ratio illis non assentiatur, non sint peccata, ergò nec formale peccatum originis; si autem voluntas consentiat, iam non contrahitur peccatum originale, sed committitur personale. Probatur pars posterior primo, *quia nihil damnationis est ijs, qui sunt in Christo Iesu*, vt habet Apostolus ad Rom. 8. id est, nihil damnatione dignum: atqui habitualis concupiscentia manet etiam ijs, qui in Christo sunt, & qui secundum carnem non ambulant, sed mente serviunt legi Dei, vt idem Apostolus fatetur

toto capite præcedenti, & nimis evidenter docet experientia per inordinatos motus, quos concupiscentia etiam relucente ratione, in iustis fuscitat, ergò ipsa non est formaliter peccatum originale: probatur consequentia, quia formale peccatum originis est quid dignum damnatione & morte, vt patet ex Apostolo cap. 5. ad Rom. Probatur Secundò ex Concil. Trid. sess. 5. vbi in decreto de peccato originali, dicit anathema illis, qui asserunt in baptismo non tolli totum id quod veram & propriam peccati rationem habet, sed dicunt illud tantum radi vel non imputari: atqui habitualis concupiscentia non tollitur in baptismo, vt etiam ibidem Concilium fatetur, ergò ipsa non est formale peccatum originis. Probatur Tertiò ex D. August. lib. 1. retract. cap. 15. vbi expressè docet concupiscentiam ab Apostolo compellari nomine peccati, quia ex peccato orta est, & quia pena peccati, ita enim scribit: sed hoc peccatum de quo sic loquutus est Apostolus (*Si autem quod nolo hoc ago, iam non ego operor illud, sed id quod habitat in me peccatum*) ideo peccatum vocatur quia peccato factum est, & pena peccati est, quandoquidem, inquit, hoc de concupiscentiâ carnis dicitur &c. Non est igitur ex mente Augustini concupiscentia carnis propriè & formaliter peccatum, & per consequens neque formale peccatum originis.

Sed contra conclusiones iam positas Obijciunt D. Thomas qui hic artic. 1. expressè docet peccatum originale esse habitum naturæ, non quidem operativum, sed talem secundum quem aliquis dicitur bene aut malè in se dispositus, cuiusmodi habitus in corporalibus sunt sanitas & ægrotudo, pulchritudo aut turpitudine; ergò secunda conclusio non videtur subsistere, aut saltem D. Thomæ repugnat. Deinde D. August. lib. 1. de Nuptijs & Concupiscentijs cap. 23. dicit concupiscentiam Sacramento regenerationis expiari; cap. 25. ibidem dicit, concupiscentiam carnis dimitti in baptismo, non vt non sit, sed vt in peccatum non imputetur, & cap. 26. dicit, huius licet adhuc manentis concupiscentiæ remitti reatum in eis, qui in Christo regenerantur, vt in peccatum (ait) non imputetur, & cap. 27. scribit eam manere actu & transire reatu; similia habet lib. 1. retract. cap. 15. vbi dicit in baptismo solui reatum concupiscentiæ, sed infirmitatem manere, quæ & alibi sæpius repetit: ergò iuxta D. August. concupiscentia est absolutè & formaliter peccatum originale, quamvis post baptismum non amplius in culpam & damnationem imputetur, si eius motibus non præbeatur assensus.

fus. Cum verò iuxta eundem August. concupiscentia sit quædam affectio malæ qualitatæ, sicuti languor, ut loquitur cap. 25. citato de Nuptiis & Concupisc. siue affectionalis qualitas ut habet lib. 6. contra Iulian. cap. 7. consequens apparet, quod secundum August. neque secunda neque tertia conclusio subsistat.

- 6 Responderetur N. C. quoad omnes illationes factas; ac in primis quod ad D. Thomam attinet, loquitur ipse de peccato originali non tantum secundum suum formale (quod hic articulo 3. in Corpore expressè dicit esse carentiam iustitiæ originalis, quatenus voluntatem subieciat Deo) sed etiam secundum suum quasi materiale, quod eodem artic. 3. ponit concupiscentiam; & hæc potest dici habitus quidam naturæ innatus, ut ipse loquitur, illam malè afficiens seu disponens, sicuti ægritudo afficit malè ipsum corpus. Vnde D. Thom. ponit peccatum originis esse habitum, sed tantum ratione sui materialis, non ratione formalis, de quo nos agimus.

- 6 Quod verò ad D. August. attinet, ipse è contra de concupiscentiâ loquitur non præcisè quatenus secundum se est quædâ infirmitas naturæ, & dissolutio debet Harmoniæ virium inferiorum & superiorum, quatenus istæ deberent in suis motibus attendere & sequi harum imperium, & hæc faciliè ac promptè Dei legibus obedire; sed eam considerat, quatenus in recenter natis & nondum regeneratis, habet simul coniunctam auersionem quandam voluntatis à Deo tanquam sine supernaturali, in quâ auersione consistit reatus peccati originalis; hoc enim ipso quo natura humana, quam Deus ad se ut finem eius supernaturalem per iustitiæ infusionem conuerterat, sese suâ culpâ exiit & spoliavit istâ iustitiâ quæ erat veluti forma conuersionis, censetur morali modo se auersisse, & manere habitualiter auersa à Deo per iustitiæ illius priuationem (à parte enim rei in ipso homine non est illa auersio aliud quid, quam carentia vel priuatio iustitiæ debet inesse) donec iterum per gratiæ infusionem voluntas ad Deum conuertatur.

- 7 Sic igitur accipiendo concupiscentiam per modum alicuius compositi ex istis duobus malis, quæ semper ambo coniunctim per generationem, ex peccato primi parentis transfunduntur, (de priuilegio tamen singulari hic non ago) videlicet ex naturâ quâdam infirmitate iam explicatâ & ex istâ auersione eiusdem à Deo, dixit Aug. concupiscentiam in baptismo expiari, dimitti, remitti, quia scilicet per gratiæ sanctificantis infusionem tollitur quod culpe & peccati rationem propriè dictam habe-

bat in homine, scilicet ista auersio seu priuatio conuersionis debet in Deum: per gratiam enim & cætera dona quæ infunduntur, conuertitur anima habitualiter ad Deum tanquam ad finem supernaturalem, à quo auersa erat.

8 Quia tamen non restituitur ordinata illa virium inferiorum ad superiores omnimoda subiectio, neque redduntur illa promptitudo & facilitas potentiarum superiorum ad omne bonum honestum amplectendum & perficiendum, sed manet istarum contra has rebellio, vnde aggrauantur hæc ut tardius & ægrius in meliora ferantur, propterea dicit remitti & dimitti non ut non sit, sed ut non imputetur, quia videlicet manet dicta infirmitas: sed id quod ab origine erat cum hac coniunctum & culpæ rationem per se habebat, in baptismo tollitur, atque ita non amplius imputatur concupiscentia, quia quod imputabile & culpabile erat, sublatum est. Quod clariùs significant & important alia eius verba, quæ dicit reatum concupiscentiæ manentis remitti & solui in baptismo, item concupiscentiam transire reatu sed manere actum, quibus satis manifestè distinguit inter infirmitatem concupiscentiæ & inter reatum seu culpam ei à natiuitate adiunctam, & satis declarat se non velle istam infirmitatem siue naturæ languorem esse formaliter culpam aut reatum, sed tantum esse quoddam naturæ malum, cum quo ab origine est reatus culpæ in eodem coniunctus: sic tamen ut hic reatus culpæ possit auferri & aueratur manente isto languore, idque non per meram non imputationem ad culpam eius quod verè est culpa ut hæretici volunt, sed per ipsius quod peccati propriè dicti rationem habeat, veram sublationem, quæ sublatio fit per gratiæ sanctificantis & charitatis infusionem.

9 Hæc clarissimè exprimit lib. 6. contra Iul. cap. 7. his verbis: Percipitur autem in baptismo Christiano perfecta nouitas, & perfecta sanitas ab ijs malis nostris, quibus eramus rei, non ab eis cum quibus adhuc conflegendum est, ne simus rei; sic itaque loquitur Duus August. de concupiscentiâ in nondum regeneratis, quemadmodum de flagitiosorum hominum prauis habitibus possemus dicere, quod vitiosi isti habitus per penitentiam expiuntur & remittantur, non ut non sint, sed ut non imputentur; quia scilicet per penitentiam, non mox penitus tolluntur habitus vitiosi acquisiti, sed quæ cum eis erat culpa coniuncta, deletur & remittitur, ipsaque voluntas ab eis auertitur.

Ex dictis consequenter intelligi potest 10  
formale

formale peccatum originis ex mente D. August. non esse ponendum habitum aliquem realem, aut realem & positivum qualitatem, licet concupiscentiam vocet affectionem malæ qualitatis & affectionalem qualitatem, quia tunc non ad reatum culpæ, sed ad naturæ infirmitatem, quam dicit remanere attendit: quæ ad summum non est nisi quodammodo materiale respectu peccati originis, quemadmodum vitiosus habitus acquisitus potest dici materiale respectu culpæ habitualis, quamdiu hæc per poenitentiam non deletur, neque voluntas ab ea aueritur. Sed ut plenius habitus huius & affectionalis qualitatis ratio intelligatur.

11 Observandum est Primò, concupiscentiam quatenus est aliquid reale & positivum non distingui realiter ab ipsis animæ viribus inordinatis, siue inordinate dispositis, ut hic significat D. Thom. artic. 1. ad 1. quodque explicat exemplo ægritudinis, quam dicit habere aliquid de privatione, in quantum tollitur æqualitas sanitatis, & aliquid habere positivè, scilicet ipsos humores inordinate dispositos. Et colligitur ex August. lib. 1. Retractationum cap. 15. ubi ita scribit: quod si quisquam dicit etiam ipsam cupiditatem nihil aliud esse, quam voluntatem, sed vitiosam servientemque peccato, non resistendum est: quare non requiritur hic aliqua causa physica politiva efficiens, quæ eiusmodi affectionalem qualitatem vitiosam in homine ponat, sed sufficit privativa causa, videlicet negatio siue subtractio illius principij, quo omnes animæ vires ad se invicem, & ad sua obiecta erant debito modo dispositæ secundum quod singulis conveniebat sese habere; sicuti ad sublationem debitæ proportionis humorum siue qualitatum eorundem, sequitur per se ægritudo, siue hæc ponatur consistere in merâ privatione temperiei debitæ, siue in modo aliquo positivio, prout dicendum fuerit, si ægritudo ponitur habitus propriè dictus, aut realis qualitas: hic enim modus ex ipsis humoribus sublata æqualitate per se promanare potest absque aliâ extrinsecâ causâ efficiente, sicuti proprietates modales ex suo subiecto promanant: simili itaque modo de concupiscentia hic est philosophandum.

12 Vnde cessat quæstio, quæ alioquin hic moveri posset, quisnam videlicet causet in infante habitum illum, siue qualitatem concupiscentiæ, cum in xta D. August. & secundum rei veritatem sit quoddam malum & vitium naturæ humanæ lapsæ, instar habitus vitiosi acquisiti, cessat inquam, quia ut modo diximus, non requirit aliam

physicam causam, quam privativam, quatenus Deus iuste subtrahit & denegat naturæ lapsæ prædictum principium, quo vires omnes debito modo coordinabantur: moralis interim eius causâ quasi positivâ est ipsum peccatum Adæ, quo ipse demeritorie naturam spoliavit donis iustitiæ originalis, quæ debitam dispositionem potentij conferebant. Vnde de contagio huius peccati potest intelligi, quod scribit D. August. 6. contra Iul. cap. 7. dum ait, qualitas autem mali (de concupiscentia loquitur) non in substantiam de substantia tanquam de loco in locum migrat, sed alia eiusdem generis quodam operante contagio; quod etiam de morbidis parentum corporibus solet evenire nascentibus: contagium enim peccati primi parentis propriissimè causa est, licet moralis tantum illius mali, de quo ibi Divus Augustinus loquitur.

13 Observandum Secundò: quamvis D. Thom. concupiscentiam ad primam qualitatis speciem, siue ad habitum referat, non minus tamen rectè à D. August. 6. contra Iul. cap. 7. referri ad tertiam speciem, videlicet ad affectionalem siue patibilem qualitatem, de qua dicitur, quod vel nullo modo, vel nonnisi summâ difficultate evincatur aut separatur: plus enim affinitatis habet concupiscentia cum huiusmodi affectionali qualitate, ut puta cum iracundiâ, timiditate, cum quibus eam August. comparat: quâ cum prima specie qualitatis: sed siue habitus siue patibilis qualitas esse ponatur, nonnisi modum aliquem debitum naturæ viribus superaddere existimanda est, qui ex ipsis potentij convenienti coordinatione ad se invicem solutis, & debito moderamine carentibus, per se emanare potest.

14 Observandum Tertiò, non tamen idcirco esse dicendum, quod concupiscentia de qua agimus, sit ipsè sensus aut vis sensitiva, ut perperam dixit Iulianus, quem citato loco redarguit August. & merito quidem, quia nec feritas siue effrenitas equi est idem, quod virtus & robur equi ut quisque faciliè apprehendit, equus enim potest domari & ad frænum assuefieri, atque ita tolli effrenitas illa, nihil tamen de viribus equi sublato vel immutato. Vnde rectè D. Augustinus hoc ipsum de sensu & concupiscentiâ simili ratione ostendit; quia concupiscentia carnis magis magisque minuitur per concupiscentiâ (inquic) castitatis & continentie, & à morbo fornicationis fit sanior, quem fornicari minus minusque delectat, & tamen non est idcirco necessarium, quod vires siue sensitivæ siue vegetariæ minuan-

tur. Fundamentum autem huius est quod concupiscentiæ malū consistat formaliter in quadam indispotione virium animæ, quæ optimè explicatur per carentiam debiti subiectionis & imperij ad se inuicem, & per inclinationem ad bonum commutabile non debite moderatam. Hæc autem indispotio siquæ per iustitiam originalem erat pænitus sublata, integritatem & viuacissimis omnibus naturæ potentijs, ita etiam modò, quamuis in hac vitâ nunquam in totum auferatur, tamen per virtutum actus & exercitia & per relictiones contra motus animæ indebitos sensum minuitur, & bona dispositio, quæ singulis viribus conuenit, aliquousque introducit.

15 In tantum igitur differunt vires sensitiuæ, & concupiscentiæ, quod illæ bonæ sint & actus earum per se loquendo boni, ad quos ordinatæ sunt; hæc autem in statu naturæ lapsæ sit mala & vitiosa, ac motus eius ut formaliter concupiscentiæ motus sunt, similiter vitiosi, quamuis non peccata, si desit consensus: quia concupiscentia dicit appetitum cum priuatione debiti subiectionis, & cum inordinatione quâdam: similiter & motus eius inordinationem quandam important, puta quod exurgant non secundum rationis dictamen & imperium: huiusmodi autem defectus non includit naturalis vis sensitiua, neque actus eius. Vnde etiam D. August. permittit in paradiso non tantum sensum operationes, sed etiam quandam ex illis delectationem siue voluptatem, lib. 4. contra Iul. cap. 14. ita scribens: aut ne nimium videamur offendere homines, qui voluptatem corporis quomodocumque defendunt, ita credatur ibi (scilicet in paradiso tempore innocentie) carnalium sensum fuisse libidinem, ut omni modo rationali subdita voluntati, non aliàs adesset, nisi cum per illam vel salutem esset corporis vel stirpis propagini consulendum, & tanta adesset ut nullâ ex parte mentem de supernarum cogitationum delectatione deponeret, nullus superuacuis siue importunis motus esset ex illâ, nihil nisi quod prodesse fieret per illam, nihil omnino fieret propter illam. Cum eiusmodi itaque moderatioribus non repugnat omnino D. August. sensum delectationem ex suis operationibus in paradiso collocari: quamuis interius magis in eam inclinetur opinionem, quod ibi etiam actus generationis siue voluptatis sensu fuisset peractus, ut patet ex ijs quæ ibidem adiunguntur.

16 Conclusio Quarta: Concupiscentia tamen ante regenerationem in Christo po-

test statui suo modo materiale peccati originis. Est D. Thomæ hic art. 3. & Scoti in 2. dist. 33. estque hoc satis conforme doctrinæ D. August. quando dicit concupiscentiam expiari, remitti ut non imputetur, & reatum eius solui, prout sup. explicuimus. Potest autem id dici tam de concupiscentiâ partis sensitiuæ, de quâ potissimum loquitur D. Thomas (quod enim materiale tantum est ipsius peccati potest extrarationalem voluntatem poni) quam etiam de concupiscentiâ, siue de pronitate quâdam partis superioris hominis ad delectabilia carnis: quæ inde nascitur, quod voluntas facilis sit ut condelectetur appetitui sensitiuo, cui in eodem supposito coniungitur, quando altiori principio, quo se spoliavit, non retrahitur: & de hac concupiscentiâ loquitur Scotus: utraque enim ex eodem fonte scilicet ex communi culpâ primi parentis contrahitur, & cum auersione voluntatis à Deo ut sine supernaturali, quasi indiuiduo vinculo in natiuitate hominum coniungitur.

Conclusio Quinta: Priuatio iustitiæ 19 originalis, quatenus per eam homo ad Deum tanquam finem supernaturalem erat conuersus, eiusque voluntas Deo subiecta, est ipsum formale in peccato originali. Est D. Thom. hic art. 3. & communior sententia Scholasticorum. Sed quia priuationis intelligentia pendet ex cognitione habitus, hinc breuiter explicandum est, quidnam fuerit originalis iustitia, de quâ hoc in primis statuendum est, non fuisse quippiam homini naturale siue ex naturæ humanæ principijs causatum, sed donum aliquod naturæ indebitum & supernaturale, ut docet D. Tho. 1. parte quæst. 95. artic. 1. & quæst. 100. artic. 1. quod non tantum naturæ defectus & imperfectiones suppleuit, & in ordine ad finem naturalem recte hominem disposuit; sed quod hominem ad actus supernaturales exercendos fecerit idoneum siue potentem, ipsumque ad Deum tanquam finem supernaturalem conuerterit & ordinauerit. Vnde statuendum secundo, iustitiam originalem in se comprehendisse habitum gratiæ sanctificantis cum cæteris virtutibus eò pertinentibus, ut etiam docet D. Thomas locis citat. nam certum est, quod primi parentes in statu innocentie per originalem iustitiam Deo grati & accepti erant in ordine ad supernaturalem beatitudinem, quæ modo fidelibus iustis permittitur, quodque eorum opera non minus fuissent efficacia ad merendum, quam nostra, ut habet D. Tho. q. 95. artic. 4.

Statu-



18 Statuendum est tertio, Iustitiam originalem præter gratiam sanctificantem in se comprehendiſſe plura alia dona gratuita tum intrinſeca homini tum etiam extrinſeca, atq; ita fuiſſe non vnum aliquem ſimplicem habitum, ſed aggregatum aliquod ex pluribus habitibus & donis; nam vt docet D. Tho. q. cit. artic. 1. præbebat illa homini rectitudinem ſecundum quod ratio ſubdebatur Deo, & ſecundum quod rationi ſubdebantur vires inferiores, & ipſi animæ omnia corporis membra, quæ vnus aliquis ſimplex habitus præſtare non potuit; nam intellectui fuerunt neceſſarii habitus fidei & prudentiæ ſupernaturalis, voluntati autem ſpes & charitas cum cæteris virtutibus inſuſis, & inſuper peculiaris quædam diuina cuſtodia ſiue extrinſecus ſiue intrinſecus adhibita, quâ fieret ne intellectus in errorem ſiue aſſenſum falſi laberetur, & ne voluntas in aliquod obiectum ante plenam rationis aduertentiam ſeſe moueret. Item phantaſiæ & appetitui ſenſitiuo oportuit certas moderationes & quaſi reopagula fuiſſe adhibita, ne illa ante rationis imperium apprehenderet aliquid tanquam ſuppoſito conueniens & appetendum, & ne hæc in ſuis motibus rationem præueniret aut rationis dictamini repugnaret.

19 Quamuis itaque iuſtitia originalis ſecundum ſuam plenitudinem omnia iſta per modum vniui aggregati complecteretur, non tamen in omnium nec ſingulorum priuatione conſtituimus formale eſſe peccati originis, ſed tantum in priuatione eius, quo erat homo intrinſecè & formaliter conuerſus ad Deum vt finem ſupernaturalem, eidemque ſecundum voluntatem ſubditus: hoc autem tribuebat ei gratia ſanctificans, vnde in priuatione iuſtitie originalis ſecundum hanc partem dicimus propriè conſiſtere formale peccatum originale cum D. Thom. qui hic ita ſcribit: ſic ergo priuatio iuſtitie originalis (inquit) per quam voluntas ſubdebatur Deo, eſt formale in peccato originali: omnis autem alia inordinatio virium animæ ſe habet in peccato originali ſicut quoddam materiale.

20 Et probatur Primo: quia peccatum originale in Concilijs dicitur mors animæ, quæ non eſt alia, quam priuatio gratiæ viuificantis & iuſtificantis.

Probatur Secundo ex D. Anſel. de Conceptu virginis cap. 26. Hoc peccatum (inquit) quod originale dico, aliud intelligere nequeo in ipſis infantibus, niſi ipſam quam ſupra poſui factam per inobedientiam Adæ, iuſtitie debite nuditatem: ergo in priuatione iuſtitie debite ineſſe,

quatenus hæc per Adæ peccatum cauſatur, iuxta Anſel. conſiſtit originale peccatum.

Probatur Tertiò ratione: quia formale peccatum originis non eſt aliqua ſubſtantia, neque aliqua qualitas, vel aliud acci-dens reale ſuperadditum homini, vt ſupra oſtenſum fuit, & tamen oportet aliquid agnoſcere in ipſo homine, quod veram & propriè dictam peccati rationem habeat; quia dicit Concil. Trid. Sess. 5. in Decreto de peccato originali, illud ineſſe vnicuique & quidem propriū, & per baptiſmum tolli totum quod veram & propriam peccati rationem habet; ergo conſtituendum erit in prædictâ priuatione, quæ à parte rei homini ineſt, quemadmodum ineſt cæcitas aut ſurditas, aut ſimiles priuationes potentiarum vel habituum realium.

21 Conſirmatur: quia per formale peccatum originis intelligitur infans formaliter & habitualiter auerſus à Deo tanquam ſine ſupernaturali; atqui nihil eſt assignare à parte rei in infante ratione cuius poſſit dici ſic auerſus à Deo præter priuationem conuerſionis ad Deum, quâ in Adamo tota natura ex Dei dono erat conuerſa ad Deum; quæque ſe & totam naturam Adam ſpoliauit per ſuum peccatum: priuatio autem iſta ſpontaneâ deſertione iuſtitie induc-ta, moraliter cenſetur auerſio. Neque his obſtat, quod abſolutè loquendo non repugnet in homine eſſe abſentiam iſtius iuſtitie, & tamen non eſſe in eo culpam, quia hæc abſentia non quomodolibet conſiderata habet rationem peccati, ſed quatenus eſt priuatio habitus iam debiti ineſſe, cauſata ex actuali inobedientia Adæ: vnde ſi vel nunquam Deus ita per gratiam ad ſe conuertiffet hominem, vel ſi abſque hominis demerito gratiam abſtuliffet, fatendum eſt quod tum illa abſentia gratiæ & conuerſionis ad Deum vt finem ſupernaturalem, non eſſet habitura rationem culpæ. Quare nec ſequitur, quod modo Deus ſit dicendus author peccati originis ex eo quod creet animam & non infundat iuſtitiam, quia hæc carentia induit rationem peccati ex reſpectu quem habet ad commune peccatum naturæ, ſiue ad primum peccatum Adami, quod fuit omnium, cuius Deus author non eſt; & proinde quamuis ſit phyſica cauſa iſtius abſentie eo modo quo negationes & priuationes cauſas phyſicas habent, tamen nullo modo culpæ ſiue peccati cauſa eſt: quemadmodum licet phyſicè concurrat ad actum peccati, tamen author peccati dicendus non eſt, ſicuti ſupra oſtendimus.

22 Ex dictis intelligi potest, eos qui peccatum originis formaliter constituunt in auersione voluntatis à Deo, sentire re ipsà idem quod docemus: vnde & D. Thom. hic artic. 3. ista pro iisdem habet, vt colligitur satis ex his eius verbis: tota autem ordinatio iustitiæ originalis ex hoc est, quod voluntas hominis erat Deo subiecta, quæ quidem subiectio primò & principaliter erat per voluntatem, cuius est mouere omnes alias partes in finem: vnde (inquit) ex auersione voluntatis à Deo, consequuta est inordinatio in omnibus animæ viribus: ex quo tunc infer: sic ergò priuatio originalis iustitiæ, per quam voluntas subdebatur Deo est formale in peccato originali &c. quia vt ante diximus, non potest assignari aliquid in ipso homine quod habeat rationem auersionis præter dictam priuationem debite conuersionis.

23 Si autem dixerint omnino aliud esse, restat vt explicent quidnam aliud in homine sit; si dicant nihil physicum esse, neque priuationem alicuius entis physici, sed quid morale; contra opponi poterit, quod eiusmodi moralia vt pote entia rationis, magis in intellectu apprehendentiù versentur, quàm in ipsis rebus, quibus cōuenire intelliguntur: peccatum autem originale debet esse aliquid in ipso homine, & quidem tale quod non per meram non-imputationem siue tantum per extrinsecā remissionē, sed per reālē actionem siue realis doni infusionem tollatur, vt ex PP. & Concilijs ac præsertim ex C. Trident. satis constat: quæ rectè in prædictam priuationem, non in aliquod merum ens morale vt distinctum ab istà priuatione, quadrare possunt: nam per infusionem gratiæ sanctificantis remouetur à parte rei priuatio illa conuersionis & subiectionis debite ex parte voluntatis ad Deum, quia per gratiam hanc iterum voluntas habitualiter & formaliter ad Deum conuertitur, ipsique debito modo submittitur. Quomodo autem hæc priuatio iustitiæ & conuersionis ad Deum possit in nobis habere rationem culpæ, cum nullo actu nostræ propriæ & personalis voluntatis eam causauerimus, sed per peccatum primi parentis contraxerimus, explicauimus ante & præsertim q. præced. artic. 1. circa obiectionem vltimam.

24 Verum contra dicta potest obijci: nunquam restituitur homini iustitia originalis, ergò si in eius priuatione consistit peccatum originale, consequens est, quod nunquam remittatur aut tollatur. Neque satisfaciet si quis dixerit, quod licet non restituatur tota, tamen eam restitui secundum illam partem, quā voluntatem ad

Deum conuertebat, eandemque illi subieciebat, quia hoc verum esse non videtur: nam D. Thom. 1. parte quæst. 95. artic. 1. dicit, quod subiectio prima, quæ erat voluntatis sub Deo fuerit in statu innocentiae causa subiectionis secundæ & tertię, videlicet virium inferiorum sub ratione, & omnium membrorum corporis sub animā, vnde & hic conformiter dicit, quod ex auersione voluntatis à Deo, consequuta sit inordinatio in omnibus viribus animæ; quare si modo restituatur ea conuersio & voluntatis subiectio, consequenter etiam vires inferiores per omnia submitterentur rationi, & omnia corporis membra imperio voluntatis vt prius, quia eadem restaurata causa redirent iisdem effectus, atqui experientia docet hoc falsum esse; ergò &c.

Respondetur nunquam quidem restitui originalem iustitiam secundum omnes partes suas, sed tamen restitui secundum eam partem & rationem, quā conuertebat animam ad Deum tanquam finem supernaturalem: hoc enim præstabat secundum habitum gratiæ sanctificantis, qui in baptismo rursus infunditur, licet iam nullo modo nomen iustitiæ originalis referret, quia non ab origine trahitur, neque per originem traducitur. Ad id autem quod vltius contra opponitur, dicendum est, sensum D. Tho. non esse quod ex subiectione voluntatis ad Deū, reali aliquo efflusu per physicam efficientiam fuerint causatæ reliquæ subiectiones, sed quod morali quodam modo inde sint consequutæ, quatenus videlicet mens sic rectè & ordinatè disposita ad Deum & perfectè illi subdita exigebat suo modo, vt etiam vires inferiores quādam proportionem conformiter sese ad ipsam haberent eique plenè submitterentur, vt contra vel præter eius dictamen & iussu non sese mouerent: neque tamen sequitur, quod propterea etiam modò, quando per gratiam iustificantiem iterum voluntas ad Deum conuertitur, debeant rursus omnia prædicta dona simul cōferri, quia in testimonium lapsus & in vindictā culpæ nunc meritò subtrahit & denegat Deus naturæ peccatrici, quæ tunc priusquam deliquerat iuxta cōuenientissimum ordinem, eidem largiebatur.

## ARTICVLVS II.

*Utrum in vno homine sint multa peccata originalia?*

25 **C**onclusio D. Thomæ est; In vno homine est vnū numero originale peccatum, in omnibus autem hominibus est vnum proportionē quādam, siue etiam vnum specie.

Probat̃ur Primò, quia vnum tantum peccatum Adæ in posteros traducitur, ergò in quolibet non est nisi vnum pondus, inde scilicet causatum: quod quidem in omnibus dicitur vnum proportionē propter eundem respectum ad idem principium, scilicet ad Adæ inobedientiā.

Probat̃ur Secundo, quia in omni inordinatā dispositione vnitas speciei consideratur ex parte causæ, vt patet (inquit D. Tho.) in ægritudine corporali: sunt enim diuersæ specie ægritudines, quæ ex diuersis causis procedunt, puta ex superabundantiā calidi vel frigidi, vel ex lēione pulmonis vel hepatis &c. cuius autem sunt speciei quæ ex eadē causā procedunt. Vnitas autem numeri sumitur ex parte subiecti, atqui vna eadēq; est causa peccati originalis, idēq; modus causandi circa omnes, ipsa autē subiecta sunt plura & numero distincta; ergò vnū specie est peccatū originale in omnib. & in quolibet vnū numero.

#### ARTICVLVS IV.

*Utrum peccatum originale sit æqualiter in omnibus?*

26 **C**onclusio D. Thomæ est: Originale peccatum non potest esse magis in vno quàm in alio; & sic æqualiter est in omnibus. Probat̃ur, quia peccatum originale duo includit, scilicet priuationem iustitiæ originalis, vt dictum est, & respectum siue relationem huius priuationis ad peccatum primi parentis, à quo per viatam originem deducitur, vt habet hic D. Thomas, atqui in omnibus est æqualis priuatio, quia totaliter priuatur iustitiā, & æqualis est respectus ad idem principium à quo causatur eodem omnino modo in omnibus, ergò æqualiter est in omnibus. Neque obstat, quod alij alijs sint prioriores ad concupiscendum, vel ad diuersa vi-

ta, hoc enim non fit ratione inæqualitatis in peccato originis, sed ex diuersa dispositione potentiarū, vt bene dicit D. Tho. ad primum; quia, inquit, soluto vinculo iustitiæ originalis sub quo omnes vires animæ ordine quodam continebantur; sic quod vnaquæque animæ vis tendat in motum suum proprium, & tanto vehementius quanto fuerit fortior, nisi contrarijs actibus virtutum temperetur: contingit autem vires esse fortiores in vno quàm in alio propter diuersas corporis complexionēs: quæ complexionum diuersitas ex varijs particularibus causis exoriri potest.

27. Similiter nec obstat quod aliqui generantur cum maiori ardore libidinis parentum, quàm alij, quia non secundum illam diuersitatem intensiōis aut remissiōis augetur vel minuitur originalis culpa, quia etiam posito quod virtute diuinā aliqui parentes nullam inordinatam libidinem in actū generationis sentirent, tamen transmitterent in prolem originale peccatum, vt notat D. Tho. ad tertium. Denique nec contra conclusionem arguit, quod quidam infantes ante rationis etiam vsum, pluribus subiiciantur doloribus & miserijs, quàm cæteri: non enim hoc fit propter ipsorum peccatum originale maius; sed quia secundum sapientissimam & æquissimam suam prouidentiam Deus illos, qui ipsum reliquerunt, ipse quoque relinquit in miserijs ex naturali cursu ac naturæ defectu obuientibus, quæ proinde secundū diuersas occasiones causarum naturalium possunt obuēire maiores vni quàm alteri. Quamuis interim fatendum sit, quod hic etiam possit concurrere ratio iustitiæ vindicatiue, sic vt Deus puniat aliqua peccata parentum in ipsis prolibus, & tunc mala hæc respectu prolium habent rationem miseriæ, & respectu parentum rationem pœnæ: prout videtur accidisse circa prolem Davidis ex adulterio cum Bethsabee natam, vt colligitur ex illis verbis Nathan Prophetæ: 2. Reg. cap. 12. Verumtamen, quoniam blasphemare fecisti inimicos Domini propter verbum hoc, filius qui natus est tibi, morte morietur: & ex eo quod sequitur: Percussit quoque Dominus parvulum &c.

## QVÆSTIO LXXXIII.

## De subiecto originalis peccati.

*In quatuor articulos diuisa.*

## ARTICVLVS I.

*Utrum peccatum originale sit magis in carne quam in anima?*

**C**ONCLUSIO D. Thomæ est: In carne tanquam in subiecto peccatum originale nullo modo esse potest, sed solum in animâ. Ratio satis constat ex dictis sup. in ipso tamen Adamo (inquit D. Thom.) fuit tanquam causâ principali (quod etiam patet satis ex dictis) & in semine est tanquam causâ instrumentali, quia videlicet quatenus per virtutem actiuam seminis decisi proximè vel remotè ex Adamo generatur proles, eatenus trahit naturam humanam, vt in Adamo virtualiter contentam, quando diuinum præceptum in ipso omnibus datum ipse fuit transgressus, atque ita mediante actione seminis tanquam instrumenti, induit proles naturam peccatricem, & peccato obnoxiam, vt ex hæcenus dictis plenius potest intelligi.

## ARTICVLVS II.

*Utrum peccatum originale sit per prius in essentia animæ, quam in potentijs?*

**C**ONCLUSIO D. Thomæ est: anima secundum essentiam est primum subiectum originalis peccati. Potest probari ex D. Thom. hoc modo, quia vt habet in responsione ad secundum, originalis iustitia primordialiter pertinebat ad essentiam animæ; atqui vt ante dictum est, priuatio iustitiæ originalis, quatenus animam & voluntatem subiebat Deo est formale in peccato originali, ergo etiam hoc primordialiter & primò erit in ipsâ essentiâ, quia idem est subiectum priuationis & habitus, quod & D. Tho. probat aliâ ratione, quam quia obscurior est & multis altercationibus obnoxia, prætermittimus: pen-

det autem probabiliter resolutio huius articuli ex alijs quæstionibus controuersis vt an gratia sanctificans sit habitus distinctus à charitate? & si ponatur habitus distinctus, an proximè sit in essentiâ animæ an in voluntate? de quibus infra.

## ARTICVLVS III.

*Utrum peccatum originale per prius inficiat voluntatē quam alias potentias?*

**C**ONCLUSIO D. Thomæ est: peccatum originale per prius respicit voluntatem, quam alias potentias. Probat autem & explicat hoc penè modo; quia in peccato originali præter inherentiā in subiecto, oportet etiam considerare inclinationem ad actum; atqui hæc primò ostendit & exierit se in illâ potentiâ, quæ prima est in mouendo; ibi enim primò obseruatur infirmitas ex peccato orta; voluntas autem est potentia, quæ primò mouet cæteris, ergo peccatum originale per prius respicit & afficit voluntatem quâ reliquas animæ vires.

Obseruandum hæc est istam inclinationem peccati originalis non esse quid reale potentijs superadditum, sed ipsas potentias vt inordinate dispositas soluto iam vinculo iustitiæ originalis, vt sup. ex D. Tho. ostendimus latius.

## ARTICVLVS IV.

*Utrum aliqua potentia sint specialiter infecta, scilicet generatiua, vis concupiscibilis & sensus tactus?*

**C**ONCLUSIO D. Thomæ est affirmatiua: ratio hæc autem ab eo innuitur: quia hæc potentiæ deferuiunt propinquius actui generationis, per quem corruptio originalis peccati traducitur. Dicuntur autem specialiter

cialiter infectæ, non quod eis insit formalis culpa, hoc enim verum non est, vt constat ex antedictis; sed quia in eis magis sese ostendit magisque in eis experimur ipsam pœnalem corruptionem sequutam

ex peccato: nam vt docet August. lib. 14. de Ciuitate cap. 16. 18. & 19. infectio culpæ originalis maxime apparet in motu genitalium membrorum qui rationis imperio planè non subditur.

## QVÆSTIO LXXXIV.

### De causa peccati secundum quod vnum peccatum alterius peccati causa est.

*In quatuor articulos diuisa.*

#### ARTICVLVS I.

*Vtrum cupiditas sit radix omnium peccatorum?*

**P**ROPONIT hunc articulum D. Thomas occasione verborum Apostoli 1. ad Timotheum cap. vltimo: *Radix omnium malorum est cupiditas.* Ante responsionem suam præmittit cupiditatem secundum aliquos dici tripliciter: vno modo prout est appetitus inordinatus diuitiarum, & sic est speciale peccatum. Alio modo secundum quod significat inordinatum appetitum cuiuscumque boni temporalis: & sic est genus omnis peccati: nam in omni peccato est inordinata conuersio ad commutabile bonum, vt dictum est. Tertio modo sumitur prout significat quādam inclinationem naturæ corruptæ ad bona corruptibilia inordinate appetenda: & sic dicunt illi cupiditatem hoc tertio modo sumptam esse radicem omnium peccatorum ad similitudinem radicis arboris, quæ ex terra trahit alimentum: sic enim ex amore rerum temporalium omne peccatū procedit. Responder autem D. Tho. quamuis ista quidem vera sint, non tamen esse ad mentem Apostoli: quando dixit, cupiditatem esse radicem omnium peccatorum: manifestè enim ibi loquitur contra eos, qui cum velint diuites fieri, incidunt in tentationes, & laqueum diaboli, eò quod radix omnium malorum est cupiditas. Vnde euident est, quod loquitur de cupiditate, secundum quod est appetitus inordinatus diuitiarum: & secundum hoc dicendum est, quod cupiditas secundum quod est speciale peccatum, dicitur radix omnium peccatorum ad similitudinem radicis arboris, quæ alimentum præstat toti arbori. Videmus enim quod per

diuitias homo acquirit facultatem perpetrandi quodcumque peccatum, & adiungendi desiderium cuiuscumque peccati: eò quod ad habenda quæcumque temporalia bona, potest homo per pecuniam iuari: secundum quod dicitur Ecclesi. 10. *Pecunie obediunt omnia:* & secundum hoc patet, quod cupiditas diuitiarum est radix omnium peccatorum.

#### ARTICVLVS II.

*Vtrum superbia sit initium omnis peccati?*

**P**ROPONIT hunc articulum D. Thomas occasione illius dicti Sapientis c. 10. Ecclesiast. *Initium omnia peccati est superbia.* Præmittit hic quoque D. Tho. iuxta aliquos superbiā dici tripliciter. Vno modo secundum quod superbia significat inordinatum appetitum propriæ excellentiæ, & sic est speciale peccatum. Alio modo, secundum quod importat quandam actualem contemptum Dei quantum ad hunc effectum, qui est non subdici eius præcepto: & sic dicunt quod est generale peccatum. Tertio modo, secundum quod importat quandam inclinationem ad huiusmodi contemptum ex corruptione naturæ: & sic hi volunt superbiā tertio modo acceptam esse initium omnis peccati. Aliiter tamen causam esse omnis peccati dicunt cupiditatem, & aliter superbiā, quia cupiditas respicit peccatum ex parte conuersionis ad bonum commutabile, ex quo peccatum quodammodo nutritur & fouetur: & propter hoc cupiditas dicitur radix. Sed superbia respicit peccatū ex parte auersionis à Deo: cuius præcepto homo subdici recusat, & ideo vocatur initium, quia ex parte auersionis incipit ratio mali.

A 2 iij Respon-

Respondet autem D. Thomas, quod licet hæc verè dicantur, non tamen dici ad intentionem & mentem Sapientis, quando dixit, *Initium omnis peccati est superbia*: manifestè enim loquitur de superbiâ, secundum quod est inordinatus appetitus propriæ excellentiæ: vt patet per hoc quod subdit: *Sedes Ducum superborum destruxit Deus*, & de hac materia loquitur ibi ferè in toto capitulo. Et ideo dicendum est, quod superbia etiam secundum quod est speciale peccatum, est initium omnis peccati, quatenus scilicet in temporalibus acquirendis, intentione versatur semper circa aliquam eminentiam obtinendam, vt indicat D. Th.

## ARTICVLVS III. &amp; IV.

*Vtrum præter superbiam, & auaritiam sint alia peccata specialia, quæ dici debent Capitalia?*

*Vtrum conuenienter dicantur septem vitia capitalia?*

**N**Otat D. Thomas art. 3. vitium hîc dici capitale, quod ab eo alia vitia oriri sint nata, & præcipuè secundum originem causæ finalis, sic vt alia in ordine ad illud tanquam finem, appetantur, quatenus habet aliquam primariam rationem mouendi appetitum. Vnde fit quod & suo modo aliorum directio ab illo dependeat: ars enim quæ circa finem versatur, imperat & dirigit alias. Hinc D. Gregor. lib. 31. Moral. cap. 31. comparat capitalia vitia Ducibus exercitus, qui sunt & principia motiua, & directiua. Ex his docet D. Tho. præter superbiam & auaritiam esse alia peccata specialia, quæ dici possint capitalia, sic vt in vniuersum rectè statuân-

tur septem. Colligit autem istum numerum hoc ferè modo: quia appetitus mouetur aut ad bonum prosequendum, aut ad malum fugiendum: bonum autem hominis potest considerari esse triplex: est enim primò quoddam bonū animæ, quod non nisi ex intellectus apprehensione habet appetibilitatis rationem, sicut excellentia laudis, vel honoris, & hoc bonum inordinate prosequitur inanis gloria. Aliud est bonum corporis, & hoc vel pertinet ad conseruationem indiuidui sicut cibus & potus, & hoc bonum inordinate prosequitur gula: aut ad conseruationem speciei sicut coitus, & ad hoc ordinatur luxuria. Tertium bonum est exterius, scilicet diuitiæ, & ad hoc ordinatur auaritia; & eadem quatuor vitia inordinate fugiunt quatuor mala contraria; atq; ita ex inordinatâ prosecutione boni habentur quatuor vitia capitalia. Adduntur autem adhuc tria ex inordinata appetitus fugâ propter aliquod malum vel incommodum: contingit enim imprimis dupliciter, quod quis inordinate fugiat bonum propter aliquod malum adiunctum, quia aut id facit respectu boni proprii, & sic est acedia quæ tristatur de bono aliquo spiritali propter laborem adiunctum: aut est de bono alieno, & hoc si sit absque insurrectione, & externa ostentatione, pertinet ad inuidiâ, quæ quali secretò tristatur de bono alieno quatenus suo modo impedit, aut obscurat propriam excellentiam: aut est cum quadam insurrectione ad vindictam, & sic est ira. Vide alias rationes, quibus eadem vitia capitalia demonstrat, apud D. Thomam. Reliqua quæ ad materiâ huius questionis pertinent, colligere & intelligere licebit ex dictis quæst. 72. artic. 4. & quæst. 77. artic. 4. & 5. adiunctis illis quæ 1. p. de primo peccato primi hominis, & de primo peccato Angelorum traditi solent.

## Q V Æ S T I O L X X V.

## De effectibus peccati.

*In sex Articulos diuisa.*

## ARTICVLVS I.

*Vtrum peccatum diminuat bonum naturæ?*

## ARTICVLVS II.

*Vtrum totum bonū natura humana possit auferri per peccatum?*

Distin-

**D**ISTINGUIT D. Tho. triplex naturæ bonum: inprimis quoddam naturæ bonum sunt ipsa eius principia & proprietates ex his causatæ, vt sunt vires animæ & alia huiusmodi, secundo loco ponit naturæ bonum, quod homo habet à natura inclinationem ad virtutes, vt latius ostendit sup. q. 63. Tertio modo (inquit) potest dici bonum naturæ donum originalis iustitiæ, quod fuit in primo homine collatum toti humanæ naturæ. His positis sic

Conclusio Prima: Bonum naturæ primi generis neq; tollitur neque minuitur per peccatū: bonum autem tertij generis totaliter per peccatū primi parentis sublatum est, quod neq; debitū erat naturæ, vt sup. diximus; sed bonū naturæ secundi generis per peccatū est diminutum. Est D. Thomæ: Prima pars est communis & certa, quia & in ipsis dæmonibus post peccatum remanserunt ipsa natura & naturales vires in suā integritate & perfectione naturali, vt docet D. Dionys. 4. de diuin. Nominibus cap. 4. Secunda pars ex suprā dictis constat. Quod ad tertiam partem conclusionis attinet,

Obseruandum est, quod duplex possit in homine intelligi inclinatio ad virtutē: vna est quā tribuebat bonum illud naturæ tertij generis siue bonū iustitiæ originalis: altera, quæ cōsequitur ex naturalibus principijs naturæ humanæ: hoc ipso enim, quo conditus est homo naturæ rationalis, simul ei inest inclinatio in virtutem, siue ad bonū honestum tanquam proprium obiectū appetitus rationalis vt rationalis est; quemadmodum quælibet natura irrationalis habet inclinationem insitam ad suum proprium finem. Loquendo itaque de inclinatione priori, certum omnino est, eam in se spectatam non tantum esse diminutam, sed planè sublatam, sicuti ipsa iustitia originalis, vnde causabatur, totaliter per primum peccatum Adæ fuit sublata. Et quia ipsa iustitia originalis perficiebat hominem non tantum in supernaturalibus, sed etiam in ordine naturali tam in corpore quam in anima, vt ex sup. dictis potest intelligi, hinc Concil. Araus. docet diuersis in locis arbitrium voluntatis in primo homine infirmatum, læsum, attenuatum, vitiatum, item hominem secundum corpus & animam per peccatum Adæ in deterius esse mutatum, quia robur & perfectionem, quæ iustitia originalis homini conferebat tam in corpore quam in anima, per peccatum primi parentis perdidimus: atque ita eo sensu omnes vires, tum animæ tum corporis sunt in deterius mutatæ: verum de hac inclinatione ad vir-

tutem non hic loquitur D. Thomas, sed de inclinatione posteriori, quam artic. 2. dicit homini competere ex hoc ipso quod rationalis est, Vnde sit

Conclusio Secunda: Hoc bonum naturæ siue hæc posterior inclinatio ad virtutem nunquam totaliter auferitur siue extinguitur. Est quoque D. Thomæ & ratio est euident, quia non distinguitur realiter ab ipsa rationali voluntate.

Sed difficultas est, quomodo possit admitti, per peccatum minui inclinationem hanc, & tamen nunquā totaliter posse tolli, quandoquidem finita sit, sicut & ipsa voluntas finita est; omne autem finitum ablatione finiti tandem consumatur. Respondetur idcirco nunquam totaliter auferri, quia quod dicitur minui per peccatum, non est sic intelligendum, quasi gradus aliquis vel pars gradus ab eā per peccatum auferatur: neque enim propriè loquendo habet partes intentionales, sed sicut ipsa voluntas indiuisibiliter in seipsā existit sic & ista propensio, quæ non est nisi ipsa voluntas vt habens ordinem potentie ad bonum honestum tanquam obiectum proprium, quatenus hæc potentia est appetitus rationalis: Ast verò dicitur minui, quia per peccatum ponitur eius motibus impedimentum, quatenus scilicet fit obstaculum voluntati, vt minus in virtutem & honestatem feratur, quod amplius percipitur, quando ex peccatis iteratis acquiritur habitus vitiosus, siue induitur vitiosa consuetudo. Sed quamuis hæc reddat auctum istius inclinationis difficiliorem & molestiorem nunquam tamen omnino ipsam extinguit: vnde etiam ex Synderesi in damnatis nascitur vermis conscientie eos perpetuò rodens & torquens.

### ARTICVLVS III.

*Utrum conuenienter ponantur quatuor vulnera anima ex peccato consequentia?*

**C**onclusio D. Thom. est affirmatiua: & probat eam auctoritate Bedæ, quæ habetur in Glossa ordinariā in c. 10. Lucæ, ad illa verba: *Homo descendens à Ierusalem in Iericho* &c. Declaratur, quia ex peccato originali iuxta quatuor animæ vires, insinista sunt eidē vulnera quatuor, intellectui scilicet ignorantia, voluntati malitia, appetitui concupiscibili concupiscentia, & irascibili debilitas siue infirmitas. Ratio autem est, quia originalis iustitia præstabat, quod intellectus

intellectus facile & sine errore veritatem omnem sibi conuenientē consequi possit, & quod in negotijs prudenter & cum debita vigilantiā ageret; quare iustitiā sublatā fuit sequuta difficultas in veritate assequendā etiā illā quę conueniens est, imō & necessaria, vt prudenter sese homo in negotijs gerat, & simul procliuas ad errores propter inconsiderationem, quam sapius admittit, quę nomine ignorantie hic significantur. Similiter iustitia originalis tribuebat quod voluntas esset valde procliuas ad omnem virtutem, & alienior ab omni vitio. Item quod vires inferiores perfecte subderetur voluntati, & essent fortes ad bona ardua perficienda. Sublatā itaque hac iustitiā, etiā ablati sunt hi effectus, & in voluntate sequuta est propensio ad bonum commutabile, quę dicitur hic malitia. In appetitu concupiscibili sequuta est inordinata concupiscentia ad voluptates carnis, & ad similia huic appetitui accommoda. In appetitu deniq; irascibili sequuta est infirmitas: vnde sit, quod homo tardior sit ad bona ardua, & facilius cædat malis, vt puta minis & terroribus incussis.

5 Obseruandū autem est Primò: quamuis concupiscentia & debilitas sedē suam habeant in appetitu concupiscibili & irascibili respectiue, prout D. Thom. hic explicat, nihilominus tamen etiā in voluntate rationali locum habere quędam proportionata vulnera: nam ipsa quoque prior facta est ad condelectandum appetitui concupiscibili in voluptatibus sensualibus etiā contra rectę rationis iudicium, & similiter debiliior ac magis languida ad resistendum tentationibus.

Obseruandum Secundò: D. August. diuersis locis ponere duo tantum vulnera scilicet ignorantiam & difficultatem, sed sub difficultate rectē dici posse cōprehendi tria alia dicta ab ignorantia distincta.

Obseruandum Tertio, Hęc vulnera quatenus sequuntur ex peccato originali, nihil superaddere potentij præter priuationē originalis iustitię: quia hac sublatā, vt habet hic D. Thom. omnes vires animę remanēt quodammodo destitutę proprio ordine, quo naturaliter dirigūtur in virtutem; sed quatenus dicta vulnera augentur per peccata personalia, sic dici posse addere aliquid positiui, videlicet habitus vitiosos acquisitos, in quantum scilicet & ratio hebetatur, & ad falsitates quodammodo inclinatur; & vt voluntas induratur ac maior in eā accrescit difficultas bene agendi, ipsaq; concupiscentia magis inardescit per vitiosam & continuatam consuetudinem.

## ARTICVLVS VI.

*Utrum priuatio modi, speciei  
& ordinis sint effectus peccati?*

Notandum cum D. Thoma: Omne bonum creatum consistere in certo modo, specie, & ordine: bonum autem hominis in communi quadruplex posse assignari. Vnde ad triplex bonū sup. explicatum adiungit hic quartū, quod dicit esse actum hominis ordinatum. His positis

Respondetur: Effectus peccati non est priuatio modi, speciei, & ordinis, quo ad ipsa principia, & proprietates humanę naturę: nam sicuti illa per peccatum non amittuntur, vt dictum est circa a. 1. & 2. ita neque etiā priuantur suo modo, specie & ordine, in quibus eorum ratio consistit. Idem dicendum est de inclinatione naturali ad virtutem, quia neque hæc tollitur, aut intrinsecē minuitur, vnde nec suam perdit speciem & ordinem: sed sicuti per peccatum originale aut mortale tolluntur iustitia & virtutes infusę, quę charitatē comitantur, ita etiā rectē priuatio modi, speciei & ordinis, boni quarti generis, siue actus ordinati est essentialiter (inquit D. Tho.) ipsum peccatum, atque ita est effectus peccantis, sed non peccati proprii effectus, verū potius eius forma, de actuali loquendo.

## ARTICVLVS V. &amp; VI.

*Utrum mors & alij defectus corporales sint effectus peccati?  
Utrum mors & alij corporis defectus sint naturales homini?*

Conclusio Prima: mors & alij corporis defectus, vt dolores, morbi, &c. sunt effectus peccati. Patet ex Concilio Mileuitano Can. 1. Arausico Can. 2. & Trident. Sess. 5. in decreto de Originali peccato, & probatur ex Scripturis: Genes. cap. 2. Quicumque die comederis, scilicet de fructu vetito, morte morieris, id est, mortis necessitati subiectus eris. Ecclesiastici 25. A muliere peccatum, & per eam morimur omnes; Ad Rom. 5. Per vnum hominem intravit pec-



catum &c. & per peccatum mors: ad Rom. 8. Corpus mortuum est propter peccatū, id est. moriendi necessitati obnoxium, 1. Cor. 15. Sicut in Adam omnes moriuntur &c. & ibidem, Per unum hominem mors & per unum hominem resurrectio mortuorum.

8 Ex quibus Scripturis tā evidentem conuincitur conclusio, vt Pelagiani, qui ante docuerant homines in primo statu non minus futuros fuisse mortī obnoxios, quā in hoc statu, postmodum ex Scripturis sic pressi concesserint mortem tanquam pœnam peccati Adæ, ad nos pertransire; quāvis interim pertinaciter negarent, peccatum esse transfusum. Sequuta autem est necessitas moriendi & exinde mors & aliæ corporis miseræ ex originali peccato, quatenus per illud amissimus iustitiam originalem, quæ inter cætera bona quæ homini præstabat, etiam peculiari dono, siue extrinseco siue intrinseco, de quo disputant Scholastici) hoc item tribuebat vt corpus ab omnibus quæ ipsi poterant inferre molestiam, posset præseruare & contra illa præmunire, sic vt nunquam moriendi fuisset subiectus necessitati.

9 Conclusio Secunda: Quamuis mors & alij corporis defectus sint pœnæ peccati, sunt tamen etiam quodammodo defectus naturales. Ita D. Tho. hic articulo 6. & alij communiter.

Probat, quia sunt tales defectus siue infirmitates, quæ sequantur nudam naturam, nisi peculiari Dei beneficio impediuntur: vnde in statu uidx naturæ, si in tali statu fuisset creatus homo, non minus foret obnoxius istis corporis miserijs, quam modò sit. Et ratio est, quia humanum corpus postulat certam mensuram & temperiem humorum & qualitatum quæ faciliè dissolui potest tum à causis extrinsecis, tum etiam ab actione internorum principiorum, siue primarum qualitatum quæ sibi contrariantur, nisi singulari aliquo medio conseruentur omnia in suā debitā proportionem, & contra extrinseca peculiari custodiā conseruentur illæsa. Defectus tamen isti eo in statu non essent pœnæ peccati, quia peccatum non præcessisset, neque aliquando per donum iustitiæ originalis fuisset sublati, quare nec per peccatum dici possent reuixisse.

10 Hinc potest intelligi quomodo in Scripturis nunc dicatur mors esse à Deo, nunc autem non esse à Deo: dicitur enim esse à Deo, quia in pœnā peccati voluit Deus sublato iustitiæ originalis dono, hominem esse obnoxium moriendi necessitati, cum aliquin per donum istud poterat non mori: dicitur verò non esse à Deo, quia non est ab illo secundum primam in-

stitutionem: sic enim considerat hominem, vt posset non mori; sed homo per peccatum sese in moriendi necessitatem coniecit. Itaque prima origo mortis est peccatum, non autem Dei voluntas, nisi post peccatum commissum, aut præuisum.

Vnicum hic restat explicandum dubium, de effectu seu pœna peccati originalis in vitā futurā. Pro cuius resolutione

Respondet & dico Primo: De fide certum est paruulos in peccato originali decedentes in perpetuum excludendos à Regno cælorum, & in perpetuum caruiros beatificā visione Dei. Pater ex Scripturis, Ioannis cap. 3. Amen, amen dico tibi, nisi quis renatus fuerit deus, non potest videre regnum Dei. Idem constat ex omnibus illis in quibus significatur fides necessaria ad salutem, vt in epist. ad Rom. & in epist. ad Galat. ac passim per omnes libros noui Testamenti: carent etenim fide paruuli tales, vtpote qui nec actu proprio, neq; per regenerationis Sacramētum fuerint illam consequuti: vnde & Pelagiani in hanc conclusionem consenserunt: vt patet ex D. Aug. lib. 1. de peccatorum Meritis cap. 20. & 21. & lib. 1. de Animā & eius origine cap. 9. & ex alijs locis.

12 Dico Secundo: Paruuli sine Baptismo cum peccato originali decedentes, non fruentur etiam extra Regnum cælorum naturali aliquā beatitudine in quodam quasi Paradiso terrestri perpetuò feliciter victuri. Ita communiter satis DD. Bellarminus lib. 6. de Statu peccati cap. 1. & 2. Gregorius à Valentia Tom. 2. disp. 6. qu. 17. puncto 4. circa medium: Dominicus Soto in 4. dist. 48. qu. 2. artic. 4. ad 4. principale argumentum: Petrus Soto lib. 6. de Baptismo. Azorius Tom. 1. lib. 4. cap. 33. qu. 4. D. Thom. D. Bonauent. Gabriel, Marsilius & alij in 2. d. 33. vel in 4. d. 45. vbi docent tales infantes sic decedentes in loco subterraneo, & obscuro tanquam in carcere detinendos perpetuò; quod cum beatitudine naturali non congruit. Est autem contra Ambrosium Catharinum, lib. de Statu puerorum sine baptismo decedentium, & Albertum Pyghiu controuersia prima, vt refert Bellarm. loco supra citato cap. 1. quos videtur sequutus Salmeron in cap. 5. ad Rom. vbi scribit: Resurgent pueri per Christū, & suprā beatitudinem naturalem, quā quotidie proficiunt in cognitione operum Dei, & substantiarum separatarum, visitationes habebunt angelicas &c. Neq; ab eis videntur in re ipsa multum dissentire quidam alij recentiores Scriptores, quamuis refugiant nomen beatitudinis naturalis, & meritò

merito quia Bellarm. loco citato c. 2. dicit, quod fide Catholica tenendum sit paruulos sine baptismo decedentes absolute esse damnatos, & non sola caelesti, sed etiam naturali beatitudine perpetuo carituros. Gregorius à Valentia quoque loco citato dicit, contrariam opinionem omnino reiici debere.

- 13 Et Probatur ex D. Augustino, qui lib. 1. de origine animæ cap. 9. sic scribit: Non baptizatis paruulis nemo promittat inter damnationem, regnumque Cælorum, quietis vel felicitatis cuiuslibet atque vbi libet quasi medium locum: hoc enim eis hæretici Pelagiana promissit: & lib. 2. cap. 12. nouellos hæreticos Pelagianos iustissime Conciliorum Catholicorum, & sedis Apostolicæ damnauit auctoritas, eo quod auli fuerint non baptizatis paruulis dare quietis & salutis locum etiam præter regnum Cælorum. Idem in eis reprehendit in lib. de Hæresibus, hæresi. 88. Nam (inquit) etiam si non baptizentur, promittunt eis extra regnum quidem Dei, sed tamen æternam & beatam quandam vitam suam: quæ sanè D. Aug. sententiæ indicant quid amplius vel aliud in Pelagianis damnavi, quàm quod extra Cælum tribuerent paruulis sine baptismo decedentibus beatitudinē supernaturalem, & visionem beatificam Dei, sed quod qualemcumque æternam vitam quietam & beatam eis promitterent: hoc enim clarè videtur importare illa verba: Non Baptizatis nemo promittat inter damnationem regnumque Cælorum, quietis vel felicitatis cuiuslibet & vbi libet medium locum, &c. Et rursum illa: promittant æternam & beatam quandam vitam suam; ergo &c. Imo non videntur Pelagiani per beatam vitam quam paruulis extra regnum Cælorum attribuebant, intellexisse beatitudinem supernaturalem quæ in Dei visione consistit, neque ita etiam apprehendisse eorum doctrinam videtur D. August. sed aliud felicitatis genus, vt colligitur ex ipso D. Aug. lib. 3. contra Iulian. c. 12. vbi dicit expresse Pelagianos dum paruulos excludunt à regno Dei, simul quoque excludere à vitâ Dei: non apparet autem à qua vitâ Dei eos possint dici excludere, quâ à beatifica visione Dei. Accedit quod Regnum cælorum, siue Regnum Dei in Scripturis sanctis solet significare felicitatē æternam, quæ in Dei visione consistit, vt notat Bellarm. loco cit. c. 1. Amplius autem constabit veritas dictæ conclusionis, & temeritas contrariæ opinionis ex sequentibus.

- 14 Dico itaque Tertio: Paruuli sine baptismo cum peccato originali decedentes

non erunt etiam absque omni molestia & afflictione, quin saltem afficiantur mœrore aliquo propter suum à Regno cælorum exilium: Ita Bellarm. sup. cap. 6. Gregor. à Valentia, & alij plures. Probatur, quia SS. P. P. & Concilia sic passim loquuntur, vt dicant eos perire in æternum, vt esse obnoxios æternæ perditioni, puniri in inferno, pati tormenta, esse in damnatione, quæ omnia non videntur congruo & vero sensu posse intelligi, nisi aliquam saltem eiusmodi infantes patiantur afflictionem, aut mœrorem. Concil. Mileuit. damnat eos, qui dicunt paruulos sine baptismo non perire, seu perdi in æternum, vt patet ex epistolis 90. & 92. apud August. quæ sunt ad Innocent. 1. Quomodo autem sunt in perditione, & puniuntur, si nihil doloris, aut mœoris patiantur? Concil. Flor. Sess. vltima, dicit illorum animas qui cū actuali mortali peccato, vel cum solo originali decedunt, mox in infernum descendere, pœnis disparibus puniendas. Quomodo autem dicentur pœnis disparibus puniri, si qui in solo originali discedunt, nullum omnino aut sentiant, aut capiant ex suo statu dolorem vel tristitiam. Sanè D. August. lib. 3. cont. Iulian. c. 12. vocat hoc lucuosum exilium, quo puniantur infantes: quod ex auctoritatibus mox allegandis magis confirmabitur. Vnde

Dico Quarto, iuxta obuium sensum accipiendo verba & sententias Scripturæ sacræ ac SS. P. P. præcipue eorum qui magis ex proposito hanc difficultatem & conditionem paruulorum sine Sacramento regenerationis decedentium, examinarunt, omnino efficitur verisimilius eiusmodi infantes non futuros plane ab omni pœnâ ignis liberos; communis tamen Scholasticorum opinio eosdem omnino ab illâ pœnâ absoluit.

Probatur prior pars ex Scripturis illis, quæ significant damnatos omnes (inter quos eiusmodi infantes à P. P. & Concilijs reponuntur) igne puniendos, item paleas siue reprobos comburendos igne inextinguibili, vt habetur Matth. 3. & Lucæ 3. vbi etiam dicitur: quod, *Omnia arbor non faciens fructum bonum excidetur & in ignem mittetur.* Deinde ex cap. 25. Matthæi, vbi describitur forma extremi Iudicii, & tantum fit mentio duorum ordinum, sub quorum alterutro omnes iudicandi videntur comprehendendi: istorum autem vnus ad regnum cælorum admittitur; alter verò non tantummodo ab eo excluditur, sed in æternum supplicium, siue in æternam combustionem relegatur.

Probatur Secundo ex P. P. D. August. Sermone 14. de verbis Apostoli cap. 3. dicit

dicat omnes à Christo iudicandos etiam paruulos, & omnes, qui non erunt à dextris, futuros à sinistris, nullumque esse locum medium; eos qui à dextris erunt assumendos ad regnum, quò non perueniunt paruuli etiam Pelagio id concedente; eos autem qui à sinistris erunt, (cum quibus constituendi sunt paruuli non baptizati) ituros in ignem æternum: & ne quis dicat fortassis eos quidem ituros in ignem, sed nihil ab igne passuros, vt quidam dicebant de fidelibus, qui fidè mortuam & non viuam habuerint, idcirco (inquit August.) quod & hoc præuidens Dominus ita concludat suam sententiam, dicens, *Sic ibunt illi* (scilicet quicumque à sinistris erunt) *in combustionem æternam.* Fulgentius de Fide ad Petrum cap. 27. sic scribit: firmissimè tene & nullatenus dubites non solum homines iam ratione videntes, sed etiam paruulos qui siue in vteris matrum viuere incipiunt & ibi moriuntur, siue cum de matribus nati sunt, sine Sacramento baptismatis quod datur in nomine Patris & Filij & Spiritus S. de hoc sæculo transeunt, ignis æterni sempiterno supplicio puniendos, quia (inquit) etiam si propriæ actionis peccatum nullum habuerint, originalis tamen peccati, damnationem carnali conceptione & natiuitate traxerunt. Vide Diuum Augustinum Enchyrid. cap. 93. lib. 1. de Peccator. merit. cap. 16. & 17. & lib. 5. contra Iul. cap. 8.

16 D. Gregorius lib. 9. Moral. cap. 16. ad illa verba Iob: *Multiplabit vulnera mea etiam sine causa*, scribit hoc modo: Nonnulli etenim prius à præsentia luce subtrahuntur, quàm ad prosperanda bona, malave merita actiue vitæ perueniant, quos quia à culpâ originis Sacramenta salutis non liberant, & hic ex proprio nihil egerunt, & illuc ad tormenta perueniunt: & paulò post eodem loco adiungit: perpetua quippe tormenta percipiunt, qui nihil ex propria voluntate peccauerunt. Vide eundem cap. 12. eiusdem libri. Isidorus lib. 1. Sententiarum cap. 22. Pro solo (inquit) originali reatu luunt in inferno nuper nati infantuli pœnas, si renouati per laucrum non fuerint. D. Anselmus de Conceptu virginis cap. 22. dicit, Nullum fore angelum aut hominem nisi vel in Regno celorum vel in inferno, & simul significat eos qui in inferno erunt, omnes ibi torquendos, quamuis non æqualiter pro originali & personali peccato, secundum quod etiam distinguit Concil. Flor. supra citatum. Ioannes Papa, vt habetur 30. quæst. 1. Can. Ad Limina, laudat quendam laicum qui necessitate cogente

baptizauit proprium filium quoniam (inquit) ne animam perpetuâ morte perentem dimitteret, sacri vndâ baptismatis lauit. Quæ omnia ita sonant vt vix permittant lectorem contrariam concipere opinionem, quàm quod infantes cum peccato originali decedentes etiam aliquam patiantur ab igne pœnam siue molestiam. Quam tamen ita moderatam existimat D. August. lib. 5. contra Iul. cap. 8. vt non audeat definire melius fore illis non esse, quam sic esse; Quæ qualis & quantæ erit, quantum definire non possim (inquit) non tamen audeo dicere, quodeis vt nulli essent, quam vt ibi essent, potius expediret: vnde nec ad actus odij Dei aut blasphemias prouocantur, neque in eiusmodi actus erumpunt: Est enim hæc propositio per duos Pontifices reprobata: Peccatum originis est habituali paruuli voluntate voluntarium, & habitualiter dominatur paruulo, eò quod non gerat contrarium voluntatis arbitrium, & ex habituali voluntate dominante fit, vt paruulus discedens sine regenerationis Sacramento, quando usum rationis consequutus erit, actualiter Deum odio habeat, Deum blasphemet, ac legi Dei repugnet.

17 Posterior pars constat ex scriptis omnium passim Scholasticorum, præterquam quod aliter sentiant Greg. Ariminensis 2. d. 31. quæst. 3. Driedo lib. 1. De Gratia & Libero arbitrio cap. 12. & pauci fortassis alij, vt nouissimè iam Florentius Conrarius Hybernus, qui operosum eâ de re scripsit Tractatum. Communem verò sententiam sequuntur D. Thomas quæst. 5. de Malo, artic. 1. 2. & 3. Magister lib. 2. dist. 33. Bonauentura, Richardus, Scotus, Durand. Gabriel, eadem dist. & plures alij tum antiquiores tum recentiores. Vnde etiam hæc opinio non caret suâ probabilitate præsertim ob multitudinem eorum, qui ita docuerunt & docent, inter quos multi doctissimi & sancti viri fuerunt, licet alioquin ex Scripturis aut Concilijs, vel SS. P. P. qui exactius hanc quæstionem considerarunt, parum fundamenti adducant. Probant tamen Primò, ex illo Apocalypsis cap. 18. *Quantum glorificauit se, & in delicijs fuit; tantum date illi tormentum & luctum*: vnde inferunt eos qui se non glorificauerunt, neque in delicijs fuerunt, quales, inquit, sunt paruuli, non habituros tormentum aut luctum.

Probant Secundo, authoritate Iano-centij Papæ I I. qui Capitulo Maiores, de Baptismo & eius effectu scribit; quod poena originalis peccati sit carentia visionis Dei, actualis verò peccati poena sit

Bb

gehennæ

gehennæ perpetuæ cruciatus. Addunt præterea ex Commentario D. Ambrosii adscripto in cap. 5. ad Rom. ubi dicitur : est & alia mors, quæ secunda dicitur in gehenna, quam non peccato Adæ patimur, sed eius occasione proprijs peccatis acquiritur.

Probant denique etiam hæc ratione, quia neque ex Scripturis, neque ex definitione vel traditione Ecclesiæ constat, quod pueri ab igne patiantur; ergo illud non est asserendum.

- 18 Saâ igitur utrique opinioni remanente probabilitate, in ordine ad praxim consultum fuerit, sic utrâque uti, ut fideles moneantur & excitentur tantâ diligentia & sollicitudine infantibus providere, ne vel negligentia vel quocumque casu hinc sine regenerationis Sacramento decedant, quasi non poenâ damni tantum, sed etiam poenâ sensus alioquin sint puniendi: quia Doctorum etiâ omnium simul probabilis doctrina, si divinæ iustitiæ ordinatio alia sit; nihil operabitur ad eos à poenis eximendos, sicuti è contra ubi de præcepto vel prohibitionem operis agitur, contingit aliquando excusari eos à peccato, qui probabilem opinionem sectantur, licet speculatiuè vera non sit. Quare opinio posterior, quamvis in infantibus videatur humanior, tamen à parte rei est ipsis periculosior & præiudicialis magis, quam prior, quatenus scilicet incurrit præbet occasionem, aut minoris saltem diligentiae tum parentibus, tum alijs ad præcauendum ne sine Sacramento salutis hinc migrent, adeo ut Patres Concilii Carthaginensis epistolâ 90. apud Augustinum scribant eos necare infantes, qui dicunt illos sine baptismatis Sacramento à perditione liberari, siue perditioni non esse obnoxios, & D. August. lib. 3. contra Iulian. cap. 12. improperet eos perniciosâ laude oppugnare infantiam. Vbi tamen adhibitis sollicitudine & diligentia debitis, contingerit nihilominus paruulum aliquando siue per aborsum, siue ex aliâ occasione sine regenerationis Sacramento decedere, tunc ad immoderatum quorundam parentum mororem temperandum, poterit adhiberi sententia posterior ad aliquale solamen, quod nimirum talium puerorum status saltem non sit poenis grauioribus obnoxios.

- 19 Qui autem posteriorem opinionem sequuntur, solent ad argumenta in contrarium adducta respondere; ad Scripturas quidem, quod agant vel de illis, qui in Ecclesiâ sub vno Pastore fuerunt, quod applicant ad cap. 25. Matthæi, ubi fit mentio Pastoris, qui segregat oves ab hæ-

dis; vel certè, de adultis in communi, qui fructus bonos & malos facere poterunt. Ad D. Augustinum & Fulgentium quod attinet, scribit Vasquez disput. 134. cap. 3. Temo 1. & nonnulli cum ipso, non posse negari, quod illi fuerint in eâ opinione, quod Paruuli puniantur eiusmodi poenâ; à quâ etiam dicit non abhorre D. Greg. Magnus: Alij tamen etiam hos explicare conantur, quod scilicet solum voluerint infantes etiam futuros in loco ignis in inferno, in quo tamen ab igne non patientur. Addunt autem aliqui, quod tamen ex loco & circumstantijs sint passuri aliquam difficultatem & molestiam, quod haud dubiè ad minus secundum mentem istorum sanctorum dicendum est. Ad Isidorum & Anselmum poterunt dicere, quod hi velint paruulos quidem esse in locis subterraneis, quæ generaliter nomine inferni possunt intelligi, & ibi aliquo mœrore exilij sui torquendos, non tamen eorum sermonem hoc importare, quod aliquid mali ab igne passuri sint.

Si alicui visa fuerit verior altera sententia, respondere poterit ad argumenta posteriori allata: Ad Primum quidem, comparisonem illam, quæ illo cap. Apocalipseos fit inter delictijs & tormenta non esse accipiendam secundum æqualitatem rei ad rem, quasi in eadem mensurâ secundum intentionem & durationem reddenda sint luctus & tormenta, prout fuerunt gaudium & delictia: nam certum est, quod poenæ & tormenta quasi in infinitum superabunt quantitatem gaudij & voluptatum, quæ ex peccatis capiuntur, tam secundum intentionem, quam extensionem; sicuti è contra iuxta illam comparisonem, *Non sunt condignæ passionēs huius temporis ad futuram gloriam quæ reuelabitur in nobis*, ut docet Apostolus ad Rom. cap. 8: sed esse accipiendam secundum proportionem demeriti ad supplicium, siue poenam; quod videlicet tantum luctus & tormentorum reddendum sit, quantum fuerint peccata promerita; quæ quia committi solent ex amore inordinato commutabilis boni, sub quo etiam continetur studium proprijs affectibus & passionibus satisfaciendi, etiam si alioquin per se voluptatem non adferant, sicuti invidia, odium, homicidium &c. propterea Scriptura ut in terminis sibi oppositis comparisonem eloquatur, dixit: *Quantum glorificauit se, & in delicijs fuit, tantum dare, &c.* non quod absolute necessarium sit peccatum cum delicijs & voluptate fuisse commissum, ad hoc ut suum auctorem poenis & tormentis obnoxium constituitur,

Deinde

Deinde dici poterit, quod sicut in Adamo peccauerunt, sic & in ipso fuerunt suo modo in delicijs, veluti quædam partes & membra totius illius naturæ cuius actus erat illud peccatum Adæ. Accedit quod argumentum procedat ab opposito antecedentis ad oppositum consequentis, quod inualidum esse constat ex Dialecticâ.

- 21 Ad Secundum Respondetur, Pontificem illo Capitulo non tractare ex proposito, multo minus aliquid definire de quæst. hac quæ versatur circa poenâ parvulorû, sed primò & principaliter docere parvulos baptizandos esse, eisdemque per baptismum remitti peccatum originale, quâvis actum proprium nullum habeant.

Sed cum nonnulli ulterius mouerent per modum obiectionis, Quare similiter non remitterentur peccata adultis, si in somno baptizarentur, sâtem ipsum peccatû originale sine proprio actu, etsi non personalia, quæ proprio actu & consensu commisissent, Pergit respondere Pontifex, & dicit id non fieri primò, quia perfecta Dei sunt opera, neque dimidiatam concedit veniam. Deinde adiungit suæ responsionis aliam rationem, & sic ex occasione assumit, quod poena peccati originalis sit carentia beatificæ visionis, & poena peccati actualis sit æternæ gehennæ cruciatus; unde concludit, non posse proinde adultis remitti originale peccatum sine actuali, quia manerent obnoxij cruciatibus gehennæ æternæ, & tamen non essent priuandi visione beatificâ, quia eis esset peccatum originale remissum; quæ duo simul non consistunt.

- 22 Quantum autem ista ratio efficaciz habeat, non est huius loci examinare, talis tamen est illius Capituli deductio: hoc interim dicimus, præterquam quod ex

occasione solum assumatur illud à Pontifice, insuper id esse accipiendum commodo sensu, quod videlicet illæ poenæ dicantur sic correspondere istis peccatis per quandam appropriationem, quia poena damni peculiariter appropriatur peccato originali, idcirco quia infantes se ipsos non conuerterunt ad bonum commutabile, sed nascuntur auersi à Deo: poena autem sensus appropriatur peccato personali, quia per hoc conuertit se ipsum homo ad bonum commutabile, & ad proprijs passionibus & desiderijs satisfaciendum: sicuti autem hæc poena non potest intelligi conuenire huic peccato cum exclusione poenæ damni, quam habet necessariò simul coniunctam si fuerit mortale, ita neque illa intelligitur necessariò cum exclusione omnis poenæ sensus.

Ad Tertium Respondetur, Commentarium illum non esse D. Ambros. vt Bellar. in lib. de Ecclesiasticis Script. & alij plures obseruant, neque authorem illius ita magnæ esse autoritatis, vt pote qui in multis fauere satis videtur Pelagianis, vt ibidem Bellar. notat.

Ad vltimum poterit Responderi, quod quidem ex Scripturis aut traditione Ecclesiæ non ita constet, quod infantes patiantur ab igne, vt hoc fide sit tenendum; nihilominus tamen multa reperiri in Scripturis & in antiquis P. P. quæ omnino id præseferunt, sic vt qui non esset alterâ opinione imbutus, non facîle aliud ex ipsis conceperet, quemadmodum ex autoritatibus sup. allegatis, & alijs pluribus quæ possent allegari satis constet. Lege Tractatu Reuerend. Patris Florentij Conrij Hiberni Archiepiscopi Tuamæn, De Statu parvulorum sine baptismo decedentium.

## QVÆSTIO LXXXVI.

### De Maculâ peccati.

*In duos articulos diuisa.*

#### ARTICVLVS I.

*Vtrum peccatum causet aliquam maculam in animâ?*

#### ARTICVLVS II.

*Vtrum macula maneat in animâ post actum peccati?*

Bb ij

Conclu;

**C**ONCLUSIO D. Tho. est affirmatiua ad vtrumq; articulum; estque omnino conformis modo loquendi Scripturæ sacræ, quæ significat peccatores maculatos, coinquinatos, immundos, abominabiles; & eosdem mandari, ablui, lauari, quando per penitentiam & iustitię infusionē peccata delentur. Ier. 2. c. *Si laueris te nitro & multiplicaueris tibi herbam Boriith, maculata es in iniquitate tuā, Ecclesiastici 31. Beatus vir qui inuentus est sine macula, Psal. 118. Beati immaculati in viā, ad Ephes. 5. dicitur Christus se tradidisse, vt Ecclesiam exhiberet Non habentem maculam aut rugam, sed vt sit sancta & immaculata, Osee 9. Abominabiles facti sunt sicut ea quæ dilexerunt, Psal. 50. Lauabis me & super niuem dealbabor, Ezech. 16. Muntabimini ab omnibus inquinamentis vestris: vnde D. D. omnes in hac conclus. quoad formam sermonis, satis conueniunt. Sed difficultas maxima est, quidnam sit, siue in quo consistat hæc macula, quæ per peccatum in animā causatur & post peccatum ibi remanet? Omissis Scholast. opinionibus, quæ variæ sunt, vt videre est apud Vasquez Tomo 1. in hanc partem disp. 139.*

2 Pro explicatione Dico Primò: Macula illa non est obligatio ad pœnam, quæ remanet post peccatum secundum diuinam ordinationem. Est contra Scotum, vt apparet in 4. dist. 14. vbi vult post actum peccati nihil remanere in peccatore præter quandam relationem rationis, quam vult confurgere ex actu Deitum intellectus, tum voluntatis, quo hominem qui peccauit ordinat ad iustam pœnam.

Sed probatur conclusio Primò, quia obligatum esse ad pœnam, est quid posterius quàm esse peccatorem, & peccati maculā iniquinatum: ideo enim Deus ordinat hominem ad pœnam, quia maculatus & abominabilis est; ergo hæc obligatio ex diuina ordinatione proueniens non est ipsa macula peccati: Secundò, quia non rectè potest dici, quod homo coinquinetur ex Dei actione siue ordinatione, eiusus effectū, sed dici debet maculari ex actu proprio, siue ex illius effectū; ergo non ex istā obligatione ad pœnam, quæ consequitur diuinam destinationem peccatoris ad pœnam: Tertiò, quia, etiam si nulla constitueretur pœna peccato, nihilominus tamē ex ipso diceretur homo coinquinatus & abominabilis Deo; ergo hæc macula est quid aliud quàm obligatio ad pœnam: Accedit denique, quod etiam sublata maculā possit remanere quædam obligatio ad pœnam: vt patet in Sacramento penitentia.

Sed pro sua opinione adducit Scotus

D. Augustinum qui in illud Psal. 31. *Beati quorum remissa sunt iniquitates, & quorum relictæ sunt peccata, &c.* videtur pro iisdem habere peccatum non esse, & peccato pœnam non esse destinatum; ergo &c. Respondetur D. Augustinū accipere quidem hæc pro iisdem, peccatum remitti, & æternam pœnam peccati dimitti, non quod formaliter omnino sint eadem, sed quia iuxta ordinariam Dei legem inseparabiliter sese concomitantur.

Opponit Secundò, quod meritum nihil sit aliud, quàm relatio ad præmium postquam videlicet opus meritorium transierit; ergo neque demeritum erit aliud, quàm quædam relatio ad iustam pœnam.

Respondetur istis admissis, non sequi tamen maculam peccati esse tantum relationem siue ordinem obligationis ad supplicium: quia vt diximus sup. circa quæst. 21. ratio peccati siue culpæ est prior ratione demeriti, sicuti & bonitas operis, & iustitia habitualis est prior ratione meriti: vt patet in pueris baptizatis, vbi est iustitia sine ratione meriti, vnde & iniquitas siue iniustitia habitualis, quamuis nunquam de facto contrahatur, sine demerito, tamen potest concipi, absque ratione demeriti, & potest de facto perseuerare etiam abolitā aut remissā obligatione pœnæ promeritæ per absolutam Dei potentiam.

Dico Secundò, non consistit etiam macula peccati, de quā agimus, in entitate aliqua physica & positiuā. Est D. Thom. hic & communis: Probat, quia ex actu peccati non remanet aliquid positiui realis præter habitum vitiosum, aut dispositionem inclinantem ad similes actus; atqui hic habitus siue dispositio non potest dici macula peccati, de quā nunc agimus: Primò, quia macula hæc potest deleri & tolli per gratiæ recuperationem & peccati remissionem manente interim illo habitu, siue vitiosā dispositione in homine. Deinde contingere potest, quod ex actu peccati, v.g. semel tantum commissio, & mox dolore merē humano retractato, non remaneat habitus acquisitus, vel dispositio, idque magis etiam locum habere poterit in peccatis omissionis absque omni actu, quæ tamen etiam causant maculam in anima; ergo &c. Vide dicta suprà, de ratione peccati originalis ad articulum 1. quæst. 83.

4 Dico Tertiò, non sufficienter explicatur ratio huius maculæ, quando dicitur quod hoc sit habere maculam peccati, quod est habere peccatum non remissum, licet materialiter sese cōcomitentur macula & habere peccatum non remissum; Probat, quia

quia ibi per peccatum vel intelligunt habituale, vel actuale præteritum: si habituale dicant se intelligere, iam incurritur petitio principij, vti apparet; quia de hoc queritur quidnam sit illud: non explicatur autem per istam descriptionem, atque ita non explicatur id quod inquiritur & investigatur: si vero intelligant actuale præteritum, ergo esse maculatum & esse peccatoris, erit mera denominatio extrinseca, quæ sit ab intellectu siue creato siue increato propter opus quod transijt absque omni præsentī formâ aut fundamento talis denominationis in ipsa re siue in homine qui talis denominatur. Vnde parum videbitur hæc expositio recedere ab opinione Scoti, quæ passim rejicitur. Propter eandem rationem, non videtur etiam rectè explicari eo modo, vt forma, à quâ denominatur homo peccator aut pollutus, non sit aliud quàm peccatum non retractatum, vti explicat Vasquez disp. 139. c. 5. Dico autem (inquit) non retractatum neque per penitentiam, neque per contritionem perfectam charitate, neque per condignam mutationem habitus vel actus: quia nimirum in primis, non esse retractatum, vt ipse quoque fatetur, non potest pertinere per se ad formam huius denominationis, quasi ex illo tanquam ad formam denominantē per se pertinetur sumeretur denominatio maculati aut polluti: sed, inquit, dicimus non retractationem esse necessariam ex parte subiecti, quia ex parte huius, vt denominetur à forma extrinseca, requiritur priuatio oppositi impediementi, quia igitur retractatio esset impediementum huius denominationis, ideo (ait) dicimus requiri, non vt aliquid pertinens ad formam, sed vt aliquid requisitum ex parte subiecti, ne impediatur denominatio. Deinde, hæc retractatio est pura negatio, & aliquando etiam inculpabilis pro aliquo saltem tempore; ergo hic etiam nihil reperitur per modum formæ aut fundamenti huius denominationis præter ipsum peccatum præteritum, quod modo non est, atque ita peccatum habituale siue macula, nihil erit aliud, quàm extrinseca quædam denominatio ex actu præterito: vnde semper inciditur in sententiam Scoti, aut quorundam Nominalium Scoti opinioni assinem, quæ vtrique passim rejicitur tanquam improbabilis.

Dico Quartò, Macula peccati consistit in priuatione quâdam nitoris animæ, non in se quidem nudè considerata, sed vt considerata cum ordine ad suam causam, quæ est peccatum: nitoris, inquam, animæ debiti inesse, & qui animam Deo redat gratiam & amabilem. Est D. Tho. hic

art. 1. vbi ad 3. clarè eo modo maculam explicat, & infra q. 89. a. 1. & ita communiter quoque docent eius sectatores. Caiet. Conrad. Medina hic. Dom. Soto in 4. d. 15. q. 1. a. 2. item Bellar. lib. 5. De Statu peccati c. 19. Greg. a Valentia d. 6. q. 2. puncto 1. & alij.

Pro pleniori autem intelligentiâ, Notandum est cum D. Tho. quandoquidem nomen maculæ per metaphoram à corporalibus translatum sit ad spiritualia, tunc corpus dici maculari, quando perdit nitorem suum ex contactu alterius corporis: vt patet in veste, in auro, vel argèro, vnde inquit D. Tho. hic in Corpore, oportet ad huius similitudinem in spiritualibus maculam quoque concipere & explicare.

Notandum Secundò, In animâ hominis duplicem posse considerari nitorem: vnū ex refulgentiâ luminis rationis, quatenus iuxta illud, anima sese bene habet, & rectè disposita est ad naturæ Authorem, tanquàm finem suum naturalem: Alium verò, ex refulgentiâ luminis supernaturalis & gratiæ, quatenus secundum instructionem fidei, & secundum ordinem supernaturalem est debito modo disposita ad Deum tanquam finem supernaturalem.

Notandum Tertio, Animam quoque suo modo contingere seu attingere res alias, scilicet per suos affectus: est namque veluti quidam animæ tactus, quando ipsa rebus aliquibus per amorem iuhæret: quare sicuti corpora munda inquinantur & nitorem suum amittunt, si alijs sordidis contactu vniantur, sic quoque dicitur rectè maculari anima, & nitorem suum perdere, ex eo quod obiectis inordinatis & turpibus seu inhonestis, inordinato modo peccat affectum & amorem ad hæreat.

Notandum Quarto, rectè D. Thomam obseruasse duplicem illum animæ nitore, vt videlicet explicari queat ratio maculæ peccati in communi, non tantum quatenus peccatum est destructiuum ordinis supernaturalis, sed etiam quatenus destructiuum est ordinis naturalis, atque adeo quatenus etiam macula siue peccatum habituale esse & permanere post actum peccati potuisset in statu omnino naturali, si videlicet homo fuisset tantum creatus rectus in ordine ad Deum, tanquam authorē naturæ, & finem naturalem. His præmissis

Probari potest Conclusio pro eâ parte quæ respicit maculam vt est contra ordinem supernaturalem, ipsdē argumentis, quibus sup. quæst. 82. circa art. 1. & 3. ostendimus peccatum originale formaliter consistere in priuatione iustitiæ originalis, prout per illam homo erat ad Deum, vt finem supernaturalem cōuersus ipsique secundum voluntatem subditus: macula

macula enim sic considerata quæ relinquitur ex actu peccati personalis, & peccatum originale in eo tantum differunt, quoddam illa habeat respectum ad actum proprium personæ tanquam sui causam, hoc autem habeat respectum ad peccatum commune quod omnes commiserunt in Adamo: unde sicuti ratio peccati originalis consistit in eiusmodi priuatione, ita etiam ratio habitualis peccati siue maculæ ex proprio personali peccato relicta debet pariter dici consistere in priuatione illius nitoris qui exurgebat in animâ ex resurgentiâ gratiæ & virtutum supernaturalium: nulla enim hic poterit discriminis ratio assignari. Pro eâ autem parte qua conclusio etiam extenditur ad maculam, quæ remaneret ex actuali peccato in casu quo non fuisset homo ordinatus ad finem supernaturalem, potest probari consimilibus argumentis secundum quandam proportionem applicatis, quia sicuti anima per virtutes supernaturales resurgit quodam pulchritudine amabili & gratâ auctori suo, quatenus est eius finis superna-

turalis, ita quoque si tantummodo ad Deum tanquam naturalem finem suum esset ordinata, resurgeret nitore quodam qui exurgeret ex affectibus honestis & virtutibus moralibus quæ tempore debito inessent, quibus secundum exigentiam naturæ rationalis in tali statu esset convenienter disposita ad auctorem suum tanquam supremum bonum eius naturale, in quo naturalis eius beatitudo consisteret, cuius rectæ & debitæ dispositionis priuatio causaretur per actus peccaminosos contra leges illius status: ista autem priuatio quatenus nitorem tolleretur, haberet maculæ rationem, & quatenus recta illa dispositio & inde exurgens nitor inesse deberent & tamen non inessent, simul etiam obtineret habitualis culpæ rationem, unde quamvis macula & habitualis culpa materialiter sint eadem, tamen aliquo modo formaliter distinguuntur.

Ad ea autem quæ contra conclusionem solent obijci, partim ex dictis loco sap. citato, partim ex infra dicendis poterit non ita difficulter responderi.

## QVÆSTIO LXXXVII.

### De Reatu pœnæ.

#### *In octo articulos diuisa.*

#### ARTICVLVS I.

*Utrum reatus pœnæ sit effectus peccati?*

**N**OTANDUM hic est pœnam proprie dictam esse malum siue incommodum quoddam positium, vel priuatiuum hominis voluntati, aut naturæ contrarium, inflictum ad culpæ vindictam. Dico voluntati, aut naturæ, quia ad rationem pœnæ non requiritur simpliciter, quod voluntas repugnet, ut patet in operibus pœnitentiæ, quæ quis sua sponte, assumit & peragit ad peccatorum expiationem siue vindictam: sed satis est, quod saltem bono vel comodo naturæ aduersetur. Addo inflictum ad culpæ vindictam, quia si malum aliquod immittatur citra respectum ad culpam, sed v.g. ad patientiæ vel aliarum virtutum exercitationem, non erit pœna: similiter neque si infligatur ad cauteleam vel

medellâ contra peccata futura: quâvis enim tunc vocari soleat pœna medicinalis, tamen proprie & simpliciter pœna non est, sed tantum cum particulâ diminuerit aut alienante.

Notandum Secundò, reatum pœnæ esse obligationem quandâ siue quoddam debitum, quo quis tenetur obnoxius pœnæ luendæ, siue quo dignus est, ut pœna infligatur: quæ obligatio non est formaliter ipsa culpa, sed culpa illius est fundamentum, ad quod necessariò ista obligatio & dignitas pœnæ consequuntur.

Conclusio itaque D. Thom. est affirmatiua & probatur Primo ex Scripturis Prover. 13. *Peccatores persequitur malum*, Psal. 36. *Iniusti punientur*, Ierem. 51. *Foris plor Dominus reddens retribuet*, &c. ad Rom. 2. *Tribulatio & angustia in omnem animam hominis operantis malum*: Vbi significat Apostolus certam pœnam præsertim futuri sæculi omni peccato constitutam, nisi tamen hic per pœnitentiam obtineatur remissio.

Vnde



Vnde D. Prosper libi. Sententiarum, Sent. 210: ita scribi: Peccata siue parua siue magna impunita esse non possunt, quia aut homine penitente, aut Deo iudicante pleſcuntur.

2 Probatur Secundò ratione D. Thom. quæ sic poterit formari: obseruamus etiam in rebus naturalibus, quod vno contrario reluctante sequatur fortior & vehementior actio alterius cōtrarij ad istius depressionem; ergò similiter admittendum est, quod dum peccator debito ordini contrarius contra illum agit peccando, & ex parte sua destruit, quod tum vniuersalis Princeps omnis ordinis è contra insistendo ordini deprimat agentem contra ordinem, vt hunc deprimendo, ordinem suo modo restitueret; hæc autem depressio est iusta ultio & pœna ipsius peccantis; quâ mediante ordo in communi reparatur, dum quoddam iniquè committitur, iustè punitur. Notat autem D. Tho. quod secundum triplicem rationem ordinis cui subditur homo, contingat etiam tripliciter ipsum puniri quando peccat: prima enim ratio ordinis sumitur secundum dictamen luminis rationis: Secunda nascitur ex humanis legibus latis à Superioribus, qui exterius nos gubernant: Tertia autem accipitur ex diuinis legibus & generali Dei gubernatione. Subuersioni itaq; primi ordinis correspondet pœna, quam sibi ipsi peccator adfert, vt est remorsus conscientie: destructioni secundi ordinis respondet pœna, quæ exterius ab hominibus infligitur: violationi autem tertij respondet illa, quæ à Deo, siue in hoc, siue in futuro sæculo immititur aut infertur.

3 Obseruandum quoque hic est, non tantum reatum pœnæ, sed & ipsam pœnam esse etiam suo modo effectum peccati; aliter tamen atq; aliter ab eo causari: nam reatus pœnæ inseparabiliter & directè procedit à culpâ, sic vt hæc committi non possit, quin causet reatum siue debitum pœnæ; sed pœna ipsa causatur remotè & meritorie ab ipsâ culpâ, videlicet mediante iustitiâ vindictiua, quatenus propter culpam tanquam demeritum infligitur peccanti aliquod incommodum contrarium voluntati aut naturæ.

## ARTICVLVS II.

*Utrum peccatum possit esse pœna peccati?*

4 Conclusio Prima: Peccatum non potest per se esse pœna alterius peccati. Est D. Tho. hic & communis ferè DD.

in 2. dist. 35. & 36. cum Magistro, contra Scotum & alios quosdam.

Probatur Primò: Quia ad pœnæ per se & propriè dictæ rationem non satis est, quod sit malum quoddam siue incommodum hominis, vel suppositi rationalis, aut carentia boni conuenientis voluntati, vt videtur supponere Scotus, sed requiritur insuper, vt infligatur vel assumatur in vindictam culpæ, alioquin enim poterit habere rationem exercitationis vel etiâ alicuius miserie, non tamen pœnæ; atqui peccatum non potest esse conuenientius mediū, vt vel à Deo infligatur, vel ab ipso homine assumatur ad vindicandam alia peccata; ergò non potest esse pœna per se & propriè dicta alterius peccati; includit enim ratio pœnæ essentialem ordinem ad culpam vindicandam.

Probatur autem subsumptum, quia peccatum est noua quædam Dei iniuria; ergò inidoneum quo vindicetur & reparetur altera; nullus enim prudens procurabit sibi inferri secundam iniuriam ab aliquo, vt per eam puniatur prior sibi illata, & si forsitan quis prætenderet se addere secundam in vindictam prioris, quam contra alterum admisit, censereur magis contumeliam inferre, quàm satisfactionem aliquam, vel sui castigationem exhibere: Secundò, quia omnis inordinatio peccati est contra iustitiam: pœna autem non est contra iustitiam, alioquin non esset pœna, sed iniuria. Accedit denique, quod non possit Deus intendere peccata hominum; atqui pœna debet esse intenta ab eo, qui infligit & punit; ergò respectu Dei tanquam vlciscantis non potest vnum peccatum esse pœna alterius, respectu cuius tamen (si alicuius vindicantis respectu) deberet potissimum pœnæ rationem obtinere, nemo enim intendit seipsum punire peccando. Sed contra

6 Obijcitur Apostolus: qui cap. 1. ad Rom. docet, Deum propter præcedentia peccata tradidisse gentes in desideria cordum eorum, in immunditiam & in passionem ignominie ac in reprobum sensum, vt faciant ea quæ non conueniunt: quem locum tractans D. Aug. lib. 5. contra Iul. cap. 3. ita scribit, Et hæc utique vides causam, propter quam traditi sunt sine vllâ ambiguitate monstratam; dixit quippe, quod mala malè ante fecissent, & adiunxit, Propter quod tradidit illos Deus in desideria cordum eorum: proinde præcedentis est hæc pœna peccati, inquit, & tamen etiam ipsa peccatum est: ac rursus ibidem; sunt (inquit) eadè peccata & peccatorum supplicia præteritorum, & lib. 1. Confess. cap. 12. Iussisti enim, & sic est, vt pœna sua sibi sit omnis inordinatus animus.

B b iij mus.

mus. Similiter etiam scribit D. Greg. Homil. 11. in Ezech. & lib. 25. Moral. cap. 13. ergo negandum non est, quod vnum peccatum possit esse pœna peccati alterius. Respondetur, & sic

3 Conclusio Secunda : Ob allegatas & alias similes loquutiones, tum Scripturæ tum etiam Sanctorum Patrum, omnino admittendum est, quodam modo & sensu, vnum peccatum esse pœnam peccati alterius, videlicet pœnam per accidens & indirectè. Ita etiam hic D. Thomas & alij DD. cõmuniter. Rectè autem ostendit D. Tho. tripliciter id contingere : Primò ex parte causæ, inquit, quæ est remotio prohibentis, quatenus videlicet ipsum diuinæ gratiæ auxilium prohibens & impediens peccata, propter præcedentia demerita subtrahitur & denegatur iusto Dei iudicio in eorum vindictam & pœnam: ad quam subtractionem tanquam ad causam negatiuiam & per accidens sequitur hominem labi in alia peccata, quæ non possunt tamen dici pœna per se præcedentium delictorũ, quia non ex intentione Dei auxilium subtrahentis incurrit homo ista mala, quæ ipse Deus odit, sed ex propriâ malitiâ ipsius hominis, quam Deus impedire non vult, verum iusto iudicio permittere; quia tamen reuera sunt mala quædam ipsius hominis & ex pœnâ per se iniectâ cõsequuntur ( licet illa non intendat Deus puniens ) idcirco nihilominus etiam pœnæ præcedentium delictorum, & quidem grauissimæ suo modo reputantur, licet pœnæ per se & propriè dictæ rationem non omnino obtineant. Secundo modo, vnum peccatum est pœna alterius ex parte substantiæ actus, quæ aliquando afflictionem inducit, siue sit actus interior, vt patet in irâ & inuidiâ, multi enim luore quasi tabescunt; siue sit actus exterior, vt patet quando magnis laboribus & periculis subinde sese exponunt homines, vt expleant suas cupiditates & malignas passiones, v. g. vt adulterentur, vt sese de hostibus suis vindicent, &c. iuxta illud libri Sapient. c. 5. *Lapsi sumus in viâ iniquitatis, & perditionis, & ambulauimus viâ difficilē.* Tertio ex parte effectus, quia relinquit scilicet effectum aliquem molestũ & grauem suo auctori, v. g. remorsum conscientiæ, vel etiam temporale incommodum aut damnum.

Duobus autem posterioribus modis vnum peccatum non tantũ est pœna peccati præcedentis, sed etiam sui ipsius, vt rectè obseruat hic D. Thom.

4 Ad obiecta ergo Respondetur. Quod sententiæ Apostoli inprimis explicandæ sunt tanquam quæ significant priora pec-

cata fuisse causam suo modo, quod gentes illæ à Deo desertæ sint, diuinis auxilijs & protectione substractis, ac permissæ sint abire in omnem immunditiam & turpitudinem peccatorum, à quibus etiam vel maxime naturalis ratio & communis sensus abhorrent; ideoque ista sequentia peccata iuxta primum modum à D. Tho. hic traditum esse admittenda & habenda tanquam pœnam peccatorum præcedentium, non autem tanquam pœnam per se & directè iniectam. Eodem sensu D. August. lib. 5. contra Iul. D. Greg. & alij PP. qui similiter loquuntur, intelligendi sunt dicere & docere, vnum peccatum esse pœnam alterius: nam pœnam esse quidem asserunt, sed modum & sensum loquutionis non ita expressè tradunt: vnde D. Aug. loco cit. ita scribit: Curauit enim Apostolus (inquit) dicere, quanta pœna sit à Deo tradi passionibus ignominie siue deserendo, siue alio quocumque explicabili vel inexplicabili modo, quo facit hæc summè bonus & ineffabiliter iustus: quibus etiam satis significat Aug. illam traditionem & punitionem, quibus dicuntur gentes illæ in desideria carnis traditæ, deserendo facta esse.

Ad illud autem quod adducitur ex lib. Confessionum. Respondetur, verum esse quod omnis inordinatus animus suipsius sit pœna, scilicet etiam per accidens iuxta secundum vel tertium modum, quia nimirum ipsa actio peccati sit grauis & molesta frequenter, vel quia ipsam actionem & animi inordinationem mox tanquam effectus quidam sequantur molestiæ & tœdia, vt animi compunctiones & conscientie remorsus ac alia sæpius incommoda; non autem quod ipse inordinatus animus à Deo immitatur ad peccati alicuius vindictam aut punitionem, sed quia habet adiunctum aut subsequens incommodum, idcirco modo quodam scilicet per accidens & indirectè censetur ipse esse pœna suipsius. Sed contra,

Replicabit quispiam: D. Aug. loco cit. contra Iul. redarguit Iulianum, quod eos, quos Apostolus dicit à Deo traditos suis desiderijs & passionibus ignominie, explicet eo sensu traditos, quia relictæ (inquit) per diuinam patientiam intelligendi sunt, non per potentiam in peccata compulsi: quasi (inquit August.) non simul posuerit hæc duo idem Apostolus & patientiam & potentiam, vbi ait, si autem volens ostendere iram suam & demonstrare potentiam &c. ergo solutio prior non satisfacit. Respondetur N. C. pro quo norandum est, sic Iulianum non accepisse, relictum esse per diuinam patientiam, vt idem sit quod iusto

iusto Dei iudicio esse desertum, & diuinis auxilijs ac protectione esse destitutum, ei acciderit, quoddam in omnes illas turpitudines prolapsæ sint gentes, de quibus Apostolus loco cit. sed ita accepisse, ut idem sit quod per longanimitatem & patientem Dei bonitatem conferuari superstitis in hac vitâ, nec è medio tolli dum peccant, ut ibidem D. Aug. satis significat. Quare in istâ relictione nullum apparet aut reperitur iudicium Dei vindicantis aut punientis, quod tamen sine dubio in illâ traditione in passionibus ignominiz & reprobam sensum, quæ à Deo fieri dicitur, est agnoscendum.

- 6 Vnde meritò in hoc reprehenditur Iulianus ab Augustino. Bene autem apparet & remonstratur tale iudicium vindictæ, quando ista traditio explicatur per iustam defensionem & destitutionem auxiliorum gratiæ factam à Deo propter peccata, unde fit quod in vltiora vitia prolabantur. Quod verò redarguat in eo sensu Iulianum, manifestè constat ex adiunctis eodem capite, vbi sic pergit scribere; Quis verò ita desipiat, ut cum audierit, quod in Psal. canitur, *Ne tradas me Domine à desiderio meo peccatori*, hoc dicat orasse hominem, ne Deus sit patiens erga illum, si Deus non tradit, vt mala fiant, nisi patientem bonitatem præbendo cum sunt: quid est autem quod quotidie dicimus. Ne nos inferas in tentationem, nisi vt non tradamus concupiscentijs nostris: *Vnusquisque enim tentatur à concupiscentiâ suâ abstractus & illudum*, an fortè hoc à Deo petimus, vt non sit erga nos patiens bonitas eius; non ergo eius inuocamus misericordiam, sed potius iracundiam prouocamus. Cæterum quod D. August. innuit Deum etiam per potentiam tradere aliquos in reprobam sensum, id intelligendum est eo sensu, quod dicitur Deus conuertisse corda Ægyptiorum vt odirent populum eius, non quod per suam potentiam transuerteret cor hominis in malum, sed quod potenter operetur quædam bona in se, & iusta, vnde peccatores accipiunt occasionem malè aut peius agendi: quemadmodum ex benedictionibus & affluentijs Hæbreorum extimulati fuerunt Ægyptij, vt sese ad inuidiam & odium contra Hæbreos conuerterent, & sicuti Pharaon ex plagis, quibus à Deo iuste fuit punitus, accepit occasionem cor suum obdurandi postquàm per Dei benignitatem cessarent. Vide dicta sup. quæst. 79. art. 1. & 2.

## ARTICVLVS III.

*An aliquod peccatum inducat reatum æternæ pœnæ?*

Conclusio est affirmatiua, & certa de fide contra Origenem, qui videtur existimasse nullas pœnas fore æternas, sed omnes homines & dæmones post aliquot sæculorum reuolutiones saluandos. Probatur autem Primo ex Scripturis sacris: I saia 33. *Qui poterit habitare de vobis cum igne deuorante? Quis habitabit ex vobis cum ardoribus sempiternis*: & cap. vlt: *Vermis eorum non morietur*: Matth. 25. *Discedite maledicti in ignem æternum, & ne quis forsitan dicat ignem quidem futurum æternum, sed homines non perpetuò cruciandos, additur infra, & ibunt hi in supplicium æternum, siue æternam combustionem, quod etiam circa illa verba annotauit D. August. Marc. 3. Qui blasphemauerit in Spiritum S. non habebit remissionem in æternum, sed reus erit æterni delicti*, Apocal. 20. *Diabolus, qui seducebat eos, missus est in stagnum ignis & sulphuris, vbi & bestia & Pseudopropheta cruciabuntur die ac nocte in sæcula sæculorum*. Probatur Secundo ex Concilio Lateran. vbi habetur definita conclusio in capitulo Firmiter; & colligitur ex Trid. Sess. 6. c. 15. vbi definitur quolibet peccato mortali gratiam amitti, & hominem excludi à Regno celorum. Id docent antiqui P. P. contra Origenem. D. Hier. in Apologiâ aduersus Rufinum cap. 1. D. Chrysost. Homil. 25. in epistolam ad Rom. August. lib. 21. de Ciuit. cap. 12. & epistola 49. quæst. 4. ac pluribus alijs locis: & D. Greg. 4. Dialogorum cap. 44. & lib. 5. Moral. cap. 45. & 46.

7 Obseruandum autem hæc est, cum duplex distinguatur pœna à D. D. videlicet damni & sensus, vtramque pro peccato mortali in æternum insligendâ, nisi ipse peccati in hac vitâ fuerit obtenta remissio.

Sed quæret aliquis, quomodo non sic supra demeritura punire, dum peccatum quod breuissimo temporis spatio committitur, æternâ pœnâ vindicatur?

Respondetur Primò: Dei iudicia non esse curiosius inuestiganda, ne inuestigantes opprimatur à maiestate illius; sed persuasum omnino habendum esse, quandoquidem Deus misericordissimus sit, nihil cum statuere in peccatores, quod iustitiæ limites excedat, quin potius infra demerita punire: vnde Sapient. cap. 12. sic Dominum alloquitur Sapiens: *Quis enim dicit tibi quid fecisti? aut quis stabilit contra iudicium tuum? aut qui in conspectu tuo veniet vindex iniquorum dominum?*

hominum? aut quia tibi imputabit si perierint nationes quas tu fecisti? non enim est alium Deum, quam tu cui cura est de omnibus, ut ostendas quoniam non iniuste iudicam iudicium: neque Rex neque Tyrannus in conspectu tuo inquirent de his quos perdidisti; cum ergo sis iustus, iuste omnia disponis, ipsum quoque qui non debet puniri, condemnare, exterum æstimas à tuâ virtute. Cum igitur iustissimi Dei ordinatione, apud quæ iniquitas esse non potest, æterna pœna decreta sit aliquibus peccatis, ut ex allegatis Scripturis satis constat, dubium esse non potest, quin etiam natura & malignitas eiusmodi peccatorum postulent, & mereantur talem pœnam tanquam sibi commensuratam secundum vindictivam iustitiam.

- 8 Adde Secundo, id ipsum etiam quibusdam rationibus rectè ab antiquis P. P. & D. D. demonstrari: nam ut docet D. Aug. lib. 21. de Ciuit. c. 11. In nullo iudicio requiritur, ut pœna adæquetur culpæ secundum durationem; non enim quia adulterium vel homicidium, aut crimen aliquod læsæ maiestatis quasi in momento committitur, idè pœnâ tantum momentaneâ puniuntur; sed aliquando quidem perpetuo carcere vel exilio, aliquando diuturnis cruciatibus, & tandem ipsâ etiam morte, in quâ non tam consideratur occisionis mora seu duratio, quàm quòd in perpetuum auferatur delinquens à societate uiuentium; & sic rectè intelligitur hæc pœna quodammodo repræsentare æternitatem pœnæ, quæ diuinitus quibusdam peccatis infligitur. Non debent itaque acerbitas & duratio pœnæ tantum adæquare durationi actus peccati, sed grauitati & demerito ipsius peccati; quæ aliunde quàm ex duratione sumuntur: nam ea attenduntur imprimis ex materiâ circa quâ, & ex dignitate personæ contra quâ culpa committitur; Item ex modo & circumstantijs, quibus ea committitur: peccata autem quædam versantur in materiâ graui contra Dei legem & ordinationem in tantum, ut adferant secum vilipendium & contemptum ipsius Dei, qui est in se bonus & in se dignus omni amore, honore reuerentiâ, ac submissione creaturæ erga ipsum. Quare mirum videri non debet si eorum demeritum dicatur esse tantum, ut constituent hominem reum æternæ pœnæ & damnationis: quam rationem etiam indicat D. Christof. loco sup. cit.

- 7 Huc accedit, quod dum peccat homo mortaliter, ipse tunc quantum est ex suâ parte, induat voluntatem in perpetuum alienam & auersam à Deo, ac ipsi Deo odibilem & inimicam: nisi enim diuinâ misericordiâ & ope excitetur & adiuuetur

ut hanc voluntatem immutet, nunquam ex se eam in Deum conuertet, aut ad debitum ordinem reducet, neque conuertere ac reducere poterit sufficienter, sic ut auersio illa tollatur, & secundum debitum ordinem sese ad Deum habeat; quia exclusit à se principiū ordinis debiti, quando se ab ultimo fine auertit: ideoque qui sic delinquit, censetur velle perpetuam Dei inimicitiam fouere, & in perpetuum potius creaturæ, quàm creatori adhærere, quantum ex parte suâ est. vnde quando contingit sine voluntatis mutatione & peccati remissione, deuenire hominem ad viæ terminum, & ad eum statum ubi nullus est amplius diuinæ misericordiæ aut gratiæ locus, meritò habetur illa perpetua animi auersio & inordinatio tanquam voluntaria; & hinc quandoquidem ista sic in omnem æternitatem duret, idque ex præuia ipsius peccantis voluntate saltem interpretatiua modo iam explicato, non est quod videatur extraneum à iustitiâ, quòd ista auersio & inordinatio in perpetuum etiam luant suas pœnas. Indicat hanc rationem D. Tho. hoc loco, & colligitur ex D. Greg. 4. Dialog. cap. 44.

#### ARTICVLVS IV.

*Vtrū peccato debeat pœna infinita secundum quantitatem?*

R Espondet D. Thomas: duo posse considerari in peccato, videlicet auersionem ab incommutabili bono: & conuersionem ad bonum commutabile; auersioni autem correspondere pœnam damni, quæ est infinita, quatenus scilicet est priuatio boni infiniti, quod est ipse Deus, conuersioni autem respondere pœnâ sensus; hanc autem esse finitam, videlicet secundum qualitatem siue intensiorem, idque ideo, quia & obiectum conuersionis in quod tendit & ipsa actio quâ fit conuersio, sunt etiam finita.

Vbi obseruandum Primò, pœnam damni non esse absolutè & simpliciter infinitam, quia licet sit priuatio obiecti infiniti, non est tamen priuatio habitus vel actus infiniti circa tale obiectum, quia non est quisquam infinito modo possessurus bonū illud, neque capax infinitæ possessionis seu cōprehensionis talis boni; vnde in rigore priuatio censenda est tanta, quanta moraliter potuisset esse possessio illius boni.

Obseruandum Secundò, quod attinet ad alteram responsionis partem, esse quidem conuenientem congruentiam, quâ D. Thom. ostendit pœnam sensus non esse infinitam

infinitam secundum quantitatem siue tantam non respondere peccato; non tamen omninò convincere demonstratiuè, ut apparet, quòd peccatum mortale non mereatur talè pœnà: nam sicut infinita duratio pœnæ sensus non commensuratur durationi actus, quo quis se conuertit ad bonum commutabile, sed magnitudini demeriti, sic etiam posset dici, quod infinita intensio pœnæ non intensio actus peccati, aut magnitudini obiecti ad quod sit cōuersio, sed rationi demeriti correspondere: quæ inde crescit, quod ad eiusmodi cōuersionem inseparabiliter consequatur aut comitetur auersio à summo bono, ac huius contemptus aut neglectus. Vnde alij vterius id probant ab inconuenientibus, quæ inde viderentur sequi, ut quod omnia peccata essent paria, quandoquidem parè mererentur pœnà, quia in infinitis secundum intentionem non est vnum maius altero: dein se quod damnati paterentur modo pœnam infinitè minorem, quàm sint promeriti; cum certum sit eos de facto non sustinere pœnam intensiue infinitam, quod non videtur diuinæ iustitiæ consentaneum. Denique cum peccatum ex vno tantum capite sit malitiæ, quo modo infinitè, quatenus scilicet Deū contemnit & à Deo auertit, meritiò iudicatur satis esse diuinæ iustitiæ, quod illud etiam pœnà vno modo infinità secundum durationem scilicet vindicetur.

12

An autem hæc infinitudo posset commutari in pœnam infinitam secundum intentionem, quæri posset. Quantum spectat ad rationem iustitiæ vindicatiuæ, nihil apparet repugnans, si talis pœna infinita secundum intentionem dari posse singatur: nam vt ex vnâ parte peccatum est malitiæ infinitæ, sic etiam punietur pœnà quadam infinità; & sicut peccatum non est quocumque modo infinitum, ita nec pœna; quia ponimus quod tunc non foret æterna, atque ita seruaretur quædam proportio demeriti & pœnæ: quod verò vnum peccatū sit grauius altero quatenus aduersatur præstantiori virtuti, hoc posset eo casu compensari per diuturniorem durationem pœnæ infinitæ, sicuti modò in ipsa pœnarum æternitate grauitas peccatorum distinguitur secundum maiorem aut minorem pœnæ acerbitatem: sic quod nihilominus omnes sint æternæ. Fatendū tamen est, pœnam infinitam secundum durationem esse magis accommodatam & conuenientem vindictæ peccati mortalis, præ infinità secundum intentionem: Primum, quia huiusmodi absolutè non potest dari: deinde, quia auersio voluntatis & macula ex peccato remanens sunt per-

petuæ durationis, vnde licet ratione istius durationis non contrahatur continuè novum demeritum pœnæ, tamen quia illa perseverant voluntariè semel contracta, quæ Deo odibilia sunt, conueniens est quod actus, quo contracta sunt, tam diu vindicetur condignà pœnà, quàm ista perseverant, qualem ostendimus esse pœnam quæ est finita secundum intentionem. & infinita siue æterna secundum durationem.

## ARTICVLVS V.

### *Utrum omne peccatum inducat reatum pœnæ æternæ.*

**C**onclusio est negatiua, & potest probari ex Scripturis sacris: nam Matth. 5. cap. plura ponuntur peccatorum genera siue gradus, & pœnæ illis correspondentes: non autem cuilibet, sed tantum certo generi siue gradui interminatur pœna gehennæ: vnde non omnia peccata eius reatum inducunt, vt ibidem etià obseruauit D. Chrysost. Theophilactus Hilar. & Hier. Item 1. ad Cor. 3. dicit Apost. quosdam superedificare super fundamentum quod Christus est, ligna, fœnum, stipulas, per quæ significantur leuiora aliqua peccata, quæ etiam illi qui in Christo manent, aliquando committunt; tales autem futuros saluos dicit, sed quasi per ignem; quia pro istis pœnam quidem aliquam luent sed non æternam alioquin non essent futuri salui. Ratio autem conclus. à D. Thom. assignatur, quia non omnia peccata auertunt ab vltimo fine, neque charitatem tollunt, quâ principio ordinis siue Deo inhæretur; inde autem peccatum aliquod inducit reatum pœnæ æternæ, quia per illud se auertit homo à fine vltimo, & illo contempto aut neglecto inhæret creaturæ magis, quàm creatori: Non igitur omnia merentur pœnam æternam. Minor proposito patet ex dictis artic. 3. sup. Maior declaratur: etenim iustorum etiam est illa vox humilis & verax: *Dimitte nobis debita nostra*, vt habet Concil. Trid. Sess. 6. cap. 11. ergò non omnia debita siue peccata excludunt iustitiam. Hinc & Iacobi c. 3. dicitur *vnuersaliter, In multo offendimus omnes*: & apud Ioannem 1. epist. c. 1. *Si dixerimus, quoniam peccata non habemus, nos ipsos seducimus & veritas in nobis non est*: nihilominus tamen agnoscit Scriptura multos iustos esse, & sanctos; ergò nō omnis offensio siue non omne peccatum tollit iustitiam & sanctitatē vel charitatem. Vide D. Aug. Enchir. 278.

ARTIC.

## ARTICVLVS VI.

*Utrum reatus pœnæ maneat post peccatum?*

- 14 **R**esponder D. Thomas: Inprimis cessante actu peccati, & remanente adhuc maculâ, manere reatum pœnæ: Insuper addit deletâ etiam maculâ posse remanere reatum pœnæ satisfactoriæ: quam tamen D. Tho. vult non esse poenam simpliciter dictam, sed cum illa particulâ Satisfactoriam. Quod reatus pœnæ remaneat non tantum maculâ stante, sed etiam subinde remisso peccato, est fidei ex Concil. Trid. Sess. 14. Can. 12. vt latius solet doceri in 3. parte q. 86. artic. 4. occasione Sacramenti pœnitentiæ & præsertim ratione Sacramentalis satisfactionis. Hic tantum est explicandû quare D. Tho. non velit istam pœnâ restantem post peccatum dici simpliciter poenam. Respondetur idcirco nō velle, quia ad pœnæ rigorosissimè dictæ respicit rationem, quæ requirit vt absolutè sit contra voluntatem patientis, ita vt inuitus & animo reluctante eam sustineat; iam verò quando quis per pœnitentiam obtinet peccati remissionem, tunc submittit voluntatem suam ordini iustitiæ, vt scilicet ipse vel spontaneus sibi poenam assumat in compensationem præteritæ culpæ, vel etiam à Deo illatam vel inferendam patienter acceptet & supporret; atque ita licet opus satisfactorium sit pœnale, & tale quidem, quod sit contra hominis voluntatem & inclinationem in se nudè spectatam, tamen quia ex iustâ ratione in illud homo consentit & voluntariè admittit, propterea videtur aliquid in eo minui de ratione rigorosâ pœnæ, vt eam D. Tho. explicat; quamuis alij communiter non requirant hoc ad rationem pœnæ etiam propriè dictæ, quod homo reluctante voluntate eam sustineat, vt sup. explicuimus.

## ARTICVLVS VII.

*Utrum omnis pœna sit propter aliquam culpam?*

- 15 **C**onclusio Prima: Pœna satisfactoria, quam quis suâ voluntate subit, non respicit necessariò & semper culpam propriam illius qui pœnalem satisfactionem exhibet. Est D. Thomæ hic & euidenter patet in Christo Domino, qui pœnas satisfactorias plurimas voluntariè sustinuit,

qui tamen peccatum non fecit, nec inuentus est dolus in ore eius, sed iniquitates nostras ipse portauit. Sic etiam modo inter fideles, potest vnus pro alio pœnales satisfactiones persolvere absque respectu ad propriam suam culpam; idque ratione fraterni amoris & communionis sanctorum, vt in Corpore significat hic D. Tho. sicuti etiam videmus in rebus humanis, quod aliquis in se transfert debitum alterius, illudque luit & soluit.

Vbi tamen obseruandum est, quòd labor, passio vel afflictio siue quodcumque malum aut incommodum quod quis taliter subit pro altero, fornatior quomodolibet pœnæ rationem & nomenclaturâ, id ipsum non ei aduenire nisi cū ordine aliquo ad culpam, si non propriam, saltem alterius, pro quo iste hoc suffert: si enim culpam omnem etiam ab altero remoueat, poterunt quidè eiusmodi dici Symbola amoris, ac etiâ beneficij rationem obtinere, si per ista obueniat alteri bonum, vel ab eo malum remoueat; dicereturque rectè ille qui sustinet, subire labores, molestias aut dolores pro altero; pœnas verò subire aut sustinere pro altero minimè diceretur, si omnem respectum ad culpam sustuleris. Vnde fit

Conclusio Secunda: Vt quodcumque malum habeat pœnæ rationem respectu eius qui patitur, sic vt propriè ipsius sit pœna, alio iustè infligente, siue Deo, siue homine, necessum est, culpam aliquam subesse aut subfuisse eius qui punitur, siue cuius hæc pœna est. Ratio conclusionis est, quia pœna propriè dicta ex communi notione secundum quod omnes apprehendunt, importat essentialiter ordinem ad culpam. Fundamentum autem illius est, quia proprius finis pœnæ est, vt ordo iniquâ actione alicuius turbatus restauretur iustâ passione. Hinc enim D. August. lib. 1. Retraç. cap. 9. ita scribit: Omnis pœna si iusta est, peccati pœna est, & supplicium nominatur; & ideo si quis iniquè malum alteri inferat, non punire aut pœnam, sed iniuriam inferre, & opprimere dicitur.

Sed dices D. August. loco cit. proxime subiungit: Si autem iniusta est pœna ( quoniam poenam esse nemo ambigit ) iniusto aliquo dominante, homini imposta est; ergò videtur etiam iniusta pœna esse vera poena, & proinde poterit poena esse sine respectu ad culpam. Respondetur N. C. priorem; quia D. August. non vult ibi docere, quòd iniusta poena sit vera poena: sed ex proposito hoc ibi agit, vt ostendat infirmitatem illam humani generis ad bonum, vt vel non videat quòd agere debet,

debet, aut si videat, tamen effectuare non valeat, & procliuatatem ad malum, de quibus Apostolus, quando ait, *Non enim quod volo facio bonum, sed quod odi malum* &c. esse in homine, non ab hominis institutione & naturâ; sed ex eius vitio & culpâ: ad hoc autem probandum, assumit illa ipsa esse humani generis pœnam quandam; subsumit autem, quod omnis pœna si iusta est, debeat esse propter peccatum, ac proinde ista mala obuenerunt homini ex culpâ; tunc autem progreditur, Ne quis hominem excuset dicendo esse pœnam iniustam (pœnam enim esse illas hominis miseras ita clarum existimat August. vt nullus de eo ambigere possit) & declarat non posse esse pœnam iniustam, quia Deus, qui iustus est, non potest esse causa pœnæ iniquæ; vnde necesse foret quod ab aliquo alio inflicta dominante esset illa humano generi imposita; quod etiam fieri non posse demonstrat; non enim quisquam iniustus dominator (inquit) aut surripere hominem potuit velut ignoranti Deo, aut extorquere inuito tanquam inualidiori vel terrendo vel configendo, vt hominem iniustâ pœnâ cruciaret. Vnde concludit suum propositum his verbis; Relinquitur ergo, vt hæc pœnâ de damnatione hominis veniat. Ex quibus satis liquet allegata D. Augustini verba nihil facere contra conclusionem & nostrâ dictâ.

19 Conclusio Tertia: Non itaque omnes afflictiones & aduersitates, quæ quibuscumque hominibus obueniunt in hac vitâ, infligi ijs dicendæ sunt à Deo, tanquam pœnæ propriæ dictæ ipsorum: sed sæpius ob alios diuersos fines, quàm ad eorum punitionem, diuinâ providentiâ sic ordinante, immittuntur aut obueneri permittuntur. Probatur Primò, quia assertio quæ dicit omnes omnino iustorum afflictiones esse ultiones peccatorum ipsorum, à Pontificibus reprobata est.

Probatur Secundò ex Scripturis: Ioannis c. 9. cum Apostoli de Cæco à natiuitate inquisissent à Christo, ob cuius peccatū ille natus esset cæcus: Respondit Dominus: *Neque hic peccauit, neque parentes eius, sed vt manifestetur opera Dei in ipso.* Iob cap. 6. contra amicos suos ostendit se non pati propter peccata, omnes illas calamitates, quas sustinebat. Vnde D. Aug. sermone de excidio vrbis Romæ, c. 4. ita de illo scribit: *Patiebatur Iob non vt puniretur, sed vt probaretur.* Idem satis significat Scriptura de quibusdâ alijs Sanctis vt ex modo dicendis constabit. Porro fines illi propter quos Deus tanquâ vniuersalis dominus ac prouisor & benignus pater immitit aut obueneri sæpius permittit tem-

porales calamitates & afflictiones hominibus, quamuis non in vindictam propriæ aut punitionem ipsorum, possunt ad quatuor aut quinque capita reuocari.

Ac in primis id aliquando principaliter & proximè facit ad sui nominis gloriam, vt patet ex historia de Cæco nato Ioannis 9. cui visum negauit in natiuitate (quod sine iniustitiâ potuit cū nemini ad hoc sit obligatus) vt opera Dei & Christi diuinitas in illo illuminando manifestarentur. Similiter & martyres plurima passi sunt, vt fides Christi, eiusque virtus ac Sacramentum dominicæ Passionis mundo patefierent & probarentur per tormenta, quæ ita fortiter illi superarent. Secundò ad manifestationem patientiæ & virtutum S.S. ad aliorum exemplum, vt eos imitentur: hic enim fuit finis afflictionis Tobie, & Iob, vt patet ex 2. cap. Tobie & ex epist. Iacobi cap. 5. Tertiò, Obueneri permittuntur, vel etiam immittuntur ad maiorem cautelam in futurum, siue in medicinam contra lapsum & simul ad profectum in virtutibus: de quo vide D. Greg. præfatione in Iob cap. 9. vbi adducit exemplū Apostoli 2. ad Cor. c. 12. *Ne magnitudo reuelationum extollat me, datum est mihi stimulus carnis mee angelus Sathane, qui me colaphizat:* huiusmodi autem afflictio, actus est in Deo dilectionis; castigat enim ita quem diligit, vt habetur ad Hæbr. 12. & Apocal. 3. de quo vide D. Hier. epistola 33. Quartò hæc eueniunt ad aliorum terrorem, vt cogitent mali, *Si in ligno viridi hæc fiunt, in arido quid fiet?* si iustos & Sanctos sic exerceat Deus in tribulationibus, quàm acerbè deserviet mucro eius in impiis & peccatores.

Obseruandum autem est, quod hic finis frequentius etiâ cōiunctus sit cuiuscumque peccatorum vindictæ diuinitus immissæ: vnde & Apostolus 1. ad Thimoth. cap. 5. cum monet, vt peccantes coram omnibus arguat, vt & ceteri timorem habeant. Denique sinuntur tribulationes & afflictiones obueneri iustis & Sanctis ad maius ipsorum meritum & gloriam, vt scilicet meliorem inueniant resurrectionem, sicut scribit Apostolus ad Hæbreos cap. 11.

21 Sed contra Concl. obijciunt: D. August. lib. 4. contra duas epistolas Pelagianorum cap. 4. vult hoc Christo esse propriū, quod pœnam & mortē sine peccato subire dignatus sit: Sicut enim (inquit) solus ideo factus est hominis filius, vt nos per illum Dei filij fieremus, ita solus pro nobis susceptus sine malis meritis pœnam, vt nos per illum sine bonis meritis consequeremur gratiam: quam singularem Mediatoris prærogatiuam euacuare (inquit)

Cæ conantur

conantur Pelagiani, quando asserunt par-  
ulos nullam trahentes ex Adamo cul-  
pam, pari mortem indebitam, ergo non  
debet alicui alteri hoc tribui quod sustinet  
passiones absque culpa. Confirmatur ex  
eodem Augustino epistola 122 ubi multis  
docet tribulationes & afflictiones, quæ fi-  
delibus etiam iustis obveniunt, infligi pro  
ipsorum peccatis, quod demonstrat ex  
proprijs confessionibus sanctorum, ut  
trium puerorum, qui missi sunt in cami-  
num ignis Daniel. cap. 3. Item duorum  
fratrum ex septem Machabæis, 2. libro  
cap. 7. & ex confessione & oratione Da-  
nielis cap. 9. & adhuc (inquit Daniel)  
*me loquente & orante & enumerante peccata mea  
& peccata populi mei, audiui vocem dicentem.*  
&c. ubi notat Aug. quod Daniel in capti-  
uitate positus peccata non tantum populi  
sui, sed etiam suâ confiteatur, & pro his  
dicat, per iustitiam Deise ad illam capti-  
uitatis pœnam & opprobria peruenisse. D.  
Ciprianus quoque epistola 8. agens de ijs  
quæ martyres patiuntur: Hæc (inquit)  
patimur delicto & merito nostro; ergo di-  
cendum est, quod omnes afflictiones etiâ  
iustorum sint veræ punitiones & ultiones  
peccatorum ipsorum.

22 Respondetur & dico Primò: nullo mo-  
do simpliciter dicendum est, omne illud  
quod Sancti in hac vitâ patiuntur, esse  
supplicium suæ pœnam propriè & in rigore  
acceptam pro peccatis ipsorum infligam:  
nâ in primis obitat cõtraria definitio Pon-  
tifici sup. allegata. Deinde Scriptura per  
os Iob. manifestè testatur contrarium, de  
calamitatibus, quas ipse sustinebat: quod  
& D. Aug. loco sup. cit. satis fatetur, &  
docent Hier. & alii S. S. P. P.

Dico Secundò: Poffe iustorum in hac  
vitâ afflictiones & passiones dici quodam-  
modo effectus peccati originalis, tanquam  
causæ saltem remouentis prohibens. De-  
claratur: nam si homo in iustitiâ originali  
perstitisset, in primis non fuisset opus acro-  
ribus medicinis ad sanandam corruptio-  
nem per peccatum introductam, & ad  
præcauenda futura mala, sicuti modò opus  
est, ut hic habet D. Thomas. Deinde &  
hoc accedit, quandoquidem in Innocen-  
tiæ statu futurus erat homo immortalis, sic  
ut nunquam mortem ex necessitate per-  
sensisset, consequenter futurum erat ( ut  
facile colligitur ) quod etiam Deus non  
immisurus fuisset, nec permisurus infer-  
ri homini grauiore dolores, & tormenta,  
quæ ad mortem disponunt, utpote etiam  
aliena ab illo felicitatis statu: sed melijs  
facilioribus hominem ad gloriam promou-  
isset. Nunc verò quia per originale cul-  
pam ab illo statu deiectus est homo &

comparatus est iumentis, factus vilis &  
morti obnoxius, hinc ut releuetur &  
apertur vas in honorem, congruè iam ius-  
ta suum abiectionem statum, tractatur rudius,  
& grauiori tentationis ac tribulationis ig-  
ne probatur, & expurgatur à corruptionis  
fordibus: non tantum à peccatis, sed et-  
iam à prauis cupiditatibus, & vitijs pas-  
sionibus; atque ita peccatum originale  
suo modo est causa omnium istorum malo-  
rum, quæ etiam iustis obveniunt, quatenus  
destruxit statum illum, in quo futurus erat  
homo liber & immunis ab omnibus eius-  
modi miserijs & afflictionibus. Vnde

Dico Tertiò: Si quis accipiat nomen  
pœnæ tam generaliter, ut comprehendat  
omne malum, siue incommodum homini  
obueniens, quod quocumque modo ex pec-  
cato originali ducit aliquam occasione  
initium, sic non merebitur aliquam graui-  
orem censuram, qui eo sensu dixerit, omnes  
tribulationes & afflictiones huius vitæ esse  
pœnas quasdam saltem peccati originalis,  
quatenus videlicet sunt eius effectus mo-  
do iam explicato, in quantum abstulit ius-  
titiam originalem, quâ stante non fuisset  
homines eiusmodi malis, siue per modum  
punitionis, siue per modum curationis, ac  
exercitationis, siue quocumque alio titulo  
obnoxij. Nihilominus tamen non est in  
loquendum: Primò quia medicinales pœ-  
næ non sunt absolute pœnæ, ut antè dixi-  
mus & rectè hic monet D. Thom. multi-  
minus possunt dici ultiones aut supplicia,  
eò quod hæc nomina non solent extendi  
ad mala illa, quæ non nisi indirectè quo-  
dammodo pœnæ dici possunt, prout ta-  
men ipsum nomen pœnæ familiarius ex-  
tenditur.

Hoc ut plenius intelligatur: Obseruan-  
dum est, triplex malorum genus quodam-  
modo causari à peccato originali; primum  
est quod habet rationem pœnæ directæ &  
propriè dictæ, ut est sublatio iustitiæ ori-  
ginalis & pœna futuri sæculi, si nò remo-  
uatur ipsum peccatū: item necessitas mori-  
endi, quæ licet sublatâ iustitiâ originali  
per se sequatur ex principijs naturæ huma-  
næ, tamen haud dubiè etiam ipsa à Deo  
directè per modum pœnæ est intentata, &  
per subtractionem iustitiæ originalis in-  
fligta. Alterum malorum genus est, quod  
consequitur quidem deperditam iustitiâ  
sic tamen quod in particulari & directè  
illa non sint intentata & infligta per mo-  
dum pœnæ, ut sunt varij dolores, agri-  
tudines, & alij cruciatus aut incommodi,  
quæ hominibus obveniunt, siue ex causis  
naturalibus, siue etiam à liberis: quia in  
statu innocentie nihil istorum homini ob-  
uenturum erat.

Tertium



Tertium genus sunt mala quædam, quæ occasione perdidit iustitiæ originalis Deus immittere, aut sua providentiâ permittit obvenire ad medicamentum, quo præservetur aliquis à novâ corruptione siue novis peccatis, vel etiam quò anti-qua corruptio siue malum concupiscen-tiæ sensum minuat, & sanetur, ut paulatim in maiorem libertatem à corruptione per peccatum contractâ restituatur.

Quamvis itaq; mala primi generis propriè ac secundi generis non omnino iusti-  
tate vocari soleant pœnæ originalis pec-  
cati ( licet non ita vitiones aut supplicia )  
tamen tertij generis nullatenus conue-  
nienter dici possunt pœnæ originalis pec-  
cati, non magis quam posset dici medicus  
punire aut inferre pœnam, quando mul-  
tationem ex sententiâ iudicis illatam,  
ipso curat & sanat adhibito cauterio, nisi  
fortassis accipiendo impropriè nomē pœ-  
næ pro dolore, quo pacto videtur aliquan-  
do usurpari. Ad D. August. verò Respon-  
detur; quod priori loco citato velit esse  
Christo Domino proprium suscepisse pœ-  
nam, scilicet mortis siue malis meritis, alios  
verò omnes subire pœnam illam ex suâ  
culpâ; unde deducit etiam parvulos cul-  
pæ esse obnoxios, quandoquidem mor-  
tem quoque subeant. Et hoc verum est,  
quod omnes præter Christum sustineant  
mortem propter peccatum in Adamo cõ-  
missum, quia per peccatum mors intravit  
in mundum. Si autem quis velit D. Aug.  
loqui generaliter de quibuscumque malis  
siue calamitatibus in hæc vitâ obvenienti-  
bus, tunc dicendum erit Christo Domino  
esse proprium, suscepisse pœnas siue do-  
lores & pœssiones sine malis meritis; quia  
neque in punitionem suorum delictorum  
quæ non habuit, neque ad curationem  
corruptionis alicuius ex suis malis meri-  
tis ortæ, æque ratione vitiatæ naturæ  
tractæ ex Adamo ipso sustinuit do-  
lores & afflictiones, alij vero omnes susti-  
nent vel in punitionem peccatorum suo-  
rum, vel ad curationem & liberationem  
à corruptione contractâ aut saltem ratio-  
ne originis ex Adamo peccante; atque ita  
non sine præiis malis meritis præceden-  
tibus tolerant hæc mala, quamvis nō sem-  
per tanquam pœnas propriè dictas ad vli-  
tionem suorum delictorum.

Eodem sensu accipiendum est, quod  
Idem Aug. de Gen. ad litteram opere im-  
perfecto dicit omne malum creaturæ ra-  
tionis esse peccatum, aut pœnam pecca-  
ti, quatenus scilicet habet aliquo modo  
originem ex peccato, sicut iam explica-  
rum fuit: alioquin doctrina illa à Sede A-  
postolica reprobata est, quod omnes B.

Virginitas afflictiones in hac vitâ, sicut &  
aliorum iustorum fuerint vitiones pecca-  
ti actualis, vel originalis. Vnde hoc nullo  
modo admittendum est.

Ad alterum locum Respondetur, ibi D.  
Aug. instruire Victorianum ad quem scri-  
bit, quomodo debeat respondere ijs, qui  
contra Christianam fidem iactabant querelas  
impias propter calamitates, quæ Christia-  
nis & fidelibus per barbaros & hostes in-  
ferebantur, quasi Deus vel illorum cu-  
ram non haberet, vel iniquè cum ipsis age-  
ret: monet itaque D. August. quod oport-  
eat persistere contra tales in hac humili,  
veracè & piâ responsione & confessione,  
sicut Sancti etiam primarij ( vt fuerunt  
tres pueri missi in caminum ignis, & se-  
ptem fratres Machabæi, & alij ) respon-  
derunt & confessi sunt, quod videlicet  
Dominus iustus est in omnibus, quæ fecit  
nobis, & quod in veritate & iudicio pro  
peccatis nostris flagellet nos, quoniam  
peccavimus & legi eius non parvimus: ita  
enim expedit, quod omnes ac singuli sen-  
tiant de malis sibi obvenientibus, nisi for-  
sit peculiari Spiritus S. instructione &  
instinctu ad aliter sentiendum & loquen-  
dum pro communi aliorum doctrinâ quis  
permoveatur, sicut de Beato Iob existi-  
mandum est, quando dixit; *Vinam pecca-  
ta mea appenderunt in statera & calamitas,  
quam patior*, &c. est enim ista humilis &  
Deo gratæ confessio, & quoque verax suo  
sensu, imprimis quia spectando mala, quæ  
sustinent Sancti in terris tantummodo se-  
cundum rationem passionis, & non secun-  
dum rationem satisfactionis quam ob-  
tinent ex adiuncta charitate & adoptio-  
ne filiorum, non essent illæ pœssiones con-  
dignæ ad malum culpæ, quod aliquando  
commiserunt de rigore vindicandum &  
expiandum; quemadmodum & Aposto-  
lus dixit, quod non sint condignæ passio-  
nes huius temporis ad futuram gloriam  
quæ revelabitur in nobis; quam scriptu-  
ram ibidem August. allegat. Deinde ve-  
rax est illa confessio, quod propter pec-  
cata patiantur, quia si non ad illa pro-  
priè puniendâ, vt si plene pro illis iam an-  
te satisfecerint, saltem ad reliquias pecca-  
torum expurgandas & curandas, & ad  
ipsum hominem reducendum ad eum ita-  
tum à quo per peccatum excidit, quod hic  
inchoatur, & in vitâ futurâ superabundè  
perficitur, eodem modo accipiendum est  
dictum D. Cypriani.

## ARTICVLVS VIII.

*Utrū aliquis puniatur pro peccatis alterius?*

27 **C**onclusio Prima: Potest aliquando poena satisfactoria quæ voluntariè assumitur, vnus puniri pro peccatis alterius. Ita D. Tho. & alij communiter. Pater, quia vnus potest voluntariè suscipere in se & sustinere poenas debitas peccatis aliorum, vt suprà dictum est.

Conclusio Secunda: Nunquam Deus punit poenâ æternâ, vel ætiam poenâ purgatorii post hanc vitam, vnū pro peccatis alterius, sed ista poenâ vnumquemq; pro suis delictis punit. Probitur ex Scripturis; Ezech. 18. *Anima quæ peccauerit, ipsa morietur; filius non portabit iniquitatem patris, & pater non portabit iniquitatem filij; quæque vel maximum locum habent in poenis post hanc vitam: Ad Gal. 6. Vnusquisq; enim ouis suum portabit, 1. ad Cor. 3. Vnusquisq; autem propriam mercedem accipiet, & ad Rom. 2. Qui relictæ vniquemque secundum opera eius.*

Conclusio Tertia: Malis temporalibus huius vitæ contingit frequentius vnū propter peccata aliorum affligi. Pater, quia multa milia de populo Israël extincta fuerunt propter peccatum Davidis Regis. Hinc Exo. 20. Dicitur Dominus visitare iniquitatem patrum in filios vsq; in tertiam & quartam generationem eorum, qui oderunt ipsum. Imò & contingit aliquando etiâ priuari supernaturalibus auxilijs saltē externis propter peccata aliorum, quod significat Christus, quando Iudæis dixit; *Auferetur à vobis Regnum Dei & dabitur genti facienti fructum.*

28 Notandum autem est, id contingere dupliciter, quod aliqui affligantur propter peccata aliorum; aliquando quidem, quia etiam reuera culpabiles sunt, puta quia vel eadem peccata frequentant, vel quia ipsis peccantibus consentiunt, aut quomodo cooperantur. Dicuntur tamen externis istis malis puniri propter peccata aliorum, quia hi cum illis considerantur omnes simul per modū vnus corporis, quod Deus punire intendit quando peccatorū mensura est adimpleta, ad cuius adimplerionem concurrunt peccata non tantum posterorum, sed etiam illorum qui precesserunt sine quibus non immitteret Deus eiusmodi plagas in talem provinciam aut populum vel familiam; & idcirco plagæ hæc adscribuntur quoque peccatis illorum, qui ante cesserunt; sic tamen vt hi ad easlæ plagas etiam non ferant; & in hoc casu eiusmodi mala sunt poenâ propriè dicta etiam

respectu horum, qui propter aliorum peccata dicuntur ista sustinere, quia reuera non ad horum peccata puniendi immittuntur. Sic Heli dicitur punitus propter peccata filiorum, ita tamen quod ipse sustinens quoque reuera erat propter luxuriam filiorum, & idcirco iussit Dominus per Sacerdotem deleri ceteras gentes, quia relictæ erant filijs. Interdum egredierentur ex Aegypto, quæ eternum non cessabat agnoscere Israel.

Aliquando verò potest contingere, quod quidam simul inuoluantur plagis immittendis propter peccata aliorum, in quibus tamen ipsi culpabiles non sunt: sic quando punituit Deus populum Israeliticum peste pro peccato Davidis, sine dubio multi erant innocentes simul mortui fuerunt, & modo quando Dominus regna & provincias propter peccatorum multitudinem punit bellicis peste, sime, non eximuntur semper boni ab eiusmodi calamitatibus. In hoc autem casu, in laqueis innocentes sustinent, respectu ipsorum sunt quædam miserie & calamitates, sed non poenæ propriè dictæ, neque enim illis tamen iniquè agit Deus non tantum, quia est vniuersalis & absolutum dominus, qui habet imperiū vitæ & mortis omnium, & proinde possit pro sua voluntate tum corporis tum fortune bona dare & auferre, sed multo magis, quia illa temporalia mala sunt bonis materia exercitiationis virtutum & meritum, ac frequenter medicamentum contra futura peccata, sed respectu aliorum, propter quorū peccata obueniunt, sunt vera & propriè dicta poenâ, quatenus videlicet hi innocentes sunt aliquid quasi de substantiâ eorumque peccati, sicuti filii sui aliquid patris, iudici aliquid ipsius Principis, ciues aliquid ipsius reipublicæ, & c. contra. Vnde mala quæ obueniunt populo, affligunt parentes, & quæ parentibus obueniunt, malis habent proles, & sic in alijs atque ita imitendo calamitates prolibus, quatenus immittuntur, punit Deus ipsos parentes, sicuti quando in Aegypto perierunt quædam nati interfecisti sunt: sic in populo punit vniquemque, & aliquando in vniuersa ipsam populum, & sic de alijs.

Quemadmodum autem committuntur qui peccatorum propter quæ plagæ immittuntur participes non sunt, in simili modo iam dicto, sic quoque contingit, quando eisdem priuari ex simili causa etiam spiritualibus bonis, non quidem internis virtutibus, sed bene externis aduocaculis & ministerijs, et diuini verbi edificatione, Sacrificijs, Sacramentis & similibus, sicuti Iudæis accidit, non tantum in Apostolis restituebant, sed & posteris ipsorum quod

quod & modò frequentius obseruamus fieri, dum propter peccata multitudinis, regna & prouinciæ iusto Dei iudicio permittuntur ruere in schismata, in hæreses & in infidelitatem. Vnde fit quòd etiam innocentes simul prædictis auxilijs & ministerijs priuentur; quæ quidem priuatio siue auxiliorum substractio non est poena propriè dicta respectu illorum qui non deliquerunt, nec communicarunt in peccatis, propter quæ superuenit ira Dei; sed est tantummodo pura negatio gratiæ indebitæ; respectu autem eorum, qui peccarunt, siue Principis, siue parentum, siue conciuuium est vindicta, & poena, quia sustinent hoc malum propter sua peccata in suis, siue in ijs qui aliquid sunt ipsorum, sicut & in seipsis.

Quæret aliquis an huiusmodi spirituum adminiculorum substractio respectu innocentum possit dici poena medicinalis? Respondetur, & per se simpliciter non esse medicinam, quia carentia eorum per se utilis non est, siue ad peccata vitanda, siue ad virtutes promouendas, potest tamen per accidens & ex peculiari Dei misericordiâ cedere aliquibus in maius bonum spirituale, quatenus ex tali occasione & raritate externorum officiorum suscitatur in aliquibus vehementior & frequentior affectus, ad eiusmodi exercitia frequentanda; sicuti & ipsum peccatum Deus conuertit aliquando ad bonum ipsius peccantis, prout alibi explicatur.

## QVÆSTIO LXXXVIII.

### De peccato veniali & mortali.

#### *In sex articulos diuisa.*

#### ARTICVLVS I.

*Utrum veniale peccatum conuenienter diuidatur contra mortale?*

**C**ONCLUSIO est affirmatiua: accipiendo scilicet mortale, non in suâ proprietate, vti corpora dicuntur mortalia; sed metaphoricè accipiendo vt mortale tribuitur peccatis. Ita hæc D. Tho. Probatur, quia veniale peccatum est defectus quidam animæ reparabilis per intrinsecum principium, quantum videlicet ex se est; peccatum verò mortale est defectus omnino irreparabilis per principium intrinsecum: esse autem sic reparabile, & irreparabile ad se inuicem opponuntur; ergo &c. Maior probatur, quia peccatum veniale non destruit ordinem animæ ad finem vltimum; non enim tollit charitatem, quâ fini vltimo inhæretur, sed est tantummodo veluti obliquitas quædam ordinis, quæ per charitatem, quâ inhæretur vltimo fini, potest corrigi & emendari: sed peccatum mortale destruit omninò ordinem animæ ad finem vltimum, ita vt non inhæreat anima illi amplius per charitatem: vnde non relinquit principium sufficiens in homine quo possit malum hoc reparari; ergo &c.

QVÆRITUR hic Primò: An detur peccatum aliquod, quod ex ratione suâ & naturâ sit veniale? Pro explicatione pleniori, notandû est Primò, peccatum apud Autores inueniri pluribus modis dictum veniale: aliquando enim vocant omne illud veniale, cuius veniam de facto consequimur: atque ita dicitur veniale ab euentu, sic accipitur apud D. Ambr. lib. de Paradxis cap. 44. & apud D. August. lib. 21. de Ciuit. cap. vlt. Aliquando autem accipitur pro omni illo quod humano more loquendo, videtur aliquâ ratione dignum veniâ, quâuis interim sit mortale: sic peccata ex infirmitate aut ex ignorantia quâuis vincibili non tamè crassa vel affectatâ, dicuntur subinde venialia, vt notat D. Tho. artic. sequenti. Tertiâ & vltima acceptio peccati venialis est, vt illud solum dicatur veniale, quod non violat diuinâ amicitiam excludendo ab hominè gratiâ & charitatē, nec etiâ constituit æternæ mortis reum uatorem, suum & iuxta hanc acceptionem mouetur quæstio De veniali peccato.

Norandum Secundò: dupliciter quæstionem propositam posse intelligi, vno modo, An detur peccatû quod ex suâ ratione & natura, id est, ex proprio obiecto & specificâ suâ ratione ab obiecto desumptâ sit veniale? Alio modo, vt sensus sit generalier, an videlicet detur quod sit veniale ex propriâ ratione & naturâ, id est, Cc iij quod

quod spectatis omnibus quæ ad illud, siue ex parte operantis, vt inaduerſentia, aut imperfecta libertas, siue ex parte obiecti concurrunt, sit tale vt charitatem non destruat neque reatum æternæ poenæ inducat; & non tantum sit tale propter aliquam extrinsecam Dei ordinationem, v.g. quâ Deus misericorditer non vult illud tanti æstimare, neque in tantum punire, quanti reuera est demeriti in se, & puniri dignum: & in hoc posteriori sensu disputatur à D.D. hoc loco quæstio propoſita.

4 Responsio autem est affirmatiua, & indubitatè tenenda, & docetur communiter contra Gerſonem 3. p. Tract. de Vita spiritali lect. 1. Almain. Tract. 3. Moral. cap. 20. & Roffen. artic. 32. contra Lutherum, vt refert Valquez Disp. 142. cap. 1. Hi enim existimant omnia peccata ex se mortalia esse, si ex rigore Deus de illis censeret; sed tamen quædam haberi venialia ex Dei misericordiâ, non secundum diuersitatem personarum, à quibus ista committuntur, puta quia à prædestinatis aut à fidelibus, vt volunt hæretici; sed secundum aliquam diuersitatem actuum & circumſtantiarum, puta quia aliqua versantur in materiâ nõ tam graui sicut alia, vel propter imperfectiõnem operis: propter cuiusmodi enim rationes dicunt Deum misericorditer de istis iudicare, & non tam rigide prout à parte rei possunt & merentur iudicari & puni, non obstante cuiusmodi diuersitate. Verũ hæc doctrina per Apostolum. Sedis censuram reiecta est: reprobus est enim, hic articulus, Nullum est peccatum ex natura suâ veniale, sed omne peccatum meretur poenam æternam.

5 Probat autem Responsio ex Scripturis & alijs argumentis, quibus præcedenti quæstione artic. 5. ostendimus non omnia peccata inducere reatum æternæ poenæ, quam etiam diuersitatem oriri non ex aliquâ gratuita Dei voluntate & æſtimatione, sed ex ipsis actibus & modis quibus actus illi magis aut minus perfectè fiunt, simul sufficienter significant eadem Scripturæ tunc allegatæ: nam 1. ad Cor. c. 3. comparat Apostolus quædam peccata ligno, feno, stipulis, quæ ex suâ natura facile absumuntur, sicuti dicimus venialia ex sua ratione facile remitti aut expiari, vnde addit, qui cuiusmodi opera superædificant fore saluos, sic tamen quasi per ignem: sed de alijs, qui grauiora committunt, mox subiungit, Si quis autem templum Dei violauerit, disperdet illum Deus, satis per hoc significans, quod per ea de quibus ante loquutus est non vellet templum Dei, & Matthæi 5. cap. ponit diuersitatem poenarum Christum secundum diuersos mo-

dos & gradus quibus peccata diuersimodè in eadem materiâ fiunt, puta quod maturiori aut minus maturo iudicio, magis aut minus deliberatè voluntate fiunt, hoc enim significant illi sermones, Si quis irascitur fratri, si quis dixerit racha, si quis dixerit farise: huc etiam facit illud Iacobi cap. 1. Inuſquisque verò tentatur à concupiscentiâ suâ abstractus & illeceus, deinde concupiscentia cum conceperit parit peccatum, peccatum verò cum consummatum fuerit generat mortem. Probat præterea ex SS. PP. Hier. in illud Isaïæ c. 2. Si laueris te nitro, &c. qui leui peccatorum sorde, inquit, maculatus est, leuioribus purgatur monitis: porro peccata grauiora, quæ ad mortem trahunt nec nitro nec Borith dilui possunt, sed grauioribus tormentis indigent: & D. August. cap. 78. Ench. agnoscit etiam hoc discrimen, quauis addat non humano, sed diuino iudicio pensanda esse, quæ peccata magna, quæ parua sint, idque propterea quia ostendit, quomodo etiam grauiora peccata ob consuetudinem & frequentiam solent sensum tanquam parua æstimari ab hominibus. Prosper lib. Sententiarum cap. 46. Non impediunt, inquit, ab æternâ vitâ iustum quædam peccata venialia, sine quibus hæc vita non ducitur: Probat denique ratione, quia in omni societate & mutua communicatione intercedunt aliquando offensus quædam, quæ tamen amicitiam non dissoluant aut violent, quantumvis suo modo, bene displiceant alteri amico, ergò similiter admittendum est, quod non omnis offensa quantumcumque leuis aut parua mox violent amicitiam quæ est inter Deum & homines, nec statim reddat hominem dignum odio & Deinimicitia.

6 Sed contra obijcitur Primò: Ecclesia orat pro animabus fidelium defunctorum cum solis peccatis venialibus, vt Christus liberet eas de ore leonis, ne absorbeat eas tartarus; ergò Ecclesia præſupponit & sentit, quod pro solis venialibus possint ad tartarũ & poenas perpetuas ablegari, si secundũ rigorem iustitiæ cum illis ageretur.

Respondetur N. Consequentia: quando enim sic orat Ecclesia, loquitur de animabus tanquam quæ ex corpore migrant & necdum sententiam mansionis suæ seu loci ad quem ire debeant, acceperint; sic autem eas considerando deprecatur, vt liberentur ab ore leonis, & ne tartaros absorbeat, id est, ne tradantur iustitiæ & vindictæ diuinæ ministris dæmonibus deducendæ ad tartarum, id est, ad inferiora loca poenalia; cuiusmodi quoque est purgatorij locus: vnde ab eo vt liberentur precatur Ecclesia, quod manifestius significat sequen-

tes particulæ, ne cadant in obscurum, sed signiter S. Michaël repræsentet eas in lucem sanctam, videlicet statim & sine dilatione absque eo quod in tenebrosis & poenaliibus purgatorij locis patiantur diuturniorem remoram: eisdem quoque preces in Anniversarijs sub simili consideratione repetit, quemadmodum quando aduentum Domini commemorat, etiam orationes & preces facit, quali Christus iam in carne venturus expectetur: nullo autem modo orat Ecclesia, vt qui iam defuncti sunt, non mittantur ad infernum damnatorum, à quo nouit nullos post hanc vitam liberandos per suas preces aut suffragia, qui hinc decedentes fuerint illum promeriti.

7 Obijcitur Secundò: Ioannis 13. dicit Christus Petro, *Si non lauerio te non habebis partem mecum*: Atqui Petrus non habebat nisi peccata venialia, ergo etiam venialia ex se digna sunt quæ in perpetuum separent hominem à Christo. Resp. N. Consequ. quia in primis vt explicat Toletus non comminatur ibi Christus Petro exclusionem à Regno cælorum, sed à communione Corporis & Sanguinis sui quæ iam disponebat discipulis suis præbere, ad quam communicationem volebat Apostolos per istam pedum lotionem certi mysterij & sacræ instructionis gratiæ præparari. D. Basilus verò in oratione de peccato intelligit quidem esse comminationem exclusionis à Regno cælorum, sed quæ fiat non propter peccatorum sordes, quibus Petrus erat obnoxius, & à quibus debebat purgari, sed propter culpam inobedientiæ, quâ incurreret, si non permitteret sibi lauari pedes, quamuis id recusaret sub respectu aliquo reuerentiæ erga suum Dominum & magistrum. Vnde ex hoc loco Ioannis tradit idem Basilus insignem regulam lib. moral. regulâ 12. cap. 2. scilicet quod quicquid à Domino dicitur, id summè cum animi expletionem debere nos suscipere, nam qui iussu Domini aduersatur licet id pio & amico animo faciat, is tamen propter illam causam à Domino abalienatur. Vide alias eiusdem loci expositiones apud Toletum in citata verba, ex quibus patet illum nihil facere contra hanc doctrinam.

8 Obijcitur Tertiò: poena æternæ mortis non adæquat malitiam culpæ etiam minimæ: vnde ab animo rectè constituto potius est subeunda poena æterna quam admittendum minimum peccatum veniale, ergò omnis culpa ex sua ratione est digna poenis perpetuis. Resp. Distinctio. Ass. si enim intelligatur quod poena æternæ mortis sub ratione poenæ non adæquet malitiâ culpæ etiam minimæ sub ratione demeriti id est,

quod illa poena non sit tanta, quantam mereatur peccatum minimū, sic absolute negandum est; imò dicimus quod eo sensu poena illa longè excedat, neque secundum hunc intellectum ad rem facit quod veluti ad probationem assumpti adiungitur: si autem intelligatur quod poena mortis æternæ in ratione mali non sit tantum malum, quantum malum est paruum peccatum, ita quidem verum est, idque fit quia sunt mala diuersi ordinis, quæ proinde in ratione mali inter se comparabilia non sunt: nam vnum malum est tantum contra commoditatem naturæ & malum secundum quid, alterum autem contra rectam rationem & Dei leges, ideoque hoc in infinitum magis fugiendum & detestandum est; sed non ideo sequitur, quod in ratione demeriti superet omne malū poenæ secundū exigentiā iustitiæ vindictiue: nā inter ea sub tali consideratione, debita proportio est, quod parū culpæ etiam parua debeatur & correspondeat poena, vt vel ex communi sensu omnes homines apprehendunt, quare iuxta eū sensum, accipiendo assumptum, erit neganda consequentia propter rationem iam explicatam.

9 Obijcitur Quartò, quod Deus remittat veniale peccatum, est misericordiæ ipsius, atqui quādiu non est remissa culpa qualiscumque, semper debetur ei poena & puniri potest, ergò etiam peccatum veniale ex sua ratione secundum iustitiam potest in perpetuum puniri nisi misericordia intercederet, quā remittatur, & per consequens ex sua naturā & quantum ex ipso est, adducit poenam æternam & priuat æternā vitā, quæ cū poenis sempiternis nō constitit. Probatur Maior, quia etiam inter homines si quis per iniuriam offendat Principē siue in magno siue in paruo, pendebit remissio illius offensæ à bona voluntate, & clementiā ipsius domini, qui non obligabitur condonare, sed secundum rationem delicti poterit referuare animi indignationem siue alienationem contra delinquentem, ergò magis id locum habebit inter homines & Deum.

Respondetur ad Maiorem (de minori autem aliquid in sequenti argumento dicemus) pendere quidem peccati venialis remissionē ex bonā Dei voluntate & proinde illā esse aliquā ratione misericordiæ, sed misericordiæ suo modo debitæ, non tantū ex promissione, sed ex ipsā quasi rerum naturā: sicuti dicitur debitum esse quod in hominis generatione Deus animā infundat & rebus conuenientes tribuat facultates & proprietates, quāuis ex iustitiā specialiter dictā hoc debitum non sit; ita etiam suo modo debitum est quod Deus

Cc iiij pecca-

peccatum veniale remittat, quando is, qui venialiter tantum peccauit, facit quæ potest & debet ad remissionem obtinendam: quod sic ostenditur, quia ratio amicitie, quæ inter talem hominem & Deum perseverat, suo quasi iure postulat ut dum es qui amicus est cum pietitudine animi roget sibi dimitti leuem offensam, qua amico aliquantulum displicuit, quod amicus alter se benignum & facilem præbeat ad ignoscendum, alioquin in ipsam amicitiam videbitur peccare, ut ex humanis facile vnusquisque potest apprehendere. Vnde nec cum condecencia rerum (quæ in Deo vocatur quædam iustitiâ) poterit Princeps reculare amico supplicanti & se humilianti, remissionem leuiusculæ offensæ, si amicitia violata non fuerit, quamuis ex rigore iustitiæ specialiter dictæ ad id non teneretur: quare non obstant quod peccati venialis remissio sit eâ ratione diuinæ misericordiæ aut benignitatis, tamen quia conuenienter ad naturas rerum non potest illa remissio negari quando qui venialiter tantum peccauit, facit quæ per intrinsecam principia potest & debet, hinc meritiò habetur peccatum illud ex sua propriâ ratione veniale: secus autem est de mortali, quando enim amicus, qui simul Dominus est & suâ dignatione fecit se amicum, plenè contemptus est, & amicitia est annullata, nulla tunc rerum condecencia requirit eiusmodi fieri remissionem. Ad quod accedit, quod qui mortaliter peccauit non possit ex se vel intrinsecis suis principiis aut virtutibus de peccatis suis dignè veniam rogare aut super ijs dolorem concipere.

10 Obijcit Quintò, peccatum veniale quod inuenitur coniunctum cum mortali post hanc vitam punitur in inferno in æternum; ergò signum est quod ex sua ratione quoque mereatur æternas pœnas, & quod in homine habente charitatem expietur pœnâ temporail, id fieri ex Dei indulgentiâ & misericordia. Probatur consequentia, quia aliquando quando cum mortali coniunctum punitur æternis pœnis, tunc puniretur supra quam puniri mereatur & dignum sit, quod non tantum est contra Dei misericordiam, sed etiam contra iustitiam. Confirmatur, quia quantumcumque coniungatur alteri, hoc non potest facere ut in infinitum excedat proprium genus culpæ; ergò neque ob eam causam poterit illi irrogari pœna in infinitum excedens, si aliâ ex se secundum exactam Dei iustitiam non esset tanta pœnâ digni. Respondetur: argumentum hoc à diuersis diuersimodè soluitur, secundum quod diuersæ sunt DD. opiniones de eius assum-

pto, plerique enim illud admittunt & docent non tantum veniale peccatum cum quo hinc quis migrat æternis pœnis eo casu vindicari, sed etiam resistentes pœnis siue pro peccato mortali siue pro veniali hic alioquin remisso, futuras perpetuas in illis, qui propter aliud peccatum mortale erunt damnati, ita D. Tho. indicat quæst. præced. artic. 5. ad 3. & in 4. dist. 15. ibidem Magister cum multis alijs Scholasticis, quod etiam pluribus argumentis probant: primò, quia quamdiu non est remissa culpa tamdiu debetur ei pœna, atque adeo iustè punitur, atqui Deus in æternum non remittit neque magnam, neque paruum culpam damnatis cum quâ hinc migrant, quandoquidè nec ipsi suam mutant voluntatem aut affectus, sed potius perpetuo Dei odio exardescant, ergò in æternum quoque pro venialibus peccatis, saltè non dimissis, iustè puniuntur damnati: secundò omnis dolor vel pœna debet voluntario animo sustineri ut valeat ad exoluendum debitum culpæ, atqui damnati sustinent pœnas cum summâ contradictione & reluctatione intrinsecâ; ergò illæ pœnæ non faciunt aut profunt ad exoluendum debitum cuiuscumque culpæ: Tertiò, quia in inferno nulla est redemptio, atqui videretur quædam ibi esse redemptio, si venialia peccata aliquando vindicari & puniri desinerent, vel alig pœnæ temporales resistentes aliquando essent terminandæ, ergo &c. His tamen non obstantibus alij nonnulli aliter sentiunt, ac Durandus quidem in 4. dist. 12. q. 2. in eo recedit quod velit saltè pœnas temporales, quæ resistent pro peccatis hic dimissis, non futuras perpetuas in inferno, quod certè apparet admodum probabile; Scotus autem eodem loco quæst. 1. Ioannes Maior ibidem. Gabriel & alij Nominales dist. 15. & 16. Almainus 3. Moral. cap. 33. & Vega lib. 4. in Trid. cap. 16. insuper tenent etiam pœnas peccatorum venialium, quæ hic dimissa non fuerint non futuras æternas in damnatis propter aliqua mortalia: principale fundamentum huius opinionis est argumentum supra adductum ad probationem consequentiæ obiectionis in qua versamur, quia alioquin videbitur esse admittendū quod peccatum veniale vel ex se & sua ratione sit dignum æternis pœnis, quamuis misericorditer non sic puniatur in illis, qui habent charitatem, vel quod supra condignum puniatur in inferno, quia adiunctio peccati mortalis non videtur augere eius demeritum, quia neque intendit neque extendit actum demerentem, ex quo solo potest augeri reatus pœnæ. His præmissis

Respondent



Respondent priores ad obiectionem, contra A. Anteced. N. C. ad probationem verò respondent ex eo quod peccatum veniale in peccatum puniatur coniunctum cum mortali sequi vel ex sua propria ratione esse dignum poenis perpetuis, vel puniri supra condignum: & rationem reddunt, quia ex se quidem est tantummodo poenae temporariae dignum, quâ poterit expiari, sed tamen quando contingit fieri per accidens irreversibile, tunc etiam per accidens iuste puniri poenis æternis non ratione suæ gravitatis sed ratione conditionis personæ, quæ est extra gratiam, ut in hiat D. Thom. sup. in quo videtur aliqui agnoscere, quod intercedat quædam Dei ordinatio positiva, quâ statuerit temporalem poenam peccato veniali debitam, esse subeandam & sustinendam voluntariè & amictio animo, sic quod alioquin passio ad debita poenæ exsolutionem non proficit, licet in punitionem infligatur, atq; ita semper iuste Deus poenas infligit pro peccato veniali in inferno, quia quicquid peccator patitur hoc nihil de debito poenæ temporali minuit, dum inuitus patitur, quia ita Deus ordinat, ut prout iuste ordinare possunt. Alij verò eiusmodi ordinationis positivæ mentionem non faciunt sed existimare videntur, hoc sic obtinere ex naturali ratione & naturali lege iustitiæ, potissimum quando qui deliquit non tantum inuitus sustinet, sed etiam persistit in affectu & complacentia sui debiti, ut accidit in damnatis. Similiter dicunt de poenis resistentibus pro peccatis dimittis, quamvis enim hæc sint ex se determinatæ ad certum terminum intensiōis & durationis, sic quod in purgatorio finiantur certo tempore, tamen in inferno durant in perpetuum, quia ibi quæcumque poenæ seu passiones nihil valent ad debiti exsolutionem, quia ab inuitis tolerantur.

Hæc tamen ab alijs non æstimantur sufficere ad offendendam & salvandam iustitiam illius perpetuitatis poenarum; & haud dubiè si remoueat illa positiva Dei ordinatio, non caret res difficultatibus, unde posteriores malunt Respondere N. Aff. obiectionis supra positæ, sed hi laborant in soluendis argumentis ad probationem adductis: & Scotus quidem facillè expedit se à primo, quia ponit in se culpam remanentem post actum peccati qui transijt, non esse aliud quàm reatum ad poenam, unde consequenter dicit, quod ibi damnatus poenam temporalem peccato veniali debitam luerit, hoc ipso peccatum illud sit remissum; sed illam Scoti opinionem de culpa remanente sup. reiecit: unde aliter poterit responderi si quis posteriorem sententiam sequi maluerit: ad primū qui-

dem quod maior illa non videatur saltem tantummodo vniuersaliter loquendo, verum nam in humanis rebus potest dari exceptio ut apparet, nam si per leges sit certa poena constituta alicui delicto in Republica vel parentis commisso secundum naturalem rationem & moralem prudentiam, immensurata tali delicto, quæ à Republica vel parente intelligenda, non poterit res publica vel pater poenas grauiiores aut duriores infligere pro illo delicto, quamvis non velint delinquenti ignoscere culpam, sed ubi poenis lege constitutis luerit delinquens, iam de cætero à poenis habebitur immuni, quia iustitiæ vindictæ est satisfactum. Quidam autem poterit sic quoque dici, quod ubi peccator in inferno luerit poenas commensuratas peccato veniali secundum propriam rationem actus, quo illas meritus est, quod tunc pro illo non sit vltioris puniendus, quamvis displicentiæ & animi alienationis, ut sic dicatur, contra peccatorem ex illo delicto conceptam Deus non deponat, sed referuat.

Sed dicitur: si delinquens iste perseueraret in facto eisdem peccati, quod tunc posset iuste continuari poena illi delicto constituta, iam verò dimittit in inferno perseuerant in peccatis suis etiam venialibus saltem voluntate & affectu, quæ apud Deum pro facto habentur; ergo merito continuatur in perpetuum poena. Resp. verum quidem esse, si delinquens perseueret in facto delicti, & simul in statu demerendi, quod poterit semper puniri; quia continuè meretur nouas poenas: sed si incideret in eum statum in quo non esset ultra capax noui demeriti, non posset propter continuationem actus delicti, continuari poena v. g. si incidere in amentiam & non cessaret à maledictione Principis aut parentis, non posset propter continuatam maledictionem continui puniri: damnati autem, etiam in malignis seorsus perseuerant affectibus, non tamen demerentur amplius, neque nouas poenas merentur, quia extra merendi statum sunt, sed tantummodo luerit poenas quas suis actibus promeriti sunt. dum essent in viâ, & statu merendi; quod autem dici solet ad reatum culpæ inseparabiliter sequi reatum poenæ, hoc verum est eo sensu, quod non possit culpa committi, quin homo fiat reus poenæ; non autem quod post culpam commissam, non possit tolli obligatio ad poenam, siue per eius remissionem, siue per eius solutionem aut magis propriè per lutionem, quamvis ipsa culpa non sit remissa, potest enim postea tolli, stante priori.

Ad Sc.

Ad Secundum Resp. Verum quidem esse omnem dolorem tunc penam debere voluntarie sustinere ad hoc, ut valeat ad exsolvendum debitum culpæ; quia debitum hoc non censetur solui, nisi quando culpa remittitur, & animus offensi placatur; ad hoc autem obtinendum non valent pœnæ quas iniurius aut coactus quis tolerat, quia non sunt actus nec signa pœnitentiae; aut mutationis animi & propositi alicuius emendationis, quæ maxime sunt necessaria, ut animus partis offensæ placari possit: nihilominus tamen dici potest & debet, quod passiones & dolores, quæ etiâ ab iniuriis tolerantur, quâdo vindictæ causâ infliguntur, serviant ad satisfaciendum iustitiæ vindictivæ; nam frustrâ alioquin infligerentur iniuriis: non enim infliguntur, quia iudex delectatur doloribus delinquentium, sed quia gaudet observantiam iustitiæ. Vnde quando culpa est talis ut secundum vindictivam iustitiæ non mereatur nisi pœnas temporales & finitas, nihil videtur ob stare quominus per perpeffionem eiusmodi dolorum & pœnarum aliquando veniatur ad completam mensuram vindictæ, quam iustitia pro tali culpa exigebat, non per modum satisfactionis, ut hoc nomen communiter accipitur, sed purè & mere per tolerantiam pœnarum quali in specie quæ secundum iustitiæ tali delicto debebantur: In mortalibus autem nunquam ad finem perueniri potest, non præcisè quia nunquam remittuntur, sed quia ex sua ratione digna sunt pœnis æternis, ita ut quantumcumque diu pœnæ sustineantur, nunquam tamen peccator in inferno sustinuerit æquales eiusmodi pœnæ secundum exigentiam iustitiæ, adeo ut etiam si poneremus quod Deus peccatum aliquod mortale quo ad culpam remitteret, & veller tamen exigere secundum rigorem, pœnas promeritas, non commutando scilicet in iura meritorum & satisfactionis Christi, æternas in temporales, haud dubie posset iuste æternas pœnas infligere.

Ad Tertium Responderi poterit: Imprimis proprium sensus illius disti esse, quod in inferno nulla sit remissio, quia nullus enqua ex inferno liberatur. Deinde, qui dicunt pœnas temporales reitantes vel debitas pro peccato veniali aliquando finiri etiam in inferno non admittunt propterea ibi aliquam redemptionem, volunt enim eas tolerari non quasi redimantur, nullum enim pretium vel alid æquivalentis pro illis penditur quo relaxentur; sed quia ipse in propria specie prout debitas sunt, aliquando ad plenam mensuram luuntur.

Obicitur Sexto & clarius D. Thomas q. q. brevis disputatio cap. 4. ubi dicitur nullum esse peccatum leve, nullum autem in sua lege differens a mortali, & parva peccata, ergo omne peccatum propriâ ratione est mortale. Resp. &c. Sensus enim D. Bani. filij iudicis quodam D. Bani filij est, nullum esse leve peccatum leve aut parvum, si non maxime negligatur aut contemnatur, ratio aut emendatio tunc in nobis proximo: quia hoc ipso, quod displicet, merito magni facien dum est, diligenter cavendum ac corrigendum tollit itaque auctor ille distinctionem peccata, quod satis expresse agitur in 106. sed reprobatur quod quidam peccata minora tam parvi facerent, quasi vitandis aut corrigendis nullâ sollicitudine curas; contra quos ipse vult omnia peccata esse magna, id est, sic magni sollicitudine studeamus ea vitare & corrigere: quia nihil quod Deum quoquo modo offendit aut displicet, est parvum aut mandatum.

Quæritur Secundum: unde sit differentia inter peccatum veniale & mortale? Scotus in 2. dist. 21. q. 1. inile vult sumi, quod peccatum veniale sit contra præceptum, & veniale sit contra consilium, & est in 106. Gub. in 4. d. 16. qu. 1. art. 1. Sed 2. non recte dicitur, quia omne peccatum est contra legem, ut patet ex illis in 106. peccat, quam sup. ex D. August. allegavimus. Vnde nec rectè alij alij peccatum differens mortali a veniali in eo quod mortale sit contra legem, veniale contra non contra, sed tunc propter legem, ut proprio loquendo omnino transgreditur, & peccatum veniale esse quique contra legem, quod præceptum sit legem, unde de Ang. ubi peccatum, quod ipse de finem legem, factum vel contrarium legem, & etiam, complendit, non veniale, ut satis est colligere ex 106. contra Sanctum, loquuntur rationes D. Thomæ, ut dicunt veniale esse peccatum contra legem, quia contra legem, unde 2. p. q. 106. art. 1. Bonavent. in 2. d. q. 1. art. 1. & D. Thomas ibi. scilicet, hoc intelligendū sunt, quia peccatum non in tantum contrariatur legi, ut destruit finem legis, quod est de 106. art. 1. exp. D. Tho. quod 2. de Malis, art. 1. ad 1. Alij vero ut Cuiet. & Cuiet. ibi. inde sumunt discrimen, quod peccatum mortale sit contra finem vel finem peccatum autem veniale sit contra legem, quam opinionem refert & refutat Scotus loco citato, & existimant quidam esse D. Thomam



Thomæ hoc loco. Sed neque sic rectè dici possunt distingui, quandoquidem multa sint peccata mortalia, quæ non versantur immediatè & propriè circa Deum, siue circa finem, sed circa media, vt per se euident est: & è contra possint etiam committi aliqua venialia circa finem; puta ex imperfectione actus; vt bene hic docet Medina. Quæ autem sit mens & sententia D. Thomæ quando dicit veniale versari circa media, mortale autem circa finem, mox explicabimus.

Respondetur itaque, discrimen venialis à mortali conuenientissimè desumi inde, quod mortale adferat secum diuinæ amicitie acipiens Dei summè boni contemptum, explicite aut interpretatiuè: non sic peccatū veniale. Contemptus enim talis censetur fieri hoc ipso, quo aliquis Dei mandatum in re graui cum perfectio rationis iudicio, vt possit frui bono aliquo creato preuaricatur: qui enim contra legem agit ex cuius obseruantia pendet amicitia cum Deo conseruatio, is certè declarat se pro nihilo ducere Dei amicitiam, ac omne bonum diuinitus nobis promissum, & omnibus istis se preponere creaturam, cuius amore legē eiusmodi transgreditur: quod varijs locis Scripturæ significant; Ierem. cap. 2. *Dereliquerunt me fontem aque viue, & foderunt sibi cisternas, quæ non valuerūt continere aquas:* Iohannis 5. *Dilexerunt magis gloriam hominum, quam Dei.* Matthæi 10. *Qui amat patrem aut matrem plusquam me, non est me dignus.* Id est, qui amore patris aut matris aut cuiuscumque alterius se auertit à me, scilicet legem & voluntatem meam transgrediendo, non est me dignus. Ad Philipp. 3. in eandem sententiam dicitur; *Quorum Deus ventus est.*

Vnde malitia peccati mortalis potissimum desumitur ex hoc quod bonū infinitum scilicet Deus ipse, in eo contemnatur, adeo quod creatum & mutabile bonum illi præponatur, cuius scilicet amore eius amicitia reiicitur & violatur. Hinc autem nascitur quod huiusmodi peccatum adferat animæ mortem, & euertat debitum ordinem hominis cum fine vltimo: quia dum ex parte sua homo violat cum Deo amicitiam, simul charitatem & ceteras virtutes (quæ sunt animæ vita & fundamentum ordinis debiti) expellit, ita vt instar corporis mortui non possit aliquem actum vitæ spiritualis exercere, neq; ad finem sese mouere, nisi Deus peculiari operatione præueniat & resuscitet: peccatum autē veniale, siue ob materię oaruitatē, siue ob imperfectionis actus non censetur Dei eiusue amicitie continere contemptum: nam qui in re minoris momenti, aut saltem in-

aduertenter non ita exactè perficit omnes voluntatem domini sui & amicis, non censetur idcirco iuxta communionem omnium apprehensionem contemnere dominum suum & eius amicitiam flosci pendere, quemadmodum si contra eius præceptum faciat in re graui & deliberatā voluntate.

Neque aliud docere hic intendit D. Tho. quando dicit, Peccatum mortale habere inordinationem circa finem; veniale autem circa media; quā quod mortale euertat ordinem & coniunctionem hominis cum fine vltimo, siue interim actus versetur proximè circa finem, siue circa media: veniale autem coniunctionem istā cum fine non destruat: sed tantummodo contineat quandam inordinationem circa media, quatenus plus debito afficitur rebus creatis, nō ita tamen vt propter illas veller debitum ordinem cum fine vltimo perturbare.

Videtur autem illa inordinatio circa media, de qua frequentius D. Tho. loquitur, consistere in eo, quod peccatum veniale sit eiusmodi actus, qui non est ordinabilis secundum se ad ipsum finem vltimum, quāuis interim ipsam ordinationē & subiectionem hominis ad Deum, non euertat aut tollat. Colligitur prædictus sensus verborum D. Thomæ ex alijs, quæ habet articulo 5. quæst. præced. vbi sic scribit: In quibusdam peccatis est quidem aliqua inordinatio, non tamen per contrarietatem ad finem vltimum, sed solum circa ea quæ sunt ad finem, in quantum plus vel minus debitè eis intenditur, (saluato tamen (inquit) ordine ad finem, puta cum homo est nimis ad aliquam rem temporalem afficiatur, non tamen pro eā veller Deum offendere, scilicet vsq; ad amicitie euersionem.

Vt autem facilius possit dignosci, quæ peccata inducant illum Dei contemptū & consequenter reatum mortis, solent à D.D. tres assignari modi, qui plurimū valent ad eiusmodi discretionē faciendam; Primus sumitur ex Scripturis sacris: quando enim illæ pronuntiant de aliquibus operibus, quod sint digna morte, quod excludant à Regno celorum, vel quod qui talia agunt non possint leuare regnum Dei, vt ad Rom. 10. ad Gal. 6. ad Eph. 5. certum est tunc eiusmodi peccata esse mortifera: quando autem vtuntur verbis mitioribus, signum est, quod sint venialia, vt proverb. 10. *In multiloquio non deeris peccatum. Qui moderatur labia prudentissimus est;* Vbi multiloquiū opponitur tantū sum n. prudentiæ. Math. 12. *De omni verbo oris quo locuti fuerint homines rationem reddent.* Secundus motus sumitur ex comuni sensu S.S. P.P. siue D.D. aut fidelium: sic cognoscimus violationē ieiuni-

Ieiunij diebus indictis, omissionem sacri dominici & festiuis diebus esse peccatum mortale. Tertius modus est vt bono iudicio expendatur & materia siue subiectum legis, & simul quoque aliæ conditiones & circumstantiæ, v. g. vt examinetur, quibus verbis exprimitur lex cuius fit præuaricatio, item habeatur respectus ad pœnas, quibus subiiciuntur eiusdem violatores, item attendatur ad legislatoris intentionem in tali vel tali casu, & præ omnibus bene inspiciatur materia ipsa in qua versatur lex, an magni & notabilis momenti, an verò minoris esse reputetur.

23 **QVÆRITVR** Tertiò: Vtrum peccatum veniale & peccatum mortale dicantur vniuocè, an analogicè peccatum? Respondetur breuiter metaphysicè res cōsiderando, probabiliter dici quod vniuocè dicantur peccatum; quia ratio peccati quæ in eo consistit, quod actus deficiat à præscripto legis siue rationis, vtrique simpliciter conuenit; vnde pro vtroque pœna infligitur, nec vni conuenire videtur dependenter ab altero, neque propter ordinem ad alterum; & ita docent Durandus in 2. dist. 2. quæst. 6. Ioannes Maior eadem dist. à Valentia hic quæst. 18. punct. 2. Alorius Tomo 1. lib. 4. cap. 8. quæst. 4. & alij nonnulli: Nihilominus tamen moraliter & theologicè magis loquendo, rectè dici quod peccatum veniale respectu mortalis dicatur analogicè peccatum, vt docet hic D. Thom. ad 1. & cum eo Caiet. & Medina: item Suarez 3. parte Tomo 1. disput. 4. sect. 9. & Bellar. lib. 1. de Statu peccati cap. 11. & 12. & alij; quia peccatum mortale quasi per Antonomasiā dicitur peccatum propter completam & perfectam defectionem, non tantum à lege, sed etiam à fine legis, & sic est significatum famosius: vnde sæpè in Scripturis sacris peccatum per se positum supponit pro solo mortali, sicuti & lex & mandatum frequenter supponunt pro illis tantum, quæ præscribunt materiam necessariam ad finem hominis. Constat ex varijs locis: Ezech. 18. *Anima quæ peccauit, ipsa morietur*: ad Rom. 6. *Stipendium peccati mors*: Deutero. 27. *Maledictus qui non permanet in sermonibus legi huius*: Roman. 13. *Qui diligit proximum, legem impleuit*, & Lucæ 1. *Erant autem iusti ambo ante Deum, incidentes in omnibus mandatis & iustificacionibus Domini sine querela*. Ex quibus patet iuxta modum loquendi sacræ Scripturæ, longè aliter peccatum mortale dici peccatum, quam veniale. Quamuis autem ista absolute posita frequenter sic accipiantur, vt designent tantum mortale peccatum, siue respectu mandatum sub mortali obligans, nihilo-

minus tamen etiam alibi Scriptura significat, quædam vera peccata esse, quæ mortem non aferant, neque iustitiam extinguant: vt 1. Ioannis 1. *Si dixerimus quia peccatum non habemus, &c.* & Iacob. cap. 5. *In multo offendimus omnes, & in Oratione dominica omnes orant Dimitte nobis debita nostra*; quæ iuxta Conc. Trid. & antiquos PP. est humilis & vera confessio etiam iustorum.

Ceterum siue vno, siue alio modo peccatum mortale & peccatum veniale admittantur dici peccatum, tamen diuisio peccati in peccatum mortale & in peccatum veniale non est propriè loquendo diuisio generis in species; vti velle videtur Durandus loco citato, & alij nonnulli cum ipso, si secundum rationem sui proprii & specifici obiecti considerentur; sed tantum alicuius prædicabilis magis communis in sua minus communia accidentaliter restricta & distincta: quia siue materialiter accipiantur, vt sunt actus quidam, siue formaliter secundum rationem malitiæ siue defectus, sæpius inveniuntur habere obiectum, aut quasi obiectum eiusdem speciei; quod facile ostenditur, quia magnum furtum & furtum paruum, quorum vnum est peccatum mortale, & alterum peccatum veniale, versantur circa obiectum eiusdem rationis & priuant quoque eisdem virtutis rectitudine specificâ. Vnde illa duo non possunt dici differentiâ essentiali differre, & hinc D. Tho. in frâ articulo 6. ad Primum dicit, Quod veniale differat à mortali sicut puer à viro; puer autem & vir non diuidunt hominem vt genus. Sed hæc ex dicendis ar. seq. magis constabunt.

## ARTICVLVS II.

*Vtrum peccatum mortale & veniale differant genere?*

25 **N**Otandum est, duplicem posse considerari malitiam in peccatis; vnam ex respectu ad finem vltimum, quatenus videlicet ordinem ad illum absolute euerunt, eiusque contemptum includunt, vel saltem sunt eiusmodi actus, qui indonei sint, vt ad finem illum subordinentur, quin suo modo disponant ad euerfionis ordinem, licet eum non destruant; aliam verò malitiam posse considerari ex respectu ad obiectum proximum & propriū siue specificum, quatenus circa illud non versantur secundum præscriptum legis aut rationis. His positis

Respondeo & dico Primò, Peccatum mortale & peccatum veniale considerata priori modo, rectè dicuntur differre toto genere

genere: quia sunt planè diuersi ordinis iste malitiæ: sicut languor aliquis animalis & eius mors seu vitæ priuatio rectè dicuntur toto genere differere, si considerentur vt malum quoddam cōtrarium finis, siue operationis animalis, quia languor est tantum quædam indispositio ad finem, non tamen tollit omnem ordinem & principium ad finem; mors autem totaliter tollit: sic etiā peccatum mortale destruit omnem ordinem & tollit principium ordinis ad finem, non sic peccatum veniale, quamuis sit quædam indispositio ad finem. Hinc quantumcumque peccata venialia multiplicentur, nunquam tamen adæquant malitiam illam vnus mortalis. Et quidem considerando hanc malitiam peccati, omnino dicendum est, quod peccatum analogicè dicatur de veniali: nā sic ratio eius in communi importat respectum ad debitum ordinem hominis cum vltimo fine quatenus illo ordine priuat, aut quocumque modo ad illius priuationem seu euersionem disponit: ista autem ratio per prius conuenit mortali quā veniali, quia nisi esset dare peccatum, quod natum sit priuare debito ordine, eumque euertere, non esset quoque dare inordinationem & dispositionem quæ quocumque modo siue directè siue indirectè ad euersionem illius ordinis ducit: sicuti si non esset finis, non esset quoque medium, & si non daretur substantia, non daretur accidens.

Dico Secundo: Si considerentur peccatum mortale & peccatum veniale, quatenus habent speciem actus moralis ex proprio & specifico obiecto, sic potest contingere aliquod peccatum mortale & aliquod veniale esse eiusdem generis, imò & eiusdem speciei. Colligitur ex dictis art. præcedente; quia paruum furtum, quod est peccatum veniale, & magnum furtum quod est mortale non differunt genere, vt sunt quidā actus iniustitiæ, similiter motus cōcupiscentiæ imperfectè deliberatus quo appetitur non sua qui est peccatum veniale, & motus perfectè deliberatus qui est peccatum mortale, sunt quoque eiusdem generis in materiā intemperantiæ quatenus actus illi speciei accipiunt ex proprio & proximo obiecto circa quod versantur.

Dico Tertio: Nihilominus tamen rectè ponitur hoc discrimen, quod quædā peccata sint venialia ex genere suo, & quædam ex genere suo mortalia. Est D. Tho. hic, & Probat, quia sunt quidam actus, quibus fertur voluntas in aliquid quod secundum se repugnat principio vitæ & debito ordini ad finem vltimum, dilectioni videlicet per quam ordinatur homo ad finem vltimum: & eiusmodi actus ex obiecto, siue

genere suo habent quod sint peccata mortalia, quāuis ex aliquo accidente, vt propter imperfectionem considerationis; aut libertatis, vel propter materiæ paruitatem possint esse aliquādo venialia tantum; sunt autem & alij actus quibus voluntas fertur in id quod continet in se quandam inordinationem, non tamen per se contrariatur ordini debito ad finem, siue dilectioni Dei aut proximi, vt hic loquitur D. Tho. sicuti verbum otiosum, risus superfluus, & similia: & hi actus ex suo genere sunt peccata venialia tantum.

Addit autem D. Tho. quia actus morales recipiunt speciem non tantum ex obiecto, sed etiam aliquando ex aliqua dispositione agentis, idcirco sicuti contingit peccatum quod ex genere suo est mortale, fieri veniale, vt diximus: sic quoque posse contingere, quod veniale ex genere suo, aliquando fiat peccatum mortale; idque dicit contingere duobus modis, vno, si quis peccatum veniale referat ad finem qui sit peccatum mortale, v. g. verbum otiosum aut risum superfluum ad committendum adulterium: alio modo, si quis ponat finem vltimum suum in peccato veniali.

Occasione autem huius dicti quæritur Primo: Quid sit constituere finem vltimum in veniali peccato?

Respondetur breuiter, non idem esse constituere in aliquo actu vltimum finem, & expetere eiusmodi actum propter se, siue absque vltiori relatione ad aliud; sed in proposito censeretur cum constituere finem vltimum in veniali peccato, qui amore venialis admittit aut admittere paratus est peccatum mortale, quo receditur à Deo sine vltimo: v. g. qui vt lautè comedat, furatur, vel ex vanā gloriā committit perurium prout hoc explicat D. Th. 2. 2. q. 132. art. 3. Neq; omnino requiritur vt de facto committat actum peccati mortalis, sed satis est, quod animo sit paratus, ita vt secū dicat aut statuatur, quod potius tale vel tale quid quod est peccatum mortale, committeret, quam à venialibus abstinere v. g. quod potius furaretur, quā decisset gula.

Petes, quid si nihil tale animo statuatur, sed tamen ita est habitualiter animo affectus & inclinatus ad peccatum veniale, vt si obstat, occurreret haud dubiè potius ad illud remouendū esset peccatum mortale commissurus, quā à veniali vellet abstinere?

Respondetur talem idcirco nondum peccare mortaliter, si non formet voluntatem sic operandi, neque inter se obiecta conferat, licet tam infirmus animo sit, vt si occasio occurreret, esset succubiturus; quia vt docet D. Aug. Nemo damnatur propter peccata, quæ fecisset aut faceret, sed

propter

27

28

29

propter illa, quæ fecit. Neque qui sic constitutus est, dicitur simpliciter esse animo paratus committere mortale propter affectum erga veniale, quia esse animo sic paratum ad illud, importat, quod quis contulerit illa inter se & iudicauerit, si opus foret, quod potius mortale peccatum committeret, quàm à veniali abstineret. Unde hoc sensu interpretantur quidam verba Aug. quæ citantur à Glossa in cap. 11. 1. ad Corinth. scilicet, Nullum peccatum veniale est, dum placet, id est, eo modo ut iudicet esse maius bonum quocumq; altero, etiam Dei amicitia, sic ut hanc illi postponere paratus sit: alij tamen alio sensu accipiunt dicta verba, quod scilicet nullum sit peccatum veniale secundum euentum (prout peccatum veniale supra distinximus) quamdiu placet; quia non datur venia tamdiu quam placet. Cui expositio non fauet, quod additur: sicut mortale si verè displicet, nullum iudicatur, quia scilicet per veram poenitentiam obtinetur venia cuiuscumque peccati.

3. **Q**UÆRITUR Secundò: In quo igitur dicendus sit constituere finem vltimum illius actus, qui admittit peccatum ex genere suo veniale solius delectationis causa? Non enim potest dici constituere in delectatione ipsa actus; quia sic peccaret mortaliter uti apparet: mortale enim peccatum est frui vtendis, vt indicare videtur D. August. lib. 83. qq. q. 30. quando dicit omnem humanā peruersitatem esse fruendis uti velle, & vtendis frui. Neque in Deo constituit vltimum finem illius actus: non enim actualiter, vt per se euident est; Imò iniurius esset Deo, qui diceret se peccare venialiter ad honorandum Deum vel ad illi complacendum: non etiam virtualiter, quia supponimus nullam actualem relationem huius operis in Deum præcessisse, virtute cuius censeatur ipsum sequi: nec denique habitualiter, quia habitualiter in Deum referri simpliciter, dicenda non sunt, quæ ex se sunt talia, vt Deo displiceant, & proinde repugnantiam includant, ne possint in Deum referri. Respondetur, quod ab illo qui sic peccat venialiter, rectè dici possit negatiuè constitui finem vltimum in ipso actu veniali qui delectationis causa committitur, hoc sensu scil. quod operans nō referat actum illum actualiter & formaliter vltius ad aliud, neque tamen positiuè & formaliter aliquem ibi finem vltimum intendat. Neq; enim omnia refert operans ad illud bonū delectabile, non tantum non formaliter & explicitè, sed ne quidem implicitè siue interpretatiuè: non enim propter illius amorem recedit ab amore & affectu veri

finis vltimi, quia propter illud non affectus Dei amicitiam, quin potius ita est desectus, vt si bonum illud absolutè contrariaretur charitati & ordini quo inhæret vltimo finis, mallet eo carere, quam cum diuinæ amicitie amissione, illo frui, vel vti.

Et in hunc modum debent sumi & explicari, quæ D. Thomas art. præcedenti habet ad 3. & in se obscura sunt, dum sic scribit: Ad tertium dicendum, quod ille qui peccat venialiter, inhæret bono temporali, non vt fruens, quia non constituit in eo finem: sed vt vtens, referens in Deū, non actu, sed habitu: & similia quædam indicat in resp. ad 2. & alibi. Sensus enim hic est, quod venialiter peccans non debeat dici inhære bono temporali vt fruens, nempe quia non definit habituali affectu per Charitatem inhære bono incommutabili, quo ipsum præponit omnibus bonis creatis, etiam illi, cuius amore nunc venialiter peccat: per Charitatem enim est habitualiter dispositus ad deferenda potius omnia creata, etiam actum & obiectum peccati venialis, quam bonū illud incrementum dimittere & Dei amicitia priuari, ita vt hoc modo habitualiter peccatū veniale submittat & postponat fini vltimo: idque sufficit proposito D. Thomæ, quia tantum intendit declarare, quomodo venialiter peccans nō recedat à necessario ordine ad finem vltimum, & proinde quomodo veniale peccatū rectè diuidatur contra mortale; quod qui committit, planè ab isto ordine recedit, imò omnino destruit: non sic qui venialiter tantum peccat. Non est autem sensus, vt alicui forsitan verba possent videri præ se ferre, quod in ipso actu peccato contineatur aliqua habitualis relatio ipsius in finem vltimum, neque quod operans habitualiter illum actum ordinet quasi medium aliquod ad finem vltimum, sed tantū quod ita fini vltimo adhæreat, vt actum talem habitualiter submittat & postponat, & propterea nō debeat dici eo simpliciter & absolutè frui, sed potius vti; & nō nisi secundum quid aliquali ratione frui. Ad illud itaque quod in ratione dubitandi fuit assumptum, dicendū est non esse vniuersaliter verū, quod sit mortale frui vtendis, nisi intelligatur perfectum frui, ita vt ne habitu quidem quis postponat illa Deo & fini vltimo. Colligitur idipsum ex Aug. li. 1. de Doctrina Christiana c. 3. vbi dicit. Quando per creaturas in viā, quā ad patriā tendimus tanquam amenitates quasdam obiter retardamur, vtendis nos frui: in quo tamen non est nisi veniale peccatum: quare altero loco allegato, nomine peruersitatis non tantum mortalem sed etiam venialem peruersitatem intelligere dicendus est.

ARTIC.

ARTICVLVS III.

*Utrum peccatum veniale sit dispositio ad mortale?*

32 **N**Otandum cum D. Thoma Dispositionem aliam esse directam ad aliquam formam, sicuti v. g. est calor ad formam ignis; aliam vero esse indirectam per modum remouentis prohibens, sicuti claudicans disponitur ad lapsum quando aufertur baculus, quo se sustentat. Item tam peccatum mortale, quam veniale aliud esse tale ex genere suo, & aliud tale ex parte agentis, sicuti iam articulo præced. explicatum est: His positis sit

Conclusio Prima: Peccatum ex genere suo veniale non disponit directè ad peccatum ex genere suo mortale. Ita hinc D. Thomas, & ratio est: quia sunt actus ex obiectis suis specie distincti, neq; vnus ad alterum per se est subordinatus: vnde vnus nõ potest directè dispõdere ad alterũ.

Conclusio Secunda: Potest tamen veniale ex genere suo disponere directè ad aliquod peccatum quod est mortale ex parte operantis: non tamen ita vltimatè & perfectè, vt ad illam dispositionem positam sequatur necessariò illud peccatum mortale. Declaratur prior pars, quia sensum ex iteratis actibus alicuius peccati venialis potest ita crescere affectus erga illud, vt in eo constitutur finis vltimus, id est, vt ex amore illius sit homo paratus committere peccatum mortale; quem affectum directè generat consuetudo illius peccati venialis.

Declaratur pars posterior; quia quantumcumque sit in homine inclinatio & affectus ad eiusmodi peccatum veniale crescat, non tamen per hoc necessitatur ad mortale aduitrendum siue quoad factum externum, siue quoad animi preparationem & consensum, sed manet in eo libertas ad repudiandum.

33 **C**onclusio Tertia: Peccatum ex genere suo veniale disponit indirectè ad mortale ex genere. Est D. Thom. hinc. Probatur, *quia qui spernit modica, paulatim decidet: vt habetur Ecclesiastici cap. 19.* Minuunt enim peccata etiam ex genere suo venialia charitatis feruorem, & obstaculum suo modo ponunt sanctis inspirationibus & gratiæ auxilijs, quibus alioquin Spiritus S. hominem præueniret, solaretur & confortaret in difficultatibus & tentationibus, atque ita indirectè disponunt ad mortale, quia remouent prohibens. Adidit D. Thomas & aliam rationem; quia

qui assuescit voluntatem suam in minoribus non submittere ordini rationis, disponitur per quandam consequentiam, vt etiam non subijciat eandem ordini necessario ad finem vltimum, sic vt facilius eligat quoque illa, quæ eundem ordinem perturbent & eueriant: per assuetudinem enim non submittendi se ordini & legibus Dei in omnibus, minuitur in animo hominis reuerentia erga Deum & eius mandata, quæ illum continere maximè debent; ne contra ordinem necessarium ad finem vltimum agat. Iuxta hæc autem accipiendum est, quod scribit Aug. tract. 12. in Ioannē. Quod multa minura, si negligantur, occidant; item in Psal. 118. in Concione 3. Quod & si non singula suis moribus nos conterant, omnia tamen aceruo nos obruunt, & quæ habet similia alijs locis, quia videlicet multitudo & frequentia venialium peccatorum, quando non æstimantur sed negliguntur, disponunt & inducunt vt quis faciliè etiam in maioribus Dei legem præuaricaret. Hunc autem verum sensum esse August. colligitur ex ijs, quæ scribit in Psal. 52. vbi docet: quod sicuti radices spinarum non puniunt per se, sed spinæ quæ inde nascuntur, ita venialia peccata, siue minuta & parua per se non occidere, sed ex illis nasci quæ occidant; quod declarat ex cap. 2. Sapientiæ, vbi ab initio dicunt impij; *Coronemus nos rosis*, in quo videtur leuis luxus, sed inde dilabuntur eò vt tandem dicant, *Opprimamus pauperem iustum*, quia ex prodigio luxu solent facile transire homines ad pauperum oppressionem. Similiter intelligenda sunt quæ habet D. Greg. lib. 10. Moral. c. 14. & Ansel. in c. 5. ad Ephes.

Conclusio Quarta: Peccatum veniale quod tale est ex imperfectione operis tantum, disponit directè ad illud mortale, cum quo est eiusdem generis & obiecti. Pater, quia paruum furtum directè disponit ad committendum magnum, & parua libido ad completam luxuriam.

ARTICVLVS IV.

*Utrum peccatum veniale possit fieri mortale?*

34 **C**onclusio Prima: Idem actus secundum esse naturæ potest ab initio esse peccatũ veniale & in progressu fieri mortale, sic vt malicia illius actus in initio sit venialis & postea mortalis. Colligitur ex D. Thoma hinc: estque communis & certa. Declaratur, quia potest actus aliquis malus inchoari cum imperfecta delibe-

D d ij ratione.

ratione, & aduertentia, atque ita esse peccatum veniale, & postea cum pleno rationis iudicio continuari, & sic fieri peccatum mortale: ubi esse eundem actum secundum genus naturæ nemo negat.

**Conclusio Secunda:** Potest etiam fieri quod ad actum sine peccato ex genere suo veniale aliquamdiu inchoatum accedat intentio praua operantis, quæ actum illum referat ad finem mortaliter malum, ita ut tunc actus ille habeat duplicem malitiam, unam venialem, & alteram mortalem. Declaratur, quia potest quis ab initio otiosè iocari, & postea in otiosis iocis pergere & referre, v. g. ad fornicationem, ubi tunc erit duplex malitia quando ista intentio accedit: neque enim accedens malitia ex circumstantiâ finis exstinguit illam, quæ actui conuenit ex proprio obiecto.

35 **Conclusio Tertia:** Quando actus, qui ex imperfectione operis ab initio est venialis, & accedente pleniori rationis iudicio in progressu fit mortalis, rectè dici de eo potest, quod idem actus non tantum secundum esse naturæ, sed etiam idè secundum esse moris ex veniali peccato fiat mortale. Ita multi loquuntur: & probatur, quia actus imperfectè deliberatus & perfecte deliberatus, quando circa idè obiectum versantur, sunt eiusdem speciei considerando illos secundum rationem, quam fortiuntur ex proprijs & specificis obiectis, etiam secundum esse morale ut dictum est articulo 2. ergo quando idem continuatur cum plenâ deliberatione, qui fuerat cum imperfectâ deliberatione inchoatus, omnino tunc idem erit actus numero, tam secundum esse morale, quam secundum naturale. Videtur quidem D. Thom. aliter hic sentire, dum scribit; vno modo posse intelligi veniale peccatum fieri mortale, sic quod idem actus numero primò sit peccatum veniale, & postea mortale, & hoc, inquit, esse non potest: sed id scribit ex eo fundamento, quia supponit quod species actus moralis soluat per hoc, quod actus non sit perfectè deliberatus, ut colligitur ex illis quæ habet infra articulo 6. in Corpore sub finem, ubi particulariùs quæstionem nostræ huius conclusionis attingit: sed fundamentum illud non videtur subsistere, quia licet omnimoda absentia deliberationis seu aduertentiæ ponat actum extra genus moris propter defectum totalem voluntarij seu liberi, non tamen id facit quæcumque imperfectio aduertentiæ, modò reuera actus cum quadam aduertentiâ & libertate fiat: quod manifestum est, quia si actus imperfectè deliberatus simpliciter

esset extra genus morum, iam nullo modo esset culpabilis aut peccatum ne veniale quidem, quia solus actus moralis est laudabilis aut vituperabilis: si itaque sit moralis actus (ut omnino dicen dum est) consequens efficitur quod cum perferret circa idem obiectum, & tantum accedat plenior intellectus aduertentia, manere illum eundem numero actum, non tantum secundum esse naturæ, sed etiam secundum esse moris. Si quis tamen consideret malitiam priorem & malitiam posteriorem, ut aduersantur ordini ad finem vltimum, sic illæ sunt omnino diuersi ordinis, & dici possunt distingui toto genere iuxta illa, quæ diximus articulo 2. sup. & sic iuxta hanc considerationem, posset dici non esse idem actus suo modo in genere moris, quatenus isti reatus culpæ sunt tam diuersi ordinis & generis. Vnde quidam sic explicant D. Thom. articulo 6. infra, verba autem eius quæ hoc loco habet, interpretantur eo sensu dicta, quod non possit idem actus, qui est peccatum veniale ex suo genere, fieri peccatum ex genere mortale, manens idem secundum esse moris, quia necessariò mutatur obiectum, & consequenter actus etiam voluntatis; sed non videntur satis appositè ad mentem & ad verba D. Thomæ hæc dici, ut facile perspicit qui textum propius examinabit.

36 **Conclusio Quarta:** Quando actus ex genere suo venialis fit mortalis per accedentem nouam intentionem, quæ refertur in finem mortaliter malum, non manet idem actus internus in genere moris. Paret, quia mutatur ratio motiua ipsius voluntatis desumpta ex fine, ex quo principalior accipitur species actus interni, quia finis est primarium obiectum voluntatis; ergo non debet dici manere idem actus in genere moris. Quod verò ad actum externum attinet, non incongruè potest hic dici manere idem etiam in genere moris, quamuis id quidam negent; quia licet nouam malitiam & speciem etiam accipiat ex relatione ad talem finem, tamen hæc species est quasi secundaria in illo actu, altera autem quam habet ex proprio obiecto siue materiâ circa quam versatur, est primaria quæ non destruitur nec tollitur, quamuis alia accedat. Vnde non videtur sufficiens esse fundamentum ad negandum, quod actus ille externus maneat idem secundum genus moris. Vide dicta sup. quæst. 18. artic. 6.

37 **Conclusio Quinta:** Peccatum veniale quantumcumque multiplicatum non efficitur mortale. Est contra Glossam in Capitulum Tres sunt: De penitentiâ, dist. 1. sed  
authoritate

authoritate Pontificiâ est Glossa illa tanquam erronea ex iure extincta, vide illud cap. Tenet autem conclusionem D. Thom. hic, vbidicit, Quod omnia peccata venialia de mundo non possint habere tantum de reatu, quantum vnum peccatum mortale: & ita communiter D. D. omnes sentiunt. Declarat autem D. Thom. ex distantia infinitâ, quæ est inter pœnas peccatis illis respectu correspondentes; quia mortali debetur pœna æterna, & veniali temporalis: æterna autem in infinitum superat quascumque temporales: deinde mortali correspondet pœna damni & perpetua carentia diuinæ visionis, non sic veniali. Ratio à priori assignari potest, quia sicut per vnum peccatum veniale seorsim non constituitur finis ultimus in creaturâ, abijciendo diuinam amicitiam, ita neque per multa simul sumpta; sed sunt leues offensiones & quædam dupliciter amicitiam, quas tamen iura amicitiae tolerant absque illius violatione.

38 Qui tamen affectuosiùs diligunt, magis sollicitè etiam cauent ne in minoribus amico displiceant; vnde merito in hoc omnes intendere debent, præsertim quia frequentia peccandi venialiter multum disponit ad peccandum mortaliter, vt articulo præcedenti dictum est. Quare antiqui PP. valde monent, & inculcant, ne negligamus venialia tanquam parua, quia sensim causant ruinam grauiorem, & mortem, scilicet dispositiue, vt articulo præcedenti explicauimus. Hinc D. Augustinus serm. 88. de Tempore, Dum homines (inquit) negligentes in primis despiciunt peccata sua quia parua sunt, crescentibus minutis peccatis adduntur etiam crimina, & cumulum faciunt & demergunt.

39 Sed ex conclusione inferet aliquis: ergo fieri poterit quod quis ingentem aliquam summam pecunie multis paruis furtis sibi comparet, ita tamen vt non peccet mortaliter.

Respondetur, si quis successiue committat multa parua furtia non intendendo, neque etiam aduertendo se maiorem aliquam summam iniquè conquirere, tunc fieri posse quod infertur, neque illud esse habendum vt absurdum; sed si quis intendet per multa minuta furtia colligere magnam summam, tunc illo actu voluntatis peccaret mortaliter, & omnes actus qui ab illâ voluntate procederent, essent peccata mortalia, quia voluntas fertur in rem alienam notabilem iniuste comparandam, cuius voluntatis singula furtia sunt actus & executiones. Similiter si post multa furtia minuta inaduertenter siue absque collatione ad se inuicè factâ, reflecte-

ret se supra totam summam & approbaret se illam habere, vellentque referuare, etiam tum mortaliter peccaret, etiam si in singulis actibus, quibus sensim summam illi collegisset, non peccasset nisi venialiter. Est insuper in eiusmodi casu, ratio habenda, vtum inaduerentia, si quæ intercesserit, non fuerit culpabilis: puta quod facile ex rebus præsentibus potuerit aduertere, quod plura iniquè sibi comparet: nam & eo casu, committendo plura minora furtia peccaret mortaliter.

## ARTICVLVS V.

*Utrum circumstantia possit facere de veniali mortale?*

40 Conclusio D. Thomæ est: non posse fieri, quod circumstantia de peccato veniali faciat mortale, nisi addat deformitatem alterius generis: tunc autem non manere circumstantiam propriè, sed fieri differentiam specificam actus mortalis. Vide hæc explicata supra quæst. 7. & quæst. 18. art. 3. & 4. sequentibus.

Sed contra conclusionem obijciat aliquis, Quod circumstantia quantitatis videatur de peccato veniali facere mortale, vt patet in furto, quæ tamen non mutat speciem.

Respondetur D. Thomam hic loqui solum de peccato veniali ex genere, quod non vult per circumstantiam fieri mortale, nisi addat deformitatem alterius generis: Im autem furtum non est ex genere veniale, sed mortale: vnde etiam dici potest, quod notabilis quantitas magis spectet ad eius quasi essentialem rationem, minor autem quantitas sit quædam circumstantia diminuens rationem furti, & faciens veniale ex mortali.

## ARTICVLVS VI.

*Utrum peccatum mortale possit fieri veniale?*

41 Conclusio prior D. Tho est: Peccatum mortale non redditur veniale per hoc quod ei addatur aliqua deformitas pertinet ad genus peccati venialis. Res est euident, quia secunda malicia non purgat primâ; ergo mortale perseuerat mortale, etiam accedente alia veniali malitiâ. Non itaque negat D. Tho. quin mortale tunc etiam contrahat malitiam venialem, sed

Dd iij non

non fieri simpliciter peccatum tale, quod debeat dici veniale: nam hoc modo se explicat, quia non minuitur, inquit, peccatum eius qui fornicatur ut dicat verbum otiosum, sed magis aggravatur propter deformitatem adiunctam.

42 **Conclusio Secunda:** Potest tamen, id quod est ex genere mortale, esse veniale propter imperfectam actionem; puta propter imperfectam deliberationem, vel propter parvitatem materiæ. Rectè autem annotat Caiet. ad cognoscendam, quæ deliberatio habenda sit perfecta, quod aduer-

tentia illa non soleat ad peccatum mortale sufficere, quæ quia ita imperfectè & confuso quodam modo aduertit obiecti malitiam circa quod versatur, sicuti semidormientes aut semiebrj soleat illam aut eius periculum advertere: nam simul etiam sobrio & vigilantia contingit, quia mens alijs simul intenta, non satis aliquando inuigilat illi quod agitur, vel actioni intenta non satis inuigilat ijs quæ in animo & voluntate versantur, aut non continuo rationes occurrunt, quæ in deliberatione sunt attendendæ.

## QVÆSTIO LXXXIX.

### De peccato veniali secundum se.

*In sex articulos diuisa.*

#### ARTICVLVS I.

*Virum peccatum veniale causet maculam in anima?*

1 **C**ONCLUSIO D. Thomæ est: Peccatum veniale non inducit maculam propriè loquendo: potest tamen dici inducere maculam secundum quid. Probat priorem partem, quia peccatum veniale non priuat animam nitore habitualis charitatis & aliarum virtutum, neque eas diminuit; ergò propriè loquendo non causat maculam. Probat partem posteriorem; quia peccatum veniale priuat animam nitore actuum virtutis: qui enim venialiter peccant, non resplendent tunc actibus virtutum, ergò potest dici causare maculam secundum quid, non autem absolutè & simpliciter dictam; quia hæc importat priuationem nitoris ex sua ratione alioquin permanentis & habitualis; cuiusmodi priuationem non causat peccatum veniale, ut dictum est: Ita hic D. Thomas.

2 Non minus tamen conformiter ad modum loquendi Scripturæ sacræ, & S. S. P. P. poterit constitui macula peccati venialis in eo quod voluntas, quamdiu post culpam venialem se non corrigit, censeatur rebus temporalibus plus debito habitualiter adhærens, & minus rectè disposita secundum dictamen rationis & diuinæ legis, ita ut hæc macula sit etiam aliquid suo modo permanens post ipsum actum,

& non tantum carentia alicuius actus virtutis pro tempore quo peccatum fit. Sic enim loquitur Scriptura, ut significet hominem post actum peccati venialis manere coinquinatum, aut sordibus obductum: dicitur enim Ioannis 13. de iusto habente veniale peccatum; *Qui lotus est, non indiget nisi ut pedes lauet*: vbi significatur pedibus siue affectibus aliquid sordium adhuc inesse, item Apocal. 21. *Non intrabit in eam aliquod coinquinatum*; vbi Sancti P. P. intelligunt etiam peccati venialis coinquinationem debere abesse, & proinde supponunt ex peccato veniali remanere quandam coinquinationem; quæ de re licet videre D. Bernard. in Sermone de Conversione ad Clericos cap. 25. vbi tractat illa verba; *Beati mundo corde quoniam ipsi Deum videbunt*. Idem significatur Apocal. 14. *Sine macula enim sunt ante thronum Dei*; & facit etiam ratio, quia omnino admittendum est, quod post actum venialis peccati maneat habitualis culpa; ergò etiam quod maneat aliqua macula persecuerans, quæ cum illâ culpâ identificatur. Cæterum quia venialis culpa ex se remissibilis est, & debilis absq; infusione gratiæ & aliarum virtutum (licet per accidens ratione boni operis quo obtinetur remissio, non soleat fieri sine gratiæ infusione) puta per nudam & quasi extrinsecam Dei condonationem, ideo nullum hic apparet incommodum admittere, quod macula venialis peccati non sit aliquid physicum siue positium siue priuatum, sed tantummodo aliquid morale ratione cuius peccator habetur



beatius minùs dignis angularissimà Dei familiaritate, & frequentioribus per gratiæ auxilia visitationibus.

## ARTICVLVS II.

*Utrum conueniënter peccata venialia per lignum, fœnum, & stipulam designentur?*

**R**efert D. Tho. diuersas interpretationes illius loci Apostoli: quas apud ipsum & apud Commentatores videret. Interim conclusio eius est affirmatiua, quod per lignum, fœnum, stipulam significentur peccata venialia, quæ se admittunt hominibus procurantibus res temporales, tamen in Christo maneant per charitatem fundati: quemadmodum enim talia in domo aggregari solent, & non pertinent ad substantiam ædificij, & comburi possunt ædificio remanente: ita etiam peccata venialia (inquit) multiplicentur in homine, manente spiritali ædificio, & pro istis patitur ignem vel temporalis tribulationis in hac vitâ, vel purgatorij post hanc vitam, & tamen saluam consequitur æternam: quia in Christo manet. Solet autem hic locus exactius discuti in tract. de Purgat. ad quem astringendum adducitur communiter.

## ARTICVLVS III.

*Utrum homo in statu innocentia potuerit peccare venialiter?*

**C**onclusio Prima: Homo in statu innocentia non potuit cõmittere peccatũ veniale ex subreptione sensualitatis, vel ex præuentione voluntatis ante perfectam rationis aduertentiã. Est D. Tho. hic & communis aliorum. Probat quia appetitus sensitivus erat plene subiectus rationali, sicuti nunc manus & pedes imperio hominis, ita vt nunquam nisi ex mandato voluntatis mouisset sese: ipsa quoque voluntas sic erat subdita rationi, vt neque hæc, nisi ratione præeunte & iudicante, in actum aliquem fuisset exitura; ac denique ipsa ratio erat ita intenta diuinæ legi, vt hæc inconsultâ non deliberaret: præstabat enim iustitia originalis plenum subiectionem cuiuscumque inferioris in homine sub superiori, quamdiu mens & voluntas sese non subtraherent à debitâ subiectione sub Deo, quod in ipsorum reliquum erat potestate. Vnde nullus motus

inve appetitus inferioris, siue superioris potuit sese exerere absque perfecta cognitione & libertate; ergo non potuit homo tunc committere peccatum, quod esset veniale propter subreptionem appetitus, aut imperfectionem considerationis.

**C**onclusio Secunda: Non potuit etiam homo in statu innocentia admittere peccatum ex genere suo veniale antequam peccaret mortaliter. Est etiam D. Tho. qui dicit communem esse sententiam, quod simpliciter nullum veniale peccatum potuerit homo facere in eo statu, antequam mortaliter peccaret: & probat hanc ratione, quia in statu innocentia erat instabilis ordinis firmitas, vt semper inferius contineretur sub superiori, quam diu summum hominis contineretur sub Deo, iuxta D. Aug. 14. de ciuit. cap. 10. idque ita intelligit D. Thomas quod non tantũ nullus motus ab inferiori potentia exiret sine cõsensu superioris, sed quod neque medium aliquod inferius non ordinatum ad summum, siue finẽ vltimũ potuisset à ratione assumi aut eligi ante destructum ordinem hominis ad finem, & ideo (inquit) oportebat quod inordinatio in homine nõ esset nisi inciperet ab hoc, quod summum hominis non subderetur Deo, quod fit per peccatum mortale.

Sed difficultas contra hunc rationem mouetur, quomodo verum sit fuisse in eo statu, tantam firmitatem ordinis, vt non posset aliquid appeti ex ratione quod non esset ordinabile ad finem, & tamen ordinis non esset destructum, quandoquidem fuerit in hominis potestate eligere illud, quod totum ordinem hominis ad finem destrueret, vt patet, quando comedit de ligno vitæ.

**Q**uidam dicunt id ex eo provenisse, quod peccatum veniale qualescumque etiam quod est ex genere tale, semper oritur ex aliquo inordinato amore vel timore, adeoque ex aliquâ rebellionem partis inferioris contra superiorem, aut ex aliquâ præuentione voluntatis ante rationis deliberationem. Vnde cum constet de illâ omnimoda subiectione appetitus ad voluntatem, & voluntatis ad iudicium rationis, quam donum iustitiæ originalis causabat, consequenter effici affirmant, quod sicuti peccatum ex subreptione ibi non potuit admitti, ita neque peccatum ex genere veniale. Verum non apparet hic solidũ fundamentum dicendi, quod peccatum ex genere veniale non possit committi nisi ex aliquâ rebellionem partis inferioris contra superiorem, vel ex præuentione voluntatis ante rationis aduertentiã: quare enim spectando naturas rerum, & homi-

D d iij nem

nem cum donis gratiæ non æquè potuit ex deliberato iudicio velle otiosa verba dicere aut officiosè mentiri, ac potuit cum plenà aduerentiâ rationis transgredi diuinum præceptum sub cōminatione mortis sibi positi. Vnde verius videtur, quod alij dicunt, nimirum istud quod in illo statu non potuerit homo venialiter peccare, non provenisse ex intrinsecâ hominis dispositione, neque præcisè ex subiectione qualicumque virium inferiorum sub superioribus, vel depēdentiâ voluntatis in suis actibus ab examine rationis vndecumque; illa subiectio & depēdentiâ causabantur: sed ex quadam peculiari protectione & custodia diuinitus adhibendis: statuerat enim Deus præcauere, ne homo in aliquod veniale peccatum laberetur, quamdiu innocentis status ille perseveraret, idque ideo quia veniale peccatum non ita contrariabatur, vt valeret illum deltrui, & tamen ex alterâ parte erant ex illo sequutura multa incommoda, quæ isti felicitatis statui minimè congruebant. Primò, quia peccatum veniale quēdam est animi ægritudo & magnum hominis malum, quare sicuti homo erat præseruandus ab omni corporis morbo, quamdiu erat immunis à necessitate moriendi, sic etiam conveniebat quod ab omni animi infirmitate & morbo esset liber, quamdiu vitam supernaturalem animæ non perdidisset.

Deinde peccatum veniale consequitur etiam sua pœna timor & dolor, hæc autem & similia debebant ab illo felici statu abesse, vt docet D. Aug. 14. de ciuit. cap. 10. & 26. ne itaque huiusmodi inconuenientia euenirent, voluit Deus hominem præseruatum ab omni veniali, quamdiu originale iustitiam & subiectionem mētis erga Deum non amitteret per peccatum mortale, neque aliud hic intendisse videtur Diuus Thomas quamuis quidam aliter opinentur: dicit quidem quod propter ordinis firmitatem non poterit homo inordinatè sese habere circa ea, quæ sunt ad finem, seruatō interim debito ordine ad finem, sicuti contingit quando venialiter peccat, idque provenire ex hoc quod ea, quæ sunt ad finem essent infallibiliter ordinata sub fine: sed vnde firmitas illa debet subalternationis omnium actionum in respectu ad finem oriretur, hoc ibidem non explicuit, sed indicauit in ratione: Sed cōtra: vbi ponit ex eo non potuisse ibi esse peccatum veniale, quia cuiuslibet peccato debetur aliqua pœna, nihil autem pœnale esse potuit in illo statu, & in responsione ad Tertium vbi assignat hanc diuersitatis rationem cur homo potuerit in

illo statu peccare mortaliter & non venialiter, quia scilicet peccatum mortale in tantum opponitur integritati illius status, vt corrumpat ipsum, quod veniale peccatum facere non poterat, & quia, inquit, non potest simul esse quæcumque inordinatio cum integritate primi status, consequens est quod Primus homo non potuerit peccare venialiter, antequam peccaret mortaliter: quibus reddit rationem à posteriori firmitatis illius ordinis, quatenus scilicet omnia illa, quæ erant circa finem manerent infallibiliter ordinata sub fine, ita vt circa ea venialiter peccari non posset: ex quibus relinquitur colligēda ratio à priori, quæ non fuit alia, vt apparet, quàm quodd Deus ad prædicta inconuenientia vitanda voluerit peculiari suâ prouidentia præcauere, ne in peccatum veniale homo incideret, quamdiu à iustitia originali in totum non excidisset: protectio autem illa non fuit sita in aliquâ qualitate inhærente per quam fuerit voluntas ita subiecta rationi, & legibus, vt non potuerit peccare deliberatè venialiter, & tamen potuerit mortaliter (hoc enim vix sub intellectu cadit) sed in extrinsecâ quadam simul concurrēte custodia & directione, quibus Deus hominem à veniali tanquam quadam miseria isti statui incongrua præseruabat.

#### ARTICVLVS IV.

*Vtrum Angelus bonus vel malus possit peccare venialiter?*

**C**onclusio D. Thomæ est negatiua: § Rationem hanc indicat; quia peccata venialia committuntur circa ea quæ sunt ad finem, dum illis inordinatè voluntas afficitur, saluo tamen ordine eius ad finem; Angeli autem boni non mouentur in ea quæ sunt ad finem nisi cum ordine ad finem debitum, qui est Deus: & propter hoc omnes eorum actus sunt actus charitatis, & sic in eis non potest esse peccatum veniale: Angeli autem mali in nihil mouentur, nisi cum ordine ad finem peccati superbiæ ipsorum, & ideo in omnibus peccant mortaliter (inquit) quæcumque propria voluntate agunt.

Sed quæritur hic, Vtrum Angeli viatores potuerint peccare venialiter? Respondeo & dico Primò, non potuisse committere peccatum quod esset veniale propter imperfectionem actus siue deliberationis. Ratio est, quia habebant intellectum vigilantissimum & sibi presentissimum, qui sine discursu conspicit conclusiones in ipsis principiis, vnde motus indeliberatus locum

locum in ijs habere non potuit.

Dico Secundo: Probabilius etiam est ipsos per peculiarem Dei protectionem fuisse præseratos, ne possent venialiter peccare antequam peccarent mortaliter; sicuti de homine in statu innocentie dictum est. nam & hi erant in quadam beatitudine vite, & in Paradisi delicijs, ut haberetur apud Ezech. cap. 28. Vnde conueniebat diuine prouidentie, ut à venialibus præseruentur propter incommoda sup. allegata, quamdiu status ille perseveraret. Verum verò potuissent admittere peccatum ex genere veniale, quantum erat ex intrinseca ipsorum dispositione siue naturali siue supernaturali, magis controuertitur. D. Thomas hic: inueniat non potuisse: fundamentum autem eius videtur esse tale, quia Angelus semper perfecte apprehendit & intelligit finem prauum, ad quem ducit peccatum veniale propter intellectus presentiam & perspicaciam; vnde hoc ipso, quo appetit illud mediū censetur moraliter ferri in prauum istum finem, adeoque incurrere deordinationem non tantum circa media, sed etiam circa finem vltimum.

Multi tamen non minus probabiliter existimant id fieri potuisse, quantum præcisè erat ex intrinseca dispositione: neque enim videtur ratio illa D. Tho. omnino irrefragabiliter conincere; nam in primis non est certum nec apparet firmum fundamentum, ex quo oporteat admittere quod finis peccati venialis ex suo genere, sit mortaliter malus; potest enim in ipso met actu consisti, sic ut ad alium finem non referatur. Neque obstat videtur, si quis dixerit, quod saltem indirecè disponat ad finem mortaliter malum, quia non ita disponit ut finis ille habeat necessariam connexionem cum hoc medio: quare inde non conuincitur moraliter aut interpretatiuè velle finem illum; quicumque appetit hoc medium. Hinc potest Angelus apprehendere & appetere obiectum peccati venialis sub alia ratione, quam sub illà, quæ est medium ad finem mortalem, imò & simul excludere, non tantum physicè, sed etiam moraliter intentionem finis illius mortalis: Verum de Angelorum peccabilitate tractandi locus proprius est in Prima parte.

## ARTICVLVS V.

*Utrum primi motus sensualitatis in infidelibus sint peccata mortalia?*

Conclusio est negatiua. Ratione reddit D. Thomas, quia sensualitas in infidelibus, & fidelibus est eiusdem rationis, adeoque incapax peccati saltem mortalis. Accedit quod cæteris paribus peccata infidelium sint leuiora, quam fidelium; cum igitur motus illi non sint peccata mortalia in fidelibus, nec erunt in infidelibus. Vide quæ ad hanc materiam spectant latius explicata sup. q. 74.

## ARTICVLVS VI.

*Utrum peccatum veniale possit esse in aliquo cum solo originali?*

Respondet D. Thomas: Impossibile est quod peccatum veniale sit in aliquo cum originali absque mortali. Rationem reddit non quidem propter aliquam repugnantiam, quæ ex natura rei inest ex parte subiecti respectu peccati venialis cum originali solo; sed quia nullus peccat ante usum rationis ne venialiter quidem: quando autem usum rationis habere quis inciperit, primum quod tunc homini cogitandum venit, est deliberare de seipso: & si quidem seipsum ordinauerit ad debitum finem, per gratiam consequetur remissionem originalis peccati; si verò non ordinet seipsum ad debitum finem, secundum quod in illà ætate est capax discretionis, peccabit mortaliter; atque ita non poterit fieri quod quis vnquam habeat peccatum veniale cum solo originali.

Communior tamen Scholasticorum veterum, tum recentiorum sententia huic doctrinæ aduersatur, videturque illa verior: non enim apparet villo modo probabile, quod primo quasi instante quo attingit homo usum rationis, obligetur sub mortali statim se ad Deum conuertere per actum dilectionis Dei super omnia, quo consequatur remissionem originalis peccati, sic ut nullum actum intermedium possit exercere ab initio vsus rationis, vsque dum per conuersionem ad Deum obtinuerit gratiæ infusionem: actus enim ille conuersionis maximè sublimis est, & arduus, potissimum in prima vigilià rationis, quando nondum experientià vsus ratio assuetæ est ad sublimiora sese attollere. Neque videtur aliquod fundamentum sufficiens talis & tantæ obligationis posse adduci ex Scripturis: nam quod D. Tho. ad 3. allegat ex 1. cap. Zachariæ, *Conuertimini ad me & ego conuertar ad vos*, ex proposito di-

quibus principiis iudicat de venialibus; quod sint mala & vitanda poterit etiam iudicare de mortalibus; ut quia novit Deū non esse offendendum, non esse faciendum alteri quod quis sibi non vult fieri, item viuendum esse secundum rectam rationē.

17

Sed contra obijciatur: Datur peccatum quod ex eo solo capite est veniale, quia cum imperfecto usu rationis committitur, futurum mortale si cum perfecto usu fieret; ergo videtur aliquis status vsus rationis imperfectior sufficere ad peccatum veniale, qui tamen non sufficiat ad mortale: Confirmatur, quia quædam ebrietas aut imperfectus somnus relinquit aliquando usum rationis sufficientem ad veniale, & non ad mortale; ergo &c. Respondetur N. C. quia hæc diuersa sunt, non vti actualiter ratione perfecte, & esse in statu rationis, quo quis non possit eā perfecte vti: vnde dicimus eum, qui in statu illo est quo simpliciter non valet perfecte vti ratione, non posse etiam venialiter peccare, sicuti non potest peccare mortaliter; sed tamen posse contingere quod quis in statu sit quo perfectum usum rationis, siue facultatem perfecte vtiendi habet, & tamen ex aliquā occasione aut accidente, v. g. ex aliquā distractione animi, vel ex aliquā passione, non perfecte utatur, & in eo casu verum est, quod assumitur: sed non sequitur inde id quod inferitur, vti per se evidens est: quia supponitur talis peruenisse & esse in eo statu, quo habet potestatem perfecte vtiendi.

Replicabit aliquis: Si possit perfecte vti, ergo non excusabitur à mortali per hoc quod imperfecte utatur ratione. Respondetur N. Consequentia: quia licet physicè possit, tamen propter humani animi infirmitatem, qui non sufficit tam perfecte omnibus intendere quamvis singulis possit, non censetur eiusmodi considerationis imperfectio homini voluntaria, & propterea à mortali excusatur.

Ad confut. Resp. Si semiebrius aut semidormiens valeat iudicio adhuc cognoscere, quod iocosè mentiri sit malum, poterit etiam cognoscere homicidium vel adulterium esse malum, & proinde erit quoque ipse capax peccati mortalis secundum usum rationis, quem habet in sua potestate: sed quia in eiusmodi hominibus solet fortius operari phantasia, & appetitus sensitivus vehementius moveri, idcirco contingere solet quod non ita perfecte ratione utantur, quantum bene possent spectando facultatem rationis quā pollent. Propter eiusmodi autē distractiones quæ ex operatio-

ne phantasiæ & motibus appetitus sensitivui sequuntur in ipsā ratione, fit quod sæpius possunt in multis à mortali excusari non excusandi, si istis distractionibus semotis perfecte operi suo intenderent.

18

QVÆRITUR TERTIO: An quemadmodum potest fieri, arque adeo prout verisimiliter fit, quod in aliquo sit veniale cum solo originali, ita etiam contingat aliquando aliquem de facto discedere ex hac vitā in originali cum solo peccato veniali? Azorius lib. 4. moral. cap. 10. & Vasq. hoc loco, quamvis contingere admittant aliquos aliquamdiu versari in originali cum solo veniali, tamen existimant nunquam eos sic ex hac vitā migrare; sed speciali Dei providentiā id præcaveri. Fundamentum præcipuum horum potest esse, quod non videatur posse locus assignari, ad quem tales post hanc vitam essent recipiendi. Verum non videtur carere omni incommodo, id adscribere speciali providentiæ: nam oportebit dicere, vel quod omnes illi qui sic aliquamdiu versantur, speciali providentiā perducantur ad vtriusque peccati remissionem, vel quod aliqui speciali providentiā referentur, ne discedant antequam peccent mortaliter: prius videtur sine fundamento asseri; posterius autem nullo modo est dicendum; quamvis enim diuina bonitas bene rapiat aliquos, ne malitia mutet intellectum, vel etiā conferuet aliquos ad penitentiam; non tamen de illā existimandū est, quod aliquos peculiari providentiā à morte corporis præseruet donec mortaliter peccent. Vnde nō videtur improbabile, quod sicuti contingere admittitur aliquos de facto in hac vitā habere veniale cū solo originali, ita etiā contingere aliquando quod aliqui sic constituti hinc de facto migrent. Quod ad locum attinet, nihil vetat quominus sicuti Concilium Florent. dicit illorum animas qui in actuali mortali peccato vel in solo originali decedunt, mox ad infernum decendere, pœnis tamen disparibus puniendas, ita quoque dicamus, quod animæ illorum, qui vel in solo originali vel in originali cum solo veniali decedunt, mox ad infernū descendant, disparibus pœnis puniendæ: siue autem in vno eodemque loco infero promiscuè, siue distinctim in locis coniunctis esse dicantur, parum referre videtur, ut docet Ioannes Maior in 4. dist. 21. q. 1. vbi cumque enim (inquit) quis punitur post hanc vitam, ibi eius est purgatorium; aut infernus, & sic concludet parum de loco referre.

QVÆST.

sed tamen satis conueniens est ipsi rebus ; & consonat Scriptura quæ leges appellat vincula : *Fregisti iugum, rupisti vincula*, Ierem. 2. cap. Quod ad legis proprietates aut effectus siue conditiones spectat, apprehendunt communiter omnes hæc duo in omnem legē conuenire : inprimis quod ostendat vim quā incendendum sit, & dirigat humanæ vitæ actiones, vnde Psal. 18. *Preceptum Domini lucidum illuminant oculos* &c. & Psal. 118. *Lucerna pedibus meis verbum tuum*, & Proverb. 6.6. *Mandatum dicitur lucerna*, & lex lux : alterum est, quod non tantum ostendat & doceat quid agendum, quid omittendum sit : sed etiam obliget ad idem faciendum vel omittendum ; hoc enim vniuersumque animo statim ingerit legis notio vel ruditer concepta ; vnde & scriptum est, Deuter. 27. *Maledictus qui non permansit in sermionibus legis huius, nec eos opere perfecit* : ac rursus, *Qui soluerit vnum de mandata istius minimi, minimus vocabitur in Regno celorum*. Hinc legum prædicatores apud nationes omnes habentur culpæ & debitæ pœnæ rei, quibus sic explicatis aliquam poterit legis notio in animo formari. His præmissis sit

3

Conclusio Prima : Lex est omnino aliquid rationis . Est Diui Thomæ hic & lib. 3. contra Gentes capite 114. Ferrarientis ibidem, Gabriëlis Briet in 3. distinctione 37. & multorum aliorum : neque negari potest sub istis generalibus terminis . Probatur Primò, quia quod dirigit actiones rationalis creaturæ, secundum conuenientem ordinem ad finem siue propinquum, siue vltimum, hoc necessariò debet à ratione procedere, vel debet esse ipsa ratio : nihil enim id potest præstare nisi præsupponatur in ipso, vel in eius principio cognitio habitudinis siue conuenientię aut disconuenientię nostrarum actionum ad talem finem, vt per se euident est : atqui vna, eaque principalis cōditio legis est instruere & dirigere creaturam rationalem, vt rectè & conuenienti modo operetur in ordine ad finem suum, quemadmodum ex communi apprehensione omnium satis constat ; ergò necessarium est, quod lex sit ratio seu mens, vel aliquid rationis vel mentis. Confirmatur Primò ex Scripturis, quæ passim legem compellant varijs nominibus significantibus propriam rem & opus intellectus : vocant enim iudicia, sermones, eloquia, verba ; quibus plenus est Psalmus 118. Confirmatur Secundò ex descriptionibus legis ab antiquis Authoribus & Philosophis assignatis, quæ omnes satis declarant legem ad rationem pertinere ; ac inprimis Cicero varijs locis legem describit, & ali-

quando quidem quod lex sit ratio, mensque sapientium ad iubendū & terrendum idonea : aliquando quod sit ratio summa insita à natura, quæ iubet ea quæ facienda sunt, prohibetque contraria : & alibi quod sit recta & à nature tracta ratio, imperans honesta & prohibens contraria ; Philosophus quoque lib. 1. ethic. cap. 9. Legem dicit orationem profectam à prudentiā & mente eius, qui habet potestatem cogendi : & Papius Iureconsultus definit legem virorum prudentium consilium ; similiter alij legis notionem explicant : quæ omnia satis apertè significant legem necessariò esse aliquid rationis.

Conclusio Secunda : Lex in communi & abstractim considerata ita est rationis siue intellectus, vt non includat essentialiter actum voluntatis neque essentialiter ordinem aut respectum ad istum vt principium à quo procedat. Probatur, quia tota ratio legis in his videtur absoluti, quod sit regula siue dictamen rei faciendæ vel omittendæ, & quod obliget eum cui præscribitur ; atqui hæc possunt subidere absque eo quod immutetur actus voluntatis vel respectus ad actum voluntatis vt principium : ergò lex in vniuersali ita est rationis, vt essentialiter à voluntate non dependeat . Propositio maior ex generali legis notione apparere manifesta : minor declaratur : nam inprimis, quod iudicium siue dictamen de re faciendâ vel omittendâ non sit essentialiter per se dependens à voluntate, satis euident est, cū sit actus solius potentie intellectiue ; quod autem hoc dictamē po-<sup>4</sup> sit inducere obligationem sine actū voluntatis & sine respectū ad voluntatem scilicet legislatoris, Probatur ; quia lex naturalis quæ præscribit ea faciendâ tempore & loco, quorum exercitium est per se & ex natura rei necessariū, vt homo secundum debitum ordinem cohereat fini suo : item naturalis quæ præscribit omittendâ, quæ talem habent repugnantiam cum re à ratione vt per se creaturam rationalem dedecant, non requirunt eiusmodi leges neque necessariò præsupponunt actum aliquem voluntatis in legislatore ad hoc vt obligent hominem ad illa faciendâ vel omittendâ : sed satis est, quod ipsum obiectum per se disconueniat naturæ rationali, aut ita conueniat vt absque illo non possit fini suo coherere debito modo : hoc ipso enim, quo ratio diuine mentis iudicat & intimit mentiri, adulterari esse per se mala, & habere repugnantiam cum natura rationali, eoque nomine fugiendâ, nascitur obligatio in ipsa creatura ad illa non faciendâ ; eiusmodi autem iudicium siue dictamen

E c

ctamen

tamen diuinæ mentis, est lex naturæ prout illa est in suo auctore. Neque necessarium est hic dicere, quod illud dictamen implicite contineat voluntatem, quâ Deus vult homines obligari ad ista fugienda, quasi alioquin homo non obligaretur ad ista cauenda, vt quidam sine fundamento videntur asserere: quia satis percipimus obligationem eiusmodi nasci ex solo isto dictamine, quo diuina mens dicit & proponit talia tanquam per se rationali naturæ disconuenientia, & eo nomine fugienda. Confirmatur, quia etiam dictamen propriæ nostræ conscientiæ, quo iudicamus aliquid per se inale, eoque nomine non faciendum, sufficiens est vt obligationem inducat ad illud non faciendum absque aliquo actu voluntatis, quo volumus nos obligare: potest enim intellectus suo iudicio & dictamine voluntatē obligare: Quare cum hoc dictamen sit instar cuiusdam priuati leges, manifestum euadit, quod ratio legis in communi & abstractim considerata possit consistere absque actu voluntatis & respectu ad eundem.

- 5 Sed contra obijcitur Primò: Inter alias legis conditiones est etiam vna, quod moueat eos, qui legi subiiciuntur ad agendū; atqui mouere ad agendum, spectat propriè ad voluntatem, vt docuit D. Thom. sup. quæst. 9. artic. 1. ergo videtur quod lex essentialiter includat aliquem voluntatis actum. Respondetur N. C. quia non est de ratione aut conditione legis, physice & essentialiter mouere eos qui legi subiiciuntur, sed morali quodam modo & indirectiue: quemadmodum mouet, qui suadet & hortatur: potest autem lex hoc modo mouere, etiam si non intelligatur in se includere actum voluntatis: quia qui proponit, quod secundum rectam rationem faciendum est, censetur moraliter mouere & inducere ad faciendum, idque magis quando simul obligat; quæ diximus legi competere. Si quid autem ad motionem adhuc desit, hoc potest supplere quædam subsequens voluntas legislatoris, quâ statuit & vult punire inobedientes legi, sed hæc voluntas non includitur in ratione legis, quia absq; illâ potest lex intelligi & stare.

- 6 Obijcitur Secundò: Scripturæ sacræ sæpius exprimunt legem nomine voluntatis, Psal. 32. *Notas fecit vias suas Moysi, filijs Israël voluntates suas*, & Psal. 114. *Docce me facere voluntatem tuam*. 2. Machab. cap. 1. *Dei vobis cor omnibus vt colatu eum & faciatis voluntatem eius*. 1. Ioannis 2. *Qui autem facit voluntatem Dei manet in æternum*, ergo videtur quod lex propriè & principaliter sit actus voluntatis, aut saltem actum volun-

tatis includat.

Respond. De lege in genere loquendo N. C. rectè enim dici potest lex compelliari nomine voluntatis Dei, quia quæ ratio diuinæ mentis iudicat per se mala & fugienda creaturæ rationali, item quæ iudicat per se necessaria illi vt suo fini cohercat, illa eadem etiam vult diuinā voluntas à nobis vitari aut fieri; non tamen actus ille voluntatis debet censeri lex naturalis, quia etiam posito, quod Deus talem voluntatis actum non haberet, quous ista prohibeat aut mandet, nihilominus tamen ista essent peccata: v. g. mentiri esset malum & peccatum; & è contra, Deū amare esset bonum ac debitum. Vnde colligitur quod lex antecedit illū diuinæ voluntatis actum. Propter quamdam igitur concomitantiam voluntatis cum dictamine illo diuini intellectus exprimitur sæpius lex in Scripturis nomine diuinæ voluntatis. Accedit quod citatis locis non sit tantum sermo de lege naturali, sed generaliter de omnibus Dei mandatis etiam posituiis, à quibus voluntatis actum non excludimus. Est enim aliquid peculiare in lege naturæ, quod hæc (quia diuini intellectus tanquā primæ regulæ omnis veritatis & honestatis, iudicium est de actionibus ex natura rei inhonestis vel ex natura rei necessarijs ad finem) non requirat idcirco, de necessitate actum voluntatis, vt omnes legis conditiones obtineat & expleat. Quare non sequitur, quod cuiuscumq; alterius dictamen lex erit, quia non quilibet intellectus est necessariæ rectitudinis regula, vnde obligare non potest per se, vt illi teneamur conformari: nec etiam sequitur, quod omne iudicium diuinæ mentis de rebus agendis sit lex, quia non omne iudicium est tale vt dicat res illas esse necessarias ad hoc vt creatura rationalis secundum debitum ordinem cohercat fini suo; sed potest esse tale, quo iudicentur tantum vtiles aut opportune, & eiusmodi iudicium, quia non obligat vt iuxta illud operari teneamur, legis rationem non obtinet. Porro licet conuenientia aut repugnantia obiectioni cum naturâ creaturæ rationalis vt sic, sit quasi fundamentum vnde nascatur quod dictamen illud diuinæ mentis (quod legem naturalem dicimus vt est in suo auctore) obliget creaturam rationalem, non tamen idcirco debet vel ipsa natura rationalis, vel ista conuenientia vel repugnantia dici lex naturalis; quemadmodum non ideo in posituiis legibus negatur legis nomen & ratio dictamini & ordinationi prudenti conuenire qui hanc cum autoritate proponit multitudini obseruandam, & adtribuitur actui voluntatis, quia istius ordinationis obliga-

obligatio procedit ex voluntate legislatoris volentis ordinationem observari à subditis: & ratio reddi potest, quia *lex* nominat in recto regulam præscribentem ex rationis iudicio quid agendum sit & quid omittendum, cum virtute obligandi: ita ut hanc tantum in obliquo importet, vnde cumque ei adueniat, siue ex naturæ rerum, siue ex voluntate legislatoris.

- 7 Vnde fit Tertia Conclusio: *Lex positiva absque omni actu voluntatis esse non potest.* Probat, quia nudum iudicium superiorum de faciendis vel omittendis, quæ sub legem merè positivam cadunt, non habet vim nec fundamentum sufficiens obligandi ex rebus circa quas versatur; non enim iudicantur illæ simpliciter repugnantes finis, aut naturæ ipsius rationalis creature; neque simpliciter necessariæ ad finem eius; sed vitales & commodæ supponuntur ad aliquem saltem finem honestum: vnde necessum est, quod voluntas eorum accedat, quâ velint subditos obligatos ad sequendam regulam in suis actionibus, quam proponant. Hinc ex respectu ad huiusmodi leges solent Iura Ciuilia Principum placita vocare Leges: sic ff. De Constitut. Principum, l. 1. dicitur, quod Principi placuit, legis habet vigorem; & D. August. lib. 4. de Ciuitat. cap. 6. dicit arbitraria Principum apud præcos pro legibus fuisse.

- 8 Verum pro pleniori totius materiæ intelligentiâ aduertendum est, legem in triplici posse statu vel quasi subiecto considerari: Primum in ipso legislatore; quomodo lex naturalis est iudicium siue dictamen quoddam in diuinâ mente existens: Secundum in subditis, quibus lex imponitur; quomodo dici solet lex naturæ indita seu scripta in cordibus nostris: Tertiò in aliquo signo seu materiâ exteriori, ut in Scripturâ, aut voce manifestante legem existentem in animo Superioris. De lege itaque secundum duos posteriores statum consideratâ non mouetur hic quæstio; neque de eâ ut sic potest esse difficultas: nam lex tertio modo spectata consistit formaliter in aliquo exteriori actu, quo legislator mentem suam manifestat, qualis est inter homines loquutio aut scriptura, & ad hanc respexit Philosophus, quando dixit legem esse orationem siue sermonem profectum à prudentiâ & mente, &c. Similiter Gabriel in 3. dist. 37. quando definit legem esse signum, principis voluntatem vel mentem sufficienter manifestans.

- 9 Vbi hoc Notandum, quod sub actu exteriori etiam comprehendatur eius terminus remanens, nam v. g. lex est in Scri-

pturâ non solum dum scribitur, sed etiam quamdiu ipsa Scriptura perseverat, index mentis Principis est: quod etiam suo modo habet locum in loquitione; quamvis enim sensibile verbum actu transeat, tamen virtualiter perseverat quatenus manet in hominum memorijs: Vnde & lex in eo censetur perseverare: imò etiam tali modo lex quatenus est in legislatore homine durat & perseverat, non quidem formali aliquo actu, sed virtualiter tantum; quia actus legislatoris siue rationis siue voluntatis non minet actualiter durans, quamdiu lex ipsa durat, sed virtualiter durat; idque donec reuocetur. De lege etiam prout est in homine cui ponitur, certum est consistere in actu mentis, & per se requirere solum cognitionem intellectus & non actum voluntatis: quamvis enim hic necessarius sit ad executionem siue obseruationem legis, non tamen est necessarius ut dicatur lex esse in homine, ut patet de lege naturali; lex enim præuenit voluntatem subditi, & illam ligat: actus autè intellectus est necessarius, quo apprehendat homo legem, & quasi in se ipso exprimat, & exprimendo proponat & applicet voluntati: ista autem apprehensio & expressio legis dicitur lex in subdito, quia est quasi lex participata ab ipso legislatore. Quæ itaque hæcenus diximus de ratione legis, referenda sunt ad legem ut in legislatore est; quia tota dispositio versatur circa legem iuxta illum statum.

Quare ulterius obseruandum est, plures actus legislatoris hic considerari posse circa legis formationem suo modo concurrentes: ac in primis, quia lex quatenus imponitur communitati, medium quoddam est ad ipsius bonum, & ad pacem seu felicitatem comparandam, hinc primum omnium intelligi potest in voluntate legislatoris intentio boni communis, seu bene gubernandi subditos; ex qua intentione mota est sequi consultatio de hac vel illâ regula præscribenda ad sequendum ea quæ sit iusta & conueniens communitati: sed hi actus remotè concurrunt ad legis formationem, & ideo satis certum habetur apud omnes, in illis non esse positam substantiam legis. Post hos autem actus, succedit iudicium intellectus, quo is qui legem ferendi habet potestatem, iudicat rem talem fore expedientem reipublicæ, ac conuenire quod subditis imponatur ut sic operentur: est enim hoc iudicium necessarium, quia sine tali non potest lex rationabiliter & prudenter ferri, de ratione autem legis est, quod sit iusta & proinde quod prudens.

Ec ij Quare

Quare sicuti in vnaquaque priuatâ personâ requiritur prudentia ad recte præcipiendum singulas actiones vel sibi vel alteri, ita in Principe requiritur prudentia politica ad leges ferendas, vt ex Philosopho tradit D. Tho. 2. 2. quæst. 90. artic. 1. Post hoc autem iudicium accedit actus voluntatis, quo superior eligit ac vult à subditis obseruari id quod intellectu iudicauit vtiliter pro communitate ab omnibus esse obseruandum, & hic voluntatis actus ex omnium consensu concurrit necessarius ad legem positivam constituendam, vt notat Suarez lib. 1. de Legibus cap. 4. & rationem supra indicauimus; quia non potest aliunde iudicium intellectus accipere vim obligandi subditos, quando versatur circa materiam legis merè potitiuæ.

- 11 Sed hic dubium suboritur: qualis hæc voluntas superioris esse debeat, an absoluta & efficax, an verò simplex & quali velleitas quædam? Non enim videtur posse dici, quod debeat esse absoluta & efficax, quia non habet illam Deus circa omnia quæ præcipit; nam alioquin omnia quæ mandat, fierent, voluntas enim eius efficax infallibiliter adimpletur: E contra autem voluntas simplex, & quasi velleitas tantum non videtur sufficiens, nam huiusmodi voluntatem habet quoque Deus circa illa, quæ consultat & non præcipit. Respondetur necessarium esse aliquem actum voluntatis absolutæ, quæ in Deo est beneplaciti; idque posterior ratio satis conuincit: sed non est necesse quod hæc voluntas sit de obseruatione seu exequutione legis, quasi legislator deberet velle efficaciter ipsa opera quæ mandat, sed de obligatione subditorum, id est, quod sit voluntas absoluta obligandi subditos ad sequendam regulam præscriptam absque eo quod legislator debeat velle absolutè & efficaciter opera ipsa præcepta: hoc enim admitti non posse ostendit ratio priori loco facta.

- 12 Ultra actus prædictos ponunt multi accedere alium quandam actum intellectus, quem vocant intimationem aut insinuationem, estque interna quædam dictio, quâ superior mentem & voluntatem intus quasi loquendo inferioribus insinuat: v. g. intus dicendo, facite hæc aut facite illa, cuiusmodi actum agnoscit D. Thom. in homine in ordine ad seipsum, quando scilicet quæ voluntas elegit, imperantur ab intellectu vt potentie exequutiue mandent operi, eumque vocat imperium supra quæst. 17. vbi plura de hoc actu diximus.

In hoc autem actu Superioris vt tendit ad inferiores, constituunt nonnulli ipsam

legis rationem; quia habet formam imperij, quod volunt in omni operatione morali esse necessarium post electionem ad exequutionem faciendam: vnde existimant huic legis rationem optimè conuenire, cuius est mouere subditos ad operationem. Sed longè verius est, legem consistere in antecedente iudicio intellectus, quo iudicatur aliquid tanquam Reip. vtile prescribendum esse omnibus, vt illud obseruent cum voluntate, quâ velit Superior omnes ad obseruandum existere obligatos: quando enim hæc posita sunt, & innotescunt subditis, mox obedire tenentur vt plerique admittunt, etiam si quoque per diuinam reuelationem ista notitia ad subditos perueniret. Quare ista interna dictio, quâ Superior in animo ita loquitur subditis facite hoc, posterior est ipsa lege vt in legislatore est, neque absolutè ad legem necessaria.

Confirmatur: quia potest lex tam interiorius quam exteriorius exprimi per modum enunciationis, & habere veram & completam legis rationem; ergo non requiritur ista interior intellectus intimatione siue imperium. Accedit quod etiam in nobis non sit tale imperium necessarium, quo intellectus dicat voluntati aut potentij exterioribus, facite hoc vel illud, ad hoc vt dicat potentie sele moueat ad operandum; sed ex solâ propositione obiecti tanquam conuenientis & vtilis ad finem, potest voluntas eligere, & posita efficaci electione mouere cæteras potentias ad exequutionem operis, vt sup. quæst. 17. diximus; ergo similiter in legislatore non erit necessarius eiusmodi actus intimationis siue insinuationis per modum imperij interioris ad mouendum politicum Corpus siue cõmunitatem quam habet dirigendam & suo modo mouendam. Quare post actum iudicij rationis cum voluntate obligandi non requiritur ad legem alius actus intellectus, quam qui est necessarius ad exteriorius loquendum subditis de decreto concepto in animo eius, v. g. in homine legislator requiritur apprehensio verborum quibus legem conceptam eloquatur, & non alius actus intellectus; neque requiritur vltcrius quoque actus voluntatis, quam quo velit externa signa formare, quibus lex concepta proponitur subditis: hi tamen duo actus non pertinent ad legis essentiam, quæ iam præformata in animo legislatoris existit, sed solum concurrunt, vt lex subditis applicetur vt iuxta illam possint & debeant operari.

ARTIC.



## ARTICVLVS II.

*Utrum lex ordinetur semper ad bonum commune?*

14 **C**onclusio D. Thomæ est affirmatiua: Estque communis & certa. Sed fundamentum intelligatur plenius, præmittenda hic est alterius difficultatis explanatio: Vtrum scilicet ad rationem legis pertineat, quod imponatur communitati, an verò etiam vni particulari personæ possit dici lex imponi? si enim hoc dicatur, iam nulla apparet necessitas asserendi, quod lex ordinetur semper ad commune bonum.

Respondeo & Dico Primo. Legis rationem importare, quiddam ad aliquem vel aliquos dirigatur ac feratur: nam, ut habet Apostolus ad Rom. 3. *Quicumque lex loquitur, ijs qui in lege sunt, loquitur*: & ratio est, quia mensura bene operandi moraliter debet esse alicuius vel aliquorum qui capaces sint, ut secundum illam operari valeant.

Dico Secundò: Quamuis hæc difficultas multum pendeat ex usu nominis, tamen simpliciter dicendum est, ad legem requiri iuxta commune illius vocis notationem, quod sit mandatum commune, siue communitati, vel hominum multitudini impositum. Id omnino hic supponit D. Tho. & tradunt communiter DD. tum Canonum tum Legum: docetur ex Philosopho, qui 6. Ethic. docet facultatem seu prudentiam legum ferendarum esse architectonicam, seu regulam: hæc autem prudentia respicit communitatem, & circa illam versatur; ergo quoque actus huius prudentiæ, scilicet lex, respicit similiter communitatem, ut in eam feratur.

15 Probatur Secundò, ex L. Iura 2. ff. De legibus, ubi dicitur, quod Iura non in singulas personas, sed generaliter constituantur: & Greg. IX. in præmio Decretal. sic scribit: Ideo lex pro situr, ut appetitus noxius subiuris regula limitetur, per quam genus humanum, ut honestè viuat, informetur. Similiter loquuntur omnes Philosophi morales & Iure consulti. Quare iuxta commune usum sapientum, ac etiam vulgarium non est dubium, quin nomine legis significetur præceptum publicum communitati alicui, & non singulariter vni tantum personæ impositum, quod etiam per inductionem patet: nam leges diuinæ, tam naturales, quam positivæ respexerunt semper, vel totum humanum genus, vel aliquam gentem aut communitatem: adeo ut

etiam præceptum Adæ impositum in statu innocentie, non illi soli pro sua personâ, sed ut capiti totius naturæ datum fuerit, ac duraturum semper fuisset in illo statu, obligando omnes, & in tantum habuit propriam legis rationem. Eius autem signum est: quia licet Deus imposuisset præceptum Adæ existenti adhuc soli, priusquam Eva esset formata, nihilominus etiam ipsa fuit eodem ligata: ut constat ex Gen. cap. 3. similiter etiam leges humanæ, tam Ecclesiæ quam ciuiles, semper ad communitatem diriguntur.

16 Sed contrà obijciunt: præceptum iustum potest imponi vni tantum subdito ex potestate regendi Republicæ, ac singula eius membra, id est, ex respectu ad bonum commune; ergo tale præceptum erit eiusdem rationis & essentiae cum simili præcepto, quod imponitur multis siue omnibus de illâ communitate; ergo erit vera lex Probatur, quia ad rationem præcepti accidentaliter sese habere videtur quod vni soli vel multis imponatur, sicuti accidentalium est, v. g. orationi quod ad vnum, vel plures dirigatur; ergo illa duo præcepta erunt eiusdem rationis & essentiae, & per consequens si vnum habeat rationem legis, habebit quoque & alterum. Secundò, Lex est regula moralium actionum hominis, ut sæpius dictum est; sed non tantum cõmunitas hominum, verum etiam singuli homines indigent regulâ suarum actionum; ergo lex non tantum per se dicit respectu ad communitatem, sed etiam ad singulas personas. Terriò, Lex fertur ad personam, ergo magis ad personam veram, quam ad fictam: atqui communitas est quasi persona ficta, vnusquisque autem particularis homo est persona vera; ergo lex debet censeri magis respicere singulares personas, quam communitatem.

17 Respondetur, dissimulatis prima consequentiâ & consequente (neque enim oportet in re morali, & potissimum in eâ, quæ ex usu vocum maximè pender, anxie inquirere, an præceptum particulare, & lex essentialiter distinguantur). Negadò Consequentiam secundam, esto enim non distinguuntur essentialiter quoad speciem naturalis actus, imò neque quoad speciem actus moralis, sed esse eiusdem virtutis actus: tamen differunt ad minus connotato, ita ut licet omnis lex dicatur præceptum, non tamen omne præceptum vocetur lex, idque quia lex ab omnibus apprehenditur & concipitur tanquam regula quædam communis edita ad multitudinis directionem: Hinc diuinum præceptum datum Abrahamo de immolando filio, à nemine habetur pro lege.

E c iij In ple-

In pleno itaque conceptu legis præter rationem præcepti, quod ex publicâ auctoritate imponitur, insuper inuoluitur quidam respectus ad communitatem, ad cuius directionem ordinetur. Vnde lex potest dici compositum aliquod quasi accidentarium, quando simul cum suo connotato accipitur; non sequitur ergo, etiamsi ista præcepta admitantur esse eiusdem virtutis & essentiae, idcirco vtrumque fore legem propriè dictam, si vnum sit lex propriè; quia deest vni habitudo siue respectus ille quo dirigatur ad communitatem, quem tamen nomen legis importat: quemadmodum licet habitus & dispositio non distinguantur essentialiter, non tamen omnis qualitas, quæ est dispositio, potest idcirco dici habitus.

18 Ex his faciliè respondebitur ad reliqua, quia secundum conuincit tantum, etiam vni particulari personæ posse præscribi aliquam directionem operandi cum obligatione, sed non conuincit esse legem: Ad Tertium verò dicendum est, legem etiam dirigi ad particulares personas, sed non singulariter ad vnam; quia lex ordinariè fertur ad communitatem non collectivè, sed distributivè, vt sic dicam, id est, vt ab omnibus & singulis de communitate obseruetur. Aliquando tamen etiam lex imponitur communitati, vt communitas est, prohibendo scilicet, aut præcipiendo actum aliquem qui non pendeat à singulis seorsim, sed à communitate simul congregata, quæ tamen etiam singulos obligat ad cooperandum, vt legi satisfiat, in quantum cooperari habent.

19 His sic explicatis & positis, probatur conclusio D. Thomæ ad articulum antè posita: quod scilicet lex ordinetur semper ad bonum commune, hoc modo: Quia finis debet esse proportionatus actui, cuiusque principio & facultati: atqui lex est communis regula actionum moralium ex publicâ potestate procedens; ergo debet quoque finis eius esse communis, & per consequens, cum omnis finis sit bonum quoddam, debet finis legis esse commune bonum.

Confirmatur: quia nisi quemadmodum leges communitati imponuntur, ita etiam ad commune bonum dirigantur, erunt hoc ipso inordinatæ; quia contra rationem est, commune ad priuatum, siue totum ad bonum partis intuitu tantum partis referre; ergo cum leges pro communitate ferantur, illius bonum procurare debent: vnde si priuatum commodum respiciant, iniustæ erunt: vt docet Plato 4. de Legibus, & Aristot. 8. Eth. cap. 10. Hinc communiter distinguitur inter Regem & Tyrannum, quod Rex ferat leges ad publicum bonum, sed

Tyrannus ad priuatum commodum.

Sed contra obijciuntur L. 1. ff. De Iustit. & Iure, & eodem titulo in Institutis distinguuntur duplices leges; quod quædam ad commune bonum, & quædam ad priuatum bonum singulorum ordinantur; ergo non debet omnis lex ordinari ad bonum commune.

Confirmatur Primò: quia multæ leges latæ sunt in fauorem quorundam particularium, v. g. in fauorem pupillorum, in fauorem militum; & tamen pro veris & iustis legibus habentur. Accedit, quod non videatur posse aliquid ordinari absolutè in commune bonum, quia communiter fit, vt quod Statui Reipublicæ, aut multitudini bonum esse videtur, hoc ipsum redundet in aliorum grauamen & incommodum; ergo &c.

Pro clariori solutione notandum est primò, Duplex posse considerari bonum commune: vnum quod per se primò commune est, quia non est sub alicuius particularis dominio, sed sub dominio communitatis, vt sunt quædam domus publicæ, siluæ communes, ærarium publicum, & similia: Aliud est bonum commune quasi secundariò, & per quendam redundantiam; & huiusmodi bonum est immediatè quidem singulorum in particulari: sed tamen censetur commune, quia totius corporis bonum est, quod quælibet eius pars bene habeat: sic iura dicunt expedire reipublicæ, quod ciues sint locupletes, & vt nemo male vtatur re suâ.

Notandum Secundo: In moralibus distinguui materiam proximam circa quam actus aliquis versatur, & motiui propter quod circa illam versetur. Nunc ad obiectionem Respondetur: Iura quidè ponere talè distinctionè legum, vti allegatur; sed etiam leges illas, quæ dicuntur esse ad bonum singulorum, ordinari ad commune bonum, quia bene esse & bene habere singulorum ciuium, est quoque bonum ipsius Reip.

Substitit itaque distinctio allegata inter leges in hoc, quod quædam versantur proximè circa illud, quod est per se primo bonum communitatis, & dicuntur ordinari ad statum reipublicæ; quædam autem versantur proximè circa bonum, quod est per se primo subditorum, sed redundat in commune bonum Regni seu reipublicæ. Interim tamen omnes eò respiciunt & referuntur, vt communitati bene sit. Quod attinet ad leges quæ disponunt in fauorem aliquorum, dicendum est, etiam illas ferri ad bonum communitatis: nam in primis disponunt in fauorem alicuius certi generis ac multitudinis hominum, non huius vel illius particularis personæ per se primo, vt constat. Deinde

Deinde & principalius ad rem facit, quòd hoc ipsum, quod fauor aliquis impendatur eiusmodi hominum generi, iudicatur pertinere ad bene & ordinatè esse ipsius Reipublicæ, ad quod requiritur, vt in eà præcaueantur fraudes & doli, potissimum circa eos, qui propter minorem ætatem & defectum iudicii sibi satis consulere non possunt, vt sunt pupilli: similiter etiam ad bonum Reipublicæ pertinet, quod habeatur fidem & promptum præsidium pro defensione Reipublicæ, ad quod valent fauores concessi viris militariibus.

22 Hinc & illæ leges dicendæ sunt ordinatæ ad commune bonum, quæ certas familias aut certas personas donant quibusdam privilegijs propter sua vel maiorū merita in Rempubl. collata; nam & hoc expedit bono communi, quod præmijs afficiantur qui bene de communitate sunt meriti, vt sic & alij ad bene merendum prouocentur. Quamuis itaq; eiusmodi leges proximè venient circa bonum aliquorum particularium, tamen motuum vnde procedunt, est bonum commune: & sic patet Responso ad Primam Confir. Ad secundam Responderetur: hanc esse conditionem rerum huminarū, vt nunquā aut rarò saltem sese in omnibus omnino vniformiter habeant; & ideo frequentius accidere, vt quod communitati expedit, hoc aliquibus adferat grauamen, sed quia commune bonum præferendum est priuato horum vel illorum, ideo ad legis rationem & iustitiam sufficit, quòd ordinetur ad bonum quod per se primò esse communitatis, vel ad bonum multitudinis in suis membris redundans tamen in publicum bene esse, etiamsi paucis quibusdam inde contingat aliquod nocumentum; quia hoc vniuersaliter semper præcaueri non potest propter rationem dictam. Similiter quando plures particulares communitates cōstituunt vnum integrum corpus politicum, v. g. plures provinciæ aut ciuitates vnum regnum, sufficit quoque ad rationem & iustitiam legis, quod sit ordinata ad bonum status ipsius regni ex iustis rationibus, etiamsi contingat, quod inde patiantur aliquod incommodum particulares communitates, quandoquidem non possunt semper omnia incommoda in vniuersalibus constitutionibus vitari. Sed

23 Quæret aliquis: Vtrum oporteat bonum commune in legibus condendis esse intentum intentione operantis, an ipsius operis, vt loquitur D. Thom. 2.2. qu. 14. artic. 6. ad 1. Responderetur breuiter ad valorem & substantiam legis tantummodo esse necessarium, quod res illa, de quā fertur lex sit utilis & conueniens ad bo-

num ipsius communitatis cum circumstantijs prout fertur; ac proinde bonum commune debere esse intentum intentione operis, ita scilicet vt ipsum opus legis sit referibile ac conduzens ad commune bonum, quod non habet à Legillatore aut eius intentione; sed ex sua propria habitudine & proportionem ad bene esse Reipub. quare etiamsi legillator ex odio aut alio prauo fine legem ferret, subsisteret tamen modò simul in commune bonum cedat: quia illa praua intentio est mere personalis, & non redundat in actum quatenus ad communitatem spectat: quia quod ex libidine Superiores præcipiunt, hoc absq; libidine & mala passione possunt Inferiores exequi & adimplere: sed si absque iustā causā quæ in bonum commune tendat, sub specie communis legis procuraret Superior damnū alicuius tertij, tunc clara est iniustitia; neque lex vera censeri debet. Vnde in tali casu liceret ab eā appellare, vel exceptionem doli contra illā ponere, vt cum alijs multis docet Bartholus in L. omnes populi. ff. De iust. & iure. q. 5.

## ARTICVLVS III.

*Vtrum ratio cuiuslibet sit finalis legis?*

24 C Onclusio D. Thomæ est: Condere legem pertinet vel ad totam multitudinem, vel ad personam publicam, quæ totius multitudinis curam habet. Probatur Primo, quia lex includit ordinem seu respectum ad multitudinem tanquam ad eā, quam dirigere debeat, sic vt ratio quæcumque directiua etiam cum obligatione non oblineat plenum conceptum legis, nisi ad multitudinem ordinetur, vt dictum est: præterea debet lex dirigi ad commune bonum tanquam ad finem, ergo non est cuiuslibet etiam leges facere, sed vel multitudinis quatenus quælibet communitas à naturā habet, quod sese curare & gubernare possit, vel certè alicuius, qui illius curam habet, siue iure suo proprio & naturali, vt Deus respectu totius humani generis, siue iure sibi aliunde attributo. Patet consequentia, quia per se euident est, non posse communitatem obligari rationibus directiuis eius, qui curam & potestatem regendæ multitudinis non habet. Probatur Secundo, quia potestas condendi legem debet habere coniunctam potestatem coactiuam ad legis obseruationem, puniendo scilicet contumaces & transgressores, vt hic indicat Diuus Thomas ad 2. atqui potestatem coactiuam nullus priuatus ha-

E c iij bet,

bet, quia non potest par in parem, multo minus in multitudinem habere coactionem aut imperium; ergo &c.

25 Sed obijciunt: D. Paulus ad Rom. 2. dicit: *Cum gentes quæ legem non habent, naturaliter ea quæ legis sunt faciunt, eiusmodi legem non habentes ipsi sibi sunt lex: ergo vniuersaliusque ratio videtur esse legis factiua.* Respondetur Neg. conseq. quia gentes dicuntur sibi ipsi lex, non quod singuli ponant sibi (& minus multitudini) illam legem; sed quod sine lege positiua exteriorius ipsis tradita agnoscerent legem diuinitus inculpatam cordibus suis: illa autem lex non erat ab ipsis tanquam auctoribus, sed ab ipso Deo, qui cum naturâ simul legem hanc mentibus nostris infudit: fuit tamen in illis tanquam subditis, qui debebant iuxta illam se gubernare. Patent hæc ex sequentibus, dum additur: *Qui ostendunt opus legi scriptum in cordibus suis, testimonium reddente illis conscientia ipsorum: quæ scilicet redarguebat illos contra legem agere, quando suis cupiditatibus & passionibus indulgebant.* Accedit, quod dictamen rationis cuiusque particularis non possit obligare Communitatem; unde licet quatenus propriam personam dirigit, dicatur esse instar priuatæ legis, non tamen potest vocari simpliciter lex, quia neque Communitatem respicit ad eam dirigendam, neque ad commune bonum refertur.

26 Obseruandum autem est, quod sicut supra diximus, præceptum patere latius quâ legem, ita quoque præceptiuam potestatem latius extendi, quam potestatem ferendi leges: ita vt præceptiuæ potestatis distingui possit in duas quasi species; quarum vnâ licet vocare œconomicam, & alteram politicam: prior versatur ordinariè circa priuatas personas & inter partes alicuius Communitatis imperfectæ, vt circa domesticos alicuius familiæ. Obtingit autem hæc aliquando ex iure naturæ ratione originis, vt ea quæ est patris in filium, aliquando etiam à naturâ sed supposito aliquo pacto vt ea quæ est mariti in uxorem in ordine est ad gubernationem domus & personæ; aliquando ex iure gentium vel ciuili, vt potestas Domini in seruum bello captum; aliquando etiam ex humano contractu, vt quando seruus emitur, aut minister conducitur. Potestas verò politica, quæ alio nomine dicitur Iurisdictionis per se primò respicit communitatem perfectam, cuiusque partes; quæ videlicet communitas est talis vt secundum se capax sit gubernationis politicæ, quam gubernationem primò & per se illa potestas respicit. Et hinc nascitur aliud discrimen inter illas potesta-

tes, quod politica habeat maiorem vim compulsiuam, quam œconomica; tum quia maior est virtus potestatis publicæ, quàm priuatæ, tum etiam quia ad Communitatem perfectam regendam & omnes eius partes in officio continendas, maior & seuerior correctio est necessaria, quàm in priuatâ domo circa domesticos; unde Iura ciuilia dicunt non licere Domino seruire in seruum; expedit eam Reipublicæ vt seuerior correctio non nisi auctoritate publicâ fiat, ne scilicet occasione seuerioris correctionis quæ priuatim fieret, perturbentur passim familiæ quæ tumultibus inde obuenire natis, dū paterfamilias, aut herus vel viribus sufficientibus, aut debitâ prudentiâ ad talem requisitis sæpius esset destitutus. Tertiū discrimen est, quod œconomica ordinariè magis est in commodum eius qui illam habet, quàm in commodum illorum in quos habetur; licet aliquando possit aliter esse, vt quando ex voluntario pacto aliqui se tradunt alteri gubernandos, prout in obedientiâ ex voto debitâ solet contingere; altera autem potestas per se & ex primariâ institutione suâ est propter bonum communitatis, & eorum qui sunt de communitate. Ex his

Denique colligitur ad legem ferendam non sufficere potestatem illam œconomicam, sed requiri potestatem Iurisdictionis, vt communiter tradunt Canonistæ in Capitulo Cum accessisset, de Constitut. 27 Bartholus ad L. Omnes sup. cit. cum alijs.

Sed quæret aliquis: unde quidam inter homines habeant istam potestatem præ reliquis, cum spectando primam naturæ originem, nemo nascitur dominus, nemo seruus: sed omnes cum sint eiusdem naturæ rationalis, nascantur liberi & pares? Respondetur, potestatem hanc duobus modis obuenire quibusdam præ reliquis; aliquibus quidem proximè & immediatè ab ipso Deo: cum ipse enim omnium sit naturaliter supremus Dominus potest hanc suam potestatem alijs communicare, & per participationem in illos transferre: sic in veteri Testamento Moyses, Dauid, & alij immediatè à Deo acceperunt potestatem regendi populum Israeliticum: similiter & in nouo Testamento accipit potestatem suam Summus Pontifex, non ab Elethoribus, nec ab Ecclesiâ, sed immediatè à Christo Domino. Secundò autem obtingit potestas aliquibus ab ipsa communitate; quia omnis communitas perfecta tanquàm corpus quoddam rationale & liberum habet naturaliter ius regendi seipsum; unde etiam potest communi consensu hoc ius in vnum aliquem vel personaliter tantum, vel in illum & eius posteros transferre, illique

illique quasi vices suas delegare : idque conuenienter fieri dicendum est, cum sit admodum difficile, quod populus totus semper conueniat ad consultandum de necessarijs ad commune bonum, & ad leges opportunas edendas. Quare nō est contra naturam rationale, sed potius ipsi conforme, eiusque ordinem perficiens, quod quidam præliat & regant ; alij sub sint & regantur, vt commodius & efficacius vitetur in humano genere omnis confusio.

## ARTICVLVS IV.

*Utrum promulgatio sit de ratione legis?*

28 **C**onclusio D. Tho. est : Promulgatio necessaria est ad hoc, quod lex habeat suam virtutem. Est communis & certa. Probat, quia lex est regula quædam & mensura moraliter operandi ; atqui regula & mensura non possunt fungi officio suo, nisi applicentur ; ergo vt lex habeat virtutem suam, debet quoque applicari : applicatio autem legis fit per promulgationē ; ergo promulgatio necessaria est vt habeat lex virtutem suam. Ita penē D. Th.

Sed hic disputatur an promulgatio sit de essentiā legis, an verō tantum sit necessaria tanquam quædam conditio sine quā non valeat lex exercere virtutem suam? communior sententia videtur habere, quod promulgatio pertineat ad legis rationem. Et fundatur hæc potissimum in Capitulo In istis. Dist. 4. vbi dicitur : leges instituntur cum promulgantur ; ergo ante promulgationem non sunt leges. Quidam tamen contrarium opinantur, eo quod lex videatur esse actus, qui totus in legislatore perficiatur, vt ex sup. dictis potest colligi : promulgatio autem sit quid extrinsecum, in quo scilicet lex insit tāquam signo externo : vnde non videtur ad substantiam legis posse spectare, licet requiratur vt lex vires suas exerat ; sicuti ad rationē ignis nō pertinet applicatio ad combustibile, quāuis sine applicatione non possit vrere. Vtraque autem sententia potest suam habere veritatem, diuersimodē legem considerando : si enim consideretur metaphysico modo vt regula idonea ex se ad dirigendum & obligandum, sic ad eius essentiam non pertinet promulgatio ; quia huiusmodi regula vt talis in actibus internis legislatoris consistit : si autem consideretur modo morali ac magis composito vt est regula regulans, sic in eius ratione potest dici inuolui ipsa eius applicatio, quæ consistit in promulgatione : atque ita ad legis substan-

tiam poterit cum communi sententiā dici pertinere promulgatio. Ex dictis hætenus licet colligere huiusmodi legis definitionem, quod lex sit quædam rationis ordinatio ad bonum commune scilicet efficax seu obligationis inductiua, ab eo qui curam communitatis habet promulgata. Sed contra conclusionem

Obijciatur Capitulum primum, De postulatione Prælatorum vbi habetur, quod constituto obliget, quando solemniter æditur, aut publicē promulgatur ; ergo non videtur necessarium ad hoc vt lex virtutem suam habeat & exerceat, quod sit promulgata, sed satis erit quod solemniter sit ædita : v. g. in communi & publico Concilio, vbi conscribitur & approbatur.

Respondetur N. Conf. Quia Pontifex illo capitulo responder hoc solum, quod vt quis constringatur aliquā cōstitutione, non esse necessarium quod illius cōstitutionis notitia singulorum auribus per speciale mandatum, vel litteras ( vt ipse loquitur ) inculpetur : sed sufficere quod solemniter ædatur, aut publicē promulgetur ; vbi illa duo non habet pro diuersis, sed posterius videtur pro explicatione prioris adiectum : nisi fortassis quis velit illa duo sic distinguere, quod tunc solemniter dicatur ædi, quando per affixionem litterarum publicatur, tunc verō publicē promulgari, quando viuā voce proclamatur.

30 Quod autem attinet ad qualitatem & modum promulgationis, ea non omnino vniformiter se habent quoad omnes leges : nam lex æterna & lex naturalis censetur promulgari per lumen rationis ; hoc ipso enim quo menti Deus indidit lumen naturæ, quasi in habitu leges has homini promulgauit, vt docet hic D. Thom. ad 1. nam sufficiens principium eas cognoscendi dedit : perficitur autem ista promulgatio per naturalem synderesim, quæ homini quando ratione vtī incipit, easdem leges inculcat : lex verō diuina positiua, & lex humana debent exterius dictis aut scriptis publicis promulgari, vt obligandi vim habeant ; idque vt innotescere possint ijs, quibus imponuntur : necessarium tamen non est, vt de facto omnibus innotescant, multo minus quod singulis per speciale mandatum aut litteras intimentur, vt constat ex Capitulo cit. De postulatione Prælatorum. Ignorantia tamen inuincibilis semper excusat in foro cōscientiæ, in foro autem fori etiam excusare solet, quando potest probari, quæ probatio facile admititur vsque ad bimestre à promulgatione ; non sic deinceps : quia tum censetur omnibus potuisse innotescere, nisi quis voluntarie

luntariè voluerit ignorare. Quando tamen lex est irritans contractus, donationes, electiones, aut similia, vel reuocans priuilegia, mox plenam vim habet post sufficientem promulgationem, eandemque de facto exercet (quando tamen aliud determinatum tempus non exprimitur, quo vires exercere incipiat) etiã si inuincibiliter ab aliquibus ignoretur. Eadem est ra-

tio legum, quæ constituunt pretia rerum, vel quæ inducunt aliquas inhabilitates in certas personas. Vnde si quispiã post huiusmodi legem sufficienter promulgatam, aliquid contrariũ et ex ignorantia inuincibili attentauerit, actus eius inualidus erit & nullus. Quomodo autẽ leges humanæ tũ Pontificiæ, tũ Imperatoriæ promulgari debeant, infra q. 96. art. 4. examinabimus.

## Q V Æ S T I O X C I.

### De legum diuersitate.

**H**Acquæst ostendit D. Tho. plures & diuersi generis esse leges, scilicet legem æternam, legem naturalem; item legem humanam, & diuinam, & hanc duplicem esse scilicet veterem & nouam: quæ omnia ex sequentibus vbi de singulis in particulari agitur, satis intelligi poterunt. Tantũ hæc notandum est circa Articulum ult. vbi ex loquendi modo Apostoli ad Rom. 7. docet D. Thomas esse insuper aliquam legem Fomitis, quod per eam intelligat inclinationem sensualitatis contra aut præter iudicium rationis, cuius necessitati homo factus est subiectus hoc ipso, quo fuit spoliatus iustitiã originali: vocatur autem lex metaphoricè per quandam similitudinem, quia instar legis mouet & instigat ad operandum. Et iusto Dei iudicio permittitur homo propter peccatum sic vrgeri & præmi istã inordinatã sensualitate: quod conforme est doctrine D. Augustini lib. 1. ad Simplicianum quæst. 2. vbi sic eã de re scribit: Legem appellat in membris suis onus ipsum mortalitatis, in

quo ingemiscimus grauati: Corpus enim quod corrumpitur aggrauat animam; per quod fit etiam sæpe vt inuitè delectet, quod non licet. Quam sarcinam præmentẽ & vrgentem ideo legem appellat quia iure supplicij diuino iudicio tributa & imposita est ab eo, qui præmonuit hominem, dicens: *Qua die manducaueris, morte moriemini*: Hæc lex repugnat legi mentis dicenti non Concupisces. Non est itaque propriè lex, quia non dirigit ad bonum, sed incitat magis ad illicita: vnde nec obligatur ei homo obedire; sed è contrã tenetur illi reluctari & repugnare. Quare D. Th. ibidem, & 1. q. 93. ad 1. agnoscit in eo tantum rationẽ aliquam legis, in quantũ ipse impetus sensualitatis qui ducit aut trahit, est pœnalis & ex lege diuinã consequens hominis destitutum propriã dignitate: alioquin in hominibus, secundum rationem quã eos mouet, esse magis deuiationẽ à lege rationis, quã habere rationem legis: sic vt ex parte illã sui principij iustè hominem punientis possit habere legis rationem, non autem ex parte termini ad quem mouet.

## Q V Æ S T I O X C I I.

### De effectibus legis.

*In duos articulos diuisa.*

#### ARTICVLVS I.

*Utrum effectus legis sit facere hominem bonum?*

**C**ONCLVSIO D. Thomæ est affirmatiua: Et declarat, quia omnis lex est instituta, vt homines eam sequentes efficiantur boni vel sim-

pliciter, vel secundum certum modũ & finẽ: Lex supernaturalis eò tendit, vt homo fiat bonus per virtutes diuinas, atque adeo efficiatur per gratiam filius Dei adoptiuus: Lex naturalis, vt fiat bonus virtutibus moralibus commensuratis naturæ: Lex civilis vt fiat bonus ciuis: Ecclesiastica autem vt quis sit bonus Christianus saltem secundum exteriores actus.

Sed pro pleniori intelligentiã notandũ 2  
est

est primo, dupliciter posse intelligi, quod lex faciat hominem bonum simpliciter; vno modo vt hoc sit facere bonum simpliciter, quod est facere bonum secundum omnem rationem virtutis, prout potest dici bonus simpliciter, qui prædictus est Charitate & cæteris virtutibus, quæ eam comitantur; alio modo vt sit facere bonum secundum aliquam veram rationem honestatis, etiam si non secundum omnem virtutem & honestatem; quomodo lex, quæ iubet vnicuique reddere quod suum est, facit hominem bonum simpliciter, quia bonum facit secundum veram virtutis rationem, licet illa lex non faciat hominem bonum secundum virtutem temperantiæ aut fortitudinis, &c. Similiter potest intelligi dupliciter, quod lex faciat hominem bonum secundum quid: vno scilicet modo, vt illa dicatur facere hominem bonum secundum quid, quæ facit hominem bonum in aliquâ verâ virtute, sed tamen non in omni virtute: alio modo vt illa secundum quid faciat hominem bonum, quæ quidem secundum nullam virtutem aut honestatem veram perficit hominem, sed tantum facit eum bonum in ordine ad conseruationem & finis consecutionem, v. g. alicuius communitatis aut multitudinis seditionis modo & malo fine simul collectæ: sic leges latronum iuxta D. Tho. hic faciunt suos bonos secundum quid, quia faciunt bonos latrones: similiter & leges tumultuatum militum.

3 Notandum Secundo, quod quidem effectus omnis veræ legis ( quantum scilicet ex ipsâ est) sit facere hominem bonum simpliciter iuxta secundum saltem modum explicatum: quia hoc ipso, quo lex est iusta ( prout supponimus eam debere esse vt legis veræ ratione obineat) consequitur opus legis esse honestum, quia & honestum est iusto imperio obedire, & insuper lex iusta esse non potest, nisi quoque opus ex se, vel ex fine sit honestum, & rationi consonum: sed efficere hominem bonum simpliciter primo modo, est effectus totius legis collectivæ sumptæ quamvis etiam specialiter possit hic effectus adscribi legi charitatis, secundum quod scriptum est ab Apostolo, *Plenitudo legu est dilectio*.

4 Notandum itaque Tertio: Loquendo de veris & propriè dictis legibus, hoc quod dicitur legis effectum esse, quod faciat hominem bonum simpliciter aut secundum quid, sic intelligendum esse, quod leges quædam eò respiciant proximè, vt faciant hominem bonum & perfectum secundum absolutam rationem virtutis, vt dici potest de lege Christi siue Charitatis: quædam verò eò respiciant proximè, vt faciant

hominem bonum secundum aliquam particularem virtutem; vt sunt pleræque leges humane, ita vt hoc quoque attribuendum sit legibus civilibus, quod intendant eum facere bonum, etiam secundum moralem rationem virtutis, vt constat ex Aristot. 3. Polit. cap. 4 vbi dicit finem civitatis esse bene vivere, & honestatem aliquam participare, & cap. 6. De virtute & vitio, publicè cogitant (inquit) quicumque curam habent civitatem bene instituendi. Sed D. Tho. tamen hic videtur hunc effectum facere hominem bonum secundum quid accomodare tantum legibus, ijs quæ solum sunt leges secundum quid, v. g. legibus latronum, aut piratarum; quæ sicuti non sunt leges simpliciter, ita quoque non faciunt homines bonos simpliciter, ne quidem secundum aliquam veram virtutis rationem, sed bonos latrones aut piratas.

## ARTICVLVS II.

*Utrum legis actus convenienter assignentur Imperare, Vetare, Permittere, & Punire?*

C Onclusio est affirmativa, desumpta ex Isidoro lib. 2. Etymolog. qq. c. 19. Et declaratur hoc modo: quia legis est bene dirigere & componere Rempublicam in ordine ad commune bonum: vt autem hoc præstet necessum est, vt actus quoddam tanquam viles & bonos præcipiat, quoddam verò tanquam ipsos & noxios vetet. Item aliquando necessum est ad Reipublicæ tranquillitatem, vt quædam minora incommoda tolerentur ad grauiora præcauenda: hinc etiam lex debet quædam permittere. Denique cum lex frustra esset, nisi illi obtemperaretur, ideo accedit quartus actus, qui est punire, quatenus timore pænæ, quam leges statuunt, multi inducuntur ad legum obseruantiam.

Sed contra obijciunt Primum: Permissio est pura quædam negatio præcepti, & prohibitionis: hoc ipso enim, quo aliquid neque præceptum neque prohibitum est, censetur propriè permissum; ergo non potest permissio dici actus legis.

Pro solutione notandum est, Duplicem esse permissionem: vnam quidem, quæ non sit aliud quam eiusmodi pura negatio, vt habet obiectio; alteram verò quæ in aliquo positivo præcepto fundatur, quia scilicet illa permissio per legem aliquam decreta est, & stabilita: hoc autem contingit

tingit tripliciter, vt notat Glossa in Capitulum Omnis, Distinct. 3. aliquando enim leges permittunt aliquid, quod nullo iure prohibetur quidem, sed forsitan ab aliquibus fuit iudicatum prohibitum; sic Canones permittunt contrahere secundas nuptias; aliquando autem permittunt indulgendo aliquid contra leges humanas, vt constitutiones quibus nunc permittitur matrimonium in quito gradu contra antiquam dispositionem: aliquando denique permittunt aliquid illicitum minoris malitiæ, vt grauiora peccata euitentur; sic permittitur fornicatio ad vitanda adulteria: sed quamuis etiam huiusmodi permittant leges, nullo tamen modo ista, aut similia approbant.

- 7 Resp. nunc ad argumentū, permissionē prioris generis non esse actum legis, vt argumentum probat: sed permissionem posterioris generis secundum omnia sua membra dicimus esse actum legis, neq. enim hæ permissiones, vt argumentum assumit, sunt pura negatio, vt ex dictis patet: nam imprimis quando lex permittit actum aliā in se bonum, quamuis oppositū sit melius aut conuenientiū, non solum non prohibet, sed etiam dat positum facultatem siue ius aliquod ad illum: quando autem permittit aliquid contra alias constitutiones, tunc non solum tollit impedimentum & tribuit impunitatem apud homines, sed etiam à culpā liberat coram Deo, quatenus in constitutionibus, vel dispensat, aut easdem abrogat: quando denique permittit malum, in quo non dispensat aut dispensare non potest, tunc saltem hoc lex efficit, quod illud apud homines impunē fieri possit: sic vt qui istud

faciunt, neque per priuatos impediri possint, neque à iudice puniri, vt patet in exercitijs vsurariorum, & in meretricijs.

Obijciatur Secundo: Obligare est quodque actus legis, & quidem vt apparet, principalis; ergo non debuit hic prætermitti. Respondetur N. Conseq. quia D. Tho. hic tantum agit de actibus, qui inter se condistinguntur; sic vt diuersi diuersis legibus conueniant, & non de illis, quorum vnus in alio includitur, aut saltem præsupponitur: iam verò obligare est actus quidam communis omni legi, ita quod obligatione mediante lex imperet, vetet, permittat, & puniat.

Obijciatur Tercio: sicuti leges aliquæ statunt penas, ita aliquæ ordinant præmia; ergo sicut punire ponitur inter actus legis, ita etiam oportebat ponere præmiare. Respondetur N. Conseq. rationem diuersitatis hanc indicat D. Tho. quia præmium retribuere potest etiam priuatus, atque ita ex suā ratione non est actus pendens ex publica autoritate; punire autem non potest priuatus, & propterea potius adscribitur legi, quæ à publicā auctoritate conditur tanquam eius quidam actus, quā præmium reddere. Non tamen dicimus absolutē hic omnes actus legis secundum proprias & particulares rationes suas recenseri; sed actus præcipuos & primos, ad quos reliqui possunt aliquo modo reuocari: nam & actus legis rectē dicitur statuere prætia rebus, sed qui reuocari potest ad præcipere aut prohibere, quatenus scilicet lex mandat ne pluri emanetur aut vendatur res: similiter dispensare potest etiā esse actus legis, sed reduci potest ad permittere, & sic de quibusdā alijs.

## Q V Æ S T I O X C I I I.

### De lege æternā.

#### In sex articulos diuisā.

##### ARTICVLVS I.

*Vtrum lex æterna sit summa ratio in Deo existens?*

- 1 **C**ONCLUSIO D. Th. est: Lex æterna nihil est aliud, quam ratio diuinæ sapientiæ secundum quod est directiua omniū motuum & actio-

num creaturarum, iuxta quod lib. Sapientiæ cap. 8. dicitur de æternā Sapientiā: *Attingit à fine vsq; ad finem fortiter, & disponit omnia suauiter.* Declaratur: quemadmodum enim in mente artificis præexistit idea siue exemplar eorum, quæ ex arte facere intendit, ita necesse est, vt in mente cuiusq; Rectoris, vt benè gubernet, reluceat ordo iuxta quem debeant omnia operari, & se habere quæ eius gubernationi subsunt; or-

do au-



do autem ille est lex quædam & regula: unde qui existit in mente diuinâ, merito vocatur lex æternâ; quia ille æternus est, sicuti diuinâ mens est æternâ.

- 2 Differt autem ab idæâ diuinâ, quia hæc est exemplar rerum faciendarum; lex vero æternâ est ordo rerum gubernandarum cum voluntate adstringendi ad illum operandi modum: siue imponendo simpliciter necessitatem, et si in rebus naturalibus, siue inducendo obligationem, ut sit in creaturâ intellectuâli: Et hinc D. August. lib. 22. contra Faustum cap. 27. dicit legem æternam esse rationem vel voluntatem Dei, ordinem naturæ conservari præcipientem, & dissipari vetantem. Differt quoque à diuinâ providentiâ, quia hæc respicit res singulas in particulari, ita ut nihil omnino in hac amplissimâ totius creaturæ veluti Republicâ fiat, quod non à summo illo Imperatore Deo per suam providentiâ in particulari sit decretum vel permixtum ut fiat: lex autem æternâ non respicit res singulares singulas in particulari, (non enim circa singulos homines sunt diuersæ leges æternæ, sicuti sunt circa singulos diuersi modi diuinæ providentiæ) sed respicit singulas rerum species: unde vnâ communi lege æternâ gubernatur totum genus humanum, sicuti est vna lex naturalis communis in omnibus hominibus.

## ARTICVLVS II.

*Utrum lex æternâ sit omnibus nota?*

- 3 Conclusio D. Thomæ est: Legem æternam nullus potest cognoscere prout in seipsa est, nisi Deus, & beati qui vident Deum per essentiam: sed omnis creatura rationalis ipsam cognoscit secundum aliquam eius irradiationem, quam quidam plus, quidam minus participant. Prior pars per se euidens est, quia lex æternâ à parte rei non distinguitur ab ipsa Dei essentiâ: unde sicuti solus Deus & beati cognoscunt diuinam essentiam, ut in se ipsâ est, ita quoque hi soli cognoscunt æternam legem ut in seipsâ est.

Pars posterior probatur: quia omnis creatura rationalis habet impressam legem naturæ, quæ est quædam participatio legis æternæ, imò omnis cognitio veritatis circa res agendas est quædam huius legis irradiatio; atqui omnes habent aliqualem cognitionem veritatis ad minus quan-

tum ad communia, & prima principia legis naturalis, ut quod mala sint vitanda, & honesta prosequenda, nam signatum est super nos lumen vultus eius, ut dicitur Psal. 4. ergo &c.

## ARTICVLVS III.

*Utrum omnis lex à lege æternâ deriuetur?*

4 Conclusio est affirmatiua: Probat autem Primo auctoritate D. August. q. 67. in Exod. lex æternâ Dei est, quam consulunt omnes piæ mentes (inquit) ut quod in eâ inuenerint, vel faciant, vel iubeant, vel vetent: & lib. 1. de Liber arbitrii. cap. 6. In temporali lege (inquit) nihil est iustum & legitimum, quod non ex lege æternâ homines sibi deriuauerint: quod & Cicero videtur agnouisse, quando scriptit legem esse rectam & à numine tractam rationem, quæ imperet honesta, &c.

Probat Secundo ratione D. Tho. quæ sic formari potest: quia in omnibus mouentibus ordinatis oportet, quod virtus secundi mouentis deriuetur à virtute primi mouentis, ergo & in gubernantibus oportet, quod ratio gubernationis à primo gubernante ad secundos deriuetur, ipsum enim gubernare est quoddam mouere: Hinc videmus rationem eorum, quæ agenda sunt in ciuitate, deriuari à Principe in inferiores administratores, & rationem operum artificialium deriuari ab architecto ad inferiores artifices; atqui lex æternâ est ratio & ordo gubernationis in primo & supremo gubernante; ergo ab hac debent omnes rationes gubernationis quæ in inferioribus sunt, ut ordinatæ & iustæ sint, deriuari & descendere.

Sed obijcet aliquis; hoc quidem argumento bene ostendi, quod leges humanæ deriuari debeant à lege æternâ, & secundum eam formari; sed non ostendi, ut apparet, hoc de lege diuinâ siue positivâ, siue naturali, quia hæc non est inferiorum ratio gubernandi.

Respondetur, Legem diuinam dupliciter posse considerari: vno modo ut est in suo legislatore Deo, & sic non esse quid distinctum à lege æternâ, nisi forsitan connotato aliquo, quod lex æternâ, ut sic, non connotet aliquam adhuc promulgationem factam, & proinde non importet ordinem ad creaturas actu existentes: sed quatenus denominatur & dicitur lex diuinâ, sic videtur

detur importare intimationem quandam factam ijs quorum est lex, & consequenter habere respectum ad creaturas actu existentes. Sic itaque considerando legem diuinam vt est in Deo, non potest dici effectus legis æternæ, nec etiam propriè deriuari idq; ab eâ propter idètitatem. Secundo autem modo posse considerari quatenus est in illis qui eam publicant, vel qui secundum eam gubernant alios inferiores, vel etiam in ipsis qui iuxta illam seipfos dirigunt; & hoc modo legem diuinam accipiendo, dicimus eam à lege æternâ deriuari tam naturalem, quàm positiuam: quia sic existens in creaturis non est aliud, quàm quædam quasi imago æternæ legis secundum illam expressa, & mentibus nostris impressa, siue per lumen intellectus, siue per doctrinam diuinorum Vatum, & Euangelizantium.

6 Vnde lex diuina hoc modo considerata est quædam legis æternæ participatio longè excellentior, quàm sit lex humana: nam ista, tam vt regula dirigens, quàm vt obligans, immediatè à lege æternâ & diuinâ autoritate promanat: quia & à Deo in proprijs terminis, vt sic dicam, dictata est, & ab eo proximè habet suam obligationem: sed humana lex ab homine concipitur & ordinatur, & ab eius voluntate accipit obligandi virtutem, quatenus hi qui curam communitatis gerunt, habent potestatem faciendi aliquas constitutiones nouas distinctas à diuinis legibus (licet subordinatas) pro bono regimine Reipublice: vnde proximè & immediatè ex ipsorum voluntate nascitur, quod illæ ordinationes obligent subditos, quamuis interim radicaliter obligatio à lege æternâ descendat, quia in huius nitiitur principijs: cuiusmodi vnum est, Omnem animam sublimiori potestati subditam esse debere; quæ etiam ipsa sublimior potestas à Deo est, & iuxta æternam rationem gubernationis diuinæ hominibus communicata, vt constat ex Apostolo ad Roman. 13. Deinde, vt lex humana sit recta, debet etiam cum lege æternâ conuenire, vt patet ex doctrinâ D. Augusti. supr. Quare humana lex, tam vt est directiua, quàm vt est obligans, à lege æternâ dependet. Vtrumque significauit diuina Sapientia Prouerb. cap. 8. cum dixit: *Per me Reges regnant* (vique quantum ad ipsorum potestatem & subditorum subiectionem) & *legum conditores iusta decernunt*: quoad regulæ scilicet rectitudinem.

7 Sed contrâ obijciunt Primò: Non videtur, quod omnes leges humanæ possint deriuari à lege æternâ, cum etiam, quæ iuste sunt, aliquando inter se contrarien-

tur. Respondetur humanas leges nunquam sibi esse contrarias, si iuste sint, & cum ipsâ considerentur circumstantijs: vbi verò & quando mutantur circumstantie, tunc etiam mutantur bene leges, nam & illam mutationem docet immutabilis lex æterna: sic vt ab hac lege non censerent deriuari amplius, nisi mutatis circumstantijs ipsæ quoq; mutarentur: quia quæ cum istis rationabiles & iustæ erant, ac conformes legi æternæ, cum his forent iniustæ & æternæ legi disformes.

Obijciunt Secundò: Leges quædam humanæ permittunt mala, quæ punit lex æterna; ergò istæ non deriuantur ab æternâ. Respondetur Negand. Conseq. nam etiam hoc ipsum legi æternæ consentaneum est, quod lex humana relinquat quædam minora mala impunita, ne committantur grauiora, quando omnia simul propter hominum infirmitatem aut malitiam ipsa impedire non potest.

#### ARTICVLVS IV.

##### *Vtrum necessaria & æterna subijciantur legi æternæ?*

C Onclusio D. Thomæ est: Necessaria<sup>9</sup> in rebus creatis subduntur legi æternæ; non autem necessaria, quæ pertinent ad naturam vel essentiam diuinam. Posterior pars per se euident est: quia ista sunt realiter ipsa lex æterna; subiectio autem, quemadmodum etiam ratio mensuræ & mensuratio non est nisi inter diuersa propriè, & quidem quorum vnum sit altero inferius, seu imperfectius. Prior autem Probatur primò ratione, quia quæcūq; subijciuntur diuinæ gubernationi, subduntur legi æternæ; atqui omnia, quæ Deus creauit sunt sub eius gubernatione; ergò &c. Deinde Colligitur idem ex Scriptura sacra: Iob cap. 38. *Nunquid post ortum tuum precepisti diluculo, & ostendisti auroræ locum suum?* Item, *Qui conclusit ostium mare?* ac paulò infra: *Dixi vsque tunc venies & non procedes amplius, & hic confringes taementa fluctibus tuis.* Sed contra priorem partem

Obijci potest: Quæ necessaria sunt, non videntur indigere lege aliquâ, quæ regantur, cum aliter sese habere non possint; ergò necessaria non debent dici subijci legi æternæ. Respondetur Negand. Consequentiam: quia hæc ipsa necessitas, quod aliter sese non possint habere, procedit ex lege æternâ; cui ita subijciuntur necessaria, vt stabiliter & eodem modo

sese

sefe semper habeant, & in esse, & in operari. Pro pleniori autem intelligentiâ

Notandum est, Legem æternam imponi creaturis in genere loquendo duobus modis; vno absque cognitione intercedente illorum quæ legi subiiciuntur, per impressionem scilicet principium determinatû ad certo modo sese habendum & operandum: quod quidem principium ordinariè est firmû & stabile, sic tali principio iuxta legem æternam, terra & aqua descendunt deorsum; aër, & ignis moventur sursum; aliquando autem est per modum impetus & actus transeuntis, sic iuxta legem æternam mouetur aqua sursum ad impediendum vacuum, & ad eundem finem aër deorsum; item venti & mare ita obediunt legi istî, quam percipiunt per impressionem conuenientis principij in suis motibus & tranquillitate. Alio modo imponitur lex illa mediante cognitione, quâ creaturæ apprehendunt & cognoscunt ipsam legem, quam tanquam regulam & mensuram debeant in actionibus suis sequi: & sic applicatur creaturæ intellectuali, quatenus lex æterna concernit & dirigit operationes eius liberas. Quantum igitur ad res & actiones necessarias, subiaceret hæ legi æternæ, quia secundum eius ordinem, res necessariæ quâdam perpetuitate secundum institutionem suæ naturæ conseruantur, & eodem modo quâdam necessitate operantur secundum principia ipsis indita.

10 Contra posteriorem conclusionis partem obijci potest: quod voluntas Dei pertineat ad diuinam naturam & essentiam: illa autem quoque subiiciatur legi æternæ, quia sequitur dictamen & ordinem diuinæ sapientiæ; ergo &c. Resp. N. Subsumpt. quia voluntas Dei est à parte rei idem cum ipsa lege æternâ, vt dictum est: Imò ipsa est essentialiter quoque intelligens, ac lux ipsius regula: vnde non potest esse aliqua ipsius subiectio aut dependentia ab altero tanquam mensurâ vel regulâ. Nihilominus tamen secundum nostrum concipiendi modum, bene dici potest, quod diuina sapientia eiusq; ordinatio sit ratio iustitiarum Dei voluntatis. Quare ad illud, quod ad probationem subsumpti adducitur, dicendû est, illud nihil probare de subiectione diuinæ voluntatis secundum se sub aliquâ lege; sed hoc posse ostendere, quod in ipsis volitis Dei voluntas possit dici habere rationem in lege æternâ fundatam: v. g. quare Deus hoc propter illud velit, sed hoc est volita esse subiecta legi æternæ, non autem ipsam Dei voluntatem, quæ essentialiter est sua regula, non indigens ab extraneo dirigi aut regulari. Vide dicta suprâ quæst. 1. art. 2.

## ARTICVLVS V.

*Virum naturalia contingentia  
sub sint legi æternæ?*

11 Conclusio est affirmatiua: & colligitur ex Scripturis, Psal. 148. *Ignis grandis, nix, glacies, spiritus procellarum, quæ faciunt verbum eius: & Matth. 3. cap. Venti & mare obediunt ei.* Ratio autem est, quia hæc omnia agunt naturales motus suos virtute imperij, sibi per Dei verbum impressi, quando in creatione virtutes & facultates naturales acceperunt; aliquando autem faciunt verbum eius iuxta specialem aliquam Dei ordinationem, vt quando concurrunt modo quodam extraordinario ad vindictam peccatorum, vt quando mundus perijt per diluuium, & prout dicitur Sapientiar. 4. cap. *Et pugnabit pro eo orbis terrarum contra insensatos.* Sed contra

Obijciatur: Contingentia hoc ipso quo contingentia sunt, esse instabilia, & incerta lege moueri; ergo non reguntur lege æternâ, quæ stabilis est. Respondetur N. Conseq. quia sicuti cæli, anima rationalis, Angeli sunt quidem in se res necessariæ & incorruptibiles, tamen respectu Dei sunt quodâmodo contingentes & corruptibiles, quia à liberâ eius creatione & conseruatione pendunt, ac sic gubernationi diuine sub sunt; ita è contrâ, contingentia naturalia respectu causarum secundarum, quibus mediantibus à Deo producuntur, sunt contingentia; non autem respectu ipsius Dei, qui stabilitate quâdam immutabili, etiam insensibilis regit; quatenus lege suâ æternâ sanxit, vt suam vicissitudinem habeant ortus & interitus in rebus his caducis.

## ARTICVLVS VI.

*Vtrum omnes res humana legi  
æternæ subiiciantur?*

12 Respondet D. Thom. affirmatiuè: & quidem docet hominem utroq; modo explicato sup. artic. 4. subesse legi æternæ, scilicet & modo communi creaturis ratione carentibus, nempe per impressionem principij operandi: sic enim quoad generationem, nutritionem, accretionem subiectus est legi istî; ac etiam altero modo peculiari & proprio creaturæ rationali, videlicet per cognitionem ipsius legis; quatenus videlicet mediante lumine rationis aut per diuini verbi præcones, co-

FF ij gnoscat

gnosceat Dei voluntatem & mandata, secundumquæ vitam & actiones liberas instituere & formare debet.

13 Notandum autem Primò cum D. Tho. bonos subesse perfectius legi æternæ, utpote secundum illam agentes & viuentes; malos autem imperfectius, quia secundum obligationem quidem subunt, sed non se subdunt secundum obseruationem: Interim verò, dum se non subdunt voluntariè huic legi (iuxta eam scilicet viuendo & actiones suas instituendo) contingit eos subijci vel inuitis æternæ legi secundum passionem & punitionem; vt docet Ansel. lib. 1. Cur Deus homo cap. 15. vnde comparat hominem, qui vult subterfugere aut se subtrahere legi Dei, cum eo, qui vult fugere à facie cæli; quia quantum ab vnâ parte à cælo videtur recedere, in tantum ex alterâ parte accedit, & similiter qui se ab vnâ lege Dei subtrahit, in alteram grauiorem cadit. Quod etiam docet August. pluribus locis, vt lib. 5. Confess. cap. 2. sed fugerunt (inquit) vt in te offenderent iniusti, & iuste vexarentur subtrahentes se lenitati tuæ, & offensores in rectitudinem tuam, & cadentes in asperitatem tuâ; & lib. De corrept. & gratia cap. 10. de reprobis Angelis sic scribit. Refugientes tamen eius bonitatem quâ beati fuerunt, non potuerunt eius effugere iudiciū per quod miserrimi effecti sunt. Similia & alijs habet locis.

14 Obseruandum Secundò: omnes actiones hominis morales aliquo modo posse dici cadere sub lege æternâ, non tantum vt directiua est, sed etiam vt præceptiua aut prohibitiua est: quod in primis de actibus malis constat, eò quòd omnes hac lege prohibeantur. Similiter de bonis, qui in præcepto sunt, dubium esse non potest. Sed difficultas est de operibus, quæ dicuntur esse supererogationis aut consilij, de quibus tamen idipsum etiam potest sic declarari: Primò, quia iuxta doctrinam August. nullum est opus consilij quod non possit pertinere ad præceptum in animi præparatione, si ad diuini nominis honorem

conseruandum scilicet tale opus esset necessarium, Deinde quando exercitium talium operum non est ex præcepto necessarium, sed commendatur & consulitur solum, tunc tamen etiam lex æterna præscribit modum necessarium, quo fieri debeant, vt rectè fiant, & sic omnes actus morales sunt suo modo materia legis æternæ tanquam præcipientis aut verantis: si non præcipientis absolute, tamen quoad præparationem animi in certo casu, vel saltem quoad modum quo fieri debeant, vt rectè & fructuosè fiant: v. g. quoad tempus & locum congrua, item quoad finem, vt ad Dei gloriam, aut ex charitate, vel saltem non propter finem aliquem inordinatum fiant, v. g. non ad vanitatē, aut ex æmulatione, vel similibus occasionibus.

15 Obseruandum hic denique est in hac generali legis æternæ acceptione, quia in hac quæstione extenditur ad omnia tam naturalia quam moralia, concurrere duas analogias: vnâ ex parte ipsius vocabuli legis, quia ratio gubernationis, quæ reguntur creaturæ irrationales, tantum metaphoricè dicitur lex, siue præceptum, cum lex propriè sit ordinatio rationis directæ ad eum qui valeat illam apprehendere, & secundum illam operari: alterâ verò ex parte creaturarum illarum, quæ legi sic metaphoricè sumptæ correspondent per subiectionem, quatenus videlicet hæ dicuntur obedire & facere iussu Domini, nam subiectio & subordinatio siue accommodatio quæ creaturæ istæ sese accomodant operando secundum inclinationem & virtutem eis inditam, similiter nonnisi metaphoricè est quædam obedientia; alioquin propriè loquendo, in se est quædam naturalis necessitas. Sed ratio gubernationis in Deo quatenus per illam creaturæ rationales gubernantur moraliter & politicè, sic habet propriam rationem legis, & huic respondet propriè dicta obedientia, & propterea quando huius legis fit transgressio, committitur culpa moralis, quæ locum habere non potest in creaturis ratione carentibus.

QVÆST.

## QVÆSTIO XCIV.

## De Lege naturali.

*In sex Articulos diuisa.*

## ARTICVLVS I.

*Utrum lex naturalis sit habitus?*

**O**BSERVANDUM est, legem naturalem aliquando sumi valde generaliter, vt comprehendat quoque præcepta per se connaturalia gratiæ; vnde aliquando diuiditur in legem cōnaturalem naturæ, & legem connaturalem gratiæ; quo pacto potest dici accipi, quando tempus ab Adam vsque ad Moysen dicitur tempus legis naturæ; tunc enim nō tantum obligabant præcepta naturalis rationis, sed etiam præcepta connaturalia gratiæ, vt præceptum fidei, spei, charitatis, religionis &c. Dicitur tamen legis naturæ, quia nulla vel paucissima erant præcepta positiua, sed tantum vigeabant, quæ erant connaturalia humanæ naturæ aut secundū se, aut vt eleuata ad finem supernaturale.

Obseruandum Secundū, hic quæstionē non esse de lege naturæ iuxta generalem illam acceptionem, sed tantum de lege naturæ, quæ connaturalis est naturæ humanæ secundum se, & in ordine ad finem naturalem, quantum de se est. His præmissis sit.

**Conclusio Vnica:** Lex naturalis non est propriè habitus. Ita D. Thomas, & alij cōmuniter. Probatur: quia lex est quiddam per rationem constitutum, atque adeo opus rationis, sicuti est propositio; ergo non est habitus. Consequentia probatur, quia distinguuntur principium, quo quis agit (vt est habitus) & opus, quod quis agit, cuiusmodi quid est lex; ergo &c.

Notandū tamen est, quamuis in actuali iudicio mentis propriissimè consistat lex omnis, nihilominus tamen naturale lumen intellectus de se expeditum ad dictandum de rebus moralibus agendis; posse etiā vocari legem naturalem; quamuis enim homines aliquando nihil iudicent aut cogitent, nihilominus tamē apprehēdimus in eis remanere naturæ legem cuius opus ab Apost. ad Rom. 2. dicitur, scriptū in cordibus nostris: quæ verba indicant aliquid suo modo permanēs esse in nobis, quod legis rationē potest dici habere. Quare sicut lex humana

prout est extra legislatorem, non solum significat actuale cognitionem eius in subdito, sed etiam permanens signum in aliqua scripturā, quod potest excitare semper illā cognitionem; ita de lege naturali, quæ in ipso legislatore non est aliud, quam lex æterna secundum eam portionem, quā cōcernit hominem vt talem, dici potest, quod in subditis siue in homine non tantum sit actuale iudicium, sed etiam lumen ipsum intellectuale, quod veluti permanenter continet scriptam illam legem, & potest semper actu illam representare.

Hinc etiam admittit D. Tho. quod lex naturalis secundum quendam modū possit dici habitus, videlicet ipsum lumen rationis, de quo iam egimus, quatenus videlicet præcepta naturæ habitualiter in eo continentur. Nec tamen etiam hoc modo est habitus propriè omnino dictus, quia lumen illud neque est habitus acquisitus, neque infusus: sed est cōnaturalis proprietas humani intellectus ad iudicandum conuenienter de actionibus secundum exigentiā naturæ humanæ, vt humana siue rationalis est. Vnde de hac lege sic loquitur D. Ambros. li. 5. epistola 41. Ea lex non scribitur sed nascitur, nec aliqua percipitur lectione, sed profluo quodam naturæ fonte in singulis exprimitur.

Quare hoc modo considerata nō videtur quid diuersum a synderesi, quæ etiam solet habitus dici, quāuis non propriè, sed eā tantum de causā, quod per illam homo magnā facilitate & promptitudine feratur ad elicienda prima illa principia practica, vt omne bonum & honestū est amplectendum, Deus est colendus & similia: quæ tamen facilitas magis oritur ex parte obiecti eiusque euidentiā & claritate, quam ex aliqua intellectus exercitatione; & hinc à propriā ratione habitus deficit. Differt autem lex naturæ à conscientia: nam lex dicit regulam generaliter constitutam circa agenda; conscientia verò dicit dictamen practicū in particulari; vnde est veluti applicatio legis ad particulare opus, neque tantum applicat legem naturalem, verum etiam quancumque legem aliam siue humanam siue diuinam. Deinde lex versatur propriè circa illa, quæ agenda sunt;

F f iij conscientia

conscientia autem versatur etiam circa illa quæ facta sunt, unde tribuitur illi non tantum ligare, sed accusare, testificari, defendere, ut videre licet apud D. Thomam 1. parte quæst. 79. & hac parte sup. quæst. 19. artic. 6.

## ARTICVLVS II.

*Utrum lex naturalis contineat  
plura præcepta, vel unū tan-  
tū?*

5 **C**onclusio D. Thomæ est: plura sunt legis naturæ præcepta, quæ tamen omnia quodammodo fundantur in vno: sicut enim sunt plura principia indemonstrabilia in speculatiuis, quæ tamen omnia aliquo modo fundantur in hoc vno scilicet, quod de eodem non sit affirmare & negare; ita enim etiam omnia naturæ præcepta aliquo modo radicanur in eo, quod bonum sit faciendum & prosequendum, malum autem omittendum & fugiendum, ut scilicet omnia illa facienda aut vitanda pertineant ad præcepta legis naturæ, quæ ratio practica (inquit D. Thomas) naturaliter apprehendit esse bona aut mala humana, siue hominis ut homo est.

6 **U**t autem horum præceptorum pluralitas ad aliquem ordinem reuocetur, distinguere possunt in diuersa capita: ac in primis ex parte personarum, ad quas ordinantur quasi obiectiue; nam quædam versantur circa Deum, quædam circa proximum, quædam circa personam propriam. Alio modo distinguere possunt per ordinem ad intellectum, sicut à Philosophis distinguunt propositiones necessarie, ut hic insinuat D. Thom. nam quædam sunt per se & in se nota, respectu omnium hominum, ut sunt quædam præcepta vniuersalissima; quemadmodum quædam principia in speculabilibus sunt ex terminis notissima omnibus; alia sunt per se ac in se nota, non tamen quoad nos saltem vniuersaliter omnes, quamuis possint esse talia respectu sapientium, ut sunt quædam præcepta particularium virtutum, & præcepta decalogi: Alia vero sunt, quæ indigent simpliciter discursu, ut ex alijs prioribus statuuntur. Tertio possunt distinguere secundum diuersas hominis inclinationes naturales, prout distinguit hic D. Thom. quia apprehendit homo naturaliter hoc bonum & prosequendum esse, quod eius naturali inclinationi congruum est; sicut est contra illud tanquam malum & fugiendum, quod illi contrarium est.

Inest autem in primis homini inclinatio ad bonum secundum naturam, in qua communicat cum omnibus entibus, ex qua appetit conseruationem sui esse: deinde, quia corruptibilis est & mortalis, hinc etiam sicut cetera animantia, inclinatur naturaliter ad conseruationem sue speciei, & ad actiones ad eam necessarias, ut ad generationem, ad prolium educationem: tertio est rationalis, & ut sic capax immortalitatis, & supernaturalium perfectionum ac communicationis cum Deo & creaturis intellectualibus: lex autem naturalis perficit hominem secundum omnem inclinationem suam. Et hinc iuxta inclinationis diuersitatem distinguere possunt illius præcepta, atque ita ut respicit primam inclinationem, continet præcepta temperantiæ & fortitudinis: ut respicit secundam, continet similiter præceptum temperantiæ circa res venereas, & præceptum prudentiæ; ut autem tertiam inclinationem perficit, sic comprehendit præcepta religionis, iustitiæ, & similium virtutum: omnes enim predictæ inclinationes siue propensiones sunt in homine spectandæ, quatenus aliquo modo ordinandæ & eleuandæ sunt secundum gradum rationabilitatis, sic enim quatenus regulari possunt per rationem, respondent singulis principia & accommodata præcepta.

## ARTICVLVS III.

*Utrum omnes actus virtutum  
sint de lege natura.*

**C**onclusio D. Thomæ est: Si loquamur de actibus virtutum in quantum sunt virtuosus, sic omnes actus virtuosus pertinent ad legem naturæ; si verò loquamur de actibus virtuosus secundum se ipsos, prout scilicet in proprijs speciebus considerantur (inquit) sic non omnes actus virtuosus sunt de lege naturæ. Probatur prior pars, quia de lege naturæ sunt ea potissimum, quæ sunt secundum inclinationem hominis ut homo est; atque secundum eiusmodi inclinationem hominis est omnis actus virtutis consideratus sub eâ communis & explicitæ ratione, quæ virtuosus est siue honestus; ergo &c.

Probatur pars posterior, quia multi sunt actus virtutum particularium, quorum honestas solo lumine naturali non agnoscitur, vel quibus ex propria ratione per se non competit honestas, puta, quia ex obiecto sunt indifferentes, sed quibus aliunde v. g. ex fine operantis, aut præcepto superioris accedit virtutis ratio: atque non dicitur

dicat lex naturalis ex se ea faciendâ, quæ non agnoscit lumen rationis habere honestatem, vel quibus ex natura non inest virtutis ratio; ergo &c.

9 Sed quæritur hic primò : Quomodo omnes actus virtutum sub eâ ratione quâ virtuosî sunt, dicantur esse de lege naturæ, cum non hoc ipso quæ actus cognoscitur virtuosus, cadat in præceptum, nec mox dicat naturalis ratio eum esse necessariò faciendum, ut fini suo homo inheare? Quidem respondet, omnes dici esse de lege naturæ, non quod lex præcipiat omnes, sed quod inclinet & quali suadeat tanquam qui homini sunt convenientes; sicuti dicuntur consilia evangelica pertinere ad legem Evangelicam, scilicet quod sicuti eodem auctore Christo & eodem lumine fidei agnoscuntur ista consilia cõuenire homini Christiano, quibus agnoscuntur ipsa præcepta Evangelij, sic etiam eodem lumine naturali cognoscantur actus virtutum, qui extra præceptum sunt congruere homini, quo agnoscuntur alij esse homini in præcepto. Ita ferè hic explicat Medina.

10 Alio tamen modo magis propriè dici poterit, omnes actus virtutum sub eâ ratione quâ virtuosî sunt, esse de lege naturæ, videl. non tantò, quia lex hæc modo dicto inclinat, sed etiam quia suo modo obligat ad omnes, non quidem pro omni loco & tempore, sed pro tempore & loco debitis: quia cum ex omnibus virtutibus simul sumptis homini secundum suum statum congruus, resultat integra rectitudo ipsius, dubium non videtur, quin omnes virtutes tempore & loco ex propria obligatione sint exercendæ, non quidem quod obliget lex singulos ad omnes actus, sed diuersos obliget ad actus diuersos pro diuerso ipsorum ordine & statu, prout eis conueniunt, ita vt fiat quod omnes qui naturali lumine cognoscuntur actus virtuosî, sint in obligatione per legem naturalem respectu saltem diuersorû. Accedit, quod saltem modus quo faciendi sunt, secundum legem adhibendus sit, vt dictum est quoque quæst. præced. de Lege æterna. Alij denique dicunt omnes hætenus esse de lege naturæ, quatenus ratione suæ honestatis possunt cadere sub præceptum, cui lex naturæ præscribit esse obtemperandû. Vnde hic secundò quæri potest.

11 Vtrum omnis obligatio sit effectus legis naturalis? Hoc enim in primis nullo modo videtur posse dici, quia leges humanæ etiam obligant, nec tantum in foro fori, sed etiam in conscientia: similiter & leges diuinæ positiue per se & immediatè obligant: v. g. lex constendi, lex seruandi sigillum confessionis, cuiusmodi

obligatio potius est supernaturalis, quam naturalis; ergo &c. In contrarium tamen est, quod etiam obligatio quæ in humanâ lege reperitur, videatur reuera effectus legis naturæ: nam illa obligat, quia lex naturæ præscribit illi esse obtemperandum, vt dictum est. Et confirmatur, quia si aliquid obstat potissimum eisset, quia interuenit voluntas superioris; hoc autem non videtur obstat, quominus eius obligatio adscribatur legi naturæ; quia etiam in obligatione voti interuenit voluntas vouentis, & tamen voti obligatio est effectus legis naturalis: sicuti autem naturæ lex præcipit reddere quod promissum est, ita etiam præcipit facere quod Superioris voluntate iniunctum est. Nec tantum obligatio legis humanæ, sed etiam diuinæ & supernaturalis videtur esse effectus legis naturæ: sic enim censent Theologi, non assentiri rebus fidei sufficienter propõitis esse contra lumen naturæ, quod eo casu ostendit euidenter res illas esse credibiles, atque adeo credendas secundum rectam rationem. Vnde etiam plures dicunt neminem peccando auerti à fine supernaturali, quin auertatur etiam à naturali: quod non aliâ ratione verum esse potest, nisi quia qui violat præcepta supernaturalia, etiam semper violat legem naturalem; ergo obligatio seruandi ista præcepta etiam pendet à lege naturali.

13 Respondetur, posse hic esse sermonem, vel de effectû immediato & per se, vel de effectû remoto, siue per se, siue per accidens.

Dico igitur Primo: Non omnem obligationem etiam in conscientia esse effectum proximum & per se legis naturalis. Probant hoc rationes priori loco posite; neque enim vllus dicet obligationem ieiunandi certo die ab Ecclesiâ indicto oriri proximè & per se ex naturæ lege; similiter neque obligationem ad credendum rebus supernaturalibus, & ad actus supernaturales exercendos. Vnde in tertio præcepto decalogi, prout in lege scriptum traditum est, distinguunt D. D. ista duo, scilicet cultum Dei, & circumstantiam diei Sabathi: & obligationem ad prius dicunt esse effectum legis naturæ, & quidem si agatur de cultu naturali, esse legis naturæ; vt hæc est connaturalis naturæ secundum se sumptæ: si autem de cultu supernaturali, tunc esse legis naturæ generaliter, quatenus comprehendit præcepta connaturalia gratiæ: sed obligationem ad posterius non esse legis naturæ; quia circumstantia illius diei non cadit sub obligationem, nisi quatenus lex positiua interuenit. Et ratio à priori est, quia lex naturalis non est per se

F f iiii primo

primo regula proxima omnium humanarum actionum.

13 Verum pro pleniori intelligentia notandum est, legem humanam aliquando habere effectum obligandi tantum ad aliquid agendum, vel non agendum, & tunc obligationem illam esse proprie & immediate ab humana lege, sicuti quando mandat, quod oporteat vigilias agere, aut ieiunare: aliquando verò habere alios quosdā effectus circa res ipsas, in quibus actus virtutum versantur, & tunc frequenter fieri, quod licet aliqua mutatio moralis fiat in rebus per legem humanam vel etiā per voluntatem priuatam. nihilominus tamen obligatio sic vel sic postmodum operandi, nascatur immediate non ex lege humana, aut ex priuata voluntate, sed ex lege naturali: v. g. lex humana hoc præstat, quod iure præscriptionis quis acquirat dominium alicuius rei, vnde fit quod alius non possit rem illam ab eo auferre: ista autē obligatio, quā prohibetur auferre, proximè oritur non ex aliquo iure humano, sed ex lege naturæ, quæ prohibet auferre rem alienam. Sic voluntate vouentis promittitur alteri aliquid, obligatio autem reddendi quod promissum est, nascitur immediate ex naturali lege: vnde non omnino eadem ratio est de obligatione voti supra in argumentis adductā, & de quacumque obligatione humanæ legis: quia aliter in voto & similibus interuenit humana voluntas, aliter in legibus illis, quæ proximè rem aliquam faciendam vel omittendam præcipiunt, vt ex dictis iam constat.

14 Dico tamen Secundò, nullam esse obligationem in conscientia, quæ non possit aliquo modo dici effectus legis naturalis, saltem remotè, siue per se siue per accidens. Ita docet Suarez lib. 2. de Legibus cap. 9. idque ostendunt argumenta posteriori loco posita. Obseruanda tamen est differentia inter obligationem legis merè humanæ, & obligationem legis supernaturalis positivæ, quod videlicet respectu prioris possit lex naturalis dici causa per se, quamvis remota, tum quod ex principiis legis naturæ ratio humana non tantum deducat practicas conclusiones obseruatu necessarias, vt suo fini homo inhæreat; sed etiam eliciat inde conclusiones viles & oportunas, quamvis non simpliciter & per se necessarias ad consecutionem, quas postmodum hi qui communis curam habent, iniungunt pro communi vtilitate obseruandas: tum etiam quod ex ipsdē principiis naturaliter colligat eiusmodi conclusiones sic demandatas & cognitatas viles esse, tunc à communitate obseruandas: sed præcepta super-

naturalia nō potest humana ratio ex principiis legis naturæ per se adinuenire, neque eorum vtilitatem ad finem cognoscere: non enim potest cognitio naturalis esse causa per se cognitionis supernaturalis, cum sit inferioris ordinis. Vnde neque principia legis naturæ possunt concurrere tantquam causa per se ad eorundem obligationem inducendam: potest tamen cognitio naturalis esse quædam conditio necessaria, vt obiectum sufficienter applicetur ad supernaturalem cognitionem capessendam, vt ex Tract. de fide patet, & ideo potest hoc modo etiam dictamen naturale supponi ac necessarium esse, vt præceptum supernaturale obligare possit, non vt causa per se, sed vt per accidens.

#### ARTICVLVS IV.

*Utrū lex natura sit vna apud omnes?*

Conclusio Prior: Lex naturæ quoad 15  
prima generalia principia rationis practicæ est vna & eadem apud omnes, tam quoad rectitudinem, quā quoad notitiam. Est D. Tho. hic. Semper enim & vbique homines agnoscunt & iudicant bonum esse prosequendum, malum fugiendum, conuenienter secundum naturam hominis esse viuendū. Vnde & Arist. 5. Ethic. cap. 7. docuit, hanc legem vnā esse in omnibus. Ratio à priori est, quia eiusmodi principia ingerit, ac remoustrat per se ac euidenter naturale lumen intellectus, quod est veluti proprietates consequens, non rationem propriam alicuius indiuidui aut alicuius gentis vel nationis; sed consequens specificam naturam hominis, quæ est eadem in omnibus. Et quidem ita clarissimum est, legem naturæ esse eandem apud omnes, si accipiat non pro aliquo actuali iudicio rationis practicæ, sed pro illo principio, in quo veluti in habitu continetur illud iudicium, scilicet pro intellectuali lumine, pro quo ante diximus legem naturæ aliquando nec inconuenienter accipi.

Conclusio Posterior: Quoad propria 16  
quædam & particularia præcepta, quæ ex primis illis deducuntur, non est lex naturæ omnino eadem semper & apud omnes, neque quoad notitiam, neque etiam quoad rectitudinem, inquit D. Thomas. Quod posterius declarat exemplo: quia reddendum esse depositum, est præceptum legis naturæ, & tamen aliquando incidit casus, quo non esset rectum, siue rationi consonum, reddere depositum: v. g. inquit, si quis



quis repetat ut patriam impugnet. An autem idcirco lex naturalis debeat dici mutabilis aut mutari, siue non esse eadem quoad rectitudinem, articulo sequenti commodius explicabitur. Prius, scilicet non esse eandem apud omnes semper quoad notitiam, patet; quia rectum iudicium in rebus agendis circa particulares & specificas actiones sæpius impediatur in multis siue passionibus, siue malâ consuetudine deprauante aut obscurante rationem, sic ut bonum & honestum non videant, aut videre nolint: unde factum est, quod diuersæ nationes & gentes habuerint aliquando varias leges ipsi præceptis naturæ contrarias, ut narrat D. Hier. lib. 2. contra Iovinianum, & Theodor. lib. 9. Græcanicarum curationum. Sic apud Germanos olim latrocinium non reputabatur iniquum, ut hic in Corpore refert D. Thomas ex Iulio Cæsare.

## ARTICVLVS V.

*Virū lex natura mutari possit?*

17 **D**istinguit D. Thomas duplicem modum, quo potest intelligi fieri circa legem mutatio: nam potest intelligi fieri per quamdam additionem, & potest intelligi fieri per modum subtractionis siue defectionis. Quod ad priorem modum attinet, certum est nihil omnino prohibere sic legem naturalem mutari, quia multa superaddita sunt supra legem naturæ ad hominum vitæritatem & convenientem directionem, tam per legem diuinam positam, quam etiam per leges humanas: unde de hoc mutationis genere, quæstio non est, cum neque propriè sit mutatio legis, utpote quæ in suâ integritate perseuerat, non obstant eiusmodi additione: neque enim illæ additiones sic fiunt, ut addita sint de corpore legis naturalis.

18 **D**ifficultas itaq; tota est de mutatione quæ fit per ablationem aut defectionem legis, siue obligationis eius. Vbi imprimis notandum, mutationem eiusmodi in rebus dupliciter solere contingere: aliquando ab intrinseco, aliquando autem ab extrinseco, & utrumque modum posse ad legem saltem in communi applicari: nam interdum lex per seipsam quasi ab intrinseco mutatur, & deficit: v. g. quando ex vili & rationabili fieret noxia & contra rationem: vel quia pro certo tempore tantum posita est, quo expirante, lex per se extinguitur. Aliquando autem potest induci talis mutatio, quasi ab extrinseco agente: puta si à legislatore pro parte vel

in totum (rebus alioquin eodem modo sese habentibus) tollatur: & quidem utrumque mutationis genus locum habere posse in multis posituius legibus, dubium non est. Sed an in lege naturali, disputatur, tam quoad mutationem ab intrinseco, quam ab extrinseco, ut an per diuinam dispensationem circa aliquos possit lex naturæ mutari & quasi desinere pro parte, respectu scilicet eorum cum quibus vel in quibus dispensatur. His premissis

19 **R**espondeo, & dico Primo: De lege naturali propriè & strictè loquendo, videtur conuenientiùs dici & veriùs, quod ipsa non possit per seipsam ab intrinseco mutari, sic ut deficiat aut desinat neque in vniuersali siue in totum, neque in particulari siue pro parte & respectu aliquorum, agendo de illis scilicet qui ratione utuntur, & legis capaces sunt, quod semper hic præsupponi debet. Probatur Primo: quia lex naturæ dicitur in Scripturis fœdus sempiternum: Isaïæ 24. ergo mutari non potest: Secundo: quia lex naturæ est veluti imago quædam æternæ legis in diuinâ mente existentis, atqui hæc est immutabilis; ergo & lex naturæ. Probatur Tertiò: quia lex naturalis tantum continet prima & necessaria principia morum per se nota, ac conclusiones, quæ ex illis necessariâ collectione sequuntur, siue poxi-mè, siue mediâitibus pluribus illationibus, atqui illa principia mutari non possunt, sicuti nec ipsum lumen rationis mutari potest; & per consequens, neque mutari possunt conclusiones ex illis principiis per necessariam illationem deductæ; quia quod sequitur ex principiis necessariis & immutabilibus tanquam suis causis, hoc ipsum quoque necessarium & immutabile est; ergo naturæ lex non potest per seipsam mutari, ut desinat, siue in totum, siue pro parte.

20 **P**robatur Quartò: quia præcepta legis naturæ negatiua prohibent res per se & intrinsece malas; & affirmatiua præcipiunt res intrinsece & ex propria ratione honestas conuenientes naturæ humanæ, ut talis est; ergo &c. Neque propterea debent præcepta affirmatiua cæteri admittere mutationem, quia pro nunc & hac occasione obligant, & pro tunc & illa occasione non obligant; quia talis est istorum præceptorum natura, & ita à ratione dicantur & feruntur, ut pro talibus tantum temporibus & occasionibus & non pro alijs omnibus sint necessariò exercenda. Unde absque aliquâ præcepti mutatione fit, quod pro hoc tempore debeat exerceri opus, & non pro alio tempore.

Sed contra Obijciatur: quod Aristoteles 21  
5. Ethic.

3. Ethicor. cap. 7. doceat, Iustum naturale non omne mutabile esse; aliquando verò posse mutationi esse obnoxium; & quod similiter D. Thom. hic doceat legem naturæ quoad propria siue particularia præcepta in pluribus quidem non mutari; in paucioribus tamen aliquando mutationem fieri: quod declarat exemplo articulo præcedenti allegato, quia lex naturalis præcipit reddendum esse depositum domino petenti, quæ tamen perdit obligationem in casu, quo depositum repetitur ad inferendum damnum Reipublicæ. Et idem potest esse iudicium de naturali præcepto seruandi secretum, quod negatiuum est; & tamen non obligat, si ad conseruationem Reipublicæ fuerit necessarium reuelare; ergo &c. Pro huius obiectionis & materiæ totius elucidatione, suppono primò tanquàm euidens & extra omnem controuersiam, quod prima & vniuersalissima principia legis naturæ in quibus fundantur reliqua eius præcepta, sint perpetuæ veritatis & omnino immutabilia; neque in illo casu deficient: v. g. quod homini secundum dictamen rationis sit viuendum, quod vitia sint fugienda, quod virtutes tempore & loco debitæ sint amplectendæ. Suppono secundò, conclusiones siue particularia præcepta, quæ sunt legis naturæ, ex dictis principiis elici ac colligi mediante subsumptione alicuius materiæ sub illis: v. g. hoc aut simili modo: quidquid inhonestum est & à ratione alienum, non est faciendum: atqui mentiri; atqui occidere sunt inhonestæ; ergo mentiri aut occidere non est faciendum: similiter omne quod honestum est & secundum rationem, id tempore & loco faciendum est; atqui Deum colere, depositum reddere, honesta sunt: &c. Suppono tertio, quod posita veritate subsumpti, impossibile sit iuxta sensum & latitudinem eiusdem subsumpti non esse quocunque veram conclusionem & secundarium præceptum, quod ex illis præmissis infertur.

22 Sed Notandum Primo, quo ad ipsas subsumptiones, quæ sunt siue explicitè siue implicitè, eas fieri diuersimodè: nam aliquando subiectum subsumpti exprimitur termino vel terminis tam strictis ac limitatis, vt impossibile sit à re vt sic significatà & expressa abesse siue turpitudinem siue honestatē, quæ in subsumptione attribuitur subiecto; aliquando autem exprimitur termino laxiori, sic quidem quod rei quatenus illo significatur, ordinariè & vt plurimum competat siue virtutis honestas siue vitij turpitudine, quæ illi attribuitur; sed tamen non ita strictè & præcisè significatur, quin stante illius termini eadem

significatione possit circa rem subiectam contingere aliqua mutatio, vnde fiat quod vel honestas rei depereat, aut turpitudine abitergatur.

Declaratur res per exempla allegata: 23  
v. g. quando expressè vel implicitè subsumitur sub vno ex dictis primis principiis: atqui mentiri est vitiosum & turpe, ibi subiectum subsumpti tam strictè exprimitur vt circa rem tali modo significatam non possit fieri mutatio, quæ detergat turpitudinem ab illà re; sed quando dicitur, atqui occidere est vitiosum & turpe; ibi subiectum exprimitur vocabulo, quod significet rem non tam limitatè, quin ipsa vt sic expressa admittat mutationem aliquam moralem, quæ detergat turpitudinem ab occisione, si v. g. fiat legitima autoritate superioris, vel ad necessariam defensionem sui: secus autem esset, si ita exprimeretur, atqui occidere indebito modo est vitiosum. Sic etiam quando dicitur, atqui depositum reddere est honestum & rationi consonum, ibi subiectum non tam limitatè significatur, quin attendendo generaliter vocabuli significationem, ab illo possit auferri honestas per aliquas mutationes circumstantiarum occurrentium, vt si redditio cederet in patriæ exitium, vel in ipsius reddentis interitum; tunc enim reddere depositum cum istis circumstantiis non est rationi consonum: neque ratio aut lex naturalis dicit aut vnquam dicit aut esse in illis occurrentijs reddendum, sed dicit esse reddendum circumspicte & seruata prudentia.

Hinc Notandum Secundò, licet conclusiones, quæ habentur pro legibus naturalibus, exprimentur sæpius sic terminis quibusdam generalibus aut indefinitis, tamen eas propriè & strictè de lege naturali loquendo, non obtinere rationem legis naturæ secundum totam & indefinitam latitudinem terminorum, sed quatenus ita limitatè intelliguntur, vt à re significatà siue subiecto non possit respectiue turpitudine tolli vel honestas abesse: v. g. etiam si indefinite lex sic exprimitur, Non occides, non tamen existimandum est quod de lege naturæ sit, nullo modo aut casu occidere hominem; sed non occidere indebitis modis, prout D. Thom. infra qu. 100. artic. 8. explicat. Nec tamen idcirco reprehensibilis est aut reiiciendus modus ille loquendi, quo leges sic exprimiuntur, tum quod difficile esset semper tam præcisè verbis explicare res, vel actiones, prout dicantur à iure naturali tanquam necessariæ, vt vitentur, aut fiant: tum quod sic exprimentur, vt etiam iuxta expressionem illam habeant locum ordinariè & in pluri-

pluribus, quodque prudentes facile intelligent ea non comprehendere lege reuera, in quibus videtur deficere, quodque illud non fiat per mutationem iuris aut legis, utpote quæ ab initio nunquam vetuit aut præcepit tale quid in eo statu in quo lex apparet cessare. His suppositis

25 Ad obiectionem Respondetur, subortam esse inter D. D. diuersitatem quidam in modo loquendi circa hanc rem ex diuersitate illâ exprimendi subiectum siue materiam, cui secundum dictamen rationis naturalis conuenit honestas, aut inest turpitudine: quidam enim considerantes conclusiones illas secundum totam latitudinem subiecti prout exprimitur, in quâ potest accidere aliqua moralis mutatio eius, sic ut vel turpitudine abstergeretur, aut honestas deperiret; & apprehendentes quasi lex naturæ sic generaliter aut indefinitè mandaret tale quid faciendum, aut vitandum, dicunt eiusmodi conclusiones, siue particularia præcepta non esse perpetuæ veritatis; sed tantum ut plurimum, atque ita admittunt hi quandam mutationem in quibusdam legibus naturalibus, ubi videlicet materia sic generaliore termino exprimitur. Alij verò considerantes eiusmodi conclusiones non secundum latitudinem totam terminorum prout grammaticè aut logicè sonant habere vim legis naturalis; sed secundum sensum proprium & moralem, quo dicantur à naturali ratione, iuxta quem non potest cadere mutatio talis circa obiectum, ut turpitudine vel honestas tollatur, negat simpliciter posse cadere aliquam mutationem in legibus naturæ, adeoque illas omnes esse absolutæ perpetuitatis propriè loquendo.

26 Dicimus itaque Aristotelem loco cit. & D. Thomam hic fuisse loquutos iuxta priorem considerationem; qui tamen loquendi modus apparet minus proprius, quia eiusmodi conclusiones tam lato sensu acceptæ ut aliquando exceptionem admittant, non expriment præcisè & adæquatè legem prout intus in mente à naturali ratione dictatur (nunquam enim ratio naturalis dictat tam vniuersaliter reddendum esse depositum, ut etiam tunc quando cederet in patriæ perniciem) atque ita mutatio, quæ accidit non fit reuera in lege naturæ, nisi apparenti quodam modo; quia videlicet circa obiectum aliqua fit mutatio, ratione cuius non cadit modò sub legem, quod tamen absque mutatione illâ facta erat materia legis; quod accidere potest in mente ipsa lege, prout à naturâ dictatur in sua firmitate & robore in omnibus & per omnia. Nos verò dicimus proinde cum alijs, quod propriè &

stri&è loquendo de lege naturali, non admittat ipsa mutationem; quia quando subiectum itri&è & limitatè accipitur, prout ratio naturalis per se dictat competere illi turpitudinem vel honestatem, ita (inquam) accepto conueniunt illi respectiue ista quasi ab intrinseco & necessariò, ac per consequens semper & ubique: vnde neque lex, quæ illud mandat aut vetat, potest vnquam deficere, vel eius occasione mutari: sicuti non mutatur is, qui aliquid promissit, neque Lex fidelitatis seruandæ in eo deficit, si non præster quod promissit, quando tanta & talis facta est mutatio ut res cum eo statu mutationis non ceciderit sub ipsam promissionis iuxta moralem & prudentum intelligentiam; secus autem si rebus non mutatis ipse promissum non exequeretur.

27 Dico Secundò: Non potest quoque mutari lex naturæ quoad sua præcepta propriè loquendo ab extrinseco per auctoritatem humanam, siue per dispensationem, siue per quamcumque aliam dispositionem. Ita Suarez lib. 2. de Legibus cap. 14. num. 5. ubi dicit, hanc esse communem Theolog. sententiam, quos complures citat; & Probatur ex dictis circa præcedentem conclusionem: quia ostensum est præcepta legis naturalis secundum quod à ratione dictantur, esse immutabilia natura suâ, idque habere ex ipsis rebus quâs præcipiunt vel prohibent; atqui non potest humana potestas mutare quod ex natura est immutabile. Confirmatur primo, quia ius naturale quoad omnia præcepta sua pertinet quodammodo ad naturales proprietates hominis, ut homo est, sed non potest quis mutare proprietates rerum. Deinde non potest homo mutare legem æternam, atqui non potest lex naturæ mutari, nisi etiam mutetur lex æterna, quia est quædam vera expressio eternæ legis; ergo &c.

28 Sed contra hanc conclusionem allegari possunt multi casus & exempla, in quibus videtur, quod humana potestas & dispositio mutant legem & ius naturæ: hoc enim in primis videtur factum, quando humanâ potestate est introducta rerum diuisio, cum iure naturali antea omnia essent communia; item quando humanâ auctoritate homines efficiuntur serui, qui iure nature omnes sunt liberi; rursum iure nature prohibetur tollere alienum, quod tamen leges ciuiles videntur mutare per vfurpationem, seu prescriptionem. Secundo id clarius & magis ad propositum ubi de legibus agitur præceptiuis aut prohibitiuis videtur fieri, quando dispensatur in votis & iuramentis, item in matrimonio rati non consummato, quæ

to, quæ omnia iure naturali obligant hominem ut seruet, iisque satisfaciatur. Opponitur præterea & ratio, quia dispensandi potestas ac dispensatio in aliquibus iuribus naturæ, est sæpius necessaria pro bono animarum, quod adducta suprà exempla satis ostendunt: in multorum enim frequenter cederet dispendium salutis, vel in graue incommodum Reipublicæ, si in promissis, in votis, ac iuramentis non possit aliquando fieri dispensatio; ergo non est dicendum, quod Deus reliquerit homines absque tali remedio, quo possint aliquando ius naturæ in aliquibus mutare: pertinet enim ad eius prouidentiam concedere hominibus potestatem moraliter necessariam ad convenientem gubernationem Reipublicæ, eiusdemque directionem in suum finem.

29 Pro horum explicatione Notandum Primum, multis modis posse aliquid dici esse de iure naturali: vno inprimis modo & maxime proprio dicitur illud esse de iure naturæ, quod lex aliqua naturalis præcipit fieri. id enim propriissimè censetur esse legis aut Iuris naturalis. Ad hoc autem necessarium est, quod ratio naturalis per se spectata dicat esse necessarium ad morum honestatem, ut illud fiat siue interim illud dicat absque discursu, siue ex discursu vno vel pluribus; parum enim id refert, dummodo illationes omnes sint necessariæ, sic ut subiectum habeat necessariam connexionem cum honestate. Alio autem modo dicitur aliquid esse de iure naturali, non quod lex aliqua naturæ præcipiat ita esse aut fieri debere: sed quia natura concedat hoc promissuè omnibus, sic tamè, ut nec ipsa nec ratio naturalis per legem prohibeat illud abdicari, vel auferri convenientibus modis; & huiusmodi quamuis dicantur naturali iure competere hominibus, non tamen dicuntur propriè esse de lege naturæ, quia lex propriè versatur circa materias, quæ prohibentur aut mandantur.

30 Ex quibus licet colligere, quod isti duo modi essendi de iure naturali, dicantur omnino æquiuocè: nam priori modo dicitur illud de iure naturæ, quod lege naturæ præcipitur; posteriori autem modo illud, quod est dominium aliquod aut quasi dominium hominibus à natura attributum. Et hinc prius ab aliquibus dicitur iuris naturæ præceptiuum, & alterum iuris naturæ dominatiuum; quia ius est aut dominium quod natura dat. Quidam aliter ista distinguunt, sic ut quæ priori modo sunt de iure naturæ, dicant positiuè esse de iure naturæ; quæ autè posteriori modo sunt, dicant esse de iure naturæ tantum nega-

tiuè aut permissiuè; quia scilicet natura siue naturalis ratio positiuè ista mandat, hæc verò non mandat positiuè, sed quasi permittat vnicuique ista quantum est ex parte suâ absque prohibitione, nec aliter res se habeant.

31 Sed quauis illa vera sint, non tamen omnino sufficiens videtur illa distinctio, quia in his, quæ posteriori modo dicuntur esse de iure naturali, oportet aliquid amplius agnoscere, quàm quod natura se habeat ad ista negatiuè aut permissiuè: nam etiam se habet permissiuè ad ipsorum opposita, quia non tantum admittit hominum libertatem, sed etiam admittit seruitutem, nec tantum admisit communem bonorum possessionem, sed etiam eorundem diuisionem; nullus tamen dixerit idcirco seruitutem aut bonorum diuisionem esse de iure naturali: oportet ergo aliquid amplius dicere & agnoscere, quod scilicet natura etiam aliquo modo positiuè se habeat circa illa, quæ dicuntur iure naturali homini competere, quatenus scilicet non solum permittit sed ipsa tribuat etiam positiuè omnibus ius siue dominium in res eiusmodi, quæ dicuntur esse de iure naturali, non tamen semper inducendo simul obligationem, quâ quisque perpetuè debeat hoc ius conseruare: nam & ius positiuum multa multis attribuit, quæ tamen sine læsione aut mutatione illius iuris abdicari vel alienari possunt. Tertio modo potest aliquid dici de iure naturali, quia aliquid habet fundamentum in naturali hominis conditione, licet non simpliciter lege naturæ præcipiatur: sic iura ciuilia dicunt naturali iure solum succedere patri ab intestato, quamuis enim naturæ lex hoc non absolute præscribat per mandatum, tamen inclinatur in hoc & quasi naturaliter ad conditionem hominis id sequitur, nisi aliunde ponatur aliquod impedimentum: simili ratione stare testimonio duorum aut trium testium, & quædam talia solent aliquando dici esse de iure naturali.

32 Notandum Secundò, inter ipsas naturæ leges præceptiuas esse nonnullas, quæ versantur circa pacta, conuentiones & obligationes, quæ per humanas voluntates fiunt & introducuntur, ut sunt leges illæ, quæ mandant satisfacere votis, seruare iuramentum, stare promissis: alias verò esse leges naturæ, quæ obligant immediatè in suis materijs independentè ab omni præuia humane voluntatis operatione, ut sunt præcepta religionis erga Deum, pietatis erga parentes, item de non occidendo, de non adulterando, &c. His præmissis

33 Ad obiecta Respondetur, ac imprimis ad id quod primo loco allegatur, iure naturali

turali bona esse communia, & homines omnes esse liberos, admittitur id verum esse iuxta secundum modum quo diximus aliqua dici esse de iure naturali. Verum modus ille non importat legem seu præceptum naturæ, quo mandetur bona in cōmuni esse seruanda; aut libertatem ab omnibus esse retinendam, sed solum, quod natura quantum ex parte sua est, tribuerit omnibus communem honorum possessionem, & unicuique suam libertatem: quare licet circa hoc ius seu dominium, quod vniuersisq; à natura habet, fiat mutatio aliqua per humanam dispositionem, non tamen fit mutatio idcirco circa legem naturæ quoad præcepta naturalia, quod tantum alterius in conclusione fieri non posse per humanam potestatem.

34 Sed queret aliquis, Quare possit illud naturæ ius dominatium, vt vocant, licet positum à natura concessum sit, immutari, & per homines aliquando licitè & validè auferri, non autè sic possit mutari ius præceptum? Respondetur, iam ratione sup. indicatam esse, quia tantum natura concedat, v.g. hominibus naturalem libertatem, vel communem bonorū vsum sepositis legibus posituius, non tamen natura aut ratio naturalis vetat, quod homo sese isto dominio aut possessione exuat: nam hoc ipso quo homo est plenus dominus suæ libertatis, potest eam à se alienare & se alteri in seruū tradere, similiter Respub. per altiore potestatem, quam scilicet habet ad regendam communitatem, potest iustā ex causā v. g. in pœnam, priuare etiam hominē libertatē suā, quod mirum videri non debet, cū possit quoq; eum sic priuare vitā, quā tamen homo altissimo iure naturæ possidet. Eodē modo, quamuis natura reliquerit res indiuisas, & singulis tribuerit ius vtendi communiter rebus, ita vt eo statu permanente nullus possit ab vso cōmuni prohiberi sine iniuriā, non tamen natura mandat, nec ratio naturalis dicit, quod status ille nunquā esset mutandus: sed hoc relinquit ijs, qui curā communitatis habent, vt ipsi secundum temporum rationem, & secundū hominum exigentiam & conditionem, disponāt de hoc pro maiori subditorum bono & commodo, quare non est cōtra aliquod præceptum naturæ, quod facta sit bonorū diuisio, sed magis secundū naturalis rationis dictamē, potissimum post hominis lapsum, quando ad inermiam, contentiones ac rixas facti sunt omnes procliuiiores, & ad mutua officia præstanda minus prompti, adeo vt in hoc statu absq; bonorū diuisione vix valeret humanum genus subsistere, dū vnus pro altero laborare deberet.

35 Fundamentū verò generale dictæ dif-

ferentię inter Ius naturæ præceptum, & Ius dominatium est, quia prius continet regulas & præcepta bene operandi, quæ obtinent necessariam veritatem, & idcirco immutabilia sunt; fundantur enim in intrinsecā obiectorū rectitudine aut prauitate, vt sup. diximus, Ius autem dominatium est tantum aliquid quasi dominium; quod à natura est homini attributum, non tamen cum obligatione idem ius perpetuū conseruandi, sed quod partim Reipublicę, partim etiam priuatę dispositioni subia. esse permittit: neque enim omnes, qui aliq. ius tribuunt ius & dominium alicuius rei, imponunt simul necessitatē conseruandi; sed cōmittunt sæpius, vt de hoc ille possit pro maiori suo aut familię cōmodo disponere: & sic quoque natura in plurimis egit cum hominibus. Quod attinet ad præscriptionē Iure ciuili introductā, non mutat quoq; hæc legem naturę; neq; enim efficit licitū, quod quis tollat aut possideat alienum inuito domino, sed facit, vt illud quod vnus aliquando fuit, transeat in dominii & proprietatem alterius, ac tunc sic translātum, licitè tanquam propriū ab eo qui præscripsit retineatur: in quo nō mutatur lex naturę, quia illa non prohibet dominij rerū translationem, quę vt fieri potest priuatę potestati, ita & cōmuni hominū consensu.

36 Ad ea quę secundo loco opponuntur Respondetur, sicuti illa præcepta naturę, de quibus ibi sermo est, non cadunt in materias illas per se nude spectatas, sed mediante voluntatis humanę operatione & cōsēsu, ex quibus nascitur in homine aliquid debitum, ad quod soluendū siue præstāndum, naturæ lex postmodum obligat, ita quoque contingere posse, quod mediante humana voluntate & potestate, eiusmodi præcepta locū habere & obligare desinant, non propriè per dispensationē in lege naturę; sed per subtractionem materię, quatenus scilicet debitum quod ex humanę voluntatis operatione contractū erat, tollitur aut remittitur per humanam potestatem; vnde fit quod lex non amplius inueniat obiectum, ad quod soluendum obligare possit: mutari autem materiā eo modo, vt sit debita præstari, vel non debita præstari, non est contra præcepta naturæ: nam sicuti humana voluntate illi aduenit, quod debita sit, quę ex ipsā naturā debita non erat, ita quoque hoc auferri potest, absque eo quod aliquid contra naturam aut eius præceptum fiat.

37 Quare non excedit huiusmodi materię mutatio potestatem Superiorū, siue quatenus ab illis pendet voluntas subditi, siue quatenus tenent locum vicarij Dei; imo etiam priuatus potest interdum sic mutare

G g materiam,

matrimoniam, & auferre rationē debiti, ac consequenter efficere, quod lex desinat habere locum, v. g. remittendo alteri, quod ab eo sibi promissum erat. Ad hunc itaque modum accipienda est ista relaxatio legum naturalium, de quibus iam fuit Sermo, quæ reuera non est in rigore dispensatio in lege naturæ, sed vocatur dispensatio voti aut iuramenti, quia fit per remissionem quandam debiti ex potestate superioris, quod debitum non imposuerat natura, aut naturæ lex, sed humana voluntas: ipsa verò lex naturæ tunc solum quasi superuenit debito posito, & dicitur ac mandat illud esse soluendum.

38 Sed difficultas refert circa dissolutionē matrimonij rati non consummati; quia contracto sic matrimonio, lex naturæ non tantum præcipit, vt sibi mutuo coniuges debitum reddant, sed etiam præcipere videtur, quod vinculum illud debeat seruari indissolubile; ergo &c.

Respondetur cum Suarez loco sup. cit. n. 20. non sic naturæ legem hoc præcipere, vt absolute sit intrinsecè malum dissolui talem contractum; neque enim hoc sufficienter (inquit) ex principijs naturalibus ostenditur, ac proinde omnimodum indissolubilitatem non esse de iure naturæ, iuxta primum saltem modum essendi de iure naturæ sup. explicatum; sed hanc solam, vt dissolui non possit priuatā potestatem aut voluntatem contrahentium, quia hæc solubilitas admitti non posset sine aliquo præiudicio communitatis, siue ipsius naturæ in sua specie conferuandæ, quæ inde pateretur in commodum, si vinculum hoc in eius propagandā gratiam contractum, ad singulorum arbitrium, siue ad contrahentium voluntatē posset dissolui: sed non ita militat contra boni communis rationem, quod admittatur dissolui posse auctoritate publicā; quia si vnā ex parte patiatur natura aliquid, oportet supponere, quod hoc ex alterā parte compensetur; & redundet in maius reipubl. bonum: quia qui communitati præstunt, debent omnes actus ex potestate publicā procedentes ad commune reipublicæ bonum ordinare; nō sic particulares, qui in ordine ad proprium & priuatum bonum solent actiones suas instituere & ordinare. Vnde patet ratio, quare lex naturæ æstimetur merito prohibere dissolutionem omnem matrimonij ex priuatā auctoritate, non sic autem ex potestate publicā. Quænam autem potestas publica id possit, an ciuilis & naturalis, an verò tantum Ecclesiastica & quasi supernaturalis, præsertim iam in nouo testamento, quando contractus matrimonialis est in Sacramentum eleuatus, explicari solet

in materiā de matrimonio.

Ad argumentum deniq; ex ratione petitum Respondetur, occurrere quidem occasionēs aut necessitates dispensandi, siue relaxandi debitum in obligationibus, quæ pendent ex humano consensu aut pactis, & ideo consentaneum fuisse diuinæ prouidentię, vt ea relinqueretur potestas Ecclesiæ, quæ possit ab illis absoluerē, quod & factum esse agnoscimus, & colligitur ex doctrinā D. Thomæ 1. p. qu. 100. art. 8. in resp. ad 3. sed iam ostensum est, quomodo illa remissio debiti & sublatio obligationis, siue quoad iuramentum, siue quoad votum, non sit dispensatio in lege naturæ propriè loquendo, quāuis extrinsecā quādam denominatione solet subinde vocari mutatio aut dispensatio legis, cum tamen propriè sit tantū subtractio materiæ, quia debitum ortum ex propriā voluntate, siue votum aut iuramentum quasi habitualiter remanens (cui lex naturalis iubet satisfacere) tollitur siue remittitur; eo autem sublato, cessat per se legis mandatum.

Cæterū sicuti in casibus propositis ipsa 4 materia supponitur legi per humanam voluntatem, quæ mutabilis est, & sæpe non satis prudens, sic mirum videri non debet, quod etiam hæc materia potestate superiorum iterum possit subtrahi & à necessitate debiti liberari; sed quando lex naturæ obligat ex vi solius rationis in materia independente ab omni humanæ voluntatis operatione & consensu, non potest esse necessitas exemptionis ab illā obligatione: nam si lex sit prohibitiva, erit actus oppositus intrinsecè malus, si autem sit præceptiva siue affirmatiua, tunc ommissio illius similiter pro tempore & loco debitis erit quoque intrinsecè mala: non potest autem vlla occurrens occasio esse ratio sufficiens, vt in illis dispensetur, quæ per se mala sunt.

Dico Tertiò: Non tantum prima & vniuersalissima principia sunt præcepta naturæ, sed etiam præcepta Decalogi omnia sunt prorsus immutabilia, sic vt ne per potentiam Dei absolutam in eis dispensari possit. Est D. Thom. infr. qu. 100. art. 8. Caietan. ibidem. Dominici à Soto lib. 2. de Iure & Iust. qu. 3. art. 8. à Victoria Relectione de homicidio n. 13. Alberti Magni in Summa p. 2. tract. 20. qu. 80. 2.2. Richardi in 3. d. 37. a. 1. q. 5. Gregorij à Valentia hic q. 4. punct. 6. Azorij Tomo 1. lib. 6. cap. 1. q. 2. Vasquez disp. 179. cap. 2. & Suarez lib. 2. de Legibus cap. 15. & 16. & aliorum. Quoad primam partem nulla est inter D.D. controversia: omnes enim admittunt, in hæc præcepta, malum est fugiendum: secundum virtutem est viuendum, non cadere absolute vllam

vllam dispensationem respectu hominis liberè & moraliter operantis. Quod si Deus priuaret hominem morali & liberâ operatione, impediendo rationis & voluntatis liberum vsu, excusaretur tunc quidem aut solueretur homo ab omni lege naturali, verum non esset ibi dispensatio in lege naturæ, sed esset reddere subiectu incapax legis & obligationis.

42 Secunda autem pars est inprimis contra Ockam. in 2. quæst. 19. Petrum Alliacum in 1. dist. 14. Gerlon. tract. de Vita Spirituali, Lect. 1. Almainum tract. 3. Moral. cap. 15. & paucos alios, qui generaliter affirmant posse Deum dispensare absolute in omnibus præceptis Decalogi, nec solum posse dispensare, sed etiam abrogare totam illam legem, auferendo omnem obligationem eius, ita vt ipsum quocumque odium Dei, quantumvis voluntarium seu liberum, non esset passum nec peccatum. Sed hæc opinio passim à reliquis Theologis tanquam falsa & absurda rejicitur. Fundamentum horum paulo post explicabimus, & simul illud non subsistere declarabimus. Est autem conclusio præterea contra Scotum in 3. dist. 37. quæst. vnicâ, qui sentit duo prima præcepta primæ tabulæ, quatenus negatiua sunt, esse indispensabilia, tertium autem quatenus inuoluit circumstantiam sabathi & dispensabile & abrogabile esse (quod extra disputationem omnino verum est) quatenus autem continet affirmatiuum præceptum cultus diuini sub dubio relinquit, nû dispensabile sit? de præceptis verò secundæ tabulæ quæ sunt reliqua septem, sentit ea dispensabilia esse; eandem opinionem tenet Gabr. eodem loco, & videtur ad illam accedere Bonauent. in 1. dist. 47. quæst. 4. Est denique etiam contra Durand. in 1. dist. 45. quæst. 4. vbi distinguit inter affirmatiua & negatiua præcepta, ac inprimis vult omnia negatiua, tam primæ quam secundæ tabulæ esse indispensabilia: similiter & affirmatiua, quæ ordinant hominem ad Deum; sed affirmatiua quæ ordinant homines inter se, sicut est quantum de parentibus honorandis, vult esse dispensabilia. Contra prædictos autem omnes

43 Probatur conclusio ratione D. Thomæ, quam habet loco sup. cit. quæst. 100. artic. 8. & sic potest formari; quia quorumcumque præceptum materia includit inseparabiliter rationem debiti, vt secundum exigentiam naturæ humanæ debeat ab homine fieri, vel debeat nō fieri, in eiusmodi præcepta nulla potest omnino cadere dispensatio, nequidem per absolutam Dei auctoritatem. Confirmatur, quia

constituerentur simul repugnantiæ: supponitur enim quod materia includat inseparabiliter rationem debiti; si autem admittatur dispensatio, iam ponitur quod ratio debiti ab ea tollatur, ac proinde sequitur quod erit ratio debiti illi annexa & nō annexa: atqui omnia Decalogi præcepta sunt eiusmodi, quod materia illorum quatenus præcisè sub ista præcepta cadit, includat inseparabiliter eiusmodi rationem debiti; ergo repugnat in illis præceptis dispensari. Vnde D. Thom. dicit; Deum dispensare non posse, quia non potest agere contra iustitiam suam, quod faceret; si daret licentiam faciendi quod iniustitiæ rationem inuoluit.

44 Sed contra opponitur aliquis: quod argumentum illud videtur, aut petere principium, aut certè procedere æqualiter in omni prorsus præcepto, etiam merè positiuo & humano; quia vel sensus est, quod materia cuiuscumque præcepti Decalogi includat rationem debiti inseparabiliter, videlicet stante & manente præcepto eiusque obligatione, & eo sensu dicendum erit de materia cuiuslibet legis, quod inseparabiliter habeat rationem debiti, quia non potest ratio debiti tolli stante obligatione legis, atque ita sequeretur; quod in nullâ lege posset dispensari, quod est contra omnes, & manifestè falsum: aut sensus est quod mandatum cuiuscumque præcepti Decalogi sic includat rationem debiti, vt simpliciter nullo modo à materiâ præceptorum Decalogi, ea auferri possit, & tunc videtur peti principium, quia hoc queritur, an per dispensationem non possit tolli debitum?

Respondetur, duplex debitum hic esse distinguendum; aliud quod procedit à legibus tanquam earum effectus; aliud verò, quod nascitur ex intrinsecâ proportionē inter obiectum & actum comparatum ad rectam rationem, siue rationalem naturam: De priore ratione debiti loquendo, rectè procedit obiectio & bene declarat si non alia agnosceretur ratio debiti in materia, quam quæ ex ipsa lege tanquam effectus eius sequitur, quod argumentum pro conclusione formatum, inefficax foret: sed loquimur de posteriori ratione debiti; quæ non inuenitur in omni materiâ quarumcumque legum, prout in præceptis Decalogi: nam hæc, utpote legis naturæ prohibente ea quæ secundum se mala sunt, quatenus talia sunt, & ideo supponunt in ipsis obiectis seu actibus intrinsecum debitum, vt non appetantur nec exercentur à supposito naturæ rationalis; ac è contra præcipiunt bona, quatenus intrinsecam connectionē & necessitatem habent cum

G g ij creaturâ

creaturâ rationali, vt sine horum exercitio, deformiter contra exigentiam talis naturæ viuatur: hoc autem debitum inseparabile est ab illâ materia, quia ab intrinseco supponitur in rebus ante omnem extrinsecam voluntatem, quâ hoc mandetur aut prohibeatur. Vnde dicitur prohibita, quia eiusmodi res & actiones malæ sunt, non autem idcirco esse malæ, quia prohibita sunt: & idcirco stantibus iisdem rebus non potest debitum illud tolli, quia non pendet ab extrinsecâ voluntate.

45 Et hinc corrumpitur fundamentum primæ opinionis, quæ tota fundatur in eo, quod auctores eius existimant omniaque cadunt sub legem Decalogi & sub quodcumque naturale præceptum particulare, non esse mala, nisi quia prohibita sunt à Deo; & cum ipse liberè ea prohibeat (quandoquidem sit supremus dominus & gubernator) idcirco posse omnem eiusmodi præceptorum obligationem, siue pro parte, siue in totum tolli diuinâ autoritate: quod in primis est contra communē Theolog. sensum, qui passim omnes agnoscunt aliqua prohibita, quia mala & non tantum ex eo capite mala, quia prohibita sunt; quod etiam satis apertè docuit Aristoteles 2. Ethic. cap. 6. vbi ita scribit: sunt affectus nonnulli, qui continuò nomine suo cum prauitate sunt connexi, vt malevolentia, inuidentia, & actus identidem, vt adulterium, furtum, homicidium; hæc enim vniuersa & talia dicuntur, quia ipsa sunt praua. Idè significat Aug. lib. 1. de Libero arbitrio cap. 3. vbi Euodius respondet adulterium non esse malum, quia prohibitum; sed è conuerso prohibitum, quia malum, quod ibidem August. acceptat & approbat.

46 Et confirmatur, quia si v. g. mentiri, falsum testimonium dicere, Deum odisse non habeant aliquam ex se malitiam; ob quam ab homine debeant vitari, priorem istâ, quæ nascitur ex hoc quod à Superiori voluntate prohibeantur, poterunt igitur non prohiberi & sic licita esse, imo poterunt & præcipi: quia erunt ex se quasi de numero rerum aut actionum indifferentium: Indifferentia autem & licere & præcipi possunt cum respectu saltem ad honestum finem: quod et si alij videantur admittere, tamen per se est absurdissimum, & à quo abhorret omnis humanus sensus. Fundamentum autem à priori poterit assignari, quod sicuti naturæ rerum quoad esse essentia, sunt immutabiles, ita quoque immutabiliter se ad illam habeant connaturales proprietates, sic vt quamuis aliquando possint quædam proprietates tolli aut impediri, vel quædam quasi contra-

riæ qualitates superaddi, nunquam tamen fieri potest, quod propriæ qualitates non sint naturæ tali conuenientes, & aliz sint illi præternaturales aut disconuenientes. Hinc ergò fit, quod actiones morales, quæ secundum naturam creaturæ rationalis, vt talis, sunt debita, non possint respectu illius amittere rationem debiti, quamdiu ipsa natura cum facultate moraliter operandi subsistit. Ex dictis etiam refelli potest Scoti opinio, qui admisit in præceptis secundæ tabulæ posse dispensari, quia existimauit septem illa præcepta non esse conclusiones, quæ absolutè necessitate inferantur ex primis principiis moralibus per se notis, sed solum habere quandam conuenientiam magnam cum natura hominis, vt illi præcipiantur vel exhibeantur; ac proinde videtur cum primâ opinione conuenire in hoc, quod materia horum præceptorum non includat per se & inseparabiliter rationem debiti.

47 Vbi & hoc notandum, quod Scotus non ponat præcepta Decalogi, tanquam præcepta legis naturæ; idque, quia ex primis per se notis principiis moralibus non sequuntur ex necessitate, vt ipse vult, & proinde licet in his septem admittat dispensationem, non tamen vult fieri dispensationem in iure naturæ propriè loquendo. Sed contra ista in primis faciunt auctoritates citatæ, tum Aristotelis, tum D. Augustini, qui ambo docent in particulari de adulterio, quod illud ex se malum sit, & prohibitum, quia malum. Deinde si præcepta illa non sequantur ex primis principiis, ita vt ex vi solius rationis naturalis, absque accedente præcepto positiuo, fuerint homines obligati ad vitanda quæ ibi prohibentur, & facienda quæ mandantur, sequitur quod vsque ad Moysen, furari, falsum testimonium dicere, Mæchari, non fuerint hominibus prohibita vel illicita; imo neque post Moysen apud alias nationes, quibus Decalogi lex positiuè data non fuit, cum tamen gentiles philosophi passim apprehenderint & iudicarint eiusmodi facienda non esse, quia hominem dedecet, quia contra virtutem & rationem sunt: licet barbaræ aliquot nationes aliquando approbarent furta, vel adulteria: sed in quo maxime ab omnibus redarguuntur, in quo tamen non ita culpabiles habendi fuerint, si ex vi rationis naturalis, eiusque dictamine non obigemur ista vitare, quandoquidem per rationem naturalem non potuerint investigare, quod illa per aliquam legem positiuam essent prohibita.

Satis etiam contrarium indicat Apostolus ad Rom. 2. quando de gentibus, quæ



ea quæ legis sunt faciebant, scribit, quod ostendunt opus legis scriptum in cordibus suis testimonium reddente ipsis conscientia ipsorum. Huc etiam facit illud Apostoli ad Rom. 13. *Nam, Non adulteraberis, Non occides, Non furaberis, Non falsum testimonium dices, Non concupisces: & si quod est aliud mandatum, in hoc verbo insinuat: diliges proximum tuum sicut te ipsum:* quibus sufficienter declarat illa præcepta esse necessariæ & ex naturâ rei connexa cum amore proximi, & ut sic ad Decalogum pertinere: per se autem notum videretur maximè ad naturæ legem pertinere proximi dilectionem.

50

Nec conuincit quod Scotus allegat; scilicet quod beatitudo hominis non pendeat ex aliquo actu circa creaturas, eò quo. I. solo amore sui Deus possit hominem beatificare; vnde infert, quod nullus actus humane voluntatis circa creaturam, sit medium necessarium secundum potentiam Dei absolutam ad beatitudinem hominis, neque similis aliquis actus possit esse impedimentum necessarium beatitudinem excludens; neque enim ex istis sequitur, non dari actus circa creaturas ex propria ratione & ab intrinseco id habentes, quod Deo displiceant, cumque offendant: & quamuis possit nolle punire, sed remittere, atque ita hominem beatificare, non tamen sequitur, quod illi actus propterea non sint mali, & contra rectam rationem; vnde non potest in illis propriè dispensare, nisi generali modo quatenusculpa remittendo potest illis non obstantibus, hominem ad beatitudinem perducere.

51

Denique ex dictis, etiam subuertitur fundamentum Durandi, qui idcirco vult posse dispensari in affirmatiuis præceptis circa proximum potius quàm in negatiuis, vel etiam affirmatiuis circa Deum, quia à materia præcepti affirmatiui circa proximum potest auferri ratio debiti, non sic in cæteris: quod declarat hac analogiâ, quia dependentia creaturæ à Deo est ab ipsâ inseparabilis, dependentia verò vnus hominis ab alio est separabilis respectu cuiuscumque; sic ergo cultu Dei est debitum omnino inseparabile, ab honore autem parentum potest separari. Sed ex neutra parte hoc aliquid conuincit: nim in primis longè est alia ratio de dependentiâ creaturæ à Deo in Esse, & ipsius cultus in ordine ad hominem; quia ita est veluti essentialis, quia sine eâ non potest creatura subsistere; sine actione autem morali potest homo esse, vnde non est eadem necessitas absolute loquendo, diuini cultus & dependentiæ hominis à Deo secundum suum Esse. Deinde nec sequitur, quod de-

bitum honorandi parentes sit idcirco separabile, quia etiam si Deus potuerit v. g. Petrum ponere in esse absque concursu eorum, qui eius sunt parentes, & sic tollere dependentiam eius à parentibus; hoc tamen non esset dispensare in præcepto de honorandis parentibus; quia licet eo casu nihil istis hominibus deberet, hoc fieret solum, quia parentes non essent: supposito autem quod habuit esse ab illis, iam intercedit dependentia ab illis, à quâ est inseparabile debitum eos honorandi, sicuti à dependentiâ creaturæ rationalis à Deo est inseparabile debitum colendi Deum.

52

Cæterum tamen, quia dubium non est, Deum aliquando efficere, quod actus aliqui materiales liceant, qui aliis, non interueniente Deo & eius potestate, licet fieri non possent, hinc ut intelligatur quomodo id fiat, & quare ibi non sit dispensatio, oportet distinguere in Deo diuersas rationes & titulos: Est enim supremus legislator, vnde habet quod possit noua & diuersa præcepta imponere, & in istis dispensare vel ea abrogare, sicuti abrogauit Cæremonialia antiquæ legis. Est etiam supremus Dominus, non tantum quoad bona temporalia, sed etiam quoad bona nostra corporalia, vsque ad vitam & mortem; quorum omnium potest mutare & transferre dominium; Item est supremus Iudex, qui potest punire & unicuique reddere, quod ei debetur. Dispensatio itaque propriè loquendo pertinet ad Deum sub primâ consideratione, quia ad eandem potestatem & officium pertinet legem tollere, siue simpliciter, siue in aliquâ parte & respectu aliquorum, ad quæ spectat legem ponere; quare ut Deus dispenseret, oportet quod vtendo autoritate legislatoris, & non vtendo simul potestate dominij (per quam res ipsas, siue rerum habitudines quoad dominium aut quasi dominium immutet) faciat licere, seu licitum esse, quod antea non licebat: nam si potestate suâ, quâ supremus Dominus est, ponat mutationem dominij rerum, inter homines, & sic efficiatur licitum, quod aliàs non licebat, hoc iam non erit dispensare in lege, sed subducere materiam legis sub eâ ratione, quâ prius prohibebatur, ut ex sup. dictis potest satis intelligi.

53

Quoties igitur Deus facit actum aliquem licitum, qui iure naturæ videbatur prohibitus, nunquam id facit ut purus legislator, sed vtendo aliâ potestate, & idcirco non dispensat propriè in præceptis legis naturæ. Possunt hæc in exemplis declarari, quæ ab alijs tanquam exceptiones, in quibus Deus dispensat, allegantur.

G g iij sic,

sic quando Deus præcepit Abraham, ut immolaret filium, id fecit tanquam dominus vitæ & mortis hominum; nam si Deus per seipsum voluisset illum occidere, non indigebat dispensatione, sed ex suo dominio in vitam hominis id poterat: unde eodem modo absque dispensatione in aliquâ lege, potuit id Abraham committere & demandare: nam præceptum *Non occides*. Sicut non prohibet legitimæ potestati, quod minus occidat malefactores, & sicuti non prohibet ei, qui habet supremum dominium in hominum vitam, quod minus possit illam auferre, ita quoque non prohibet alijs subleuare ipsam, quando legitimè committunt aut demandant, ut quis vitam alterius auferat; atque ita non est opus ibi aliquâ dispensatione. Simili modo non dispensauit Deus cum filijs Israël, quando Ægyptiorum suppellectilem abstulerunt, sed vel tanquam supremus dominus eis donauit, vel tanquam supremus Iudex reddidit eis mercedem duræ seruitutis, quâ Ægyptijs seruierunt tot annis, ut dicitur Sapientiæ cap. 10. atque ita hic nullum furtum fuit, super quo possit dici dispensatum fuisse.

54 Quo autem sensu accipiendū sit, quod Dominus dicitur mandasse Osee, ut assumeret uxorem fornicariam & faceret filios fornicationis, in 3. p. in tract. de Matrimonio explicuimus. Breuiter autem dicendum, quod mandatum ei fuerit, ut mulierem quæ fornicaria erat, acciperet in uxorem, ubi nihil contra lus naturæ inuenitur; & additur, ut *Faci filios fornicationum*, non quidem quasi congressus eius cum istâ muliere esset fornicarius (hoc enim esse non poterat, quia eam accipere debebat uxorem) sed ideo proles nascituræ dicuntur filij fornicationum, vel quia probri loco sic ab alijs erant compellendi propter præcedentes fornicationes matris: sicuti quis diceretur filius meretricis, cuius mater fuisset publica meretrix, etiamsi postmodum genuisset hunc ex legitimo matrimonio: vel quia illi ipsi filij postmodum etiam erant plurimum fornicaturi, ut exponit Ribera in Commentarijs eius loci, & congruit satis significationi, cuius rei gratiâ ista Propheta à Deo demandabatur: quare nec tunc fuit in præcepto *Non machaberis*, dispensatum. Eadem hæc doctrina potest explicari etiam ad præcepta affirmatiua, in quibus res est facilius, quia non obligant pro semper, sed pro tempore & loco opportunis, quæ inducunt necessitatem circa obiectum: potest autem Deus, vel obiectum mutare, v. g. cedendo iuri suo, aut hominum iura immutando, vel etiam potest necessitatem auferre, addendo

aliquas nouas circumstantias, quæ illam impediunt, sic tamen ut præceptum maneat integrum, & ex se semper obliget, sed pro debita oportunitate, quam per mutationem circumstantiarum ipse tollit, & sic efficit quod pro tunc non obliget, pro quo obligaret, si istæ nouæ circumstantiæ non essent superinductæ.

Quamuis verò etiam per homines possint aliquando fieri similes mutationes in materijs, tam quoad præcepta negatiua, quàm affirmatiua, ut ex supradictis constat, & docet D. Thom. loco cit. ad 3. non tamen potest in omnibus fieri mutatio per homines, in quibus potest per ipsum Deum v. g. circa præceptum *Non machaberis*, non possunt homines hoc præstare, quod quæ est vxor vnus, possit licitè congređi cum altero viro, quia non possunt homines mutare illud dominium, quod maritus eius in illam habet, neque in alterum transferre; sicuti Deus per absolutam potestatem dominij id potest. Quare similiter quando materia præcepti non ita subiacet Dei dominio & potestati, ut possit eam mutare & alterius facere rationis, sic ut desinat esse obiectum præcepti naturalis, tunc præceptum non solum eatenus est indispensabile, sed etiam actus prohibitus materialiter consideratus, nunquam potest fieri licitus. Quod potest ostendi in primo præcepto Decalogi, quatenus est negatiuum. v. g. *Non habebis Deos alienos coram me*; quia non potest Deus facere alios veros Deos, aut nouam diuinitatem, hinc nec per materiz mutationem potest facere licitum, quod habeatur alijs Dijs coram ipso.

Idem dicendum de secundo præcepto, quatenus includit prohibitionem mendacij, & simul ne quis faciat Deum mendacij autorem, & testem: neque enim ipse potest, seipsum negare, & falsitatis testis constituere. De tertio autem præcepto, cum sit affirmatiuum, non est dubium, posse Deum facere, ut sepius non obliget, quando alias secundum communem rerum ordinem & cursum obligaret, idque modis sup. explicatis: an verò possit homini facere licentiam ut per totum vitæ tempus, & quod plus difficultatis habet, quod per totam æternitatem non exhibeat cultum Deo, nec aliquem religiosum aut bonum motū circa illū exerceat, disputari potest: si consideremus absolutam & nudam Dei potentiam, non apparet in hoc repugnantia contradictionis; sed considerando diuinam potentiam ut coniunctam in finitè sapientiæ & bonitatis, atque adeo loquendo moraliter (inquit Suarez) credibilis est non posse Deum in hoc cedere iuri suo in omnem æternitatem, quia esset veluti prodiga-

prodigaliter quædam irrationabilis.

57 Sed contra dicta potest opponi D. Bernardus, qui in lib. de præceptis & dispensationibus cap. 3. dicit, ea quæ pertinent ad præcepta secundæ tabulæ mutari posse auctoritate Dei præceptantis; ergo &c.

Respondetur, loquitur D. Bernardus non de ipsis præceptis, sed de actionibus circa quas versantur, de quibus dicit, quod cum per se nunquam liceant, auctoritate Dei præceptantis posse licere, quod verum est in sensu sup. explicato, ubi non est tamen dispensatio in præceptis, sed tantum fit mutatio materiæ: nihilominus tamen, quia hæc mutatio quando fit ex peculiari & propria Dei potestate, est omnino extra communem rerum humanarum ordinem, ideo interdum ab authoribus dispensatio appellatur, & negatur à D. Bernardo posse ab hominibus fieri: qui alioquin per aliam materiæ mutationem quæ humanæ subiacet potestati, faciunt quoque actus (alioquin contra legem) non esse contra legem. Quare autem magis sit loquutus de præceptis secundæ tabulæ quam primæ, potest ex dictis reddi ratio, quia scilicet materiæ mutatio, quæ actus prohibiti materialiter considerati reddantur liciti, non sic locum habet in his, sicuti in illis.

61 Dico Quæritur propriè & in rigore loquendo: nunquam dicendum erit Deus dispensare in quocumque præcepto legis naturæ. Ita docet Suarez sup. c. 15. n. 26. estque contra Dominicum Soto, & alios nonnullos, qui existimant extra Decalogum in quibusdam præceptis legis naturæ posse divinam auctoritatem dispensari. Sed probatur conclusio: quia omne præceptum legis naturæ debet tale esse, ut ex primis principiis moralibus per necessariam consequentiam possit educi, nam alioquin non poterit ex vi solius rationis naturalis homo convinci obstrictus ad eiusmodi aliquid, siue faciendum, siue vitandum: unde consequens est quod ratio debet sit inseparabilis ab omni materia præcepti naturalis, ita quod ipsa manente immutata non possit ab ea tolli debitum respectu humanæ naturæ moraliter operantis, ita quidem ut nec Deus possit iudicare aut dicere aliter esse homini faciendum, quam secundum rationem talis præcepti.

59 Sed opponunt alij diversa exempla, ac imprimis ex D. Tho. de lege. quæ ad civitatis custodiam distribuit vigilias inter cives, in quâ vult cum aliquo posse dispensari; Verum hoc difficultatem non habet, cum illa distributio vigiliarum non fiat lege naturæ, sed lege humanâ, quæ supplet ac perficit legem naturæ pro temporum & circumstantiarum ratione; atque

ideo mirum non est quod in talem legem cadat dispensatio, non tantum auctoritatè divinâ sed etiam humanâ: præterea adducunt exempla de lege servandi votum, de lege reddendi depositum; sed iam sup. ostendimus leges illas cessare ab obligatione, non per aliquam legis immutationem, quasi ipsa mutetur per aliquam deflectionem, sed tantummodo cessare propter materiæ subtractionem, quæ fit cum materiæ mutatione.

\* Sed dicit aliquis: Est contra ius naturæ, quod vir vnus ducat plures uxores, tum quia est contra finem secundarium matrimonij, tum etiam quia quod quis semel dedit vni non potest rursus dare alteri, quod tamen fit dum maritus accipit alteram uxorem: & tamen Deus permisit & concessit aliquando eiusmodi Polygamiam; ergo dispensavit in præceptis legis naturæ. Respondetur, istam Polygamiam, quia aliquotiesque officit fini secundario matrimonij (quem tamen per se non tollit necessariò) rectè dici contra ius naturæ iuxta tertium modum essendi de iure naturæ supra explicatum: non autem necessariò iuxta primum, licet interim fatendum sit, ita fuisse ab initio matrimonium institutum à Deo, quod esset vnus cum vnâ solâ, quia id magis matrimonio convenit, & sic ex ea parte nõ fuisse dispensatum in præcepto legis naturæ, quâvis bene in primâ eius institutione, quatenus autem ista Polygamia videtur esse contra legem naturæ ratione eius, quod vir, qui iam corporis sui potestatem in vnâ transiit, prohibeatur lege naturali, iterum alteri dare, dicendum est; neque hinc ideo admittendam esse dispensationem, sed potuisse id fieri licitum per solam mutationem materiæ, puta quatenus Deus qui absolutum habet corporum nostrorum dominium, potuit ordinare, quod translatio corporis mariti in vnâ uxorem non esset tam plena & absoluta, quin reseruetur viro potestas etiam illud dandi & comunicandi alteri siue secundæ siue terciæ uxori; atque ita non est aliquid factum contra legem, quæ prohibet quod iam semel translatum est in dominium vnus, transferre in alterum, quia non prohibet dare alteri iuxta restrictionem & modificationem ac potestatem reseruatam in primâ datione.

Sed dictis affine dubium mouetur, vtrum circa legem naturalem habere possit locum epykia vel interpretatio, siue à Deo, siue ab homine facienda. Respondetur & Dico Primò: multa præcepta naturalia indigent magnâ declaratione & interpretatione ad proprium & ad æquatum sen-

G g iij sum

sum vniuscuiusque statuendum. Probat, quia non omnia naturalia præcepta sunt eque nota & eque facilia intellectu, vnde ut quod non semper ita præcisus notionibus concipiatur, neque tam adæquatis & præcisus verbis exprimantur, prout à ratione naturali dictantur quando dictamen illud proprius & exactius inspicitur & examinatur. Declaratur inductione aliqua, nam in præcepto v. g. *Non occides*, opus est interpretatione ad explicandum, quid nomine occisionis lex intelligat; non enim quolibet prohibetur, sed illa, quæ privata auctoritate & extra casum necessaræ defensionis sit: sic etiam in præcepto quod mandat reddere vota sua Deo, interpretamur illa reddenda esse iuxta sensum, quem habuit vouens in vouendo; ideoque non obligare in casibus sub eius mente & intentione non comprehensis: sic quoque datur declaratio super lege de reddendo deposito, & super alijs multis. Huiusmodi autem interpretatio seruit propriè hominibus, non Angelis & minùs Deo; quia hi clarè apprehendunt & intuentur adæquatum dictamen rationis, quale vnumquodque præceptum sit, & quomodo, & cum quibus conditionibus circa suam materiam versetur. Potest autem fieri eiusmodi declaratio, non tantum à Deo, sed etiam ab hominibus, qui sine affectu & passione diligentius inquisierunt, quid ratio naturalis præscribat & dicet, vel qui hoc ipsum ex alijs Dei legibus & doctrinâ clarius & perfectius didicerunt.

62 Dico Secundò, Non tamen videtur locum habere epykia propriè dicta in præceptis legis naturæ. Pro quo notandum Primò, quod licet epykia omnis sit quædam quasi interpretatio, non tamen è contrà, omnis interpretatio præcepti sit epykia, vt bene notat Caietanus 2. 2. qu. 120. art. 1. vbi dicit sæpius leges indigere interpretatione propter verborum obscuritatem, vel ambiguitatem, aut aliam similem causam; non tamen semper eiusmodi interpretationem esse epykiam, sed eam solam, quâ interpretamur legem deficere in aliquo particulari propter vniuersalem, id est, cum lex vniuersaliter lata sit, tamen interpretamur eam non obligare in aliquo particulari casu, quia rationabiliter & iuste in eo seruari non potest, & proinde, quod si legislator prævidisset vel attendisset ad illud particulare, nolisset legem suam ad hoc extendi; quamuis modo lex tam vniuersaliter sit lata, vt in rigore etiam comprehendat hoc particulare.

63 Potest hoc ipsum sumi ex Aristot. lib. 9. Ethic. cap. 10. nam hic eius sensus est, quando dixit epykiam esse emendationem

iusti legalis, quia ipsa quasi emendat vniuersalitatem legis, quando interpretatur eam non esse seruandam in illo casu, in quo esset error practicus illam seruare, quia contra iustitiam videlicet vel naturalem æquitatem ageretur: at verò possunt esse aliæ interpretationes legum, quæ non pertinent ad correctionem vniuersalitatis, sed tantum ad explicandum verum sensum in his, quæ habent obscuritatem vel ambiguitatem: v. g. dum fit interpretatio, vtrum hæc lex prohibeat vel irriter talem vel talem contractum, non erit ibi epykia, quia non fit per modum emendationis: nam potest esse interpretatio, quod lex non prohibeat aut irriter, quia legis verba bene intellecta non comprehendunt talem contractum, etiam si non foret (rem ipsam spectando) contra rationem vel æquitatem, quod talis quoque contractus esset prohibitus aut irritus.

64 Notandum Secundò: Possè præcepta legis naturalis dupliciter considerari; vno modo, quatenus ab ipsa naturali ratione, præcisè & adæquatè dictantur; alio modo, quatenus eadem sæpius iterum positiuè ab aliquo legislatore feruntur: nam v. g. præcepta Decalogi & ex naturali ratione sunt præscripta hominibus, & peculiari Dei lege fuerunt per Moysen demandata filijs Israël: vnde non solâ lege naturæ tenebatur ad obseruationem Decalogi, sed etiam positiuâ lege: sic quoque sunt multæ leges humane, quæ continent naturalem iustitiam: vt quod depositum reddatur, quod contractus seruentur, quod quis alterum non occidat, quod vxor à viro non separatur.

Notandum Tertiò: Conclusionem nostram intelligi de præceptis legis naturæ priori modo consideratis; nam si posteriori modo considerentur, non erit inconueniens in eiusmodi legibus positiuis admittere aliquam epykiam, quia potest legislator facere legem suam magis vniuersalem quàm propriè & per se à naturali ratione dictetur, occasione cuius poterit admittere quandam emendationem in particulari propter vniuersalem. His positis

65 Probat Conclusio; nam inprimis quâ ratione in legem naturæ non cadit dispensatio, vt ante ostendimus, eadem quoque non potest in illâ habere locum epykia. Confirmatur quia idcirco in illa præcepta non cadit dispensatio, quia materia eorum ab intrinseco & inseparabiliter continet rationem debiti, vnde fit, quod etiam si fingamus omnem superioris prohibitionem seponi, non possint tamen actus illi fieri liciti homini; ergo similiter non potest per aliquam interpretationem fieri vt liceant, quæ præcepto

cepto naturali, ut tali prohibentur; quia omnia illa ut sic, sunt ab intrinseco mala. Secundo, quia epykia est quædam veluti correctio legis, ut quod minus considerat verbalis legis siue lex prout lata est, completuntur, declaratur non esse sub lege comprehendendum; atqui lex naturalis, secundum quod à naturali lumine præcisè dictantur, non admittit aliquam eiusmodi emendationem, cum ipsa posita sit in ratione recta, quæ à vero practico non potest esse deficiens in aliquo; nam hoc ipso non esset ratio recta: & eodem modo non potest deficere iustum huic correspondens, quatenus ab eâ dicitur & præscribitur.

Probat Tertiò ostendendo in exemplis, quæ ab alijs allegantur, non subesse epykiam propriè dictam respectu legis naturalis. Vnum est de lege reddendi debiti quo Caietanus vitur, quia interpretatur legem illam non obligare in casu quo esset contra iustitiam vel charitatem redditio depositi: verum ista interpretatio non est epykia in illà lege ut naturali: nam ut talis est, sic est in ratione recta & ab eâ præscribitur; recta autem ratio non dicit absolute depositum reddendum esse, sed cum conditionibus subintellectis, quas ratio iustitiæ & charitatis postulat, atque ita interpretatio, quæ hic fit, non est propriè vniuersale legis, sed est explicatio ipsius proprii & adæquati sensus legis, in quo ipsa habet vniuersaliter suam veritatem absque vllà epykiâ. Aliud exemplum adducit Nauarrus de præcepto *Non occides*, quod interpretatur non comprehendere occisionem necessariam ad sui defensionem; verum nec ibi epykia est, sed tantum explicatio proprii sensus, quemadmodum quando dicitur non prohiberi illo præcepto malefactorum occisionem quia fit ex autoritate publicâ, in quâ explicatione nemo dixerit esse epykiam.

Adducit præterea exemplum de votis, ubi sæpe fit interpretatio; sed vel ea fit, quia votum est de materia illicitâ, & quod idcirco non obliget, ubi sanè non est apparentia epykiæ, vel fit circa intentionem vouentis, limitatè illam intelligendo, etiam si verba fuerint generaliora, & tunc inuenitur ibi quædam epykiæ ratio, quia est aliqua correctio voti propter vniuersale; sed illa epykia non cadit in legem naturalem, quia quis teneretur implere votum, sed cadit in votum ipsum, quatenus ex illo oritur debitum quoddam, ita ut per epykiam declaratur votum illud non causare debitum in certo aliquo casu, iuxta licet votum generaliter sonet, tamen iuxta mentem & intentionem vouentis, iudicatur casus ille non fuisse comprehensus, atque ita epykia

non est respectu legis naturalis, sed tantum respectu materiæ illius, scilicet respectu debiti exorti ex ipso voto. Habet & alia exempla, sed in quibus facilè est ostendere non subesse propriè dictam epykiam.

Sed obijciat aliquis; pari ratione, quæ negatur illa habere locum in præceptis naturalibus, poterit etiam negari habere locum in quibuscumque posituiis. Confutatur, quia actus circa quem ponitur epykia, vel est idem siue similis secundum omnes circumstantias cum altero, qui iudicatur lege contineri, vel est diuersus secundum se, vel secundum circumstantias: si idem, non potest quis sanò intellectû interpretari illum minus lege comprehendendi, quam alterum; si autem sit aliquo modo diuersus, iam quoque poterit dici non esse exceptio aut correctio legis, sed cessatio obligationis legis, propter materiæ seu obiecti mutationem & subtrahonem. Respondetur N. Assumpt. ut autem intelligatur diuersitatis ratio, Obseruandum est, quod possit actus legis positivæ idem manens cum omnibus circumstantiis (præueniendo legem) cum quibus modò illicitus est, reddi & fieri licitus per solam voluntatem legislatoris, quæ tollat legem; hoc autem non habere locum circa legem naturalem, eo quod lex nature cadat tantum in materiæ vltimis circumstantiis vestitam, cum quibus, siue ex seipsa, siue ex illis habeat inseparabiliter coniunctâ malitiam, si præceptum negativum fuerit, idque etiam præueniendo prohibentis voluntatem; ita ut propter nullam extrinsecam circumstantiam aut necessitatē possit proinde cessare lex in suâ prohibitionē talis materiæ, nisi ipsa materia prius fuerit mutata. Vnde efficitur, quod non possit propter quodcumque extrinsecum præsumi fuisse aliam mentem, aut intentionem eius, qui legem naturalem insculpsit cordibus nostris, quam simpliciter omnes actus illos vetare, & veritos esse significare, qui sunt proprium obiectum talis legis, quamdiu ex suâ ratione & circumstantiis remanent materia, quæ sub illam legem cadat.

Econtra verò, quia lex positivæ non cadit ex se necessariò in talē materiā, sed potius in materiā quasi ex se indifferentē, hanc sicuti propterea fieri potest quod eadem manens materia cum omnibus suis circumstantiis, cum quibus est prohibita, desinat esse prohibita per mutationē voluntatis legislatoris, ita quoque eadem de causâ potest fieri, quod aliqua cadē sit cum altera quæ est prohibita, & proinde spectando legem in suo rigore, continetur sub legis obiecto; & tamen propter aliquam extrin-

extrinsecā circumstantiā accidentē, possit prudenter iudicari non cecidisse sub mentem & intentionem legislatoris, quamvis sub verbis legis propriè & in rigore acceptis comprehendatur: in eo autem propriè versatur *epykia*, quod interpretetur mentem & intentionem legislatoris, & exinde emendet generalitatem legis, quod iam ostendimus posse locum habere circa leges positivas, non ita circa præcepta legis naturalis.

70 Sed quæret aliquis, quare non possit dici etiam circa legem positivam tali casu mutari tantū materiā ratione illius circumstantiæ accidentis; non autē legem emendari per exceptionem alicuius particularis? v.g. lex prohibet ne quis nocturno tempore incedat cum armis, interpretamur autem per *epykiam*, quod non obliget illum, qui non posset sine periculo vitæ incedere sine armis, nec tempus patitur moram, ut possit licentiam à superiore petere, quæritur quare illa circumstantia accedens non dicatur mutare materiam, & removere obiectum legis, sicuti quando prohibitum est præcepto naturali auferre rem alienam, mutatur materia per accidentem circumstantiam extremæ necessitatis? Respondetur rationem diversitatis esse, quod circumstantia prior non mutat moraliter illam incessionem cum armis si ipsa incessio per se spectetur absque præcepto prohibente; non enim facit incessionem cum armis ex moraliter mala & rationi dissentaneā, bonam & rationi conformem, quia ipsa incessio cum armis per se mala non est, etiam sine illā circumstantiā, & propterea non dicitur ibi propriè fieri mutatio materiæ; sed circumstantia extremæ necessitatis mutat ablationem rei alienæ moraliter, sic ut dum absquē illā esset difformis rationi, & dedecens humanam & rationale naturam, efficiatur illā accedente, secundum rationem & non dedecens hominem, & propterea dicitur hæc inducere materiæ mutationem.

71 Obijciat denique aliquis: Præceptum legis naturæ, quo prohibetur matrimoniū inter fratrem & sororem, item quo prohibetur is qui habet uxorem assumere secundam, videntur propriissimè admittere *epykiam* iuxta dicta. Confirmatur, quia circa eundem actum cum omnibus circumstantiis intrinsicis, quæ ordinariè sufficiunt ad naturalem prohibitionem, possumus tamen propter extrinsecam necessitatem seu finem aliquem, interpretari illa non obligare in aliquo casu v.g. ad conservationem naturæ humanæ, et quando non sunt alię personę diversī sexus nisi frater & soror, vel quando is qui uxorem

haberet, superesset ipse vir solus, & vxor quam habet sit sterilis.

Respondetur, diversos diuersimodè sentire de istis præceptis; & multos quidem existimare non sine fundamentis, ea non esse absolute præcepta naturalia, sed naturalibus proxima, ad quæ ratio maximè inclinat, & sic communi consuetudine & quasi iure gentium esse introducta. Suarez verò lib. 2. de Legibus cap. 16. num. 15. Supponendo quod sint præcepta legis naturæ, dicit per illa prohiberi tantum eiusmodi matrimonia, quatenus noxia sunt humanis rebus & naturæ, & sic honestati cōtraria; sed quādo necessaria sunt ad speciei conservationem, iam noxia non esse sed vitia, atque ita propter materiæ mutationē, cessare eorum obligationem: sicuti quis prohibetur mutilare seipsum, ne sibi iniurius sit, qui tamen potest id facere, quando est necessarium ad totius corporis conservationem, eò quod ex illa occasione mutetur materia, sic ut desinat iam mutatio esse iniuriola.

## ARTICVLVS VI.

*Utrum lex natura possit à cor-  
de hominis aboleri?*

72 Conclusio prior D. Thomæ est: Non potest lex naturæ quoad præcepta communissima deleri vniuersaliter; eatenus tamen in particulari operabili deleri potest, quod per passionem aliquando impediatur ratio, quominus particulari operari applicet vniuersalia principia. Ars priore per se evidens est, quia nemo potest negare, aut sibi aliud persuadere, quàm quod peccata sint fugienda, & quod ea quæ secundum rationem sunt & honesta, sint amplectenda. Pars posterior declaratur, quia illis non obstantibus potest fieri, quod quis sciat etiam in particulari hanc actionem esse inhonestam & peccatum, & tamen non velit actu considerare eius turpitudinē, nec ei applicare prima illa principia secundum quæ iudicaret eam esse vitandam, idque vt liberius possit eam exercere.

73 Posterior conclusio est: quantum attinet ad præcepta magis particularia & propria, potest lex naturalis deleri de cordibus hominum, vel propter malas persuasiones contrarias, vel etiam propter prauas consuetudines & mores corruptos. Patet, quia apud diuersas nationes fuerunt diuersa vitia contra particulares leges naturæ, approbata vt licita: vt apud aliquas furti,

*facta*, apud alias latrocinia, alibi enecationes parentū quando senio conficiebantur : apud plures passim cultus multorū deorū. Differt autem hæc conclusio à posteriori parte primæ, quod ibi præsupponatur adhuc scientia, quā etiam in particulari cognoscatur eiusmodi operabile esse inhonestum & fugiendum saltem in habitu, sed in actu hoc non considerari propter passionem, quæ considerationem impedit: hic autem lex naturalis dicatur deleta, quoad quædam particularia præcepta, ita ut multi ignorent eiusmodi obiecta, quæ illis prohibentur, esse illicita & prohibita, neque eorum cognoscant turpitudinem & inhonestatem saltem in particulari, quamuis in vniuersali possint dici cognoscere, quatenus sciunt omnia, quæ dedecent suppositum rationalis naturæ, esse mala &

turpia: sed ignorant in particulari, quia nesciunt subsumere facta, latrocinia & similia esse actiones tales, quæ dedecent humanam naturam. Ex hæcenus dictis & disputatis de lege naturali, licet intelligere recte eam posse definiri, quod sit; Rectū & naturale rationis humanæ iudicium seu dictamen, quo per lumen nobis ab æterna lege impressum, instruimur & cognoscimus, quid faciendum, quid omittendum sit: De quā scribit Lactant. lib. 6. *Divina Instit.* cap. 8. M. Tullium divinā ferē voce eius vim descripsisse his verbis: Est verò lex recta ratio, naturæ congruens, diffusa in omnes, constans, sempiterna: huic legi nec prorogari fas est, nec derogari ex hac aliquid licet, neque tota abrogari potest.

## Q V Æ S T I O X C V.

### De Lege Humana.

#### *In quatuor Articulos diuisa.*

##### ARTICVLVS I.

*Utrum fuerit utile aliquas  
leges poni ab hominibus?*

**C**ONCLUSIO D. Thomæ est: Necessarium fuit ad pacem hominum, & ad virtutem, quod leges ponerentur. Colligitur id in primis ex Scripturâ 2. Machab. cap. 4. *Videbat enim Onias, sine regali providentiâ impossibile esse pacem rebus dari*; & in libro Iudic. sæpius significatur multorum malorum extitisse causam, quod non esset rex in Israël, qui scilicet mandatis & poenis cohereret populum, sed quod vauisquisque quod sibi videbatur bonum, hoc faceret. Probatur Secundò auctoritate Isidori lib. 5. *Ety-molog.* Rationum cap. 20. Factæ sunt leges (inquit) ut earum metu humana coerceretur audacia, tutæque sit inter improbos innocentia, & in ipsis improbis, formidato supplicio refringeretur nocendi facultas: atqui hæc & similia sunt ad pacem necessaria; ergò &c. Probatur Tertiò ratione, quia licet aliqui sint proniores ad virtutum actus ex bona dispositione naturæ, vel consuetudine vel potius diuino munere, quibus sufficiat disciplina quasi

paterna, quæ adhibetur per monitiones & exhortationes, tamen plures sunt proterui & ad vitia proclives, qui verbis nec ad virtutem commoueri, neque à vitijs coerceri possunt: quibus proinde necessarium est, quod vi quadam & metu, à malis cohibeantur, ut sic saltem sinant alios quietè viuere, ac ipsi etiam assuefactione à malis abstinendi poenarum metu, sensum ad virtutem proficiant, ut qui prius iam didicerint odisse peccare formidine poenæ, paulatim progrediantur in meliùs & incipiant odisse peccare virtutis amore: atqui ut vis & metus talibus incutiantur, oportet esse leges ab hominibus positas; ergò id fieri necessarium fuit ad pacem & tranquillitatem Reipublicæ, ac simul ad profectum in virtutibus.

Dices etiam lex naturæ, & lex diuina satis dicant supplicia esse improbis parata, eademque minantur & intentant; ergò idcirco non fuerunt leges humanæ necessariae. Respondetur Negand. Conseq. & ratio est, quia tamen leges illæ etiam minas intentent, non tamen ita in presenti ac conspicuè in oculis omnium ordinariè poenas inferunt: vnde malitiosi & proterui sæpius non multum illis mouentur, sed tanquam longè distantes, aut tanquam incertas negligunt, aut contemnunt. Quare opus

opus est humanis legibus, quæ in præsentibus & manifestè reddant supplicia pro demeritis. Accedit quod & ex alio capite, leges humanæ fuerint necessariæ; quia opus fuit, ut quæ in communi mandant lex naturæ, & aliquando lex diuina, neque specificantur omnino quoad particulares modos adimplendi, ut hæc determinentur per humanas ordinationes, quoad certam formam, & circumstantias, ut quoad tempus, locum & alias particulares rationes, ne line huiusmodi determinatione nascatur magna in communitate confusio, dum unusquisque pro suo arbitrio de illis vellet statuere, & secundum hoc sese in illis habere & gerere.

- 3 Sed iterum dices: quoad utrumque poterat sufficere, quod essent Principes & Iudices qui suo arbitrio pro re natâ statuerent, & decernerent tam de pœnis, quas quilibet malefactor meretur in suo casu, quàm de alijs determinationibus, quoad tempus, & alios modos obseruandi siue legem naturæ, siue legem diuinam: ergo non sunt necessariæ leges aliquæ humanæ stabiles & permanentes. Respondetur id quidem potuisse sufficere aliquouique pro necessitate; sed tamen pro Republicâ longe melius esse omnia legibus ordinari, quàm Principum aut Iudicum cōmitti arbitrio: nam inprimis est facilius inuenire semel sapientes aliquos, qui sufficiant ad rectas leges concipiendas. secundum quas iudicent alij omnes, quàm semper & ubiq; tot sapientes habere, quot requirerentur, qui per se sine legibus omnia sapienter & rectè moderarentur suis arbitrijs. Deinde, quia leges maiori cum deliberatione & maturitate constituuntur, quàm solent singula iudicia Principum ferri; ideoque certius, quod æquum & iustum est, attingunt. Tertio, quia leges dantur in communi & pro futuris, abiq; respectu ad particulares personas, vel causas: Iudices autem ferunt sententias de presentibus casibus inter particulares personas, ubi magis natæ sunt dominati passiones, siue amor, siue odium, siue alia cupiditas: vnde iudicium illud magis est deprauationi obnoxium. Hinc dici solet, quod Deus præsit, quando lex præest; sed quando Princeps sine lege præest, tunc periculum sit, ne bestia præsit, id est, libido siue passio.

#### ARTICVLVS II

*Virum omnis lex humana à lege naturali deriuetur?*

- 4 P Onit D. Thomas duos modos, quibus humana lex intelligi possit à naturali

deriuari: Vnus est, secundum quod deriuetur ex principijs legis naturalis, tanquàm illata conclusio, per firmam scilicet & necessariam consequentiam: alius est secundum quem dicatur deriuari tanquam quædam determinatio eorum, quæ lex naturæ indeterminata relinquit, sic tamen ut dicatur ea per communitatem, aut eos qui communitatis curam gerunt, esse determinanda, non quidem vniiformiter ubique & pro semper; sed diuersimodè pro diuersis temporibus ac locis, & pro diuersitate aliarum circumstantiarum. His politis sit vnica

Concl. Omnis lex humana suo modo deriuatur à lege naturali: sed quædam deriuantur ex principijs communibus tanquàm conclusiones; quædam verò solum tanquam quædam determinationes iuris naturæ. Ita D. Thomas hic, & Probatur, quia omnis lex humana debet esse rationalis, nec potest pugnare cū lege naturali, alioquin non esset lex, sed magis legis corruptela; ergo debet aliquo modo deriuari ex ratione, & à lege rationis, siue naturæ. Declaratur exemplis; quia v. g. leges humanæ, quibus prohibentur latrocinia, furta, falsa testimonia, & similia, deriuantur tanquam conclusiones ex illo generali & notissimo principio, Quod tibi non vis fieri, alteri non feceris: item leges aliæ v. g. quibus statuitur determinata pœna certis delictis, item, quæ statuunt determinata tempora, & determinatos modos, quibus colendus sit Deus, non possunt quidem tanquam conclusiones necessariæ ex principijs iuris naturæ inferri, sed sunt determinationes quædam illius iuris: dicitur enim lex naturæ malefactores puniendos, sed pœnam non specificat; similiter dicitur Deum esse colendum, sed non præscribit certos aut determinatos dies, quibus necessariò colendus est, sed horum determinationem relinquit Communitati aut illis, qui communitatis curam gerunt, faciendam.

Est itaq; differetia inter duos illos modos, quod scilicet quæ præcipiuntur humanâ lege deriuatà priori modo à lege naturæ, magis debeant censerì præcepta iure naturæ, quam constitutio humanâ, quæ non præcipit ferè illa, nisi ut adiungat determinatas pœnas contra præuarcatores, nisi forsitan aliqua essent obscuriora, sic ut à plerisque non agnoscerentur dependere & sequi ex principijs naturalibus: tunc enim non tantum propter pœnarum adiectionem, sed etiam ad instructionem ut homines agnoscant se ad illa seruanda obligatos esse, sit quod eadem humanis legibus quoque mandentur: quæ autem præcipiuntur lege aliquâ humanâ sese posteriori



steriori modo duntaxat ad legem naturæ habente, illa sunt propriè præcepta per humanam legem, ita vt absque illâ non cadant specificè sub aliquam obligationem.

### ARTICVLVS III.

*Utrum Isidorus conuenienter qualitatẽ legis positiuæ describat?*

7 **Q**ualitates legis describit Isidorus lib. 5. c. 2. in hunc modum; Erit lex honesta, iusta, possibilis, secundum naturam, secundum consuetudinẽ patriæ, loco temporisq; conueniens, necessaria, utilis, manifesta quoq; ne aliquid per obseruationem in captione contineat, nullo priuato commodo, sed pro comuni utilitate ciuium scripta.

Conclusio autẽ D. Tho. est affirmatiua, quam demonstrat ex hoc, quod eiusmodi qualitates requiruntur partim, vt lex seruiat fini ad quem ordinatur; partim verò, vt ipsa sit conformis superiori regulæ, scilicet legi naturæ & diuinæ à quibus humana nõ potest discrepare, quamuis possit ad earũ determinationem & faciliorem impletionem, seu obseruationem, quædam adijcere. Vide hoc argumentum apud D. Tho. latiùs & satis clarè deductum.

### ARTICVLVS IV.

*Utrum Isidorus conuenienter ponat diuisionem humanarum legum?*

8 **P**ures harum legũ diuisiones ex Isidoro hic subindicat D. Tho. & concludit de singulis, quod cõuenienter sint assignatæ. Prima & principalior est, quã lex humana diuiditur in Ius gentiũ, & Ius ciuile: quæ duo membra (prætermisissis varijs de Iure gentium opinionibus) sic optimè intelligentur distingui, vt nomine iuris gentium accipiatur illud, quod non scripto, sed moribus & consuetudine, nõ vnus vel alterius ciuitatis aut prouinciæ, sed omniũ penè nationum est introductum & constitutum, ratione scilicet naturali præconite, & illud tanquam euidenter conueniens & utile humano generi & societati proponẽte ac inculcãte, non tamen tanquam ad finẽ eius simpliciter necessariũ imperante: Ius autem ciuile dicatur hic, quod non sic cõmuni omniũ quasi sensu & moribus introductum est; sed vel Principum, aut Magistratus placitis, vel certè alicuius particu-

laris prouinciæ aut regni vsu & consuetudine, quodque non ita proponitur ab ipsa naturali ratione tanquam omnibus ac vbi-que conueniens & utile; sed his vel illis, prout diuersæ concurrunt circumstantiæ personarum, locorum, aut temporum.

Vbi Notandum, sic loquendo de iure ciuili, non distingui tum contra Ius Ecclesiasticum, prout læpius sub hoc nomine distingui solet, sed comprehendere illud sub se, ac proinde posse subdiuidi in ius ciuile, quod dependet à potestate seculari, & ordinatur ad politicam gubernationẽ potissimum in temporalibus; & in Ius Ecclesiasticum, quod dependet à potestate spirituali, & versatur circa gubernationem in ijs, quæ religionis sunt. Ex dictis autẽ potest intelligi ius gentium propriè acceptũ prout illud explicuimus, distingui à iure naturali, & simul quomodo distinguatur: quodd videlicet ius gentium non versatur circa materiam absolutè & simpliciter debitam in ordine ad finem hominis, sicuti versatur ius naturale; nam v.g. consuetudo recipiendi legatos sub lege immunitatis, & securitatis; absolutè spectata non est materia per se simpliciter debita; quia potuisset vnæqueque respublica nolle apud se habere, vel admittere legatos alterius, idque sine iniuriã ac iniustitiã, quæ naturali rationi absolutè aduersentur, & tamen in eodẽ hæc est de iure gentium, quia communis nationum & regnosũ consuetudine introductum est ita agere; sic vt legatos repudiare & nolle admittere, habeatur tanquã actus inimicitia, & difformis iuri gentiũ; quo etiam introductum est, quod legatis iam admissis debeat securitas, licet interim iure naturali fidelitatis, debeat eis seruari ista immunitas, quæ ex iure gentium eis constituta est; sicuti quis suã voluntate promittendo facit se alteri debitorem, & tamen non tantum suã voluntate, sed lege naturæ tenetur præstare promissum, postquam se debitorem suã voluntate constituit.

Potest ex dictis vterius intelligi, quomodo accipiendum sit, quod hic D. Tho. dicit, ad Ius gentium pertinere ea quæ deriuantur à lege naturæ, sicut conclusiones ex principijs; ad Ius autem ciuile pertinere, quæ à iure naturæ deriuantur per modum particularis determinationis, non hoc scilicet sensu, quod leges, quæ purè & merè sunt iuris gentium, sint simpliciter conclusiones necessariè consequentes ex primis principijs moralibus: sed quod comparatiuè faciendo respectum ad ius ciuile, possint ista suo modo dici eiusmodi conclusiones iuris naturalis, vbi Ciuile tantum debeat vocari quædam determinatio

Hh iuris

iuris naturæ; eo quod iuris gentium præcepta sint generalia, quæ semper & ubique hominum locietati congruunt, quæque congruere & utilia esse, facile ratio naturalis ex generalibus principiis apprehendit & agnoscit, sic ut ab omnibus statim videatur eiusmodi leges esse quodammodo necessarias, ut vita socialis (quæ humanæ naturæ est cõformis) possit inter homines coalescere & foueri, tam scilicet ut vna communitas cum alterâ, quam ut vnaquæque; etiam in seipsâ possit conuenienter conuiuere.

¶ Vnde hæc dicuntur introducta necessitate exigente; videlicet humanæ societatis & conuictus: è contra autem præcepta legis ciuilibis feruntur ex particularibus considerationibus, quid scilicet hic & nunc, in hoc regno aut cõmunitate fieri conueniat: ubi etiam aliquando possunt occurrere diuersa, quæ singula sint oportuna, & pro arbitrio Superiorum potius hoc quam illud statuatur; & ideo hæc dicuntur tantummodo determinationes iuris naturæ, & magis voluntate (videlicet quoad hanc specificam determinationem) quàm necessitate exigente fieri; licet interim etiam ex necessitate requirantur aliquæ determinationes in communi, tales scilicet vel tales: & in hunc sensum explicat D. Tho. Dominicus Soto lib. 1. De Iustit. & Iure quæst. 5. art. 4. & lib. 3. quæst. 1. art. 3.

¶ Notandum tamen est apud Iureconsultos sæpius accipi Ius gentium magis generaliter, ut contineat etiam præcepta legis naturæ, illa potissimùm quæ versantur circa actus homini proprios, quos scilicet non habet communes cum brutis: v.g. mandatum de colendo Deo; de honorandis parentibus; de seruandâ fidelitate, & de similibus: sic ut ipsi per Ius naturæ videantur intelligere tantum leges, quæ versantur circa actus, quos habet homo communes cum brutis, ut est v.g. lex quâ quis debet seipsû conseruare, quâ parentes tenentur educare proles, leges temperantiæ, ac similes: sed modus ille distinguendi legem seu Ius naturæ & Ius gentium est minus proprius: nam in primis hoc totum est legis & Iuris naturæ simpliciter loquendo, quod ratio naturalis per se spectata iudicat ab homine esse seruandum secundum exigentiâ naturæ ipsius, tanquam necessarium ad eius finem. Dico secundum exigentiâ naturæ illius, non tantum quatenus est animal, sed potissimum quatenus est animal rationale. Deinde sic distinguendo non deberet concubitus vagus, aut simplex fornicatio dici contra legem naturæ, quia non sunt contra leges seu instinctus animalis, ut animal est; vnde isti congressus ab animalibus brutis frequentantur.

¶ Obseruandum præterea est, Ius gentium etiam propriè & simpliciter acceptum posse subdistingui, scilicet in illud quod populos omnes & varias nationes coordinat ad se inuicem, sic ut debeant illud in ordine ad se mutuo seruire; & in illud, quod quidè etiam apud omnes penè nationes receptum est, sed nõ coordinat diuersas nationes ad se inuicè, sed singulas ordinat in seipsis, & partes earum inter se. Prioris generis est exemplum. allegatum scilicet consuetudo admittendi Legatos cum immunitate & securitate; quod etiam potest referri Ius exercendi mercimonia, & faciendi commutationes rerum cum diuersis nationibus: nam hostilitatis signum est, si vna natio alteri neget, iusta mercimonia. Et ratio huius est, quia humanum genus quantumuis in varios populos & regna diuisum sit, semper tamè retinet aliquam vnitatem, non tantum essentialem & specificam, sed etiam quasi politicam & moralem: quod satis indicant naturalia præcepta mutue dilectionis & misericordiæ, quæ ad omnes cuiuscumque nationis extenduntur, sic ut omnes nomine proximi in præcepto dilectionis comprehendantur.

¶ Quapropter licet vnumquodque regnum & quælibet Respub. sit quædam communitas perfecta in se constans suis membris, nihilominus tamen, quælibet adhuc Respub. siue regnum est quoque membrum totius humani generis considerati per modum vnius Communitatis & societatis, quatenus nulla particularis communitas sibi tam sufficiens est, quin aliquando in aliquibus indigeat societate & communione aliorum; si non propter absolutam necessitatem & indigentiam, saltem ad melius esse, & ad plures utilitates & maiores cõmoditates. Vnde ex hoc capite requiruntur aliqua iura, quibus diuersæ nationes & regna inter se coordinentur ad aliquam tutam & tranquillam inter se cõmunicationem tempore & loco habendam: & quauis id pro magnâ parte fiat per naturalis rationis leges, non tamen omnino sufficienter quoad omnia per eas id proximè & immediatè præstatur, ideoque aliquod etiam Ius speciale (quod ab omnibus facillè intelligatur congruum & utile obseruatum) fuit communi vni & consuetudine introducendum. Idque sic inchoari potuit, quod v.g. vna aliqua natio ex occasione cœperit certis modis admittere cõmunionem alterius in aliquibus casibus, quod ceteræ aduertentes naturali equitati consonum & rebus communibus utile, cœperunt idè in similibus occasionibus obseruare. Posteriori modo potest dici quod sit de iure gentium, habere Sacerdotes, siue homines specialiter deputatos ad Dei cultum, qui nomine populi offerant dona & sacrificia,

ficia, Item habere certa solemnia ad Dei cultum instituta: huiusmodi enim sic in cõmuni considerata apud omnes penè nationes obtinuerūt, quamuis quoad específicos modos deputandi aliquos ad ista munia, Item quoad particularia sacrificia & solemnia non fuerint ista eadem apud omnes nationes; quæ proinde determinationes iure ciuili, vt hic de illo loquimur, debent censeri factæ.

15 Altera diuisio Iuris humani adfertur ex Isidoro, secundum quam diuiditur in Ius Sacerdotale, Regium, & Militare: & hanc dicit D. Thom. desumptam ex sine legis; præcedentem verò ex origine, quia cum finis legis sit commune bonum Reipublicæ, illudq; maximè pendeat ex his tribus hominũ generibus, scilicet ex Sacerdotibus, qui pro populo orent & dona ac sacrificia offerant; ex Regibus siue Magistratibus, qui populum dirigant & gubernent; & ex Militibus, qui pro conseruatione & salute communitatis pugnent, meritis specialia quædam iura pro istis sunt constituta, tum quibus ipsi in suis munijs regulentur ac dirigantur, tum etiam quibus ordinentur

cis fauores & præmia. Ex reliquis autem de republicâ non sic dependet eius status, quia non ita immediatè circa commune bonum occupantur, sed magis vniuersaliter; circa suum priuatum: vnde pro illis non fuerunt particularia & diuersa iura constituenda. Tertia legis humanæ diuisio sumitur secundum diuersitatem eorum, qui rebus cõmunibus & legibus ferendis præsumunt: ac sic diuiditur in constitutiones Principum, quando scilicet vnus regit, qui supremam habet potestatem in legibus condendis: in responsa sapientum siue senatorum consulta, quando scilicet obinet regimen optimorum siue optimatum, qui leges statuunt; & in Ius prætorium, quando est regimen paucorum diuitem & potentium (inquit D. Tho.) item in plebiscitis, vbi videlicet est regimen populi qui leges instituat. Addit D. Tho. quartam diuisionem, quâ diuiditur lex secundum res & actiones, de quibus tractat; sic alia dicitur lex Iulia de Adulterijs, alia lex Cornelia de Sicarijs, & sic de alijs; verum tres hæc posteriores diuisiones propriè ad iureconsultos spectant.

## Q V Æ S T I O X C V I.

### De potestate legis humanæ.

#### *In sex Articulos diuisa.*

##### ARTICVLVS I.

*Vtrum lex humana debeat poni in communi magis quam in particulari?*

1 S E N S U s articuli est: vtrum lex humana debeat esse communis & quædam generalis regula secundum quam plures debeant operari, an verò debeat perferri in particulari de singulis actionibus?

Conclusio D. Thomæ est: quod lex humana debeat poni in communi. Probat, quia debent leges proportionari fini suo; finis autem est commune bonum, cui procurando perse accommodata non est directio aliqua, aut mandatum vni factum pro particulari negotio, vel opere; ergò lex debet esse vniuersalis, quæ ad multorum actiones dirigendas vim habeat: nam ex actionibus plurium de communitate,

benè compositis & ordinatis consurgit bonum & salus reipublicæ. Sed contra

Obijciunt aliqui; lex debet esse quædam mensura humanorum actuum, quæ regulentur: atqui non videtur posse dari aut perscribi vna aliqua communis humanorum actuum mensura propter diuersas particularitates & circumstantias, quæ in singularibus solent occurrere; ergò debet potius lex poni in particulari de singulis.

Respondetur Sapientes posse cognoscere, quid saltem vt plurimum & quasi vniuersaliter sit futurum magis vtile, & rationi ac bono communi magis congruũ, idque satis esse vt de eo lex generalis feratur: quod si verò contingat casum aliquem non prouisum occurrere, tunc locum habituram epykiam, quâ Superiores interpretentur legem vniuersalem ad eiusmodi casum non esse extendendam, quamuis secundum verborum generalitatem possit contineri.

II h ij ARTIC.

ARTICVLVS III.

*Vtrum lex humana præcipiat actus omnium virtutum?*

6 **C**onclusio D. Thomæ est: nulla est virtus, de cuius actibus lex humana præcipere non possit; non tamen omnes actus omnium virtutum præcipit. Prior pars probatur, quia omnia obiecta virtutum possunt aliquando ad bonum commune seruire & referri, videlicet aut immediate aut saltem mediatè; quia vel directè & per se nimirum ad conseruationem boni publici faciunt, aut certè conducunt ad bonam disciplinam, per quam subditi informantur, vt commune bonum iustitiæ & pacis inter se conferuent. Vnde & Philosophus 5. Ethic. cap. 1. dicit, quod lex præcipiat fortis opera facere, & quæ temperati, & quæ mansueti, vbi cuiusvis generis virtutum actus legi subiicit.

Probaturs pars posterior, quia plurimi actus virtutum in particulari sunt absque humanæ lege, quique etiam non referuntur ad commune bonum, sed ad propriam vel amici salutem; neque conuenit etiam, quod lex humana præciperet omnes actus omnium virtutum, quia hoc tam parum congrueret humanæ infirmitati, quàm velle cohibere omnia vicia. Quare sicuti satis est Ciuilibus legibus, quod cohibeant poenis illa delicta, quæ tranquillitatem Reipublicæ & ciuium perturbant (& alia quedam quæ propter enormitatem suam solent vehementer diuinam prouocare iram & vindictam, sic vt propter illa deleantur subinde regna & prouinciæ, licet ipsa per se proximè non perturbent specialiter publicam pacem, vt sunt ea, quæ communiter dicuntur peccata contra naturam) ita quoque iisdem legibus sufficit, quod præcipiant illos virtutū actus tempori & loco, qui necessarij sunt ad communitatis conseruationem & tranquillam subditorum societatem & communionem.

7 Sed vnum hic potest moueri dubium: Vtrum lex humana possit se extendere ad actus internos siue virtutum siue vitiorum, & præcipiendo aut vetando t de lege ciuili hoc inprimis pro indubitato tenetur ab omnibus, quod non possit illa sese ad actus internos extendere, quia immediatus & proprius eius finis in tranquillitate & pace externâ consistit, quæ ab exterioribus pendens non ab internis: quare præcipua restat difficultas de lege Ecclesiastica, cuius est curare bonum supernaturale & hominem dirigere in finem

supernaturalem, quæ potissimum dependet ab interioribus. Vbi quoque D. D. satis conueniunt posse Ecclesiam indirectè præcipere actum internum, quatenus scilicet externus, quem præcipit sine interuento fieri non potest: sic indirectè præcipit internam attentionem, quando præcipit preces horarias, quæ vt veræ preces sint, non possunt fieri absque omni actu interiori.

Verum dissident D. D. vtrum possit lex Ecclesiastica aliquem actum internum per se & seorsim, quatenus purè & merè internus est, præcipere aut vetare? v. g. actum orationis mentalis absque ordine ad opus externum, aut vetare internam cogitationem vt dissensionis ab articulis fidei. Parte affirmatiuâ docet Adrianus Quodlibeto 8. Albertus Pignus lib. 6. Ecclesiasticæ Hierarchiæ cap. 26. Glossa in Capitulum Cogitationis. De poenitentia dist. 1. & quidam alij. Potest autem probari primò ex illis Christi verbis generalibus Matth. 16. *Quodcumque ligaueris super terram;* actus autem interni sunt etiam super terram; vt argumentatur Pignus; ergò &c. Et confirmatur, quia potuit Christus dare talem potestatem Ecclesiæ; non videtur ergò negandum, quin & de facto dederit, cum verba eius sint generalia. Probaturs secundo ex Capitulo Excommunicamus §. credentes: Extrau. de Hæreticis, vbi excommunicatur quis hoc ipso, quo hæreticis credit; ergò Ecclesiæ potestatem exercet in actum merè internum. Simile quid habetur Capitulo: Hinc etenim, dist. 49. Probaturs Tertio, quia Ecclesiæ remittit interiores culpas per sacramentalè absolutionem, & dispensare quoque potest in votis solâ mente & voluntate factis; ergò &c. His tamen non obstantibus

Negatiua sententia est communior: ita tenet D. Thom. sup. qu. 91. art. 4. vbi expressè docet non posse homines ferre legem de interioribus motibus, qui latent, sed tantum de exterioribus, qui apparent: Idem docet Siluester verbo Excommunicatio 7. num. 2. Angelus verbo Hæreticus. Driedo lib. 3. de Libertate Christianâ c. 3. Nauarrus in Capit. Cogitationis, De poenitent. dist. 1. Mald hic ad ar. 3. dub. 2. cum multis alijs quos cit. Fundamentum præcipiū D. Th. & aliorum est, quia humana iurisdicctio nō potest ferre leges de actibus de quibus non potest iudicare, neque potest punire. Patet hoc ex Philosopho li. 10. Ethic. c. 5. vbi docet potestatem legiflariuam necessariò debere cōiunctam habere potestatem coactiuam, quia scilicet alioquin esset inefficax, & proinde inutilis. Vnde non potest homo legibus præcipere,

11 h iij quæ

quæ vindicare non valet, si non fiant: non vindicat autem nisi mediante iudicio, ergo poterit lex humana versari tantum circa ea, de quibus potest homo iudicare; atqui non potest homo iudicare de actibus merè internis, & proinde neque illos punire, ergo per consequens nec poterit humana potestas qualiscumque de talibus ferre leges: subsumptum expresse habetur, Capitulo Sicut tuis, & Capitulo Tuos, de Simonia; nobis (inquit Pontifex) solum datum est de manifestis iudicare, non sunt autem manifesti actus merè interni. Simile quid habetur etiam Capitulo Erubescant dist. 32.

- 10 Et fundamentum est, quia iudiciū supponit causæ cognitionem, actus autem merè interni sunt omnino extra cognitionem humanam, & ideo iudicium de illis Deo relinquitur: *Homo enim videt ea quæ patent, Deus autem intuetur cor*, ut habetur primi Reg. 16. Hinc etiam D. Paulus 1. ad Cor. 14. dicit, *Nolite ante tempus iudicare, quoad usque veniat Dominus, qui & illuminabit abscondita tenebrarum & manifestabit consilia cordium.*

- 11 Sed ut hoc argumentum intelligatur plenius, & defendi queat contra obiectiones ex aduerso fieri solitas.

Notandum est, duplex esse occultum: Vnum scilicet per se tale, quod suapte naturā omnem cognitionem & probationem apud homines excludit, ut sunt, quæ solā mente & voluntate fiunt. Alterum verò esse occultum per accidens, quod suā quidem naturā cadit sub humanam cognitionem, & consequenter quantum ex eius ratione est, probari potest & iudicari ab homine; sed quia nullo altero præsentē factum est, hinc eius contingit deficere cognitionem & probationem: quando ergo dicitur, quod Ecclesia tantum de manifestis & non de occultis iudicet, intelligendum hoc de occultis quæ suapte naturā fugiunt humanam cognitionem & probationem, ita ut nec habeant actum aliquē Comitum per quem tanquam effectum aut signum cognosci & probari possint: nam alioquin de occultis tantum per accidens, vel quæ habent externum signum coniunctum, potest Ecclesia & humana potestas iudicare, non quidē iudicio quod ab homine fertur per formam particularis sententiæ iudicariæ (ad hoc enim requiruntur testes siue probationes in particulari) sed iudicio, quod fertur per formam communis legis, quando scilicet lex per se ipsam infligit pœnam delictis: v. g. excommunicationem ipso facto incurrendā, aut aliam censuram: quia sicut lex illa est quædam generalis sententia, ita satis est,

quod etiam materia circa quam versatur in communi & per se cadat sub humanam cognitionem & probationem, quamvis per accidens aliqua in particulari lateat; & dicitur huiusmodi pœna latæ sententiæ, quia per ipsam legem fertur sententia, & pœna infligitur.

Ad rationem dubitandi itaq; in principio positam, quæ sumitur ex fine potestatis Ecclesiæ Respondetur, hanc potestatem in suā latitudine sumptam, duplicem esse; aliam fori interni & aliam fori externi, quas potestates ita distinguit D. Tho. in 4. dist. 18. q. 2. artic. 2. quod in foro conscientie agatur causa inter hominem & Deum; in foro autem exteriori agatur causa hominis ad hominem. Vnde fit quod prior potestas possit versari circa actus interiores, immo potissimum hos respiciat, quia per eos maximè ordinatur homo ad Deum, & in illis potissimum consistit singulorum salus, propter quam hæc maximè data est: sed posterior quatenus est gubernatiua communitatis fidelium ut sic, habet sibi etiam proportionatam suam materiam scilicet actus externos ad conuenientem conseruationem & directionem externam spectantes, & ad hunc ordinem pertinet Ecclesiastica potestas, ut est legislatiua: nam licet Canones & Ecclesiæ leges etiam ordinentur ad finem supernaturalem & ad internum bonum animarum, nō tamen immediatè illud operantur, sed mediante honestate & virtute actuum exteriorum circa quos proximè versantur.

Ad primum vero argumentū pro opinionione Adriani adductum Respondetur, admittendo potuisse quidem Christum de absolutā potentiā etiam concedere Ecclesiæ potestatem, tum præcipiendum tum prohibendi actus merè internos, neque enim contradictionē simpliciter inuoluit quod hæc potestas sit separata à facultate & potestate iudicandi & cogendi, sed tamen dicimus eam de facto non esse à Christo concessam, neque enim habetur ex Scripturis aliquid illius collatæ potestatis fundamentum sufficiens, imo magis significant ista occulta interna referuari diuino iudicio ut patet ex locis sup. cit. neque etiam Summi Pontifices huiusmodi potestatem Ecclesiæ datam verbis aut facto ullibi docuerunt, sed similiter magis indicant ista interna excedere suum forum, cum alioquin alias frequenter suam & Ecclesiæ iurisdictionem explicent & tueantur. Et ratio congruentiæ assignari potest, quia potestas legislatiua per se primò ordinatur ad externum & commune Ecclesiæ regimen, ut in eā conuenienter & ordinatè omnia fiant: vnde per se versari debuit

debut circa actus exteriores; nam Ecclesia est corpus quoddam visibile & externum, & ideo materia accommodata ad eius communem & externam gubernationem, debet etiam esse externa & sensibilis, quare hæc sola est proportionata eius potestati legislativæ: unde & D. Thom. 2. 2. quæst. 104. art. 5. docet obedientiam humanam ad homines tantum esse in his, quæ per corpus fiunt, & pertinent ad dispositionem actuum & rerum humanarum ac sensibilium; nam ea quæ sensibilia non sunt, non censentur in communi gubernatione Reipublicæ aut populi esse humana; ergo existimandus est Christus cõsulisse Ecclesiæ potestatem illam, quæ ad eiusmodi Ecclesiæ regimen fuit oportuna, & quasi necessaria; qualis non est potestas legislativa in actus merè internos, qui non pertinent propriè ad communitatem, sed ad priuatam vniuscuiusque salutem.

14 Iuxta hunc itaque sensum erit quoque accipienda ratio D. Tho. sup. allegata, quod scilicet non possit homo ferre leges nisi de actibus, de quibus potest iudicare: & similiter dictum Philosophi, quod legislativa potestas habeat necessariò coniunctam potestatem coactivam, quod videlicet illa se debeant sese habere, non quidem de absolutâ omnino necessitate, ut diximus; sed de necessitate secundum cõgruam & convenientem rationem gubernandi homines & res humanas. Quod itaque atinet ad verba Christi; *Quicumque ligaveris super terram*, &c. dicendum est, distributionè illam esse accipiendam de omnibus, quæ necessaria sunt, ut rectè & cõvenienter possit regi Christi Ecclesia. Ratio autem eiusmodi limitationis ex dictis satis potest colligi: quænam verò illa necessaria sint ex antiquorum traditione & ex Ecclesiæ communi doctrinâ & praxi, potissimum statuendum est, ex quibus nõ habetur sub illam potestatem ligandi, quatenus est legislativa, cadere actus merè internos, sed magis contrarium significatur, cum Pontifices profiteantur sibi tantum datum de manifestis iudicare. Sed de actibus illis internis, qui necessarij sunt per se ad actum aliquem externum constituendum in certâ specie morali, non eadem est ratio, ut v. g. de voluntate contrahendi, quæ est necessaria ad veram rationem contractus, de intentione conferendi Sacramentum, de intentione offerendi sacrificium, quæ intentiones sunt necessariæ ad verum Sacramentum & sacrificium: nam eiusmodi actus morales sunt necessarij ad humanum convitium & ad cultum Religionis in Ecclesia requisitum, non tantum materialiter sumpti secundum esse

physicum externum, sed etiam formaliter, ut sunt tales actus morales: v. g. quatenus sunt verus contractus, verum Sacramentum, vera oratio, & similia: unde ad rectam Ecclesiæ gubernationem fuit necessaria potestas ad præcipiendum usum & exercitium talium actuum secundum suas formales rationes; non possunt autem sic præcipi, nisi compræcipiantur simul actus illi interni. Hæc itaque necessaria connexio & dependentia eiusmodi actuum externorum in sua specie morali ab istis interioribus, sufficiens est ratio cur etiam possit ad illos sic indirectè Ecclesia extendere suam potestatem, sicuti quando cunque opus aliquod externum mandari fieri, certissimum est, consequutiur etiam mandare voluntatem, quæ necessaria est ut illud fiat.

Ad Secundum Argumentum quod desumitur ex Capitulo Excommunicamus. Respondetur per credentes non intelligi eos, qui solâ mente intus assentiuntur hæreticis, sed qui verbis ad factis cognoscuntur assentiri illis, sic ut credentes ibi tanquam inferiores & quasi discipuli opponantur Magistris & docentibus hæresim: quod ex eo potest colligi, quia statim subiungitur, ut postquam quis talium fuerit excommunicatione notatus, si satisfacere contempserit intra annum, ex tunc ipso iure sit factus infamis, nec ad publica officia admittatur: quæ satis significant excommunicationem ibi latam tangere eos, qui cognoscuntur illâ notari, quod locum non habet in illis, qui solâ mente intus crederent hæreticis. Eodem modo explicari possunt Capitulum Si quis nuptias, & Capitulum Si quis virorum, dist. 30. ubi similiter dicitur, Si quis crediderit mulierem fidelem cum viro suo dormientem abominandam, anathema sit; Et si quis putaverit tali veste sibi utendum &c. anathema sit; quæ verba crediderit & putaverit, proinde accipienda sunt de eo, qui crediderit aut putaverit, cum externâ manifestatione, prout sæpius in communi sermone loqui solemus. Eodem quoque sensu rectè potest explicari quod in Concil. Tolet. primo in confessione fidei sæpius repetitur, scilicet Si quis dixerit vel crediderit tale vel tale quid, anathema sit; quamvis enim aliqui exponant ista anathemata, sic ut velint conjunctionem disjunctivam esse positam pro copulativâ (quod aliquid verisimilitudinis forsitan inde habere potest, quod vnâ aut alterâ vice ponatur, Si quis dixerit atque crediderit) nihilominus tamen, quia in pluribus & penè in omnibus dicitur disjunctivè, idcirco commodius videntur accipi tanquã

Hh iij membra

membra distincta, sic vt per eos (qui dixerint) intelligantur assertores & magistri hæreseon, qui eas adinueniunt, aut docendo diuulgant; per illos autem (qui crediderint) intelligantur qui istis adherent assensu foris manifesto, siue qui cognoscuntur adherere eiusmodi magistris & assertoribus. Quod ad Capitulum Hinc etenim Respondetur, ibi doceri ponderosum cum multis alijs defectuosis fuisse à ministerijs altaris in veteri Testamento seclulum; per ponderosum autem significari iuxta D. Gregor. cum, qui licet ad externa opera turpitudinis non progrediantur, tamen turpibus & luxuriolis cogitationibus in animo deditus est, & sine reformatione indulget: & proinde qui eiusmodi sunt, etiam in nouo Testamento non esse idoneos seu dignos, qui sacris ministerijs admoueantur: vbi non fertur lex, neque statuitur poena, sed explicatur, quid secundum naturam rei & legem diuinam conueniat fieri.

18 Soler hic etiam obijci, Capitulum Commissa: De electione in 6. §. Cæterum, vbi videtur puniri is ad restitutionem fructuum, qui beneficium parochiale suscipit absque intentione intra annum suscipiendi debitum ordinem, nisi voluntate mutata intra annum ordinetur. Prætermisiss diuersis expositionibus Respondetur, Non imponi illic poenam propriè dictam propter actum aliquem interiorem, sed esse providam quandam Ecclesiæ ordinationem, qua statuitur vt non conferatur beneficium alicui non ordinato, nisi sub tali onere & conditione, quod intra annum suscipiat ordinem debitum: quare eo ipso, quo talis non ordinatus acceptat beneficium, censetur acceptare cum illo onere, & conditione, ac idcirco si conditionem non impleat, non facit fructus suos, quia Ecclesia non contulit ius ad illos nisi sub illà conditione, & sic supposita eiusmodi ordinatione ex natura rei sequitur quod debeat facere restitutionem. Si quis verò velit poenam ibi imponi, poterit respondere eam imponi pro omissione externâ susceptionis ordinis, quem iuxta Ecclesiæ determinationem suscipere tenebatur; atque ita poenam non ferri in actum internum, nisi quatenus ex illo sequitur externa omisso susceptionis ordinis intra annum.

19 Ad Tertium Respondetur, quod ad sacramentalem absolutionem attinet, non spectare hanc ad potestatem legislatiuam Ecclesiæ, de qua hic agimus; sed ad iurisdictionem fori interni; quanquam etiam eo modo, quo hæc inter homines exercetur, necessario postulet, vt licet peccata

fuerint omnino interna, tamen per confessionem externam ad eiusmodi iudiciū deferantur. Quod quidem solus Christus Dominus instituit & primariò præcipere potuit, quamvis Ecclesia tempus aliud quod adimplendi præcepti Christi determinare potuerit. Ad illud quod allegatur de dispensatione in votis Respondetur, Non esse similem rationem cum legibus: Primò, quia non exercetur ibi potestas coactiua, sed iurisdictionis voluntariæ, cui quis se suâ voluntate submittit: & ideo mirum non est, quod etiam data sit circa actus interiores: deinde hæc potestas magis respicit particulare bonum animæ cuiusque, quàm externam gubernationem: est enim à Deo concessa ad remittendum nomine ipsius obligationem ei natam per hominis promissionem, atq; ita eius actus censetur versari tantum inter hominem & Deum. Accedit quod etiam hæc potestas moraliter exerceri non possit in actum internum, nisi exterius sese prodar, quia debet quis prius explicare votum suum & dispensationem petere, antequam Superior prudenter possit dispensare.

Denique Obijci potest, Quod dubitandum non videatur, quin Prælati possint suis Religiosis legem præscribere, quâ teneantur certâ horâ vacare mentali orationi, siue meditationi. Respondetur cum Suarez lib. 4. de Leg. cap. 12. Non deesse inprimis, qui existiment etiam Religiosis non posse Superiorem præcipere actum merè internum, v. g. mentale oratione, quia licet prohibere possit exteriores actus, qui interiorem impediunt, non tamen idcirco posse directè obligare ad exercendum actum internum; quibus fauet quod scribit D. Thomas 2. 2. qu. 104. art. 5. vbi generaliter dicit, quoad interiores animi motus hominem soli Deo subijci; nihilominus tamen sicut potest vouere homo actum merè internum Deo simpliciter & absolutè, ita nihil videtur ob stare, quominus possit aliquis vouere similiter actum internum sub conditione, si Prælati præceperit: quod implicite fit, dum vouetur obedientia in ordine & respectu ad talem vel talem actum. Quare admitti potest quod supposito tali voto, possit superior etiam præcipere talem actum internum; sed non est simile de potestate legis similiter ferendæ, quæ data est ad commune regimen & commune bonum, & exercetur independentè à voluntate vniuersi cuiusque particularis, qui legi subijcitur; istud autem præceptum fundatur in voluntate vouentis, & spectat ad particulare bonum ipsius, vnde hic coactioe opus non est, quia præsumitur quod suâ voluntate satisf-

tate satisfaciunt, sicuti se suâ voluntate præcepto submittit, quod non ita locum habet in communibus legibus, quæ imponuntur ex consideratione communis boni, non habendo rationem voluntatis singulorum, atque ita nisi potestas coactiva possit simul concurrere, ut plurimum sine fructu & utilitate, leges instituerentur.

21 An autem de facto Prælati religionum habeant istam potestatem, & hæc insit intentioni vouentium obedientiam regulare, pendet ex regulâ vniuersaliusque religionis (inquit Suarez) quia iuxta doctrinam D. Thomæ & aliorum, non omnes Religiosi vouent eandem obedientiam, sed singuli secundum suam regulam, & ideo si regula consulat aut præcipiat actus mentales, aut si significet Prælatos posse eiusmodi actus iniungere, tunc eodem modo interpretandum est obedientiæ votum, quod scilicet possint Prælati illos actus imponere: rectè autem facient (addit ibidem Suarez) nunquam eos imponendo sub rigore præcepti ad vitandum periculum. Sufficiet enim exterioriore præcipere vacationem, ita ille.

#### ARTICVLVS IV.

*Vtrum lex humana imponat homini necessitatem in foro conscientia?*

22 Conclusio D. Thomæ est: Leges humanæ si iustæ sint, habent vim obligandi in foro conscientia. Est de fide contra Hæreticos huius temporis. Et patet manifestè ex Scripturis sacris 1. Petri c. 2. *Sabidei igitur estote omni humanæ creatura propter Deum: siue Regi tanquam præcellentis: siue Ducibus tanquam ab eo missis &c.* 1. ad Thessal. cap. 4. *Qui hæc spernit* (scilicet præcepta quæ Apostolus eis dederat) *non hominem spernit, sed Deum: quod conforme est verbis Christi apud Lucam cap. 10. Qui vos spernit, me spernit: dubium autem non est, quin reatum culpæ coram Deo incurrat, qui sic agit ut Christum contemnere coniuncetur.* Ad Hebr. cap. 13. *Obedite Præpositis vestris, & subiaceat ei:* Ad Ephes. cap. 6. monet Apostolus ut serui dominis suis carnalibus in simplicitate cordis sui seruiant tanquam Christo. Ad Rom. 13. ubi postquam multa de humana potestate & obedientia illi debitâ dixisset Apostolus, concludit his verbis, *Ideo necessitate subditi estote, non solum propter iram, sed etiam propter conscientiam:* quasi dicat non tantum propter iram & vindictam externâ quam Principes offensi inferunt, sed etiam propter cō-

scientiam, quia scilicet etiam coram Deo efficiuntur culpæ rei, qui potestati resistit, tanquam qui resistit Dei ordinationi; non quidem quod semper idem præcipiatur immediatè & proximè à Deo, quod præcipitur ab humana potestate, sed quod hæc potestas præcipiendi sit à Deo instituta in hoc ipsum, ut qui præsumt, ea quæ communi bono conueniunt, præcipiant, & subditi obtemperent, ut docet D. Anselmus in hunc locum: Dei (inquit) ordinationi resistit, qui ordinauit ut talibus subiiciamur. Vnde & Apostolus 1. ad Cor. 7. expressè distinguit inter sua præcepta & inter præcepta immediatè à Christo data. Similiter Actor. cap. 19. quando conuenerunt Apostoli & Seniores imposuerunt Christianis legem de abstinendo non tantum à fornicatione, quàm lex naturæ prohibebat, sed etiam ab idolotris, suffocato & sanguine: 1. ad Cor. 11. *Et sicut tradidi vobis, præcepta mea tenetis*, & in fine capituli, *Cetera cum venero, disponam.* 2. ad Cor. 10. *In promptu habentes vltis omnem inobedientiam:* & cap. 13. *Hæc absens scribo, ut non præsens durius agam, secundum potestatem quam Dominus dedit mihi, & Act. 20. In quo vos Spiritus S. posuit, Episcopos regere Ecclesiam Dei: si regere, ergo & imperare, & leges ac præcepta conuenientia præscribere.* vnde cap. 15. dicitur: *Perambulabat autem Syriam & Ciliam confirmans Ecclesias, præcipiens custodire præcepta Apostolorum & Seniorum.* Item in veteri Testamento, inobedientes Sacerdotis imperio, iubentur interficere: quod signum est grauioris peccati & culpæ. Vnde Concil. Trid. ss. 6. Can. 20. sic statuit; si quis dixerit hominem iustificatum & quantumlibet perfectum non teneri ad obseruantiam mandatorum Dei & Ecclesiæ, anathema sit. Idem docent SS. PP. & alia Concilia.

23 Probaturn deniq; ratione, quia non omnia, quæ ad vitam humanam rectè instituendam spectant tam secundum religionem, quàm politiam potuerunt commodè definiri per legem naturalem aut per legem diuinam: nam pro varietate temporum, locorum, & personarum sæpius conuenit aliqua mutare, aut aliqua esse diuersa in regimine populi & communitatis, vti ex ante dictis constat; ergo debuit Superioribus Communitatis concedi ista potestas. Ex quibus omnibus constat non tantum leges Ecclesiasticas habere vim obligandi in conscientia, sed etiam leges ciuiles: nam multæ Scripturæ allegatæ indifferenter loquuntur de omni Superiori potestate; quædam autem magis specialiter de potestate Ecclesiasticâ, quibus etiam addi possunt hæc loca; *Matthæi 18. Si Ecclesiam*



*Ecclesiam non audierit, &c. Amen dico vobis: Quaecumque alligaueritis super terram: Item Ioannis 21. Pascite oves meas. Et, Sicut misit me vivens Pater, & ego mitto vos. Quædam verò specialius agunt de potestate seculari, vt ad Romanos 13. vt colligitur ex adiunctis, Nam Principes non sunt timorè boni operis, sed mali; Ac rursum, Non sine causa gladium portat: Et iterum: Reddite omnibus debita: cui tributum, tributum: cui vestigal, vestigal: Similiter 1. Petri 2. vt ex ipsis verbis patet: & ad Ephel. 6. Ratio autem generalis est, quia omnes legitimi Superiores, etiam Magistratus civiles habent potestatem regendi subditos; ergò subditi tenentur eis obedire, quando legitime & rationabiliter aliquid præcipiunt, & per consequens non obediendo, coram Deo etiam peccant, à quo omnis potestas regendi est instituta & derivata ad quemlibet Rectorem proximè & immediate, aut saltem mediatè, iuxta Sap. Per me Reges regnant.*

24

Sed contra Obijciunt Primò: Deuter. 4. c. præcipit Dominus, ne addatur quicquam ad verbum quod loquutus est, neque auferatur ab eo: & c. 12. dicitur: *Quod præcipio vobis hodie, hoc facite, &c.* ergò legibus divinis non licet superaddere alias leges. Respondetur Negand. Consequ. tantummodò enim præcipiunt, ne aliquid addatur repugnans divinis præceptis, non autem ne aliquid addatur faciens ad certiorè & faciliorem eorundem observantiam, prout illum locum plures exponunt, conformiter scilicet ad modum loquendi Apostoli ad Gal. 1. *Licet nos, aut Angelus de celo euangelizet vobis præterquam quod Evangelizaviimus vobis, anathema sit; vbi præterquam non excludit, quominus possint Galatæ instrui plenius in doctrinà Evangelicà, sed quod nullus debeat illis annunciare Evangelium aliud, siue contrarium Evangelio, quod Apostolus eis annunciat. Alij explicant locum Deuter. quod nihil debeat adijci ad Scripturam, videlicet tanquam pertineat ad ipsam Scripturam, sed debeat ipsa servari per omnia in sua integritate, vt in nullo vitietur, per cuiuscunque additionem aut subtractionem, quæ interpretatio videtur dicto loco magis conveniens.*

25

Obijciunt Secundo, Marci 7. capite, damnat Christus humana præcepta: dicens, *In vanum me colunt, docentes doctrinas & mandata hominum,* & Matth. 23. arguit Phariseos, quod imponerent hominibus onera gravia; ergò non est apud homines potestas condendi leges. Respondetur Neg. Consequ. quia Christus apud D. Marcum arguit Scribas & Phariseos in eo, quod inducerent multa inutilia præcepta, quæ

nec aliquid verè religionis continebant, nec ad veram virtutem conducebant, vt erant crebræ lotiones, baptismata calicum & vireorum, & alia similia multa, vt ibi Marcus commemorat: in quorum tamen observationem totaliter intendebant, negligentes interim observationem mandatorum Dei, imò præferentes istas suas inutilè traditiones divinis præceptis, vt ex adiunctis patet, Relinquentes enim mandatum Dei tenetis (inquit Christus) *traditiones hominum, baptisma vireorum, &c.* Et apud Matth. 15. vbi hæc eadem referuntur, additur: *Nam Deus dixit, honora patrem & matrem: & Qui maledixerit patri vel matri morte moriatur: vos autem dicitis, quicumque dixerit patri vel matri, munus quodcumque est ex me, tibi proderit, & non honorificabis patrem suum aut matrem suam: & irritum fecistis mandatum Dei propter traditionem vestram; quia scilicet vt habet Marcus, Et vltra non dimittis eum quicquam facere patri suo aut matri, resindentes verbum Dei per traditionem vestram &c.* Præcepta verò Ecclesiæ non sunt inutiles cæremoniæ, sed continent religiosum Dei cultum, & ad veram virtutem capeffendam vel in eâ proficiendam plurimum conducunt; neque ab Ecclesiâ obtruduntur cum neglectu mandatorum Dei, sed instituantur ad faciliorem & pleniorè mandatorum Dei observationem.

Apud Matth. autem cap. 23. reprehendit Christus Scribas & Phariseos, non simpliciter quod aliqua præcepta instituerent: (Dicit enim ibidem, *Omnia ergo, quaecumque dixerint vobis, servate & facite*) sed quod ipsi Alios præceptis suis onerarent, quæ tamen ipsimet non observarent, imò nec digito attingerent: in quo haud dubiè Superiores vituperandi sunt, quando materia æqualiter ipsos & subditos concernit. Deinde etiam arguit, quia magnà curâ incumbabant in quædam minora, vt decimando mentam, & anetum, ac similia, & interim principaliora negligebant. Vnde infra addit, *Va vobis Scribæ & Pharisei hypocritæ, qui decimatis mentam, & anetum, & cyminum, & reliquistis quæ graviora sunt legi, iudicium, & misericordiam, & fidem, hæc oportuit facere & illa non omittere.*

26

Obijciunt Tertiò: Lex Evangelica est lex libertatis, sed qui factus est liber, non debet amplius fieri servus hominum, iuxta illud 1. ad Cor. 7. *Pretio empti estis, nolite fieri servi hominum:* Et ad Gal. cap. 4. *Non sumus ancillæ filij, sed libera, quâ libertate Christus nos donavit:* Item cap. 5. *Si spiritu ducimini, non estis sub lege:* Et 1. ad Timoth. c. 1. *Iusto non est lex posita:* ergò qui ad legem Evangelicam vocati sunt, non debent servituti humanarum legum subijci.

27

Respon-

Respondetur legem Euangelicam dici legem libertatis; inprimis, quia per illam liberamur à seruitute peccati: hæc enim est libertas, quæ C. Christus nos donauit, & quàm lex vetus præstare non potuit: deinde etiam, quia per illam liberamur à seruitute onerum legalium, non autem quod Euangelium liberet nos à debitâ obedientia Superioris magistratus, multoque minus, quod liberet nos ab obligatione seruandi diuina præcepta, prout ex eodem fundamento contendunt Hæretici astruere. Vnde Apostolus ad Gal. 5. explicans hanc libertatem Euangelij, ait; *In libertatem vocati estis fratres, tantum ne libertatem in occasionem detis carnis*: Idem monet D. Petrus 1. Epistolæ cap. 2. *Quasi liberi* (inquit) *& non quasi velamen habentes malitia libertatem* (prout nostri temporis Hæretici passim obtendunt) *Sed, inquit, sicut serui Dei.*

Ad verba itaque Apostoli 1. ad Cor. 7. dicendum est, quod non habeant hunc sensum, ne Christiani sint serui hominum, id est, vt non seruiant rationabili imperio (cum ibidem Apostolus moneat vt vnusquisque in vocatione, in qua vocatus est, maneat; & alibi sæpius hortetur, vt serui obediant dominis suis) sed ne fiant serui hominum, qui scilicet hominum erroribus & cupiditatibus inserviant, & in talibus sese accommodent & submittant hominibus, prout patet ex adiunctis.

Ad locum ex cap. 4. ad Gal. dicendum est, libertatem, in quam vocati sumus, esse inprimis eam, quæ liberi sumus à seruitute peccati: iuxta illud ad Rom. 6. *Libertati autem à peccato, serui facti estis iustitiæ*: deinde libertatem ab oneribus antiquæ legis, de qua ibi potissimum Apostolus agit; nam mox cap. 5. subiungit: *Statè & nolite iterum iugo seruitutis contineri*: vbi eos admonet consequenter, ne relicta fide Christi, rursus redeant ad seruitutem & ad onera legalia. Ad alia loca, vbi iusti significantur non esse sub lege: Respondetur, id eo sensu dici, inprimis quia iusti non aguntur lege tanquam serui, obtemperantes tantum timore supplicij, sed sunt quasi supra legem, dum ea, quæ legis sunt, amore virtutis & honestatis perficiunt. Vnde etiam SS. PP. antiqui Testamenti dicuntur non fuisse sub lege, quia non ex timore serui, sed ex fide Christi seruabant legem. Secundò, dicitur quoque iusto non esse lex posita, quia scilicet terrores, quos lex incutit, non sunt propter iustos; & hoc facile colligitur ex antithesi quàm Apostolus facit, dum addit: *Sed iniustus, pericidus, &c.* Denique, quia lex non est exterius scripta & promulgata propter iustos, sed maxime propter iniustos, è quorum cordibus lex

naturalis secundum particularia præcepta vt plurimum fuit deleta.

Obijciunt Quarto: Lex noua est lex suauis & facilis, iuxta illud Christi: *Iugum meum suauis est, & onus meum leue*; ergo non debent tempore huius legis grauari homines oneribus multis legum humanarum; Confirmatur ex D. August. Epist. 119. cap. 19. vbi de huiusmodi legibus humanis videtur conqueri, quando sic scribit: Ipsam tamen religionem, quam paucissimis & manifestissimis celebrationum Sacramentis, misericordia Dei liberam esse voluit, seruilibus oneribus premunt, vt tolerabilior sit conditio Iudæorum, qui etiam si tempus libertatis non agnouerint, legalibus tamen sarcinis, non humanis præsumptionibus subiiciuntur.

Respondetur, legem nouam dici legem facilem & suauem; inprimis propter gratiæ abundantiam & multiplicia diuina auxilia, quæ pro tempore huius legis ordinauit & elargitur diuina bonitas humano generi; vnde fit, quod cum facilitate & oblectamento seruetur: iuxta illud Psal. 118. *Viam mandatorum tuorum cucurri, cuius dilatasti cor meum*: deinde etiam, quia pauciora continent præcepta positiua, quàm lex vetus, quæ valde onerabat suos multitudinem præceptorum cæremonialium; neque tollitur aut impeditur hæc facilitas legis nouæ per præcepta Ecclesiæ, quia hæc partim sunt declarationes præceptorum Dei, partim determinationes temporis & loci, quibus iubet diuina mandata affirmatiua adimplere: partim alia quedam constitutiones, quæ ex se iuuant ad certiorè & faciliorem præceptorum Dei obseruationem; neque ita multa sunt, vt hæretici exaggerant, saltem quæ concernunt communem plebem & totum populum Christianum, vt pote, quæ ad quinque capita soleant reuocari: reliqui autem Canonες Ecclesiastici spectant partim ad Iudices dirigendos, partim ad Clericos informandos, partim continent pœnas, quæ contumacibus & rebellibus contra Ecclesiæ monitionem & doctrinam, infliguntur.

Ad D. August. verò Respondetur: ipsum eo loco solum reprehendere plures & diuersos vsus seu consuetudines sub pietatis specie introductas ex priuatorum sensu & deuotione, absque aliquâ rationabili causa, & sine legitimâ Superiorum autoritate; in quibus tamen seruandis & obseruari curandis plus sollicitudinis adhibebatur, quam circa ea quæ in diuinis litteris saluberrimè sunt præcepta; non autem illum improbare vel arguere ordinationes, vel leges Ecclesiasticas à legitimâ potestate institutas & conditas, quin potius illas ibidem

ibidem manifestè approbet, dum in antecedentibus sic scribit. Omnia itaque talia quæ neque sanctarum Scripturarum auctoritatibus continentur, nec in Episcoporum statutis inveniuntur, nec consuetudine vniuersæ Ecclesiæ roborata sunt: sed diuersorum locorum diuersis moribus innumerabiliter variantur, ita vt vix aut omnino nunquā inueniri possint causæ, quas in eis instituendis homines sequuti sunt, vbi facultas tribuerit, sine vlla dubitatione resecanda existimo. Quibus satis significat se velle seruari ea, quæ ab Episcopis & Ecclesiæ Rectioribus ex rationabili causa sunt statuta & præcepta.

Obijcitur Quintò: D. Bernard. lib. 1. de Consideratione ad Eugenium scribit hoc modo: Stetisse Apostolos lego iudicandos, sedisse iudicantes non lego; ergò Apostoli non tulerunt leges, neque iudicium exercuerunt. Respondetur Negand. Consequ. quod enim Apostoli fecerunt leges & statuta, constat ex diuersis Scripturæ locis supra citatis, quibus etiam potest addi, quod habet Apostolus 1. ad Cor. c. 14. *Si quis videtur Propheta esse, aut Spiritualis, cognoscat quæ scribo vobis, quia Domini sunt mandata; vbi suas ordinationes & decreta, quibus constituebat, quomodo se in Ecclesia siue conuentu habere ac gerere deberent illi, qui linguis loquuntur, qui interpretantur, qui prophetant; item quomodo mulier ibidem se gerere deberet, appellat Domini mandata, quia scilicet à potestate diuinitus concessâ promanarūt: quamuis interim ista in particulari non fuerint immediatè à Christo instituta, & præcepta. Similiter quod Apostoli exercuerint iudicium, patet ex eodem Apostolo 1. Epistolæ ad Corinth. cap. 4. vbi scribit: *Quid vultis? in virgâ veniam ad vos, an in charitate?* &c. Et cap. 5. *Ego quidem absens corpore, præsens autem spiritu, iam iudicavi, vt præsens eum, qui sic operatus est,* &c. Item 2. Epistolæ cap. 2. *Nam & ego, quod donavi, si quid donavi, propter vos in personâ Christi,* &c. Et D. Petrus A. cap. 5. examinavit Ananiam & Saphiram vxorem eius super pretio agri diuenditi, & super eius defraudatione, ac puniuit.*

Ex quibus elucet etiam Apostolos exercuisse actus iudiciales: non igitur dictū D. Bernardi ed tendit vt neget Apostolos vel leges instituisse, vel iudicium in genere loquendo, exercuisse; sed tantum eos non sedisse pro iudicijs secularibus: vbi secularia & ciuilia negotia tractantur; quemadmodum neq; Christus Dominus: nam hominem qui volebat vt ipse de hæreditate inter illum & fratrem diuidendâ disponeret, ablegauit à se dicens, *Qui*

*me constituit iudicem aut diuisorem super vos,* Lucæ cap. 12. Ab eiusmodi itaque iudicijs exercendis, ne secularibus negotijs nimis implicetur, vult D. Bernardus, Pontificem reuocare, & dehortari, eo quod talibus etiam faciat suam potestatem abiectionem, quæ altioris est ordinis, & de maioribus iudicat; vnde Apostolus 1. ad Corinth. 6. *Secularia igitur iudicia si habueritis, contemptibiles, qui sunt in Ecclesia, illos constituite ad iudicandum.*

Obijcitur Sextò: Prohibere saltem res omnino indifferentes videtur libertati Christianæ aduersari, quemadmodum & præcipere opera bona, quæ reliquit Christus in libero vniuersi cuiusque arbitrio; atqui præcepta Ecclesiæ versantur circa eiusmodi, vt quando prohibet esum carniū in Quadragesimâ, quando prohibet nuptias Sacerdotum, item quando præcipit ieiunia, auditionem Sacri diebus Dominicis & Festiuis, Confessionem annuam, & similia; ergò &c. Respondetur in primis, res indifferentes, quæ sic indifferentes sunt, vt nec ipsæ nec oppositum habeant virtutis rationem, nec etiam utilitatem medijs ad virtutem aut profectū in virtutibus, non posse eiusmodi rationabiliter præcipi aut prohiberi ab Ecclesiâ, quidquid sit de Christianâ libertate: sed res, quæ tantum dicuntur indifferentes hæcenus, quia neque sunt præceptæ, neq; prohibetæ lege naturæ aut diuinâ, interim verò habent rationem virtutis, aut oppositum est medium conueniens ad virtutem, vel ad ea adimplenda quæ lege naturæ aut diuinâ nobis demandata sunt, dico eiusmodi posse absq; ilesione Christianæ libertatis, ac rationabiliter prohiberi aut præcipi respectiue: nam libertas Christiana, vt diximus consistit potissimum in eo, quod liberi sumus à peccato & seruamus iustitiæ: cum igitur ad horum promotionem faciant, nullatenus possunt dici Christianorum libertati hæc aduersari. Sic prohibet Ecclesia esum carniū, quia abstinentia ab illis seruit ad corporis castigationem, vt facilius spiritui obtemperet; item quia seruit ad satisfactionem pro peccatis; sic mandat cælibatum Sacerdotibus, qui ex se non est res indifferens, sed magnæ virtutis, quam nobis commendauit Christus, & simul quoque Apostolus: vnde quando illis Ecclesiæ interdictum nuptias, non prohibet rem indifferentem, sed præcipit rem magnæ virtutis, scilicet oppositum nuptiarum.

Dices: 1. ad Timoth. cap. 4. Notantur tanquam hæretici futuri, qui prohibebunt nubere. Respondetur Ecclesiam non prohibere simpliciter nubere, sed arcerè à gradibus

gradibus Ecclesiasticis eos, qui volunt se dare nuptijs, non damnans nuptias; sed ex magnis rationibus prudenter iudicans abstinentiam à nuptijs magis convenire Ecclesiæ ministris, ut quod ratio naturalis & diuina lex postulat, scilicet quoddam sanctæ tractentur, securius & certius adimpleatur, dum qui sancta administrant, à curis secularibus & à rebus vxorij, se regantur.

Quod ad opera bona attinet, quæ Christus reliquit libera, sic ut fideles simpliciter non teneantur illa vnquam amplecti, ut sunt ea quæ sunt consiliorum Euangelicorum, ista quoque non præcipiuntur ab Ecclesiâ, nisi quis suâ voluntate se ad illa obliget: sed præcipit opera bona, quæ vel sunt in diuinis præceptis, vel certè sunt quasi media suo modo necessaria, ut fideles adimpleant ea, ad quæ lege naturali aut diuinâ obligantur: unde huiusmodi leges Ecclesiasticæ consistunt potissimum in declarationibus legis diuinæ, aut determinationibus temporis & modi, quibus diuina lex sit seruanda.

Sic lege diuinâ tenetur homo Deum colere, peccator tenetur ad Sacramentalem Confessionem, item ad satisfactionem, ad corporis castigationem vbi periculum est, ne contra spiritum præualeat; item Sacerdotes & qui de altari viuunt, debent peculiari modo pro populo preces fundere, dona & sacrificia offerre; lex itaque Ecclesiastica partim quoad tempus & modum determinat ipsam Dei legem, partim ordinat ea, quæ vtilia sunt, & morali quodam modo necessaria, ut ea quæ sunt legis naturalis & diuinæ à fidelibus ritè obseruentur: ut quando præcipit auditionem missæ, annuam confessionem, ieiunium; item quando imponit Sacerdotibus & beneficiatis munus legendi preces horarias, & sic fere de cæteris, quæ omnia potius seruiunt profectui Christianæ libertatis, quàm ei aduersentur.

Obijciatur Septimò: Christus Matth. 17. dicit, filios regni esse à tributis liberos, atqui Christiani sunt filij regni; ergo à tributis Principum temporalium liberi, & per consequens etiam ab alijs ipsorum legibus.

Respondetur: Christus illo loco tale videtur conficere argumentum; Reges terræ non accipiunt tributa à suis filijs, sed tantum ab aliènis & subditis; ergo filij Regum sunt liberi: & per consequens, Ego qui sum naturalis filius supremi Regis, cui alij omnes subiacent & seruiunt, maximè ero liber habendus à tributis horum Regum: Quam quidem secundam consequentiam Dominus non expressit,

sed Petro & nobis intelligendam reliquit; quare ex eo nihil colligitur pro Christianis, quoad libertatem à tributis, quia non sunt filij naturales supremi regis sicut Christus erat.

Dices: videtur significare Christus non tantum se, sed & Petrum habendum fuisse tanquam liberum, ergo similiter omnes Christiani. Respondetur Antecedens non clare ex illo loco constare; quidquid tamen de eo sit, neganda est consequentia, quia Petrus poterat iure gaudere illà libertate, propterea quod esset secundum humanam & corporalem conuersationem de familiâ Christi filij naturalis supremi Regis; non sic omnes Christiani sunt particulari illo & humano more de familiâ Christi, ut de pane eius materiali edant, & de mensâ illius dulces capiant cibos, & corporaliter cum eo commorentur: unde non eadem est omnium ratio, quæ erat Petri in ordine ad libertatem illam corporalem & externam siue ciuilem quod præstationem vèdgalium aut censuum, qui principibus debentur.

Dices iterum; etiam filij adoptiui solent esse liberi, sed Christiani sunt filij adoptiui magni Regis; ergo &c. Respondetur: Christiani sunt filij adoptiui secundum quod renouati sunt, non secundum corpus, cuius renouationem adhuc expectant iuxta Apostolum ad Rom. 8. Ita D. Thom. in 2. dist. 44. unde secundum corpus & ea, quæ ad corpus spectant, adhuc principibus secularibus subiecti sunt. Accedit, quod etiam non habeant securam & completâ adoptionem, sed tantum inchoatam & mutabilem: complebitur autem & absoluetur in cælo, quando non poterit amplius rescindi. Denique Christiani non sunt filij adoptiui in ordine ad succedendum regibus terrenis, siue ad hæreditandum regnum terrenum, sed ad hæreditandum regnum cæleste, ex quâ hæreditate non consequuntur ipsi imperium propriè dictum, & proprietatem dominij in terrena, quemadmodum naturalis Dei filius Christus Dominus habebat in hæc omnia, quamuis foris non exerceret; quare ex eo, quod modo prædicto sint adoptiui filij supremi Regis, non sequitur quod à tributis terrenis hic debeant haberi omnes liberi, quod satis manifestè Christus docuit, quando dixit esse reddenda Cæsari, quæ Cæsaris sunt, & Deo quæ Dei sunt.

## DVBIUM I.

*Quando leges humanae obligent ad peccatum mortale?*

40 **S**uppono leges humanas si iniuste sint, non obligare ad peccatum ullum, nisi interdum ratione scandalii. Vbi Notandum est, legem aliquando esse iniustam, quia præcipit rem de se inhonestam, aut illicitam; & tunc quidem nunquam eam esse seruandam, aliquando verò esse iniustam, quia non fertur ab eo qui habet legitimam potestatem, vel quia non spectat villo modo ad bonum commune, aut quia non seruatur debita forma cum alijs circumstantijs requisitis, & tunc non esse quoque necessarium in conscientia seruandam, nisi interdum scandalii siue perturbationis reipublicæ vel grauis mali vitandi causa; sicuti iam diximus: His præmissis

Dico Primò: Quando violatur lex humana siue civilis siue Ecclesiastica ex contemptu, tunc committitur mortale peccatum. Hæc conclusio est communis, & indubitata apud omnes. Vbi hoc tantum obseruandum est, legem tunc violari ex contemptu, non quando quis eam transgreditur ex aliqua cupiditate vel timore vel aliam ob particularem infirmitatem vel causam, licet sponte & scienter, ac etiam sæpius eandem legem præuaricaretur; sed quando transgreditur, quia vilipendit & spernit legem & legislatoris potestatem, & vt ostendat se spernere, facit contra legem.

41 **P**etes: Vtrum etiam erit peccatum mortale ex contemptu transgredi legem de materia leui? Respondetur dupliciter posse fieri illam transgressionem ex contemptu, vel quia contemnitur simpliciter & absolute potestas legislatoris, vel quia res, quæ præcipitur tanquam parua & leuis contemnitur: priori modo facere contra legem etiam de rebus paruis est peccatum mortale: elatio quippe contemnens (inquit Bernardus) in minimis quoque mandatis facit culpam non minimam, & conuertit in crimen trabis rebellionis næuum satis leuem simplicis transgressionis. Et ratio est, quia licet materia ipsius legis sit parua & leuis, tamè obiectum actus transgredientis & contemnens est maximi momenti, & materia grauis, scilicet auctoritas & potestas legislatoris; posteriori autem modo contra eiusmodi legem facere, non videtur esse mortale, vt D.D. communiter censent, quia non contemnitur potestas ferens legem, sed tantum res præcepta tanquam parui ponderis negligitur aut contemnitur: & quia res parua est, etiam contemptus censetur paruus

siue parui momenti, quod ad potestatem superioris non transit.

Dico Secundò: Quando lex humana est de re graui vel necessaria ad bonum commune, violatio eius erit etiam peccatum mortale, quamuis ex contemptu non fiat. Ita communiter etiam D.D. quamuis aliqui opinentur Caiet. cum quibusdam alijs aliter sentire. Sic lex, quæ tempore famis prohibetur, ne quis frumentum extra patriam euehat, item quæ præcipitur tempore belli ac periculi ciuitatis, vt constituentur excubie bonæ, & alix similes, sic obligabunt sub mortali vt præuaricationes etiam citra contemptum fiat peccata mortalia. Quod tamen sic oportet intelligere, si legislatores quantum possunt, intendunt obligare ad eiusmodi legum obseruationem; quæ ipsorum intentio vtrumque poterit colligi ex verbis, quibus lex fertur, vt si ponantur hæc aut similia verba: In virtute sanctæ obedientiæ, sub pænâ maledictionis, sub interminatione diuini iudicii, vel hæc, præcipimus, mandamus, prohibemus, aut his æquipollentia; tales enim sermones indicant legislatores pro totâ suâ potestate velle legem obseruari: vnde si materia sit grauis, leges sic latæ ad peccatum mortale obligabunt; quia & auctoritas est sufficiens, & sufficienter applicata, & ipsa res grauis est: quando autem lex fertur tantum humani modii sermonibus, nullus hoc vel illud faciat, aut hoc vel illud prætermittat, non videtur tunc legislator pro totâ suâ potestate imperare, & proinde neque lex ad mortale peccatum obligare, prout D.D. solent hanc diuersitatem obseruare & distinguere. Vide Suarez li. 3. de legib. c. 27. Salas disp. 10. n. 7. Nauar. c. 23. n. 50. Mald. q. 96. a. 4. dub. 3. Quod tamè intellige nisi aliunde contrarium constet, v. g. ex communi fidelium apprehensione & sensu, qui passim apprehendunt & sentiunt eiusmodi legem sub mortali obligare, quamuis grauioribus verbis non esset expressa; vnde frequenter ad communem sensum populi Christiani in eiusmodi legibus est recurrendum.

## DVBIUM II.

*Vtrum lex humana obliget cum mortis periculo?*

43 **R**espondeo & Dico Primò: quando legis præuaricatio cederet in magnū detrimentum Reipublicæ, oportebit illam seruare, etiam cum certo mortis discrimine. Ita communiter D.D. v. g. lex, ne miles deferat suam stationem, dum ciuitas versatur

versatur in discrimine, est seruanda etiam cum periculo mortis: & ratio reddi potest, quia quilibet priuatus cum sit pars communitatis, tenetur anteponeere bonum commune suo proprio, cum pars sit propter ipsum totum.

Dico Secundò: Similiter quando violatio legis cederet in contemptum fidei, aut potestatis Ecclesiæ, tum etiam cum vitæ discrimine lex est obseruanda. Ita quoque communiter D. D. v. g. est aliquis captus ab hæreticis, & iubetur comedere carnes die Veneris in contemptum Ecclesiæ scilicet potestatis, potius debet is eo casu mortem subire, quam carnes comedere. Ratio est, quia cum talibus circumstantiis carnes comedere est seruire ipsorum intentioni, eamque exequi, atque ita est contemnere Ecclesiæ potestatem.

44 Obseruandum autem est, duas prædictas conclusiones ab alijs nonnullis sub alijs verbis & formalitatibus assignari, sed quoad rem & substantiam cum his coincidere.

Dico Tertiò: præter hos duos casus non videtur humanæ leges cum periculo vitæ obligare. Ita fere communiter D. D. contra Caiet. hoc loco & Adrianum in 4. quæst. 3. de Clauibus. Probat, quia diuinæ leges sæpius non obligant cum tanto discrimine & incommodo, ut patet in primis in lege de explicandis omnibus peccatis mortalibus in Confessione, quando enim ex alicuius peccati declaratione immineret consentienti periculum mortis siue ab ipso Pastore, siue ab alijs, quibus verisimiliter illud esset reuelaturus, non tenebatur in confessione aperire, si alium Confessarium non habebat: sic quoque primi Reg. 21. legitur Dauid comedis se panes Propositionis in necessitate, quos tamen iuxta diuinum mandatum edere non licebat, nisi solis Sacerdotibus, ut patet Leuitic. 24. Hic tamen Dauidem non peccasse testatur Christus apud Matth. cap. 12. Ita quoque Machabæi decreuerunt mortis vitandæ gratiâ pugnam inire die Sabathi, quod alioquin non licuisset. Capitulum quoque, Quoniam multos, 1. quæst. 3. & Capitulum Inter: De sententiâ excommunicationis tradunt non peccare, neque censuram incurrere viatores, peregrinos, aut mercatores, qui propter necessitatē sustentationis, seu refectionis corporalis ad excommunicatos declinant, & cum eis communicant.

45 Denique multæ leges humanæ non obligant etiam cum minori periculo iuxta commune sententiam, ut patet in lege ieiunij, lege audiendi Sacri, quæ non obligant cum periculo morbi aut alicuius

alterius grauioris incommodi. Fundamentum autem conclusionis assignari potest, quia non præsumitur fuisse voluntas legislatoris in talibus euentibus obligare, quando periculum mortis sic per accidens ex occasione legis seruandæ instaret, quod alioquin periculum actui precepto neque per se inest, neque etiam potestatis Ecclesiæ, aut religionis inducit contemptum: Imò etiam si vellet legislator, non videretur ista voluntas rationabilis, ac proinde neque efficax ad obligandū: quia sic obligare ad actum ipsius legis, ut heri semper debeat quacūque obueniente incommoditate, aut periculo etiam extra prædictos casus, non est ordinariè & regulariter necessarium ad bonum commune, & salutem Reipublicæ; non debet autem res præcipi cum tam difficili circumstantiâ, & humanæ infirmitati prope modum impossibili, nisi ex vrgentissimâ publici boni necessitate, quia non habet Magistratus siue ciuilis siue Ecclesiasticus dominum vitæ ciuium sed conuenientem usum, & ideo non videtur posse ex communibus & ordinarijs causis obligare ad profundendam vitam. Sed contra

Obijciatur: Bonū commune proponendum est priuato, atque adeo pro communi bono tenetur quilibet priuatum vitam exponere; atque lex humana ponitur propter commune bonum, ergo seruanda est non obstante vitæ periculo. Confirmatur, quia non excusatur à censurâ excommunicationis, qui propter metum communitat cum excommunicatis, ut resoluit Innocent. III. Capitulo Sacris, de his quæ vi metusue causæ fiunt: & rationem reddit Pontifex, quia licet metus culpam extenuet, non tamen eam prorsus excludit, pro nullo autem metu debeat quis mortale peccatum incurrere; ergo &c.

Respondetur admittendo quiddam propter commune bonū esse contemnendam vitam propriam, quando id ad commune salutem est necessarium: sed negamus ad eam semper necessariū esse, quod opus legis fiat; nam lex quæ propter commune bonum lata est, satis consequitur finem suum, si regulariter & extra eiusmodi raros ac difficillimos euentus obseruetur. Ad Capitulum Sacris, diuersi diuersimodè respondent: Dominicus Soto lib. 1. de Iustit. quæst. 6. artic. 4. putat Pontificem loqui tantum de communicatione in crimine criminoso. Siluester autem dicit loqui de communicatione, quæ cedat in iniuriam clauis: Alij volunt illum loqui de leui metu, quæ omnia quidem vera sunt, quod tunc non desinat lex obligare. Sed tamen magis accom-

Ii ij modatò

modatè ad textum videtur posse responderi, quod Pontifex ibi inter violentiam siue coactionem, & inter metum tantummodo ponat distinctionem quandam, quæ consistat in contradictione, non autem in contrarietate; quod videlicet violentia siue coactio, excuset generaliter à censurâ, sicut & à culpâ. Sed quod metus non excuset vniuersaliter; quod verum est, quia non omnis metus excusat: quando autem excuset & quando non, non exponit ibi Pontifex, sed relinquit hoc secundum generalem doctrinam & regulas determinandum: quæ in alijs declarationibus, vt in Capitulis sup. citatis & alibi continentur.

## DVBIUM III.

*Vtrum lex pœnalis obliget in conscientia ad id præstandum pro quo pœna apponitur?*

47 **N**Otandum est Primo: Legem aliam dici purè moralem, quæ nimirum præcipit aut prohibet aliquid nullâ expressis terminis pœnâ apposita contra transgressores, vt est decalogus: Aliam verò dici pœnalem, eam videlicet in quâ disertis verbis pœna exprimitur, & hanc rursum subdiuidi in pœnalem mixtam, & purè pœnalem: mixta dicitur, quæ explicitè præcipit vel prohibet aliquid, & simul pœnam apponit: vt est hæc Genes. cap. 2. *Deligno autem scientia boni & mali ne comedas: in quocunque enim die comederis ex eo, morte morieris.* Potest autem subdiuidi in eam quæ aliquid præcipit vel prohibet, & pœnam contra transgressores ponit quasi copulatiuè: v. g. nullus frumentum extra patriam auehat; qui auxerit luat centum, qualis vocatur ab aliquibus copulatiuè mixta; & in eam, quæ ista ponit disiunctiuè: v. g. nullus auehat frumentum, vel pendat grario Reipublicæ tantum vel tantum; & potest vocari disiunctiuè mixta. Purè pœnalis est, quæ nihil præcipit aut prohibet terminis expressis, sed facienti, vel non facienti hoc vel illud statuit certam aliquam pœnam; v. g. qui maledixerit patri vel matri, morte moriatur. His præmissis

48 **R**espondeo & dico Primo: Lex pœnalis mixta copulatiuè posita obligat in conscientia ad præstandum id pro quo pœna apponitur. Ita communiter Scholastici & Couarr. ad Regulam peccatum partem secundâ §. 5. num. 2. Castro. lib. 2. de Lege pœnali cap. 8. Siluester, Verbo obedientia contra Nauarr. Enchr. cap. 22. num. 55. qui non vniuersaliter, sed cum

certis limitationibus vult hoc verum esse. Sed probatur absolute, quia in tali lege continetur præceptum aliquod morale; ergo etiam si addatur pœna, manet nihilominus illius præcepti obligatio in conscientia, non secus quam in alijs legibus humanis, vbi pœna non apponitur. Patet consequentia, quia alioquin oporteret dicere, quod obligatio ad pœnam repugnet culpæ, siue obligationi in conscientia: quod tantum abest, vt potius illa hanc supponat, cum pœna propriè dicta non infligatur nisi propter culpam; & ideo explicitè apponatur pœna, vt homines magis excitentur & moueantur ad legis obseruationem. Vnde potius signum est maioris obligationis, siue legislatores magis velle legem suam obseruari, quàm quod inde possit colligi non esse voluntatem legislatoris obligare.

Dico Secundò: Lex pœnalis mixta disiunctiuè posita non obligat in conscientia determinatè ad rem propositam faciendam, sed vel ad eam obseruandam, vel ad tantundem pendendum, quantum lex statuit. Res euidens est, quia hoc ipso quo sic disiunctiuè legislator constituit, relinquit in arbitrio subditorum, vt quam velint partem eligant, & quamuis fieri possit, quod legislatori gratius foret, obseruari priorem partem, quàm pendere multam; aut quasi multam sub disiunctione appositam, hoc tamen non inducit obligationem saltem sub mortali. Ad sensum autem huiusmodi legum solent quidam interpretari ordinationes siue statuta Religionum, in quibus aliqua pœna apponitur, etiam si alioquin copulatiuè sint posita: volunt enim quod sensum habeant disiunctiuum, & proinde non peccent, qui rem non faciant, modo appositam pœnam subeant, quod mihi non probatur, nisi superiores penes quos est potestas eiusmodi ordinationes mutandi & tollendi, declarent se ita intelligere. Vtrum autem conueniat id fieri, ex professo circa aliam partem D. T. examinabimus.

Dico Tertiò: Etiam lex purè pœnalis modò verè lex pœnalis sit, obligat in conscientia ad id pro quo pœna imponitur. Ita Soto lib. 2. de Iust. & Iure. q. 6. artic. 5. Couarr. sup. §. 4. num. 4. & Theologi communiter. Probatur, quia hoc ipso quo legislator statuit pœnam, significat se velle id fieri, pro quo pœna imponitur: quæ voluntas sic legitime subiectis intimata illos obligat non secus, quàm alio modo explicata, nisi contingeret quod legislator contrariū exprimeret. Vnde in huiusmodi pœnali lege implicitè continentur duæ leges: v. g. in hac, qui noctu cum armis inueniuntur

inuentus fuerit, in vincula conijciatur: vna scilicet respectu vniuscuiusque priuati, quâ omnibus prohibetur, ne cû armis noctu incedant, quam proinde tenentur omnes obseruare; altera respectu Iudicis, quâ præscribitur, vt talem pœnam contrauentori infligat.

**Dixi**, modò verè lex pœnalis sit; quia sunt aliquando constitutiones quædam habentes speciem siue apparentiâ legis pœnalis, & tamen in proprietate non sunt tales; v.g. Canones, quibus constituitur, quod qui contraxerint secundas nuptias, vel obierint officium Iudicis in causa sanguinis, arceantur à sacris ordinibus: Item statuta, quibus ordinatur, vt qui ad gradum Licentiæ non fuerint promoti, non admittantur ad Episcopatum, ad præbendas affectas, vel ad munus aduocati: he namque constitutiones non sunt propriè leges pœnales, sed tantum requirunt, quod certæ qualitates adint, vt quis habeatur idoneus & habilis ad ordines aut officium aliquod. Vnde non est intentio legislatoris obligare communitatem, ne quis secundas nuptias contrahat, vel Iudicis officium suscipiat, quemadmodum neque, quod ad gradum Licentiæ debeat quis promoueri. Vt autem diferim⁹ hoc intelligatur, tradit Couarru. sup. hanc regulam, quod videlicet signum sit, legislatorem voluisse obligare ad illud, pro quo pœna aut quasi pœna apponitur, quando hoc expedit Reipublicæ ab omnibus passim fieri, aut non fieri, quod ex materiæ qualitate potissimum est colligendum: talia autem non sunt, non suscipere officium Iudicis, non contrahi secundas nuptias, promoueri omnes in scientijs ad gradum: aut similia.

#### DVBIVM IV.

*Utrum lex pœnalis in conscientia obliget ad subeundam pœnam ante Iudicis sententiam?*

**Notandum Primò**: Dupliciter à legibus pœnam constitui; aliquando sic, vt ordinent tantum pœnam, in quam transgressores condemnandi sunt; aliquando verò ita, quod non tantum ordinent, sed etiam ipsæ ferant sententiam ac damnent transgressores in pœnam. Prioris generis pœnæ dicuntur sententiæ ferendæ; posterioris autem sententiæ latæ.

**Notandum Secundo**: Ex diuersis loquendi modis, quibus leges feruntur, esse discernendum, an pœnæ sint latæ sententiæ, an ferendæ: si enim lex dicat, Incurri ipso iure, ipso facto; item, si

dicat transgressorem obligatum ad solueundam pœnam in conscientia, vel non posse absolui à delicto, donec pœnam luerit, quale exemplum habetur Capitulo Romana. §. procuraciones, De censibus in Sexto, tunc pœnæ omnino sunt latæ sententiæ. Similiter si lex vtatur verbis, quibus Iudices in ferendis sententijs vt solent; vt si dicat, Excommunicamus, Interdicimus, &c. Item si vtatur verbis, quæ non requirant aliquam aliam actionem aut ministerium hominis Iudicis, vt si dicat Est, vel Erit excommunicatus; Item si dicat in præsentī: Excommunicatur, vel ab officio suspenditur. Quando autem lex procedit per verba comminatoria; vt quando dicitur sub pœnâ excommunicationis, vel vitur verbo imperatiui modi, aut æquivalenti, vel etiam verbo futuri temporis, quod significat aliquam actionem, tunc pœnæ sunt sententiæ ferendæ; vt quando dicitur, Qui hoc fecerit, excommunicetur, vel excommunicabitur. Quando autem ex verbis legis remanet dubium, siue pœna latæ sententiæ an non, tunc in mitiorem partem accipienda est, & habenda tanquam sententiæ ferendæ. Ita communiter D. D. loquuntur & interpretantur leges ciusmodi pœnales.

**Notandum Tertiò**: Sententiam Iudicis esse duplicē, videlicet declaratoriam, & condemnatoriā. Declaratoria est, quâ declarat Iudex aliquem commississe tale vel tale crimen, & eo nomine incurrisse hanc vel illam pœnam; v.g. Petrum esse hereticum, & eo nomine eius bona fisco esse addicta. Condemnatoria autem est, quâ iudicialiter quis condemnatur in pœnam, sic vt hoc ipso in illam, vel certè in eius subeundæ aut sustinendæ necessitatem incurrat: quod posterius addo, quia quædam sunt tales pœnæ, vt simul per sententiâ possint mandari executioni absque alicuius alterius actione aut cooperatione, vt quando Iudex aliquem per sententiam excommunicat, aut suspendit ab ordinibus; quædam verò sunt tales, quod sententia iudicis non possit per se illas inducere, sed tantum imponere necessitatem, vt malefactor eas subeat aut sustineat, v.g. quando Iudex condemnat ad exilium, aut ad mortem. His positis

**Respondeo & Dico Primò**: Quando lex pœnalis tantum continet sententiam ferendam, certum est transgressorem tunc non obligari ad pœnam exsoluendam aut subeundam, siue aliquos eius effectus præstandos, ante sententiam Iudicis condemnatoriā. v.g. lex habet, qui tale quid fecerit, veniet condemnandus in talem pecuniæ,

summam,



summam, vel mittendus in exilium, aut excommunicandus, non tenebitur legis illius transgressor ad pecuniam soluendâ, vel ad abeundum in exilium, vel ut pro excommunicato se gerat, antequam per Iudicis sententiam ad illa condemnatur. Patet quia non obligatur ad amplius, quâ lex ipsa contineat; neque ad pœnam, in quam nondum est condemnatus; atqui lex solum continet sententiam ferendam, ut transgressor adiudicetur pœnæ, quod magis obligat iudicem quam transgressorem: ergo &c.

55 Dico Secundò: certum quoque est, quando lex continet pœnam latæ quidem sententiæ, sic ut de facto condemnet transgressorem in pœnam, sed talem, quam quis sibi licite infligere non potest, tunc reum etiâ non teneri ad illius pœnæ executionem: v. g. lex habet, qui occiderit patrem, hoc ipso reus sit mortis aut morti adiudicatus, non tenebitur tamen pœnicia sibi ipsi mortem inferre, quod manifestum est: quia non potest quis obligari ad illud, quod non potest licite facere. Idem sentiunt nonnulli de quibusdam alijs pœnis corporis grauioribus, quas quidem sibi quis licite inferre posset; Sed tamen inhumaniores apparent, quam quod existimetur legislator voluisse obligare reum ad eas sibi inferendas, absque alterius executione accedente; cuiusmodi possunt esse pœna carceris perpetui, publica flagellatio, & similes.

56 Dico Tertiò: quando lex continet latam sententiam alicuius pœnæ, quæ ipsius sententiæ prolatione intelligi solet, ita ut non requiratur aliquam aliam realem actionem ad sui executionem, tunc transgressor legis, crimine commissio statim redditur illi pœnæ obnoxius, eamque luere incipit absque aliâ sententiâ tam declaratoriâ quam condemnatoriâ. Patet in censuris Ecclesiasticis, irregularitatibus, priuationibus priuilegiarum à Iure statutis per latam sententiam; quæ pœnæ ex tempore criminofum afficiunt, etiam ob crimina non publica, vti constat ex communi Ecclesiæ sensu. Videtur tamen qui excommunicatus fuerit propter crimen occultum, quod eatenus possit se habere pro non excommunicato, quatenus hoc est necessarium ne crimen suum publicetur: in cæteris autem debet se pro excommunicato gerere.

57 Sed præcipua hic difficultas est de pœnis, quæ versantur circa bona fortunæ, eorumque iura & titulos, quæ scilicet ad sui plenam executionem præter sententiam à lege latam requirunt adhuc aliquam actionem ipsius Rei vel Iudicis.

Dico itaque Quartò: Lex pœnalis, quæ continet latam sententiam pœnæ, quoad bona fortunæ, eorumque priuationem, statim constituit transgressorem debitorem talis pœnæ, & quando intentio Legislatoris est eiusmodi, ut velit reum per se quoque exequi illam pœnam, obligatur tunc reus in conscientia ad illius executionem etiam ante omnem Iudicis sententiam: quando verò intentio Legislatoris est alia, non obligabitur ad executionem, antequam pœna exigatur.

Probatur Prima pars, quia ut transgressor fiat debitor pœnæ, quam lex iusta in eum fert, neque requiritur sententia condemnatoria, neque declaratoria; ergo &c. Probatur Assumpt. non enim condemnatoria, quia in Capitulo, Cum secundum leges, De hæret. in 6. dicit expressè Pontifex sufficere Sententiam declaratoriam, ut Fiscus possit inuadere bona hereticorum: & fundamentum est, quia ipsa lex condemnat transgressorem in talem pœnam; lex autem non est minoris potestatis vel authoritatis, quam particularis sententia Iudicis; neque etiam per se requiritur declaratoria (nisi fortassis lex id ordinet) quia hæc tantum pronunciat crimen esse commissum, quæ non facit criminofum esse reum & debitorem pœnæ: sed ad summum declarat illum iam de facto per ipsam legem esse constitutum debitorem.

Probatur Secunda pars Primò: Quia 58 lex iusta, ut modo diximus, non est minoris virtutis, quam particularis sententia Iudicis: atqui potest quis particulari sententiâ condemnari in eiusmodi pœnam, & eius executionem per ipsum reum faciendam: v. g. in aliquam pecuniæ summam, quam teneatur Fisco deferre, aut priuari bonis suis, quæ debeat deferre & in exilium; abire; ergo potest quoque sic condemnari per legem, ut quemadmodum propter sententiam Iudicis, ita etiam propter legem teneatur ad eiusmodi pœnas per se subeundas.

Probatur Secundò: Quia plures sunt Canones & constitutiones, in quibus Legislatores multiplicatis verbis & diuersis additis particulis studiose explicant hanc voluntatē & intentionem, ita ut sine manifestâ verborum violentiâ, & legum iniuriâ non possint aliter accipi: atqui frustra Legislatores id agerent, si ne tunc quidem leges obligarent transgressores ad pœnæ executionem ante accedentem sententiam, & operam Iudicis; ergo &c. Patet maior ex Extrauag. Ambitiosa: de rebus Ecclesiæ non alienandis, ubi inferiores Prelati & Rectores Ecclesiarum, qui suorum be-

rum beneficiorum bona contra præscriptum illius Canonis alienauerint, priuantur suis beneficijs, in hæc verba: Priuati existant ipso facto, & absque alia declaratione vacare censentur. Et ita quoque intelligunt hanc pœnam Caier. in summâ verbo Excommunicatio, & Nauarr. cap. 27. num. 150. quamuis addant hanc legem quoad pœnam illam contrariâ consuetudine derogatam esse vel multis in locis, vel vbique. Simile quid habetur in Motu proprio Pij IV. contra committentes simoniam confidentialiter, vt docet Nauarr. cap. 23. num. 110. quando Pontifex dixit: Sed ne quisquam vanâ fiduciâ fretus non intendandi contra se iudicij, in crimine perseueret, omnes & singulos præsentium autoritate priuamus, &c. Vbi expendenda sunt non tantum illa verba, Præsentium autoritate, sed etiam illa maximè, Ne vana fiduciâ fretus non intendandi contra se iudicij: Ex quibus colligitur Pontificem voluisse auferre necessitatem omnis iudicij in hac causa.

59 Suarez tamen lib. 5. de Legib. cap. 8. num. 16. dicit probabile, pœnam hanc non esse in hoc sensu communiter receptâ, & ideo fortassis illi esse derogatum in hac parte per contrariam consuetudinem, quæ tolerabilis iudicari potest (inquit) quia reuera pœna est valde rigorosa. Similis lex habetur Capitulo, Licet, de Electione in 6, quâ constituitur, vt is qui obtinet Ecclesiam parochialem, quod habita pacifica eius possessione, intra annum promoueatur ad Sacerdotium, alioquin nulla etiam præmissâ monitione, sit ipse Canonis autoritate priuatus: quæ lex iterum repetitur Capitulo Commissa eod. Titul. vbi etiam hoc additur, Quod si Ecclesiam suscepit absque intentione suscipiendi Sacerdotij intra annum, neque animum mutauerit & Sacerdotium suscepit intra annum, teneatur etiam fructus perceptos illius anni restituere. Similis iterum constitutio habetur in Concil. Trid. sess. 23. cap. 1. de Reform. vbi dicitur, Episcopus si contra illius decreti ordinationem abfuerint à suâ diocœsi, teneri ad restitutionem fructuum perceptorum aliâ etiâ declaratione non sequita. Quam constitutionem æquiparat Nauarrus in Summâ cap. 25. cum Capitulo Licetiam cit. & in eodem Concil. Trid. sess. 24. cap. 18. de Reform. vbi dicitur, quod Examinatores ad pastorem, qui aliquid ratione examinis accipiunt siue ante siue post examen, incurrant simoniam, à quâ absolui non possint, nisi dimissis beneficijs, quæ prius habebant. Vbi ex eo quod absolui non possint nisi dimissis beneficijs, manifestè patet legisla-

toris intentionem esse, illos obligare ad dimittenda beneficia etiam ante omnem Iudicis sententiam.

60 Probat Tertia pars conclusionis: quia non obligatur transgressor siue reus ad amplius, quàm Legislator illum intendat obligare; quando igitur non intendit Legislator obligare reum, vt ipse possessione & bonis ante Iudicis sententiam saltè declaratoriam, eiusue operam sese exuat quibus lex illum priuat, non tenebitur in conscientia, prius illa à se dimittere, quam officium Iudicis accedat.

61 Sed dices: ergo huiusmodi lex latæ sententiæ non habebit maiorem vim vel effectum, quam lex sententiæ ferendæ. Respondetur Neg. Conf. quia lex sententiæ latæ statim operatur in transgressore aliquem effectum, quem non similiter operatur lex sententiæ adhuc ferendæ: v. g. causat statim amissionem dominij vel iuris in ipso reo, vnde etiam postea pœna retrahitur ad tempus delicti. v. g. aliquis ante decem annos incidit in hæresim, is tunc amisit dominium suorum bonorum, sed iam demum venit crimen in lucem, & declaratur à decennio fuisse hereticus, priuabitur hic non tantum bonis, quæ modo habet, verum poterit fiscus occupare omnia, quæ interea temporis hereticus ille donauit vel alienauit etiam cōtractu oneroso; quia non potuit validè illa transferre, aut alienare, nisi fortassis eiusmodi alienatio cesserit in augmentum substantiæ illius.

62 Quando autem legislatoris intentio sit obligandi ad pœnæ executionem ante omnem sententiam iudicis accedentem, & quando non, ex ipsis verbis legum & prudentum virorum interpretatione potissimum est colligendum: circa quod tamen

Notandum est, non sufficienter censeri eiusmodi intentionem Legislatoris expressam, quotiescumque lex dicit, quod transgressores siue criminosi sunt ipso facto vel ipso iure priuati suis bonis, aut beneficijs, siue quod ipso iure bona Fisco addicta sunt, vt docet Graffius lib. 2. decisionum cap. 11. num. 2. & 3. vbi citat aliquot leges, quibus dicit imponi pœnas ipso iure, ad quas tamē ex communi DD. sententiâ (inquit) reus in conscientia non tenetur ante omnem iudicis sententiam. Idem notat Suarez sup. num. 3. & 5. & Probari potest Primò: Quia illæ particulæ ipso iure vel ipso facto, in tali casu habent vsum suum & effectum aliquem, etiam si non dicantur obligare reum vt ipse ex se faciat pœnæ executionem, vt constat ex modo dictis: non videtur igitur dicendum, quod istam obligationem inducant,

Ii iij ducant,

dicant, siue quod significant talem esse legislatoris voluntatem & intentionem, ut reus ex se poenam in se exequatur; quia poenæ sunt potius temperandæ, quam extendendæ iuxta commune axioma, idque potissimum quando forma siue modus poenarum est admodum humanæ infirmitati difficilis, ut in præsentî.

- 63 Secundò, quia hoc videntur ipsa iura indicare; nam Capit. Cum secundum leges de Hæret. in 6. decernuntur hæreticorum bona ipso iure confiscata, & tamen ibidem dicitur, quod si quis non possit illa occupare ante sententiam declaratoriam; tum etiam quod in alijs legibus, quando legislatores volunt obligare reum, ut per se abdicet & relinquat bona, etiam absque alio iudicis officio, addant tunc alias insuper particulas, quibus hoc clarius & particularius expriment, ut patet ex Canonibus & constitutionibus sup. citatis. Verum tamen non est id, quod Grassius sup. refert à quibusdam tradi, scilicet omnia iura, quæ vel ipso iure vel ipso facto imponunt poenam, debere intelligi, modò sit sequuta sententia declaratoria; nam in primis id falsum est in poenis & censuris Ecclesiasticis, ut patet ex sup. dictis; deinde etiam locum habere non potest, quando adiunguntur aliæ sufficiens particula, quæ omnino contrarium postulant, ut accidit in diuersis legibus supra allegatis. Vide de hac materiâ plura apud Azor. tom. 1. lib. 5. cap. 7.

#### DVBIVM V.

*Quomodo debeat humana legis promulgatio fieri, ut dicatur lex sufficienter promulgata & obligare?*

- 64 **O** Stendimus suprà quæst. 90. artic. 4. cum D. Thoma ex communi & certa doctrinâ, necessariam omnino esse sufficientem legis promulgationem, ut vim suam valeat exercere; & positâ sufficienti legis promulgatione, posse eam fortiri suos effectus, etsi ab aliquibus ignoretur, etiam in illis, qui ignorant, & quidem omnes, si culpabiliter ignoretur; si autem inculpabiliter, etiâ quasdam operari nihilominus aliquos suos effectus. Vnde multum intricata restat difficultas, Quomodo legis humanæ promulgatio fieri debeat, ut lex dicatur sufficienter promulgata, & obligare?
- 65 Ut autem difficultas hæc accuratè queat extricari & distinctè intelligi, opus est prius referre & exponere diuersitates legislatorum, ac legum, quia ex horum diuersitate nascitur sæpius etiam quedam diuersitas in ratione seu modo promulgationis requisitæ, ut lex obliget. Inter le-

gislatores namque est hæc differentia: quod quidam sint Ecclesiastici, & vtuntur potestate spiritali: alij sint sæculares, & vtuntur potestate temporali seu politica. Ecclesiasticorum autem primus & supremus est Romanus Pontifex Christi in terris Vicarius & Caput Ecclesiæ vniuersalis militantis, ut in 2. q. 1. circa artic. 10. latius ostendimus. Vnde hic habet Iurisdictionem latissimam, sub qua completur totum Christianum orbem, cum etiam scilicet regna & prouincias, quæ Christi fidem susceperunt, quibus proinde omnibus potest & solet salutare leges constituere in ordine ad salutem animarum, & beatitudinem supernaturalem. Deinde sunt Patriarchæ, Primates, Archiepiscopi, Episcopi. Inter legislatores autem sæculares primus & maximus est Imperator Romani Imperij, cuius autoritas ad plurimas prouincias & diuersas nationes sese extendit: & licet multi Principes Imperij participant multa, quæ sunt supremi dominij, tamen tam ipsi, quam eorum terræ semper in aliquo recognoscunt Imperatorem, & eius leges & mandata solent recipere & admittere. Deinde sunt Reges, & alij supremi Principes Imperio non subiecti, & Respub. liberæ, quæ nullum habent superiorem in temporalibus. Inter hos autem cõtingit, quod aliquando aliqui sint supremi Domini diuersorum Regnorum, aut prouinciarum, quæ inter se non habent connexionem vnus Communitatis, aut Corporis politici, vel aliquam inter se subordinationem; sed tantum casualiter & per accidens factum est, quod eadem persona obtinuerit diuersa ista dominia, siue per matrimonium, siue alia ratione, sic tamen ut singula maneat vna perfecta communitas, & perfectum corpus per se: Sicuti Philippo IV. sub sunt Regnum Castiliæ, Regnũ Porrugalliæ, Ducatus Burgundiæ, Comitatus Flandriæ, &c. Alij autem sunt supremi Domini vnus alicuius regni, aut prouinciæ tantum.

In legibus autem obseruandæ sunt hæc differentie, tanquam quæ hic ad propositum faciât, quod aliæ sint simpliciter preceptiue aut prohibitiue rerum respectu facienda aut omittenda, cum poenæ comminatione vel sine eâ; aliæ sunt leges prohibentes & irritantes contractus aliquos, siue personas ad contrahendum reddentes inhabiles, ut sunt leges quæ vetant & irritant matrimonia in 3. aut 4. gradu consanguinitatis vel affinitatis, item matrimonia clandestina: similiter quæ irritant alienationes bonorum, quas pupilli faciunt &c. Alię sunt leges constitutiue pretij rerum, supra quod non liceat vendere,

dere, vel etiam valoris monetæ supra quæ non liceat monetam exponere; aut recipere: aliæ sunt concessus alicuius gratiæ aut priuilegiij; aliæ denique sunt derogatoriæ siue reuocatoriæ legum prius latarum, aut priuilegiorum prius concessorum, vt v. g. constitutio quæ reuocatur antiqui Canonis irritantes matrimonium in 5. & 6. gradu, & similes.

67 His præmissis Respondeo & dico Primo: Generaliter de omnibus legibus propriè dictam legis rationem habentibus verum est, non sufficere vt dicantur sufficienter promulgatæ, quod à Principe in particulari cõsilio sint editæ, & per Notarium aut publicam personam ibidem conscriptæ, verum requiritur, quod in loco communi & publico ad quem possint & solent passim omnes conuenire palam coram populo viuâ voce edicatur aut saltem literarum legitima affixionè in tali loco publicetur: alioquin enim nec promulgatio quidem facta, censenda erit. Est communis & certa omnium Doctrina, qui distinguunt inter expressionem seu editionem legis quæ priuatim fit, & inter legis promulgationem: quamvis aliquando leges ædi accipi possit, vt idem sit quod legem publicari seu promulgari, prout sup. quæst. 90. artic. 4. diximus versimiliter sumi in Cap. 1. De postulatione.

68 Dico Secundò: vt leges Imperatoriæ censcantur promulgatæ sufficienter ad obligandum per omnes Imperij prouincias, non satis est, quod sint solemniter promulgatæ in Metropoli residentis ipsius Imperatoris: sed necessum est, quod promulgatæ sint in metropoli singularum prouinciarum Imperij. Ita communiter tradunt DD. & probant ex Authenticâ: Vt factæ nouæ Constitutiones: quæ inter Nouellas Iustiniani est sexagesima sexta, in quâ statuit Imperator legem suam non habere valorem & effectum in prouincijs nisi postquam in Metropolibus prouinciarum fuerit proposita seu publicata. Nec refert Imperatorè in Authenticâ illa loqui duntaxat de Constitutionibus Testamentarijs; quia in primis in alijs legibus eadem est ratio: Deinde quia hæc corpori Iuris communis est inserta, non tam vt particulariter de istis disponens, quâ vti consecutiue generaliter in omnibus constitutionibus debet obferre: quod & ipsa Rubrica, quæ generaliter loquitur, satis significat. Idem docet & deducit Petrus Gudelinus lib. 5. De Iure Nouissimo cap. 2. §. Porro illud dicendum est, ex eo quod videamus in hoc volumine nouissimarum Iustiniani Constitutionū plerasq; omnes dirigi vel ad præfectum prætorio (inquit) vel ad magistrum

officiorum, vel ad Comitem largitionum, vel ad Quæstorem, vel ad alium aliquem, pro diueritate materiarum, palatij Magistratum, vt ille curaret has vbique obseruari, manifestū faciendo Principis placitum vniuersis.

Adiungitur à DD. etiam ratio; quia Regna & prouinciæ Imperio subiecta nõ præsumuntur tale Ius vnquam in Imperatorem transulisse, vt suis legibus ea possint obstringere non factâ in ipsis siue per prouincias suarum Constitutionum insinuatione, & publicatione. Hinc multi tenent non solum ex Imperatoriâ dispositione iam allegatâ, esse necessariam per singulas prouincias talem insinuationem seu promulgationem, vt leges in illis obligent; sed etiam ex naturâ rei, ita vt etiam Imperator dispositionem illam tolleretur, & vellet leges in loco Residentiæ suæ promulgatas obligare per omnes prouincias & regna, non tamen id efficaciter posset præstare quia talem non habet sibi à populis concessam potestatem. Vide Syluest. v. Lex Malder. hic dub. 3.

Dico Tertiò: Leges Imperatoriæ insuper debent duobus mensibus fuisse promulgatæ numerando à die publicationis in loco, antequam obligent, aut vim exerant. Patet ex eadem Authenticâ supra allegata, & tradunt DD. communiter: & quamvis ibi specialiter sit sermo de lege quadam Testamentariâ, vt diximus, tamen tanquam Constitutionem quandam generalem accepit illam Pius IV. in Bulla sua super declaratione temporis, quo inciperent Decreta Morum C. Tridentini habere cursum, & obligare: vbi ad prædict. Authenticâ. respiciens sic loquitur: Et iure etiam communi sancitum est, vt Constitutiones nouæ vim nõ nisi post certum tempus obtineant, &c. Multi quidem Interpretes sic accipiunt istam Imperatoriâ dispositionem, vt tantum præfint isti duo menses ad allegationem ignorantis, quia hæc interim præsumatur; non autem quia lex publicata etiam prius obstringat eum qui legis notitiam habuerit, vt refert Gudelin. loco cit. §. Sed vtrum Lex: quibus ipse videtur assentiri.

Verum aliter eam intellexit Pontifex Pius IV. vt ex allegata Bulla constat, & omnino alia quoque videtur fuisse mens Imperatoris: Iusta enim subest ratio, quare indulgeatur tantum temporis, quando summi Principes ædunt nouas leges, quæ integras & aliquando amplissimas prouincias concernunt: non enim subito, vel intra dies tres vel 4. possunt, moraliter loquendo, omnibus aut plurimis ad quos diriguntur innotescere: quare si mox obligaret

eos qui cognouerint, nata esset sequi magna difformitas in Repub. dum pauci fortitè aliqui audierint, vel satis rescuerint, qui volent aut debebunt eas ad praxim deducere, & interim maxima pars laboret iusta ignorantia, quæ contraheret: hæc vero difformitas nata est vltierius causare confusionem & perturbationem. Vnde merito potest ceteri sic statuisse Imperator, quod leges eius nouæ simpliciter vim nullam exercent, neque ad sui obseruantiam vel exercitium obligabunt, nisi bimestri elapso, intra quod morali modo potuerit passim omnibus aut saltem plurimis innotuisse, vt sic vniformiter & concorditer incipiant per prouinciam ab omnibus ad vnum & praxim deduci: & ita tenent Nauarr. cap. 23. num. 44. Greg. à Valentia Tom. 2. Disp. 7. quæst. 5. punct. 5. Azor. lib. 5. Moral. cap. 3. quæst. 8. & alij. In hac tamē Constitutione posset Imperator dispensare vel eam tollere: neque enim videtur tantopere ad bonam imperandi rationem necessaria, vt debeat censi id excedere limites potestatis sibi à populo concessæ, sicut diximus de necessitate promulgandi in singulis prouincijs; præsertim quia incommoda quæ allegata sunt, possint alia ratione vitari, vt puta si vno tempore in pluribus ciuitatibus ipsius prouinciæ curet simul legem promulgari.

72 Porro circa vtramque conclusionē præmissam, aduertendum est, posse leges Imperatorias vim habere & obligare in vni prouinciā in cuius Metropoli sunt promulgatæ, & vbi à die promulgationis ibidem factæ, intercesserint duo menses, quāuis nondum in omnibus alijs prouincijs sint publicatæ, aut nondum intercesserint duo menses à die publicationis alibi proclamatæ: ideoque in priori conclusione, dixi non sufficere quod in Metropoli residentia Imperatoris sint promulgatæ ad hoc, vt obligent per omnes prouincias: & in posteriori addidi numerando à die publicationis in loco seu prouincia factæ, prout etiam scribit Gudelinus sup.

73 Dico Quartò: Quod in secunda propositione diximus de Imperatoris legibus, multo magis locum habet in legibus Regum vel Principum, qui ex accidente præfident pluribus Regnis aut Prouincijs, quæ inter se non habent aliquā coniunctionem, neque habitudinem ad se inuicem ad constituendam vnā aliquā cōmunitatem, seu vnum corpus politicum; scilicet quod vt leges talis Regis aut Principis censeantur sufficienter promulgatæ ad obligandum per omnia regna, aut prouincias illius, non satis sit, quod in Ciuitate residentis eius sint publicatæ: sed ad

hoc necessariò requiratur, quod in Metropoli saltem singulorum regnorum, vel prouinciarum promulgentur. Potest constare ex dictis.

Suarez quidem lib. 3. de Legib. cap. 16. existimat absolutè potestatem talem Regem ab Imperiali Constitutione de quā nunc egimus, exemptum posse vnica publicatione in loco suæ Curie aditè obligare omnia sua regna, modo non sit contra specialem institutionem, & formam alicuius regni, eò quod non videatur illud intrinsecè iniquum, neque contra naturam & rationem legis: Sed rectè Malderus supra, monet verius esse, quod ante indicauimus de prouincijs Imperio subiectis, scilicet non esse præsumendum, quod istiusmodi Regna aut prouinciæ tale Ius in Regem vel Dominum suum resignauerint, vt possit hos obligare per leges in alijs regnis aut prouincijs publicatas, idque eo minus quā de prouincijs & locis Imperio subiectis, quia hæc quandam saltem habent inter se habitudinem ad vnum Corpus politicum constituendum prout etiā constituunt, scilicet Imperium, non sic illa regna quæ ad se inuicem nullo modo sunt coordinata, sed per accidens subiiciuntur eidem personæ quæ illis præfidet & prædominatur. Accedit quod talis institutio & forma ex natura rei videantur inesse omni Regno, aut Communitati perfectæ, quæ per se existit Corpus politicum integrum.

75 Dico Quintò: Vt leges Principum qui vni tantum regno aut prouinciæ præfident, censeantur promulgatæ sufficienter ad obligandum per totam ditionem satis fuerit, quod sint promulgatæ in Metropoli illius regni aut prouinciæ, per se loquendo: ad obligandum (inquam) post bimestre à die publicationis in prouinciā subiectā Imperio: In alijs autem locis post tempus per legislatorem prædefinitum: si autem cum lege nō exprimitur simul aliquod definitum tempus quo incipere debeat vim suam exercere, tunc censetur id relictū in terminis Iuris naturæ, nimirum vt obligent sine exultatione, quando effluxit tempus sufficiens moraliter ad habendam notitiam de legibus latis & promulgatis. Hinc consequens est, legem citius obligare in Ciuitate in qua promulgatio facta est, quam in locis remotioribus: statim enim ibi solet innotescere, ideoque etiā statim obligat.

76 Addidi per se loquendo, quia vbi consuetudo habet, quod leges Principum promulgentur in singulis ciuitatibus, sic vt alioquin non intelligantur obligare, non sufficit in Metropoli esse promulgatas ad hoc vt per totam prouinciā obligent, vt docet Mald. sup. cum Medina q. 90. 2. 4. nisi

nisi forsitan tamen Princeps expressè aliud declararet, quod existimo esse in potestate Principis, modo tunc indulgeat cōueniens tempus intra quod possit per prouinciam innotescere, antequam habeat robur suum.

77 Dico Sextò: Leges derogatoriæ seu reuocatoriæ priuilegiorum, tum Ecclesiasticarum, tum Ciuiles non censentur sufficienter promulgatæ; quando vno in loco aut vnâ in Ciuitate sunt promulgatæ, vt vniuersaliter tollant per prouinciam, imò ne quidem vt tollant per prouinciam, in cuius vna aliqua ciuitate sunt publicatæ, sed necessum est, vt promulgentur etiam in Ciuitatibus singulis. Ita Greg. à Valentia sup. quæst. 5. p. 5. Dominicus Soto lib. 1. De Iust. quæst. 1. artic. 4. qui dicit illud esse certissimum, Azor. Tomo 1. lib. 5. cap. 3. quæst. 6. Vasquez Disp. 156. cap. 4. Addunt Felinus & Abbas in Cap. Cognoscen- ter: De Constitutionibus, eiusmodi leges derogatorias non obligare aliquem, nisi ad priuilegiati peruenierint notitiam, vt refert à Valentia loco cit. & cum eis etiam sentit Azorius loco cit. vbi dicit communem esse Ciuili & Pontificij Iuris Doctorum sententiam eiusmodi leges non habere vim, quousque denuntiata fuerint ijs, quorum priuilegia & facultates erant.

78 Ratio huius doctrinæ videtur potissimū petenda ex incommodis plurimis & grauissimis, quæ aliquin nata essent sequi: vnde omnino præsumenda est talis voluntas legislatoris, vt velit tunc demum suam reuocationem obtinere robur & effectum quando innotuerit ijs, quibus priuilegia aut facultates antea fuerunt cōcessa: (sunt enim odiosa restringenda) nisi forsitan in aliquo particulari casu ob iustas rationes, aliud exprimeret & declararet. Vt autem plenius & particularius percipiatur quomodo ista sint intelligenda.

79 Notandum est cum Azorio, priuilegia aliquando concedi vni alicui persone particulari; aliquando certo loco pio, vel Collegio, vel Seminario Adolescentum, aut Confraternitati suæ Sodalitati; aliquando toti Diocesi; aliquando toti alicui regno cui subsunt plures prouinciæ. Quando itaque priuilegium concessum est priuato alicui homini, non censetur illud abrogatum, donec lex reuocatoria, siue reuocatio sit ipsi denuntiata aut manifesta. Quando autem priuilegium est concessum in alicuius pij loci, Collegij aut Confraternitatis commodum vel bonum, non desinit, quousque lex abrogans sit intimata vel nota ijs qui præsent, & curam gerunt istius pij loci, vel Seminarij aut Confraternitatis: Similiter, quando cōcessum est toti Diocesi, aut toti prouinciæ, non cen-

tur cessare, quoadusque reuocatio in Metropoli sit denuntiata, aut sufficienter scita: Ita penè Azorius.

Medina autem loco sup. cit. videtur amplius requirere, scilicet quod per singulas ciuitates debeat publicari, vbi saltem est consuetudo, quòd ita leges per regnum, aut prouinciam soleant publicari; nam si ego scio (inquit) Matrini esse legem promulgatam, vel Bullam quæ reuocat priuilegium de ouis comedendis, aut de Confessore eligendo; si ego Salmanticæ habito, possum vt antiquis priuilegijs (ait) donec mihi sit promulgata per ciuitates aut oppida, sicut habet consuetudo.

Dico Septimò: Probabile est, puras & meras Reuocationes vel abrogationes legum oneratarū vel quasi oneratarum, scilicet tantum præcipientium aliquid fieri vel ab aliquo abstineri, vel quibus inhabilitatur quis ad agendum, aut quibus pœna apponitur, habere vim suam, & tollere legum talium priorum obligationem etiam antequam tales reuocationes promulgentur; modo sit talis intentio legislatoris. Ita docet Medina sup. in Resp. ad 2. argumentum. Et ratio reddi potest, quia leges neminem obstringunt, nisi de voluntate legislatoris, à quâ habent vim obligandi; ergò quando legislator vult constitutionē suam non amplius ligare, neque esse sub præcepto, desinet ipsa habere vim obligandi. Dices: ante fuit ex communi omnium sententiâ dictum, omnem legem requirere legitimam promulgationem, vt habeat valorem & robur: ergò non rectè id modo negatur de talibus legibus reuocatorijs. Respondetur N. C. quia istud intelligitur de legibus veris & propriè dictis: vnde etiam addidimus supra, id esse necessarium in omnibus legibus habentibus rationem legis propriè dictæ: iam verò eiusmodi abrogationes aut reuocationes non sunt leges propriè dictæ, sed sublationes vel destructiones legum: Minus autem requiritur, vt lex destruitur & desinat, quam vt constituitur, cum malum & corruptio nascantur ex singulis defectibus. Hinc vt verum admittit Medina, si Romæ Pontifex reuocaret legem hanc; ne quis percutiat Clericum sub pœna excommunicationis ipso facto incurrendæ, quâuis in populo Reip. Christianæ non publicaretur, quod tamen deinceps percutiens Clericum non esset excommunicatus, & si percutiens esset Sacerdos, & postquam percussisset celebraret, non incurreret irregularitatem, quamuis per ignorantiam existimaret se excommunicatum. Similiter, si Pontifex absoluit reuocasset & abrogasset legem quæ irritatur matrimonium in quarto

quarto gradu, & aliqui in quarto gradu contraherent, validè contraherent, etsi ista abrogatio nondum esset promulgata. Dixi modò talis sit intentio legislatoris: nam alioquin, quamvis concepisset abrogare legem, & hoc etiam declarasset, modò tamen non intenderet de facto abrogare, vel renouare, antequam id publicaretur, certum est, quòd eo casu leges priores retinerent vim suam usque ad publicationem. Quod si tamen simpliciter diceret & declararet, v.g. in Consilio se tollere legem illam, videretur præsumendum quod voluntas eius esset, vt hoc ipso cessaret, quia fauorabilia sunt amplianda, prout est pura abrogatio legis tantum onerosæ.

82 Dico Nonò: Leges non tantum Imperiales & Ciuiles, sed etiam Pontificiæ & Ecclesiasticæ quæ irritatoriæ sunt contractuum, siue inducentes inhabilitatem ad contrahendum, non exerunt vim suam, neque obligant vniuersaliter & vbique nisi sint promulgatæ in singulis prouincijs & Diocesisibus. De legibus ciuilibus non tantum irritatorijs contractuum, sed vniuersim de omnibus, id iam ante ex communi sententia fuit demonstratum. De Ecclesiasticis & Pontificijs irritantibus, idem docet præter alios multos, quos statim ad propositionem sequentem, allegabimus, Tannerus Tom. 2. Disput. 5. De Legibus quæst. 5. dub. 3. & pro eadem sententia citat. Azorium, Molina Tom. 2. Disput. 395. & Salas hic quæst. 96. disput. 12. n. 11. Probat, quia iuxta Cap. Si in adiutorium dist. 10. & iuxta Cap. 1. De noui operis enuntiatione; In quibus Ius Canonicum nihil statuit, standum est dispositioni Iuris Ciuilibus, atque secundum Iuris Ciuilibus dispositionem debent nouæ constitutiones promulgari in singulis prouincijs: Nihil autem inuenitur Iure Ecclesiastico in contrarium determinatum, vel explicatum: ergo consequens apparet, id ipsum etiam tanquam Iure Canonico ratum esse habendum.

83 Accedit quoque ratio, quia eiusmodi leges irritantes alioquin natæ essent inducere plura incommoda quam commoda: vt si v.g. noua lege constitueretur, quod matrimonij contractum in quinto gradu sit irritum, omnino multa peccata, aut saltem grauissima incommoda sequerentur, si ista lex absque promulgatione particulari per prouincias & Dioceses, haberet vim suam & contractus matrimoniales in illo gradu redderet irritos. Idem quoque videtur dicendum de legibus, quæ inhabilitarent ad Sacramentorum administrationem vel susceptionem, vt v.g. si Pontifex faceret legem, quæ ad audiendas Confes-

siones redderet inhabiles omnes Sacerdotes, qui non excessissent trigessimum ætatis annum, item quæ volentes inire matrimonium redderet inhabiles ad contrahendum, nisi præhabito consensu parentum, vel curatorum, aut similes leges: nam in his eadem militant argumenta & rationes. Hoc tamen negandum non est, quin eiusmodi leges vim exerant & obligent in locis vbi fuerint promulgatæ, etiam si non sint promulgatæ vbique per alias prouincias: sicuti id ipsum supra diximus quoque de Legibus Imperialibus.

Dico Decimò: Quod de legibus Ecclesiasticis irritantibus contractus dictum est, potest idem probabiliter teneri etiam de alijs nouis Pontificijs constitutionibus: quando contrarium non exprimitur. Ita docent Dominicus Zoto lib. 1. de Iust. qu. 1. art. 4. Medina sup. quæst. 90. art. 4. Conrad. ibidem. Emanuel Sa. v. lex. Felinus, Zarabellus, Decius, Panormitanus ad Cap. Cognoscentes de Constitut. quæuis videatur hic inclinari in alteram partem, in Cap. Nouerit. De sententia Excommunicationis. Probari autem primò potest eodem argumento ducto ex Cap. Si in adiutorium, dist. 10. & ex Cap. primo De noui operis enuntiatione, quo authores ad præcedentem propositionem citati eandem confirmant: quia Canones non magis statuunt aliquid peculiare contra Ius Ciuile, quoad ad alias constitutiones Ecclesiasticas quam quoad leges Pontificias irritantes contractuum: ergo tam in illis quam in his procedit argumentum. Confirmatur, quia Pontifex Pius IV. in Bulla sup. citata quæ incipit. Sicut ad sacerdotum, satis significat se quoque motum dispositione Iuris Communis ad concedendam iustam temporis moram, antequam Decreta Concilij Trident. circa Reformationes inciperent obligare, & fortiri effectum: quidni ergò etiam hoc de æquitate & benignitate Pontificis præsumendum est, quod in suis nouis Constitutionibus intendat se conformare dispositioni Iuris Communis quoad loca promulgationis, quemadmodum quoad tempus obligationis. Neque refert in eadem Bulla, Pontificem declarare Decreta Concilij ad Reformationem & Ius posituum spectantia à certo die ibi expresso, omnes obligari cœpisse; tum quia ex toto Christiano orbe fuerant ad Concil. illud Patriarchæ, Archiepiscopi, Episcopi euocati, qui sufficienter de illis decretis erant instructi: vtpote qui & ipsi Decreta illa condiderant; & poterant in suis prouincijs, & districtibus facere illa innotescere; tum etiam, quia Pontifex mox à confirmatione & promulga-

promulgatione Romæ factâ, studiose mādant illa itatim ad impressionem tradi, quo commodius per Christiani nominis provincias & regna diuulgari possent, vt loquitur in Bulla Confirmationis dicti Conc. quæ incipit, Benedixit Deus. Quare poterat existimare ea iam post trimeitre vel amplius sufficienter apud omnes esse diuulgata & promulgata, nisi forsità apud eos, quorum contumacia obstiteret, qui idcirco ab obligatione merito non erant eximendi. Accedit quod Pontifex loquatur generaliter de decretis omnibus ad dictam Reformationem, luscque posituum spectantibus, inter quæ etiam sunt plurima derogatoria priuilegiorum & diuersarum facultatum & gratiarum, vt refert Pontifex Pius I V. in Bulla ea de re editâ, quæ incipit, In Principis Apostolorum Sede, cuiusmodi tamen leges & constitutiones plerique qui ab hac propositione dissentiunt, admittunt & volunt non prius vim habere, quàm fuerint denuntiatae in provincijs aut diocesis, vel ijs quibus gratiæ & priuilegia concessa fuerint, vt patet ex dictis circa propositionem septimâ, quare non magis aduersatur hoc authoribus huius propositionis, quam ipsis opposentibus qui sustinent propositionem septimam: sed quoad rem, satis iam ante responsum est.

35 Probatum Secundò: quia communis est Interpretum Iuris tum Canonici tum Civilis sententia, vt ex Abbate & Felino ad Cap. 1. De Treuga & pace, refert Azorius sup. c. 4. qu. 1. legem quæ vsu non recipitur, carere vi seu non obligare, quamuis Principis auctoritate sit constituta & promulgata: quod etiam indistinctè de Legibus tam Pontificijs quàm Civilibus docent ipse Azorius eodem loco, Gregorius à Valentia sup. q. 5. puncto 5. qui addit esse communem sententiam Iuristarum & Theologorum, & Tannerus loco sup. cit. dub. 4. de plerisque saltè Pontificijs: quod an verum sit, Dub. sequenti videbimus. Interim & alij plures Theologi, quando agitur de diuersis nouis Constitutionibus Pontificum in particulari, idem videtur sentire, quando exculant non obseruantes, propterea quod in talibus vel talibus provincijs non sunt receptæ: idque potissimum ex hoc capite, quia non censetur Pontifex proponere legem nisi tacitè sub illa conditione. Quare quantò magis æquitati & rationi est consentaneum, magisque dignum Sanctâ Sede, præsumi de eius benignâ mente & moderatione, quod insistendo & se voluntariè conformando dispositioni Iuris Communis, non sit eius intentio per constitutiones suas obligare Regna & pro-

uincias, vbi illæ promulgatæ non fuerint; quàm de eius voluntate præsumere quod non velit eas vim habere in partibus vbi promulgatæ fuerint, idè quia vsu nō recipiuntur à populo, sanctè tantò videtur habenda veritilior doctrina iam exposita in propositione decima, præ illa quæ tradit leges Pontificis non obligare propter non vsu, siue quia non recipiuntur à subditis. Quis autem non videat æquius esse & rationabilius & magis dignitati cōueniens, Principem nolle legem habere vim, quia in provincijs non est promulgata, quàm quia populus promulgatam nō acceptat, aut ad vsu & praxim non deducit? ergo &c.

86 Addi denique potest admodum grauis & iusta ratio voluntatis talis Pontificis: quia Ecclesia est regnum spirituale amplissimum per omnes orbis partes diffusum & sine comparatione excedens latitudinem Romani Imperij: quare impossibile est, quod leges Ecclesiasticæ in vrbe Romæ duntaxat publicatæ, innotescant aliquouſque vniformiter per totam Ecclesiam, aut per diuersa regna & provincias vbi non sunt promulgata: quamuis ex occasione possint aliqui hic vel illic de ijs inaudire: Velle autem sic lege obligare sparsim per mundum aliquos, qui casualiter, vel ex accidente inaudierunt & reſeuerunt legem illam Romæ publicam, reliquis vbiq; pro maxima parte omnino ignorantibus, aut non sufficienter & debitè informatis, esset inducere magnam diffinitatem in ratione agendi & viuendi inter fideles in iisdem provincijs & locis commorantes, & magnam confusionem quæ inde nata est sequi. Eſset quoque multos conſicere in varias animi anxietates & scrupulos conscientiæ, qui aliquid de lege audiuiſſent, quam tamè videret passim nō obseruari, vnde ſeipſius & ipsi, etsi cuperent, nō tamen cōmodè aut cōuenienter possent illas obseruare.

87 Deinde licet fideles omnes pariter sint subiecti Sum. Pontifici, tanquam Vicario Christi in terris, & capiti vniuersalis Ecclesiæ militantis, nihilominus quemadmodum iuxta politicam gubernandi rationem non eadem leges semper conueniunt omnibus populis, nec vbiq; sunt futuræ vtilis; ita quoq; frequenter potest accidere, quod iuxta regulas prudentiæ Christianæ iudicabitur expediens, vt aliquæ leges Ecclesiasticæ quæ non sunt de rebus admodum necessarijs, non imponantur certis provincijs & populis: super quibus Sancta Sede libenter desiderat informari, quia nouit sibi datam potestatem in ædificationem, non in destructionem: Hoc autem conuenientius fieri poterit, si dicamus leges eius ex ipsis voluntate non obligare, K k priusquam



præulquam in provincijs fuerint promulgatæ: Si namq; Ordinarij locorum habeant iusta motiua, quare existiment eiusmodi leges non fore viles pro tempore & loco, sed forsitan perturbatiuas magis, licebit de istis sanctam Sedem informare, & desuper eius expectare iudicium, præulquam promulgentur, vel apud populum vt latè & obligantes enuntientur.

88 Ob quas & similes causas dictum fuit meritò fuisse ab Imperatore ordinatum, quod leges eius vim & robur non haberet in provincijs, in quibus non fuerint promulgatæ. Quare cum gubernatio Ecclesiæ, sicuti contrarium in Ecclesiasticis Constitutionibus non reperitur expressum, soleat imitari regimen & leges Imperij, quod Canones sup. citati indicant, meritò quoque propter illas & alias existimari debet Sanctissimum Dominum nostrum ex sua voluntate vti in legibus inducendis pari providentiâ & benignitate, quibus ipse Imperator vtendum censuit, quando contrarium non expressè declaraverit: præsertim cum non minori commoditate possint per provincias Ecclesiæ publicari leges Pontificiæ, quam per provincias Imperij leges Imperatoriæ: quandoquidem in omnibus habeat tum suos Legatos vel Nuntios Apostolicos, & Ordinarios sibi subiectos, quibus promulgationem potest demandare: prout etiam frequenter facit per suos Nuncios moneri Ordinarios, quatenus constitutiones Pontificias Romæ editas & publicatas curent in suis provincijs & diocesiibus observari, & ijs quorum interest insinuari seu publicari, quod non ita pridem sæpius apud nos quoque executioni demandarunt. Quare falli videtur in eo quod dicit Vasquez disput. 157. nu. 22. nullam hæcenus legem vel bullam Pontificiam, plusquam in curia Romana fuisse promulgatam: cum & Concil. Trident. in pluribus locis vbi uniformiter aliquovisq; ab omnibus observatur, fuerit publicatum, post promulgationem Romæ factam.

89 Imò Canones indicant manifestè Pontifices supponere leges & constitutiones suas per ordinarios esse in provincijs publicandas etsi hoc non expriment, & tunc de post contrauentores penis subiaccere. Colligitur euidenter ex Caput. Cum infirmitas: De pœnitentijs & remissionibus: vbi sic loquitur Pontifex: Si quis autem medicorum huiusmodi nostræ constitutionis postquam per Prælatos locorum fuerit publicata, transgressor extiterit, tandem ab Ecclesiæ ingressu arceatur &c. Vbi Pontifex omnino supponit, quod constitutio illa sit per Prælatos publicanda, quâ-

uis constitutio iustius non contineat mandatum, & tunc ea factâ transgressores efficiantur rei. Quod si aliquæ siue Ecclesiasticæ, siue Sæculares personæ promulgationem malitiosè, aut alias indebitè impedirent, haud dubiè præter grauem reatum, quem impediendo incurrunt, etiam legis nexu tenebuntur, vt pote quæ illis sufficienter insinuata fuerit, neque cuiquâ debeat sua suffragari malitia.

Dixi in propositione; quando contrarium non exprimitur; si enim Pontifex expressè declararet se velle ex magnis & grauioribus causis legem suam in vim solius promulgationis Romæ factæ, fortiori robur & effectum per omnes Christiani orbis partes, & vbique obligare absque alia promulgatione vel publicatione legis alibi faciendâ, vt v. g. quia in multis regnis & provincijs sciret legis suæ publicationis indebitè & sine fundamento impediendâ, negandum non erit, legem tunc vim & robur habituram apud omnes fideles vbi innotuerit, etsi in provincijs aut diocesiibus ibi non fuerit publicata: quia tamen si ordinata ratio inducendæ legis cum fructu & effectu, per se videatur id postulare quod talis adhibeatur eius promulgatio, vt certa ratione possit morali modo innotescere simul apud omnes aut plurimos tempore illo, intra quod legislator velit eam obligare in talibus & talibus locis (cum alioquin vix possit humano modo fieri quod vnquam istius sit in talibus locis observatio debita, quia antequam vt-cumque apud plures innotuerit, iam propter moram temporis, diceret per non vsum elanguisse) tamen ex vrgentioribus causis, vti diximus, & quasi per accidens & propter necessitatem poterit Pontifex legem etiam vno tantum loco promulgatam velle vbique obligare, & hac sua voluntate accedente sic promulgatæ robur & vim tribuere obligandi omnes apud quos, quomodo libet innotuerit.

90 Neque obstat, quod Imperator suâ lege in Metropoli residentiæ suæ duntaxat publicatâ non valeat forsitan omnes Imperij provincias, quumvis id vel maximè vellet, obligare, quia magnum intercedit hac in parte discrimen inter Pontificem & Imperatorem: quia Imperator Superioritatem & potestatem legislatiuam habet à populo, & proinde limitatam seu modificatam iuxta mentem & sensum populi: non existimantur autem provinciæ singulæ quæ sunt Corpora politica per se quodammodo perfectâ, dedisse illam authoritatem Imperatori, quod posset eas legibus suis ligare alibi quam in ipsis provincijs, promulgatis: Summus Pontifex

tifex verò habet supremā potestatem regēdi Ecclesiam & ordinandi omnia quæ ad eius regimē sunt necessaria aut oportuna immediatē à Christo Domino, & proinde limitationem aut modificationē à populo nō recipit: Quando igitur ea sunt adhibita quæ ad essentialē rationem legis, eiusq; applicationē sunt requisita, obligabit ea vniuersaliter omnes, si Pontifex declarauerit illā esse suam intentionem & voluntatem.

Sed contra antē dicta opponitur ex Syluest. consequens inde fore, quod multæ Decretales Pontificis nō obligent, siquidem multæ in multis prouincijs nō sunt vnquā promulgatæ, in quibus tamen obligant & seruantur: Ita à Valent. sup. disp. 7. q. 5. pu. 5. vbi tamen admittit sententiam Soti esse probabilē. R. N. C. Quia ipsa receptio legis seu Canon. alicuius in commune Corp. iuris, quod vbiq; solet ex pulpitis audiri & obseruari, est quēdā virtualis promulgatio legis seu Canonis etiā in singulis prouincijs seu diocēsis, vt docet Tannerus sup. ideog; vult etiā Constitut. Pontificias irritatorias Contractuū vim habere, quæ in cōmune Corp. iuris sunt redactæ, quamuis aliter in prouincijs non sint promulgatæ, licet de alijs sentiat non habere robur, vt diximus, nisi in prouincijs & diocēsis fuerint publicatæ. Imò non tantū est quēdā virtualis promulgatio, sed bene actualis & solennis, quādo passim in Academijs publicē ex cathedris præleguntur & explicantur, idq; ex autoritate Principum qui leges vel Canones condiderunt.

Petes: Vtrum Ordinarij locorum obligentur in suis districtibus curare leges Pontificias publicari, quas intellexerint Romę editas, & promulgatas? Respondetur, quando Pontifex exprimit vel indicat se velle legem obtinere effectum & obligare vbiq; et si alibi alia publicatio non accesserit, tenentur tunc Ordinarij curare, vt in suis locis lex obseruetur, & proinde si ad hoc iudicet esse necessarium ( prout moraliter est necessarium) quod lex ibi publice, tenebuntur curare publicari, aut facere sufficenter innotescere. Et si verò Ordinarij non curent, nō tamen ab obseruatione erūt excusati subditi, saltem quando ad notitiam plurimorum illius prouincię quomolibet peruenierit. Ita fere Mald. hic ad q. 90. a. 4. du. 3 qui tamē cum Nauar. Consil. 1. De Constitut. addit. Et modò maior pars populi recipiat: sed de depēdētia ab acceptatione populi mox agemus Dubio sequ.

Quando autē Pontifex, neq; significat, neq; negat opus esse alia promulgatione, & non dirigit mandatū suum de eiusmodi legis obseruatione in partes prouinciarum, aut ad Ordinarios locorum, probabiliter

nō peccabunt tunc Ordinarij nō procurantes eius obseruantia in suis diocēsis, vt lo. cit. docet Mald. Addo præsertim quādo putant pro tempore & loco non obuenturum inde aliquē notabilem fructū: possumus enim interpretari eo casu mentē Pontificis, quod legem quam ex vniuersali ratione nouit certis in locis necessariam aut vtilē, Ecclesię vniuersali sic præscribat vt vbiq; pro tēpore & loco fuerit iudicata similiter fructuosa, procuretur ab Ordinarijs publicari & obseruari, ita vt quando hi sic iudicauerint, suffulti auctoritate Apostolica possint talis legis obseruantia à fidelibus subditis exigere: Imò non tantū possint, sed etiā teneantur curare eius obseruationem, quamuis speciale mandatū de eo à S. Sede nō accepterint: quia de hoc non videtur posse dubitari, quin mens Pontificis generalē legē præsentantis sit, quod vbiq; vbi cū vtilitate & fructu id fieri poterit, curetur obseruari, & proinde ad hoc præstandum obligentur, quibus id ex officio incumbit, vt sunt Episcopi, quos posuit Spiritus s. regere Ecclesiam Dei.

Dico Vndecimò & vltimò: Sicuti diximus de legibus Principum sæculariū, qui vni tantum præstunt prouincie, quod sufficenter censeantur promulgatæ, quando in Metropoli fuerint publicatæ, nisi forsitan consuetudo aliud introduxisset, ita etiā de legibus Episcopalis est sentiendū, quod scil. promulgatio facta in ciuitate Cathedrali sufficiat, vt possint per totā Diocēsim obligare. Quando vnus tamē haberet plures Episcopatus, nō sufficeret promulgasse in vna Cathedrali, sed deberent in singulis Cathedralibus ciuitatibus publicari, vt in diuersis Episcopatibus obligarent: quēadmodum etiam diximus de legib. Principis sæcularis, qui possidet plures prouincias inter se non connexas: quamuis enim Episcopus non accipiat suam potestatem à populo, sed à Sum. Pontifice, tamen quemadmodum populus qui constituit Cōmunitatem perfectam, non censetur aliter Principi dare potestatem, quā vt eius leges debeant in prouincia publicari, sic etiā meritò Pontifex, quando ex iustis causis in vnā personam confert plures Ecclesias, existimatur id sic facere, vt singulis Ecclesijs nihil de suis iuribus decedat.

#### D V B I V M VI.

Vtrum humana legis vs obligandi sit dependens ab acceptance populi?

Diuersi diuersimodē loquuntur hāc de re. Pro difficultatis enodatione, & veritatis explicatione. Resp. & dico primò: De potestatis plenitudine loquēdo, potest

K k ij Sum.

Sum. Pontifex terre leges, quæ debito modo promulgatæ obligent independentè ab acceptatione subditorum, siue, etiam acceptatio ex parte illorum non accesserit. Est cõmunis & certissima doctrina; etsi enim nõ desint (inter quos sunt Azorius & Gre. à Valentia) qui generatim pronuntient nullas leges siue Ecclesiasticas siue Ciuiles obligare, nisi à subditis acceptentur, id tamen non in eo fundant, quod legislator, præsertim Ecclesiasticus, non habeat per se potestatem ferendi leges independentè à populi acceptatione, sed magis in eo quod lex alioquin nõ videatur futura utilis, neq; in edificationem, & proinde quandoq; Princeps aut Pontifex leges constituit, & subditis imponit, semper id faciunt, cum conditione tacite subintellectâ, quod tale quid præcipiant aut vetent, modò acceptetur mandat à populo. Probatur autè propositio: quia ex quò Sum. Pontifex suam habet potestatem legislatiuam, & regendi Ecclesiâ, non à populo, nec ab ipso corpore Ecclesiæ, sed immediatè & proximè à Christo Dom. quæ fuit D. Petro collata Ioa. 22. his verbis: *Pasce agnos meos, pasce oues meas*, nulla potest assignari ratio vel dubitatio de eo, quin possit Põtifex, de absolutè potestate loquendo, ferre leges independentè à populi acceptatione obligantes.

- 97 Dico Secundò: Principes etiâ sæculares, qui simpliciter supremè imperant, possunt quoq; absolutè loquendo, ferre leges obligantes independentè à populi acceptatione. Ita docent Lopez l. 16. tit. 1. p. t. n. 4. Medina C. De Restit. q. 36. ad 5. & Castro l. 1. De leg. pœnali cap. 1. Suarez l. 3. De Leg. c. 19. Vafq. disp. 156. c. 5. Molina tom. 1. De Inst. disp. 23. & alij plures quos videre licet citatos apud Suarez & Vafq. Probatur, quia tamen Princeps supremus à populo acceperit potestatem gubernandi, tamen postquam accepit, ipse est solus superior, & simpliciter penes ipsũ est dominium & vsus illius potestatis, ergò absolutè de illà potestate loquendo, potest independentè à populo, eã vti, & proinde etiâ leges obligantes ferre, prout necessitas, aut utilitas publica requirit: modò sit absolutè supremus Rex aut Princeps. Confirmatur, quia si energia & vis præceptorũ eius dependent ab acceptatione populi, im reuerà non esset Dominus, neq; potestas imperandi aut gubernandi esset in Principem translatæ; sed tantum esset cõstitutus quasi syndicus & os populi, qui haberet potestatem proponendi leges, non condendi & imponendi leges. Dixi modò sit absolutè supremus: quia in aliquibus locis licet per Reges gubernentur, tamen non est suprema potestas condendi leges absolutè trans-

lata in Regem, sed solũ vt id faciat cum cõsensu Regni in publicis Regni Comitijis: & tunc quidẽ necessum est ad robur legis, vt accedat consensus ille: quamvis tamen nec eo casu etiâ dependeat legis obligatio ab illà acceptatione populi, de quã nunc agimus, quæ scilicet expectetur post legis institutionem & promulgationẽ; quia iste consensus, quẽ dicimus tunc regni, non est sequens legis institutionẽ & promulgationẽ: sed est suffragiũ Regni simul cum voluntate Regis concurrens ad condendam legẽ: vbi Regnũ quodammodò habet, sicut assessor cum Rege ad legem institutendam, vt dicit Suarez, & sic antecederet se habet, & tum sequitur promulgatio, quã legitimè factã nascitur obligatio in populo, quã tenetur legem acceptare, & obseruare, si Rex cum Senatu ita absolutè pro sua potestate velit.

99 Dico Tertiò: Simpliciter & absolutè loquendo dici non debet quod lex à legislatore supremam & absolutam potestatem habente lata & debitè promulgata, siue seculari siue Ecclesiastico, non obliget Cõmunitatẽ, nisi sit ab illà acceptata: quin potius pro regulâ statuendum est: quando lex est instituta, & debitè promulgata, tunc eam obligare Cõmunitatem & singulos de Cõmunitate ad quos spectat, ad illã acceptandam & obseruandam. Est cont. Azor. sup. c. 4. q. 1. Gre. à Valentia q. 5. pun. 5. Nauar. c. 23. n. 4. 1. & alios apud Azor. citatos, qui simpliciter dicunt tam de legibus Ecclesiasticis quã Ciuilibus, eas non obligare nisi acceptentur à Cõmunitate, siue à Maiori eius parte. Verũ ita docent auctores pro præcedenti propositione citari, & significat Mald. sup. ar. 3. dub. 2. quando dicit longe verius esse; legẽ tam ciuilem quã ecclesiasticam non idẽ nõ obligare, quia à subditis non acceptatur. Et hinc bene addit cum Suar. loc. cit. n. 10. peccare subditos, qui legem latã & publicã in principio non obseruant, eò quod eam nolunt acceptare: Lex enim obligat ad sui acceptationem.

100 Probatur autem propositio: quia si ita esset vt alij volunt, id contingeret vel quia legislatoribus deesset potestas obligandi suã lege aliter communitatem & eos qui sunt de communitate, quam dependent ab acceptatione legis; vel quia deesset voluntas. Non propter prius, vt ex iam dictis constat, neq; hoc multum ab alijs vrgetur. Non etiam propter posterius, quod in primis potest à posteriori declarari his indicijis: quia solent legislatores per pœnas cõpellere ad legis executionẽ, vt ex communi vsu satis constat: neq; ab initio qui legẽ præuicantur, audebunt corã Iudice pro excusatione allegare, quod legem non seruauerint

uauerint, quia Communitas eam non acceptauit: nā hoc ipsum est, quod tunc agitur & dicitur & geritur, ut scilicet per obseruationem acceptetur lex, neque enim alia prauia acceptatio est necessaria. Secundò, quia voluntas absoluta legislatoris clare exprimitur per ipsa verba legis, quæ simpliciter sunt præceptiua: sanè ridiculum eilet mandatum Domini, parentis, præceptoris, quod dicerent respectiue, mando tibi famulo, filio, discipulo, ut hoc agas, ut ab illo abstineras, sic interpretari, ut subintelligatur tacita hæc conditio, si tu paratus sis mandatum admittere, & acceptare: multo igitur minus sic interpretanda erit voluntas Superioris absolutam potestatem habentis, quādo legem vniuersaliter subditis imponit. Quanto enim publica omnino potestas, & commune bonum præstant priuatis, tanto quoque merito præsumitur & debet voluntas Principis magis esse absoluta & efficax, quādo sua potestate pro cōmuni bono utitur, præ voluntate istorum particularū, per se loquendo. Sanè in legis institutione & publicatione admittere perpetuò subintellectam illā conditionem, scilicet quod sic legislator ordinet & præcipiat, si Communitas legem recipiat promulgatā, est eneruare omnes leges in sua institutione: si enim ita se res habeat, & sic populus incipiat apprehendere, quis non videat futurū, quod nulla vnquam lex præferatur quæ ad disciplinam & ordinatū regimen tendit, sit cōsecutura effectum & obseruantiam, quandoquidem maior hominū pars propendat in libertate, nec facile permittit eam legibus stringi, quādo sua voluntate potest eas sine poenā & culpa repudiare, prout poterit si non obligetur legem obseruare, nisi Communitas eam voluerit acceptare; ergo &c. Tertiò potest idē probari ex Authent. sup. cit. Ut nouæ Cōstitutiones, ubi post debitā legis publicationē, & lapsum designati temporis, exigitur statim obseruatia legis, neque fit mentio de acceptatione eius expectanda à populo: & idem præ se ferunt & indicant verba legum uti diximus.

Quare quotiescunque legislator simpliciter fert legem, eamque publicari iubet, censendus est absolute velle, quod lex habeat locum & obseruetur ab ijs, quibus imponitur, atque adeo ut obseruando acceptetur; neque à legis præuaricatione sint immunes, quia non acceptant: quando aliud non declarat, neque ex circumstantijs morali certitudine colligi potest alia eius voluntas: prout v. g. præsumi posse videtur, quando lex est admodum dura & grauis, & tāquam talis apprehenditur & iudicatur à populo seu cōmunitate: tūc enim verisimiliter existimari potest Princeps proposuisse legem illam

non absolutā voluntate obligandi ad obseruationem & acceptationem, sed intentionē experiēdi, quomodo se populus sit habiturus erga talem legē, & an sit eam recepturus, ut si populum difficile & obloquētem videat, eandem moderetur aut relaxet, sin facile, tunc plena voluntate cōfirmet. Quare in tali casu verisimiliter non peccabunt subditi, qui incipiūt illam legem nō seruare ex præsumptione quod mens Principis sit eiusmodi. In rigore tamen Iuris (inquit Suarez) videtur aliud dicendū, quia si lex sit ita dura, ut excedat potestatem Principis tam graue iugum imponere, iam non obligabit, non propter defectū voluntatis, sed potestatis: si autem illa difficultas sit intra latitudinem iustæ legis, videtur parendum legi (inquit) iuxta illud Vlpiani in l. prospexit ff. Qui & a quibus: Quod quidē perquā durum est, sed ita lex scripta est: nam licet durū sit superioris mandatū, obediendum est, ut dicit Gl. in Cap. Ex parte 2. De offic. Deleg. Quapropter in huiusmodi casu consultius erit instare apud Principem, (addit) ut legē auferat, vel moderetur, interim seruando illā, si tempus vrgeat. Et hæc quidem doctrina magis cōgruit subditiōni Subditorum & magis seruit ordinato regimini, publicæque tranquillitati.

Sed contrā obijciunt Primò ex Cap. In istis Tempor. dist. 4. quod ibi dicitur: leges instituuntur, cū promulgantur: firmantur, cū moribus vtentium approbātur, ergo nisi lex sit recepta & moribus approbata, non erit firma neque obligabit. Resp. ex illis ipsis verbis colligit Suarez contrarium, quia inquit, dicitur ibi lex institui quādo promulgatur, & proinde factā promulgatione iam lex est, & per consequens vim habet obligandi. Dicitur autem ibi firmari non acceptatione, sed moribus & vsu: idque non eo sensu, quod prius non habeat robur & efficaciam legis, siue quod ante non obliget, nā ipse vsus & mores legi conformes sequuntur ex præuia obligatione legis, sed quia vsu & obseruatione fit stabilior & quasi præmanitur contra cadentiam & abrogationem, quæ ad non vsum vel contrariam consuetudinem solent sequi.

Obijciunt Secundò. Leges humanæ quæ à Subditis non recipiuntur, hoc ipso videntur inutiles, atque adeo carere vnā ex conditionibus requisitis ad iustitiā legis humanæ: quia non expedit ita homines per potestatem humanam gubernari, ut renitentes atque inuiti adigantur lege humanā ad aliquid faciendum, quod aliquin neque naturali, neque diuinā tenentur præstare; ergo &c. Ita à Valentia. Respondetur, Leges posse simpliciter esse ex se viles, & plurimum conuenire saluti Reipublicæ

K k iij & sub-

& subditorum, etiam si Communitas dum ferantur, detrectet eas recipere siue eis obedire: quare non debent illæ leges culpari quasi destitutæ requisitâ conditione ad iustitiam legis: sed debet argui & compesci inobedientia & malitia subditorum, per quos utilitas legis impeditur: Neque verum est non expedire, quod homines etiam iniusti compellantur ad obseruationem humanæ legis: imò cōtrarium velle ordinariè practicare esset Reip. perniciosum: hoc enim est laxare habenas omni inobedientiæ & rebellionī. Vnde licet aliquando nulla utilitas ex lege aliquā accederet ad particularem communitatem, quæ ad eius obseruationem compellitur, non tamen ideo semper omittendum, quia id toti generi humano expedit & prodest, ne omnes indulgentiæ deteriores fiant. Accedit, quod licet ab initio ad tempus lex minorem fructum habeat, postmodum tamen subactis duris ceruicibus potest & solet esse fructuosa. Hinc passim omnes docent Magistratum tum Ecclesiasticum tum Ciuilem penes quem est suprema & absoluta autoritas, posse deputare Executores, qui populum pœnarum cōminatione ac etiam inflictione vergeant & compellant ad executionem legis per se utilis & iustæ. Ita Syluest. verb. lex. q. 6. Nauar. Consil. 1. De Constitut. q. 5. & c. 27. in man. n. 72. Vasquez sup. ipse Azorius c. 4. q. 2. & 4. & c. 11. q. 1. & alij. Quod sanè non possent Magistratus seu Legislatōres, si populus non stringatur lege, quando eam non recipit aut quando obseruare detrectat.

Hoc tamen rectè monet Malderus & alij nonnulli: quando legi non omnino necessaria, quamvis alioquin utili, à Communitate, aut maiori parte contradicatur, & si ad coactionem sit veniendū, timeatur maior turbatio, tunc teneri legislatores ad conuiuentium, aut ad relaxandam legem, ne vsus potestatis cedat in destructionem, non ædificationem: cui tamen hoc addendum existimo, modò populus habeat etiam aliquam probabilem rationem renitendi aut ægrius recipiendi legem: & non ex purâ perniciaciâ obstat: hoc enim casu propter malam sequelam, & scandalum vicinorum videretur potius teneri, vt in proposito persistat, & quouis modo compellat etiam cum aliquâ Communitatis turbatione, modò saltem spes sit, quod poterit tandè superare & euincere. Quomodo autem leges humanæ tum Ecclesiasticæ tum Ciuiles abrogentur & desinant obligare per contrarium consuetudinem, aut per non vsum, q. sequenti art. 3. tractabimus.

## ARTICVLVS V.

*Vtrum omnes subijciatur legi?*

DE hominibus & humanâ lege quæstio est. Mouet autem D. Thomas difficultatem circa tria hominum genera, videlicet circa iustos, circa spirituales, & circa Principes siue Legislatōres.

Conclusio Prima quæ D. Thomæ est: Etiam iusti subsunt humanis legibus, quoad directionem, non quoad coactionem. Quod tamen posterius sic intelligi, non quod simpliciter non subsint obligationi legis, vel quod pœnas si prauaricentur, non incurrant; sed vt explicat ipse D. Thomas: quia iusti non trahuntur quasi iniusti siue potestate legis, siue eius minis, sicuti peccatores & iniusti; sed voluntariè & suâ sponte sequuntur legis directionem.

Conclusio Secunda: Spirituality non subijciatur humanæ legi quoad ea in quibus priuatus ductus aut instinctus Spiritus Sancti repugnat, siue aliter instruit & dicat; interim tamen ordinarius ductus Spiritus Sancti quoque talis est, vt moueat etiam spirituales, quod legibus humanis obtemperent & satisfaciant, iuxta illud D. Petri Epist. 1. cap. 2. *Subiecti estote omni humane creature propter Deum*. Vnde cautè aduigilandum, ne quis sub prætextu particularis legis aut ductus Spiritus Sancti ab humanis legibus aut Superiorum obedientiâ exiltimet, aut contendat se exemptum; quia res ista periculis plena est, & demonum illusionibus ac fraudibus obnoxia.

Conclusio Tertia: Legislatōres non incurunt pœnas, quas ipsimet suis legibus constituunt. Patet, quia non potest quis habere vim coactiuam in seipsum propriè loquendo, nullus enim in seipsum habet propriè iurisdictionem: vnde nec per auctoritatem sibi potest pœnas imponere. Hinc colligitur Episcopum non incurere excommunicationem quam ipse suâ tantum & non superiorum auctoritate tulit in aliquod crimen, etiam si ipse illud committeret: & generaliter Pontificem non posse incidere in aliquam Censuram Ecclesiasticam, quædiu Pontifex perseuerat, quia in terris superiorem non habet à quo siue per legem, siue per sententiam posset infligi.

Concl. Quarta: Legislatōr directè nullatenus obligatur suâ propriâ lege. Probat. Primò, quia obligatio quæ directè oritur ex vi alicuius legis, respicit per se & quasi essentialiter potestatem superiorum, hinc par in parem non potest legem statuere; ergo multò minus potest quis in seipsum

sum legem ferre propriè loquendo. Neque refert, quòd possit quis obligare seipsum voto; quamvis enim votum aliquando dicatur quasi priuata lex, tamen propriè & absolutè lex non est. Vnde eius obligatio non est obligatio obedientiæ, sed potiùs iustitiæ, sicuti obligatio promissionis: neque enim dicitur quis sibi obedire aut parere, qui suum explet votum, sicuti dicitur parere legislatori, qui obseruat legem. Probatur Secundo ex l. Princeps. ff. De Legibus, vbi Princeps dicitur legibus solutus.

Obseruandum tamen est, quando Communitas siue Respublica fert legem, tunc singulos de Republica etiam directè obligari lege; quia Respublica est superior respectu cuiusque particularis de Republica.

109 Conclusio Quinta: Ex naturali tamen æquitate, & rationis dictamine tenetur Princeps etiam in conscientia ad seruandas suas leges, quando materia ex æquo ipsum & subditos cõcernit; vt v. g. in materiâ spirituali potest esse lex ieiunij, lex Festorũ; item in materiâ ciuili potest esse lex de non euehendis granis extra patriam, item quæ constituit rebus certa præria. Ratio autem in primis est, quia alioquin leges redduntur subditis odiosæ, dum vident eas à legislatore in quo militat eadem communis ratio, non obseruari. Deinde, quia iniquum videtur, vt quis non velit in paritate causæ subire onera, quæ alijs imponit. Hinc Cap. Cum omnes: extrâ De Constitut. dicitur, quod quisque iuris in alterum statuit, ipse eodem vii debeat: & Christus Dominus reprehendit Scribas & Phariseos, Matth. 23. Quod onera alijs imponerent, quæ ipsi nolent digito attingere. Nascitur autem hæc obligatio ab ipso iure naturæ siue ab ipso Deo, mediante natu-

ralis rationis dictamine, vnde neque potest legislator seipsum sine causâ ab illâ eximere.

Dixi in paritate causæ, quia alioquin si lex aliquid mander subditis, quod non conuenit vel decet Principem facere, certum est, quod tunc omni iure & ratione ab eâ sit solutus, & liber: v. g. à lege de vectigalibus soluendis, & ab alijs similib.

## ARTICVLVS VI.

*Vtrum subditus aliquando possit facere prater verba legis?*

110 Conclusio Prima: Quando agere secundum verba legis esset contra intentionem legislatoris, idque subito constaret, non debet agere secundum verba legis. Est D. Thomæ hic. Probat, quia intentio & mens legislatoris est veluti anima legis; vnde hæc semper spectanda est, ita vt contra legem agant, qui etiam verba legis seruent, tamen scienter contra intentionem legislatoris faciunt.

Conclusio Secunda: Quando dubium est, vtrum legislator intendat in hoc casu obligare subditos, tenentur illum consulere si res patiat, moram; sin minus, & ex alterâ parte probabile sit subditis legislatorum, si adesset declaraturum, quod non intendat obligare hoc casu, non tenentur. Colligitur ex D. Thom. hic, & ita docet Caiet. Ratio est, quia licet speculatiuè dubium sit, vtrum hic obliget lex, tamen practicè certum est nõ obligare; quia iusta præsumptio est quod voluntas legislatoris sit nõ obligare: postis enim eiusmodi circumstantijs rationi consentaneum est, quod legislator nolit subditos obligare.

## Q V Æ S T I O XCVII.

### De Legum mutatione.

*In quatuor Articulos diuisa?*

#### ARTICVLVS I.

*Vtrum lex humana debeat mutari aliquo modo?*

111 Conclusio D. Thomæ est: duplex potest esse causa cur lex humana ritè & iustè mutetur. Prior desumitur ex parte legislatoris; qui, vt fert humani ingenij imbecillitas,

non potuit semper satis exactè perspicere & cognoscere omnia, quæ in legibus con-  
dendis consideranda sunt, quo fit, vt temporis successu, & rerum vsu deprehendatur aliquando obesse, aut minus vtile esse Communitati, quod credebatur vtile futurum: vnde tunc rectè lex mutabitur. Posterior causa desumitur ex parte ipsorum subditorum, quorum qualitates & mores decursu temporis contingit pluri-

K k iiii mmm

mum mutari: ex quâ occasione etiam lex aliquando mutanda est, vt docet August. 1. de lib. arb. cap. 5. & 6. & inter alia ponit hoc exemplum, v. g. Lex habet quod populus, qui erat moderatus & studiosus boni publici, debeat creare Magistratum, si contingat populum mutari, & induere corruptos mores, ac attendere magis ad auaritiam, vel alias suas cupiditates, quàm ad bonum publicum in Magistratu constituto, tunc lex illa mutanda erit. Idem docet Philosophus 2. Politic. cap. 6. & ita excusat se Artaxerxes cap. vlt. Esther: *Nec putare deberis (inquit) si diuersa iubeamus, ex animi nostri venire leuitate, sed pro qualitate & necessitate temporum vt Reipublica positis utilitas, ferre sententiam.*

## ARTICVLVS II.

*Utrum Lex humana semper sit mutanda, quando occurrit aliquid melius?*

**C**onclusio D. Thomæ est: Non semper est lex mutanda mox, vt aliquid melius occurrere videtur, sed tunc demum quando necessitas postulat, aut certe magna & euidentis utilitas suadet. Paret ex l. 2. ff. De Constitut. in rebus nouis, vbi dicitur, euidentis esse debet utilitas, vt recedatur ab eo quod diu æquum visum est Et rationem reddit D. Thomas, quia omnis mutatio legum continet hoc incommodum, quod mutet consuetudinem, siue consuetum agendi hominum morem, vnde minuitur & debilitatur vis legis, quæ plurimum roboris ad sui obseruationem accipit ab ipsâ antiquitate & vsu agendi. Accedit quod ex legis mutatione sequi frequenter soleant & alia plura incommoda, quæ præuideri non potuerunt, aut saltem præuifa non sint; vnde Philosophus 2. Polit. cap. 6. putat potiùs quædam errata legislatorum esse dissimulanda, quàm de facili legem esse mutandam; Non enim (inquit) tantum proderit, qui corrigere perget, quantum nocebit assuesfactio superioribus non parendi, quæ nimirum sequi solet ad frequentem legum mutationem; nam leges, quæ sæpius mutantur, facili quoque negliguntur nec magni æstimantur. Idem significat D. Aug. Epist. 118. ad Ianuarium: Quia ipsa quippe mutatio consuetudinis, etiam quæ adiuuat utilitate, (inquit) nouitate perturbat.

## ARTICVLVS III.

*Utrum consuetudo possit obtinere vim Legis?*

**N**otandum hic est, Consuetudinem, etiam apud Isidorum l. 2. Originum cap. 10. describitur esse Ius quoddam moribus institutum, quod pro lege suscipitur, cum deficit lex, non tamen ita hoc loco accipi; sed potiùs pro efficiente causa talis iuris, scilicet pro quâdam frequentatione actuum humanorum eiusdem rationis per tempus aliquod continuatâ. De hac enim quæritur, virum possit inde nasci lex, siue Ius, quod iuxta Isidorum vocatur etiam consuetudo?

Conclusio Prima: Consuetudo vel Disfuetudo non potest inducere aliquam legem contra ius naturæ, vel contra ius diuinum positium, neque illud immutare siue abolere. Ita D. Thomas hic ad Primum: & rationem reddit, quia istæ leges à diuinâ procedunt autoritate & voluntate, contra quam nihil valet consuetudo ab humanâ voluntate procedens. Confirmatur, quia duæ possunt concipi viæ seu modi, quibus consuetudo præualeat contra legem aliquam, nimirum per cōniuentiam legislatoris, & per præscriptionem etiam absq; tali cōniuentiâ: obtinet autem consuetudo per cōniuentiam, quando legislator illam tolerat sciens & volens, nec punit transgressores legis, quos facili corrige & punire posset: præscriptionis autem viâ præualere propriè censetur, quando etiam renitente legislatore per frequentes actus contrarios certo annorum circulo obtinet; neutro autem istorum modorum potest contrariorum actuum frequentatio præualere contra legem naturæ, vel diuinam positiam. Probatur, non enim per cōniuentiam, quia licet non semper ex incontinenti præuaricatores puniat diuini legis author, nihil tamen absolute dissimulat, aut impunitum relinquit; sed omne peccatum contra legem suam vel in hoc, vel in futuro sæculo punit: neque etiam viâ præscriptionis, quia hæc vim suam habet ab humanâ potestate & institutione: vnde etiam fit quod non vna eademque sit regula & mensura præscriptionis in omnibus, sed quædam res & iura breuiori, alia longiori tempore præscribuntur, secundum quod leges & Canones ordinarunt; atqui non potest humana potestas quicquam statuere in præiudicium potestatis & legis diuinæ, siue naturalis, siue positiuæ, ergo &c.

Conclusio

4

Conclusio Secunda: Leges humanæ tum Ciuiles, tum Ecclesiasticæ possunt consuetudine rationabili, non tantum viâ conuenientie, sed etiam viâ legitimæ præscriptionis abrogari. Probat, & quidem quoad priorem partem non apparet difficultas; quia euident est quod mutata legislatoris voluntate, eaque exterius manifestata, lex cessare incipiat; at qui per conuenientiam eiusmodi, manifestatur morali modo mutatio voluntatis legislatoris, quia non tantum per verba, sed etiam per alia indicia solent hominum voluntates foris innotescere; ergo &c. Hinc non requiritur aliquod determinatum tempus, ut hac viâ lex abrogetur, sed sufficit tempus illud cum ijs actibus contrarijs, siue cum tantâ omissione obseruationis legis à legislatore voluntariè toleratis, ut inde cum alijs circumstantijs, prudenter possit iudicari, legislatores significare satis voluntatis suæ mutationem per istam tolerantiam siue conuenientiam; quia consuetudo in hoc casu non operatur ex vi iuris, sed ex vi naturalis significationis & indicij voluntatis Principis; vnde hoc tempus arbitrio Prudentum relinquatur determinandum, ut docet Soto lib. 1. De Iustitiâ, q. 7. art. 1. Suarez lib. 7. De Legibus, cap. 18. cum Alijs.

5

Vnde etiam intulerunt quidam Canonistæ, quando tota Ciuitas vel Communitas agit contra Statutum à se independentem ab alio superiore editum, sufficere vnum actum contrarium ad reuocandum siue abrogandum Statutum; quia videtur vnicus ille actus satis significare (inquirit) voluntatem ipsius legislatoris de Statuto reuocando. Ita Abbas in Cap. ad Audientiam, De Clericis non residentibus, cum nonnullis alijs. Sed hoc verum esse non existimo, nisi forsitan ex alijs circumstantijs manifestè constaret Communitatem non fecisse talem actum dispensando dumtaxat in statuto pro illâ vice, sed fecisse cum animo abrogandi.

6

Probat pars posterior Primò ex Capitulo finali: De consuetudine, vbi sic habetur: Licet etiam longæ consuetudinis non sit vllis authoritas, non est tamen vsque adeo valitura, ut vel positio iuri debeat præiudicium generare, nisi fuerit rationabilis & legitimè præscripta, quæ exceptione admittit Canon, quod consuetudo rationabilis viâ legitimè præscriptionis possit iuri positio (scilicet humano de quo ibi loquitur) derogare. Probat Secundò ex l. De quibus. ff. de legibus: vbi dicitur legem tacito consensu omnium per disuetudinem abrogari: Idem Probari potest ex lege 1 & 2. C. quæ sit longa con-

suetudo. Probat Tertiò ratione, quia obligatio & validitas legis humanæ subsunt humanæ potestati & voluntati, sic ut quæ admodum alia iura & alia res humanæ possunt per voluntatem hominum mutari, extinguî, transferri, ita & ipsæ quoque leges humanæ; idque non tantum personali voluntate legislatoris aut successoris eius, sed etiam autoritate & quasi voluntate iuris communis, etiam si forsitan personæ cōsensus legislatoris non accesserit, si supremi Principes ita constituerint: quemadmodum rerum dominia non tantum personali voluntate domini transferuntur, sed etiam legum constitutionibus: atqui ex Canonibus & Legibus suprâ citatis constat, ita fuisse à summis Principibus ordinatum & constitutum, quod rationabilis & legitimè præscripta consuetudo possit contra legem humanam præualere; ergo etiam si non accedat personalis voluntas legislatoris, nihilominus per consuetudinem contrariam siue disuetudinem poterit lex humana mutari & abrogari.

Pro pleniori autem huius materiæ intelligentiâ notandum itaque est Primò, multum discriminis interesse inter duos illos modos, quibus dicimus consuetudinem posse præualere contra legem: nam viâ conuenientie non requirit tam longum tempus etiam in lege Ecclesiasticâ sicuti viâ præscriptionis, ut iam diximus: quia lex non tam tollitur tunc per consuetudinem, quam desinit esse per mutatam voluntatem legislatoris: cuius iudicium est consuetudo opposita voluntariè ab ipso legislatore tolerata. Dico à legislatore, quia etiam si inferior executor, v.g. prætor sciret & dissimularet Rege siue legislatore ignorante, non cureret conuenientia, quæ ad legis abrogationem valeret, quia debet esse conuenientia illius, cuius est lex. Econtra verò præscriptionis viâ requirit plus temporis, ut per consuetudinem lex abrogetur, quia hac viâ propriè tunc lex tollitur, quando frequentato vsu contrario lex exstinguitur, etiam absque presumptione mutæ personalis voluntatis legislatoris: hoc autem secundum rationem non tam breui tempore fieri debet, quam dum ex indicijs iustè præsumitur voluntas legislatoris iam mutata; vnde quando hac viâ proceditur, tunc ipsa consuetudo propriè ex dispositione iuris legem tollit, non autem desinit propter mutatam personalem voluntatem legislatoris. Hinc etiam consuetudo potest hoc modo obtinere contra legem per dissimulationem prætoris Rege ignorante, vbi videlicet tempus sufficiens & à iure præscriptum effluerit.

Hinc, Notandum Secundò duplicem posse

8



posse considerari legislatoris consensum in ordine ad effectum consuetudinis: vnus dici potest personalis, quia videlicet datur a personâ Principis siue legislatoris expressè vel implicite aliquo eius proprio actu positiuo vel priuatiuo: alter potest vocari consensus legalis, siue iuridicus, quia non datur per actum aliquem personalem Principis, sed per ipsum ius antè conditum.

Notandū Tertiò: Quando dicimus viâ præscriptionis consuetudinem posse obtinere sine assensu legislatoris, id intelligendum esse de assensu personali: nam generaliter loquendo, vt consuetudo vim legis obtineat, necesse est quod aliquis consensus Principis, siue eius, penes quem potestas est condendi leges, accedat saltem iste legalis, quod indicatur satis l. De quibus sup. citatâ, vbi dicitur, Tacito consensu (videlicet eorum, penes quos est potestas) per dissuetudinem abrogari legem: nam neq; præscriptio in alijs rebus sine voluntate Principis legali posset obtinere effectum suum. Et ratio reddi potest, quia non minus est necessaria potestas legislatiua ad inducendum ius non scriptum siue aliquid faciendi siue omittendi, quàm ad inducendum ius scriptum. Quod autem legalis consensus Principis sufficiat, colligitur ex Capitulo finali sup. cit. De consuetudine, quia ibi duæ tantum conditiones requiruntur, vt consuetudo iuri positiuo adferat præiudicium, videlicet quod sit rationalis, & legitime præscripta: vbi non requiritur personalis consensus Principis, sed significatur quod necessarius sit legalis, quia hic in legitimâ præscriptione includitur.

10 Notandū Quartò: Hæc tria esse diuersa, non vsum, Dissuetudinē, & Consuetudinem contrariam: nam legis non vsus etiam tunc propriè est, quando non occurrit occasio legis seruandæ; Dissuetudo autem tunc quando casus legis occurrit, & tamen omittitur quod lex præscribit, ex aliquo neglectu, idque per tempus continuatur; Consuetudo contraria verò erit, quando occurrente casu legis fit contra legem non tantum ex aliquo neglectu siue negligentia, sed quasi ex intentione & animo inducendi oppositum: v. g. lex aliqua habet, vt qui tale officium suscipit, debeat certum aliquod iuramentum præstare, non vsus huius legis erit, quando non occurrit quod aliquis tale officium suscipiat, dissuetudo erit, si ab huiusmodi officii suscipiendis non exigitur iuramentum, & sic nõ præstetur consuetudo contraria, si iuramentum etiam exactum non præstetur, eoque non præstito, tamen ad officium homi-

nes admittantur.

Notandum Quintò: Non vsu illo merè negatiuo nunquam legem abrogari, nec contra eam præscribi: sed tantummodo consuetudine contrariâ, aut saltem dissuetudine cū interpretatiuo animo nõ seruandi legem. Ratio diuersitatis est, quia ille non vsus nullum secum importat communitatis consensum, aut voluntatem inducendi aliquid ius contrarium, aut legis abrogationem, quia tantum procedit quasi à causa extrinsecâ & per accidens, eo quod seruandæ legis casus non occurrit, non autem ex aliqua voluntate omittendi legem, quod requiritur vt per actus aliquos, siue positiuos siue priuatiuos, nouum aliquid ius inducatur contra antiquum, quia necesse est, quod actus fiant animo inducendi talem consuetudinem, licet hic ordinariè soleat magis esse tacitus, quam expressus, vnde Gloss. in cap. Finale de consuetud. & alij plures cum illâ docent quod per actus ex ignorantia vel errore factos non inducatur consuetudo, quia sunt inuoluntarij, siue illa sit ignorantia facti, puta quâ ignoretur, quod hi actus sint contra talem legem, siue iuris, puta quia ipsa lex ignoratur, vt exponit Suar. lib. 7 cap. 12. eo quod ignorantia impediatur voluntarium.

12 Vlteriùs autem circa conclusionem secundam iam positam oriuntur aliquot difficultates. Prima est: Quomodo consuetudo aliqua possit esse rationalis, quæ aduersatur legi rationaliter latæ, prout fit in omni consuetudine, quæ dicitur legem obrogare? pro huius difficultatis explicatione, insuper hoc obseruandum est, non hæc eadem esse, consuetudinem aliquam esse simpliciter bonam, & consuetudinem esse rationabilem (de consuetudine facti, non de consuetudine Iuris loquimur) quia vt consuetudo sit simpliciter bona, requiritur quod actus & actuum frequentatio excludant malitiam, non tantum ex parte obiecti, sed etiam ex parte operantium, & quoad omnes circumstantias, quæ non requiruntur omnia, vt consuetudo possit dici rationalis: sed ad hanc requiritur imprimis quòd non sit mala ex parte obiecti, siue quòd actus eius non sint intrinsecè mali, neque tales, vt nullâ humanâ potestate possint cohonestari; eiusmodi enim actus, quantumcumque diu frequentati non possunt nouum ius inducere, neque antiquum abrogare, vt potest colligi ex dictis circa primam conclusionem, ipsaque continuata frequentatio talium actuum non meretur etiam nomen consuetudinis, sed corruptelæ & abusus.

Neque

vt non includat aliquam indecentiam, neque adducat periculum mali, cuiusmodi sunt quod Clerici incumbunt venationibus, vacent tripudijs, aut ludis minus convenientibus ipsorum ordini & statui; Itē quod officia iustitiæ vendantur, vel quod iustitiæ ministri siue Iudices admittant munera. Notat hoc Abbas ad Capit. Cum inter, De consuetudine, vbi docet omnem consuetudinem contra honestatem siue decentiam (quæ non semper aliquid includit simpliciter malum) esse irrationabilem, pro quo allegat Capit. Conducerent, De vitâ & honestate Clericorum, nihil enim istorum aut similitum potest rationabiliter per formam legis statui, neque potest lex quæ eiusmodi prohibet, abrogari rationabiliter etiam per ipsum legislato-rem.

14 Non censetur autem consuetudo mox irrationabilis, quia est contra aliquam prohibitionem vel præceptum humanum siue Civile siue Ecclesiasticum, vt colligitur optimè ex Capit. vltimo, De consuetudine, & ex lege, De quibus sup. citatis, quæ planè supponunt aliquando sine posituum humanum tolli per consuetudinem, quam volunt esse rationabilem: vnde non debet consuetudo censi irrationabilis, ex hoc solo, quod sit contra legem humanam: & ita docet Panormit. in citatum Capit. vltimum, & alij plures Canonistæ ibidem, & Bartol. in l. De quibus & legem secundam C. quæ sit longæua consuetudo.

15 Vnde sequitur non requiri etiam, quod actus ex quibus consuetudo constat, careant omni malitiâ, vt habeatur ipsa rationabilis, in id dicit Suarez, loc. cit. cap. 18. num. 8. Necessarium esse, quod tales omissiones, quibus lex abrogatur sint peccaminosæ saltem in principio, quia si prouenerent ex aliquâ rationabili excusatione (inquit) non declararent voluntatem legi contrariam, vt si occurreret necessitas excusans: tunc enim non esset dissuetudo, sed purus non usus legis, qui ex omnium sententiâ non sufficit ad legis abrogationem inducendâ: quod si verò tam frequentes sint eiusmodi occasiones siue necessitates, vt possint ostendere legem esse incommo- dam aut inutilem, tunc consuetudo non propriè abrogabit legem; sed quia manifestatur eius inutilitas, hinc per se emori- tur & cessabit. Idem docet latius Suarez eodem loco num. 15. vbi dicit Caietan. hoc loco ad secundum & omnes ita sentire: sed an omissiones legis ab initio sint necessariò peccaminosæ quibus lex abro- gatur, paulo post particularius examina- bimus: nobis hic sufficit, non ob stare hoc quod sint peccaminosæ.

Neque tamen sufficit vt consuetudo censetur rationabilis quod actus ex obiecto non sint inhonesti aut indecentes, nec tales, quorum frequentatio & ordinarius usus sit periculosus; sed insuper vt attiri- mari possit rationabilis in ordine ad legem abrogandâ, requiritur etiam, quod adint rationes, quæ licet sufficientes non sint vt per se legem extinguant, tamen sunt tales ob quas legislator, possit rationabiliter legem mutare aut abrogare: quamuis enim lex rationabiliter lata sit, & etiâ rationabi- liter perseueret ob certos respectus, possunt tamen concurrere aliæ rationes, ob quas etiam rationabiliter à legislatore queat mutari non minus quam duæ contradicto- riæ possunt esse simul probabilia; & licet in vnâ parte sit forsitan, aliquid plus rationis, id non mox efficit alteram partem irrationabilem, sicuti quod vna pars contradic- tionis sit probabilior, non facit alteram improbabilem.

17 Ex his non difficilè ad difficultatem propositam respondebitur: dicendū enim est, quod suppositâ honestate materiæ, saltem quoad non repugnantiam cum lege naturali vel diuinâ, & remota indecentiâ, sufficiat ad consuetudinis ratio- nabilitatem, quod suffulciatur quibusdam considerationibus, ob quas legislator pos- set rationabiliter legem mutare, si vellet, quamuis non sint tales; quæ faciant legem per se cessare, siue emori; quia tunc ratio- nabilis est illa legalis voluntas siue legalis consensus legislatoris, quo consentire iu- dicatur in legis abrogationem.

Quod autem per actus malos saltem ab initio legis abrogatio fieri possit, hinc mi- rum videri non debet, quia actus illi non concurrunt tanquam causa per se istius abrogationis, sed tanquâ causa per accidens & sine quâ non: nam causa per se est legalis voluntas siue ius, quod voluit legem aliquando cedere consuetudini inolitæ, quæ subnixâ sit probabilibus saltem ratio- nibus, ob quas legislator possit rationabi- liter legem mutare: quod secundum rectâ rationem ordinatum est, vt succurrat subditorum infirmitati, & regimen Com- munitatis sit suauis: Interim verò quod tandem resultat ex eiusmodi consuetudine, non est malum, scilicet quod similes actus postea sine malitiâ fiant ablati ni- mirum lege: & in hoc consentire consen- dus est Princeps abrogando legem. Et hoc modo licet consuetudinis illius actus, quibus constat sint irrationabiles proat si- unt (quia videlicet contra positam legem) non tamen in substantiâ siue ab in- trinseco, quia possunt licitè fieri sublatâ scilicet lege: neque in termino aut effectu, quia

quia Princeps propter istam consuetudinem prudenter & rationabiliter potest legem abrogare, & sic consuetudine completâ & lege abrogatâ, actus postea licet hunc, & ius quoque ad eos liberè faciendos rationabile est, quia non est nisi quædam carentia siue solutio à lege prohibente, quæ rationabiliter auferri potuit.

18 Altera difficultas quæ occurrit est hæc: Erit quod consuetudo facti contra legem humanam possit censeri & dici rationabilis modo iam explicato, non apparet tamen quomodo actus, quibus constat, possint inducere præscriptionem contra legem cum sint malæ fidei, scilicet contra legem, quæ agnoscitur, possessio autem malæ fidei non præscribat? Resp. Suarez lib. cit. cap. 1. distinguit inter consuetudinem & præscriptionem; dicitque consuetudinem ut contra legem præualeat, non requirere bonam fidem, sicuti in præscriptione requiritur: sed discrimen hoc licet verum sit, si in contradictione accipiat, consistere, non tamen subsistere deprehenderetur si accipitur in cōtrarietate.

19 Declaratur pro priori parte, quia verum est, quod quædam consuetudo absque bonâ fide possit prævalere contra legem, quando videlicet viâ conuenientiæ legislatoris contra legem obinet; potest enim legislator suâ voluntate cedere siue infirmitati siue improbitati subditorum, qui legē & eius obligationem sciunt ac contra faciunt; atq; ita poterit tacitâ voluntate legem abrogare, videlicet dissimulatione: quamvis si pro potestate etiâ fundatâ vellet agere, posset ad legem seruandâ compellere, & transgressores punire, quod tamen ex aliquâ rationabili consideratione non facit: sed non sic videtur consuetudo viâ præscriptionis posse legem abolere, quia hinc non accedit consensus personalis legislatoris per aliquem scilicet eius actum proprium, sed tantum legalis, quatenus iura ordinant rerum dominia transferri, item seruitutes & iura extinguere, contrariâ possessione, in quas ordinationes etiam Principes censentur consentire: & ideo sic quoque eorum leges amittunt vires; verum iura non statuerunt ista sic fieri, nisi per possessionem bonæ fidei, quare non potest dici hic adesse legalem consensum, siue voluntatem legalem Principis, nisi in possessione contra legem reperitur bona fides; & consequenter neque consuetudo absque bonâ fide poterit viâ præscriptionis legem abrogare.

20 Vnde melius cum Caiet: suprâ, & Panormit. in Capitulum. 1. De treugis & pace, dici poterit, quod licet in principio facientes contra legem peccent, & malâ

fide agant, tamen eorum successores posse præsumere ex aliquâ iustâ & sufficiente causâ, vel ex Principum conuientiâ non fuisse seruata talem legem, atq; ita hos bonâ fide continuare non obseruationem: à tempore autem istius bonæ fidei currere tempus requisitum ad præscriptionem. Deinde videtur etiam fieri posse, quod talis consuetudo à bonâ fide inchoetur, puta si subditi probabiliter credant materiam legis, siue circumstantias ita esse mutatas, ut lex cessare nunc debeat: & eo nomine non obseruet, quia existimant legem amississe vires suas, licet interim reuera istæ rationes non sint tantæ & tales quod propter illas lex per se desierit esse: nihilominus tamen ex illâ suâ opinione quam existimant fundatam, non obseruant legem, sedque per debitum tempus continuant.

21 Ex quo etiam consequitur non esse absolute necessarium, quod actus contra legem, quibus ea tollitur ab initio sint peccaminosi, quod existimauit Suarez, ut supra adnotauimus: licet interim necessarium sit, quod lex cognoscatur, & simul sciatur quod actus sint contra legem saltem materialiter: quia non est necessarium quod contra facientes existiment legem adhuc habere vires, sed satis est, quod velint simpliciter non facere quod lege continetur, sic ut nolint hoc amplius tanquam legem obseruare siue ex contumaciâ siue ex aliqua probabili ratione & bonâ fide.

22 Tertia difficultas mouetur circa tempus requisitum ut consuetudo contra legem præscribat? Resp. breuiter cum distinctione, quam D. D. omnes adhibent, scilicet quod ad præscriptionem contra legem Civilem requiratur ac etiam sufficiat tempus decem annorum: ad præscriptionem verò contra Canones requiratur tempus annorum 40. Prior pars patet, quia ius Civile siue ad legem inducendam siue ad eam abrogandam requirit tantum tempus longæuum, ut constat ex l. De quibus, suprâ: tempus autè longæuum, ut in eodem iure definitur, est tempus decem annorum, ut habetur Institutis de Vsufructibus §. 1.

Posterior pars communiter ab omnibus tenetur. Ita Innocent. in Capitulum Cum dilectus, De consuetudine, Panormit. eodem titulo in Cap. ult. & in Cap. 1. de treugis & pace, Felinus ibidem cum alijs, Antoninus 1. parte titulo 16 §. 4. Syluester verbo Consuetudo, q. 4. & alij Summistæ ad idem verbum. Et probari potest, quia præscriptio legitima contra Ecclesiam requirit tempus 40. annorum iuxta Capitulum, De quartâ: Capitulum, Ad

lum, Ad aures, cum alijs, tit. De præscriptionibus: consuetudo autem contra Canones potest merito dici contra Ecclesiam, cum sit contra Ecclesiastica iura, & ideo eius præscriptio vt sit legitima debet esse quadragenaria.

- 23 Conclusio Tertia: Consuetudo rationabilis potest etiam inducere legem non scriptam, vbi lex non erat: idque tum viâ conuentionis, tum viâ præscriptionis. Vbi in primis hoc notandum est, quod licet consuetudo facti, aliquando sit irrationabilis, v. g. quia actus sunt contra legem naturæ, aut diuinam, vel contra honestatem, nunquam tamen consuetudine iuris posse esse irrationabilem, quemadmodum nulla vera lex potest esse irrationabilis, aut iniqua; quia sicuti lex eo ipso amitteret rationem legis, ita quodque consuetudo, quantumcūque diu fuisset frequentata, si sit irrationabilis, non potest iuris siue legis non scripte rationem obtinere. Conclusio autem est communis, & certa: & patet ex vtroque; Iure: vt ff. sup. l. De quibus sup. cit. cum aliquot sequentibus, & C. quæ sit longa consuetudo fere per totum: & ex totâ titulo de Consuetudine tum in decretal. tum in 6. & ex Capitulo. In his, dist. 11. & Capitulo, Illa, dist. 12. Ratio reddi potest, quia in consuetudine rationabili possunt cōcurrere omnia, quæ requiruntur ad ius aliquod inducendum, siue ad legem ferendam. Probat, quia potest esse circa materiam honestam, & vtilem communi bono, vt per se constat, & potest concurrere legitima potestas, ac simul etiam voluntas eius, qui potestatem habet: quæ in primis manifesta sunt, si sit consuetudo populi liberi nō habentis in temporalibus superioris: nam in tali populo potestas est condendi leges, & eius voluntas quoque adest: vt enim censetur esse consuetudo populi liberi, debet concurrere maior pars tum populi communis, tum Magistratus in illius obseruatione. In cæteris verò ad voluntatē populi siue maioris eius partis accedit cōsensus Principis, per consuetudinis approbationem, idque vel aliquibus eius iudicijs demonstratam, vel ipso iure declaratam. Ex quibus etiā intelligitur quomodo non tantū ad sit voluntas eius, qui potestatem habet, sed etiam satis manifestetur, & quasi promulgetur: nihil enim interest an suffragio vel voce populus siue Princeps voluntatem suam declararet, an rebus ipsis & factis: vt habetur ex l. de quibus, sup. cit.

- 24 Obseruandum autem est, quamuis obligandi vis cōsuetudinis procedat maximè ab eo, qui leges instituendi habet potestatem, nihilominus tamen, hic valde attendendū esse ad populi sensum & intentionem; quia

legislator censetur hic se accommodare populi volūtati, & ei quasi mutare potestatem inducendi ius, siue se habere tanquam approbans & confirmans id quod populus intendit & agit: vnde ad hunc effectum legis inducendæ, nō satis est quod populus aliquādiu frequenter quomodo libet actus aliquos; sed oportet, quod ita frequenter, vt intendat formam illā agendi inducere propter decentiam vel communem vtilitatem temporalem vel spirituale, & simul animo inducendi obligationē ad sic agendū: nam in primis de ratione legis in communi est, quod sit intenta à Principe; vnde etiam hoc ad rationem Iuris consuetudinarij requiritur, quod sit à populo intentum, quia Princeps hic non censetur concurrere nisi secundum populi intentionem. Deinde debet intendi quoque; non tantum vt consuetudo quædam sic agendi inducatur: sed etiā vt nascatur obligatio ad sic agendum. Ita enim docet Glossa in Capitulū Frustra dist. 8. vbi dicit ad consuetudinem (quæ scilicet legis vim obtineat) necessariū esse, vt eo animo & intentione seruetur, vt ius in posterum fiat. Idē habet Glossa circa cap. finale De consuetudine: & eodem sensu dicit Abbas ibidem, debere fieri animo inducendi consuetudinē, id est ius consuetudinariū. Ratio est, quia actus agentium in eiusmodi moralibus nō transgrediuntur intentionē, vt patet in promissionibus, & votis. Hinc multe sunt laudabiles consuetudines antiquæ in populo Christiano, quæ tamē vii legis non habēt, neque obligant ad sui obseruationem, v. g. ieiunandi in præcipuis profectis Beatæ Virginis, præterquam in profecto Assumptionis, quando lex Ecclesiæ obligat; itē consuetudo salutandi B. Virginē ad certum signum campanæ sub initio noctis: eiusmodi etiam iuxta Bellar. li. 4. de Pont. c. 18. sunt consuetudines sumendi cinerē benedictū in 1. die quadrag. & aquā benedictā in ingressu Ecclesiæ; quia hæc & similia non sunt frequentata & obseruata cū intentione statuendi legem aliquā de eiusmodi religiosi actibus & ceremonijs obseruandis.

Verū occasione tertie huius cōclusionis occurrunt hic etiam quædā difficultates explicandæ. Prima est: quantum temporis requiratur, vt consuetudo legem inducat. Respondetur, vt viâ quasi præscriptionis id fiat, requiri tempus decem annorum illudque etiam sufficere, non tantum in materia ciuili, sed etiam in materia Canonica, modo non sit contra aliquem Canonem iam constitutū. Ita docet Gl. locis cit. & Abbas sup. cū alijs Item Couarr. lib. 1. Variar. cap. 17. nu. 8. & Nauarr. In summa c. 13. n. 19. Et quidem quod in mate-

L I ria ci-

ria ciuili ita res se habeat, manifestum est: quia ut ante diximus ius ciuile siue ad legem inducendam, siue abrogandam per consuetudinem, requirit tempus longæuum, cuiusmodi declarat esse tempus decem annorum: quod verò etiam similiter se res habeat in materia Canonica vbi non est contrarium statutum, sic potest declarari; quia in illis quæ non sunt contra ius, non requiritur iure Canonico, plus temporis ad præscriptionem quam ciuili: quare non est fundamentum requirendi plus temporis in materia canonica, quam ciuili, præsertim cum istæ leges tendant ad maiorem religionis honestatem & conuenientem Dei cultum.

26

Secunda difficultas est: An idem tempus sufficiat, si Princeps sit absens? ratio dubitandi est, quia iura definiunt tempus longæuum inter præsentem quidem esse decem annorum; sed inter absentes esse viginti annorum.

Respondetur, hac de causa nonnullos D. D. (inter quos videtur esse Syluest. V. Consuetudo: quæst. 2.) requirere in absentia Principis viginti annos siue ad legem inducendam, siue abrogandam: sed communis sententia tenet contrariū, quæ & visu recepta est: vnde etiam consuetudo hic censetur ius interpretari, ut circa præscriptionem consuetudinis in respectu ad legem, sufficiat decem annorum tempus. Et fundamentum potest esse, quod hoc sit magis ex bono communi, & quidem quo ad legis inductionem, quia expedit, quod consuetudines rationabiles & sufficienti visu probatæ roborentur & vim obligandi accipiant. Accedit quod inductio talis obligationis non adferat præiudicium legislatori, cum sit ex potestate eius per ius commune applicata: quare non censetur ipse hæc in parte inuoluntarius, & ideo non est eadem ratio huius & præscriptionis aliarum rerum, vbi dominus absens solet pati præiudicium, & haberi tanquam inuoluntarius.

27

Similiter etiam quoad legis abrogationem, videtur esse ex re communi, quod consuetudo obtineat spatio 10. annorum, quia difficulter & non sine periculo perturbationis communitatis possit lex iterum ad usum reuocari post tantum tempus, quando contrarij hominum mores inualuerunt: vnde magis conuenit quod censetur & maneat abrogata: si verò occurrat fortassis aliqua noua ratio publici boni talem legem exigentis, poterit eo casu per formam nouæ legis iterum institui. Accedit quod hic etiam ex dispositione iuris interueniat fauor Principis, quatenus de eius consensu legali, lex cedit consuetudini, fauores autem sunt ampliandi:

neque enim contrarius, quod ex lege resultat in subditos restringendū, nisi ipsimet sibi illud quodammodo imponant, ut sit quando propria consuetudine legem inducunt.

Tertia difficultas est de tempore, quod requiritur, ut consuetudo habeat vim legis viâ conuenientiae, siue tacitæ approbationis personalis Principis?

28

Respondetur, hic non esse necessarium decennium, sed breuius tempus posse sufficere: veruntamen illud non esse certo annorum numero à iure definitum, nec commodè definiri posse; quia sufficiens signum tacitæ voluntatis Principis approbantis seu confirmantis consuetudinem iuxta intentionem populi, cum in factis consistat, pendet ex diuersis coniecturis, quæ non sunt æquales in omnibus consuetudinibus; atque ita potest in aliquibus breuiori tempore constare sufficienter de Principis voluntate, quam in alijs: quædam enim sunt, quæ frequentorem habent usum & magis communem ac publicum, quæ alia; item in aliquibus occurrunt plures occasionēs, vnde intelligantur voluntas & assensus Principis, quam in cæteris; & sic non vno definito tempore consuetudines omnes possunt hac viâ legem siue ius stabilire: sed alia breuiori, alia longiori tempore id assequuntur, quatenus citius aut tardius colligitur sufficienter tacita Principis approbatio personalis, quæ iuxta hanc viam requiritur, non autem in viâ præscriptionis, vbi iuris constitutio certo tempore eam supplet. Quando autem debeat censeri de Principis voluntate sufficienter constare, hoc prudentum arbitrio æstimandum venit.

Quarta difficultas est, quandoquidem dictum sit, ut consuetudo inducat aliquando legem, debere à populo illam frequentari eo animo, ut in ius transeat, vnde constare poterit de tali intentione populi, cum hæc in actibus non se monstret?

29

Respondetur, de hac re non posse quocumque determinatam regulam tradi, quæ id certo cognoscatur, sed morali iudicio prudentum esse æstimandum, ad quod rationabiliter formandum, (quando intentio populi non est aliter explicata) poterunt hæc seruire, ut attendatur in primis ad opinionem populi, quam habet de materiâ consuetudinis si enim iudicet eam necessariam aut plurimum conducere ad tranquillum regimen, vel ad notabile bonum communitatis, vel indecorum fore respectu religionis aliter agere, magnum hoc erit iudicium, quod intentio populi sit inducere legem: Item si illi, qui contrarium faciunt, à populo reprehendi soleant: rursum si populus passim existi-

met se

met se malè agere, si faciat contrarium. quamdiu tamen communi iudicio obligatio consuetudinis non est recepta, sed in dubio versatur, tunc cæteris paribus potius est inclinandum iuxta Suarez lib. 7. cap. 15. num. 15. in eam partem, quod consuetudo sit deuotionis vel honestatis, quàm quod sit iuris & obligationis; quia generalis est regula, quod in dubio nullus præsumitur uelle obligari.

30 Quinta difficultas mouetur de personis quas consuetudo obliget. Respondetur eam æquiparari legi scriptæ hac in parte: nam sicut lex obligat subditos, ita & consuetudo: & sicut lex non obligat extra territorium pro quo fertur, ita nec consuetudo. Vnde si hæc sit vniuersalis totius Ecclesiæ, omnes Christianos indistinctè obligabit, si solius regni alicuius aut Episcopatus, omnes istorum districtuum respectiue incolas obstringet, & sic de cæteris communitatibus cum proportionem. Generalis autem regula est, quod consuetudo vnius communitatis non obliget alteram distinctam; quia vna non habet potestatem imponendi alteri legem, neque ad hoc censetur Princeps præbere suum consensum: idque adeo verum est, vt consuetudo Episcopatus Romani quatenus est particularis Ecclesia, non obliget Ecclesiæ alias, vt notat Panormit. ad Cap. finale: De feriis, quod etiam ex vsu & praxi satis est manifestum.

31 Sed contra hanc regulam potest opponi Capitulum, Super eo, de Cognatione spirituali: vbi præcipitur cuidam Episcopo consuetudinem suæ Metropolitane Ecclesiæ vel aliarum circumiacentium inquirere, & diligentius imitari; ergò videtur quod consuetudo vnius diocesis etiam obliget vicinam, & præsertim si sit consuetudo Ecclesiæ Metropolitane. Respondetur N. Conseq. nulla enim est ratio cur magis consuetudo vnius Episcopatus quæ illius est propria, vel etiam Ecclesiæ Metropolitane, modo eius tanquam particularis Episcopatus habeatur propria, obliget alios Episcopatus, quam quod propria illarum Ecclesiarum itaturæ obligent Episcopatus alios. Ad textum itaque allegatum, dicendum erit, quod loquatur de consuetudine, quæ est quidem totius provincie, sed in aliquâ diocesi non ita erat nota, quia forsitan à multis annis non acciderat casus, in quo praxis conformis vel contraria tali consuetudini posset ostendi: tunc enim voluit Pontifex consuli Episcopos vicinos, & maxime Metropolitanum, & communium consuetudini insisti, quæ scilicet ab illis obleruatur tanquàm consuetudo totius pro-

vinciæ, & non tanquam propria huius vel illius Ecclesiæ tantum.

32 Sexta difficultas quæ hîc proponitur, est: An consuetudo laicorum possit obligare Clericos? Respondetur, si consuetudo sit in materia ciuili, quæ vim suam fortiri debeat ex consensu Principis sæcularis, non obligare Clericos per se loquendo: quia Princeps sæcularis etiam per expressam voluntatem non potest obligare Clericos; ergò minus per tacitam. Imo nec possunt Clerici consentire in aliquam subiectionem contra suam exemptionem, & Ecclesiasticam libertatem. Quod si materia sit mixta, vt si pertineat ad politiam ciuilem, & Ecclesiasticam, & in vtraque feruetur per vtriusque status homines consuetudo communis, tunc erunt quasi due consuetudines, & à parte rei duo Iura, vnum ciuile habens vim à consensu Principis laici, & alterum Ecclesiasticum habens vim à consensu superioris Ecclesiastici, & proinde etiâ clerici eo tenebuntur. Denique si materia sit spiritualis & ad bonum animæ tendat, vt ieiunium, festiuitas alicuius dici ad diuinum cultum, sic quidem erit vna consuetudo, & obligabit clericos & laicos quatenus vim accipit ex consensu & potestate superioris Ecclesiastici, qui in vtroque habet suam iurisdictionem spiritualem: vbi etiam non considerantur subditi tam vt laici vel clerici distincti ordinis, quàm omnes vt Christiani.

33 Imò poterit vsus solus laicorum inducere consuetudinem, cuius obligatio etiam ad clericos se extendat si tacita Episcopi adsit voluntas inducendi ius Episcopale consuetudinariū pro suâ diocesi: quod quidem potest, & præsumetur etiam ita velle, quando materia consuetudinis de se communis est Clericis ac laicis, & æqualiter vtroque, aut magis Clericos decens, vt non possit sine scandalo laicis magis quam Clericis intelligi obligatio imposita, idque præsertim quando totus populus simul in hoc conuenit: quia respectu talis consuetudinis non consideratur populus vt Laicus distincti ordinis contra clericos, vt nunc indicauimus, sed vt Christiani, quod vtriusque commune est: & hinc eiusmodi consuetudine possunt vincere Clericos, & etiam in ordine ad illos eam introducere: vide Suarez lib. 7. cap. 16. num. 13. Secus res se habebit si aliqua sit specialis ratio, cur magis illa consuetudo conueniat laicis quam clericis, quia tunc merito censentur ipsi inchoare & frequentare talem consuetudinem, quatenus sunt ordinis & status distincti contra Clericos, atque ita eiusmodi

L1 ij modi

modi consuetudo clericos non afficiet.

34

Septima difficultas quæ hic circa tertiâ conclusionem occurrit, est: An quæ de vi consuetudinis dicta sunt hædenus, possint etiam habere locum in lege pœnali, potissimum quæ ipso facto pœnam infligit; & in lege irritante, item in lege prohibente, vel etiam reprobante consuetudinem contrariam. Vt hæc distinctè intelligantur, respondemus per diuersas propositiones.

Dico itaq; primò: Cōsuetudo potest legē pœnalem totam tollere. Ita Panormit. ad Cap. 1. De treugis & pace, cum alijs. Et ratio est, quia etiā consuetudo contra eiusmodi leges potest esse rationalis, & proinde per conuenientiā superioris tacite approbati, vel etiam legitimo tempore præscribi: quo facto lex abrogatur vt patet ex Capitulo Finali, De Consuetud. quod generaliter loquitur suppositis duabus illis conditionibus, quod consuetudo sit rationalis, & legitime præscripta.

35

Dico Secundò: Potest lex pœnalis, quæ derogari quoad pœnā & manere quoad obligationem ad culpam. Ita etiam Panormit. supra: & Nauar. c. 27. n. 106. declaratione tertiâ, vbi dicit consuetudinē contrariam excusare à censura constituta per Extrauag. 1. De Symonia contra dantes vel accipientes aliquid ob ingressum in aliquod monasterium, non autem à peccato mortali. Et probatur alijs exemplis: nā olim filij clericorū nascebantur serui ipso iure in pœnam paternę incōtinentię Capitulo, cum multa, dist. 15. & tamen per disuetudinem abrogata est pœnā, manente obligatione ad culpam, vt ibi notat Glossa. Item in Extrauag. de rebus Ecclesiæ non alienandis, varię imponuntur pœnæ ipso facto, quæ per disuetudinem cessarunt, manente adhuc lege, eiusque prohibitionē, vt etiam videre est apud Nauarr. sup. num. 150. Et fundamentum est, quia potest aliquando rationaliter auferri obligatio ad pœnam aliās ipso facto incurrendam, etiam si lex maneat: nam ita Pontifices aliquando etiam expressis constitutionibus ordinarunt: nihil ergò obstat quominus illud quoque possit fieri per aliquam consuetudinem & consensum tacitum superioris siue personalem siue legalem. Neque hoc eò tendere dicendum est, vt delicta maneant impunita, sed vt alijs medijs & pœnis magis oportunis pro ratione temporis & personarum cohibeantur & castigentur.

36

Contrā autem opponet aliquis, quod nulla videatur posse nasci consuetudo contraria incursionem pœnæ, saltem quæ contrahitur ipso facto, v. g. contra excommunicationem, quæ ipso facto in-

curritur: quia semper quando iuris transgressio committitur, tunc pœna simul sequitur; ergò manente lege non potest habere locum consuetudo contra pœnam.

Respondetur, verum quidem est, pœnam illam semper incurri per legis transgressionem, quamdiu consuetudo non est præscripta, vel per conuenientiam tacite approbata: negamus tamen non posse consuetudinem aliquam nasci aut inchoari contra pœnæ incursionem, quia ad illam inchoandam & promouendam satis est, quod licet incurrantur pœnæ, quod tamen non seruentur neque illarum habeatur ratio, non magis quam si incurse non essent, quodque in tali disuetudine perseveretur tempore requisito ad præscriptionem, vel sufficiente ad intelligendam superioris videntis & tolerantis voluntatem, v. g. quod non vitentur ab alijs, qui crimen habens excommunicationem annexam commiserunt, nec ipsi vitent alios, sed communicent in facris & prophanis absque superiorum contradictione & correctione.

Dico Tertiò: Quamuis ex naturā rei

37

natum sit sequi, vt quando consuetudo tollit legem quoad obligationem directionis, simul etiam tollat quoad obligationem ad pœnam siue latam siue ferendam, nihilominus tamen potest aliquando fieri, vt consuetudo deroget legi quoad obligationem ad culpam, relicto debito ad pœnam generaliter & improprie dictam, modo tamen pœna talis sit, quæ non intrinsecè & quasi essentialiter supponit culpam. Vbi notandum est discrimen inter abrogari legem & inter derogari, quod scilicet legi dicatur derogari, cum pars aliqua detrahatur: abrogari verò cum prorsus tollitur, vt habet Glossa ad l. Derogetur: ff. De verborū significationibus. Probatur nunc quia potest eiusmodi consuetudo aliquando esse rationalis, quā lauat multa aut quasi multa ab illis, qui faciunt id quod fuit lege prohibitum, etiam si absoluta prohibitio iam non subsistat, sed quæ erat lex pœnalis copulativa transierit in pœnalem disiunctiuam. Confirmatur, quia sæpius ob iustas rationes instituuntur ab initio eiusmodi ordinationes siue statuta, v. g. vel quod omnes tale vel tale quid faciant, vel talem aut talem summam pœcuniæ pendant, aut aliam pœnam subeant: patet hoc vsu ipso in plurimis; ergo etiam si ab initio lex sit lata copulatiuè, poterit superuenire ratio, quare rationaliter Princeps mutare eam possit in merè disiunctiuam, & per consequens eo casu, si quæ incipiat talis consuetudo, censetur ea rationalis

nabilis; & successu temporis poterit legitime esse præscripta: & sic fortassis multæ leges civiles imponentes exactio- nes (inquit Suarez supra cap. 19. num. 12.) vel prohibentes venari vel aliquid ex regno auhere, licet ab initio directi- uæ fuerint, potuerunt usu fieri merè pœnales, & quasi naturam mutare, quia non aliter sunt obseruatæ vnde eo vsque etiam tantummodò contra illas præscri- ptum est.

38 Dixi quando pœna talis est, quæ non supponat intrinsecè culpam; quia quan- do talis est pœna, non potest lex abro- gari quoad obligationem directionis, quin etiam derogeretur quoad eiusmodi pœnam. Tales autem sunt Ecclesiasticæ censuræ; & hinc lex, quæ prohibet aliquid sub pœnâ excommunicationis ipso facto incurrendâ, non potest abrogari quoad prius, quin etiam abrogetur quoad incursum talis pœnæ; quia hæc pœna intrinsecè supponit culpam & inobedientiam, quæ locum non habebunt si lex non obliget ad sim- pliciter abstinendum ab eo quod vetat: non sunt autem omnes aliæ pœnæ gene- raliter saltem directæ talis naturæ. Pote- rit autem eiusmodi consuetudo inchoari hoc modo, quod homines passim incipiant non plus tribuere legi, quam quod deprehensi in contrario facto soluant vel luant pœ- nam appositam, idque existiment pro bono publico aut bono regimine commu- nitatis satis esse: & quamvis ab initio pec- cassent, quando tamen ex illa agendi ra- tione visitatâ sufficienter fuerit obseruata tacita voluntas Principis huic se confor- mans, vel ipsa legitime præscripta fuerit, liberantur tunc subditi ab obligatione di- rectionis & peccato, sic quod tantum rema- nebit obligatio ad soluendam pœnam, quæ erat appositâ.

39 Dico Quartò: etiam leges irritantes possunt contrariâ consuetudine abrogari, ita docet Innocent. in Capitulum 1. De cognitione spirituali, tractans de im- pedimentis, Turrecremata in Capitulum Placuit, dist. 32. Gabr. in 4. dist. 42. q. 1. a. 3. Sanchez lib. 7. De matrimonio disp. 4. n. 4. Et fundamentum idem est, quia potest non minus contra legem irritantem suboriri consuetudo rationabilis, quâ contra alias leges: nulla enim hic apparet di- uersitas ratio. Et confirmatur, quia con- tingit aliquando leges irritantes rationabi- liter mutari per expressam voluntatem legi- slatoris, ut patet in impedimentis matri- monij, quæ antiquitus solebant se extendere ad quintum & vteriores gradus consan- guinitatis, & in quibusdâ alijs, quæ sustulit Concil. Trident. ergò si ex ipsâ rationi-

bus inchoaretur consuetudo aliqua, nō de- beret illa censeri irrationabilis, quæ proin- de cum tempore poterit esse legitime præ- scripta; aut per tacitum consensum legisla- toris approbati, si sciat & toleret, cum im- pedire possit. fit probatur ex Glossâ in Ca- pitulum, Frustra, dist. 8. vbi dicit personâ ineligibile consuetudine posse fieri eligibi- lem, utique abrogando legem, quæ faciebat illam inhabilem vt eligeretur.

Sed contra Obijcitur Capitulum, Quod 40 super his: de Consanguinitate & affinit. vbi in fine sic dicitur: Ne autem intra gradus prohibitos matrimonium contrahatur, de- bes publicè inhibere, & præsumptores Ec- clesiasticâ distric- tione punire, nō obstante consuetudine, quæ dicenda est potius cor- ruptela: quibus significari videtur nullam consuetudinē posse hoc efficere, quod ma- trimonium intra gradus prohibitos subsi- stat, siue nullam consuetudinem posse ab- rogare legem irritantem matrimonium in gradibus prohibitis, sed omnem consuetu- dinem contrariâ esse habendam corrupte- lam: eadem autem apparet ratio de lege irri- tante in materia matrimonij, quæ de alijs irritantibus in alijs materijs, ergò &c.

Respondetur: hinc non deesse, quod existi- 41 ment idcirco impedimenta irritantia siue dirimentia nō posse vllâ consuetudine vn- quam abrogari. Ita videtur sentire Couar. in 4. p. 2. c. 6. §. 10. n. 35. & alios plures re- fert Sanchez sup. Sed vt hoc verum esset, non tamen sequitur vniuersaliter nullâ le- gem irritantem posse contraria consuetu- dine tolli, quod illi consequenter videtur inferre: quia potest hic assignari specialis ratio, puta quia non tantū est lex irritans, sed Canon etiam reprobat consuetudinem contrariam tanquam corruptelam, & pro- inde vt irrationabilem; iam verò sup. dixi- mus, quod quæcumq; consuetudo vt pos- sit legem abrogare debeat esse rationabi- lis. Addo nihilominus, neq; etiâ id simpli- citer verum esse, quod consuetudo nunquā posset contra legem dirimentem siue irri- tantem matrimonium præualere, nam quod attinet ad Capitulum allegatum, pos- test responderi tantum Pontificem voluisse non quod haberetur ratio consuetudi- nis tunc temporis primū inchoatæ, nec ad praxim vniuersaliter deductæ. quæ proin- de nondum erat legitime præscripta: nam alioquin etiam in illa materia plurimum valere consuetudinem, constat ex Capitulo 1. De cognat. spirituali, & ibidem ex Ca- pitulo, Super eo; licet interim aliquando ad tempus non possit consuetudo contra legem inchoari aut perfici, puta quia non subest vlla rationabilis causa mutandæ le- gis, vel quia notoriè cederet in graue in- commodum



commodum reipublicæ, sed possunt deinde mutari tempora & aliæ circumstantiæ, sic vt postmodum rationabiliter mutatio legis fieri queat. Hoc autem posito poterit etiam consuetudo contraria, si quæ inuehatur, dici rationabilis, quamuis primi actus non sint sine peccato; & tunc sentim siue per consensum siue per præscriptionem contra legem irritantem etiam in materia matrimonij prævalere.

- 41 Hinc itaque Notandum, quia plures ita loquuntur, vt negent consuetudinem posse facere habilem eum, quem lex fecit inhabilem, id dupliciter intelligi posse fieri, primò per abrogationem legis inducentis illam inhabilitatem; & hoc modo dicimus posse fieri per consuetudinem cum glossa sup. cit. nam ista inhabilitas vel est quædam pœna, & sic non est ratio cur minus possit tolli, quàm aliæ leges pœnales possint abrogari quo ad pœnas, quas ipso facto imponunt; vel inducitur propter aliquam indecentiam, & tunc quidem quamdiu eadem causa militat, nec occurrit aliqua vrgentior pro contrario, non poterit lex per consuetudinem tolli, quia consuetudo non esset rationabilis, & sic corruptela, non consuetudo habenda esset: sed si indecentia illa cum tempore cesset, vel occurrant vrgentiores rationes in contrarium, quare rationabiliter ista indecentia sit toleranda, tunc quemadmodum per contrariam legem, ita etiam per consuetudinem contrariam poterit lex inhabilitans abrogari: Alio modo potest intelligi id fieri, quod manente & stante lege quæ inhabilitat, per consuetudinem censetur persona aliqua habilitari, & hoc cum cæteris dicimus fieri non posse.

- 42 Dico Quartò: non poterit per consuetudinem abrogari lex, quæ reprobatur consuetudinem contrariam, quamdiu eadem manent rerum circumstantiæ: illis tamen mutatis poterit consuetudo etiam legem mutare. Ratio prioris partis est, quia hoc ipso quo lex reprobatur consuetudinem, declarat illam esse irrationabilem aut corruptelam, quam diximus nihil posse valere siue ad legem inducendam, siue abrogandam. Ratio posterioris partis est, quia non omnis consuetudo quæ reprobatur, ideo reprobatur quod sit contra ius naturæ, aut ius diuinum; sed aliquando propter aliquam notabilem indecentiam, vel propter plura pericula aut grauiora incommoda communis, quæ cum tempore possunt mutari; ac proinde, quæ vno tempore esset consuetudo irrationabilis, poterit alio tempore esse rationabilis, & sic desinere esse reprobata.

- 43 Dico Quintò: Lex, quæ tantum reuocat

consuetudinem antecedentem, vel nudè prohibet futuram absque illius reprobatione, non impedit quominus consuetudo possit etiam talem legem abrogare. Ratio est, quia cum tali reuocatione & prohibitione potest stare quod consuetudo sit rationabilis; neque enim lex sufficienter contrarium declarat nudè reuocando vel prohibendo consuetudinem, quia potest legislator habere iustam rationem id sic ordinandi & statuendi, & tamen ex alterâ parte possunt etiam occurrere aliquæ rationes probabiles, ob quas sine iniquitate & cum aliquo fundamento possit aliter ipse ordinare & constituere.

Sed tunc occurrit quæstio, quem igitur effectum habitura sit ista prohibitio consuetudinis contrariæ in futurum, si non impediat quominus consuetudo futura possit legem abrogare: quandoquidē actus contrarij sint prohibiti ipsâ lege, etiam si non prohibeatur particulariter consuetudo contraria: quare ista prohibitio videbitur omnino supernacanea & frustra.

Respondetur non esse frustra, quia possunt alij eius effectus assignari: nam imprimis ad hoc conducit, ne homines ita facile incipiant inducere consuetudinem oppositam. Deinde, quod Prætores & Magistratus diligentius aduigilent, ne aliqua contraria inuehatur, & si quæ incipiat, illa statim corrigatur. Tertiò: quod consuetudo videatur tunc præsumenda tanquam corruptela, nisi ipsa probetur rationabilis, meritò enim præsumptio est talis, quando tam specialiter inhibetur omnis consuetudo contraria. Denique, quod non tam citò nec facile possit existimari adesse consensus tacitus legislatoris in talem consuetudinem, sed opus sit longiori tempore: quæ tamen omnia non efficiunt quominus, quando euidenter subnixæ est probabilibus rationibus, ipsa possit etiam contra legem cū tali prohibitione prævalere.

Mouent etiam hic nonnulli difficultatem de legibus, quæ versantur in materia Sacramentorum, vt loquuntur Canonistæ, siue circa ritus & modos administrandi illa: an per consuetudinem possint tolli, propter Capitulum secundum, De tempore ordinandorum. Sed dicendum est etiam contra eiusmodi Constitutiones posse aliquando consuetudinem obtinere, idque ex iisdem fundamentis sup. sæpius allegatis. Et fuit Capitulum primum, De cognitione legali, vbi de eiusmodi materia sacramentali est sermo, & additur; Nisi consuetudo Ecclesiæ &c. quod autem attinet ad Capitulum citat. ibi quidem reprobatur consuetudo ordinandi extra quatuor tempora, & proinde à iure iudicatur irrationa-

irrationabilis, qualem nos etiam admittimus non posse abrogare legem. Accedit etiam non ita facile nec ordinarij subesse aut superuenire causas, quæ eiusmodi consuetudines contrarias in talibus materijs efficiant rationabiles, quia istæ mutationes sunt natæ inducere multa incommoda, quæ non facile contrarijs commodis ex æquo compensari possunt. Nihilominus tamen aliquando potest fieri, quod aliquæ occurrant rationes, ob quas legislator possit mutare aliquam constitutionem, & proinde si quæ consuetudo similibus subnixæ rationibus inducatur, poterit etiam legem abrogare ubi ipsa fuerit legitime præscripta.

46 Opponitur hic etiam ab aliquibus Capitulum, Generalem Ecclesiæ, ex Clementinæ tit. De ætate & qualitate præfectorum, ubi Pontifex decernit Generalem Ecclesiæ consuetudinem esse præferendam antiquis iuribus, quasi hoc ipso declararet consuetudinem sine eius decreto, non potuisse valere contra illa iura: sed reuera potius contra illos facit dictum Capitulum, nam ex eo patet, quod legislator plus tribuat Generali Ecclesiæ consuetudini, quam ipsis iuribus: Ad illud verò quod ipsi urgent, dici potest, consuetudinem confirmari à Pontifice, quia voluit illam expressè approbare, non quod prius valida esse non potuerit, sed quia ad plentus illius stabilimentum, id fieri expediens existimauit.

47 Conclusio Quarta & vltima. Habet insuper consuetudo vim interpretandi leges. Patet ex Capit. Cum dilectus, De consuetudine, item ex l. Minimè, & l. Si de interpretatione, ff. de legibus. Sed pro pleniori intelligentiâ conclusionis

Notandum est: Dupliciter posse consuetudinem interpretari legem: vno modo, sic vt tantum sit index & quasi testis veri & germani sensus legislatoris, qui ex modo & consuetudine obseruandi legem colligi potest, tanquam ex probabili videlicet vel moraliter certo argumento, nisi aliunde de contrario constaret: cuius quidem argumenti tanta est efficacia, quod D. D. frequenter dicant legem esse interpretandam iuxta consuetudinem loci, etiamsi oporteat verba legis minus propriè exponere, vide Gl. off. in Capitulum, Nonnulli, De rescriptis: quod etiam locum potest habere in consuetudine antecedente legem, si nimirum ad eius conformitatem, vel confirmationem lex sequens appareat lata: alio modo potest consuetudo interpretari legem tanquam scilicet causa concurrens ad introducendum & stabilendum aliquem sensum legis, ejusque obseruationem, qui forsitan minus cum primâ legis-

litoris mente congruat, vel plus aut minus cõtineat; & hanc virtutem intendunt potissimum authores adscribere consuetudini, quando conclusionem supra positam tradunt. Et probari potest, quia non est necessaria maior autoritas nec expressior voluntas legislatoris ad legem ita interpretandam, quam vel ad nouam legem inducendam, vel quam ad inductam abrogandam aut derogandam, quod consuetudinem præstare posse iam sup. demonstratum est.

Hinc fit quod licet aliquando ex verbis aut materia legis sit ambiguum, vtrum sub mortali obliget & ideo per se sumpta foret in benigniorem partem interpretanda, nihilominus si constet eam consuetudine esse receptam tanquam grauior & sub mortali obligantem, debeat illa censeri hoc modo obligare, vt docent Syluest. verbo Præceptum n. 2. & Caiet. 2. 2. q. 186. artic. 9. ad 1. & Nauarrus cap. 21. num. 11.

Notandum deniq; posse consuetudinem non tantum legem humanam, sed etiam diuinam & naturalem interpretari, non quidem posteriori modo videlicet minuendo vel augendo vel ad aliquem alium sensum transferendo; sed modo priori, scilicet indicando legislatoris sensum & mentem, sed vt in hac parte sit certa significatio: debet consuetudo esse vniuersalis Ecclesiæ traditio vel Pontificis auctoritate comprobata.

#### ARTICVLVS IV.

*Vtrum Rectores multitudinis possint in legibus humanis dispensare?*

49 Conclusio D. Thomæ est: Ille qui habet regere multitudinem, habet potestatem dispensandi in lege humana, quæ ipsius innititur auctoritati, vt scilicet licentiam tribuere possit, quatenus præceptum legis ab aliquo vel aliquibus non feruetur. Patet, quia subexistente ratione potest legislator legem suam abrogare: ergo etiam ex iustis causis potest relaxare quoad certas personas in certis casibus. Debet tamen huiusmodi dispensatio esse fidelis & prudens, alioquin dispensans peccabit: prudens quidem vt non temerè & sine iustâ aliquâ ratione fiat: deinde etiam fidelis, vt scilicet ratio habeatur, ne ob sit communi bono, sed ad illud conferat non minus, quam ipsius legis obseruatio, si in talibus casibus ab istis personis fieret, L1 iij quem-

quemadmodum D. Thom. illa duo hic exponit & requirit. Similiter etiam peccabit, qui dispensationem petit, quam nouit non posse iuste concedi, quia consentit & cooperatur malè facienti. Quod verò ad qualitatem peccati talis attinet, existimat Nauarr. præludio 9. num. 14. fore tantum veniale, nisi fortè sequeretur graue scandalum vel damnum alterius. Sed

Quæres vtrum dispensatio concessa sine iustà causâ sit saltem valida. Respondetur, si fiat ab ipso legislatore à quo lex pendet, futuram validam: si autem concedatur ab aliquo inferiore, cui est commissâ facultas dispensandi, non fore validam: patet prior pars, quia si legislator sine iustâ ratione abrogaret legem, quæ in eius est potestate, validè foret sublata, sic quod vltra non obligaret subditos, ergo etiam

quando sine causâ dispensat cum aliquo, soluit illum validè à vinculo legis. Si tamen dispensatio esset subreptitiè obtenant, tunc esset inualida, vt si essent allegatæ causæ quæ à parte rei non subsint, vel si aliquid esset tacitum, quod potuisset legislatorem reddere inuoluntariū aut difficilem ad dispensandum, esto non sit tale propter quod nullo modo voluisset dispensare, vt docet Covarr. ad Capit. Quamuis, 1. p. §. 3. n. 6.

Pars Posterior probatur: quia non censetur superior dare inferiori potestatem dispensandi, nisi quando iusta subest causa, imò alioquin non est tam dispensatio quàm dissipatio & quædam legis solutio pro solo arbitratu, quæ inferiori non potest dici validè competere: vnde si absque causa attemptet, nihil efficit.

## Q V Æ S T I O XCVIII.

*Et sequentes vsque ad quæst. 109.*

### De lege Veteri: & de lege Nouâ seu Euangelica.

**Q** V Æ. deinceps D. Thomas tractat de lege veteri, & nouâ, siue Euangelica, sunt ab eo pleraque satis dilucide explicata. Difficultates verò si quæ occurrant partim ex sup. dictis, partim ex alijs alibi dici & disputari solitis poterunt intelligi & enodari. Superest solum vt hic cum alijs aliquid dicamus circa articulos 9. & 10. quæst. 100. vtrum scilicet modus virtutis cadat sub præcepto legis; & vtrum modus charitatis cadat sub præcepto diuinæ legis? Notandum itaque hic est modum virtutis à Philosopho lib. 2. Ethic. cap. 4. constitui in his tribus, scilicet quod opus fiat ex cognitione, ex voluntate, & cum facilitate & oblectamento; quibus potest addi 4. scilicet vt fiat honestâ intentione, & cum omnibus circumstantijs ad honestatem requisitis. Sit nunc 1. conclusio

2. Modus virtutis quoad duas priores eius conditiones cadit sub præcepto legis tam naturalis quàm positivæ, respectivè loquendo. Ratio est, quia omnis lex quæ de aliquo actu fertur, disponit de tali actu tanquam actu humano, qui à ratione & voluntate debet proinde procedere. Contrarium Obijcit, qui ignorans, vel in-

uitus fecit actum legis, non tenetur postea iterum facere; signum igitur est talem fecisse opus legis, atq; adeo legem implevisse. Antecedens patet; nam si v. g. restitutio rei alienæ sit facta à debitore inuito, puta quod res per vim sit ab eo recuperata, manet ipse liber ab onere restituendi. Similiter si v. g. quis non velit soluere decimas, & alter vi auferat, non tenetur debitor ad ulteriorem solutionem: sic quoque si quis mentis impos det elemosinam pauperi in necessitate constituto, non tenebitur iterum dare, vbi ad mentem redierit, sed obligatio cessabit: Idem locum habet in præceptis positivis, vt si quis ieiunet inuitus, quia v. g. omnes cibi illi sunt subtracti, non violaret talis præceptum Ecclesiæ. Similiter neque in casu, quo dormiret toto die ieiunij: Ita quoque si quis audiret sacrum coactus, vel nesciens esse diem festum, dicendum erit, quod tales impleverint præceptum. Confirmatur, quia alioquin si transgressoribus esset imposita aliqua censura, v. g. excommunicationis, sequeretur, quod tales incurrerent censuram, quod tamen nullus facile admiserit.

Respondetur in primis non obseruari in prædictis

prædictis casibus præcepta illa naturæ, quia grauitur tales contra illa delinquant: unde negatur illa consequentia; cessat obligatio, ergo impleuerunt præceptum, quia in casibus illis postea non obligat præceptum, non quia fuerit adimpletum, sed quia subtrahita iam est præcepti materia: sic enim cessat obligatio restituendi, non quod debitor fecerit actum præceptum, sed quia debitum est extinctum per rem ipsam, quamuis ab inuito ablatam. Vt enim ponatur æqualitas inter debitorem & creditorem non est necessarium, quod vtriusque intercedat voluntas, vt per se est cuius: sufficit enim quod qui minus habebat, recipiat tantundem siue à volente, siue etiam à nolente, præsertim per iudicem. Idem dicendum erit de recusante soluere decimas à quo auferuntur inuito: similiter cum proportionem sit in altero casu, cessat enim obligatio dandi elemosynam, non quod iste mentis impos fecerit propriè opus legis, siue legem impleuerit cum non fecerit actum humanam: sed quia materia præcepti est sublata, eo quod necessitati pauperis iam sit subuentum: quemadmodum & cessaret si pauper fortuito alicubi necessaria reperisset.

4 Quod nunc attinet ad ea, quæ opponuntur ad ostendendum, dici non posse conditiones illas scientiæ & voluntatis cadere sub præcepto legis positivæ. Respondetur ad Primum: Iuxta Bartholomæi à Mediana sententiam in hunc articulum, Eum qui sic iniurius ieiunat, non tantum violare præceptum sed etiam incurrere censuram, si quæ esset transgressoribus apponita. Vbi hoc imprimis certum est, fore talem reum legis ieiunij coram Deo apud quem mala voluntas pro facto reputatur, unde nec debet dici impleuisse simpliciter legem ieiunij, cuius obseruandæ non tantum non habuit voluntatē, quin etiam contrariam. Ad censuram verò quod attinet, non videtur quod eam incurreret, quia hæc imponitur operi externo; non voluntati: quare cum hoc præceptum ieiunij sit negativum, & is non fecerit externum opus prohibitum, licet eius faciendi non defuerit voluntas, non debet tamen dici poenam incurrisse. De illo autem, qui toto die ieiunij dormiret, dicendum est, quod præceptum ieiunij non violat, neque tamen etiam faciat aliquem actum alicuius legis, quare id contra conclusionem non facit: solū enim dicimus quod lex, quæ præcipit opus, non impleatur propriè, nisi à sciente & volente opus fiat.

5 Si verò quis quærat quomodo is non violat præceptum, & tamen dicatur non facere actum alicuius legis? Respondebi-

tur hoc ideo consistere, quia præceptum ieiunij est negativum, vt supponimus: vt autem tale non violetur satis est, quod non fiat actus prohibitus nec in re nec in affectu, esto quod omisso illius actus non sit particulari voluntate positivè volita, v. g. præcepta non occides, non mœchaberis, nō violantur à dormiente, & tamen neque aliquis actus legis propterea debet ab illis dici fieri; & hinc de illo qui sic dormiret toto die ieiunij, euidētius constat quod non incurreret censuram, etiam si esset aliqua annexa violationi ieiunij; de illo autem, qui inuitus cogeretur audire sacrum, est idem dicendum quod de altero, qui inuitus ieiunaret, quod scilicet coram Deo esset reus transgressionis præcepti Ecclesiæ propter voluntatem contrariam, neque posset dici impleuisse simpliciter præceptum: ab incurfione tamen censuræ esset etiā immunis, quia opus externū secundū suam substantiam fecisset, nisi forsitan nō adhibuisset talem attentionem vel aduerentiam ad missam, vt posset dici fuisse præsens moraliter: nam tunc nequidem externum opus secundum substantiā præstitisset, quæ requirit & includit moralem in sacro præsentiam, vt in 3. p. in tractatu De Sacrificio Missæ, latius explicatur.

6 Quod deniq; attinet ad eum, qui ignorans esse diem festum, audiret sacrum, dicendum est, nos hic potissimum loqui de scientiā ipsius operis, quod scilicet opus scienter fieri debeat; qualem etiam habet, qui audit sacrum die, quem ignorat esse festiū. Vnde, quia præstitit opus externum secundum substantiam, certum est quod non incurreret censurā etiam si esset annexa præcepto de audiendo sacro. Vtrū verò talis impleuisset præceptum adhuc dubitari potest. Ad quod Respondetur imprimis si habuerit saltem intentionem virtutalem satisfaciendi obligationi, si quā teneretur (prout moraliter censetur habere quilibet homo prudens in suis honestis & religiosis actionibus) tunc dubium non esse, quin sufficienter præceptum impleuerit. Hinc scribit Suarez Tomo 2. De Religione, lib. 4. de Oratione cap. 26. nu. 6. se propterea non dubitare, quin ignorans vel non aduertens esse diem festum, voluntariè tamen missam audiens sicuti solet, impleat præceptum, ita vt non teneatur iterum missam audire, quando intelligit vel recordatur esse diem festum.

7 Petes: quid dicendum erit, si talis ignorans supponatur se omnino negatiuè habere. Respondetur, talem non expleturum tunc præceptum formaliter iuxta humanum operandi modum; quia neque expresse neq; implicite intendit in præcepti obseruatio-

obseruationem, sed tanquam facere opus bonum: nihilominus tamen obseruare materialiter & quidem sufficienter quantum apparet, vt directè non peccet contra præceptum. Et ratio huius reddi potest, quia legislatores ordinariè non intendunt obligare subditos, vt faciant opus propter ipsam legem, sed simpliciter quod tanquam homines operantes faciant opus quod mandant: quare directè peccare contra legem non videntur, qui opus præstant, etiam si in legis obseruationem ex ignorantia non intendant, modo tamen contrariam voluntatem contra legis obseruationem non gerant.

8 Dico autem, quod sic obseruent vt non peccent directè in legem; quia possunt simul indirectè peccare, puta quia sic ignorant legem etiam si opus fecerint, exposuerunt se periculo non faciendi; unde si ignorantia sit vincibilis & non soleant perpetuè sic opus illud facere, poterunt deliquisse ratione periculi transgressionis. Ex dictis sequitur cum, qui sic negatiuè se habens audiuisset sacrum, non obligari ad aliud audiendum; sed ad summum, quod missam auditam in præcepti satisfactionem referat, vt ostendat se non habere voluntatè non satisfaciendi præcepto, quia qui apprehenderet præceptum, & id non faceret, videretur præceptum negligere.

9 Conclusio Secunda: Modus virtutis, quo ad tertiam conditionem, scilicet quod opus legis fiat cum firmitate animi & delectatione, siue quod ex habitu non cadit sub præcepto alicuius legis, neque naturalis neq; positivæ. Ita communiter DD. quia (inquit D. Thomas) neque ab homine neque à Deo puniuntur tanquam transgressores præcepti, qui debitum parentibus honorem impendit, quamuis non habeat habitum pietatis. Et ratio potest reddi; quia neque à naturâ habitus sunt inditi, neque per præcepti impositionem simul dantur, quare necessarium foret ab initio semper peccari in opere præcepti, quia ex habitu non fieret, utpote qui nondum esset acquisitus.

10 Modus virtutis quoad conditionem 4. loco supra adiectam, non cadit sub præcepto legis humanæ; sed potest hæc sufficienter impleri per actum præceptum secundum substantiâ suam exhibere etiam si non adsint omnes circumstantiæ, & finis requisitus, vt sit moraliter bonus. Colligitur ex D. Tho. hic q. 100. a. 9. in Corpore, vbi non vult cadere sub præcepto legis, nisi illud ad quod legislator potest per præcæ inflectionem cogere, quale quid non est interior honesta intentio operantis. Idem docent Caiet. & Medina ibidè,

Soto l. 2. de Iustit. q. 3. artic. 9. & in 4. dist. 13. q. 2. artic. 1. agens specialiter de præcepto audiendi missam, Nauarrus cap. 21. num. 7. & alij plures. Præter fundamentum autem quod D. Tho. insinuat, potest addi hæc ratio; quia finis præcepti non cadit sub præcepto, vt communiter apud D. D. est receptum; & probatur, quia lex solum obligat ad id quod præcipit, solum autem præcipit materiâ siue actum, in quem cadit, & non finem; ergo tantum obligat ad actum & non ad finem, & per consequens, si actus quoad suam substantiam integrè mandetur executioni, seruetur lex, etiam si aliunde peccetur: unde etiam si legis humanæ finis ponatur esse facere homines simpliciter bonos, non tamen ad illius legis obseruationem est necessarium, quod opus prout fit, sit simpliciter bonum: neque refert quod aliquando finis legis exprimitur cum lege, quia non exprimitur vel inseritur per modum obiecti legis, sed tantum per modum rationis siue motiui, propter quod actus præcipiatur.

Sed contra Obijciunt: Lex præcipit actum bonum; ergo si non sit actus bonus, non fit quod lex præcipit, & sic non seruetur præceptum. Resp. legem humanam præcipere actum de se bonum; seu qui de se potest bene fieri, non tamen præcipere omnes modos qui sunt necessarij, vt simpliciter bonus sit, siue vt rectè fieri dicatur, vti explicat D. Thom. sup. q. 96. art. 3. ad 2. vbi de lege humanâ agens ita scribit: Dupliciter (inquit) aliquis actus dicitur esse virtutis; vno modo ex eo quod homo operatur virtuosa, & sic lex præcipit aliquos actus virtutum: Alio modo dicitur actus virtutis, quia aliquis operatur virtuosa eo modo, quo virtuosus operatur, & talis actus semper procedit à virtute, nec cadit sub præcepto legis, sed est finis ad quem legislator ducere intendit.

11 Conclusio Quarta: Similiter non videtur cadere modus virtutis, quoad prædictam istam conditionem sub quolibet particulari præcepto legis naturalis; cadit tamen sub præcepto legis naturalis vniuersim siue collectivè sumptè. Prior pars declaratur, nam qui debitum restituit, aut depositum reddit, seruat naturale præceptum de restituendo debito & de reddendo deposito, etiam si id faciat cum intentione alicuius indebiti finis; & qui dat eleemosynam, seruat naturale præceptum misericordiæ, etiam si ad ostentationem quandam faciat. Vide Nauarr. sup. & in tract. de oratione & horis Canonicis cap. 20. num. 29. & Medina Codice de oratione quæst. 16. de horis Canonicis iterandis.

dis. Probatur pars posterior, quia ius naturæ totum simul sumptum non tantum præcipit opera studiosa, sed etiam, vt honestè & studiose fiant: quia hoc ipsum est quoque ex dictamine naturalis rationis, quæ omnem illicitum finem vetat: & propterea semper contingit, quod dum per aliquem actum aliunde malum, obseruatur aliquod particulare præceptum legis naturæ, semper simul ex aliquâ parte ius naturæ violetur. Hinc potest itatui discrimen inter legem humanam & legem naturalem, quod videlicet illa in totum quatenus humana tantum est, possit impleri per aliquod opus ex obiecto bonum siue bene fieri natum, sic vt contra nullam omnino legem humanam peccetur, quod tamen opus, prout de facto fit, non sit simpliciter bonum: non sic autem impleri possit lex naturæ.

13. Conclusio Vltima: Modus charitatis non cadit quoque sub præcepto cuiuslibet legis, quamuis extet particulare præceptum de actu charitatis, sub quo potest dici cadere. Pro pleniori intelligentiâ cum D. Thoma notandum est actum charitatis dupliciter posse considerari: vno modo secundum quod est quidam actus per se, & sic cadit sub illo particulari præcepto, *Diliges Dominum Deum tuum ex toto corde tuo*, &c. Secundò potest considerari secundum quod est quidam modus actuum aliarum virtutum, quatenus actus aliarum virtutum sunt ordinabiles ad charitatem tanquam finem, vt Deo per amorem inhæ-

reatur, iuxta illud primæ ad Timotheum cap. 1. *Finis præcepti est charitas*: quæ ordinatio est quidam modus operis sic ordinati: sensus itaque conclusionis est, quod vt præceptum aliquod cuiusvis legis impleatur, non sit necesse, ipsum opus fieri ex affectu illo charitatis: quia vt dictum est, finis legis alicuius non cadit sub præcepto illius legis: similiter neque est necessariû, quod fiat ex habitu charitatis, tanquam principio imperante, quia sic qui esset extra statum gratiæ, nullum posset seruare præceptum. Vnde quando præcipitur, vt parentes honoremus, non præcipitur inquit D. Thom. vt honorentur ex charitate, quod autem artic. 10. ad 2. dicit, eum, qui honorat parentem non ex charitate, non peccare contra præceptum de honorandis parentibus, sed contra præceptum de charitate, non sic accipiendum est, quasi semper peccetur contra præceptum Charitatis, quotiescumque aliquod aliud præceptum seruatur non ex charitate: sed tunc solum, quando simul concurret obligatio præcepti charitatis pro eodem tempore, quod patet ex sequentibus; addit enim quod cum sint duo præcepta affirmatiua, possint obligare pro diuersis temporibus, ideoque possit quis honorare parentes, & non transgredi præceptum de omissione modi charitatis, id est, & nō peccare omitendo pro tunc modum Charitatis: quia potest pro tunc non obligare præceptum Charitatis.

## TRACTA-

# TRACTATUS DE GRATIA DEI.

**E**GIT D. Thomas à quæstione nonagesimâ vsque huc ad quæst. centesimam nonam de principio externo humanorum Actuum, scilicet de eo quatenus nos ad bonum ducit & mouet per Legem, instruendo & imperando quæ secundum rectam rationem, & virtutem oportet nos agere. Deinceps tractat de illo vt principio exteriori, quatenus ab ipso per gratiam adiuuamur ad rectè & salubriter operandum. Agit autem primò De Gratia Dei secundum se: idque per tres Quæstiones. Secundò, De causa gratiæ, q. scilicet 112. Tertiò, De gratiæ effectibus, scilicet De Iustificatione & meritis operum, & sic huic parti finem imponit.

## Q V Æ S T I O C I X.

### De necessitate Gratia.

#### *In decem Articulos diuisa.*

**A**NTEQUAM ad articulorū D. Thomæ explicationem accedamus, quædam inprimis de ipso nomine Gratia, eiusque acceptationibus sunt præmittenda, ne propter obscuram vel ambiguam vocabuli significationem vel usum, minus percipiantur, quæ de ipsâ dicenda erunt. Deinde, quædam de diuerso hominis statu adijcienda sunt, cuius diuersitatis in progressu huius materiæ fiet mentio: quia magnum intercedit discrimen inter gratias huic vel illi statui accommodatas.

Obseruandum itaque Primò: Nomen Gratia generaliter loquendo admittere duplicem significationem; aliquando enim significat qualitatem vel formam, quæ subiectum suum reddit amabile & gratū: sic dotes aliquæ tum corporis tum animi dicuntur quædā gratiæ: ita capitur Prou. vlt. *Fallax gratia & vana pulchritudo*, & Psal. 44. *Diffusa est gratia in labijs tuis*: aliàs verò significat donum vel beneficiū quodcumque quod quis alteri gratis sine merito, siue debito præstat vel exhibet. Quo modo dicitur Ecclesiastici 29. *Gratiam fideiussorū ne obliuiscaris*. Cæterum sicuti gratia in hac posteriori significatione dicit quendam

ordinem ad bonam & liberalem voluntatem donantis, tanquam ad principium suum, quo sic gratia in priori dicit quendā ordinem ad complacentiam & amorem, quem generat in eo cui reddit subiectum gratum, tanquam ad aliquem suum effectum: vterque autem ille terminus, aliquando etiam nomine gratiæ compellatur: nam de gratuitâ bonâ Dei voluntate accipiendum est, quod scribit D. Aug. lib. 1. De Prædestin. SS. cap. 15. quando ait: Eâ gratiâ fit ab initio fidei suæ homo quicumque Christianus, quâ gratia homo ille ab initio suo factus est Christus: si enim dona ad extra spectentur, haud dubiè alio dono homo ille ab initio factus est Christus; alio autem, quicumque homo efficitur Christianus: & de amore & complacentiâ quam virtutes generant, accipiendum est, quod dicitur Genes. cap. 39. *Inuenit Ioseph gratiam coram domino suo*: Quia illi placuit, & ab eo fuit dilectus.

Norandum Secundo: Et si nomen gratiæ iuxta vtramque significationem possit accommodari vñbus Theologorum (nam forma seu qualitas quâ formaliter iustificamur potest & hoc titulo appellari gratia, quia nos gratos Deo & dilectos red-

quid

dit, quod videtur indicasse Apost. ad Ephes. cap. 1. dum ita scribit: *In laudem gloriæ gratia sua, in qua gratificauit nos &c.* id est, quâ gratos nos fecit) nihilominus tamen iuxta communioem Scripturæ phrasim, & SS. PP. ac Scholast. loquendi modum, ordinariè accipi & usurpari secundum rationem significandi posteriorem, quæ & vniuersalior est, & magis videtur propria iuxta quam non tantum quæcumque Dei beneficia actualia siue extrinsecus siue intrinsecus exhibita, sed etiam ipsa forma iustitiæ siue forma sanctitatis rectè dicitur gratia, quia scilicet gratis absq; præcedentibus meritis infunditur. Vrget hanc gratiæ rationem Apostolus ad Rom. cap. 3. & 4. & alijs locis, ac passim D. August. vt lib. de natura & gratiæ cap. 4. Præfatione in Psal 31. tract. 3. in Ioannem, & alibi frequenter.

3 Notandum Tertio: Sicuti tripliciter potest aliquid dici homini ex parte Dei indebitum, ita tripliciter quoque ex parte eius, posse aliquid dici gratiam respectu hominis: vno enim modo potest generaliter dici homini indebitum, quidquid Deus ei confert citra præcedentia merita, etiam si alioquin ad naturale Esse hominis, eiusque complementum & naturalem perfectionem requiratur; sic manus, pedes, oculi, intellectus, voluntas possunt dici homini à Deo indebita; quia homo illa promeritus non est, neque tenetur Deus simpliciter illa homini præstare: quæ proinde generali quâdam ratione possunt dici gratia, vt facetur etiam August. epistola 95. ad Innocent. vbi sic scribit: *Esti enim quadam nō improbandâ ratione dicitur gratia Dei, quâ creati sumus vt non nihil essemus, nec ita essemus aliquid, vt caduer, quod non viuir, & arbor, quæ non sentit, aut pecus quod non intelligit, sed homines, qui & essemus & viueremus &c.* Vnde & in Synodo 6. act. 11. in epistola Sophronij, dicuntur Angeli & animæ Dei gratiæ immortales. Verū sicuti ista ratio indebiti nō est perfectissima (quia licet Deus non sit obligatus simpliciter addere potentias & vires, sicuti nec dare naturam, tamen supposito, quod velit creare hominem, expositur quâdam debiti ratio ex parte naturæ exigentis vt sic perficiatur) ita quoque minus propriè veniunt nomine gratiæ cōpellenda ista quæ sic à Deo cōferuntur: vnde apud Catholicos rarius hæc nomine gratiæ significatur. Pelagius verò hæreticus nomine gratiæ secundum hanc rationem abusus est, nam cum ab initio apertè & palam excluderet omnem necessitatem diuinæ gratiæ ad mandatorum Dei obseruationem, & iustitiæ consequu-

tionem, eoque nomine obseruaret se ab omnibus reprehendi & explodi, cepit mutare loquendi modum, & fucatis verbis hæresim suam tegere, ac admittere gratiam Dei nobis esse necessariam ad ista præstanda & consequenda: sed sub nomine gratiæ non aliud comprehendebat nec significabat, quàm vires naturæ sine meritis nobis collatas cum prædicatione fidei & peccatorum remissione, quemadmodū declarat & reprehendit D. August. varijs locis, vt de Spiritu & Littera cap. 2. & epistola 95. vbi ita scribit: *Siue enim gratiam dixerit esse liberum arbitrium, siue gratiam esse remissionem peccatorum, siue gratiam esse legis præceptum, nihil eorum dicit, quod per subministrationem spiritus pertinet ad concupiscentias, tentationesque vincendas &c.* Porro necessarium nobis esse peccatorū remissionem ideo volebat, quia ea quæ à nobis in præteritum malefacta sunt, infestare non valeamus, vt epistola 94. refert idem August.

Secundo dicitur illud homini indebitum, quod neque meritis est aliquo præcedente opere, neque etiam ad naturale complementum suppositi ipsius requiritur: sed supra conditionem naturæ eius liberaliter tribuitur: sic homini in prima creatione fuerunt indebitæ omnes perfectiones siue corporis siue animæ, quibus donatus fuit supra vires naturales & naturalia organa siue membra; quæ proinde vt minus debita, ita potiori ratione nomine gratiæ censentur. Tertio illa beneficia dicuntur homini indebita peculiari ratione, quæ non tantum non est meritis, sed etiam planè demeritis, sic vt sese reddiderit illis posituè indignum: cuiusmodi sunt ea, quæ homini cōferuntur post lapsum primi parētis in quo omnes peccauerunt, quibus vocamur ad disponimur ad peccatorū remissionem, iustitiæ & salutem, & eadem assequimur. Quæ propterea quasi per antonomasiam propriissimè & singulari ratione nomen gratiæ merentur, & sibi quoque apud Scriptores Catholicos vindicant. De gratiâ itaque nobis in posterum sermo erit, quam natura suis non inclusit legibus, & præsertim de illâ, quam per peccatum exclusit, quâque se prorsus indignam reddidit; non de alijs bonis aut beneficijs, quæ naturæ tanquam necessaria quædam complementa debentur; nam licet & ista vocari gratia merito possint, vt scribit Augustinus epistola 95. supra citatâ: alia tamen est inquit, quâ prædestinati vocamur, iustificamur, glorificamur, &c.

Notandum Quarto: Huiusmodi gratiæ beneficia esse duplicis rationis; quædam

M m

cnim



enim sunt actualia, quæ consistunt in diuinis illuminationibus, sanctis inspirationibus, pijs affectionibus, ac similibus, quæ in nobis Spiritus S. operatur. Alia autem sunt habitualia, quæ consistunt in habitu iustitiæ, & alijs virtutibus infusis: disputationes verò præcipue, quæ de gratiæ necessitate ad operandum, de sufficientiâ, & de efficaciâ mouentur, versantur potissimum circa gratias actuales & diuinas præuentiones, ac motiones.

- 6 Quod ad diuersos hominis status attinet, lumitur ex Caiet. ad ar. 2. huius qu. & Soto l. 1. de natura & gratia per prima aliquot capita, posse eos considerari in sex-tuplici differentiâ; quorû primus sit status naturæ nudæ, vt loquuntur Scholastici, puta si homo esset conditus sine gratiâ & abiq; morali rectitudine seu virtutibus etiam moralibus & abiq; peccato, cum solis potentijis naturalibus & instrumentis necessarijs, quibus scilicet, paratus esset generalis Dei concursus præcisè, quantum necessitas naturæ postularet: quo in statu hominem conditum à Deo potuisse (quamuis ita conditus non sit) constare ex declaratione duorû Pontificum Pij V. & Gregor. XIII. & de homine considerato in hoc statu tractat Soto l. cit. c. 3. & 4. In quo quidem statu, lucta fuisset inter carnem & spiritum; quam auctor naturæ potuisset secundum primam creationem in homine admittere, de absolutâ eius potestate loquendo: quia formaliter mala, siue culpa non est, quamdiu spiritus non assentitur carni sese mouenti inordinatè respectu rationis rectæ, ad cuius dictamen cohiberi & regi debet ab appetitu superiori, quantum hic valet.

- 7 Secundus status est naturæ integræ, quæ vocant, vbi natura esset quidem sine gratia & donis supernaturalibus: sed tamen perfecta non tantum, quod haberet omnes suas naturales potentias & concursum eis debitum; verum etiam quoad virtutes morales, & conueniens imperium partis superioris supra inferiorè, ita scilicet: quod pars superior esset omnino perfectè disposita ad Deum tanquam finem naturalem, & pars inferior ita subordinata & subiecta superiori, vt contra eius mandatum non sese erigeret aut moueret; quæ hominis dispositio, tum virtutum habilibus, tum maximè peculiaribus Dei præsidij & assistentij ordinis licet naturalis, potuisset naturæ humanæ conferri. De hoc statu hominis agit Soto cap. 6. & in eo ordine seu statu videretur homo omnino iuxta sapientissimam diuinæ providentiæ & gubernationis rationem, quam circa creaturas obseruat, fuisse creandus si ad finem tantum naturalem fuisset ordinatus, &

non ad supernaturalem beatitudinem fuisset sublimatus: quamuis enim absolute potuisset Deus hominem in primo statu iam explicato creare, vt dictum est; nihilominus tamen videretur tunc parcius egisse cum homine, & non tribuisse illi totum, quod natura talis suppositi rationalis requirit ad hoc, vt tam in se, quam in ordine ad finem suum naturalem sit omnino conuenienter disposita iuxta prudentem de creaturis æstimationem: nam propter partis superioris imbecillitatem, & inferioris quasi violentiam, futurum appareret quod pauci, admodum iuxta statum illum ad finem pertingerent: præterquam quod & ipsa pugna videatur in tali supposito minus congrua.

Hinc & Philosophi Ethnici naturæ humanæ imperfectiones & defectus prout nunc se habet (cui iuxta primum statum esset multum similis, si originale peccatû, & gratiæ auxilia contra ex Christi meritis homini præparata, excipias) considerantes dixerunt, naturam fuisse magis nouercam in hominem, quam in cætera animantia; quia videlicet aduertebant, quod homo proportionabiliter non esset tam ordinatè & conuenienter in se & in respectu ad finem suum dispositus, sicuti in ordine ad fines suos, & pro exigentiâ naturæ suæ sunt disposita animalia bruta. D. August. quoque in libris contra Iul. ex rebellionem inferioris appetitus, siue ex concupiscentiâ, quam vocat nunc merito vulnus naturæ, perpetuò conatur ostendere peccatû ipsius naturæ, ipsamque esse vitiatam per hominis culpam; quæ probatio videretur esse nulla, nisi supponatur, quod iuxta quandam humanæ naturæ exigentiâ maior quædam virium inter se & in ordine ad finem requiratur coordinatio, licet interim vt diximus, Deus potuisset ex absolutâ potestate ita hominem creare: cum & potuisset hominem condere sine auriibus, sine naribus, & alijs complementis, quæ ad naturâ eius magis substantialiter pertinent.

Tertius status est innocentie originalis, qui non tantum intelligibilis à nobis est, sed in quo fuerunt primi parentes de facto conditi ab initio. De hoc tractat Soto sup. c. 5. Quæ autem ad hunc statum pertinerint, supra vbi de peccato originali egimus sufficienter sunt explicata.

Quartus status est hominis lapsi, postquam ab innocentia originali homo excidit factus peccato obnoxius, in quo nascuntur omnes, quotquot ex Adamo secundum seminale rationem descendunt. Sub quo tamen dicto declaramus cum Concil. Trident. non esse nostræ intentionis comprehendere Beatam Virginem Mariæ Dei Genitricem

Genitricem: de cuius immaculata natiuitate constat, & aliud de eius conceptione prædicare, docere aut defendere est grauissimè prohibitum, quamuis aliter opinari adhuc sit liberum. Quæ verò sint huius status conditiones & miseræ, tum ex tract. de peccato originali, tum per quotidianam experientiam satis constat.

Quintus est hominis per Christum reparati, quando à peccatis est expurgatus, & iustitiæ ac sanctitati rekiturus.

Sextus est status patriæ, siue futuræ gloriæ, quem in alterâ vitâ expectamus: de quo Apostolus ad Rom. 8. *Sed & nos ipsi primitias spiritus habentes, & ipsi intra nos gemimus, adoptionem filiorum Dei expectantes redemptionem corporis nostri.*

## ARTICVLVS I.

*Utrum homo sine gratia aliquod verum cognoscere possit?*

**D**E homine secundum statum naturæ lapsus potissimum sermo est.

Conclusio Prima: Homo sine auxilio gratiæ multas veritates speculatiuas, quarum notitia haberi ex sensibilibus potest, cognoscere valet, atque adeo etiam Deum esse, & vnū esse, ac alia quædam eius attributa; non tamen poterit assequi omnes omnino veritates, quæ per sensibilia cognoscibiles sunt. Prior pars passim tenetur à Scholasticis in 2. dist. 26. & 28. & à D. Tho. hic. Et quidem in primis, quoad multas veritates naturales, quæ suo modo sub sensum per se cadunt, dubitari non potest, quin sine auxilio gratiæ, possint quoque intellectu apprehendi, v. g. ignem esse calidum, habere vim vrendi, aquam esse frigidam: quoad illas verò quarum particularim fit mentio in conclusione, Probatum Primum ex Scripturis: Sapientiæ cap. 13. *A magnitudine enim speciei & creatura, cognoscibiliter poteris creator horum videri.* Vnde Tertull. c. 17. *Apologetici* sic scribit: Ita eum (scilicet Deū) vis magnitudinis & notum hominibus obiecit, & ignotum (quia scilicet nec eum latere permisit, neque omnino comprehendere) & hæc est summa delicti, inquit, nolentium recognoscere, quem ignorare, non possunt: & eodem cap. 13. *Sap. Si enim tantum potuerunt scire, ut possent asimulare seculum, quomodo huius dominum non facilius inuenerunt?* quem locum expendit D. Aug. lib. 5. de Genesi cap. 16. in huius rei confirmationem. Psal. 18. *Cali enarrant gloriam Dei:* & ad Rom. cap. 1. *Inuisibilia enim ipsius à creaturâ mundi, per ea quæ facta sunt, intellecta conspiciuntur, semper æterna quoque eius virtus & diuini-*

*nitatis ita vt sint inexcusabiles: quia cum cognouissent Deum (scilicet per ea quæ facta sunt) non sicut Deū glorificauerunt, aut gratias egerunt.* ad quæ verba sic scribit August. de Spiritu & Litterâ cap. 12. *Vide quomodo non eos dixerit veritatis ignaros, sed quod veritatem in iniquitate detinuerint, & quia occurtebat animo, vt quæreretur vnde illis esse potuerit cognitio veritatis, quibus Deus legem non dederat? neque hoc tacuit vnde habere potuerint; per visibilia namque creaturæ peruenisse eos dixit ad intelligentiam inuisibilium creatoris; quoniam reuera sicut magna ingenia quærere perstiterunt, inquit, sic inuenire potuerunt.* Idem Secundò probari potest ex antiquis PP. vt ex Tertull. & August. locis cit. ex Athanasio Oratione contra idola, Cypriano lib. de Idolorum vanitate, Damasc. lib. 1. de Fide cap. 1. & seq. & ex pluribus alijs. Tertiò probari potest iisdem rationibus, quibus demonstrari solet Deum esse, & vnū esse, quas videre licet apud Tertull. sup. apud Damasc. lib. 1. de Fide c. 2. 3. & 5. & D. Tho. in 1. parte qu. 2. & lib. 1. contra Gentes c. 12. & apud plures alios. Non tamen hic excluditur generalis concursus Dei, qui sicuti ad omnem motum naturæ creatæ necessarius est, ita etiam ad cuiuslibet veritatis cognitionem requiritur, vt hic in Corpore monet D. Thomas: sed hunc inter gratias, de quibus sermo nunc est, non adnumeramus.

Sed contra obijciunt: D. August. lib. 10. Confess. cap. 5. scribit: *Quod de me scio, te mihi lucente scio; & c. Æ. docet, cælum & terram surdis loqui, nisi Deus altius misertus fuerit; non videtur ergò, posse hominem intelligere quancumque aut qualemcumque veritatem absque speciali auxilio gratiæ.* Respondetur N. C. Ad priorē enim locum quod atinet, dicendū est. D. Aug. ibi non loqui de supernaturali lumine gratiæ, sed de naturali lumine intellectus, quod etiam à Deo est, & per quod intelligimus ea, quæ in nobis sunt, de quibus ibi Aug. tractat; & ita hic ad primum exponit D. Thom. similem locum Ambrosij.

Ad alterum dicendum est: Aug. docere, quod cæli & terra surdis loquantur, nisi Deus altius misereatur, non quod Deum non faciant notum; sed quod quantumcumque illum proclamant, non tamen efficiant, quod eum sicut oportet, amemus, glorificemus, & gratias agamus etiam postquam illum cognouerimus, nisi ipse altius misereatur: præcedit enim, Sed & cælum & terra & omnia quæ in ijs sunt, ecce vndique dicunt, vt amem te, nec cessant dicere omnibus, ita vt sint inexcusabiles: & tum adiicit ea quæ obie-

M m ij Grauat:

ita sunt: alioquin cælum & terra surdis loquuntur laudes tuas: nisi scilicet altius ipse miseretur.

Probaturs pars posterior conclus. quia vt dicitur Sap. cap. 9. *Difficile estimamus, quæ in terra sunt, & quæ in prospectu sunt, inuenimus cum labore.* Ratio itaque est, quia multarum eiusmodi veritates valde à sensibus nostris reconditæ sunt, vnde naturæ secreta difficulter rimamus, & lumen intellectus nostri adeo exiguum est, vt etiam pleraque satis obuia non sine longiori studio & examine, vix tandem apprehendamus. Quare propter vitæ breuitatem & plurima impedimenta ex animi passionibus, & corporis infirmitatibus superuenientia fieri non potest, quod absque speciali Dei operatione quis collectiue assequatur omnes veritates speculatiuas, quæ alioquin singulæ naturaliter sunt cognoscibiles.

- 3 Conclusio Secunda: Potest etiam homo sine speciali auxilio gratiæ cognoscere aliquas veritates morales de rebus agendis aut fugiendis. Ita in genere loquendo videtur esse communis in 2. dist. 26. 27. & 28. Et probatur, nam vniuersalia & prima principia practica, & quædam conclusiones, quæ inde proximè & euidentissimè consequuntur, ita sunt lumine naturali cognita, vt etiam improbi diffculter possint ab eis mentem auertere, quamuis studiosè velint, quod indicat etiam Tertull. sup. & confirmatur, quia in homine lapsò adhuc superest lex naturalis, saltem quoad prima mandata, quæ est quoddam diaphanum rationis verum de bonis prosequendis, & de malis fugiendis: quod satis aperte docet Apostolus ad Rom. cap. 2. vbi de Gentibus, quæ nullam legem scriptam acceperant, dicit quod eiusmodi legem non habentes ipsi sibi sunt lex, *Qui(inquit) ostendunt opus legis scriptum in cordibus suis testimonium reddente illi conscientia illorum, & inter se cogitationibus accusantibus, aut etiam defendentibus* &c. Hinc August. in Psal. 57. manu formatoris nostri in cordibus nostris veritas scripsit, *Quod tibi non vis fieri, alteri ne feceris.*

- 4 Vnde addo non tantum potest homo formare aliquod verum iudicium practicum in vniuersali, sed etiam in particulari de aliquo actu in indiuiduo, quod est contra Capreolum in 2. dist. 27. quæst. 1. artic. 2. & Greg. Ariminensem ibid. dist. 26. quæst. 1. artic. 1. Confirmatur, nam testimonium illud conscientia & illæ cogitationes accusantes aut defendentes, de quibus Apostolus agit, versabantur circa particulares aliquas ipsorum proprias vel aliorum actiones. Deinde infideles & gentiles possunt facere quædam opera

moraliter bona, quæ peccata non sint, vt supra ostensum fuit; ergo etiam possunt cognoscere aliquam veritatem moralem in particulari, scilicet rectè & verè iudicando hunc actum cum talibus circumstantiis esse honestum, & ideo amplectendum, vel esse turpem & contra rationem, ac ideo fugiendum, porro licet difficilior sit cognoscere verum morale, quàm veritatem naturalem speculatiuam, ac rursum illud cognoscere in particulari, quàm in vniuersali, quia scilicet in cognitione veri moralis non tantum oritur difficultas ex parte imbecillitatis, sed etiam ex parte affectus vitiosi qui ferè solet sibi iudicium intellectus circa res agendas assimulare, idque magis circa singularia quæ hic & nunc facienda vel omittenda sunt, quàm circa vniuersalia; nihilominus tamen non propterea redditur impossibilis totaliter qualicumque cognitio veri moralis etiam in particulari: quia neque contra omne bonum morale, neque semper insurgit praua affectio, vt neque semper ad quodcumque malum suboritur praua inclinatio; nam vt habet Tertull. loco sup. cit. anima licet carere corporis pressa, licet institutionibus prauis circumscripta, licet libidinibus & concupiscentiis euihorata, tamen aliquando respicit quasi ex crapulâ, & sanitatem suam patitur, & D. August. lib. 6. contra Iulian. cap. 8. scribit: non semper esse desiderium contra quod pugnemus; quare nihil vetat quominus aliquando rectè & verè homo iudicet de aliquibus actionibus, præsertim de illis, quæ minus habent laboris & difficultatis in exercitio, aut à quibus appetitus inferior minus est alienus, vt sunt diligere parentes, non inferre iniuriam bene facienti, seu bene de se merenti, & aliz similes.

- 5 Conclusio Tertia: Non potest tamen homo sine peculiari illustratione & directione diuinæ gratiæ, ita cognoscere & iudicare in moralibus quid faciendum quid omittendum sit, quin frequenter in multis fallatur, & erret. Est quoque communis DD. & probatur ex Scripturis: Genes. cap. 5. & 6. dicuntur sensus & cogitatio cordis humani in malum prona ab adolescentiâ, & omni tempore, Psal. 93. *Domini sunt cogitationes hominum, quoniam vanae sunt*, quia scilicet vt plurimum in ratione rectâ & iustitiâ non sunt fundatæ; & Sap. cap. 9. *Cogitationes mortalium timida, & incerte prouidentia nostra*: quo significatur nos stabiliter & certè, quæ recta sunt non videre & iudicare. Idem SS. PP. in scriptis suis inculcant, & experientia ipsa satis docet: non enim vul-

gus tan-

gus tantum Ethnicorū, sed & ipsorum Sapienter & Philosophi multipliciter circa rerum agendarū veritatem errarunt tam in communi, quam in proprijs suis actionibus. Ratio ex dictis facile colligitur, quia intellectus noster per se debilis est, & multa concurrunt circa res agendas consideranda quoad circumstantias adherentes, ac insuper solent communiter offundi tenebræ per immoderatas passionis appetitus, unde fit quod moraliter non possit contingere, quin homo frequentissimè in multis fallatur & erret.

6 Conclusio Quarta: Veritates supernaturales mysteriorum fidei non potest homo cognoscere absque revelatione diuinitus factā. Pater ex Scripturis, ad Rom. cap. 10. *Quomodo credent ei quem non audierunt?* & 1. ad Cor. cap. 2. *Loquimur Dei sapientiam in mysterio, quæ abscondita est, quā nemo Principum huius sæculi cognouit;* & ibidem, *Quis enim hominū scit quæ sunt hominū nisi spiritus hominū, qui in ipso est, ita & quæ Dei sunt nemo cognouit nisi spiritus Dei:* ac rursum: *Animā malū homo non percipit: ea, quæ sunt spiritus Dei.* Estq; hæc conclusio manifesta ex ipsis terminis, quia idcirco illæ dicuntur veritates supernaturales, quia superant naturale lumen intellectus nostri. Quare neq; Pelagius hanc conclusionem negauit: quin etiam admittit ad hoc, vt quis tales veritates credat, insuper requiri convenientem propositionem, quā fiat credibile, Deum illas reuelasse: quia bene advertebar, quod aliqui insipienter eis præbatur assensus.

7 Conclusio Quinta: Non sufficit externa doctrina fidei diuinitus reuelata, quantumque etiam conuenienter & credibiliter extrinsecus proposita, vt possit homo illi credere, prout oportet & requiritur ad iustificationis gratiam consequendam & salutem: sed ad hoc eget speciali auxilio Dei illustrantis intellectum & commouentis voluntatem ad credulitatis affectum. Est de fide contra Pelagium, qui volebat externam prædicationem Euangelij debitis modis extrinsecus propositam sufficere homini ad eius amplexum, & iustitiæ consequutionem. Verum probatur conclusio Primò ex Scripturis. Ioan. cap. 6. *Nemo potest venire ad me, nisi pater, qui misit me, traxerit eum:* & rursum: *Propterea dixi vobis, quia nemo potest venire ad me, nisi fuerit ei datum à patre meo:* quæ Christus ibi allegat ad ostendendum ex proposito, non satis esse ad fidem concipiendam, quod quis exterius audiat Euangelij annunciationem, vt ex contextu patet: & infra, *Omniū qui audiuit à patre & didicit, venit ad me;* vbi significat debere concurrere internam collustrationē diuinitus immissam, vt quis per fidem acce-

dat. Ioan. 12. *Cum autem tanta signa fecisset coram eis, non credebant in eum:* & paulo infra, *Propterea non poterant credere, quia iterum dixit Ihs eis excæcauit oculos eorum & indurauit cor eorum &c.* quibus significat Scriptura & oculis intellectus diuino lumine illustrandos, & affectum pia commotione accendendū, vt doctrina Euangelij eā quā oportet fide suscipiatur; neq; alijs sufficere prædicationē & miracula: Quæ quidē congrua gratiæ auxilia Iudæis illis, iusto Dei iudicio deneganda prædixerat Propheta. 1. ad Cor. c. 12. *Nemo potest dicere Dominum Iesū nisi in Spiritu Sancto,* id est, confiteri Dominum Iesū & Saluatorem nisi cooperante Spiritus: hoc enim opponit ei, quod est dicere anathema Iesū. 2. ad Cor. cap. 3. *Non quod sufficientes simus, cogitare aliquid à nobis, quasi ex nobis, sed sufficientia nostra ex Deo est, qui idoneos nos fecit ministros non littera (inquit) sed spiritum,* id est, non per sonum externę doctrine, sed per internam operationem Spiritus. ad Ephes. 2. *Saluati estis per fidem, & hoc non ex vobis, Dei enim donum est;* Act. c. 16. dicitur Dominus aperuisse cor Lidæ, vt intenderet his, quæ dicebantur à Paulo; quo significatur ab interiori diuina operatione prouenire, quod aures & assensus præbeantur prædicationi Euangelij.

8 Probatum Secundò ex CC. Concilio Milenitan. Can. 4. Vtrumq; Dei donū est, scire quid agere debeamus, & diligere vt faciamus; & Can. 9. Diuini muneris est eum rectè cogitamus, & pedes nostros à falsitate & iniustitiā tenemus; Concil. Arausic. 2. Can. 5. Si quis sicut augmentum ita etiam initium fidei; ipsumq; credulitatis affectū, quo in eum credimus qui iustificat impiū, non per gratiæ donum (id est, inquit) per inspirationem Spiritus S. corrigentem voluntatem nostram ab infidelitate ad fidem, ab impietate ad pietatem, sed naturaliter nobis inesse dicit, Apostolicis dogmatibus aduersarius approbatur; & Can. 7. Si quis per naturæ vigorem, bonū aliquod quod ad salutem pertinet vitæ æternæ, cogitare vt expedit, aut eligere, siue salutari, id est, Euangelicæ prædicationi consentire posse confirmat absque illuminatione & inspiratione Spiritus S. &c. hæretico spiritu fallitur: & Concil. Trid. ss. 6. Can. 3. Si quis dixerit sine præueniente Spiritu S. inspiratione, atque eius adiutorio hominem credere, sperare &c. posse sicut oportet, vt ei iustificationis gratia conferatur, anathema sit.

9 Idem probat potest ex antiquis P. P. vt ex Cælestino Papa in epistola suā ad quondam Galliæ Episcopos de Gratia Dei pro Prospero & Hylario cap. 9. & ex D. August. lib. de Prædestinatione S. S. cap. 2. & M m ij sequen-

sequentibus : vbi cap. 3. retractat errorem suum, in quo ante Episcopatum aliquando fuerat, vt ibi fatetur, existimans scilicet fidem, quā in Deum credimus non esse donum Dei, nisi quia credere nō possemus si non præcederet præconium veritatis : vt autem prædicatio Euangelio consentiremus, esse nostrum proprium, & nobis ex nobis esse, ac per illam nos impretrare Dei dona, quibus temperanter ; & iuste, & pie viuamus in hoc sæculo, sed istum errorem suum latē per plura capita ibi ex professo refutat, & ostendit fidem tam quoad initium, quam quoad incrementum esse Dei donum. Idem exequitur lib. 1. Retract. cap. 23. & Epistola 92. 95. & 106. ac alijs locis. Docent idem & alij PP.

Probatum denique ratione, Primò, quia nullus hominis actus, qui à naturā solā tanquā totali principio procedit, potest esse proportionatum medium, siue dispositio ad formam supernaturalem, qualis est iustificationis gratia, & consequenter neque ad salutem siue beatitudinem ; ergò nec elicere poterit homo solis naturæ viribus actum fidei, vnde pietas exordium sumit, vt habet D. August. de Prædest. SS. cap. 2. Deinde vires naturæ non sufficiunt, vt ipsam rationem credendi, scilicet diuinam authoritatem obscure reuelantem mysteria & obiecta fidei quæ luminī intellectus nostri improporcionata sunt, dignè prout eam docet, amplectamur ; sed ad hoc necesse est, quod is, qui dixit, De tenebris lumen splendescere, per lumen supernaturale illucescat in cordibus nostris, sicuti loquitur Apostolus 2. ad Cor. 4. & vt hoc nouo lumine eleuet, ac corroboret intellectum, vt eā firmitate inhæreat isti authoritati ita reuelanti, quā illam decet, sic videlicet vt plus illi tribuat, quā quibuscumque rationibus, euidentijs, vel authoritatibus in contrarium facientibus ; ergò &c. Et inde potest intelligi, in quibus consistat modus ille significatus per Concilia, quando dicunt non posse nos credere sine gratiæ auxilijs, sicuti oportet ad salutem.

**11** Conclusio Sexta : Potest tamen homo citra spirituale auxilium gratiæ veritatis fidei sufficienter extrinsecus propositis adhibere aliquem assensum humanum imperfectum, seu opinatiuum. Videtur esse communis Scholastic. & colligitur ex D. Tho. 2. 2. quæst. 5. artic. 3. vbi negat, hæreticum credere Trinitatem per auxilium gratiæ vel habitum fidei, quam tamen sicut & multos alios articulos, aliquo modo credit. Idem videtur supponi à Concilijs. Mileuit. Araus. & Trid. quādo enim dicunt hominē non posse credere solis naturæ viribus, vt oportet ad iustifica-

tionis gratiam obtinendā, subindicant, aliquo modo inferiori & infirmiori, eum credere posse. Et ratio potest reddi ; quia fides exterius annunciata habet multā argumenta proportionata nostro intellectui, quæ possint eum ad aliqualem assensum mouere, v.g. autoritas & virtutes ipsorum qui eam annunciant, miracula, consensus tot populorum, consensus variusque testamenti, & similia. Confirmatur, quia potest assentiri propositionibus falsis tanquam diuinitus traditis ; etiam si longe minus probabiliter proponantur, vt patet apud Mahumetanos ; ergò etiam potiori ratione poterit aliquem assensum præbere veris longe probabilibus propositis.

## ARTICVLVS II.

*Vtrum homo possit velle & facere bonum absque gratia?*

**P**Ræsupposito in nullo statu posse hominem facere aliquod opus bonum siue naturale, siue supernaturale absque concursu Dei generali, quod hic iterum D. Thomas inculcat. Sic

Conclusio Prima : Homo in statu innocentiae poterat per suā naturalia quoad sufficientiam virtutis actiue velle & operari bonum suæ naturæ proportionatum, quale est bonum virtutis acquisitæ, non autem bonum superexcedens quale est bonum virtutis infusæ, sed ad hoc indigebat virtute gratuita. Est D. Tho. hoc loco.

**13** Prior pars facile intelligitur ex dictis sup. de conditionibus status naturæ integræ, cuius perfectiones omnes & plures ac altiori modo includebat status innocentiae : vnde etiam D. Thom. statum in quo primi parentes conditi sunt, vocat hic statum naturæ integræ : & rectè quidem, quia natura integerrima erat, quamuis insuper supernaturalibus donis instructa ; quare non erat homini in illā tranquillitate carnis & spiritus constituto, & scientiā naturali ac virtutibus moralibus egregiè instructo, difficile per naturæ vires velle & operari, quodcumque bonum ipsius naturæ secundum se commensuratum.

Pars posterior ex se euidens est : Nam inde dicitur actus vel operatio superexcedens siue supernaturalis, quia natura ex se non est proportionata ad eiusmodi actum efficiendum : & si agatur de bono supernaturali in genere, inde dicitur supernaturale, quia natura neque ad illud producendum, neque ad illud recipiendum ex se idonea est aut proportionata, licet per absolutam potentiam vtrumque fieri possit.

Hinc

14 Hinc faciliè intelligitur, & sit Secunda Conclusio: Quod homo in statu naturæ lapsæ non possit solis naturæ viribus sine virtute superaddita facere opus aliquod supernaturale qualecumq; Potest hoc ipsum probari ex omnibus adductis artic. præcedenti ad probationem quartæ Conclusionis, & amplius constabit ex dicendis infr. artic. 4. An verò homo iustificatus præter gratiam habitalem & virtutes infusas indigeat aliâ actuali virtute siue auxilio ad aliquod opus iustitiæ faciendū infra commodius explicabitur.

15 Conclusio Tertia: Homo in statu naturæ corruptæ non potest absque speciali Dei auxilio ficere totum bonum naturæ proportionatum; neque tentationes aliqui cuius momenti in contrarium occurrentes superare, non solum non omnes collectiue, sed nec scorsim singulas. Est communis DD. in 2. dist. 28. & D. Th. hoc loco cum suis commentatoribus. Probatur prior pars, quia sup. ostensum est, non posse hominem lapsum sine speciali auxilio ita cognoscere rectum morale, quin frequenter & in multis erret; ergò multo minus poterit operari omne bonū morale naturæ suæ alioquin commensuratum: nam voluntas infirmior est, & magis impedita à diversis passionibus in actibus suis sibi conuenientibus, quam proportionabiliter intellectus. Idem amplius constabit ex dicendis artic. sequenti.

Probatur pars posterior ex scripturis Psal. 17. *In te eripiar à tentatione*: Psal. 29. *Aueristi faciem tuam à me, & factus sum conturbatus*: Ad Rom. cap. 7. *Infelix ego homo, qui me liberabit de corpore mortis huius* (ab his cupiditatibus sollicitantibus ad mortem animæ) *Gratia Dei*, inquit, *per IESVM Christum Dominum nostrum*, & cap. 8. *Lex enim spiritus vitæ in Christo IESU liberauit me à lege peccati*, nam quod impossibile erat legi &c. ad Ephes. cap. 6. *Induite vos armaturam Dei, ut possitis stare aduersus insidias diaboli*, quoniam non est nobis colluctatio aduersus carnem & sanguinem, & rursus, *Propterea accipite armaturam Dei ut possitis resistere in die malo*. 2. ad Timoth. 2. *Ne quando Deum Rer illis penitentiam ad cognoscendam veritatem, & respiciant à diaboli laqueis, à quo captiui tenentur ad ipsius voluntatem*, 1. Petri cap. 5. *Cui resistite sortes in fide*.

16 Quæ omnia manifestè significant plurimas passim occurrere homini tentationes tum ex proprijs concupiscentijs, tum ex diaboli suggestionem ac incitationem, quas non valeat absq; speciali auxilio superare, non solum non omnes; sed nec singulas, quando fortius vrgent: quod addo, quia solent DD. admittere posse aliquando so-

lis naturæ viribus resistere quibusdam leuioribus, & minoris momenti superuenientibus passionibus aut tentationibus. Traditur hæc eadem doctrina à SS. P. P. & præsertim à D. August. lib. 1. Retract. cap. 9. & multis alijs locis. Iucebit eadem de re legere D. Chrysost. Homil. 24. in epistolam 1. ad Corinth.

Norandum autem hic est, quando loquimur in conclusione de auxilio speciali necessario, non requirere nos absolutè auxilium supernaturale ad totum bonum morale naturæ proportionatum exequendum; quia possent sufficere auxilia quædam ordinis naturalis, quælia fuissent concessa in statu naturæ integræ, quem sup. posuimus 2. loco: similiter quoque ad non succumbendum tentationibus, ut non peccetur contra naturalem hominis finem & debitum eius agendi, modum possent similia auxilia sufficere; non verò in ordine ad opera iustitiæ & ad finem supernaturalem: licet interim nunc, quia homo ad actiorem finem est ordinatus, omnia eiusmodi auxilia sint vel secundum se vel secundum modum supernaturalia existimanda.

17 Concl. Quinta: Negandū non est, quod homo etiam in statu naturæ lapsæ possit suis viribus facere quædam opera moraliter bona. Est contra Luther. & plures alios huius temporis hæreticos, qui generaliter negant opera bona quocumque modo ab homine post peccatum originale facta; sed volunt omnia nostra esse peccata & vitia: contra quos quatenus negant bona opera fidei & gratiæ, egimus sup. quæst. 18. existimant quoque Ariminens. & Capreolus in 2. dist. 28. nullum omnino opus etiam moraliter tantum bonum posse fieri ab homine lapsio solis naturæ viribus; sed conclusio est communis aliorum Scholast. ibidem, & D. Thom. hoc loco cum alijs multis. Probatur Primò ex scripturis ad Rom. c. 2. *Gentes, quæ legem non habent naturaliter ea, quæ legi sunt, faciunt*: ergò sine fide & gratiâ faciunt quædam legis opera, & proinde, quædam moraliter bona, ut sunt ea, quæ legis sunt.

18 Neque refert quod D. Aug. de Spiritu & Litterâ cap. 27. ubi hunc locum Apostoli ex professo examinat, propendeat in aliam interpretationem, quod videlicet hæc dicta non sint de gentibus adhuc in infidelitate existentibus, sed de illis quæ fidei gratiam receperint, ut sensus sit, Quod gentes, quæ legem scriptam non habebant, sed fide Christi donatæ erant, faciant naturaliter ea quæ legis sunt, id est, faciant opera legis ex gratiâ quidem, sed hætenus naturaliter, quia operantur secundum

M m iij naturæ

honestatis & convenientie cum rectâ ratione moueri, sed tantummodo ex motiui boni vtilis, vel boni delectabilis, quandoquidem possit intellectus vtramque boni rationem considerare, & voluntas habeat suam quoque naturalem propensionem in bonum honestum.

21 Sed contra Obijcitur Primò: Quidam sancti P. P. reprehendunt eos, qui locum Apostoli ad Roman. 2. interpretantur de gentibus adhuc incredulis, tanquam qui malè de Christi gratiâ sentiant: D. Fulgentius lib. de Incarnatione & gratia Christi cap. 25. ita scribit: quem Apostoli locum, Hi qui gratiæ contradicunt, gentibus incredulis assignare contendunt. D. Prosper contra Collat. cap. 22. arguit ipsum eo nomine nouitatis sensus: ergò perperam applicatur locus iste ad probationem conclusionis positæ. Respondetur, illos contra quos scribunt sancti P. P. isti, puta Pelagium & eius asseclas, per facere ea quæ legis sunt, intellexisse adimplere totam legem taliter, vt eiusmodi legis factores iustificarentur, essentque illi, de quibus antea dixerat Apostolus, *sed factores legis iustificabuntur: quam quidem interpretationem istorum verborum etiam D. August. & dicti P. P. satis approbant* tanquam congruam contextui; hoc autem sensu istorum verborum præsupposito, est omnino contrarium sanæ doctrinæ de gratiâ Christi, attribuire illud homini infideli per solas vires liberi arbitrij. Vnde dicti P. P. merito redarguebant eos, qui istud facere ea quæ legis sunt naturaliter, volebant tali sensu attributum esse ab Apostolo, gentibus adhuc incredulis; quia vt ipsi locis allegatis respectuè probant ex varijs Scripturis, fides Christi eiusque gratia est omnino necessaria ad plenam obseruationem legis & iustitiæ consequutionem.

22 Sed quando per facere ea quæ legis sunt, intelligitur tantum aliqua opera à lege præscripta facere morali modo, quæ tamen vt sic facta nihil conducant ad veram iustitiam coram Deo, vel ad vitam æternam, prout Græci P. P. illud acceperunt, sic hi iam citati etiam non reprehendunt neque redarguunt illos, qui hoc sensu locum Apostoli de gentibus infidelibus interpretantur: quod patet imprimis ex D. August. sup. de Spiritu & Littera c. 27. cuius doctrinæ Prosper & Fulgentius per omnia inhærent; item ex eodem lib. 4. contra Iul. cap. 3. vbi tractans hunc locum non repugnat dici aliquas esse Philosophorum virtutes, modo admittantur steriles, quæ ad vitam æternam nihil faciant, nisi quatenus eâ de causâ tolerabilius puniuntur quâ alij, qui peius fecerunt. Idem

fatis offendi potest ex ijs, quæ ex Prospero & Fulgentio iam ante allegauimus.

23 Obijcitur Secundò: Dicit Apostolus ad Rom. cap. 13. *Omne quod non est ex fide peccatum est*: ergò sine gratiâ fidei non potest homo facere aliquid opus vel moraliter bonum. Confirmatur, quia D. August. ex illis verbis docet omnia opera infidelium esse peccata, vt videre licet lib. 1. de Nuptijs & Concupis. cap. 3. & lib. 4. contra Iulian. cap. 3. ergò &c.

Respondetur: De sensu Apostoli satis multa à nobis dicta sunt sup. qu. 19. art. 6. nu. 31. & 32. ex quibus patet Apostolum non aduersari huic nostræ conclusioni. Quod vero ad D. August. attinet, Ita quidem est, quod ipse intelligat locum illum de verâ fide in Deum, & eo vtatur principaliter vt ostendat per solas naturæ vires sine fide & gratiâ non posse haberi iustitiam. Quod autem citatis locis videatur inde etiam deducere omnia operorum, qui verum Deum non agnoscunt & colunt, esse peccata, id intelligendum est, quatenus sine fide præluente solcant homines opera sua alijs alioquin bona & laudabilia, dirigere in fines indebitos, quod ex inspectione textus est manifestum; & quia id vt plurimum fit, hinc visitato satis loquendi modo Augustinus sic vniuersaliter aliquando agit & loquitur; quamuis interim agnoscat alijs locis aperte, posse aliquando rem aliter se habere: vt de Spiritu & Littera cap. 27. vbi imprimis admittit, impiorum & verum Deum veraciter non colentium, quædam nos facta legere vel nosse, quæ secundum iustitiæ regulam non solum vituperare non possumus (inquit) verum etiam merito recteque laudamus: & deinde addit, quamquam si discutatur quo sine fiant, vix inueniantur quæ iustitiæ debitam laudem, defensionem mereantur: quæ sententia bene notanda est in D. Aug. ad multorum aliorum locorum expositionem. Accedit quod cit. cap. 3. contra Iulian. in fine declarat hoc sibi satis esse, quod concedatur, omnia opera absque Christianâ fide facta, esse sterilia apud Deum, & per hoc (inquit) non bona: quia scilicet beatifica non sunt, vt infra explicat. Quare etiam poterit intelligi D. Augustinus dicere, omne quod non est ex fide Christi, esse peccatum, non quia semper est culpa, sed quia defectuosum habemus, quod non sit idoneum ducere hominem ad suum finem.

24 Obijcitur Tertio: Ad Tit. cap. 1. dicitur: *Omnia munda munda, coinquinata sunt ipsorum mens & conscientia*: ergò &c. Respondetur nihil inde effici; quia sensus est, fidelibus Chri-

bus Christianis & iustis nullum tibi genus esse immundum. Euangelio iam annuntiato & recepto; Iudeis autem infidelibus omnes cibos esse immundos etiam illos, qui secundum legem ipsorum erant mundi: dum enim ex perfidia sua credunt hunc cibum potius esse mundum, quam illum, volentes in usu illius stabilire legem iam euacuata, cibis illis efficitur illis immundus; quia usus eius cedit in peccatum, quatenus fumitur cum isto errore positivo contra fidem. Ita D. Hier. in hunc locum, & Aug. l. 31. contra Faustum cap. 4. vnde nihil facit contra opera generaliter, quæ fiunt negativæ sine fide siue non ex fide.

25 Obijcitur Quartò: D. Aug. Epistola 106. non longè à fine dicit; Quod si liberum arbitrium aliquantulum ad non peccandum valeret, nullus locus adiutorio gratiæ Dei referuaretur; item de Spiritu & Littera cap. 3. sic scribit: Neque liberum arbitrium quicquam nisi ad peccandum valet, si lateat veritatis via, & lib. 3. contra duas Epistolas Pelag. Liberum arbitrium captivatum (inquit) non nisi ad peccatum, ad iustitiam verò non nisi diuinitus liberatum adiutumque valet; ergo &c. Respondetur D. Aug. 1. loco reprehendere Pelagium quod doceret Dei gratiam idèò hominibus tantum dari, ut quod facere per liberum iubentur arbitrium, facilius possint implere per gratiam; & proinde sic daret intelligi, quod etiam si gratia desit, tamen posse per liberum arbitrium vel faciliè vel difficilè impleri quæ diuinitus iubentur: quod si ita sit, videlicet quod liberum arbitrium aliquantulum valeat (id est aliqua, ratione sibi sufficit, quamvis cum aliqua difficultate) ad non peccandum, & ad omnia quæ diuinitus iubentur implenda, iam nullus locus referuatur adiutorio gratiæ, scilicet quo ad eius necessitatem in ordine ad diuinam legem implendam: & hoc est, quod verbis allegatis docet Aug. neque id contrariatur nostris conclusionibus.

20 Ad duo alia loca Respondetur D. Aug. ibi docere ex proposito, quod liberum arbitrium nihil valeat, ut ex malo conuertatur in bonum, siue ut in bono perseueranter proficiat, siue ut ad bonum sempiternum perueniat, vti explicat epistola 47. Ita autem loqui, ut addat non valere nisi ad peccatum, siue ad peccandum, quia omne illud quod liberum arbitrium ex se sine adiutorio gratiæ valet, ut plurimum, hoc totum est peccatum, quamvis absolute loquendo possit ac etiam forsitan faciat aliquando quædam opera moraliter bona & laudabilia, ut idem August. de Spiritu & Littera cap. 27. agnoscit; quæ

tamen ordinariè inveniuntur aliqua inordinatè cupiditate vitata, si exactius quo sine fiant, discutitur; & propterea moralis & vitato satis loquendi modo dicit August. Liberum arbitrium sine Dei adiutorio non valere nisi ad peccandum, sicuti supra etiam diximus illum generaliter vocare omnia infidelium opera vitia & peccata: sic quoque lib. 1. Retract. cap. 15. dicit voluntatem sine charitate totam esse vitiosam cupiditatem, id est, plenam esse vitiosis cupiditatibus, sic videlicet ut ab eà solà nihil salutaris boni, sed fere non nisi vitiosa exeat cupiditas.

27 Obijcitur Quintò: D. August. cap. 2. de Corrept. & Gratiâ: Sine gratiâ Christi (inquit) nullum prorsus siue cogitando siue volendo & amando, siue agendo homines faciunt bonum: quod similiter alijs locis aliquando repetit; ergo &c. Respondetur D. August. ibi loqui eo sensu, quo Christus Ioan. 15. dixit; *Sine me nihil potestis facere*; Et Apost. 2. ad Cor. 3. *Non quod sufficientes simus aliquid cogitare à nobis, quasi ex nobis*, quod scilicet nihil boni possimus facere aut velle, quod ad veram pietatem & vitam æternam conducatur, quodque beatificum sit, ut loquitur l. 4. contra Iulian. cap. 3. in fine; non autem quod nihil quomodolibet bonum saltem moraliter possimus cogitare, aut velle: quæ satis sunt manifesta ex ipsis locis & ex loco iam cit. & ex illis supra adductis: quemadmodum etiam scripsit D. Ambros. ad illud Psal. primi, *Et solum eius non deservit*, Quanti, siue quam multi Gentiles (inquit) habent misericordiam, habent sobrietatem, sed fructum non habent, quia fidem non habent: & infra, Moraliam ornamenta decoris sunt, non subsidia redemptionis.

28 Obijcitur denique: Oportet nos agere Deo gratias de opere etiam moraliter tantum bono; ergo non sine gratiâ idem facimus; nam gratiarum actio, est gratiæ recognitio.

Respondetur, admittendo nos gratias debere etiam pro tali opere; quod autem ad consequens, illatum attinet, illud distinguì potest; si intelligatur, ergo non sine gratiâ speciali siue supernaturalis siue naturalis ordinis, neganda erit consequentia: si autem intelligatur, ergo non sine gratiâ quocumque modo dictâ, prout etiam naturales potentiz, & ipsa natura sunt suo modo gratiâ, sic admittendum est, quod non sine gratiâ: nam & ipsum liberum arbitrium gratia est, & magis ipsius inclinatio naturalis in bonum honestum. Ad confirm. itaq; Respondetur, quod gratiarum actio sit gratiæ recognitio, sed gratiæ non semper specialis; nos autem in conclusio-

netaa-



ne tantum dicimus posse fieri eiusmodi opus absq; speciali auxilio, non autem absq; omni quomodolibet gratuito Dei beneficio, qui & concursus suum, & vires naturales, atq; adeo ipsam naturam, nobis beneficiando, gratis contulit.

### ARTICVLVS III.

*Utrū homo possit diligere Deū  
super omnia ex solis natura-  
libus sine gratiā?*

<sup>29</sup> **N**otandum hic Primò, duplicem esse agnoscendum ordinem hominis ad Deum, scilicet naturalem & supernaturalem. Prior comprehendit omnia, quæ naturæ hominis sunt debita hoc ipso quo rationalis est, & consequenter, quæ illi necessaria sunt ad finem suum naturalem consequendum. Posterior autem continet ea, quæ homini sunt superaddita ex merâ gratiâ, & in ordine ad finem altiore, quàm alioquin ipsi naturæ secundum se conueniat.

Notandum Secundò: Rectè proinde D. Thom. hic ad secundum distinguere duplicem hominis dilectionem erga Deum; videlicet vnā quæ diligitur ab homine tanquam principium naturæ & donorum naturalium, vt quæ finis eiusdem, in cuius naturam comprehensione & possessione, quantum ab illo naturaliter apprehendi potest, consistit naturalis hominis beatitudo: estque huiusmodi dilectio ordinis naturalis: Alteram verò quæ diligitur vt author gratiæ & gloriæ supernaturalis, quatenus scilicet, per dona quædam gratuita & diuina constituit eleuare hominem, ac eleuat vt altiori & perfectiori modo ipsum cognoscat, possideat, ac fruatur; quàm ipsa natura ex se valeat aut possulet: neque enim oculus vidit, vel auris audiuit, nec in cor hominis ascendit, quæ Deus præparauit ijs qui diligunt illum iuxta Apostolum 1. ad Cor. c. 2. Estque hæc dilectio ordinis supernaturalis.

<sup>30</sup> Notandum Tertiò: Istas dilectiones, sicuti & proportionabiliter actus fidei & spei ordinis naturalis & supernaturalis substantiâ & specie distinguunt: quod est contra Scotum in 3. dist. 37. contra Durand. in 2. dist. 28. Caiet. hic & Soto l. 1. de naturâ & gratiâ c. 22. qui sentite videntur actus illos vt sunt ordinis naturalis & supernaturalis, differre solum quodam modo; non autem in substantiâ: vnde dicit Soto in fine c. cit. quod nullus prorsus est actus vnus in viro iusto, cuius similis, quantum

ad substantiam, esse non possit in eo, qui est extra gratiam Dei. Sed in isto modo explicando laborant, & diuersi diuersimodè explicant: aliqui enim ponunt in maiori intensiōe. Verum id rectè dici nō potest, quia actus illi sub eâ ratione, quâ sunt ordinis supernaturalis, sunt necessarij ad iustitiam & salutem, nulla autem determinata intensiō istorum actuum est necessaria; quare supernaturalitas istorum non potest collocari in maiori intensiōe. Deinde intensiō fit per additionem partium eiusdem rationis; non igitur transfert actum ad alium ordinem. Præterea vt sup. diximus ex August. non tantum incrementum fidei, sed etiam quaecumque initium, non possumus habere sine diuinâ gratiâ, ergo etiam primus gradus est eiusdem rationis cum cæteris.

Alij itaque nonnulli ponunt modum istum in hoc, quod actus eiusmodi exerceantur meritorie: sed neque hoc bene dicitur, quia actus fidei & spei Christianæ possunt exerceri etiam ab homine extra charitatem posito, & tunc non sunt meritorij, & tamen sunt ordinis supernaturalis, neque sine auxilio gratiæ fieri possunt. Hinc tertij ponunt in eo, quod actus isti de facto fiant ex motione Spiritus Sancti, siue ex auxilio gratiæ. Attamen neque eo modo vniuersim explicatur satis ratio supernaturalitatis, quia si inter illos actus naturales & supernaturales nulla sit alia differentia, videbuntur sine necessitate habitus infusi requiri, cum eiusdem rationis actus per vires naturæ possint fieri.

<sup>31</sup> Neq; refert, quod actus possint inde accipere aliquid dignitatis; quia P. P. & Cœcilia ita loquuntur vt significant gratiâ esse necessariam, non vt actus fidei & dilectionis quos per naturam facere possumus, reddantur ratione principij altioris simul concurrentis, digniores; sed magis suo sermone significat eam esse necessariam simpliciter propter sublimitatem, & naturam istorum actuum, ita vt non sit in nobis principium aliquod sufficiens ad actus talis generis producendos: sed requiratur altius & potentius principium, quàm sunt naturæ vires; atque adeo non indigent tantum principio sublimiori, vt reddantur quasi accidentaliter modo supernaturales; sed quia sunt actus ex naturâ superantes vires nostras, ideo requirant principium sublimioris virtutis. Posset denique modus iste constitui in additione cuiusdam bonitatis specie distinctæ ab illa, quam actus ordinis naturalis ex se habet, sicuti sup. qu. 18. diximus ad vnum actum in sua specie perfectum, posse addi bonitatem per accidens alterius speciei ex fine, ad quem

ad quem refertur; sed quamvis rectè dici possit, actum ex se ordinis naturalis, v. g. alicuius virtutis acquisitæ relatum ad finem supernaturalem, inde accipere aliquam bonitatem accidentalem, quæ ad ordinem supernaturalem pertineat, tamen id vniuersaliter non sufficit: nam vt hic loquimur, non satis hoc rem explicat; quia agimus de actibus illis in ordine ad sua propria & formalia obiecta, non autem vt actus aliqui referuntur tantum extrinsecè ad finem aliquem.

32 Et P. P. & Concilia requirunt auxilium gratiæ ad actus illos, non tantum vt ordinentur ad finem aliquem altiorè, sed simpliciter vt in sua substantià fiant. Accedit quod actus fidei etiam ad nullum finem extrinsecum relatus est simpliciter actus ordinis supernaturalis, & actus charitatis cum sit amor Dei per modum finis ultimi, non potest referri ad ulteriorem finem; ergo debet ex propriâ ratione tendendi in Deum, esse supernaturalis, vel nullo alio modo supernaturalis erit. Præterea finis, ex relatione ad quem fieret actus supernaturalis accidentaliter, potest esse primum & principale obiectum actus alicuius, & proinde poterit hic actus essentialiter & specie differre ex hoc capite ab alijs.

33 Quare omnino tanquam P. P. & Concilij magis conforme tenendum est, quod actus illi, v. g. naturalis dilectio, & supernaturalis dilectio Dei, naturaliter credere vnum Deum & supernaturaliter credere vnum Deum, & sic in alijs virtutibus, sint in substantià diuersi, & specie distincti; nam ratio veri cognoscibilis, & ratio boni appetibilis, quatenus creaturæ intellectuali secundum proprias vires sunt proportionatæ, & similes rationes quatenus intellectum & appetitum excedunt, sufficiunt ex parte obiecti, vt in ipsis actibus qui circa illas versantur, inducant substantialem diuersitatem, sicuti & requirunt altius principium. Vnde actus cognoscendi siue videndi Deum in propriâ specie, extra omnem controuersiam est specie distinctus ab omni actu, quo Deum naturaliter videre siue cognoscere possumus. Huc insuper facit, quia actus & habitus sibi correspondentes sunt eiusdem ordinis & naturæ secundum quandam inter se proportionem, quia ex eodem motiuo in idem obiectum sub eadem ratione tendit actus, ex quo & prout habitus vnde procedit, in illud inclinat: atqui habitus qui infunduntur ad actus fidei, speciei, charitatis, quoad substantiam suam sunt distincti ab illis, quos natura solis suis viribus possit in quocumque statu sibi acquirere; ergo etiam actus ab actibus sic sunt diuersi, Minor constat,

quia alioquin non esset opus infundi habitus, sed possent relinqui nostris laboribus acquirendi: deinde si habitus illi naturaliter essent comparati, non destruerentur ad vnum actum contrarium, sicuti videmus, non destrui & tolli alios habitus acquisitos siue virtuosos siue vitiosos. His omnibus sic præmissis, sit

Prima Conclusio: In nullo statu potuit aut potest homo per solas naturæ vires amare Deum super omnia dilectione supernaturali, tanquam principium gratiæ & obiectum supernaturaliter nos beatificans. Probari potest primo ex omnibus illis, quibus artic. 1. demonstraui: non posse haberi actum fidei Christianæ absque speciali auxilio gratiæ; quia hæc Dei dilectio non minus sublimis est, quam actus fidei, & ex multis capitibus homini longè difficilior. Probatum Secundo: Quia hæc dilectio est actus charitatis: docet autem Scriptura multis locis charitatem à Deo esse, neque nos eam à nobis habere: ad Rom. c. 5. *Charitas Dei diffusa est in cordibus nostris per Spiritum S.* ad Gal. 5. *Fructus Spiritus est charitas:* ad Ephel. 6. *Pax fratribus & charitas cum fide à Deo patre:* 1. Ioannis cap. 4. *Charitas ex Deo est.*

Probatum Tertio ex Concilijs, vt Mileuit. can. 4. Arausic. Can. 25 & Trid. ss. 6. can. 3. Quæ omnia docent dilectionem Dei esse donum, nec posse nos Deum diligere sicut oportet ad iustificationis gratiam acquirendam sine speciali auxilio gratiæ: atqui cerum est, quod illa supernaturalis dilectio Dei super omnia ducat nos ad iustitiam & salutem; ergo &c. Et ratio est manifesta: quia hic actus superat naturam nostram, cum hæc ex se non sit proportionata ad Deum secundum illas supernaturales rationes cognoscendum, & consequenter multo minus ad eum sic amandum.

35 Sed quæret aliquis: An saltem aliquo amore imperfecto & humano possit homo per solas naturæ vires diligere Deum secundum eam rationem, quæ est bonum supra naturam nunc per fidem cognitum, sicuti dictum est quod homo solis naturæ viribus possit aliquo humano & opinatiuo assensu adhærere veritati diuinitus reuelatæ? Respondent DD. communiter negatiuè & rectè, loquendo de bono illo sub speciali ratione, quæ naturam excedit, quia sic est omnino improporcionatum voluntati, vt ab eâ ametur, sicuti est improporcionatum intellectui, vt ab eo sicuti in se est, videatur: sub eâ tamen ratione, quæ inde potest abstrahi aliquis Confusus conceptus boni in communi, sic nihil videtur repugnans, quominus possit etiam aliquis

aliquis imperfectus & inefficax affectus oriri erga bonum illud; quia ista communis ratio sic confusè concepta non excedit nostram voluntatem: quemadmodum & opinatiuus ille assensus circa veritatem supernaturalem diuinitus reuelatam non versatur circa illam vt supernaturalem & reuelatam, sed secundum rationem generalem alicuius veri aut verosimilis, quod humanis argumentis intellectui proportionatis ostenditur, vt sup. diximus. Verum sicuti hic assensus merè humanus est & nihil conducentis aut disponens ad iustitiam, ita quoque affectus ille si quis oriretur merè humanus esset, & nihil ad iustitiam valens.

36 Conclusio Secunda: Homo in statu naturæ integræ siue innocentie potuit per sola naturalia diligere amore naturali absoluto & efficaci Deum super omnia tanquam autorem naturæ: Est D. Tho. hic & communis aliorum. Constat ex dictis sup. art. 2. vbi ostendimus quo modo homo in illo statu potuisset per solas naturæ vires facere totum bonum naturæ commensuratum, sub quo etiam comprehenditur naturalis hæc dilectio Dei super omnia. Et probatur ratione D. Tho. quia omnis creatura etiam irrationalis & inanimata naturaliter sic diligit Deum dilectione scilicet sibi proportionatâ, id est, inclinatione innatâ nō elicitâ; quia magis amat bonum totius, & ipsius vnuerſi quam partis aut suum particulare, & proinde magis bonum primi principij, à quo pendent omnia, quam bonum suum; vnde amor consimilis secundum quod homini congruit, non est illi denegandus in statu naturæ integræ.

37 Conclusio Tertia: In statu naturæ corruptæ non potest homo tali amore diligere Deum super omnia sine speciali eius adiutorio. Ita D. Tho. hoc loco, & probatur Primò, quia licet S. Sacre fatis doceant potuisse naturali lumine intellectus hominē cognoscere creatorem à magnitudine speciei & creaturæ, atque adeo plures cognouisse, nunquam tamen significant quod eum iam cognitum vt Deum glorificauerint, gratias egerint, aut amauerint; sed è contra quod non illum honorarunt, quod eum non receperunt, quod tenebras magis dilexerint, quam lucem. Probatur Secundò: quia ostendimus hominem in statu naturæ lapsæ non posse totam legem naturæ, & omne bonum alioquin naturæ commensuratum adimplere; ergò neq; absolutum vel efficacem Dei amorem super omnia elicere; quia hic importat voluntatem paratam & absolutam feruendi omnia mandata, & continendi omnes seculi cupiditates

& voluptates vt quis Deo inhereat, ipsique complaceat: cuiusmodi actû propter nimiam propensionem voluntatis ad res terrenas (quæ causatur tū ex simplicitia quadâ, quâ habet cū appetitu sensitiuo iam totaliter effici, tum ex eo quod à naturitate sit à Deo vt sine supernaturali auersa) exercere nō valet: ex istis enim causis reddita est ponderosior, quominus secundum naturalem alioquin inclinationem queat efficaciter se mouere in naturalem amorē Dei vt authoris naturæ actû absoluto & efficaci iuxta illud Psal. 4. *Fili hominum vsqueque graui corde, vt quid diligitis vanitatem & queritis mendacium.* Huc etiā referri possunt Scripturæ supra adductæ, quibus ostensum est hominem etiam in moralibus siue Dei particulari auxilio non posse constanter rectum iudicare de rebus agendis. Ex his licet colligere in statu naturæ corruptæ nullum dari amorem efficacem Dei super omnia tanquam authoris naturæ, qui non sit eiusdem vt authoris gratiæ; quia non potest haberi absque speciali Dei auxilio, vnde cum homo sit ordinatus ad Deum tanquam ad finem supernaturalem, fir, quod auxilia specialia, quæ homini à Deo conferuntur, dirigant & iuuent illum secundum ordinem supernaturalē respectu beatitudinis supernaturalis. Sed contra

Obijciatur Primò: Homo in statu naturæ lapsæ potest diligere aliam creaturam super omnia, sicuti qui parati sunt mori pro patriâ, aut pro proliis: itē auri qui se & omnia exponunt pro lucris; ergò magis poterit sic amare creatorem tanquam autorem naturæ, qui præstantior est & amabilior, quam quævis creatura. Respondetur N. C. quidquid sit de antecedente: & ratio in primis est, quia potentiam languentem & infirmam magis hebetat & obtrundit sæpius præstantia obiecti, quam exacuat vel prouocet actionem; sic nimia visibilitas Solis est oculis ægris molesta, & minus ab illis videtur; sic quoque stomachus infirmus sæpe nauseat super cibis optimis & saluberrimis, & appetit noxios: Ita ergò mirum non est quod homo secundum corpus & animam in deterius mutatus, & ab incommutabili bono ad commutabile cōuersus per peccatum, tanquam nauseabundus super eo, nō valeat se suis solis viribus erigere in absolutum & efficacem amorem naturalem illius supremi boni. Accedit, quod bonum sensibiles præfens moueat vehementius hominē animale, qui non percipit ea quæ Dei sunt nisi admodum imperfectè, etiam quoad illa quæ conueniunt ipsi vt authori totius naturæ. Tertio iste amor rescindit hominis affectum à plurimis, quibus lubenter solet

Nā inhereat;

inherere; à quibus non ita coarctat amor creaturæ, atque ita iste est longè difficilior naturæ infirmæ, quam hic. Vide D. Aug. lib. Dē Patientiā cap. 16. & aliquot sequentibus.

39 Conclusio Quarta: Potest tamen homo lapsus ex suis viribus habere aliquem affectum imperfectum, siue velleitatem quandam diligendi Deum super omnia tanquam authorem naturæ. Ita Medina hoc loco, Dominicus Soto lib. 1. De natura & gratiā cap. 22. Mald. hic, & plures alij in 2. dist. 28. & 29. Probatur, quia non est verisimile naturam ita esse debilem effectum siue ex se, siue ex peccato, ut ne imperfectum aliquem actum suæ naturalis inclinationis in authorem suum habere possit: sic enim non videretur ipsa rationalis voluntas tam lesa aut debilitata, quam extincta si nullum vel imperfectum germen possit ab eā exire in authorem ipsius. Et confirmari potest ex illo ad Rom. 7. *Velle adiacet mihi, perficere non inuenio*: vbi Apostolus indicare videtur infirmum hominem posse concipere aliquas imperfectas volitiones seruandi legem, sed non posse sine gratiā peruenire ad voluntatem absolutam & robustam, quā lex seruatur.

40 Neque his obstat, quod Concilia quædam & SS. PP. ut August. varijs locis & Celestinus Papa in epistolā suā cap. 10. simpliciter dicant, non posse hominem lapsum suis viribus sine auxilio gratiæ diligere Deum super omnia, quia etiam huiusmodi velleitas de qua agimus non est simpliciter dilectio Dei super omnia, non enim est absoluta voluntas complacendi Deo in omnibus, neque efficax ut vel dum est in præsentī, valeat continere hominem, ne Deum offendant, quin potest stare etiam cum eā de facto simul, quod homo succubabat tentationi & contra debitam Dei dilectionem agat, eiusque mandatum in re graui præuicetur.

#### ARTICVLVS IV.

*Utrū homo sine gratiā per sua naturalia, legis præcepta implere possit?*

41 **O**bseruandum est, Quæstionem intelligi de præceptis legis naturæ, Decalogo præsertim contentis: non autem de præceptis fidei, spei, charitatis & similibus. Rectè autem annotat D. Tho. quod contingat legis mandata impleri dupliciter: vno modo quoad substantiam operis; alio modo non tantum quoad substantiam

operis, sed etiam quoad certum & particularem modum operandi, ut scilicet lex seruatur ex charitate. Nunc sit

Prima Conclusio: Homo in statu naturæ integræ, ac innocentæ per sua naturalia potuit implere legis præcepta quoad substantiam operis, & modos necessarios ad rationem virtutis moralis siue acquirere. Est D. Tho. hic & constat ex dictis art. 2.

Conclusio Secunda: In nullo statu per sola naturalia potuit præcepta legis implere quoad modum charitatis. Est similiter D. Tho. & certa, quia charitas in Deum tendit ut bonum quoddam supra naturam, quo se voluntas suis solis viribus eleuare nō potest: quare semper indiguit auxilio gratiæ, ut ex affectu charitatis erga Deum, legem obseruaret. De hoc modo seruandi legem diximus quædam sup. quæst. vii. de legibus in fine.

Conclusio Tertia: In statu naturæ lapsæ 42 nō potest homo per sua naturalia sine speciali Dei auxilio implere legem, seu legis præcepta omnia, nequidē quoad substantiam operum ut sint moraliter bona. Constat ex dictis sup. art. 1. conclus. 3. art. 2. conclus. 4. & art. 3. conclus. 3. vbi satis latè deducta sunt, quæ ad huius conclusionis intelligentiam & probationem faciunt. Quibus addi potest illud Aug. de Spiritu & Litterā cap. 19. Lex ergo data est, ut gratia quæreretur, gratia data est ut lex impleretur: quod enim impossibile erat legi, in quo infirmabatur per carnem, milit Deus filium &c. ad Rom. 8. Sed contra

Obijci potest: non videtur negandum, 43 quin homo in statu naturæ nudæ potuisset per sua naturalia implere legem naturalem, etiam quoad naturalem dilectionem Dei super omnia, ita ut morali modo si adlaborare voluisset, potuisset viuere absque peccato mortali secundum rationem illius status & ordinis; atqui homo uti se habet in statu naturæ lapsæ, & homo uti se habet in statu naturæ nudæ (peccato originali excepto) communiter dicuntur tantum differre sicut homo nudus natus, & homo spoliatus; ergo videtur dicendum, quod etiam nunc possit per sua naturalia in statu naturæ lapsæ legem naturalem adimplere.

Ut transeat propositio maior: Respondetur ad minorem, quod licet comparatio ista ex parte aliquā habeat veritatem, non tamen per omnia subsistat; quamuis enim spectādo solā intrinsecā hominis naturalia iuxta utrumque statum, possint dici sic differre, sicuti nudus & spoliatus, tamē spectādo omnia, quæ quocumque modo ad utrumque statum pertinere dici possunt, admittenda sanè erit quædā vltior differentia; quamuis

quamvis enim eadem ſit corporis conſtitutio, & mortalitas, ſimiliter eadem aut ſimilis diſſenſio virium inferiorum contra ſuperiores, & ſimilis quoque fuiſſet debilitas in parte ſuperiori ad imperandum & ſubiugandum appetitum inferiorem, tamē in ſtatu naturæ nudæ, homini ſic condito fuiſſet debitum aliquod auxilium ordinis naturalis, quo infirmitas virium naturalium fuiſſet aliquantulum ſublevata & adiuta, vt morali modo homo potuiſſet recte operari in ordine ad finem ſuum naturalem: cuiusmodi auxilium nequidem ordinis naturalis modo poteſt cenſeri pari ratione debitum naturæ corruptæ ſeu lapſæ.

44 Poſtquam enim Deus humano generi in prima ſua origine ſemel prouiderat abunde de omnibus auxilijs non tantum naturalis ordinis, ſed etiam de virtutibus & donis ſupernaturalis, quibus non ſolum poterat, ſed etiã facile & cum magnâ tranquillitate corporis & animi poterat recte operari; & implere omnia, tam quæ ſunt legis naturæ, quam quæ legis fidei & charitatis, ipſe autem homo ſua culpâ, & quidē cum iniuriâ Creatoris, ſeſe omnibus iſtis exuerit & ſpoliauerit, planè de cætero perdidit omne ius, & titulū ad qualecunque auxilium, quod alioquin ratione naturæ à Deo acceptæ potuiſſet eſſe debitū; ſicuti parens, qui naturaliter debet prouidere prolebus de neceſſarijs, ſi dederit vni non tantum ſuam legitimam, ſed totam hæreditatem & vtrâ, ipſe autem filius luxurioſe viuendo, & contra patrem rebellando conſumpſerit omnia, certè ad nihil amplius illi tenebitur pater ex ratione naturæ aut genituræ; ſed ſi quid vlt erius tribuat ad ſuſtentationem, hoc totum erit puræ & meræ gratiæ & miſericordiæ. Vnde præſuppoſitâ hac explicatione propoſitionis minoris, neganda erit conſequentia argumenti: & ratio patet, quia in ſtatu naturæ nudæ ad naturalia pertinuifſet illud auxilium debitum inopiæ naturæ, quo accedente potuiſſet homo implere legis præcepta, quod nunc ad naturalia non pertinet, vtpote indebitum naturæ peccatrici, quæ non tantum ius ad illud perdidit, ſed etiam ſe poſitiuè indignam reddidit.

## ARTICVLVS V.

*Vtrum homo poſſit mereri vitam æternam ſine gratiâ?*

45 Concluſio eſt negatiua, quod ſine gratiâ ſcil. id non poſſit. Videtur autem

D. Tho. hoc loco proponere iſtum articulum, vt ſibi viam ſternat ad commodiorein proſequeutionem materiæ De gratiâ, prout ex ſubiuncto articulo magis patebit. Quæ verò ad præſentem articulum pertinent, infra quæſt. 114. explicabuntur, vbi ex proſeſſo de meritis tractatur, & eadem quæſtio proponitur.

## ARTICVLVS VI.

*Vtrum homo poſſit ſeipſum ad gratiam preparare per ſeipſum abſque exteriori auxilio gratiæ?*

Nota D. Thom. per exterius auxilium gratiæ, non intelligere hic auxilium illud totum, quod foris pulſat ſenſum, ſicuti eſt prædicatio Euangelij, aut miraculorum operatio: ſed etiam illud quod interius afficit hominem ſecundum intellectum & voluntatem, vt patet ex totâ deductione quam facit in Corpore articuli, & præſertim in fine; vbi expreſſe dicit, non poſſe igitur hominem ſe preparare ad ſuſcipiendum lumen gratiæ, niſi per auxilium gratuitum Dei interius mouentis: auxilium itaque exterius hic vocat omne illud, quod homini ab extrinſeco ſcilicet Deo operante aduenit, quamuis hominem intus afficiat. Nunc ſit

47 Concluſio Prima: Homo per ſeipſum ſine auxilio gratiæ non poteſt ſe preparare ad gratiam, ſic vt eam de condigno mereatur. Eſt certa de fide contra hæreſim Pelagij, quæ eſt primò damnata in Concilio Palæſtino, vbi fuit ipſe coactus reuocare hanc ſuam doctrinam, quod gratia Dei ſecundum noſtra merita datur. Et patet ex illo Apoſtoli ad Rom. 4. *Si Abraham ex operibus iuſtificatus eſt, habet gloriam, ſed non apud Deum.* Deinde ſi ex meritis quæ à nobis ipſis habemus, gratia datur, iam nullo modo gratia erit, ſed merces: *Ei enim qui operatur*, inquit Apoſtolus, *merces non imputatur ſecundum gratiam, ſed ſecundum debitum*; quare ſi ita eſſet, proſecto quemadmodum Apoſtolus dixit ad Rom. 6. *Stipendium peccati mors*, ita quodque dixiſſet: *ſtipendium iuſtitie noſtræ vita æterna*: quamvis enim vita æterna quodque ſit modò ſtipendium iuſtitie quæ ex fide eſt, tamen quia hæc ipſa fides, & quæ inde oritur iuſtitia eſt gratia, ideo dixit: *gratia Dei vita æterna*. Idem conſtat ex Concilij vt Milcuitano, Arauſ. & Triden. vt ex ſequentibus fiet manifeſtum.

N n ij Concluſ.

48 **Conclusio Secunda:** Non potest etiam homo per seipsum sine auxilio gratiæ facere aliquid, quod habeat rationē meriti de congruo, vel rationē dispositionis siue ad gratiam iustificantem, siue ad gratiā præuenientem quā præparetur ad iustificationis gratiā. Est contra Semipelagianos qui vt à doctrinā Pelagij tunc damnatā viderentur recedere, admittebant hominē suis viribus non posse perfectē credere, sperare, diligere, & facere ea quæ ad iustitiam sunt necessaria, vt videre est in epistolis Prosperi & Hilarij ad Aug. sed tamen vt simul viam hominis & iustitiā in manu eius collocarent, addebant illum posse ex se facere aliquam fidem imperfectam, aut aliquid eius initium: quod etiam existimauit aliquando D. Aug. vt sup. diximus: similiter posse quoque habere initia quædam aliarū virtutum, ratione cuius initij sic à nobis ipsis ex nobis positi, volebant tunc Deum donare gratiam fidei, & reliquas virtutes, & gratiæ auxilia ad perfectā opera iustitiæ exercenda. Est quoque eadem conclusio cōtra quosdam Scholasticos, vt apparet, nam Scotus in 2. dist. 28. dicit Bona opera ex genere, non disponere ad gratiam citius & facilius obtinendam, & in 4. dist. 14. qu. 2. dicit posse ex naturalibus cum communi influentiā peccatorem considerare peccatum commissum vt offensiuum Dei, & vt contra legē diuinam, vt impeditiuum præmij, & vt inductiuū supplicij, & sub multis talibus rationibus; & posse voluntatē sub aliquā illarum vel sub pluribus simul peccatum sic consideratum detestari: istū autem motum dicit attritionē, & esse dispositionem, siue meritum de congruo ad deletionem peccati mortalis. Dominicus Soto etiā existimat ex solis naturæ viribus posse haberi attritionē, quæ saltem cum Sacramento sit sufficiens dispositio ad peccati remissionē: quod reieciimus alias in 3. parte in tract. de Contrit. Gabriel in 2. dist. 28. citans pro se Scotum, dicit ex viribus naturæ posse esse quandam dispositionem ad gratiam sed non vltimam.

49 Verum modus talis loquendi non satis recedit à sectatoribus Pelagij: Vnde probatur conclusio primò ex Scripturis iā supra allegatis: Ioan. 6. *Nemo potest venire ad me, nisi pater meus traxerit eum*; qui autē disponit se ad gratiā, incipit venire ad Christum. Ioan. 15. *Sine me nihil potestis facere*: ad quæ verba Aug. tract. 81. in Ioan. sic scribit: *Sive ergò parum siue multum sine illo fieri non potest, sine quo nihil fieri potest.* Ad Ephes. 2. *Gratiā saluati estis per fidem, & hoc non ex vobis, Dei enim donum est.* 2. ad Cor. 3. *Non quia idonei sumus cogitare aliquid ex nobis quasi ex nobis: sed sufficientia nostra ex Deo est:* Ad

quæ verba pulchrè D. Aug. de prædest. SS. c. 2. ita scribit, Attendunt hic & verba ista perpendant, qui putant ex nobis esse fidei initium: quis enim non videat prius esse cogitare quam credere, nullus quippe credit aliquid, nisi prius cogitauerit esse credendū; & paulò infra, Quodcirca licet nemo sibi sufficit, vel ad incipiendam vel ad perficiendam fidem, & quoniam fides si non cogitetur, nulla est, & non sumus idonei cogitare aliquid ex nobis quasi ex nobismet ipsis &c. Item Act. cap. 16. *Deus aperuit cor Lidie, vt intenderet ijs, quæ dicebantur à Paulo;* Quod si prima attentio ad salutaria quæ annuntiantur, debeat à Deo donari, manifestum euadit, nullum nos posse habere ex nobis ipsis initium salutis, siue facere opus quod meriti qualiscunq; vel dispositionis rationem in ordine ad illam, obtineat.

50 Probatur Secundo: Ex Concilij, Concil. Arausic. Can. 3. ita habet: Si quis inuocatione humanā gratiam dicit posse cōferri, non autem ipsam gratiā facere, vt inuocetur à nobis, contradicit Prophetæ & Apostolo idem dicenti, *Inuentus sum à non quaerentibus me,* & Can. vlt. Hoc etiam salubriter profiteamur & credimus, quod in omni opere bono non nos incipimus, & postea per Dei misericordiam adiuuamur; sed ipse nobis, nullis præcedentibus bonis meritis, & fidem & amorem sui inspirat. Concil. Trid. Sess. 6. cap. 5. Declarat iustificationis exordium in adultis à Dei per Iesum Christum præueniente gratia, sumendum esse, & cap. 6. Disponuntur autē ad iustitiam (inquit) dum excitati diuinā gratiā & adiuti fidem ex auditu concipiētes liberè mouentur in Deum &c. & Sess. 15. cap. 4. De Sacramento penitentis declarat etiam attritionē quæ ex turpitudinis peccati consideratione vel ex metu gehennæ concipitur, esse donum Spiritus S.

Huc etiam faciunt quæ ex ipsidem Concilij, & Concil. Mileuit. sunt adducta articulis præcedentibus: nam ex discursu & scopo facile est videre, quod ab omni eo quod ex nobis ipsis habemus, intendant excludere non tantum rationem meriti de condigno, sed etiam meriti De congruo, atque adeo cuiuscumque dispositionis vel initij, ad quod detur aut sequatur aliquā causalitate, vel lege siue ordinatione aut quomodolibet aliter gratia iustificationis & salutis: nam quomodocumq; id admitatur, iam tollitur omnimoda illa gratuita donatio gratiæ ex parte Dei, quæ Concilia & SS. PP. vrgent & requirunt.

Atque adeo recurrit querela D. August. quam mouebat contra Semipelagianos de Prædest.

prædest. SS. cap. 2. Videre (inquit) si quid agitur isto modo (ponendo scilicet aliquod initium fidei ex nobis) nisi ut gratia secundum merita nostra detur quolibet modo, ac sic gratia non sit gratia. Vbi D. Aug. vult exclusam esse rationem meriti, non tantum de condigno, sed cuiuscumque; etiam de congruo, ut gratia dicatur gratis dari, & ipsa gratia sit gratia, ut patet ex subiunctis: Redditur namque hoc pacto debita (inquit) non donatur gratis, debetur enim credenti, ut à Domino fides ipsa augeatur, & sit merces fidei cæptæ fides aucta: quod sine dubio non nisi de merito de congruo, siue de modo aliquo impetrationis intelligi potest, ut idē Aug. loquitur c. 7. vbi dicit ex ipsa fide impetrari cetera. Quæ autem est ratio initij fidei, eadē est ratio initij operis cuiuscumque; ad salutem pertinentis aut ducentis. Vnde & lib. 2. contra duas epistolas Pelagian. cap. 8. generaliter dicit, Si sine Dei gratiâ per nos incipit cupiditas boni, ipsam ceptum erit, cui tanquam ex debito, gratia veniat adiutorium, & sic gratia Deo non gratis donabitur, sed secundum meritum nostrum dabitur.

52 Probatur denique ratione: Quia homo ex se non habet naturalem aptitudinem ad gratiam sanctificantem, quia est forma supernaturalis, & nature indebita; ergo etiam non est in naturâ quærenda aut statuenda virtus aliqua naturalis eam producendi, seu efficiendi proxime vel remote, neque per modum agentis naturalis seu phycici ut per se patet, neque per modum agentis moralis, videlicet merendo aut impetrando, tum quod natura per culpam originalem Deo reddita sit inimica, & indigna cui beneficii præstetur, tum etiam quod natura ex se non possit aliquid præstare aliquo modo proportionatum cum tali effectu aut præmio.

53 Obijciuntur tamen diuersa Scripturæ loca, quæ significare videntur ad hominē pertinere primò incipere, & ex se aliquid facere, ut sic diuinam gratiam percipiat. Zachariæ cap. 1. *Conuertimini ad me & ego conuertar ad vos.* Proverb. 16. *Homini est animam preparare.* Psal. 80. *Dilata os tuum & implebo illud.* Ilaic cap. 1. *Si volueris & audieris me, bona terra comedetur:* Et cap. 55. *Querite Dominum dum inueniri potest, innotate enim dum prope est.* Matth. 11. *Venite ad me omnes, qui laboratis & onerati estis, & ego reficiam vos;* ergo debet & potest homo ex se incipere aliquid boni, saltem cupiditatem aliquam bene operandi concipere, ut illius cepti meritum consequatur eius perficiendi auxilium gratiæ: & confirmari potest exemplo Cornelij Centurionis, qui per orationem, quam ex se faciebat, impetravit

fidei magistrum & instructionem.

Respondetur Neg. Conseq. Quia omnibus illis & similibus Scripturis non aliud significatur, quam in hominis accessu & conuersione ad Deum & ad iustitiam, etiā humanam voluntatem habere locum suū, eiusque liberam debere concurrere cooperationem; quia Qui creauit te sine te, non saluabit te sine te; non quidem quod voluntas per se solam possit incipere, sed quod excitata & adiuta debeat gratiæ assentiri & cum illâ cooperari, atque ita se ad iustitiam recipiendam preparare, & disponere, ut docet & explicat Conc. Trid. Sess. 6. cap. 5. & D. Aug. varijs locis, ut lib. 2. contra duas epistolas Pelagian. cap. 8. & lib. 4. cap. 6. & libro de gratia & libero arbitrio. cap. 5. Quibus locis etiam notat & demonstrat illa, quæ Scriptura requirit vno loco fieri ab homine, alijs locis attribui diuinæ gratiæ: nam sicuti dicitur, *Conuertimini ad me*: sic Psal. 84. dicitur, *Conuerte nos Deus salutaris noster, Deus tu conuersus visitabis nos*: & sicut dicitur, *Homini est animam preparare*, ita alibi dicitur, *Voluntas preparatur à Domino*: & quemadmodum dicitur, *Dilata os tuum*, ita Psal. 50. dicitur, *Domine labia mea aperies*, & sic de alijs: quare non significatur talibus locis, quod homo sine gratiæ auxilio ex solis suis viribus possit se disponere ad iustificationis gratiam, sed tantum quod eius requiratur cooperatio, ut diximus. Quod attinet ad exemplum Cornelij Centurionis: responde D. August. sup. Cornelium non orasse, sed quæ aliqua fide, quodque fidem illam non ex seipso, sed à Deo habuit, quia fides Dei donum est, quod etiam docet Concil. Araus. Can. 25.

Obijciuntur Secundo: Legimus in Evangelio Dominum dixisse: *Quid tibi vultis?* & iterum: *Vultis fieri?* ergo non dat Dominus gratiam suam, nisi eius præcedat in homine desiderium.

Respondetur ex illis Christi interrogationibus hoc ad summū posse colligi, quod non conferat Dominus plenam sanctitatem, & salutem sine iustitia, nisi hominis voluntate cooperante: non autem, quod voluntas ex se per solas vires suas debeat eius offerre desiderium. Hoc itaque indicatur, quod diuinâ gratia excitante & mouente non debeat homo prebere se refractariū, sed debeat cooperari ut ita ad perfectam iustitiā perueniat: & illud est quod D. Chrysost. Homil. 41. in Genes. commendat in Abrahamo, quando sic de illo scribit: Nisi prius & in se quod iuum erat fecisset, non tanta à Domino meruisset, capropter attente quomodo primò in omnibus, suæ virtutis indicium exhibuerit,

Nu iiij atque

atque sic diuinum meruerit præsidium: non enim aliud vult istis verbis, quam Abrahamum nõ otiosum peruenisse ad tanta iustitiæ incrementa; sed bene viando donis gratiæ primitus acceptis, gnauiusque cum illis cooperando: agitenim contra illos, qui pro suæ ignauiæ excusatione, quando Sanctorum exemplis commonebantur, dicebant Abraham & similes sine difficultate & operâ suâ per solam & singularem Dei gratiam ad tantas virtutes fuisse prouectos, quod subterfugium refutat Chryostomus non gratiam negans, sed simul Sanctorum sedulam cooperationem cum diuinâ gratiâ asserens, & commendans.

55 *Conclusio Tertia:* Quamuis nullum hominis opus ex solis naturæ viribus factum inducat quodcumque meritum, vel qualemcumq; dispositionem ad diuinam gratiam percipiendam, nihilominus tamen hoc rectè & verè dicitur, quod qui melius agunt secundum rationem moralis virtutis, sint minùs indigni, quàm illi, qui contemptâ virtutis & honestatis omni ratione, dant se totos peccatis, & vitijs. Ita Bartholom. Medina docet hoc loco & Soto de natura & gratia lib. 2. c. 3. cum pluribus alijs. Et ratio est manifesta, quia per quælibet peccata maximè mortalia, reddit quis se positivè indignum diuinis muneribus gratiæ; ergo qui plura & grauiora perpetrât, est magis indignus gratiæ beneficijs, quam qui pauciora & minora committat. Non tamen hinc inferas vitam hominis moraliter meliorem siue minus malam adferre aliquam congruitatem, siue decentiam, vt gratia potius detur huic quam isti: quia quandoquidem utrobique est positium demeritum & positiva indignitas, licet maior, & minor, hinc neutrobique potest ideo dici esse aliqua congruentia vel decentia ex parte hominis ad gratiam suscipiendam; sed neque ex parte ipsius Dei misericentis possumus nos exinde statuere decentiam vel congruentiam; nam quis cõsiliarius eius fuit, & quis inscrutabilia eius scrutabitur, vt cū Apost. sæpius repetit D. Aug. 1. De bono perseu. ipse enim solus nouit, quid sibi magis congruat, vt & misericordiâ, ac simul iustitiâ & iudicium ostendar se diligere. Vnde & gratiam facit aliquando abundare magis, vbi magis abundauit delictum, vt patet in poenitentia Magdalene, Latronis, D. Pauli & aliorum. Quid ergo dicemus, *Nunquid iniquitas apud Deum? absit: Moysi enim dixit, misererebor cuius misereor, & misericordiam præstabo enim miserebor.* Ita Paulus ad Rom. 9. &c.

## ARTICVLVS VII.

*Vtrum homo possit resurgere, a peccato sine auxilio gratiæ?*

*C*onclusio D. Thomæ est negatiua: & certa de fide definita in Concilio Arausico. 2. Can. 14. 15. & 19. & in Trid. Sess. 6. Can. 1. & 2. Probatur Primò ex Scripturis ad Rom. 3. *Omnes peccauerunt & egent gloria Dei: Ad Heb. 9. Sine sanguinis effusione non fit remissio,* Matth. cap. 1. *Ipse saluum faciet populum suum à peccatis eorum.* Quare qui ex lege vel naturâ sine Christi gratiâ pollicentur peccatorum remissionem, abnegant nomen Saluatoris. His addi possunt Scripturæ plurimæ in præcedentibus articulis allegatæ. Ipse quoque Pelagius confessus fuit peccatorum remissionem abque gratiâ haberi non posse.

51 *Probatur itaque Secundò ratione D. Thomæ:* Quia hominem resurgere à peccato non est tantum eum cessare ab actu peccati, sed est reparari ad ea, quæ peccando amittit: iam verò triplex detrimentum seu malum incurrit homo peccando, Primò, Maculam quatenus priuatur decore gratiæ debite inesse: Secundò, Corruptionem naturalis boni, in quantum natura hominis corruptitur voluntate eius Deo non est existente subiectâ; rectus enim ordo naturæ est, quod voluntas hominis Deo subiecta sit, quo ordine sublatò (inquit D. Tho.) consequens est, vt tota natura hominis peccatis inordinata remaneat: Tertiò, Incurrit reatum poenæ, quatenus qui mortaliter peccat, sit obnoxius æternæ damnationi: nihil autem istorum potest homo instaurare sine gratiæ auxilio: quod patet imprimis de maculæ deletionem, quæ non tollitur nisi per gratiæ sanctificantis infusionem, quæ necessariò debet à Deo fieri: similiter constat de ablatione reatus poenæ, quia propter eius infinitudinem non potest homo debitum illud exsoluere: de naturæ corruptione declaratur, quia sicut illa rectitudo originaliter à Deo est, qui hominem ab initio ad se conuertit, sic quoque vbi ablata fuerit, non potest nisi per Deum reparari & restitui; sicuti quando visus in homine semel est corruptus, non potest nisi ab auctore eius reintegrari, & reddi; quantumvis alioquin in homine remaneat quedam naturalis aptitudo ad visum habendum.

ARTIC.



ARTICVLVS VIII.

*Utrum homo ſine gratia poſſit non peccare?*

58 **C**oncluſio Prima: Secundum ſtatum naturæ integræ etiam ſine gratiâ habituali poterat homo non peccare. Ita D. Tho. hic, quod ipſe breuiter oſtendit hac ratione: quia peccare nihil eſt aliud, quam recedere ab eo, quod eſt ſecundum naturam, quod inquit vitare poterat homo in ſtatu naturæ integræ. Intelligendo itaque per ſtatum naturæ integræ, ſtatum hominis in quo fuit ab initio conditus, prout D. Tho. videtur illo nomine uti, vt magis colligitur ex antecedentibus articulis, ſenſus concluſionis erit, quod eo in ſtatu potuiſſet homo circa præcepta legis naturæ vitare omne peccatum, cum ſolo Dei conſuſu ordinis naturalis abſque conſuſu gratiæ actualis vel habitualis. Dico circa præcepta legis naturæ: quod enim de ſolis peccatis contra hanc legem agat, patet ex ratione allegatâ quam ipſe reddit ſuæ reſponſionis: & deinde certum eſt, quod præcepta fidei & charitatis non potuiſſet homo implere ſine auxilio gratiæ, & proinde nec vitare illorum transgreſſionem pro tempore pro quo obligaeſſent. Dico etiam, abſque conſuſu ſuæ influxu gratiæ habitualis; quia non vult D. Thom. ſignificare, quod abſuerit habitualis gratia in illo ſtatu, ipſe enim ſup. artic. 1. docet omnino agnoſcendum eſſe, quod homo fuerit conditus cum gratiâ ſupernaturali & ſanctificante, contra aliquos, quos dicit aliter ſenſiſſe: quare tantum excludere cenſendus eſt neceſſitatem influxus illius habitus ſupernaturalis ad præcauenda peccata in illo ſtatu integro. Præſupponit tamen perfectam ſubiectionem carnis ſub ſpiritu, & ipſius ſpiritus ſub Deo, in quibus ipſe videtur ponere naturæ integritatem, quamuis hæc prout de facto fuit homini in primâ creatione conceſſa, non obuenit illi per ſola naturalia, vel per ſola dona ordinis naturalis; ſed maxime per dona ſupernaturalia: licet interim loquendo tantum de ſubiectione hominis ad Deum tanquam authorem naturæ, & finem naturalem, potuiſſet eiufmodi ſubiectione conferri per dona ordinis naturalis, ſimul cum quadam ſubiectione appetitus inferioris ſub ſuperiori. Et hinc ſi quis in cõcluſione D. Th. per ſtatum naturæ integræ, voluerit intelligere illum, quem ſupra in Præfatione huius tractatus explicuimus ſecundo loco, conſtabit ipſa ſatis euidenter ex ter-

minis & ex ratione illius ſtatus antea poſita.

Concluſio Secunda: In ſtatu naturæ corruptæ poteſt homo vitare ſingula peccata mortalia, & hoc ſecundum aliquod tempus etiam antequam per gratiam ſanctificantem ſic ſanatus. Eſt quoque D. Tho. hoc loco: & rationem reddit, quia non eſt neceſſe quod homo continuò peccet in actu. Vbi tamen notandum, quod nequidem ſingula ad tempus poſſit vitare abſque omni auxilio actuali gratiæ, ſi tentationes aliquo modo notabiles occurrant, quod ſatis oſtendimus ſup. artic. 2. concluſ. 4. Cum ſcilicet auxilio, etſi peccator admittatur poſſe vitare ſingula, addo tamen, & ſit

Concluſio Tertia: Quod nihilominus ſi per gratiam ſanctificantem citius non ſanetur, non poteſt diu manere abſque alio peccato mortali. Eſt D. Thom. hic cum Caiet. Dominici Soto lib. 1. De natura & gratia cap. 22. Bonauent. in 2. diſt. 28. & ſere communis contra aliquos, qui exiſtimarunt hominem lapſum ſine gratiâ iuſtificante poſſe per auxilium ordinariū reſiſtere quibus ſuis tentationibus, & vitare omnia mortifera peccata etiâ longo tempore, inter quos referuntur Scotus, Gabr. Durandus.

Sed Probatur Concluſio Primo ex Scripturis: Threnorum cap. 1. *Peccatum peccauit Ieruſalem, & ideo inſtabilis facta eſt*; quia ſcilicet ex peccato naſcitur inſtabilitas in bono, ita vt non poſſit homo diu ſecundum rectam rationem conuenienter ad debitorum finem agere, niſi prius plenâ voluntate ſe ad illum conuerterit: Pſal. 1. *Comparatur iuſtus cum impio: dicitur autem iuſtus eſſe ſicut arbor plantata ſecus decurſus aquarum, quo ſignificatur firmitas hominis iuſti circa bonum; & impius autem dicitur eſſe ſicut pulvis, qui vento rapitur, quia ſcilicet inſtar arundinis agitur quouis vento cupiditatum & paſſionum, quibus facile ſe accommodat.*

Probatur Secundò ex Concil. Mileuitano, quod Can. 5. Dicit anathema ijs, qui dicunt gratiam etiam iuſtificationis dari tantum, vt facilius diuina mandata poſſimus adimplere, & non ſimpliciter, vt id poſſimus: quod ſignificant quoque Canon. 2. & 3. eiufdem Concilij.

Probatur Tertiò ex D. Gregor. Homil. 11. in Ezech. Vbi dicit peccatum, quod mox per poenitentiam non deletur, ſuo pondere ad aliud trahere.

Probatur denique ratione: Quia ex ſine ſibi præſtituto ſolent homines inſtituere & dirigere actiones ſuas: quando igitur non habent voluntatem intentam in Deum

N n iiij tanquam

de illo scribit, Concurfus Dei cum principio operis gratuiti & supernaturalis ad effectum supernaturalem, omneque opus salutis, gratia siue auxilium speciale dicitur: & merito, quia sicut ipsum principium est gratuitum & indebitum, ipsaque etiam operatio est supra naturam, ita quoque concurfus causæ primæ istis correspondens simul adhibitus merito inter gratias reponitur. Alij verò loquuntur simpliciter de illo concurfu cum habitibus ad opera supernaturalia, tanquam de operatione causæ primæ omnino distinctæ & alterius rationis à concurfu, quo cooperatur causis & effectibus naturalibus, docentque esse secundum substantiam altioris & supernaturalis ordinis, quod probabilius & verius dicitur, vt ex sequentibus patebit.

Notandum Quartò: Auxilium gratiæ actuale secundi generis potissimum consistere in hisce tribus: Primò, In diuinâ protectione, quâ Deus hominem custodit reprimendo Dæmonem, ne tentet quantum posset & veller, ite amouendo occasiones peccatorum siue externas siue internas: Secundò, In diuinâ excitatione, quâ per bonas inspirationes & pias voluntatis affectiones excitat & inclinat hominem in bonum: Tertiò, In quadam continuâ corroboratione & cooperatione, non illâ tantum, quæ est per modum concurfus vniuersalis, sed quâ per modum agentis particularis ipsas potentias excitatas in suo seruire fouet & fouendo confortat. Ita ferè Ruardus de hoc auxilio scribit loco cit. Proponit. 3. His præmissis sit

Conclusio Prima: Homo qui nunc gratiam esse consequutus, non indiget nouo alio habitu gratiæ, non tamen potest per seipsum operari bonum absque Dei auxilio actuali: primi generis, de illo in communi loquendo. Est D. Tho. hic, & communis ac certa. Et ratio est euidentis: quoad priorem partem inprimis, quia alioquin sequeretur quidâ progressus in infinitum in statuendis habitibus gratiæ necessarijs ad operationem bonam: similiter quoque quoad secundam partem, quia non potest homo vel opus aliquod naturæ facere sine Dei concurfu generali, quantumcumque vires naturales sint integræ, ac etiam habitibus & instrumentis necessarijs instructæ, vt alibi docetur; ergò certum est non posse quoque facere aliquod opus gratiæ & supernaturale suis viribus cum habitibus insusis absq; actuali Dei cooperatione per modum causæ primæ & vniuersalis, licet de substantiâ istius cooperationis Scholastici non omnes eodem modo sentiant, vt diximus: inter quorum

tamen opiniones magis placet tertia, quâdoquidem enim in eandem actionem & in idem opus supernaturale cum influxu habitus supernaturalis coalescat iuxta communem doctrinam, consequenter dicendum videtur, quod etiâ ipsa sit substantiæ & ordinis supernaturalis sicut operatio habitus.

Conclusio Secunda: Homo gratiam consequutus non potest quoque diu in bono stare ac omne bonum necessarium operari, omneque peccatû mortale vitare absque speciali auxilio gratiæ secundi generis, quo scilicet Deus hominem excitet, dirigat, protegat, confortet. Est D. Thom. hic & artic. sequenti, ac certa de fide, vt patebit ex Concilijs mox citandis. Probatum autem 1. ex Scripturis: ad Philippenf. 1. Qui capit in vobis opus bonum, perficiet &c. & cap. 2. Cum metu & tremore vestram salutem operamini: Deus est enim qui operatur in vobis & velle & perficere: 1. ad Cor. 10. Qui se existimat stare, videat ne cadat: 1. ad Theil. c. 3. Vos autem Dominus multiplicet & abundare faciat charitatē vestram ad confirmanda corda vestra sine querela in sanctitate &c. Et 2. c. 2. Ipse autem Dominus noster Iesus Christus &c. exhortetur corda vestra & confirmet in omni opere & sermone bono: Et cap. 3. Fidelis autem Deus est qui confirmabit vos & custodiet à malo: Et ibidem, Dominus dirigat corda vestra in charitate Dei & patientiâ Christi: hinc Christus in Euangelio sæpius monet Apostolos ad vigilandum & orandum, ne intrent in tentationem: & docuit eos hoc ipsum orare Matth. 6. Ne inducas nos in tentationem, sed libera nos à malo: & ipse rogauit pro Petro, Vt non deficeret fides eius. Hinc etiam tot orationes iustorum in Psalmis & Prophetis inueniuntur, quibus precantur & instant, vt Dominus illos illuminare, viam illorum dirigere, protegere, adiuuare, custodire, saluare dignetur, cuiusmodi orationibus liber Psalmorum plenus est.

Probatum Secundo ex C. C. & Pontificibus: Concil. Arauf. 2. Can. 10. Adiutorium Dei etiam renatis & sanctis (inquit) semper est implorandum, vt ad finem bonum peruenire, vel in bono possint opere perdurare: & Can. 19. dicit Hominem sine Dei gratiâ salutem non posse custodire, quam accepit. Cælestinus Papa in epistola pro Hilario & Prospero cap. 11. Si quid in nobis ex nostrâ videremus remissione languescere, ad illum sollicitè recurramus, qui sanat omnes languores nostros, & redimit de interitu vitam nostrâ: & cap. 6. Dicit neminem etiam baptismatis gratiâ renouatum, idoneum esse ad superandas diaboli insidias & ad euincendas carnis concupiscentias, nisi per quotidianam adiutorium Dei, perseverantiam bo-

ne con-

66

67

65

me nihil poteſtis facere, dicar, Adiutor meus eſto, ne derelinquas me: ad Philipp. 2. *Qui operatur in vobis velle & perficere pro bona voluntate:* 2. ad Cor. 3. *Non quod ſufficientes ſum cogitare aliquid à vobis, quaſi ex nobis:* ad Rom. 8. *Similiter autem & ſpiritus adiuvans infirmi: aſtem noſtram, nam quid oremus ſicut oportet neſcimus, ſed ipſe ſpiritus poſtulat pro nobis gemitibus inenarrabilibus, &c.* Ad quæ verba D. Aug. epistoła 115. ita ſcribit, *Quid eſt autem, interpellat, niſi interpellare nos facit, nobiſque interpellandi & gemendi inſpirat affectum:* ad Gal. cap. 4. eodem ſenſu dicitur, *Quoniam autem eſtis filij, miſit Deus ſpiritum filij ſui in corda veſtra clamantem, Abba pater:* 2. ad Cor. 8. *Gratias autem Deo, qui dedit eandem ſollicitudinem pro vobis in corde Tiri:* Ezech. 36. *Faciām ſui in præcepto meo amuletum.* In quibus omnibus Scriptura Sacra videtur clarè, quodcumque opus bonum etiam iuſtorum adſcribere peculiari Dei gratiæ excitanti & adiuvanti.

71 Probatur Secundo ex concilijs & P. P. Conil. Arauſic. Can. 9. *Diuini muneris eſt cum & rectè cogitamus &c.* quoties enim bona agimus, Deus in nobis atque nobiſcum vt operetur operatur; & Can. 20. *Multa in homine ſunt bona, quæ non facit homo, nulla verò facit homo bona, quæ nõ Deus præſtet vt faciat.* Vbi notandum non dicere conciliũ, quæ non Deus præſtet vt poſſit facere, ſed quæ non præſtet vt faciat. In Concil. Paſtino definitum fuit, Gratiam Dei ad ſingulos actus dari, vt reſert D. Aug. epist. 107. Cæleſtino Papa epist. ſup. cit. Ideo vtique quia præparatur voluntas à Domino, & vt boni aliquid agant paternis inſpirationibus ſuorum ipſe tangit corda fidelium, & cap. 12. *Non dubitemus ab ipſius gratia omnia hominis merita provenire, per quem fit, vt aliquid boni & velle incipiamus & facere:* & infra, agit quippe in nobis, vt quod vult & velimus & agamus, nec otioſa in nobis eſſe patitur, quæ exercenda non negligenda donauit: quo euidenter ſignificatur vti apparet, Deum in nobis ſuſcitare habitualem gratiam & virtutes ne otioſa & ſine fructu remaneant. Soſimus Papa citatus à Cæleſtino cap. 9. *Quod ergo (ait) tempus interuenit, quo eius non egeamus auxilio, in omnibus igitur actibus, cauſiſque, cogitationibus, motibus adiutor & protector orandus eſt.*

72 Eadem quoque doctrina traditur à D. Aug. diuerſis locis: lib. 4. contra duas epistołas Pelagianorum cap. 6. *Veruntamè (inquit) in omnibus, quæ quiſque agit ſecundum Deum, miſericordia eius præuenit cum, & paulò infra de Pelagianis ait: Ita namque illis tumor ipſe aures cordis*

obſtruxit, vt non audiant; *Quid enim habes quod non accipiſſi, non audiant, Sine me nihil poteſtu facere, non audiant, quod Eſdras ſcribit, Benedictus eſt Dominus patrum noſtrorum, qui hoc dedit in cor Regu clarificare domum ſuam &c.* & epistoła 106. ſcribit; *Quod gratia Dei pulillos cum magnis à morte primi hominis ad vitam ſecundi hominis tranſfert, non ſolum peccata delendo, verum etiam ad non peccadum, rectèque viuendũ, eos qui iam vti poſſunt voluntatis arbitrio, ſic adiuuando vt niſi adiuuet, nihil pietatis atque iuſtitia ſiue in opere, ſiue etiam in ipſa voluntate habere poſſimus:* & epistoła 107. *Non eſt igitur gratia Dei in naturā liberi arbitrij, & in lege, atque doctrinā ſicut Pelagiana peruerſitas deſipit; ſed ad ſingulos actus datur illius voluntate, de quo ſcriptum eſt, Pluuiam voluntariā ſegregabis Deus hereditati tuę.* D. Hieron. epistoła ad Theſiphont. reprehendit Pelagianos, quod ita Dei gratiam ponant, vt non per ſingula opera, eius nitamur & regamur arbitrio, & ibidem addit; *ſemper largitor ſemperque donator eſt, non mihi ſufficit, quod ſemel donauit niſi ſemper donauerit, peto vt accipiam, & cum accepero rurfus peto, avarus ſum ad accipienda beneficia Dei, nec ille deſicit in dando.* D. Proſper epistoła ad Ruſinum docet, hominem ab æternā morte non liberari, niſi Chriſti gratia liberum hominis arbitrium agendo, inſpirando, auxiliando & in finem vſque præuendo ſeruauerit. Huc accedunt formalæ precationum Eccleſiæ, quæ idem planè indicant; rogatur enim illa aſſidue, vt cogitemus Deo inſpirante, quæ recta ſunt, eoque gubernante eadem faciamus, vt ipſe excitet corda noſtra ad præparandas eius vias, vt gratia eius nos ſemper præueniat & conſequatur, ac bonis operibus iugiter præſtet eſſe intentos, & alia multa ſimilia.

Probatur denique ratione Theologicā: Quia nullum opus pium & ſanctum fit à voluntate, niſi præuia aliqua bonā cogitatione in intellectu; iſta autem cogitatio eſt à Deo inſpirante, ſiue gratia eius excitante, vt colligi poteſt ex Scripturis ſup. allegatis, & habetur apud Cæleſtinum Papam epistoła citatā cap. 9. *Ira enim Deus in cordibus hominum & in ipſo libero arbitrio operatur, vt ſancta cogitatio, pium conſilium, omniſque motus bonæ voluntatis ex Deo ſit; ergo &c.* Sed contra

Obijcitur ab aliquibus Concil. Mileuit. 73 quod Canone 3. ſic habet; *Item placuit vt quicumque dixerit gratiam Dei, in quā iuſtificamur per I E S U M Chriſtum Dominum noſtrum ad ſolam peccatorum remiſſionem valere, quæ iam commiſſa ſunt,*

non

non etiam ad adiutorium, ut non committantur, anathema sit; item Canone 4. dicit eandem gratiam nobis præstari, ut quod faciendum cognouerimus, etiam facere diligamus, atque valeamus: ergo etiam ex sola gratia iustificante absque nouo auxilio gratiæ excitantis & adiuuantis operatur homo ea, quæ sunt iustitiæ ac pietatis, & obseruationis mandatorum Dei.

Respondetur Neg. Conseq. & quidem quod ad doctrinam Concilij attinet, PP. in citatis Canonibus ex professo tantum damnât Pelagium in eo quod ipse solum agnosceret gratiam Dei in peccatorum remissione obtinendam, & in externâ doctrinâ & Euangelij prædicatione, ut sup. ex Aug. ostendimus: De reliquo autem ipse doceret liberum arbitrium hominis sufficere ad opera iustitiæ, & mandatorum Dei obseruationem, & iustitiæ ac salutis consequutionem. Vnde quando Conciliū dicit gratiam Christi in quâ iustificamur etiam valere ad adiutorium ut peccata nō committantur, item illud eius adiutorium non in eo solo consistere, quod per ipsam nobis explicetur & aperiat, intelligentia mandatorum Dei, tunc per gratiam Christi in quâ iustificamur, non intelligit solam gratiam habitalem, quâ formaliter reddimur iusti, sed simpliciter omnem illam Christi gratiam à quâ dependet quocumque modo iustitia nostra, vel iustificatio siue efficienter, siue formaliter, siue etiam per modū causæ conseruantis; nam & ipsam externam prædicationem & doctrinam mandatorum Dei sub illâ quoque comprehendit, ut patet ex Can. 4. quamuis in illis solis non velit eam absolui; iam verò gratia Christi in qua iustificamur sic accepta sine dubio non valet tantum ad peccatorum remissionem, quæ commissa sunt; sed etiam continet adiutorium ad non committenda, quia includit non tantum gratiam habitalem, sed quoque æqualem, quæ iustis conferri solet.

74

Deinde ut admitteretur, Concilium loqui de sola gratia habituali cum habitibus infusus (quamuis hoc minus sit ad sensum illius) tamen consequentia non erit valida, quia licet habitus infusus suum habeant momentum ad sanctè operandum, quatenus potentias naturales eleuant, & actibus supernaturalibus suo modo proportionatas constituunt, non tamen sequitur quod soli sufficiant absque alio auxilio superuenienti quod exerceat & adiuuet, idque potissimum propter subiecti indispositionem & multas eius in contrarium procliuitates: quemadmodum licet scintilla ignis sub cineribus tecta habeat virtutem vrendi, tamen in lignum viridē propter indisposi-

tionem eius, visionem non exerceret. Nihilominus sit

Conclusio Quinta: Non est tamen omnino improbabilis & reprobanda opinio illorum, qui existimant hominem iustum posse aliqua bona opera facere absque noua gratia excitante, cum sola gratia adiuuante, in virtute scilicet habituū, quos habet infusus. Ita enim sentiunt quidam graues Theologi, inter quos est Tapperus artic. 7. proposuit. 6. 2. ordinis & in ijs, quæ proximè præcedunt, & Bellarm. lib. 6. cap. vlt. ubi in hanc rem allegat Concilium Mileuit. iam à nobis explicatum. Probat autem Tapperus hac ratione, Nam posito operis principio sufficiente credendi vel exercendi opus charitatis aut misericordiæ, hoc est, inquit, spiritu fidei aut charitatis (ubi per spiritum fidei intelligit habitum, ut ex antecedentibus & consequentibus satis apparet) possumus eo vri quando volumus, neque requiritur alius Dei concursus (addit) quam conseruatio luminis, & ipsius tanquam causæ vniuersalis in ordine gratiarum cooperatio, sine quo fidelis non potest credere, nec iustus bene operari. Et quia hunc concursum cū principio operis gratuiti & supernaturalis reponit inter gratiæ auxilia specialia, ideo docet non posse sine gratia adiuuante iustum facere vllum opus bonum. Bellarm. verò de gratia adiuuante, quam vult necessariam esse sic scribit, Requirit autem in omni opere bono & pio gratiam adiuuantem, id est inquit, dirigentem ac protegentē docent Scripturæ, Concilia & PP. passim, in cuius rei confirmationem adducit illud Christi *sine me nihil potestis facere*, & illud Davidis, *Nisi Dominus custodierit ciuitatem, frustra vigilas qui custodit eam*, quod dicit ab Hilario in Commentario Psalm. & D. Ambros. lib. 2. in Lucam de anima iusti intelligi, quæ sine diuinâ protectione non potest tentationi resistere. Vnde colligitur, quod ipse per gratiam adiuuantē, non tantum intelligat cooperationem Dei per modum causæ vniuersalis, sed quod velit includere particularem custodiam, quā arceantur inimicorum insidie & insultus, Nec patiatur Deus teatari iustum ultra quam valeat sustinere, item velit includere quandam intellectus collustrationem, quā videat, quæ agenda, quæ vitanda sunt, quod indicat, dum eam explicat per gratiam dirigentem.

Sed ex dictis circa præcedentem conclus. facile intelligitur, quod neque ex autoritate Concilij Mileuit. neque ex ratione allegatâ ducatur firmum argumentum, ad stabiliendum quod in hac 5. conclus. proponitur. Quare alij quidam adiungunt

75

adiungunt aliam probationem; quia si requireretur ad quodvis pietatis opus noua gratia præueniens, non videbitur esse in potestate hominis iusti, vt operetur bonum pro arbitrio, quando voluerit; sed illis tantum momentis, quando Deus immittit gratiam suam excitantem, quod apparet esse incoueniens. Ad quod inprimis responderi potest, neminem negare nos facere negotia nostra domestica aut ciuilia quando voluerimus, non obitante eo, quod in nostrâ non sit omnino potestate, quod pro omnibus aut singulis momentis preut vellemus, incidat nobis de his vel de illis cogitatio; sed hac pendeat vel ex incidentibus occasionibus, vel ex rebus alijs quæ geruntur, vel ab alijs, quibus id committimus vt ad memoriam reducant, aut ex similibus: quorû occasione fit, quod temporî & loco soleant intellectui occurrere, quæ facienda proponit.

77

Similiter autem dicere possumus, quod licet iustus propter carnis corruptionem, & pronitatem ad terrena & sensibilia, non se cleuet ad ea quæ pietatis sunt, nisi à Deo præueniatur & excitetur, nihilominus tamen de illo dici possit, quod operetur bene, quando vult; quia temporibus & locis oportunis non deest spiritus inhabitans officio suo, sed præsto est suis donis, ad ostium pulsat, quotidiana præstat auxilia, non deficit in donando: neque otiosa in nobis esse patitur, quæ exercenda, non negligenda donauit, vt ex sup. citatis authoritatibus constat: vnde quæcumque negliguntur bona, ipsius hominis incuria vel ignauia negliguntur. Et certè quandoquidem in homine iusto non tantum inlinit dona spiritus Sancti; sed etiam ratione illorum secundum specialem quâdam habitudinem fit in iusto ipse spiritus Sanctus secundum suam substantiam (est enim iustus, templum eius, sedes, organum, membrum viuû Christi ratione scil. spiritus ipsum viuificantis, vt sup. qu. 3. latius ostendimus) hinc quâ ratione gratia habitualis & habitus infusi ponuntur principium boni operis, eadem rectè, ac melius attribuitur hoc ipsum spiritui Sancto auctori donorum & intus inhabitanti, de quo dicitur, quod ipse posulet pro nobis, quod in nobis clamer Abba Pater: præsertim cû ipsi habitus propter naturæ corruptionem sint in homine, sicuti semen in solo alieno, sterili & arido; quod nisi rore & calore extrinsecus superuenientibus, germinare aut pullulare in tali terrâ non valeat. Interim tamè hoc ipso quo alij omne pietatis opus adscribunt (altem energia & operationi habituum gratiæ, qui per spiritum Sanctum diffusi sunt in cordibus nostris,

latis recedere censendi sunt ab opinione eorû, qui hac in causâ redarguuntur erroris.

Sed dicit aliquis: D. August. epist. 107. dicit ad fidem Catholicam pertinere, quod gratia Dei ad singulos adus detur; item Can. 25. in Concilio Araus. dicitur: Hoc etiam salubriter cõfitemur, quod in omni opere bono, non nos incipiamus, & postea per Dei misericordiam adiuuamur; ergò videtur non posse sustineri, quod in 5. conclusione ponitur. Respondetur, propter ista & multa alia, nos insisteret conclusioni 4. nihilominus pro alijs posse responderi, illa sic esse dicta vel propter necessitatem diuinæ cooperationis per modum generalis concursus, quæ vt exhibetur principio supernaturali, vt sunt habitus infusi, videtur posse collocari inter specialia gratiæ auxilia, prout Tapperum innuere diximus paulò ante. Vel certè, quia hoc minus esse videtur ad mentem istorum Conciliorum dici, poterit, ea esse intelligenda de gratiâ præueniente quidem, sed de illâ, quæ proximè vel remotè antecedit, vt solum significetur nullum actum pietatis posse fieri, quem non præcesserit gratia, quâ voluntas aliquâdo fuit excitata, & per quam, aut eius effectum manet eleuata & corroborata ad bene operandum. Cui fauet id, quod in Conc. Araus. sequitur, Sed ipse nullis præcedentibus bonis, & fidem & sui amorè inspirat. Quæ explicatio accommodatio est, quâ præcedes.

87

Ex dictis intelligitur, homines etiam iustos abiq; speciali & extraordinario priuilegio, nõ posse per ordinaria gratiæ auxilia vitare lógo tempore omnia peccata venialia: quod contra Pelagiû eiusq; sectatores ex fide tenendû est, vt patet ex Conc. Mileu. Can. 7. & Trid. Sess. 6. Can. 3. Si quis hominè semel iustificatum dixerit posse in totâ vitâ peccata omnia etiam venialia vitare, nisi ex speciali Dei priuilegio; quem admodum de B. Virgine tenet Ecclesia, anathema sit: & ibid. c. 11. docet, Quantumuis sanctos & iustos in leuia saltè & quotidiana, quæ venialia dicuntur peccata, quandoq; cadere. Et probatur ex Script. 1. Ioan. 2. Si dixerimus, quia peccata non habemus, nos ipsos seducimus, & veritas in nobis non est: 3. Reg. c. 8. Non est homo, qui non peccet: ad Hæbr. c. 7. ponitur differentia inter Sacerdotes antiqui testamenti, & Christû: quod illi necesse haberent quotidie prius hostias offerre pro suis delictis: deinde pro populi; inter quos tamen fuerunt multi iusti, vt Zacharias, de quo legimus Luc. c. 1. Quod ipse & vxor eius Elizabeth essent iustiambo ante Deum incidentes in omnibus mandatis & iustificationibus Domini sine querela. Mat. 6. docet Christus Apostolus

79

O o quoti-

quotidie orare, *Dimitte debita nostra*: Ad quem locum respondebant Pelagiani dupliciter; Primò quod iusti & Sancti id orarent in persona aliorum, ut scilicet non sibi, sed alijs de tuo populo rogarent peccata dimitti.

80 Verùm Concil. Milevit. loco cit. dicit anathema illis, qui dicunt verba ista orationis Dominicæ sic esse intelligenda, & varijs Scripturis hunc sensum arguit & reprobatur, ut ex illo Iacobi cap. 3. *In multu offendimus omnes, & ex illo Psa. 14. 2. Non intres in iudicium cum seruo tuo, quia non iustificabitur in conspectu tuo omnis vivens*, & deinde addit; vnde & Daniel Sanctus & iustus, cum in oratione pluraliter diceret, *Peccavimus, iniquitatem fecimus*; quæ veraciter & humiliter confiteretur, ne putaretur (quemadmodum quidam consent) hæc non de suis, sed de populi sui potius dixisse peccatis, postea dixit: *Cum orarem & confiterer peccata mea & peccata populi mei Domino Deo nostro*: Nolo dicere (inquit Concilium) peccata nostra, sed populi sui dixit & sua, quia futuros istos, qui tam malè intelligant, tanquam Prophetæ prævidit. Secundo respondebāt, quod iusti ita ex humilitate orarent & confiterentur peccata sua, non quod reuera haberent peccata: quam explicationem similiter damnat idem Concil. Can. 8. Item placuit, ut quicumq; verba dominicæ orationis, ubi dicimus *dimitte nobis debita nostra*, ita volunt à Sanctis dici, ut humiliter, non veraciter hoc dicatur, anathema sit.

81 Idem docent SS. PP. D. Hier. epistolâ ad Thesiphontem, & tribus libris aduersus Pelagianos. S. Aug. pluribus locis, ut lib. toto De perfectione iustitiæ, De natura & gratia cap. 12. De gratia Christi cap. penult. & De bono perseverantiæ cap. 2. docet unum ex tribus, quæ Ecclesia defendit contra Pelagianos esse istud: In quantacumque iustitiâ sine qualibuscumq; peccatis in hoc corruptibili corpore hominem non vivere. Origo autem huius tantę infirmitatis est fomes peccati, vnde in homine quasi continuo suscitantur motus inordinati in diuersis animę viribus, in quibus omnibus vel præcauendis, vel sopiendis, aut reiiciendis adhibere semper & ubique debitam diligentiam, non sufficit humana fragilitas etiâ cum ordinarijs gratiæ auxilijs, iustificatis conferri solitis, idq; ob rationes tum artic. præced. tum etiam hoc circa conclus. 2. explicatas: quæ multo magis hic militat; licet interim circa quemlibet motum in particulari posset debitam diligentiam adhibere: quare quando non facit uti potest & debet, tunc pro ratione negligentię peccat.

Petet aliquis, an saltem iustus cum eiusmodi auxilijs non possit evitare omnia venialia ex genere, quæ cum plenâ deliberatione fiunt? Respondetur: Durandus in 2. dist. 28. q. 3. putat hæc omnia vitari posse: quod improbabile non est, si de excellentiori iustitiâ loquamur, qualem habuerunt Apostoli, D. Ioan. Baptista, & alij eminentes Sancti: alioquin verissimilius est, quod communiter iusti etiam nō omnia illa diu evitare possint, ut docet Soto l. 3. De nat. & gratia c. 4. & probat ex multitudine temptationum, quæ circa peccata venialia etiam talia occurrunt; quodque iusti aliquando etiam sint remissiores in talibus præcauendis, nec tam de illis vitandis continuam gerant sollicitudinē. Dixi in conclusione non posse absq; speciali & extraordinario privilegio Dei, omnia vitari ab homine iusto, quia ex tali privilegio Beatam Virginem nunquā peccasse venialiter tenet Ecclesia, ut patet ex verbis Concil. Trid. citatis; quale nulli alteri hominum præterea fuisse cōcessum, videtur communis sensus Ecclesię habere. Canitur quidem de Ioanne Baptista, Ne leui saltem maculare vitam fame posset: sed inde solum habetur, quod studiosè omnia peccata etiam ex materia venialia, ut verba otiosa, vitare adlaborauerit: vnde rectè possumus existimare eum deliberatè nunquam venialiter peccasse; non autem, quod non aliquando per aliquam subreptionē alicuius inordinati motus. Dicitur etiam de illo; Nesciens labem niuei pudoris: Verū ibi tantum integra & perfecta eius castitas commendatur.

Sed petes in quo consistat eiusmodi particulare privilegium?

Respondetur in perfectâ subiectione partis superioris erga Deum, & partis inferioris sub superiori, qualis fuit in statu innocentie, ita ut appetitus nunquam rationem præueniat, & ipsa ratio ita sit instructa & speciali Dei providentiâ sic directâ, ut nunquam temerè, nunquā indeliberatè de rebus iudicet, quæ omnia non vno aliquo habitu, sed pluribus simul cum particulari Dei assistentiâ & directione præstatur: prout diximus sup. quæst. 82. artic. 1. num. 17. & 18. ubi explicuimus rationem originalis iustitiæ.

## ARTICVLVS X.

*Utrum homo in gratia constitutus indigeat auxilio gratia ad perseverandum?*

Possit

24 **P**ossit hic articulus videri superfluous, quandoquidem in præced. art. disputatum sit, an homo gratiâ consecutus possit per seipsum vitare peccatû absq; auxilio gratiæ. Verum D. Tho. voluit hunc articulum adiungere & proponere subtilis terminis, Vtrum indigeat auxilio ad perseverandum, vt sic caperet occasionē explicandi diuersas acceptiones hominis perseverantæ & verbi perseverare; & sic tollendi difficultatē, quæ inde in hac materiâ posset suboriri. Notat itaque nomen perseverantæ tripliciter capi; Primò pro quodam habitu mentis, quo firmatur homo, ne de facili recedat ab eo quod virtutis est, per tristitias irruentes: sicuti per continentiam homo roboratur contra concupiscentias & carnis voluptates, ne propter has ab eo quod secundum virtutem est, abstrahatur. Secundò, inquit, pro habitu, secundum quem homo habet propositum perseverandi in bono vsq; ad finem vitæ. His præmissis sit

Conclusio Prima: Perseverantia accepta siue primo siue secundo modo simul cum gratiâ sanctificans infunditur. Ita D. Tho. hic: est enim eadem ratio istorum habituum, & aliarum virtutum, quarum habitus simul cum iustitiâ ex communi Theologorum doctrinâ infunduntur: quia quâdam veluti connaturali ratione debent illam sequi, sicuti ad essentiam animæ sequuntur potentie naturales.

Conclusio Secunda: Ad habendam perseverantiam tertio modo acceptam, nõ indiget iustus aliâ aliquâ gratiâ habituali: sed indiget diuino auxilio ipsum præueniente, dirigente ac protegente. Ita etiam D. Tho. hic, & constat ex dictis articulo præced. ad conclus. 2. 3. & 4.

35 **Q**UÆRITUR autem hic Primò: Vtrum iusti omnes habeant auxilium gratiæ, cum quo dicendi sunt in iustitiâ posse perseverare? Respondetur, omnes iustos illud habere, ita vt ipsi suâ malitiâ vel negligentia partibus suis & diuinæ gratiæ desint, quoties à iustitiâ excident. Est hæc certa doctrina, & probari potest 1. ex Scripturis: 2. Paralipomenon cap. 15. *Dominus vobiscum est, quia vos fuistis cum illo, si autem dereliqueritis eum derelinquet vos*: Psal. 36. *Dominus amat iudicium & non derelinquet sanctos suos*: huc etiam faciunt Scripturæ, vbi Christus hortatur Apostolos & iustos, vt maneat in ipso, vt maneat in vite, vt maneat in eius dilectione, simul satis significando, quod ex parte suâ non desinat apud eos manere, & spiritum vitæ suppeditare, nisi ipsi se ab eius dilectione prius separent.

Probat. Secundò clarius & efficacius ex Concilijs & S. S. P. P. Concil. Arausic.

Can. 25. Hoc etiam secundum eundem Catholicam credimus, quod accepta per baptismum gratia omnes baptisati Christo auxiliante & cooperante, quæ ad salutem pertinent, possint & debeant fideliter laborare voluerint, adimplere, Concil. Trid. Sess. 6. Can. 22. Si quis dixerit iustificatû vel sine speciali auxilio Dei in acceptâ iustitiâ perseverare posse, vel cum eo non posse, anathema sit: & ibidem cap. 11. Deus namq; semel suâ gratiâ iustificatos non deserit, nisi ab eis primo derelatur: ergo &c.

Dicit aliquis: non videri ex istis Concilijs posse aliquid conuinci: nam quod ad Arausicanum attinet, illud solum dicere, quod renati possint & debeant ea, quæ ad salutem pertinent adimplere, si fideliter allaborare voluerint, quod quidem verum est, si voluerint; sed non dicere Concilium omnes habere auxilium, quo possint velle laborare: Similiter Concil. Trident. definire iustos posse perseverare cum speciali Dei auxilio; sed non definire illud omnibus iustis esse paratum. Quod verò dicitur cap. 11. Deum semel sua gratia iustificatos nõ derelere, nisi ab eis primo derelatur, id posse sic intelligi, quod non derelat, id est, non subtrahat gratiam sanctificantem, nisi prius per mortale peccatum derelatur: nõ autem quod non derelat denegando vel subtrahendo necessarium gratiæ auxiliû, quo possint in accepta iustitiâ perseverare.

Respondetur: eiusmodi expositiones videri tantum cauillationes à mente Conciliorum alienas; nã dicere & definire quod omnes baptisati vel iusti possint ea, quæ pertinent ad salutem adimplere si velint laborare; vel quod possint perseverare cum speciali Dei auxilio; & interim non declarare vel non supponere, quod velle laborare sit in illorum potestate per gratiâ eis paratam, & similiter quod speciale illud Dei auxiliû, cum quo dicit eos posse perseverare, eis quoque præsto sit, esset nihil doctrinæ tradere: nullus enim negauit aut dubitauit, quin ad absolutam & fidelem voluntatem hominis iusti possit sequi adimpletio eius, quod ad salutem pertinet, vt nec de eo quod Deus possit dare auxiliû speciale, quo iusti valeant perseverare: sed non desuerunt, qui dixerunt Deû aliquos homines ad pœnas prædestinasse, eoque nomine ad peccata eos vrgere, & auxilia necessaria subtrahere, & denegare etiâ illis quâdo iusti sunt, scil. vt cadant. Cõtra huiusmodi itaque traduntur C. C. allegati Canones: quare ex illis rectè inferitur conclusio, quam hic statimus. Hinc & in Concil. Araus. statim subiungitur, Aliquos verò ad malum diuina potestate prædestinatos esse non solum non credimus; sed etiam si

87

sunt qui tantum malum credere velint, cum omni derelictione illis anathema dicimus. Præterea si prædicta Concilia non intenderent docere, aut saltem non supponerent in potestate eorum, qui renati sunt, esse, quod possint velle fideliter laborare, ac eis speciale auxilium esse paratum, cum quo dicunt eos posse in iustitiâ perseverare, non esset ratio, quare id potius determinaret de iustis, quam de cæteris, quia etiam de peccatoribus altero sensu recte diceretur, quod si fideliter laborare voluerint, possint adimplere ea quæ pertinent ad salutem, & quod cum speciali auxilio, quod Deus potest eis dare, possint venire ad iustitiam & in ea perseverare: quod tamen de istis non dicunt CC. quia non proinde certum est, utrum in eorum sit voluntate, posse illud fideliter adlaborare, & an eis sit præsto istud speciali Dei auxilium. Quare dicendum est, quod hoc simul doceant aut supponant: & confirmatur ex cap. 13. Concil. Trid. eadem Sess. ubi sic habet, De perseverantiâ munere nemo sibi certi aliquid absolutâ certitudine polliceatur, tametsi in Dei auxilio firmissimam spem omnes collocare debent: Deus enim nisi ipsi eius gratiæ defuerint, sicut cepit opus bonum, ita perficiet operans velle & perficere: quibus manifestè significatur divinum auxilium iustis esse paratum; & Deum qui præstitit auxilium ad incipiendum opus bonum, etiam dare ad perficiendum; quod si non perficiatur, id fieri quia ipsi desunt gratiæ, & non cooperantur divinis auxilijs. Vnde etiam patet verba allegata suprâ ex capite 11. ubi Deus dicitur non deferere iustos, nisi prius deferatur, non rectè exponi in eum sensum, quia scilicet non prius subtrahit gratiam iustificantem antequam peccent; nam hic aperte significat Concil. Quod nisi homo defuerit divini gratiæ, Deum non deesse operationi quam cepit; & proinde nõ desinere subministrare vires & motus necessarios, quibus homo possit in iustitiâ perseverare; quod etiam planè requirit contextus cap. 11. quia id allegatur ibi ad ostendendum, quod iusti iam liberati à peccato, servi autem facti Deo, sobriè, iuste, & piè viuentes possint per Christum in gratiâ proficere, quia Deus non deserit, &c.

88

Probatum idem ex D. Aug. de natura & gratiâ cap. 26. ubi sic scribit: Ipse autem Deus cum per mediatorem Dei & hominum hominē IESUM Christum spiritualiter sanat ægrum (id est, inquit, iustificat impium) non deserit si non deseratur, ut piè semper, iusteq; viatur: & in fine capitis; Sanat ergo Deus, non solum ut de-

beat quod peccavimus, sed ut præstet etiam ne peccemus; ergo vult iustificatis præstare auxilia, quibus possint in iustitiâ permanere. Similiter Prosper cap. 3. ad obsecrationes Gallicanas: Non enim relictî sunt à Deo, ut relinquere Deum; sed reliquerunt & relictî sunt, & ex bono in malum propriâ voluntate mutati sunt. Accedit & ratio, quia si Deus homini cum adhuc inimicus esset, præstitit gratiæ beneficium quo perveniret ad iustitiam, multo magis existimandus est hominibus reconciliato præstare auxilium necessarium, ut possit se in iustitiâ & divini amicitia conservare, ut in simili materia argumentatur Apost. ad Rom. cap. 5. Constitit autem auxilium hoc in tribus illis sup. circa initium præcedentis articuli explicatis: quæ tamen non semper ita habent omnes iusti in actu secundo, ut quocumq; tempore per præsentem virtutem possint resistere cuilibet tentationi, vel operari quodvis opus religionis debitum absque novo auxilio, & novâ accedente gratiâ: & ideo debent diligenter prout possunt per gratiam quam habent, non deerit illis Dominus in necessarijs in die malo, iuxta illud Christi Ioannis 15. *Si in me manseritis, & verba mea in vobis manserint, quodcumque volueritis petiti & fiet vobis.*

Quare in hoc potest constitui discrimen aliquod quoad modum, quo Adâ in statu innocentie habuit auxilium, quo perseverare posset in gratia si vellet, & modum quo nunc generaliter omnes iusti dicuntur habere eiuſmodi auxilium; pura quod ipse habuerit illud auxilium veluti in actu secundo propter plenissimam instructionē omnium viriū quoad virtutes, & ordinatissimam subiectionem omnium inferiorū sub superioribus: vnde illi longè facilius fuit operari quodvis opus bonum, quam nunc homini lapsō; neque tentationibus & cupiditatibus subiectus erat, sicuti etiam modo iusti subijciuntur, ex quibus fit, quod indigeat cōtinuò quasi novo auxilio. Hinc potest statui & aliud discrimen, quod scilicet adiutorium illud in statu innocentie fuerit multo lætius, ut aliquādo loquitur Aug. utpote quod liberabat à concupiscentijs & luctu carnis, & spiritus, & alijs difficultatibus, à quibus non liberantur modo iustificati per auxilium, cum quo possunt, si fideliter adlaborare voluerint, in iustitiâ permanere.

QUÆRITUR Secundò: An igitur omnes iusti dici possint habere donā perseverantiæ, cum habeant auxilium quo perseverare possunt in iustitiâ?

Respondetur absolutè & simpliciter negativè



gatiuè patet ſatis ex verbis Concilij Trid. ex cap. 13. allegatis, quibus docet quod nemo ( ſub quo etiam iuſtificatos comprehendit, nam de illis agit ) quicquam certi abſolutè certitudine ſibi poſſit polliceri de perfeuerantiæ munere, non obſtante quod ibidem & cap. 11. doceat Deum non deſerere ſemel iuſtificatos, niſi prius ipſi eum deſerant, imò quod licet cœpit opus bonum, ita perficiet operans velle & perficere, niſi ipſi gratiæ eius deſuerint. Similiter Can. 16. ſic deſinit: Si quis magnum illud vſque in finem perfeuerantiæ donum, ſe certo habiturum abſolutè & infallibiliter certitudine dixerit, niſi hoc ſpeciali reuelatione didicerit, anathema ſit; ergo licet iuſtis deſuturum non ſit auxilium diuinum modo antè explicato, quo in iuſtitia acceptà perfeuerare poſſint, tamen nō debent nec poſſunt idcirco omnes dici habere munus ſeu donum perfeuerantiæ. Confirmatur, quia D. Aug. auxilia gratiæ collata Adamo in ſtatu innocentia, cum quibus docet eum potuiſſe ſtare & perfeuerare, & ſine quibus non potuiſſet, nunquam vocat donum perfeuerantiæ, ſed duntaxat adiutorium perfeuerantiæ, cum quo videlicet perfeuerare poterat, non autem quod faceret, vt perfeueraret. Imò neque auxilia gratiæ, quibus Angeli boni qui ſteterunt, ſunt adiuti, appellat munus perfeuerantiæ, ſed dicit eos ſuo ſteſſiſſe arbitrio; ergo auxilia gratiæ, quæ tantum dant poſſe perfeuerare, non debent dici donum vel munus perfeuerantiæ abſolutè dictum.

91 **QVÆRITUR** itaque Tertiò: Quid igitur donum perfeuerantiæ amplius includat aut importet, quam cuiusmodi auxilium gratiæ, quo homo poſſit in acceptà iuſtitia perſiſtere?

Reſpondetur cum D. Auguſtino de correptione & gratiâ cap. 12. hoc ſuperaddere, quod ſit adiutorium gratiæ, quo homo adiutus non ſolum poſſit ſuo arbitrio perfeuerare ſi velit, ſed ſit tale vt per illud perfeuerantiâ ipſa donetur, non ſolum vt ſine iſto dono perfeuerans eſſe non poſſit, verum etiâ vt per hoc donum nonniſi perfeuerans ſit: quia vtrâ quod det poſſe, inſuper dat perfeuerare de facto. Quare optimè ſic deſcribi poteſt, quod donum perfeuerantiæ ſint Dei beneficia, quibus certiffimè liberantur quicunque liberantur; nam hoc tantum intereſt inter prædeſtinationem & donum perfeuerantiæ, quod prædeſtinatio ſit gratiæ præparatio, perfeuerantiæ autem munus ſit illius gratiæ donatio ſive ipſa gratia, vt docet idem Auguſt. de prædeſtin. S. S. cap. 10. Et quidem Theologi omnes in hoc loquendi mo-

do ſatis conueniunt, quod auxilium gratiæ qualecunque non habeat rationem doni perfeuerantiæ proprie ſaltem & ſpecialiter dicti, niſi quod infallibiliter effectum finalis perfeuerantiæ ſortitur.

Sed grauis, & quæ primaria eſt in hac materia, occurrit hic difficultas; Vtrum infallibilis conſequutio illius effectus, quæ adſcribitur dono perfeuerantiæ habeat tantummodo fundamentum certum & firmum ex diuinâ præſcientiâ ſive intuitiua viſione effectus ſequuturi ex conuictione talium cauſarum, puta iſtorum auxiliorum gratiæ cum voluntate talis hominis, qui tali loco, tali tempore viduus & moriturus præſidetur: ſic vt ab illa præuiſione pendeat totaliter infallibilitas, quæ ſubeſt ex parte illius doni, neque ante abſolutam præuiſionem totius decurſus vitæ & mortis ſit assignare aliquam cauſam quæ hic in cōſiderationem venire debeat, vnde habeatur certitudo & infallibilitas effectus perfeuerantiæ ex tali dono: an verò aliqua anterior cauſa illius infallibilitatis certa & determinata ſit assignanda?

93 Quidam Scholaſtici reſolunt vltimatè omnem certitudinem & infallibilitatem doni perfeuerantiæ quoad ſuos effectus in præuiſionem intuitiuam liberæ & ſuo modo ſortitæ cooperationis humanæ voluntatis vſque ad finem cum auxilio gratiæ ſibi, ſicut & alijs non perfeuerantibus ſine diſcretionem ex parte Dei oblati: quia neque ex ipſo auxilio, neque ex aliquâ diuina præordinatione, aut abſolutâ aliquâ eius voluntate admittunt habere antecederent aliquam ſui effectus determinationem aut infallibilitatem. Ita Ambroſius Catharinus opuscul. de Prædeſtinatione Dei lib. 1. cap. vlt. & lib. 3. cap. 1. & 2. videtur ſentire de perfeuerantiâ illorum, quos docet ſaluari abſque prædeſtinatione; quod vult penè ſaluari omnes qui ſaluantur; quia ſcilicet tenet, quod plerique nū fuerint abſolutâ Dei voluntate præordinati ad vitam æternam ante præuiſum eorum exitū: quos ideo non vult dici prædeſtinatos, quin poſtdeſtinatos, hoc enim terminis magis dicit cōſonum in ſua Summariâ explicatione opinio. De prædeſt. ad Synod. Trid. quia ſcil. tunc demum abſolutâ Dei voluntate deſtinantur ad gloriam, poſtquā vidit, quod cōmunibus gratiæ auxilijs quæ omnibus promiſcuè offeruntur, cooperando, ſint ſuo arbitrio finaliter perfeueraturi: ſicuti de angelis loquutus eſt D. Aug. atq; ita in omnibus iſtis nulla habetur cauſa infallibilitatis perfeuerantiæ niſi ex præuiſo euentu. Quod tamē ad excellentiores Sanctos attinet, vt hos admiſit ante omnem præuiſionē operum ex ſola Dei voluntate.

O o iij prædeſti-

prædestinatos ad tantam gloriam, ita etiã admittit eis à Deo præparata efficacia gratiæ auxilia, quibus infallibiliter eam erant promerituri: vnde in his antecedenter aliunde præsupponitur infallibilitas, quàm ex intuitiva cognitione euentus. Catharini sententiã hanc præceptoris sui vt ait, refert Sixtus Senensis lib. 6. Bibliothecæ Sanctæ n. 248. quam scribit se olim adeo veram credidisse, & adeo aptam existimasse ad euellendas duras quasdam, & atrociore vt loquitur (de prædestinatione opiniones) vt eam ab anno ætatis suæ vigesimo vsque ad trigessimum in multis ac præcipuis Italicæ Vrbus pro concione explicauerit: Sed cum postea animaduertissem (inquit) huiusmodi assertionem difficultatibus, & angustijs non paucis premi, & obid à plerisque doctis ac pijs Theologis non probari, satius duxi ab eius prædicatione desistere, quam pio eruditorum iudicio improbatam docere. Cum Catharino videtur in re cõuenire satis Philippus Gamachæus Doctor Parisiensis nuper æditus, 1. parte quæst. 23. cap. 4. in eo tamen discrepans quodadmodum loquendi, quod ponat duplicem prædestinationem, vnã specialem & extraordinariam, quã docet prædestinatos B. Virginem, Ioannem Bãptistam, Apostolos, & alios nonnullos, & hanc dicit non esse ex præiis meritis: alteram communem & ordinariam, quæ est eorum, qui iuxta Catharinum dicuntur saluari sine prædestinatione: quare Gamachæus etiam his nullum tribuit donum infallibile, nisi ex præuiso euentu: secus in alijs, qui specialiter & extraordinarie sunt prædestinati, vt patet ex sequenti eius doctrinã.

94 Recentiores verò quidam alij Scriptores non tantum ita cum Gamachæo docent de prædestinatione & perseverantiã quasi promiscui vulgi iustorum qui salui fiunt; sed generaliter etiam ita sentiunt de prædestinatione & perseverantiã Excellentiss. Sanctorum, vti Patriarcharum, Prophetarum, S. Ioannis Baptiste, Apostolorum: adeo vt vnus ex illis in quãdam ædita sua Disputatione de prædestinatione & reprobatione etiam perseverantiam Beatissimæ Virginis Dei matris non videatur existimare fuisse à Deo antecedenter præordinatam & prædefinitam, sed relicta quoque mutabili quasi, & incerto arbitrio cum auxilijs gratiæ, quibus erat præueniendã & donandã. Ad huiusmodi enim obiectionem, quam sibi mouet: Certum est Deum elegisse aliquos, vt B. Virginem, S. Ioan. Baptistam, Apostolos & alios eximios Sanctos ante omnem præuisionem futurorum, ergo &c. respondet in his terminis; ad nullo modo esse certum, & paulò infra

addit, Et vt omittamus B. Virginem, cuius priuilegia omnem modum superant, & ad nullum alium sunt extendenda, nulla ratio vrget, cur de cæteris concedamus; sufficiebat enim illis eximia quædam gratiæ & singularis prouidentie cura, cum quã etsi difficultè, absolūtè tamen potuissent damnari: quod intelligit non solum, quantum erat ex parte intrinsecarũ dispositionum liberi arbitrij ipsorum, ipsiusque; entitatis auxilij: sed etiam quantum erat ex parte cuiuscumque; causæ extrinsecæ etiã diuinæ præordinationis aut voluntatis antecedentis præuisionẽ exitus ipsorum, sic vt nulla ex parte esset repugnantia: prout facit idem author explicat. Item de eadẽ materia ita scribit: Quod verò additur Deum ex parte suã equaliter se habiturũ ad saluandos, & non saluandos, respondendum est cum distinctione: si enim loquamur de affectu, quem Deus habet ante omnem operum præuisionem, sic concedo illum se habere ad vtrosque equaliter, quia vtrosque sincerè cupit saluos fieri, vtrique auxilium verè sufficiens largiri, & neutris vult voluntate absolūtã salutem: pari modo (addit) gratia si consideretur præcisè vt præueniens, habet se in illis eodem modo; & infra: vnde sicut in tempore fiunt (videlicet) bona opera eorum qui perseuerant) cū plenã dependentiã à libertate arbitrij, ita vt facillimè omitti possint omnibus causis antecedentibus spectatis, ita ab æterno sunt prædestinata sic fieri; ac proinde (inquit) ante præuisionem determinationis liberi arbitrij non sunt prædestinata vt absolūtè fiant: vbi notanda est illato illa per particulam, Ac proinde, quæ maximè explicat mentem & sensum authoris.

Verũ dum sic in præscientiã duntaxat cõuētus fundatur infallibilitas doni perseverantię quoad effectum suum, inde primum hoc videtur sequi incommodũ, quod omnino à parte rei tollatur ab illo omnis specialis ratio doni aut muneris perseverantię, quatenus ex Deo est; quia quantum ex parte illius quod Deus præstat, non egreditur generalem & communem rationem auxilij sufficientis, quo quilibet verè potest perseverare si velit, prout & Deus dici potest desiderare vt quilibet perseueret: quia iuxta illorum D. D. sententiam, auxilia quæ perseverantibus dantur, neque ex suã natura & ratione sunt determinata ad certũ & infallibiliter perseverantiam producendam siue operandam; neque etiam ex aliquã particulari præordinatione & antecedente Dei voluntate absolūtã, ad quam exequendam ipse speciali modo prouidentie, illa talibus personis congrua ex proposito adapter, consequuntur inq.

tur infallibiliter effectum suum; sed committuntur illa auxilia, eorumque operationes & effectus dubiæ in se & incertæ cooperationi arbitrij humani, ita ut antecedenter ante operationem voluntatis humanæ Deus habeat se tam ex parte auxilij quod dat, quam ex parte affectus sui & omnis providentiæ suæ, eodem modo erga illos qui non operantur aut à salute excidunt, quæadmodum erga eos, qui operantur & perseverant; ergo quod auxilia his donata operetur efficaciter & consequuntur effectum finalem præ alijs non procedit ex speciali aliquâ ratione, quæ ex parte Dei possit assignari; ac consequenter in his auxilijs, cum quibus isti perseverant, non erit assignare rationem particularis muneris ex parte Dei collati aut præstiti præter rationem istam communem auxilij sufficientis, quod gratis offertur omnibus ut ipsi quoque docet, atque ita tollitur particularis ratio doni perseverantiæ ab eiusmodi auxilijs; utpote, quæ atretis omnibus, quæ ex Dei parte sunt, & antecedenter ad prævisionem effectus se habent, relinquunt ipsam perseverare rerum eventui, à quo præscientia & præiudicium pendet, & proinde quasi fortuitæ hominis cooperationi.

96 Dico quasi fortuitæ, quia certum est nihil respectu Dei simpliciter & absolute fortuitum esse, ne peccata quidem, unde neque ista cooperatio. cum gratiâ est fortuita, quia Deus priusquam ponitur intuituâ cognitione prævidisse istam cooperationem, iam conditionatè cognovit, quod si tale auxilium gratiæ isti homini cum his circumstantijs conferretur, illud habiturum effectum: Dico tamen quod conferendo auxilia gratiæ iuxta modum quo auctores illi volunt ea conferri, Deus committat eorum operationem & effectum quasi fortuito eventui, quia scilicet ista præscientia conditionata de effectu sequuturo habet se secundum illos omnino impertinenter ad collationem talium auxiliorum in ordine ad hunc hominem, quia etiam si conditionatè præciuisset illa fore in isto homine otiosa, & sine effectu, atque adeo illum cum istis fore damnandum, nihilominus tamen illa eadem eodem modo nec alia aut aliter ei contulisset: quia neque volunt istius hominis salutem, neque etiam iustitiam in particulari fuisse efficaciter volitam à Deo antecedenter ante prævisionem cooperationis: sed ex quibusdam generalibus & communibus principijs ac rationibus diuinæ providentiæ duntaxat fieri, quod hi accipiant ista auxilia & alij alia.

97 Alterum incommodum quod ex istâ opinionem sequi apparet, est quod sic nulla vi-

deatur relinquere prædestinatio ex parte Dei & electio aliorum præ alijs, non tantum non immediata ad gloriam, quam proficitur se velle tollere, sed nec etiam ad iustificationem, imo neque ad gratiam qualemcumque. Catharinus quidam admittit eos absque prædestinatione saluari, qui non sunt absolutâ voluntate efficaciter ad iustitiam finalem, & vitam æternam ante operum prævisionem à Deo præordinati, & tamen salutem consequuntur. Verum quia in hoc reprehenditur & male apud omnes audit, hinc alij nomen prædestinationis retinent, non quidem immediatè ad gloriam, sed ad gratiam. Declaratur autem nullam posse retineri aut saluari veram prædestinationem aut electionem horum præ illis, ne ad gratiam quidem insitendo illorum doctrinæ: quia vel prædestinatio illa siue electio terminabitur proximè ad gratiam sanctificantem, vel tantummodo ad gratiam præuenientem: non prius, quia quemadmodum ipsi negant Deum absolutâ voluntate hos qui saluantur, præordinasse ad finalem perseverantiam & salutem, quam infallibilibus auxilijs voluerit eis procurare, ante prævisionem operum; sic quoque negant Deum ordinasse illos voluntate absolutâ ad iustificationis terminum siue ad gratiam sanctificantem ante prævisionem cooperationis ipsorum cum gratiâ præueniente usque; ad dispositionem requisitam ad gratiæ infusionem. Ita enim ille scribit; Si verò accipiamus eam (scilicet iustificationis gratiam) præcisè pro termino illius integræ mutationis (quæ à primâ gratiâ præueniente scilicet cæpit) nimirum, inquit, pro infusione gratiæ, sic negamus iustificationem esse decretam absolute ante prævisionem aliquorum nostrorum operum fidei, spei, penitentiae, &c. quia Deus non statuit hoc donum absolute infundere, & nos in filios recipere, nisi prævio nostro consensu; quem, inquit, non absolute prædefiniuit ante prævisam determinationem nostræ voluntatis; ergo nulla relinquatur prædestinatio aut electio absoluta horum præ illis ad gratiam sanctificantem.

68 Sed neque hic potest defendi aliqua prædestinatio aut electio horum præ alijs ad gratiam præuenientem & excitantem; nam licet doceant Deum gratuitâ & absolutâ voluntate ab æterno ante operum prævisionem, illis gratias eiusmodi preparasse tamquam necessarias ad incipiendum salubriter operari (in quo à Pelagio discrepant quamvis fortassis non sic à Massiliensibus ut infra videbimus) tamen hoc ipso, quo volunt illam gratuitam Dei voluntatem æqualiter se habere ad illos qui saluantur,

O o iiii & ad

& ad eos qui non saluantur, easque præuenientes gratias sine discrimine & pari affectu dari & offerri vtrique, manifestum euadit, quod talis gratiarum præparatio non possit dici prædestinatio vel electio aliquorum præ alijs ad gratiam: ad ea enim quæ quis quantum ex parte sua est, facit pluribus equaliter communia, non potest dici ex istis specialiter hos præ illis ad illa prædestinare aut eligere. Neque refert quod admittant quidem Deum aliquibus conferre maiora & plura auxilia quam alijs, quia etiam hæc maiora non faciunt ipsi propria saluandis; sed iterum volunt communia vtrisque sic vt multi ex illis, qui plura & maiora beneficia acceperint ex parte Dei, non saluentur, & e contra, qui minora aut pauciora acceperunt, ad salutem perueniant; ergo etiam inde non possunt statuere, horum qui saluantur præ alijs prædestinationem aut electionem ad gratiam.

99 Quare rectius & verius ex communi sententia; Respondetur infallibilitatem muneris perseverantiæ non dependere dumtaxat ex præuisione effectus sequenturi in tempore, sed habere fundamentum firmum & certum in Deo antecedens ipsam præuisionem operum; Illud autem est bona & efficax Dei voluntas, quæ absolute ex se decreuit hos omnes, qui saluantur, liberare ex damnationis massa, eoque nomine eos ad iustitiam adducere, & facere eos finaliter perseverare: nam de gratia auxilijs, quæ ex virtute eiusmodi diuini propositi & voluntatis absolute præparantur & conferuntur, certo certius est etiam ante intuitum euentus, quod suum consequentur effectum & finem. Nam quæcumque Deus voluit fecit, nec est, qui resistat eius voluntati. Ita in primis sentiunt omnes, quicumque agnoscunt immediatam electionem ad gloriam: quia absoluta Dei voluntas alicuius finis ad se sit secum media infallibilia ad illum consequendum etiam ante intuitum visionem operationis istorum mediorum. Præterea & alij nonnulli huc inclinant vt agnoscant infallibilitatem doni perseverantiæ provenire ex ipsi gratiæ auxilijs, & Dei voluntate ante præuisionem cooperationis voluntatis, licet immediatam electionem ad gloriam non admittant: à Valentia 1. parte qu. 23. docet prædestinationem ordinariæ per aliquam peculiarem & vberiore gratiam, quam ea sit quæ posset sufficere, saluos fieri: adducens, sæpius hoc D. Paulum significare: Vasquez magis absolute & magis vniuersaliter loquitur 1. parte dist. 98. cap. 6. vbi sic scribit: Primò existimo vocationem intellectus & primum voluntatis mo-

tum indeliberatum, in quibus gratia operans, excitans & præueniens consistit, habere aliquid in eo, qui respondet, ratione cuius in se licet sit remissior, dicatur peculiaris & maior gratia, maius donum, beneficium, maior misericordia. Secundò posita tali vocatione ita semper voluntatem consentire, vt possit liberè repugnare. Tertiò, inquit, gratiam illam peculiarem quodammodo necessariam esse, vt respondeamus; & tum circa medium capitis infert; Sequitur ergo secundum sententiam Augusti, optimè distinguere prædestinatum à reprobo, non solum ipso consensu & cooperatione (quod alij quidam volunt vt ex citatis ipsorum verbis supra patet) sed etiam donatione gratiæ excitantis, præuenientis & operantis: inde enim incipit peculiaris gratia, cura, & misericordia Dei erga ipsos; vnde ratione illius dici potest illud 1. ad Cor. cap. 4. *Quis est qui te discernit*, ac si dicat, inquit, non tu te discernis, sed Deus solus, qui tibi potius quam alteri congruam vocationem præparauit.

Idem docuit clarè Ruardus nosser, què immerito & sine fundamento alij pro suis partibus trahere conantur, vt potè qui & ipsam immediatam electionem ad gloriā, Et ad certum gloriæ gradum agnouit & asseruit; sic enim scribit artic. 7. folio 314. & quia non solum (inquit) ad gloriam æternam eligit nos Deus, sed ad certum etiam gloriæ gradum & certam in cælis mansionem, ad hunc quasi scopum totam vitam nostram, omniaque opera & incrementa eadem sua gratiā disponit ac gubernat; non dicit, quia Deus præuidit opera nostra & incrementa ipsius gratiæ & auxilio ad certam quantitatem & mensurā iuxta arbitrij nostri cooperationem præstita, ideo elegit nos ad gloriam & ad certum gradum gloriæ, vt alij volunt: sed quia elegit nos ad gloriam (inquit) ideo ipse disposuit opera nostra &c. & paulo post: In his enim quæ ad pietatem pertinent non sumus sufficientes sine Dei gratiā aliquid cogitare aut velle, non solum sine gratia, quæ est operis principium; sed nec voluntatis ad hæc opera determinatio sit sine peculiari ex Dei proposito dispositione. fol. 312. potest quidem humana voluntas diuino resistere instinctui, sed non potest impedire intentionem prædestinantis Dei, quia corda hominum in manu Dei sunt, quocumque voluerit inclinabit ea; folio 327. Electos continet & seruat ne deserant, ne quis eos de manu suā rapiat; alius abite fuit, folio 330. principalis igitur discretionis causa est æterna Dei electio & voluntas, causa verò subordinata, est hominis voluntas Deo subseruiens & ministras; denique

denique folio 331. quod enim prædicato Evangelio vnus credat, alijs non, causa proxima est, quia vnus vult credere, & alius non; quare autem vnus velit credere & pœnitere, causa est quod ei sic inius suaderetur, quomodo secundum suas affectiones aptus est, vt sequatur; cuius, inquit, causa est æterna electio. Similia multa habet eodem articulo.

Tenuit idem Driedo: Sic enim lib. De cœcordiâ liberi arbitrij & prædest. fol. 57. verso, ad objectionem motam ex Aug. contra liberum arbitrium, respondet: Et per hoc patet solutio ad art. 2. in argu. cit. quo dicitur, nunc subueniunt est infirmitati humanæ voluntatis hominis prædestinati, vt insuperabiliter & indeclinabiliter agatur à diuinâ gratia, nam hoc dicitur, inquit, nō quod humana voluntas hominis prædestinati sit in bono confirmata & immutabilis, seu indeclinabilis ad vitia; sed quod voluntas Dei intendens suâ gratiâ sic iuuare electos vt eant & fructum afferant qui maneat, sit efficax, certa, & immutabilis, & ab humanâ voluntate nō impedibilis aut superabilis. Lib. de captiu. & redempt. generis humani folio 45. verso: Operatur quidem diuina prædestinatio in omnibus prædestinatis bene viuere & rectè operari: eandem doctrinam pluribus alijs locis & libris inculcat.

Et probatur ex Scripturis: Primò ex omnibus illis vnde probari solet immediata electio ad gloriam, quia ad talem electionem necessariò sequitur in Deo absoluta voluntas dandi media efficacia & infallibilia ante præuisionem effectuum in tempore futurorū. Deinde ex his sequentibus, quæ proximè ad nostrum faciunt propositum: Ezech. cap. 36. *Faciā, vt in præceptu meo ambuletis*; Psal. 89. vbi Dauid misericordiam Dei erga electos decantat: *Quoniam dixisti in æternum: ædificabitur misericordia in cælis: disposui testamentum electū meū, si autem dereliquerint filij eius legem meam & mandata mea non custodierint, &c. Visitatione in virg. iniquitates eorum: misericordiam autem meam non dispergam ab eo*: Psal. 79. *Fiat manus tua super virum dextera tua, & super filium hominis, quem confirmasti tibi & non discedimus à te*: Ierem. 32. *Timorem meum dabo in corde eorum vt à me non recedant*: ad quæ verba D. Aug. de bono perseverantiæ c. 2. sic scribit: *Quod quid est aliud, quam talis & tantus erit timor, quem dabo in corde eorum, vt mihi perseveranter adhæreant*? Ezech. cap. 11. *Spiritus novum tribuam in visceribus eorum, & asseram cor lapideum de carne eorum, & dabo eis cor carneum, vt in præceptis meis ambulent, & iudicia mea custodiant, faciantque ea: quæ eadem sic exprimit fortius Propheta*

cap. 36. ante citato, *Faciā vt in præceptu meo ambuletis & iustitias meas custodiat & operemini*. Ad quæ verba D. August. de Prædest. SS. cap. 11. Locum Scripturæ attendite fratres charissimi (inquit) & videbitis Deum promittere illa facturum se, quæ iubet vt fiant. Matth. 24. *Dabunt signa magna & prodigia, ita vt in errorem inducantur, si fieri potest, etiam electi*. Ad Rom. 11. *Reliqui mihi septem millia viroorum, qui non circumstant genua ante Baal*.

Vbi cum Aug. de bono persever. c. 18. Notandum est, quod non dicatur: relicta sunt, vel se mihi reliquerunt; sed ego reliqui mihi. Ad Rom. c. 8. *Qui ergo separabit nos à charitate Christi? tribulatio? angustia? &c. & infra: Certus sum, quia neque mors, neque vita, neque Angeli, neque principatus &c. Poterunt nos separare à charitate, quæ est in Christo* I e s v. Quæ omnia aperte significant, Deum electis suis non tantum dare posse, vt valeant ambulare in præceptis eius, valeat ea custodire, vt valeat ab errore caueri, vt possint in charitate Christi perseverare; sed speciali modo & efficaciter Deū operari sic in cordibus eorū, vt infallibiliter & de facto sic operentur & nō deficiāt. Hoc significari istis Scripturis aduertit satis Ambros. Catharinus: & propterea interpretatur eas tanquā dictas de solis istis saluandis. quos ipse ex prædestinatione docet futuros saluos, vt refert Sixtus Senensis loco cit. quibus admittit preparatam securā & infallibilia auxilia ante præuisam ipsorū perseverantiā: sed illa eius limitatio & expositio vti est singularis & noua (quæ admodum & eius dogma de prædestinatione, quod ipse primus omnium inuenit, vt arbitratr Sixtus eod. loco.) Ita est temeraria, quam idcirco alij non sequuntur: sed alijs modis conantur respondere, vt x. p. D. Thom. qu. 23. aliquando retulimus & reiecimus.

Probatrur Secundò: Quia hæc est clara doctrina D. Aug. præsertim contra reliquias Pelagianorum: De prædest. SS. cap. 6. Multi audiunt verbum veritatis, sed alij credunt, alij contradicunt; volunt ergo isti, nolunt autem illi, quis hoc ignorat? sed cum alijs prepararetur voluntas, alijs non preparatur, discernendum quid veniat de misericordiâ, quid de iudicio. Similia habet epistola 105. quibus locis aperte significat hanc quæstionem, quare audito verbo veritatis vnus credat, & alter non, quamvis proxima eius & obuia ratio possit reddi, quia vnus vult credere, & alter non, tamen vterius resoluendū esse in diuinam voluntatem, quā secundum propositum suum misericorditer vult vnū sic vocare, sic adiuuare, & mitis modis,

modis, ut alibi August. loquitur, intus in corde eius sic operari, quomodo sciebat futurum quod infallibiliter crederet: alteri verò non voluerit eandem misericordiam iusto iudicio impendere. Vnde infra addit: misericordia igitur & iudicium in ipsis voluntatibus (id est, in voluntatum præparatione & non præparatione) facta sunt; electio quippe ista gratiæ est, non vti que meritorum; lib. 1. ad Simplic. qu. 2. tractans locum ad Rom. cap. 9. *Non est volentis neque currentis, &c.* sic de ijs qui vocati sunt, sed non electi loquitur: Si etiam ipsorum vellet misereri, posset ita vocare, quomodo esset illis aptum ut & mouerentur & intelligerent & sequerentur; ac paulo infra: Cuius autem sequeretur sic eum vocat, quomodo scit ei congruere, ut vocantem non respuat. De prædest. SS. c. 8. Nam si & illos, quibus stultitia est verbum crucis, ut ad Christum venirent, docere voluisset, proculdubio venirent. Deinde sibi obijcit: quare, inquit, non omnes docet? Respondet ipse: Si dixerimus, quia nolunt discere quos non docet, responderetur nobis. Et ubi est quod dicitur ei: *Domine tu conuersus uiuificabis nos*; aut si non facit volentes ex nolentibus Deus, quid orat Ecclesia secundum præceptum Domini pro persequutoribus suis. De corrept. & gratiâ cap. 8. tractans illa verba Christi, *Regni pro te Petre, ut non deficiat fides tua*, sic scribit, An audebis dicere etiam rogante Christo, ne deficeret fides Petri, defecuram fuisse, si Petrus eam deficeret voluisset, hoc est, inquit, si eam vsque in finem perseuerare noluisse; quasi aliud vltimo modo Petrus veller, quam pro illo Christo rogasset ut veller: sed quia præparatur voluntas à Domino, ideo pro illo non posset esse inanis oratio &c. ubi clarè significat Deum ex absolutâ intentione operis, v. g. perseuerantiæ Petri, præparare voluntatem tali modo, ut infallibiliter opus ipsum sequatur. Hæc eadem applicat omnibus electis cap. 12. quæ hic de perseuerantiâ Petri: item cap. 14. sic enim velle & nolle in volentis vel nolentis est potestate, ut diuinam voluntatem non impediatur, vel superet potestatem.

Denique in omnibus libris, in quibus D. August. de prædestinatione vel gratiâ contra Pelagium & Semipelag. disputat, passim occurrunt hæc & similes loquutiones: Deus electos sic vocat sicut aptum nouit, ut vocantem non respuant, sicuti congruit eorū affectibus: item quod gratia secundum propositum talis sit, ut à nullo duro corde respuatur, quod subuentum sit humanæ infirmitati, ut à diuina gratia indeclinabiliter & insuperabiliter a-

geretur, quod Sanctis in regnum Dei per gratiam Dei prædestinatis detur tale adiutorium, ut eis perseuerantia ipsa donec; quod talis gratia detur, quæ conuertatur, quæ perseuerent; item ponit discrimen inter adiutorium Adæ in statu innocentie, & inter gratiam prædestinatorum in regnum Dei, quod perseuerare cū illo adiutorio, in ipsis relictum esset arbitrio; iam autem gratia Dei det ipsum perseuerare; rursum quod ante lapsum non erat facienda illa electio, quia bona opera & perseuerantia relinquenda erant libero arbitrio (auxilijs tamen gratiæ instructo ut vbiq; satis significat) ut ex præstaret vel non præstaret; sed post lapsum non fuerint libero arbitrio relinquenda; sed Deus ipse secundum propositum suum debuit illa efficaciter & insuperabiliter curare sua gratia; nam si in tanta infirmitate vitæ huius (inquit Aug. cap. 12. De corrept. & gratia) in qua tamen infirmitate propter elationem reprimendam perfici virtutem oportebat, ipsis relinqueretur voluntas sua, ut in adiutorio Dei sine quo perseuerare non possent, manerent si vellent, nec Deus in ijs operaretur ut vellent, inter tot & tantas tentationes, infirmitate sua voluntas ipsa succumberet, & ideo perseuerare non possent, quia deficientes infirmitate nec vellent, aut non ita vellent infirmitate voluntatis, ut possent. Ita Aug. ibid.

Quibus omnibus manifestè constat ex sententiâ D. Aug. Deum secundum propositum suum & consilium voluntatis sue præparare voluntates eorum, qui saluantur, easdemque in omnibus iuuare & corroborare, non tantum ut possint iustificari, & in iustitiâ perseuerare, ipsum verò effectum committere rerum euentui, & hominis arbitrio, quod sæpius negat Augustinus: sed studiosè sic præparare, accendere & confortare, ut infallibiliter ad iustitiam perueniant, & finaliter in eâ perseuerent, effectumque illius sui propositi certitudinem & infallibilitatem non haberi tantum ex scientiâ visionis operum indeq; sequutorū: sed præcedere, atq; adeo propositum illud Dei causare infallibiliter iustitiæ opera, & perseuerantiam, quatenus ex vi illius, Deus gratiæ suæ auxilijs ita illos præuenit, iuuat, protegit & dirigit in omnibus, ut de facto & certissimè velint, & faciant & perseuerent. Constat id imprimis, quia verba August. tam clarè vbiq; hoc significant, ut non sinant lectionem nisi contrariio affectu nimis peruentū, aliud de eius mente concipere aut suspicari. Deinde quia alioquin discrimen inter adiutorium Angelorum & primi hominis in statu

in statu innocentia ex vnâ parte, & inter adiutorium hominis lapsi ex alterâ ab eo positum & sæpius repetitum; quod scilicet istud daret posse perseverare, relinqueret autem ipsum perseverare libero ipsorum arbitrio si vellêt: adiutorium autem hominis lapsi det sanctis per gratiam in Regnum Dei prædestinatis etiam ipsum perseverare, ita vt nonnisi perseverantes sint, omnino concederet, nisi admittatur Deus secundum absolutum propositum voluntatis suæ in ijs qui saluantur, operari miris & infallibilibus modis iustificationem, & in iustitiâ finalem perseverantiam.

107

Si enim omnibus ex parte Dei positis & cõsideratis tam quæ ad hominẽ extrinsecè; scilicet quantum spectat ad diuinum propositum & præordinationem; quàm quæ intrinsecè, scilicet quoad internas dispositiones, vt intellectus collustrationes & voluntatis piæ affectiones, antecedenter se ad illum habent ante præuiam eum gratiâ cooperationem, nihil sit vnde infallibiliter perseverantia finalis dependeat & sequatur: quare adiutorium gratiæ hominis lapsi dicitur magis dare ipsũ perseverare, quã adiutorium angelorũ præsertim eorũ, qui steterunt, quos tamen suâ voluntate steterisse idem docet Augustinus: quare dicitur prædestinatis in regnum non relinqui modum suam voluntatem, vt in adiutorio perseverent si velint, perinde ac relicta fuit sua voluntas homini in statu innocentia, & ipsis angelis vt in illo perseverarent si vellet: quare dicitur per illud, electos & eos quos secundum propositum vocat ita vocare, vt non solum possint venire, sed vt etiam certissimè veniant: certè nullum habebunt hæc omnia fundamentum. Neq; satisfacit si quis dicat in statu innocentia primum hominem per naturæ integritatem & sola habitualia dona gratiæ potuisse perseverare, homini autem lapsi ista non sufficere; sed propter infirmitates & tentationes, quibus est circumdatus & subiectus addi plura & potentiora auxilia, puta sanctas inspirationes, crebras excitationes, actuales corroboraciones & similia; quasi aliud nihil voluisset August. dum discrimen prædictum poneret: nam his omnibus positis eo sensu quo alij volunt & explicant, nulla adhuc est infallibilis certitudo de effectu sequuturo, neque ex intrinsecis dispositionibus, quibus voluntas præparatur & iuuatur, neque ex absolutâ Dei voluntate & proposito, vtpote quod nullum agnoscent absolutum, sed relinquitur incerta voluntatis humanæ cooperationi, quantum ex parte Dei est, sicuti & in primo homine & in angelis, quod neutiquam admittit D. August.

Denique si ita August. senserit quod a prædestinatorum in regnum Dei penderet arbitrio ad iustitiam venire, vel non, & in eâ perseverare, perinde sicuti hoc pendebat ab arbitrio angelorum, spectando tam quæ extrinsecè, quàm quæ intrinsecè ex parte Dei se nunc ad electos habent, quare sustinuit tantas obsecrationes Massiliensium & aliorũ? Cur tot permisit dissensiones? nam nihil illi indignius videntur tulisse in eius doctrinâ prout ad illum scribit Hilarius, quam ita ab eo gratiam diuidi, vt ille (videlicet primus homo) acceperit perseverantiam non quã fieret vt perseveraret, sed sine quâ per liberum arbitrium perseverare non posset; nunc verò prædestinatis non tale adiutorium detur, sed tale vt ijs perseverantia ipsa donetur: His verbis sanctitatis tuæ, inquit, Hilarius ita mouetur vt dicant quidam desperationem hominibus exhiberi. Sic Prosper in epist. ad Aug. Remoueri itaq; omnẽ industriam, tolliq; omnes virtutes aiunt, si Dei cõstitutio humanas præueniat voluntates. Quare igitur lapidem hunc offensionis non tulit Augustinus si aliter senserit? an quia non potuerit mentem & doctrinâ suam sufficienter explicare? evidens est, quod non idcirco: nam si viderit & satis clarè explicuerit homini in statu innocentia & ipsis angelis Dei munere potuisse concedi facultatem perseverandi, ipsam verò perseverantiam, eorum relinqui arbitrio, prout ex eiusdem sententiâ relicta fuit, non proueniendo scilicet ipsorum voluntates diuina aliquâ cõstitutione, seu absoluto proposito de faciendo eos nonnisi perseverantes, vidit faciliẽ etiam similem rursum potuisse concedi perseverandi potestatem homini lapsi, eo duntaxat differente, quod hæc nunc suffulciretur crebrioribus & maioribus auxilijs actualibus cõferendis pro diuersis occasionibus; ita tamen vt neque ex ipsis auxilijs, neque ex aliquâ cõstitutione diuinâ, quæ hominum præueniret voluntates, siue voluntatum operationes, perseverantia ipsa sequatur infallibiliter; & nihilominus eò adduci nunquam potuit, quantumcumque aduersarij instarent, vt hoc modo adiutorium perseverantia quod lapsis datur, explicaret.

109

Notandum tamẽ alios fuisse Massiliensium errores, sed in quos videatur incidisse vt euerteret hanc iustificationis, perseverantia, & prædestinationis doctrinam quam D. August. fortissimè tenebat, & inculcabat: vtque ad eius argumenta aliquid possent respondere; sicuti latius aliquando explicuimus in r. p. D. Thom. quæst. 23. in materia de Prædestinatione. Quod si verò voluisset August. admittere Electorum

Electorum post lapsum iustificationem & perseverantiam in iustitiâ vique in finem ex ipsorum arbitrio communibus gratiæ auxilijs adiuto pendere: sicuti docebat ex Angelorum & primi hominis voluntate dependisse eorû perseverantiam, iam Maffilenses & cæteri obtreddatores facîle in reliquis cum D. Aug. consensissent, quantum ex litteris Prosperi & Hilarij ad August. potest colligi.

110

Probat ut denique ratione ex Scripturis & P. P. petita: nam Scripturæ sacræ & P. P. frequenter inculcant & extollunt maximam & singularem misericordiam Dei, in homines qui salvi sunt, præ alijs qui perierunt, ut patet ex Apost. ad Rom. cap. 8. 9. 11. ad Ephes. cap. 1. & alijs diuersis locis: sic ut merito usurpent sibi illud Davidis Psal. 147. *Non fecit taliter omni nationi.* Deinde deprædicant magnitudinem doni perseverantiæ. Concil. Trid. Sess. 6. Can. 16. Si quis magnum illud perseverantiæ donum vique in finem &c. de quo etiam vide D. Aug. de corr. & gratia cap. 8. Item agnoscunt inscrutabilia Dei iudicia in eo quod ex duobus æqualibus vnus assumatur & alter relinquitur. Apostolus postquam ad Rom. cap. 9. 10. & 11. enarraisset vicissitudinem illam Gentium, & Iudæorum, quo ad fidem & iustitiam in quam non deueniunt Iudæi, qui iustitiam sciebantur, gentes autem apprehenderunt; tandem in fine capitis 11. concludendo exclamat, *O altitudo diuitiarû sapientiæ & scientiæ Dei, quam incomprehensibilia sunt iudicia eius,* & reliqua quæ sequuntur. D. August. lib. De dono persever. cap. 8. Ex duobus itaque paruulis originali peccato obstrictis, cur iste assumatur, iste relinquitur, & ex duobus ætate iam grandibus impijs, cur iste ita vocetur ut vocantem sequatur, ille non vocetur aut non ita ut sequatur, inscrutabilia sunt iudicia Dei; ex duobus autem pijs cur huic donetur perseverantia vsque in finem, illi autem non donetur, inscrutabiliora (inquit) sunt iudicia Dei: atqui singularis ista & eximia Dei misericordia in electos plusquam in alios sic deprædicata, magnitudo hæc doni perseverantiæ vsque in finem, inscrutabilitas ista iudiciorum Dei videntur omnia concidere, nisi dicamus Deum secundum propositum suum absolutum ex peculiari misericordiâ erga electos, ipsorum liberationem ex damnationis massâ, & finalem perseverantiam medijs certis & infallibilibus operari.

111

Quæ namque aliâs peculiaris misericordia circa hunc magis, quam circa illum demonstrari poterit, quorum vnus vocantem Deum sequitur, & alter non, si utrû-

que paribus gratiæ auxilijs, pari affectu, & eadem omnino voluntate præueniat & vocet, immò sæpius reprobum pluribus & maioribus gratijs, quam electum; & proinde affectu quoque beneficentiori, si ex entitate gratiæ veniat præcisè magnitudo doni & beneficij, ac donantis affectus estimanda, prout alij ponere & docere videntur. Similiter quando æqualis gratia duobus iustis datur, cur illa quâ hic perseuerat, ita extollitur nomine magni doni perseuerantiæ, præ gratia alterius, cum differentia euentus nullo modo (ut illi volunt) veniat ex parte gratiæ, aut aliqua eius circumstantiâ, quam Deus per se in illis distribuendis attenderit; sed purè & merè ex arbitrio huius, puta quia facilioris ingenij aut indolis, vel simili occasione, quæ ex ipso homine simpliciter pendeat, absq; eo quod Deus voluerit aut intenderit melius aut amplius quid præstare huic quàm illi? Denique quæ erit inscrutabilitas iudiciorum Dei in casibus à D. Aug. positjs, si in vocatione & gratiæ auxilijs dandis, & distribuendis nullum exerceat iudicium discretionis circa hos in particulari, sed vel omnino eodem modo circa utroque sese habeat, & eadem auxilia suppediet, aut si sit aliquod discrimen in modo vocandi vel auxiliandi, illud nascatur ex generalibus causis, quæ concernûnt gubernationem vniuersi in communi, non autè quod magis intendat efficaciter in particulari fidem, iustitiam, perseverantiam horum quam illorum procurare aut promouere? Sanè nullum apparet fundamentum. Quomodo autem hæc infallibilitas doni perseverantiæ non desumpta ex præiudice futurorum effectuum consistat cum libertate volûtatjs, explicabitur infra q. 111. ar. 3. ubi tractabimus de gratia efficaci.

### Obiectiones contra donum perseverantiæ iam explicatum.

Contra dicta Obijciunt Primum: Quando Deus præparauit angelis gratias, non considerauit in illis distribuendis, quænam forent congruæ & efficaces in angelis qui in iustitia permanserunt, magis quam circa alios; sed sicuti communi voluntate antecedente voluit omnes saluos fieri, sic quoque indifferente voluntate, & æquali affectu contulit singulis gratias, quorum vsum commisit ipsorum libero arbitrio, absque omni diuina constitutione præiudici de his potius saluandis, quam de illis; ergo dicendum est Deum similiter agere cum hominibus, qui ex damnationis massâ liberantur.

Respondetur, Antecedens in primis æquè



nequē penē dubium & controuersum esse, ac ipsam conclusionem: multi enim & graues DD. contrarium sustinent: qui in materia de prædestinatione solent allegari. Sed quia illud omnino conforme est doctrinæ D. Aug. vt ex ijs, quæ dicta sunt, potest colligi: hinc admissio antecedente, negatur cōsequentia, Scriptura enim sacra quemadmodum ex eā ubiq; docet D. Aug. hanc specialem dilectionem & misericordiam tantummodo circa assumptos & electos ex massa damnationis, sicuti & iudicium circa non electos ex eādē massa, nobis proponit & inculcat: non autem ita loquitur de homine in statu innocentie, neque de angelis. Et ratio diuersitatis est; quia homo postquam iam ab initio diuinis ditatus muneribus, & immortalitatis dote ornatus, statim diaboli fraudibus ac eius versutiā actus in culpam, subiit durā mortis sententiam, ne humanum genus contra Dei propositum in vniuersum periret (ex quo diabolus quasi contra Deum gloriaretur) non mirum est, si voluerit misericors & omnipotens Deus secutiori ac certiori modo salutis humani generis consulere, & ideo decreto absoluto certum hominū numerum, & certas personas talibus ac tantis gratiæ auxilijs præuenire, protegere, & in omnibus iuare & assistere, vt infallibiliter & certissimē, nō tantū ad iustitiā peruenirent, sed etiā finaliter in illā perseuerarent, & sic à morte liberarentur: atque ita in his vasis infirmitatis contra diabolum triumphare: vt quia iam innotuerat quid liberū arbitriū etiam tot gratiarum præsidij instructum, & nullis illecebris carnis subiectū valeret, quando sibi relinquitur, deinceps ostenderetur quid posset diuinæ gratiæ beneficium, quod ex arcana diuinę misericordiæ curā speciali & prouidentia dispensatur, de quibus videre licet D. Augustinum De correptione & gratiā capite 10.

113 Vnde meritō tam efficaciter voluit electorum iustificationem & perseuerantiam procurare, ne forsitan si ab euentu cooperationis liberi arbitrij fuisset eam quasi expectans, vel nullus aut rarus perseuerasset: quandoquidem & tot angeli nec corpore nec corporis infirmitatibus aggrauati, breuissimo vitæ suæ termino in iustitiā nō steterint, & primus homo ab omni corruptione & pugnā carnis & spiritus liber tātō ab eā exciderit. Accedit, quod toto humano genere iam mortis & damnationis reo ex peccato, quo omnes in Adamo peccauerunt, nulla supersit vel species iniquitatis vel minoris equitatis apud Deum (quā nonnulli videntur vrgere) quādo sic quoddam ponitur segregare & assumere ad ius-

titiam, vt eos velit absolutē & faciat certissimē in illā finaliter hinc migrare, & nō ita similiter omnes alios: quod enim istos sic assumat, misericordie est. Vnde cū propheta Psal. 88. dicunt: *Domini est assumptio nostra*: quod verō non ita reliquis omnibus faciat, iusti iudicii est.

Obijciunt Secundo varia incommoda & absurda, quæ sequi videntur ex prædicto modo explicandi donū perseuerantiæ, eiusque infallibilitatem in suis effectibus. Primum est, quod peculiaris illa saluandorum ex damnationis massa electio ad efficaciam gratiæ auxilia secundum propositum Dei absolutum, non videatur consistere cum voluntate Dei, quā vult omnes homines saluos fieri, & ad agnitionem veritatis venire, quod docet Apost. 1. ad Tim. 2. Si enim sincerē Deus desideret vt omnes ad fidem veniant & salutē consequantur, Cur tam paucis (inquiunt) eiusmodi auxilia præparauit? cur non dat omnibus aut saltē plurimis, si ipse sit qui studiosā & absolutā voluntate suā procurat saluandorum salutem? Certē paucitas eorum qui saluantur, aiunt, satis indicat Deum in communi dare auxilia sua omnibus & singulis pari voluntate & affectu, & committere eorum operationem hominum voluntati sic Dei donis adiutæ, vt pro suā libertate vtatur vel non vtatur: sic vt Deus quādam voluntate antecedente tantum, siue velleitate quādam cupiat omnes homines bene illis

115 Secundum incommodum quod inferunt est, quod non videbitur Christus incarnatus, passus & mortuus pro omnibus hominibus, neque omnium esse saluator & redemptor. Tertium est, quod sicuti Deus dicitur secundum absolutum suum propositum procurare ijs qui salui fiunt, ea gratiæ auxilia, quibus certissimē perseuerent & liberentur, quod ita quoque debet admitti impedire studiosē, ne quis eorum qui non sunt de reliquijs, quæ secundum electionem gratiæ saluæ sunt, ad iustitiā perueniat, aut si quis peruenierit, curare studiosē vt iterum excidat, & in suā iniquitate moriatur. Quartum, quia posita illā curā Dei singulari & efficaci voluntate salutis electorum, videbuntur frustra exhortationes, correptiones, prædicationes, imo omnis zelus animarum videtur tolli. Quintum, quia hæc doctrina dat electis causam socordiæ, & reliquis causam desperationis: quisque enim sic poterit cogitare (inquiunt) vel sum de numero electorum ad infallibilia gratiæ auxilia, aut non sum; si de illo numero sim, impossibile est me damnari, non est ergo quod damnationem timeam, aut de bonis

P p operibus,

operibus, vel perseverantiâ sim sollicitus; si autem non sum de numero isto, frustra præcepta seruo, frustra opera bona facio, quia per hæc omnia nihil mihi in re ipsa ad salutem sum profuturus. Hinc ergo inferunt, quod ad ista & similia incommoda declinanda, sit necessarium dicendum, Deum absque respectu in particulari, vtrû hæc gratiæ auxilia ijs qui liberantur collata, essent eis congrua & habitura effectum an non, distribuisse gratias suas singulis hominibus suo modo sufficientes, iuxta generales providentiæ suæ rationes, cum quâdam tantum diuersitate, quam temporû, aut locorum varietas, & diuersa personarum qualitas possint requirere. Ita ferè prædicta incommoda in suæ opinionis probatione ex rationibus ductâ vrget Scriptor quidam in suâ Disputatione De prædestinatione & reprobatione.

116 Respondetur autè negando illationem factam: Et ad primum quidem incommodum quod attinet, coincidit illud cum octaua Obiectione Gallicanâ apud Prosperû: ad quam respondet ille in hæc verba: Si circa vniuersitatem generis humani salutem, & in agnitionem veritatis vocandam, ita indifferens per omnia secula asserenda est Dei voluntas, vt vsquequaque neminem hominum prætermisissè monstratur, impenetrabilis iudiciorum Dei altitudo pulsatur. Quare enim in præteritis sæculis dimiserit omnes gentes Deus ingredi vias suas, quando Iacob elegit Dominus, & non fecit taliter omni nationi, & cur qui aliquando non populus, nunc autem populus Dei; & quorum aliquando misertus est, iam non misereatur, impossibile est cõprehendere, & periculosè curiositatis est quærere: & paulo infra, Causas verò operum & iudiciorum Dei, qui ex toto ad humanas voluntates & actiones refert (quas tamen in paruulorum adoptione & abdicatione non inuenit) & dispensationes Dei ex liberi arbitrij vult mutabilitate variari, profitetur sibi scrutabilia iudicia Dei, & vestigabiles vias eius: & quod Doctor gentium Paulus non audebat attingere, hic se existimat referatû posse vulgare. Deinde, vt ad verba Apostoli respondeat, adducit complures similes loquutiones vniuersales ex sacra Scriptura, vt Genes. cap. 26. *In semine tuo benedicentur omnes gentes: Psal. 21. Commemorabuntur & conuertentur ad Dominum vniuersi fines terræ, & adorabunt in conspectu eius omnes familia gentium: Psal. 87. Omnes gentes, quascumque scisciti, venient & adorabunt corâ te: quæ promissiones (inquit) quia verissimæ sunt, nec possunt ex illâ parte nutare, in his implentur, qui salui fiunt per vniuersos fines terræ, quoniam*

quod promissit Deus, potens est & facere. Hæc ergo est illa totius humani generis assumptione, hæc filiorum Dei adoptione &c. & in Recapitulatione, siue Sententiâ super eadem obiectione; Ex toto enim mundo (inquit) totus mundus eligitur, & ex omnibus hominibus omnes homines adoptantur.

Sensus itaque responsionis D. Prosperi hic est: locum illum D. Pauli non sic accipiendum esse, quasi doceat Deum velle omnes omnino homines saluos absolute facere, faciendâ distributione pro singulis generum, sed vniuersalem illum sermonem Apostoli, sicut & alias promissiones vniuersales, accipiendum esse commode, extendendo scilicet ad electos, qui vniuersaliter quandam etiam constituunt: siue faciendâ distributione pro generibus singulorum, quia ex omni lingua, tribu, natione, ex omni hominû ordine aliquos vult saluos facere, quos & ad salutem quoque perducit. Quemadmodum D. Aug. eandem Scripturam interpretatur De corrupt. & gratiæ. 14. Neq; incongruè coheret hæc expositio cum textu, quia ob eam causam, quod Deus sic velit ex omni hominum genere saluare aliquos, merito hortatur Apostolus, vt pro omnibus fiant orationes, pro Regibus, pro Ducibus &c. Aliam quoque non incommodam habet expositionem D. Aug. cap. 15. eiusdem libri, videlicet quod eâ ratione dicatur Deus velle omnes homines saluos fieri, quia vult & facit, vt nos velimus omnes saluos fieri: prior tamen magis est ad propositum Apostoli.

118 Sed quæreret aliquis: an interim non sit dicendum, quod Deus voluntate saltem quadam antecedente, vt loquuntur Scholastici, velit omnes omnino saluos fieri? Respondetur, simpliciter dicendû esse, quod Deus antecedente voluntate voluerit omnino omnes homines saluos fieri ante præuissum lapsum primorum parentum. Vtrû verò idem voluerit simili voluntate post lapsum præuissum, dubitari potest. Quidâ videntur id negare: sed tamè quia D. Prosper in Recapitulatione obiectionis octauæ Gallicanæ, scribit in hunc modum. Qui dicit, quod nō omnes homines velit Deus saluos fieri, sed certum prædestinatorum numerum, durius loquitur, quàm loquendum est de altitudie inscrutabilis gratiæ Dei, hinc sermo iste: Etia Deus post lapsum Adami voluntate antecedente vult omnes saluos fieri, merito est admittendus. Sed potest explicari dupliciter: vno modo quidè hoc sensu, quia scilicet voluntas illa antecedens, quâ ab initio Adamû & in ipso omnes omnino homines ad eternâ salutē condiderat, potest intelligi in Deo adhuc continuari, etiam

etiam cum hæc suppositione, quod præiusto peccato Adæ, innox absolutè decreuisset eos qui nunc damnantur, non liberare finaliter à damnatione & morte æternâ: sicuti dici potest de Iudice, quod antecedente voluntate vellet vitam & salutem malefactoris, quamvis immutabiliter decreuerit eum morti adiudicare, quòd adhuc plus est, quàm solummodo non velle eum liberare: nam decretum illud Iudicis non exstinguit voluntatem antecedentem & simplicem affectum, quo optet istū posse viuere: nulla enim proflus in istis apparet repugnantia. Neque amplius videtur concedere Apost. ad Rom. cap. 9. ubi postquam dixisset: *Igitur non volentis neque currentis, sed miserentis est Dei, qui cuius vult miseretur, & quæ vult indurat*, ac sibi contra hoc obiecit sub nomine impij impietatem suam excusantis, & in Deum reijcientis: quid adhuc quæritur? voluntari eum quis resistit? non aliud respondet quàm: nunquid dicit figmentum ei, qui se finxit, quid me fecisti sic? an non habet potestatem figulus luti ex eadem massâ facere aliud quidem vas in honorem, aliud in contumeliam? quod si Deus volens offendere iram (videlicet suppositâ iam culpâ totius generis humani, quâ instar luti vile & inquinatum factum est) & notâ facere potentiam suâ &c.

119

Secundo modo potest explicari & aliquid amplius concedi; videlicet quod præiustis iam peccato originali & vniuersali humani generis perditione, Deus quasi denuo voluntate antecedente voluit non obstantibus istis, omnes homines saluos fieri & à peccato contracto liberari, quatenus scilicet præcognitò lapsu decreuit filium suum in mundum mittere, vt carnem passibilem assumeret, & sic eum humano generi dare redemptorem & saluatorem, qui pretium ad omnes omnino reatus & omnium peccata delenda sufficiens exhiberet; & media conuenientia in comuni, quibus hoc pretij hominibus applicari posset, institueret, à cuius pretij participatione, & mediour vfu neminem voluit positū & per se excludere aut impedire. Sed hac admissâ expositione verborum D. Pauli, & tali posita Dei voluntate post præiustum Adami peccatum iam videntur recurrere quæ in contrarium in argumento sunt adducta, ex paucitate scilicet eorum qui saluantur. Verùm ab illis qui sic argumentantur, potest in primis vicissim inquiri: Est, prout ipsi volūt, quod Deus neminem, aut non nisi fortassis aliquos singulares & eximios sanctos absolutâ voluntate ante præiusta opera elegerit, siue ad vitam æternam, siue ad media

infallibilia & efficacia; sed reliquerit omnia pendere ex euentu rerum & humani arbitrij cooperatione, habuerique se Deus in distributione gratiarum in respectu ad singulos particulares homines, perinde ac si ignorasset, quid singuli particulares essent cum tali gratiâ facturi, quisque singulorum futurus esset finis & exitus, desiderans solum simplici affectu omnium vitam & salutem.

Nunc quæritur similiter ab illis; Si Deus sincerè cupiebat omnium salutem, tum ante lapsum Adæ, tum iterum post illum præiustum, quare inter infinitos providentiæ modos sub eius intelligentiâ existentes inierit eam providentiæ rationem iuxta quam futurum cognoscebat, quod primus homo à iustitiâ excideret, eamque sibi & toti posteritati amitteret: & rursum iuxta quam sciebat, quod humano genere per filium eius iterum reconciliato ac reparato, tam pauci ad æternam vitam peruenirent? quandoquidem illi non desissent infinitæ aliæ providentiæ rationes, quibus vel Adam perstistisset, aut si lapsum veller permittere, postmodum tamen vel omnes vel maior certè pars in Christo salua fieret. Quod si paucitas eorum, qui perseueranter vsque ad finem cooperantur gratiæ, vel eorum qui ipsam iustitiam consequuntur, sit argumentum aliquod, non ex mero & absolute Dei proposito hominibus lapsis dispensari gratiam efficacem, videbitur similiter etiam paucitas eorum qui saluantur, esse argumentum, Deū non pro mero beneplacito suo, has providentiæ rationes cum quibus tam pauci saluantur: elegisse, sed vel naturæ, aut nescio, quâ congruentiæ necessitate eas instituisse, vt quod non alius providentiæ modus æquè conueniens suppleret; aut certè dicendum quoque erit, quod non sincerè voluerit omnes homines saluos fieri, si præteritis alijs providentiæ modis sibi liberis, quibus omnes vel maior pars salua fieret, eligerit hūc quo tam pauci saluantur.

120

Sed vanum est iudiciorum Dei abyssum, nostrorum sensuum angustijs velle metiri & concludere: & maiestatis inuestigator caueat ne ab eius gloria opprimatur, vt monet Scriptura. Vnde secundò ad formam argumenti breuiter Respondetur N. Conseq. quam virtute includit: nam quod nonnulli ad fidem, ad iustitiam, atq; adeo ad summam atq; æternam salutem diuine providentiæ specialibus beneficijs (vt loquitur Prosper lib. 2. De vocatione gentiū cap. 31.) prouehantur, non impedit quominus affectu quodam simplici & complacentiæ possit Deus simul desiderare, quod cæteri etiâ liberentur, & salui fiant;

121

P p ij licet

licet tali & tanto studio, & tam efficaci-  
bus medijs non voluerit liberationem il-  
lorum procurare. Si pauci sint qui libe-  
rantur ( inquit Augustinus De corrept.  
& gratia cap. 10.) in comparatione sci-  
licet pereuntium, alioquin in suo numero  
multi; cogita, inquit, id ipsum vel quod  
hi liberantur, gratiâ fieri, gratis fieri, &  
proinde gratias agendas quia fit; neque  
alijs fieri iniuriam, sed iusto Dei iudicio  
negari indebitam misericordiam.

122 Secundum incommodum, quod oppo-  
nunt, conuenit cum prima obiectione Vin-  
centianâ apud Prosperum. ad quam respon-  
det ille hoc modo: Contra vulnus origi-  
nalis peccati, quo in Adam omnium ho-  
minum corrupta & mortificata est natura,  
& vnde omnium concupiscentiarum mor-  
bus inoleuit, verum & potens ac singulare  
remedium est mors filij Dei Domini nos-  
tri IESU Christi: quod ergo ad magnitu-  
dinem & potentiam pretij, & quod ad vñâ  
pertinet causam generis humani, sanguis  
Christi redemptio est totius mundi: cum  
ergo propter vnam omnium naturam, &  
vnam omnium causam à Domino nostro  
in veritate susceptâ, rectè dicantur omnes  
redempti, & tamen non omnes à captiuita-  
te sint eruti, redemptionis proprietas haud  
dubiè penes illos est, de quibus Princeps  
mundi missus est foras, & iam nō vasa dia-  
boli, sed membra sunt Christi. Et in Res-  
ponzione ad obiectionē Gallicanam nonâ,  
quæ eiusdem quoque erat argumenti, sic  
scribit: Cum itaque rectissime dicatur Sal-  
uator pro totius mundi redemptione cru-  
cifixus, propter verâ humanæ naturæ sus-  
ceptionem, & propter communē in primo  
homine omnium perditionem, potest tamē  
dici pro his tantū crucifixus, quibus mors  
eius profuit: dicit enim Euangelista, quod  
IESVS moriturus erat pro gente, nec tantū  
pro gente, sed etiam vt filios Dei dispersos  
congregaret in vnum.

123 Negat itaque virtute D. Prosper. Con-  
sequ. indicans hanc rationem; quia vt Chri-  
stus dicatur incarnatus, passus, mortuus  
pro omnibus & omniū dicatur redemptor  
& Saluator, nō requiritur, quod Deus pari  
curâ & efficiâ procurauerit aut procuraret  
passionem Christi & mortē in particulari  
omnibus & singulis applicari: sed satis est  
quod Christus communem susceperit natu-  
ram, & in comuni reparauerit cōmunem  
perditionem, offerendo & exhibendo  
pretium sufficiens redemptioni omnium,  
quibus illud applicaretur, à cuius etiâ par-  
ticipatione neminē voluerit esse exclusum:  
quamvis interim propriissimè eorū sit re-  
demptor & saluator, qui singulari miseri-  
cordiâ & gratia efficaci, de factō à diaboli

tyrannide in perpetuum liberantur; pro  
quibus & specialiter orauit Christus Io-  
annis 17. Ego pro eū rogo, non pro mundo ro-  
go, sed pro his, quos dedisti mihi; & infra: Non  
rogo vt tollas eos de mūdo, sed vt serues eos à malo,  
&c. Sanctifica eos in veritate, &c. Et pro eū ego  
sanctifico meipsum. Vnde & Prosper illud  
Christi, Non sum missus nisi ad oues, quæ pe-  
rierunt domus Israël, interpretatur de electis,  
in responzione ad obiectionem nonâ Gal-  
licanam: Neque enim ( inquit ) quia sunt  
semen Abrahæ, omnes filij; sed in Isaac  
vocabitur tibi semen, id est, non qui filij  
carnis, hi filij Dei, sed qui filij promissionis  
æstimantur in semine.

Tertium incommodū, quod adserunt,  
complectitur substantiam 3. 5. 12. &  
14. obiectionum Gallicanarum, item 7.  
8. 9. 12. & 13. Vincentianarum apud eun-  
dem Prosperum. Ad quas inter cætera, sic  
scribit Prosper ad tertiam Gallicanam:  
Sicut bona opera ad inspiratorem eorum  
Deum, ita mala ad eos sunt referenda qui  
peccant: non enim relictī sunt à Deo, vt  
relinquerentur, sed reliquerunt & reli-  
cti sunt, & ex bono in malum propriâ vo-  
luntate mutati sunt: & in Responzione ad  
tredecimam Vincentianam: Si ergo à ius-  
titia & pietate quis deficit, suo in præceptis  
fertur arbitrio, suâ concupiscentiâ trahitur,  
sua persuasione decipitur: nihil ibi  
Pater, nihil Filius, nihil agit Spiritus S.  
Nec tali negotio quicquam diuinæ volun-  
tatis interuenit, cuius opere multos scimus  
ne laberentur, retentos; nullos autem vt  
laberentur impulsos.

Quare similiter negat D. Prosper vir-  
tute consequentiam. Neque enim neces-  
sarium est Deum studiosè aut de industria  
hominem infirmum tot concupiscentijs,  
& assiduis dæmonum insidijs & tentatio-  
nibus expositum & implicatum impedire,  
ne ad iustificationem perueniat, aut si ei  
Dei munere ad eam peruenierit, studiosè  
ab ea deturbate; cum homo ex se ne con-  
nari quidem ad veram iustitiam possit, &  
quando diuino munere peruenierit, mox  
propriâ infirmitate & suâ culpâ eam de-  
ferat, nisi assidue Dei adiutorio firmetur,  
& protegatur; adeo vt etiam vbi Deus  
omnem quasi industriam videri poterat  
impendisse circa primos homines, vt in  
iustitiâ viverent, in eaque perseveranter  
Deum colerent, creando scilicet eos re-  
ctos, omni scientiarum & virtutum genere  
naturalium & supernaturalium instructos,  
à carnis & mundi illecebris liberos, illi ta-  
men liberrima voluntate sua, ad vnica sug-  
gestionem serpentis mulier, ad mulieris  
petitionem vir, mox ambo in exitium  
ruerunt, & iustitiam illam tam lætam,

tam

tam conseruatu facilem sibi & posteris perdidit.

126 Quid igitur nunc in statu naturæ lapsæ, naturæ tam infirmæ, tot tentationibus in contrarium vrgentibus subiectæ, necesse erit, quod Deus studiosè hoc agat & procuret, ne quos non absolutè ad iustitiam, & finalem perseuerantiam elegerit, ipsi ad illam perueniant. Sanè arbitrium sibi ad iustitiam capeffendam non sufficit, & vbi Deo opitulante etià eam perceperit, plusquam sufficiens est, vt illam per se deserat absque Dei operâ aut implanacione. Non itaque requiritur, quod Deus de industria impediât hominem ad iustitiâ: sed plus satis est, si gratiam indebitam, quâ fieret vt apprehenderet, quodque in eâ perseueraret, speciali misericordiâ non largiatur, iustum interim exercendo iudiciû. Neque enim calumniandum est Deo, inquit Prosper, ad obiectionem 7. Gallic: Quare istis non dedit, quod alijs dedit; sed confitendum est, & misericorditer dedisse, quod dedit, & iustè non dedisse, quod non dedit; ne quemadmodum ex libero arbitrio oritur in causa labèdi, ita & ex ipso videatur & standi: cum illud humano fiat opere; hoc diuino impleatur ex munere.

127 Sed replicabit aliquis, quomodo fieri possit, quod ne vnus ex omnibus non sic ad iustitiam & ad perseuerantiam præordinatis & electis perseueret in iustitiâ, si Deus speciali providentiâ non impediât, vel saltem de industria non præparet illis gratias incongruas? Præsertim cum de iustificatis fateri oporteat, quod à Deo non deferantur, nisi prius ipsum deseruerint, & sic habeant auxilia, quibus perseuerare possint. Quod vt incredibile confirmat Scriptor ille hoc modo; quia si in Deo non esset præscientia conditionata, quâ sciret quæ gratia sit caritura effectû si datur, & sic distribueret gratias verè sufficientes cû desiderio cooperationis humanæ, nemo dubitaret, inquit, quin in plurimis essent habituræ effectû, & homines essent cooperaturi & futuri salui; ergò quod nunc nemo eorum cooperetur prouenit ex eo quod Deus de industria gratias incongruas pro illis seligat. Pro responsione & explicatione huius difficultatis, vicissim petere licet: qui fieri possit, quod ne vnus ex omnibus qui damnandi erunt, in iustitiâ vitam finierit, supponendo quod Deus illos, qui saluatur non præelegerit ad gratiam efficacem? nam quod hi sint electi vel non electi ad infallibilia siue efficacia gratiæ auxilia, non facit aliorum iustificacionem & perseuerantiam magis aut minus possibilem aut impossibilem, fa-

ciliorem aut difficiliorem.

Si respondeatur id dependisse ex ipsorum arbitrio, quo vel ad iustitiam peruenire, vel in eâ perseuerare noluerunt, quâuis Deus pro tempore & loco, & quantum communis cursus vniuersi permittit, de medijs sufficientibus ad veniendum, siue ad perseuerandum eis prouiderit; similiter dicemus quamuis illi, qui salui fiunt, singulari Dei gratiâ & specialibus auxilijs saluentur, alios tamen suo arbitrio vel ad iustitiam non venire, aut si eam aliquando apprehenderint, rursus suo arbitrio ab ea excidere, prout D. August. & Prosper frequenter inculcant. Si enim fieri potuit, atque adeo de facto fiat, Deo huic providentiæ modo & ordini insistente, quem circa non saluandos iustè seruat (qualiscumque ille à parte rei sit, imò pono quod nulli præ alijs ad salutem vel gratiam efficaciter sint præordinati prout alij volunt) quod ne vnus ex omnibus istis in charitate ex hac vitâ migret, non Deo id studiosè procurante vel agente: (nam suppono id quod illi docent) sed sua ipsorum voluntate & culpa; quare si reliqui ponantur speciali misericordiâ ad singularia & efficacia gratiæ beneficia electi & prouecti, non potuit Deus circa non saluandos seruare eam quam seruat providentiæ rationem exercendo iustum iudiciû, iuxta quam conditionatè præuidebat nullum ex istis finaliter perseueraturum.

129 Quod vt clarius apprehendatur, suppono Deum stante etiam simplici affectu, quo cupiat omnes homines saluos fieri tã sincerè, quam alij ponunt, potuisse tamen simul absque iniquitate instituire & inire aliam providentiæ rationem cum hominibus, secundum quâ longè pauciores, quâ modo, imò ne ex millibus qui nunc saluantur, vnus, aut omnino nullus futurus fuisset saluus; & nihilominus habuissent homines auxilia suo modo sufficiëntia, prout volunt illi gentes omnes habere. Nam sicut totum humanum genus in primo parente ab initio periit, sic vt ne vnus futurus erat salus licet in Adamo abundantissimè omnibus fuisset prouisum de gratiæ auxilijs, nisi mediante Christo Domino decreuisset Deus misericorditer iterum illud reparare, sic quoque facili fuisset iterato totum genus relapsum ac periissem, Deus permisisset mox omnes filios Adæ ingredi vias suas, prout plerique populi & nationes statim ab initio ingressæ fuerunt; & vt illas sic permisisset omnes à fide vnius Dei & cultu excidere. Cerrè futurum erat, quod ne vnus ex omnibus saluus fieret: quod enim Abel, Enoch, Noè, Abrahâ

in verâ fide & vniuersi Dei cultu præ cæteris perstitissent non ipsorum arbitrij bonitati præ omnibus alijs; sed singulari Dei misericordiæ, instructioni, protectioni & specialibus gratiæ auxilijs adseribendū venit, prout Scriptura sacra multis in locis satis testatur.

130 Itâ igitur suppositione factâ videtur posse satis intelligi, quo pacto ad hoc effectuantur, vt certas personas in certo numero misericordissimâ & absolutâ voluntate decerneret & præordinaret ad iustitiam perducere, & eis in eadem finalē perseuerantiam efficaciter præstare, non fuisse necessariū, quod speciali prouidentia aliorum iustitiam impediret, vel de industria gratias incongruas seligeret. Pono enim, quod Deus ob rationes suæ sapientiæ notas, istam prouidentia rationem eū quâ paucissimi, vel nullus (suâ ipsorum tamen culpâ & negligentia, vt diximus) ad iustitiam finale peruenirent erant, approbaret saltem quoad eos qui nunc de facto à salute excidunt, atq; hæc vasa iræ suis demeritis apta in interitum in multâ patientiâ voluerit sustinere; iam certè opus non erit, vt horum saluti infidetur, eamque studiosè impediat: quia suâ propriâ voluntate, non tantū hi, sed etiam plurimi alij vel etiam omnes ab eâ defecturi ponūt, niū ad ostendendas diuitias gratiæ suæ, specialiori quadam prouidentia, & talium beneficiorum præparatione, quibus certissimè liberantur quicumque liberantur, placuisset vasa misericordiæ quæ præparauit in gloriam, proeungere efficaciter ad iustitiam & finaliter in ea conseruare.

131 Ad confirmationem autem pro alterâ parte adductam Respondetur: Argumentū illud si aliquid prober, omnino euertere principiū, quod author ille magno studio conatur statuere; scilicet Deū omnibus dare gratias verè sufficientes cum desiderio humanæ cooperationis: sic enim potest retorqueri procedendo ab opposito consequentis ad oppositū antecedentis: Si Deus distribueret gratias verè sufficientes cum desiderio cooperationis humanæ, nemo dubitaret, quin in plurimis essent habituræ effectum, & homines essent cooperaturi & futuri salui; vt assumit: atqui non solum nemo non dubitat quod non in plurimis habeant effectum, sed omnes id consentunt, quod in longe maxima parte hominum non habeant effectum, & longe maxima pars non cooperetur, nec salua fiat; ergo Deus non distribuit gratias verè sufficientes &c. quod tamen vel maximè firmare studet dictus author. Nec refert, quod addat, si in Deo non esset præscientia conditionata, quia illa præscientia non

impedit, nec causat vt gratiæ non sortiantur effectum, neque vt homines non cooperentur. Quamuis igitur humana vanitas sic facile de se præsumeret, si auxilia sufficientia suppetere, quod homines pro maximâ parte bene illis essent vsuri, & cū illis futuri salui, etiam si Deus peculiari cura id non satageret; nihilominus per experientiam planè contrarium constat, quod nec alij negare possunt, præsertim cum omnibus gratias sufficientes, quasi æqualiter & æquali affectu datas velint: nisi vbi ratio vniuersalior aliud exegerit.

132 Notandum tamen hic est, Deum istam prouidentia rationem, qua præscit conditionatè si ea vtatur, non liberandos reprobos, non idcirco neque ea intentione inire & seruire circa eos, vt ipsi non iustificentur, vel vt à iustitia excidant; huiusmodi enim intentio bonæ eius voluntati, qua hominem ad salutem condidit, minimè congrueret; sed ob alias rationes diuinæ sapientiæ probatas, de quibus coniectando possumus has & similes assignare; Prima sit, quia non conveniebat eum, qui est prouisor vniuersalis, omnes defectus cuiusque speciei, particulari studio excludere, quin potius cum homo sit causa libera & defectibilis, permittere quosdam pro innatâ libertate & defectibilitate, agere & à fine excidere: imò quia finis homini propositus scilicet beatitudo in clarâ Dei visione consistens, excedit naturę humanę facultatem, non fuit inconueniens pauciores ad eum pertinere, præsertim postquam natura tota fuit primæ uæ gratiâ destituta, & mortis effecta rea per corruptionem peccati originalis, vt docet D. Tho. 1. parte quæst. 23. art. 7. vbi simul ostendit, quomodo etiam in hoc refulceat magis misericordia Dei erga electos. Altera ratio potest esse; quia nouerat Deus se posse bene vt defectibus per non electos suo ipsorum arbitrio committendos, si eos obuenire permitteret; atque adeo posse ad salutem electorum & completionem prædestinationis ordinare & conuertere. Tertia, quia videbat duos hos ordines, videlicet prædestinationis electorum, & prouidentia circa non electos, aptâ vicissitudine & suauis harmoniâ inter se coherere quoad diuersos populos Iudeorū, scilicet & gentium, vt explicare videtur Apostolus ad Rom. 11. vbi ostendit quomodo filij Israël primo fuerint à Deo electi; gentes autem dimissæ ingredi vias suas; postea autem tempore Christi, Iudæi sint deserti, quia impeerunt in lapidem offensionis, vt plenitudo gentium subintraret, & tandem in fine seculi, ambę nationes simul in fidem Christi cōuenirent, *Nolo vos ignorare fratres, inquit*

inquit, *Miserium hoc, ut non sitis vobisipsi sapientes, quia cecitas ex parte contigit in Israël, donec plenitudo gentium intraret, & sic omnia Israël* (scil. Israël secundum electionem siue promissionem tam ex gentibus quam ex Iudeis) *saluum fieret*. Denique, quia & illud bonum inde erat consequuturum, quod in peccatorum iustā vindictā, splenderet diuina iustitia. Cur autem istos potius quā illos liberet, inscrutabilia sunt iudicia eius, inquit August. de prædest. SS. cap. 9. melius enim & hic audimus, aut dicimus, *O homo, tu quis es, qui respondeas Deo?* quam dicere audeamus quasi nouerimus quod occultum esse voluit, qui tamen aliquid in iustum velle non potest. Ita August.

133 Ad Quartum incommodum quod attinet, viderunt illud ipsum fortiter Massilienses contra doctrinam D. Aug. ut patet ex epistolā Prosperi ad eundem: vbi sic scribit. Sed refugium istud, diuinoque adscribere operi sanctorum merita formidant, nec acquiescunt prædestinatū electorum numerum nec augeri posse nec minui, ne locum apud iustitiales & negligentes cohortationum incitamenta non habeat, ac superflua sit industriæ ac laboris inditiō. Ipse verō Aug. ex professo ostendit toto libro De corrept. & gratia, malefactores esse corripiendos, non obstante hac saluandorum electione ad gratiam secundum propositum: cap. 10. ita scribit, Nemo ergo dicat non esse corripiendum eum, qui exorbitat de viā iustā, sed ei reditum & perseuerantiā à Domino tantum esse poscendam, nemo prudens & fidelis hoc dicat: si enim secundum propositum vocatus est iste, proculdubio illi etiam quod corripitur, Deus cooperatur in bonum: vtrum autem sic sit vocatus, quoniam qui corripit nescit, faciat ipse in charitate, quod scit esse faciendum; scit enim talem corripiendum, facturo Deo aut ad misericordiam aut ad iudicium. Vide eundem cap. 15. & 16. vbi pulchrè deducit debere superiores cum sollicitudine & sine desperatione corrumpere inquietos, iuxta Apostoli admonitionem 1. ad Timoth. 5. & De bono perseuerantiæ cap. 14. sic scribit: Sed aiunt prædestinationis definitionem vtilitati prædicationis aduersam, quasi verō aduersata sit Apostolo prædicanti: nonne ille Doctōr gentium in fide & veritate prædestinationem toties commendauit, & verbum Dei prædicare non destitit? numquid quia dixit, Deus est qui operatur in nobis velle & perficere pro bonā voluntate sua, ideo non ipse, & vt velimus quæ Deo placeant, & vt operemur, hortatus est? aut quia dixit, qui in vobis bonum opus cœpit, perficiet vsque in diē

IESV Christi, ideoque vt inciperent homines, & perseuerarent vsque in finem, ipse non suauit?

134 Ad formā itaq; argumenti, negatur cōsequentiā: & ratio est, quia gratiam & gloriam quam pro bona voluntate sua Deus decreuit electis suis conferre, non decreuit cōferre sine humana opera cōcurrente, sed mediātibus prædicationibus, exhortationibus, correptionibus, & alijs officijs tum charitatis tum peccatis superioris. Quare & illi qui præstunt, merito ab Apostolo monentur, vt præstint in sollicitudine, quatenus Dei bonæ voluntati in omnibus cooperentur & subseruiant; quod quidem ab illis requiritur.

135 Dicit aliquis: ex eo quod Deus præordinauerit electis dare infallibilia gratiæ auxilia ad conuersionem & finalem perseuerantiā, sequitur saltem infallibili cōsequentiā, eos in tempore conuertendos, atque finaliter perseueraturos: ergo videretur superflua prædicatione, correptio, & omnis sollicitudo animarum. Respōdetur: simile potest formari argumentum ex Dei præscientiā, vt docet Aug. De bono perseuerantiæ cap. 15. ex hoc enim, quod Deus scientia visionis cognoscat saluandos gratiæ sibi offerendæ (sepono præuiam Dei voluntatem dandi eis gratiam efficacē, vt alij volunt) cooperaturos vsque ad conuersionem, & ad finalem perseuerantiā, sequitur etiā infallibili cōsequentiā eos conuertendos, & finaliter perseueraturos, ita vt nullius operā quidquā de facto eueniat aliter, quā Deus modo præuideri futurum; & tamē nullus Christianus opinatur ideo tollendam esse Deo præscientiā, vel quod stante illā, sint superflui modō prædicationes, exhortationes, vel quod animarum zelus idcirco exstinguatur. Neganda ergo cōsequentiā, quia sicuti ea quæ Deus præscit futura, non fierent, nisi adhibeantur media per quæ sunt ea futura, ideoque ad hoc sunt adhibenda; sic quoque quæ Deus vult & decreuit fieri, sed mediātribus talibus & talibus medijs, non fierent, nisi hæc media accederent: vnde patet quod habeant vsum suum; & necessitatem prædictæ officia, non obstante Dei electione secundum propositum: & rursum sicuti licet ex eo quod Deus præsciat etiam ipsa media adhibita iri, sequatur ea infallibiliter in tempore adhibenda; nec tamen à nobis per hoc submouetur cura vel sollicitudo illa adhibendi: Ita neque idcirco, quia necessariō ex diuina præordinatione sequitur talia media infallibiliter adhibita iri, impeditur cura & sollicitudo nostra adhibendi ista: quia non minus debemus esse solliciti, vt faciamus

Pp iij quod

quod Deus ordinavit fieri per nos, quàm ut faciamus quod Deus scit nos infallibiliter facturos.

136 Ex his patet, quomodo Respondendū sit ad Quintum Incommodum quod infertur: Neganda enim similiter est consequentia; nam absolutā Dei voluntas dandi electis gratiam efficacem, & hanc mediante bona opera non magis fouet socordiam, quam præscientia Dei quā modo cognoscit saluandos bene vsuros gratiā sufficiente eis offerendā absque voluntate Dei absolutā præquā, si ita daretur ut alij volunt: nam ex utroque sequitur necessitate consequentiz; opera bona & merita electorum in tempore futura; ex neutro antecedente consequens est, illā futura sint sollicitudine, diligentia, & cooperatione electorum, quæ sunt media ordinaria per quæ Deus vult promouere ipsorum salutem, & per quæ cognoscit eam obtinendam esse. Neque magis formidolosos nos debet reddere, quod salus nostra ex Deo esse & pendere dicatur, quam quod ex nobis, & proinde neque in desperationem mittere, ut bene docet Aug. De prædestinatione S. S. cap. 11. ubi sic scribit: Sanè cum Apostolus dicat, ideo ex fide ut secundum gratiam firma sit promissio, miror homines infirmitati suæ se malle committere, quam firmitati promissionis. Sed incerta est mihi, dices, de meipso voluntas Dei: quid ergo (inquit Augustinus) tua ne tibi voluntas de te ipso certa, nec times, *Qui videtur stare, videat ne cadat*: cum igitur veritatem incerta sit, cur homo firmiter, inquit, quam infirmiori fidem suam; spem, charitatemque non committit?

137 Neque dilemma illud, quod sumunt ex voluntate Dei absolutā de certis personis in certo numero saluandis, habet quidquā amplius virium, quàm quod potest formari simile ex Dei præscientiā, quam de certis personis in certo numero saluandis habet: quo in numero qui nunc non reperitur in Dei scientiā, is nulla ratione efficiet quod re ipsa in numero illo reperitur: & tamen à nullo Catholico doctore probata est hæc collectio: si non sim de numero quem Deus iam videt saluandum, frustra Deum fide, spe, charitate colo, frustra eius præcepta seruo, quia in numerum saluandorum finaliter non intrabo. Vnde & altera collectio vitiosa est: & ratio reddi potest, quia animus ad sobrietatem sapiens, & Christiane institutus non minùs de bona Dei voluntate, quàm de sua propria consiliis tum sibi, tum alijs, si aliquando eiusmodi tentationes occurrant, secundum veram Theologiam, & ex

fide respondebit & dicit, se non frustrā colere Deum, & quæ placita sunt ei, facere; Primò, quia agnoscit se obligatum ad faciendā; nunquam autem quis debet dici frustrā facere quæ teneretur facere, siue inde commodum percipiat siue non, quia obligationi suæ satisfacit. Deinde agnoscit hoc sibi bonum esse adherere Deo suo fide, amore, & religione, quod optat & confidit se per Dei gratiam in perpetuum facturum; & si aliquando separatio futura sit, agnoscit quoque se eam facturam propriā sua voluntate & culpa, non Dei implanatione, aut voluntate, qui non deserit vllum nisi desertus, quamvis non omnibus æqualem impendat misericordiam: quod autē aliquorum efficacius misereatur, hoc non facit reliquis perseuerantiam impossibilem, aut magis difficile.

138 Qui sic itaque tali dimissione animi, & cum bona fiducia de Dei erga se misericordia, cum timore & cum tremore salutem suam operando exceperit istasabolicas suggestiones & tentationes, non in desperationem facillè descendit: sed potius Dei auxilio & gratia sensim ad magnam quietem & animi tranquillitatem deveniet in omnibus se Dei voluntati, misericordiæ & adiutorio committens.

139 Denique ex dictis potest quoque intelligi, verum non esse, quod quidam inter alia opponunt, hanc de perseuerantia munere & electione doctrinam nullo modo vel ratione posse vtiliter populo prædicari aut proponi: contrarium enim ex proposito docet Aug. De bono perseuerantiz per plura capita circa finem libri. Monet tamen discretè & cum prudentia de prædestinatione, sicut & de præscientia Dei coram rudi populo esse loquendum; quæ tamen, inquit cap. 21. non ita populis prædicanda est, ut apud imperitam aut tardioris intelligentiæ multitudinem, ipsa redargui quodammodo sua prædicatione videatur; sicut, inquit, redargui videretur & præscientia Dei, quā negare nō possunt, si dicatur hominibus: siue curratis, siue dormiatis, quod vos præsciuit, qui falli non potest, hoc eritis: dolosi enim vel imperiti medici est, etiam vile medicamentum sic alligare, ut aut non prosit, aut obstit: sed dicendum est, sic currite, ut comprehendatis, atque ut ipso cursu vestro ita vos esse præcognitos noueritis, ut legitimè curratis, &c. Deinceps cap. 22. sequenti præscribit in particulari formulas & modos quibus oporteat doctrinam de electione & prædestinatione populo proponere, & simul contra duriores ac inutiles reijcit.

Et licet forsitan occurrerent aliqui, qui hac



hac doctrina in suam perditionem abuterentur ( nihil enim tam bonum aut sanctum, quo non aliqui abutuntur ) id tamen secundum D. Aug. De bono perseverantia cap. 15. non debet à confitenda Dei gratia & à confitenda, secundum eam prædestinatione Sanctorum deterre: sicut non deterremur à confitenda Dei præscientia, etsi nonnulli ex eius occasione in torporem, segnitiamque vertantur, & à labore ( inquit ) proclives in libidinem post concupiscentias suas eant. Cuius rei adfert ibi exemplum: Fuit quidam ( ait ) in nostro monasterio, qui corripientibus fratribus, cur quædam non facienda faceret, & facienda non faceret: Respondabat, qualiscumque nunc sim, talis ero qualem me Deus futurum esse præsciuit. Qui profectò & verum dicebat, & hoc vero non proficiebat in bonum; sed usque adeò profecit in malum, ut desertum monasterij societate fieret canis reuersus ad suum vomitum: & tamen adhuc qualis sit futurus, incertum est. Numquid ergo propter huiusmodi causas ( inquit ) ea quæ de præscientia Dei, vera dicuntur, vel neganda sunt, vel tacenda; tunc scilicet quando si non dicatur in alios itur errores. Hanc autem doctrinam suam de gratia Dei se-

cundum propositum ostendit Aug. non aduersari sententiæ Scriptorum qui illum præcesserunt, eodem libro De bono perseverantia cap. 19. ubi eandem probat ex D. Ambrosio, D. Cypriano, & Gregorio Nazianzeno.

Tribus verò modis operatur Deus finalem perseverantiam in electis, postquam eorum ad se convertit voluntates, & ad iustitiam perduxit, ut docet idem Aug. De bono perseverantia in fine cap. 8. & in principio capituli noni: videlicet, vel in cordibus eorum ita operando, ut nullis aduersitatibus cedant, nec à bono quibuscunque temptationibus obuenientibus recedant, etsi eas obuenire Deus sinat; vel amouendo & præcauendo tentationes ac difficultates, siue peccandi occasiones; vel denique euocando eos à hac vitâ priusquam malitia eorum mutet intellectum, quod prænouerat futurum, si diutius superfuissent. Primus modus indicatur Ierem. 32. *Timorem meum dabo in corde eorum ut non recedant à me.* Secundus significatur 1. ad Cor. 10. *Fidelis autem Deus est, qui non patietur vos tentari supra id quod potestis, sed faciet etiam cum temptatione prouentum ut possitis sustinere.* Tertius explicatur Sap. 4. *Raptus est ne malitia mutaret intellectum eius, aut ne fictio deciperet animam illius.*

## Q V Æ S T I O C X.

### De gratia Dei essentiâ.

#### In quatuor Articulos diuisa.

#### ARTICVLVS I.

##### *Vtrum gratia ponat aliquid in anima?*

**P**RIVSQAM Respondeat D. Tho. præmittit triplicem nominis gratia acceptionem. Vno enim modo accipitur pro dilectione quâ diligitur quis: sicuti dicitur quis habere gratia Principis, qui à Principe amatur. Alio modo capitur pro dono gratis collato; ita dicitur quis facere alicui gratiam, qui gratis beneficium quoddamque confert. Tertio sumitur pro recognitione beneficii accepti, ut dum quis dicitur benefactori suo gratias agere. Sed quæ ad nominis huius acceptiones pertinent, satis explicuimus supra ad initium quæst. 109. Hic autem sermo est de gratia, quâ diligimur à Deo, vtrû

scilicet ista dilectio ponat aliquid in anima? Sit conclusio vnica.

Gratia Dei circa homines non consistit in sola dilectione Deo intrinseca, quâ ipse veluti extrinsecus eos diligit, siue extrinseco fauore prosequitur; sed etiam in quibusdam donis creatis homini citra debitam gratiosè concessis, ipsique intrinsecè inexistentibus. Est D. Thom. & planè certa; ut patet ex Conc. Trid. Sess. 6. Can. 11. Si quis dixerit homines iustificari vel sola imputatione iustitiæ Christi, vel sola peccatorum remissione, exclusa gratia & charitate quæ in cordibus eorum per Spiritum S. diffundatur, atque illis inhæreat; aut etiam gratiam quâ iustificamur, esse tantum fauorem Dei, Anathema sit. Et probatur primò ex Scripturis ad Rom. 5. *Charitas Dei diffusa in cordibus nostris per Spiritum S. qui datus est nobis.* 2. ad Corinth. cap. 1. *Dedit pignus Spiritus in cordibus nostris: ad Ephes.*

Ephes. cap. 1. *Qui benedixit nos in omni benedictione spirituali in celestibus sicut eligit nos in ipso vt essemus Sancti:* quibus satis significatur nos à Deo sic benedicente accipere benedictionis dona, quibus intrinsece reformemur & efficiamur Sancti & immaculati. 1. Ioannis 3. *Omnis qui natus est ex Deo, non peccat quoniam semen ipsius in eo manet:* ergò diuina gratia ponit aliquid in anima.

3 Probat Secundo ratione D. Thom. quæ sic potest formari; quia aliquem diligere est illi bonūvelle, siue congratulādo ei illud quod habet, siue aliud volēdo aut præstando, quod nondū habet; atqui bona Dei voluntas non est inanis & sterilis, sed causat bonum in creaturā, quod diligendo illi vult: neque enim creatura à se ipsa bonum habere potest; ergò gratia qua diligitur homo à Deo, non consistit tantum in bona eius voluntate extrinsecus sese habente, siue in extrinseco favore; sed ponit beneficia & dona homini intrinsece infusa & collata. Quare sicuti volendo nobis bonum naturæ ex vi illius dilectionis illud ipsum contulit, concedendo naturā & eius naturales perfectiones, ita spirituali modo amando nos supra naturę conditionem, ad participationem quandam singulare diuini esse, ex vi huius amoris cōfert nobis dona supernaturalia: est enim hæc differentia inter amorē Dei & inter amorē creaturæ, vt hic explicat D. Tho. quod amor Dei sit principium omnis boni in creaturā, illudque primitus causet, neque Deus à bono extra se, sed à se ipso moueatur ad amandum: amor autem creaturæ quo ipsa diligit, præsupponat aliquod bonum in re vel personā quæ amatur, à quo ad amandum ipsa excitetur. Sic itaque, inquit D. Thom. per hoc quod homo dicitur gratiam Dei habere, significatur quiddam supernaturale in homine à Deo proueniens.

## ARTICVLVS II.

### *Vtrū gratia sit qualitas animæ?*

4 Notandum cum D. Thom. gratuitam bonam Dei voluntatem erga hominem, operari in ipso, & ponere duplicem effectum, qui vterque gratia quædam est: vnus est diuina motio transiens, quā excitatur homo & adiuuatur ad intelligendū, aut volendū, siue operandū aliquid pertinens vel tendens ad pietatem: alter effectus est donum aliquod permanens & stabile.

Conclusio itaque D. Thom. est, quod prior effectus sic causatus non sit aliqua

qualitas, sed motus quidam: posterior autē effectus qui est stabilis, sit qualitas quædam animæ infusa. Probat priorem partem; quia actus mouentis in moto est quidam motus, vt docetur in tertio Physicorū. Vbi notandum, quod licet actus illi, vt considerantur in fieri, & cum fluxu quodam procedere, recte & verē dicantur, & sint motus quidam, tamen si ijdem considerentur tanquam termini producti in potentia vitali, à quā eliciuntur Deo operante, sic etiam recte dici qualitates quædam & pertinere ad tertiam qualitatis speciem, sicuti passionēs quæ sunt in parte sensitua; vt tristitia, dolor, gaudium, &c. Dicit tamen D. Tho. eiusmodi effectus gratuiti Dei voluntatis in nobis potius esse motus quosdam, quā qualitates; quia considerat illos per modum actus fluentis, & vt in fieri producantur. Præterea, quia sunt dependentes à continuā causæ operatione, idcirco etiam potius motiones, quā qualitates iudicauit appellandas.

Quod ad Secundam partem attinet, 5 non ita multum difficultatis circa illam potest esse, præsupposito quod nobis à Deo communicetur effectus aliquis gratiæ, qui sit donum stabiliter & permanentiter homini inexistens. Vnde D. Thom. 1. loco id ostendendum assumit; & probari potest in primis ex Scripturis articulo præcedenti allegatis: vbi notanda sunt verba hæc: Charitas, Pignus, omnis Benedictio, vt essemus Sancti, item semen ipsius in eo manet: quæ omnia insuunt & important stabilitatem quandam, & permanentiā doni illius in nobis, quod à Deo accipimus.

6 Secundo Probatur efficacissimè ex Concilio Trid. Sess. 6. Can. 11. supra allegato. Vbi obseruandum specialiter in ordine ad hanc quæstionem, quod dicat anathema illis qui à iustificatione nostrā excludunt gratiam & charitatem, non tantum quæ in cordibus nostris per Spiritum sanctum diffundatur, sed etiam illis qui excludunt illam quæ inheret: quod videtur specialiter Conc. addidisse ad declarandū, quod iustitia sit forma permanens, & stabiliter inherens, nō tantum aliquis amoris actus, quem Spiritus sanctus in nobis transiunt operetur; quomodo quidam existimant posse explicari illud, quod dicitur gratia & charitas diffundi in cordibus nostris. Hinc rectius sentiunt, qui docēt illos in fide errare qui negant in iustificatione infundi donum gratiæ permanens; quam alij quidam, qui arguunt illos tantummodo temeritatis; tum quia Conc. hoc satis expressit, quando definit non solum quod gratia in cordibus eorum qui iustificatur, diffun-

diffundatur, sed & addiderit, quod ipsis inhæreat; tum quod Conc. ibi loquatur generaliter de iustificatione quorumlibet etiam paruulorum, quibus non potest dici infundi & inhæreere gratia & charitas quæ sit actus amoris Dei, cuius nondum sunt capaces. Vult igitur Conc. infundi & inhæreere donum habituale permanens, quod etiam docet satis clarè D. Aug. lib. 1. De peccatorum meritis cap. 9. ubi dicit Deum dare sui spiritus occultissimam gratiam fidelibus, quam latenter infundit & paruulis, inquit.

7 Probatur denique ratione Diui Thomæ, quæ est talis: Non est conueniens dicere, Deum minus prouidere his quos diligit ad communicationem boni supernaturalis, quàm creaturis quas diligit ad naturale bonum habendum; atqui creaturis in naturalibus sic prouidet, vt non tantum eas moueat ad actus naturales; sed etiam tribuat facultates, & virtutes quasdam, quæ sunt principia actuum, ita vt per sua intrinseca inclinentur ad huiusmodi motus; ipsique motus fiant eis con-naturales, & faciles: ergò multo magis hominibus, quos diligit ad consequendū bonum supernaturale æternum, infundit etiā formas aliquas secundum quas suauiter & promptè moueantur, & simul se moueant ad actus necessarios pro illius boni consecutione.

8 Hoc autem posito, non difficulter ostēdi potest, donum illud esse referendum ad genus qualitatit: neque enim potest dici esse substantia aliqua creata, vt per se euidens est; sed neq; esse increata, quia licet Spiritus Sanctus peculiari quādam ratione & habitudine dicatur esse & habitare in hominibus iustis & Sanctis, nihilominus tamen omnino certum est, gratiam & charitatem quæ per Spiritum Sanctum diffunduntur in cordibus iustorum, esse quēdam dona ab ipso distincta: quod & modus ille loquendi importat, & ex doctrina Concilij Trid. De iustificatione satis constat. Deinde non est quantitas cum sit proximè in animā, aut in voluntate rationali, quæ quantitatit capaces non sunt. Denique nec dici potest esse nuda quēdam relatio ad Deum, quia relatio saltem realis non aduenit absque reali mutatione alterutrius extremi; quæ mutatio poni non potest in Deo, sed necessariò in homine: & proinde forma, ad quam terminatur illa mutatio, & vnde relatio resultare dicitur, potius erit dicenda gratia, quàm ipsa relatio. Accedit, quod relationes non producantur ex principali intentione agentis; (vnde philosophus docet non esse motum ad prædicamentum ad aliquid) sed tan-

tummodò ad positionem vel ablationem alicuius formæ, vel entis absoluti quod agens principaliter intendit, & resultant: gratia autem quā homo efficitur Deo gratus, in oculis eius speciosus & amabilis, imò filius Dei sine dubio est forma aliqua per se & principaliter à Deo intentā; non debet ergò dici tantummodo esse quēdam relatio.

9 Restat igitur quod sit qualitas quædā, vt habet conclusio: nam cetera prædicamenta ad genus relationum spectant, vel certè sunt eiusmodi formæ, vt nulla in eis sit apparentia, quod donum hoc inter eas sit cōnumerandum. Responditur itaque cōmuniter & rectè in prima qualitatit specie inter habitus scilicet: manifestum enim est, non pertinere ad tertiam speciē, cum non sit aliqua affectio siue patibilis qualitas, quia non est terminus alicuius passionis animi; sed potius principium aliquod actionis diuinitus infusum; multo minus spectat ad quartam speciē, cum non subiectetur in quantitate; neq; etiā est naturalis potentia; quia habitualia gratiæ dona adueniunt naturalibus potentij, voluntati scilicet & intellectui ad eas perficiendas: quæ licet non possint per se solas producere aliquem actum supernaturalem, sed ad eum per istā dona eleuentur, nihilominus tamen secundum obediēcialis potentia rationem non tantum passiuæ, sed etiam actiue præexistit, ratione cuius fit, quod à Deo per has formas eleuatur vitaliter in actum supernaturalem influunt; ideoque dona illa vt potē potentij superuenientia, potius ad genus habituum, quàm ad genus naturalis potentia sunt referenda.

### ARTICVLVS III.

#### *An gratia sit idem quod virtus?*

10 **D**Vplex potest esse sensus huius articuli: vnus, Vtrum gratia sit idem quod virtus in genere? alter, Vtrum gratia sit idem quod virtus aliqua particularis, v. g. An idem quod fides vel quod charitas?

Conclusio D. Thom. est negatiua iuxta vtrumque sensum; scilicet gratiam gratum facientem secundum quod est forma quædam specialis, neque idem esse cum virtute in genere, neque cum aliqua virtute in particulari. Idem tenent omnes D. Tho. Sectatores; & docuit tanquam sententiam suo tempore communem D. Bonauentura in 2. dist. 26. quæst. 5. Probari autem potest Primò, quia Concilia suo loquendi modo

modo distinguunt inter gratiam & virtutes. Ita Conc. Viennense dicit; paruulis quando baptizantur, conferri gratiam informantem & virtutes: similiter loquitur Innocentius Papæ cap. Maiores de Bapt. & eius effectus: & quidè ita ut satis significet, se sub virtutibus comprehendere etiā charitatem; ne quis forsitan dicat per gratiam in eiusmodi locutionibus intelligi charitatem, & per virtutes intelligi virtutes reliquas à charitate distinctas. Et Trid. illa distinctè exprimit c. 7. de iustificatione Sess. 6. ubi dicit, renouationem interioris hominis fieri per voluntariam susceptionem gratiæ & donorum. Item Can. 10. mentionem facit gratiæ & charitatis; ergo &c.

11 Probatur Secundo ex D. Dionys. qui de Ecclesiastica Hierarchia cap. 2. p. 1. docet, sicut in naturalibus oportet nos prius esse, quam operari; ita etiam antiqua connaturalia supernaturali vitæ opera faciamus, oportere nos habere ipsum statum diuini esse in nobis: Requirit ergo D. Dionys. ad perfectam rationem ordinis supernaturalis in nobis formam aliquam supernaturalem & diuinam, quæ tribuat homini esse supernaturale per modum vitæ primæ, quæque antecederet se habeat ad virtutes quæ tribuunt operari; sicuti anima se habet antecederet ad vires naturales; atqui talis forma rectissime statuitur gratia; ergo gratia non est virtus propriè loquendo, sed veluti origo & radix virtutum supernaturalium.

12 Probatur denique ratione D. Thom. quæ videtur ex prædicta Dionys. doctrina desumpta, & potest sic formari: virtus in cōmuni præsupponit esse naturæ, quia virtus complet & perficit ipsum habentē, ut Philosophus docet: scilicet, ut aptè & congruenter sit dispositus secundum rationem naturæ suæ in ordine ad finem; sic virtutes acquisitæ sunt dispositiones, inquit D. Thom. quibus conuenienter disponitur homo secundum naturam quæ homo est; quia scilicet disponitur ad conuenienter operandum secundum requisitionem naturæ humanæ, ut talis est: ergo virtutes infusæ & supernaturales debet etiā præsupponere aliquod esse supernaturale, quod in supernaturali ordine se habeat per modum naturæ, cuius virtutes illæ sint quædam perfectiones: Hoc autem non potest assignari aliud, quàm gratia iustificans, ut est particularis forma, quæ recte dicitur quædam participatio diuini esse. non tantum secundum specialem aliquam rationem particularis virtutis, sicuti fides est quædam participatio diuine cognitionis, & charitas diuini amoris; sed secundum ipsam rationem diuinæ substantiæ

tiæ ut talis, siue secundum rationem vitæ infinitæ & luminis incircumscripti, iuxta quod scribit D. Petrus 2. Epistolæ cap. 1. *Maxima & prætiosa vobis promissa donauit, ut per hoc efficiamini diuini consortes naturæ:* ergo gratia non est virtus, sed aliquid virtute propriè dictæ prius.

Confirmatur Primò: quia hac ratione optimè & propriissimè explicatur, quomodo per gratiæ infusionē dicitur homo renasci, regenerari, effici filius Dei; quia scilicet quasi alteram naturam superinduit, nempe diuinam participatam longè altiori & sublimiori modo, quàm illam referat homo secundum naturalem suam conditionem: ut enim habet Diuus Thom. artic. præcedenti ad Secundum; participatio diuinæ bonitatis quæ est gratia, nobilior est, quàm natura animæ in quantum expressio vel participatio diuinæ bonitatis; licet, inquit, quod ad modum essendi sit inferior, quia anima scilicet in se ipsa subsistit; gratia autem in animā ut in subiecto.

Cōfirmatur Secundo: quia rationi cōsentaneum est, ut non tantum potentiæ animæ exornentur supernaturalibus donis, sed etiam immediatè ipsa essentia animæ imbuatur aliquo diuino & supernaturali ornamento, cum hoc impossibile non sit; ergo &c.

14 Notandum autem est, quemadmodum imperfectus & quasi mutilus esset homo, si quis poneretur habere animam rationalem sine naturalibus viribus, puta sine potentia intellectiua & appetitiua, sic fore etiam valde imperfectum hominem in esse & statu supernaturali, si fingamus aliquem habere gratiam habitualement sine virtutibus præsertim Theologicis, sine fide scilicet, spe, & charitate: quare in plenitudine iustitiæ sanctificantis intelliguntur istæ virtutes inclusæ; & quia charitas nunquam ab habituali gratia separatur, ipsaq; magis per actus suos, & propter suam analogiam cum amore naturali, cognoscitur, quam natura gratiæ habitualis, ideo frequenter status iustorum & filiorum Dei sub nomine charitatis exprimitur, aliquando quidem sub eo nomine solo, aliquando sub illo, & simul adiuncto nomine gratiæ.

15 Hinc etiam proprietates & effectus gratiæ sanctificantis sæpius charitati tribuuntur. Sic D. Aug. lib. De natura & gratiæ c. vltimo, tribuit illi iustitiam nostram 1. Ioannis cap. 3. tribuitur ei facere filios Dei: *videte qualem charitatem dederit nobis pater, ut filij Dei nominemur & simus.* Item facere hominem Deo dilectum: Prouerb. 18. *Ego diligentes me, diligo:* Ioan. Euang. cap. 14. *Qui diligit me, diligitur à Patre meo.* Item tribuitur illi esse vitam animæ 1. Ioan-

nis 3. *Qui non diligit manet in morte*: & quidem hæc omnia uocantur, quia scilicet charitas est flos & fructus nobis notior & inseparabiliter concomitans excellentissimum illud habitualis gratiæ donum, quod est suprema quædam diuinæ naturæ participatio, unde alię perfectiones suo modo emanant & fouentur.

16 Non tribuuntur autem, ista similiter fidei, saltem absolute loquendo, quia potest fides esse informis, & manere in homine gratiæ dono destituto, non ita charitas: aliquando tamen etiam iustitia & similes proprietates attribuantur fidei, sed cum addito, quæ per dilectionem operatur. Quare sicuti non efficitur inde, gratiam sanctificantem non esse quid distinctum à fide, sic neque ex eo quod per concomitantiam tribuantur illa charitati, sequitur eam non esse quid realiter à charitate distinctum, quod multi volunt.

17 Sed dicit aliquis: iam dictum fuit, gratiam habituales se habere ad virtutes infusas, sicuti natura ad suas proprietates & potentias: oporteret ergo nullam remanere virtutem infusam post amissam gratiam; quia pereunt vires & proprietates naturales deperditâ formâ substantiali.

Respondetur: quamuis sit similitudo quædam & proportio, quod scilicet gratia sit instar primi & substantialis esse in edificio ordinis supernaturalis, & virtutes infusæ se habent ut vires ab animâ, non tamen est omnimoda identitas: nam differentia in eo est, in primis quod virtutes non insint proximè in gratia habituali, ut in subiecto; sicuti naturales potentiæ sunt in anima: unde non tam dependent hæc ex parte à gratiâ, quam potentiæ ab animâ. Deinde non promanant physico profluxu ab animâ; sed modo quodam morali, quatenus Deus conformiter ad naturas rerum ordinauit, quod illud diuinum Esse nulli communicaretur, nisi simul tales virtutes, & veluti proprietates eius adungerentur, prout ratio istius Esse postulat. Unde ex eiusdem ordinatione fieri potest, quod etiam illo esse deperdito ali-

quæ adhuc remaneant virtutes, tanquam quædam eius reliquiæ. In quo etiam non receditur ab eo quod in rebus naturalibus obseruamus fieri, ubi & quædam formæ per modum dispositionum ad formâ substantialem soleant in materiâ præcedere, quæ deinde, formâ scilicet substantiali introductâ ab eadem conseruantur, nec mox intercitant cum ipsâ formâ desinente; sed ad tempus conseruari solent à similibus causis, à quibus prius productæ sunt.

#### ARTICVLVS IV.

*Utrû gratia sit in essentiâ animæ tanquam in subiecto, an in aliquâ potentiâ?*

18 Conclusio D. Thom. est: quod gratia sit in essentiâ animæ ut subiecto: non in aliquâ potentiâ. Deducitur ex dictis artic. præcedenti: quibus suppositis, breuiter sic eam D. Thom. ostendit: quia omnis perfectio potentiæ rationalis habet rationem virtutis; ergo sicuti gratia non est virtus, sed quid prius virtute, ita debet quoque illi assignari subiectum prius ipsis potentijs animæ, quod non potest esse aliud, quàm essentia animæ; ut scilicet sicuti per intellectum participat homo diuinam cognitionem mediante virtute fidei, & secundum voluntatem participat diuinum amorem per virtutem charitatis, ita etiâ secundum ipsam naturam animæ participet naturam diuinam secundum quâ indâ similitudinem, sic ut ratione huius diuini Esse participati dicamur renasci, & fieri filij Dei. Unde addi potest altera cõgruentia, quia generatio corporalis terminatur ad formam substantialem, non ad potentias aut virtutes; ergo etiam spiritualis regenerationis terminus proprius & specialis erit forma aliqua primariò & proximè in formâ substantiali & essentia animæ producta & relictus.

Qq

QVÆST.

4 **C**onclusio D. Thomæ est affirmatiua: Videtur autem delumpfisse hanc diuisionem ex doctrina D. Aug. lib. De gratia & libero arbitrio cap. 17. vbi scribit, Cooperando in nobis perficit, quod operâdo incipit: quia ipse vt velimus operatur incipiens, qui volentibus cooperatur perficiens: & rursum, Vt autem velimus operatur, cum autem volumus, vt perficiamus, nobis cooperatur. Habet & eadem diuisiõ fundamentum in Scripturis & Concilijs: Ad Philip. cap. 1. *Qui cepit in vobis opus bonum, perficiet vsque in diem Christi IESV*, & cap. 2. *Deus est enim qui operatur in vobis & velle & perficere pro bonæ voluntate*. Itẽ ad Rom. 8. *Scimus quoniam diligens Deus, omnia cooperantur in bonum*. Concil. Arausicanum Can. 20. sic scribit: Multa in homine bona fiunt, quæ non facit homo; nulla verò facit homo bona, quæ non Deus præstet vt faciat homo.

5 Sed variant DD. quid per gratiam operantem, quid per cooperantem sit intelligendum. Omisiss opinionibus, Respondetur rectè vtrumque membrum à D. Thom. explicari, quod scilicet illa censeatur esse gratia operans, in cuius effectu mens nostræ est mota, & non mouens: quia operatio alicuius effectus, inquit, non attribuitur mobili, sed mouenti: hæc verò censeatur cooperans, in cuius effectu mens nostra se mouet & à Deo simul mouetur.

6 Pro horum pleniori intelligentiâ Notandum Primò, nullum quidem omnino esse mentis nostræ actum aut motum, qui non sit etiam actiue ab ipsa mente, physice loquendo; omnis enim motus mentis nostræ est actus vitalis, qui necessariò dicit ordinem ad vitalem potentiam, tanquam principium efficiens; nihilominus tamen multos esse actus & motus eius, qui non procedunt ab illâ concurrente per modum mentis, id est, tanquam à principio liberè & cum iudicio rationis operante, ideoque tales motus, non habita ratione physice illius efficientiæ, adscribi potius menti tanquam subiecto & vt passiuè se habenti, quã vt principio mouenti: attribui autem externo principio quod suscitât illos, tanquam causæ efficienti. Sicuti & Apostolus ad Rom. 7. De motibus concupiscentiæ id explicat: *Si autem quod nolo, illud facio*, &c. *Iam non ego operor illud, sed quod habitat in me peccatum*: quamuis interim, quemadmodum motus hi efficienter ab appetitu exeunt, ita etiam mens in istos actiue influat: verum non liberè & per modum actuum humanorum.

Notandum itaque Secundò: traditam à D. Thomâ explicationem gratiæ operantis, esse accipiendam hoc sensu, scili-

cet quod in eius effectu, mens nostra siue superior animæ pars sit mota, & non mouens, videlicet per modum mentis cum deliberatione & iudicio rationis: In effectu autem gratiæ cooperantis, ibi mens nostra sit mota, scilicet à Deo, & etiam mouens; quia deliberatè, & liberè simul cum Deo se mouet, & actus voluntarios elicit.

Hinc ad effectus gratiæ operantis dignoscuntur pertinere bonæ inspirationes, & illuminationes diuinitus immisissæ, item piæ & sanctæ affectiones obuenientes sine nostrâ operâ & conatu; similiter metus mortis, iudicii, inferni, quatenus ad prænitentiam inducunt; cuiusmodi effectuum causam non oportet necessariò assignare aliquam gratiam creatam in homine existentem, quæ eos operetur, sed Deus ipse immediatè per se illos excitare & operari solet, concurrente tamen intellectu aut voluntate: vnde bona illa Dei voluntas quæ eos in nobis efficit, erit propriè tunc gratia operans, nisi quis fortitan maluerit illo nomine accipere ipsos effectus, sicuti multi accipere videntur, dicenturq; illi tunc gratia operans, quia ab operante Deo sine nostrâ liberâ & deliberatâ cooperatione in nobis efficiuntur. Ad effectus autem gratiæ cooperantis pertinent opera bona inprimis externa, quia Deus non solet hominem mouere ad faciendam externam opera pietatis, sic vt de facto ea exequatur, nisi interueniente libero actu voluntatis, cuius imperio mouetur corpus, & applicentur eius vires, & membra ad suas functiones.

Vnde D. Thom. peculiariter appropriat gratiam operantem interioribus actibus voluntatis, & gratiam cooperantem actibus exterioribus; quia ad istos, inquit, voluntas se habet vt mota; Deus autem vt mouens: hi autem cum à voluntate imperentur, consequens est (inquit) quod operatio ad hunc actum, attribuitur voluntati: sed quia Deus nos ad hunc actum adiuvat, interius confirmando voluntatem, & exterius facultatem operandi præbendo, ideo gratia respectu huiusmodi actus (ait) dicitur cooperans.

Huius tamè appropriationis pars prior non est vniuersaliter accipienda, quia quãdo sanctæ cogitationes & piæ affectiones deliberatè studio voluntatis continuantur, tunc sine dubio in illâ continuatione mens nostra non debet dici tantum mota, sed etiam mouens; quare gratia concurrents ad illam continuationem interiorum actuum, potius est dicenda tunc cooperans, quàm operans, præsertim quãdo sunt cogitationes & affectiones in quibus

bus sistitur tanquam in opere per modum finis intento. Quod addo, quia si cogitationes & affectiones illæ sint solum tanquam quædam excitamenta, & quædam tendentiæ ad aliud pietatis aut religionis opus in quod voluntas nondum plenè se resoluit, licet aliquousq; ipsi placere incipiat, tunc non inconuenienter poterit gratia dici adhuc operans, quia versatur adhuc in præparauone voluntatis in ordine ad opus, in quo adimplendo nondum habet voluntatem sibi cooperantem, licet aliquantulū ad opus accedentem, scilicet quatenus incipit voluntariè delectari & affici ad illud. Vnde sub hac consideratione poterit dici partim cooperans, & quasi secundum quid, prout concurrit ad deliberatam illam voluntatis inclinationem in opus: non tamen plenè & simpliciter, quia nondum habet voluntatem operantem principale opus ad quod illam mouet.

- 9 Quod verò hic etiam fuerit sensus D. Thomæ, paret ex adiunctis; quia postquam dixisset, & quantum ad istum actū (scilicet interiorem) voluntas se habet ut mota; Deus autem ut mouens, addit, præsertim cum voluntas incipit bonum velle quæ prius malum volebat: quo satis significat effectus gratiæ operantis esse primos illos motus bonos, tum voluntatis, tum intellectus, quibus homo à Deo excitatur & præparatur, ut resolutè & absolute bonum velit & operetur quod illi proponitur: & in Responssione ad tertium, ita scribit: homo autem per gratiam operantem adiuuatur à Deo, ut bonum velit. Quando igitur deliberatè & resolutè bonum vult, tunc in illa volitione gratia cooperatur, ad quam volitionem tanquam finem data erat gratia operans: idque conforme est doctrinæ D. Augusti. loco supra citato; dum ait: Ut ergo velimus sine nobis operatur (quia scilicet excitat & præparat voluntatem ad volendum) cum autem volumus, & sic volumus ut faciamus (id est, quando deliberatè & efficaciter volumus) nobiscum cooperatur.

- 10 Notandum hic denique hanc gratiæ diuisionem propriissimè habere locum in gratiis actualibus, de quibus etiam videntur manifestè agere autoritates Scripturarū & SS. Patrum ex quibus diximus eam desumi: non tamen incongruè à D. Thom. accommodari gratiæ quoque habitibus, quos dicit gratias operantes quatenus mētē sanant, & hominem iustificat, id est, ratione sui formalis effectus, quem præstant, ubi homo nihil confert, quia & Deus sine nobis illos infundit, & mox ut

animam & potentias informant, sequitur eorum effectus formalis sine nostrâ operâ: Cooperantes verò vocat, quatenus sunt principia operis meritorij, quod ab illis simul cum libero arbitrio procedit. Posset & aliâ ratione diuisio illis accommodari, ut scilicet dicerentur gratiæ operantes, quatenus ex illis quasi ex semine quodam pullulant primæ bonæ cogitationes & affectiones accedente Spiritus S. operatione: vnde in iustis & Sanctis possent eiusmodi habitus assignari suo modo tanquā causa & gratia operans respectu primorum motuū, qui boni & sancti sunt: quauis ut modo diximus, quoad omnes non sit necessarium assignare gratiam aliquam creatam in hominē existentem, quæ illos operari dicatur, quia id non videtur locum posse habere in hominibus saltem infidelibus, qui primū incipiunt commoueri ad fidem. Et ut dicerentur cooperantes, quatenus postmodum voluntas pijs illis affectibus accensa, & allecta deliberatè ipsidem præbet assensum, & ad opus quo inclinant, deducit.

11 QVÆRITVR hic Primò: Quomodo hæc gratiæ diuisio differat ab eâ, secundum quam solet alia gratia dici excitans, & alia adiuuans vel concomitans? Responderetur secundum rem ipsam non videri istas diuisiones multū disterre; in modo tamē significandi ipsorum nominum gratiæ operantis & gratiæ excitantis, secundum rigorem loquendo, hoc esse discriminis, quod nomen gratiæ operantis tantum videatur importare respectum ad formalem effectum quem efficit: Exempli causa: Gratia operans primam bonam voluntatem aut primam bonam cogitationem, tantummodo dicit respectum ad illud primum velle, aut primum cogitare: nomen verò gratiæ excitantis vltigius importet respectum ad aliquē actum vel opus, ad quod voluntas mediante gratiæ motione prouocatur & allicitur: vnde quos diximus esse effectus gratiæ operantis, sunt quoque effectus gratiæ excitantis: sed quia nomen gratiæ excitantis importat hunc respectum ad opus aliquod sequens, ideo illi ipsi effectus poterunt etiam rectè & propriè dici ipsę gratiæ excitantes, quia iuuant & habent quandam causalitatem in ordine ad opus, ad quod illis mediantibus voluntas accéditur & commouetur: Inter gratiam verò adiuuantem cooperantem non apparet aliquid discriminis.

12 QVÆRITVR Secundò: in quibus consistat cooperans siue adiuuans gratia? Pro explicatione & intelligentiâ notandum est, circa opus bonum posse consi-

derari

derari quatuor concurrere. Primum sit voluntas, vt est naturalis potentia: Secundum sit concursus causæ primæ isti potentie ad suam operationem necessarius & debitus: Tertium est vis quædam vel causa supernaturalis eleuans voluntatem, eamq; reddens potentem & proportionatam tali operi exercendo: Quartum est diuinus concursus etiam vt causæ primæ respõdens illi virtuti vel causæ supernaturali. Ex his primū & secundum non pertinent ad gratiam, neque ad ordinem supernaturalem per se loquendo, sed ad naturam: nam & influxus liberi arbitrij vt ab eo est, & concursus Dei quatenus præcisè exhibetur libero arbitrio vt potentie naturali, pertinent ad naturæ ordinem: quare in istis nõ potest constitui gratia adiuuans: Tertium verò & quartum ad ordinem supernaturalem pertinent. His præmissis

13 Respondeo & Dico Primò: non potest gratia adiuuans siue cooperans constitui in solo concursu Dei generali ad ordinem gratiæ pertinente. Declaratur: quia concursus generalis ex parte Dei in vtroque ordine præsupponit nemper causam secundam potentem & sufficienter instructam in causæ secundæ ratione in ordine ad effectum, ad quem exhibetur; adeo vt si aliquando diuina virtute producatur proximè effectus cui causa secunda in ratione causæ secundæ non est satis proportionata, non censetur effectus ille produci virtute tantum concursus Dei generalis per modum causæ vniuersalis operantis, sed virtute Dei operantis per modum causæ particularis & suppletis defectū causæ secundæ: atqui voluntas non est per se causa potens & sufficienter instructa in ratione causæ secundæ ad bonum opus supernaturale; ergo oportet illi adiungere aliam virtutem cum quâ efficiatur proportionata, & sufficiens in ratione causæ secundæ, & tunc demum locū habebit concursus supernaturalis causæ primæ per modum causæ vniuersalis.

14 Dico Secundò: non potest quoq; dici, gratiam adiuuantem siue cooperantē vniuersaliter non esse aliud, quam habitus supernaturales infusos. Declaratur: quia quando infideles ad fidem vocantur; & non tantum vocantur, sed audientes conuertuntur ad fidem, & penitentes iustitiam apprehendunt, tunc præcedunt diuersi actus de liberati ac voluntarij, tanquam dispositiones ad habitum fidei, spei, ac charitatis & reliquorū infusionem: qui actus sine gratiā adiuuante & cooperante non exercentur: neque tamen ab habitibus infusis procedunt, vt pote qui posteriores sunt: non est igitur gratia adiuuans vniuersaliter tantummodo habitus infusus; Imo etiam illi

qui habitibus & virtutibus sunt instructi exercent aliquando actus excedentes vires & intensionem habituum, vbi quoque est recognoscenda gratia adiuuans præter habitus infusos. Dico autem, quod non sit vniuersaliter idem quod habitus infusus, quia hic etiam non est excludendus à ratione gratiæ adiuuantis: negandum enim non est, quin habitus infusi in ijs vbi reperiuntur, suum quoque præstent adiumentum, & influant in actus bonos. v. g. habitus fidei ad actum fidei, habitus charitatis ad actum charitatis; nec hic tantum ad actum charitatis, sed etiam ad actus aliarum virtutum qui à charitate imperantur: sunt enim virtutum infusarum habitus operatiui, & principia proportionata actibus supernaturalibus, adeo vt hi actus dicantur procedere à potentijs informati talibus habitibus tanquam à principijs cognaturalibus.

Dico Tertiò: quamuis non sit impossibile Deum per se immediatè concurrere & supplere vices habitus aut virtutis creatæ supernaturalis circa opera supernaturalia, quæ homo facit antequam habitibus supernaturalibus sit instructus, vel etiā quæ postquam est instructus exercet ultra vires & proportionem habituum, non tamen dicendum ideo est, gratiam adiuuantem & cooperantem tunc nihil aliud esse, quam Deum per se proximè influentem & cooperantem per modum particularis principij. Declaratur, quia non est recurrendum in effectuum causis statuentis ad suppletionem quæ fiat per causam primam, vbi superest aliquid quod possit dici habere rationem causæ secundæ in ordine ad tales effectus, prout in præsentī negotio superest & assignari potest. Vnde

Dico Quartò: gratia adiuuans siue cooperans actualis de quâ potissimum inquirimus, rectè dicitur esse qualitas quædam transiens menti impressa per modum imperus alicuius, cuius actiuitas & operatio quodammodo est à mente dependens, & suo modo menti prædominans. Hæc autem qualitas non est quid realiter distinctū ab excitante gratia, siue ab effectibus gratiæ operantis, prout eos supra n. 7. explicauimus: istæ enim vitales motiones mentis nostræ, & sunt quædam excitationes tum intellectus, tum voluntatis, & simul vires supernaturaliter operandi addunt ad actus similes liberè exercendos, sicuti quādo ab igne producitur calefactio in aquā, mouetur & alteratur aqua, & illā alteratione seu motione calefactionis simul accipit virtutem producenti confimiles actus calefactionis quæ virtus non est quid reale distinctum à calefactione in

Q9 iij aqua



aqua causatâ siue à calore trãsfeunter producto. Sic itaque gratia adiuuans non est quid distinctum realiter ab illa motione, eiusque termino diuinitus in mente nostrâ causatis: quæ incipit habere rationem gratiæ adiuuantis & cooperantis quando voluntas per eam confortata & accensa simul operatur.

17 Sed dices: ergo gratia adiuuans habebit rationem adiuuantis à voluuntatis actione, cum tamen adiuuare voluntatem sit prius quam voluntatē agere: non videtur igitur sic rectè explicari gratia adiuuans. Resp. adiuuans posse considerari dupliciter: vno modo quasi in actu primo siue in habitu, vt gratia dicatur adiuuans hoc ipso, quo vires addit, licet nondum sequatur operatio eius qui vires accipit; alio modo quasi in actu secundo, vt dicatur illa adiuuare, quæ sic vires addit, vt simul cum eo cui vires adduntur, exeat in actum & operationem. Priori modo gratia est adiuuans antequam accedat etiam voluntatis operatio, quia vires illi præbet, vel potius quia ipsa est formalis quædam virtus voluntatis naturâ prior operatione ipsius voluntatis. Posteriori modo autem non dicitur adiuuans nisi cum quodam respectu ad actionem voluntatis; quia vt sic includit relationem concausæ actu operantis ad concausam actu operantē, cuius proinde terminus est voluntas simul operans: quæ relatio clarius importatur sub nomine gratiæ cooperantis; nihilominus tamen secundum commune conceptum, quem solemus de gratiâ adiuuante facere, videtur etiam in hoc nomine inclusa. Quod itaque habeat hanc relationem gratia adiuuans ex ordine ad voluntatem operantem, non est inconueniēs: quia hic respectus cooperationis non est prior, sed simul cum voluntatis operatione tanquam suo termino, adinstar correlatiuorum. Verum adiuuare in actu primo, siue vires addere, hoc prius est, quam voluntatem operari: idque habet gratia adiuuans sine omni dependentiâ à voluntatis operatione, quia est virtus quædam vitalis excitans, eleuans, & confortans voluntatē antequam operetur voluntas. Ex his intelligi poterit, quomodo possit dici aliquo sensu, quod gratia adiuuans possit esse sine effectû, & aliquo sensu quod non possit esse sine effectû: si enim intelligatur adiuuans in actu primo vt vires præbens, sed nōdum in actu secundo iuuans, sic poterit esse gratia adiuuans sine effectû, quem scilicet efficienter causet; si verò intelligatur adiuuans in actu secundo & effectiue influens, sic non potest esse adiuuans absque eo quod effectum producat, vt per se ex terminis ipsis patet.

Cæterum sicuti dicitur 1. ad Corinth. 14. quod Spiritus Prophetarum Prophetis sint subiecti, ita nimirum vt licet percipiant diuinam reuelationem, & sentiant diuinum motum ad eiusmodi reuelationē Ecclesiæ siue congregationi vbi se reperiunt, communicandam; nihilominus tamen possint suspendere illum instinctum spiritus, vt oportuno tempore eloquantur, ne alios perturbent, vt ibi significat Apostolus; sic quoque motiones Spiritus S. & affectionales qualitates, siue gratiæ adiuuantes sunt suo modo subiectæ & dependentes à voluntate, non quidem in sua origine, quia Deus illas in nobis operatur sine nobis, modo supra explicato) sed in operatione illâ ad quam tendunt. quatenus scilicet voluntatem ad eam nō necessitant, sed tantummodo excitant, inclinant, & corroborant, ita tamen vt ei non adimant libertatem dissentienti & non cooperandi. Quare vt hæc res aliquali similitudine fiat clarior, potest comparari gratia adiuuans hæc in parte cum impetu impresso v.g. pilæ vel globo, quem robustus aliquis tenet manu: est enim impetus ille qualitas quædam transiens ex se motiua talis corporis, cui imprimitur, sic tamen vt effectus & motio sit dependens ex voluntate tenentis in manu pilam vel globum, sic nimirum, vt si manum relaxet dum impetus imprimitur, consequatur impetus effectum, sin minus, erit ipse inanis & sine effectû: sic enim gratia actualis adiuuans est quodammodo instar cuiusdam impetus, sed vitalis, impressi voluntati: quia tamē voluntas est potentia libera se ipsam, suasque operationes quasi in manu sua habens, ideo effectus & operatio, cuius est causatiua gratia adiuuans, modo quodam est dependens ab ipsa voluntate, quæ libere consentire & dissentire potest.

Notandum autem est, etsi dixerimus 19 Deum per se proximè & immediatè per modum principij particularis, non operari cum nostra voluntate opera bona & meritoria, ad quæ seruit gratia adiuuans siue cooperans creata, tamen quia concurrat hæc mediante vt qualitate & virtute fluente modo explicato, quam continuo in nobis producit, ideo quemadmodum Deo attribuitur operari primum velle in nobis, sic quoque illi ordinariè attribui adiuuare & perficere: quare non debet dici auxilium gratiæ adiuuantis non magis voluntatē actualiter & mouere & inclinare, quam faciant infusi habitus (licet quoque auxilium illud in assensu obtinendo dicamus dependens suo modo à voluntate) quia reuera est vitalis motio, & quamuis non ita determinet hominem ad operandum,

dum, quin voluntas dissentire & operationem negligere possit, actualiter tamen ipsum mouet, quando potentia vitali diuinitus est impressum, & infallibiliter obtinet effectum, quando secundum propositum datur.

20 Notandum præterea, quod gratia excitans (à quâ diximus. nō distingui realiter adiuuantem prout hæc ab initio datur) nō semper sit sufficienter adiuuans, siue non semper satis sit potens in ordine ad opus, ad quod ultimatē voluntatem præparat; sed quod tamen semper ad aliquid boni operis, aut saltem ad aliquid boni effectus aut complacentiæ deliberatē eliciendæ sufficiat: si namq; tantum excitare & incutere pulsaret, nec vires vllas sufficientes ad aliquid boni operandum præberet, iam potius ad legem & doctrinam videretur pertinere, quàm ad propriè dictam gratiam; vt potest colligi ex Aug. lib. 15. de Ciuitate cap. 6. vbi sic scribit: Spiritus Sanctus operatur intrinsecus, vt valeat aliquid medicina quæ adhibetur; extrinsecus alioquin (inquit) et si Deus ipse vtens creaturâ sibi subditâ in aliquâ speciei humana sensus alloquatur humanos, siue istos corporis, siue illos quos istis simillimos habemus in somnio, nec interiori gratiâ mentem istam regat, atque agat, nihil prodest homini omnis prædicatio veritatis: quibus indicat se omnia illa ad legem & verbū prædicationis remittere, nec gratiæ nomine cōprehendere, quæ siue exterius, siue interius fiunt in anima hominis, & non simul vires præstant requisitas, quibus homo possit velle, & amplecti, quod proponitur.

21 Quod si autem voluntas operetur cum gratia oblata prout potest, tunc ipso opere acquirit maiores vires, & amplius iuuatur, vt sensum possit ad opus progredi, ad quod ab initio gratia eam præparabat: non enim miseretur Deus & deserit, scilicet primum, si homo gratiâ oblata vtatur; si verò in vacuum, gratiam acceperit & negligat, sit aliquando quidem, quod Deus instantius & efficacius pergat excitare & mouere; aliquando etiam quod ipse iuste hominem negligat & derelinquat. Addidi autē in responsione, quod gratia adiuuans licet aliquo modo vtī explicuimus sit menti nostræ subiecta, sit tamen quoque illi suo modo prædominans, præsertim illa quæ secundum propositum à Deo datur; de quâ scribit D. Aug. quod à nullo duro corde respuatur: & iterum, quod subuentum sit infirmitati voluntatis humanæ, ut diuinâ gratiâ indeclinabiliter & insuperabiliter ageretur, & ideo quamuis infirma, non deficeret. Quomodo autem illa con-

sistant, & qua ratione id præstet gratia adiuuans, articulo sequenti latius vbi de gratia efficace agemus, explicabitur.

### ARTICVLVS III.

#### *An conuenienter gratia diuidatur in præuenientem & subsequentem?*

22 Conclusio D. Thom. est: sicut gratia diuiditur in operantem, & cooperantem secundum diuerfos effectus, ita etiam diuidi in præuenientem & subsequentem; qualitercumque, inquit, gratia accipitur. Fundamentum huius diuisionis sumitur ex Script. Psal. 58. & 22. vbi in priori dicitur: *Misericordia eius præueniet me;* & in altero: *Misericordia tua subsequetur me:* nam misericordia quæ præuenit, est gratia quædam, sicut & illa quæ subsequitur. Membra autem huius diuisionis conuenienter sic explicari possunt, vt gratia præueniens dicatur eadem cum operante siue excitante, & subsequens eadem cum adiuuante siue cooperante. D. Thomas tamē parum aliter videtur accipere: explicat enim ipse præuenientem & subsequentem in ordinē ad effectus ipsius gratiæ, quos quinque enumerat: quorum primū ponit, quod anima sanetur: Secundum quod bonum velit: Tertium quod bonum volitum efficaciter operetur: Quartum quod in bono perseueret: Et Quintum quod ad gloriam perueniat. Gratiam itaque, quæ causat primum effectum, vocat ipse præuenientem respectu effectus secundi, ante cuius causam ipsa datur, & gratiam quæ causat secundum effectū vocat subsequentem respectu effectus primi, & præuenientem respectu terrij; & sic de cæteris. Et quia ad illos effectus concurrunt tum gratia habitualis tum actualis, ideo iuxta D. Thom. potest prædicta diuisio applicari gratiæ qualitercumque accipitur siue pro actuali, siue pro habituali. Hæc autem dicta sufficiunt de diuisionibus gratiæ à D. Tho. propositis.

23 Superest alia Gratia diuisio examinanda qua communiter diuiditur in gratiam sufficientem & efficacem: vbi

QVÆRITVR Primò: An illa sit conueniens gratiæ diuisio? Caluinus lib. 2. Institutionum cap. 3. nullam vult agnoscendam gratiam excitantem, quæ non sit efficax, habeatque effectum coniunctum. Cum enim quædam ex Scripturis & D. Aug. in medium produxisset, quæ huc spectare volebat, sic concludit: Medium quem

quem Sophistæ imaginantur motum, cui obsequi vel repellere liberū sit, apertè excludi videmus, vbi asseritur efficax ad perseverandum constantia.

Respondetur nihilominus, conuenienter sic gratiam diuidi; vbi diuisum ipsum rectè ponitur gratia adiuvans in communi siue in actu primo, siue in actu secundo. Primum autem membrum debet sumi cū exclusione secundi, vt per sufficientem intelligatur ea, quæ est sufficiens tantum, ita vt non efficax, alioquin omnis efficax esset quoque gratia sufficiens, atque ita non subsisteret debita distinctio inter membra. Gratia itaque sufficiens in hac diuisione dicitur, quæ hominem sufficienter instruit in ordine ad aliquem bonum actum siue internū, siue externum, vt illum excercere & operari possit, cū quā tamen de facto illum homo non excercet, nec operatur, Cōtingit autem eam dici sufficientem dupliciter; vno modo proximè; alio modo remotè tantum: tunc est sufficiens proximè quando illa mediante potest homo excercere opus nullā alia virtute, vel auxilio antecederet ex parte gratiæ requisito: tūc autem remotè ad opus aliquid diceretur sufficiens, quādo mediante illā non potest quidem quicquid sine nouis & maioribus viribus opus illud facere, sed tamen per eam potest præstare aliquid, quod mediante valeret vteriores vires acquirere, quæ necessariæ ad opus sunt.

24 Agnoscenda autem esse huiusmodi diuinæ gratiæ auxilia, quibus Deus homines præuenit & excitat, atque adeo sufficientes vires præbet, siue ad malum vitandū, siue ad bonum operandum, quæ ab hominibus non negliguntur, nec consequuntur effectum, Probat contra Caluinum primò ex Script. sacris: Prouerb. cap. 1. *Vacui & renuisti, extendi manum meam, & non fuis qui respiceret, despexisti omne consilium meum, & increpationes meas neglexisti.* Isa. 65. *Extendi manu meam tota die ad populum incredulum qui graditur in via non bona post cogitationes suas.* Vbi notandum circa vtrumque locum, quod extendere manum importet adferre auxilium, seu paratum se exhibere ad auxiliandum, sic vt per alterum stet, si non iuuetur. Isaïæ cap. 5. *Quid est quod debui vltra facere vineæ meæ, & non feci? An quod expectaui vt faceret vna, & fecit labrusca?* non dubium igitur est quin vinea illa rore gratiæ sufficientis fuerit irrigata, vt fructum bonarum vuarum ferre posset; alioquin non congruè diceretur; quid vltra facere debui? Matt. 23. & Lucæ 13. *Quoties volui congregare filios tuos, quemadmodum gallina congregat pullos suos sub alas? & nolui.* Actos. cap. 7. *Vos semper Spiritui Sancto re-*

*sististis.* ad Rom. 2. *An diuitias bonitatis eius & patientia, & longanimitates contemnes, ignorans quoniam benignitas Dei ad penitentiam te adducit?* 2. ad Corinth. 6. *Hortamur autem vos ne in vacuum gratiam Dei recipiatis.* vbi Apostolus planè supponit aliquos gratiam Dei, quæ illis ad salutem offertur, in vacuum excipere, & sperato effectu frustrare.

27 Probari Secundo potest ex Concilijs, & P. P. ex quibus supra ostendimus omnibus iustificatis subministrari necessaria gratiæ auxilia, quibus in iustitiā acceptā perseverare possint, si velint: nam cum satis constet non omnes iustificatos in iustitiā perseverare, omnino efficitur multos habere auxilia gratiæ necessariæ ac sufficientis siue ad malum vitandum, siue ad bonum operandum, quæ tamen effectum non sortiantur: quod etiam peculiaritè ex D. August. demonstratur lib. 83. qq. quæstione 68. vbi ita scribit: *Nec illi debent sibi tribuere, qui venerunt, quia vocati venerunt; nec illi qui noluerunt venire debent alteri tribuere, sed tantum sibi, quoniam vt venirent vocati erant in libera voluntate: & infra: Qui autem vocatus non venit, sicut non habuit meritum præmij vt vocaretur, sic inchoat meritum supplicij cum vocatus venire neglexit: quibus satis significat Deum sæpius vocare, & ex parte suā offerre necessaria, quibus possint ad eum homines venire, qui tamen accedere culpā suā negligunt: & lib. 1. ad Simplicianum quæst. 2. Sed si vocatio ista est effectrix bonæ voluntatis, vt omnis eam vocatus sequatur, quomodo verum erit: multi vocati, pauci electi? vbi indicat esse quandam etiam gratiam vocationis, quæ efficax non sit. Idem agnoscit D. Prosper lib. 2. De vocatione gentium cap. 15. & 23.*

26 Sed contra Opponuntur loca quædam ex D. August. & in primis, quod scribit de bono perseverantia quæst. 14. Et quoniam, inquit, vt crederent non est eis datum, etiam vnde crederent est negatum: quod videtur idem esse ac si diceret, quibus non donatur gratiæ effectus, etiam negatur id quod possit illius effectus esse causa; ergo non agnoscit sufficientem gratiam, quæ non sit efficax. Respondetur D. Aug. eo loco docere iuxta diuinam circa homines prædestinationem ad iustitiam, & salutem, consequenter in tempore conferri illis congrua & efficacia media, quibus illa apprehendant, & consequantur; ijs verò qui misericorditer non sunt ad illa præordinati, non quoque in tempore concedi ista media. Vnde infra ait: Sed nec illis (scilicet Thirys & Sidonijs) profuit, quod poterant credere (id est, vt paulo ante ipse loquitur,

loquuntur, quoniam credidissent si qualia viderunt Iudæi, ipsi signa vidissent) quia prædestinati non erant ab eo, cuius inscrutabilia sunt iudicia: & inuestigabiles viæ: neque istis (scilicet Iudæis) obfuisse, quod non poterant credere, si ita prædestinati essent, vt eos cæcos Deus illuminaret, & induratis cor lapideum vellet auferre, quando itaque dixit Aug. quoniam vt crederent non est eis datum, scilicet Thyrijs & Sydonijs, etiam vnde crederent est negatum, non est sensus qui in obiectione pretenditur; sed sensus est: quoniam ad credendum non erant ex diuina prædestinatione præordinati, hinc etiam media congrua & efficacia ad credendum non sunt eis applicata, qualia fuissent, si in Tyro & Sydone Christus fecisset ea signa & miracula, quæ fecit in Iudæa.

Alter locus desumitur ex cap. 13. lib. 27. De gratia Christi; vbi sic scribit: Qui autem nouit quid fieri debeat, & non facit, nondum à Deo didicit secundum gratiam, sed secundum litteram. Vbi viderur significare nullam esse gratiam, quæ non præster suum effectum. Respondetur, iuxta Phrasim Euangelij, quam sequitur Aug. discere à Deo, est venire & obedire, siue illuminari cum voluntatis tali inflammatione; vt venire & obtemperare inseparabiliter coniungantur. Et hinc de illo qui nouit quid fieri debeat, & non facit, rectè dicit, Aug. eum nondum à Deo didicisse secundum gratiam, videlicet quæ secundum propositum datur, de qua maximè semper ipse agit: sed tamen non didicisse diceret talem non vocatum, aut cum vocatione non potuisse discere: simul enim consistunt sufficienter à Deo vocari, vt possit homo discere, & tamen à Deo non discere secundum gratiam, de qua Aug. loquitur.

Tertius locus desumitur ex libro 1. ad Simplicianum qu. 2. vbi sic scribit: Ad alios autem vocationi quidem peruenit, sed quia talis fuit quæ moueri non possent, vt eam capere apti essent, vocati quidem dici potuerunt; sed non electi: ergo vult solam gratiam electorum quæ est efficax, esse quoque talem quæ possit vocari venire, & per consequens tollit gratiam sufficientem tantum; Respondetur, D. Aug. ibi iuxta vulgarem loquendi modum dicere istam eorum qui non venerunt vocationem fuisse talem, quæ moueri non possent, quia scilicet non congruebat eorum affectionibus, non quod simpliciter moueri illa vocatione non potuerint, vt ex adiunctis facillè obseruatur. Quemadmodum quando pueri alicuius nouimus ingenium & indolem, solemus dicere: iste puer non potest lenitate corrigi, vel nō potest verbe-

ribus emendari: quo non significatur, quod non sit absolute in potestate aut libertate pueri, vt lenitate correptus se emendet, vel etiam vt verberibus castigatus se corrigat; sed solū significatur, quod talis modus non congruat eius indoli & affectibus, & proinde futurum non sit, quod mediante illo modo se emendet. Quidam hic aliam adhibent solutionem, quam infra ex alia occasione explicabimus.

Quæritur Secundò: In quo distinguatur gratia efficax à sufficiente, siue quid ratio gratiæ efficacis vt cōtra sufficientē distinguitur, superaddere dicēda sit? Respondeo & dico Primò: ad gratiam efficacem pertinere quod sit vis quædam seu virtus physicè operatiua, nec satis esse illi attribueri aliquam virtutem operadi moraliter duntaxat. Patet, quia omnes passim concedunt, & ex Scripturis & Concilijs manifestum est, nullam doctrinam, nullam prædicationem, nullas suasiones, correptiones, instructiones, etsi quoque intrinsecus in sensibus hominis à Deo fierēt, sufficere homini ad pietatis opera, vt ex D. Aug. supra circa finem articuli secundi N. 20. diximus: quæ tamen omnia habent quandā vim mouendi moraliter. Huc facit illud Christi, Ioan. c. 6. *Nemo potest venire ad me, nisi pater qui misit me traxerit illum*: Et illud Apostoli, *Ego plantavi, Apollo rigauit, Deus autem incrementum dedit*: & alia similia.

Dico Secundò: Completa ratio gratiæ efficacis non absoluitur in eo, quod sit quædā virtus physicè & quasi in actu primo operatiua; quæ etiam in eo quod sit actus quidam, quo formaliter mouetur siue intellectus quædam illustratione, siue voluntas quædam piæ affectione, siue quoque simul potentia mouetur respectu talibus motibus diuinitus immixtis. Declaratur; quia ista omnia conuenire possunt etiam gratiæ illi quam dicimus sufficientem tantum; nam vt ex supra dictis patet, gratia excitans & est vis quædam ex se operatiua, & licet non producat effectum de facto, tamen in actu primo est virtus effectiua, estque etiam quædam vitalis & formalis motio, quæ tum intellectus illustratur, tum voluntas etiam piè afficitur, siue est formalis illustratio aut affectio à Deo sine nobis immixta.

Dico Tertio: non debet quoque ratio gratiæ efficacis constiteri in solâ & nudâ operatione gratiæ cum libero arbitrio intuitiue præiussa à Deo, quasi efficax gratia antecederet ante effectum futurum præcognitum, nihil plus habeat ex parte Dei in ordine ad operis positionem, quàm gratia ipsa sufficiens. Est contra Molina in Concordiâ: q. 14. Disp. 38. & 1. p. q. 23. a. 5.

a. 5. disp. 1. Lessium disp. De gratia efficaci: c. 10. De prædest. sect. 6. n. 72. & alios, quos Bellarm. lib. 1. De gratia: c. 12. dicit gratiam efficacem constituere in assensu & cooperatione humanâ, ita ut ab eventu dicatur gratia efficax, quia videlicet sortitur effectum; & ideo sortitur effectum, quia voluntas humana cooperatur &c. ubi & addit: Hanc opinionem alienam esse omnino à sententia etiam Scripturarum diuinarum, & euertere omnino fundamentum prædestinationis diuinæ, quam S. August. (inquit) ex diuinis literis solidissime comprobauit. Vnde & opinionem illam refert Tannerus in 1. 2. Disput. 6. q. 2. dub. 5. post diuturnam & diligentem huius rei discussionem, peculiari decreto R. P. Claudij Aquauiz Societatis suæ præpositi Generalis anno 1613. improbatâ esse; quam & ipse improbat. Probatur itaque non rectè sic efficaciam gratiæ explicari: quia tunc complementum & vltima differentia gratiæ efficacis proueniret ex nobis, nostræque voluntate; non autem ex Deo, penderetque vocatio efficax non à Dei proposito, sed ab humano arbitrio: ut euidenter per se apparet: quod supra quæst. 109. art. 10. ex Scripturis, Concilijs, & Sanctis Patribus latè reieciimus, ubi ex professo ostendimus infallibilitatem doni perseuerantiæ non debere resolui vltimatè in euentum præcognitum, sed in Deum, cuiusque voluntatem, quæ antecedenter se habeat ante effectum intuitiue præuium: quæ omnia pariter probant efficaciam gratiæ non posse nec debere in operis euentu solo constitui, sed in aliquo quod ex parte Dei & gratiæ eius antecedenter se tenet, vnde infallibiliter effectus sequitur. Quare conclusio tenetur ab omnibus qui defendunt gratiam Dei secundum propositum & electionem prædestinatorum ante præuisa merita.

32 Huc faciunt præterea illa quæ D. Aug. De correptione & gratia cap. 12. scribit: Fortissimo quippe (Adamo scilicet in statu innocentis) dimisit atque permisit facere, quod velle: infirmis seruauit, ut ipso donante inuicissimè quod bonum est, vellet, ut hoc deferere inuicissimè nollent. Item, iam sic subuentum esse infirmitati voluntatis, ut indeclinabiliter, & insuperabiliter diuinâ gratia agatur; & ea quæ paulo ante citata sunt, ex cap. 14. lib. De bono perseuer. quod scilicet Iudeis non obfusser quod credere non poterant, si prædestinati fuissent, ut eos cæcos illuminaret, & cor lapideum eis auferret. Quæ significant gratiam efficacem antecedenter habere infallibilitatem operis ante ipsam operationem, cuiusque intuitiuam præco-

gnitionem, datur enim à Deo talis ex intentione, siue voluntate absoluta operis, ut qualitercumque sit affectus homo, ipla moueat infallibiliter eum, & faciat operari. Hinc D. Aug. de Gratia Christi cap. 46. valde commendat illud D. Ambrosij dictum: Deus quos dignatur, vocat; & quem vult, religiosum facit: quo clarè D. Ambrosius refert pietatem nostram in efficacem Dei voluntatem, & eius gratiam: non autem gratiæ efficaciam in hominis voluntatem siue operationem: alioquin dixisset: Deus quos dignatur, vocat; & qui volunt, illi religiosi fiunt: & quamuis hoc etiam suo sensu verum sit, ut quoque docet August. in simili de prædestinatione SS. cap. 6. tamen Ambros. suo modo loquendi significat hoc ipsum, quod isti velint religiosi fieri, habere altiore determinatam & efficacem causam (quod & D. Tho. quæst. sequ. art. 4. clarè tradit) scilicet diuinam voluntatem, quæ vult illos religiosos facere, mediante tamen illorum liberâ voluntate; In tantum quippe Spiritu Sancto accenditur voluntas eorum, ut ideo possint, quia sic volunt; ideo sic velint, quia Deus operatur ut velint, ut loquitur August. De corp. & gratia cap. 12. Vide dicta supra quæst. 109. art. 10. ubi plura quæ hanc rem solidissime confirmant & explicant, allegauimus ex diuersis Scripturis, Concilijs & Sanctis PP. quæ hic opus non est repetere.

33 Dico Quartò: non est quoque efficacia gratiæ constituenda in aliquâ reali qualitate siue permanente siue flacente, seu diuinâ motione ultra sufficientem gratiam necessariò requisitâ, quæ voluntatè physice & intrinsecè determinat antecedenter, quam voluntas operetur; ita ut qualitate illâ posita non possit non velle, & non operari in sensu composito. Multi hæc ætate scripserunt contra prædeterminationem physicam nostræ voluntatis in actibus liberis (inter quos Bellarm. lib. 1. De gratia & lib. arbit. cap. 12. lib. 4. cap. 14. & lib. 6. cap. 15. Suarez in opuscul. De auxilio gratiæ, & alibi) quam ab alijs nonnullis Doctoribus existimant astrui vti necessariam, ab aliquibus quidem ad omnes omnino qualescumque operationes voluntatis, ab aliquibus verò tantum in ordine ad actus bonos. Verum, quia illius doctrinæ de prædeterminatione istâ voluntatis adhibetur diuersæ ab eius defensoribus explanationes, nos hic non intendimus contra aliquem, vel aliquem in particulari sententiam disputare; sed tantum reijcere illa ut sonant, quæ in conclusione dicimus non esse tenenda. Probatur ex Conc. Trid. Sess. 6. cap. 5. ubi habet; quod qui per

qui per peccatum à Deo auersi sunt, per eius excitantem & adiuuantem gratiam ad suam ipsorum iustificationem eidem gratiæ libere assentiendo & cooperando, disponuntur, ita vt tangente Deo cor hominis per Spiritus Sancti illuminationem, neque homo ipse nihil agat, inspirationem illam recipiens, quippe qui illam & abijcere potest, &c. Et ibidem Can. 4. docet liberum hominis arb. à Deo motum & excitatum cooperari Deo excitanti & vocanti, ac posse dissentire si velit. Vnde huiusmodi formatur argumentum: Qui gratiæ Dei libere assentiendo & cooperando ad iustificationem disponuntur, illi habent efficacem gratiam illius sui liberi assensus & cooperationis; similiter & liberum hominis arbitrium à Deo motum & excitatum cooperans Deo excitanti & vocanti, est præuentum & adiutum gratiæ efficacius cooperationis; atqui hæc gratia efficax nõ est talis qualitas vel motio, vt antecederet prædeterminet physicè voluntatem, ita vt illa posita non possit voluntas non assentiri & cooperari illi; ergo &c.

34 Confirmatur Primò: Quia Conc. expressè dicit, quod voluntas possit illam abijcere, abijciendo autem non illi cooperabitur: Item dicit, quod possit ei dissentire; ergo &c. Neque ad mentem Concilij erit, si quis dixerit doctrinam illam & definitionem eius esse accipiendam in sensu diuiso, non autem in sensu composito, scilicet quod possit homo dissentire & non cooperari, quia videlicet potest Deus non dare vel tollere talem gratiam, & tunc potest voluntas non assentiri & non cooperari; manifestè enim loquitur Conc. hætenus in sensu composito, quod etiam illo tempore quo voluntas assentitur & cooperatur gratiæ, doceat esse in hominis potestate non assentiri & non cooperari: nõ de homine qui de facto assentitur, dicit quod possit dissentire, & de eo qui de facto cooperatur, dicit quod possit illà abijcere. Deinde hoc ipso quo dicit, quod possit illà abijcere, significat se loqui de illo qui de facto gratiam habet; qui enim non habet non potest abijcere; similiter quando dicit quod possit dissentire, iterum significat gratiam adesse, alioquin non erit ab illà dissensus; ergo manifestè loquitur Conc. eo sensu, quod velit in potestate hominis esse non cooperari aut dissentire etiam quando posita est gratia cui cooperatur, sic vt ex parte eius non sit repugnantia ab intrinseco.

35 Confirmatur Secundò: quia dicit Conc. hominem libere assentiri, quod etiam de fide certum est; atqui non videtur posse consistere liber assensus & libera coopera-

tio voluntatis cum gratiâ, quæ physicè & intrinsecè prædeterminet voluntatem ad operandum, ita vt eâ posita non possit non operari, præsertim quando non est in voluntatis potestate illam ponere aut tollere, vt hic supponitur: nam vt actus aliquis à potentia exeat libere, requiritur quod positis omnibus ad actionem prærequisitis, possit potentia quantum est ex parte principiorum physicè concurrentiũ, operari & non operari: neque enim ad libertatem actus satis est, quod spontaneè & cum voluntate fiat, neque etiam quod eũ aduertentiã & approbatione rationis sit; quia cum his omnibus concurrentibus beati amant Deum clarè visum, qui tamen ipsorum amor non habetur idcirco actus liber. Similiter quoque ad libertatem non sufficit, quod quædam remaneat indifferentiã intellectus in iudicando de habitudine medijs ad finem, quod scilicet possit iudicare medium esse necessarium, & possit iudicare non esse necessarium, quia illa intellectus indifferentia non constituit voluntatem liberam, si aliunde voluntas rapiatur ad operandum, cui motioni non possit resistere: sicuti non erit liber motus corporis, etũ intellectus possit iudicare motũ illum non esse necessarium ad finem intentũ, si interim ab extrinseco violentè moueatur homo. Contra tamen; obijciuntur varia: ac in primis possunt opponi hæc omnia illa generalia, quæ tum ex diuersis auctoritatibus, tum ex rationibus adduci solent ad ostendendum, quod ad omnem motum & actionem causæ secundæ, qualiscumque illa sit, prærequiratur applicatio, & prædeterminatio ex parte causæ primæ, vt queat secunda exire in actum: si enim in operatione etiam naturali postulet causa secunda necessariò præmotionem determinantem, magis postulat in operibus gratiæ: quare in tali præmotione videbitur conuenientissimè collocari ratio gratiæ efficacis.

Secundò, quod ad Philip. 2. c. dicitur Deus operari in nobis, velle & perficere: Ezech. 36. dicitur, Auferre cor lapideũ & dare cor carneum: Item facere vt in præceptis eius ambulemus, & iudicia eius custodiamus & operemur: atqui hæc & similia non recte videbuntur de Deo dici, nisi ultra gratiam sufficientem insuper tribuat independentem ab humanæ voluntatis de liberatione, ipsam operationem siue per se proximè, siue influendo virtutem determinantem ad agendum; ergo &c.

Tertiò, quod 1. ad Corint. 4. dicitur, Qui enim te discernit? quid habes quod non acceperisti? & ad Rom. 9. Non est volentis neque currentis, sed miserentis Dei; atqui si tantum agnosca-

agnoscatur gratia talis, quæ in hominis relinquitur determinatione, vt obsequatur vel non obsequatur, & non ponatur quæ ex se trahat & physice prædeterminet voluntatem, iam si obsequatur, videbitur homo magis se discernere, quàm Deus; & poterit quoque dici non igitur miserentis est Dei, sed volentis atque currentis est hominis.

27 Quattò obijciuntur diuersa loca Augustini, quibus docet gratiam quæ secundum propositum datur, à nullo duro corde respui; eam dari vt ex nolentibus faciat volentes: humanâ voluntatem indeclinabiliter & insuperabiliter illâ agi; eam tribuere nō tantum posse, sed ipsum velle, & operari atque perficere. Deniq; obijciunt, quod Ecclesia in suis precibus sic orat: Deus qui omnipotentiam parcendo maxime & miserando manifestas; atqui nisi admittatur Deus sic per gratiam determinantem conuercere animum hominis, cui datæ resistere non possit, non relicebit in miserationibus Dei singulariter eius omnipotentia; ergo &c.

38 Respondetur: quod ad ista generalia argumenta attinet, fuisse illa satis explicata supra quæst. 9. artic. 4. & 6. & maxime q. 79. ad art. 1. & 2. & alijs locis. Quod ad cetera, attinet, dicendum est ea quoque non conuincere id quod prætendunt; vt ex subsequenribus manifestè constabit: vbi declarabimus, quomodo ista verè & rectè de gratiâ efficaci dicantur, semotà etiam illâ physica prædeterminatione.

39 Dico itaque Quintò: efficax gratia verè est illa gratia excitans & adiuuans quæ datur à Deo secundum propositum, siue ex absolutâ voluntate & intentione operis seu effectus: Ideoque ex certâ Dei scientiâ sic adaptata & proportionata homini confertur, quod infallibiliter in eo operabitur, siue operari illum faciet quodcumque opus, ad quod directâ fuerit. Vnde in eo distinguitur à sufficiente tantum, siue hoc superaddit sufficienti gratiæ in communi, quod præsupponat in Deo absolutâ voluntatem talis effectus, ideoque sit à Deo adaptata, & proportionata homini, eiusque affectibus, prout nouit Deus, quod infallibiliter hominem mouebit ad opus, daturus aliam si hæc non fuisset operatura. Probatur Primò, quia pluribus locis ita explicat D. August. gratiam & misericordiam Dei secundum propositum, quæ non est alia quam gratia efficax; idque clarissimè lib. 1. ad Simplicianum quæst. 2. vbi docet inprimis illud Apostoli ad Rom. 9. *Non volentis neque currentis, sed miserentis est Dei*, sic dictum esse, non propterea tantum, quod adiutorio Dei ad id quod volumus, perueniamus; sed etiam ex illâ intentione

ad ostendendum, quod ipsa bona voluntas in nobis, operante Deo fiat: quia alioquin liceret vicissim dicere: Non miserentis est Dei, sed volentis est hominis, quia misericordia Dei sola non sufficit, nisi consensus nostræ voluntatis addatur: illud autem nescio (inquit) quomodo dicatur, frustra Deum misereri nisi nos velimus: si enim Deus miseretur, etiam volumus; ad eandem quippe misericordiâ pertinet, vt velimus: Deus enim est qui operatur in nobis velle, & operari pro bonâ voluntate sua.

Deinde hanc misericordiam ad Dei vocationem refert, & tunc contra hæc sua dicta sibi mouet huiusmodi obiectionem: Sed si ista vocatio ita est effectrix bonæ voluntatis, vt omnis eam vocatus sequatur, quomodo verum erit: multi vocati pauci electi? ergo admittendum est quod non omnis vocatus eam sequatur. Quod si verum est, inquit, quod non omnis vocatus obtemperet vocationi, & vt obtemperet in eius sit positum voluntate, rectè etiam dici poterit: igitur non miserentis Dei, sed volentis & currentis est hominis, quia misericordia vocantis non sufficit, nisi vocati obedientia consequatur. Ad hanc autem obiectionem respondet, virtute distinguendo duplicem vocationem; scilicet vnâ efficacem, & alteram non efficacem, eaque occasione exponit in quo efficaciam constituat: docet autem illam Dei misericordiam, de quâ dictum est; Sed miserentis est Dei, in vocatione efficaci sitam esse, quam dicit esse eam, quâ Deus sic aliquos vocat, quomodo eis vocari aptum est, vt sequantur: & quia non pendet ex eorum qui vocantur voluntate, nec in ipsorum est potestate, quod tali modo eis congruo voceantur; sed id pendet ex singulari Dei misericordiâ, ideo addit Aug. Igitur (inquit) non volentis neque currentis est hominis, sed miserentis Dei, qui hoc modo vocauit quomodo aptum erat eis qui sequuti sunt vocationem; non autem est verum: Non miserentis est Dei, sed volentis hominis; quoniam non potest effectus misericordiæ Dei esse in hominis potestate, vt frustra ille misereatur, si homo nolit; quia si vellet etiam ipsorum misereri, posset ita vocare quomodo illis aptum esset vt mouerentur, & intelligerent, & sequerentur.

Ex quibus patet D. August. distinguere vocationem efficacem ab eâ, quæ efficax non est, in hoc quod Deus istam, quia vult misereri absolute, attemptet & adaptet homini, eiusque affectibus tali modo, quoniam quod faciet infallibiliter illū sequi, & obtemperare; quod non conuenit alteri vocationi. Idem indicat August. De bono perseuer. cap. 8. Ex duobus (inquit) etate grandibus

grandibus impijs, cui iste ita vocetur, vt vocentur sequatur, ille autem non vocetur, aut non ita vocetur, vt vocentem sequatur, insecurabilia sunt iudicia &c. Similiter loquitur eodem lib. c. 14. & sequuntur hanc explicationē Augustini Ruardus ar. 7. fol. 310. 311. & 312. Beil. lib. 1. de gratia Christi c. 12. & lib. 6. c. vlt. Suarez opusc. 1. lib. 3. c. 14. & plures recentiores.

Probatur Secundò ratione: quia sic accipiendo & explicando gratia efficaciam, facili ex vna parte defenditur libertas arbitrij in operibus pietatis, & saluatur doctrina Concil. Trident. supra allegata; quia nihil ponitur in voluntate, aut intellectu per modum causæ vel principij operationis, cum quo non possit stare quod homo non cooperetur, quantum scilicet est ex parte intrinsecarum dispositionum, & causarum applicatarum, à quibus operatio procedit; hæc enim nullam ex se habent connexionem necessariam cum hominis cooperatione, licet secundum respectum quandam extrinsecum vt hic & nunc datur & applicatur, infallibiliter operaturam; ideoque talia & taliter datur, in quibus nulla est apparentia, quod ipsa impediant voluntatis libertatem in ista sua cooperationi. Vnde etiam intelligitur, quomodo is qui gratia assentiendo cooperatur, possit illam abijcere, & ei dissentire, vt docet Conc. Tr.

Ex altera autem parte saluatur quoque præminencia gratia supra lib. arbit. & declaratur, quomodo gratia efficax habeat, quod infallibiliter operatiua sit, non tantum ex præuio euentu operis; sed antecederet ex ipso Deo, quatenus taliter ab illo est preparata, & sic donata, vt cõgruit homini: ac consequenter quomodo sine gratia physice prædeterminate voluntatē, omnia illa, quæ contra 4. proposuit. sunt allegata ex Scripturis, ex Aug. & aliunde, vere & propriè Deo & eius gratia conueniant & attribuantur. Quod ad dominium gratia quæ secundum propositum datur attingit, ostenditur illud hoc modo: penetrat enim & nouit qui scrutatur corda & renes Deus, omnium hominum animos, complexiones, affectiones, mollities siue facultatē, & duritiem eorū: nouit etiam quibus modis singulorum corda; in quodcumque opus infallibiliter commouenda sint, siue quibus se infallibiliter sua liberare commouebunt: Continet quoque in sua omnipotentia omnes illos modos & media, ac infinita alia.

Prædeterminatur itaque Deus libero arbitrio per gratiam suam, quia infinita sua sapientiā, & infinita sua omnipotentia simul concurrentibus facit illud se liberè & infallibiliter scire & se determinare in omne opus bonum, quod Deus absolutè

voluntate voluerit & prædefinierit ab eo fieri. Vnde rectè dicit D. Aug. quod non possit effectus misericordiarum Dei esse in hominis potestate, ita vt frustra ille misereatur, si homo nolit: quia scilicet nulla est hominis voluntas tam peruersa, tam aliena, aut dura, quin si Deus absolutè hominis illius misereri voluerit, valeat illā emollire & convertere, siue efficere vt infallibiliter se ad Deum conuertat: quia potest Deus sua sapientiā & potentia tollere omne impedimentum, quod occurrere potest.

Sic itaque etiā patet, quàm rectè S. Scriptura de illo dicat, quod operetur velle & perficere pro bonā voluntatē: & quod ipse incipiat & perficiat: Item quod faciat nos ambulare in præceptis suis, & iudicia sua custodire & operari; non quod Deus in nobis operetur sine nobis velle & operari, aut incipere & perficere, vel præter opera mandatorum, siue quod faciat aliquid in nobis, quod causet ex se necessariò operationem, cum quo non videretur satis constare libertas nostræ voluntatis: sed quia ex proposito secundum bonam voluntatē suam immittit & concedit talem gratiam, qualem nouit satis robustam, & sic nobis comperatā, quod faciat infallibiliter hominē incipere, faciet illū velle & perficere, & in lege Domini ambulare.

Hoc docet Aug. lib. de spir. & litt. c. 33. & lib. De corr. & grat. c. 12. explicās, quomodo Deus operetur velle: vbi sic scribit: His ergo modis (binis istis scilicet extrinsecus per Euangelicas exhortationes, & intrinsecus vbi nemo habet in potestate quid ei veniat in mentem) quando Deus agit cum anima rationali, vt ei credat; prosequitur & ipsum velle credere: Deus operatur in homine, & in omnibus misericordia eius preuenit nos: consentire autē vocationi Dei, vel ab ea dissentire propriæ voluntas est. Iam si ad illam profunditatem scrutandā quisquam nos coarctet, cur illi ita suadeatur, vt persuadetur, illi autem non ita, occurrit quod Respondere placet: O altitudo diuitiarum, sapientiæ & scientiæ Dei.

Rursum intelligitur, quomodo non se discernat homo, sed Deus discernat: hic enim est, qui pro beneplacito suo & misericordia, post præuissum peccatū originale, selegit secundum propositum suū aliquos ex damnationis massa, quos efficaciter liberare, & ad regnū perducere decreuit: vbi prima est discretio diuinitus facta, ad quā principaliter Apostolum respiciendū indicat Aug. epist. 46. vt notat Ruardus ar. 7. fol. 312. quia hæc est origo & fundamentum omnis discretionis, quæ in tempore fit per iustificationem, & glorificationem: nam quos seligendo Deus ab eterno

R r discre.



discreuit illis præparauit gratiam efficacē, siue congruā, quæ infallibiliter operatura sit in tempore in eis iustitiam & salutem: non igitur homo se discernit, quamuis secundum diuinam ordinationē ipse liberē & infallibiliter subleuiat discretioni diuinitus factæ.

47 Intelligitur præterea, quomodo nō obstat eo, quod efficax gratia non prædeterminet physicē voluntatē; sed in eius potestate reinquat spediendo omnē intrinsecam eius dispositionē, & causas applicatas physicē influentes, non cōsentire vt Conc. Trid. docet; nihilominus tamen non possit vicissim dici; Non misericentis est Dei, sed volentis est hominis, sicuti Apost. dixit: *Non volentū neq; currentū est, sed misericentū Dei*: quia nullus Deus frustra misereretur, vt habet Aug. ad Simplic. loco citato: nam cuius misereretur, sic eum vocat, quomodo scit ei congruere vt vocantem non respuat. Quia igitur in Dei voluntate & misericordia situm est, quod congrua adhibeatur vocatio, non autem in hominis potestate aut voluntate: eaq; vocatione posita homo certissimē venturus sit, quāuis ex parte causarū applicatarū & physicē influentiū non repugnet eum non venire, propterea absolutē est misericentis Dei, non volentis aut currentis hominis: quia non potest efficere homo, quod Deus non sic misereatur & sic vocet: potest autē Deus facere, quod homo etiam nō velit, fiat volens. Vnde Ruardus supra sic scribit: potest quidē humana voluntas resistere diuino instinctui, sed nō potest impedire intentionē prædestinationis Dei, quia corda hominum in manu Dei sunt, quocūque voluerit inclinabit ea; quamuis sese efficiēter ipsa determinent.

48 Quare hic ex occasione obseruandū est, quod licet Aug. non sic loquatur, vt dicat humanam voluntatem non posse respuere, vel abijcere gratiam quæ secundū propositum datur, vel non posse eam negligere, aut ei resistere vel dissentire; sed bene quod nunquam respuatur, vel abijciatur; Item quod voluntas quamuis infirma, agatur per eam indeclinabiliter & insuperabiliter cōtra aduersitates & tentationes omnes, & alia similia; nihilominus tamen apud eundē, sicut & apud alios, reperiri sermones qui significant gratiam illam quæ secundum propositum datur, non posse frustrari effectū suo, misericordiam Dei non posse esse frustra, & quædam similia. Ratio autem diuersitatis, cur hæc, non illa dicant, assignari potest, quia spectando gratiā secundum se, & liberum hominis arbitrium cui tribuitur, eaque inter se conferendo, quāuis ex illis actio infallibiliter sit sequutura, tamen ab intrinseco neq; gratia seorsim,

neq; gratia & liberum arbitriū simul sunt causa necessariō producens actionē illā: ita vt cū illis in se nudē spectatis possit stare, quod homo non operaretur: sed ex altera parte conferendo gratiā quæ secundū propositū datur ad Authorē suum, ipsiusq; voluntatē, sciētiā, & potentiā, occurrit omnino impossibilitas, & repugnantiā in eo, quod illa careret effectū suo. Hic enim iam supponitur absoluta Dei voluntas, quā effectū efficaciter intendit, & simul supponuntur infinita eius intelligentia, & potentia, quibus nouit & potuit gratiam illam tam robustam & tam attemperatam conferre voluntati, vt faceret illam infallibiliter sese ad opus flectere & determinare, quamuis ad illud non sit intrinsecē per gratiam necessitata, aut prædeterminata: Repugnat autem, quod vel scientia Dei fallatur, vel potentia eius deficiat, aut absoluta voluntas nō expleatur: & proinde isto respectu recte dicitur, quod gratia efficax, sic data, non possit frustrari effectū suo, siue fieri non posse, quod Deus frustra misereretur, licet interim sub hac absoluta Dei misericordiā & infallibili adiutorio, homo liberē exerceat opera pietatis.

Simili quādā consideratione ab aliquibus admittitur, quod absque gratiā efficaci, vel sine munere perseuerantiæ non possit homo non deficere, vel non excidere, & in eum sensum exponunt illud Aug. lib. 1. ad Simplic. qu. 2. Sed quia talis fuit vocatio, quā moueri non possent &c. quod antē allegauimus. Verū non eadem est omnino ratio: quia Deus non intendit absolutā voluntatē impediendum aut neglectū operis, vel decidendum a iustitiā, quando subministrat gratiam inefficacē, siue sufficientē tantum; imō voluntate antecedente, siue affectu simplici etiam desiderat effectum, & quasi permissiue se habet ad contrariū, licet in illa permissione, suum exerceat iudiciū. Vnde opus ipsum fieri, & perseuerare de facto non habent repugnantiam cum diuinā voluntate; sicuti nō operari vel excidere habent repugnantiam cum eā Dei voluntate, quā dat gratiam efficacem, & confert perseuerantiæ munus.

Et hinc illud Aug. alio sensu ab eo dictū esse, supra explicuimus. Præscit quidē Deus gratiam inefficacem non habituram effectum, ideoq; effectus non cōsistit simul cum Dei præscientiā; sed tamen quia præscientia est suo modo posterior ipso non operari, nec per se, nec per aliud impedit, ideo non est eadem ratio sic loquendi.

Intelligitur præterea, quomodo de gratiā efficaci verē dicitur, quod a nullo duro corde respuatur; quod auferat cor lapideū & tribuat cor carneum; quia nullus homo tam du-

tam durus est, vel in malo tam obstinatus, quin Deus sciat & valeat tali proportionem, & tantâ mensurâ gratiæ eum præuenire, & iuuare vt infallibiliter emolliatur, & cor lapideum deponat, & induat cor carneum. In tali autem proportionem & mensurâ tantâ preparatur omnis illa gratia, quæ datur secundum propositum, & quæ dicitur efficax. Vnde etiam humana voluntas quantumuis infirma, dicitur hac agi indeclinabiliter & insuperabiliter; quia Deus ita per eam firmat voluntatem, prout nouit, quod nulla tentatione aut difficultate sit vincenda. Hinc quod Aug. dicit voluntatem hæc gratiâ agi insuperabiliter, non significat quod voluntas non possit ei resistere, aut dissentire, prout quidam intelligere videntur; sed insuperabiliter, quia voluntas per eam efficitur insuperabilis, ita vt non solum mundo terrente, sed etiam sequente, ne in fide & iustitiâ persistat, tam ipsa steteret & perseveret, vt eodem loco habet Aug.

52 Denique intelligitur quomodo etiam iuxta hanc rationem gratiæ efficacis, Deus parcendo & miserando omnipotentiam suâ maximè manifestat: quia infinitæ potentiæ opus est, hominû liberar voluntates quorum vult misereri, posse flectere, & facere eas se applicare ad quodcumque opus quod Deus voluerit; idque saluâ libertate, nihilque in eis ponendo, quod absolutâ necessitate eas coarctet ad operandum. Quare & hoc ex dictis hætenus poterit sufficienter explicari, quomodo Deus expleat certissimè & infallibiliter electorum perseuerantiâ vsque in finem mediante illorum libera cooperatione, quod supra qu. 109. artic. 10. in hunc locum reiectionis, vbi ostendimus perseuerantiâ originaliter & vltimatè cum suâ infallibilitate in Deum eiusque gratiam esse referendam.

53 Pro pleniori tamen intellectu totius materiæ & doctrinæ D. August. obseruandum est primo: quando ipse agit de vocatione, docetque ex vocatione aptâ seu congruâ sequi certissimè effectum, tunc per vocationem non intelligi nudam prædicationem vel doctrinam, siue extrinsecus, siue etiam intrinsecus insonantem, quæ intellectum solum afficiat; sed sub eâ comprehendi omne illud, quo Deus nos mouet, allicit, & trahit ad iustitiam, & salutem: sicuti quando dicitur apud D. Ioan. c. 6. *Omnis qui audiuit à patre & didicit, venit ad me*, non significatur omnes ad Christum venire, qui intellectu solo percipiunt Euangelium, sed qui affectu & amore illud simul amplexantur. Quod docet Ruardus artic. 7. fol. 305. vbi sic scribit: spiritus Christi suadendo vt sequantur, simul voluntatem quasi natura-

liter afficit placentiâ quâdam rei suasæ, quæ est voluntati ratio se determinandi, principium & seminarium bonarum volutionum; quas ex eo quasi semine producit: & infra: Suadendo autem Deus facit, vt faciat omnis qui audiuit à Patre & didicit, venit ad me: vbi videtur Saluatore ponere (inquit) in actu intellectus id quod requiritur ad veniendum, sed tali intellectus actu, cui coniungitur pius affectus. Itaque vocatio de quâ loquitur August. non tantum cognitionem, sed etiam affectum & complacentiam voluntatis diuinitus excitatam continet, per quâ voluntas non tantum inclinatur, sed etiam vires accipit ad consensum præstandum & operandum. Quod manifestum est ex doctrinâ eiusdem August. supra a. 2. n. 20. allegatâ ex cap. 6. lib. 15. De ciuitate, & ex cap. 12. De corp. & gratia. Tantum quippe Spiritu S. accenditur voluntas eorum (inquit) vt ideo possint, quia sic volunt, ideo sic velint, quia Deus operatur, vt velint: & lib. De Spiritu & Littera cap. 34. duo hæc requirit ad operandum bonum, scilicet vt cognoscatur, quid spectet ad iustitiam, & deinde vt sic delectet animum, vt quidquid voluptas siue dolor impedit, delectatio illa superet.

54 Obseruandum Secundò, modus & media quibus hominè cuius miseretur Deus, ad iustitiam & salutem vocat, prout ei congruit, nõ omnia esse eiusdè rationis, semper tamen hominem iuuari aliquâ positiuâ Dei virtute & opera, quandocumque; homo positiuè aliquid bene agit, siue opera bona exercendo, siue tentationibus resistendo, & peccata fugiendo: sed id ratione cuius ipsa gratia redditur homini apta & congrua, vt in eo sit efficax, & ipse eam sequatur, nõ necessariò semper importare aliquid positiui entis superadditi ultra gratiam, quam alter habet sufficientem: verum posse illud consistere subinde in aliquâ negatione, aut priuatione: v. g. præuenit Deus duos pari intellectus collustratione, & affectus commotione, sed remouet ab vno occasionem grauioris tentationis, quam permittit occurrere alteri, vnde fit quod vnus in iustitiâ persistat, aliter excidat; eo enim casu gratia in vno est congrua & efficax propter sublationem istius occasionis, quâ Deus ab eo remouet, ideo quia secundum propositum eum vocat; nõ sic in altero. Iterum contingit duos diuersimodè esse dispositos siue secundum animi affectiones, siue secundum corporis complexiones; vnde futurum est, quod duobus illis isto vocationis genere à Deo vocatis, obsequiurus sit hic, & nõ alter; & contra si alio vocationis genere vocarentur, alter obsequeretur, non hic. Quan-

R r ij doigi

do igitur Deus vocet eos potius hoc vocationis genere, quod v. g. Paulo conuertendo est accommodatum, quam altero quod accommodatum est Petro, quia vult Pauli misereri præ Petro, hoc ipso dat Paulo gratiam congruam & efficacem, non Petro: cuius congruitatis ratio non est aliquid reale diuinitus superadditum Paulo, plus quam Petro: sed tantum attemperata donatio gratiæ ad affectiones & ad voluntatē Pauli, & non secundū affectiones Petri.

55 Patet hoc ex ijs, quæ scribit August. ad Simp. loco citato: an forte (inquit) illi qui hoc modo vocati non consentiunt, possent alio modo vocati accommodare fidei voluntatem, vt & illud verum sit: multi vocati pauci electi, vt quamuis multi vno modo vocati sint, tamen quia non omnes vno modo affecti sunt, illi soli sequantur vocationem, qui ei capiendæ reperiuntur idonei, & illud non minus verum sit; igitur non volentis neque currentis sed miserentis est Dei, qui hoc modo vocauit, quomodo aptum erat eis qui sequuti sunt vocationem? & qu. 18. supra Exodum: Eadem suasionē (inquit) aliter mouetur auarus, aliter pecuniarie contemptor; aliter castus, quam intemperatus & incontinens. Et D. Greg. ad illud Christi; *Quam difficile est diuitem intrare in Regnum celorum*, citius obediunt, inquit, qui non habent in mundo quod deleat: nam quo magis animus hominis à lacte carnalis voluptatis est ablatus seu auulsus, hoc magis est ad easpendum celestis vitæ amorem dispositus. Idem colligitur ex illis Christi verbis Matth. 11. *Quoniam si in Tyro & Sydone factæ essent virtutes, quæ factæ sunt in vobis, olim in cinere & cilicio penitentiam egissent*, adiuncta explicatione D. Aug. quam habet cap. 14. lib. De bono perseuerantiæ.

56 Addo tamen vltcrius, gratiam ad mouendum congruam & efficacem frequentissimè simul adijcere vires ampliores & fortiores præ gratia sufficiente tantum: quod in primis apparet manifestius in subitis & quasi miraculosis eorum qui magni fuerunt peccatores, conuersionibus, vt S. Pauli, Magdalene, Latronis & mille aliorum. Deinde etiam ordinariè pluribus & frequentioribus tum inspirationibus sanctis, tum pijs affectionibus præueniuntur, incitantur, eriguntur & corroborantur, qui ad iustitiam & salutē perueniunt præ alijs, qui vel vocatione negligunt, vel à iustitiâ & salute excidunt. Quod D. Aug. significat lib. De corp. & gratia cap. 11. 12. & sequentibus, & alijs pluribus locis. Licet itaque diuina dilectio & præordinatio aliquorum ad iustitiam & regnum, sit origo & causa cur ijsdem præparetur gra-

tia congrua & efficax, ipsa tamen ordinatio non ponit per se proximè diuersitatē illam in operatione gratiarum, sed semper concurret aliquid differentię siue ex parte auxilij gratiæ, quod sit crebrius, aut maius, vel ex parte eorum quibus confertur qui aliter & aliter sunt dispositi, vel noscuntur aliter & aliter operari, vel ex parte circumstantiarum extrinsecus se habentium, prout iam explicuimus; & proinde, quod quidam videntur dicere ex Dei ordinatione diuinas inspirationes accipere vim aliquam intentionalem, explicari debet secundum aliquem ex dictis modis, non autem quod omnibus ex omni parte eodem modo se habentibus, ordinatio illa per se immediate causet diuersitatem operationis; sed quia propter illam præordinationem adaptatur & præparatur præordinatis gratia efficax secundum aliquem ex dictis modis, quæ noscitur infallibiliter operatura.

Ad quæst. proinde solitam proponi, vtrum fieri possit quod ex duobus similiter vocatis, & pari gratia præuenitis vnus consentiat & sequatur, & alter non? rectè respondebitur cum Ruaro fol. 311. vbi ita scribit: huius propositi & diuinæ gubernationis habita consideratione; & non solum principij diuinitus immissi, quo agimus nostram salutem, impossibile est quod duo similiter vocentur, & vnus vocationē sequatur, & alter nō. Ratio patet ex dictis supra, vbi explicuimus quomodo gratia quæ secundū propositum datur, nō possit effectu suo frustrari: sed habitā ratione dūtaxat ipsius entitatis principij diuinitus immissi, non repugnat quod ex duobus eadē vocatione vocatis vnus sequatur, & alter nō, vt facillè colligitur ex doctrina August. & Gregorij supra allegatā: & quidem ita, vt si vnus tantum vocetur secundum propositum, & alter non, quod etiam de facto contingat in tali casu quod ex duobus vno modo vocatis, vnus sequatur & alter non.

57 Neque tamen is qui sequitur, propterea potest gloriari, quasi ipse se discerneret, vt notat Ruardus fol. 310. sed tantum in Domino, qui pro suā benignitate erga illum, voluntatem eius præuenit & præparauit prout sciebat illi congruere vt sequeretur: quod si voluisset, potuisset non huic sed alteri præstare: nam vt habet D. Aug. lib. 83. Quæstionum quæst. 8. Si quisquam sibi tribuat quod veniat vocatus, non sibi potest tribuere quod vocatus est, videlicet eā vocatione quā aptum erat illi, vt vocatē sequeretur: hoc enim non ex illo, sed ex sola Dei misericordiā qui cuius vult miseretur, dependet. Vnde peculiariter quoque redditur Deo obligatus pro tam singularis gratiæ

gratiæ beneficio. Discretio itaque bonorum à malis ac meliorum à minus bonis semper est peculiare Dei donum, cui hominis voluntas cooperando subleuit, quā Deus dignatur vii in iustificando impios, & in saluando pios: vt iustitia & salus nostra sit principaliter Dei, & modo quodam nostra, sicut docet August: de Fide lib. 1. Retractionum cap. 23. & idcirco Scripturæ aliquando etiam hæc nobis attribuant, vt Ezech. cap. 18. *Facite vobis cor nouum & spiritum nouum*: Iacobi 4. *Emundate manus peccatores & purificate corda*. & 2. ad Tim. 2. *Si quis se circumdauerit ab istu, erit vas in honorē sanctificum & vtile Domino*.

59 Potest autem dubitari, An ea quæ dicta sunt de gratiæ efficacia, quod ita ex Dei proposito & absolutā intentione operis præparetur eo modo quo congrua sit, habeant tantum locum circa electos, an etiam in reprobis respectu iustitiæ, quam ad tempus consequuntur, & bonorum operū quæ faciunt. Respondetur cum Ruaro ar. 7 fol. 314. vbi postquam dixisset, Et quia non solum ad gloriam æternā elegit nos Deus, sed certum gloriæ gradum, & certam in cælis mansionē, ad hunc quasi scopum totam nostram vitam &c. suā gratiā disponit & gubernat, deinde subiungit; Nec tamen solum electos secundum æternum propositum sic regit & dirigit ad gratiam; verum etiam eos qui tantum ad tempus credunt, & bene viuunt, & facta tribulatione & in tempore tentationis recedunt, & pietatem relinquunt: Dei enim gratia est & secundum eius propositum, quod saltem ad tempus bene viuunt, ad quod ipse eos ab æterno præparauit; in his enim quæ ad pietatem pertinent, non sumus sufficientes sine Dei gratiā aliquid cogitare aut velle, non solum, inquit, sine gratia quæ est operis principium, sed nec voluntatis ad hæc opera determinatio sit sine peculiari ex Dei proposito, dispositione: ab æterno enim voluit saltem ad tempus, eos habere amicos, filios & heredes: Ita ille. Vtrum verò Deus præparet hanc gratiam congruā & efficacem de quā hactenus egimus, mediante scientiā conditionatā, qua cognoscat effectus omnes qualibet conditione causarum liberarum posita: an verò tantum mediante cognitione simplicis intelligentiæ, qua in virtute gratiæ suæ comparatā cum hominis voluntate eiusq; dispositionibus cognoscat, veluti in causa effectū, etiam antequam concipiatur sub conditione emanare, non multum facit ad præsens institutum de gratiā; sed disputatio illa magis spectat ad primā partem, vbi queritur, Vtrum in Deo sit scientia conditionata, & quibus modis cognoscat effectus

causæ libere, cū futuros, cū possibiles tantū.

60 QVÆRITVR Tertiò: Cum constet satis non omnibus à Deo præparatam esse gratiam efficacem, Vtrum saltem omnibus detur auxilium ad iustitiæ & salutis consequtionem sufficientem? Suppono homines omnes ex primæ creatione suā à Deo ad æternā beatitudinem voluntate quadam anteceditē ordinatos & conditos fuisse; ac in primo parente Adamo abundē de omnibus medijs necessarijs fuisse prouisum toti humano generi sic vt cum magna facilitate potuissent omnes ad finem illum supernaturale pertingere, nisi primus parens culpa sua se, & totam posteritatem suam lætioribus illis gratiæ præsidij & auxiliij spoliasset & exuisset: quare mouetur hæc quæstio tantum de eo, quod agitur cū hominibus post primorum parentū lapsum. Vt autem ordinatiū res explicetur, licebit distinguere homines, de quibus præcipua est dubitatio, in tres ordines seu classes; scilicet in infantes, qui ante rationis vsum in peccato originali moriuntur, in peccatores adultos communis sortis, & in peccatores grauiore, qui dicuntur excommunicati vel obdurati. His præmissis

61 Respondeo & Dico Primò: Post lapsum primorum parentū potuit Deus, non tantum absque iniuria, sed iustissimo iudicio denegare omnibus & singulis ex Adamo secundum seminalem rationem nascituris, omne omnino auxilium gratiæ, quo vel peccati remissionem, vel iustitiam & salutem consequi valeant. Constat satis ex dictis supra quæst. artic. num. De peccato originali; quia per illud incurrerit totum humanum genus iustam Dei indignationē, & inimicitiam; ac factum est æternæ damnationis & mortis reum; & omni beneficio diuino posituē indignum.

62 Dico Secundò: Non omnes infantes qui in peccato originali moriuntur, possunt dici habere auxilium verè & propriè sufficiens ad iustitiam & salutē consequendam. Declaratur, quia non possunt hoc tempore dici habere eiusmodi auxilium sufficiens, nisi quatenus verè & propriè in ipsorū vel parentum, siue qui eorum curā gerunt, est potestate, vt Sacramento Baptismatis regenerentur; atqui sæpius contingit eos ita mori, quod nulla humana industria, vel potestate possit eis hoc sacramentum regenerationis applicari: v. g. quando cū morte matris infans simul in vtero suffocatur: Ite quando in lucem editur moribundus & eo loco, vbi etiā accedente omni parentū diligentia, non possit ad salutem ablutionē perducī, siue propter defectum aquæ, siue propter alium aliquem defectum: quod agnoscit D. Aug. De natura & gratia c. 8.

R r iij vbi sic

vbi sic scribit. Rectè ergo eà damnatione, quæ per vniuersam maliam curret, non admittitur in regnum cælorum, quamuis Christianus non solum non fuerit, sed nec esse potuerit: quod ibi statuit contra quosdam, qui volebant paruulos non excludi à regno cælorum qui eo loco nati essent, vbi Sacramentum regenerationis percipere non potuissent. Et Epistola 170. quæ est ad Vitalem; Quomodo, inquit, dicitur, omnes homines eam (scilicet gratiam) fuisse accepturos, si non illi quibus non donatur, eam sua voluntate respuerent, cum multis non detur paruulis, & sine illâ plerique moriantur, qui non habent contrariam voluntatem, & aliquando cupientibus festinantibusque parentibus, ministris quoque volentibus, ac paratis, Deo nolente non detur, cum repente antequam detur, expirat, pro quo, vt acciperet, currebatur.

63 Dico Tertiò: Poterit tamen dici eis quoque generali quâdam ratione fuisse prouisum de sufficientibus medijs, hætenus scilicet, quod Christus communem omnium hominum suscepit naturam, & mortuus sit pro omnibus, quodque etiam instituerit Sacramenta omnibus communia, tanquam idonea instrumenta, quibus pretium redemptionis possit eis applicari, à quorum communicatione & perceptione ipse ex se neminem positiuè & directè vluerit excludere, aut impedire.

Probatur Primò ex Scripturis, quæ generaliter loquuntur, & significant Christum venisse in mundum & mortuum esse pro omnibus: vbi specialiter obseruandus est locus Apostoli 2. ad Corinth. 5. *Si vnus pro nobis mortuus est, ergo omnes mortui sunt: & pro omnibus mortuus est Christus:* quibus significat Christum tam generaliter, & sine exceptione pro omnibus hominibus mortuum esse, quàm generaliter & sine exceptione omnes in Adamo mortui sunt; alioquin enim argumentum Apostoli non concluderet ipsius intentum. Similiter illud Ioannis: quando dicit Christum mortuum esse, non pro peccatis nostris tantum, sed etiam totius mundi.

Probatur Sesundò: Ex D. Prospero; qui id significat tum in responsione octaua ad obiectionem Gallicanâ, tum in Sententia super eadem obiectione; & clarius docet lib. 2. De vocatione gentium cap. 23. Et cum quærimus (inquit) quomodo omnes homines saluosi fieri velit, qui non omnibus illud tempus impertit, in quo per voluntariam fidem percipiendæ gratiæ sint capaces? Non irreligiosè arbitror credi, neque inconuenienter intelligi, quod isti paucorum dierum homines ad illam per-

tineant gratiæ partem, quæ semper vniuersis impensa est nationibus &c. Vbi non in Deum, sed potius in parentes vult referendum, quod infantes ad Sacramentum baptismi non perueniant.

Sed contra obijciatur id quod iam ex D. Aug. allegatum fuit; Quod scilicet cupientibus festinantibusque parentibus, ministris quoque volentibus ac paratis, Deo nolente non detur Baptismus, pro quo vt acciperet, currebatur: & iterum eadè epistola paulo post medium: vnde manifestum est, eos qui huic resistunt tam perspicuæ veritati, non intelligere omnino, quâ locutione sit dictû, Quod omnes homines vult Deus saluos fieri, cum tam multi salui non fiant; non quia ipsi, sed quia Deus non vult: quod sine vlla caligine manifestatur in paruulis &c: ergo verum non videtur, quod Deus neminem positiuè, & directè velit excludere & impedire à Sacramento Baptismi. Confirmatur, quia negari non potest, quin exerceat Deus iudicium & misericordiam, quando ex duobus paruulis pariter peccato originali obstrictis, vnus per lauacrum regenerationis ad gloriam assumitur, & alter in peccato originali relictus damnatur: quod docet etiam Augustinus pluribus locis, vt epistola citatâ; lib. 4. contra Iulianum cap. 8. lib. 2. contra duas epistolas Pelagianorum cap. 7. & De bono perseverantiæ cap. 8. atqui iudicium non videtur exerceri sine directâ & positiuâ Dei voluntate: ergo dicendum est, quod Deus ex seipso vluerit directè & positiuè eiusmodi paruulos à baptismatis Sacramento excludere; & consequenter ad regnum cælorum non admittere. Respondetur, sine dubio Deum iusto suo iudicio & absque alicuius iniuriâ posse ex se directâ & positiuâ voluntate istos infantes nolle à peccato originali liberare, eoque nomine etiam posse directè excludere velle illos, & impedire à Baptismatis perceptione: sicuti diximus hic in primâ propositione super hac difficultate, quod iusto iudicio potuisset totum humanum genus peccato originali iam infectû absque medijs veniæ consequendæ & salutis deferere.

65 Addo tamen, non videri modò id conuenienter dici posse de paruulis, qui in peccato originali moriuntur: præsuppositum scilicet iam, quod Christus pro omnibus mortuus sit. Declaratur, quia si Deus posito originali peccato, mox ex se ante omnem causarum secundarum præuisionem vluerit positiuâ & directâ voluntate illos excludere, aut impedire à baptismatis perceptione, non apparet vllus modus quo dici possit Christus pro illis mortuus esse,

esse, vel quod pro ipsis Sacramenta salutis instituerit: hoc ipso enim quo directè & positiuè ex se voluerit & procurauerit ab initio conceptionis ipsorum, ne vlla ex parte, Sacramentorum eius, & consequenter meritò illius fierent participes, omniaque media positiuè semouerit, non relinquitur locus vel simplici alicui & inefficaci affectui, quo diceretur ei complacitum futurum fuisse, quod fructus mortis eius ad tales deriuaretur: cuiusmodi tamen aliqua voluntas aut affectus videtur in Deo necessarius, vt possit dici quod voluerit Christum suum mori pro omnibus, & salutis Sacramenta quæ instituit, esse communiter ordinata pro omnibus: imò non videbitur alioquin magis pro talibus mortuus Christus, quam pro ipsis demonibus.

66 Quare licet quidā accipiant verba Augustini in rigidiore sensu, prout diximus Deum absque aliquā iniquitate potuisse cum infantibus agere, tamen propter rationes iam allegatas, potius videntur in mitiori sensu, quem etiam admittunt, explicanda: vt scilicet quod dicitur eos saluos non fieri, non quia ipsi nolunt, sed Deo nolente, siue quia Deus non vult, accipiat non de positiuā Dei voluntate quā positiuè nolit eos percipere Baptismum; sed de voluntate negatiuā, quia scilicet non vult positiuā voluntate beneplaciti sui, & secundū propositum, eos ad Baptismi gratiam perducere; vt scilicet dicantur non fieri salui, quia Deus non vult, id est, quia non eos secundum propositum saluare voluit: nam si Deus voluisset istā voluntate, sine dubio ita ipse disposuisset omnia, quod nulla causa Baptismum eorum & salutem impediuisset. Propter negationem itaque illius diuinæ voluntatis saluandi eos dicit Diuus Augustinus: eos non fieri saluos, tantumquam scilicet ob causam quandam priuatiam. Qui sensus colligitur ex capite 8. libri 4. contra Iulianum; vbi sic scribit de talibus infantibus ita mortuis, quibus dicere non potest (scilicet Deus) Volui & nolulistis; quia si voluisset, quis eorum qui nondum habent voluntatis suæ arbitriū, voluntati eius omnipotentissimæ restitisset: vbi manifestè per velle Dei intelligit voluntatem Dei absolutam, quā secundum propositum suum vult aliquorū salutem, & proinde per non velle salutem aliorum, oportet intelligere negationem illius voluntatis absolutæ saluandi secundum propositum.

67 Ad Confirmationē Respondetur, admit-tendo Deum exercere iudicium circa paruum, qui sine Baptismo moritur, sicut & impendere particularem misericordiam illi, quæ per baptismū repperet & saluat:

sed vt exerceat iudicium circa istū, non est necessarium, quod ipse quasi occidat aut occidi, vel mori sine Baptismo directè & positiuè velit & curet: sed satis obseruatur iudicij exercitium in eo, quod dum duo isti paris sunt conditionis & reatus, liberet Deus misericorditer vnum, & alterum quem si vellet particulariter eius misereri, posset quoque de facto liberare, tamen nō vult sic illius misereri, vt illum de facto liberet: Verū itūto iudicio relinquit & committit illum communi providentiæ & illi causarum concurſui iuxta quæ præcognoscit futurum, quod sine gratiā Baptismatis hinc decedet, neque contra vult remedium apponere, quamuis id posset.

Obijciunt Secundo: Deus constituit unicuique terminum vitæ suæ qui præteriri non potest, vt habetur apud Iob c. 14. ergo quando infanti constituit illum mensuram numerum quo nondum in lucem exiit potest, & consequenter neque baptisari, sequitur quod Deus positiuè & directè velit & curet illū sine baptismo mori.

Respondetur N. C. pro quo notandum est, quod cum sit constitutum omnibus semel mori, contingat quosdam mori, quia secundum cursum naturæ & secundū causas naturales diutius viuere non possunt; alios autem, quia ab hominibus occiduntur; alios verò, quia immediate à Deo percutiuntur; sicuti quando Sodoma & Gomorra subuersa sunt; quando Dathan, Corè & Abyron viui descenderunt in infernū; Item quādo Dominus percussit Ozam 2. Regum cap. 6. & sic de alijs multis. Hos autē tres modos insinuat Propheta Dauid primi Regum 26. *Viuat Dominus* (inquit) *quia nisi percusserit eum, aut dies eius venerit vt moriatur, aut in praelium descendens perierit, propterea sit mihi Dominus si extendam manum in Christum Domini:* quibus potest addi quartus modus, quo contingit aliquos mori, quorum scilicet dies moriendi secundum naturales causas venit, & tamen speciali Dei curā vel operatione miraculosa conseruantur in aliud tempus, vt putatur euu- nisse Regi Ezechiae. Omnibus interim vniuersaliter dicitur Deus constituisse terminum, qui præteriri non potest; sed specialiter omnino illis, qui tertio aut quarto modo moriuntur, vt per se euident est: reliquis verò (inter quos eiusmodi infantes comprehenduntur) constituit quoque terminum, quatenus illum ordinem & cursum naturæ ac rerū, secundum providentiam suam elegit, in quibus præſciebat futurū, quod singuli respectiuè talibus temporibus & momentis essent morituri, si ipse peculiari providentiā non aliter res disponderet, sed fineret causas naturales suo ordine,

R r iiii ordine,

ordine, & homines pro sua voluntate operari.

- 69 Ratio itaque negatæ consequentiæ est; quia ex eo quod tali modo infantibus constituerit terminū suum, non sequitur quod positiuā & directā voluntate voluerit eorum mortem talem curare, & sic eos à baptismo impedire; sed ad eam & talem constitutionem termini satis est, quod secundum altitudinem iudicij sui voluerit permittere infantem ita mori, prout præcognoscebat illum morituum, nisi ipse misericorditer aliter disponeret.

- 70 Dico Quartò: non omnes adulti peccatores habent quouis tempore & singulis momentis huiusmodi gratiæ auxiliū, quo opus est vt conuertantur, aut conuerti possint. Ita Ruardus art. 7. fol. 325. vbi dicit hoc sibi esse certum. Adrian. in 4. q. 3. De poenitentiā: Driedo lib. De captiuitate & redemptione generis humani tractatu 5. & Bellar. lib. 2. De gratia & libero arbitrio cap. 6. vbi alios plures citat. Probatu primò ex diuersis Scripturis, quæ hoc indicat. apud Ecclesiasten 7. Considera opera Domini quod nemo possit corrigere quem ille despecterit. vbi Sapiens satis indicat aliquos sic à Deo despici, & deseri saltem ad tempus, vt non quouis momēto possint emendari: Dauid Psal. 94. Hodie si vocem Domini audieritis, nolite obdurare corda vestra: quibus satis innuit Psaltes non omni hora & momēto insonare omnibus vocem Domini, quā ad conuersionem & poenitentiam prouocentur; sed eius habendam esse rationem, quando obauditur. Isaïe c. 5. Diruam maceciam eius, & erit in conculcationem, &c. Nubibus mandabo, ne pluant super eam imbrem: apud Oleeā, Nō visitabo super filias vestras cum fuerint fornicata: Ad Heb. 6. Terra enim saepe venient super se bibens imbrem, &c. proferens autem spinas & tribulos, reprobata est & maledictio proxima. huc etiam faciunt Script. quæ dicunt Scribas & Pharaeos non potuisse credere, quia excecati erant, quia ab inuicem gloriam querebant.

- 71 Probatu Secundò: Ex Sanctis P. P. & quidem hanc esse doctrinam D. August. affirmat Ruardus supra, vbi pro eadem citat. cap. 2. 8. & 9. lib. De natura & gratia, vbi D. Aug. id omnino videtur supponere, Item caput octauum lib. 4. contra Iulianum, & epistolam ad Vitalem: quod etiam faciunt quæ scribit in expositione quarundam propositionum ad Epistolam ad Rom. propositionem 62. de Pharaone. Plura ex eodem huc spectantia infra adducentur. D. Greg. lib. 11. Moralium cap. 5. Cain ( inquit ) diuina voce admoneri potuit, & mutari non potuit, quia exigente culpæ malitia iam intus Deus cor relique-

rat, cui foris ad testimonium verba faciebat. Probatu Tertiò ratione; quia non potest peccator ad Deū se conuvertere, nisi quando adest aliqua præueniens gratia, quæ pulset & excitet; istam autem non omni tempore & momento semper adesse satis per experientiam discimus.

Dico Quintò: Non videtur tamen negandum, quin peccatores, saltem omnes illi qui ad profundum non venerunt, aliquando pro loco & tempore, diuina præueniantur excitante gratia, qua valeant se ad poenitentiam & iustificationem disponere, si illi prout possunt, cooperentur. Ita quoque sentiuat DD. supra citati, & D. Thom. 3. contra gentes cap. 159. ibidem Ferraricensis: Item de veritate quæst. 14. artic. 11. ad primum argumentum, & Dominicus Soto lib. 1. De natura & gratia cap. 15. & 18. Probatu Primò, quia plurimæ Scripturæ videntur id indicare: Sapientia 12. O quam bonus & suauis est Domine Spiritus tuus in omnibus, ideoque eos qui exerrant, partibus corripis: & de quibus peccant, admones & alloqueris, vt relicta malitia credant in te Domine, &c. Sed partibus iudicās dabas locū poenitentia, &c. Si inimicos seruorum tuorum & debitos morti cum tanta cruciasti attentione, dans tempus & locum per quæ possent mutari à malitia sua, &c. Ezech. 33. Sic locuti estis, dicentes: iniquitates nostræ & peccata nostra super nos sunt, &c. Deinde additur: Dic ad eos, Vno ego dico Dominus, nolo mortem impij, sed vt conuertatur à via sua & viuat: conuerimini, conuerimini & non moriemini. Isaïe cap. 30. Propterea expectat Dominus vt misereatur vestri: & cap. 49. Dixit Sion dereliquit me Dominus & oblitus est mei. Numquid obliuisci potest malis infansem suam? & si illa oblita fuerit, ego enim non obliuiscar tui. Matth. cap. 11. Venite ad me omnes qui laboratis & onerati estis, & ego reficiam vos: Huiusmodi Domini verba & exhortationes indicant aut potius supponere videntur, non deesse auxilia, quibus possint peccatores aliquando se à vijs suis pessimis auertere, & ad Deum accedere. Psalm. 18. Non est qui se abscondat à calore eius.

Ad quæ verba D. August. Nullum mortalium ( inquit ) permittit excusare se de vmbra mortis ipsam enim penetrauit Verbi calor. Conformiter dicitur Matth. cap. 5. Qui solem oriri facit super bonos & malos, & pluit super iustos & iniustos: quod D. Ambrosius serm. 8. in Psalm. 118. docet verum esse etiam de sole iustitiæ, & pluuiæ gratiæ. Lucæ 11. Omnis qui petit accipit, qui querit inuenit, petite & dabitur vobis, quærite & inuenietis, &c. Iacobi cap. 1. Si qui vestrum indiget sapientia, postulet à Deo, qui dat omnibus assuetus. 1. ad Thimoth. 2. Qui vult omnes homines saluos fieri, & ad agnitionem veritatis venire;

*venire*: quem quidem locum D. Aug. intelligit de voluntate absolutâ saluandi: & quia certum est Deum non velle voluntate efficaci omnes fieri saluos (nullus enim tunc periret) ideo ipse limitatè, seu commodè intelligit illam distributionem, scilicet quod velit Deus omnes saluos fieri, quia nemo fit saluus, nisi quem ipse velit; vel quia ex omni hominum genere vult aliquos fieri saluos. Sed accipiendo de aſſe&quo aliquo simplici Dei erga salutem hominum, poterit rectè intelligi generaliter, quod velit omnes fieri saluos, eoque nomine remedia quædam pro omnibus instituerit, licet in multis impediantur siue per ipsosmet, siue per alios; quod Deus secundum suam prouidentiam iusto suo iudicio permittit.

74

Videtur tamen D. Aug. ab hoc loquendi modo satis abstinuisse, ne inde inducerentur aliqui in eam opinionem, quod iustitia & salus saluandorum, aut saltem discriminis ratio quare hi potius quàm illi, essent referenda in humanam voluntatem, & non in Dei propositum & bonam hanc eius voluntatè, secundum quam peculiariter ipse horum præ illis vult misereri, prout etiam nonnulli exinde colligunt: contra quos contrarium supra sufficienter ostendimus, 2. Petri cap. 3. *Patienter agis propter vos nolens aliquos perire: sed omnes ad penitentiam reuerſi.* Apoc. cap. 3, *Ego ſto ad ostium & pulſo; ſi quis audierit vocem meam, & aperuerit mihi ianuam, intrabo ad illum.* Hinc etiam Apostolus ad Rom. 10. postquam dixisset fidem esse ex auditu, & auditum non haberi sine prædicatione, ne quis putaret aliquos excusandos, quia non audiuisſent prædicantem; Et quidem in omnem terrâ exiuit ſonns eorum, inquit, & in fines orbis terræ verba eorum: & Actorum cap. 14. *Qui in præteritis generationibus diſmiſit omnes gentes ingredi vias ſuas, & quidem non ſine teſtimonio ſemetipſum reliquit benefaciens de cælo, dans pluuias & tempora fructiſera, implens cibo & lætitiâ corda noſtra;* quibus Apostolus indicat quod licet abundantiam illam gratiæ suæ non sic effuderit Deus olim in omnes gentes, sicuti nunc tempore noui Testamenti, nihilominus tamen eas non fuisse planè relictas absq; omni omnino auxilio gratiæ; & quamuis non habuerint homines fidei instructiores, tamen cælos & omnem eorum ornatum, ac ceteras creaturas eis suo modo predicacæ suum creatorem, & præbuisse eis sufficiens argumentum, ut in eis possent deuenire fidem & cultum: Existimandum enim est, quod sicuti Deus solet intus operari cum verbo prædicationis quod de foris sonat, sic quoque non permiserit attentam diuinorum operum con-

siderationem ab omni interiori auxilio inane esse & vacuum, licet homines suis additi cupiditatibus & vitijis & ipsum lumen, & auxilium gratiæ neglexerint.

Probatur Secundò ex SS. PP. & imprimis docet id pluribus D. Dionysius cap. 9. Cælestis hiarchiæ: Theophilactus & Oecumenius ad illa verba Apostoli; *Qui vult omnes homines saluos fieri*: quare (inquiunt) non fit quod vult; non fit, quia illi nolunt, nihil enim ex necessitate facit Deus in nobis. D. Chrysost. super parabola de operarijs conductis ad vineam cap. 20. Matth. Ab initio (inquit) omnes conduxit, sed quod non omnes eodem tempore paruerunt, à voluntate vocatorum hæc differentia resultabat; scilicet tanquam ex propinquiore quadâ causa: quod etiâ Augustis agnosceat, licet ipse ulterius altiore assignet causam, cur hi cum possint quoq; non sequi, tamen præ alijs sequantur. D. Ambros. pertractans illa verba Pauli: *Qui vult omnes homines saluos fieri*: addit, sub intellectu scilicet conditione, si & ipsi velint: vult enim Deus omnes saluos fieri (inquit) sed si accedant ad eum; non enim sic vult, ut nolentes saluentur, sed vult illos saluari, si & ipsi velint. Idem docet Beatus Prosper lib. 2. De vocatione gentium cap. 22. 23. & 31. Similiter loquuntur plures alij: quibus sermonibus satis significant, se ita sentire de Dei bonitate, quod nò in totum deferat promiscuè peccatores, quin saltem tempore & loco præbeat occasionem & auxilium sese ad Deum conuertendi.

Cum quibus tamen consistit illud, quod supra docuimus, scilicet Deum præparasse auxilium singulare, congruum, & efficacius, quorum placuit efficaciter misereri: ne si absq; speciali curâ, ac certâ & infallibili directione suâ reliquisset hominum arbitrio, omnium salutem, iterum totum genus humanum Diaboli versutiâ traheretur in exitum, periretque, sicut in Adamo primo perierat, & ex Secundo nulum reportaret salutis fructum: quod futurum fuisse significat Aug. De corrept. & gratia c. 12. & testari videtur experientia; nam de gentibus, quas diſmiſit ingredi vias suas, quos saluatur, & si non absq; testimonio ſemetipſum reliquerit illis? Quæ & docet D. Prosper de vocatione gentium lib. 12. c. 31. vbi sic scribit. Elaboratum est enim, quantum Deus adiuuit, ut non solum in nouissimis diebus, sed etiam in cunctis retro sæculis probaretur gratiam Dei omnibus hominibus adfuisse, prouidentia quidem pari & bonitate generali; sed multimodo opere, diuersaque mensura: quoniam siue occultè, siue manifestè ipse est

75

76



ipse est Saluator omnium hominum, maxime fidelium: quæ sententia subtilissimæ breuitatis & validissimi roboris, si tranquillo consideretur intuitu, totam hanc controuersiam dirimit, dicendo eam (inquit) qui est saluator omnium hominum, confirmauit bonitatem Dei super vniuersos homines esse generalem, adiungendo autem maximè fidelium, ostendit esse partem generis humani, quæ merito fidei diuinitus inspiratæ, ad summam atque æternam salutem specialibus beneficijs prouehatur.

- 77 Dico Sextò : Piè etiam credere, & de immensa Dei bonitate erga filios hominum eiusque misericordiâ confidere possumus, neminem adulatorum sic gratiâ destitui, vt nunquam ad ostium cordis eius pulset Dominus, nunquam salutare suggerat cogitationes, quibus se ad fidem, pœnitentiam, & salutem possit disponere: quin potius vicissitudines esse instinctuû, & inspirationem diuini Spiritus euntis, & ad peccatores redeuntis, quibus eos singulos & vniuersos trahit & vocat, vt cum filio prodigo ad patrem reuertantur. Ita generaliter sine exceptione, etiam illorum qui dicuntur excœcati vel obdurati, ponit hoc Ruardus artic. septimo fol. 326. Idem est sensus aliorum Doctôrum, quos ad præcedentè propositionem citauimus. Potest probari primò ex Scripturis & auctoritatibus iam allegatis, quæ omnino generaliter loquuntur de omnibus sine exceptione. Deinde ex illo Apostoli ad Rom. 2. cap. *An diuinitas bonitatis eius & patientia & longanimitatis contemnit? ignoras quoniam benignitas Dei ad pœnitentiam te adducit? Secundum autem duriciam tuam & impœnitens cor thesaurus tibi iram in die ire, &c.* vbi iuxta Apostolum benignitas Dei in patientiâ & longanimitate dicitur adducere ad pœnitentiam etiam eos, qui habent cor durum, & impœnitens: supponit itaque illis aliquando sic allucere Dei benignitatem & adesse, vt possint ad pœnitentiam redire, & ad Deum se convertere.

- 78 Vnde D. August. lib. 4. De Baptismo cōtra Donatistas cap. 14. scribit: De conuersione autem nullius desperandum siue foris, siue intus (id est, siue extra siue intra Ecclesiam) constituti, quamdiu patientia Dei ad pœnitentiam eum adducit, & visitat in virgâ facinoræ eorum, & in flagellis peccata eorum: hoc enim modo misericordiam suam non dispergit ab eis, si & ipsi aliquando misereantur animæ suæ, placentes Deo: & lib. De prædestinatione & gratia c. 14. ita scribit de Pharaone: An fortè si piè de Deo sicut expectat, sentiamus, etiam Pharaoni datam mi-

sericordiam reperimus? patientia enim Dei valere ei debuit ad salutem, quâ differens iustum, meritumque supplicium, miraculorum verbera crebra densabat: numquid non potuit sicut flagellis cedens expulit populum, ita miraculis credens Deum tantæ virtutis cognoscere? quod etiam ex hoc confirmari potest, quia ipse aliquando culpam suam agnouit, & dixit: Iustus Dominus, ego autem & populus meus impius. Verù de hoc lib. dubitatur an Augustini sit. Interim lib. 83. Quæstionum quæst. 68. circa finem tractans de vocatis ad nuptias, significat etiam Pharaonem vocatum fuisse, atque adeo subindicat vocationem ad omnes pertinere, dum ibidem sic concludit: hæc autem vocatio quæ siue in singulis hominibus, siue in populis, atque in ipso genere humano per temporum opportunitates operatur, atque & profundæ ordinationis est. Pro eodem facit, quod licet locum Apostoli 1. ad Tim. 2. *Qui vult omnes homines saluos fieri, &c.* interpretetur idem Aug. frequentius secundum aliquam distributionem limitatam vel commodam, tamen lib. De spiritu, & littera cap. 32. extendat quoque vniuersaliter ad omnes secundum aliquam Dei voluntatem antecedentem, & non absolutam, vbi ita scribit: Vult autem Deus omnes homines saluos fieri, & in agnitionem veritatis venire, non sic tamen vt eis adimat liberum arbitrium, quo vel bene vel male vtentes iustissimè iudicentur; quod cum sit, infideles quidem contra voluntatem Dei faciunt, cum eius Evangelio non credunt, nec ideo tamen eam vincunt; verùm seipsos fraudant magno & summo bono, malisque pœnalibus implicant experturi in supplicijs potestatem eius, cuius in donis misericordiam contempserunt. Vbi notandum, quod dicat illos facere contra voluntatem Dei, quâ videlicet vult eos credere Evangelio, & sic saluos fieri: & rursum quod dicat eos contempsisse misericordiam Dei in suis donis, vnde supponit non omnino gratiæ auxilia eis fuisse negata.

Potest accedere & ratio; quia non videtur satis hoc conuenire cum statu viatoris, quod homines dum in viâ versantur, existerent perpetuò privati omni subsidio & medio redeundi ad finem suum; vnde dicitur Sapientiæ capite primo: *Sanabiles fecit nationes orbem terrarum, & non est in illis medicamentum exterminij, nec inferorum regnum in terrâ.* Conforme tamen admodum apparet Scripturis, quod habet eodem art. 7. Ruardus fol. 352. quod nimirum, quando Deus clementer frequentius pulsât ad ostium cordis peccatoris

per bonos intinctus, & ipse multoties resistit & repellit, contingere soleat, quod deinceps rarius, & aliquando quod post huiusmodi crebram repulsam, quosdam Deus deferat negando de cætero tale auxilium eis exhibere: quod indicare videtur Apostolus ad Heb. cap. 6. *Terra enim saepe venientem super se bibens imbrem &c. profertens autem spinas ac tribulos reproba est & maledictio proxima*: de quibus etiam rectè accipitur illud Ecclesiastes c. 7. *Considera opera Dei, quod nemo corrigere possit, quem ipse despexerit*. Vnde Isidorus lib. 2. De summo bono cap. 15. postquam allegasset verba iam citata, subiungit: Ingemiscendum est iugiter, & postposita securitate lugendum, ne Dei iusto iudicio & secreto deferatur homo, & perdendus in potestate demonum relinquatur: de cuiusmodi hominibus dici potest, quod ex tunc iudicati sint; quemadmodum iudicium æternæ damnationis Dathan, Chore, & Abyron non videtur sequutum post præuiam ipsorum mortem, sed præcessisse, ac simul inuoluisse sententiam mortis corporalis: quod scilicet viui in infernum descenderent: quod & de Sodoma & Gomorra dici potest. Veruntamen eiusmodi Dei iudicia extraordinaria sunt: quare propter talia exempla, non est negandum id, quod communiter & ordinariè cum peccatoribus misericorditer agit Deus.

80 Dico Septimò: Ex iisdem principiis, & potiori ratione possumus hoc quoque de providentiâ Dei, & bonitate piè sentire, quod ipse paratum se exhibeat ad auxiliandum homini, & aliquod auxilium præstet, quotiescumque alicuius præcepti obligatio ei occurrit, sic ut in hominis sit potestate, quamuis non semper proximè, tamen mediata siue remotè, eius transgressionem quæ mortalis esset, vitare. Dico quâvis non proximè, saltè remotè, quia hoc omnino fateri oportet, hominem non semper actu instructum esse tantis viribus, ut per eas solas non acceperibus nouis, possit implere quæcumque præcepta occurrentia, & quauis superare tentationes & difficultates: sed dicimus quod saltem aliquid auxilij vel diuinæ assistentiæ adit, ut remotè saltem possit: quatenus scilicet per illud potest ad Deum tanquam auxiliatorem in tempore opportuno cum precibus & gemitibus confugere, & eius adiutorium implorare: unde toties Scripturæ exhortantur omnes ad tale refugium.

81 Potest autem illud inprimis deduci ex auctoritatibus supra positis; quibus licet hic has adiungere: primò ad Corinth. cap. 10. *Eidelo Deus est, qui non patietur vos tentari supra id quod potestis, sed faciet etiam cum*

temptatione prouentum, ut positis sustinere: Conc. Trid. Sess. 6. c. vndecimo: nam Deus impossibilia non iubet; sed iubendo monet & facere quod possis, & petere quod non possis, & adiuuat ut possis. Quibus verbis clarè tota cõrinetur nostra propositio. D. Aug. De gratia & lib. arbit. cap. 16. Magnum aliquid Pelagiani se scire putant, quando dicunt, non iuberet Deus quod sciret ab homine non posse fieri: quis enim hoc nesciat? sed ideo iubet aliqua quæ non possumus, ut nouerimus quid ab illo petere debeamus: ipsa est enim fides quæ orando impetrat, quod lex imperat; & paulo infra: Certum est, non mandata seruare si velimus: sed quia præparatur voluntas à Domino, illud petendum est, ut tantum velimus, quantum sufficit, ut volendo faciamus: ubi planè Augustinus supponit, quod licet non simus semper satis fortes, ut per prærens auxilium præcepta seruemus, tamen in nostrâ esse potestate ad Deum confugere, & vteriores vires impetrare: alioquin nihil ad oppositionem Pelagianorum videretur respondere.

Nec hoc tantum ad fideles, sed etiâ ad infideles videtur extendere lib. 3. qq. q. 68. ubi sic scribit: Nunquid ergo latebat Pharaonem, quantum boni cõsecutus fuerint terræ illæ per aduentum Ioseph? illius ergo rei gestæ cognitio, vocatio eius fuit, ut populum Israel misericorditer tractans, non esset ingratus: quod autem huic vocationi obtemperare noluit, meruit pœnam &c. Idem significat D. Leo serm. 16. de passione Domini: iustè enim nobis instat præcepto (inquit) qui præcurrit auxilio; ubi à contrario sensu indicat, quod minus iustè instaret, si non præberet auxilium.

83 Probatur Secundò ratione: quia si homo ita sit destitutus, ut nec sufficientes vires habeat, neque impetrare aut habere possit ad præcepti obseruationem, nõ manebit liber vsus arbitrij circa eius transgressionem. Confirmatur ex D. Aug. lib. 3. De libero arbitrio cap. 18. Nec mirandum est (inquit) quod vel ignorando non habeat arbitrium liberum voluntatis ad eligendum, quid rectè faciat; vel resistente carnali consuetudine (quæ violentiâ mortalis successione quodammodo naturaliter inoleuit) videat quid rectè faciendum sit, & velit, nec possit implere. Vbi D. Aug. admittit arbitrium liberum voluntatis ad eligendum tolli, tum per ignorantiam, tum etiam per violentam consuetudinem, aut passionem, cui homo resistere non valet; & consequenter sequitur, quod sic præceptum transgrediendo non peccabit: quemadmodum docet Aug. De Angelis, & de primo

primo homine, quod sine sua culpa non perseverasset, si defuisset adiutorium sine quo perseverare non possent, lib. de correctione & gratia cap. 11. Et confirm. ex eodem Aug. lib. 3. De libero arbitrio cap. sup. cit. ubi addit. Quæcumque ista causa est voluntatis, si non ei potest resisti, sine peccato ei ceditur: si autem potest, non ei cedatur, & non peccabitur: an forte fallit incautum? ergo cauet ne fallatur: an tanta fallacia est, ut cauere omnino non possit? si ita est, nulla peccata sunt: quis enim peccat in eo, quod nullo modo cauere potest? peccatur autem: cauere igitur potest. Ita ille.

84. Et ne quis dicat hanc doctrinam Augustini, locum tantummodo habere in homine recto, ut à Deo creatus est; non autem in homine lapsio, obseruanda sunt quæ scribit cap. sequenti de ipso homine lapsio: non tibi deputatur ad culpam (inquit) quod inuitus ignoras, sed quod negligis querere quod ignoras: neque illud quod vulnerata membra non colligis, sed quod volentem sanare contemnis: ista tua propria peccata sunt: quibus similia habet lib. De natura & gratia cap. 63. Et infra: Nam illud quod ignorans quisque non recte facit, & quod recte volens facere non potest, idem dicuntur peccata, quia de peccato illo liberæ voluntatis originem ducunt: illud enim præcedens meruit sequentia: nam sicut linguam dicimus non solum illud membrum, quod mouemus in ore dum loquimur: sed etiam illud quod huius membri motum consequitur, id est, formam, tenoremque verborum, sic non solum peccatum illud dicimus, quod propriè vocatur peccatum, & liberæ voluntate, & à sciente committitur: sed etiam illud quod iam huius supplicio, sequatur necesse est. Quod etiam facit, quod in epist. 104. ad Sixtum tractans illa verba Christi apud Ioannem cap. 15. si non venissem & locutus eis fuisset, peccatum non haberent, scribit: Inexcusabilis est omnis peccator vel reatu originis, vel additamento etiam propriæ voluntatis: quia & ipsa ignorantia in eis qui credere noluerunt, sine dubitatione peccatum est; in eis autem, qui non potuerunt, pena peccati est, & proinde etiam illi inexcusabiles à peccatis suis; quia quod liberati non sint, iusto iudicio in penam peccatorum factum est. Ex quibus apparet D. Aug. non agnoscere peccatum propriè dictum in actu quocumque, vel actus omissionem, quem vel quam homo libero voluntatis arbitrio non exercet: atqui verò admodum inconueniens videretur esse hoc admittere, quod non peccent illi, qui deliberato animo, mentis compotes, & nulla ignorantia saltem inuincibili impediti præ-

uaricantur diuinæ legis siue naturalis, siue supernaturalis præcepta; ergo negari non debet, quin aliquo modo habeant potestatem & vires gratiæ, quibus siue proximè, siue remotè possint eiusmodi transgressionem præcauere.

Probatum subsumptum: nam Ioannis 85 15. declarat satis Christus Iudæos illos non fuisse immunes à peccato, de quibus cap. 12. refertur dictum per Isaiam: *Excæcauit oculos eorum, & indurauit cor eorum, ut non videant oculis, & non intelligant corde, & conueruantur, & sanem eos.* Dicit namque: si non venissem, & locutus fuisset eis, peccatum non haberent: nunc autem excusationem non habens de peccato suo. Sic etiam ad Romanos capite 1. posteaquā Apostolus dixisset: *Tradidit illos in reprobum sensum, & nihilominus eosdem reprehendit grauissimè super sequentibus eorum factis, propter quæ etiam demonstrat illos penis dignissimos fuisse, quia cum iustitiam Dei cognouissent, non intellexerunt, quoniam qui talia agunt, digni sunt morte:* ergo supponit Apostolus etiam illos qui dicuntur traditi in reprobum sensum, non ex necessitate, sed cum voluntatis libertate operatos esse turpitudines illas, ob quas docet eos morte dignos.

86 Sed contra prædicta Obijciunt Primo: homines excæcari, obdurari, tradi in sensum reprobum, tradi in desideria cordis sui, non est aliud quam homines diuino lumine priuari, & gratiæ auxilijs destitui, & à Deo derelinqui, sic ut veritatem fidei, vel honestatis non agnoscat, aut saltem non recipiant, sed à Sathana detineantur in umbra mortis captiui ad eius voluntatem, ut significat D. Aug. lib. 5. contra Iulianum cap. 3. ubi sic scribit: Cum ergo homo dicitur tradi desiderijs suis, inde fit reus; quia desertus à Deo cedit atque consentit, vincitur, capitur, trahitur, possidetur: ergo non videtur dicendum, quod tales habeant gratiæ auxilium, quo possint veritatem amplecti, ad penitentiam redire, tentationibus resistere, & mandata custodire.

87 Respondetur certum esse, excæcationem, obdurationem, traditionem in reprobum sensum, in desideria cordis sui importare quandam desertionem, quā Deus peculiari & iusto iudicio priuat homines multis gratiæ muneribus, etiam illis quæ communiter & ordinariè solent talibus vel talibus occasionibus peccatoribus cōcedi, & præsertim istis, quæ possent esse apta ad efficaciter hominem commouendum, nec tantum quia priuat talibus; sed etiam quā sinit obuenire varias occasiones adimplendi suas ipsorum libidines, & pra-

uas voluntates: propter quod specialiter dicuntur tradi in delicta cordis sui, nihilominus tamen non importare continuâ & quasi perpetuam diuini luminis & auxiliij priuationem: sed simul admittere aliquando pro tempore & loco Dei ad ostiũ cordis pulsantis excitationem, aut immisissam terrefactionem, vel bonam affectionem, quibus posset cooperari homo, si vellet; idq; potissimum quando sine conuersione, & gratiæ auxilio nouum peccatum vitare nequireret.

87 Ad pro pleniori intelligentiâ & explicatione, tales pœnas semper habere in homine demeritum & causam perseuerantem, v.g. obduratio Pharaonis causam habebat continuatum iniquissimum animum in filios Israël, quo volebat eos opprimere & extinguere; quia videbat illos in omnibus prosperè agere; vt indicat August. lib. 83. Quæst. quæst. 68. Sic execratio in Iudæis habebat pro causâ superbâ, ambitionem & odium quibus inardescabant perpetuò contra Christum, qui eiusmodi in ipsis vitia reprehendebat, vt indicant illa Christi verba apud Ioannem c. 5. *Quomodo vos potestis credere, qui gloriam ab inuicem accipitis? & iterũ c. 10. Multa bona opera ostendi vobis ex patre meo, propter quod eorum opus me lapidatis?* Item illa verba Iudæorum: *Quomodo animam nostram tollis? si tu es Christus dic nobis palam:* & multa similia apud Ioannem c. 10. 11. & 12. Quod itaq; dicitur aliquando de excœcatis, de obduratis, quod non possint credere, non possint obtemperare; accipiendum & intelligendum est, stante scilicet causâ obdurationis, vel excœcationis, quam ipsi ponunt, & propter quam Deus iusto iudicio subtrahit gratiam ad credendum, aut obtemperandũ: vt potest colligi ex verbis Christi allegatis: Quomodo vos potestis credere, qui glorium &c. quod & significat Aug. in propositione 62. ad epistolam ad Rom. Sed non propterea deest ipsis facultas & auxiliũ, quibus possent eiusmodi causam remouere & tollere, & sic ad lumen & meliorem animum accedere: quod illam etiam indicat August. & sermone 88. De tempore sic scribit: nam & in tãtum non eum Deus irremuocabiliter obdurauit (videlicet Pharaonem) vt post decem plagas, populum Dei non solum dimitteret, sed etiam exire compelleret: quod enim decem plagis percussus fecisse legitur, post primam castigationẽ implere potuisse cognoscitur.

88 Altera obiectio formatur ex cap. 17. Actorum; vbi Deus dicitur in præteritis generationibus dimisisse gentes ingredi vias suas: & ex cap. 10. ad Rom. *Quomodo inuocabunt in quem non crediderunt? Quomodo*

*credent sine prædicante.* Sed iam supra ex iisdem locis deduximus & ostendimus, quomodo Deus non omnino infideles illos deseruerit, sed etiam suas obtulerit occasiones & sublidia perueniendi ad ipsius cognitionem & cultum: quod D. Prosper quasi ex proposito docet lib. 2. De vocatione gentium. Vnde & D. Thom. quæst. 14. De veritate art. 11. ad primum scribit hoc modo: Non sequitur inconueniens, posito quod quilibet teneatur aliquid explicitè credere, si in sylus vel inter bruta animalia nutriatur, hoc enim ad diuinam providentiã pertinet, vt cuilibet provideat de necessarijs ad salutem, dummodo ex parte eius non impediatur: si enim aliquis taliter enutritus ductũ rationis sequeretur, (quod non fit sine omni auxilio gratiæ) tenendum est, quod ei Deus vel per internã inspirationẽ reuelaret ea, quæ sunt ad credendum necessaria, vel aliquẽ fidei prædicatorem ad eum dirigeret, sicut misit Petrum ad Cornelium, Actor. c. 10. vide infra q. 12. 2. 3. n. 29. & seq.

Obijcitur Tertio: Ioannis cap. 6. dicit Christus: *Nemo potest ad me venire, nisi pater qui misit me, traxerit eum:* atque non omnes trahit pater; ergo &c. Confirmatur: quia omnis qui audiuit à Patre & didicit, venit ad Christum, vt habetur ibidem: ergo non omnes habent auxiliũ, quo possint ad Christum venire. Respondetur primò Negando subsumptum, quod non omnes Pater trahat saltem aliquando pro tempore & loco: & ad Conf. dicendum est, Christum non simpliciter dicere. Omnis qui audiuit, aut tractũ persequitur, venit ad me (alioquin non moneret Psaltes: *Hodie si vocem Domini audieritis, nolite obdurare corda vestra*) sed qui audiuit & didicit, id est: Cui Pater sic suadet, vt persuadeat, quod non datur omnibus. Potest secundò Responderi ibi sermonẽ esse de tractu per gratiam secundum propositum, sine quo tractu dicitur nemo posse venire ad Christum, non quod simpliciter non possit; sed quia infallibiliter absque illo tractu nemo venturus sit, & secundum aliquem respectum non possit, quatenus id non consistit cum præcognito diuinæ providentię ordine, qui circa talem seruandus est, iuxta quem non vocabitur, prout ei aptum erat vt veniret: sicuti supra diximus, quod è contra non possint gratia efficax & donum perseuerantię frustrari suis effectibus, vt qui gratiam efficacem habet, non operetur, vel cui donum perseuerantię datur, non perseueret: licet hoc magis propriè, & ex fundamento magis à priori dicatur, quàm alterum vt antè explicuimus.

Obijcitur Quarto: D. Aug. epistola 90  
SI 107. ad

107. ad Vitale inter ea quæ firmissimè se scire dicit pertinere ad fidem Catholicam, ponit hunc articulum de gratiâ: scimus non omnibus hominibus eam dari: quem refert ex Concilio Palæstino: & lib. De correptione & gratia cap. 11. scribit de adiutorio primi hominis & Angeli hoc modo: si autem hoc adiutorium vel Angelo vel homini quàm primum facti sunt defuisset (quoniam non talis natura facta erat, vt sine diuino adiutorio posset manere si vellet) iam vtique sine sua culpa cecidissent: adiutorium quippe defuisset, sine quo manere non possent: nunc autem quibus deest tale adiutorium, iam pœna peccati est: quibus autem datur secundum gratiam datur: Igitur secundum D. Aug. non videtur omnibus dari modò auxilium necessarium, vt in iustitiâ perseuerare possint, & proinde minùs vt peccatores possint conuerti. Et confirmatur, quia propositione 62. ad epistolâ ad Rom. sic scribit. Sicut enim legimus in Exodo, obduratum est cor Pharaonis, vt tam euidentibus signis non moueretur: quod ergò tunc Pharaon non obtemperabat præceptis Dei, iam de supplicio veniebat: non autem quicquam potest dicere istam obdurationem cordis immerito accidisse Pharaoni, sed iudicio Dei retribuētis incredulitati eius debitam pœnam: non ergò hoc illi imputatur (inquit) quod tunc non obtemperarit, quandoquidem obdurato corde obtemperare non poterat; sed quia dignum se præbuit cui cor obduraretur priori infidelitate: ergò &c.

91 Respondetur hæc D. Augustini loca difficilia esse; & verisimiliter propter illa & quædam similia dixisse Ruardum a. 7. fol 350. Alteram opinionem magis consentaneam esse Augustino, & Patrum Concilij; nihilominus tamen posse quoque illa explicari sensu non alieno à proposito Diui Augustini, sic vt nostris dictis non repugnent: Et ad primum quidem, quod D. Aug. non ibi loquatur de quacumque gratiâ, sed de gratiâ quæ secundum propositum datur: nam de illâ in antecedentibus potissimum egit, vt patet ex his & similibus eius sententiis: & sic eripit vasa eius quæcumque prædestinauit eripere, arbitrium eorum ab eius potestate liberans, vt illo non impediēte credant in istum liberâ voluntate. Et iterum: Quapropter vt in Deum credamus & piè viuamus, non volentis neque currentis, sed miserantis est Dei; non quia velle non debemus & currere, sed quia ipse in nobis & velle operatur & currere. Et non longè ante articulum obiectum: Cur quidam hic dimittantur viuere donec cadant, cum

possint rapi de hac vitâ, ne malitia mutet intellectum eorum &c. hanc itaque gratiam quæ secundum propositum est, negat omnibus dari, & quibus datur, docet non dari secundum merita siue operum siue bonæ ipsorum voluntatis, quod nos etiam vbique tenemus, neque negari potest. Quamuis enim admittamus piè credi pro tempore & loco dispensari adultis omnibus aliquod auxilium vel proximè, vel saltem remotè sufficiens, tamen dicimus, vt habeant illud aptum & congruum, quo non tantum possint, sed de facto operentur, id non ex eorum pendere voluntate, nec in ipsorum esse potestate: sed totaliter pendere ex Dei dispensantis munera sua cum iudicio discretionis particulari misericordiâ, quâ efficaciter vult aliquos liberare, & ad salutem perducere. Vnde articulus ille contra eos propriè videtur positus, qui nullam agnoscent gratiam secundum propositum, sed volunt promiscuè omnibus ex parte Dei pari affectu sine discretionis iudicio offerri gratiæ auxilia, & totum liberationis & salutis horum præ alijs fundamentum, ac discrimen totaliter ex hominum tantum arbitrio & voluntate pendere, & desumendum esse; atque ita gratiam illam quæ est saluandum, esse communem omnibus ex parte ipsius Dei: quod vbique Aug. impugnât.

Ad secundum locum quidam Respondent, D. Augustinû ibi non asserere auxilium illud aliquibus deesse; sed supposito quod aliquibus desit, docere in pœnam peccati deesse. De reliquo ipsum non resolvere, vtrum aliquibus desit nec ne. Sed videtur illa Responsio tantum subterfugium quoddam continere: neque enim negari poterit, si contextus sano oculo legatur, quin D. Aug. etsi non ibi definiat, tamen omnino ex sua sententiâ supponat auxilium de quo loquitur, non omnibus esse commune: quare omnino admittendû est ad mentem eius auxilium illud aliquibus deesse; sed per auxilium quod nunc homini lapsus est, necessarium vt perseuerare possit, siue sine quo nō possit modo perseuerare, non intelligit Aug. auxilium quocumque; modo sufficiens, quale nos pro tempore & loco dicimus omnibus concedi; Verum intelligit gratiæ auxilium quod ex certo Dei proposito, ita dat posse vt det simul velle & operari: nam tale ipse requirit vt homo simpliciter & absolute in tantis suis infirmitatibus dicatur posse. Quod patet ex fine capitis 12. sequentis, vbi sic scribit: Nam si in tantâ infirmitate vitæ huius ipsi relinqueretur voluntas sua, vt in adiutorio Dei sine quo perseuerare non possent, manerent si vellet; nec Deus

nec Deus in eis operaretur ut vellent, inter tot & tantas tentationes infirmitate suâ voluntas ipsa succumberet, & ideo perseverare non possent, quia deficiente infirmitate, nec vellent &c. ubi manifestè ostendit se auxilium nudè sufficiens, ut cum eo possit perseverare homo lapsus, si velit, & euentus eius relinquatur arbitrio, non habere pro tali cum quo nunc debeat homo dici posse perseverare; quia licet voluntas aliquo modo posset, tamen si sibi cum eo relinquatur, semper deficeret; & propter eâ maius auxiliū docet Aug. esse homini modò necessarium (quod scilicet non tantum posse, sed etiam velle & facere) ad hoc, ut habeat posse tale, quod aliquando fortitatur effectū. De huiusmodi igitur nunc homini necessario adiutorio, pronuntiat gustinus: Nunc autem quibus deest tale adiutorium, poena peccati est: id quæ constat manifestè ex adiunctis: De eodem enim adiutorio consequenter dicit; Quibus autem datur, secundum gratiam datur, non secundum debitum, & tanto amplius datur, quibus id dare Deo placuit, ut non solum addit, sine quo permanere non possumus etsi velimus: verum etiam tantum ac tale sit, ut velimus &c. cuiusmodi auxilium fatemur plurimis iusto Dei iudicio in peccati poenam deesse. Sed tamen addimus cum eo consistere, quod habeant adiutorium cum quo perseverare possint si velint: quod etiam supra ex diuersis Concilijs ostendimus, necessariò admitendum esse de iustificatis omnibus, quauis non tale & tantum quod faciat ut velint & perseverent.

93 Ad Tertium locum quod attinet, quidam ex eo colligunt hæc duo; scilicet & Pharaonem absolutè non potuisse obtemperare diuinis Mandatis; & ipsum ideo non obtemperando non peccasse. Sed neutrum existimo esse ex Diui Aug. mente: nam in primis supra ex Euangelio Ioan. c. 15. ostendimus excœcatos Iudæos, de quibus cap. 12. dicitur: *Et propterea non poterant credere, &c.* non obstante excoecatione, peccasse non credendo; & ex Apostolo ad Rom. 1. ostendimus eos, qui dicuntur in reprobum sensum traditi, propter subsecuentes tamē quas commiserunt turpitudines, morte dignos fuisse. Et Aug. idipsum hoc loco de obdurato Pharaone satis significat; dum ita scribit: Sed quia dignum se præbuit, cui cor obduraretur priori infidelitate &c. non ergo vult eum in illo facto inobedientiæ à culpa excusatum, aut non peccasse. Sed neque ex mente Augustini videtur esse, quod Pharao absolutè non potuerit obtemperare: nam in primis supra ostendimus; quomodo August. doceat

cum fuisse quoque vocatum, eundemque, quod decem plagis percussus fecit, post primam castigationem implere potuisse. Non itaque vult simpliciter non potuisse, sed stantibus obduratione & obdurationis causa, non potuisse: sicuti si quis diceret; Qui fratrem odit, non potest ex animo illi benefacere: & quemadmodum dixit Christus: Ioannis cap. 5. *Quomodo vos potestis credere, qui gloriam ab invicem accipitis?* quasi diceret: non consistit cum tantâ vestrà ambitione, ut doctrinam humilitatis quâ propono, apprehendatis; quia ambitio impedit & vos quasi fascinosos tenet: Non autem significatur, quod simpliciter ille ex animo non possit benefacere fratri, & quod hi non possint credere: quia depositis odio & ambitione, utrumque respectivè possent. Sic quoque conformiter dicitur: Nō potuit Pharao obdurato corde obtemperare, quia perseverante infidelitate eius, & odio in filios Israël, non poterat ipse diuinis iussis obtemperare; & sic quasi in sensu formali dicit August. non imputari, quod obdurato corde non obtemperet; sed tamen imputatur absolutè, quia suâ malitiâ & merito manebat talis: cū alioquin sufficiens à Deo esset vocatus & monitus, ut ipsi credens & populum Israël misericorditer tractans, non foret ingratus (vti supra ex August. diximus) utque etiam infidelitate & ingratitudine depositis, Deo obtemperare posset.

Vnde & D. August. cit. loco addit. Sed & illa misericordia præcedenti merito fidei tribuitur, & ista obduratio præcedenti impietati, ut & bona per donum Dei operemur, & mala per supplicium: cum tamen (inquit) homini nō auferatur liberum voluntatis arbitrium siue ad credendum Deo, ut consequatur nos misericordia, siue ad impietatem ut consequatur nos supplicium. Hoc etiam sensu exponit Bellar. lib. 2. De gratia, cap. 8. alia quædam Diui Augustini loca, ut quod scribit lib. 1. Retractionum, cap. 15. Qui autem cogenti cupiditati bonâ voluntate resistere non potest, iam hoc ita peccatum est, ut sit etiam poena peccati: Item quod habet in libro de perfectione Iustitiæ, Responsione 15. Peccatum est, cum vel non est charitas quæ esse debet, vel est minor quàm debet, siue hoc voluntate vitari possit, siue non possit; quia si potest, præsens voluntas hoc facit; si non potest, præterita voluntas hoc fecit. Intelligit enim Bellarminus hæc: Resistere non potest, & vitari non potest, dicta esse non de impotentia absolutâ; sed de quâdam ex hypothesi, scilicet quod cupiditas

94

sit prædominans, cuius dominatui dederint & dent causam indulgendo initijs, & non implorando auxilium, quo dominatum illum valeat excludere: atque ita licet non possint semper proximè resistere, tamen remotè in ipsorum esse potestate, cupiditatibus non obsequi: quod etiam indicat Diuus August. quando adiungit: Et tamen vitari potest, non quando superba voluntas laudatur, sed quando humilis adiuuatur. Vide suprâ dicta nu. 87.

94 Quod autem non sit Diuo Augustino satis ad propriè dicti peccati, siue nouæ culpæ constitutionem, vbi euitandi est impotentia, quod hæc sit orta ex peccato, in primis videtur manifestè conuinci ex allegatâ eius doctrinâ ex lib. 3. De libero arb. cap. 19. vbi ea quæ per ignorantiam ex peccato originali contractam sunt (si modò quis discere non contemnat aut negligat) non vult propriè dicta esse peccata: similiter nec motus concupiscentiæ, quos propter impotentiam ex eodem originali contractam, vitare non possumus. Deinde lib. 22. contra Faustum, cap. 44. disputans de Incestu Loth cum filiabus suis, qui non fuerat voluntarius nisi in causâ, quatenus scilicet se inebriari permiserat, dicit eum incestum non fuisse puniendum, quantum merebatur incestus, sed quantum merebatur ebrietas. Quod ex alio fundamento dici non potest, nisi quod non agnoscat nouam culpam, vbi non est voluntatis actio libera, etsi impotentia ex peccato ducat originem.

Dices: Aliud est de omnibus istis iam enumeratis, vbi vel scientia deest vel deest actus voluntatis; aliud verò de actibus quos quis sciens & volens operatur. Respondetur N. Assumptum, supposito eo quod ex necessitate quis hos operetur, ita vt nec propinquè, nec remotè in eius sit potestate, eos non operari: quia reuertè non liberè homo eos operatur, licet videns & volens operetur. Vnde quemadmodum Apostolus ad Rom. 7. dixit: Si autem quod nolo, illud facio, iam non ego operor illud; ita etiam posset suo modo dicere talis: etsi volens hoc operor, quia tamen non operari non possum, iam non ego operor illud, sed quod in me habitat peccatum; quia eadem est origo impotentiae, si impotentia absoluta ad oppositum in his actibus qui cum ratione & voluntate fiunt, admittatur: & vtrouique est inuitabilitas non ita operandi.

## ARTICVLVS IV.

*Utrum gratia gratis data conuenienter ab Apostolo diuidatur?*

E Numerat Apostolus 1. ad Corinth. 96 12. eiusmodi Gratias nouem, quæ sunt Sermo Sapientiæ, Sermo Scientiæ, Fides, Gratia sanitarum, Operatio virtutum, Prophetia, Discretio Spirituum, Gratia Linguarum, & Interpretatio Sermonum.

Conclusio autem D. Thomæ est affirmatiua: quæ in primis potest probari ab ipsâ auctoritate Apostoli. Deinde eam confirmat D. Thomas ratione quâdam congruentiæ, desumptâ ex fine ad quem huiusmodi Gratiæ gratis datæ conferuntur: destinantur enim ad aliorum instructionem, & Fidem in Deum promouendam: vnicuique enim datur manifestatio Spiritus (inquit Apostolus) ad vtilitatem, scilicet aliorum: & cap. 14. dicit de illo qui huiusmodi Gratias inter fideles animaduertit, quod cadens in faciem adorabit Deum, pronuntians quod Deus verè in illis sit. Ad hoc autem munus ritè obeundum declarat D. Thomas omnes & singulas iam enumeratas habere suum locum & ordinem, prout apud eum videre licet. Vbi tamen obseruandum est, quamuis ista sic appositè satis à Diuo Thoma applicentur, nihilominus non fuisse Apostolo propositum, ibi exactam tradere gratiæ gratis datæ diuisionem, omnesque omnino eiusmodi gratias enumerare. Vnde non est inconueniens aliquas præter has admittere; nam & Apostolus ad Rom. 12. quasdam ponit, hic ad Corinth. non enumeratas, quâuis possent ad herum aliquas reuocari.

97 Quid autem singulæ impotent, poterit sic breuiter explicari: Vt sermo Sapientiæ dicatur esse accurata rerû diuinarum siue mysteriorum Dei, quæ ex principijs fidei dependent, cognitio cum quâdam facilitate ea alijs proponendi & explicandi: & idcirco eiusmodi gratia non tantum potest diuinitus infundi (licet tunc propriè sit gratia gratis data) sed etiam labore & studio cum Dei auxilio & assistentiâ vtrumque comparari. Sermo Scientiæ est rerum humanarum cognitio, quatenus faciunt ad intellectum & perceptionem rerum diuinarum cum facilitate ea applicandi & alijs exponendi. Colligitur ex D. Thoma hoc loco, & ex Aug. lib. 9. De Trinitate cap. 19. &

19. & lib. 14. cap. 1. Sed quid nomine fidei hic intelligendum sit, variant doctorum opiniones: ex quibus magis placet illa quæ docet fidem hic importare quandam excellentiam fidei Theologicæ, quatenus habet coniunctam constantem fiduciam impetranti à Deo, quidquid in necessitate, vel ex iustis occasionibus ad eius honoris promotionem aut conseruationem, homo petierit: fundatur autem in particulari quâdam diuini Spiritus suggestione cum attentâ consideratione omnipotentia & bonitatis Dei: ex quâ suggestione concipit adesse causas & circumstantias ob quas Deus dignabitur præter consuetudinem, aut supra naturam hoc vel illud opus ad eius preces facere. Quare non videtur differre à fide miraculorum, de quâ dicitur Marci 11. *Habete fidem Dei: amen dico vobis, quia quicumque dixerit monti huic, tollere & mittere in mare & non hesitaueris in corde suo, sed crediderit, quia quodcumque dixerit fiat, fiet ei:* & c. 14. ad D. Petrum; *Modice fidei quare dubitasti?* D. Thomas verò ponit hic rationem fidei in quâdam supereminenti certitudine: quia (inquit) qui debet aliquem instruere in aliquâ scientiâ, oportet primò ut principia illius scientiæ sint ei certissima; & quantum ad hoc (ait) ponitur fides: quam tamen in Respon. ad secundum, distinguit à fide Theologicâ. Sed videtur ipsa fides Theologica id sufficienter præstare. Deinde si tantum diceret quandam excellentem certitudinem, tunc fides primo loco fuisset ab Apostolo enumeranda, utpote fundamētum Sapientiæ, & Sciētia. Gratia sanitarum erat donum curandi infirmos: operatio virtutum est donum faciendi alia quædam opera mirabilia & stupēda, ut plurima fecit Moyses in Ægypto, Exodi cap. 7. 8. 9. 10. & Eliseus, sicuti habetur lib. 4. Regum cap. 4. 5. 6. qualis etiam operatio dici potest fuisse, quando Petrus sine humana operâ percussit Ananiam morte & vxorem eius; & quando Diuus Paulus percussit Elimam cæcitare, Actorum cap. 13.

98 Ab istis autem donis adhuc differt fides etiam secundum quod illam explicauimus: quia sunt nonnulli, qui habent hæc dona absque illa fidei excellentiâ, ut quâdo Apostoli ante Christi mortem curabant infirmos, & dæmones expellebant, non pollebant hac singulari fide; ut ex eo facile colligitur, quod ipsi mirarentur, quod dæmones eis obtemperarent. Prophetia est quædam cognitio, qua res oculatæ & præsertim adhuc futuræ, vel longè à nobis positæ ex diuinâ reuelatione noscuntur, ut manifestentur alijs. Discretio Spirituum ab aliquibus videtur poni in

cognitione cogitationum cordis alterius: sed huiusmodi manifestatio videtur potius ad Prophetiam pertinere. Et ideò melius dicitur esse particulare donum, quo quis ex diuinâ instructione, seu illuminatione intelligit, quo spiritu quis moueatur, aut impellatur ad aliquid agendum, quod fortassis ipsemet qui impellitur, non discernit, iuxta illud primæ Ioannis cap. 4. *Nolite omni spiritui credere, sed probate spiritum, si ex Deo sint.* Genera linguarum significant cognitionem diuersorum Idiomatum, ut non possit aliquid impedimentum obuenire auditoribus Euangelij præter non intellectum idioma prædicantis. Interpretatio denique sermonum est gratia quædam ex parte prædicantis, quâ valeat auditoribus explicare sensum sermonis, quem audiunt vel legunt auditores eius vel discipuli; ideoque significat Apost. 1. ad Corinth. c. 14. præstantius esse interpretari, quam loqui linguis: *Qui loquitur lingua, inquit, oret ut interpretetur.* Promptius enim est per media humana tollere prius istud impedimentum, quod prouenit ex ignorantia idiomatis, quam accommodare auditori vel lectori exponere & aperire sensum diuinum in idiomate alijs noto latente. Ex quibus constat falli hæreticos, qui presumunt se penetrare sensum diuinarum litterarum, quâdo linguarum habent peritiam. Certè Eunuchus Cædaci Regis Æthiopum Act. c. 8. non existimabat se comprehendere sensum Prophetiæ, dum legeret Isaiam, etiamsi verborum significationem intelligeret: vnde & à Philippo petijt instrui, & sibi sensum explicari.

Potest autem hic quæri, Vtrum gratiæ istæ sint habitus quidam, an verò consistant tantum in quâdam diuinâ assistentiâ transeunte? Respondetur sermones Sapientiæ, & Sciētia; Item gratiam linguarum, & interpretationem sermonum, rectè posse dici habitus quosdam esse, licet interim potuerint quibusdam etiam transeunter obuenisse. Fides autem consistit partim in habitu, partim in aliquo particulari auxilio & diuino quasi afflatu: Prophetia verò, & Discretio Spirituum, Item Operatio virtutum, & Gratia sanitarum videntur tantum posita in quâdam diuina assistentiâ, quæ potest dupliciter intelligi adesse; primò per modum habitus, ut quotiescumque quis vellet, possit eam ad quoduis opus applicare, quod Christo domino secundum humanitatem fuit proprium: Secundò per modum passionis transeuntis; & sic fuit in Sanctis, licet alij alijs plus aut minus ex hoc communicauerint.



## ARTICVLVS V.

*Vtrum gratia gratis data sit,  
dignior quam gratum fa-  
ciens?*

83 **C**onclusio D. Thomæ: Gratiæ gratum faciens est multo excellentior, quam gratis data. Probatur Primo ex Apost. 1. ad Cor. 13. *Si linguâ hominum loqua & Angelorû, charitatem autem nō habeam, factus sum velut æsonans aut cymbalum tinniens. Et si habuero pro-*

*phetiam, & nouerim mysteria omnia &c. charitatē autem non habuero, nihil sum: vbi charitatem, quæ ad gratiam gratum facientem spectat, antepōnit omnibus gratijs gratis datis, atq; adeo docet has omnes nihil esse absq; illâ. Idem docent Basil. epist. 75. Chrysost. homil. 17. in Ezechielem: & Aug. lib. 13. De Trinitate cap. 18. Probatur Secundo ratione: quia gratia gratum faciens est finis ad quem gratis data ordinatur, finis autem præstantior est medijs. Deinde gratia gratum faciens immediatè coniungit & vnit hominem cum suo fine vltimo, scilicet cum Deo, non sic gratia gratis data: ergo &c.*

## QVÆSTIO CXII.

## De Causa Gratiæ.

*In quatuor Articulos diuisa.*

## ARTICVLVS I.

*Vtrum solus Deus sit causa  
efficiens gratiæ?*

1 **S**IT Conclusio vnica: Solus Deus est efficiens causa gratiæ.

Est D. Thomæ & communis Doctorum. Intelligitur autem de causa principali, & physica. Et sic cessant inprimis obiectiones, quæ aliquin fieri possent ex parte Sacramentorum nouæ legis: nam licet hæc ex cōmuniore doctrinâ attingāt physice productionem gratiæ, tamen non operantur nisi istrumentaliter. Item quæ ex Christo Domino quatenus secundum humanam naturam vt causa principalis, sed meritoria concurrat ad gratiæ infusionem.

Probatur autem Conclusio Primo ex Scripturis: Psal. 87. *Gratiam & gloriam dabit Dominus: vbi sicuti dare lumen gloriæ, ita etiam dare gratiam soli Deo attribuitur. Iob cap. 14. Quis potest mundum facere de immundo conceptum semine, nonne tu qui solus es?* atqui si quis alius posset vt causa principalis producere in aliquo gratiam, posset quoque facere mundum de immundo cōceptum semine. Ad Rom. 5. *Charitas Dei diffusa est in cordibus nostris per Spiritum Sanctū qui datus est nobis: vbi charitas ascribitur infusioni Spiritus Sancti, & non alicuius alterius operationi; ergo &c.*

2 Probatur Secundo ex Conc. Trid. Sess.

6. cap. 7. vbi de causis iustificationis ita scribit: Huius causæ sunt, finalis quidem gloria Dei & Christi, ac vita æterna; efficiens verò misericors Deus, qui gratuito abluit, & sanctificat, signans & vngens spiritu promissionis sancto: meritoria autem dilectissimus vnigenitus suus &c. vbi quoad causam principalē efficientem Concilium nullam agnoscit aliam, quàm Deū solum. Neque Responderi potest Concilium id attribuire Deo soli, tantum ratione remissionis peccatorum, quam solus ipse concedere potest; quia inprimis remissionis non est causa efficiens physica propriè dicta, si remissio concipiatur tanquam distincta ab infusione gratiæ Sanctificantis: Concilium autem dicit, quod iustificationis efficiens causa sit misericors Deus. Deinde, quia explicat quomodo sit causa iustificationis, scilicet abluendo & sanctificando: ergo vtrumque vult Deo esse proprium.

Probatur denique ratione: Quia nullum agens potest vt principalis virtus vel causa producere rem aliam, nisi formaliter vel eminenter eam contineat: atqui nullum ageus creatum potest dici continere in sua ratione formaliter aut eminenter gratiam quam dicimus sanctificantē; sed Deus solus, cuius naturæ ipsa est quædam forma & perfectissima participatio, ita vt ratione illius dicamur effici conforres diuinæ naturæ; ergo &c. Dicit aliquis: videtur saltem ipsa gratia efficienter posse aliam gratiam causare, sicuti calor cau-

lor causât calorem, Resp. Neg. Assumpt. vel enim poneretur causare gratiâ in alio homine, vel seipsam intendere in eodem: neutrum verò dici potest: non prius, quia hoc cômune est omnibus habitibus animi, quod non producant efficienter & physice actionem extra suum subiectum; quemadmodum neque voluntas, neque intellectus operantur extra se, sed omnis eorum operatio, quam per se, producant, est immanens: non etiam posterius, quia in primis non potest qualitas agere ultra vires suas, vnde non potest illa se per seipsam intendere. Deinde & principaliter, quia gratia non est habitus operatiuus, quatenus ab habitibus virtutum infusarum est distinctus: vnde non est apparentia, quomodo se intenderet, vel augetur.

4 Sed hinc maior potest esse dubitatio de virtutibus supernaturalibus: v. g. de habitibus Fidei, Spei, Charitatis, vtrum huiusmodi habitus possint generari, siue produci per actus antecedentes eis proportionatos, siue conformes, qui per auxilium speciale præueniens & adiuvans eliciuntur; vel an saltem possint effectiue intendi & augeri per similes actus, qui postmodum ab ipsis eliciuntur. Apparet enim quod sic, quia istud est naturale habitibus, quod generentur & augeantur per actus sibi proportionatos: neq; videtur hic militare aliqua particularis ratio in contrarium: quod enim habitus isti sint altioris ordinis, non videtur obstaré; quia actus quoque ipsi similiter altioris ordinis sunt, & eiusdem cum habitibus: vnde sic sentire videntur Marsilius in 3. dist. 14. Almainus tract. 2. Moral. cap. 3. Ockam Q. 10. libet. 3. quæst. 7. & fauet Andræas Vega super Concil. Trid. lib. 8. cap. 9. quamquam lib. 6. cap. 5. oppositum videatur docere, vt refert Vasquez in primam 22. disp. 211. cap. 7.

5 His tamen non obstantibus respondeo, & dico primò: Habitibus istis supernaturales à solo Deo nobis induntur, vt à causâ principali, & nullo modo per nostros actus efficienter producantur. Est D. Thomæ supra quæst. 63. art. 2. Bonaurentæ in primum dist. 17. artic. 1. quæst. 1. Durandi ibid. quæst. 8. Richardi in 4. dist. 17. art. 1. quæst. 4. & 7. Paludani ibid. quæst. 1. nu. 8. & Dominici Soto lib. 2. De naturâ & gratiâ cap. 9. & passim communis ac receptæ apud recentiores doctrina: sic vt nōnulli ex illis alteram opinionem temeritatis arguant, vt notat Vasquez loco citato, quos tamen ipse super seueriori illâ Censurâ tãquam non satis fundatâ, reprehendit.

6 Probatur autem Conclusio, primò ex allegato loco ad Român. cap. 5. *Diffusa est Charitas Dei in cordibus nostris*; &c. vbi pecu-

liariter ascribitur Charitas Spirit. Sancto, qui eam operatur & infundit in cordibus nostris, non autem nostræ acquisitioni per actus dilectionis. Probatur secundò ex Concil. Trid. supra: vbi sub nomine iustificationis, quando eius causam efficientem dicit esse Deum, comprehendit non tantum infusionem gratiæ sanctificantis vt est particularis habitus; sed etiam infusionem cæterarum virtutum, vt manifestè ex sequentibus in eodem capite constat. Probatur tertio cum D. Thom. supra ex Augustino, quem dicit sic definire huiusmodi virtutes; quod sint qualitates mentis bonæ, quas Deus in nobis operatur sine nobis. Vnde etiam rectè intelliguntur comprehendere sub bonis illis, de quibus dicit Conc. Arausicanum. Canone 2. quod Deus multa bona in nobis operetur sine nobis.

7 Probatur denique ratione: Primò quia nullus actus aut res creata potest formam aliquam in alio efficere, nisi iuxta naturalem eius capacitatem, atqui intellectus noster & voluntas non habent naturalem aptitudinem siue capacitatem ad recipiendos eiusmodi habitus supernaturales, sed tantum reperitur in illis capacitas quædâ obediens, quæ dicit ordinem ad agens infinitum, cuius omnipotentia quælibet creatura ad quidvis recipiendum est subdita: ergo præcedentes actus eiusmodi habitibus correspondentes non possunt dici effectiue producere habitus illos, sed solus Deus debet dici illos infundere. Confirmatur, quia intellectus & voluntas non sunt in potentia ad tales formas; ergo virtus creata non potest ex eis tales formas educere. Et hinc patet responsio ad argumentum in contrarium adductum: est enim dispar ratio, quia potentia hominis sunt ex se capaces habituum moralium, & sic actus istis correspondentes sunt principiū sufficiens ad illos educendos, & producentes in potentis: quod nō possunt actus cōformes habitibus supernaturalibus propter potentiarum incapacitatem.

8 Sed dicit aliquis: si actus ordinis supernaturalis non possint idcirco efficienter producere habitum sibi correspondentem, videbitur sequi quod etiam habitus supernaturales non poterunt efficienter causare actus sibi commensuratos & correspondentes. Confirmatur, nam sicut habitus sunt supernaturales, & superant naturalem capacitatem intellectus & voluntatis, sic quoque sunt & ipsi actus: ergo si actus non possint causare habitum in subiecto, quia eius naturaliter capax non est, non poterunt etiam habitus causare actus propter eandem rationem. Respondetur N. Assumptum: & ad confirmationem di-

S f iiii cendum

tendum, non esse omnino parem rationem, quia sicut intellectus & voluntas sunt potentia non tantum productivæ, sed etiam receptivæ suorum actuum; ita quoque per suos habitus infusus elevari & proportionantur, non tantum in ratione principij effectivi actibus producendis; sed etiam in ratione principij materialis ad ipsos recipiendos: quod locum non habet in actibus qui habitum præcedunt.

9 Vnde probatur secundò ratione, quia habitus gratiæ sanctificantis in ordine supernaturali se habet per modum naturæ, sicut supra diximus, & habitus virtutum supernaturalium se habent per modum potentiarum, utpote qui dant non tantum delectabiles aut facilius operari actus supernaturales: sed simpliciter dant primam aptitudinem & potentiam ad connaturaliter istos actus exercendos; atqui actus non possunt producere ipsas potentias, sed illæ emanant ex principijs naturæ: non enim visio produceret potentiam visivam, neque intellectus vim intellectivam, etsi poneremus quod speciali Dei operatione homo videret sine eâ quæ est naturalis potentia visiva, vel intelligeret sine eâ quæ est naturalis intellectiva: ergo etsi aliqui actus correspondentes istis virtutibus supernaturalibus præcedant, non tamē illi producant tales virtutes quæ habent rationē potentiarum; sed habere se poterunt tãquam quædam dispositiones, ad quas Deus suâ virtute infundit gratiam sanctificantem; quæ est prima forma in ordine supernaturali habente se per modum naturæ, ad quâ morali quâdam emanatione consequuntur divinâ operante virtute reliqui habitus supernaturales absque intermedia hominis operatione.

70 Sed dices: agens naturale quod inducit dispositiones, producit quoque & inducit formam substantialem, & consecutiue etiam proprietates talis formæ: v. g. ignis qui producit dispositiones in materia combustibili, producit etiam formam ignis, & suo modo etiam eius proprietates: ergo similiter dicendum erit, quod intellectus & voluntas, quæ elevari supernaturali auxilio producant actus Fidei, Spei, Dilectionis tanquam dispositiones ad gratiam, producant quoque ipsam gratiam, & consequenter reliquos habitus infusos tanquam illius proprietates.

Respondetur, multorum Philosophorum in primis opinionem esse, quod agens naturale tantummodo introducat dispositiones, & non attingat immediatè productionem formæ substantialis etiâ materialis; sed quod illa proximè ab autore naturæ producat: vnde etiâ homo cū auxilio spe-

ciali operetur actus Fidei, &c. non sequitur, quod idcirco per eos attingat productionem gratiæ, & consequenter neque reliquorum habituum, qui ab ea suo modo promanant. Deinde longè alia est ratio de agente naturali, etiam si hoc ponatur attingere productionem formæ substantialis; quia ipsum formaliter, aut eminenter eam includit: non sic voluntas aut intellectus includit formaliter aut eminenter gratiam iustificantem, aut ceteros habitus supernaturales.

Quod si quis dixerit, principium ipsum quod cum illis in homine eiusmodi actus operatur, scilicet Spir. Sanctum includere eminenter gratiam, Respondetur id quidem verum esse: & propterea nos quoque dicere illud principium omnino efficiet gratiam producere: sed tamen non idcirco per actus illos tanquam physicè & principaliter concurrentes, ac ipsius gratiæ productione attingentes: verum per seipsum immediatè, sic ut eiusmodi actus habeant tantummodo quandam rationem dispositionum subiecti, non quæ reddant subiectum physicè capax talis formæ, sed moraliter duntaxat: ita quod interim requiratur virtutem infinitam, quæ valeat illam efficere seu producere in tali subiecto.

Dico secundò: non possunt quoque dicti habitus per suos actus effectivè augeri vel intendi. Ita etiam communiter doctores Scholastici: & militent eadem auctoritates, & rationes. Nam in primis potentia naturales cum quibus diximus istos habitus esse comparandos, non augentur per suos actus. Deinde intellectus & voluntas non habent nisi capacitatem obedientialem ad tales habitus, & quidem sicuti ad primum gradum, sic etiam ad secundum & tertium: ergo sicuti per actus suos non possunt producere primum gradum in seipsis, sic neque 2. aut 3. quia non magis in eis latet proportionaliter 2. vel 3. quam primus. Quare non minori virtute opus est ut educantur & producantur secundus, tertius, quam ut primus.

Neque existimandum est, potentiam iam informatam habitu; v. g. ut quatuor, esse sufficienter dispositam, & quasi in potentia naturali aut connaturali ad quintum & ultiores gradus: nam qualitas remissa præexistens in subiecto non habet se respectu graduum posteriorum per modum receptivæ potentie; sed per modum partis vnius ad alteram: non enim recipitur v. g. 3. in 2. vel quartus in 3. ut in subiecto; sed tam 3. & 4. quam 1. & 2. immediatè in subiecto omnibus communi recipiuntur, & consequenter vnus non de potentia alterius educitur, verum omnes immediatè

immediatè ex potentia subiecti, à quo sicuti in esse, ita & in fieri dependent. Dixi habitus non produci vel augeri effectiue per actus tanquam per causas principales physicè attingentes productionem, quia possent actus illi concurrere moraliter ad productionem & augmentum, scilicet per modum impetrationis, aut per modum impetrationis, aut per modum meriti de congruo, vel etiam in ordine ad augmentum per modum meriti de condigno. Deinde non magnum inconueniens foret admittere, quod physicè, sed instrumentaliter tantum attingerent habituum infusionem, quamuis & hoc ipsum communiter non soleant Scholastici docere.

## ARTICVLVS II.

*Utrum requiratur aliqua præparatio, & dispositio ad gratiam ex parte hominis?*

14 **A**D percipiendum auxilium Dei mouentis animam ad bonum, nulla prærequiritur præparatio ex parte hominis, quæ præueniat ex toto genere eiusmodi gratiæ auxilium; imò nec potest fieri præparatio, quæ sic præueniat omne auxilium. Est D. Thomæ, & certa de Fide. Probat, quia ista præparatio & dispositio deberent fieri ab homine ex solis naturæ viribus; at qui nihil potest solis naturæ viribus homo præstare, quod quocumque modo rationem dispositionis obtineat in ordine ad primum gratiæ auxilium: quia tunc consequenter posset homo ex seipso se præparare & disponere ad iustitiam, ita ut merito diceretur iustitia esse ex nobis & operibus nostris, quod est contra Scripturam ad Ephes. cap. 2. *Gratiâ saluati es per Fidem, & hoc non ex vobis: Dei enim donum est, non ex operibus, ut ne quis gloriatur, ipsum enim sumus saluturâ, creati in Christo in operibus bonis.*

15 Vbi notandum illud verbum (*creati*) quod importat nihil boni operis ex nobis præiacere, sed totum ab origine ex Deo esse. Probat autem consequentia, quia iuxta Augustinum: Si fides esset ex nobis, etiam consequenter iustitia esset ex nobis; idque ideo, quia quædam est quasi gradatio ex fide in iustitiam, & cōsecutiva quædam connexio, quatenus fides ad iustitiam, disponit, & quæ ad hanc cōparandam sunt necessaria, etiam impetrat. Hinc Aug. errorem suum, quo iunior laborauerat existimans nos fidem habere ex nobis, reuocauit: lib. De prædest. 55. c. 2. 4. & alijs locis: atqui eadem hic recurrebat gradatio & cōnexio,

si ex nobis possemus nos præparare & disponere ad primum gratiæ auxilium, quia cōmediatè possemus nos vltius præparare, & reliqua necessaria impetrare, & de congruo mereri. Et ideo in conclusione diximus non posse ex parte hominis fieri præparationem & dispositionem ad gratiæ auxilium ex toto genere, siue talem quæ præueniat omne gratiæ auxilium; quia potest bene ex priori auxilio Dei moueris cor hominis, interuenire & succedere præparatio, & dispositio ad auxilia subsequenter: nam quibus Deus aperit, ut intendat prædicationi Euangelij, vel monitis salutis, hoc ipso, quo sollicito animo illis intendunt, præparant se ut percipiant auxilia, quibus fidem apprehendant, aut vitia corrigan. Dico, Potest bene ex primo auxilio, &c. quia licet sic ordinariè etiam contingat, non tamen absolutè requiritur præparatio ad auxilia sequentia: aliquando enim etiam reluctantes primæ vocationi, fortius Deus instat, & postquam diu multumque reluctati fuerunt, subinde eos tam efficaciter & quasi violentè mouet, ut subito perfectissimè disponantur ad iustitiam.

Conclusio Secunda: Gratia sanctificans & eius infusio, generaliter & in communi loquendo, non prærequiritur quocumque ex parte hominis aliquam præparationem tanquam dispositionem physicè necessariam ex parte subiecti, ut possit forma illa in subiecto produci. Paret Primò, quia primi parentes in sua creatione acceperunt gratiam sanctificantem absque aliqua præparatione, aut dispositione ex parte ipsorum, ut communiter tradunt DD. Secundò: quia etiam infantibus modò per Baptismum infunditur gratia cum cæteris virtutibus, idque sine vlla dispositione ex parte ipsorum præniâ. Neque refert quod ante Baptismum soleant præmitti Cathecismis, Exorcismis, & diuersæ preces, ac ceremoniæ; quia hæc omnia nihil reale operantur in animâ pueri, sed seruiunt ad obtinendam diuinam assistentiam, quâ & dæmon pellatur ne per aliquam illusionem impediatur veritas Baptismi, & rursum quâ suo tempore, ubi proles adulta fuerit, contra dæmonis insidias protegetur, & in cōseruandis fide ac iustitiâ iuuetur ac corroboretur. Accedit quod ista non adhibeantur de necessitate Sacramenti: vnde Baptismus quoque sanctificat, & infundit gratiam, etsi ista nō fuerint adhibita. Quare frustra & sine fundamento quidam hic excogitat etiam in infantibus aliquam dispositionem ad gratiam, quam non possunt cum aliquâ probabili ratione explicare.

Conclusio Tertia: Item generaliter & in communi loquendo non prærequiritur aliqua

aliqua præparatio ex parte hominis tanquam dispositio moralis, & morali modo necessaria. Patet ex iam dictis, quia in iisdem casibus absque omni præviâ præparatione ex parte hominis, Deus suâ bonitate & potentia infundit homini gratiam, qui nihil operatus est, quod vel meriti siue condigno, siue de congruo, vel alicuius impetrationis rationem habere potuerit, vel quod potuerit valere ad remouendum prohibens: ergo &c.

18 Conclusio Quarta: In adultis qui ad rationis usum peruenierunt, requiritur ad gratiam sanctificantem obtinendâ, aliqua præparatio ex parte hominis diuino auxilio cooperatæ, tanquam quædam ad illam dispositio moralis. Dico tanquâ dispositio quædam moralis; non quod hæc præparatio non sit actus physicus physice homini inherens, sed quia nō est dispositio modo physico dispositiuè causans: non enim est qualitas aliqua aut affectio subiecti physice cōcurrentis ad formæ educationem, aut eius vnionem cum subiecto, vt infra explicabitur. Est autem cōclusio communis, & quidem quatenus dicit in adultis aliquam præparationem prærequiri, certa de fide. Probatur Primò ex Scripturis, quæ passim hortantur peccatores, vt sese ad iustitiam & diuinam gratiam recuperandam præparent & disponant. 2. Regum cap. 7. *Præparat secorda vestra Domino: Zachariæ c. 1. Conuertimini ad me, ait Dominus exercituum, & ego conuertar ad vos. Psalmo 9. Præparationem cordum audiuit auris tua. Proverbiorum 16. Homini est animam præparare. Ecclesiastici 2. Qui timent Dominum, præparabunt corda, & in conspectu illius sanctificabitur animasus. Mat. 3. Penitentiam agite: appropinquauit enim regnum calorum. Item: Parate viam Domini: & Rursus ibidem Facite fructum dignum penitentia. ad Hæb. 11. Accedentem ad Deum oportet credere, quia est, &c. Actorum cap. 8. Ecce aqua, quid prohibet me baptizari? Dixit autem Philippus: Si credis ex toto corde, licet: vnde constat, quod requiratur quoque dispositio quædam ex parte hominis adulti, vt vel per Baptismum possit iustificari. Similiter Actorum cap. 2. dicitur: Penitentiam agite, & baptizetur vnusquisque vestrum in nomine Iesu Christi in remissionem peccatorum vestrorum, &c.*

19 Probatur Secundò: ex Concilio Tridentino Sess. 6. vbi inprimis cap. 5. docet, quod qui per peccata auersi sunt à Deo, per eius excitantem atq; adiuantem gratiam, eidem liberè assentiendo & cooperando ad suam ipsorum iustificationem disponantur: & cap. 6. describit modum talis dispositionis: Disponuntur autem (inquit) ad ipsam iustitiam, dum excitati

diuinâ gratiâ & adiuti, fidem ex auditu cōcipientes liberè mouentur in Deum, credentes vera esse quæ diuinitus reuelata & promissa sunt &c. & tunc cap. 7. subiungit: Hanc dispositionem seu præparationem iustificatione ipsa consequitur: & Sess. 14. cap. 4. docet quod homo diuinitus adiutus per timorem & penitentiam sibi viam ad iustitiam parat. Idem S.S. P.P. passim inculcant necessarium, quandocūque de iustificatione impij agunt. Probatur denique ratione D. Thomæ, quæ talis est: quia forma non recipitur nisi in materia disposita: ergo &c.

20 Sed dicit aliquis: ratio illa vel nihil omnino videtur hic probare, aut si aliquid probet, non tantum probabit hanc conclusionem; sed videbitur quoque conuincere oppositum duarum Conclusionum præcedentium. Respondetur; nonnullos sic accipere hanc Diui Thomæ rationem, prout à Physicis Axioma illud secundum rigorem intelligitur, eoq; nomine eos requirere & excogitare quædam dispositiones præuias generaliter ante omnem gratiæ sanctificantis infusionem, tanquam necessarias ex parte subiecti, vt physice sit dispositum, & capax ad recipiendam formam gratiæ sanctificantis. Verum dicendum est, D. Thomam adhibere hanc rationem, non secundum sensum & rigorem Physicorum, sed secundum quandam proportionem rerum moralium actionum & quæ voluntariè sunt cum rebus naturalibus & motibus qui fiunt naturaliter: & sic accipiendo, eam appositè per modum congruentiæ probare hanc conclusionem. & non destruere præcedentes, quando scilicet hoc modo instituitur: Sicuti in rebus naturalibus subiectum non mutatur ab vnâ formâ contrariâ in aliam, nisi mediantibus præparationibus & dispositionibus tendentibus ad præexistentis destructionem, & ad nouæ productionem; ita etiam merito in motibus voluntarijs & formis, quæ voluntarie inducuntur, hoc obseruatur, vt quando contraria siue indebita voluntatis actione est inducta forma, vel potius priuatio formæ debitæ inesse iuxta diuinam ordinationem, quod hæc quoque diuinitus non restituatur, nisi præviâ aliquâ præparatione & dispositione voluntariè susceptâ (vbi voluntatis vsus habetur) cōgruâ & suo modo eiusmodi formæ infundendæ proportionatâ, quantum fieri potest: atqui in adultis peccatoribus est priuatio quædam formæ secundum diuinam ordinationem debitæ inesse, voluntariè contracta; ergo æquum etiam est, quod per voluntarias actiones se præparent & disponant ad formam illam iterum recipiendâ, quæ diuina benigni-

benignitate & misericordiâ illis est restituenda. Vbi verò voluntatis vñus non est, neque aliquando fuit, placuit diuinæ bonitati per sua sacramenta etiam restituere dictam formam sine præparationibus ex parte hominis: quod in hac ratione potest esse fundatum, vt scilicet quemadmodum abque personali actu contraxerunt maculam, ita etiam sine personali actu contrario, possit macula illa elui, & opposita pulchritudinis forma restitui.

21 Quod autem D. Thom. non alio sensu vñus sit prædictâ ratione, declaratur, quia hanc dispositionem subiecti totam ponit in bono motu liberi arbitrij ad Deum, qui sit actus ipsius arbitrij moti à Deo, vt explicat in Corpore: & patet amplius ex Responsione ad 1. & ad 2. eiusmodi autem præparatio & dispositio inprimis esse non potest in paruulis: ergo non requirit generaliter eas dispositiones in subiecto ad gratæ susceptionem. Deinde etiam in adultis non potest dici huiusmodi motus requiri per modum physice dispositionis ad quasi naturaliter educendam, & vniendam gratiam sanctificantem cum subiecto; quia tunc talis dispositio deberet necessariò realiter & actualiter esse, & conservari in subiecto pro tempore, quo forma producit: atqui potest contingere, quod gratia infundatur, quando talis motus non est realiter & actu præsens, v. g. quando quis ad sacramentum poenitentiae accedit cum actu contritionis, & alijs dispositionis prærequisitis, sed tempore absolutionis distrahitur; vel si quis peteret sacramentum baptismi sufficienter ad illud dispositus, & postea incidat in amentiam, vel amittat rationis vñum, acquirant tales respectiue per Sacramentum poenitentiae & baptismi, iustitiam licet actu nullum eliciant piû motum voluntatis quando actu Sacramentum percipiunt. Imo etiam quando contingit aliquem iustificari, qui habet contritionem charitate formatam cû voto Sacramenti, non est necesse omnes motus liberi arbitrij esse actualiter præsentis, quæ alioquin prærequiruntur; sed satis est præcessisse, & virtualiter remanere.

22 Vnde manifestum euadit, quod præparationes istæ non requirantur tanquam physice dispositiones necessariæ ex parte materiae siue subiecti, vt subiectum formam recipere possit, multoque minus vt agens possit formam producere; sed tanquam dispositiones morali modo requisitæ ad formam, quæ voluntariè à Deo infunditur, non autem ex aliquâ rerum necessitate. Sunt igitur requisitæ ex diuinâ institutione, quæ valde consentanea est cõmuni modo operandi etiam rerû naturalium vt ex supra dictis constat non aliter.

## ARTICVLVS III.

*Utrum necessario detur gratia se præparanti ad gratiam vel facienti quod in se est?*

N Otandum hic est, aliud esse hominem facere quod in se est; aliud verò hominem facere quod potest ex solis naturæ viribus: nam grammaticè loquendo facere quod in se est, significat hominem facere, quantum potest ex his quæ in se habet; iam verò plura possunt in homine reperiri, quibus valeat operari, quam naturales vires: potest enim quoque in se habere diuinas virtutes, & auxilia. Hoc præmissis sit prima

24 Conclusio Prima: Homini iam iustificato facienti, quantum in se est, non deest Deus super his quæ sunt illi ad permanendum in iustitiâ, necessaria. Ita Driedo lib. De Concordia liberi arbitrij & prædestinationis diuinæ cap. 3. fol. 50. versu: quia (inquit) talis homo iam iustificatus habet Spiritum Dei inhabitantem paratum adiuuare imbecillitatem illius, proindeque talis quantum in se est faciens, non ex solis naturæ talentis, sed etiam ex dono fidei & charitatis operatur. Est autem hæc conclusio satis probata supra qu. 109. art. 10.

25 Conclusio Secunda: Homini quoque nondum iustificato, vel nondum fidem habenti, tamen ad gratiam fidei accipiendam vocato, & diuinitus tracto non deest Deus in necessarijs ad progrediendum ad fidei & iustitiæ acquisitionem, si homo sic vocatus & tractus, quantum in se est, & cû illo tractu cooperetur. Colligitur ex D. T. hic: & docet Driedo supra, quod multis Scripturis dicit posse comprobari, vt pote quibus Deus dicitur dare Spiritum bonum petentibus se, ipse prope esse omnibus inuocantibus eum, aperire pulsantibus, accedentes ad eum illuminare, inueniri ab illis qui quærent illi in toto corde suo, in tota tribulatione animæ suæ: & nequis ex talibus Scripturis in errore inducatur, monet eas esse intelligendas loqui de hominibus iam præuentis quadam Dei gratiâ. Ratio autem potest assignari, quia Dei perfecta sunt opera: vnde quando ipse incipit hominem mouere ad finem aliquem, non oportet de eo existimare, quod ipse primus deficiat in sua operatione; sed defectum prouenire ex parte ipsius hominis, qui Dei motioni se non accomodat, & diuinis auxilijs quibus prouenit, nõ cooperatur. Iustum enim est (inquit D. Tho. hic ad

hic ad primū, motionē diuinam non deficiere: ad secundum dicit defectus gratiæ primam causam esse ex nobis; sed collationis gratiæ primam causam esse ex Deo: iuxta illud Osee 13. *Perditio tua ex te est Israël: tantummodo in me auxilium tuum.* Non deest itaque Deus talibus, non quod absolute mereantur sequentia auxilia, sed quia ordinatissimus modus diuinæ sapientiæ in operibus suis id videatur requirere.

26

Conclusio Tertia: Homini nondum iustificato, sed diuinis auxilijs præuento, & cum illis cooperanti vsque ad dispositionem ultimam ( quæ in contritione perfecta cum sacramenti voto consistit ) infallibiliter & sine morâ confertur gratia sanctificans.

Colligitur quoque ex D. Th. hoc loco, dū ita scribit: alio modo potest considerari præparatio secundum quod est à Deo mouente, & tunc habet necessitatem ad id ad quod ordinatur à Deo; non quidem coactionis, sed infallibilitatis; ergo quando præparatio hæc venit ad terminum suum, infallibiliter sequitur iustificans gratia, quia ad hanc à Deo ordinatur. Et quæst. sequenti art. 7. docet iustificationem impij fieri in instanti, & motum liberi arbitrij qui ad eam concurrat ( quem dicit esse consensum ad detestandum peccatum & ad accedendum ad Deum ) posse subito quoque fieri. Est autem Conclusio contra nonnullos, quorum aliqui ( inter quos refertur Scotus in 4. dist. 14. quæst. 2. ) videntur requirere, quod homo aliquamdiu in ultima dispositione versetur, seu perseueret; aliqui vero inter quos citatur Caiet. Tom. 1. Opusc. De contritione tract. 4. q. 1. ) non videntur admittere omnimodam infallibilitatem gratiæ conferendæ ad qualemcumque dispositionem extra Sacramentum; sed requirunt hic aliquam diuinam acceptationem.

27

Verū Conclusio est communis, & passim recepta. Probari potest primò ex Scripturis: Ezechielis cap. 33. *Impietas impij non nocet ei in quacumque die conuersus fuerit ab impietate sua,* & capite 18. multa similia dicuntur 2. Regum 12. mox ut David dixit: *Peccasti Domino;* Respondit Nathan Propheta: *Dominus quoque transiit peccatum tuum: quod etiā ipse Psalter indicat Pl. 31. dicēs: Dixi confitebor aduersum me iniquitatem meam, & tu remisisti impietatem peccati mei: quasi diceret, non tam citò cum dolore cordis confessus fui iniquitatem meam, quin tu remiseras illam: & Psal. 50. Cor contritum & humiliatum Deus non despicies.* Huc etiam faciunt Scripturæ, quæ significant Deum diligere diligētes se: qui enim præparauerit se vsque ad ultimam disposi-

tionem, illi iam ex amore Dei super omnia detestantur & odio habent peccata sua, & de illis quatenus sunt offensa Dei, dolent.

Probatur quoque ratione: in primis contra opinionem Scoti, quia inde sequitur posse sub finem vitæ dari tempus aliquod vitæ, in quo homo etiam summè dolens de peccatis suis ex perfectâ Dei dilectione, non consequeretur, nec consequi posset iustitiam, & peccatorum remissionem; si videlicet non superesset tantum temporis, quantum sufficit requisitæ durationi talis dispositionis prout ipse vult. Deinde etiam contra Caietanum, quia inde sequeretur aliquando ex duobus hominibus eadem habentibus dispositiones, vnum iustificari, & non alterum, tantummodo propter non acceptationē dispositionis vnus & propter acceptationem alterius ex parte Dei, quod licet aliqui forsitan admitterent, videtur tamen in se omnino inconueniens & sine fundamento dici. Denique ex Trid. Sess. 6. cap. 6. & 7. satis colligitur dari quasdam dispositiones certas, ad quas infallibili quadam Dei ordinatione consequatur hominis iustificatio. Sed de his in 3. p. ex professo tractandum, vbi de virtute contritionis agitur.

Conclusio Quarta: Homo non habens fidem, nec diuinæ gratiæ auxilijs motus, sed sibi in solis naturæ viribus derelictus etsi quantum in se est faciat, non præparatur aut disponitur per hoc ad gratiæ receptionem. Ita quoque Dried. supra. Et patet: quia nullum opus naturæ potest esse proportionatum effectui supernaturali, seu gratiæ, vt respectu eius possit dispositionis alicuius rationem obtinere. Estque conclusio ita certa vt oppositum pertineat ad errorem semipelagianorum, si de dispositione propriè dictâ sit sermo.

Conclusio Quinta: Neque dici etiam potest, quod ad qualemcumque opus hominis facientis quod in se est ex solis naturæ viribus, tanquam ad conditionem saltem sine quâ non, conferenda sunt illi certò aut infallibiliter prima gratiæ auxilia ex Dei promissione, & Christi meritis. Est contra nonnullos, qui videntur hoc tempore eo sensu susinere, quod facienti quantum in se est ex naturæ viribus, non denegat Deus gratiam. Sed Scripturæ, Concilia, & S. S. P. P. passim significant Deum primam gratiam non conferre intuitu alicuius nostri operis, aut conatus, qualitercumque considerati: sed Spiritum vbi vult, spirare, omnemque motum & cogitationem quæ ad salutem conducatur, non ex nobis, sed ex Deo esse.

Hinc Concil. Arausicanum 2. Canon 3. Si quis inuocatione humanâ gratiam Dei

Dei dicit conferri, non autem ipsam gratiam facere ut inuocetur, contradicit Isaïæ Propheta, vel Apostolo idem dicenti: *Inuentus sum à non querentibus me: palam appaui his qui me non interrogabant.* Quæ autem est ratio de inuocatione humanâ, eadē est de quolibet alio humano opere ex puris naturalibus prækito. Vnde iterum Can. 6. ita scribit: Si quis sine gratia Dei credentibus, &c. pulsantibus nobis misericordiâ dicit conferri, resistit Apost. dicenti: *Quid habes quod non accepisti? & gratiâ Dei sum id quod sum.* Vnde Driedo supra interpretatur DD. quando dicunt Deū homini quantum in se est, facienti non deesse super his quæ sunt illi ad salutē necessaria, loqui de homine quantum in se est faciente cælitus attracto ad accipiendam gratiam Dei: & de Diuo Thoma dicit, ipsum quod de facere quantum in se est, in secundum sententiarum, minus eruditè descriuerat, ad saniozem & meliorem intellectū reuocasse in prima secundâ, hoc scilicet art. quē tractamus, & sup. q. 109. a. 6. ad 2. & in commentarijs epist. ad Rom. cap. 9. quod & Ruardus artic. 7. affirmat.

32 Conclufio Sexta & Vltima: Non est quoque dicendum, quod homini facienti quod in se est ex solis naturæ viribus, conferendum sit certò aut infallibiliter hoc ipso gratiæ auxilium, tanquam amouenti aut non ponenti obicem. Est contra Suarez lib. 3. De auxil. diu. gratiæ, c. 2. n. 6. vti apparet: vbi illorū DD. sententiâ qui Axioma illud: Deus facienti quod in se est, nō denegat gratiam, exposuerūt de illo qui per vires liberi arbitrij facit, quod in se est, dicit p̄ explicandā, vt intelligatur id hoc sensu dixisse: quia si homo habens solum naturale lumen rationis ita se gereret, vt nullo nouum impedimentū gratiæ adhiberet, infallibiliter oportuno tempore auxilium, vel vocationem gratiæ reciperet: nō ex suo merito, sed ex generali illâ liberalitate, quā stat ad omnium ostium & pulsat: quod (inquit) clariùs diceretur: nō ponenti obicem & impedimentum per id quod ex se habere potest, Deum ex sua liberalitate dare gratiam, quam homo promereri non potest. Hanc autem sententiā sic explicatē videtur ipse quoque amplecti: addit enim, illam fere coincidere cum illâ quam Conc. Trid. Sess. 6. c. 11. & 13. confirmauit dicēs: Deus neminem deserit, nisi prius deseratur ab ipso. Efferet enim (inquit) maxima desertio Dei, si vel primam vocationem & auxilium gratiæ ei homini non impenderet, qui per prauū vsum sui liberi arbitrij, eum denud non deserit. Sed colligitur concl. cum 2. præcedent. ex D. Thom. hic docet enim quod nulla preparatio considerata vt à li-

bero arbitrio est, habeat aliquā necessitatē infallibilitatis ad gratiæ consecutionem, ergò ex solis naturæ viribus non potest homo aliquid facere, quod se habeat vel per modum remouentis prohibens, ad quod infallibiliter conferatur gratiæ auxilium: quia quidquid ex solis naturæ viribus præstat, hoc non potest considerari nisi vt à libero arbitrio procedens. Patet autem conclusio ex pluribus hætenus dictis tum hic, tum q. 109. a. 6. & hæc a. 2. quæ omnino probant nihil posse hominem ex se facere, ad quod siue per modū dispositionis, siue impetrationis aut inductionis, vel etiā per modū remouentis prohibens, ad quod necessitate legis infallibilis Deus gratiam conferat: sed primā vocationem, & primum gratiæ motum pro merâ liberali & gratuita voluntate Dei, & pro merito beneplacito absq; quocūq; respectu ad id quod in homine præcessit, dispensari.

33 Opponet aliquis: dictum fuit supra p̄ posse credi omnibus adultis tempore & loco, subinde conferri quædam gratiæ auxilia: atqui nunquam videtur, quod tempus & locus sint magis opportuna, quàm dum faciendo quod ex naturæ viribus potest, non ponit obicem gratiæ; ergò dicendum videtur, quod tunc infallibiliter conferantur. Resp. Primò: In omnibus talibus hominibus semper exstare obicem, & quandam indignitatem respectu donorum Dei percipiendorum; quam indignitatem ipsi amouere suis viribus non valent, licet ad tempus possint non adiacere nouum obicem, siue non augere primam indignitatem. Addo Secundo, etsi humano modo philosophando, nobis forsitan videretur, quod tunc maximè gratia conferretur tempore opportuno, quando saltē à malis operibus homo aliquantulum abstinet, nihilominus aliter à diuina sapientia sæpius iudicari: quod ex Scripturis Sacris satis constat, ex quibus liquet etiam eos diuina gratiâ præuentos, & efficaciter vocatos, qui in pessimis versabantur propositis & actibus, vt de Sancto Paulo patet; & colligitur ex D. Marco de altero Latrone; scribit enim: *Et qui cum eo crucifixi erant, conuersiabantur ei:* qui subito cōuersus increpare cepit sociū, & Christi confiteri. Vide dicta supra q. 109. art. 6. circa finem. Ad id quod Suarez ex Conc. Trid. adducit, potest breuiter responderi, non rectè illud applicari ad propositum: quia nemo dicendus est deserere alterum, quē non prius adiuuabat, vel adiuuare tenebatur, Deus autē hic supponitur nō adiuuasse, sed quod homo ex solis suis viribus naturalibus agat: Ipsum autem teneri, siue obligari vt adiuuet, nemo dixerit.



## ARTICVLVS IV.

*Vtrum gratia sit maior in vno  
quam in alio?*

34 **D**E gratiâ sanctificante hæc quæstio mouetur, vt manifeste cõstat ex Corpore. Notat autem D. Thom. habitum aliquem ex duplici capite posse dici altero maiorem: Primo ex obiecto vel fine, sicuti dicitur illa virtus maior, quæ versatur circa obiectum præstantius. Secundo ex parte subiecti, quatenus est intensior in vno, quam in altero.

35 Prima Conclusio Diui Thomæ est: Secundum priorem rationem magnitudinis non potest gratia gratû faciens esse maior & minor. Probatur, quia gratia secundum sui rationem coniungit hominem summo bono, quod est Deus: & proinde gratia in vno non respicit maius bonum, siue altiorum finem, quam in altero.

36 Conclusio Secunda: Ex parte subiecti gratia suscipit magis & minus: sic vt vnus perfectius participet habitû gratiæ, quam alius. Est de fide certa contra antiquum errorem Iouiniani, Qui docebat omnes iustos pares esse in iustitia, & proinde fore æquales in gloria, vt refert D. Hieron. lib. 2. contra eundem, quem etiam Lutherus videtur fuisse sequutus. Sed Probatur Conclusio ex Scripturis, quæ multis locis indicant hanc diuersitatem & inæqualitatem: Matth. 8. *Non inueni tantam fidem in Israël.* Lucæ cap. 1. *Aue gratia plena, benedicta tu in mulieribus: vbi manifeste significatur Beatam Virginem in gratia superasse cæteras mulieres.* Lucæ 7. *Remittuntur ei peccata multa, quoniam dilexit multum: cui autem minus dimittitur, minus diligit.* Ioannis vltimo: *Simon Ioannu dilige me plus hu?* Apocalip. 22. *Qui iustus est, iustificetur adhuc, & sanctus, sanctificetur adhuc:* vbi Scriptura clarè docet, dari incrementa in iustitia, & sanctitate; quæ sine dubio non æqualiter omnibus obueniunt. Huc etiam referri possunt Scripturæ quæ significant beatiorum gloriam in cœlis fore inæqualem; hæc enim inæqualitas sequitur ex inæqualitate meritorum & iustitiæ. Ioannis 14. *In domo patris mei, mansiones multe sunt.* Vbi iuxta Cyrillum & August. in eundem locum, significatur diuersitas gloriæ. 1. ad Corinth. 15. *Alia claritas solis, alia claritas lune, & alia claritas stellarum: stella enim à stella differt in claritate, sic & resurrectio mortuorum.* Similiter Concilium Florentinum in Decreto de purgatorio dicit animas beatas pro diuersitate meritorum magis aut minus perfectè Deum videre,

37 Probatur Secundo: Ex Concilio Tridentino Sess. 6. cap. 7. vbi docet nos recipere in nobis iustitiam, vnuquemque suam secundum mensuram (inquit) quam Spiritus Sanctus partitur singulis prout vult, & secundum propriam cuiusque dispositionem, & cooperationem: quibus manifestè significat iustitiam non esse æqualem. Idem docent Sancti PP. Ireneus lib. 4. cap. 22. Cyrillus Hierosolimitanus Cathedris. 16. Cyprianus epistola 2. Ieronimus lib. 2. contra Iouinianum: & August. epistola 29. & 37. Vnde verò nascatur ista disparitas, indicat Concil. Trid. in verbis suprâ allegatis, scilicet ex inæquali donorum & auxiliorum Spiritus Sancti distributione, quam facit singulis prout vult; & simul ex diuersâ hominum dispositione & cooperatione, quæ secundum diuersam partitionem auxiliorum gratiæ præuenientium, & adiuuantium solent quoque esse diuersa. Quare illa doctrina Concilij Tridentini coincidit cum eo, quod hic tradit D. Thomas his verbis: Cuius diuersitatis (inquit) ratio quidem est aliqua ex parte præparantis se ad gratiam: qui enim magis se ad gratiam præparat, plenior accipit: sed ex hac parte non potest accipi prima ratio huius diuersitatis (addit) quia præparatio ad gratiam non est hominis, nisi quantum liberum arbitrium eius præparaturâ Deo: vnde prima causa huius diuersitatis accipienda est ex parte ipsius Dei, qui diuersimodè suæ gratiæ dona dispensat &c.

Sed contra hoc potest opponi ex parabola Matth. 25. vbi homo peregrinè proficiscens (qui Christum Dominum designat) partitur talenta seruis suis, vnicuique secundum propriam virtutem: ergo disparitas originaliter nascitur ex diuersis qualitatibus naturæ diuersorum hominum, prout naturaliter sunt magis aut minus capaces virtutis. Respondetur Neg. Conseq. & quidem quantum ad nostrum propositum attinet, applicando parabolam ad diuersitatem & inæqualitatem gratiæ gratum facientis in diuersis hominibus, optinè dicitur illam diuersam donationem esse factam secundum propriam virtutem vniuscuiusque, quia secundum propriam operationem & dispositionem, non quidem ex naturæ aut liberi arbitrij conditione petitam; sed ex Spiritus S. diuersa præparatione exortam diuersificatur, vt explicuimus. Si verò quis talenta illa extendat ad omnia gratiæ dona, rectè dicitur in eo, quod referatur paterfamilias ille vnicuique secundum propriam virtutem distribuuisse talenta, non aliud significari, quam ipsum non temerè, sed cum prudenti

denti iudicio fecisse illam partitionem. Quomodo etiam dubium non est, quin Deus secundum altissimam suam sapientiam cum optimis rationibus dona gratiæ suæ partiatur, unicuique prout ipse vult.

Ex dictis autem potest colligi, non in omnibus & singulis hominibus necessarium esse ponendam gratiam inæqualem, sed posse in pluribus reperiri eandem mensuram, prout reperitur in omnibus qui per baptismi Sacramentum iustificantur absque proprio aliquo actu, vel dispositione prævia, sicut contingit in infantibus: an etiam locum habeat in alijs qui iustificantur siue per Sacramentum baptismi, siue per Sacramentum poenitentiae præviâ quidem aliquâ ipsorum dispositione, sed quæ ad perfectam contritionem non pervenerit, dubitari potest. Quidam probabiliter existimât, quod sic: non videtur tamen oppositum improbabile, scilicet, quod etiâ pro diversitate & intensione actuum fidei, spei, doloris de peccatis, quamvis contritio ad charitatem non pervenerit, per Sacramenti susceptionem accipiant inæqualem gratiæ mensuram: quod etiâ verba Concilij absolute accepta planè significant. Hoc autem certissimum est, quod qui ab initio iustificationis sunt in iustitiâ æquales, possunt successu temporis fieri multum inæquales secundum diversitatem operum & meritum.

## ARTICVLVS V.

*Utrum homo possit scire se habere gratiam?*

40 **S**IT Conclusio Prima: Potest homo certo cognoscere ex speciali Dei reuelatione si hæc illi facta fuerit, se habere iustitiam. Est Diui Thomæ & per se evidens: quia Deo de nostra iustitiâ certo constat, & potest nobis patefacere: ergo &c. cuiusmodi etiam reuelationem quibusdam obtigisse dubium non est, quod refert D. Thom. illud Christi ad Paulum: 2. ad Corinth. 12. *Sufficit tibi gratia mea.* Idem constat de Beata Virgine quando dictum est illi ab Angelo: *Aue gratia plena, benedicta tu in mulieribus.* De Magdalena quando dictum est illi à Christo Lucæ 7. *Remittuntur tibi peccata tua:* de Zachæo Lucæ 19. *Hodie salus domui huic facta est, eo quod & ipse filius Abraham:* sic de Latrone Lucæ 22. *Hodie mecum eris in Paradiso.*

41 **C**onclusio Secunda: Sine speciali Dei reuelatione nemo quantumcumque iustus,

potest certitudine fidei cognoscere se esse iustum. Est quoque Diui Thomæ: & docet eam expresse Concil. Trident. Sess. 6. cap. 9. Nam sicut nemo pius de Dei misericordia, de Christi merito, de Sacramentorum virtute, & efficacia (inquit) dubitare debet, sic quilibet dum seipsum, suamque propriam infirmitatem & indispositionem respicit, de sua gratia formidare, & timere potest, cum nullus scire valeat certitudine fidei, cui non potest subesse falsum, se gratiam Dei esse consecutum. Idem tradit cap. 16. circa finem. Est autem dicta conclusio contra hæreticos nostri temporis, & etiam contra Ambrosium Catharinum contra quem scripsit Dominicus Soto ex professo Apologiam: Dissentit Catharinus tamen ab hæreticis in ijs, quæ in hac materia expresse sub anathemate à Concilio Trid. damnata sunt. Docuerunt enim hæretici hæc tria; Primum, posse fideles eam notitiam habere de sua iustitiâ, ut certè fide teneant sibi peccata esse remissa, & se esse filios Dei. Secundum, non solum posse, sed etiam omnes debere hoc de se tenere, & statuere: alioquin nec fideles nec iustos futuros. Tertium, hæc ipsâ fide & quidem eâ solâ homines iustificari. Ita Lutherus in artic. 10. 11. & 12. Calvinus in anthidoro Concilij Trident. Sess. 6. & lib. 3. Institutionum cap. 2. §. 16. & sequentibus similiter Melanthon, Bucerus, & alij. Quæ quidem doctrina quoad duos posteriores articulos expresse cū anathemate reiecta est per Trident. Sess. citata Can. 13. Si quis dixerit omni homini ad remissionem peccatorum assequendam, necessarium esse ut credat certò & absque vllâ hesitatione propriæ infirmitatis & indispositionis, peccata sibi esse remissa, Anathema sit: & Can. 12. Si quis dixerit fidem iustificantem nihil aliud esse, quam fiduciam diuinæ misericordiæ peccata remittentis propter Christum, vel eam fiduciam solam esse, quâ iustificamur, Anathema sit. Eodem quoque spectat Canon nonus. In istis autem duobus dissentit Catharinus ab hæreticis. Primum verò punctum non reperitur à Concilio per expressum Canonem cum anathemate damnatum; & in eo solo videtur Catharinus cum illis convenire.

42 **A**dversatur tamen illi propositioni tam evidenter doctrina Concilij, prout ex ante allegatis verbis constat, quod non immerito habeatur illa eius opinio erronea: nam responsio Catharini ad Concilium, nullius est momenti, cuius hæc est summa: scilicet, quod inprimis Concil. ediderit illud decretum contra hæreses Lutheranorū, non  
T t ij contra

contra opiniones Catholicorum, quod ex titulo capitis non probat, qui habet: Contra inanem hæreticorū fiduciam. Sed hoc eum non saluat, quia nihil impedit quominus Concilium principaliter ædat doctrinam contra hæreticos, & simul rejiciat opiniones erroneas quæ habent aliquid cum illis commune, quod rejiciendum est. Deinde addit, illo decreto non negari omnem fidei certitudinem de propria gratia & iustitiâ, sed certitudinem fidei Catholicæ, quam in eo distinguit à fide diuinâ, de qua ipse loquitur; quod scilicet Catholica sit vniuersalis quam omnes fideles debent habere; quia est de obiecto, quod vniuersaliter omnibus proponitur credendum: hæc autem non sit omnibus communis, sicuti neque iustitia est communis omnibus. Tertio, quod illa fides sit ab Ecclesiâ proposita, & approbata; non ita hæc quam quis habet de propria iustitiâ. Sed manifestum est, Concilium non facere vim in illis, sed remouere omnem certitudinem fidei diuinæ: nam in primis non facit mentionem fidei Catholicæ: Secundo satis explicat se, quando dicit, quod nullus scire valeat certitudine fidei cui non potest subesse falsum, qualis sine dubio est omnis fides diuina: quod enim fidei Catholicæ non possit subesse falsum, inde habet, quia diuina est; non quia Catholica siue vniuersalis, vel quia ab Ecclesiâ est approbata. Tertio, quia docet neminem esse, qui non possit de sua gratia formidare: qui autem habet fidei diuinæ certitudinem, quamuis illi particulariter res sit diuinitus patefacta, non potest de contrario formidare. Quare indubitanter conclusio tenenda est, & ita docent tum antiquiores, tum recentiores Theologi. Bon. Scotus, Durand. & alij in 1. dist. 17. Roffensis contra articulum 10. & 11. Lutheri. Acastro lib. 7. aduersus Hæreses V. Gratia. Dominicus Soto lib. 3. De natura & gratia cap. 10. & sequentibus, Ruardus in artic. 9. & alij plures.

43

Probatur autem primo ex Scripturis Prouerb. 20. *Quia potest dicere, mundum est cor meum, purus sum à peccato* ? circa quem locum notat Bedæ, Sapientem non dixisse, neminem esse mundum corde (esse enim aliquos tales supponunt aliæ Scripturæ, vt quando dicitur Beati immaculati in viâ, Item Beati mundo corde) sed neminem posse id ipsum de se asserere: quoniam illi ipsi qui mundi sunt, non possunt hoc certò scire, neque testimonium aliquid planè infallibile habent de sua iustitiâ, quæ cor purgat, & mundum efficit. Psal. 18. *Delicta quia intelligis ? ab occultis meis munda*

*me Domine* : vbi Plaltes significat non posse hominē penetrare omnes sinus cordis sui, vt certitudine absolutâ possit sibi persuadere se esse iustum. Iob. cap. 9. *Etiamsi simplex fuero, hoc ipsum ignorabis anima mea* : & ibidem iterum, *Verbebar omnia opera mea* : quæ latius ad propositum nostrum explicat Diuus Gregorius lib. 9. Moralium cap. 17. & 19. Apud Ecclesiasten cap. 9. *Sunt iusti atq; sapientes, & opera eorum in manu Dei, & tamen nescis homo, verum amore an odio dignus sit* : sed omnia in futurum seruantur incerta: quibus declaratur in hac mortali vitâ vnicuiq; incertâ esse suam iustitiam, quâ sit amore dignus, vt ibidem interpretatur D. Hieronymus. Ecclesiastici cap. 5. *De propitiato peccato noli esse sine metu*. Primæ ad Corinth. cap. 4. *Sed neque me ipsum iudico: nihil enim mihi conscius sum, sed non in hoc iustificatus sum*.

Ex quo loco plerique Patres docent & statuunt nostram incertitudinem gratiæ & Dei amicitiz. D. Ambros. in commentarijs loci siue quicumque istorum est auctor: humiliat se (inquit) & loquitur vt homo qui possit peccatum incurere inficius. Chrysost. ibidem: non Corinthios tantum (inquit) sed seipsum quoque hoc priuat iudicio, quod cognitione suâ maius testatur: & infra: Quâ ratione si res meas non satis exploratas habeo, aliena potero iudicare. Et sic Apostolus deterrebat Corinthios à temerarijs iudicijs, quibus vnus alterum aut iustum aut peccatorem iudicabat. Si enim Apostolus non poterat seipsum iudicare, quomodo quilibet poterit alium iudicare. D. Hier. lib. 2. aduersus Pelagianos: qui hoc (inquit) dicebat, scilicet Apostolus, nullius vtique peccati sibi conscius erat, sed quia legerat: Delicta quis intelligit? idcirco temperabat sententiam, ne forte per ignorantiam deliquisset D. August. in Psal. 41. tractans hæc verbâ: *Abyssus abyssum inuocat*: quanta abyssus (inquit) audite: tantam profunditatem credit in homine Apostolus scilicet, quæ lateat ipsum hominem in quo est: cum enim dixisset; nihil mihi conscius sum, adiecit; sed non in hoc iustificatus sum. Theodor. in eundem locum Apostoli, sic explicat dicta verba: non me (inquit) à peccato immunem pronuntiabo, sed Dei sententiam expectabo. D. Bernardus epist. 42. Cum Apostolus diceret mihi pro minimo est, vt à vobis iudicer, aut ab humano die, adiecit: sed neque meipsum iudico: quare non possum (ait) ratam de me proferre sententiam &c. similia habent alij huius loci expositores. Posset Secundo Probari Conclusio ex SS. PP. sed ex iam allegatis ad ver-

44

ad verba Apostoli satis de ipsorum constat sententia: licebit tamen insuper videre Basilium in constitutionibus monasticis cap. 2. Ambrosi. Sermone 5. in Psalm. 118. Chrysost. Hom. 87. in Ioannem. August. in Psal. 41. ad illa verba *Ad me ipsum anima mea turbata est.* Item in Psal. 50. Ad hæc: *Incerta & occulta sapientia tua manifestasti mihi.*

tum cuiusdam qui paratus erat Iurare se à certis criminibus immunes esse, quæ per poenitentiam sibi dimissa credebant, esse iuramentum temerarium, & indiscrētum; eò quod nemo scire possit, an egerit poenitentiam vt oportet, & proinde vtrum ad veram remissionem & indulgentiam preuenierit.

Probatum etiam ratione: quia neque ex principiis & causis gratiæ, neque etiam ex effectibus possumus conquirere absolutam illam certitudinem: ergò &c. non ex principiis quia debet concurrere nostra præparatio & dispositio, de cuius sufficientia, nunquam ita euidenter nobis constat, vt omnem sollicitudinem & formidolosam cogitationē de contrario plane excludat. Deinde ex parte Sacramentorum ratione administrantis potest quoque aliquid hæsitacionis occurrere, vnde impediatur absolutissima illa certitudo; non etiam ex effectibus, quia præstantissimi quique effectus externi, qui aliis sunt charitatis, aliquando etiam sine charitate exerceri possent: quod colligitur ex Apost. 1. ad Corint. 13. *Si linguis hominum loquar & Angelorum &c. Et si habuero Prophetiam & nouerim mysteria omnia &c. Et si habuero omnem fidem, ita vt montes transferam &c. Et si distribuero in cibos pauperum omnes facultates meas, & si tradidero corpus meum ita vt ardeam: charitatem autem non habuero, nihil mihi prodest.*

Vbi supponit Apostolus omnes illas perfectiones & maximè ardua opera haberi & fieri posse aliquando sine charitate. Soler enim nonnunquā Sathan se transfigurare in Angelum Lucis, & multis modis & artibus hominem decipere etiam sub specie pietatis; vnde ex effectibus non potest haberi argumentum omnino certum & infallibile ipsius status gratiæ & iustitiæ. Voluit autem Deus negotium illud à nobis absconditum suo modo esse ad nostram vtilitatem, vt significat SS. PP. nam incertitudo facit nos peccata commissa plangere, & plangenda non committere, & cautius vitare: securitas autem facili præberet superbiz, aut inanis gloriæ occasionem & stimulum.

Verum contra dictas Conclusiones Obijciuntur inprimis diuersa loca Scripturæ Sacræ: vt ad Rom. 8. *Accepisti spiritum adoptionis filiorum, in quo clamamus Abba Pater, ipse enim spiritus reddit testimonium spiritui nostro quod sumus filij Dei:* atque testimonium Spiritus certitudinem summam facere debet, vtpote qui nec falli nec fallere potest; ergò &c. Respondetur Spiritum Sanctū duobus modis posse aliquid nobis testari: vno modo directe & expressè cum certis notis & indicijs, quibus significat

T t iij quoque

45 Conclusio Tertia: Non potest quoque in hac vitâ homo certò cognoscere certitudine absolutâ morali, se esse in iustitia. Est cõtra Dominicum Soto vt apparet, qui in Apologia contra Catharinum, admittit vtrum iustum eo vsque posse proficere, vt tam certò sciat se esse iustum, quam sciat Romam esse: vult tamen etiam hanc fidem quâ quis credit Romam esse, habere coniunctam quandam habitualement formidinem de opposito. Sed Conclusio est D. Thom. hic, qui dicit quod nemo per se ipsum, id est, sine reuelatione (huic enim opponit illud per se ipsum) possit cognoscere certitudinaliter, se habere gratiam: sed tantum coniecturaliter: estque communis aliorum Theologorum: & Probari potest ex omnibus auditoriis pro præcedenti conclusione allegatis, quæ generaliter loquuntur & non tantum certitudinem fidei diuinæ excludunt, sed omnem certitudinem quæ nos reddat planè securos, & nullam relinquat formidinem, aut sollicitudinem de opposito.

46 Quibus addi potest, quod scribit D. Gregorius lib. 6. epistola 22. ad Gregoriam Augustæ cubiculariam: Quod verò dulcedo tua in suis epistolis lubiunxit, importunam se mihi existere, quoad vsque scribam mihi reuelarum esse, quia peccata tua dimissa sunt, rem & difficilem, etiam & inutilem postulasti: difficilem quidem, quia ego indignus cui reuelatio fieri debeat; inutilem verò, quia secunda peccatis tuis fieri non debes, nisi cum iam in die vitæ tuæ vltimo plangere eadem peccata minimè valebis; quæ dies quo vsque veniat, semper suspecta, semper trepida metuere culpas debes, atque eas quotidianis fletibus lauare. Et quod scribit Bernardus serm. 3. De aduentu: Accedit ad sollicitudinis cumulum, & pondus timoris, quod cum meâ & proximi conscientiam seruare necesse sit, neutra mihi satis est nota; vtraque abyssus est imperferutabilis, vtraque mihi nox est, & nihilominus exigitur à me vtriusque custodia: & epist. 107. De quâ tamē percepta fuimur ex parte notitiâ, interim quidē gloriatur in spe, nondum tamen in securitate. Innocentius autem III. cap. vltimo, De purgatione Canonica scribit: Iuramen-

quoque se testari: sic per Christum testatus est Paraliticus, Lucæ 5. & peccatrici Lucæ 7. eis peccata esse remissa: similiter testatur Ecclesiæ omnia illa, quæ fide credimus. Et huiusmodi testimonium non tantum in se est certum, & omnino infallibile; sed quoque certum & infallibile est, quod fit ipsius Spiritus testimonium. Secundo modo aliquid testatur oblique & obscurius absque certissimis illis notis, quæ doceant ipsum esse qui testatur: & hoc quidem testimonium Spiritus est etiam in se semper verissimum (neque enim aliquid falsi potest quocumque modo attestari) sed quia non habemus infallibiles notas coniunctas: aut probabiles tantum, ex quibus colligimus esse à Spiritu Sancto, qui velit nobis tale quid attestatum, idcirco non oritur inde certitudo absoluta in nobis de veritate rei.

50 Ad verba itaque Apostoli dicimus, ea esse intelligenda ut significant posteriori modo Spiritum S. testari spiritui nostro, quod sumus filij Dei: testatur enim illud quando operatur in nobis poenitentiam, auersionem animi à peccatis & ab omni eo quod oculis diuinæ maiestatis displicet: Item quando operatur in nobis magnum & assiduum affectum erga Deum & res diuinas, & perficit in nobis fructus charitatis quos describit Apostolus 1. ad Cor. 13. his verbis: *Charitas patiens est: benigna est: non emulatur: non agit perperam: non inflatur: non est ambiciosa: non querit quæ sua sunt: non irritatur: non cogitat malum: non gaudet super iniquitate: congaudet autem veritati: omnia suffert: omnia credit &c.* Per huiusmodi enim opera secundum D. Amb. & Anselmum in hunc locum testatur Spiritus Sanctus spiritui nostro, quod sumus filij Dei. Ex istis solet nasci quædam bona fiducia in hominibus de diuina gratia & amicitia, quam etiam Spiritus Sanctus potest dici excitare & promouere ad quoddam solatium seruorum Dei. Sed quia in operibus ipsis ex se bonis & sanctis, frequenter aliquid se immisceat humani affectus, ut superbiz, emulationis, alicuius vanitatis, aut alterius carnalis aut humanæ passionis, & quia homo procliuor est, ut applaudit sibi & bene de se, & de suis factis sentiat, hinc fit quod ex eiusmodi testimonio Spiritus S. nobis sic applicato, non possumus cum certitudine fidei, vel aliâ absolutâ statuerre, quod sumus iusti, & filij Dei.

51 D. Chrysost. autem & alij nonnulli intelligunt ibi significari, quod Spiritus reddat testimonium spiritui nostro, quod sumus filij Dei, id est, non quod determinatè ego Petrus, vel Paulus sum filius Dei; sed quod Christiani indeterminatè, qui fi-

dem Christi colimus & secundum eam mores & conuersationē instituiamus, sumus filij Dei: hoc enim Spiritus S. ab initio varijs signis & miraculis, ac donorum suorum variâ ac manifestâ distributione cuiusque fidelium contestatus est. Cui expositioni satis fauent antecedentia & consequentia: præcedit enim: *Non enim accepistis spiritum seruitutis iterum in timore; sed accepistis spiritum adoptionis filiorum, in quo clamamus Abba Pater.* Vbi loquitur toti cœtui, de quo verificatur illud quod dicit Apostolus siue ratione omnium, siue ratione aliquorum de Cœtu, prout de communitate aliqua solemus loqui. Vnde quod sequitur. *Ipsæ enim Spiritus testimonium reddit spiritui nostro, potest recte conformiter explicari sub nomine ipsius cœtus: nam fauent etiam reliqua quæ sequuntur: Si autem filij & hæredes: Si tamen (inquit) compatimur, ut & conglorificemur: quasi diceret: Spiritus S. reddit testimoniū spiritui nostro, quod cœtus noster sit cœtus filiorum adoptionis, & hæredum Dei: non tamen idcirco testatur quod omnes & singuli sint filij Dei & hæredes: sed si compatimur, & reliqua religionis præcepta obseruemus, ut & conglorificemur: & proinde conditionem requirit quoad singulos, de quâ non satis nobis constat, vtrum eam expleamus prout expleri debet.*

Quare licet ex illo testimonio credam fide diuinâ, quod cœtus fidelium sit cœtus filiorum & hæredum Dei; de metamen id certâ fide cognoscere non valeo. Eodem sensu intelligenda sunt verba Apostoli ad Galath. cap. 4. *Quoniam autem estis filij, misit Deus Spiritum filij sui in corda vestra clamantem: Abba Pater.* Similiter illa Ioannis 1. Epistolæ cap. 3. *Nos scimus quoniam translati sumus de morte ad vitam, quoniam diligimus fratres: & cap. 4. In hoc cognouimus quoniam in ipso manemus; & ipse in nobis, quoniam de Spiritu suo dedit nobis: quamuis enim ita loquatur in prima persona, tamen sententiæ generales sunt, & sub nomine Cœtus fidelium intelligendæ: significant enim eos esse translatos de morte ad vitam, qui diligunt fratres: & eos in Deo manere & Deum in ipsis, qui habent in se Spiritum Dei; & qui sancti & iusti viuunt, illos ex Deo esse. Loquitur tamen in prima persona pluraliter, quia bonâ spe confidebat de se & de singulis quibus scribebat, quod essent de numero illorum qui diligere fratres, qui haberent Spiritum Dei, & rectè secundum fidem ambularent, quemadmodum scribit D. Paulus ad Philippens. cap. 4. *Confidens hoc ipsum: quia qui cepit in vobis opus bonum, perficiet vsque in diem Christi Iesv, sicut est mihi iustum hoc scribere pro omnibus vobis.**

Obijci-

Obijcitur Secundò: Primæ ad Corint.  
2. dicitur: *Nos autem non spiritum huius mundi accepimus, sed spiritum qui ex Deo est, ut sciamus quæ à Deo donata sunt nobis*: ergo per spiritum qui ex Deo est, nouit homo iustus sibi donatam esse iustitiam. Respondetur N. C. quia ex antecedentibus, & totius capitis contextu manifestum est, Apostolum docere hoc tantum, quod mysteria Dei, quæ per fidem tenemus, non innotuerint Sapientibus huius sæculi, nec potuerint ab eis comprehendere: quia nemo cognouit quæ sunt Dei, nisi spiritus Dei: sed quod fideles qui spiritum fidei à Deo acceperunt, per hunc cognoscant, quanta nobis (id est ijs qui fidem viuam & per dilectionem, operantem tenent) à Deo donata sunt partim in re, partim in spe: Inter quæ enumerat inprimis Apostolus Sapientiam incarnatam, quam prædestinauit Deus ante sæcula in gloriam nostram, quam nemo Principum huius sæculi cognouit. Deinde addit Deum præparasse diligentibus se talia, quæ nec oculus vidit, nec auris audiuit, nec in cor hominis ascenderunt. Hæc verò nos qui spiritum fidei accepimus, & non spiritum huius mundi, ex eodem spiritu nouimus fidelibus esse donata, qui scilicet dignè suâ vocatione ambulant: non autem in particulari quod mihi, vel huic, vel illi sit donata iustitia. Vnde etiam in frâ Apostolus subdit: *Quæ & loquimur nõ in doctu humane sapientia verbu; sed in doctrina spiritus, spiritualia spiritualibus comparantes.*

Obijcitur Tertiò: 2. ad Corinth. cap. 1. dicitur: *Nam gloria nostra hæc est, testimonium conscientia nostra*: atqui gloria ista inanis esset, nisi testimonium conscientia, certitudinem infallibilem gigneret: ergò &c. Respondetur Primò N. Subl. quia non tantum gaudemus & gloriamur de rebus quas certò scimus nos habere, vel habituros; sed etiam de illis quas confidimus nos habere, vel speramus nobis obuerturas. Vnde potest quis gaudere & in Domino gloriari cum gratiarum actione, si nullius peccati conscius sit, & exultare in Domino cum timore & tremore tamen; quia nõ in hoc iustificatus est: ut dicit Apostolus 1. ad Corinth. c. 4. Addo Secundò, Apostolum ibi non posse gloriam suam in testimonio conscientia de suâ iustitiâ coram Deo; sed in testimonio de eo, quod in simplicitate cordis & sinceritate Dei conuersatus esset, & prædicasset sic verbum Dei; non in sapientia carnali ad ostentationem, ad vanitatem, aut auaritiam.

Obijcitur Quartò: 2. ad Corinth. 13. dicitur: *Vosmet ipsos tentate, si estis in fide; ipsi vos probate. An non cognoscitis vosmetipsos, quia Christus Iesus in vobis est: nisi forte reprobi estis.*

ergò &c. Respondetur, non loquitur ibi Apost. de præsentia Christi apud Corinth. secundum gratiam gratum facientem, quod satis conuincitur ex eo, quod tum hoc capitulum tribus præcedentibus eo grauitè reprehendat, & vitlonem seueram comminetur: *Timeo enim* (inquit) *ne iterum cum venero, humiliet me Deus apud vos & læget multos ex ijs qui peccauerunt & non egerunt penitentiam*: Sed loquitur de præsentia Christi secundum potentiam, Imperium, miracula, curam, & virtutem vindictarum, ut colligitur ex antecedentibus verbis Apostoli. Ecce tertio hoc venio ad vos &c. Prædici & prædico ut præsens & nunc absens, ijs qui ante peccauerunt, & ceterum omnibus quoniam si venero iterum, non parcam. An experimentum quaeritis eius, qui in me loquitur Christus, qui in vobis non infirmatur, sed potens est in vobis? nam etsi crucifixus est ex infirmitate carnis, sed viuit ex virtute Dei: quasi diceret, an vultis experiri animaduersionem Christi qui per me tradat aliquos Sathanæ in interitum carnis? nam etli Christus secundum infirmitatem crucifixus est, tamen nunc immortalis regnat per virtutem Dei, & quos vult in vobis punire potens est: & tunc mox adiungit: nam & nos infirmi sumus in illo, sed viuimus cum eo ex virtute Dei in vobis. Vosmetipsos tentate &c. quasi diceret: nos quoque in vitroque similes sumus Christo; scilicet in infirmitate, & in potentia seu virtute: & ideo secundum infirmitatem quotidie multa patimur, & secundum potentiam operamur signa & prodigia, & ex autoritate Christi, omnem inobedientiam castigare sumus parati, id quod vel ex vobis intelligere potestis: nam si consideretis ea quæ apud vos facta sunt, si quid adhuc fidei in vobis est, & non sitis omnino traditi in reprobum sensum, facile cognoscetis Christum in vobis esse per curam & virtutem, ac ipsum esse qui per ministerium nostrum puniat & tradat inobedientes & nõ poenitentes Sathanæ in interitum carnis. Ex quibus omnibus nihil habetur, quod facit pro certitudine fidelis alicuius de suâ propria iustitiâ.

Obijcitur Quintò: Primæ Ioannis g. dicitur: Qui credit in Filium Dei, habet testimonium Dei in se. R. nullo modo id ad propositum facit; quia manifestum est, Ioannem loqui non de testimonio nostræ iustificationis, sed de testimonio diuinitatis Christi, quod ei Pater præbuit: de quo præmiserat: *Hoc est testimonium Dei, quod maius est quia testificatus est de filio suo*. Qui itaque credit in Filium Dei, habet testimonium Dei in se, quatenus illud testimonium Patris acceperat & in corde retinet.

Allegant insuper diuersa loca SS. PP. T t iij Acina

Ac in primis illud Diui Hilarij in 5. caput Matthei: Regnum cœlorum quod Dominus in se esse positum professus est, vult sine aliquâ incertæ voluntatis ambiguitate sperari: alioquin iustificatio ex fide nulla est, si fides ipsa fiat ambigua. Respondetur D. Hilarium non loqui de certitudine propriæ iustificationis in particulari, sed de fide resurrectionis corporum, quæ debet apud omnes esse certissima, & sine aliquâ ambiguitate incertæ voluntatis debet ipsa separi; sine ambiguitate scilicet quæ oriatur ex incertâ vel dubiâ fide de ipsâ vel de cœlorum Regno: dixerat enim paulò antè, quosdam ob præsentium delectationem & futurorum desperationem, (quæ inde causabatur quod adduci non possent, vt crederent mortuorum corpora resurrectioni) fieri negligentiores in salutem curandâ; & ex hac occasione subiungit: Regnū cœlorum sine aliquâ ambiguitate &c. non itaque remouet ambiguitatem & sollicitudinem de Regno cœlorum quæ nasci possunt in nobis ex consideratione propriæ infirmitatis & indispositionis, sed eam quæ nascebatur ex incredulitate.

Ex D. Ambrosio opponitur, quod habet lib. 5. De Scripturis cap. 1. scilicet Animâ post baptismum susceptum videre se ipsam à peccatis mundatam. Respondetur Amb. id dicere, quoniam bona fiducia id sibi persuadet recentem baptismum, tum in primis ex certissimâ fide quam habet de virtute baptismi, tum ex spe bonâ quam de sua propriâ dispositione potuit ex diuersis argumentis concepiſſe, tum etiam ex aliqua conscientie serenitate & pace, quæ solè aliquando post Sacramenta cū debitâ & sollicitâ præparatione suscepta ab hominibus persentiri, vt sibi accidisse testatur Aug. in lib. 9. Cōfess. c. 6. post susceptū baptismum: sed illud videre & scire non superant coniecturalem & valde probabilem credulitatem.

Ex D. Augustino obijcitur in primis illud in Psal. 149. Est ergo modus glorianti in conscientia, vt noueris fidem tuam esse sinceram, vt noueris spem tuam esse certam, vt noueris charitatem tuam esse sine simulatione: ergo &c. Respondetur inde nihil quoque effici, quia tantū loquitur de quâdam notitia cōiecturali & probabili sic vt cor nostrum saltem non reprehendat nos de contrarijs quæ obseruamus in nobis: eiusmodi enim notitia sufficit ad quoddam gaudium, & gloriam conscientie nostræ in Domino, sicut monet Apostolus: *Gaudete in Domino semper.* Quod autem de tali loquatur August. patet ex adiunctis: Sed quia multa sunt adhuc (inquit) quæ possunt fortè offendere

oculos Dei, lauda eum qui ista tibi donat, tunc perficiet quod donauit, lauda eum, quod scias te multa peccata non fecisse & non habere, & ipse dabit etiam vt aufugantur si quæ habes occulta.

Obijcitur præterea ex eodem, serm. 6. de verbis Apostoli: Si quis spiritum Christi non habet, hic non est eius: ecce adiuvante ipsius misericordiâ spiritum Christi habemus, ex ipsa dilectione iustitiæ, integrâ fide, Catholicâ fide spiritum Dei in nobis esse cognoscimus: ergo &c. Respondetur sensum Aug. esse, nos ex dilectione iustitiæ, quam experimur in nobis, ex integra & Catholicâ fide quam tenemus, tanquam ex quibusdâ signis cognoscere cognitione scilicet probabili spiritum Dei in nobis esse; non autem quod fide Catholicâ id cognoscamus ex iustitiæ delectatione, vt hæretici volunt: quia fides Catholica in diuina reuelatione, non in nostra delectatione quæ circa iustitiam forsitan experimur, aut nos experiri putamus, niti debet.

Obijcitur etiam ex eodem, quod habet lib. 8. De Trinitate, cap. 8. vbi sic scribit: Qui diligit fratrem, magis nouit dilectionem quâ diligit, quàm fratrem, quem diligit: atqui potest quis absolutissimâ certitudine morali saltem, cognoscere fratrem: ergo etiam suam charitatem, & statum gratiæ poterit scire tantâ certitudine quæ excludat omnem formidinem de contrario. Respondetur Neg. Conf. quia loquitur August. de diligendi actu, non de habitu charitatis: verum autem est quod sumus certissimi de nostro actu quando diligimus, quod diligamus: sed non idcirco sumus certissimi quod actus ille dilectionis sit actus charitatis, & proinde neque certi de nostra iustitia aut statu gratiæ.

Dices: Loquitur August. de dilectione, quâ fratrem diligimus secundum Deum, & proinde quâ diligimus ex charitate. Respondetur, non loquitur tantum de dilectione charitatis, sed loquitur de dilectione in genere vt Analogicè cōmunis est non tantum omni creatæ dilectioni, sed vt etiam est communis dilectioni increatæ: hoc enim discursus quem ibidem facit, planè videtur requirere: possumus enim multa dixisset de dilectione Dei, tandem addit: Nemo dicat. Non noui quid diligam (scil. quando Deum diligo) & deinde, quod nullus id dicere debeat, huiusmodi rationatione pergit ostendere: diligit fratrem & diligit eandem dilectionem, hanc autem dilectionem non potest ignorare; quia (inquit) magis nouit dilectionem quâ diligit, quàm fratrem quem diligit; vt potest præsentioſiorem, interiorē, certiorē, inquit, Deinde

Deinde quasi inferi; Ecce iam potest notiorum Deum habere, quàm fratrem. Quæ consequentia in eo debet fundari, quod Deus sit dilectio, quod & infra affirmat, dum dicit ipsam fraternam dilectionem non solum ex Deo, sed etiam Deum esse: non est autem Deus dilectio eadem numero aut specie cum illâ, quâ fratrem aut Deum diligimus, sed conuenit cum illâ secundum quandam analogicam conceptum, qui communis est actui dilectionis sue hominis, siue Angeli, & dilectioni increatæ: & sic qui diligit fratrem & dilectionem hanc magis nouit, quàm fratrem, dicitur etiam magis nosse Deum, scilicet secundum illam analogicam rationem, quam cum amore nostro habet; vult enim ibi August. ex huiusmodi actibus nostris nos deducere in aliquam notitiam Dei, nec tantum Dei, sed etiam Trinitatis: vnde consequenter conatur ostendere, quomodo qui videt charitatem, etiam in illâ videat Trinitatem; in quibus discursibus videtur nomen dilectionis generaliter sumendum, vt diximus; alioquin cõtinua quædã erit æquiuocatio, quæ non relinquet argumento vel apparentem vllam vim probandi, aut explicandi quod probandum & explicandum suscipitur. Negandum tamen non est, quin nomen dilectionis aut charitatis in diuersis quæ allegat ibi August. nunc pro actu charitatis, nunc pro charitate increatâ supponat.

63 Obijciunt quoque ex D. Greg. lib. 1. dialogorum cap. 1. Mens quæ Sancto Spiritui impletur, habet euidentissima signa, suas virtutes scilicet & humilitatem, quæ si vtrique in vna mente conueniant liquet, quod de præsentia Sancti Spiritus testimonium ferat. Respondetur manifestum esse, D. Gregoriũ tantum loqui de euidentia signorum, quæ nec dicantur in plerisque negotijs etiam euidentissima, non tamen pariunt absolutam omnino certitudinem quæ excludat omnẽ occurrentẽ formidinem, aut sollicitudinem de contrario. Accedit quod magis loquatur de estimatione, quæ ex talibus signis concipienda sit de alijs, in quibus ea obseruantur; quàm de aliqua certa persuasionem, quam debeamus habere de nobis ipsis.

64 Obijciunt denique ex D. Bernard. serm. 1. De Annuntiatione: Si credis peccata tua non posse deleri nisi ab eo, cui soli peccasti & in quem peccatum non cadit, addi adhuc potest, vt credas, quia per ipsum tibi peccata donantur: hoc est testimonium quod perhibet in corde nostro. Spiritus S. dicens: dimissa sunt tibi peccata tua: sic enim arbitraturs Apostolus gratis iustificari hominem per fidem: ergo &c. Res-

ponderetur Diuum Bernard. agere de fide Catholica, quæ credimus Deum velle nobis peccata remittere, & ex parte suâ re ipsa quodammodo remittere, modò scilicet conditiones requisitas ex parte nostrâ impleantur: vt postea aperte D. Bern. se explicat; non autem loqui de fide quâ absolute & sine respectu vel hypotesi meæ dispositionis debeam certò credere, mihi peccari remitti: nam similiter dicit ibidẽ, credendum esse, nobis donari merita, & paratã esse vitã æternã scil. ex parte ipsius Dei, & satisfactionis ac meritorum Christi, modò ex parte nostra non sit impedimentum; qui sensus ex eo satis liquet, quod eorum quæ asserit, dicit argumenta valdissima esse Christi mortem, resurrectionem, & ascensionem. Vnde & in serm. de Septuag. disertis verbis docet de vitã æterna consequendã spem nos habere, non securitatem: & in loco quẽ tractamus adiungit: Sic ergo inhabitat hæc gloria (scilicet de peccatis nostris remissis, de vitã æterna consequendã) etiam hic in terra nostra, si misericordia & veritas obuiant sibi, & sele iustitia & pax osculentur, &c.

65 Conclusio Quarta: Potest homo iustus absque speciali reuelatione habere quandam certitudinem coniecturalem de sua iustitia, p̃ta quando ad iustificationem cum sacramenti susceptione sic se disposuit, vt probabiliter existimet se nihil prætermisisse, quod ab eo necessariò requiritur in tali negotio: eaq; certitudo non solum potest esse tanta, vt tollat conscientie perturbationem, & anxietatem, ac dubitationem, quã quis neutri parti audeat assentiri: sed potest per continuatã penitentiam, patientiã, & pietatis opera ita crescere & augeri, vt generet quandam consolationem, & interiore lætitiã cum magna quadam animi tranquillitate & fiducia de diuina amicitia, & Dei erga se amore, curã, & sollicitudine. Manet hæc conclusio satis probata ex omnibus quæ contra duas præcedentes sunt proposita, vt potest quæ pleraq; non aliud docent, quàm id quod hac conclusione continetur. Et quidem quod ad priorem partem attinet, debent omnes qui ad communicationem mysteriorũ sanguinis & corporis Domini accedunt, venisse ad illam sui status notitiam, quod saltem bonã conscientia confidant se Deo esse reconciliatos, & eius acquisiuisse gratiam: id enim requirit Apolus 1. ad Corinth. 11. quando dicit: Probet autem seipsum homo, & sic de pane isto edas &c. Posteriorem autem partem pulchrè & latè declarat D. Bernard. serm. 69. in Cantica.

Peculiariter autem operatur eiusmodi 66  
consola-



consolationem, & certam fiduciam tolerantia tribulationum & earumdem passionum cum Christo, in patientia: quod Scriptura docet varijs locis, Ad Rom. cap. 5. *Gloriamur in tribulationibus, quia tribulatio patientiam operatur, patientia probationem, probatio vero spem, spes autem non confundit.* 2. ad Corinth. 7. *Repletus consolatione superabundo gaudio in omni tribulatione nostra.* cap. 1. epist. Iacobi: *Omne gaudium existimate fratres, cum in tentationes varias incideritis, scientes quod probatio fidei vestra patientiam operatur; patientia autem opus perfectum habet.* Sic quoque propheta David: *Secundum multitudinem dolorum meorum in corde meo consolationes tuae latificaverunt animam meam.*

67 Non est tamen existimandum, sanctiores maiorem semper percipere eiusmodi quietem & tranquillitatem de sua iustitia; sed occultâ Dei dispensatione interdum fieri, quod hi minus sint quieti & securi: quemadmodum patet apud D. Hieron. De sancto Hilarione, cuius anima trepida-

bat egredi etiam postquam 70. annis servivisset Christo. Potest autem id contingere ex duplici cap. 1. quia passionibus animi & luctu carnis valde solent perturbare hanc certitudinem & interiorum pacem, quæ tamen non semper cum magno profectu in iustitiâ & virtutibus, proportionally minuantur, quin & ad exercituum & humiliationem Deus eiusmodi infirmitates in homine relinquit, ut significat Apostolus 2. ad Corinth. 12. *Es ne magnitudo revelationum extollat me, datus est mihi stimulus carnis meae, Angelus Sathanae, qui me colaphiset: propter quod ter Dominum rogaui, &c. & dixit mihi: Sufficit tibi gratia mea: nam virtus in infirmitate perficitur.* Secundò, quia non solet quoque ad singularem illam & familiarem fiduciam perveniri absque peculiari Spiritus Sancti instinctu & operatione, quæ non obtingunt quoque semper Sanctoribus & melioribus, sed pro beneplacito ipsius, qui diuidit singulis prout vult.

## Q V Æ S T I O CXIII.

### De Iustificatione Impij.

#### In decem Articulos diuisa.

##### ARTICVLVS I.

#### *Virum Iustificatio Impij sit remissio peccatorum?*

**N**OTANDUM Primò: Iustificati-  
onis nomen in Scripturis variè  
accipi, semper tamen cum aliquo  
respectu ad iustitiam: aliquando  
quidem pro lege sine mandatis, quæ iusti-  
tiam proponunt & docent: sic frequentissi-  
me sumitur apud Psalmistam: aliquan-  
do autem pro ceremonijs & sacris signis,  
quæ ad iustificationem præsertim legaleam  
seruebant: sic dicitur ad Hebr. cap. 9.  
*Habuit & prius (scilicet tabernaculum) ius-  
tificationes culturæ & sanctum seculare.* quò  
etiam referri potest illud Luca cap. 1. *In-  
celantes in omnibus mandatis & iustificationibus  
Domini sine querela:* aliquando etiam sumi-  
tur tanquam vocabulum significans iudi-  
ciariam sententiam, quæ quis absoluitur à  
crimine, vel iudicetur innocens, & à cri-  
mine immunis: sic Proverb. cap. 17. di-  
citur: *Qui iustificat impium, & qui condemnat  
iustum, abominabile est uterque apud Deum.*

Psalm. 50. *Ut iustificeris in sermonibus tuis: &  
ad Rom. 8. Denique qui iustificat, qui est qui con-  
demnat.* Denique sumitur iustificatio &  
magis propriè pro motu ad iustitiam; si-  
cuti calefactio pro motu ad calorem, unde  
qui causat eiusmodi motum, dicitur iusti-  
ficans, & in quo motus causatur, siue qui  
mutationem ad iustitiam recipit, dicitur  
iustificari: ut ad Rom. 5. *Iustificati ergo ex  
fide, &c.*

Notandum Secundò: Nomen Iustitiæ  
plures habere quoque acceptiones, & princi-  
paliter tres, quarum meminit Aristot. 5.  
Ethic. cap. 1. ut hic refert D. Thom. Pri-  
mò enim sumitur strictè & propriè, scilicet  
pro virtute particulari, quæ voluntas  
inclinatur ad cuique reddendum ius suum  
ad æqualitatem; & hæc ordinat hominem  
secundum rectitudinem in comparatione  
ad alium particularem, aut quasi particu-  
larem hominem. Secundò sumitur pro  
animi dispositione, quæ hominem quatenus  
pars & membrum est communis, mouet &  
inclinat ad præstandum omne illud, quod  
ex ratione & officio membri censetur debere ipsi toti, seu communitati  
ad eius conseruationem: & hæc dicitur  
iustitia

iustitia legalis. Tertiò sumitur pro quadã reãtitudine hominis, quã ipse interius legitimo modo esse ordinatus ad Deum, scilicet secundum debitam submissionem cõformando se diuinis legibus tanquam suæ propriæ regulæ: quia iustum dicitur generaliter, quod est adæquatum & commensum suæ regulæ, cui commensurari debet. Quare illa animi accessio quæ formaliter ponit hanc adæquationem & cõmensurationem hominis ad Deum, siue ad diuinam legem, rectè etiam dicitur iustitia, quatenus continet rationem adæquationis cum debito ordine ad alterum.

3 Cæterum non cõsistit hæc iustitia in vno aliquo habitu, vel actu, sed dicit cõplexionẽ omniũ virtutũ: nam collectio omniũ siue actũ siue habitũ est, quæ formaliter conformatur & veluti cõmensam reddit voluntatẽ suæ regulæ, legibus scilicet à Deo ipsi positis. Huiusmodi autem iustitia iterum potest esse duplex, scilicet naturalis, & supernaturalis. Ista cõsistit in virtutibus moralibus, quibus homo rectè ac debito modo disponitur in ordine ad Deum, tanquam finem naturalem secundum regulas rectæ rationis. Hæc autem cõsistit in virtutibus supernaturalibus, quibus homo adæquatur & commensuratur legi & regulæ fidei, atque ita rectè disponitur ad Deum vt finem supernaturalem.

4 Notandum itaque Tertiò, dum quæstio hic mouetur de iustificazione, sermonem esse de motu siue mutatione ad iustitiam tertio modo acceptam, & quidem quatenus dicit debitam hominis reãtitudinem in ordine ad Deum secundum leges & regulas fidei: quomodo etiam iustitia in Scripturis frequentissime accipitur: Matth. 5. cap. *Beati qui esuriunt & sitiunt iustitiam.* 1. Ioannis 3. *Qui facit iustitiam, iustus est.* Psal. 31. *Letamini in Domino, & exultate iusti, & gloriamini omnes recti corde.* Similia habentur Psal. 32. 33. 63. & alibi. Vnde D. Chrysost. Homil. 12. in Matth. dicit iustitiam nihil aliud esse, quàm omnium mandatorum plenam custodiam. Sæpius quoque nomine charitatis significatur huiusmodi iustitia, quia scilicet charitas reddit voluntatem conformẽ toti legi diuinæ, quatenus virtutes omnes sub suo continet imperio, & in omnibus vult satisfacere & placere illi, quem super omnia diligit. Sic August. lib. De natura & gratia cap. 38. de charitate dicit, quod illã vnã iustus sit, quicumq; iustus est: & cap. vltimo, quod charitas inchoata, inchoata iustitia sit; charitas magna, magna iustitia; & charitas perfecta, perfecta iustitia.

5 Notandum Quartò: Hunc motum ad iustitiam posse dupliciter fieri: vno modo

sic vt pro termino à quo habeat tantum negationem iustitiæ: alio modo sic vt pro termino à quo habeat formam, aut quasi formam contrariam, scilicet iniustitiam & deordinationem voluntatis, quæ licet formaliter omninò considerata nõ sit forma physica positia, sed potius quadã priuatio, tamen quia per modum maculæ & quasi formæ positæ communiter apprehendi solet, propterea rectè dixit D. Tho. hunc motum consistere inter terminos contrarios. Vide dicta supra quæst. 71. art. 1. Priori modo potest iustificatio locũ quodque habere in eo, qui non esset in peccato: sicuti Adam iustificatus est, dum iustitiam originalem acciperet simul cum natura. Posteriori autem modo tantum impij & peccatores iustificantur: & de hac iustificatione hic nobis est sermo: quæ sic potest describi.

Iustificatio est translatio à statu iræ ad statum gratiæ & adoptionis filiorum Dei per Iesum Christum Saluatorem nostrum. Quã descriptionem indicat Apost. ad Colos. 1. dum sic hortatur nos, vt gratias agamus Deo Patri, qui dignos nos fecit in partem sortis sanctorum in lumine, qui eripuit nos de potestate tenebrarum, transiitq; in regnum Filij dilectionis suæ, in quo habemus redemptionem & remissionem peccatorum. Conc. autem Trident. Sess. 6. cap. 4. agens de iustificatione primã quã remittitur peccatum originale, dicit eam esse translationem ab eo statu in quo homo nascitur filius primi Adæ, in statum gratiæ & adoptionis filiorum per secundum Adam Iesum Christum.

7 Obseruandum tamen est, quia potest homo in iustitia accepta proficere & crescere, hinc fieri quod interdum iustificationis nomen etiam pro iustitiæ incremento accipiat: quemadmodum enim formæ quæ admittunt gradus, habent incrementa homogenea, ita quoque ipsum incrementum, siue accessio gradus sortitur idem nomen cum primã mutatione ad formam. Ita intensio caloris solet dici calefactio, sicut & prima caloris introductio: & hoc modo dicitur Apoc. vltimo capite: *Qui iustus est, iustificetur adhuc:* & Ecclesiastici 16. *Ne verearũ vsque ad mortem iustificari.* Magis tamen ordinariè ponitur pro primã acquisitione iustitiæ.

8 Notandum Quintò: Aliquando hoc nomen vt significat mutationẽ ad iustitiam, extendi, vt non dicat tantum instantaneã iustitiæ productionem, quæ fit per gratiæ habitualis cum cæteris virtutibus infusionem; sed vt etiam complectatur motus & dispositiones præuias; quemadmodũ Philosophi nomen generationis interdum exten-

extendunt, vt comprehendat præuias alterationes, & dispositiones ad formam. Sic Conc. Trid. Sess. 6. cap. 5. dicit iustificacionis exordium in adultis à præueniente Dei gratiâ, sumendum esse: quia scilicet per hanc incipimus alterari & disponi ad iustitiæ formam.

- 9 Notandum denique: Peccati remissionem esse ablationem reatus culpæ, quæ non fit per hoc, quod offensus nolit punire, siue quod dissimulet & non repuret ad pœnam; sed per hoc quod animus offensi pacatur & beneuolus reddatur offendenti, vt docet D. Thom. artic. sequenti. His itaque præmissis. Sic

- 10 Conclusio Vnica: Etsi iustificatio vt generaliter est motus ad iustitiam, possit esse sine remissione peccatorum, tamen iustificatio impij includit remissionem peccati. Est D. Thom. prior pars patet ex iustificatione primorum paritum, & Angelorum in sua creatione. Posterior pars breuiter probatur, quia hæc iustificatio importat translationem à statu filiorum iræ & indignationis diuinæ ad statum gratiæ, & adoptionis filiorum Dei; atqui huiusmodi transmutatio fieri non potest, nisi Deus iratus & indignatus desinat homini indignari, & incipiat ei pacari & beneuolus esse, quod est culpam siue peccatum remittere: ergo non potest impij iustificatio esse sine peccatorum remissione. Notat autem D. Thom. quia motus magis denominatur à termino ad quem, quàm à termino à quo, hinc transmutationem istam sortiri nomen suum à termino ad quem, videlicet à iustitiâ, & vocari iustificationem impij.

## ARTICVLVS II.

*Utrum ad remissionem culpa  
quæ est Iustificatio Impij, re-  
quiratur gratiæ infusio?*

- 11 Conclusio Prima: Non iustificantur impij solâ peccatorum remissione, exclusâ gratiâ, & charitate quæ in cordibus eorum per Spiritum Sanctum diffundatur, atque illis inhæreat. Est certa de fide definita in Conc. Trid. Sess. 6. Canone 11. vnde infertur & sic

- 12 Conclusio Secunda: Ad eam peccati remissionem quæ sit iustificatio impij, omnino requiritur gratiæ infusio. Est vtraque contra hæreticos nostri temporis: qui diuersi diuersimodè explicant ratione nostræ iustificacionis: Sed omnes in hoc cōueniunt, quod non admittant eam consi-

stere in aliquâ infusione & inherencia realium donorum & virtutum, quæ Spiritus Sanctus in nobis operetur. Vnde alij eam constituunt in nudâ remissione peccatorum, vel potius in merâ non imputatione ipsorum ad iram vel odium, quamuis peccata in homine mancant: alij autem ponunt in iustitiâ Christi nobis imputatâ; alij aliter explicant. Sed probatur conclus. vtraque simul, primo ex Scripturis: Ad Rom. c. 3. *Iustificati grati per gratiam ipsius, per redemptionem quæ est in Christo Iesu, quem proposuit Deus propitiationem per fidem in sanguine ipsius.* Hic Apostolus omnes fere causas nostræ iustificacionis indicat: dum enim dicit *Iustificati grati*, id est, ex merâ Dei liberalitate, in nostra spectemus opera quæ iustificationem non merentur, indicat causam efficientem esse bonam & liberalem Dei voluntatem: dum autem addit; *Per gratiam ipsius*, significat causam formalem esse iustitiam ab illo nobis donatam & infusam: quando verò adiungit, *Per redemptionem quæ est in Christo Iesu*, indicat causam meritoriam: & denique dum dicit, *Per fidem in sanguine ipsius*, significat, nobis causam dispositiuam ad iustificationem esse fidem in Christum. Quare sine fundamento Calvinus & Kemnitius volunt interpretari illud: *per gratiam ipsius*, vt idem sit, quod per Dei fauorem: quia etsi fauor intercedat, siue gratuita beneuolentia, tamen satis hoc explicuit Apostolus dicendo: *Iustificati grati*: additio igitur ista *per gratiam ipsius*, non fauorem externum; sed aliquid aliud, id est, effectum illius fauoris significat. Deinde illa præpositio (per) magis significat habitudinem causæ siue formalis, siue meritoriz, siue etiam instrumentalis, quàm possit accommodari isti fauori: potius enim dicitur quod ex fauore, quàm per fauorem iustificaret, aut remitteret peccatum.

Ad Rom. 8. & 1. ad Cor. 15. dicuntur iusti esse conformes imagini Christi, & portare Christi imaginem: *Quos prædestinavit conformes fieri imaginis filij sui, vt sit ipse primogenitum in multis fratribus*: &c. Igitur sicut portavimus imaginem terreni, ita portemus & celestis: atqui Christus non est iustus per imputationem, aut per externum Dei fauorem; sed verè & propriè, atque adeo etiam intrinsicè per iustitiam inherenterem in animâ eius; quare vt simus eius conformes, vt portemus imaginem eius, & simus fratres eius, oportet nos quoque intrinsicè participare formam iustitiæ illius. Deinde portavimus imaginem terreni per veram & intrinsicam peccati in nobis inexistenciam: ergo similiter oportet nos portare imaginem celestis per veram & intrinsicam iustitiæ inherenciam in nobis. Ad

Heb.

Hebræos 11. testatur Apostolus aliquos verè & absolute fuisse iustos : de Abel enim scribit; Testimonium consequurus est esse iustus; & de Noë, *iustitia qua per fidem*, *hæres est iustitiam.*

14 Denique plurimæ Scripturæ palam testantur in iustificatione impij magnâ fieri mutationem & altiorē qualitativam in interiori hominis dispositione, vt loquitur Ruardus art. 8. pag. 16. docent enim hominem mundari, dealbari, renouari, exuere veterem hominem, & induere novum, regenerari à morte, transferri ad vitam, accipere cor novum, & cordis rectitudinem, effici consortem diuinæ naturæ, & fieri filium Dei : quæ omnia important intrinsecam quandam, & realem hominis immutationem; Ezechielis 36. *Effundam super vos aquam mundam, & mundabimini.* Eiaze cap. 1. *Si fuerint peccata vestra, vt coccinum, quasi nix dealbabitur.* Psal. 50. *Asperges me Domine hyssopo, & mundabor: lauabis me & super nitem dealbabor.* 1. ad Corinth. 6. *Sed ablui esu, sed sanctificati esu.* Ad Ephes. cap. 4. *Renouamini autem spiritu mentis vestre & induite novum hominem qui secundum Deum creatus est in iustitia & sanctitate veritatis.* Ad Ephes. 2. *Cum essemus mortui peccatis, conuincit nos Christo & confuscitauit.* Ad Rom. 6. *Exhibete vos tanquam ex mortuis viuentes.* 1. Ioannis 3. *Scimus quoniam translati sumus de morte ad vitam.* 1. Petri cap. 1. *Renati non ex semine corruptibili sed incorruptibili &c.* & cap. 1. Ioannis : *Dedit potestatem filios Dei fieri &c.* atqui mundari, ablui, dealbari non significant tantummodò lordes & inquinamenta tegi, non videri, sed à parte rei per contrarium ornamentum planè tolli: similiter viuificari, resuscitari, renouari spiritu mentis, & induere novum hominem, transferri de morte ad vitam, renasci nō significant solum eos qui mortui sunt, non haberi pro mortuis, licet interim tales sint: sed omnino significant mortuis veram vitam restitui: vera autem vita, & vera animæ ornamenta non possunt esse absque veris & realibus donis homini à Deo infusis.

15 Probatur Secundo ex SS. PP. Ambros. lib. 6. Exameron cap. 8. Vtrum iustificatio (inquit) secundum corpus, an secundum animam tibi conferri videatur, quæso respondeas: sed dubitare non potes, cum iustitia vnde iustificatio deriuata, mentis tuæ vtique non corporis sit: vbi supponit iustitiam in mente residere: si enim vellet quod extrinsecus se haberet, non esset ratio cur potius diceret eam esse mentis quam corporis. D. Hieron. tunc mundus factus es in Lauacro, & de te dicitur: *Quæ est ista quæ ascendit dealbata;*

& lota quidem ut; sed custodire non valet puritatem suam, nisi à Domino sustentetur. Diuus Augustinus epist. 85. Quid est aliud iustitia (inquit) cum in nobis est, vel quolibet virtus quâ rectè, sapienterque viuatur quàm interioris hominis pulchritudo: lib. 12. Confessionum capite 15. Quantum interest inter lumen quod illuminat & quod illuminatur tantum inter iustitiam iustificantem, & iustitiam quæ iustificatione facta est scilicet interest.

Vbi D. August. præter iustitiam iustificantem, quam intelligit Christum vt effectiue nos iustificat, euidenter agnoscit iustitiam iustificatione ipsa factam, quæ non potest constitui nisi in nobis, estque ipsum donum iustitiæ in nobis productum & infusum, quo formaliter & intrinsecè sumus iusti. Quod & lib. 15. de Trinit. c. 8. clarè exprimit his verbis: *Quæ natura cum à suo conditore iustificatur à deformi forma formolam transfertur in formam.* Idem manifestè docent alij PP. D. Prosper ad cap. 6. Gallorum, Gregorius lib. 18. moralium cap. 33. Basil. lib. primo De baptismo cap. 8. Gregorius Nazianzenus Oratione in Sancti baptismi, Chryf. Hom. 16. in priorem epistolam ad Corinth. ad illa verba: *Et hæc quidem faustu, sed ablui esu &c.* D. Leo epistola 91. cap. 1. & Diuus Bernardus serm. 4. De dedicatione Ecclesiæ, & epistola 190. ad Innocentium Papam. Vnde neque hæretici negant ita sentire SS. PP. nam Caluinus qui sæpius Augustinum (quem ad suam ipsius perditionem frequenter deprauat, aut deprauatè intelligit) excipere solet, quando cæteros PP. rejicit lib. 3. Institutionum cap. 11. §. 15. etiam Augustinum in hac quæstione repudiat, ac ne Augustini sententia (inquit) recipienda est, vt qui gratiam ad sanctificationem refert, quâ in vitæ nouitatem per spiritum regeneramur.

Sed contra obijcitur primò: Apostolus ad Rom. 4. docet beatitudinem hominis esse in eo, quod illi Deus accepto fert iustitiam sine operibus, ex eo quod Dauid dicat Psal. 31. *Beati quorum remissa sunt iniquitates & quorum reclusa sunt peccata: Beatus vir cui non imputauit Dominus peccatum: vbi Psalter nullam facit mentionem alicuius internæ mutationis in ipso homine, neque alicuius doni, aut formæ, quæ illi infundatur, quæ intrinsecus renouetur: sed tantum remissionis iniquitatum, cooperationis peccatorum, & non imputationis eorundem, ergò iustificatio à qua beati & iusti dicimur, nihil reale ponit in homine; sed solum dicit extrinsecum Dei fauorem,*

Vu quo

quo abscondit & dissimulat peccata nostra, ne imputet ea nobis ad odium ipsius & poenam. Confirmat id Calvinus; quia vel est plena explicatio iustificationis, quâ assignat Plaltes, vel est dimidiata; si plena sit, ergo infer sequi quod præterdit; si autem dimidiata sit, quomodo ergo poterit pronuntiari beatus, qui non nisi pro media parte est iustificatus? Respondetur in primis, nihil novi esse in Scripturis sacris beatitudinē adscribi partialibus eius causis, quatenus scilicet vel sunt quædam principia, aut quidem gradus ad reliqua requilita, & sic inchoant motum ad beatitudinem, vel quatenus intelliguntur inesse & haberi simul cum alijs partibus requisitis; ita apud Matthæum ponuntur octo Beatitudines; Beati pauperes spiritu (inquit Christus;) Item, Beati mundo corde, Beati misericordes, &c. & apud Psalmistam: Beatus vir qui timet Dominum.

- 18 Non itaque sequitur: dixit David, *Beati quorum remissa sunt iniquitates, & quorum tecta sunt peccata.* Item, *Beatus vir cui non imputavit Dominus peccatum:* Igitur per solam remissionem peccatorum, exclusis gratiâ & charitate inhaerentibus, efficitur homo iustus & beatus; sicuti non sequitur: Dicuntur pauperes spiritu beati, ergo hi sunt iusti & beati etsi sint corde impuro & immundo; etsi iustitiam & misericordiam negligant; &c. deinde remissio peccatorum, & infusio gratiæ ac cæterarum virtutum inseparabiliter ex divina ordinatione coniuncta sunt, & propterea fit, quod dum vnum dicitur, censetur alterum inclusum, non exclusum. Vnde Scriptura hanc translationem hominis à statu iræ ad statum filiorum adoptionis Dei, proponit & explicat nunc nominibus quæ principaliter significant abiectionem seu desitionem termini à quo, v. g. nomine remissionis peccatorum, propitiationis, tæctionis seu cooptationis, ablationis peccatorum, & similibus; nunc verò nominibus quæ significant terminum, seu formam quæ acquiritur, vt nomine iustificationis, renouationis, viuificationis, regenerationis, resuscitationis, &c.

- 19 Sed contra replicant: verbum Tegi, & verbum Non Imputari, quibus Plaltes vtitur, important hoc, quod maneat illa in suo esse, quæ tegi & non imputari dicitur: ergo non videtur admittenda forma aliqua infusa, quâ ista deleantur aut abstergantur. Respondetur verborum proprietatem omnino spectando, non esse idem regaliquid & non imputari, quod deleri vel extingui: sed tamen in subiecta materia cum suis circumstantijs spectatâ

tegi, aut non imputari peccata esse idem; quod ea deleri & abstergi: nam ad tegi quod attinet, nihil potest coram Deo tegi, aut cooperiri, nisi pænitus deleatur & esse desinat: *Omnia enim nuda sunt & aperta* Calu-  
eris, vt dicitur ad Hæbræos 4. Quare dum Scriptura dicit aliquid tegi coram Deo, ex necessitate hoc ipso debet intelligi deleri & euanescere. Vnde quoque habet Scriptura hæc pro iisdem: & tegere vel cooperire, per delere sæpius ipsa exponit 2. Eldra, cap. 4. *Ne operis iniquitatem eorum, & peccatum eorum coram facie tua non deleatur.* Et Psalm. 50: *Auerte faciem tuam à peccato meo, & omnes iniquitates meas dele.* Sic etiam quod ad non imputari attinet, repugnat veracitati, & iustitiæ diuinæ, quod non imputaret Deus homini peccatum, quod à parte rei illi inest, & hominem impium & iniustum haberet pium & iustum. Quare melius hæc intellexit & exposuit Iulianus Martyr in Dialogo cum Tryphone circa finem: Beatus (inquit) cui non imputabit Dominus peccatum, hoc est, cui pœnitenti peccata remittet; non sicut prædicatis, vosmet ipsos fallentes, & alij quidam vestri similes asseuerant, etiam peccatores fuerint, modò Deum nouerint, non imputabit eis Dominus peccata. Adduxit autem Apostolus illud Dauidis, vbi exponit hominis iustificationem, & beatitudinem per peccatorum remissionem; quia hoc eius proposito confirmando valde seruiebat: versabatur enim in eo, vt ostenderet hominem non iustificari ex operibus suis, quæ ex se habet; sed iustificari gratis per gratiam Christi & fidem in ipsum; Quod efficacissimè inde ostenditur, quia ad beatitudinem, & iustitiam requiratur peccatorum remissio, quam constat debere gratis concedi: cum euident sit neminem per sua opera posse obligare Deum quem offendit, vt offensam remittat, & sibi reconcilietur.

Obijciunt Secundo: ad Rom. 5. dicitur, *Per vnus (scilicet Christi) obedienciam, iusti constituentur multi:* quod nihil aliud videtur significare, quàm Christi obedientiam esse nostram iustitiam, quatenus illa nobis imputatur. Respondetur, in eo quod dicitur, per vnus obedienciam, significari causam meritoriam, quâ multi constituentur iusti, non causam formalem, & proinde non significatur quod obiectio præterdit, idque potest manifestè ostendi ex Antithesi, quam facit Apost. sic enim scribit: *Igitur sicut per vnus delictum in omnes homines in condemnationem, sic & per vnus iustitiâ in omnes homines in iustificationem vitæ:* sicut enim per inobedientiam vnus hominis peccatores constituti sunt multi; ita & per vnus obedienciam iusti

iusti constituentur: atqui non sumus Adæ inobediētiā formaliter peccatores, sed illa efficiēter constituit nos peccatores, quia causat maculā & priuationem iustitiæ originalis debita inesse, à quibus formaliter dicimur peccatores: quare similiter non significatur nos obediētiā Christi formaliter esse iustos, sed eā nobis meruisse iustitiam, & sic per illā iustos constitui multos.

21 Obijciunt Tertiò: Ad Rom. 10. Apostolus reprehendit Iudæos, quod ignorantes Dei iustitiam, & suam querentes statuere, iustitiæ Dei non sint subiecti: ergo pariter qui ignorant, aut nolunt agnoscere Dei iustitiam nobis imputatur, sed suam inhærentem sibi iustitiam querunt constituere, reprehendendi sunt tanquam qui Dei iustitiæ non velint subesse. Respondetur iustitiam Dei ab Apostolo vocari iustitiam, quæ habetur ex dono Dei: iustitiam autem nostram vocari illam, quam nobis arrogamus tanquam proprijs viribus quæ ex nobis sunt comparatam: vt explicat D. Aug. lib. De gratia & libero arbitrio cap. 12. & alijs pluribus locis. Vnde hæc verba Apostoli nihil hic ad rem faciunt: reprehendit enim Iudæos qui æstimabant se proprijs viribus legem implere, & sic suis meritis, non autem gratis & ex Dei dono iustitiam consequutos, & iustos effectos: cuiusmodi iustitia vana & nulla erat, non autem reprehendit fideles, qui credebant per fidem Christi gratis se iustificari, & sibi gratiam & charitatem per Spiritum Sanctum intrinsecus infundi.

22 Obijciunt Quartò: 1. ad Cor. cap. 1. dicitur, *Qui saluus est nobis sapientiā à Deo, & iustitiā, & sanctificationē*, &c. ergo nostra iustitia nō est alia, quàm quæ est in Christo, & nobis imputatur. Respondetur N. C. dicitur enim Christus nobis factus à Deo iustitia alijs de causis; ac in primis quia Christus est causa meritoria nostræ iustitiæ, eamque ipse operatur in nobis: sic enim dicitur recte iustitia nostra, sicuti dicitur Fortitudo nostra, Psal. 17. Patientia nostra Psal. 70. & Salus nostra Psal. 26. Hoc enim quo sensu dictū sit, explicatur Psal. 36. vbi dicitur: salus autē iustorum à Domino; quæ admodum etiā dicitur sapientiā nostra, redemptio nostra, & pax nostra: quia scilicet sapientiā nobis donat, & Patri suo nos reconciliavit pacificas quæ in terris & quæ in cœlis sunt. Secundo potest dici iustitia nostra, quatenus ipse est pretij iustum Deo Patri oblatum, quo secundum iustitiam redempti sumus; cuius pretij participatione iustificamur quicumque iustificatur: sic quidē quod pretium illud, eiusque oblatio à Christo facta reputentur nobis quasi nostra essent, quia nobis donata sunt: sed non sic,

vt ex sola illa extrinseca imputatione efficiamur iusti, & Sancti: Verum quod ex illorū intuitu nobis vera iustitia, & sanctitas intrinsecus infundatur, quibus eluantur & deleantur peccatorum maculæ.

23 Obijciunt Quintò: 2. ad Cor. cap. 5. dicitur; *Deus erat in Christo mundum reconcilians sibi, non reputans illi delicta ipsorum*: ergo tota iustitia & reconciliatio nostra consistit in non imputatione peccatorum. Deinde dicitur ibidem: *Eum qui non nouerat peccatam, pro nobis peccatum fecit, vt nos efficiamus iustitia Dei in ipso*; ergo sumus iusti iustitia Dei, quæ est in Christo, & non iustitiā aliquā nobis inhærente. Respondetur ad primum N. Consequ. quia in primis illud; *Non reputans illi delicta ipsorum*, potest intelligi sicut supra n. 18. explicauimus illud Davidis *Beatus vir cui non imputauit Dominus peccatum, vt non reputans &c.* sit idem, quod per gratiæ infusionem delens ac remittens peccata. Deinde potest alio modo exponi locus ille, vt sensus sit: quod Deus non attentis humani generis delictis, quæ non fauorem, sed iram merebantur, ipse tamen pro sua bona voluntate dederit nobis Christum mediatorem, qui nos reconciliaret Deo quasi in præparatione animi vt sic dicam ex parte Dei, qui stat ad osium & inuitat, vt nos eam reconciliationē apprehendamus & nobis applicemus. Vnde non est sermo de actuali reconciliatione vniuscuiusque in particulari cum Deo; quod ex eo satis constat, quia mox subiicit Apostolus: *Obsecramus pro Christo, reconciliamini Deo*: vbi hortatur fideles ad eam reconciliationem in vniuersali factam sibi particulariter applicandam, quæ fit per iustitiæ inhærentis acquisitionem: & hic sensus magis congruit textui. Ad secundum Respondet ut similiter N. C. quia per iustitiā Dei intelligitur iustitia nō quā ipse iustus est, sed quæ ab ipso nobis donatur, vt exponit D. Aug. de Spiritu & Littera cap. 18. Sensus igitur est vt sumus iusti iustitia quæ à Deo est per Christum. Quoniam autem dixerat: pro nobis fecit peccatū eum, qui peccatum non nouerat, ideo vt secundum verba constaret Antithesis, dixit potius, vt sumus iustitia Dei in ipso, quam vt sumus iusti. Neque hic loquendi modus in abstracto est insolens aut nouus, cum alijs dicat Apostolus: *Eratis aliquando tenebra: nunc autem lux in Domino* ad Ephes. 2. Et Matth. c. 5. *Vos estis sal terre, vos estis lux mudi*. Cōgerunt heretici & alia plura Scripturæ loca ad eundem suum errorem confirmandum: sed ex iam dictis non erit difficile ad illa respondere: quæ etiam licebit videre latius explicata apud Bell. lib.

2. De Iustificacione cap. 12.

Sed disputant hic Scholastici an omni-  
V u ij no ab-

no absolutè ad peccati mortalis remissionem sit necessaria gratiæ infusio, sic ut sine hac non possit vilo modo fieri? Pro resolutione.

25 Respondetur & Dico Primò: Secundū legem Dei ordinariā, absolutè requiritur ad peccati remissionem gratiæ infusio: nec illa sine hac fieri potest. Est certa doctrina, & patet ex hæcenus dictis, quæ procedunt secundū ea quæ sunt aut fieri possunt in hæcēdo diuinis ordinationibus, quas circa peccata remittenda, & circa peccatores in gratiam & amicitiam suam admittendos, obseruare constituit; neque hac de re potest vlla esse controuersia inter Catholicos.

26 Dico Secundò: Loquendo generaliter, si Deus hominē ordinasset tantum ad se tantam finem naturalem, & condidisset eum cum solis perfectionibus naturalibus absq; supernaturalibus donis, tunc quemadmodum peccando non incurrisset gratiæ habitualis priuationem, ita quoq; in statu tali potuisset fieri peccati remissio absque gratiæ habitualis, cæterarumq; virtutum supernaturalium infusione. Est per se euident: quia sicut ab initio potuisset Deus creare hominem rectum, & ad ipsum tanquam suum naturalem finem conuersum absque infusione aut superadditione gratiæ supernaturalis, sic quoque nihil occurrit repugnans, quo minus, si contigisset hominem per peccatum ab illa rectitudine deficere, & à Deo ut sine naturali aucti, possit rursum Deus illum ad se conuertere, & rectitudinem naturalem restituere absque doni supernaturalis infusione, & proinde etiam peccatum remittere & delere.

27 Dico Tertiò: Loquendo de homine cum donis supernaturalibus condito, & per ea ad Deum tanquam finem supernaturalem conuerso & ordinato probabile est, talis hominis peccatum quo eiusmodi dona amittit, absolutè non posse remitti à Deo absq; gratiæ infusione manendo in eodem statu quem supponimus. Est D. Thomæ hoc loco: nam in fine Corporis sic concludit; Et ideo nō posset intelligi culpæ remissio, si non adellet infusio gratiæ. Quod autem id intelligat secundum moderationem nostræ Conclusionis, Colligitur ex eo quod præcedit: Effectus autem diuinæ dilectionis in nobis, qui per peccatum tollitur, est gratia (inquit) quā homo fit dignus vitā æternā: quibus satis significat se loqui de remissione culpæ, quā fuit sublata gratia. Idem significat 3. p. qu. 87. art. 3. Similiter sentient Caiet. hic. Capreolus in 4. d. 2. q. 2. a. 3. Bellarminus supra c. 16. à Valentia hic q. 5. punc. 5. dub. vltimo Et quidem absolutè non posse sic fieri pec-

cati remissionem sine gratiæ infusione, ut illā ipsā remissione solā efficiatur homo simpliciter iustus, videtur per se manifestum: quia iustitia absolutè & propriè dicta non est tantum ens aliquod morale nobis attributum per extrinsecā Dei vel aliorum apprehensionem aut reputationē; sed est qualitas vera & realis, siue aggregatum virtutum realium verè & realiter in homine existentium, quibus debito modo est finis suo conformatus, & secundum rectum ordinem ad illum dispositus, ut circa initium articuli diximus: non potest igitur per absolutam Dei potentiam fieri, quod sine gratiæ infusione sic remittatur peccatum, ut eā remissione homo absolutè iustificetur, & fiat iustus. Et probatur ex Concil. Trid. Sess. 6. art. 7. vbi dicit iustificationis nostræ vnicam formalem causam esse iustitiam Dei, non quā ipse iustus est, sed quā nos iustos facit, quā videlicet (inquit) ab eo donati renouamur spiritu mentis nostri; atqui sine vnicā formali suā causa non potest existere effectus; ergo &c.

28 Probatur autem vltterius, quod nequidem possit fieri vera & absoluta remissio iuxta conclusionem sine gratiæ infusione: primo ratione D. Tho. quæ sic potest formari; quia non potest intelligi Deus remittere peccatum, siue offensionem, nisi ipse qui offensus erat & oderat peccatorem, eidem reddatur placatus, & quem auersabatur, incipiat iterum benevolentix affectu iuxta primam eius institutionem, prosequi: alioquin licet possit reatus pœnæ intelligi remissus, non tamen videbitur remissus reatus culpæ seu offensionis: atqui Deus secundum primā institutionem, ut supponimus, amavit hominem in ordine ad se tanquam ad suum supernaturalem, cuius amoris effectus erat gratia, per quam fiat idoneus & proportionatus tali fini & diuine amicitie, ergo non potest Deus intelligi modò remittere absolutè peccatum sine gratiæ restitutione.

29 Probatur Secundò: quia non tantum actuale peccatum, sed etiam habituale est aliquid inexistentis homini à parte rei, neq; tantum est morale aliquod figmentum rationis, quod reuera non esset tam in homine peccatore; quā in intellectu illorum qui illud apprehendunt, & ita de homine iudicant, cum nō possit illud explicari esse aliud, quam extrinseca quædam denominationatio ab actu præterito. Confirmatur assumptum primo: quia Concil. Trident. in decreto de peccato originali Sess. 5. docet illud inesse vnicuique proprium, & transfusum omnibus: ergo vult peccatum originale esse aliquid à parte rei existentis homini; & eadem est ratio de pec-

de peccato habituali personali. Deinde dicit ibidem: In renatis nihil odisse Deum; ergo supponit in non renatis & peccatoribus aliquid à parte rei inesse, quod Deus oderit. Quidam autem illud sit, explicuimus supra quæst. 82. artic. 1. & 3. & quæst. 86. ar. 1. ubi ostendimus esse priuationem iustitiæ inesse debetæ cum habitu dine ad peccatum actuale tanquam suam causam, siue vt causatam per actuale peccatum: atqui quod verè & à parte rei est in homine, & non tantum per intellectus attributionem, siue sit forma positiua, siue formæ positiuæ priuatio, vt est v.g. cœcitas, surditas &c. non potest tolli etiam per absolutam potentiam per aliquā actionem omnino extrinsecè se habentem ad hominem; sed opus est: aliquā mutatione in homine à parte rei, siue qua formā realem quam habebat, amittat, siue qua formam quā priuatus existerat, acquirat; ergo absolute non potest Deus huiusmodi peccatum remittere sine reali mutatione hominis, quæ fiat per gratiæ infusionem, quæ tollatur id quod in homine à parte rei erat, & peccati rationem obtinebat. Probatur Consequentia; quia fieri non potest, quod peccatum, siue quod peccati ratione habebat, remaneat & tamen Deus remittat, aut non imputet prout hæretici fieri contendunt; sicuti nec quod hominem à se auersum, & inimicum mortalem amet amore beneuolentiæ tanquam amicum. Et quia hæc doctrina conformis Cone. Trid. loco citato, ubi dicit simpliciter per gratiam quæ in baptismo confertur, reatum originalis peccati remitti, & per eam tolli totum id, quod veram & propriam peccati rationem habet.

30 Sed Dicit aliquis: etsi priuatio illa non possit per extrinsecam remissionem vel non imputationem tolli, tamen ab ea esse separabilem reatum culpæ; quia sine dubio posset Deus hominem priuare gratia absque ipsius actuali peccato, & tunc culpæ rationem non haberet, vt per se euident est; & proinde videtur, quod culpa poterit remitti sine gratiæ infusione. Respondetur rationem culpæ esse separabilem à priuatione iustitiæ in communi; Sed nego etiā diuinā potentia eam esse separabilem ab illa vt habet habitudinē ad peccatū actuale tanquam causam suam, quemadmodum neque hæc habitudo sic in particulari contracta separari potest: atque proinde culpam non potest Deus nisi delendo & priuationem cum sua habitudine tollendo, remittere aut non imputare; quia quamdiu in homine existerit, necessariò illam odit, sicut ipsum actuale peccatum.

Dicit aliquis secundo: Peccatum in

statu naturæ conditæ sine gratia & donis supernaturalibus potuisset remitti, non tantum sine infusione gratiæ habitualis, vt ante dictum fuit; sed etiam sine infusione aut inditione cuiuscunque qualitatis aut doni realis; ergo etiam modo: Et Confirmatur, quia per peccatum non fuisset necessariò in illo statu ablata aliqua realis qualitas: v.g. si homo sic cum solis naturalibus ad finem naturalem conditus peccasset contra finem suum mox, vt peruenisset ad plenum rationis usum, priusquam aliquas virtutes acquisiuisset, quas posset dici per peccatum amittere, nihil reale perdidisset ille homo peccando; ergo peccatum illud potuisset etiam remitti per solum extrinsecam Dei fauorem absque accessu alicuius bonæ qualitatis, aut dispositionis hominis: ergo idem videtur modo posse fieri.

Respondetur ad Assumptum, & ad eius 31 confirmationem, si aliqui velint habitualē rectitudinem & conuersionem hominis ad Deum, qualem habuisset si conditus fuisset tantum ad finem naturalem, non esse aliquid reale, neque consistere in aliqua qualitate, aut saltē in reali modo voluntatis sese habendi ad Deum vt finem suum; sed fore tantum meram extrinsecam Dei estimationem, quā reputaret & haberet hominem tanquā rectum & debetē dispositū in ordine ad se tanquam finem eius, tunc consequenter admittenda esse, quæcumque in obiectione allegantur: nam sicuti habitualis rectitudo & conuersio, eo quod ponantur tantum esse quid morale imputatiuū, poterunt sine reali mutatione hominis deperdi, sic quoque eorum priuatio haud dubiè poterit sine reali formæ restitutione tolli, & imputata rectitudo restitui.

32 Illis tamen positis, neganda erit Consequentia, & ratio est, quia peccata habitualia illius status, & huius erunt plane diuersæ rationis: nam illius consistent in priuatione rectitudinis & conuersionis ad Deum, vt per actuale peccatum causata, quæ tantum sunt quid rationis, vnde iterum per mentis operationem possunt redintegrari, & priuatio eorum tolli: sed peccata habitualia huius status consistent in priuatione formæ realis, quæ cum habitudine ad suam causam supra explicatam, tolli non potest, nisi per formæ realis restitutionem: vnde ex his posset formari argumentum pro doctrinā Diui Thomæ, quia non est possibile quod Deus etiam peccatum illius status remississet, nisi auersio hominis à Deo, siue priuatio conuersionis per peccatum causata tolleretur: quod enim Deus hominē à se auersum nō quocquā auerfaretur, V u iij non



non patitur iustum & rectum Dei iudiciū: ergo pari ratione, nisi auersio hominis in hoc statu consistens in priuatione conuersionis non moralis tantum, sed realis auferatur, non poterit peccatum remitti.

34 Posset Responderi Secundò, quod etiam naturalis rectitudo hominis ad Deum in illo statu non fuisset quid merè rationis, & reputatiuum; sed quod sita fuisset vel in aliquibus habitibus superadditis quamuis non supernaturalibus, vt in habituali amore naturali Dei; quem non est magis incongruū dicere fuisse homini inferendū cum naturā, quā quod credimus Adamū creatum cum donis supernaturalibus, & omnes posteros cum illis nascituros, si ipse non peccasset; vel certe quod ad minus sita fuisset in aliquo certē ordine & modo reali potentiz rationalis ad Deū, etiā si hic modus non poneretur à potentia vt res à re distinctus, quem modum turbasset & destruxisset peccatum illius status; sicuti v.g. conuersio visus corporalis ad aliquem est quidam modus ipsius qui inest à parte rei, etiā si non sit res à visu distincta, & potest turbari & tolli, etiā si visus in sua substantia non destruat.

### ARTICVLVS III.

*Vtrū ad iustificacionem requiratur motus liberi arbitrij?*

35 **C**onclusio Prima: In ijs qui habent vsum liberi arbitrij, non fit motio ad iustitiam, siue non iustificatur hi absque motu liberi arbitrij. Est D. Thomæ hic, & certa. Pro pleniori autem materie intelligentia.

Notandum est, duplicem posse hic considerari motionem voluntatis: vnā scilicet quā alteratur formaliter recipiendo iustitiam, quā Deus, hominem iustificando infundit; & de hac motionem voluntatis non intelligitur questio, quando proponitur: Vtrum ad iustificacionem requiratur motus liberi arbitrij; quia hoc per se euident est, iustitiam non posse voluntati infundi absque eius motione seu mutatione, quā iustitiam recipiat: Alteram vero motionem liberi arbitrij esse actum quendam eius, quo voluntas tendit aut disponit se ad iustitiam recipiendam; & de hoc motu siue actu quaeritur, an sit necessarius ad iustificacionem.

36 Probatur Conclusio nunc ratione D. Thom. quia Deus est, qui operatur in homine iustificacionem: ipse enim est qui iustificat impium; atqui Deus mouet vnāquamque rem accommodatē & propor-

tionatē ad naturam eius: hinc videmus quod aliter moueat insensibilia ad fines suos, aliter sensibilia: sed accommodum & conueniens est creaturæ rationali liberæ, quod in mutationibus suis ad acquisitionem formæ, ipsa quoque se liberā voluntate ad eam moueat: ergo est dicendum, aliter non fieri in illis qui liberi arbitrij vsum habent, & liberæ motionis sunt capaces. Confirmatur, quia in gratiæ infusione est quædam transmutatio animæ humanæ, & ideo (inquit) D. Thomas requiritur motus proprius animæ humanæ, vt moueatur scilicet in illa transmutatione secundum modum proprium, qui est vt per liberos actus transmutetur.

37 **C**onclusio Secunda: Non tamen vniuersaliter requiritur motus liberi arbitrij ad iustificacionem peccatoris. Est quoque D. Thomæ & declaratur in ijs qui nec habent, nec habuerunt vsum liberi arbitrij, & iustificantur susceptione baptismi, quod proinde fit absque proprio motu liberi arbitrij, sicuti infantes iustificantur, & etiam adulti amones qui nunquam habuerint rationis vsum. Et rationem congruentiā in his indicat D. Thom. quia culpam contraxerunt non actu voluntatis propriæ personalis, sed actu voluntatis primi parentis: quare congruebat, vt sicut per carnalem generationem in eos peccatum peruenit, ita etiam per spiritualem regenerationem à Christo in eos gratia deriuaretur; quandoquidem propriæ voluntatis motum adhibere non possint.

38 Sed petet aliquis primo: vtrum motus liberi arbitrij in ijs qui eius vsum habent, necessariò debeat esse simul cum ipsa iustificatione, seu gratiæ infusione? Respondetur breuiter: quando quis iustificatur sine reali susceptione sacramenti, videlicet per propriam dispositionem cum sacramenti voto, vt aliquando contingit, tunc necessariò motus iste est simul cum gratiæ infusione: quia ille est vltima & perfectā dispositio ad gratiam; quā posita infunditur simul iustitia: quando autem iustificatur aliquis per ipsum sacramentum, tunc necesse non est, quod motus liberi arbitrij simul sit, sed potest sufficere quod præcesserit. Vnde tamen si quis animo distrahatur, (si aliās antea se sufficienter disposuerit) quando baptisatur, aut absoluitur, non idcirco impediatur eius iustificatio.

39 Petet aliquis Secundo: Vtrū sine motu liberi arbitrij etiā præuio possit quis iustificari habens vsum rationis? Respondetur breuiter: si loquamur de absolutā Dei potentia, illud fieri posse, quia nulla in eo apparet repugnantia: sed iuxta legem ordinariā id fieri non posse; quia statuit Deus

Deus non saluare hominem qui proprii actus conuerſionis capax est, ſine eius operâ: neque enim contentanum est rationi reconciliationis (vt ex ijs quæ inter homines fiunt, faciliè poteſt apprehendi) neque ordini diuinæ ſapientiæ, vt aliter fiat.

#### ARTICVLVS IV.

##### *Utrum ad iuſtificationem impij requiratur motus fidei?*

40 **C**oncluſio D. Thomæ eſt: Motus fidei requiritur ad Impij iuſtificationem. Sermo eſt de adultis habentibus v. ſum rationis: nam licet paruuli non iuſtificentur quoque ſine inſuſione habitus fidei, tamen in iſtis non requiritur actus aliquis fidei, qui antecedenter ſe habeat per modum diſpoſitionis ad iuſtitiæ inſuſionem; de cuiuſmodi autem motu ſeu actu hic eſt quæſtio, vtrum ad iuſtificationem requiratur. Eſt cõcluſio omnino certa de fide: & euident ex Scripturis ſacris, Ad Hebr. xi. *Sino fide autem impoſſibile eſt placere Deo: credere enim oportet acceden-tem ad Deum, quia eſt; & inquirentibus ſe remunerator ſit.* Ad Gal. 3. *Qui ergo vobis tribuit ſpiritu- m, & operatur virtutes in vobis: ex operibus legu, an ex auditu fidei?* Et paulo inſtrâ: *Pronidens autem Scriptura, quia ex fide iuſtificat gentes Deum, prænuſtiatit Abrahæ &c.* Ad Rom. c. 5. *Iuſtifi- cati ergo ex fide, pacem habeamus ad Deum per Dominiuſ noſtrum Ieſu m Chriſtu, per quem & habemus acceſſum per fidem in gratiam iſtam, in quâ ſtamus & gloriamur in ſpe gloria &c.* Ioannis 1. *Dedit poteſtatem filios Dei fieri, his qui credunt in nomine eius.* Marci vltimo: *Qui non crediderit condemnabitur.* Idem confir- mari poteſt ex pluribus alijs Scripturis, quarum aliquas inſtrâ ad ſequentes Concluſio- nes adducemus. Hinc Conc. Trid. Seſſ. 6. cap. 8. docet fidem eſſe humanæ ſalutis initium, fundamentum, & radicem omnis iuſtificationis, ſine quâ impoſſibile ſit placere Deo, & ad filiorum eius conſortium peruenire.

41 **Hæretici quoque noſtri temporis omnes fidei motum ad iuſtificationem dicunt eſſe neceſſarium: ſed tamen circa hanc mat- teriam pernicioſe errant in duobus grauif- ſimis punctis: Primò, quia quando doc- cent requiri actum fidei, non agunt de eâ fide quæ reuera fides Chriſtiana eſt; ſed de quadam temerariâ & minimè fundatâ fiducia, ſeu præſumptione, quâ ſibi quiſq; certo perſuadere debet, ac certo confide- re per Chriſtuſ ſibi peccata omnia eſſe remiſſa, & ſe in filium Dei eſſe adoptatum. Diſtinguit autem triplicem fidem; vnam**

vocant hiftoricam, quâ ſcilicet ex diuinâ auctoritate credimus eſſe vera omnia illa, quæ in Scripturis narrantur. Secundam dicunt eſſe miraculorum, quâ ſcilicet im- petrantur & fiunt miracula. Tertiam vo- cant fidem promiſſionum, quâ credimus diuinas promiſſiones; & hanc ſubdiui- dunt in generalem, quâ credimus in gê- nere Deum in ſuis promiſſis eſſe veracem, & in fidem ſpecialem, quâ videlicet, vt iam diximus, ipſi credunt Dei promiſſiones ſibi vnicuique in particulari eſſe applica- tas, ſibi que per Chriſtuſ omnium pecca- torum remiſſionem eſſe factâ, & adoptio- nem filiorum Dei ſe eſſe conſequutos. Se- cundo errant in hac materiâ, quod velint ex parte hominis fidem hanc ſpecialem ſolam requiri, eamque ſufficere ad iuſtitiâ conſequutionem & ſalutis; nec aliud quid- quam eſſe neceſſarium. Contra quos er- rores ſit

42 **Concluſio Secunda:** Motus fidei quem dicimus ad iuſtificationem impij requiri, nõ eſt actus vel motus vanæ illius & præ- ſumptuoſæ hæreticorum fiduciæ, magis ad voluntatem, quâ ad intellectum perti- nens, prout ipſi eum explicant; ſed eſt aſſenſus intellectus, quo quis firmiſſimè credit vera eſſe omnia, quæ diuinitus ſunt reuelata, & promiſſa: atque illud inprimis à Deo iuſtificari impium per gratiam eius, per redemptionem quæ eſt in Chri- ſto Ieſu. Eſt certa de fide, vt patet ex Conc. Trid. Seſſ. 6. Can. 12. Si quis dixe- rit fidem iuſtificantem nihil aliud eſſe, quàm fiduciam diuinæ miſericordiæ pec- cata remittentis propter Chriſtuſ, vel eam fiduciam ſolam eſſe quâ iuſtificamur, Ana- thema ſit: & Canon 13. Si quis dixe- rit omni homini ad remiſſionem peccato- rum aſſequendam, neceſſarium eſſe vt cre- dat certò & abſque vllâ hæſitatione prop- riæ infirmitatis & diſpoſitionis, peccata ſibi eſſe remiſſa, Anathema ſit. Et ibidem cap. 6. explicat, quis ſit ille motus fidei qui ad iuſtificationem requiritur; dum ſic ſcribit: *Disponuntur autem ad iſtam iuſtitiam, dum excitati diuinâ gratiâ & adiuti fidem ex auditu concipientes, liberò mouentur in Deum: credentes (inquit) vera, quæ diuinitus reuelata & promiſſa ſunt; atque illud inprimis, à Deo iuſtifica- ri impiuſ per gratiam &c.*

43 **Et Probatur ex Scripturis, quæ dum requirunt fidem, maniſeſtè agunt de cre- dulitate & aſſenſu intellectus, quo quis credat veritates diuinitus reuelatas, ac inprimis quæ ad Deum ipſum, & ad myſte- rium Incarnationis, cuiusque finem perti- nent.** Ad Hebr. xi. commendatur fides illa, quâ crediderunt ſancti, Verbo Dei  
V u iij aptata

aperta esse sæcula, quæ nõ est fiducia certa de peccatis tibi remissis; sed assensus intellectus, quod adhæret veritati diuinitus reuelatæ. Sic ad Rom. 10. dicitur: *Hoc est verbum fidei quod prædicamus, quia si confitatur in ore tuo Dominum Iesum, & in corde tuo credideris, quod Deus illius suscitauit à mortuis, saluus eris*: Vbi iterum manifeste agitur de credulitate intellectus, quâ quis credit verum esse, quod Deus Christum à mortuis suscitauerit: non autem de vanâ hæreticorum præsumptione, quâ credunt & præsumunt sibi certò omnia peccata per Christum esse remissa. Añ. cap. 8. *Dixit autem Philippus: si credas ex toto corde, licet*: scilicet te baptisari: & Respondens Eunuchus, ait: *Credo filium Dei esse Iesum Christum*: & cum istâ fide baptisatur, non requisitâ fide, quâ sibi certò persuaderet peccata per misericordiâ Dei sibi esse remissa. Matth. cap. 9. rogat Christus à cæcis: *Creditis quia hoc possum facere vobis*? Lucæ cap. 5. *Domine si vis, potes me mundare*, vbi fides de omnipotentia filij Dei, non certissima fiducia de voluntate eius, præstitit cæcis visum & leproso sanitatem. Matr. 16. confessio Petri erat: *Tu es Christus filius Dei viui*: & hæc audiuit, *Beatus es Simon Bariona*: quia caro & sanguis non reuelauit tibi. & Ioannis 6. *Verba vite æternæ habes*; & nos credimus quia tu es Christus filius Dei viui Ioannis 20, quando dixit Thomas *Dominum meum & Deum meum*: qui erat actus fidei historice circa veritatem reuelatam, non circa promissionem, Respondit Christus: *Quia vidisti me Thoma, credidisti: beati qui non viderunt, & crediderunt*. Lucæ 18. Pharisæus reprehenditur, nec iustificatur, qui in se confidebat tanquam iustus; & laudatur Publicanus qui cum timore & verecundia veniam præcabatur agnoscens peccata sua, & dicens: *Deus propitiuss esto mihi peccatori*: & legitur hic descendisse iustificatus ab illo. Nec Responderi potest, quod Pharisæus idcirco reprehenditur, quod iustitiam sibi adscriberet ex proprijs suis viribus; nam ipse Deo gratias agit, quod non sit sicuti cæteri hominũ: magis itaq; reprehenditur propter vanam & arrogantem illâ præsumptionem, quâ iudicabat se iustum, & alios peccatores. Denique 1. Ioannis cap. 5. dicitur: *Omni qui credit quoniam Iesus est Christus, ex Deo natus est*: fides ergo quæ exigitur secundum Scripturam ad iustitiam & salutem, non est illa præsumptuosa fiducia, quâ quisque sibi certò persuadeat peccata sua per misericordiam propter Christum sibi remissa: sed est fides quâ quis firmiter adhæret & assentitur omnibus veritatibus, & promissionibus diuinitus reuelatis, sic vt ad promissiones Dei quod attinet, cre-

dat Deum veracem, & fidelem: neque aliorum incredulitatem, aut peccata posse euacuare eius fidem in promissis absolutè factis, vt docet Apostolus ad Rom. 3. & quatenus conditionatè vnunquemque in particulari concernunt, ea quoque adimplenda esse circa illum, si obstaculum non posuerit, & condiciones requisitas præstiterit.

Probatur Conclusio Secundò ex perpetuo vsu & praxi Ecclesiæ, quæ habent quod Cathecumenis fides proponatur, & explicetur iuxta Symbolum Apostolorum: & hæc fides ab ijs exigatur, vt etiam ex exemplo Eunuchi supra allegato colligitur; & constat ex libro D. Augustini de Cathecisandis Rudibus: quod & alij Sancti PP. passim in scriptis suis satis declarant: nunquam autem solet Ecclesia requirere talem fidem à Cathecumenis, quâ quisquam debeat credere peccata sua esse remissa; sed benè quidem per Christum, eiusque satisfactionem & merita esse eis remittenda, si cū bona dispositione, media à Christo instituta fuerint ipsi applicata. Probatur denique ratione: quia fides, vt inculcant vel maxime hæretici, in nihil aliud debet referri, quam in verbum Dei: nõ enim potest esse certa & infallibilis nisi eius auctoritate nitatur, qui nec falli nec fallere potest: atqui in verbo Dei nusquam, neque in scripto, neque in tradito reperitur denuntiata mihi vel illi in particulari peccatorum remissio facta vel iustitia collata: non igitur possum certâ fide Christianâ credere mihi peccata esse remissa.

Dicent fortassis: extant promissiones generales, & in generalibus istis continentur: particulares, quibus vnusquisque in particulari certificatur de peccatis sibi remissis. Declaratur, Ioannis 3. dicitur: *Qui credit in filium, habet vitam æternam*: cuius sensus est vniuersalis, licet propositio indefinitè exprimitur. Añ. cap. 13. *In hoc omni qui credit, iustificatur*: & ad Rom. 3. *Iustitia Dei per fidem Iesu Christi in omnes & super omnes qui credunt in eum*: ergo &c. Sed contra facit, nam in primis manifestum est, quod Scripturæ illæ non agant de fide promissionum cui attribunt nostram iustificationem: sed de fide historica, quâ quis credit veritates diuinitus reuelatas, v. g. Christum esse filium Dei, esse passum & mortuum pro humano genere redimendo, esse à mortuis resuscitatum, & similia: nam quid intelligat D. Ioannes per hoc quod dicit: *Qui credit in filium*, explicuit 1. epistola cap. 5. quan lo dicit: *Omni qui credit, quoniam Iesus est Christus*: & paulo infra: *Quæ est qui vincit mundum*.

nisi qui

nisi qui credit quoniam Iesus est filius Dei. Similiter D. Paulus, quid intelligat per illud: *In hoc omnia qui credit*, explicuit ad Roman. 10. quando ita scribit: *Et in corde tuo credideris, quod Deum illum suscitavit à mortuis, salus eris*: quare credere, cui tribuunt Scripturæ iustitiam & salutem, non est præsumere & certò habere persuasum peccata sibi esse remissa propter Christum; sed est credere omnia de Christo, quæ de illo nobis diuinitus sunt reuelata simul cù alijs quibuscūq; diuinitus nobis manifestatis; atq; ita allegatæ Scripturæ, nihil omnino faciunt pro vanà illa hæreticorum fiducià.

45 Si dicant, Saltem ex eo quod quisque in Christum credat, possit consequenter per bonam collectionem ex dictis Scripturis credere certò sibi peccata esse remissa, & se iustum esse; Respondetur Primò, non posse unumquemque certà fide cognoscere, quod in Christum credat ex toto corde, ut requirebat Philippus ab Eunuchis, & eo modo ut oportet, non enim omnes qui existimant se credere & habere fidem Christi, illi habent: quòd aduersarij debent necessariò fateri, quia nulla est secta, quæ non alios, qui Christiano etiam nomine gloriantur, condemnent tanquam hæreticos, & à vera fide aberrantes. Vnde & Caluinus lib. Institutionum, cap. 2. ita scribit: Tot vanitates recessus sunt, tot mendacij latebris scatet cor humanum, tam fraudulentè hypocrisis obiectum est, ut se ipsum sæpe fallat: at verò (inquit) qui talibus fidei simulachris gloriatur, intelligat Diabolus se in hac parte nihil præcellere: non possunt ergo hæretici per certam collectionem deducere ex Scripturis præsumptuosam suam fiduciam, cum ipsum subsumptum quod præsupponunt, sit minime certum certitudinæ fidei. Accedit, quod errent grauissimè, quando contendunt allegatas Scripturas sic intelligendas esse, ut fides sola sufficiat ad iustitiam & salutem, ut infra latius ostendemus.

46 Sed contra Conclusionem opponunt Primò Definitionem fidei ab Apostolo traditam ad Hebr. 11. ubi fides dicitur esse Substantia siue Hypostasis rerum sperandarum (id est, ut ipsi volunt & interpretantur) certa expectatio diuinæ misericordiae & salutis: ergò fides quæ iustificat, est certa persuasio & fiducia de peccatis sibi misericorditer remissis. Confirmant autem istam interpretationem, quia hypostasis solet expectationem significare, ut colligitur ex illo P salis. *Quæ est expectatio mea? nonne Dominus? & substantia mea apud te est?* Vbi pro eo quod latine dicitur, Substantia mea, habetur Græcè Hypostasis; Hæ-

braicum autem vocabulum significat absolute Expectationem: ergò &c.

Respondetur: Diuus Chrylost. Linguae Græcæ peritissimus, & optimè intelligens vñ & phrasim orationis Græcæ, ita de allegata definitione Fidei scribit: Quoniam ea quæ sunt in spe; sine substantiâ esse putantur, Fides eis tribuit substantiam, magis autem eis non tribuit: sed ipsa est essentia eorum, ut puta, resurrectio necdum facta est, & necdum est in substantia, sed Fides facit ea subsistere in animâ nostrâ: hoc est, (inquit) quod dixit substantia: Iuxta Chrylostomum ergo, quando Fides dicitur Hypostasis, non significat ibi hypostasis certam & indubitatam fiduciam rei speratæ, vel potius, ut hæretici volunt, rei iam conquistæ, scilicet remissionis peccatorum iam obtentæ, etsi inter diuersa illius nominis significata, posset quoque reponi expectatio: sed Fides dicitur hypostasis rerum sperandarum, quia res speratæ, v.g. corporis resurrectio, vel animæ beatitudo in nobis adhuc sperantibus non habent esse; siue substantiam nisi per Fidem: quâ illa apprehendimus, & credimus ista bona esse præparata diligentibus Deum. D. August. verò lib. 2. De peccatorum meritis, cap. 31. & epist. 112. ad Paulinum, & alibi vix hæc verba Apostoli citat, legit substantiam sperantium: est enim vox græca ambigua, & sic iuxta hanc lectionem, Fidem vocat ipse substantiam, quia est fundamentum & basis quæ sustentat hominem iustum; qui despiciens terrena, sperans celestia: quo sensu dicitur iustus ex fide viuere, quia fides de rebus speratis sustentat, & firmat hominem, ne viam & vitam iustitiæ deserat. Quod autem ad confirmationem attinet, dicendum est etiam eo loco hypostasis significare substantiam, vel latinus Interpres vertit; nec referre quod Hæbraicè sit, Et expectatio mea apud te est; quia facile obseruare est, per expectationem ibi intelligi rem siue substantiâ expectatâ, seu bonum speratû, quod est vera vita & nostra substantia apud Deum. Vnde 70. rectè vertitur, Et substantia mea apud te est.

Obijciunt Secundò: Ad Rom. 4. Apostolus dixit Abrahamum esse iustificatum ex fide, ubi nomine fidei intellexit fiduciam: quod declaratur, nā explicans hanc fidem Abraham dicit: qui contra spem in spem credidit, & infra, non hæsitauit diffidentia; ergò &c. similia sunt illa apud Marcum cap. 11. *Omnia quacumque orantes petitis, credite, quia accipietis & euenient vobis*: ubi (credite) ponitur pro confidite: Item illud Iacobi 1. *Postulet autem in fide nihil vacillans* & cap. 20. lib. 2. Paralip. *Credite in Domino Deo vestro & securi eritis*. Respondetur in

tur in locis obiectis nomen Fidei & Credere accipi propriè pro Fide Catholica, quâ credimus id quod Deus revelat, & credimus obuenturum quod promittit, & quidem quod in particulari & absolute promittit, id in particulari & absolute euenturum; quod autem in communi & sub conditione promittit, id quoque euenturum, sed in ijs, in quibus conditiones explebuntur. Illud ergo quod dicitur: *Qui contra spem in spem credidit*: hunc habet sensum: qui contra ea quæ, naturam rerum spectando, spem omnem posteritatis ex Sara adimebant, credidit in spem: id est, credidit omnipotentis & diuinæ promissioni, ex quibus spes firmissima orta est posteritatis à Deo promissæ: Credidit ergo in spem, quia fides spem generabat, quam rerum natura in se spectata omnino tollebat: quod autem dicitur: *In re promissionis etiam Dei non hesitavit dissidentia*, rectè exponitur, vt significetur nullâ laborasse omnino incredulitate, sed firmissimâ fide semper credidisse diuinæ promissioni sibi factæ. Vnde additur: *Sed confortatus est fide, deus gloriam Dei, plenissime sciens, quia quæcumque promisit, potens est & facere.*

49 Deinde, etsi admitteretur ibi commendari firmam Abrahamæ spem & fiduciam, quando dicitur, *Non hesitavit dissidentia*, non tamen idcirco sequitur, quod illa sit fides, vel eadem cum fide, quæ in Abrahamo commendatur: sed erit quasi fructus & effectus fidei quâ credidit omnipotentis diuinæ, & promissioni sibi particulariter factæ de semine eius instar stellarum cæli multiplicando. Sic etiam quod apud Marcum dicitur: *Credite quia accipietis*, spectat ad fidem propriè dictam; sed ista credimus sub conditionibus subintellectis, si nos videlicet bene petamus, & nobis expediat vt donetur. Eodem modo intellige illud Iacobi: *Postulet in fide nihil hesitans*; id est, firmâ fide credat in Dei omnipotentia, & diuinis promissis, quod scilicet ipse possit dare & facere quod petimus, quodque nos non fraudabit postulatis, si ex parte nostra fecerimus requisita, & nobis illa expediant. Quod ex lib. 2. Paralip. adducitur, de credulitate fidei propriè dictæ quoque accipiendum est: quia Deus solet fideles suos, qui cum viuaci fide illi adherent, quandam animi securitatem contra aduersa omnia concedere, quâ, vel aduersa superent, siue eadant, vel obuenientia cum quadam patientia sine perturbatione animi tolerant.

50 Obijciunt Tertio quædam Scripturæ loca, vbi aliqui reprehenduntur propter timiditatem: quæ reprehensio refertur in defectum fidei; ex quo ipsi inferunt, si-

dem non esse aliud quam fiduciâ, cui propriè opponitur timor: Matth. 8. *Quid timidi estis modice fidei*: Matth. 14. *Modice fidei quare dubitastis* & cap. 16. *Quid cogitatis inter vos modice fidei*? Respondetur rectè timiditatem quæ induciæ opponitur, referri in defectum fidei: quia fiducia oritur ex fide, & ad fidem excitatam & fortem sequitur ordinariè etiam peculiaris quædam & magna fiducia; sicut è contra ad languidam & remissam solet sequi anxiosa sollicitudo, & timor; præsertim vbi de rebus corporalibus & temporalibus agitur; de quibus est sermo omnibus istis locis citatis: nam qui magnâ fide apprehendit Deum omnipotentem, & particularem gerere curam, & habere singularem providentiam totius creaturæ suæ, & præsertim ipsius hominis, vt Christus inculcat Matth. 6. non facile turbatur, quidquid triste, vel aduersum ei acciderit: Verum ex illa fide acceptat omnia de manu Domini, tanquam ad probationem, vel iustam castigationem immissa, quæ sibi non obfutura, sed in bonum cooperatura, secura mente confidit. Econtra verò qui in fide illa est fragilior, statim ad omnem occasionem pertimescit, & anxiosa animi sollicitudine perturbatur. Accedit quod omnia obiecta loca nihil pro doctrina hæreticorum faciant, qui volunt fidem iustificantem esse fiduciam certâ de peccatis sibi remissis, cum tamen locis allegatis tantum agatur de fiducia habenda in Deo, quod providebit de necessarijs ad vitam temporalem.

Obijciunt Quarto illud ad Rom. 4. c. *Ideo ex fide, vt secundum gratiam firma sit promissio omni semini*: vbi volunt fidem sumi pro fiducia, quâ quis acceptat diuinam promissionem, scilicet de peccatis sibi remissis: sed manifestum est ex ijs quæ infra eodem cap. scribit Apostolus, fidem omnino accipi propriè, vt quando dicit: *Sed confortatus est fide dans gloriam Deo, plenissime sciens quia quæcumque promisit, potens est & facere*: nâ scire & credere non sunt actus fiduciæ, sed actus intellectus & fidei historicæ, vt hæretici sere loquuntur, seu dogmaticæ, vt cõmuniter loquuntur DD. Catholici: sensus igitur istorum verborum est: Ideo ex fide (scilicet Abraham est iustificatus) non autem ex lege, aut ex factis legis, vt promissio secundum gratiam sit firma omni semini: nam si ex lege esset iustificata, & consequenter hæreditas, tunc non esset firma promissio omni semini Abrahamæ, quod ex varijs gentibus constatum est, iuxta illud Genes. 17. *Quia patrem multarum gentium posui te*: non (inquam) esset firma omni semini, quandoquidem non omne illud semen Abrahamæ sit aut fuerit sub lege; ac proinde si

51

inde si ex lege esset iustitia, non omne eius semen ad ipsius similitudinem consequeretur promissionem iustitiæ & hereditatis. Deinde non esset firma promissio secundum gratiam, quia arbitrantur Iudæi se ex meritis operum legis, quæ proprijs viribus cum legis tantum instructione præstant, iustificari, siue iustitiam assequi posse, atque ita non gratis, siue non secundum gratiam, sed secundum debitum daretur promissa iustitia. Ex fide igitur est iustitia & consequitur hereditas, ut sit firma promissio omni semini tam ex Gentilibus, quam ex Iudæis, qui sequuntur scilicet vestigia fidei Abraham, idque secundum gratiam, non secundum nostra merita, quibus primam gratiam obtineamus: quia fides est gratuitum Dei donum, quo reliqua necessaria impetrantur.

32 Conclusio Tertia: Etsi vera & Catholica Fides ad iustificationem requiratur, & concurret, ut in prima Conclusionem ostensum est, non tamen ea sola ad iustificationem sufficit.

Notandum autem hic Primò, quæstionem de sola fide iustificante posse tripliciter intelligi: Primò, an fides sola per modum dispositionis, aut alicuius prærequisiti iustificet? Secundò, utrum, ad hoc ut homo sit formaliter iustus, sufficiat fides sine obedientia legis saltem in habitu, & sine aliarum virtutum habitibus? Tertiò, utrum ad iustitiam conferendam sufficiat fides sola, an verò etiam requirantur opera?

Notandum Secundò, Conclusionem nostram, ut accommodatè ad materiam, quam hic disputat D. Thomas, intelligatur, propriè accipiendam esse iuxta primum sensum, quia D. Thomas inquit hic de motu fidei, qui antecederet & dispositivè ad iustitiam concurret.

Notandum Tertiò, nihilominus Conclusionem subsistere veram in triplici sensu iam explicato: puta quod fides sola, neque per modum dispositionis, neque per modum causæ formalis, neque per modum causæ conferuatricis iustitiæ sufficiat.

Notandum Quartò, hæreticos quando docet fidem solam iustificare, etsi videantur plurimum velle fidei suæ tribuere, eamque extollere, nihil tamen à parte rei, illi concedere prout explicant: quia neque per modum causæ, siue efficientis siue formalis, neque per modum congruæ dispositionis vel meriti, aut impetrationis ad iustificationem concurrere, aut aliquid conferre: sed solum (ut loquuntur ipsi) relatiuè se ad iustitiam habere, quia fides respicit, & quasi recipit indulgentiam oblatam; quasi scilicet fides esset terminus

relatiuus dicens relationem accipientis vel acceptantis ad remissionem peccatorum, tanquam ad rem misericorditer à Deo oblatam. Quod sanè non nili ineptissime effingi potest, cum manifestum sit neque fidem, neque remissionem esse nomina suè terminos relatiuos, sed utrumque habere significationem absolutam, præterquam, quod fides ne quidem pro obiecto habere possit remissionem mihi, vel tibi, vel alteri in particulari qualitercunque dispositis, præstendam: sicut hoc ante latius ostendimus.

Ex quibus intelligi potest, quàm immeritò Calvinus in eo reprehendat Concil. Trid., quod non plus tribuerit fidei, quàm ut esset initium iustificationis: quandoquidem ipse cum alijs hæreticis penitus nullam rationem causalitatis ei tribuat in ordine ad iustificationem; & proinde fidem iustificantem constituat nudum titulum sine re. Non enim volunt hæretici, quod Deus intuitu fidei nostræ quomodo libet nos iustificet, aut peccata remittat: sed solum quod ad eius præsentiam simul in nobis indulgentia seu remissio existat: sicut ad vnus correlatiui positionem existit alterum.

54 Sed Conclusio est omnino certa de fide, ut patet ex Can. 12. & 13. Conc. Trident. Sess. 6. suprà allegatis. Et Probatur Primò, quia sicut vno loco Scripturæ sacra fidei attribuit iustificationem, sic alijs locis etiam attribuit eam diuersis alijs virtutibus. Deinde, quædam Scripturæ expressè docent alia præter fidem requiri ad iustitiam & salutem: ergo fides sola ad iustificationem non sufficit. Probatur prior pars Antecedentis; nam in primis de timore Domini loquuntur Scripturæ sacræ simili modo, quo de fide. Quemadmodum enim dicitur ad Hæbr. 11. *Sine fide impossibile est placere Deo.* Sic etiam de timore dicitur Eccles. 1. *Timor Domini expellit peccatum, & qui sine timore est, non poterit iustificari.* Deinde sicut fidei tanquam iustificationis principio attribuitur iustitia, ita quoque de timore dicitur: *Initium Sapientiæ timor Domini, ut habetur Psal. 110. & Proverb. cap. 10. ubi per Sapientiam intelligi perfectam iustitiam docet Aug. lib. 1. De sermone Domini in Monte, cap. 9. Præterea iustificat fides, quia fide Deum querimus, & per eam ad Deum accedimus: sed idem tribuitur timori, Psal. 71. *Cum occideret eos querebant, scilicet timore operante quod concutebantur, & reueriebantur, & diluculo veniebant ad eum.* Psal. 82. *Imple facies eorum ignominia, & quærent te Domine.* Sic Ionæ 3. cap. ad timorem incussum per Prophetam, Rex & populus Niniviticus egerunt penitentiam,*

nitentiam, & ad Deū redierunt : & sic alia multa quæ in Scripturis attribuuntur fidei quoad Iustificacionem, etiam de timore dicuntur : vt quemadmodum ad Galatas 4. dicitur per fidem in nobis formari Christum; ita quoque Isaïæ 26. dicitur iuxta versionem Septuaginta : à timore tuo concepimus, & peperimus Spiritum salutis : & sicuti dicitur Iustus ex fide viuere, sic timor Domini dicitur fons vitæ: Prouerb. cap. 17.

55 Eodem quoque modo sancti PP. de timore loquuntur: Aug. tract. 9. in epist. Ioannis, timor Dei sic vulnerat, quomodo medici fermentum putredinem tollit: opus est ergo vt intret timor primo, per quem veniat charitas: & de Cathecisandis Rudibus c. 5. rarissimè (inquit) accidit aut nunquam, vt quisquam veniat volens fieri Christianus, qui non sit aliquo timore Dei percussus. D. Bas. in Psalmū 35. tractans illud: Timorem Domini docebo vos; timor (inquit) salutaris, qui ad sanctitatem ducit. D. Greg. hom. 34. in Euangelia: praua mens, si non prius per timorem euertitur, à consueti vitij non emendatur. Ita quoque scribit de timore D. Hieron. in Malach. cap. 1.

56 Rursum quemadmodū fidei & timori attribuunt Scripturæ iustificacione, & salutem, sic quoque attribuunt & spei: Prou. 28. Qui sperat in Domino sanabitur. Psalm. 36. Saluabit eos quoniam sperauerunt in eo. Psalm. 99. Quoniam sperauit in me, liberabo eum, longitudine dierum replebo illum, & ostendam illi salutarem meum. Matt. 9. Confide fili, remittuntur tibi peccata tua: quod sic accipiendū est, vt intelligatur Primo Dominus dixisse: Confide fili, & cum eum erectum in spem salutis vidit, adiunxisse: Remittuntur tibi peccata tua, vt potest colligi ex Concil. Trid. Sess. 6. cap. 6. Similiter & SS. PP. docent Spem esse dispositionem necessariam ad Iustificacionem, D. Ambros. lib. 1. de pœnitentia cap. 1. Nemo potest benè agere pœnitentiam, nisi qui sperauerit indulgentiam. Cyprian. in serm. 5. de lapsis: Grauiussum conscientie crimen agnoscere, nec desperantes misericordiam, nec tamen iam veniam vendicantes: quibus verbis manifestè redarguit hæreticos huius temporis, qui volunt cum fide siue præsumptuosa ipsorum fiducia de peccatis sibi per misericordiam Dei remissis statim simul ipsam remissionem poni.

57 Iterum sicuti fidei, timori, spei, ita etiam dilectioni attribuuntur vita & peccatorum remissio in Scripturis: Lucæ 7. Propter quod dico tibi: Remittuntur ei peccata multa, quoniam dilexit multum. Ad Galat. 5. Neque circumciso aliquid valet, neque

præputium, sed fides qua per Charitatem operatur. 1. Ioannis 3. Translati sumus de morte ad vitam, quoniam diligimus fratres. Concil. Arau. quoque, dicit Deum fidem & amorem prius inspirare, vt sacramentum Baptismi fideliter requiramus. D. August. de Cathecisandis Rudibus cap. 4. Monet Catechistam, vt quidquid narrat, ita narret, vt ille cui loquitur audiendo credat, credendo speret, & sperando amet. Neque tantum fidei, timori, spei, dilectioni, sed etiam pœnitentiæ attribuit Scriptura remissionem peccatorum & vitam. Actuum cap. 18. Ergo & gentibus pœnitentiam dedit Deus ad vitam. 2. ad Corinth. 7. Quæ enim secundum Deum tristitia est pœnitentiam in salutem stabilem operatur. Ezech. 18. Cum auerteris se impius ab impietate, ipse animam suam viuificabit.

In & cum pœnitentia autē requiruntur deniq; propositū nouæ vitæ & obseruationis omnium mandatorum Dei, ac etiam desiderium & propositum suscipiendi sacramenta ad sanctificationem à Christo instituta, quod sacræ litteræ etiam significant: Ezech. 18. Progrede à vobis omnes iniquitates vestras, & facite vobis cor nouum & spiritum nouum: de quo vide August. lib. De fide & operibus. Aët. c. 2. Quando ad concionem D. Petri Iudæi compuncti corde dixerunt: Quid faciemus viri fratres? respondit Petrus: Pœnitentiam agite, & baptizetur vnusquisq; vestrum in nomine Iesv Christi in remissionem peccatorum vestrorum, & accipietis donum Spiritus S. Requiebat ergo Petrus in illis corde iam compunctis propositum & voluntatem suscipiendi Sacramentum à Christo institutum in peccatorum remissionem & ad conferendū donū Spiritus S. Idem satis colligitur ex illo Christi Ioannis 3. Nisi quis renatus fuerit ex aqua, & Spiritu Sancto, non potest introire in Regnum Dei: vt ergo quis possit introire debet velle renasci ex aqua & Spiritu Sancto. Item ex illo Ioannis 20. Quorum remissionem peccata remittuntur eū, & quorum retinuerint retenta sunt: quandoquidem igitur Scriptura Sacra tam multis alijs attribuit sanare hominem, iustificare, saluare, viuificare, non potest dici quod fides sola sit quæ iustificet.

59 Probatur pars posterior antecedentis: 1. ad Corinth. 13. Si habuero omnem fidem, ita vt montes transferam, charitatem autem non habuero, nihil sum. Vbi Apostolus docet quemcumque gradum fidei quantumcumque auctæ, ita etiam vt ad magna miracula se extendat, tamen nihil prodesse absq; charitate, non ergo fides sola iustificat: multum namque prodesset, si sola faceret hominem iustum: simul quoque indicat fidem

fide posse haberi separatim sine charitate; frustra enim aliquin diceret: *Si habueromnem fidem &c. Charitatem autem non habuerom*, nili posset fides sine charitate esse. Quod omnino contra hæreticos obseruandū est, qui vt ad Scripturæ huiusmodi responderant, dicunt dilectionem & opera quæ alibi Scriptura requirit, necessariū esse connexa cum fide, quamuis interim nihil ad iustitiā faciant. 1. Ioannis 2. *Qui non diligit, manet in morte*: ergo fides solā à dilectione separata non iustificat. Vnde & D. Aug. lib. De natura & gratia cap. vlt. sic de charitate scribit: Inchoata charitas, inchoata iustitia est: perfecta charitas, perfecta iustitia.

60 Neq; habent hæretici, quod respondeāt, nisi argumentū supponere aliquid impossibile, scilicet fidem esse aliquando sine dilectione, quod fieri non posse ipsi asseuerant. Sed contra hoc opponi potest primò: saltem si ponatur quod per absolutā Dei potentiam fides sit sola, iam non iustificabit: ergo non debet etiam modo poni fides tanquam sola sit sufficiens & totalis ratio nostræ iustificationis: quia si ita esset, iustificaret quoq; quamuis ab alijs poneretur separata: Sicuti virtus calefaciendi in sole, licet à splendore eius nequeat separari, tamen si ponatur esse separata, calefaciet nihilominus, quia est totalis causa calefactionis. Deinde verum non est, non posse fidem haberi abq; charitate & dilectione: nam contrariū planè significat & supponit Apostolus ad Cor. loco iam citato: & demonstrari potest ex illo Ioannis 12. *Veruntamen ex principibus multi crediderunt in eum: sed propter Phariseos non confitebantur; dilexerunt enim gloriam hominum magis quam gloriam Dei*. Illi ergo habuerunt fidem, sed nō dilectionē Dei super omnia. Absque omnī autē fundamēto Respondetur, credere h. c. nō significare verā fidem, cum eodem cap. istud *credere in eum*, frequētius repetatur, & manifestissimè semper significet credere verā fidē, sic vt nullus nisi insolentissimè & insipientissimè id negare possit. Iacobi c. 2. *Quid proderis fratres mei, si fidem quā dicat se habere, opera autem non habeat? Numquid poteris fides saluare eum? vbi quoque Apostolus elare hæc duo docet: videlicet fidem solā non sufficere ad iustitiā, & salutem; ac ipsam sine operibus inueniri & haberi posse*. Probat autem prius, quia fides Abrahæ cooperata est operibus, & ex ipsis operibus consummata: ergo sine operibus nō sufficiebat. Et hinc addit: *Videtur quod ex operibus iustificetur homo, & non ex fide tantum*.

61 Ad hæc euadenda, Respondet Calu. hic Iacobū non loqui de verā fide, sed de vmbra quadam fidei, idq; sic ostendit: primò quia dicit, si fidem quis dicat se habere, nō

autem si quis eandem habeat. Deinde, quia dicit, quod fides sine operibus mortua sit in se ipsa, fides autem mortua non videtur fides, sicuti homo mortuus non est homo. Sed contra facit, quod phrasi illā quam vrget Caluinus, non redarguat D. Iacobus talem hominem, quasi non haberet fidem; sed quod inaniter fidem iactet, eaq; solā inaniter gloriatur, si opera misericordiæ & iustitiæ negligat: quod satis manifestū est ex adiunctis, dum ait: *Numquid poteris fides saluare eum? vbi supponit illi nō deesse fidē, sed alia deesse*. Præterea dicit, quod cooperetur operibus, & ad iustificationē cum reliquis concurrat; ergo non est loquutus de aliqua tantum vmbra fidei, sed de vera fide. Ad alterū Respondetur, quod Apost. dicat fidem sine operibus mortuā esse, sed nō sicut homo mortuus est sine animā; verum sicuti corpus sine spiritu mortuū est, prout ipse in terminis explicat in fine capituli: corpus autem sine spiritu, etsi mortuum dicatur, tamen habet veram rationē corporis, estque verum corpus: sic quoque fides, etsi dicatur mortua sine operibus, habet tamen veram rationem fidei; estque vera fides. Sed sicuti corpus sine spiritu idcirco dicitur mortuum, quia opera viue non exercet, nec exercere potest, sic quoque fides sine operibus dicitur mortua, quia dū opera negligit, perdit charitatem formā viue & sic quoque opera viua non exercet, neque exercere potest.

Secundo probari potest Concl. ex SS. PP. qui conformiter ita docent: Clemens Alexand. l. 2. & 4. Strom. Chrys. hom. 9. in Ioann. & hom. 3. in epist. 2. ad Thim. Amb. l. 9. epist. 74. Hieron. l. 2. contra Iovinian. Cyrill. l. 10. in Ioann. cap. 18. D. Aug. toto libro De fide & operibus; & alijs diuersis locis, qui præterea constanter docet pluribus libris & locis fidē impetrare, & mereri gratiam bene operandi, remissionem peccatorum, & iustificationem: Epist. 105. ad Sixtum. Nec ipsa remissio peccatorum (inquit) sine merito est, si fides hanc impetrat: neque enim nullum est meritum fidei, quā fidē ille dicebat: *Deus propitiū esto mihi peccatori, & descendit iustificatus: meritū fidelis humiliatur, quoniam qui se humiliat exaltabitur*: l. de Spirit. & Litt. c. 3. per legem cognitio peccati, per fidē imperio gratiæ, per gratiam sanatio animæ: l. De prædest. Sanct. c. 7. Ex fide (inquit) ideo dicit Apost. iustificari hominem, non ex operibus; quia ipsa prima datur, ex qua impetrentur cætera, quæ propriè opera nuncupantur, in quibus iustē vnitur: & denique l. De gratia & lib. arbitrii. c. 14. Fides & non petita conceditur, vt ei petenti alia concedatur.

Manifestum igitur est secundū D. Aug.

X x

doctri-



doctrinā, non fidem solam iustificare, nec etiam concurrere tantum (vt heretici volunt) per modum nudę relationis acceptatę remissionem oblatam, aut nobis factam, sed concurrere per modum preparationis ac impetrationis, seu cuiusdam meriti, nimirum de congruo; idque ratione operū, quę tanquam dispositiones vltius per illam exercentur ad peccatorum remissionem & plenam iustificationem obtinendā.

64 Probari tandē potest Conclusio ex eo, quod iustificatio nostra formalis non consistat in externā Christi iustitia nobis imputatā; neque in nuda peccatorum remissione; sed in virtutibus & donis reatibus intrinsicē nobis inherētib; vt supra ostendimus: Inter quę secundum Scripturam Sanctam & Patres obtinet principalem locum charitas, ad quam per varios actus homo iustificandus disponi debet, vt ex Conc. Trid. loco supra cit. constat.

65 Sed cōtra obijciunt heretici 1. ad Rom. cap. 3. dicitur Iudæis: *Vbi est gloriatio tua? Exclusa est. Per quam legem? Factorum? non: sed per legem fidei:* & consequenter. *Arbitramur enim iustificari hominem per fidem sine operibus legu:* & cap. 4. *Si enim Abraham ex operibus iustificatus est, habet gloriam sed non apud Deum:* ergo ad iustitiam nihil requiritur, nil. fides. Rursi m cap. 3. cit. dicimur *Iustificati grati per gratiam ipsius;* & iterum cap. 4. cit. dicitur: *Ei autem qui operatur, merces non imputatur secundum gratiam, sed secundum debitum:* ei verō qui non operatur, credenti autem in eum, qui iustificat impium, reputatur fides eius ad iustitiam secundum propositum gratie Dei. Et ad Rom. 11. *Si autem gratia, iam non ex operibus; alioquin gratia iam non est gratia.* Ad Ephes. 2. *Gratia enim essu saluati per fidem &c. Non ex operibus, vt ne quis gloriatur:* ergo oportet omnia excludere à iustificatione præter solam fidem.

66 Respondetur N. vtrobiq; consequentiam. Pro pleniori autē intelligentia Apostolicę doctrine, Notandum Primō, legē factorum hic intelligi eam, quę monstrat tantum & iubet quid faciendum sit: legem autem fidei esse ipsam fidem, quę impetrat gratiam faciendā, quod lex factorum iubet, iuxta illud D. Augusti. de Spiritu & Littera cap. 13. Quod factorum lex minando imperat, hoc fidei lex credendo impetrat: est enim lex factorū, littera quę occidit iubendo & non iuuando; vnde de illa dicitur ad Rom 7. Nam peccatum occasione acceptā per mandatū seduxit me, & per illud occidit me: Lex fidei autem est spiritus fidei, qui opem fert, & præstat, vt iustificatio legis in nobis impleatur. Nō itaq; lex fidei excludit opera simpliciter, sed adfert auxilium, vt ea facere valeamus,

quę lex factorum tantū monstrat faciendā. Hinc & Aug. cum alibi sæpe, tum loco supra citato ostendit legem Euangelicam, quę maximē fidem requirit, requirere etiam opera, & omnium mandatorum, ac totius Decalogi obseruationē. Iuxta illud Christi Ioan. c. 8. *Si quis sermonem meum seruauerit, non gustabit mortem, &c.*

67 Notandū Secūdō, per opera apud Apost. in loc. cit. intelligi tantum opera quę sine fide & gratiā Christi sūt, solis naturę viribus, & ex legis cognitione, quacūq; interim hæc sint, siue ceremonialia lege præcepta posituā, siue etiam moralia præcepta lege Decalogi; non autē generatim omnes hominis actus intelligi etiā ex fide & gratiā profectos, vt contendunt nostri temporis sectarij; qui volunt & ipsam fidem si consideretur per modum operis, nihil ad iustificationem conducere, sed tantum relatiuē ad iustitię apprehensionem facere. Verū quod dicimus, patet imprimis: nam supra ostendimus Scripturā varijs locis requirere diuersos actus & opera, quę ex fide procedant, tanquā necessaria ad iustificationē. Deindē docet hoc apertissimē D. Aug. De gratia & libero arb. c. 7. ita scribens: Homines non intelligentes (inquit) quod ait ipse Apostolus Paulus, *Arbitramur, hominē iustificari per fidem sine operibus,* putarunt eum dicere, iustificare hominē fidem et si malē viuat, & bona opera non habeat: quod ablit, vt sentiret vas electionis. Et mox declarat in subsequētibus non excludi opera ex fide ex cap. 5. ad Galat. vbi cum idem Apostolus dixisset, *In Christo enim Iesv neque circumcisio aliquid valet, neque præputium;* adiecit: *sed fides quę per dilectionem operatur:* Vbi cum fide requirit opera, quę à fide exeant.

68 Idem Latius docet & explicat Aug. sequenti c. 8. vbi ad allegata verba Apostoli ex 2. c. ad Eph. sic scribit: Et ipse Apostolus cum dixisset: *Gratiā salui facti essu per fidem, & hoc non ex vobis, sed Dei donum est, non ex operibus ne forte quis extollatur,* vidit vtrique putare posse homines hoc ita dictum, quasi necessariā nō sint opera bona credentibus, sed eis fides sola sufficiat, & Rursus posse homines de bonis operibus extolli velut ad ea faciendā sibi sufficientia: mox itaq; addidit (scilicet ad vtrique errori occurrendum) *Ipsius enim sumus signum creati in Christo Iesv in operibus bonis, quę preparauit Deus vt in illu ambulemus.* Quomodo ergo nō ex operibus? ne quis forte extollatur: sed audi & intellige (inquit Aug.) non ex operibus dictum tanquam tuis ex te ipso tibi existentibus, sed tanquam his, in quibus Deuste finxit: hoc enim ait, *Ipsius sumus signum creati in Christo Iesv in operibus bonis.*

Notandum

Notandum Tertio: Particulam, *gratu*, quando dicitur homo *Gratu iustificari* dupliciter posse accipi: vno modo, vt dicatur id omne conferri gratis homini, quod non redditur vt debitum ex iustitiâ, siue quod non redditur meritis de cõdigno, vt Theologi loquuntur: alio modo, vt illud solum dicatur conferri gratis, quod confertur absque omni hominis actu præuio, qui vel habeat rationem meriti de congruo, vel alicuius impetrationis, aut dispositionis ad donum quod confertur.

Notandum Quarto: Etiam iustificatione dupliciter posse considerari: vno modo vt dicat tantum iustitię seu gratię habitualis infusionem: alio modo vt contineat etiam alterationes hominis præuias per quas disponitur ad iustitię susceptionem.

His sic explicatis nõ erit difficile ostendere consequentias, quas hæretici ex allegatis Scripturę locis faciunt, non esse solidas. Nam ad priora quę ex c. 3. obijciuntur quod attinet, dicendum est Apostolum ibi docere tantum hæc duo: vnum quòd Iudæi per opera legis quę præstabant suis viribus ex legis cognitione, non fuerint assequuti, nec potuerint assequi verã iustitiã coram Deo; tum quod legem benè & perfectè non obseruarent, nec obseruare ex solâ eius cognitione possent, vt ostendit ipse cap. præcedenti; tum quia iustitiã Dei, siue vera iustitiã nõ possit haberi absque fide in Christum, quem Deus proposuit propitiatione pro peccatis omniũ, vt declarauit eodem cap. 2. cit. Alterum est, quod illa legis opera in quibus solis existimabant Iudæi iustitiã totam consistere, & proinde in illis non posse iustitiã haberi, ne quidem sint necessaria ad iustitiã consequendam. Vnde sine operibus legis ex nobis factis, per fidem quę est donum Dei, & non habetur ex nobis, docet posse hominem ad iustitiã peruenire, atque ita gloriationem Iudæorum omni ex parte esse exclusam; quia neque ipsi per sua opera legis consequuti sunt veram iustitiã, & alij sine illis amplectendo fidem Christi perueniunt ad iustitiã; quod declarat Apostolus cum adiungit: *An Iudæorum? Nem tantum? nonne & gentium? Imo & gentium; quia quidam vnus est Deus qui iustificat circumcisionem ex fide, & præputium per fidem.* Quandoquidem ergo gentes quę legem non habebant, etiam iustificet Deus, consequens est sine operibus legis præuijs tanquam meritis iustitię, posse hominem iustificari.

Quando igitur Apostolus dicit Iudæorum gloriationem esse exclusam, non per legem factorũ, sed per legem fidei, & hominem iustificari per fidem sine operibus

legis, remouet tantum opera quę quis ex se ipso habet etiam cum legis cognitione, in quibus posset gloriari, quali suis viribus & meritis præ alijs consequutus esset iustitiã: attribuit autem iustificationem fidei non soli vel otioso; sed tanquam primę gratię, quę gratis à Deo conceditur, & per quam necessaria ad iustitiã intrantur & adimplentur, vt hic omnis iustitiã nostra à primo suo principio vsque ad complementum ex Dei gratiã agnoscatur prouenire & dependere: & qui gloriatur, non nisi in Domino possit gloriari. Non itaque excludit, sed potius includit Apostolus opera ex fide cum Dei adiutorio secundum eius legem faciendâ, quod in fine eiusdem capitis, quasi eiusmodi difficultates & dubitationes præuidens ipse declarat his verbis: *Legem ergo destruimus per fidem? absit: sed legem statuimus:* quasi diceret: non tollimus leges, earumque obseruationes per fidem quam commendamus; sed potius stabilimus, quatenus monstramus & proponimus medium necessarium, quo possint salubriter obseruari; quod medium est fides & gratia Christi.

Conformiter, quando Apostolus cap. 4. dicit: *Si Abraham ex operibus iustificatus est, habet gloriam: sed non apud Deum,* dicendum est, cum loqui de operibus sine fide, sed ex solis naturę viribus factis, ex quibus si Abraham obtinisset nomẽ iustitię, & in eiusmodi operibus sita intelligeretur eius iustitiã, habuisset gloriã apud homines; sed non apud Deum, puta quia talia opera coram Deo nullius sunt valoris aut estimationis. Verũ non ita fuit; dicit enim Scriptura: *Credidit Abraham Deo & reputatum est illi ad iustitiã.* I. x. fide igitur & operibus fidei Abraham consequutus est iustitiã, tum primam, quam secundam; sub fide enim etiam comprehenduntur quę ex fide quis operatur, vt patet ex commendatione fidei Antiquorũ, quã facit Apostolus ad Heb. 11. vbi ostendit Noë & alios, iustitię quę per fidem est, hæredes effectos, quia ex fide ardua quęque operati fuerunt.

Sed difficultatem parit, quod Apostolus statim hic adiungit, *Ei autem qui operatur merces non imputatur secundum gratiam, sed secundum debitum.* Item quod ex cap. 11. eiusdem epistolę ad Rom. supra obiectum est: *Si gratia, iam non ex operibus:* ergo Apostolus non tantum excludit opera ex proprijs viribus, & sine fide facta; sed etiam opera ex gratiã & fide profecta, quia hæc etiam parerẽt debitum. Respondetur N. C. & quidem in primis, ei qui ex fide operatur præparando & disponendo se ad primam iustificationem, non infunditur iustitiã secundum debitum, sed secundum

X x ij gratiam,

gratiam, vt docet Conc. Trid. Sess. 6. c. 8. neque fides (inquit) neque opera quæcumque quæ præcedunt, merentur primâ gratiæ infusione, atq; ita de tali non est difficultas: de illo autem qui iam iustus est, & per opera ex fide & gratiâ facta iustificatur adhuc amplius, non debet quoque, nec potest dici, quod ei imputetur aut reddatur merces non secundum gratiam, sed secundum debitum: quamvis enim verè secundum debitum, tamen quoque verè secundum gratiam, quatenus scilicet ipsa fides vnde opus procedit, est singulare Dei donum & gratia. Neq; hæc tantû, sed etiâ diuina auxilia quæ comitantur, aut subleuantur fidem, ac ipsum quoq; opus, quod Deus præparauit vt ambulemus in illo, iuxta Apostolum ad Eph. 2. atq; ita quod Deus secundum debitum reddit, id ipsum secundum maximam gratiam quoque donare censendus est.

74 Quod pulchrè docet D. Aug. De gratia & libero arbitrio cap. 8. in hæc verba; Et nascitur inde (inquit) non parua quæstio, quæ Deo donante soluenda est: Si enim vita æterna bonis operibus redditur sicut apertissimè dicit Scriptura, quoniam Deus reddit vnicuique secundum opera eius, quomodo gratia est vita æterna? cum gratia nō operibus reddatur, sed gratis detur, ipso Apostolo dicente: *Ei qui operatur merces non imputatur secundum gratiam: sed secundum debitum.* Et paulo infra sic Respondet: Ista ergo quæstio nullo modo mihi videtur posse dissolui, nisi intelligamus & ipsa bona opera, quibus æterna redditur vita, ad Dei gratiam pertinere: & postquam ita esse (quod scilicet ad Dei gratiam pertineant) ostendisset Aug. concludit in fine capituli: Itaque charissimi vita bona nostra nihil aliud est, quam Dei gratia: & inde sine dubio & vita æterna quæ bonæ vitæ redditur, Dei gratia est; & ipsa enim gratis datur, quia gratis data est illa cui datur; sed illa cui datur, tantummodo gratia est: Hæc gratia pro gratia tanquā merces pro iustitia.

75 Quando itaque Apostolus dicit: *Ei qui operatur, merces non imputatur secundum gratiā, sed secundum debitum,* loquitur de illo qui supponitur operari tantum ex proprijs viribus & arbitrio, non ex motione, & dono Dei, vti de se præsumebant Iudæi: nam si talis ex operibus iustificetur, haud dubiè nullo modo secundum gratiam ei merces imputabitur, seu reddi dicetur; sed omnimodè secundum debitum: Eccontra verò licet huic, qui ex Dei gratiâ & opitulatione operetur (sine quibus operari nō posset) seruiant opera virtutis ad iustificationem, non ideo de tali dici potest, quod merces ei non imputetur secundum gra-

tiam, licet interueniat etiam suo modo secundum debitum, quandoquidem & ipsa opera habeat ex gratiâ, & sint gratia, vt ex D. Augustino est declaratum.

76 Quod verò adducitur ex c. 3. ad Rom. *Iustificati grati per gratiam ipsam,* nihil eorum caulam tuat: quia Apostolus ibi maximè respicit ad primam iustitiæ consecutionem, quam gratis concedi, manifestû est: in primis enim gratis fit, si spectemus non tantum ipsius iustitiæ infusione, sed etiam comprehendamus primas præparationes & dispositiones, atque adeo totum morû & ductum ad iustitiam: nam inter dispositiones tenet primum locum fides, quæ misericorditer datur absque omni operatione hominis ad eam præuiâ, & sic perfectissimo modo gratis iustificamur. Deinde etiâ si quis tantum consideret primam gratiæ infusione, etiâ gratis iustificamur, sicuti ex Conc. Trid. diximus, quia neque fides neque opera præcedentia, ipsam iustitiæ infusione promerentur, licet ad eam sint quædam præparationes & dispositiones. Ex dictis quoque patet, quomodo intelligendum sit, quod ex c. 2. ad Ephes. allegatur: *Gratia saluati estis per fidem, non ex operibus;* significatur enim eos per opera fidem antecedentia non deuenisse ad iustitiam & salutem, sed per fidem quæ gratis & misericorditer à Deo fuit eis oblata & donata, vt ibidem Apostolus satis explicat.

77 Obijciunt Secundò: Matth. 9. & Luc 7. dicitur: *Fides tua te saluum fecit:* Ioannis 1. dicitur: *Dedit potestatem filius Dei fieri hi qui credunt in nomine eius.* Et iterum Ioannis 3. *Qui credit in filium, habet vitam æternam:* Et ad Rom. 5. *Iustificati ergo ex fide pacem habeamus* &c. in quibus locis attribuitur iustitia & salus fidei; nec fit mentio alicuius alterius requisiti: ergo fides sola iustificat, & ad salutem perducit. Confirmatur: quia Luc 8. dicitur patri puellæ mortuæ: *Crede tantum, & salua eris;* ergo &c. Respond. N. C. etiam enim illis locis fides sola nominetur, non tamen consequens est, quod nulli alij actus requirantur, aut simul concurrant ad iustitiam: nam familiare est Scripturæ sacræ, quod modo his, modo illis virtutibus, aut operibus ascribat peccatorum remissionem, mundationem, iustitiam, salutem &c. Ad Rom. 8. *Spe salui facti sumus.* Ecclesiastici 2. *Timor Domini expellit peccatum.* Tobie 12. *Elemosina à morte liberat.* Ad Ephes. c. 5. *Mundans eam lauacro aquæ in verbo vitæ.* Ad Titum 3. *Saluos nos fecit per lauacrum regenerationis:* & similia alia loca supra plura adduximus.

78 Neque tamen propterea aliquis ex dictis locis colliget vnum aliquid istorum seorsum ab alijs sufficere ad iustitiam, præsertim

sertim sine fide, licet ne quidem eius utris locis fiat mentio. Loquitur ergo Scriptura sic pro occasione materie, & personarum, prout hanc vel illam virtutem particulatim vult commendare: aut prout ab ipsis cum quibus agit, vult eam haberi commendatam, aut exerceri, quia speciali ratione eis sit utilis aut necessaria: sed quod vno loco non dicitur, hoc ex alijs locis supplendum est. Frequentius autem attribuitur iustificatio fidei, quia est principium & origo, unde reliqua ad iustificationem requisita solent pullulare, & procedere, & quia ipsa in omnibus simul operatur: nisi enim adit fides de vno Deo vindice malorum, & præmiatore bonorum, quodque ipse sit summè bonus, summè amabilis cadent timor, spes, dilectio, & cætera virtutes. Quare mirum non est, quod fidei tanquam fundamento cui reliqua innitantur, toties præ alijs describatur iustitia.

79 Quod attinet ad locum pro confirmatione allegatum: dicendum est, nihil ad rem facere: est enim sermo tantum de miraculo impetrando in resuscitatione puellæ defunctæ, non de peccatorum remissione, aut sanctificatione, vt ex textu evidens est: non negamus autem fidem solam aliquando posse valere ad impetranda miracula, imò & ad ea faciendâ, quando illa fiunt non in commendationem eius in celsis gratiam fiunt, vel eius à quo fiunt: sed ad testificationem veritatis doctrinæ illius, qui miraculum facit. Vnde etiam improbos in nomine Christi ad probationem veritatis doctrinæ Christianæ miracula operaturos significat Christus Matth. 7. Multi dicunt illa dic Domine, Domine, nonne in nomine tuo prophetauimus: & in nomine tuo demonia eiecimus: & in nomine tuo virtutes multas fecimus: & tunc confitebor illi, quia nunquam noui vos: discedite à me omnes qui operamini iniquitatem.

80 Obijciunt Tertio: ea Scripturæ loca, quæ dicunt omnes qui credunt, iustificari & saluari. Ioannis 3. Vt omnis qui credit in eum non pereat, sed habeat vitam æternam. Act. 10. Huic omnes Prophetæ testimonium perhibent, remissionem peccatorum accipere per nomen eius, omnes qui credunt in eum. Ad Roman. cap. 1. Virtus enim Dei est in salutem omni credenti Iudæo primùm & Græco: & cap. 10. Omnis qui credit in eum non confundetur: quibus similia alibi adhuc plura habentur. Et confirmatur ex illo Abacuc. 2. Iustus autem ex fide viuit: quod repetitur ad Heb. 10. & ad Rom. 1.

81 Respondetur istis & similibus Scripturæ locis non aliud doceri, aut significari, quàm fidem Christi iustificare & ducere

ad vitam æternam, si cum suis regulis & legibus, quas tradit & præscribit, teneatur & obseruetur: vt sensus sit, quod omnis qui credit, ita vt secundum fidem & leges fidei viuat, iustificandus sit, & habiturus vitam æternam: non autem quod fides sola, si per dilectionem non opereatur, iustitiam & salutem præterit. Oportet enim sermones illos vniuersales, quibus Scriptura vni alicui virtuti attribuit subinde peccatorum remissionem, iustitiam, & salutem &c. intelligere cum hæc conditione, si reliqua necessaria, non desint: vt quando de spe dicitur Ecclesi. 2. Omnis qui sperat in eum, non confundetur: & in epistola ad Rom. c. 5. Spes nō confundit. Item de humilitate, Lucæ 11. Omnis qui se humiliauerit, exaltabitur: & de inuocatione nominis Domini ad Rom. 10. Omnis enim quicumque inuocauerit nomen Domini, saluus erit: nullus enim dicit ne aduersarij quidem, spem solam, aut humilitatem, vel orationem sufficere ad iustitiam sine reliquis, præsertim absq; verâ fide. Significant itaq; Scripturæ tales, quod singulæ illæ virtutes ducant ex parte sua hominem ad salutem, nisi tamen aliunde adit impedimentum, aut defectus.

82 Quod ad confirmationem attinet, Respondetur, ibi præpositionem Ex, non significare habitudinem causæ formalis, sed propriè significare habitualem causæ sustentantis & fountis spiritualem vitam iusti, ad eum fere modum, quo corporaliter homo dicitur viuere ex cibo & potu: hortatur enim tum Propheta, tum Apostolus fideles, vt cum logarithmitate expectent aduentum Christi; ille quidem vt expectent quatenus erat venturus in carne: hic autē, quatenus venturus ad remunerandum ijs, qui pro eius nomine hic tribulationes & persecutiones patiuntur, & vt in eâ fide aduentus eius persistant constantes & firmi, quia iustus ex fide viuit: quasi diceret quia fides est, quæ debet intertenere & fouere vitam iusti: nam si fides deficiat, mox spes, patientia, dilectio, & aliæ virtutes in quibus spiritualis vita iusti consistit, corrunt & intereunt; idque ex inspectione textus ad Hebr. facile perspicitur. Ad Rom. autem dicit Apostolus, quod iustitia (quæ scilicet coram Deo iustificet) reuelatur in Euangelio ex fide in fidem, quatenus scilicet ex fide rerū præteritarum oritur etiam fides futurarum, quæ nobis promittuntur & quas expectamus: ex quâ fide viuit iustus, eodem sensu quo iam diximus, quia scilicet cū Psalmista dicit: Inclinaui cor meum ad faciendâ iustificationes propter retributionem, quam ex fide sperat & expectat.

X x iij Obijciunt

83 Obijciunt Quartò: Pl. 106. dicitur, *Misere verbum suum, & sanavit eos.* Item Iacobi c. 1. *Suscipite infirmum verbum; quod potest saluare animas vestras;* ergò &c. Respondetur verbum Dei sanare & saluare; sed vt hoc faciat, non satis esse quod fides apprehendatur, nisi etiam operibus iustitiæ & dilectionis impleatur: verbum enim Dei non tantum offert promissiones, sed etiam imperat opera facienda. Matth. 7. *Omni arbor quæ non facit fructum bonum, excindetur & in ignem mittetur.* Rursum; *Non omnis qui dicit mihi Domine, Domine, intrabit in Regnum celorum, sed qui facit voluntatē Patris mei, &c.* & ibidem comparat Christus hominem audientem verba Dei, & non facientem viro stulto, qui ædificat domum super arenam &c. & Matth. 18. *Si vñ ad vitam ingredi, serua mandata.* Vnde & D. Iacobus non dicit, quod saluat, sed quod potest saluare animas vestras, si videlicet excipiat in corde bono, & retineatur cum patientia in tempore tentationis, & foueatur assiduo calore operum charitatis.

84 Allegant præterea loca quædam hinc inde ex SS. PP. discrepta; sed nimis manifestè constat antiquitatem totam in hac doctrina hæreticis nostris repugnare: quãdò autem aliqui subinde sic loquuntur, vt dicant fide vel solâ fide posse hominem iustificari, vel satis esse credere in Christum, tunc excludunt solùm vel observationem veteris legis quoad ceremonialia, vel aliquando opera externa in actu & de facto exercita: non autem necessitatem quoad præparationem animi, vt quis tempore & loco debitis paratus sit ea præstare. Priori sensu intelligendum est, quod scribit D. Chrys. hom. 3. in epistolam ad Titum: Si credis fidei, cur alia inferis, quasi fidem non sufficiat iustificare sola: docet enim fidem solam, id est, Christianæ fidei observantiam sine ceremonijs veteris legis, abundè sufficere: nam post verba allegata mox addit: Quid te spontaneæ seruituti subdis & legis iugo collum submittis? Posteriori autè sensu dictum est: quod scribit idem Chrys. de fide & lege naturæ: Eum qui operatur opera iustitiæ sine fide, non possum probare viuum esse fidelem: absque operibus possum monstrare, & vixisse, & Regnum Cælorum assecutum: nullus sine fide vitam habuit: Latro autem credidit tantum, & iustificatus est; vbi non excludit penitentiam & alias dispositiones animi, sed opera externa quorum exercendorum non fuit Latroni occasio. Similiter aliquando loquuntur alij P. P. & notant: Auctor Commentarij in epistolas Pauli Diuo Ambrosio adscripti, licet ejus non sit: agnoscit tamen idem Auctor ex-

pressè fidem solam non sufficere ad cap. 4. ad Hebr. vbi scribit: Magna res est fides & salutaris, & sine hac saluari non est possibile; sed sola fides non sufficit: operari fidem per dilectionem necessarium est, & conuersari dignè Deo.

## ARTICVLVS. V.

*Vtrum ad iustificationem impij requiratur motus liberi arbitrij contra peccatum?*

Conclusio D. Thom. est: Oportet quod in iustificatione sit motus liberi arbitrij duplex, vnus quo per desiderium tendat in iustitiam, & alius quo detestetur peccatum. Patet ex Scripturis & Sanctis P. P. quatenus docent penitentiam de peccatis admissis esse necessariam, vt ad eorum remissionem & ad iustificationem possit perueniri: quia detestatio seu odium peccati includitur in ratione veræ penitentiae. Probat autem breuiter ratione D. Thomæ: quæ sic potest formari: Iustificatio est motus quidam, quo animus hominis mouetur seu transit à statu peccati in statum iustitiæ: debet igitur se habere animus ad vtrumque extremorum secundum voluntatem, sicuti corpus se habet ad vtrumque terminum, dum ab aliquo mouetur localiter: atqui corpus quando sic mouetur, recedit ab vno, & accedit ad alterum: ergò similiter animus hominis quando iustificatur homo, debet recedere à termino à quo, scilicet à peccato, & accedere ad iustitiam: motus autem animi quo recedit vel accedit, fit per detestationem siue odium, & per desiderium, siue amorem: nam vt docet D. August. tract. 46. in Ioannem: Affectiões nostræ, motus animorum sunt: progeredis animo cum appetis, fugis animo cum metuis: & tract. 48. docet nō gressibus corporis, sed affectibus animi ad Deum accedi, vel ab eo recedi: ergò ad iustificationem requiritur motus contra peccatum, siue peccati detestatio, quā receditur à peccato.

Dicit aliquis: per gratiæ habitualis infusionem mutatur animus hominis à statu peccati ad statum gratiæ; ergò nō est opus motu liberi arbitrij contra peccatum, quo recedatur à peccato seu statu peccati. Confirmatur: quia iustificatur infans per baptismum absq; tali motu liberi arbitrij; ergò &c. Respondetur hic sermonem esse de iustificatione adultorum, qui habent vsum rationis, non quidem quod dicamus essentialiter hunc motum contra peccatū includi

includi in formali ratione iustificationis ipsorum; sed quod tanquam dispositio necessaria requiratur: non enim conveniens est, quod animam eius qui habet rationis vsum Deus habitualiter mutet & transferat ex statu peccati ad statum iustitiæ absque eo, quod ipse actualiter animam abstrahat à peccato, & convertat ad iustitiam: ideoque sic à Deo convenienter ad naturam rerum, ordinatum est, quod adulti absque motu liberi arbitrij contra peccatum, non iustificentur. In hac autem peccati derelictione, & odio contra illud concipiendo, merito laborandum est per pœnitentes, tum quia est dispositio necessaria ad remissionem & iustificationem consequendam, tum quia fortissima & optima est custodia & cautela contra reciduum: nam contra quæ quis animo concepit verum odium & aversionem, non facile ad ea contingit redire.

87 Cæterum de hac, vt & de alijs dispositionibus explicatis tanquam prærequisitis ad iustificationem consequendam, videre licet Concil. Trid. Sess. 6. cap. 6. vbi pulchrè describit initium & progressum, prout homo ab infidelitate, & impietate movetur ad fidem & iustitiam: quam doctrinam merito debent Pastores omnes & animarum Cutores habere in promptu, vt iuxta eam ad peccatorum veniam & iustitiam obtinendam præparent & dirigant pœnitentes: quin & omnes in ordine ad seipsos, vt si lapsi fuerint, adhibere possint & adhibeant necessarias dispositiones illas non perfunctorie & levi cogitatione; sed efficaciter & cum amaritudine & dolore animi commissa derelictando, propter amorem tui, quem tam indigne offenderunt.

#### ARTICVLVS VI.

*Vtrum remissio peccatorum debeat numerari inter ea quæ requiruntur ad iustificationem impij?*

88 C Onclusio D. Thomæ est affirmativa: Probat autè huiusmodi ratione: quia in enumeratione eorum quæ ad actionem requiruntur, non debet prætermitti finis seu complementum quo absoluitur, & consummatur; atqui remissio peccatorum est talis finis, siue complementum in iustificatione: ad hoc enim tendit vt peccatum tollatur, iuxta illud Isaïæ 27. *Et iste omnis fructus, vt auferatur peccatum meum*: ergo remissio peccatorum debet connumerari inter ea quæ ad iustificationem impij requiruntur.

89 Sed potest obijci: D. Thomas inter requisita ad iustificationem posuit ante a. 2. gratiæ infusionem; atqui idem est gratiæ infusio, & culpæ remissio: ergo non videtur quod rectè ponatur peccatorum remissio tanquam aliquod requisitum ab alijs distinctum. Respondetur cum D. Thomæ: gratiæ infusionem, & culpæ remissionem dupliciter posse considerari: vno modo secundum substantiâ, siue rem ipsius actus; & sic dicit D. Thomas idem esse: quia eodem actu Deus & largitur gratiam, & remittit culpam: non enim remissio culpæ est quædam extrinseca non imputatio actus peccaminosi præteriti; sed est vera & realis deletio & habitualis maculæ ablatio, quæ fit per gratiam, vt suprâ ex Concil. Trident. deduximus. Alio modo dicit posse considerari ex parte obiectorum, & sic differre, videlicet secundum rationem culpæ quæ tollitur, & secundum rationem gratiæ quæ infunditur; quatenus nimirum ille idem actus habet quasi duplicem terminum, deletionem culpæ, & positionem gratiæ: sicuti luminis infusio, & tenebrarum expulsio est idem actus re ipsâ, sed vt terminatur ad lumen introductum, dicitur illuminatio, & vt terminatur ad tenebrarum sublationem, dicitur expulsio: & ad illuminationem possunt dici hæc duo requiri, luminis introductio, & tenebrarum expulsio.

#### ARTICVLVS VII.

*Vtrum Iustificatio Impij fiat in instanti vel successivè?*

90 C Onclusio D. Thomæ est: Iustificatio Impij fit à Deo in instanti. Vbi notandum est, D. Thomâ loqui de iustificatione prout significat gratiæ habitualis infusionem, & peccatorum remissionem: quemadmodum de ea loquitur etiam Concil. Trident. Sess. 6. cap. 7. quando dicit: Hanc dispositionem iustificatio ipsa consequitur: non autem loqui de ea prout aliquando intelligitur comprehendere totam illam mutationem, quâ incipit homo ab initio moveri, præparari, & assequi iustitiam: quæ mutatio consistit in pluribus actibus intellectus & voluntatis, quibus disponitur ad gratiæ infusionem: nam totam hanc mutationem cum suis alterationibus requisitis, non fieri ordinario modo simul in instanti, expresse hic agnoscit: quin plerumque non parum temporis intercedere à prima dispositione vsque ad ultimam docet.

91 Addo modo ordinario: nam aliquando  
Xx iiij Deum

Deum subiecto efficere, & inducere perfectam & totam simul dispositionem fateatur quoque D. Thom. hoc loco: vt videtur accidisse in Davide, quando à Propheta monitus & reprehensus respondit: peccavi Domino. His explicatis Probatur Conclusio ratione D. Thomæ: quia infusio gratiæ à Deo fit in instanti absque successione; ergo &c. Probatur Antecedens, quia quod aliqua forma ab agente non subito imprimatur subiecto, fit inde quod subiectum non est dispositum, & agens indiget tempore vt disponat; videmus enim in naturalibus, quando materia est sufficienter disposita per alterationes prævias, quod tum acquirat statim & in instanti formam. Similiter videmus quod corpus diaphanū (inquit) vtpote secundū se dispositū ad lumen recipiendum, subito illuminetur à corpore lucido: ergo positis dispositionibus ad iustitiam, subito & in instanti iustificatur homo. Imò ex eo, quod Deus sit agens infinitæ virtutis, cui nulla potest resistere, aut prævalere potentia, vel contrarietas, nequidem liberum arbitrium quantumcumque aversum & durum, si Deo placuerit altius eius misereri, hinc potest ipse etiam in eodem instanti perfectam ponere dispositionem in subiecto, & simul ipsam iustitiam: sicuti modò indicauimus.

92 Dicit aliquis: Articulis præcedentibus D. Thomas videtur requirere quatuor tanquam simul concurrentia ad iustificationem, videlicet motum liberi arbitrij in Deum: Item motum contra peccatum: infusionem gratiæ; & peccatorum remissionem: atqui omnia illa non possunt simul fieri (vt apparet) in vno instanti: quia desiderium iustitiæ siue amor Dei, & detestatio peccati cum sint plures actus voluntatis, non possunt esse simul: ergo neque iustificatio potest esse in instanti. Respondetur: ad maiorem propositionem quod attinet, ita esse quod D. Thom. illa simul requirat; quod tamen intelligendum est de iustificatione, quæ acquiritur per proprios actus extra Sacramenta, vt constat ex dictis supra. Ad formam autem argumenti Respondetur Neg. subsumptum: & ad confirmationem dicendum est cum D. Thomâ: sicuti non prohibet intellectum intelligere duo aliqua sub eâ ratione, quâ sunt quodammodo vnum, v. g. prædicatum & subiectum vt vniuntur in affirmatione vnâ, sic quoque posse voluntatem in duo simul moueri, quando vnum ordinatur in aliud, vt latius est explicatum supra quæst. 12. art. 2. 3. & 4. motus autem liberi arbitrij cōtra peccatum ordinatur ad motum in Deum: nam peccati detestatio

fit, quia peccatum est contra Deum, cui vult affectu inherere, non sunt tamen in eo casu duo motus realiter distincti, sed vnus & idem subiecto motus (vt D. Thom. loquitur citato loco) tendens in finem, & in medium ordinatum ad finem: sicut qui vult medicinam propter sanitatem, vult simul medicinam & sanitatem. Similiter ergo qui ex amore Dei, cui vult placere & inherere, detestatur peccatum tanquam ingratum Deo & auersiuum ab eo, simul mouetur in Deum & contra peccatum.

## ARTICVLVS VIII.

*Utrum gratia infusio sit prima ordinē naturæ inter ea quæ requiruntur ad iustificationē impij?*

**F**it hic comparatio inter illa quatuor, quæ D. Tho. art. 6. ponit simul eodem instanti ad iustificationem concurrere, vt iam ante præsumimus. Quæritur itaque, vtrum gratiæ infusio sit naturæ ordine prima inter quatuor ista?

Conclusio Prima: Loquendo de gratiâ in communi, vt actualem & habitualem comprehendit, ita sine dubio gratiæ infusio est prima ordine naturæ inter ista requisita. Probatur: quia efficiens causa est natura prior suis effectibus, & sine primæ suæ operationis: atqui gratia actualis cum voluntate est causa motionis liberi arbitrij in Deum, & contra peccatum, atque adeo etiam causa præparans & disponens ad peccati remissionem tanquam finem suæ operationis: ergo hæc est naturæ ordine prima, quando contingit illa simul ad iustificationem concurrere.

Conclusio Secunda: Loquendo tantū de habituali gratia, non est eius infusio prima ordine naturæ inter dicta requisita; sed naturâ præcedunt motus liberi arbitrij in Deum, & contra peccatum. Est contra plerosq; D. Tho. sectatores, vt Caiet. & Bartholm. Mediam hoc loco: Ferraricensem lib. 3. contra gentes cap. 163. Dominicus Soto in 4. distinct. 14. quæst. 2. art. 6. qui existimant Diuum Thomâ hic docere oppositum. Item contra Vasquez hic Disp. 211. c. 3. & à Valentia q. 3. pun. 4. & q. 5. p. 3. Est tamen conclusio communior DD. quod etiam fateatur Soto loco citato; vt Bonavent. in 4. dist. 17. Capreoli in 4. d. 14. q. 2. ar. 3. Scoti in 4. dist. 14. Gabrielis ibidem, quæst. 1. Durandi in 4. distinct. 17. quæst. 1. Suarez. Opusc. De auxilijs 1. 3. c. 4. & in 3. p. tom. 4. disp. 4. sed. 7.

sect. 7. Bellarmi. lib. 6. De gratia cap. 15. & aliorum. Probat, quia nulla forma eadem numero potest effectiue subiectum disponere ad sui introductionem in ipsum subiectum. ergo neque habitus gratiæ, siue charitatis potest effectiue dici producere actum amoris, & detestationis peccatorum qui est vltima hominis dispositio ad ipsam gratiam seu iustitiam. Probat, Antecedens : quia vel intelligeretur formam inesse in subiecto pro illo instanti naturæ, quo intelligitur effectiue concurrere ad subiecti dispositionem; vel intelligeretur adhuc pro illo instanti extra materiam siue subiectum. Posterius dici non posse per se patet: quia nulla forma præsertim accidentaria vel à materia dependens, operatur priusquam sit in subiecto: Prius etiam dici non potest, quia si intelligatur eo instanti naturæ esse in subiecto, non opus est quod intelligatur adhuc disponere subiectum ad sui introductionem.

Neq; refert, quod idem Accidens quod erat prius dispositio ad aliquam formam, v. g. calor ad formam ignis, possit ipso instanti temporis, quo forma ignis introducit, accipere dependentiam ab ipsa formâ ad quam disponebat materiam: nam imprimis non videtur moraliter id posse fieri in hac nostra quæstione: quia cum motus isti nostri arbitrij de quibus agimus, sint actus morales & liberi, non apparet quomodo habitus infusus possit eodem instanti quo infunditur, influere in illos, cū ad hoc videantur noua rationis aduertentia & nouus voluntatis conatus requiri, quæ sic primo instanti adhiberi non possunt, morali saltem modo loquendo. Deinde, esto id non omnino repugnare, tamē quatenus actus ille, siue quodcumque accidens intelligitur esse dependens in suo Esse, aut conseruatione sui Esse ab illâ formâ, ad quam disponebat materiam, non dicitur dispositio, nec dispositionis rationem habebit ad illam formam; sed rationem effectus, siue proprietatis talis formæ: quandoquidem igitur considerentur hic motus illi in Deum, & contra peccatum tanquam dispositiones vltimæ ad habitalem gratiam, non potest dici huius infusio esse naturæ ordine prima inter quatuor requisita.

Probat, Secundo: quia si illæ dispositiones dependant effectiue ab ipsa infusione gratiæ, sic vt hæc natura prior sit, vel dicendæ sunt dependere tanquam effectus necessarij à causa necessariâ, vel tanquam effectus contingentes & liberi à causa contingente & liberâ: atqui neutrum potest dici. Non prius, quia cum Deus infundat gratiam sine operâ voluntatis no-

stræ, sequetur quodd dispositioes illæ non fierent à nobis liberè, sed omnino necessariò, quod est manifestè falsum, & contra Concil. Trid. Non etiam Posterius, quia tunc posset euenire, quod homini esset infusa gratia absque dispositionibus vltimis ad eam requisitis: v. g. si contingeret voluntatem quæ supponitur liberè cum gratiâ infusâ cōcurrere, non cooperaretur eodem instanti infusioni gratiæ habitualis.

Quod ergo ad D. Thomam attinet, qui simpliciter asserit gratiæ infusionem naturæ ordine esse primam inter dicta quatuor, responderi potest ipsum loqui de gratiæ infusione in comuni tum actualis, tum habitualis? quæ quidem infusio vt est gratiæ actualis, est tempore sit simul cum moribus istis liberi arbitrij, tamen naturæ ordine præcedit: quia vt diximus, effectiue dependet ab illa gratia, neque possunt à nobis absque ea fieri: licet interim quæ datur simul infusio gratiæ habitualis, sit naturâ posterior illis actibus, vt pote dispositionibus ad eam. Neq; hæc explicatio à modo loquendi D. Thomæ apparet aliena: sic enim videtur accipere gratiæ infusionem artic. 7. quando dicit: quod tota iustificatio impij originaliter consistat in gratiæ infusione. Vbi non videtur accipere pro infusione solius gratiæ habitualis, nam in huius infusione potius consistit tota iustificatio formaliter, quam originaliter: negari tamen non potest, quin multa hoc & præcedentibus duobus articulis habeat D. Thom. quæ significant eum aliter sensisse. Sed quia hæc quæstio, Vtrum forma introducenda effectiue concurrat ad materiæ dispositionem, magis est Physica, quam Theologica nō operepretium duximus hic longiorem disputationem siue de re, siue de mente D. Thomæ contexere; sed eam Philosophis relinquimus.

Supereft autem vna atque altera difficultas breuiter explicanda. Prima est: quomodo non sequatur opposita, scilicet gratiam & culpam simul inesse eidem, si iustificatio fiat in instanti: quandoquidem tunc gratiæ infusio, & peccatorum remissio fiant eodem instanti temporis. Altera est: vtrum habitualis gratiæ infusio sit naturæ ordine prior remissione peccatorum? Ad primam Respondetur, non inde sequi opposita simul eidem inesse. Ratio autem est, quia aliter incipit inesse gratia, aliter desinit inesse peccatum seu culpa: nam gratia incipit quidem per primum sui esse, sic vt iam insit primo instanti quo infunditur, & sit verum dicere: gratia nunc inest & immediate ante non insuit; culpa vero desinit per primum sui non esse, ita vt primo



## QVÆSTIO CXIIII.

De Merito: quod est effectus gratiæ  
cooperantis.*In decem Articulos diuisa.*

## ARTICVLVS I.

*Vtrum homo possit aliquid  
mereri à Deo?*

**N**OTANDVM Primò: Verbum Mereri diuersimodè sumi & vsurpari; ac imprimis aliquando admodum improprie, vt quando opus aliquod dicitur mereri, cuius occasione tantum, ex alterius autem gratiæ & benignitate obuenit bonum aliquod, licet ipsum opus non habeat aliquam proportionem, aut valorem respectu talis boni, quin potius contineat demeritum talis boni: vt quando Ecclesia canit: O felix culpa quæ talem, ac tantum meruit habere Redemptorem, id est, cui ex diuinâ misericordiâ obtigit talis & tantus Redemptor. Secundo, similiter improprie quoque quauis non in tantum; vt quando significat aliquam dispositionem, aut qualitatem conuenientem, vel proportionatâ ad aliquod bonum percipiendum, quæ tamen nullam in altero inducit iustitiæ obligationem: vt quando dicitur quod infans per baptismum à peccatis mundatus mereatur vitam æternam, vel quod bonus Sacerdos mereatur beneficium Ecclesiasticum. Significatur enim solû quod bene sint digni tali bono; non autem quod faciant aliquem ex iustitiâ sibi debitorem ad tale bonum reddendum. Tertiò, minus adhuc improprie, sed improprie tamen, vt quando opus aliquod bonum dicitur mereretur, cui ex aliqua congruentia tantum rependitur aliquod præmium, non autem ex obligatione iustitiæ: cuiusmodi opera vocantur à Scholasticis communiter merita de congruo. Sic fidelis pœnitens dicitur aliquando mereri peccatorum remissionem; sed de congruo tantum: non autem merito proprie & absolute dicto. Quartò sumi proprie omnino, Et sic meritum in genere non est aliud, quam opus, cui ex iustitiâ merces debetur.

Notandû Secundo: In hoc genere meritum etiam constitui quasi diuersos gradus, quorû primus potest esse quando opus de

cõdigno meretur aliquam mercedem; sed tamen nõ omni ex parte concurrunt conditione ad rigidæ iustitiæ rationem requisitæ. Huiusmodi meriti ratio reperitur in operibus iustorum in ordine ad vitam æternam, vt infra magis declarabitur. Alius gradus est, quando opus meretur mercedem secundum omnes conditiones rigidæ iustitiæ; cuiusmodi meriti ratio fuit in operibus Christi Domini, vt communiter doceri solet in tertiâ parte D. Thomæ. Hic addunt nonnulli tertium gradum quæ sit meriti perfectissimi: puta quod apprehenditur tale, vt ex nulla dependeat promissionem, siue pacto, nec tale quid supponat: quale nec fuit meritum Christi Domini, utpote quod supponit diuinam promissionem & pactum, sine quibus Christus non poterat obligare Deum ad remittenda peccata, ad reddenda præmia humano generi, per modum meriti.

Sed frustra hic gradus effingitur, cum videatur impossibile dari meritum aliquod proprie dictum, non tantum in ordine ad Deum, sed etiam in ordine ad hominem absque pacto aut conuentione intercedente: nullo enim meo opere possum alterum mihi obligare, vt ex iustitiâ teneatur mercede aut præmiû reddere, quantumcumque fecerim opus bonum, & illi vtile, aut honorificum, nisi sub conditione operis promiserit aut mecum pactus fuerit.

Notandum Tertiò: Ad meritum proprie dictum in communi prout etiam inter homines in causis ciuilibus locum habet, requiri has duas conditiones. Prima est, vt sicuti iam indicauimus, inter operantem & reddentem intercedat conuenticio de mercede persoluendâ, siue de præmio reddendo sub conditione talis operis. Secunda est, quod opus habeat aliquam proportionem dignitatis, aut valoris secundum moralem æstimationem, vnde cumque valor iste spectetur, in ordine ad ipsam mercedem; alioqui si pro opere nihili promittatur res maxima, sanè secundum quod communiter homines apprehendunt, non nascetur tam obligatio iustitiæ quæ sit ex meriti, quâ fidelitatis tantum. Videtur au-

tur autem hæ duæ conditiones sufficere ad meriti propriè dicti in comuni ratione: nam illis positis, in operante nascitur ius ad mercedem, & in eo qui operari facit obligatio mercedis reddendæ. Si tamen contingat, quod operans non sit sui iuris, neque capax acquirendi sibi talem mercedem, sed totum quod acquirit, acquirit de iure ei, qui cū eo paciscitur: ut quando Dominus paciscitur cum seruo, & paciscendo faciat ei potestatem sibi eiusmodi mercedem acquirendi (quod tale pactum videtur secundum adferre) tunc non erit meritum de rigida iustitiâ, propter intervenientem illam gratiam.

5 Notandum Quartò: Ad meritum tamen propriè dictum, siue de condigno inter hominem & Deum, communiter assignari has subsequentes conditiones tanquam necessariò requisitas. Prima est ex parte Dei, scilicet quod intercedat pactū seu conventio cum homine, quam diximus esse communem & generalem ad omne meritum. Secunda est ex parte hominis, videlicet ut sit in gratiâ & filius Dei: quæ conditio non requiritur ad rationem meriti in genere: nihil enim videtur ob stare quo minus inter homines possit aliquis mereri stipendium etiam ab aduersario suo, si sub conditione operis inter eos pactum sit initum. Tertia similiter est ex parte hominis, videlicet ut sit viator, & versetur adhuc in statu viæ. Quarta denique ex parte operis, ut videlicet bonum sit & liberè exerceatur. Quod ad primam attinet, satis euidens videtur, eam requiri tum quod ratio meriti in communi nõ videatur posse subsistere absque pacto inter qualescunque, uti diximus; tum quod particulariter Deus qui supremus est omnium dominus, non possit alicui suæ creaturæ obligari, præsertim ex iustitiâ, nisi accedente sua volutate, quâ dignetur promissis præmijs sub conditione bonorum operum ad benefaciendum nos prouocare: quod alijs multis titulis potest quidem exigere, inò & ad id nos arctare, nisi melius iudicaret sinere nos pro libertate nostrâ operari, & sic præbere merendi occasionem.

6 Neque huic obstat, quod D. Aug. lib. 1. De libero arbitrio cap. 6. dicat, per legem illam, quæ summa ratio nominatur, malis miseram, & bonis beatam vitam reddi: unde posset videri, quod non requiratur promissio ex parte Dei, ut opus bonū sit viæ beatæ meritum, non obstat inquam; quia loquitur de ratione merendi quam explicuimus secundo loco, prout videlicet meritum significat aliquam dignitatem aut proportionem ad bona perci-

pienda aut mala sustinenda iuxta quandam rerum convenientiam, & æquitatem: non autem ut significat opus inducens obligationem iustitiæ in eo, apud quem mereri quis dicitur: nam licet improbus sit dignus pœnis, potest tamen Deus sine iniustitiâ eas non reddere, sed remittere. Similiter si pactum non intervenisset, non obligaretur quoque ex iustitiâ ad reddendam mercedem operibus bonis, quamvis dignum & rationi consonum sit, ut illa remunerentur.

7 Secundam conditionem esse necessariâ tradunt communiter D.D. cum Magistro in 4. dist. 14. & in 1. dist. 17. & D. Thomas hic art. 2. & supra quæst. 109. art. 5. Colligitur autem ex Scripturis, Genes. 4. cap. *Deum respexit ad Abel, & ad munera eius: ad Cain autem non respexit;* quo significatur quod ut munera sint accepta, non satis esse quod bona sint; sed etiam requiri quod offerentes boni & grati sint, ut notat D. Gregor. 2. Moralium cap. 12. Item ex illo Christi apud Ioannem capite 4. *Aqua quam ego dabo ei, sit in eo fons aquæ salientis in vitam æternam.* Et ex illo, Ioannis 7. *Qui credit in me, sicut dicit Scriptura, flumina de ventre eius fluent aqua viva.* Vbi nomine aquæ primo loco intelligitur Spiritus Sanctus inhabitans, ut explicatur satis altero loco allegato: Addit enim Evangelista: *Hoc autem dixit de Spiritu, quem accepturi erant in eo credentes:* Utroque autem loco significatur, quod Spiritus ille inhabitans sit principium & causa scaturiginis manantes in vitam æternam, virtutum, scilicet & bonorum operum, quibus eam mereamur. Ioan. 15. *Sicut palmes non potest ferre fructum à semetipso, nisi manserit in vite: sic nec vos, nisi in me manseritis.* Deinde efficacissimè idem colligitur ex eo, quod Scriptura passim doceat vitam æternam esse propriam filiorum Dei, & proinde omne eius meritum præsupponere adoptionem filij in operante. Ad Roman. 8. *Gloriamur in spe gloriæ filiorum Dei.* Ad Rom. 8. *Si filij & hæredes.* Ad Galat. 4. *Itaque iam non est seruus, sed filius; quod si filius & hæres per Deum.*

8 Docet idipsum Concil. Trid. Sess. 6. cap. 16. Quando dicit Christum IESUM tanquam caput in membra, & tanquam vitam in palmites iugiter in iustificatos influere virtutem, sine qua nullo pacto opera possint esse Deo grata, & meritoria. Conc. quoque Arausic. Can. 25. inter alia dicit, Ante Baptismum nulla posse esse in hominè bona merita. Idem tradunt S.S. P. P. August. Enchiridij cap. 106. Chrys. hom. 30. ad populum Antiochenum. Hieron. lib. 2. aduersus Pelagianum, & alij; Tertiam item conditionem necessariam esse

esse constat, quia ob eius defectum contingit, vt docetur communiter, quod neq; animæ in purgatorio, neque beati in cœlis possint vlcus mereri.

Videtur tamen hæc duæ conditiones scilicet tertia & secunda quodammodo fundari in prima: Secunda quidem quatenus Dominus Deus hunc honorem solis filijs derulerit, quod cum illis de præmijs dandis sub conditione bonorum operum, pacisci fuerit dignatus: quemadmodum & inter homines aliquando fit, quod cum amicis lubeat tractare plura, nosque eis sub certis conditionibus obligare, & cum eis conuentiones facere, quas nollemus cum aduersarijs aut contemptoribus inire, præsertim quando potissimum tendunt in bonum eorum cum quibus contractamus, & conuentionem facimus. Tertia autem fundatur in prima: quatenus sicuti Dominus voluit tempus laborum & certaminis esse termino circumscriptum, ita etiam conuentione & pactum suum de præmijs reddendis: pro benefactis & iustitiæ operibus secundum eorum proportionem, pariter pro definito & determinato tempore fecit & constituit, vsque ad diem scilicet obitus; quando dicitur venire nox, vt nemo possit ultra operari: sed in ijs qui bene operati sunt, tunc sortitur effectum: *Beati qui in Domino moriuntur: amodo dicit spiritus vt requiescant in laboribus suis.*

Possent quidem quis existimare, ex alio capite requisitam esse secundam conditionem, vt scilicet opus haberet aliquam dignitatem & proportionem ad præmium tum gratiæ, tum gloriæ quod redditur: sed si res penitus introspectatur, non videtur inde pendere: quia v. g. actus contritionis qui includit amorem Dei super omnia elicitor per actuale auxilium Spiritus Sancti, non differt in substantiâ à consimili actu, qui elicitor simul ab habitu charitatis: & proinde spectando actus tales præcise in se, videbuntur bene habere proportionem aliquam cum præmio, & tamen absolute non merentur illud, sicut alij qui ab amico & filio Dei sunt: idque ideo, quia cum filij conuentum est de præmiandis illorum operibus, non cum hostibus & contemptoribus. Vnde plerique admittunt eiusmodi actum contritionis posse dici meritum primæ gloriæ, quamvis non primæ gratiæ: quia in ordine ad consequutionem gloriæ potest aliquo modo considerari tanquam actus filij, quatenus simul eodem tempore quo est, infunditur gratia sanctificans. Neque debet videri mirum, quod licet actus illi supernaturalis amoris ponantur esse eiusdem substantiæ, tamen dicamus amoris eius qui est filius, ex pacto promissum esse

præmium, non sic amoris alterius: quia solent obsequia & officia amicorum & filiorum gratiores esse, & haberi in maiori pretio, quàm inimicorum, licet interim forent eiusdem rationis, spectando opera in se.

Quartam denique conditionem, quatenus requirit vt opus bonum sit, esse necessariam, constat quia sola opera bona possunt Deo placere: Ipse enim Deus est non volens iniquitatem: eaque sola possunt habere proportionem condignitatis ad præmia promissa. Similiter necessaria est quatenus requirit, vt opus liberè exerceatur: id enim passim Scripturæ indicant: *Ecclesiast. 31. Qui potuit transgredi & non est transgressus, facere mala & non fecit, ideo stabilita sunt bona illius in Domino.* Item *Ecclesiastici 15. Reliquit illum in manu consilij sui &c. si voluerit mandata seruare conseruabunt se.* 2. ad Corinth. 9. *Vnusquisque prout destinauit in corde suo, non ex tristitia, aut necessitate: bilarem enim datorem diligit Deus.* Istis enim & similibus loquutionibus significatur præmia esse promissa operibus, quæ pro nostra libertate facimus, sic vt in potestate voluntatis sit non velle illa facere. Et fundamentum potest esse, quia opera nisi liberè exerceantur, non sunt laude aut vituperio digna, vt Philosophi tradere solent, & sic nec præmio, aut supplicio. His sic explicatis

Conclusio D. Thomæ est: Potest homo apud Deum mereri; sed non nisi ex præsuppositione diuinæ ordinationis. Quare illud posterius addat, ex dictis potest constare; quia nisi Deus ordinasset & promississet præmia sub conditione operum, omnino certum est, quod nulla hominis opera potuissent meriti propriè dici, & obligatorem inducentis rationem apud Deum habere. Conclusio est certa de fide contra hæreticos. Et probatur primò ex illis Scripturæ locis, quæ dicunt Deum retribuere mercedem, aut reddere coronam iustitiæ operibus nostris: est enim merces correlatiuū meriti, sic vt ad illud essentialem dicat ordinem. Sap. cap. 5. *Apud Deum est merces eorum scil. iustorum:* & cap. 10. *Redditus in se mercedem laborum suorum.* Ecclesiast. c. 20. *Qui timeat Dominum credite illi, & non euacuetur merces vestra.* Ieremij 31. *Est merces operis tui.* Matth. 5. *Merces vestra copiosa est in celis & Matth. 20. Voca operarios, & redde illis mercedem.* Vbi circa parabolas notandum est, quod Paterfamilias conuentione factâ cū operarijs dicitur eos misisse in vineam suam: quod dixerit se redditurum eis quod iustum est: quod iubeat vocari operarios & reddi eis mercedem: quæ omnia significat operarios vineæ Domini propriè mereri mercedem. Ioa. 4. *Et qui metit mercedem accipit & congregat fructum in vitam æternam.* Similia

Y y lia ha-

lia habentur Prou. 11. Mar. 9. & Luc. 6. 2. ad Thimoth. c. 4. *Bonum certamen certavi &c.* In reliquo reposita est mihi corona iustitiæ, quam reddet mihi Dominus in ille die iustus Iudex. Vbi Notandum est, quod Apostolus dicat se bonum certamen certasse; & sibi coronam esse reddendam, non simpliciter dandam; ac rursum non simpliciter dicat coronam, sed coronam iustitiæ; non tantum quia pro iustitiæ operibus, sed propriè quia secundum siue ex iustitiâ redditur: hoc ipsum indicans, dū addit, quod eam reddet iustus Iudex. Huc etiam facit comparatio quam instituit Apostolus 1. ad Corinth. 9. *Omnes quidem in stadio currunt, sed unus accipit præmium: sic currite ut comprehendatur.*

23 Deinde Probatur ex illis Scripturis, quæ significant Deum iuste agere, quando Sanctis bona retribuit: non enim iustitiæ actus foret, sed tantum misericordiæ, aut liberalitatis, si non esset meritum. 2. ad Thessal. cap. 1. *Si tamen iustum est apud Deum retribuere tribulationem iis, qui vos tribulant, & vobis qui tribulamini requiem in reuelatione Domini IESU de celo.* Ad Hebr. 6. *Non enim iniustus est Deus, ut obliuiscatur operum vestrorum & dilectionum.* Et similia indicantur ad Galat. 6. & Matth. 25. Quibus conforme est illud D. Chryl. hom. 4. de Lazaro: Si iustus (inquit) est Deus & his & illis (id est bonis & malis) reddet pro meritis. Item illud Nazianzeni Oratione in Sanctum baptismum: *Extrema crede, resurrectionem, iudiciū, mercedem ad iustitiam Dei lancem exigendam &c.*

14 Probatur præterea ex istis Scripturæ locis, vbi dicitur Deus redditurus unicuique pro mensurâ & qualitate operum, siue bona siue mala fuerint. Psal. 61. *Reddes unicuique secundum opera sua.* Matth. 16. *Filius venturus est in gloria Patris, & tunc reddet unicuique secundum opera sua.* Idem dicitur ad Rom. 2. vbi additur: *Ijs quidem qui secundum patientiam boni operum, gloriam & honorem & incorruptionem, quæ sunt vitam æternam: Quod obseruandum est, quia specialiter negant hæretici vitam æternam tanquam præmium esse reddendam bonis operibus. Cui proinde potest adiungi illud ad Galat. 5. Qui enim seminatur in carne, de carne metet corruptionem: qui autem seminatur in spiritu, de spiritu metet vitam æternam.* Apoc. 20. *Mercēs mea mecum est, reddere unicuique secundum opera.* Ex quo loco colligit DD. quotiescumque Scriptura dicit Deum reddere unicuique secundum opera sua, tunc significari quod reddat unicuique mercedem secundum sua merita. Sunt & alia Scripturæ loca, ex quibus licet doctrinam de meritis iustorum confirmare: ut Matth. 19. Iacobi cap. 4.

Apoc. 3. & 16. Luc. 20. & alibi. Ecclesiast. autem c. 16. etiam ipsum nomen meriti exprimitur: *Omnia misericordia faciet locum unicuique secundum meritum operum suorum.* Ad quem locum vide Iansenium.

Secundò Probatur conclusio ex Concilijs. Conc. Arausicanum Can. 18. ait, *Debetur merces bonis operibus, si fiant: sed gratia quæ non debetur, præcedit ut fiant.* Conc. Latranense sub Innocentio III. & refertur cap. firmiter: *De summa Trinitate & fide Catholica: Non solum (inquit) virgines & continentes; verum etiam conjugatæ per rectam fidem, & operationem bonam placentes Deo ad æternam beatitudinem merentur præuenire.* Idem plane supponit Concil. Florent: in decreto de purgatorio: vbi inter alia dicit: *Animas pro meritum diuersitate videre Deum, aliam aliâ clariùs, atque perfectiùs.* Eandem doctrinam tradit & ex professo definit Conc. Tr. Sess. 6. c. 16. Can. 26. & 31.

Probati denique potest ex Sanctorum PP. testimonijs, quæ plurima & clarissima sunt: ex quibus tantum vnum atque alterum allegabimus. D. August. epistola 105. ad Sixtum: nullane (inquit) sunt merita iustorum? sunt plane, quia iusti sunt: sed vt iusti fierent, merita non fuerunt. Et infra: *Sicut merito peccati tanquam stipendium redditur merces; Ita merito iustitiæ tanquam stipendium redditur vita æterna.* Et lib. De moribus Ecclesiæ cap. 25. *Vita æterna est totum præmium, cuius promissione gaudemus.* D. Greg. lib. 4. moralium cap. 42. *Quia (inquit) in hac vitâ nobis est discretio operum, in illâ proculdubio discretio erit dignitatum, ut quo hic alius alium merito superat, illic alius alium retributione transcendat.* Vide eundem lib. 18. Moralium cap. 24. & lib. 25. c. 1. Testimonia autem aliorum Patrum licebit apud Bellarminum videre lib. 5. De iustificatione cap. 4. Obiectiones quæ hic moueri possent, proponuntur infra artic. 3.

## ARTICVLVS II.

*Utrum aliquis sine gratia possit mereri vitam æternam?*

L Oquitur hic D. Thomas de gratiâ in communi, vt tam actualia auxilia, quam habitum gratiæ complectitur: quod manifestum est ex discursibus quos facit in Corpore.

Conclusio itaque est negatiua: & omnino certa de fide. Patet in primis ex omnibus ijs, quibus supra ostendimus non posse hominem solis naturæ viribus sine gratiâ

gratia facere vilius opus conduens ad vitam æternā, quod vel dispositionis qualicumque rationem habeat in ordine ad salutem vel iustitiam. Inde enim sequitur, quod multo minus possit sine gratiā vitam æternam mereri. Deinde ex ijs quibus articulo præcedenti ostendimus vnam meriti conditionem hominis apud Deum esse, quod sit amicus & filius: unde non tantum non potest absque omni gratiā, sed ne quidem sine gratiā sanctificante potest mereri vitam æternam.

18 Probat autem D. Thomas ratione: quæ sic formari potest. Duplicem licet considerare statum hominis sine gratiā; vnum quidem naturæ integræ, in quo tamen ponatur existere absque gratiæ donis, tamen intelligitur nullo peccato infectus, aut contaminatus: Alterum naturæ corruptæ, in quo omnes ex Adamo nascimur; atque in neutro statu potest homo sine gratiā mereri vitam æternam: ergo &c. Minor quoad primam partem Probatur: quia vita æternā (scilicet quæ in clarā beatificā visione consistit) est bonum quoddam excedens proportionem humanæ naturæ, utpote quod excedit etiam cognitionem eius, & desiderium, iuxta illud 1. ad Cor. 2. *Quod oculus non vidit, nec auris audiuit, nec in cor hominū ascendit, quæ præparavit Deus ijs qui diligunt illum: nobis autem revelavit Deus &c.* Atqui in naturā per se consideratā non est virtus operandi actus proportionatos tali fini & tantis bonis assequendis, quæ sunt supra ipsam naturam: quales actus debeat esse tamen ut sint meritorij vitæ æternæ: ergo non potuisset homo in tali statu sine gratiā mereri vitam æternam. Et hinc quoque patet minor quoad 2. partem: quia eadem & maior in hoc statu militat ratio: accedit enim insuper particulare impedimentum, videlicet peccatum: *In ore autem peccatorum non est laus speciosa, ut dicit Scriptura: nisi igitur per gratiam remittatur, & homo à corruptione sanctetur, non poterit vitam æternam promereri.*

19 Ex dictis videtur consequens, (quod plures etiam tenent) nequidem per absolutam potentiam fieri posse, quod homo sine gratiā & auxilio supernaturali mereatur vitam æternam; quia opus solis naturæ viribus factum (et si ponatur esse moraliter bonum, non potest tamen esse proportionatum) & quid condignum in ordine ad præmium supernaturalis beatitudinis. Posset quidem Deus promittere vitam æternā homini facienti tale opus ex solis naturæ viribus; sed non diceretur propterea operans mereri de condigno illam vitam: quia nihil in ratione pretij aut quasi pretij præstaret proportionatū tanto bono, siue tali

præmio. Unde neque Deus daret illi in proprio tunc sub ratione mercedis tanquā iustus tribuens unicuique quod suum est; sed solum sub ratione debiti ex promissione & fidelitate; ipsum autē opus esset veluti cōditio sine quā non, respectu istius obligationis: non autem haberet meriti propriè dicti & de condigno rationem.

## ARTICVLVS IIL.

*Utrum homo in gratiā cōstitutus possit mereri vitam æternam ex condigno?*

C Onclusio D. Tho. est affirmativa. Patet ex Scripturis, Concilijs, & SS. PP. art. 1. adductis: omnia enim ista testimonia potissimum loquuntur de operibus iustorum, & de retributione vitæ æternæ tanquam mercedis & premij eorundē. Quia tamen posset nasci difficultas, Vtrū opera iustorum sint à parte rei proportionata & cōdigna in ordine ad tantum bonum, quantum est vita æternā, hinc docet D. Thom. posse illa dupliciter considerari: vno modo secundum quod procedunt ex gratiā Spiritus S. alio modo secundum quod procedunt à libero arbitrio hominis: quatenus autē considerantur tantum secundū quod à libero arbitrio procedunt, sic non habere condignitatem, aut æqualitatem ad tale præmiū; quod enim est merē naturale, nullo modo potest esse æstimabile in ratione dignitatis aut valoris cum bono supernaturali: sed quatenus considerantur secundum quod procedunt ex gratiā Spiritus Sancti, sic esse meritoria vitæ æternæ ex cōdigno: atque adeo in æstimatione pretij seu valoris & meriti habere æqualitatem cum vitā æternā tanquam præmio; quem valorē docet iustorum opera accipere tum ab operatione Spiritus Sancti mouentis eos in vitam æternam, tum ab ipsa habituali gratiā informante, per quam facti confortes diuinæ naturæ adoptantur in filios.

21 Similiter de dignitate & valore operum iustorum sentiunt Bon. in 2. dist. 27. Ruardus art. 11. Bell. lib. 5. De iustificatione c. 17. & plerique alij. Et fauet Scriptura sacra Psal. 115. *Preciosus in conspectu Domini mors Sanctorum eius: ubi commendatur præstantia Martyrij. 1. Petri 1. Ut probatio vestre fidei multo pretiosior auro (quod per ignem probatur) inueniatur in laudem & gloriā & honorē. Ibidē: Renati non ex semine corruptibili, sed incorruptibili per verbum Dei viui & permanentis in æternū. ad Gal. 6. Qui autem seminatur in spiritu, de spiritu metet vitam æternam. 1. Ioan. 3. Semen ipsum*

Y y ij in 40

in eo manet: & in Euang. cap. 4. *Fiet in eo fons aquæ salientis in vitam æternam.* Quæ omnia indicant magnam dignitatem operum iustorum, atque adeo important quandam eorum cum præmio vitæ æternæ proportionem, & æqualitatem in æstimatione meriti & mercedis: nam semen, licet non mole, tamen virtute est æquale fructui; & fons aquæ salientis habet proportionem cum flumine, quod inde nascitur: Cui comparatur gloria Sanctorum, quâdo hæc dicitur Flumen lætificans civitatem Dei. Vnde & gratiam comparat Scriptura non qualicumque; semini sed incorruptibili. Idè evidentiùs indicat Parabola Matth. 20. vbi iustorum opera comparantur cum labore operarij impenso in excolendâ vineâ Patrisfamilias; & vita æterna quæ illis retribuitur, denario diurno. Constat enim inter diurnam operam, & diurnum denarium esse proportionem in ratione operis meritis, & in ratione mercedis redditæ.

22 Quare minus consideratè & minus verè quidam existimant non aliter opera iustorum esse merita condigna ad vitam æternam, quâ sicuti labor operarij qui æstimatur v. g. ad decem asses, redditur condignus centum aureis, si is qui cum conduxit, pactus sit dare pro illo labore centum aureos: Hoc enim plurimum dignitati meritorum derogat, atque adeo non videtur consistere cum ratione meriti de condigno, ac proprie dicti, quod oportet esse tale, vt ante conventionem & pactum habeat proportionem aliquâ ad ipsam mercedem: quemadmodum circa meriti conditiones explicuimus.

23 Sed quæret aliquis: Quomodo D. Tho. hoc loco dicat: Sed si opus consideretur secundum quod procedit ex libero arbitrio, non potest esse condignitas, sed est ibi congruitas propter quandam æqualitatem proportionis; cum opus vt ex solis naturæ viribus factum, nequidem sit de congruo meritorium gratiæ, vel gloriæ, vt supra ostensum est. Notandum est, apud morales Philosophos distingui duplicem æqualitatem, siue proportionem inter aliquâ, vt etiam ante indicauimus: vna est rei ad rem, & hæc dicitur proportio Arithmetica; altera verò est proportio proportionum, vbi videlicet non comparantur res & res inter se secundum suas rationes, præstantias, aut valores: sed comparantur habitudines istarum rerum respectu ad suos terminos, vt sicuti se habet res vna ad istum suum terminum, ita res altera se habeat ad hunc suum terminum. Et huiusmodi proportio non adfert, neque supponit æqualitatem aut paritatem aliquam inter ipsas res, vt pote quæ fieri

potest inter ea, quæ in infinitum distant; sed tantum inter ipsas habitudines rerum ad terminos suos: & dicitur proportio Geometrica.

Quando itaque D. Thomas dicit, ibi esse quandam congruitatem propter æqualitatem proportionis, non loquitur de æqualitate Arithmetica, sed de Geometrica, quæ in eo dici potest sita esse, secundum quod D. Tho. explicare videtur, videlicet quod sicuti dum homo per naturam operatur bonum, operetur tunc modo aliquo excellenti & consentaneo suæ virtuti, ita quoque quando Deus retribuit præmium vitæ æternæ, operetur consentaneè secundum excellentiam virtutis suæ. Verum ista proportio non sufficit ad fundandum meritum de congruo: quia hoc, licet non requirat æqualitatem siue condignitatem operis ad mercedem, neque pactum, tamen requirit aliqualem proportionem rei ad rem, qualis non est inter opus merè naturale, & inter præmium gratiæ vel gloriæ supernaturalis. Quando itaque dicit D. Thomas: videtur enim congruum, vt homini operanti secundum suam virtutem, Deus recompenset secundum excellentiâ suæ virtutis, sensus est: quod illa sit quædam cōgruitas seu proportio Geometrica; non autem quod sit aliqua congruitas aut proportio talis operis ad præmium supernaturalis, quæ possit qualiscumque meriti rationem fundare ad tale præmium.

Contra conclusionem obijciunt primò 25 ex Psal. 102. *Qui coronat te in misericordia & miserationibus,* & ex cap. 6. ad Rom. *Gratia Dei vita æterna:* ergo homo non meretur ex condigno vitam æternam. Confirmatur ex D. Augustino lib. De gratia & libero arbitrio cap. 7. vbi dicit; quod Deus dona sua coronet, non merita tua. Respondetur N. C. Ex pluribus enim Scripturis supra demonstratum est, Deum vt iustum Iudicem reddere coronam iustitiæ, iustè agere, quod iustum est dare, reddere operarijs mercedem, reddere mercedem pro laboribus, quando ijs qui in Domino moriuntur, retribuit vitam æternam. Ad primum itaque Scripturæ locum qui opponitur dicendum est, quod Deus dicatur coronare Sanctos suos in misericordia & miserationibus iuxta D. August. lib. citato cap. 9. non quod corona non reddatur bonis operibus; sed (inquit) quia ipsa bona opera ille in bonis operatur, de quo dictum est: Deus est enim qui operatur in vobis velle, & operari pro bona voluntate sua.

Similiter ad alterum locum Respondetur, vitam æternam dici gratiam ab Apostolo, licet potuisset dicere, & rectè dicere (inquit)

(Inquit Aug. eodem cap. citato) stipendiū autem iustitię, vita æterna; quia ipsa bona vita nostra nihil est aliud, quàm Dei gratia, vt habet idem Aug. eodem lib. cap. 8. Vnde sine dubio (inquit) & vita æterna quę bonę vitę redditur, Dei gratia est, quia gratias data est illa vita, cui datur: sed illa cui datur tantummodo gratia est; hæc autem quę illi datur quemadmodum præmium eius, gratia est pro gratiā, tanquam merces pro iustitiā: vt verum sit, quia reddet vniciuque Deus secundum opera eius. Ad Confirmationē dicimus, eodem sensu Augustinū loqui cap. 7. Verba enim eius sunt. Si ergo Dei dona sunt merita tua, nō Deus coronat merita tua tanquam merita tua, sed tanquam dona sua: id est, non tanquam aliqua bona quę ex te ipso habes, vnde possis gloriari; sed tanquam bona quę ex Dei dono & misericordiā habes, vt in Domino glorieris. Patet hic sensus ex ijs quę proximē D. Aug. subiicit.

27

Obijciatur Secundō, Apostolus ad Rom. 8. aperte docet, vtī apparet, opera nostra non esse digna præmio vitę æternę: sic enim scribit: *Existimo enim quod non sunt condigna passionēs huius temporis ad futurā gloriā, quę reuelabitur in nobis.* Respondetur Neg. Assumptum: non enim dicit Apostolus: non existimo, quod bona opera iustorum non sint condigna ad futuram gloriā; sed quod passionēs huius temporis non sint condignę (id est) quod passionēs & tribulationēs huius temporis non sint comparandę, & pares in ratione passionis, doloris, & tristitię cū futurā gloriā in ratione voluptatis, & gaudiij: Ita vt spectando omnia illa vt sunt qualitates quædam & affectionēs humanę malę aut bonę afficiētes hominem, ista sint quid leue & momentaneum: hæc autem quid intensissimē iucundum, ac volupe, & omnino æternum. Non autē sensus est, quod passionēs huius temporis, vt cum patientia supportantur propter Christum, non sint in ratione dignitatis meritorię æquales glorię, quę tanquam præmium illis retribuitur. Quod declaratur ex eodem Apostolo: 2. ad Corinth. cap. 4. vbi sic scribit: *Id enim quod in presenti est momentaneum & leue tribulatio nostra, supra modum in sublimitate æternę glorię pondus operatur:* quibus docet, quod non obstante, quod non sit paritas inter hæc temporanea, & illa æterna modo iam explicato, quem ipse quoque hic indicat; nihilominus tamen passionēs & tribulationēs huius temporis sint proportionata causa, vt operentur illud æternum glorię pondus: quod non operantur nisi quatenus sunt illius merita.

28 Obijciatur Tertiō: Christus Luc. 17.

ita admonet suos: *Sic & vos cum feceritis omnia, quę præcepta sunt vobis, dicite: serui inuiles sumus, quod debuimus facere, fecimus:* ergo nulla possunt esse merita nostra apud Deum. Respondetur Neg. Conf. Docet enim solum Christus & admonet nos, vt recognoscamus conditionē nostram, quod scilicet simus serui in ordine ad Deum, quodque proinde omnia opera nostra, quęcumque facimus aut facere possumus, ipse pro hæcili iure suo & supremo dominio possit à nobis exigere absque retributionis aut mercedis spe vel exspectatione, si pro absoluto iure suo velit nobiscū agere: & consequenter, quod serui inuiles simus, tū quod propriē nihil utilitatis Domino adferamus, licet eius mandatis obtemperemus; tum etiam, quod pro seruili nostrā conditione, nihil possemus nobis per ista proficere aut mereri, nisi Domino pro dignatione & benignitate suā placuisset aliter nobiscū agere. Quę sic deducit Christus, & quasi infert ex ante dictis de Domino huius mundi, qui non statim seruum suum redeuntem ab aratro, facit discumbere, sed iubet illi, vt pareat cenam, & quę ad illam necessaria sunt; & postquam seruus fecerit omnia, non agit Dominus gratias pro officiis præstitis.

29

Et hæc quidem ita se habent, spectando ius & dominium Dei in suas creaturas, & nostram sub eo seruilitatem: accipit, & nobis salutare est, ista agnoscere & sæpius recitare ad humilitatem nostram: non tamen negat Christus, quod non benigniūs & honorificentius Deus agat cū seruus suis: Imò quod longe plus deferat ex suā dignatione, exposit nobis cap. 12. apud eundem Euangelistam: *Beati serui illi (inquit) quos cum veneris Dominus, inueneris vigilantes: Amen dico vobis, quod præcinget se, & faciet illos discumbere, & transiens ministrabit illis.* Sic igitur ex illa Christi doctrinā hoc solum habetur, scilicet quod si voluisset Deus secundum rigorem iuris sui nobiscū agere, quod omnino nihil potuissimus apud eum mereri; non autem quod de facto non mereantur iustorum opera; nam pro magnificā suā clementiā placuit sic honorare seruos suos, vt etiam sub promissione mercedis & præmij voluerit eos ad benefaciendum, & mandatis ipsius obtemperandum inuitare.

Verū pro pleniori huius materię intelligentiā aliquot hic restant explicanda dubia.

## DVBIUM PRIMVM.

*Vitam Deus ex verâ & propriè dictâ iustitiâ reddat pro meritu præmia?*

30 **M** Vlti Scholastici licet admittant iustos mereri de cōdigno vitam æternam; negant tamen Deum ex iustitiâ propriè dictâ reddere mercedem. Ita Alex. Alensis prima parte q. 39. membro 1. Scotus in 4. dist. 46. q. 1. Durandus ibidem q. 1. & in 2. dist. 27. q. 2. & ex recentioribus Valques in primam partem disp. 85. & 86. & in 1. 2. disp. 215. c. 1. D. Thomas quoque supra art. 1. ad 3. videtur vereri dicere, quòd Deus efficiatur simpliciter debitor nobis: sed, inquit, sibi ipsi, in quantum debitum est vt sua ordinatio impleatur. Quare adhibent hic receptâ distinctionē iustitiæ, secundū quā accipitur, vno modo vt respicit debitum quod soluit quis necessariò, vt æqualitatem seruet: alio modo autem, vt dicit condecensiam congruitatis. Hanc autem solam volunt in Deo habere locum etiam in præmijs reddendis, quia nimirum decet vt secundum ordinationem suam cum creaturis agat.

31 **C**onstat priorem solam esse iustitiam propriè & formaliter dictam: Posteriores autem tantum metaphorice, & secundum quandam attributionem dici iustitiam. Videtur autem dictis authoribus fauere D. Ansel. lib. Prosologij cap. 10. ita scribens: Cum punis malos, iustum est; quia hoc meritis illorum continet: cum parcis malis, iustum est; quia convenit tuæ bonitati. Et probant opinionē suā ratione: quasi ex iustitiâ propriè dictâ redderet Deus meritis præmia, vel id faceret ex iustitiâ cōmutatiuā, vel ex iustitiâ distributiuā: atqui secundum neutram potest dici illud operari: ergò &c. Maior videtur manifesta à sufficienti dispositione, loquendo de iustitia particulari de quā hic agimus. Probat autem minor quoad priorē partem: inprimis quia Theologi passim à Deo remouent iustitiam commutatiuam, vt constat ex D. Tho. 1. parte qu. 21. art. 1. & Caiet. ibidem: item lib. 1. Contra gentes cap. 93. cum Ferrariensi. Similiter docent, Palud. in 4. dist. 46. quæst. vnica art. 1. Ibidem Richard. art. 1. quæst. 1. & Larius Durand. quæst. 1. & in 2. dist. 17. quæst. 2. & dist. 42. quæst. 3. Soto lib. 3. De iustitiâ & iure quæst. 5. art. vltimo: & plures alij.

32 **P**robat autem secundò ratione: quia iustitiâ commutatiua versatur inter datū & acceptum, & in eis seruat debitam æqualitatem: quod inprimis ipsum nomen satis

importat: Deinde Philosophus lib. 5. Ethic. cap. 2. 4. & 5. & D. Tho. 2. 2. quæst. 61. art. 3. idem significant, quando docent materiam huius iustitiæ esse commutationem, & in eā constituere æqualitatem: atqui non potest Deus aliquid accipere ab hominibus; nec possunt homines quidquā Deo dare, quod ipsius intersit: ergò non potest Deus teneri ad aliquam æqualitatem nobiscum faciendam ex vi commutationis. Subsumptū probari potest ex Scripturis. Ad Rom. 11. *Quis prior dedis ei, & retribuetur illi?* Job. 22. cap. *Quid prodest Deo si iussus fuerit, aut quid ei confert si fuerit immaculata vita tua?* & cap. 52. *Si iussu egeris, quid donabis ei, aut quid de manu tua accipiet?* Item Luc. 16. *Cum feceritis omnia quæ precepta sunt vobis, dicite seruis inuiles sumus:* ergò &c. Et probatur amplius: quia nunquam possumus reddere Deo æquale pro beneficijs acceptis ab eo; ergò non possumus aliquid Deo dare, vnde in ipso nascatur debitum reddendi nobis quippiam ad constituendam æqualitatem commutationis. Denique, quia pater ad filium, & dominus ad seruum obligari non possunt ex verâ & propriè dictâ iustitiâ cōmutatiuā, vt docet Philosophus lib. 8. Ethico. cap. vltimo, & lib. 9. cap. 6. quia scilicet filius est quasi pars patris; vnde sicuti nemo ad seipsum habet ius iustitiæ, sic neque pater ad filium. Similiter quidquid seruus habet, est hoc totum Domini; & quidquid acquirit, Domino acquirit. Quare videtur repugnare, quod seruus per operationem suam acquirat aliquid ius iustitiæ commutatiuæ aduersus Dominum suum: quia illud ius esset Domini, non serui, sicut omnia reliqua, & proinde non potest esse ius iustitiæ, quæ debet esse ad alterum. Hæc autem omnia magis militent in Deo respectu creaturæ suæ: ergò &c.

33 **P**robant autem alteram partem minoris ex ratione iustitiæ distributiue, quam tradit Philosophus lib. 5. Ethic. cap. 3. & sequitur D. Thom. 2. 2. quæst. 61. art. 2. quia iustitiæ distributiue munus est distribuere bona vel præmia inter multos secundum proportionem Geometricam, vt videlicet qualis est habitudo vel proportio horum ad bona vel præmia quæ ipsi redduntur, eadem sit habitudo & proportio aliorum ad ea quæ ipsis dantur: non autem secundum proportionem Arithmeticam, siue secundum proportionem & æqualitatem rei ad rem: atqui Deus quando retribuit præmia pro meritis, vel etiam supplicia pro delictis, non respicit istam proportionem proportionum, sed proportionem rei ad rem, id est meriti, vel demeriti ad præmium, vel ad supplicium, vt patet ex



tet ex Scripturis, quæ docent Deum reddere unicuique secundum opera sua, & vnumquemque referre prout gessit in corpore. Quò etiam facit illud Apocal. 18. *Quantum glorificauit se & in delicijs fuit, tantum date illi tormentum & luctum*: ergò in reddendis præmijs non operatur ex iustitiâ distributiua, quæ per se respicit Geometricam proportionem, qualis hic per se non attenditur; sed si simul resultet, id quasi per accidens se habet in præmiorum redditione.

34 His tamen non obstantibus, potius amplectenda videtur pars affirmatiua; quam Suarez in Opusculis, Tractatu De iustitia Dei, dicit simpliciter veram esse, & sibi certam: quia maius pondus habere debent tot Scripturarû locutiones supra allegatæ, quæ significant Deû hic ex iustitia operari, puta quæ dicunt eum iuste agere, cum non esse iniustum, vt obliuiscatur operis nostri; eum reddere mercedem laborantibus; brauium in stadio currentibus; iustitiæ coronam tanquam iustum Iudicem ijs qui legitime certant: quos loquendi modos etiam SS. PP. mitantur; quàm rationes quædam philosophicæ humanæ, vt ibidem dicit Suarez, quæ vno verbo solui possunt, dicendo (inquit) virtutes diuinas non in omnibus esse commensurandas humanis; puta quia hæ sæpius habent aliquas imperfectiones adiunctas non pertinentes ad ipsam abstractissimam talis virtutis rationem; sed aduenientes ex occasione subiecti, quod limitatum aut imperfectum est; vel ex ratione materialis obiecti.

35 Vnde ad argumentum in contrarium adductum Respondetur negando minorẽ, In primis quoad priorem partem, loquendo de iustitiâ commutatiua secundum eius abstractam rationẽ ab omni imperfectione, qualem in eâ præcisẽ sumptâ dicimus nullam inuolui. Et declaratur: quia in opere retributionis præmiorum pro meritis inueniuntur conditiones, quæ iustitiæ commutatiuæ formaliter & abstractim cõsideratæ sunt maximè propriæ, & quidem omnes quæ ad eã vt sic, necessariæ sunt: & possunt ad tres reuocari, quarû prima est quædam requisita æqualitas rei ad rem, quâ hic interuenire paulo ante cum D. Thomâ declarauimus: quia est quædam condignitas operis meritorij ad præmium vitæ æternæ. Altera conditio est, quod videatur debere interuenire commutatio aliqua in ratione dati & accepti: atqui etiam hæc potest in eo opere demonstrari; quia illud commutare nihil est aliud, quàm vnum pro alio dare, vel tollere: homo autem præstat & offert opus exactum sub promissione mercedis ex pacto; Deus autem

reddit mercedem pro opere præstito, sicuti Paterfamilias reddit denarium diurnum laboranti, vbi nullus negabit interuenire commutationẽ dati & accepti: & docuit D. Tho. in 3. parte quæst. 85. art. 3. intercedere commutationem quandam inter satisfaciõnem, & veniam: & pari ratione inter meritum & retributionem præmij. Tertia Conditiõ est, vt ex datione seu præstatione vnus, oriatur debitum & obligatio in accipiente ad retribuendû ex vi iuris comparati ab alio per rem aut opus exhibitum, vel præstitum. Hanc autem conditionem etiam obtinere in Deo satis videtur evidens ex differentiâ inter dona quæ gratis homini confert, & inter mercedem quam retribuit pro meritis: nam illa sunt pura & mera gratia, non autem hæc: quæ differentiã non videtur posse fundari in alio, nisi in prædictâ obligatione & debito iustitiæ exorto ex ipsis operibus sic iuxta conventionem factis, & in iure per ea acquisito homini ad illud bonum quod Deus reddit tanquàm mercedem.

Quare ad primam probationem prioris 36 *pauli Minoris* negatæ, desumptam ex ratione similiter Respondetur negando Assump. nam commutationem dati & accepti posse inter Deum & hominem habere locum, iam ostendimus. Pro pleniori autem difficultatis euacuatione, Notandum est, quando dicitur materia huius iustitiæ esse commutatio dati & accepti, non id intelligendum esse (vt alij videntur supponere) de datione & acceptione cum mutuâ vtilitate, & dominiorû translatione; quâuis enim hæc vt plurimum interueniant in commutatione iustitiæ apud homines, non tamen simpliciter in ratione commutationis, quam requirit iustitia de qua agimus, includuntur: neque necessum est ad iustitiã opus, quod semper adfuit: nam etiam inter homines aliquando soluuntur iusta stipendia pro operibus ex quibus alter nullum percipit commodum; Et tamen iuste siue ex iustitiâ soluuntur, quia ad voluntatem alterius cum pacto de mercede reddendâ, facta sunt, & habent (vti suppono) quandam condignitatem cum mercede promissâ: vt si quis v. g. conueniat sub certâ mercede cum aliquo, vt lapides omnes talis plateæ numeret, ex cuius tamẽ numeri scientiã non intendat lucrum aut quæstum, tenebitur ex iustitiâ soluere, opere præstito.

Quod si dicant vtilitatem quandam in eo esse, quod appetitus seu volutâs alterius expleatur, & inde accipiat complacentiam quandam; replicabitur, si id eis satis sit, vt commutatio dicatur fieri cum mutuâ vtilitate, tunc non fore difficile ostendere 37  
Y y iiii etiam

etiam commutationē dati & accepti inter Deum & hominem fieri cum mutuā utilitate: nam hominis obedientia, mandatorum Dei observatio, & alia bona opera sunt secundum Dei voluntatem, & ipsi grata sunt. Sed hoc est terminis ipsis abuti, neque simpliciter ita loquendum est, quod possit homo aliquid prestare, unde Deus habeat utilitatē. Quare dicimus id necessarium non esse ad commutationem, quam iustitia abstractam concepta requirit. Sic quoque ad rationem dati, satis est quod ius alterius præstatione aliquā exequetur, etiam si retribuens non se priuet iure alicuius dominij, vel nō patiatur in rebus suis diminutionem, aut grauationem.

38 Sed dicent forsitan: non videri id posse aliter fieri. Respondetur N. Assumptum: & declaratur in simili: nam potest quis impendere alteri misericordiam absq; suo incommodo: nam summæ malignitatis est non vocare hoc beneficium, nisi quod dātem aliquo afficit incommodo, vt ex Seneca docet D. Tho. 2. 2. quæst. 116. art. 3. ad 3. quia ad misericordiam rationem satis est, quod miseria alterius subleuetur, etsi subleuans non patiatur detrimentum. Id autem fieri posse oportet fateri, nisi velint non tantum iustitiam, sed etiam misericordiam, & liberalitatem à Deo excludere. Quod si possit id fieri in misericordia, poterit quoque fieri in opere iustitiæ: nam eadem datio quæ est opus misericordie quando fit misero & gratis, erit actus iustitiæ, si fiat ad satisfaciendum iuri quod alter acquisiuit.

39 Quare ex parte donationis faciendæ non magis repugnat Deo iustitia propriè dicta, quam misericordia. Dupliciter autem potest declarari, quod ius alterius quis exæquet absque eo, quod se dominio priuet, aut se grauet: Primo, si ius alterius sit, v.g. quod possit rebus meis frui eo modo, vt dominio earum non priuer, nec inde sentiam incommodum quoddam; vt si ius quis habeat, quod possit intueri diuitias & thesauros meos, & intuentum se oblectare, unde mihi nomen & fama accrescant absque meo dispendio, vel onere: quemadmodum merces Beatorum in Cælo in eo sita est, vt possint clarā visione frui diuinā Essentiā; ex quo nihil Deo discedit dum eis hoc prestat: sed ex præstatione illā potius accrescunt amor & veneratio erga illum. Secundò, si retribuens intelligatur habere dominium vniuersale & supereminens, quod non leditur, neque minuitur per hoc, quod concedatur alteri eiusdem rei dominium particulare & inferioris ordinis: tunc enim etsi reddat quippiam alteri ad æquandum ius eius, non

tamen propterea ipse se exiit illo dominio suo in rem illam: possunt enim ista, vt potest diuersi ordinis simul consistere, quod penes vnum sit dominium vniuersale, & penes alterum dominium particulare eiusdem rei subordinatum isti vniuersali.

Sicuti Resp. habet quoddam vniuersale dominium in omnes fortunas & bona ciuium, vt in necessitate possit de illis disponere, & etiam alienare, si salus Reip. id postulet. In casu igitur quo Resp. distribueret aliqua ex bonis istis ciuiū alijs bene meritis, non per hoc se priuaret illo suo dominio vniuersali & alto quod habebat in bona illa; licet bene priuaret sed omnia particulari quod simul prius cū vniuersali habebat in eadē illa bona. Sic ergo Deus qui habet vniuersale dominium & quidem ira absolutum, vt per nullius particulare dominium in aliquo possit impediri, potest distribuere bona creaturis suis, easque ipsis dare siue ex liberalitate aut misericordiā, siue ex iustitiā absque eo, quod dominium eius in aliquo legatur. Vnde de communiter dici solet,

*Omnia dat Dominus, non habet ergo minui.*

Quare neq; ex ratione dati, neq; ex ratione accepti includit commutatio (quā iustitia per se & essentialiter respicit) aliquid quod in Deo locum habere non possit.

Ad Scripturas allegatas pro Confirmatione, Respondetur breuiter, sensum quidem Apostoli ad Rom. esse: nos nihil boni ex nobis ipsis habere, quo vel gratiam, vel gloriam possumus mereri, vel quacunque ratione assequi: sed omnis boni nostri principium siue gratiæ siue gloriæ efflux Deo, qui gratis pro bonā voluntate suā gratiam suam quibus voluerit, distribuit absque eorum præcedentibus vllis meritis: atque ita nos prius antequam diuinis beneficijs præueniamur, nihil posse Deo dare cui ipse aliquid debeat retribuere: non autem negat S. Apostolus, quin vbi homo à Deo prius accepit gratiam, possit per illam bene operari, & aliquid facere, pro quo iustus Iudex reddat coronā iustitiæ. Vnde dicit Apostolus: Quis prior dedit illi? videlicet antequam gratiosè diuinis munibus sit præuentus.

Ad loca Iob dicendum est, ibi eum docere quod ex factis & operibus nostris Deus nihil accipiat utilitatis: quod certissimum est. Ipse enim bonorū nostrorum non eget, vt dicit Psalmista: non tamē inde sequitur, quod non ex alijs rationibus, etsi nō propter causam utilitatis suæ, velit & cupiat à nobis bona opera fieri, & quidem ita, vt dignatus fuerit cum homine conventionem facere, & pacificè de reddendā mercede, vt sic fortius & suscius eundem

eundem inuitaret ad bene faciendum, licet potuisset hoc ipsum exigere ex diuersis titulis, non apponendo præmium bene operantibus, si pro suo iure voluisset omnino agere.

42 Ad Secundam probationem ex ratione petitam, Resp. Eam non plus efficere, quam quod in casu quo Deus vellet cum homine agere pro absoluto iure suo, quatenus ipse est primum Principium & Conditor omnium tunc nihil posse hominem præstare, unde nasceretur in Deo aliquod debitum dandi, aut referendi quippiam homini ad constituendum æqualitatem commutationis inter eos; sed supposito (prout à parte rei verum est) quod scilicet Deus voluerit benignius & humanius cum homine agere, puta quod ad ea, quæ multis titulis poterat ab homine exigere absque spe mercedis, imò ad quæ obligabatur iure naturæ (sic tamen ut quoad facere de facto vel non facere relicta essent hominis arbitrio) dignatus fuerit hominem allicere & prouocare pollicitationibus, ut illa de facto præstaret, adeoque etiam cum illo pacisci de reddenda mercede pro talibus operibus, si illa præstaret: hoc inquam supposito, non concludit argumentum, quin possit ex illa Dei bonâ voluntate & pacto subsequuto suboriri debitum in Deo ad dandum aliquid homini, ut constituatur æqualitas commutationis, quatenus videlicet homo cui est libertas suorum actuum, præstat opus æquale tali præmio, super quo placuit Deo conuenire & pacisci cum homine de mercede pro eo reddenda, si illud homo præstiterit.

43 Ad Tertiam Probationem ex ratione similiter Respondetur, non esse, siue non posse consistere commutatiuam iustitiam inter patrem & filium, item inter dominum & seruum insistendo rigide in iure patris & domini, quod hi respectiue habent in filium, & seruum, ac res eorum; & persistendo in naturali conditione filij, & seruitutis: idque Philosophum solummodo docere: sed cum his stare, quod inter eosdem respectiue possit esse quædam commutatiua iustitia ex certis suppositionibus; puta quod dominus velit seruum facere alicuius proprii iuris & dominij capax, quodque velit super aliquibus eius operibus cum eo conuenire sub certa mercede, aut præmio, licet easdem operas, si ex rigore cum eo agere vellet, posset exigere sine conuentione cum eo iniunctâ, & absque pollicitatione mercedis; nullumque ius seruo ad mercedem competeret, imò nec mercedis tanquam rei propriæ capax foret, nisi ex domini beneuolentiâ hoc ei attributū esset. Sic quoque inter Deum & hominem, spe-

cando utrumque secundum naturalem suam conditionem, Deum quidem secundum absolutum dominium, & hominem secundum conditionem creaturæ eius, non consisteret iustitia commutatiua, nisi Deus pro bonâ voluntate suâ voluisset humanius & benignius cum homine agere, quæ admodum iam ante explicuimus. Neque obstat quod non possit Deus se priuare dominio alicuius rei: id enim non requiritur simpliciter ad commutationem iustitiæ, ut ante ostensum est: sufficit enim quod possit alteri rem donare, vel ad rei fructuonem admittere, quamuis eius in ipsam rem non minuat dominium, quod fieri posse ex dictis constat.

Denique ad Primam Probationem ab autoritate communis doctrinæ Theologorum desumptam, Respondetur eos loqui de iustitia commutatiua, considerando rationem commutationis, secundum quod commutatio fieri solet inter homines, quæ habet imperfectiones aliquas adiunctas, ut quod fiat ad mutuam vtilitatem, item quod commutantes se priuent dominio eius rei quam commutant; non autem eos negaturos iustitiam commutatiuam in Deo, abstractiùs considerando commutationis rationem; quatenus ea vera subsistit, & tamen istas imperfectiones non inuoluit, sicuti ante explicuimus. Potest id colligi ex D. Thom. 1. parte quæst. 21. art. 1. ad 1. ubi scribit: Quædam verò virtutes morales sunt circa operationes, ut puta circa dationes & sumptus, ut iustitia & liberalitas, & magnificentia; quæ etiam non sunt in parte sensitua, sed in voluntate. Unde nihil prohibet, inquit, huiusmodi virtutes in Deo ponere, non tamen circa actiones ciuiles, sed circa actiones Deo conuenientes. Et 2. 2. quæst. 61. art. 4. ad 1. dicit in diuino iudicio attendi rationem commutatiuæ iustitiæ, prout scilicet recompensat præmia meritis, & supplicia peccatis: & 3. parte quæst. 85. per totam satis declarat in satisfactione nostrâ erga Deum intervenire iustitiam commutatiuam, quamuis imperfectam ex parte nostrâ, quia deest æqualitas. Eandem iustitiam etiam ponit, sed perfectiorem, inter Deum & Christum eadem parte 3. quæst. 1. art. 2. iunctâ scilicet ultimâ ratione Corporis articuli cum solutione ad secundum.

Negat itaque D. Thomas iustitiam commutatiuam in Deo secundum commune loquendi modum Theologorum & Philosophorum, quatenus commutatio intelligitur habere coniunctas imperfectiones; non autem secundum conceptum commutationis abstractiorem, siue rationem solutionis proprii iuris alterius & debiti cum

cum æqualitate rei ad rem, vt v. g. dum merces soluitur æqualiter ad ius operātis, & ad debitū conducentis operas, vbi nulla imperfectio includitur. Capreolus in 2. dist. 27. art. 3. ad 1. dicit: quando D. Tho. negat inter Deum & creaturam posse esse iustitiam commutatiuam, tunc eum considerare creaturā, & actiones eius secundū proprias vires & secundum valorem & efficaciam, quā ex se habere possunt ad obligandum Deum ex iustitia. Vide Caietanum 1. parte quæst. 21. art. 1. & 2. 2. quæst. 61. art. 4. & Ferrariensem lib. 1. contragentes, cap. 93. Dominicum Soto lib. 3. De iustitia & iure quæst. 5. artic. ultimo: & Rich. in 4. dist. 56. artic. 1. quæst. 1. vbi dicti authores iustitiam aliquam commutatiuam in Deo agnoscendam esse significant.

46 Quod autem D. Thomas hic art. 1. dicat, in hominibus non esse iustitiam simpliciter respectu Dei, non excludit proprietatem, & veram iustitiæ rationem: sed excludit eam iustitiæ rigorem, qui nō aliquā gratiā, vel voluntariam promissionem debitoris præsupponat. Vnde ibidem dicit, non posse esse meritum hominis ad Deum nisi secundum præsuppositionem diuinæ ordinationis. Omnino itaque dicendum est, in Deo esse proprium attributum iustitiæ commutatiuæ habens quādam convenientiam formalem, etsi analogam cum iustitiā commutatiuā creatā, ratione cuius potest propria & formalis iustitia commutatiua dici: licet commutationes, quæ inter Deum & hominem, & illæ quæ inter ipsos homines intercedunt, non sint omnino eiusdem rationis si particulariter spectentur: & ipsum quoque ius proprium & particulare hominis ad Deum (circa quod Dei iustitia versatur) non est omnino eiusdem rationis cum iuribus, quæ homines habent ad se inuicē: Primo, quia non potest homo habere vllum eiusmodi ius iustitiæ ad Deum, nisi ex gratiā Dei pactione, & ex eius gratiā, vnde nihil omnino vtilitatis proprie loquendo, ad Deum accedit; cum homines possint in se inuicem acquirere ius absque alterius gratiā, & voluntate. Secundū, quia omne hoc ius semper manet sub dominio ipsius Dei modo quodam altiori, & perfectiori: sicut & omne aliud bonum creaturæ. Hoc enim spectat ad supremam Dei supereminentiā & perfectionem; & oritur ex intrinsecā ac necessariā dependentiā omnis boni creati ab ipsius Dei potentiā & voluntate: non autem ita ius vnus hominis ad alterum est subditum alterius hominis dominio.

47 Et hinc tertio fit, quod homo habens proprium ius iustitiæ ad alium hominem,

habeat eum sibi quodammodo subiectum, quatenus ex vi iuris sui, necessitatem illi inferri seruandi vel soluendi tale ius, per se quidem loquendo, directiū per regulas, seu leges iustitiæ; & in vires habeat etiam coactiuam, quantum est ex ratione iuris sui, si aliter æqualitatem iuris ab eo obtinere non possit. Verū nihil horum locum habet respectu Dei propter illam creaturæ & omnium eorum quæ sunt ipsius subordinationem, sub absoluto & supremo Dei dominio: ac simul quia à nullo potest legem accipere, sed tantummodo ipse sibi omnis rectitudinis regula est. Vnde etiam ratio debiti vel debitoris in ordine ad tale ius, non ponit vllam in Deo imperfectionem; quia non oritur in eo ex aliquā indigentia aut necessitate ipsius, vel superioritate alicuius alterius: sed tantum ex propria & spontanea voluntate: & à nemine ad satisfaciendum necessitari potest, nisi à propria & intrinsecā suā rectitudine. Dixi, Attributum illud habere quandam convenientiam formalem, sed analogam: quia sicut omnes creaturæ conueniunt tantum in quādam Analogicā ratione entis, cum primo Ente, sic quoque omnes virtutes creatæ secundum particulares suas rationes conueniunt cum virtutibus increatis in formali ratione tantum secundum quandam Analogiam; alioquin haberent eandem perfectionem cum increatis.

Potest Secundo Responderi ad argumentum principale Negando posteriorem partem minoris: nam etiā iustitia distributiua in redditione gloriæ vt mercedis videtur obseruari. Quod hoc modo declarari potest: quia in iustis duplex est titulus, quo admittuntur ad gloriam: scilicet titulus operationis & meritum; & titulus adoptionis filiorum. Prior spectat ad iustitiam commutatiuam: In posteriori autem potest dici habere locum distributiua, quia hæc respicit per se ius fundatum in sola conditione & dignitate personæ: habet autem iustus ex vi gratiæ, quæ constituitur filius ius quoddam ad gloriam tanquam ad suam hereditatem, iuxta illud Apostoli ad Rom. 8. *Si autem filij & heredes*: & quidē ita, vt quod participat perfectiori modo hanc gratiam filiationis ed amplior portio hereditatis debeat. Quare pluribus habentibus gratias inæquales debentur inæquales gradus huius hereditatis cū proportionem Geometricā; quæ videtur ad distributiua iustitiam satis esse. Vide Suares Opusculo. cit. sectione 3. nu. 29. & sequentibus: vbi & alio modo hanc rem explicat; sed qui videtur esse obliuiscor.

DVBIVM SECVNDVM.

*An meritum hominis ad Deum sit secundum rigorem iustitiæ?*

49 **E**X iam dictis non erit difficile ad questionem hanc respondere: Dicendum enim est, non reperiri hic iustitiæ rigorem; nam ex diuersis capitibus ab eo receditur: Primò, quia quicquid homo operatur meritorie, hoc omne pro absolutâ potestate supremi dominij poterat Deus ab eo exigere absque pactione, aut promissione recompensæ; Imò pleraque tenebatur homo lege naturali prestare, quâvis nulla fuisset conuentio facta aut propositum præmiû. Secundò, quia nec poterat homo hæc prestare, nisi à Deo acciperet auxilium & vires gratiæ sibi indebitas, quibus exerceat opera bona & meritoria. Tertiò, quia per illa non poterat mereri, nisi gratiosè & absque respectu ad suam vtilitatem aut commodum, placuisset Deo pacifici cum homine, qui etiâ multum inferior est, nec ullam habet cum Deo æqualitatem. Quæ addo, quia licet aliquâdo conuentio alicui sit libera, quando tamen sit vtriusque; causâ inter æquales: nec ad vnius magis, quàm alterius commoditatem spectat; & hinc, indè præstantur æqualia in pretio, vel æstimatione, non censetur tunc ex hoc capite minui aliquid de rigore iustitiæ: vt quando homines exercent inter se contractus emptionis & venditionis, vel aliquis alteri voluntariè elocat operam suam; & in similibus, tamen si partes liberè contrahant, nò tamen ideo quisquam dixerit, non intercedere ibi rigorem iustitiæ, ex quo teneantur satisfacere. Ex ipsa itaque constat, quod licet iustitia diuina simpliciter sit excellentior, vt pote habens omnem iustitiæ rationè prorsus alienam ab omni imperfectione, nihilominus tamen commutatiuam iustitiam humanam excedere in quibusdam maioribus proprietatibus pertinentibus ad quandam maiorem rigorem iustitiæ, puta in modò explicatis, aut subindictis conditionibus.

DVBIVM TERTIVM.

*Virum Deus iustorum merita remuneret ultra condignum?*

50 **R**espondeo & Dico Primò: Nullo modo asserere licet, quod opera bona iustorum non accipiant in die iudicij extremi ampliorem mercedem, quàm iusto Dei iudicio mereantur accipere. Constat, quia est vna ex propositionibus reprobatis

à duobus Pontificibus. Pio V. & Gregorio XIII. Unde

Dico Secundò: Deus remunerat iustorum merita ultra condignum, non tantum quia opera considerata cum solo ordine ad liberum arbitrium non creantur illam mercedem gloriæ; sed etiam quia illis vt à gratia profectis posset Deus minorem mercedem taxare & reddere, quam taxauerit & retribuit, absque eo quod merces esset inferior aut minor valore meritorum. Probatur Primò, quia est còmunis Theologorum doctrina in 4. dist. 46. D. Tho. Sancti Bon. Scoti, Durandi & aliorum. Probatur Secundò ex Scripturis: Matth. cap. 5. *Gaudete & exultate, quoniam merces vestra copiosa est in cælu: vbi verbum copiosa id nobis indicat, & clarius Lucæ 6. Mensuram bonam, & conseruatam, & coarctatam, & superfluentem dabunt in sinum vestrum: Vbi illæ exaggerationes huius mensuræ, quòd dicatur coarctata, & superfluentis omnino important mercedem non tantum iustam, sed ultra condignum à Deo retribui. Ad Eph. 2. Et cõfedere fecit in cælestibus in Christo IESU, vt ostenderet in seculum superuenientibus abundanter diuitum gratiæ suæ in bonitate super nos &c. Lucæ 19. Seruo fideli qui lucratus erat decem Mnas, nò tantum datur Imperium in decem Ciuitates, quo potest significari iustum præmium; sed etiam ulterius datur Mna, quæ fuerat ablata à seruo pigro & nequam: in quo videtur innui Deum remunerare opera bona etiam ultra iustum præmium.*

Idem docet Sanctus Fulg. lib. 1. Ad Monitum cap. 10. explicans, Cur vita æterna dicatur gratia: Gratia autem (inquit) etiam ipsa non iniuste dicitur, quia non solum donis suis Deus dona sua reddit; sed quia tantum etiam ibi gratia diuinæ retributionis exuberat, vt incomparabiliter, & ineffabiliter omne meritum, quantumuis bonæ & ex Deo datæ humanæ voluntatis excedat. Vide etiam D. Basilium in illud Psalmi 114. *Conuertere anima mea in requiem tuam.*

Dico Tertiò: Verisimilius est, quod Deus hoc auarum mercedem certâ lege taxauerit, & reddat secundum geometricam proportionè; videlicet proportionabiliter ad qualitatem meritorum vniuscuiusque; ita vt æqualibus in meritis detur etiâ illud æquale; & inæqualibus, inæquale: non autem modo variò & incerto, vni minus quàm alteri pro diuerso Dei beneplacito etsi in meritis sint æquales: licet videatur hoc indicare Bellar. lib. 5. De iustific. cap. 19. Probatur autem ex Scripturis, quæ significant eandem proportionem futuram totius gloriæ ad gloriam in beatis quæ

quæ fait hic totius eorum meriti ad meritum: ut quæ dicitur: *Qui parce seminat, parce & metet; & qui seminat in benedictionibus, de benedictionibus & metet; & rursum: Reddet Deus unicuique secundum opera sua*: Non enim est personarum acceptio apud Deum. Deinde licet Deus dicitur præmiare ultra condignum, ita & punire citra condignum (licet hoc non quæ certum habeatur apud Theologos, quam istud) interim in eo putatur seruire geometricam proportionem, ut colligi potest ex illo Apocal. 18. *Quantum se glorificauit & in delictis fuit, tantum dante illi tormentum & lucum*: ergo etiam in altero similiter existimandus est Deus seruire eandem proportionem.

## ARTICVLVS IV.

*Utrum gratia sit principium meriti principalius per charitatem, quam per alias virtutes?*

54 **C**onclusio D. Thomæ est affirmatiua. Et probari potest primò, quia Charitas est nobilissima virtutum attingens Deum modo excellentissimo, qui in hac vitâ est possibilis: ergo per illam eiusque actus principalis meremur, quam per cæteras virtutes. Probatur Secundò ratione D. Thom. quæ sic potest formari: quia principalis meremur per illam virtutem, quæ immediatius per se tendit in bonum, quod nobis secundum diuinam ordinationem ad promerendum est propositum; Similiter per illam quæ facit nobis actum meriti magis voluntarium: atqui utrumque præstat Charitas præ cæteris: quia bonum nobis propositum est fruitio diuinæ essentialitæ, in quâ per se & immediatè tendit charitas: deinde quod ex amore facimus, hoc operamur maximè voluntariè: ergo &c.

55 Sed disputati solet, utrum nullum opus sit meritorium nisi à charitate procedat ut elicitum, aut imperatum? id enim videtur D. Thomas hic significare tum in Corpore, tum in responsione ad tertiū. Respondet & Dico Primò: nullum opus moraliter duntaxat bonum procedens ex solâ naturâ eiusque solis viribus absque actuali in præsentia aut in præterito seu virtuali relatione ad finem supernaturalem, est meritorium vitæ æternæ, nisi operans sit iustificatus. Est contra Caiet. supra q. 21. ar. 4. Soto lib. 3. De nat. & gratia c. 4. Greg. à Valentia hic quæst. 6. puncto 3. & Vasquez hic Disput. 217. cap. 3. 4. & 5. qui volunt habitualement voluntatis inclinationem per Charitatem, sufficere. Sed nostra est com-

muniore sententia Doctorum in Secundum: ubi videre licet Durandum dist. 20. & Scorum, Bonauent. Gabrielem & alios dist. 41. Suarez in Opuscul. Tractatu De reuoluentia meritorum Disp. 2. lect. 1. n. 45. & aliquot sequentibus. D. Thomas quoque hic supponit: omne meritum debere esse à gratiâ tanquam principio, ut ipsa forma articuli propositi satis significat: & supra quæst. 113. vult meritum esse effectum gratiæ cooperantis: & hic art. 1. & 2. dicit opus meritorium esse ex motione Spiritus Sancti: 2. 2. q. 2. art. 9. dicit, actus nostros esse meritorios, quatenus ab arbitrio procedunt moto per gratiâ. Quare quod supra quæst. 21. art. 4. & qu. 2. De malo art. 5. scribit, Omnem actum bonum esse meritorium in homine iusto, intelligendum est de actu bono procedente ex iustitiâ siue gratiâ, vel qui in finem supernaturalem referatur; quod etiam non fit per solas naturæ vires.

56 Probat ex Concilio Trid. Sess. 6. cap. 16. ubi indicat ea demum opera esse meritoria, quæ procedunt ex virtute, quâ Christus in iustos tanquam caput in membra sua, & sicut vitis in palmites iugiter infuit. Vnde ad stabilimentum doctrinæ suæ adfert illa verba Christi supra allegata: *Si quis biberit ex aquâ, quam ego dabo ei, fiet in eo fons aquæ salientis in vitam æternam*: debet igitur aqua illa quæ salit in vitam æternam, hauriri ex fonte illius aquæ quam Christus promittit, id est, de Spiritu Sancto promisso credentibus. Deinde Ioannis 15. dicitur: quod sicut palmes non potest ferre fructum ex semetipso, sic nec nos à nobis ipsis: ergo necessum est, quod ex gratiâ & virtute Spiritus Sancti, omnis fructus operis meritorij procedat. Accedit, quod ista opera alioquin, non sint proportionata tali præmio. Nec refert, quod persona operans sit iustificata; quia supponitur quod non ex formâ gratiæ, siue iustitiæ, aut ex virtute supernaturali; sed ex nuda natura, eiusque viribus opus fiat moraliter duntaxat bonum: vnde illa dignitas persone videtur hic se habere merè materialiter, & non efficere eiusmodi opera.

57 Dico Secundò: Eiusmodi tamen opera quemadmodum & alia indifferentia, si per imperium charitatis fiant, aut referantur ad finem supernaturalem, erunt meritoria vitæ æternæ. Est communis & certa doctrina. Probat ex Scripturis: Matth. 10. cap. *Qui recipit Prophetam in nomine Prophetæ, mercedem Prophetæ recipiet; & qui recipit iustum in nomine iusti, mercedem iusti recipiet; & quantumque potum dederit uni ex minimis istius calicem aquæ frigida tantum in nomine discipuli, Amen dico vobis, non perdet mercedem suam*: & c. 25. operi-

operibus misericordie reddetur vita æterna; quia quod vni ex minimis istis factum est, testatur Christus sibi factum esse: quia scilicet in nomine Christi, ipsis prætitum fuit. Probatur Secundo ratione: quia actus imperatus sortitur bonitatem imperantis, & ab eo quasi informatur, sicut actus externus ab interno. Quare ratione istius imperij cuius virtute fit, accipit quandam dignitatem & bonitatem ordinis supernaturalis; & sic efficitur vitæ æternæ meritorius, licet aliquin ex principio proximo, v. g. ex virtute acquisita morali, non habeat debitam proportionem ad talem mercedem.

Dico Tertiò idem etiam de actibus virtutum supernaturalium, seu infusarum, vt fidei, spei, religionis, misericordie, quod vitæ æternæ meritorij sint quando à charitate imperantur. Id enim satis manifeste ex altero sequitur: & potiori ratione indubitatè omnino tenendum est.

Dico autè Quartò: Maximè probabile est, quod hi actus in iustificatio sint meritorij vitæ æternæ, etsi nō à formali imperio charitatis actu, aut virtute adhuc durante, procedant. v. g. quod credere articulis fidei, quia à Deo reuelati sint: sperare & desiderare diuinæ essentiae fruitionem, tanquam bonum supernaturale nobis vt finem propositū; colere Deum hostijs & sacrificijs, & gratiarū actionibus sunt actus meritorij vitæ æternæ, etsi neq; de facto sit, nec antecesserit actus charitatis cuius virtute isti exercentur tanquam à charitate imperati; sed fiant tantum ex virtutibus supernaturalibus ipsis correspondentibus, & ex Spiritus Sancti gratia à iustificatio propter ipsam eorum honestatem & bonitatem quæ est ordinis supernaturalis. Ita inprimis tenet omnes illi quos diximus sentire contra primam nostram propositionem: & Suarez supra, & Malder. hic art. 2. dub. 8.

Probatur Primò ex Scripturis, quæ generaliter de operibus bonis in Deo factis loquuntur & docent ijs mercedē esse reddendam. 1. ad Corinth. 15. *Abundate in omni opere bono, scientes quia labor vester non est inanis in Domino.* Ad Hebr. 10. *Nolite amittere confidentiam, quæ magnam habet remunerationem.* & cap. 6. *Non enim iniustus est Deus, vt obliuiscatur opera vestra, & dilectionis quam ostendimus nomine ipsius.* Similia plura loca supra citauimus. Probatur Secundo ex Concilio Tridentino, Sess. 6. Can. 24. Vbi definit iustitiam acceptam augeri per opera bona: neq; restringit ea ad sola opera charitatis. Similiter Can. 26. definit iustos pro operibus quæ in Deo sunt facta, debere expectare & separare retributionem, & Can. 32. definit hominis iustificati opera bona ita esse dona Dei, vt sint etiam bona

ipius iustificati merita. Vbi semper generaliter bonis operibus iustorum attribuit meriti rationem.

Sed ne quis existimet hoc etiam extendendum esse ad opera naturæ moraliter tantum bona, obseruandum est, quod Can. 26. dicat: pro operibus quæ in Deo sunt facta: & cap. 16. vbi hanc doctrinam de meritis plenius explicat, doceat quod sine virtute quam Christus in iustos tanquam caput in membra infuit, nullo pacto opera Deo grata & meritoria esse possint. Probatur Tertiò ratione, quia actus virtutum supernaturalium sunt supernaturales, & media ordinata ad proportionata fini supernaturali: non est igitur ratio negandi eis meriti rationem, quando ab homine iusto, & Deo grato exercentur. Deinde qui dixit: Diliges Dominum Deum tuum, is etiam credendi, sperandi & similia præcepta dedit: oportet ergo legislatorem non tantum punire peccantes contra illa præcepta, sed etiam obseruantes præmiare.

Dico Quintò: quamuis prima fronte videri possit prædicta Concl. pugnarè cum doctrina D. Th. tamen probabiliter declaratur ab eius mente nō discrepare. Ita Mald. & alij cōtra nōnullos, inter quos est Tann. d. 6. de grat. q. 6. du. 4. propter illa quæ hoc art. scribit D. Th. vbi speciatim notat eum loqui eodē modo de actu fidei, & aliarum virtutū; vnde colligit sententiā Suar. quæ scil. distinguit inter actus virtutū infusarū, & actus virtutū acquisitarū quoad merēdi rationē, quod illi etiā sine imperio charitatis actualiter aut virtualiter concurrente sint in homine iusto meritorij, non ita hi, nouā potius & ingeniosam, quā videri posse. Explicatur autè probabilitas nostræ propositionis: quia D. Tho. non requirit simpliciter imperium charitatis, vt actus virtutis meritorij sint, cōstare satis videtur ex ijs quæ scribit De malo: q. 2. a. 5. ad 7. & 11. itē hac p. su. q. 21. a. 3. & 4. Quare quæ hic habet, scil. meritū vitæ æternæ secundariò pertinere ad alias virtutes secundum quod earū actus à charitate imperantur: & actū fidei non esse meritorium, nisi fides per dilectionem operetur: similiter etiam actū patientiæ & fortitudinis non esse meritorium, nisi aliquis ex charitate hæc operetur.

Possunt ea accipi eo sensu dicta à S. Th. quod actus aliarū virtutū non sint meritorij, nisi virtutes, & ipsi actus informantur saltē per cōiunctionē cum charitate in eodem supposito: sicut Scholastici communiter vocant fidem viuam & formatam, quæ habet charitatem coniunctam: Ecōtrā autem informis, aut mortuam, quæ non habet charitatem sociam. Et vt similiter dicantur isti actus debere imperari à

22 charitate

charitate, non quidem per formalem & expreſſum actum charitatis, cuius virtute moueantur alij habitus ad operandum: ſed ſaltem per aliquod imperium implicitum & interpretatiuum, quod non neceſſariò in actu aliquo, ſed in habitu poteſt intelligi conſiſtere. Quandoquidem enim charitas per ſe directè ac proximè in Deum vt finem ſupernaturalem tendit & inclinatur, ipſaque voluntatem Regine & Imperatricem aliarum potentiarum informet, & in eundem finem habitualiter ſemper moueat, hinc etiam aliarum virtutum ſupernaturalium actiones quæ imperio voluntatis ſunt, cenſentur dirigi in finem ipſius charitatis: ad quæ virtutes illæ ex ſe quoque ſunt ordinate, cum ſint vel diſpoſitiones ad charitatem, vel quaſi connaturalis eius proprietates; & ſic ad ſuam modum quodam dicuntur à charitate imperari, implicitè ſcilicet & interpretatiue, ſicut explicatum eſt. Neque Scripturæ quas D. Tho. adducit, aliam informationem aut imperium conſiſtunt: nam fides per dilectionem operans eſt fides charitati coniuncta exercens opera virtutum Chriſtianarum. Apoſtolus quoque 1. ad Cor. 13. non dicit: ſi cuiusmodi actus virtutum non exercero ex imperio charitatis, nihil mihi proſunt: ſed ſi charitatem non habuero. Videtur itaque requirere tantum, vt alie virtutes habeant charitatem ſociam, vt actus ſint viles & meritorij; non autem quod ſemper debeant à formali & expreſſo charitatis imperio moueri ad operandum. Hinc

64 Dico Sexto: Non pendet tota quantitas valoris meriti ex ſolâ quantitate actus charitatis imperantis, vel etiam habitus charitatis, ſue gratiæ iuſtificantis: ſed etiam ex bonitate & qualitate bonitatis ipſius virtutis inſuſe, cuius actus exercetur. Eſt contra Bannes 2. 2. qu. 24. art. 6. dub. 5. & alios quosdam. Sed ira docent Suarez ſup. nu. 47. Malderus ſimiliter ſup. dub. 8. Summel hic q. 124. a. 2. diſp. 5. & indicat D. Tho. in 2. d. 29. a. 4. Probatur Primò: quia actus virtutis inſuſe poteſt eſſe, atque adeo eſt quando à iuſtificatione exercetur, meritorius, eſſi nullus expreſſus actus charitatis comiteretur aut præcedat, cuius efficaciâ fiat: ergo habet quoque quantitatem aliquam meriti, quam non accipit ex ipſo charitatis imperio formali & expreſſo; & per conſequens tota quantitas meriti non deſcendit ex ſolâ quantitate actus charitatis etiam quando ille concurrat, & imperat: non enim eſt ratio, cur opus alterius virtutis inſuſe habeat ſuam meriti quantitatem, quando ab eâ ſolâ elicitur, & non quando ſimul concurrat charitatis imperium. Probatur Secundò: Quia alioqui

ſequeretur, quod dum duo aliqui eſſent æqualiter iuſti, & pari ſeruoſe charitatis vnus ſeruaret virginitatem, & alter exerceret officium matrimonij, quod tales æquè multum apud Deum mererentur. Item quod in eodè caſu, duo aliqui æqualiter mererentur, quorum vnus pro Chriſti nomine ſubiret martyriū, & alter conferre aliquam elemoſynam: quæ non niſi inconuenienter dici poſſunt. Et videtur eſſe contra Conc. Trid. ſeſſ. 24. de Sacramento matrimonij Can. 10. vbi expreſſe dicitur ijs Anathema: qui dicunt non eſſe melius ac beatus manere in virginitate, aut cœlibatu; quam iungi matrimonio.

65 Dico Septimò: Idem dicendum videtur de actibus virtutum moralium acquiſitarum qui charitatis expreſſo imperio ſunt; quod ſcilicet quantitas meriti ipſorum etiam creſcat pro magnitudine bonitatis talium actuum ceteris paribus, quando ex pari charitatis actu procedunt. Ita tenet expreſſe Mald. loco cit. & indicant alij ante citati. Probat, quia alioquin paris eſſet meriti facere opus indiſſerens, & opus eiufmodi bonum, modò fierent ex æquali charitate. Et ratio reddi poteſt, quia licet bonitas hæc per ſe non ſit meritoria, tamen quando per imperium charitatis eleuatur, tunc modus ille ſupernaturalis aſſicit eam ſecundum eius propriam rationem & magnitudinem, ita vt vbi inuenitur præſtantior & maior, ibi quoque ratio meriti reddatur præſtantior & maior.

66 Dico Octauò: Probabiliter dici poteſt actus moraliter bonos non tantum reddi meritorios, ſi imperentur à charitate; ſed etiam quando in iuſtificationis imperantur ab alijs virtutibus inſuſis. v. g. à Fide, à Religione, aut ſimilibus. Fundamentum huius eſſe poteſt: quia ad meriti rationem ex parte ipſius actus ſatis eſt, quod referatur ad finem ipſius charitatis, quod poteſt fieri per virtutes charitati ſubſeruiens, & ſimulantes, vt indicat D. Thom. 2. 2. quæſt. 83. art. 15. De virtute religionis. Denique ad Augmentum meriti præterea faciunt etiam variz circumſtantiz, vt maior libertas, intenſior conatus, duratio diuturnior, intenſio finis melioris, vel plurius, modò non ſint tantum in apprehenſione intellectus, ſed etiam in vero & ſerio voluntatis affectu. Obſeruatu autem hæc dignum eſt; quod actus aliarum virtutum à Charitate, ſue Theologicarum, ſue moralium inſuſarum non mereantur gratiæ augmentum ſecundum totam latitudinem ſuæ intenſionis ad æqualitatem, vt docet Suarez ſupra Sect. 3. num. 46. v. g. actus fidei, aut ſpei vt à ratione ſuæ bonitatis intrinſecæ ſupernaturalis, per quam



quoniam habet connaturalitatem ad finem supernaturalem, & ex se in illum tendit, meretur augmentum gratiæ quidem ut diximus: verum non augmentum ut 4. sed in aliquâ inferiori mensura: sic de actibus temperantiæ, de actibus misericordiæ & cæterarum virtutum: quod facili ex eo percipitur, quia actus illi diuersarum virtutum non sunt æqualis præstantiæ, si inter se comparentur, & multo minus cum actu charitatis, & proinde nec dici debent esse æqualis meriti: quod tamen consequens foret, si singuli in pari intensiōe elicit mererentur augmentum gratiæ in gradu suæ intensiōis ex æquo respondente. Vbi tamen hoc supponimus, quod nullus actus bonus, ne charitatis quidem possit mereri plures gradus gratiæ, quam ipse habeat intensiōis gradus in suo esse: quia cum augmento gratiæ crescit æqualiter habitus Charitatis, vt ex allegatis supra ex D. August. potest intelligi: nullum autem videtur esse fundamentum, ex quo possit statui, quod actus Charitatis mereatur maius augmentum habitus, quam ferat aut sit intensiō ipsius actus. Sed latius de his in 2. 2. in tract. De charitate.

# ARTICVLVS V.

## Utrum homo possit sibi mereri primam gratiam?

**C**onclusio Prima: Loquendo generaliter de gratiâ tam actuali & præueniente, quam de habituali & iustificante, certum est de fide quod non possit homo mereri sibi primam gratiam, neque de condigno, neque de congruo. Patet quia tunc ex nobis ipsis acquireremus nobis iustitiam & salutem. Item tota prædestinatio caderet sub hominis merito, & ex solis naturæ viribus possemus facere opera meritoria: quæ omnia sunt aliena à fide, & contra Scripturas, ac determinationes Conciliorum; vt ex ante dictis satis constat.

**C**onclusio Secunda: Loquendo tantum de gratiâ habituali & iustificante, certum quoque est, non posse primam iustificationem cadere sub hominis merito de condigno. Patet similiter ex suprâ dictis, & ex conditionibus requisitis ad meritum de condigno apud Deum: inter quas vna & principalior est, quod operans sit amicus & gratus Deo, non autem inimicus & peccator: atqui hæc conditio non inest homini ante primam gratiam iustificantem; ergo. Secundò quia Concil. Trident. Sess. 6. cap. 8. expressè docet nec

fidem, nec vllum opus quod iustificationem præcedit, mereri ipsam iustificationem. Tertiò, quia alioquin etiam prima iustificatio non fieret gratis, sed prima iustitia redderetur tanquam merces: quod est contra Apostolum dicentem: *Iustificati igitur grati per fidem* &c. quod de prima iustificatione in quâ peccata remittuntur, manifestè pronuntiavit Apostolus. Dico non cadere sub merito de condigno; quia potest dici homo de congruo mereri primam gratiam sanctificantem: quemadmodum D. Augustinus epistola 105. & alibi subinde dicit, quod fides mereatur, huc quod per fidem mereamur iustitiam, prout supra latius fuit explicatum.

Sed disputari hic potest Primò: Vtrum sicuti prima gratia non cadit sub merito de condigno, ita sub merito non cadat prima gloria? Communior opinio habet primam gloriam sub merito cadere: cui fauet D. Thom. supra quæst. 112. art. 2. ad primum, vbi dicit: quod præparatio hominis ad gratiâ quæ simul est cum ipsâ gratiæ infusione, sit quidem meritoria, sed non gratiæ quæ iam habetur, sed gloriæ quæ nondum habetur. Quæ quidem sententia admodum fundata est, si verum sit quod communiter putatur tenuisse D. Thomas, & sectatores eius plerique docent: scilicet quod vltima dispositio, siue actus contritiōis perfectæ procederet ex habitu gratiæ. Verum quia hoc supra cum plerisque alijs reieciimus, hinc altera opinio magis nobis probatur, quam tenet Vega lib. 6. cap. 28. & quæst. 6. De iustificatione. Gabr. in 4. dist. 14. qu. 1. art. 2. Palud. ibidem qu. 3. Arimenen. in 1. d. 17. qu. 5. art. 2. & Ruard. art. 9.

Declaratur: quia esto quod opus meritorium gloriæ vel gratiæ non debeat necessariò elici ex habitu gratiæ vel charitatis: sed sufficiat procedere ex Spiritu Sancti motione, & gratiæ auxilijs (quod est aliorum principale fundamentum quod D. Thomæ opinioni in altero non inhaerent) nihilominus tamen negari non potest, quod debeat fieri ab amico & Dei filio vt talis: atqui vltima dispositio ad gratiam non elicitur ab homine vt iam amico & filio, sed vt existente in viâ ad amicitiam; ergo &c.

Dicit aliquis: gratia sanctificans simul tempore quo opus fit, infunditur, & simul homo efficitur amicus & filius; quod videtur sufficere, vt illud opus sit de condigno meritorium prius gloriæ. Respondetur non videri sufficere; quia opus quantum est in fieri, debet intelligi mereri; non autem vt est in facto esse: atqui vt intelligitur in fieri, non intelligitur ad

Z z ij huc

huc esse à filio, secundum eorum saltem sententiam, qui negant ultimā dispositionē ex habitu charitatis prodire: quia gratia filiationis intelligitur ut terminus dispositionis: ergo quamdiu intelligitur homo operans & se disponens, nondum operatur ut amicus & filius: & licet gratia filiationis simul accedat, non videtur tamen mutare condiciones & proprietates, quæ illi operi tantum cōveniunt ut est in suo fieri.

72 Sed pro altera sententiā allegatur Conc. Trid. Sess. 6. can. 32. definiens iustificatū mereri vitam æternam, & etiam gloriæ augmentum: ubi per vitam æternam non videtur debere aliud intelligi, quā prima gloria: quia aliqui non rectē adderetur, & gloriæ augmentum. Respondetur non eo sensu illa dicta esse à Concilio: nā in primis dicit, iustificatū bonis operibus quæ ab eo per Dei gratiam fiunt, mereri; non autem dicit eum qui iustificatur, ipso opere quo iustificatur, mereri. Deinde: dicit iustificatū ipsum operibus bonis mereri augmentum gratiæ: & tunc addit; Vitam æternam, & ipsius vitæ æternæ si tamen in gratiā decesserit, consecutionem, atque etiam gloriæ augmentum. Vbi primo loco ponit augmentum gratiæ, & loco secundo, Vitam æternam: quod sufficiens indicium est Conc. non voluisse determinare eum qui iustificatur propriā dispositione, mereri illā ipsā primam gloriā: alioquin non præmisisset primo loco gratiæ augmentum ante vitam æternam; sed contra præmittere oportuisset vitam æternam ante gratiæ augmentum. Non itaque aliud determinat Conc. quā contra hæreticos, quod scilicet iusti bonis operibus quæ per Dei gratiam fiunt, mereantur augmentum gratiæ, & ius ad vitam æternam, (non per hoc determinando quod mereantur primum ius) atque adeo quod mereantur vitæ æternæ consecutionem, sic ut ex meritis operum eis vita æterna retribuat, & quidem cum augmento gloriæ secundum plura & maiora merita.

73 Bellar. autem lib. 5. De iustificatione cap. 20. admittit & docet vitam æternam etiam quoad primum gradum gloriæ qui iure hereditario debetur, retribui simul iure mercedis: quia vltima dispositio ut continuatur post gratiæ infusionem, sit meritoria vitæ æternæ, quæ iam debetur prius titulo adoptionis. Cui non repugnant quidem quæ modo diximus. Sed contra facit, quod pari ratione dici posset, ad ultimum primo opere bono ab usu rationis mereri primam gloriā sibi debitam iure adoptionis ex baptismo; ac etiam primam gratiam tunc acceptam, in quā ius adop-

tionis fundatur: quia tam opus sequens potest ista mereri, quā dispositio continuata primam gloriā ante iam debitam: quod nullus dixerit.

74 Altera difficultas hic moveri potest: Vtrum iusti fiduciam aliquam possint ponere in meritis bonorum operum?

Dico Primò: Nemo potest fiduciam aliquam ponere in viribus liberi arbitrij: vel in aliquo opere quod ex se solo potest facere. Constat satis ex antedictis. Et hinc dicitur: Maledictus, qui confidit in homine, aut ponit carnem brachium suum; & Lucæ 18. reprehenduntur Pharisei, qui in seipso confidebant tanquam iusti, volentes scilicet propriam iustitiam statuere, & sic iustitiæ Dei nolentes esse subiecti, ut supra ex Apostolo explicuimus. Similiter Concil. Trident. Sess. 6. cap. 16. docet, quod nullus homo Christianus in se ipso confidere debeat.

75 Dico Secundò: Omnino tamen possunt iusti concipere ampliorem fiduciam ad Deum ex operibus bonis, quæ per eius gratiam fecerunt, ita ut fiducia quam habent de divinā misericordiā, & de Dei erga se benevolentia crescat ex meritis; sed quæ agnoscant esse Dei dona. Probatur ex Scripturis. Tobie cap. 4. *Fiducia magna erit coram summo Deo elemosyna omnibus facientibus eam.* Ad Rom. 5. *Probatio speciem operatur.* 1. ad Timoth. 3. *Qui bene ministraverint, gradum bonum sibi acquirunt, & multam fiduciam in se habent in Christo Iesu.* ad Heb. 10. *Vinctu compassi estis &c. Nolite amittere confidentiam vestram.* 1. Ioannis 3. *Fiduciam habemus ad Deum, quoniam mandata eius custodimus.* Hinc 4. Regum cap. 20. sic orat Ezechias: *obsecro Domine, memento quæ ego quomodo ambulaverim coram te in veritate & in corde perfecto, & quod placitum est coram te fecerim.* Neque hac ex parte derogatur necessitati quam profiteamur divinæ misericordię, & gratiæ: quia hoc ipso quo agnoscimus nos non habere illa opera à nobis; sed ex Dei gratia & eius auxilijs, referimus totum in ipsam Dei misericordiam, & in eo solo gloriamur, dum fiduciam in effectibus gratiæ eius ponimus.

76 Dico Tertiò: Nemo tamen potest sibi formare fiduciam certam de infallibili consecutione vitæ æternæ ex bonis suis meritis; tum quia nemo absolute certò novit, an amore an odio dignus sit sine speciali revelatione, ut supra ostensum, & proinde neque certò novit, an bona merita verè habeat: tum etiam, quia qui stat, videre debet, ne cadat. Neque enim quidquam de seipso certus esse potest, quod usque in finem perseverabit, ut docet Concil. Trident. supra cap. 12. & 13.

Dico

77 Dico Quartò: Confutissimum tamen & tutissimum est homini infirmo auertere cogitationes suas à præteritis bonis, si quæ fecerit; magisq; considerare imperfectiones & defectus adiunctos, & spem ponere in Domino, eiusq; misericordia: ita tamen ut de studio bonorum operum, nihil remittatur, per quæ ut latagamus certam facere vocationem nostram, monet Apostolus Petrus. Idem significat Apostolus Paulus ad Philip. cap. 3. quando nobis commendat, eorum quæ retro sunt obliuisci, & ad anteriora nos extendere: quod explicans D. Chrysostomus similitudinem cursoris, qui non quot spatia confecerit, cogitat: sed quot adhuc restent ei conficienda: meminisse enim recte factorum (inquit idem) duo mala parit: negligentiores facit, & in arrogantiam tollit. Iuxta has autem duas posteriores Assertiones, intelligendi sunt loqui Sancti PP. ut August. Bernard. & quidam alij, quando subinde videntur remouere omnem fiduciam nostrorum meritorum.

78 Tertia difficultas est: Vtrum liceat iustis bene operari intuitu mercedis? Videntur id negare Caluinus & alij hæretici nostri temporis. Sed certà fide tenendum est, id licitum esse. Patet ex Concil. Trident. Sess. 6. Can. 31. Si quis iustificatum dixerit peccare, dum intuitu æternæ mercedis bene operatur, Anathema sit. Et probatur ex Script. Psal. 118. Inclinaui cor meum (inquit Psaltes) ad faciendas iustificationes tuas propter retributionem. Ad Heb. c. 11. Præcelsit Moyses inproperium Christi thesauro Ægypt. respiciens in remunerationem: & c. 12. dicitur Christus proposito sibi gaudio sustinuisse crucem. Et sæpius Scriptura nos excitat & prouocat ad bene faciendum propositis promissionibus æternæ mercedis; ut quando Apostolus monet 1. ad Corinth. cap. 9. Sic currite ut comprehendatis: Omnis qui in agone contendit, ab omni re se abstinet: & illi quidem ut corruptibilem accipiant coronam: nos autem incorruptam. Item quando hortatur Christus: Facite vobis amicos de mammona iniquitatis, qui recipiant vos in æterna tabernacula: & iussit: Pœnitentiam prædicari: quoniam appropinquauit Regnum Celorum: et c. &c.

79 Neque talis qui intuitu æternæ vitæ & beatitudinis bene operatur, idcirco probriè incurrit mercenarij illius, qui Ioan. c. 10. redarguitur: quia ibi propriè mercenarius est, ad quem non pertinet de ouibus Christi sibi commissis; sed qui tantum aut principalis de lucris temporalibus est sollicitus, sic ut proprias commoditates & quæstus præponat saluti ouium: & consequenter amorì Christi Domini, qui dixit

Petro: Amas me? pasce oues meas. Vnde D. Greg. hom. 14. In Ioannem ita scribit: Mercenarius quippe est, qui locum quidem Pastoris tenet, sed lucra animarum non quærit; terrenis commodis inhiat, honore prælationis gaudet, temporalibus lucris pascitur: impensâ sibi ab hominibus reuerentiâ lætatur &c. Non igitur is mercenarius est, qui principaliter studet & benè operatur, ut glorificetur Deus, & secundariò simul etiam respicit bona, quæ Deus diligentibus se præparauit, eorundemque intuitu se excitat, & socordiam excutit: nam illa nos desiderare & propter illa laborare, Deo etiam honorificum est. Quandoquidem enim ipse sit merces illa nostra, quam intuemur, & ad quâ suspiramus, hoc ipso attestatur nos recognoscere ipsum esse supremum bonum nostrum, quo beari speremus.

## ARTICVLVS VI.

*Vtrum homo possit alteri mereri primam gratiam?*

80 **C**onclusio Prima: Christus homo meruit nobis de condigno omnem gratiam & gloriam, quæ hominì à Deo communicatur. Patet ex ijs quæ docentur 3. parte q. 19. Ipsius enim actiones erant infinite dignitatis, & ipse à Deo constitutus est caput humani generis, ut sit mediator inter Deum & homines: vnde ex diuinâ ordinatione habuit gratiam tali muneri & functioni convenientem, & actus suos & opera retulit ad eum effectum & finem. Et hoc est quod vult D. Tho. hic, quando dicit animam Christi fuisse à Deo motam non solum ut ipse perueniret ad vitam æternam; sed etiam ut alios in eam adduceret.

81 **C**onclusio Secunda: Non possunt autem ceteri homines etiam iusti & Sancti mereri de condigno alijs, non solum non gratiam iustificantem; sed neque gratiam preuenientem, vel quodcumq; gratiæ donum. Est D. Thomæ hoc loco, & communis aliorum in secundum dist. 27. & 28. & in 4. dist. 15. Ratio est, quia soli Christo Domino facta est promissio, & cum eo solo tanquam cum Capite nostro initum est pactum Isaïæ 53. Si posueris pro peccato animam suam, videbis semen longævum; & illi soli dictum est: Postula à me, & dabo tibi gentes hæreditatem. Eiusmodi autem promissio & pactum sunt necessaria, ut possit quis apud Deum de condigno mereri alteri iustitiam, aut quæ ad iustitiam necessaria sunt.

Zz iij Conclu-

Conuenit verò quam Deum cum alijs hominibus fecit, tantum est de mercede vitæ æternæ ipsis reddendâ pro operibus iustitiæ; non autem de reddendis donis gratiæ alicui alteri, quod docet Augustinus tractat. 102. in Ioannem: ubi sic scribit ad illa verba, *Amen dico vobis, si quid petieritis Patrem in nomine meo, dabit vobis*: exaudiuntur quippe omnes Sancti pro se ipsis (inquit) non autem pro omnibus exaudiuntur vel amicis vel inimicis, vel quibullibet alijs: quia non vtrumque dictum est, *dabit*: sed *dabit vobis*: & lib. 1. De peccatorum meritis & remissione cap. 14. docet neminem Sanctorum posse dicere: Iustifico te; ergo nec potest de condigno mereri alteri iustitiam, quia hoc esset eum iustificare.

82 Sed peret aliquis: Vtrum hic quoque sit defectus ex parte operis iustorum & non tantum ex parte pacti, sic vt opus non satis sit proportionatum tali mercedi? Respondetur iustorum opera non esse quidē proportionata, vt possint mereride condigno remissionem peccati mortalis, vel pro eodem satisfacere: Posse tamen dici satis esse proportionata merendo gratiæ augmento in altero iusto, si inter Deum & iustos homines subesser talis conuentio: quia illud augmentum in alio non est res altioris ordinis, aut maioris æstimationis, quàm augmentum quod quis sibi de condigno meretur; & proinde si ex Dei ordinatione, homini liberum esset admittere præmium operis sui in se, vel in alio homine iusto, & referret quis opus suum vt in alio remuneraretur, non esset ratio dicendi quod illud augmentum gratiæ excederet magis dignitatem & proportionem operis, quàm si in se ipso repereret.

83 Conclusio Tertia: Possunt iusti de congruo mereri alteri ea gratiæ dona, quibus ad iustitiam disponuntur, vel etiam applicationem mediorum, v.g. administrationem Sacramentorum, quibus iustitiâ cōsequatur. Est D. Tho. hic, & communiter ab alijs tenetur. Probatur ex Scripturis Matth. 9. *Videns Iesus fidem illorum, dixit Paralitico: confide fili, remittuntur tibi peccata tua.* Iacobi ultimo: *Orate pro inuicem, vt saluemini: multum enim valet oratio iusti assidue.* Huc etiam referri possunt aliæ Scripturæ, quæ hortantur vt pro inuicem deprecemur: nam istę orationes possunt suo modo habere rationem meriti de congruo. Congruum enim est, vt Deus amicorum & testamentum voluntatem faciat; & vt pijs charitatis votis eos gaudere concedat. Quia tamen hoc negotium gratiæ & beneuolentiæ diuinæ, non iustitiæ innititur, & ex parte eius pro quo preces & bona opera præsen-

tamus, occurrunt impedimenta, vt hic notat D. Tho. aliquando particularia, hinc non est aliqua infallibilitas huius effectus, neque quoad gratiæ præueniens consecutionem, neque quoad conuersionem ad quam gratia præueniens conceditur. Vnde Ieremiæ 15. dicit Dominus: *Si steterit Moyses & Samuel coram me, non est anima mea ad populum istum.*

Conclusio Quarta: Non possunt iusti mereri de congruo, vt vel ad adultis sine debitis dispositionibus, vel infantibus sine Sacramento infundatur prima gratia sanctificans. Pater: quia non tantum iustum non est, sed neque decens aut conueniens diuinæ sapientiæ, quod ad preces vel opus alicuius conferat contra legis suæ dispositionem dona gratiæ, quæ iuxta certam & ordinatissimam rationem hominibus conferre statuit: ergo non debet dici, quod de congruo possit iustus ista apud Deum mereri.

## ARTICVLVS VII.

### *Vtrum homo possit mereri reparationem post lapsum?*

Sensus est: Vtrum homo iustus dum iustus est, possit mereri vt si contingat illum à iustitiâ per peccatum excidere, quod Deus illum iterum ad iustitiam adducat?

85 Conclusio D. Thomæ est: Homo non potest mereri neque de condigno, neque de congruo reparationem post lapsum. Et ita docent Caiet. & Medina hic. A Valent. q. 6. p. 4. & alij plures. Quoad priorē partē, est certa de fide. Pater ex illo Ezech. 18. *Si auerterit se iustus à iustitiâ sua, &c. omnes iustitiæ eius non recordabuntur*: ergo per nulla iustitiæ opera obtinet ius ad reparationem post lapsum: quia magna necessariò remaneret eorum recordatio, si Deus ex iustitiâ teneretur illis hoc præmium rependere, scilicet restitutionem iustitiæ amissæ. Deinde Apostolus ad Rom. 5. generaliter docet: *Iustificati gratia*: Et Conc. Trid. docet nihil eorum quæ iustificationem antecedunt, eam mereri: quod non tantum de iustitiâ quam per baptismum; sed etiam de illâ quam post relapsum per penitentiam consequimur, est intelligendum.

86 Quoad alteram partem, videlicet quòd non possit homo mereri de congruo reparationem, non est conclusio ita certa; Imò non improbabiler quidam contrarium tenent: Vt D. Bon. in 2. dist. 28. ad verba Magistri Gabr. in 1. dist. 27. ar. 2. & Bellarm. lib. 5. De iustificatione cap. ultimo.

ultimo. Et quidem omnes videntur fateri posse hominem iustum deiderare, ac etiam rogare Deum, ut h contingat se à iustitiâ excidere, quatenus dignetur eum reuocare, & ad iustitiam reducere: quod etiam D. Tho. hic ad primum agnoscit. Et Confirmatur ex illo Davidis Psal 70. *Cum defecerit virtus mea, ne derelinquas me: & ex Aug.* quem citat D. Thomas in 1. argumento, qui dicit nihil dignius posse peti, quàm si cadat homo, vt resurgat: si autem dignum & rationi consonum est id petere, non videtur negandum, quin etiam aliquando Deus habeat illius orationis rationem, & effectum concedat. Quod etiam videntur consequenter admittere illi, qui meritum de congruo hic negant.

37 Quare cum alij qui illud asserunt, non videantur aliud aut plus velle docere, vt licet ex Bellarm. loco citato colligere, hinc forsitan videri poterit magis esse quæstio, & controuersia de nomine, quàm de re. Posses nihilominus assignari ratio aliqua, quare eiusmodi orationes & petitiones non sint dicendæ meritum de congruo, quamuis aliquando impetrent effectum: nam vt aliquid simpliciter dicatur meritum de congruo respectu alicuius, quod intuitu eius conceditur, non sufficit quod quomodolibet eius intuitu concedatur: quando enim mendici supplicant pro Eleemosyna quæ eis impenditur, non dicuntur ideo de congruo illam mereri per illam petitionem. Quare aliquid plus requiritur: puta quod respectu eius tanquam obsequij, vel officij præstiti, si non vtilis, saltem grati vel approbati, concedatur alterum per modum præmij, aut alicuius recompensæ, ita tamen vt ex illo officio præstito non fuerit orta illa obligatio iustitiæ ad reddendam recompensam, siue quia opus non habet debitam proportionem & condignitatem, siue quia conuentio nulla sit facta de mercede aliqua reddendâ.

38 Ex quibus potest intelligi, quomodo istæ orationes possint impetrare aliquod donum, quod Deus omnino misericorditer supplicantibus largitur, absque omni formâ compensationis scilicet sic vt illud non dicantur vel de congruo mereri: nam etsi possint quoq; considerari per modum obsequij, vel officij grati præstiti, quatenus scilicet per eas Deus honoratur, dum eius bonitas & potentia simul recognoscuntur, non tamen illis sub eâ ratione Deus retribuit postea dona gratiæ; sed purè & merè vt considerantur per modum humilis supplicationis. Hinc etiam intelligitur, quomodo Sancti in cælis dicantur per suas intercessionēs impetrare nobis desideratos effectus, non autem eos de congruo nobis

mereri, vt docet D. Tho. in 4. diff. 45. quæst. 5.

Sed obijci potest contra D. Tho. conclusionem. 2. Paralip. cap. 19. dictum fuit ad Iosaphat: *Impio præbes auxilium, & huius qui oderunt Dominum, amicitia iungeru, & idcirco iram Domini merebaris: sed bona opera inuenta sunt in te: ubi significari videtur prioribus operibus bonis meruisse, vt post peccatum quod ei hic impropertur, reciperetur in gratiam à Domino.* Respondetur negando illud significari; sed significatur tantummodo quod propter bona præcedentia, Deus interdum differat, aut prætermittat hominem pœna temporalis & manifestâ in hac vita punire, prout peccatum eius meretur. Deinde accedit, quod hæc bona opera quodammodo continuabat Iosaphat etiam quando impio præbebat auxilium: Lucos enim non restituebat; sed in religioso Dei cultu persuebat.

## ARTICVLVS VIII.

*Utrum homo possit mereri augmentum gratiæ vel charitatis?*

90 Conclusio est affirmatiua, loquendo de homine iustificato: estque certa de fide, vt patet ex Conc. Trident. Sess. 6. Can. 24. & Can. 32. Colligitur ex Scripturis: Prouerb. cap. 4. *Iustorum semita quasi lux splendens procedit, & crescit usque ad perfectum diem: qui dies est dies gloriæ futuræ.* Matthæi 25. *Omnis habenti dabitur, & abundabit.* Iacobi 2. *Videiū quoniam ex operibus iustificatur homo: id est, in iustitia crescit, iuxta illud Apocalyp. Qui iustus est, iustificetur adhuc.* 2. ad Corinth. 9. *Angelis incrementa frugum iustitiæ restre.* Vbi Apostolus significat iustitiam augeri per opera misericordiæ, de quibus ibi sermo est. Ad quæ verba ita scribit Chrys. In necessarijs nihil ultra vsum inquirere permittit; in spiritualibus autem magnam abundantiam fieri consuluit.

91 Probatur Secundo ex D. August. qui idem docuit epist. 106. & tract. 5. in primam Canonicam Ioannis, ubi scribit; Quod charitas meretur augeri, vt aucta mereatur & perfici. Cui suffragatur oratio Ecclesiæ, quâ postulat fidelibus fidei, spei, & charitatis augmentum: Neq; tantum de congruo, sed de condigno meretur iustus illud augmentum; quia manifestum est Conc. Trid. agere de merito de condigno, quando docet & definit iustos & iustificatos bona opera mereri gratiæ augmentum; vitam æternam & vitam

Zz iij æternæ

æternæ consecutionem: negat enim similiter fidem, vel quæcumque opera iustificationem antecedentia mereri ipsam iustitiam, cum tamen hæc rectè dicantur de congruo mereri iustificationem, vt supra ostensum fuit.

## ARTICVLVS IX.

*Vtrum homo possit perseverantiam mereri?*

- 92 **C**onclusio D. Tho. est: Perseuerantia viæ non cadit sub merito. Est communis DD. in 2. d. 18. & 29. & omnino certissima loquendo de merito de condigno: de quo etiam solo hic loquitur D. Thomas, vt potest colligi ex argumento quod habet ante responsum, vbi assumit: Omne id quod quis meretur apud Deum, hoc quis consequitur, nisi peccatum impediatur. Quod vt vniuersaliter verum sit, intelligi debet de merito ex condigno: quia meritum de congruo non semper habet infallibile effectum: possunt enim occurrere alie iustæ aut congruæ rationes, ob quas Deus non concedat. Sic itaque intellecta Conclusio probatur primò ex Scriptura, quæ passim significat omnes debere esse sollicitos, etiam iustos & Sanctos, ne cadant; & monet vt per vigilias & orationes contra lapsum se muniant. Ad Philipp. c. 2. Cum metu & tremore salutem vestram operamini. 1. ad Corinth. cap. 10. Itaque qui se existimat stare, videat ne cadat. Ad Rom. c. 11. Tu autem silebas: noli altum sapere: sed time. Hinc Christus omnes docuit orare. Et ne vos inducatis in tentationem. Et Matth. c. 26. hortatur Apostolos. Vigilate, & orate ne iniretis in tentationem. D. Paulus 1. ad Cor. 9. Castigo (inquit) corpus meum, & in seruitutem relinquo, ne forte cum alijs præcauerim, ipse reprobus efficiar. Supponit ergo Scriptura sancta homines in hac vitâ non esse de perseverantia securos, & proinde eam sub meritum de condigno non cadere: quia eo præstito haberetur de perseverantia securitas. Probatur Secundò ex Concil. Trid. Sess. 6. Can. 16. Si quis magnum illud vsque in finem perseverantiæ donum se certò habiturum absolutâ & infallibili certitudine dixerit, nisi hoc ex speciali reuelatione didicerit, anathema sit, & c. 13. dicit quod nemo sibi certi aliquid absolutâ certitudine de hoc perseverantiæ munere, debeat polliceri: ergo iuxta Conc. Trident. non cadit sub merito de condigno: quia qui illud sic promeriti essent, possent dicere se certò absolutâ certitudine munus hoc habituros: non enim denegat Deus

præmium, quod homo de condigno est promeritus. Probatur Tertiò ratione, ac in primis argumento D. Thomæ ante allegato. Nam certum est non omnes iustos, qui habent bona opera, hoc assequi quòd perseverent. Neque conuenienter ad id potest responderi, id fieri propter ipsum peccata, sicuti eos qui aliquando promeriti sunt vitam æternam, contingit propter peccata nunquam illam assequi: quia hoc ipsi quod est peccare opponitur perseverantiæ, & ipsi præmio, quod supponeretur esse promeriti: quare si de condigno perseverantiam essent promeriti, iam Deus ex iustitiâ obligaretur præmunire eos efficaciter contra peccatum, nec sinere eos peccare.

Si quis opponat, inde tantum probari iustos non statim per quodlibet opus bonum mereri perseverantiam: non autem non posse eos mereri per aliquod opus singulare & excellens, aut per magni bonorum operum cumulum, Respondebitur, ita quidem esse: sed quandoquidem ex Scripturarum vel Sanctorum Patrum testimonijs non magis constat de aliquo singulari opere, vel de magno bonorum operum cumulo, quòd quis per ea de condigno mereatur perseverantiam, quàm de quolibet opere bono: quin eòtra dum dicitur omnibus vt ante allegauimus: *Qui stat videat ne cadat*: & ipse Apostolus post multa & maxima opera, Castigat corpus suum & in seruitutem redigit, ne forte cum alijs præcauerit, ipse reprobus efficiatur: hinc intelligitur potius per esse ratio omnium: quod & ipsa experientia videtur testari: nam etiam excellenter Sanctos contingit aliquando decidere. Imò si perseverantia sub meritum de condigno caderet, non apparet causa, cur iusti non statim eam mereantur: sicut meretur augmentum gratiæ & gloriæ. Secunda ratio est: quia non rectè conueniret cum ratione viæ eiusmodi præmium quod in via amitti non posset: Inamissibile enim præmium ad terminum spectat. Vnde notanter dicit D. Tho. perseverantiam viæ non cadere sub meritum.

94 Quod verò attinet ad meritum de congruo, communior quidem sententia illud admittit: quæ tamen sic videtur explicanda: quod scilicet iusti orando, & alia pietatis opera ad eum finem faciendo, possint de congruo mereri, vt proximo aliquo tempore Deus in iustitiâ illos conseruet, & si pergant instanter orare, & benefacere, quod consequenter idem ex congruo mereantur: Non autem quod per vnam aliquam orationem, vel per vnum aliquod opus etiam aliquoties repetitum possit quis mereri de congruo, vt de reliquo per totam

tam vitam absque noua & iteratâ instantiâ & sollicitudine concedatur illi perseuerantiâ.

95 Et ideo Ecclesia ad omnes preces suas præmittit: Deus in adiutorium meum intende: Domine ad adiuuandum me festina. Et Psaltes assidue orat illuminari oculos ne vquam obdormiat in morte, ne aliquando dicat inimicus: Præualui aduersus eum: supplicat gressus suos dirigere in viam & semitam mandatorum Dei: in se confirmari quod Deus operatus est in nobis: Spiritum rectum innouari in visceribus suis, atque ita semper instantissime implorat in bono & in obseruatione iustificationum & testimoniorum Dei iuari & firmari. Quæ preces merito omnibus magnâ affectu pariter sunt frequentandæ. *Aurissî enim faciem tuam;* exclamat ad Deum idem Propheta, *Et saluum sum conturbatus.* Illo itaque sensu intellecta præfata sententia, Probari potest ex D. August. lib. De bono perseuerantiæ cap. 6. vbi sic ait: Hoc ergo Dei donum suppliciter emereri potest, sed cum datum fuerit, amitti contumaciter non potest. Vbi de consummatâ iam perseuerantiâ vsque in finem loquitur: nam subdit: Cum enim perseuerauerit quisque vsque in finem, neque hoc donum potest amittere, nec alia quæ poterat ante finem, scilicet amittere potest. Quia itaque non vult August. quemquam illud obtinuisse antequam perseuerauerit vsque in finem, consequenter non est sensus eius, quod aliquo opere quis possit illud totum simul mereri; sed quod sensum & per partes illud mereamur. Hinc & Sanctus Petrus monet, vt satagamus per bona opera facere certam vocationem nostram.

Neque his obstat, quod supra dictum est, Deum pro bonâ & efficaci voluntate suâ præparasse electis finalem perseuerantiâ, sicut & vitam æternam: quia licet ex se pro bonâ voluntate suâ dare illa constituit, non tamen constituit dare sine nostra sollicitudine, studio, & meritis: prout hoc q. 109. a. 10. n. 133. 134. & seq. explicuimus.

## ARTICVLVS X.

### Utrum bona temporalia cadant sub merito?

96 R Espondet D. Thomas cum distinctione. Prima eius conclusio est. Bona temporalia considerata vt sunt vtilia ad opera virtutum, quibus perducimur ad vitam æternam, cadunt simpliciter & directe sub merito. Hic autem inter recentiores disputatur tam de mente & sensu

D. Thomæ, quàm de veritate rei, Verum bona temporalia sic considerata debeant censi cadere sub merito de condigno? Negat Caietanus hic, & sequitur cum Valquez ad hunc eundem articulum; qui huiusmodi ratione illud probare videtur: quia bona temporalia, sicut etiam temporalia mala quæ iustis cooperantur in bonum, sunt quædam gratiæ auxilia externa quæ iuuant ad bene ac dignè vocatione nostrâ viuendum, & talia quæ distribuit Deus iuxta suum beneplacitum: Quare sicuti auxilia interna vtiliora & congrua seu efficacia non cadunt sub merito iusti de condigno (quemadmodum nec perseuerantiâ vt diximus) sed tantum sub merito de condigno: ita etiam dicendum erit quod externa bona, aut res aduersæ quæ homini cedunt in salutem, non cadant sub hominis merito de condigno. Etsi enim iusti mereri possint auxilia sibi necessaria quibus valeant persistere in iustitiâ (Deus namque suâ gratiâ iustificatos non deserit, nisi ab eis prius deseratur, vt docet Trident. Sess. 6. cap. 11.) non tamen de condigno mereri queunt, vt hoc vel illo auxiliorum genere, formâ, vel serie iuuentur: sed hæc tantum de congruo mereri, aut humilibus precibus & bonis operibus suppliciter valent impetrare. Vnde apparet quod bona temporalia etiam considerata vt sunt vtilia ad salutem, non cadant sub merito de condigno, si absolute non sint ad iustitiæ conseruationem necessaria, quod vix cogitari potest, vt dicit Suarez Tom. 3. De gratia lib. 12. c. 26. quamvis Malderus hic putet casum posse dari. Explicant autem hi DD. Thomæ, vt per temporalia sic considerata simpliciter & directe cadere sub merito, non intellexerit, quod homo eas sic considerata mereri queat de condigno; sed significauerit solum, quod merito quodâ vero & proprio, prout hoc etiam comprehendit meritum de congruo, possimus eas mereri; & non tantum merito aliquo metaphorice omnino dicto: sicut de Romanis aliquando dixit D. August. lib. 5. De ciuit. c. 12. & 15. quod suis virtutibus, id est, actibus minus vitiosis, meriti fuerint temporalem prosperitatem & dilatationem imperij. Sed bene obseruandum est, quod D. Thomas non dicat temporalia sic considerata cadere sub merito simpliciter dicto: verum dicat ea simpliciter & directe cadere sub merito: eas possunt considerari multum distincta. Vnde existimo verum & genuinū sensum D. Thomæ esse, quando dicit bona temporalia considerata vt sunt vtilia ad opera virtutum quibus perducimur ad salutem, cadere simpliciter & directe

# INDEX RERVM

## QVÆ IN HOC VOLVGINE

### CONTINENTVR.

Littera *P.* denotat Paginam. Littera *C.* Columnam.  
Littera *N.* Numerum.

#### A.

Abraham.

**A**braha præceptum de filio immolando non fuit lex. p. 329. n. 17.  
Abrahamo quomodo præcepit Deum filium interficere. p. 354. n. 53.

Absolutio.

Absolutio effectum principale non impedit distractionis penitus antea sufficienter dispositi. p. 510. n. 38.

Astruere absolutum licitè potest. p. 170. n. 52. & 53.

Actio.

Actio est in agente iuxta D. Tho. p. 252. n. 71.

Actio cessat cessante fine. p. 17. c. 2.

Actio transiens non est perfectio agentis. p. 43. c. 1.

Actiones agentium naturalium sunt effecta finis ut à causa prima exeunt. p. 22. c. 2. ut autem exeunt ab agentibus naturalibus non habent finem ut causam. p. 23.

Omnes habent prædefinitos terminos in quos tendunt. p. 21. c. 2.

Actiones brutorum ut ab ipsis exeunt habent analogicè causam finalem. p. 24. c. 1.

Actio quæ est finis ultimus quo, est propter finem p. 15. c. 2.

Similiter actio quæ est finis ultimus *Qui*. p. 16. c. 2.

Actiones Dei immanentes non habent causam efficientem, neque finalem. p. 18. & 19.

Habent tamen ut ad creaturas terminantur finem ut terminum. p. 19. c. 2.

Actiones Dei ad extra habent finem ut causam. ibidem. c. 20. c. 1.

Actiones Dei ad extra respiciunt Deum & ut omnipotentem, & ut summè bonum. ibidem. & p. 21. c. 1.

Omnis actio dependet à Deo ut fine ultimo. p. 15. c. 2. etiam peccaminosa secundum entitatem physicam. p. 36. c. 1.

Actiones exteriora natura intellectuali creatæ non causantur à fine nisi mediante causalitate finis in actum internum voluntatis. p. 20. c. 2.

Secundum de actionibus Dei ad extra. ibidem.

Actiones humanae videlicet verbum actus humani.

Actus.

Actus naturales differunt specie à supernaturalibus. p. 419. n. 30. & seqq.

Actus supernaturales non augent physicè habitum sibi proportionatos. p. 487. n. 5. & seqq.

Actus supernaturales sunt dispositiones ad infusionem habitus vel eius augmentum. p. 488. n. 9. & 13.

Actus physicè perfectior est habitus. p. 198. n. 12. & 13.

Actus sunt eiusdem ordinis cum habitibus suis. p. 420. n. 33.

Actus beatifici Beatorum dominio quodammodo subsunt. p. 13. & 14. c. 1.

Omnis actus voluntatis præsens est in se absolutus. p. 119. n. 11.

Actus voluntatis deliberati seipsi sunt voliti. p. 15. c. 1.

Omnis actus voluntatis est circa finem vel media. p. 92. n. 2.

Actus elicitus à voluntate non potest esse finis ultimus *Qui*. p. 16.

Actus imperatus potest esse finis ultimus *Qui*. ibidem.

Actus imperatus qui est finis ultimus *Qui*, quomodo sit propter finem. ibidem c. 2.

Actus imperari qui possunt. vide, Impe. enim.

Actus meritorij. Vide meritum.

Actus supernaturales. vide, supernaturale.

Actus Humanus.

Actus humanus duplex. Esse habet. p. 87. & 88. n. 1. & p. 134. n. 1. & seqq. & p. 142. n. 35.

Actus humani recipiunt speciem ex fine tanquam à causa extrinseca. p. 24. c. 2. & p. 25. c. 1.

Habitudo actus humani ad finem est differentia intrinseca ipsius. ibidem.

In Actibus humanis est libertas. p. 72. n. 5. & 6.

Actiones humanae quæ dicantur. p. 13.

Non omnes actiones hominis sunt humane. ibidem. c. 1.

Non *sola* nec omnes actiones à potiori homini proprias procedentes sunt humane. p. 13. c. 1.

Viso & amor beatificus sunt actiones humane. ibidem. c. 2.

Omnis actio humana est propter finem. p. 13. c. 1. & p. 14. c. 2.

Actionis humanae necesse est esse finem ultimum saltem secundum Quid. p. 25. & 26.

Actio humana potest esse finis ultimus *Qui* & *Quo*. p. 15. c. 2.



# Index Rerum.

**Actus humani & actus morales hominū conuertuntur.** p. 75. c. 1.  
**Actus moralis importat ordinem ad legem vel regulam.** p. 75. c. 1. & p. 134. n. 2.  
**Actus moralis quidam bonus, quidam malus.** p. 138. n. 5. & seqq.  
**Actus moralis bonus dupliciter dici potest.** p. 150. n. 66.  
**Actus moralis primam suam bonitatem aut malitiam trahit ab obiecto.** p. 136. n. 12. & quidem specificam. p. 138. n. 20.  
**Actus ut sit bonus ex obiecto, debet ferri in obiectum honestum quā tale.** p. 137. n. 16. & p. 138. n. 17. & seqq.  
**Actus moralis ex circumstantiis potest esse bonus vel malus.** p. 139. n. 23. & p. 153. n. 78. & seqq.  
**Non omnis actus moralis bonus trahit suam bonitatem ex circumstantiis.** p. 139. n. 24.  
**Actus moralis etiam ex fine est bonus vel malus.** p. 140. n. 26.  
**Ut finis actus bonitatem communicet, debet esse bonus secundum rationem finiendi.** p. 140. n. 27.  
**Actus est potior habitu in bonitate vel malitia.** p. 198. n. 12.  
**Species actus ex obiecto in quibusdam continetur sub ea quæ est ex fine.** p. 148. n. 58.  
**Actus physice unus duplicem speciem moris habere potest.** p. 130. n. 11. & p. 141. n. 33. & p. 144. n. 44. & seqq.  
**Actus male sonantes qui dicantur.** p. 149. n. 61.  
**Actus indifferens. Vide verbum indifferentia.**  
**Omnes actus morales legi æternæ quomodo subiiciantur.** p. 140. n. 14.  
**Actus internus.**  
**Actus internus speciem moralem trahit à fine.** p. 143. n. 39.  
**Formalis bonitas in actu interno prius est quam in externo.** p. 185. n. 4. & 5.  
**Actus interni malitia principalior est ex fine.** p. 144. n. 44.  
**Actus interni bonitas materialis semper coniunctam habet formalem.** p. 186. n. 10.  
**Actus internus idem physice nequit simul esse bonus & malus.** p. 192. n. 30. potest tamen successe. idem. n. 31. & seqq.  
**Actus internus secundum esse tam naturale quàm morale habet circumstantias.** p. 88. n. 2. & 3.  
**Actus mere internus non potest lege humana directe præcipi aut vetari.** p. 365. n. 8. & seqq.  
**Actus internus indirectè præcipi potest per humanam legem.** p. 365. n. 7. & p. 367. n. 15.  
**Actus Externus.**  
**Actus externus habet circumstantias.** p. 88. n. 2. & 3.  
**Actus externus quædam conditiones constituunt in esse morali, quædam adveniunt iam constituto.** p. 88. n. 3.  
**Actus externus secundum se malus & ad finem**

**præsum velutis habet duplicem malitiam.** p. 144. n. 43.  
**Actus externus & actus internus possunt dici duo actus boni.** p. 186. n. 9.  
**Actus externus sæpe est causa augmenti bonitatis aut malitiae actus interni.** p. 188. n. 14.  
**Actus externus nullam bonitatem aut malitiam formalem superaddit interno.** p. 188. n. 16.  
**Actus externus idem physice potest simul esse bonus vel malus respectu diversorum.** p. 191. n. 26.  
**Non potest simul esse bonus & malus respectu eiusdem voluntatis.** p. 192. n. 28.  
**Opinio tamen opposita non est omnino explodenda.** ibidem. n. 29.  
**Actus externus accipit bonitatem vel malitiam à fine mediante actu interno.** p. 184. n. 2. & p. 186. n. 9. & 10.  
**Bonitas obiectiva ab actu externo derivatur in internum.** p. 184. n. 3. & p. 185. n. 4. & p. 186. n. & 10.  
**Bonitas materialis actus externi pendet à ratione.** p. 184. n. 3. & p. 186. n. 7.  
**Malitia ex obiecto in actu externo est principalior.** p. 144. n. 43.  
**Actus externus varia frequenter adfert commoda, vel incommoda.** p. 188. n. 15.  
**Adam.**  
**Adæ præceptum fuit lex.** p. 329. n. 15.  
**In Adamo omnibus fuit lex posita.** p. 264. n. 18. & p. 268. n. 31. & p. 329. n. 15.  
**Adam in statu Innocentia non habuit donum perseverantiae.** p. 437. n. 90.  
**Adami peccatum fuit peccatum naturæ.** p. 264. n. 18.  
**In primo peccato Adami multa fuerunt iniquitates.** p. 260. n. 3.  
**Adamo non peccante non ideo posterius fuissent in gratia confirmari.** p. 270. n. 41.  
**Adamo non peccante filij Cain non contraxissent peccatum patris.** p. 271. n. 42.  
**Adamo demum lapsio post gentium Cain, non contraxissent filij Cain peccatum originale.** ibidem.  
**Primum peccatum Adæ non potuit esse veniale.** p. 319. n. 5. & seqq.  
**Adulti.**  
**Adulti usum rationis habentes non iustificantur sine motu prævio liberi arbitrij.** p. 310. n. 35. & seqq.  
**Adultum sine motu liberi eius arbitrij prævio Deus iustificare potest.** ibidem n. 39.  
**Adulti non iustificantur sine motu fidei.** p. 811. n. 40.  
**Afflictio.**  
**Affliguntur interdum in hac vita aliqui propter peccata aliorum.** p. 304. n. 28. & seqq.  
**Non omnis afflictio à Deo immixta est pœna propriè dicta afflicti.** p. 301. n. 19. & p. 302. n. 22.  
**Affligit Deus homines certos varijs de causis.** p. 301. n. 19. & 20.  
**Agere.**  
**Omne agens agit propter finem.** p. 17.

# Index Rerum.

*Agens rationale seipsum ducit in finem. ibidem.*  
*Agens naturale ducitur ab alio in finem. ibidem.*  
 & p. 22. c. 2.  
*Agens naturale habet ex se determinatum modum operandi. p. 21. c. 2.*  
*Agens non potest agere nisi sit determinatum. p. 17. c. 2.*  
*Agens intellectuale creatum nequit attingere eternam actionem absque interuentu causalitatis in actum proprium internum. p. 20. c. 2.*  
*Secu agens increatum. ibidem.*

## Amor.

*Amor non fit bonū amatum praesens. p. 45. c. 1.*  
*Amor beatificus est duplex. p. 43. c. 2.*  
*Amor beatificus magis est intrinsecus beatitudini quam delectatio. p. 46. c. 2.*  
*Amor beatificus sequitur necessariū ex visione Dei. p. 54. c. 2. & p. 55. c. 1.*  
*Necessitas amoris beatifici non tam ex defectu libertatis potentiae quam ex perfectione obiecti euidenter propostū nascitur. p. 14. c. 1.*  
*Cum amore beatifico nullum peccatum ne quidem veniale consistere potest. p. 55. c. 1.*  
*Amor Dei super omnia in se spectatus est proportionalis cum vita aeterna. p. 525. n. 10.*  
*Amor Dei super omnia in praesente non est primae gratiae meritorium. ibidem.*  
*Amor concupiscentiae quo Deum vt summum bonū nostrū amamus est primus actus spei. p. 74. c. 1.*  
*Cui contemplantis amando Deum quandoq; non experimur adū intellectū p. 98. & 99. n. 10.*  
*Amor in Deum quantumvis ardens nunquam est sine adū intellectū. p. 98. n. 8. & 10.*  
*Amari a Deo qui ratione maius bonum sit quam amare Deum. p. 42. c. 1.*  
*Dei amat se propter se, quo sensu intelligendum. p. 10. c. 2. & p. 19.*  
*Dei amat creaturam propter se. ibidem.*  
*Beati necessariū amant sub ordine ad Deum quacumque amant. p. 54. c. 1.*  
*Amor finis non distinguitur a voluntate vt nominat actum. p. 93. n. 9.*  
*Amor finis est propter finē. p. 14. c. 2. & p. 15. c. 1.*

## Angelus.

*Angelus quomodo potuerit appetere Esse diuinum. p. 120. n. 13. & 14.*  
*Primum peccatum angeli viciatoris non potuit esse veniale. p. 321. n. 9. & 10.*

## Anima.

*Anima separata habet naturalem appetitum ad corpus. p. 72. c. 2.*  
*Actio per quam iterum corpori coniungitur est supernaturalis quoad modum. ibidem.*  
*Anima rationalis non est ex traduce. p. 238. n. 32. & seqq.*  
*Anima minor duplex. p. 293. n. 5.*  
*Anima beata non videbunt clarior Deum post resurrectionem quam ante. p. 61. c. 1.*  
*Anima infirmorum recipiunt beatitudinem essentialem ante corporum resurrectionem. p. 55. c. 2. & pag. 56. & seqq.*

*Neque oppositum definitur Ioan. xxxi. p. 59. c. 2.*  
*Explicantur obscuriora quadam loca Patrum. p. 57. & 58.*

*Obiectionibus satisficit. p. 59. & 60.*  
*Anima quomodo inficitur peccato originali. p. 298. n. 32. & seqq.*  
*Anima vulnera qua. p. 285. n. 4. & p. 286. n. 5.*  
*Anima sancta est sponsa Christi. p. 52. c. 2.*

## Appetere.

*Omni homo necessario appetit beatitudinem in communi. p. 71. c. 2.*  
*In omnibus quae homo vult, aliquomodo appetit Deum. p. 34. c. 2. & p. 35. c. 1.*  
*Non potest tamen dici velle peccata propter Deum. ibidem. & c. 2.*  
*Nemo claram Dei visionem quamvis apprehensam appetit appetitū naturali elicit. p. 73.*  
*Potest tamen homo dici aliquo modo naturaliter illam appetere. p. 74.*  
*Non potest homo post lapsum suū viribus Deum vt summum bonum naturale efficaciter appetere. p. 73. c. 2.*  
*Appeti possunt quae sine interitū appetitū nequeunt obtineri. p. 120. n. 13. & 14.*

## Appetibile.

*Primum appetibile non potest esse actio voluntatis. p. 16. c. 1.*  
*Appetibili propter se sublato tollitur omnis ratio boni. p. 26. c. 1.*

## Appetitus.

*Appetitus anima beata ad vniōē cum corpore non distrahitis eius conatū circa visionē Dei. p. 61. c. 1.*  
*Appetitus noster satiari non potest adeptione boni creati. p. 37. c. 2.*  
*Appetitus naturalis innatus quā. p. 72. c. 1.*  
*Homō non habet innatum naturalem appetitum ad perfectam beatitudinem. p. 72.*  
*Appetitus diuersus vnde oriatur. p. 10. c. 2. & p. 11. c. 1.*  
*Apprehensio finis non est formalis ratio distinctiua appetitū. p. 9. c. 2. & p. 10. c. 1.*  
*Concurrat ad eorum distinctionem vt applicant obiectum. ibidem.*

*Potentia appetitiua non est comprehensua obiecti appetibili. p. 44. c. 2.*  
*Appetitus sensitivus diuiditur in irascibilem & concupiscibilem, & qui sunt viriūsque actus. p. 76. n. 1.*  
*Appetitus sensitivus quia in supposito rationali radicatur, in quodum delectabile fieri nequit. p. 216. n. 8. & 9.*  
*Appetitus sensitivus non subditur perfecti rationi. p. 76. n. 2. & p. 131. n. 17.*  
*Appetitus sensitivus dupliciter mouet potentiam rationalem. p. 76. c. 1. & p. 101. n. 16. & 17.*  
*Appetitus inferior nequit in actum exteriorē exire nisi voluntate salū permittente. p. 132. n. 18.*  
*Actus appetitus inferioris possunt excitari voluntati imperio. ibidem. n. 19.*  
*Motus appetitus exurgens independentē a ratione quare viriosus. p. 216. n. 9.*  
*Motus inordinati appetitus inferioris quomodo sendandi. p. 132. n. 18.*

A A A

In

## Index Rerum.

In appetitu sensitivo non potest esse propriè dictum peccatum independentè a voluntate. p. 215. n. 3. & seqq. & p. 217. n. 12. & seqq.

Appetitus sensitivus quomodo concurrat ad peccatum. p. 230. n. 8.

### Assensus.

Assensus idem potest successivè esse verus & falsus. p. 193. n. 31.

Homo eget interno gratia auxilio ut mysteriis fidei sibi propositis condigne assensiat. p. 413. n. 7. & seqq.

Potest homo imperfectam aliquam assensum illi adhibere sine interna gratia. p. 414. n. 11.

### Auxilium.

Auxilium gratia duplex. p. 428. n. 64.

Iustus auxilia gratia semper sibi parata habet ad bene operandum. p. 433. n. 77.

Iusti non possunt per ordinaria gratia auxilia vitare omnia peccata venialia. p. 433. n. 79. & seqq.

Imo communiter neque omnia vitare possunt quæ sunt cum plena deliberatione. p. 434. n. 82.

Vnde huius infirmitatis origo. ibid. n. 81. & 82.

Quo sensu dicatur peccator per aliquod auxilium vitare posse singula peccata, & non omnia. p. 428. n. 62. & 63.

Homo iustus non potest diu stare sine speciali auxilio gratia. p. 429. n. 66. & seqq.

Vnde hæc impotentia in homine iusto. p. 430. n. 68.

Homo post lapsum non potest sine speciali Dei auxilio implere omnia præcepta legum. p. 422. n. 42. & seqq. vide verbum Homo.

Homo sine gratia auxilio multas veritates speculativas cognoscere, non tamen omnes valere. p. 411. n. 1. & 2.

Homo potest sine gratia auxilio cognoscere aliquas veritates practicas, frequenter tamen errabit. p. 412. n. 3. & seqq.

Auxilia gratia post lapsum potuit Deus iuste omnibus denegare. p. 473. n. 61.

Pie creditur neminem adultorum plane semper destitui omni auxilio gratia. vide verbum gratia sufficiens.

## B.

### Beatitudo.

**B**eatitudo alia obiectiva, alia formalis. p. 38. c. 1.

Beatitudo formalis dupliciter accipi potest. p. 43. c. 2.

Beatitudo formalis est operatio immanens creata effectivè à Beato procedens. p. 42.

Beatitudo formalis non est substantialis perfectio homini. p. 39. c. 1.

Rejicitur sententia Henr. à g. udao. p. 38. & seqq.

Beatitudo formalis non consistit in illapsu Dei inime in essentiam anime. ibidem.

Non est quoque actus Dei increatus. p. 40. c. 2. & p. 41. & 42.

Quare tepè nec beatum videre Deum actu in creato. p. 41.

Beatitudo formalis principalis consistit in possessione summi boni. p. 44.

Beatitudo formalis est actus perfectissimus in modo consequendi supremum bonum. p. 41. c. 2.

Non est actus voluntatis. p. 44. c. 2. & p. 45. c. 1.

Est actus intellectus. p. 45. & 46.

Est operatio intellectus magis speculativi quam practici. p. 49. c. 1.

Beatitudo formalis est visio Dei quatenus comprehensio. p. 45. & 46.

Beatitudo quæquam imperfecta in Angelorum & scientiarum speculativarum contemplatione consistit. p. 50. c. 1.

Cognitio reflexa non est de essentia beatitudinis. p. 47. c. 1.

Est tamen quoddam eius complementum. ibidem.

Beatitudo obiectiva in bono increato necessariò consistit. p. 37. & p. 50. c. 2.

Beatitudo obiectiva sensus operatione attingi nequit. p. 43. c. 1.

Amor est de essentia beatitudinis terminativus. p. 46. c. 2.

Beatitudo completa quæ inuoluat. p. 43. c. 2. & p. 44. c. 1.

In progressu beatitudinis quatuor diversa. p. 50. c. 2. & p. 51. c. 1.

Ad beatitudinem requiritur rectitudo voluntatis. p. 54. c. 1.

Ad completam beatitudinem requiritur perfectio corporis. p. 61.

Ad perfectam beatitudinem non requiruntur bona externa. p. 67. c. 2.

Ad beatitudinem operationes sensus quo modo pertineant. p. 43.

Ad beatitudinem non requiritur societas amicorum. p. 67. c. 2.

Beatitudo huius vitæ alia est supernaturalis, alia naturalis. p. 69. & 70.

Beatitudo naturalis in actibus intellectus consistit. p. 70.

Beatitudo supernaturalis viæ consistit principaliter in actibus voluntatis. ibidem.

Beatitudo perfectæ viribus naturalibus acquiri non potest. p. 70. c. 2.

Potest à solo Deo tanquam principali agente præstari. p. 71. c. 1.

Ad eam non pervenitur sine meritis. ibidem.

### Beati.

Beati necessario vident Deum. p. 54. c. 2.

Vnus alicui beator esse potest ex parte comprehensionis. p. 68. c. 1.

Vnus altero beator esse nequit ex parte obiecti. ibidem.

Beatus habet circa Deum plures operationes. p. 43. c. 2.

Amor & gaudium in Beatis sequuntur necessariò ex nuda visione Dei speculativa. p. 49. c. 1. & p. 54. c. 2. & p. 55. c. 1.

Beatos dicere per visionem in Deo existentibus beatis. Hæreticum putat B. à Medina. p. 40. c. 2.

Beatum non potest amittere beatitudinem. p. 54. c. 1.

Beati

# Index Rerum.

Beati immediate gaudent ipso Deo per se & primario. p. 51.  
 Beati cur magis velint amare Deum quam videtur. p. 48. c. 2.  
 Beati sunt impeccabiles ab intrinseco. p. 54. & 55.  
 Si qua penetraret videre Deum & non amare, non esset beatus. p. 46. c. 2.  
 Bonitas.  
 Bonitas quaedam per sensum, quaedam per solam rationem apprehenditur. p. 11. c. 2.  
 Bonitas in actu humano quadruplex. p. 141. n. 10.  
 Bonitas moralis est duplex. p. 185. n. 4.  
 Bonitas moralis qua. p. 134. n. 4.  
 Bonitas voluntatis pendet ab obiecto. p. 155. n. 2.  
 Bonitas voluntatis pendet à ratione vi regula. p. 156. n. 4. & seqq. & p. 158. n. 11.  
 Bonitas mediorum est distincta à bonitate finis. p. 93. n. 11.  
 Bonitas intentionis redundat in electionem. p. 178. n. 28.  
 Bonitas electionis non semper est tanta quanta est bonitas intentionis. p. 178. 77. & seqq.  
 Quantitas bonitatis in actu desumitur ex parte obiecti vel modi. p. 177. n. 76.  
 Bonitas Dei.  
 Bonitas Dei est quaedam eminens ratio amandis tam ipsam Dei essentiam, tam creaturas. p. 18. c. 2. & p. 36. c. 1.  
 Bonum.  
 Bonum in genere non necessitat voluntatem ad exercitium actus. p. 55. c. 1.  
 Bonum in reatum clare visum necessitat voluntatem ad exercitium actus. ibidem. & p. 78. n. 7.  
 Bonum & malum sunt differentia per se actus moralis ut talia. p. 141. n. 30. & 31.  
 Bonum & malum morale sunt differentia per accidens actus secundum esse naturae considerati. p. 141. n. 31. & seqq.  
 Possunt tamen quodam sensu dici essentialiter. p. 193. n. 33. & 34.  
 Bonum & malum morale conveniunt actibus voluntatis proximè. p. 142. n. 36.  
 Bonum vult quia tale potest habere rationem finis. p. 3. c. 2.  
 Quodnam censeri debet bonum hominis completissimum. p. 36. c. 2.  
 Bonum commune duplex. p. 330. n. 20.  
 Bruta.  
 Bruta cognoscunt obiectum tanquam conveniens aut disconveniens. p. 23.  
 Bruta non cognoscunt rationem finis. p. 24. c. 1.  
 Non distinguunt etiam inter bonum per se & propter aliud. ibidem.  
 Instinctus naturalis brutorum quid sit. ibidem.

## C.

### Caro.

**N**omen carnis variè accipitur in Scripturâ. p. 203. n. 4.

## Causa.

Causa secunda determinat primam ad speciem actus. p. 250. n. 61. & seqq.  
 Obiectiones varia dissolvuntur. p. 253. n. 73. & seqq.  
 Causa prima duobus modis concurrens cum secunda ad operandum. p. 22. c. 2.  
 Causam secundam moveri intrinsece à prima prius quam agat, docuit D. Tho. p. 252. n. 68. & seqq.  
 Causa secunda libera seipsam determinat ad agendum. p. 255. n. 81. & 82.  
 Causa negationis duplex esse potest. p. 228. n. 1. & 2.  
 Non omne quod est ratio alicuius est causa eiusdem. p. 19. c. 2.  
 Causa peccati. vide peccatum.  
 Causalitas.  
 Causalitas finis in quo consistat. p. 5. & 6.  
 Opinio duplex principalis. ibidem.  
 Charitas.  
 Charitas est nobilissima virtutum. p. 536. n. 54.  
 Charitas inclinat directe voluntatem in Deum ut finem. p. 538. n. 63.  
 Virtutes supernaturales à charitate distinctae sunt dispositiones ad illam, vel quasi connaturales eius proprietates. p. 538. n. 63.  
 Charitatu supernaturalis unde desumenda. p. 73. c. 2.  
 Charitas est praeceptum principium meriti. p. 536. n. 54.  
 Charitas cur simpliciter iustitia appellatur. p. 503. n. 4.  
 Charitatis cur saepe tribuantur effectus gratia. p. 456. n. 14. & seqq.  
 Charitas non destruitur per peccata venialia. p. 305. n. 1. & p. 311. n. 18. & seqq.  
 Modus charitatis non cadit sub praecepto cuiuslibet legis. p. 407. n. 13.  
 Christus.  
 Christus iustitia nostra quo sensu dicatur. p. 507. n. 22.  
 Christus fuit mediator inter Deum & hominem. p. 541. n. 80.  
 Christo proprium est alteri meruisse gratiam. p. 541. n. 81.  
 Christus meruit hominibus de condigno omnem gratiam & gloriam qua à Deo ipsis communicatur. p. 541. n. 80.  
 Christus omnium Redemptor quo sensu dici possit. p. 448. n. 22. & seqq.  
 Christus specialiter est redemptor salvandorum. ibid.  
 Christi humanitas non est formaliter beata per unionem hypostaticam. p. 40. c. 1.  
 Christus immanis fuit à debito contrahendi originale peccatum. p. 271. n. 43.  
 Circumstantia.  
 Circumstantia quid sit. p. 87. n. 1.  
 Circumstantiarum diversitas. p. 89. c. 2. & p. 90. n. 6. & seqq.  
 Circumstantiae propter Quid, & Quid, sunt praecipuae. p. 90. n. 9.

AAA

Circum-



# Index Rerum.

**Circumstantia** quaedam dant actui novam speciem. p. 153. n. 78. & seqq.  
**Circumstantia** ut det novam speciem malitiae non opus est sit circae volita. p. 154. n. 81.  
**Circumstantia** delet esse directe volita ut tribuat novam speciem bonitatis. *ibidem.*  
**Circumstantia** quaedam augent bonitatem vel malitiam actus infra eandem speciem. p. 154. n. 82.  
 Nulla est circumstantia indifferens respectu actus moralis ut talis. p. 139. n. 25.  
 Non omni circumstantia bona actui coniuncta est ei debita. p. 139. n. 25.  
**Cogitatio.**  
**Cogitationes** quaedam difficulter deponuntur. p. 131. n. 15.  
**Cognitio.**  
**Cognitio practica** quando requiratur ad actum voluntatis. p. 49. c. 2.  
**Compositio.**  
**Compositio** & divisio non requiruntur necessarii ad actum voluntatis. p. 99. n. 12. & p. 100. n. 13.  
**Comprehensio.**  
**Comprehensio beatifica** coincidit cum visione Dei. p. 46.  
 Superaddit visioni ordinem ad actum voluntatis. *ibidem.*  
**Comprehensio** in alijs materijs non semper coincidit cum actu visionis. *ibidem.*  
**Comprehensio** ista duo anima. p. 53. c. 1.  
**Concupiscentia.**  
**Concupiscentia** quid & quae eius causa. p. 277. n. 11. & seqq.  
**Concupiscentia** non est formaliter peccatum originale. p. 278. n. 3. & seqq.  
**Concupiscentia** in nonum regeneratum statui potest materiale peccati originalis. p. 278. n. 16.  
**Concupiscentia** antecedens augei voluntarium & minuit liberum. p. 83. n. 17. & p. 84. n. 18.  
 Motus concupiscentiae praeventientes rationem non sunt proprie peccata. p. 217. n. 12. & seqq.  
**Praeceptum** Non concupisces, quomodo intelligendum. p. 218. n. 16. & seqq.  
**Concupiscentia naturalis** & non naturalis quae. p. 11. c. 2.  
**Concursus.**  
**Concursus Dei duplex.** p. 29. n. 66. & 67.  
**Concursus generalis Dei** supponit causam secundam sufficienter instructam in ratione causa. p. 451. n. 13.  
**Concursus generalis Dei** cum gratia operante est supernaturalis. p. 429. n. 64.  
**Confessarius.**  
**Confessarius** debet se conformare opinioni probabili parentum. p. 169. n. 48.  
**Confessarius** necessaria est circumstantiarum cognitio. p. 89. n. 5.  
**Coniux.**  
**Coniux** non potest in absentia coniugii admittere carnalem delectationem ex actu matrimonij cogitato. p. 225. n. 50.

## Conscientia.

**Conscientia** dupliciter sumitur. p. 160. n. 19 & 20.  
**Conscientia** varij actus & proprietates. *ibid.* n. 19.  
**Quid conscientia recta.** p. 161. n. 23.  
**Quid erronea.** *ibidem.*  
**Quid dubia.** *ibidem.*  
**Quomodo differat conscientia probabilis à scrupulosa.** *ibidem.* n. 24.  
**Conscientia dubia vel erronea** quomodo deponenda. p. 174. n. 65. & seqq.  
**Quid agere contra conscientiam.** p. 160. n. 21. & 22.  
**Agere contra conscientiam** expresse est circumstantia aggravans. p. 162. n. 26.  
**Circumstantia contra conscientiam** non addit novam speciem. p. 161. n. 25.  
**Peccatum contra conscientiam** habet speciem ex materia particulari. p. 162. n. 26. & seqq.  
**Contra conscientiam** erroneam operari non licet. p. 153. n. 31. & seqq.  
**Propter praeceptum superiorum** non potest subditi contra conscientiam operari. p. 165. n. 36.  
**Non licet sequi conscientiam vincibiliter errantem.** p. 164. n. 32. & seqq.  
**Conscientia invincibiliter erronea** obligat positive. p. 164. n. 35.  
**Dubia conscientia** operari non licet etsi dubium oriatur ratione iuri. p. 173. n. 4. & seqq.  
**Voluntas concordans conscientia** culpabiliter erranti est mala. p. 159. n. 18. & p. 163. n. 29. & 30.  
**Voluntas concordans conscientia** erranti inculpabiliter potest esse bona. *ibidem.*  
**Agere contra conscientiam** erroneam quo casu sit peccatum gravius quam eam sequi. p. 166. n. 39.  
**Consensus.**  
**Consensus** diversa acceptio. p. 124. n. 2.  
**Consensus** quomodo ab electione differat. p. 125. n. 4.  
**Consensus** non reperitur in brutis. p. 124. n. 2.  
**Consensus** in opus externum pertinet ad rationem superiorem. p. 221. n. 31. & seqq.  
**Consensus** in solam delectationem spectat ad rationem inferiorem. *ibid.*  
**Consensus** in delectationem de opere malo. vide verbum, Delectatio.  
**Consilium.**  
**Consilium** est actus rationis. p. 122. n. 1.  
**Consilium** non includit iudicium de rebus agentis. *ibidem.*  
**Quomodo differat ab inquisitione.** *ibid.*  
**Consilium** procedit ordine resolutorio. p. 123.  
**Consilium** quomodo attribuitur Deo. p. 122. n. 2.  
**Consuetudo.**  
**Consuetudo** quid sit. p. 392. n. 3.  
**Consuetudo** bona quae. p. 394. n. 12.  
**Consuetudo** rationalis quae. *ibid.*  
**Consuetudo** contraria differt à disconsuetudine, & non vsu. *ibidem.* n. 10.  
**Consuetudo** est legum interpret. p. 403. n. 47 & 48.  
 Consuetudo

# Index Rerum.

**Consuetudo rationabili potest inducere legem nom-**  
nam. p. 396. n. 22.  
**Consuetudo requirit tempus longum vi viâ pra-**  
scriptionis legem inducat. p. 397. n. 25 & 26.  
**Quantum temporis exigit Consuetudo vi viâ con-**  
suetudinis legem inducat. p. 398. n. 28.  
**Consuetudo debet frequentari a populo eo animo**  
vi in Ius transeat. ad hoc vi legem inducat. p.  
397. n. 24.  
**Vnde hac Populi intentio colligenda.** p. 398. n. 29.  
**Consuetudo rationabili potest legem humanam**  
abrogare. p. 393. n. 4. & seqq.  
**Consuetudo duobus modis praualescere potest contra**  
legem. p. 392. n. 3.  
**Consuetudo praualescere non potest contra Ius natu-**  
rale vel diuinum. ibidem.  
**Consuetudo sine consensu Principis, saltem legali,**  
non praualescit contra legem. p. 394. n. 9.  
**Consuetudo contraria legi potest inchoari bona**  
fide. p. 396. n. 20 & 21.  
**Consuetudo potest viâ consuetudinis praualescere con-**  
tra legem absque bonâ fide. ibid. n. 18.  
**Consuetudo non potest absque bonâ fide praescribere**  
contra legem. ibidem & n. 20.  
**Quanto tempore praescribitur Consuetudo contra**  
legem. ibidem. n. 22.  
**Consuetudo potest legem penalem totaliter abro-**  
gare. p. 400. n. 34.  
**Potest quoque tollere obligationem quoad culpam**  
relictâ obligatione quoad penam nisi culpam  
necessario supponat. ibidem. n. 37. & seqq.  
**Consuetudo potest leges irritantes abrogare.** p.  
401. n. 39. & seqq.  
**An consuetudo reprobata vel recita possit legem**  
reprobantem abrogare. p. 402. n. 42. &  
seqq.  
**Consuetudo potest aliquid immutare circa ritum**  
Sacramentorum. ibid. n. 45. & 46.  
**Consuetudo Iuris quas personas obliget?** p. 399. n.  
30. & 31.  
**Consuetudo Laicorum an obliget Clericos ibidem.**  
n. 32. & 33.

## Consultatio.

**Consultare quid sit.** p. 122. n. 1.  
**Consultatio est tantum de medijs.** ibid. n. 2.  
**Consultatio non est de rebus minimis.** p. 123.  
n. 5.  
**Consultatio non est de necessarijs aut impossibili-**  
bus. ibidem n. 4.  
**Consultatio non procedit in infinitum.** p. 124.  
n. 9.  
**Consultationis principium & terminus qua.** ibid.

## Corpus gloriosum.

**Corpora gloriosa sunt intrinsecè impassibilia.** p.  
66.  
**Quomodo corpora gloriosa reddantur impassibilia.**  
p. 64. c. 2.  
**Quomodo grauitas impediatur in corporibus glo-**  
riosis. p. 65.  
**Dotis corporum gloriosi.** vide verbum Dei.

## Cupiditas.

**Cupiditas triplex.** p. 283. n. 1.  
**Cupiditas est radix omnium malorum.** ibidem.

## D.

### Dæmon.

**Quomodo Dæmon sit hominis causa peccandi**  
p. 258.  
**Dæmon peccat in omnibus quæ agit, mortaliter.**  
p. 320. n. 8.

### Delectatio.

**Delectatio est actus vitalis.** p. 112. n. 12.  
**Delectatio secundum se non habet rationem debiti**  
finis. p. 150. n. 67.  
**Delectatio supponit consecutionem boni.** p. 44. c. 2.  
**Delectatio Beatorum de Deo duplex.** p. 43. c. 2.  
& p. 44. c. 1.  
**Delectantur Beati immediatè de Deo.** p. 51.  
**Delectatio est effectus & fructus visionis Dei.** p. 50.  
c. 2.  
**Delectationis bonitas affirmatur ex operatione quâ**  
consequitur. p. 44. c. 2.  
**Cur delectatio quibusdam operibus annexa ibid.**  
**Delectatio vel de obiecti cognitione vel de ipso ob-**  
iecto cognito nasci potest. p. 222. n. 37. & seqq.  
**Delectatio morosa.**

**Delectatio morosa qua.** p. 220. n. 28.  
**Delectatio de cognitione operum mali non est per se**  
peccatum mortale. p. 223. n. 40.  
**Delectatio de opere illicito mortali est peccatum**  
mortale. ibid. n. 41. & seqq.  
**Delectatio morosa de opere duplici malitiâ dupli-**  
cem contrahit malitiam. p. 226. n. 56. & seqq.  
**Opposita sententia non est improbabili quando**  
sub vna ratione tantum circa opus versatur de-  
lectatio. p. 227. n. 58.  
**Delectatio de modo operum illiciti non est semper**  
mala. p. 224. n. 43. & seqq.  
**Delectatio de opere malo tantum quia vitio non**  
est per se mortale peccatum. ibid. n. 45. & 56.  
**Delectatio partis rationalis de opere præterito vel**  
futuro quatenus honesto est nunc illicito, non  
est per se mala. p. 225. n. 48.  
**Non potest tamen admitti carnalis delectatio ex**  
recogitatione talis obiecti. ibid. n. 49.  
**Delectatione de opere illicito exurgente non po-**  
test ratio sine causa dissimulare. p. 226. n.  
53. & seqq.

### Desiderium.

**Desiderium quomodo à spe & intentione distin-**  
guatur. p. 114. n. 2.

### Deus.

**Deum amat se propter se.** p. 18. c. 2.  
**Deum amat creaturas propter se.** ibidem.  
**Deum non est finis sui nisi forte negatiuè.** p. 19. c. 1.  
**Deo naturale est non posse peccare.** p. 229. n. 6.  
**Deum non potest obligari creatura nisi ipse velit.**  
quæst. 114. p. 224. n. 5. & p. 334. n. 46.  
**Deum absque interuentu doni creati non est alio**  
modo in anima quàm in ceteris rebus. p. 39. c. 1.

Ad a ij De Deo

# Index Rerum.

De Deo secundum se non possunt damnati trislarī.  
p. 52. c. 1.  
Deus potest in instanti quamlibet voluntatem quā-  
rumlibet à se avertam ad se convertere. p.  
52. n. 91.  
Cur Deus dicatur potius causa operis boni quam  
mali. p. 257. n. 86.  
Quomodo Deus malas hominum voluntates dirigat  
in bonum. p. 242. n. 30. & seqq. & p. 247.  
n. 50. & seqq.  
Deus non est causa peccati. Vide verbum. Peccati  
Causa.

Diabolus.

Vide verbum Daemon.

Dilectio.

Dilectio alia naturalis alia supernaturalis. p.

419. n. 29.

Illa differunt specie inter se. ibidem n. 30.

Omnis dilectio Dei super omnia efficax in statu  
naturæ corrupta est supernaturalis. p. 421.  
n. 37.

Homo non potest diligere Deum super omnia dile-  
ctione supernaturali per solas vires naturæ.  
p. 420. n. 34.

An Deus ut cognitus per fidem aliquo amore im-  
perfecto diligere possit solū naturæ viribus. ibi-  
dem n. 35.

Homo solū naturæ viribus in statu naturæ integræ  
possit diligere naturali amore Deum super om-  
nia ut autorem naturæ. p. 421. n. 36.

Non potest id in statu naturæ corruptæ. ibidem n.  
37. & seqq.

Inefficacem tamen Dei dilectionem in eo statu na-  
turaliter habere potest. p. 422. n. 39.

Dilectio analogice dicitur de dilectione creata &  
de increata. p. 500. n. 62.

Diligere est velle bonum. p. 454. n. 3.

Dilectio quā Deus creaturam diligit operatur ali-  
quid in eā. ibidem. & n. 4.

Dilectioni attribuit Scriptura Iustificationem.  
p. 516. n. 57.

Dispensatio.

Dispensare est actum potestatis legislativæ. p. 353.  
n. 52.

Est actus iurisdictionis voluntaria. p. 568. n. 19.

Dispensare potest legislator in sua lege. p. 403.  
n. 49.

Dispensans in voto vel in Iuramento nō dispensat  
in lege naturali. p. 349. n. 36. & seqq.

Dispensatio sine causa concessa an sit valida p.  
404. n. 49.

Dispensatio subreptitiæ obventa non valet. ibidem  
c. 2.

Dispensationem petens quam novit non posse iuste  
concedi qualiter peccet. ibidem n. 49.

Notes corporis & animæ.

Dos quid proprie sit. p. 52. c. 1.

Quid metaphoricè. ibidem. c. 2.

Notes animæ Beata sunt tres tribus virtutibus  
Theologicis respondentes. p. 53.

Quid illa sint, duplex sententia. ibidem.

Quare in Angelis vel in anima Christi non sunt

Notes. ibidem. c. 2.

Quare dona in baptismo collata non vocantur Do-  
tes. ibidem.

Notes corporis gloriosi quos & quæ. p. 61. c. 2.

Ad quid serviunt. ibidem. & p. 62. c. 1.

Physicè profluunt ab anima beati. ibidem. c. 2.  
& p. 63. c. 1.

Quid dos claritatis. p. 63. c. 2.

Est diuersæ rationis & speciei à claritate solū &  
ignu. ibidem. & p. 64. c. 1.

Videri potest sine miraculo ab oculo non glorifica-  
to. ibidem. c. 2.

Quid dos agilitatis. p. 65. c. 1.

Quid dos subtilitatis. ibidem. & p. 66. c. 1.

Quid Dos impassibilitatis. ibidem & p. 67. c. 1.

Dubium.

Dubium in materia conscientia quid sit. p. 161.

n. 23.

In dubijs pars tior est eligenda quo sensu. p.  
169. n. 50.

Dubitans an id quod agit sit peccatum quomodo  
peccet agendo. p. 162. n. 28.

Dubitans an lex adhuc vigeat tenetur legem ser-  
uari. p. 174. n. 64.

Dubitans an homicidium à se patratum sit, debet  
se gerere pro irregulari. p. 169. n. 49. & p.  
171. n. 56.

In dubio impedimenti matrimonij quid facien-  
dum. vide matrimonium.

## E.

Ecclesia.

Ecclesia potestas alia fori interni alia externi.  
p. 366. n. 12.

Ecclesia non indicat de occultis per se. ibidem.  
n. 11.

Ecclesia indicare potest de occultis per accidens.  
ibidem.

Potuit Christus dare Ecclesia potestatem prati-  
candi actum merè internos. ibidem. n. 13.

Ecclesia hanc potestatem non habet. ibidem.

Effectus.

Effectus finis qui sint. p. 3. c. 1. & p. 4. c. 2.

Effectus gratia. vide, verbum gratia.

Effectus peccati. vide, peccati effectus.

Electio.

Electio quid sit. p. 116. n. 1. & 2.

Electio est actus voluntatis. ibidem. n. 1.

Includit essentialia ordinem ad actum intellectum.  
ibidem.

Electio cur appetitio consultiva vocetur à Philo-  
sopho. ibidem.

Requirat actum intellectum operosiores quam inten-  
tio. ibidem. n. 2.

Habet se ad intentionem ut conclusio ad princi-  
pium. p. 118. n. 9.

Electio est tantum mediocrum. p. 117. n. 6.

Electio inter multos fines est aliquomodo de me-  
dijs. p. 118. n. 7.

Electio

## Index Rerum.

Electio est tantum possibile. *ibidem* n. 9.  
 Electio mediorum consensum tendit in finem. *p.*  
94. n. 15. & p. 95. n. 16.  
 Electio est altus liber. *p.* 121. n. 15.  
 Medij tamen necessarij electio potest ex suppositione  
 esse necessaria. *ibidem* & n. 16. & seqq.  
 Electio non conuenit *Brutus*. *p.* 117. n. 3.  
 Electio conuenit pueri & umentibus in quibus-  
 dam materijs. *ibidem* n. 5.  
 Electio medij honesti ad finem honestum dupli-  
 cem habet speciem bonitatis. *p.* 144. n. 44.  
 & seqq.  
 Electio non est semper parū bonitatis cum inten-  
 tione. *p.* 178. n. 77. & seqq.  
 Electio medij prauū ad finem prauum duplicem ha-  
 bet speciem mali. *p.* 144. n. 41.  
 Malitia electionis ex fine desumpta est principa-  
 lior. *ibidem*. n. 42.  

**Epykia.**

Epykia quid. *p.* 356. n. 62. & 63.  
 Epykia non habet locum in lege naturali. *ibidem*.  
 & n. 65. & seqq.  
 Interpretatio voti non est epykia respectu legis na-  
 turalis. *p.* 357. n. 67.  

**Excacatio.**

Excacatio & obduratio quid. *p.* 257. n. 87. &  
88. & p. 480. n. 85. & seqq.  
 Quo sensu dicatur Deus excacare & obdurare. *p.*  
246. n. 46. & p. 257. n. 87.  
 Excacati quo sensu dicantur non posse credere. *p.*  
481. n. 87.  
 Excacationis Iudeorum causa que. *ibidem*.  

**Excommunicatio.**

Excommunicatio annexa omissioni externæ quan-  
 do incurritur. *p.* 206. n. 16.  
 Eam incurrit in foro fori qui voluntarie se fecerit  
 impotentem præcepti adimplendi etiamsi do-  
 leat de datā causa. *ibidem*. n. 13.  
 Non tamen incurrit in foro conscientie. *ibidem*.  
 Excommunicatus pro crimine occulto in quibus pos-  
 sit se gerere pro non excommunicato. *p.* 378.  
n. 56.  

**Exorcismus.**

Exorcismi baptismo præmissi quid operentur. *p.*  
489. n. 16.

## F.

### Falsum.

**V**erum & falsum non sunt differentie essen-  
 tiales actionum intellectus. *p.* 142. n. 34.  
 & 36.

### Fides.

Fides formata, & fides informis *quæ*. *p.* 337. n. 62.  
 Fides per dilectionem operans *quæ*. *p.* 338. n. 63.  
 Fides mortua quæ dicatur. *p.* 317. n. 61.  
 Lex fidei quæ distat. *p.* 318. n. 66.  
 Fides potest esse sine charitate. *p.* 317. n. 60.  
 Fides sine charitate non prodest. *p.* 316. n. 59.  
 Fides est substantia rerum spectandarum, quo  
 sensu. *p.* 313. n. 47.

Iustus ex fide uiuit, quo sensu. *ibidem*. & *p.* 321.  
n. 82.

Ex languidā fide oritur anxia sollicitudo. *p.* 314.  
n. 50.

Nemo potest certa fide cognoscere se habere actum  
 veræ fidei. *p.* 313. n. 45.

Fides sola aliquando valet ad miracula impe-  
 tranda. *p.* 321. n. 79.

Fides est prima dispositio ad iustificationem. *p.*  
320. n. 76.

Fidei cur sapientia Scriptura attribuat iustificatio-  
 nem. *p.* 321. n. 78.

Fides iustificans qualis esse debeat. *p.* 311. n. 42.  
 & seqq.

Obiectionibus satisficit. *p.* 313. n. 46. & seqq.

Fides non sola sufficit ad iustificationem. *p.* 315.  
n. 52. & seqq.

Obiectiones soluuntur. *p.* 318. n. 65. & seqq.

Adulti non iustificantur sine actu fidei. *p.* 311.  
n. 40.

Paruuli iustificantur sine actu fidei proprio, non  
 sine habitu. *ibidem*.

Fides specialis Hæreticorum qualis. *p.* 311. n.  
41. & seqq.

Est vana præsumptio. *ibidem*.

Quomodo velint eam iustificare. *p.* 315. n. 52.  
 Opera fidei. vide opera.

### Fiducia.

Fiducia nascitur ex fide. *p.* 314. n. 50.

Timiditas fiducia opposita nascitur ex defectu fi-  
 dei. *ibidem*.

Nemo potest concipere aliquam fiduciam apud  
 Deum ex bonis operibus per solas naturæ vires  
 factū. *p.* 340. n. 74.

Iusti possunt concipere aliquam fiduciam apud  
 Deum ex operibus gratiæ à se factis. *ibidem*.  
n. 75.

Nemo sine reuelatione potest concipere fiduciam  
 ex suis meritis de infallibili consecutione vitæ  
 æternæ. *ibidem*. n. 76.

Homini infirmo consultum est imperfectiones suas  
 considerare quam in bonis operibus à se factis  
 confidere. *p.* 341. n. 77.

### Finis.

Finis quid sit. *p.* 2.

Finis diuisio triplex. *p.* 3.

Finis Cuius potior est fine Cui in ratione causa.  
*ibidem*.

Ex fine Cuius, & fine Cui constituitur una causa  
 finalis completa. *ibidem*.

Finis operis duplex. *p.* 90. n. 7.

In fine duplex ratio considerabilis. *p.* 93. n. 10.  
 & 11.

Formalis ratio finis est bonitas. *p.* 4. c. 2.

Finis Esse aliud reale, aliud intentionale. *p.* 7.

Fines simpliciter vltimos idem bonis finalis habere  
 nequit. *p.* 27. & 30.

Finis vltimus formalis dupliciter apprehendi po-  
 test. *p.* 30. c. 2.

Conueniunt omnes in fine vltimo formali, non au-  
 tem in materiali. *p.* 36.

A A A iij

Omnibus



## Index Rerum.

Omniū à parte rei vnus & idem finis vltimus est constitutus. *ibidem.*

In eodem fine vltimo Qui cum homine conueniunt cetera creatura. p. 37.

Non conueniunt in eodem fine vltimo Quo. *ibidem.*  
Deus dupliciter est finis vltimus creaturarum. *ibidem.*

Aliiter est finis vltimus creatura rationalis, & aliter irrationalis. *ibidem.*

Quatuor modis potest aliquid appeti vt finis. p. 21. c. 1.

Quid appeti vt finis interpretatiue. *ibidem.*

Non est necesse ex natura rei hominem omnia que vult velle propter finem vltimum sub formali ratione apprehensum. *ibidem. c. 2.*

Interpretatiue tamen saltem dici potest omnia velle propter finem vltimum formalem. p. 32. c. 2. & p. 33. c. 1.

Intentione actuali vel virtuali non fertur homo necessario in omnibus suis actionibus in finem vltimum materiale tanquam finem *Cuius* vel cuius. p. 33. c. 2. & p. 34. c. 1.

Finis non causat finaliter secundum Esse existentia. *ibidem.*

Non requirit etiam Esse existentia possibile. *ibidem. c. 2.*

Finis causat secundum Esse reale. *ibidem. c. p. 8. c. 1.*

Secundum Esse intentionale est tantum conditio sine qua non. *ibidem.*

Argumenta in contrarium ex D. Thoma allata soluantur. p. 9. & seqq.

Variatio Esse intentionalis quomodo diuersificat motionem finis. p. 8. c. 1.

Finis apprehensio quomodo distinguit potentias appetitus. p. 9. c. 2. & p. 10. c. 1.

Vt finis causat debet apprehendi sub ratione finis cum proportionem mediocriū ad illum. p. 23. c. 2.

Finis Causalitas. vide verbum Causalitas.

In finis prosecutione interuenit ordo intentionis & executionis. p. 25. c. 2.

Iuxta vtrumque ab aliquo primo inchoatur prosecutio finis. *ibidem.*

Finis Qui quando est actio possidet sine alia actione eius comprehendens. p. 15. c. 2.

### Forum.

Peccata fori Ecclesiastici qua. p. 164. n. 5.

Quae peccata sint fori secularis, *ibidem.*

Quae fori mixti. *ibidem.*

### Fruitio.

Fruitio est actus appetitus. p. 112. n. 1. & seqq.

Ad fruitionem concurrunt amor, possessio rei amata & delectatio. *ibidem.*

Fruitio formaliter est delectatio. *ibidem. n. 2.*

Fruī non conuenit carentibus cognitione. p. 113. n. 5.

Fruitio aliqua imperfecta conuenit brutis. *ibidem.*

Fruitio perfecta est tantum vltimi finis. *ibidem. n. 6.*

Et quidem iam obtinet. p. 114. n. 8.

Imperfecta fruitio finis sperati haberi potest. *ibidem.*

Fruitionis honestas aut turpitudine ex obiecto est estimanda. p. 113. n. 7.

## G.

### Gaudium.

Gaudium beatificum duplex. p. 43. c. 2.  
Gratia.

Gratia varia acceptio. p. 408. n. 1. & 2. & p. 453. n. 1.

Tripliciter potest aliquid vocari gratia respectu hominis. p. 409. n. 3. & 4.

Pelagus nomine gratia quomodo abusus ad hanc suam legendam. *ibidem. n. 3.*

Gratia post lapsum homini collata per antonomasiam gratia vocatur. *ibidem. n. 4.*

Gratia est donum homini intrinsecum. p. 453. n. 2.

Est qualitas animae. p. 454. n. 4. & seqq.

Est qualitas primae speciei. p. 455. n. 2.

Gratia est donum permanentiter inherens. p. 454. n. 5. & seqq.

Opinio contraria est error in fide. *ibidem. n. 6.*

Gratia est quadam participatio diuini esse. p. 456. n. 12. & 11. & p. 457. n. 17.

Gratia est origo virtutum supernaturalium. p. 456. n. 11. & 12. & p. 457. n. 17.

A gratia virtutes moraliter tantum proficiunt. p. 457. n. 17.

Gratia sanctificans sine virtutibus non obtinet perfectum statum. p. 456. n. 14.

Gratia sanctificans est perfectissima amicitia inter Deum & hominem. p. 39. c. 2.

Gratia sanctificans quasi connaturaliter animam quam informat Deum praesentem facit. *ibidem. c. p. 40. c. 1.*

Gratia sanctificans vt est specialis forma distinguitur à charitate. p. 455. n. 10. & seqq.

Proximè residet in essentia animae. p. 457. n. 18.

Est in vno intensior quam in alio. p. 494. n. 36. & seqq.

In quibusdam potest esse aequalis. 495. n. 39.

Gratia regenerari quomodo dicatur. p. 456. n. 13.

Gratia homini post lapsum collata beneficia duplici ratione. p. 409. n. 5.

### Gratia adualis.

Alia operans alia cooperans. p. 459. n. 4.

Alia excitans, adiuvans & concomitans. p. 460. n. 11.

Alia praecuiens, alia subsequens. p. 463. n. 22.

Alia sufficiens alia efficax. *ibidem. n. 23.*

Gratia operans qua. p. 459. n. 5.

Effectus gratiae operantis. *ibidem. n. 7.*

Gratia operans & cooperans etiam habitibus tribui possunt. p. 460. n. 10.

Quomodo differant ab excitante & adiuvante. *ibidem. n. 11.*

Gratia adiuvans sine cooperans qua. p. 461. n. 16. & seqq. Effectus

# Index Rerum.

**Effectus gratiae cooperantis.** p. 459. n. 8.  
**Gratia adiuvans:** non est concursus generalis Dei, neque soli habitus infin. ibidem. n. 13. & 14.  
**Habitus infusus gratiae adiuvantes** qua ratione dici possint. ibid. n. 14.  
**Gratia adiuvans praedominatur menti.** p. 463. n. 21. & p. 469. n. 43. & 44.  
**Quomodo dependet a voluntate in sua operatione.** p. 462. n. 17. & 18.  
**Gratia excitans semper sufficit ad inchoandum.** p. 463. n. 20.  
**Prima gratia excitans non datur vi dispositioni alicuius praeviae.** p. 489. n. 14. & 15. & p. 493. n. 29. & seqq.  
**Homini divinitus tracto facienti quod in se est non denegat Deus gratiam ulteriorem.** p. 491. n. 24. & 25.  
**Homini facienti quod in se est ex solu naturae viribus non confertur infallibiliter gratia.** p. 492. n. 29. & seqq.  
**Gratia efficax.**  
**Gratia efficax est physice operativa.** p. 465. n. 29. & seqq.  
**Gratia non dicitur efficax ab eventu.** ibidem. n. 31. & 32.  
**Gratia efficacia non consistit in physica praedeterminatione.** p. 466. n. 33. & seqq.  
**Gratia efficax in quo consistat.** p. 468. n. 39. & seqq.  
**Id quo gratia redditur efficax non superaddit necessario sufficienti aliquid reale positum.** p. 471. n. 54. & 55.  
**Adiicit tamen frequenter vires ampliores.** p. 472. n. 56.  
**Ordatio divina non facit sola per se & proxime gratiam efficacem.** ibid.  
**An per scientiam conditionatam, an simpliciter intelligentiae gratia prepararetur, impertinens est ad efficaciam explicandam.** p. 473. n. 59.  
**Gratia efficax quomodo differt a sufficiente.** p. 465. n. 29. & seqq.  
**Gratia efficaci libere assentimur.** p. 467. n. 33. & seqq. & p. 469. n. 42.  
**Gratia efficax quomodo praedominetur voluntati.** p. 469. n. 43. & 44.  
**Gratia efficax non potest frustrari effectum.** p. 470. n. 48.  
**Gratia efficax a nullo resistitur.** ibid. n. 51.  
**Auxilium gratiae efficax requirit D. Augustinum ut dicatur homo post lapsum posse persevereare.** p. 48. n. 2.  
**Gratia efficax qua reprobi ad tempus bene vivunt, etiam datur secundum propositum.** p. 473. n. 59.  
**An duobus pari gratia praeventu fieri possit quod unus sequatur & non alter.** p. 472. n. 52. & 58.  
**Gratia sufficiens.**  
**Gratia sufficiens qua.** p. 464. n. 23.  
**Alia est remoti, alia proxime sufficiens.** ibid.

**Gratia sufficiens contra Calvinum adducitur.** ibid. n. 24. & seqq.  
**Gratia sufficiens fuit omnibus in Adamo preparata.** p. 473. n. 60.  
**Non omnes adulti habent quovis tempore auxilium gratiae sufficiens.** p. 476. n. 70. & 71.  
**Quandoque tamen omnibus non maximis peccatoribus datur aliqua gratia sufficiens.** ibid. n. 72. & seqq.  
**Potest credi potest neminem adultum semper destitui omni gratiae auxilio.** p. 478. n. 77. & seqq.  
**Verisimile est quosdam deferri ubi sapienter gratias sibi datas contempserint.** p. 478. n. 79.  
**Gratia sufficiens omnibus datur ad praecepti observationem necessaria instante obligatione.** p. 479. n. 80. & seqq.  
**Alia non maneret libertas circa transgressionem.** ibid. n. 83. & seqq.  
**Solumur obiectiones difficiles ex D. Augustino.** p. 482. n. 91. & seqq.  
**Non omnibus parvulus datur proprie gratia sufficiens.** p. 473. n. 62.  
**Omnibus tamen in genere prout fuit de medijs sufficientibus.** p. 474. n. 63. & seqq.  
**Dens non vult eos directe excludere a regno ante praevisionem causarum secundarum.** ibid. n. 65. & seqq.  
**Gratia gratis data.**  
**Gratia alia gratis data, alia gratum faciens.** p. 458. n. 1.  
**Haec ad aliorum utilitatem, ista ad propriam secundario servare potest.** ibid. n. 2.  
**Gratia gratum faciens non complectitur solos habitus.** ibid.  
**Gratia gratum faciens praestantior est gratia data.** p. 486. n. 88.  
**Gratia gratum datae ab Apostolo enumerata explicantur.** p. 484. n. 96. & seqq.  
**Istatum quaedam sunt habitus, quaedam autem transientes.** p. 485. n. 99.  
**Incrementum gratiae est etiam gratuitum.** p. 458. n. 3.  
**Gratiae necessitas.**  
**Homo non potest sine gratia resurgere a peccato.** p. 426. n. 56. & 57.  
**Homo in statu naturae integrae poterat sine gratia habituali vitare omnia peccata contraria legi naturae.** p. 427. n. 58.  
**Homo potest post lapsum vitare singula peccata mortalia sine gratia habituali.** ibid. n. 59.  
**Non potest sine ea omnia vitare longo tempore.** ibid. n. 60. & seqq.  
**Vide, Auxilium, & verbum Homo.**  
**Gratia actuali iusto necessaria est ad quaedam opera bona faciendae & tentationes vincendas.** p. 430. n. 69.  
**Verius est iustos nulla opera bona facere absque gratia excitante.** ibid. n. 70.  
**Non est improbabilis opinio contraria.** p. 432. n. 75.  
**Homo non potest per solam naturam vires mereri primam gratiam de condigno.** p. 423. n. 47.  
**Neque**

# Index Rerum.

Neque vltimū opus facere solū natura viribus potest  
meritorium de congruo prima gratia. p. 424.  
n. 48. & 144. & p. 489. n. 14. & 15. &  
p. 492. n. 29. & seqq.  
Semipelagianorum error qualis. p. 424. n. 48.

## H.

### Habitus.

**H**abitus sunt eiusdem ordinis cum suis acti-  
bus. p. 420. n. 32.  
Habitus per se infusi differunt specie ab acquisitis.  
ibidem.

Habitus supernaturales infunduntur à solo Deo.  
p. 487. n. 5. & seqq.

Habitus supernaturales dant primum posse operari  
p. 488. n. 9.

Potentia rationali non habet capacitatem natu-  
ralem ad habitus supernaturales recipiendos.

487. n. 7.

Proportionatur per ipsos actibus tam recipiendū  
quā producendū. ibidem n. 8.

Ad eorum infusionem vel augmentum concurrunt  
actus ipsi proportionati vt dispositiones. p. 488.

n. 9. & 13.

Habitus virtuosī inclinant per se in bonum hone-  
stum. p. 143. n. 38.

Habitus virtuosī secundariō tantum inclinant in  
malum. ibidem.

### Homo.

Ordo hominis ad Deum alium naturalū, alium su-  
pernaturalū. p. 419. n. 29.

Homo potuit condī à Deo in statu natura nuda. p.  
410. n. 6.

Homo creandus erat in statu natura integra si ad  
finem naturalem tantum fuisset ordinatus. ibi-  
dem. n. 8.

Homini condito in puris naturalibus deberetur  
quodam assistentia naturalis quā pars superior  
inferiorem cōbiberet. p. 263. n. 14. & p.  
423. n. 43.

Differentia inter hominem lapsum & conditum  
in statu natura nuda. p. 422. n. 43. & 44.

Homo in statu innocentia poterat viribus natu-  
ralibus operari totum natura bonum p. 414.

n. 12. & 13.

Homo non potest solū natura viribus facere opus  
supernaturale. ibidem n. 12. & seqq.

Homo post lapsum potest facere quidam opera  
moraliter bona solū natura viribus. p. 415.

n. 12. & seqq.

Non potest absque speciali auxilio facere omne bo-  
num natura. ibidem n. 15. & 16.

Potest tamen id per auxilia ordinis naturalis ibi-  
dem. n. 16.

Vide verbum auxilium, & verbum, appetere.

### Honestas.

Honestas in eodem obiecto duplex considerari po-  
test. p. 196. n. 4. & 5.

Honestas obiecti in quo consistat. p. 157. n. 9.

Omne honestum est delectabile. p. 113. c. 2. n. 7.

## I.

### Idololatra.

**I**dololatra non refert necessariō omnia forma-  
liter aut virtualiter in cultum sui idoli. pē  
33. c. 2.

### Ignorantia.

Ignorantia alia vincibilis, alia inuincibilis. p. 84.  
n. 19.

Ignorantia vincibilis alia est affectata, alia crassa,  
alia vincibilis strictē ibidem.

Ignorantia iterum alia luru, alia facti. p. 86.  
n. 22.

Alia absoluta, alia inadvertentia ibidem.

Alia antecedens opus, alia concomitans. ibidem.

Alia antecedens voluntatem, alia consequens. ibid.

Ignorantia culpabilis & voluntaria quo modo  
differant. p. 84. n. 19.

Ignorantia inuincibilis quæ ibidem.

Non differt ab inuoluntaria, iusta & probabili. p.  
85. n. 19.

Ignorantia inuincibilis non est peccatum. ibidem.

Ignorare inuincibiliter quū censetur. ibidem.  
& seqq.

Media quæ adhibenda & quomodo ad ignoran-  
tiam depellendam. ibidem. n. 20. & seqq.

Ignorantia antecedens voluntatem causat inno-  
luntarium negativū. p. 87. n. 23.

Non autem consequens voluntatem. ibid. n. 24.

Ignorantia scitu necessarium quando sit pecca-  
tum. p. 231. n. 2. & 3.

Ignorantia est causa peccati per accidens. ibidem.  
n. 1.

### Imperium.

Imperium est actus rationis. p. 127. n. 1. &  
seqq.

Circa imperium tria concurrunt. ibidem.

Imperium & actus imperatus physice distinguun-  
tur. p. 129. n. 7. & 8.

Actus imperatus voluntatis potest in genere moris  
esse diuersus ab imperio. ibidem. n. 9.

Actus imperatus potentie distinctus à voluntate est  
vni in genere moris cū imperio. p. 130. n. 10.

Non omni actus voluntatis potest imperari. ibi-  
dem. n. 12.

Actus rationis in quibusdam non subiaccit quoad  
speciem imperio. p. 131. n. 1.

Subiaccit tamen quoad exercitium. ibidem. n. 15.

Actus appetitus inferioris quomodo subiaccit im-  
perio. vide verbum appetitus.

Actus potentie vegetatiue remouē subijciuntur  
Imperio rationis. p. 132. n. 21.

Qui motus membrorum non subdantur imperio  
rationis. p. 133. n. 22. & 23.

### Impossibile.

Impossibile cognitum vt tale appeti potest ineffi-  
caciter. p. 119. n. 10. & seqq.

Non potest efficaciter. p. 118. n. 10.

Impossibile cognitum vt tale nequit apprehendi vt  
futurum. p. 119. n. 11.

Impossibile

# Index Rerum.

- Impossibile apprehendi potest ad modum entis.** p. 120. n. 11.
- Voluntas inefficax rei impossibili non est conditi-**  
nata in se. p. 119. n. 11.
- Cominet aliquando virtute voluntatem efficacem.**  
ibidem. c. 2.
- Melius explicatur ista voluntas per verbum, Pla-**  
cet, ut Delectat, quam per verbum, volo, ibid.
- Inclinatio.**
- Inclinatio ad virtutem in homine duplex,** p. 285.  
n. 2.
- Inclinatio ad virtutem per peccatum quidam est**  
sublata, quidam diminuta. p. 285. n. 2. & 3.
- Indifferentia.**
- Indifferentia actus moralis in quo fita.** p. 149.  
n. 62.
- Actus moralis ex specie indifferens dari potest.**  
ibidem. n. 60.
- An dectur actus moralis indifferens in individuo.**  
duplex opinio. p. 150. n. 63.
- Quo sensu non dectur actus indifferens in indivi-**  
duo. p. 151. n. 68. & seqq.
- Quo sensu dectur actus indifferens in individuo.**  
ibidem. n. 71. & seqq.
- Felle aut velle quippiam tantum modo quia pla-**  
cet, aut delectat, aut quia non tenemur non  
sunt actus indifferentes sed mali. p. 150. n. 67.
- Facere opus tantum quia commodum natura, an**  
sit actus indifferens. p. 152. n. 72.
- Infantes.**
- Infantes in peccato originali decedentes non fru-**  
entur aliqua naturali beatitudine. p. 287. n.  
12. & 13.
- Non erunt absque morte.** p. 288. n. 14.
- Verum est eos pati ab igne.** ibid. n. 15. & seqq.
- Opinionem contrariam communititer tenent Scho-**  
lastici. ibidem. & p. 289. n. 17.
- Non blasphemant in istu pæni.** p. 289. n. 16.
- Quomodo vitæque opinione viendum quoad pra-**  
xim. p. 290. n. 18.
- Infantes omnes contrahunt peccatum originale.**  
p. 271. n. 44. & seqq.
- Innocentiz status.**
- In statu innocentia nullus potuit esse motus indeli-**  
beratus. p. 219. n. 4.
- In statu innocentia non potuit homo peccare ven-**  
ialiter. ibidem. n. 5. & seqq.
- In statu innocentia non fuit homini datum munus**  
perseverantia. p. 437. n. 90.
- Intellectus.**
- Intellectus prestantior est voluntate.** p. 47. c. 2.
- Intellectus est radix libertatis.** ibidem & p. 100.  
c. 2. & p. 101. n. 15.
- Intellectus sine actu a se productio intelligere ne-**  
quit. p. 99. n. 11.
- Intellectus in primo suo actu non pendet a volun-**  
tate. p. 98. n. 9.
- Cur intellectus citius & sapientia bona particularia**  
apprehendit quam bonum vniuersale. p. 31. c. 2.
- Non potest sine reuelatione cognoscere veritates**  
supernaturales. p. 413. n. 6.
- Intellectus non potest sine auxilio gratia appre-**  
hendere conigue mysteria fidei. p. 414. n. 10.
- Intentio.**
- Intentio est actus voluntatis.** p. 114. n. 1.
- Respicit ordinationem intellectus.** ibidem.
- Pro obiecto habet bonum & finem.** ibidem.
- Intentio quomodo a se & a desiderio differat.** ili-  
dem. n. 2.
- Quare vocetur, oculus, lucerna &c.** ibidem n. 1.
- Intentio virtuali qua.** p. 33. c. 2.
- Intentio finis est propter finem.** p. 14. c. 2. & p.  
15. c. 1.
- Intentio non est semper ultimi finis.** p. 115. n. 3.
- Intentio finis virtualiter tendit in media.** p. 93. &  
94. n. 13.
- Incurio honesta non mouet ad electionem medi-**  
prau. p. 140. n. 28.
- Potest quis simul intendere plures fines.** p. 115. n.  
4. & 5.
- Intentio finis quomodo causat electionem medio-**  
rum. p. 94. n. 14.
- Intentio proprie dicta non reperitur in brutis.** p.  
116. c. 1.
- Bonitas intentionis.** vide, verbum Bonitas.
- Inuoluntarium.**
- Inuoluntarium aliud simpliciter aliud secundum**  
quid. p. 81. n. 13.
- Violentia causat inuoluntarium simpliciter.** ibid.
- Metus causat inuoluntarium secundum quid.** ibi-
- dem. n. 14.
- Non omnia metu facta sunt inuoluntaria secun-**  
dam quid. p. 82. n. 15.
- An ignorantia causet inuoluntarium vide, vera-**  
tam Ignorantia.
- Iudex.**
- Iudex tenetur stare pro eo cuius ius est probabilius.**  
p. 171. n. 55.
- Iudex potest quando vtriusque partu ius est æque**  
probabile, vtraviliter opinionem sequi. ibidem.
- Iudicium.**
- Indicium speculatiue falsum quomodo dicatur**  
aliquando verum practice. p. 161. n. 24.
- Ius.**
- Ius gentium & Ius civile quid.** p. 361. n. 8. & 9.
- Ius gentium distinguitur a naturali.** ibidem.
- Ius gentium aliud varias nationes ad iniicē, aliud**  
singulas in seipsis coordinat. p. 362. n. 13.  
& 14.
- Exercere mercimonia cum diuersis nationibus.**  
Item sacerdotes habere, & certas solennitates  
est de iure gentium. ibidem.
- Ius Sacerdotale, Regium, militare.** p. 363. n. 15.
- Esse iuris naturalis dicitur aliquid diuersimode.** p.  
348. n. 29. & seqq.
- Ius natura dominatiue potest humana autoritate**  
immutari. p. 349. n. 34. & 35.
- Non ita præceptum.** ibidem.
- Iustificatio.**
- Iustificatio variæ acceptio.** p. 502. n. 1.
- Iustificatio impij desinitur.** p. 503. n. 6.
- Iustificatio aliquando complectitur dispositiones**  
præuias



prævis infusio gratiæ. *ibidem.* n. 8.  
 Iustificatio accipitur etiam pro incremento iustitiæ. *ibidem.* n. 7.  
 Iustificatio generatim dicta non includit remissionem peccatorum. p. 504. n. 10.  
 Iustificatio non includit remissionem peccatorum. *ibidem.*  
 Iustificatio impij includit gratiæ infusionem. *ibid.* n. 11. & seqq.  
 Objectionibus satisficit. p. 506. n. 20. & seqq.  
 Ad iustificationem impij requiritur peccati detestatio. p. 522. n. 85. & seqq.  
 An iustificatio impij sit maximum opus Dei. p. 526. n. 100. & 101.  
 Iustificatio impij ordinaria non est miraculosa. *ibidem.* n. 102.  
 Iustificatio quorundam fuit miraculosa. *ibidem.*  
 Iustificatio unde sit gratuita. p. 520. n. 76.  
 Iustificatio fit in instanti. p. 523. n. 92.  
 Inter requisita ad iustificationem ordine natura primum est gratiæ actualis infusio. p. 524. n. 93.  
 Motus voluntatis duplex in iustificatione. p. 510. n. 35.  
 Amor Dei & detestatio peccati in iustificatione præcedunt naturæ infusionem gratiæ. p. 524. n. 94.  
 Qui non habent usum rationis possunt iustificari per baptismum sine actu voluntatis propriae. p. 510. n. 37. vide verbum Adultus.  
 Ad iustificationem requiritur propositum novæ viæ. p. 516. n. 58.  
 Quomodo fides requiritur ad iustificationem. *vide verbum fidei.*  
 Quibus virtutibus attribuitur Scriptura iustificationem. p. 515. & seqq.  
 Cur diversis virtutibus Scriptura diversis locis attribuit iustificationem. p. 520. n. 77. & 78.  
 Dispositiones ad iustificationem necessarias Pastores scire debent in ordine ad alios, & omnes in ordine ad seipsos. p. 523. n. 87.  
 Iustitia.  
 Iustitiæ acceptio triplex. p. 502. n. 2.  
 Iustitia alia naturalis alia supernaturalis. p. 503. n. 3.  
 Iustitia generatim dicta non est simplex habitus. *ibidem.*  
 Iustitia nostra non est iustitia Christi nobis imputata, sed qualitas animæ inherens. p. 504. n. 12. & seqq. & p. 508. n. 27.  
 Motus ad iustitiam duplex. p. 503. n. 5.  
 Preparationes necessariae ad iustitiam ordinandam non sunt in instanti. p. 523. n. 90.  
 Secum quandoque accedit. *ibidem.* n. 98. & 99.  
 Ultima dispositio ad iustitiam non efficitur ab illa. p. 525. n. 94. & seqq.  
 Nec elicitur ab homine ut amico. p. 539. n. 70.  
 Non est physica sed moralis dispositio ad iustitiam. p. 490. n. 18. & seqq.  
 Non est necesse ut realiter sit præsens cum infunditur iustitia. *ibidem.* n. 21.

Iustitia an semper prærequiritur dispositiones aliquas. p. 489. n. 16. & 17. & p. 490. n. 18. & seqq.  
 Ultimam dispositionem ad iustitiam infallibiliter iustitia consequitur. p. 492. n. 26. & seqq.  
 Iustitia naturalis in statu naturæ puræ in quibus fuisse sita. p. 509. n. 31. & p. 510. n. 34.  
 Iustitia originalis.  
 Iustitia originalis quæ. p. 278. n. 17. & 18.  
 Iustitia originalis complectebatur gratiam sanctificantem cum ceteris virtutibus. *ibidem.* n. 17.  
 Multa alia dona insuper comprehendit. p. 279. n. 18.  
 In iustitia originali conditi fuerunt primi parentes nostri. p. 278. n. 17.  
 Iustitiæ originalis effectus. *ibidem.* & p. 285. n. 4.  
 In eius privatione quatenus mentem Deo subieciat consensit originali maculæ. p. 278. n. 17. & p. 279. n. 19. & seqq.  
 Iustitia originalis non restituitur totaliter. p. 280. n. 24.  
 Iustitiæ commutativa.  
 Iustitiæ commutativa requisita. p. 531. n. 35.  
 In quo consistat ratio dari & acceptæ ut sunt materia iustitiæ commutativæ. *ibidem.* n. 36.  
 Commutatio iustitiæ non requirit necessarium dominiorum translationem, aut mutuatam utilitatem. *ibidem.*  
 Iustitiam propriè dictam inter Deum & hominem quidem negant. p. 530. n. 30. & seqq.  
 Opinio affirmans verior. p. 531. n. 34. & seqq.  
 Inter Deum & hominem reperitur iustitia commutativa. *ibidem.* n. 35.  
 Est analogia ad iustitiam commutativam quæ in creaturis reperitur. p. 534. n. 46.  
 Inter patrem & filium, item dominum & servum potest aliquando intercedere iustitia commutativa. p. 533. n. 43.  
 Iustitiæ distributiva.  
 Iustitiæ distributivæ quæ. p. 530. n. 33.  
 Servat proportionem geometricam non arithmeticam. *ibidem.*  
 Respicit per se sui fundarum in conditione & dignitate personæ. p. 534. n. 48.  
 Iustitia distributiva reperitur in Deo. *ibidem.*  
 Secundum hanc præmia distribuitur electis. *ibidem.*  
 Iustus.  
 Spiritus Sanctus specialiter est in iustis. p. 39. c. 2. & p. 433. n. 77.  
 Iusti gratia auxilia semper parata sunt ad operandum. *vide Auxilium.*  
 Omnes iusti habent auxilia sibi parata gratia quibus persequare possunt in Iustitia. p. 435. n. 85. & seqq.  
 Iustum non deserit Deus nisi ab ipso prius deseratur. *ibidem.*  
 Duobus modis attestatur Spiritus Sanctus spiritui nostro quod sumus iusti. p. 497. n. 49. & 50.  
 Nemo potest absque revelatione certitudine fidei cognoscere se esse iustum. p. 495. n. 4. & seqq.  
 Neque

# Index Rerum.

Neque etiam certitudine morali absolutâ. p. 327.  
n. 45. & seqq.

Obiectiones solvuntur. ibidem. n. 49. & seqq.

Insuper potest absque revelatione habere coniecturalem certitudinem de sua iustitia. p. 501. n. 65. & seqq.

Iustiores non semper certiores sunt de sua iustitia, neque animo magis quicquid quam minus iusti. p. 502. n. 67.

An iustus confidere possit operibus bonis à se factis. vide, verbum Fiducia.

An iustus sibi vel alteri mereri possit. vide verbum, Meritum, & verbum Opera.

## L.

### Legatus.

**L**egatus iure gentium debetur securitas. p. 361. n. 9.

### Lex.

Lex unde dicta. p. 324. n. 1. & 2.

Lex est actus rationis. p. 325. n. 1.

Lex in genere non dependet essentialiter ab actu voluntatis. ibidem. n. 4. & 5.

Actus concurrentes in legislatore ad formationem legum. p. 327. n. 10.

Lex servat communitati. p. 329. n. 14. & seqq.

Quomodo differat à precepto. ibidem. n. 16. & 17.

Legem condere spectat ad publicam potestatem. p. 331. n. 24. & seqq.

Promulgatio quomodo requisita ad legem. p. 333. n. 28. & 29.

Promulgatio legum quomodo facienda. ibidem. n. 30.

Finit legum est commune bonum. op. 329. n. 14. & p. 330. n. 19. & seqq.

Intentio prava legislatoris non officit valeri legum modo ipsa sit communitati utilis. p. 331. n. 23.

Lex in triplici statu considerari potest. p. 327. n. 8.

Cum lex appellatur in Scripturis voluntas. p. 326. n. 6.

Legum definitio. p. 333. n. 28.

Non omne iudicium divina mentis est lex. p. 326. n. 6.

Lex factorum quæ. p. 518. n. 66.

Lex somnium quæ. p. 334. n. 1.

Effectum legum est facere hominem bonum. p. 334. n. 1. & seqq.

Actus legum sunt imperare, Vetare, Permittere, & Punire. p. 335. n. 5. & seqq.

Quæ permissio sit actus legum. p. 336. n. 7.

Lex non obligat ut opus præceptum fiat cum deletionem. p. 406. n. 9.

Lex obligat ut opus fiat ex cognitione & voluntate. p. 404. n. 2. & seqq.

Legislator non obligatur directe propria lege. p. 390. n. 108.

Obligatur legislator indirectè lege propria quando materia legum cum cum ceteris ex æquo concernit. p. 391. n. 109.

Quomodo iusti subijciuntur legi. p. 390. n. 107.  
In legum observatione sequenda est mens legislatorum, & si dubia fuerit, est inquirenda. p. 391. n. 110.

Mutatio circa legem duplex. p. 345. n. 18.

Lex non abrogatur merito non-vsu. p. 394. n. 11.

Dispensatio in lege. vide verbum Dispensatio.

### Lex æterna.

Lex æterna quid sit. p. 336. n. 1.

Quomodo differat ab idæa divina. p. 337. n. 2.

Quomodo differat à providentia divina. ibidem.

Quomodo differat à lege divina. ibidem. n. 4.

Lex æterna non importat respectum ad creaturas existentes. ibidem.

Qualiter sit omnibus nota. ibidem. n. 3.

A lege æterna omnes alie leges derivantur. ibidem. n. 4. & seqq.

Lex æterna est mensura actuum humanorum. p. 338. n. 12. & seqq.

Sublata lege æterna tollitur bonitas & malitia actus humani. ibidem. n. 14. & seqq.

Lex æterna duobus modis imponitur creaturæ. p. 339. t. 9.

Actus divini ad intra non regulantur per legem æternam. ibidem. n. 10.

Legi æterna subijciuntur necessaria creata. p. 338. n. 8. & 9.

Subijciuntur etiam naturalia contingentia. p. 339. n. 11.

Omnes quoque res humana. ibidem. n. 12. & seqq.

Lex æterna etiam ut precipiens aut ut prohibens omnes actiones morales aliquo modo completur. p. 340. n. 14.

### Lex divina.

Lex divina importat respectum ad creaturas existentes. p. 337. n. 5.

Quomodo differat à lege æterna. ibidem.

Lex divina ut est in Deo non est effectus legum æternarum. p. 338. n. 5.

Lex divina ut in creaturis existit est effectus legum æternarum. ibidem.

Quid lex divina ut in creaturis existit. ibidem.

Lex divina aliquando non obligat cum mortis periculo. p. 375. n. 44.

Lex divina alia vetus alia nova. p. 334. n. 1.

Lex nova est facilis & suavis. p. 371. n. 30.

Lex Evangelica cur lex libertatis dicta. ibidem. n. 27. & seqq.

### Lex positiva.

Legum positiva qualitates ab Iphodoro assignata. p. 361. n. 7.

Lex positiva non consistit in actu intellectu qui dicitur inclinatio. p. 328. n. 12.

In quo actu intellectus consistat. ibidem.

Lex positiva absque omni actu voluntatis esse non potest. p. 327. n. 7. & seqq.

Actus requisiti ad formationem legum positiva. ibidem. n. 10. & seqq.

# Index Rerum.

## Lex naturalis.

- Lex naturalis qua. p. [341. n. 1.](#) & seqq.  
 Lex naturalis est actus rationis tantum. p. [329. n. 4.](#)  
 Lex naturalis distinguitur à conscientia. p. [341. n. 4.](#)  
 Legu naturalis definitio. p. [359. n. 73.](#)  
 Lex naturalis continet plura praecepta. p. [342. n. 5. & 6.](#)  
 Lex naturalis aliquando exprimitur terminis latioribus quam dicitur in mente legislatoru. p. [346. n. 22.](#) & seqq. & p. [356. n. 61.](#)  
 Lex naturalis perficit hominem secundum triplicem eius inclinationem. p. [342. n. 7.](#)  
 Non est omnibus aequè nota. ibidem. n. 6. & p. [344. n. 15. & 16.](#)  
 Lex natura quomodo eadem apud omnes. p. [344. n. 15.](#)  
 Lex naturalis nequit totaliter è mentibus hominum deleri. p. [358. n. 72.](#)  
 Potest tamen quoad particularia praecepta. ibidem. n. 73.  
 An omnes actus virtutum cadant sub legem naturalem. p. [342. n. 8.](#) & seqq.  
 Lex naturalis obligat ut opus praeceptu voluntarie fiat. p. [404. n. 2.](#) & seqq.  
 Non omnia lex naturalis obligat ad modum virtutis. p. [406. n. 12.](#)  
 Non omnia obligatio in conscientia est immediatus effectus legu naturae. p. [343. n. 12.](#)  
 Nulla est obligatio in conscientia qua non sit aliquomodo effectus legu naturalis. ibidem. n. 11. & p. [399. n. 14.](#)  
 Obligatio legu merè humana est effectus per se legu naturae. ibidem.  
 Obligatio legu supernaturalis positiva est effectus legu naturae per accidens. ibidem.  
 Obligatio quandoque oritur proximè ex lege naturae ratione legu v. l. voluntatis humanae. ibidem. n. 13. & p. [348. n. 32.](#)  
 Lex naturalis vi per legem positivam constituta admittit epychiam. p. [356. n. 64.](#)  
 Lex naturalis quandoque eget interpretatione. p. [355. n. 61.](#)  
 Non admittit epychiam secundum se. p. [356. n. 62.](#) & seqq.  
 Lex naturalis est ab intrinseco immutabilis. p. [345. n. 19.](#) & seqq.  
 A materia ipsius circa quam inseparabilis est ratio debiti. p. [351. n. 43.](#) & seqq.  
 In lege naturali nequit homo dispensare. p. [347. n. 27.](#) & seqq.  
 In lege naturali Deus non potest dispensare. p. [350. n. 41.](#) & seqq.  
 Actus quosdam ex praescripto legu naturae illicitos Deum potest mutatione materiae reddere licitos. p. [353. n. 52.](#) & seqq.  
 Quosdam non potest. p. [354. n. 55. & 56.](#)  
 Praecepta legu naturae viles. Praecepta.

## Lex Humana.

Lex humana alia Iu gentium, alia Iu civile. p.

- [361. n. 8.](#) vide verbum Ius.  
 Item leges humanae aliae sunt constitutiones principum, aliae Senatusconsulta, aliae Iu Praetorum, aliae Plebiscita. p. [363. n. 15.](#)  
 Legu humanae necessitas. p. [359. n. 1.](#) & seqq.  
 Lex humana derivatur ex naturali vel vi consensio, vel vi determinatio Iuris naturae. p. [360. n. 4.](#) & seqq.  
 Lex humana debet esse regula communis. p. [363. n. 1.](#)  
 Lex humana omnium virtutum actus precipere potest. p. [365. n. 6.](#)  
 Lex humana non potest omnes actus omnium virtutum precipere. ibidem.  
 Lex humana potest actum internum indirectè precipere. ibidem. n. 7. & p. [367. n. 15.](#)  
 Lex humana non potest precipere aut vetare actum merè internum. p. [365. n. 8.](#) & seqq.  
 Qua indifferentia potest precipere aut vetare lex humana. p. [372. n. 34.](#)  
 Leges humanae obligant in conscientia. p. [369. n. 22.](#) & seqq.  
 Leges humanae non obligant cum mortis periculo. p. [375. n. 44.](#) & seqq.  
 Nisi tamen eius praevicatio esse noxia Reip. vel Religioni. p. [374. n. 43.](#)  
 Leges humanae non obligant ad modum virtutis. p. [406. n. 10. & 11.](#)  
 Lex humana quando obliget sub mortali. p. [374. n. 42.](#)  
 Transgressio legu humana ex contemptu potestatu in materia levis est peccatum mortale. p. [374. n. 41.](#)  
 Legislator potest obligare communitatem independentem ab eius acceptione. p. [387. n. 96.](#) & seqq.  
 Leges absolute latae obligant communitatem independentem ab eius acceptione. p. [388. n. 99.](#) & seqq.  
 Quo casu possunt admitti dependere ab acceptione ne communitatis vi obligent. p. [389. n. 101.](#)  
 Lex humana non mox mutanda quando occurrit melius. p. [392. n. 2.](#)  
 Duplex causa cur lex humana iussu mutetur. p. [391. n. 1.](#)

## Lex Civilis.

- Vide, Lex Humana.  
 Lex Civilis non potest prohibere omnia vitia. p. [364. n. 2. & 3.](#)  
 Qua vitia possit prohibere lex civilis. p. [365. n. 6.](#)  
 Quos virtutis actus possit lex civilis precipere. ibidem.  
 Leges civiles irritantes contractum vel inhabilitantes ad contrahendum quando obligent. p. [384. n. 82. & 83.](#)  
 Leges Imperatoriae vi obligent omnes Provincias Imperij debent in metropoli singularum fuisse promulgatae. p. [381. n. 68. & 69.](#)

Leges

## Index Rerum.

*Leges Imperatoria non obligant ante bimestre à promulgatione. ibidem. n. 70. & seqq.*  
*Posunt obligare in vna Prouincia antequam obligent in alia. p. 382. n. 72.*  
*Leges eorum qui pluribus Regibus aut Prouincijs præfident ex accidenti, debent etiam promulgari in Metropoli singulorum vt obligent. ibidem. n. 73. & 74.*  
*Leges Principum vnius Regni tantum aut Prouinciæ obligant si in Metropoli eiusdem fuerint promulgata. ibidem. n. 75.*  
*Nisi consuetudo habeat quod debeant in singulis ciuitatibus promulgari. ibidem. n. 76.*  
*Leges talium Principum quo tempore à promulgatione incipiunt obligare. ibidem. n. 75.*  
**Lex Ecclesiastica.**  
*Vide verbum. Lex humana.*  
*Lex ecclesiastica à Ciuili quomodo distinguitur. p. 361. n. 9.*  
*Lex ecclesiastica ordinatur ad finem supernaturalem. p. 364. n. 5.*  
*Lex ecclesiastica que sensu prohibere possit omnia peccata mortifera notoria. p. 364. n. 4. & 5.*  
*Lex ecclesiastica qua omnia vicia prohiberet non esset accommodata humanæ infirmitati. ibid.*  
*Lex Pontificia irritans contractū vel inhabilitans ad contrahendū non obligat vbiq; nisi in singulis Diocesium promulgata. p. 384. n. 82.*  
*Idem probabiliter dicitur de alijs constitutionibus Pontificijs si contrarium non exprimitur. ibidem. n. 84.*  
*Leges Episcopales quam promulgationem requirant vt obligent. p. 387. n. 95.*  
*Ordinarij locorum an obligentur in suis districtibus, curare promulgari leges Pontificum. p. 387. n. 93. & 94.*  
**Lex Pœnalis.**  
*Lex alia purè moralis, alia purè pœnalis, alia mixta. p. 376. n. 47.*  
*Lex mixta alia copulatiue, alia disiunctiue mixta. ibidem.*  
*Lex pœnalis copulatiue mixta obligat ad actum. ibidem. n. 48.*  
*Lex pœnalis disiunctiue mixta non obligat determinatè ad actum præstandum. ibidem. n. 49.*  
*Lex purè pœnalis obligat ad id pro quo pena imponitur. ibidem. n. 50.*  
*Vnde cognoscenda lex purè pœnalis. p. 377. n. 51.*  
*Lex pœnalis sententiæ ferendæ non obligat ad penam soluendam ante sententiam condemnatoriam. ibidem. n. 54.*  
*Lex pœnalis sententiæ lata non obligat etiam ad penam solutionem ante sententiam condemnatoriam si penam appositam illicitè sibi quis infligit. p. 378. n. 55.*  
*Similiter non obligat si pena apposta sit pena corporis grauior. ibidem.*  
*Lex pœnalis an sit sententiæ lata an ferendæ vnde dignoscatur. p. 377. n. 52.*  
*Si dum fit, habenda esse sententiæ ferendæ. ibid.*  
*Lex impositus penam qui ad sui executionem non*

*requirit aliam actionem realem, quomodo obliget. p. 378. n. 56.*  
*Lex pœnalis primis transgressorem re propria quomodo obliget. ibidem. n. 57. & seqq.*  
*Legislatoris intentio obligandi ad penam executionē ante sententiam vnde colligenda. p. 379. n. 62.*  
*Lex pœnalis cum particula ipso facto non semper obligat ad executionem penæ ante sententiam. ibidem. & n. 63.*  
*Lex pœnalis quos effectum operetur statim in transgressore. ibidem. n. 61.*  
*Legislator non incurrit penam à se constitutam. p. 390. n. 108.*

### Lex Irritans.

*Lex irritans contractus vel inhabilitans ad contrahendum non obligat vbiq; nisi in singulis Prouincijs & diocesium promulgata. p. 384. n. 82. & 83.*  
*Lex inhabilitans ad sacramentorum administrationem vel receptionem non obligat vbiq; nisi in singulis diocesium promulgata. ibid. n. 83.*  
*Obligat tamen in locis vbi fuerit promulgata. ibid.*  
*Lex reuocatoria priuilegijs alicuius concessi priuato non habet effectum donec reuocatio sit ei manifesta. ibidem. n. 77. & seqq.*  
*Si priuilegium sit concessum loco Pio, aut Collegio lex reuocatoria debet esse intimata ijs qui præfunt antequam effectum habeat ibid. n. 79.*  
*Si Diocesi aut Prouinciæ, non cessabit priuilegium quoadque reuocatio sit denunciata in Metropoli. ibidem.*  
*Imò forte non cessabit nisi in singulis ciuitatibus reuocatio fuerit intimata. ibidem. n. 80.*  
*Reuocationes legum onerosarum vel quasi onerosarum quando habeant effectum. ibidem. n. 81.*  
*Leges irritantes possunt consuetudine tolli. vide verbum Consuetudo.*  
**Libertas.**  
*Libertas in quo consistat. p. 77. n. 5. & 6.*  
*Libertas radicaliter est in intellectu. p. 78. n. 7.*  
*Libertas est formaliter in voluntate. ibidem.*  
*Libertas inuenitur in actibus humanis p. 77. n. 5. & 6.*  
*Libertatis arbitrium quid sit. p. 78. n. 7.*  
*Quævis libertas non sufficit ad peccandum. p. 117. n. 5.*

### Lumen Gloriæ.

*Lumen gloriæ quomodo charitate perfectum. p. 48.*

## M.

### Macula.

**M**acula peccati non est obligatio ad penam p. 292. n. 2. & 3.  
 Non est entitas physica. ibidem. n. 3.  
 Non est peccatum non remissum aut non retractatum. n. 4.

Bbb ij

Consistit



## Index Rerum.

Consistit in priuatione nitorum anime. p. 293. n. 5. & 6.  
 Macula peccati venialis quid sit. p. 318. n. 2.  
     Malitia.  
 Malitia moralis quæ. p. 134. n. 4.  
 Malitia moralis duplex. p. 185. n. 4.  
 Malitia duplex in peccato. p. 312. n. 25.  
 Malitia peccati moralis. vnd. defumatur. p. 311. n. 19.  
 Malitia peccati non est per se intenta. p. 202. n. 1.  
 Malitia peccati quo sensu dicatur infinita. p. 211. n. 7.  
 Malitia peccati non habet causam per se. p. 228. n. 1. & 2.  
 Malitia voluntarij non pendet ex ratione. p. 156. n. 4.  
 Quantitas malitiae actus defumitur ex parte obiecti vel modi. p. 177. n. 76.  
 Malitia derivatur in actum externum mediante interno. p. 184. n. 2. & p. 186. n. 9. & 10.  
 Malitia ex obiecto principalior est in actu externo. p. 144. n. 43.  
 Malitiae finis dat actui interno malo speciem moralem. p. 143. n. 39.  
 Vide verbum. Actus. & Bonum.  
 Quædam sunt mala quia prohibita, quædam prohibita quia mala. p. 352. n. 45. & 46.  
     Martyrium.  
 Martyrium est actus fortitudinis. 145. n. 44.  
 Imperatum à charitate est etiam actus fortitudinis. ibidem.  
     Matrimonium.  
 Matrimonium spirituale inter Christum & animam sanctam. p. 52. c. 2.  
 Matrimonium ratum per quos dissolui nequeat. p. 350. n. 38.  
 Dubitans de valore matrimonij sui debitum postulanti reddere debet. p. 171. n. 58. & seqq.  
 Non potest tamen exigere. ibidem.  
 Contraria opinio non est improbabilis. p. 172. n. 59. & 60.  
     Mercenarius.  
 Mercenarius qui dicitur. p. 541. n. 79.  
 Operans intuitu vite æternæ non ideo est mercenarius. ibidem.  
     Merces.  
 Merces quomodo deitur gratis operibus bonis. p. 520. n. 73. & seqq.  
 Mercedem non imputari secundum gratiam quo sensu dictum ab Apostolo. p. 119. n. 73. & seqq.  
 Iustus licet operari intuitu mercedis. p. 541. n. 78.  
     Meritum.  
 Merita variæ acceptio. q. 114. p. 523. n. 1.  
 Meritum de condigno quid. ibidem & n. seqq.  
 Meritum de condigno supponit pactum. ibidem. n. 3.  
 Meritum de condigno debet esse proportionatum mercedi. ibidem. n. 4. & 5.

Meritum de condigno inter Deum & hominem quas conditiones habere debet. p. 524. n. 5. & seqq.  
 Potest homo mereri apud Deum. p. 525. n. 12.  
 Meritum de condigno aliud iustitiae rigida, aliud non rigida. p. 523. n. 2.  
 Merita homini ad Deum sunt secundum veram iustitiam. p. 530. n. 10. & seqq.  
 Non sunt secundum iustitiam rigidam. p. 535. n. 40.  
 Nullum opus est meritorium nisi à gratia procedat. p. 536. n. 55. & seqq.  
 Opera iustorum ut procedunt à gratia sunt meritoria de condigno vite æternæ. p. 537. n. 20.  
 Objectionum solutio. p. 528. n. 25. & seqq.  
 Opera naturalia iustorum si referantur ad finem supernaturalem sunt meritoria vite æternæ. p. 536. n. 57.  
 Actus virtutum supernaturalium in iusto sunt meritorij vite æternæ licet non procedant à charitate. p. 537. n. 59.  
 Hac opinio non est doctrina D. Thomæ contraria. ibidem. n. 62.  
 Actus contritionis & amoris Dei secundum quosdam sunt meritorij primæ gloriæ licet non primæ gratiæ. p. 525. n. 10.  
 Videtur secundum se spectati esse cum premio proportionati. ibidem.  
 Quantitas meriti actus supernaturalis non ex sola charitate, sed etiam ex bonitate virtutis à qua procedit, attenditur. p. 538. n. 64.  
 Quantitas meriti actum naturalium ex charitatis imperio factorum crescit pro magnitudine bonitatis talium actuum. ibidem. n. 65.  
 Actus moraliter boni in iusto imperati à virtutibus infusi sunt meritorij. ibidem. n. 68.  
 Actus virtutum aliarum à charitate non merentur augmentum gratiæ aequale sibi intensiue. ibidem.  
 Opera sunt meritoria ut in fieri. p. 539. n. 71.  
 Nullus actus meretur augmentum gratiæ se perfectius intensiue. p. 539. n. 66.  
 Augmentum meriti ex quibus circumstantijs defumatur. p. 538. n. 66.  
 Nullus potest sine gratia mereri vitam æternam. p. 526. n. 17.  
 Ne quidem per Dei potentiam. p. 527. n. 19.  
 Iusti non possunt alteri de condigno mereri vllum gratiæ donum. p. 541. n. 81.  
 Opera iustorum non sunt condigna remissioni peccatorum alijs promerenda. p. 542. n. 82.  
 Posset iustus alteri mereri augmentum gratiæ supposito pacto. ibidem.  
 Iustus potest sibi mereri gratiæ augmentum. p. 543. n. 92. & 91.  
 Iustus non posse sibi mereri reparationem si lapsus fuerit, est de fide. p. 542. n. 85.  
 Nemo potest sibi mereri de condigno perseverantiam. p. 544. n. 92. & seqq.  
 Neque primam gratiam. p. 539. n. 68.

Primam

# Index Rerum.

*Primam gloriam non cadere sub merito videtur esse opinio. ibidem. n. 70. & seqq.*  
*Bona temporalia ut sunt vitia ad finem supernaturalem cadunt sub merito. p. 545. n. 96.*  
*Bona temporalia secundum se considerata non cadunt sub merito simpliciter. ibidem. n. 98.*  
*Deus iustorum merita remunerat ultra condignum p. 539 n. 50. & seqq.*  
*Idque servatur proportionem. ibidem. n. 53.*  
*Meritum de congruo.*  
*Meritum de congruo quid. quæst. 114. p. 523. n. 1.*  
*Meritum de congruo non supponit pactum. p. 528. n. 24.*  
*Non requirit condignitatem operis ad mercedem. ibidem.*  
*Requirit tamen aliquam proportionem. ibidem.*  
*Potest unus alteri mereri de congruo dispositionem ad iustitiam. p. 542. n. 83.*  
*Non potest unus mereri alteri de congruo infusio-nem gratiæ sine præiudicio dispositionum. ibidem. n. 84.*  
*An possit iustus sibi mereri de congruo perseverantiam. p. 544. n. 93.*  
*Non potest homo iustus sibi mereri de congruo ut refurgat si cadat. p. 542. n. 86.*  
*Opinio contraria non est improbabilis. ibidem.*  
*Non potest homo primam omnino gratiam mereri de congruo. p. 539. n. 67. & p. 424. n. 48. & seqq. p. 489. n. 14.*  
*Potest quis de congruo mereri primam gratiam habituales. ibidem. n. 68.*  
*Non omnis oratio impetrans habet rationem meriti de congruo. p. 543. n. 87. & 88.*  
*Meritum de congruo non habet infallibilem effectum. p. 542. n. 83. & p. 544. 92.*  
*Bona temporalia secundum se spectata cadere possunt sub merito de congruo. p. 545. n. 98.*  
*Metus.*  
*Metus definitio. p. 81. n. 14.*  
*Metus alim grauius alim leui. ibidem.*  
*Metus non causat inuoluntarium simpliciter. ibidem.*  
*Causat aliquando inuoluntarium secundum quid non : amen semper. ibidem & p. 82. n. 15.*  
*Metus factum quando non sit ne quicquam secundum quid inuoluntarium. ibidem. n. 15.*  
*Metus factum aliquando est imminere a culpa. p. 83. n. 16.*  
*Morale.*  
*Vide verbum Actus & verbum Bonitas.*  
*Mores.*  
*Mores non rectè attribuntur Deo. p. 75. c. 1.*  
*Mors.*  
*Mors corporalis est effectus peccati. p. 286. n. 7.*  
*Est tamen quodammodo naturalis. p. 287. n. 9.*  
*Dies mortis à Deo quatuor modis homini est constituta. p. 475. n. 68.*

## Motio Metaphorica.

*Motio metaphorica duplex. p. 18 c. 2.*  
*Quadam est causalitas finis. p. 9 c. 1.*  
*Alia metaphorica finis non excludit realem causam finalitatem. p. 18. c. 2.*  
*An reperiatur motio metaphorica in actibus Dei immanentibus. ibi. em.*  
*Motus.*  
*Motus recipit suam specificationem vel à principio vel à termino. p. 24. c. 2. & p. 25. c. 1.*  
*Motus voluntatis in finem non omnia tenet virtualiter in media. p. 91. n. 12.*  
*Primus motus voluntatis procedit à voluntate. p. 102. n. 21. & p. 103. n. 22. & seqq.*  
*Primi motus voluntatis supernaturales sunt necessarij. p. 111. n. 14.*  
*Motus primò primi non sunt actus humani. p. 13. c. 1.*  
*Motus secundò primi non sunt peccata mortalia. p. 222. n. 16.*  
*Mouens.*  
*Mouens duplex. p. 95. n. 1.*  
*Mouens in quantum huiusmodi est in actu, quo sensu. p. 97. n. 6.*  
*Voluntas effectiue mouet seipsam ad actum. p. 96. n. 5. & p. 102. n. 19.*  
*Mouet etiam se ad primum actum. p. 104. n. 25.*  
*Voluntas mouet se ut natura est, & ut voluntas, quo sensu. p. 108. n. 4. & 5.*  
*Voluntas mouet ceteras animæ vires quoad exercitium. p. 96. n. 3.*  
*Quid mouere quoad exercitium. p. 95. n. 2.*  
*Quid mouere quoad specificationem. ibidem. n. 1.*  
*Voluntas moueri potest ab alio directè vel indirectè. p. 105. n. 28.*  
*Voluntas à Deo mouetur directè tribus modis. ibidem. & n. 19.*  
*Voluntas mouetur directè à solo Deo ut exteriori principio. p. 106. n. 30. & seqq.*  
*Deus mouet voluntatem modo nature eius congruo. p. 111. n. 13. & 14.*  
*Cui voluntas dicatur moueri à Deo potius ad intentionem sui boni quam mali. p. 107. n. 33.*  
*Voluntas mouetur indirectè à corporibus celestibus. p. 104. n. 27.*  
*Voluntas mouetur ab intellectu quoad specificationem actus non quoad exercitium. p. 95. n. 2.*  
*Non mouetur necessario à iudicio intellectus. p. 100. n. 15.*  
*Intellectus mouet voluntatem proponendo obiectum. p. 96. n. 4.*  
*Hæc motio spectat ad idem genus cause cum motione obiecti. ibidem.*  
*Imperium non est necessariū ex parte intellectus ad mouendam voluntatem. p. 100. n. 14. & p. 128. n. 4.*  
*Est tamen frequenter vitale. ibidem.*  
*Apprehensio obiecti ut conuenientis vel disconuenientis sufficit ad mouendam voluntatem. p. 99. n. 12. & p. 100. n. 13.*

# Index Rerum.

*Appetitus sensitiuus mouet voluntatem dupliciter.*  
 p. 76. c. 1. & p. 101. n. 16. & 17.  
*Voluntas mouetur ab appetitu necessario quando*  
*vsus rationis à passione absorbetur.* p. 110. n. 9.  
*Alia non.* ibidem. n. 10.  
*Voluntas deliberata à nullo obiecto mouetur in hac*  
*vita ex necessitate quoad exercitium.* p. 104.  
n. 25. & p. 109. n. 6. & seqq.  
*Mouetur tamen quoad specificationem.* p. 109.  
n. 8.  
*Voluntatem moueri naturaliter quo sensu dictum*  
*à D. Thoma.* p. 107. & 108. n. 2. & seqq.

## O.

### Obduratio.

**V** *Idè verbum Excacatio.*  
*Obiectum.*  
*Obiectiua ratio motiua duplex.* p. 94. n. 16.  
*Obiectum voluntatu per se aliud primum, aliud*  
*secundarium.* p. 14. c. 1.  
*Obiectum secundarium quare non debeat dici ob-*  
*iectum per accidens.* ibidem.  
*Obiectum primum per se voluntatu ad aqua-*  
*tum est finis.* ibidem. c. 2. & p. 92. n. 8.  
*Media sunt obiectum secundarium voluntatu.* ibid.  
*Non omne quomodolibet volitum est obiectum in-*  
*teriori volitionis.* p. 89. n. 4.  
*Deum vt clarè videndum est obiectum spei.* p. 73. c. 2.  
*Idem est obiectum spei in via & fruitionis in pa-*  
*tria.* p. 51. c. 2.  
*Obiectum conueniens aut disconueniens natura*  
*rationali quod.* p. 137. n. 14.  
*Obligatio.*

*Vide verbum, Lex.*

### Omissio.

*Vide verbum, Peccatum omissionis.*

### Operatio, Opus.

*Operatio creat a dupliciter considerari potest quo-*  
*ad perfectionem.* p. 41. c. 2.  
*Opera sine fide facta Apostolus remouet à iustifica-*  
*tione.* p. 518. n. 67. & seqq.  
*Opera fidei non negat Apostolus necessaria ad iusti-*  
*ficationem sed adstruit.* ibidem.  
*Opera iustorum vt precise procedunt à libero ar-*  
*bitrio non sunt condigna vita æterna.* p. 527.  
n. 20.  
*Deus potuit exigere à nobis quantum opera bona sine*  
*retributione.* p. 529. n. 28. & 29.  
*Quæ opera sint meritoria.* vide meritum.  
*Propter opera bona. præcedentia aliquando Deus*  
*differt punitionem peccatorum sequentium.* p.  
542. n. 85.

### Opinio.

*Non licet sequi opinionem improbabilem quando*  
*opposita docet contrarium esse præceptum aut*  
*prohibitum.* p. 166. n. 42.  
*Opinionem probabiliorē etsi minus tutā in agen-*  
*do sequi licet.* p. 167. n. 43.  
*Opinionem probabilem relicta probabiliori tutiori*  
*sequi potes.* ibidem. n. 44. & seqq.

*Imo quandoque teneri.* p. 168. n. 48.

*Opinio probabilior & tutior simul quæ.* p. 166.  
n. 41.

*Opinio tutior quæ.* p. 167. n. 43.

*Opinionem propriam non tenet semper sequi.* p.  
168. n. 47.

*Opinionem alterius sequens contra propriam non*  
*necessario operatur contra conscientiam.* ibid.  
*Contra propriam opinionem subditum Prælati præ-*  
*cepti iuxta probabilem opinionem obedire*  
*tenetur.* ibidem.

*Quem teneatur confessari opinionem amplecti,*  
*suam an penitentem.* p. 169. n. 48.

*An religio Sacramentorum ministros liget in eorū*  
*administratione opinionem magis tutam circa*  
*materiam & formam semper eligere.* p. 170.  
51. c. 2. & seqq.

*Quam opinionem debet sequi medicus in curando.*  
 ibidem. n. 54.

*Quam iudex in iudicando.* ibidem. n. 55.

### Ordo.

*Ordo intentionis & executionis qui.* p. 25. c. 2.  
*Ordo resolutionis & compositionis.* p. 123. n. 6.  
 & seqq.

### Originalis iustitia.

*Vide verbum, Iustitia Originalis.*

### Originale peccatum.

*Vide verbum, Peccatum originale.*

## P.

### Primus parens.

**V** *Idè verbum, Adam.*

### Paruulus.

*Vide verbum, Infantes.*

### Passio.

*Passio est animi agritudo.* p. 233. n. 5.

*Passio quomodo sit causa peccati.* p. 232. n. 2.  
 & seqq. & p. 233. n. 8. & seqq.

### Peccare.

*Nemo peccat in eo quod vitare non potest.* p. 479.  
n. 83. & seqq.

*Omni peccans quo sensu dicatur errare.* p. 229.  
n. 5.

*Voluntas peccare potest absque errore in intellectu.*  
 ibidem. n. 4. & 5.

*Voluntas peccare potest stante aduertentia mali.*  
 p. 232. n. 3. & 4.

*Voluntas cur peccare possit.* p. 229. n. 6.

*Creatura non potest esse naturaliter impeccabilis.*  
 ibidem. n. 7.

*Potentia peccandi non est à Deo.* ibidem.

*Peccans mortaliter creaturam habere pro fine vlti-*  
*mo quo sensu dicatur.* p. 28. & 29.

*Adriani sententia rejicitur.* ibidem.

*Peccans venialiter dumtaxat, non constituit finem*  
*vltimum in creatura.* p. 30. c. 1.

*Iustus venialiter peccans neque formaliter, neque*  
*virtualiter peccatum suum refert in Deum vt*  
*finem vltimum Cui vel Cuius.* p. 33. c. 2. &

p. 34. c. 1.

Peccans

# Index Rerum.

- Peccati mortaliter vult quantum est ex se perpetuum Dei inimicitiam.** p. 298. n. 7.
- Ad peccandum non sufficit quantum libertas.** p. 117. n. 5.
- Advertentia ad peccandum mortaliter requisita quæ.** p. 318. n. 42.
- Homo peccando quæ malis incarrat.** p. 426. n. 57.
- Vnde denominatur homo peccator.** p. 293. n. 4. Peccatum.
- Peccati varia acceptio.** p. 201. n. 21.
- Peccatum actuale quid.** ibidem. n. 22. & seqq.
- Lex æterna in definitione peccati quæ.** p. 202. n. 24.
- Peccatum tam actuale quam habituale est à parte rei intrinsecum.** p. 308. n. 29.
- Peccatum habituale in quo consistat.** p. 294. n. 6. Vide verbum, Macula.
- Inordinatio in peccato non est intentio per se.** p. 202. n. 1.
- An peccatum consistere possit cum virtute.** Vide verbum, Virtus.
- In quolibet peccato aliquid remanet de ordine rationis.** p. 211. n. 5. & seqq.
- In peccato aliud formale, aliud materiale.** p. 201. n. 21. & 22.
- Peccata differunt specie secundum obiecta.** p. 202. n. 1. & 2.
- Peccata differunt specie ex fine.** p. 203. n. 5.
- Peccata alia carnalia, alia spiritualia.** ibidem. n. 3. & 4.
- Omnia peccata sunt contra Deum & contra ipsum peccantem.** p. 204. n. 7.
- Quædam sunt specialiter contra Deum, quædam contra seipsum, quædam contra proximum.** ibidem & n. 8.
- Peccatum aliud ordo, aliud ordo, & aliud operis.** p. 209. n. 26. & p. 202. n. 25.
- In peccato cordis triplex gradus.** p. 209. n. 26.
- Reatus non tribuit peccato speciem.** p. 204. n. 9. & 10.
- Excessus & defectus distinguunt species peccatorum.** p. 209. n. 27.
- Non omnia peccata sunt connexa.** p. 210. n. 1.
- Non omnia sunt equalia.** ibidem. n. 4. & seqq.
- Gravitas peccatorum attenditur secundum obiecta.** p. 211. n. 8.
- Gravitas peccatorum attenditur secundum virtutes quibus opponuntur.** p. 202. n. 9.
- Peccata carnalia an minoris culpa sint quam spiritualia.** ibidem. n. 10.
- An peccati causa aggravat peccatum.** ibidem. n. 11.
- Circumstantia aggravat peccatum.** p. 213. n. 12.
- An gravitas peccati augetur ex nocimento.** ibidem. n. 13. & 14.
- An conditio persone in quam peccatur aggravat peccatum.** ibidem. n. 15.
- An conditio persona peccanti aggravat peccatum.** p. 214. n. 16. & 17.
- Voluntas est subiectum peccati.** ibidem. n. 1.
- Omnia potentia voluntati subdita potest esse subiectum peccati.** ibidem.
- In sensualitate possunt esse peccata mortalia.** p. 216. n. 6.
- Quare in sensualitate reperiri peccatum veniale potius dixerit D. Thomas quam mortale.** p. 217. n. 11.
- In appetitu sensitivo non reperitur peccatum propriè independentè à voluntate.** p. 215. n. 3. & seqq.
- Peccatum ex malitia quod.** p. 234. n. 1.
- Gravius est peccato ex passione commissum.** p. 235. n. 4.
- Peccatum Capitale quod.** p. 284. n. 3.
- Peccati capitalis septenarius numerus vnde colligatur.** ibidem.
- Peccati remissio.** vide verbum, Remissio.
- Peccatum Omissionis & Commissionis.**
- Peccatum aliud omissionis, aliud commissionis.** p. 204. n. 11.
- Peccatum commissionis est contra præceptum negatum.** ibidem.
- Peccatum omissionis est contra præceptum affirmativum.** ibidem.
- Peccatum omissionis & commissionis differunt specie physica.** p. 205. n. 13.
- Non semper differunt specie morali.** ibidem & n. 14.
- In peccato omissionis virtute semper continetur peccatum commissionis.** ibidem. n. 12.
- Peccatum commissionis non potest esse sine actu.** p. 200. n. 18.
- Peccatum omissionis potest esse sine actu voluntatis.** ibidem.
- Non potest esse sine actu intellectus.** ibidem. n. 20.
- Quo tempore incurritur peccatum omissionis.** p. 205. n. 15. & seqq.
- Omissio externa culpabilis manet quantum iam necessaria, quantum voluntas precedens quæ fuit impotentia causa non retractatur.** p. 206. n. 18. & seqq.
- Opus quod est causa omissionis peccaminosa inscitur à malitia eiusdem.** p. 207. n. 21. & 22.
- Opus quod concomitantè tantum se habet ad omissionem peccaminosam non inscitur ab eâ.** p. 208. n. 23. & 24.
- Peccati omissionis gravitas vnde estimanda.** ibidem. n. 25.
- Peccatum mortale.**
- Peccatum mortale cur sic dictum.** p. 305. n. 1.
- Peccatum mortale destruit ordinem anime ad finem ultimum.** ibidem.
- Omne peccatum ex se esse mortale qui senserint.** p. 306. n. 4.
- Non omne peccatum est mortale ex se.** ibidem. & seqq.
- Peccatum mortale adfert secum Dei contemptum.** p. 311. n. 18.
- Peccatum mortale quasi per antonomasiam dicitur peccatum.** p. 312. n. 23.
- Peccatum mortale an sit vincit peccatum cum veniali.** ibidem.
- Divisio peccati in mortale & veniale non est generata in species.** ibidem. n. 24.



# Index Rerum.

Peccatum mortale à veniali qua ratione differat toto genere. *ibidem*. n. 25.  
 Peccatum aliquod mortale quo sensu non differat specie ab aliquo veniali. p. 313. n. 26.  
 Peccata mortalia vnde dignoscenda. p. 311. n. 22.  
 Peccata ex genere mortalia quomodo possint fieri venialia. p. 313. n. 26 & p. 318. n. 42.  
 Peccati mortali malitia. vide verbum Malitia.  
 An peccatum mortale consistat cum statu virtutis. Vide verbum Virtus.  
 Peccatum mortale cur puniatur aeterna pena. p. 248. n. 8. & 7.  
 Peccatum Originale.  
 Peccatum originale cur sic dictum. p. 24. n. 1.  
 Peccatum originale non est substantia. *ibidem*. n. 2.  
 Non est realis habitus. *ibidem*. n. 3. & p. 275. n. 4.  
 Non est formaliter concupiscentia. *ibidem*. n. 3. & seqq.  
 Peccatum originale formaliter est privatio iustitia originalis debita. *ibidem*. p. 278. n. 17. & p. 279. n. 19. & seqq.  
 Peccatum originale est peccatum propriè dictum. p. 259. n. 1. & seqq.  
 Peccatum originale traducitur ab Adamo in eius posterum. *ibidem*.  
 Pelagii error circa peccati originalis transuersionem. *ibidem*. n. 2.  
 Probatur ex scripturis peccatum originale transfundi in posterum Adā. *ibidem*. n. 3. & seqq.  
 Probatur ex Concilio & summis Pontificibus. p. 262. n. 10.  
 Probatur ex Sanctis Patribus. *ibidem*. n. 11.  
 Probatur rationibus ductis ex principiis fidei. *ibidem*. n. 12. & seqq.  
 Ex inordinato motu sensus partii rectè probatur peccatum transfundi. p. 263. n. 14.  
 Obiectiones contra peccatum originale solvuntur. *ibidem*. n. 15. & seqq.  
 Peccatum originale transfunditur etiam in fidelium proles. p. 271. n. 44.  
 Non omnia peccata primi parentis traducuntur in posterum. p. 270. n. 37. & seqq.  
 Peccata proximorum parentum non transeunt in posterum. *ibidem*.  
 An si Adam non peccasset filij Cain contraxissent peccatum patrum. Vide verbum Adam.  
 Si Eva sola peccasset. posterum non contraxissent peccatum originale. p. 273. n. 99. & seqq.  
 D. Virgo fuit obnoxia debito contrahendi peccatum originale. p. 271. n. 43.  
 Quomodo sufficiatur anima peccati originali. p. 268. n. 32. & seqq.  
 Peccatum originale est unum specie in omnibus. p. 281. n. 25.  
 Est in omnibus aequaliter. *ibidem*. n. 26. & 27.  
 Peccatum originale est unicuique voluntarium voluntate Adami. p. 268. n. 31.

peccatum originale est solum in anima. p. 282. n. 1.  
 Est in semine tanquam causa instrumentali. *ibid*.  
 Proximè est in essentia anima vs subiecto. *ibidem*. n. 2.  
 Inscit voluntatem prius quam alias potentias. *ibidem* n. 3.  
 Quas potentias specialiter inficiat. *ibidem*. n. 4.  
 Triplex malorum genus ex peccato originali ortum. p. 302. n. 24.  
 Peccatum veniale.  
 Peccati venialis diversa acceptio. p. 305. n. 2.  
 Peccatum veniale quid propriè sit. *ibidem*.  
 Quomodo differat à mortali. p. 311. n. 18. & seqq. Vide, Peccatum mortale.  
 Peccatum veniale non destruit charitatem. *ibidem* & p. 305. n. 1.  
 Quare peccatum veniale dicatur esse prater legem. p. 310. n. 17.  
 Peccata venialia rectè comparantur ligno, feno, stipulo. p. 319. n. 3.  
 Dantur peccata ex natura sua venialia. p. 306. n. 4. & seqq.  
 Peccata venialia ex genere suo qua. p. 313. n. 26.  
 Peccata ex genere suo venialia quomodo possint fieri mortalia. *ibidem*. n. 27. & p. 316. n. 34. & seqq.  
 Idem alius moralis malus potest de veniali transire in mortale peccatum. *ibidem*. n. 35.  
 Peccata venialia quantumvis multa non aequivalent mortali. *ibidem*. n. 37.  
 Quomodo venialia peccata disponant ad mortalia. p. 315. n. 32.  
 Peccatum veniale maius malum quàm pena aeterna quo sensu dici queat. p. 307. n. 8.  
 Qui dicendus constituere finem ultimum in peccato veniali. p. 313. n. 28. & 29. vide, Peccare.  
 Peccatum veniale an censeat maculam in anima. p. 318. n. 1. & 2.  
 Non potuit homo in statu Innocentiae venialiter tantum peccare. p. 319. n. 4. & seqq.  
 Vnde hac Impotentia. *ibidem*. n. 6.  
 Angeli boni non possunt peccare ne quidem venialiter. p. 320. n. 8.  
 An potuit angelus viator peccare venialiter tantum. *ibidem*. n. 9. & 10.  
 Peccatum veniale potest in aliquo consistere cum solo originali. p. 321. n. 12. & seqq.  
 Potest quis cum peccato veniali & originali tantum, ex hac vita discedere. p. 323. n. 18.  
 An peccatum veniale coniunctum cum mortali, post hanc vitam puniatur pena aeterna. p. 308. n. 10. & seqq.  
 Peccata venialia sunt diligenter cauenda. p. 317. n. 38.  
 Peccati venialis remissio ex ipsa quasi natura iuste veniam petenti est concedenda. p. 307. n. 9.  
 Peccati causa.  
 Voluntas est causa peccati. p. 228. n. 3. & seqq. & p. 230. n. 8.

Inrdi

# Index Rerum.

Inordinatio peccati non habet causam per se. p. 228. n. 1. & 2.  
 Peccatum potest esse causa peccati in quolibet genere causa. p. 230. n. 11.  
 Amor sui est principium omni peccati. p. 233. n. 6.  
 Quomodo externa possint esse causa peccati. p. 230. n. 9. & 10.  
 Ignorantia potest esse causa peccati. p. 231. n. 1.  
 Appetitus sensitiuus quomodo sit causa peccati. vide verbum Appetitus.  
 Deus non impellit ad peccatum. p. 236. n. 2. & seqq.  
 Impia Caluini blasphemiam exponitur. ibidem. n. 3. & 4.  
 Refellitur ex Scripturis. ibidem. n. 5. & seqq.  
 Refellitur ex Concilijs & Patribus. p. 238. n. 11. & seqq.  
 Refellitur ex rationibus. p. 139. n. 16. & p. 240. & seqq.  
 Obiectiones Hæreticorum soluntur. p. 242. & seqq.  
 Si Deus impelleret ad peccandum esset author peccati. p. 240. n. 17. & seqq.  
 Si Deus impelleret ad peccatum, peccaret. p. 241. n. 21. Imo solus videretur peccare. ibidem. n. 22.  
 Si Deus hominem impelleret ad peccandum, iniussit postea eum puniret. ibidem. n. 22.  
 Deus est causa physica actus materialis peccati. p. 249. n. 58. & seqq.  
 Deus non est causa inordinationis peccati. p. 234. n. 1.  
 Deus censetur se habere permisionem ad peccatum. p. 250. n. 63.  
 Quare ex eo quod Deus physice attingat entitatem realem actus peccati non potest Deus dici peccare. ibidem. n. 62.  
 Obiectionum solutio. 251. n. 66. & seqq.  
 Quomodo Dæmon sit peccati causa. p. 258. n. 1. & seqq.  
 Vide verbum, Cupiditas, & Superbia.  
 Peccati effectus.  
 Vires nature sunt attenuata per peccatum. p. 285. n. 2.  
 Vide verbum, Inclination.  
 Vulnera anima per peccatum infligita qua. ibidem. n. 4. & 5.  
 Propensio ad bonum commutabile quomodo orta ex peccato. p. 286. n. 4.  
 Quomodo priuatio modi, speciei, & ordinis sint effectus peccati. ibidem. n. 6.  
 Defectus corporis sunt effectus peccati. ibidem. n. 7. & seqq.  
 Ex peccato nascitur instabilitas in bono. p. 427. n. 60.  
 Perfectio & perfectum.  
 Vltima perfectio hominis est operatio. p. 42. c. 1.  
 Id quod perfectum est ordinari potest ad id quod est imperfectum. p. 41. c. 2.

## Perseuerantia.

Perseuerantia tripliciter sumi potest. p. 435. n. 84.  
 Donum perseuerantia quid sit. p. 437. n. 91. & seqq.  
 Auxilia gratia quibus angeli boni steterunt non fuerunt iuxta D. Aug. donum perseuerantia. ibidem. n. 90.  
 Gratia primi hominis ante lapsum & Angeli victoriorum dabatur posse, nunc dat ipsum perseuerare. p. 442. n. 105. & seqq. & p. 436. n. 89.  
 Non omnes iusti habent donum perseuerantia. p. 436. n. 90.  
 Infirmitatem doni perseuerantia pendere à cooperatione liberi arbitrij prauis quorundam opinio. p. 437. n. 91. & 94.  
 Refellitur ab incommodo qua inde sequi videntur. p. 438. n. 95. & seqq.  
 Vera sententia exponitur. p. 440. n. 99. & seqq.  
 Offenditur ex Scripturis. p. 441. n. 102. & 103.  
 Probat ex D. Augustino. ibidem. n. 104. & seqq.  
 Probat ratione ex Scripturis & Patribus, desumpta. p. 444. n. 110. 111.  
 Obiectionum solutio. ibidem. n. 112. & seqq.  
 Cur Deus post lapsum noluerit perseuerantia infirmitatem pendere à libero arbitrio. p. 445. 112. & 113.  
 Cur Deus non omnibus dederit perseuerantia donum. p. 450. n. 132.  
 Tribus modis operatur Deus perseuerantiam in electis. p. 453. n. 141.  
 Vnde contingat, quod nullus ex non electis specialiter, perseueret in iustitia. p. 449. n. 127. & seqq.  
 Voluntas dandi electis perseuerantiam non excludit necessitatem exhortationum, monitionum, &c. p. 451. n. 133. & seqq.  
 Non sonet quoque socordiam. p. 452. n. 136. & seqq.  
 Quilibet Christianus quomodo debeat considerare de perseuerantia sua. ibidem. n. 137. & 138.  
 Modus predicandi populo donum perseuerantia. ibidem. n. 139. & 140.  
 Phantasia.  
 Phantasia non semper obtemperat præcepto rationis. p. 76. n. 2.  
 Pœna.  
 Pœna proprie dicta qua. p. 294. n. 1.  
 Pœna proprie dicta respicit culpam. p. 300. n. 16. & seqq.  
 Pœna satisfactoria non respicit necessariò culpam propriam. ibidem. n. 15.  
 Pœna debet esse voluntaria ut possit exsoluere debitum culpa. p. 310. n. 14.  
 Pœna non debet necessariò esse voluntaria ut sit satisfactoria iniustitiae vindictarum. ibidem.  
 Pœna est suo modo effectus peccati. p. 295. n. 3.  
 Pœna non semper remittitur remissa culpa. p. 300. n. 14.

# Index Rerum.

*Pana gebenna, non est omni peccato debita. p.*

*299. n. 13.*

*Pana sensus est finita intensiue. p. 298. n. 10. & 11.*

*Pana damni que sensu infinita. ibid. n. 10.*

*Pana intensiue infinita si esset possibile, posset iuste infligi pro aeterna. p. 299. n. 13.*

*Pana reprobtorum est aeterna. p. 297. n. 7. & seqq.*

*Pana peccati mortali cur aeterna. p. 298. n. 8.*

*Peccatum non est per se pana peccati. p. 295. n. 4. & 5.*

*Est tamen per accidens idque tripliciter. p. 296.*

*Reatus panis quid. p. 294. n. 1.*

*Reatus panae est effectus peccati. ibidem. n. 2. & seqq.*

## Potentia.

*Potentia naturalis passiva actiua naturalis correspondere debet. p. 72.*

*Potentia in operando semper respicit obiectum suū primarium. p. 14. c. 2.*

*Potentia vegetatiua diuisio. p. 75. n. 1.*

*Potentia sensitiua & rationalis diuisio, ibidem & p. 76. n. 1. & 3.*

*Potentia rationalis quomodo moueat appetitum. p. 76. n. 2.*

*Operationes potentia sensitiua cur vocentur passioni, ibidem n. 1.*

*Cur instrumenta virtutum & vitiorum dicantur. ibidem.*

## Potestas præceptiua.

*Potestas præceptiua alia Oeconomica, alia Politica. p. 332. n. 26.*

*Vnde hæc quibusdam præ reliquis competat. ibid. n. 27.*

## Præceptum.

*Præceptum quomodo differat à lege. p. 329. n. 16. & 17.*

*Præcepta affirmatiua quomodo obligent. p. 345. n. 20.*

*Præcepta Decalogi sunt legum natura. p. 352. n. 47. & 48.*

*Præcepta Decalogi sunt indispensabilia. p. 351. n. 43. & seqq.*

*Multa præcepta naturalia agent interpretatione. p. 355. n. 61.*

*Præcepta legum naturæ non omnia sunt aequè nota. p. 342. n. 6. & p. 344. n. 15. & 16.*

*Præcepta particularia legum naturæ quomodo deducantur ex vniuersalissimis. p. 346. n. 21. & seqq.*

## Prædeterminatio.

*Prædeterminatio tollit libertatem. p. 467. n. 35.*

## Proportio.

*Alia Arithmetica, alia Geometrica & quid vitæ que. p. 528. n. 23.*

## Punire.

*Deus punit reprobos citra condignum. p. 536. n. 53.*

*Deus in puniendū reprobū seruat proportionem. ibidem.*

## R.

### Ratio.

**R**atio alia superior, alia inferior. p. 221. n. 29.

*Ratio superior circa proprium obiectum potest venialiter peccare. p. 227. n. 60. & seqq.*

*Non potest peccare venialiter in his que spectant ad vires inferiores, si sint mortifera. ibidem.*

*Ratio est regula actuum humanorum. p. 157. n. 2. & seqq.*

*Rationis rectitudo pendet ab obiecto. ibidem. n. 7.*

*Non obligatur homo sub mortali primo instanti vsui rationis statim conuertere se ad Deum. p. 321. n. 12. & 14.*

*Quando censetur quia venisse ad vsuum rationis. p. 322. n. 15.*

*Status vsui rationis sufficiens ad peccandum venialiter, sufficit ad peccandum mortaliter. ibidem. n. 16. & 17.*

### Reatus.

*Vide verbum, Pana.*

### Remissio peccati.

*Ad peccati remissionem secundum ordinariam Dei legem requiritur gratia infusio. p. 508. n. 25.*

*In statu naturæ puræ potuisset peccatum remitti sine infusione gratiæ habitualis. ibidem. n. 26.*

*Potuisset etiam remitti abq̃ infusione reali qualitate cuiuscumque. p. 509. n. 30. & 31.*

*In hoc statu peccatum non posse remitti à Deo sine infusione gratiæ est probabile. p. 508. n. 27. & seqq.*

*Remissio culpæ est complementum iustificationis. p. 523. n. 88.*

*Remissio culpæ & infusio gratiæ quodam sensu sunt eadem, quodam diuersa. ibidem. n. 89.*

*Remissio culpæ quomodo natura posterior infusione gratiæ, & quomodo etiam prior. p. 526. n. 98. & 99.*

*Remissio culpæ eodem instanti esse potest cum infusione gratiæ, Dei amore, & detestatione peccati. p. 524. n. 92.*

*Non tamen ideo simul sunt culpæ & gratiæ. p. 525. n. 98.*

*Peccata regi aut non imputari quo modo intelligendum. p. 506. n. 19.*

### Respublica.

*Respublica habet altum quoddam dominium in omnia bona ciuium. p. 532. n. 40.*

*Respublica non priuat se ipso alto dominio quando bona aliqua distribuit ciuibz. ibidem.*

*Respublica habet naturaliter sui regendi seipsam. p. 332. n. 27.*

*Respublica potest sui regendi seipsam transferre in Principem. ibidem.*

*Ad Reip. regimen necessaria est correctio seuerior quam ad regimen priuata domus. ibid. n. 26.*

*Ad bonum Reip. spectat quod fauor quibusdam impendatur. p. 331. n. 21.*

*Bonum ciuium est bonum ipsum Reipublicæ. p. 330. n. 20.*

Sacra.

# Index Rerum.

## S.

### Sacramentum.

**I**N administratione sacramentorum formā & materia certū videntur. p. 170. n. 51.

Sacramentum absolutionis tamen actus impendi potest. ibidem. n. 52. & 53.

Validitas sacramenti non pendet à prudenti estimatione. ibidem. n. 51.

Sacramentum ministrans vel suspiciens in materia probabili tantum relicta certa peccat si certa possit aequè faciliè haberi. ibidem. n. 53.

### Sacrum.

Audiens sacrum in die festo nesciens esse festum, an præceptum adimpleat. p. 405. n. 6. & seqq.

### Saluus.

Deus voluntate antecedente vult omnes saluos fieri. p. 446. n. 118. & seqq.

Deus non impedit de industria non electos ne salui fiant. p. 448. n. 124. & seqq.

Quomodo fiat quod ex non electis nullus saluetur. p. 449. n. 127. & seqq.

### Scrupulus.

Scrupulus quid sit. p. 175. n. 69.

Causa scrupulorum varia. ibidem.

Scrupulorum varia incommoda. p. 176. n. 71.

Scrupulorum varia remedia. ibidem. n. 72. & seqq.

Scrupulus agitari non est per se bonum. ibidem. n. 70. & 71.

Scrupulus agitari aliquando est signum tenerioris conscientie. ibidem. n. 70.

Scrupulosus in quo differat à prudenter timorato. ibidem. n. 71.

Scrupulosus potest iudicare sepe sibi licitum quod non est ei evidenter illicitum. ibidem. n. 72.

Nemo potest licitè agere contra scrupulum nisi iudicet esse scrupulum. ibidem. n. 70.

Expediit agere contra scrupulos cognitos ut tales. ibidem.

Scrupuloso in horis legendis quid agendum. p. 177. n. 73.

### Sensualitas.

Sensualitas quid sit. p. 214. n. 2.

Non importat corruptionem. ibidem.

Actum sensualitatis totaliter independentium à voluntate non est homo Dominus. p. 215. n. 4.

An in sensualitate possit esse peccatum. vide Peccatum.

### Sententia.

Alia declaratoria, alia condemnatoria, & quid utraque. p. 377. n. 53.

Vide verbum, Lex penali.

### Seraphin.

Seraphin unde dicti. p. 48. c. 2.

### Sumnum.

In somnis vimur intellectu & voluntate. p. 110. n. 9.

In somno non potest esse actus liber. ibidem.

Non est iudicium perfectum. ibidem.

### Spes.

Quomodo differat ab intentione & desiderio. p.

114. n. 2.

Spes attribuit Scriptura iustificationem. p. 516.

n. 56.

Spes est dispositio necessaria ad iustificationem. ibidem.

### Status.

Status hominis sextuplex. p. 410. n. 6.

Status innocentie. vide verbum Innocentia status

Status natura nude quæ. p. 410. n. 6.

Status natura integra quæ ibidem. n. 7.

Status hominis lapsi quæ. ibidem. n. 9.

Vide verbum Auxilium, & verbum Homo, & verbum Remissio.

Ætudo naturalis in statu natura nude in quibus fuisse sita. p. 509. n. 31. & p. 510. n. 34.

Peccatum in statu natura: ura fuisse alterius rationis à peccato in hoc statu. p. 509. n. 32.

### Statutum.

Statuta Religionum quomodo obligent. p. 376. n. 49.

### Superbia.

Superbia triplex. p. 283. n. 2.

Superbia est radix omni peccati. ibidem.

### Supernaturale.

Supernaturalitas actus non potest desumi ex ipsius intentione. p. 419. n. 30.

Non potest desumi ex eo quod actus fiat ex motione Spiritus Sancti. ibidem. & n. 31.

Supernaturalitas actus unde desumenda. p. 420. n. 33.

Vnde desumatur supernaturalitas actus charitativæ & speciei. p. 73. c. 2.

Actus naturalis ad finem supernaturalem relatus accipit inde aliquam supernaturalitatem. p.

420. n. 37.

Vide verbum, Actus, & verbum Habitus.

## T.

### Tentatio.

**T**entationes legi natura contrarias non potest homo omnes collectivè sine speciali auxilio superare. p. 415. n. 15. & 16.

Non potest etiam sic superare singulas. ibidem.

Tentationes leviores quandoque possunt solam naturam viribus superare. ibidem. n. 16.

## V.

### Velletas.

**V**elletas quid. p. 119. n. 11.

Velletas aliquando æquivalet moraliter absoluta voluntati. p. 189. n. 18.

Vellem, quem actum voluntatis significet. p. 119. n. 11.

### Verum.

Verum & falsum sunt differentiæ accidentariæ assensui. p. 142. n. 34. & 36.

C c c g

Violence



# Index Rerum.

## Violentia, Violentum.

Violentum quid. p. 80. n. 10.  
Violentum differt à coactio. ibidem.  
Violentum differt à necessario. ibidem.  
Voluntati non potest absolute violentia inferri in actibus eliciti. ibidem. n. 13.  
Potest tamen inferri violentia secundum quid. p. 81. c. 1.  
Voluntati in actibus Imperatoris absolute potest inferri violentia. p. 80. n. 12.  
Violentia causat inuoluntarium simpliciter. p. 81. n. 13.  
Quod sit voluntate permittente non est absolute violentum. ibidem.  
Passiones Christi & Martyrum an dicenda violenta. ibidem.

## Virtus.

Virtutis ratio in qua sita. p. 195. n. 1.  
Virtutis duplex status. p. 199. n. 14.  
Modus virtutis in quo consistat. p. 404. n. 1.  
Virtutum alia particulares, alia quasi generales. p. 148. n. 58.  
Virtus acquisita specie differt ab infusa. virtutes acquisitae disponunt subiectum congrue suo fini siue charitate, non item infusae. p. 199. n. 16.  
Inclinatio ad virtutem. vide verbum Inclinatio.  
Virtutis actus opponitur peccato. p. 195. n. 1.  
Peccatum mortale excludit statum perfectae virtutis. p. 199. n. 14. & 16.  
Peccatum mortale potest consistere cum virtutibus acquisitis. ibidem n. 15.  
Potest etiam consistere cum quibusdam infusis quoad substantiam. ibidem.  
Peccatum veniale non excludit statum perfectum virtutis. p. 200. n. 17.  
Peccatum veniale diminuit habitum virtutis acquisitae. ibidem.  
Habitum virtuosum. vide verbum, habitus.

## Visio.

Visio Dei quatenus essentialiter beatifica tantum est speculativa. p. 49. c. 1.  
Potest dici secundario practica. ibidem.  
Visio est physice perfectior amore. p. 47. c. 1. & p. 48.  
Moraliter potest amor dici perfectior visione. ibid.  
Visio ad amorem via habet se vi finis ad medium. p. 47. c. 1.  
Visio ad amorem patriae habet se vi causa ad effectum. ibidem.  
Visio quatenus comprehensio est beatitudo formalis. p. 45.  
Visio qua Beatus videt se videre Deum non est essentialis beatitudini. p. 47. c. 1.  
Est tamen quoddam eius complementum. ibidem.

## Vita aeterna.

Gratia Dei vita aeterna, quo sensu. p. 328. n. 26. & p. 335. n. 52.  
Vita aeterna stipendium iustitiae dici potest. ibidem.  
An vita aeterna cadat sub meritum proprie, vide Meritum.  
Vita aeterna excedit proportionem humanae naturae. p. 327. n. 18.

Si Deus operanti bene ex sola natura viribus praemitteret vitam aeternam, redderet eam tantum ex fidelitate. ibidem n. 19.

## Vitium.

In vitio duo consideranda. p. 195. n. 2.  
Duplex ratio vitii in eadem materia ostendi potest. p. 197. n. 2.  
Omne vitium est contra naturam hominis. ibidem. n. 8. & seqq.  
Vitium opponitur virtuti tum infuse, tum acquisitae. ibidem. n. 7.  
Vitium opponitur virtuti quasi contrariè. p. 195. n. 2. & seqq.  
Vitium & virtus se mutuo impediunt in suis actibus. p. 197. n. 7.  
Vitium secundario inclinat in turpitudinem. p. 195. n. 2.  
Cum vitis plures quam virtutibus dediti. p. 198. n. 11.

## Voluntarium.

Voluntarium quid. p. 77. n. 4.  
Aliud perfectum, aliud imperfectum. ibidem.  
Idem potest esse voluntarium imperfectum, & inuoluntarium perfectum. ibidem.  
Voluntarium directum, & voluntarium indirectum quid. p. 78. n. 8.  
Voluntarium indirectum sine actu voluntatis esse potest. p. 79. n. 8.  
Secum voluntarium directum. ibidem.  
Non omne voluntarium est liberum. p. 77. n. 5.  
Omissio rei non precepta potest sine actu voluntatis esse voluntaria. p. 79. n. 8.  
Effectus ex omissione sequitur tunc deum est voluntarium quando teneri illum evitare. ibidem. n. 9. & p. 82. n. 14.  
Habitum augent voluntarium. p. 84. n. 18.

## Voluntas.

Voluntas est potentia libera. p. 78. n. 7.  
Voluntas an differat à libero arbitrio. ibidem.  
Voluntas non potest ferri in incognitum p. 97. n. 7. & 8.  
Voluntas potest in bonum particulare ferri absque eo quod expresse vel virtualiter tendat in bonum vniuersale. p. 11. & 32.  
Voluntas necessitatur ab increato bono clare viso. p. 55. c. 1. & p. 78. n. 7.  
Non necessitatur quoad exercitium à bono in communi. p. 55. c. 1.  
Voluntatis pondus in eum est potestate p. 104. n. 25.  
Voluntas est tantum boni. p. 91. n. 2. & 1.  
E duobus bonis potest voluntas minus eligere. ibid. & p. 92. n. 5. & 6.  
Voluntas recte viuendi est actus determinatae speciei. p. 138. n. 20.  
Voluntas potest velle moraliter actum cui physice repugnat. p. 81. n. 13.  
Voluntas vi nominat actum est tantum finis. p. 92. & 93. n. 7. & 8.  
Voluntas potest impediri in suis motibus p. 80. n. 11.

In iisdem

## Index Rerum.

In ijsdem pati potest necessitatem dupliciter. *ibid.*  
In actibus imperatijs pati potest coactionem. *ibid.*  
*dem.* **n. 12.**

Secus in elicitijs, nisi secundum quid. *ibid.* **n. 13.**  
Voluntas inefficax qua. p. 119. **n. 11.**

Voluntatis motuum, vide Motuum voluntatis.

Voluntas non potest sequi intellectum supernaturaliter illustratum nisi adiuta per gratiam. p. 105. **n. 28.**

Voluntas signi in Deo quadruplex. p. 131. **n. 88.**

Voluntatis Dei absoluta quoniam tenetur se conformare etsi preceptum non interueniat. p. 182. **n. 89.**

Quacumque vult Deus fieri, potest homo ex eodem motivo velle. *ibid.* **n. 91.** & seqq.

Non tenetur homo se conformare diuinae voluntati in volito materiali. p. 179. **n. 81.** & seqq.

Tenetur se conformare in volito formali *ibid.*,  
& p. 180. **n. 85.**

Voluntas humana in omni ratione volendi debet conformari diuinae voluntati negativè, non tamen positivè. p. 181. **n. 86.**

Voluntas humana difficiens à diuina in volito materiali, conformatur eidem secundum rationem causam efficientem. *ibid.* **n. 87.**

### Vfus.

Vfus est actus voluntatis. p. 125. **n. 1.**

Includit ordinem ad actum rationis. p. 126. **n. 4.**

Vfus alius actuum, alius passivus. p. 125. **n. 2.**

Vfus passivus sapiens est actio. *ibid.*

Potentia executiva propriè non dicitur vti instrumentum sui. p. 126. **n. 3.**

Vfus actiuus non convenit brutis. *ibid.* **n. 4.**

Abusus quomodo ab vfu distinguatur. *ibid.*

Vfu generatim dictus quid. *ibid.* **n. 5.**

An vfu sit tantum mediocrum. *ibid.* & **n. 6.**

Quo sensu verum sit omnem humanam perversionem esse, vti fruendum, & frui vitandum. *ibid.* **n. 5.**

Vti sine ultimo qualiter possumus. *ibid.*

Vfus quomodo differat ab electione. p. 127. **n. 8.**

Vfus alicuius medij sequitur electionem eiusdem. *ibid.* **n. 7.**

Vfus aliquis precedit omnem electionem propriè dictam. *ibid.*

### Vtile.

Vtile qua vtile an possit habere rationem finis. p. 130. **n. 11.**

Vtilitas est bonitas mediocrum. p. 130. **n. 11.**

## F I N I S.



# ERRATA

**P** Ag. 11, Col. 2. Lin. 32, conuediēs, lege conueniens. p. 13, c. 2, l. 29, Medicina, lege Med-  
dina. p. 15, c. 2, l. 3, inhæſio, lege inhæſio. p. 17, c. 1, l. 1, tellectus, lege intellectus. p. 23,  
c. 2, l. 9, ab obiecta, lege ad obiecta. p. 24, c. 2, l. 1, ſecundam quandū, lege ſecundum quan-  
dam. p. 29, c. 1, l. 20, lit, lege ſi ſit. p. 34, c. 1, in fine: obedientiam, pro abundantiam. p.  
41, c. 2, l. 55, beatidinem, lege beatitudinem. p. 42, c. 1, l. 6, eſſectiue, lege eſſectiue.  
43, l. 20, qua, lege quia. p. 44, c. 2, l. 3, ſpe, lege ſpei. p. 51, c. 2, l. 34, quamadmodum, le-  
ge quemadmodum. p. 58, l. vlt. hæc non conſiſtit, lege hæc enim conſiſtit. p. 87, c. 1, l.  
27, requitur, lege requiritur. p. 88, c. 1, l. 7, primum, lege plurium. p. 97, c. 1, l. 36, ſub-  
ictum, lege ſubiectum. p. 106, c. 1, l. antepenult. mutor, lege motor. p. 113, c. 1, l. ante-  
penult. amantibus, lege animantibus. p. 124, c. 1, l. 3, iuciorum, lege iudiciorum. p. 127,  
c. 1, l. 2, diuini, lege diuina. p. 136, c. 2, l. 25, iniuſtiam, lege iniuſtitiam. p. 139, c. 2, l. 3,  
tiam, lege etiam. p. 140, c. 2, l. 18, habea, lege habeat. p. 168, c. 1, l. 47, probaliſſima, lege  
probabiliſſima. p. 178, c. 1, l. 7, intentio, lege intenſio. p. 188, c. 1, l. 23, mediatione, lege  
meditatione. p. 142, c. 2, l. 12, meritorum, lege meritorium. p. 215, c. 1, l. 25, ſenſuatis,  
lege ſenſualitatis. ibidem, ſiue etiam, lege ſiue etiam. p. 239, c. 2, l. 6, mentientibus, lege  
merientibus. p. 248, c. 1, l. 23, maledicetur, lege malediceretur. p. 265, c. 1, l. vlt. ſimpli-  
ter, lege ſimpliciter. p. 266, c. 1, exiſtiſſe, lege exiſtiſſe. p. 281, c. 1, l. 20, cuius, lege  
eiuſdem. p. 292, c. 1, l. 41, iniquatum, lege iniquatum. p. 294, c. 1, l. vlt. cauteleam, lege  
cautelam. p. 305, c. 2, l. 38, uathorem, lege authorem. ibidem, Paradoxia, pro Paradiſo:  
p. 306, c. 1, l. 33, puni, lege puniri. p. 308, c. 1, l. 45, temporail, lege temporali. p. 310, c.  
1, l. 10, inuitis, lege inuitis. p. 313, c. 1, l. 4, differere, lege diſſerre. p. 314, c. 2, l. 32, pecca-  
to, lege peccati. p. 316, c. 1, l. 7, ſine, lege ſiue. p. 317, c. 2, l. 18, mortalis, lege moralis. p.  
318, c. 2, l. 5, ſoleat, lege ſolent. p. 321, c. 1, l. 4, præſeratos, lege præſeruos. p. 323, c. 2,  
l. vlt. concluder, lege concludit. p. 324, c. 1, l. 6, pertem, lege partem. ibidem l. antepen-  
ult. facultate, lege facultati. p. 325, c. 2, l. 13, notitionem, lege notionem. p. 334, c. 2, l.  
27, hominis deſtitutū, lege hominem deſtitutū. p. 336, c. 2, l. 17, ſtatunt, lege ſtatuant.  
ibidem, l. 26, authore, lege auctori. atque. p. 343, c. 1, l. 11, Quidem, lege Quidam. ibidem.  
l. 35, congruis, pro congruis. p. 357, c. 1, l. 19, debiti, lege depoſiti. p. 363, c. 2, l. 42, pro-  
uiſum, lege præuiſum. p. 394, c. 2, in fine, pro neque ponendum Secundò, eſt que hoc  
repetendum in principio paginæ ſequentis. p. 399, c. 1, l. 20, diſtrictiūm, lege diſtri-  
ctum. p. 410, c. 1, l. 52, habilibus, lege habitibus. p. 426, c. 2, l. 26, non eſt exiſtente, le-  
ge non exiſtente. p. 437, c. 2, l. 44, nun, pro non. p. 449, c. 2, l. 48, ſalus, lege ſaluus. ibi-  
dem, c. 1, l. 26, ocitur in cauſa, pro oriſur cauſa. ibidem, c. 2, l. 53, Deus permiſſiſſet, lege  
ſi Deus permiſſiſſet. ibidem l. 56, pro & vt, lege atque. p. 453, c. 2, l. 36, debitam, lege  
debitum. p. 456, c. 2, l. 27, immediat, lege immediatè. p. 460, c. 1, l. 49, diuiſione, lege  
diuiſionem. ibidem, gratis, lege gratijs. p. 473, c. 2, l. 36, quæſt. artic. n. lege quæſt. 81,  
artic. 1. n. 3. & ſeqq. p. 500, c. 1, l. 12, ſepari, lege ſeparari. ibidem, c. 2, l. 19, delectatione,  
& l. 22, delectatione, lege utrobique delectatione. p. 502, c. 1, l. 28, ſine, lege ſiue. p. 511, c.  
1, l. 12, requitur, lege requiri. ur. p. 517, c. 2, l. 52, imperatio, lege imperatio. ibidem, l.  
58, vnitur, lege viuatur. p. 521, c. 2, l. 31, habitualement, lege habitudinem. p. 522, c. 2, l. 35,  
progederis, lege progredieris. p. 526, c. 2, præuenire, pro peruenire. p. 523, c. 1, l. 18, re-  
ciduum, lege recidiuum. p. 530, c. 1, l. 38, diſpoſitione, lege diuiſione. p. 531, c. 1, l. 26,  
mitantur, lege imitantur. ibidem, c. 2, l. 43, iuſtitia, lege iuſtitia.











5-2



